

apl.
Trinikon. 99,
599 und 604
fehlt nichts! F. R.

4° 1444
6 dln

Biner, J.

110419

ex libris Balthazaris Kauf

APPARATUS ERUDITIONIS

AD

JURISPRUDENTIAM

PRÆSERTIM

ECCLESIASTICAM,

in quo reviso, auctoque

Præter Juris Universalis Principia,

JUS NATURÆ, GENTIUM, DIVINUM,
APOSTOLICUM, & PONTIFICIUM, JUS SYNODALE

OECUMENICUM NATIONALE AC PROVINCIALE,

Unacum

Provinciarum ac Regnorum Ecclesiastico & Politico
Statu, Disciplina Ecclesiæ, Hæresibus exortis &c. continua Sæculorum
serie ad præsens usque tempus deductum, insertisque in hac præsertim
nova editione pro re nata multis observationibus criticis, ac
controversiis Juridicis, Publicis, ac Polemicis

METHODO HISTORICO-DOGMATICA

colliguntur, & brevi ac clara idea delineantur,

In Utilitatem eruditionis amantium, quibus vasta Conciliorum, Decretorum,
Historiarum &c. volumina perlegendi aut occasio aut tempus deficit,

AUTHORE

P. JOSEPHO BINER, S. J.

SS. Theol. & SS. Canonum Doctore, horumque in alma Cæsareo-Leopoldina
Universitate Oenipontana Professore Ordinario ac Publico.

PARS VI.

De Jure Synodali Provinciali, ac Provinciarum Statu

CUM FACULTATE SUPERIORUM AC PRIVILEGIO CÆSAREO.

* () () () () () () () () () () () () () *

Augustæ Vindelicorum & Friburgi Brisgoja,

Sumptibus Fratrum IGNATI & ANT. WAGNER Bibliop. MDCC LIV.

Ab Rosentretter
P. J. Biner
Herr
209
1757

Handwritten text, likely a signature or name, written in cursive script. The text is partially obscured by a large, dark, irregular stain or blotch.



CAPUT I.

De Jure Synodali Sæculi XIII.

Magnas rerum conversiones, lites & controversias multas, status Ecclesiastici atque Politici collisiones turbidas, hoc pariter sæculum exhibet. Paratum, quantum fieri poterat, per sacras Ecclesiarum Synodos remedium, atque in iis pro extirpandis hæresibus, tollendis abusibus, & reformanda Ecclesiastica disciplina, multi innovati & constituti canones.

Romanum Imperium ex fatali Philippi & Ottonis dissidio, ex turbulenta Friderici II. cum Ecclesia discordia, atque ex infelici illo Interregno emergens, faustis auspiciis ad Augustissimam Domum Austriacam translatus, vegetam florentemque ætatem induit, conspirante sacra & politica auctoritate ad excidium sceleris, ad disciplinæ decus, ad DEI cultum, & animarum proventum.

Gallia sub sancto Ludovici IX. Regno resflorescens, Tolosatum hæresin extirpat, atque per multas Synodos disciplinam sacramque jura restaurat.

Hispaniæ primum rursus sæculi dimidium sub Ferdinando III. Castellano & Jacobo I. Aragone faustum. Erepta Mauris corduba, Hispalis, Valentia, Baleares. Alterum infelicissimum, Castellanis in se ipsos furentibus, Aragoniis ad externa & longinqua bella abstractis, triumphante Saraceno, hoste domestico. Vigilabant tamen pro disciplina, quantum per turbas bellorum licuit, Ecclesiarum Pastores, congregati in Synodis.

Pars VI.

A

Anglia

Anglia turbata, in se ipsam armata, interdicta, sub infelici Joannis Regno, Principem exterum evehit in solium. At sibi redita reflorescit, Romanæ Ecclesiæ peculiari studio dedita, & per sacra Concilia exulta.

Polonia Tartarorum irruptionibus afflicta, domesticis tumultibus stridens, & frequenti Ducum suorum dejectione quassata, consultum nihilominus per sacros conventus rebus Ecclesiæ.

Daniam illustravit S. Ericus Rex. Turbavit verò ejus frater Christophorus, cum sua progenie, in Episcopos fremens. Qui adunatis Conciliis se opponunt.

In Suecia Archiepiscopalis Sedes stabilita Upsaliæ. Retracti Gothi à Græco schismate. Concubinatus Clericorum severè proscriptus, quæ distinctius sequens tabula exhibet.

SUMMARIUM.

Articulus I.

De Conciliis Germanicis.

§. I.

Prænotanda de Statu Germaniæ.

- | | |
|---|---|
| 1. <i>Philippus & Otto IV. certant de Imperio.</i> | 4. <i>Rudolphus I. Habsburgicus distractum componit Imperium.</i> |
| 2. <i>Friderici II. turbulentum Imperium.</i> | 5. <i>Impari passu sequente Adolpho Nassovio.</i> |
| 3. <i>Magnum Interregnum, pluribus æmulis coronam procantibus, ac discerpentibus.</i> | 6. <i>Albertus I. laceros artus rursus colligit.</i> |

§. II.

Status Ecclesiasticus per Concilia ordinatus in Germania.

- | | |
|--|---|
| 7. <i>Concilium Salisburgense, Moguntinum & Leodiense.</i> | 10. <i>Viennense Provinciale.</i> |
| 8. <i>Germanicum Nationale.</i> | 11. <i>Duo Salisburgensia.</i> |
| 9. <i>Coloniense I. & II.</i> | 12. <i>Herbipolense, Coloniense II. & Salisburgense IV.</i> |

Arti-

Articulus II.

13. *De Concilio Budensi in Hungaria.*

Articulus III.

14. *De Concilio Ravenmatensi in Italia.*

Articulus IV.

De Conciliis Gallicanis.

§. I.

Prænotanda de Statu Galliæ.

- | | |
|---|--|
| 15. <i>Philippus II. Ludovicum filium ad thronum Angliæ evebit, obfistente Pontifice.</i> | 17. <i>Observatio de prætenſa ejus ſanctione Pragmatica.</i> |
| 16. <i>Ludovici IX ſanctum Regnum, & ſacræ expeditiones.</i> | 18. <i>Philippi III. ejusque filii in Aragoniam prætenſio.</i> |
| | 19. <i>Philippi IV. initia.</i> |

§. II.

Concilia

20. *Celebrata in cauſa Raymundi Comitis Tolofani.*

§. III.

Status Eccleſiaſticus ordinatus per Concilia.

- | | |
|--|--|
| 21. <i>Parienſe I. Avenionenſe. Parisienſe II.</i> | 24. <i>Arelatenſe. Turonenſe II. Burdegalenſe.</i> |
| 22. <i>Monſpolienſe. Narbonenſe. Tolosanum.</i> | 25. <i>Turonenſe III. Salmurienſe. Caprinienſe &c.</i> |
| 23. <i>Rothomagenſe. Turonenſe I. Biterrenſe.</i> | 26. <i>Nannetenſe. Andegavenſe I. Pontodomarenſe. Andegavenſe II. Bituricenſe.</i> |

Articulus V.

Concilia Hispanica.

§. I.

Synopsis Historica.

- | | |
|---|--|
| 27. <i>Mauri ſæpe devicti à S. Ferdinando III. Caſtellæ Rege, qui</i> | <i>Cordubenſe & Hiſpalenſe eorum Regnum extingnavit.</i> |
|---|--|

28. *Et Jacobo I. Rege Aragoniæ; qui Baleares Insulas & Valentia Regnum Aragoniæ adjecit.* *sa fors Hispaniæ, Saraceno dominante.*
 29. *Ejus divortium turbas excitat; quæ in Concilio Ilerdensi sunt compositæ.* 31. *Alphonfi X. effigies.*
 30. *Altero rursus sæculi dimidio ver-* 32. *Bellum Navarræum & Siculum cum Gallis.*
 33. *Infelix divortium Lusitaniæ Regis.*

§. II.

Status Ecclesiasticus ordinatus per Concilia.

34. *Concilium Hispanicum.* 36. *Concilium Turiasonense irritum declarat matrimonium Jacobi Regis, filius tamen susceptus legitimus.*
 35. *S. Raymundus de Penna-forti à Præsidente Concilii ductus in Italiam Canones colligit.* 37. *Concilia plura Taraconensia.*

Articulus VI.

De Conciliis Anglicanis.

§. I.

Prænotanda de Statu Angliæ.

38. *Joannis turbulenta successio & Regnum, Gallis illud sibi vindicantibus.* *manæ Ecclesiæ. Ejus fata.*
 39. *Henricus III. patris exemplo clientelare obsequium præstat Ro-* 40. *Edvardus I. Regem Scotiæ vincit, & capit.*
 41. *Observatio in Historiam Matthæi Parisii.*

§. II.

Status Ecclesiasticus ordinatus per Concilia.

42. *Concilium Londinense absolvit Joannem Regem à sententia excommunicationis.* 43. *Oxonienſe, Londinenſe II. & Lambethenſe I.*
 44. *Londinenſe III. & Lambethenſe II.*

Articulus VII.

Concilia Polonica & Silesica.

45. *Schema rerum Polonicarum.* 46. *Concilia Polonica.*
 47. *- Silesica.*

Articulus VIII.

De Conciliis Daniæ.

§. I.

Schema rerum Danicarum.

- | | |
|--|--|
| <p>48. <i>Antiquus Status Daniæ.</i></p> <p>49. <i>Haraldus primus Rex Christianus.</i></p> <p>50. <i>Præsentio Imperii in Daniæ, & præsertim Slesvicensem Ducatum.</i></p> <p>51. <i>Mira Svenonis Regis fata, sub eo Daniæ ad fidem Catholicam conversa. Anglia subacta.</i></p> | <p>52. <i>S. Canutus Rex.</i></p> <p>53. <i>Lundensis Ecclesiæ in tribus Bo-realibus Regnis Primatus constitutus.</i></p> <p>54. <i>S. Ericus.</i></p> <p>55. <i>Turbæ Ecclesiasticæ sub Rege Christophoro I. & duobus Ericis, ejus filio & nepote. Interdictum Daniæ.</i></p> |
|--|--|

§. II.

Status Ecclesiasticus ordinatus per Concilia.

- | | |
|--|--|
| <p>56. <i>Concilium Slesvicense, & Othobienense.</i></p> | <p>57. <i>Danicum pro libertate Episcoporum.</i></p> |
|--|--|

Articulus IX.

De Conciliis Sveciæ.

- | | |
|--|---|
| <p>58. <i>Rudis adumbratio antiquæ Sveciæ.</i></p> <p>59. <i>Ejusdem ad fidem conversio.</i></p> | <p>60. <i>Concilium Lincopense, & Sche-ningense. Erectio Sedis Archiepiscopalis Upsalensis.</i></p> |
|--|---|

Articulus X.

61. Differtatio Juridica
De Decimis.

ARTICULUS I.

De Conciliis Germanicis Sæculi XIII.

§. I.

Prænotanda de Statu Germaniæ.

I.
Philippus
& Otto
IV.



b Henrici VI. morte aliquot annis Occidentis Imperium cum duo contenderent, neutrius fuit. A majori Principum numero electus fuit *Philippus*, non ut perperam scribit *Alexander Natalis*, Henrici VI. filius, sed frater, *Friderici Barbarossæ* filius. Huic se opposuit *Otto Dux Brunsvicensis*. Unde decennale bellum civile laceravit Germaniam, decumanis turbis sacra profana miscens: donec anno 1207. Principes cædibus ac ruinis patriæ fatigati, ea conditione pacem inierunt, ut *Otto Philippo* succederet. Occiso igitur anno sequenti *Bambergæ Philippo*, *Otto*, postquam juramento Ecclesiæ sua jura confirmaverat, ab *innocentio III.* Imperator est coronatus. Sed cum fide fracta vexaret Ecclesiam, excommunicatus, & ab omnibus ferme desertus fuit, atque Pontificis commendatione ei suffectus *Fridericus II.* Henrici VI. filius, *Dux Sveviæ & Rex utriusque Siciliæ*. *Otto* verò mœrore contabuit anno 1218.

2.
Fridericus II. infelix perturbatumque Imperium, ejusque exitiales cum Romanis Pontificibus discordias exposuit *part. 3. cap. 5. art. 5.* Imperator adolescens electus, avo ænobarbo pene per omnia factus est similis, 40. potestatis annos per utramque fortunam exercens, adversa est pressus, cum prospera malè uteretur. Lacescita sæpius Romana fulmina. A Pontificibus dejectis dejectus. Reconciliata cum illis gratia, *Palæstinam* adiit, magnis spebus Europæ, effectu modico. Obiit *Tarenti* anno 1250. ætatis 57.

Interea fluctuabat Imperium; quippe *Henricus Raspo*, Landgravius *Thuringiæ*, designatus clavo rerum, dum se illi expedit, victoque *Conrado*, *Friderici filio* victoriam urget, in obsidione *Ulmæ* vulneratus obiit anno 1248.

Huic altero post anno substitutus *Wilhelmus Hollandiæ Comes*, repugnante licet *Friderico*, adhuc tumultuante, & post ejus obitum *Conrado filio*, se tamen gerit pro Imperatore, donec anno 1256. pugnans contra *Frisios* occisus est.

Ortum

Ortum tunc, vel potiùs, inter incertos illos Imperatores, coronam discerpentes, continuatum fuit magnum illud *Interregnum*,^{3.} vacante Imperio ultra 20. annos, Electorum suffragiis inter *Richardum*, Regis Angliæ fratrem, & *Alphonsum X.* Castellæ Regem, distractis, atque Friderici II. liberis de Imperii fastigio malè contententibus, cum nec Regna avita bene defenderent, & cædibus mutuis in sese grassarentur.

At placuit tandem cælo propitio afflictæ undique per tot annos Germaniæ opem ferre, suffragiis Electorum in *Rudolphum Habsburgicum*, Basileam tunc obsidentem, conspirantibus. Debit is^{4.} virtuti suæ, ut imperaret, ac DEO Eucharistico; cui ad ægrum portato substravit equum, pedes ipse infecutus. A Christo crucifixo, quem sceptri locò exhibuit Principibus, fidem jurantibus, exorsus Imperium, pacem dedit Ecclesiæ, Italiam, Imperatorem eò usque frequentem scopulum, numquam persuasus, ut adiret. Et habuit uberem in Germania triumphorum messem. *Ottocarum*, Bohemiæ Regem Austriæ inhiantem armis adegit ad veniam, sublato spario, publicè petendam, jurandamque fidem. Iterumque novis viribus ferocem acie vicit, à gregario peremptem milite. Austriam subin, prætenso uxorio titulo possessam ab Ottocaro, ad Imperium reductam, *Alberto* filio in clientelam dedit unaque nomen Augustum toto orbe venerandum Augustissimæ Domui Austriacæ, tot deinceps Imperatorum Regumque Matri, tot Heroum Altrici, totique Germaniæ rebus in arctis præsidio.

Duabus porro rebus, præter Superum tutelam, Augustalem tam arduis temporibus firmavit Majestatem, bellica virtute, & affinitate. Decies & quater siquidem signis cum hoste, Bohemo, Helveto, & Burgundo, collatis, totidem palmas metens, *Victoriosi* nomen adeptus est. Atque ut pacis etiam artibus circumdaret potentiæ robur, & securitatem, septem filias Principes vicinis totidem magnis Principibus collocavit, his pactis nuptialibus Palatinatu, Saxonia, Marchia Brandeburgica, Bavaria, Hungaria, Bohemia, Clivia, affinitate sibi junctis, & totidem velut fidei obsidibus pacem domesticam firmantibus.

Natus est mundo magnus hic Imperator Habsburgi in Helvetia anno 1218. electus Cæsar anno 1273. obiit, vita immortalis dignissimus, anno 1291. Imperii 18. ætatis 73.

Filium superstitem reliquit unicum, *Albertum*, & ex Rudolpho altero filio, jam præmortuo, nepotem Joannem, Sveviæ Ducem. Et successisset haud dubiè filius Albertus tanto patri, nisi Mogun-

5. Moguntinus, astu delusis Electoribus, *Adolphum Nassoviæ Comitem*, propinquum suum, votis reliquorum sibi permissis, Cæsarem dixisset.

Gessit *Adolphus* Imperium cum Majestatis tantæ dedecore. Accepta quippe ab Eduardo Angliæ Rege magna auri vi, stipendiariam eidem militiam promissit adversus Philippum Pulchrum. At fracta fide, Regis utriusque iram, Germanorum verò Principum contemptum incurrit, præsertim ubi ejus culpa Imperium in antiquas suas ruinas, hoc est, in promiscuas cædes, incendia, dirptiones, rapinas, stupra, relabi visum est.

Exhaustorato igitur indigno Capite, Principes Electores *Albertum I.* substituerunt, ut Rudolphi patris exemplo sisteret ruinas, & victrices instauraret palmas. Pigebat *Adolphum*, privatum vivere. Quare commissio ad WORMATIAM cruento prælio, ab Alberto tandem dejectus equo, victusque occubuit, anno 1298. Imperii 6.

6. *Albertus I.* *Albertus* igitur laureatum auspicatus Imperium, quod decem annis, subactis, qui caput efferebant, hostibus, fortiter administravit, à *Joanne*, Rudolphi fratris filio, quodd Suevicas ejus provincias diutius pro tutore teneret, Badenam inter & Rheno-feldam impiè ac perfidè est interemptus, anno 1308. Imperii 10. vita ampliore multò dignissimus. In loco cædis exstructum dein ab Elisabetha Imperatrice vidua celebre Monasterium Königsfeldense. Eschenbachius, ex tribus conspirationis sociis unus, 35. annis in Wirtembergia pecorum custos latuisse scribitur.

Alberti tempore initium datum Helvetorum Reipublicæ: dum enim Præfecti gravius eos vexarent, initio inter tres Sylvestres, ut vocant, communitates fœdere, propulsare cœperunt injuriam. Atque deinceps à parvis istis initiis increvit 13. Cantonum Respublica, potentissimos inter populos hodiedum illibata.

Conjugem habuit Elisabetham, ex qua ultra 20. liberos genuit. Habuit hæc matrem Agnetem, aviam maternam Gertrudem, Friderici Bellicosi, ultimi antiquæ Austriæ Ducis ex fratre seniore neptem. Hæc proin Elisabetha, Friderici Bellicosi pro-neptis, Alberto I. nupta antiquiorem Austriacorum sanguinem cum recentiori conjunxit, fœcunditate in hanc usque diem propagata: gloriâ magnâ Tyrolis, quia eadem Elisabetha filia fuit Mainhardi, Comitum Tyrolis: qui proin omnium ab Alberto I. Archiducum Austriacorum per hanc Elisabetham fuit parens.

§. II.

Status Ecclesiasticus per Concilia ordinatus.

Ex *Hansizii Germania sacra tom. 2. pag. 322.* constat, circa initium Sæculi XIII. in *Synodo Salisburgensi* deliberatum esse de subsidio pro defendenda terra sancta, prout paulò antè in Concilio Lateranensi fuerat decretum.

In *Concilio Moguntino*, quod anno 1225. contra Simoniacos potissimum & concubenarios Clericos est celebratum, Præsides legato Apostolico, Patribus congregatis fuit exhibitum corpus S. Engelberti Colonienfis Archiepiscopi, recens interempti à Friderico Isenburgenfi Comite, cognato suo: adversus quem Essediensis Ecclesiæ jura tuebatur. Excommunicatus propterea Fridericus à Concilio, cum omnibus, qui auxilium vel consilium ad eadem illam dederant.

Anno sequente in *Leodiensi Concilio* accusati sunt Theodoricus Monasterienfis Episcopus. & Engelbertus Osnabrugensis, Friderici fratres, tum de aliis criminibus, cum etiam de eade S. Engelberti Martyris. Depositi proin ab Officio & Beneficio, Romamque missi ad summum Pontificem.

Orti sunt hoc sæculo in Germania hæretici, qui *condormientes* dicti sunt, magicis præstigiis infames. Alii verò *fladingi* infandis flagitiis conspurcati, damnati sunt in *Synodo Moguntina*, pluribusque in locis ignibus exusti.

Germanicum Concilium anno 1225. Præsides Apostolicæ Sedis legato statuit pœnas in Clericos incontinentes. Per mensem ab ingressu Ecclesiæ prohibet Judices Ecclesiasticos, qui excommunicationis sententia aliquem damnarent, non præmissa monitione. Clerici, in excommunicatione vel suspensione ministrantes sine spe restitutionibus ab Officiis & Beneficiis deponantur, sintque infames & intestabiles. Qui coram excommunicatis publicè celebraverit, simili pœna plectatur. Si Episcopus quem excommunicavit, eum vicinis Episcopis denuntiet, ut vitetur. Excommunicantur Patroni, qui ex decimis, vel aliis Ecclesiæ proventibus sibi aliquid ex pacto retinent. Clerici ejusmodi Simoniacam præsentationem acceptantes Officio & Beneficio privantur: ac deinceps ad illa sunt inhabiles, nisi cum eis à Sede Apostolica fuerit dispensatum.

Nullus ab Episcopo vel Archidiacono ad curam animarum admittatur, nisi juraverit, se in adeptione Beneficii nullam commi-

fisse Simoniam. Parochialibus Ecclesiis præfiantur Vicarii perpetui assignata congrua portione.

9. *Concilium Colonienſe I.* Provinciale anno 1260. præter cenſuras in carcerem mitti præcipit Clericos concubenarios, negotiatores. Simoniaci Beneficia dimittant. Clerici legere ſaltem & cantare ſciant. Ordo in choro obſervandus. Officium Defunctorum cantandum. Martyrologium legendum. Clericis reſidendum.

Concilium Colonienſe II. Provinciale, celebratum, anno 1266. conſtituit, ut incurrant excommunicationem, qui manus violentas inferunt Clericis; item incendiarii; effractores Eccleſiarum; prædones, fraudatores decimarum, etiam Novalium; milites bona Eccleſiaſtica invadentes; raptores rerum morientium Clericorum; exigentes telonia à Clericis; trahentes Clericos ad iudicium ſæculare; occupantes aut arreſtantes bona Eccleſiaſtica; Iudices Eccleſiaſtici, qui laicis, contra Clericos agentibus, non adminiſtrant juſtitiam; impediētes juřiſdictionem Eccleſiaſticam. Si quis ultra annum in excommunicatione perſtiterit, terra illius ſupponatur interdicto, & brachium ſæculare à tota Synodo contra eos imploretur. Si autem quis in loco interdicto celebraverit, eſt irregularis, & ſi intra 15. dies non ſatiſfecerit, ipſo facto incurrat excommunicationem.

10. *Concilium Viennēſe* in Austria, Archidiœceſis Salisburgenſis, Præſide Guidone Cardinale & Apoſtolico legato, à Comprovincialibus Episcopis, Paſſavienſi, Friſingenſi, Ratiſbonenſi, Brixinenſi, & Laventino, multisque Abbatibus, Præpoſitis & Decanis, celebratum anno 1267. multos edidit Canones. Magis memorabiles ſunt: Viſitatores ſubditos in viſitatione ne gravanto. Concubinarij Beneficiis privantur. Detinētes bona Eccleſiaſtica, aut Clericis vim inferentes, pro excommunicatis habentur. Clerici plura Beneficia curata ſine diſpenſatione ne poſſidento. Si pertinaces fuerint in retinendis, omnibus privantur: uti etiam, ſi tribus menſibus Clerici in excommunicatione perſiſtunt.

Omnes uſurarii excommunicantur: uti etiam Clerici, qui contra correptionem ſuorum Prælatorum auxilium brachii ſæcularis implorant, vel potentum preces armatas. Patroni, Advocati, Iudices, bona Clericorum decedentium ne occupanto. Jure Patronatus privator, qui propria auctoritate Clericum inſtituit: cū inſtitutio ad Episcopum vel Archidiaconum pertineat. Eandem pœnam ſubeunto Patroni, qui dotem Eccleſiæ alienaverint. Curati ad Reſidentiam ſubtractione fruſtuum compelluntur. Sa-

lisbur-

lisburgenſi Provinciæ Epifcopi, aſſumptis ſecum duobus Abbati-
bus Cifterciensibus Monachos ad S. Benediſti Regulam reforman-
to. Denique prohibetur Abbatibus, ne ſacros calices, patenas,
aut ſacras veſtes benedicant aut conſecrent, aut alia munia Epiſ-
copalia obeant, niſi à Sede Apoſtolica ſpeciale privilegium ha-
buerint.

Concilium Salisburgenſe II. Provinciale anno 1274. Canones prædictos Concilii Viennensis confirmavit, & Canones Concilii Lugdunensis II. promulgavit: additis 20. aliis novis, quibus conſtituitur, ut Abbates Benediſtini ſingulis annis capitula Provincia-
lia celebrent. Ut Monachi fugitivi revocentur, & enormiter de-
linquentes carceribus mancipentur. Ut non facilè ad alia mona-
ſteria mittantur, aut tranſire permittantur. II.

Plura habentes Beneficia, contenti ſint ultimò obtento: niſi
probenſ, ſecum eſſe diſpenſatum. Qui non reſident in loco bene-
ficii curati, aut ſtatuto à Canonibus tempore non ſuſcipiunt Ord-
ines, quos Beneficium requirit, fructus non percipiant. Aleatores
Clerici ſuſpendeduntur à Beneficio. Vir aut ſæmina Religioſam ve-
ſtem non induat, niſi in Ordine approbato. Vagis ſcholaribus
nihil erogetur. Dies feſti Patronorum Eccleſiæ Salisburgenſis,
S. *Ruperti*, S. *Virgilii*, & S. *Auguſtini*, per totam Provinciam cele-
brentur ſolenniter, feriando ab omni opere ſervili. Religioſi ne
eligant Confeſſarium extra ſuum Ordinem, abſque Prælati ſpeciali
licentia. Et qui ſæcularem poteſtatem adverſus correſtionem ſuo-
rum Superiorum invocaverint, in carcerem mittantur. Advocati
Eccleſiæ ab ejusdem vexatione abſtineant.

Salisburgenſe III. Religioſis præcipit jejunium à feſto S. Marti-
ni uſque ad Nativitatem, quadrageſimale verò à quinquageſimæ
Dominica. Vetatur pluralitas Beneficiorum curatorum: grava-
mina ſub velamento Advocatiæ inferenda Monafteriis & Eccleſiis.
Qui violenta ſanguinis effuſione Eccleſiam vel cæmeterium execra-
verit, ad ſumptus pro reconciliatione faciendos condemnetur.
Falfarii excommunicantur.

Concilium Herbipolenſe Nationale Germaniæ, anno 1287. cele-
bratum ab Epifcopo Tuſculano, Sedis Apoſtolicæ per Germaniam
legato, præſentibus Archiepiſcopis, Moguntino, Colonienſi, Salis-
burgenſi, multisque Epifcopis, Abbatibus &c. actum de vita &
honeſtate Clericorum. De excommunicatione intruſorum in be-
neſicia, & privatione fructuum. De pœna eorum, qui citra ne-
ceſſitatem eadem die duas Miſſas celebrant. 12.

Oppignorationes rerum Ecclesiasticarum ne fiant, extra casus in Jure expressos. Ad Parochiam nullus promoveatur ante 25. ætatis annum. Si Patroni intra statutum tempus non præsentent, pro ea vice cadant. Interdictum omnes etiam Regulares fervent. Pro benedictione nuptiali & sepultura nihil exigatur, salvâ tamen laudabili locorum consuetudine. Beneficia de manu laica accepta resignentur in manus Episcopi, aut ejus, ad quem collatio vel institutio pertinet. Episcopi singulis annis vel saltem intra biennium totam Diœcesin visitent, Sacramentum confirmationis conferant &c. Conservatores Monasteriis à Papa concessi potestatem sibi datam non excedant. Alia multa repetuntur, quæ in superioribus jam sunt memorata.

Concilium Colonienſe anno 1280. præclaros 18. Canones edidit, de vita & honestate Clericorum: de directione Fidelium, septem Sacramentis, sacris sepulturis, & contra cohabitationem Clericorum cum mulieribus.

Cùm anno 1291. civitas *Acra* (quæ etiam *Acon*. *Acharon*, & *Ptolemais* dicitur) sicque res christiana in Syria & Palæstina penitus concidisset, Nicolaus IV. Papa, Concilia provincialia ubique celebrari voluit, ut in iisdem deliberetur, quam ratione terræ sanctæ subveniri possit.

Concilium Salisburgenſe rescripsit Papæ; cùm Christianorum discordia optimè cœpta hætenus everterit, consultum videri, ut ineatur ratio concordiae, & præsertim tres Ordines Equitum, Hospitaliorum, Templariorum, & Teutonicorum, inter se adeò discordes, in unum Ordinem redigantur. Invitandum etiam Regem Romanorum aliòsque Principes, ut novam expeditionem suscipiant. Sed morte Nicolai spes omnis intercidit.

ARTICULUS II.

Concilium Budenſe in Hungaria.

13. Celebratum anno 1279. Præside legato Pontificio, statuit, ut Episcopi, ex Religiosis Familiis assumpti, sui Ordinis habitum deferant. Clerici judiciis criminalibus ne intersint. Parochi per se ipsos Ecclesiæ serviant. Omnes, Beneficium curatum adepti, intra annum Presbyteratûs Ordinem suscipiant, sub pœna amittendi Beneficium.

Sacræ Reliquiæ extra capsam ne ostendantur, neque vendantur, aut novæ venerationi exponantur: nisi prius à Romano Pontifice sint approbatæ. Res Ecclesiæ ne dentur pignori sine necessitate Ecclesiæ, ac licentia Episcopi; multò minus donentur: donationem esse irritam. Parochiani Dominicis festisque diebus in Parochiali Ecclesia ad Sacra conveniant, nec alibi Sacramenta percipiant, secluso privilegio.

Archidiaconi per Hungariam & Poloniam non instituantur, nisi per triennium Juri canonico studuerint. Causæ matrimoniales Juris peritis committantur. Absentes à rebus Divinis stipendiis careant. Publici concubinarij ab ingressu Ecclesiæ arcentur. Ne quis domum aut alias possessiones locet, vendat, vel donet infamibus. Excommunicati ad agendum, patrocinandum & testificandum sint inhabiles. Exceptionem rei judicatæ per Judicem Ecclesiasticum in causa Ecclesiastica, à sæculari Judice admittendam: & vicissim.

Ecclesiastici Judices & sæculares mutuo sint sibi auxilio ad frangendam contumaciam delinquentium. Censura percelluntur, qui appellationes ad Superiores, & maximè ad Sedem Apostolicam impediunt.

Ecclesiarum & Clericorum immunitas à tributis, pedagiis, vestigalibus rata esto. Excommunicationis & Interdicti sententiæ, à Prælatis latæ, ab omnibus observantor.

Plura alia sancita sunt, de disciplina monastica, de excommunicatione eorum, qui agros & vineas depopulantur; qui bona Ecclesiastica diripiunt.

ARTICULUS III.

Concilium Ravennatense in Italia.

Provinciale hoc fuit, anno 1286. celebratum. Novem id promulgavit Canones: quorum hæc summa.

14.

Nullus clericus histriones recipito. Dantibus eleemosinam Indulgentiæ conceduntur. Ad Parochiam promoti intra annum consecrantor: aliàs jure quæsito privantor. Quotidianarum distributionum illi duntaxat participes sunt, qui horis canonicis intersunt, pro rata suæ præsentiae. Nolentes solvere decimas excommunicantor. Statuta, libertati Ecclesiæ pugnancia abrogantor & delentor. Talium conditores excommunicati sunt.

Denique recensentur *Casus Reservati* Provinciæ Ravennaten-
sis. Quales sunt: confessio facto excommunicato sacerdote. Cri-
men publicum, ut blasphemia. Oppressio filiorum, etiam casu
facta. Homicidium, sacrilegium, fortilegium, crimen falsi, vio-
latio immunitatis Ecclesiasticæ, bestialitas, incestus, corruptio
monialium, perjurium, matrimonium clandestinum, violatio voti,
qualitercumque emissi.

ARTICULUS IV. De Conciliis Gallicanis.

§. I.

Prænotanda de Statu Galliæ.

15. *Philippus II.* Rex Galliæ, quem Galli *Augustum* cognominant, Re-
gumque Francorum post Carolum M. maximum, recepta le-
gitima conjuge Ingeburga, quam 16. ante annos repudiaverat,
Normanniam 316. annis à Gallia avulsam armis recepit, & Aqi-
taniam invasit. Altero post anno bellum Belgicum confecit, Ot-
tone IV. Imperatore & Comitibus Flandriæ ad Bovinas, Torna-
cum inter & Insulas prælio superatis.

Aggressus dein iterum est Philippus Joannem Angliæ Regem
in Pistavia. At ille causam de violata pace & juramento ad Inno-
centium III. detulit: qui legatum misit, ut de belli justitia judica-
ret, indignante Gallo, & victoriam sibi eripi è manibus conque-
rente. Cumque haud multò post Angli à Joanne Rege suo desi-
cerent, & Ludovicum Philippi filium Regem peterent, Inno-
centius III. Philippum & Ludovicum ab invadenda Anglia, & Joanne,
Ecclesiæ jure clientelari subiecto, abstertere conatus est. Philip-
pus respondit, Regnum Angliæ patrimonium Petri nunquam fuisse,
nec esse, nec fore unquam; cum nullus Rex Regnum suum sine
consensu Baronum possit alteri dare, vel facere tributarium, mul-
tòque minùs Ludovico filio suo electo & coronato jus in Angliam
eripi posse. Multam hæc controversia quæstionem tunc excita-
vit, & etiamnum excitat inter criticos, de potestate Pontificis in
temporalia Principum bona disputantes. Obiit Philippus anno
1223. Regni 43. vitæ 57.

16. *Ludovicus VIII.* filius successit, postquam ab Anglis rursus
expulsus fuit: qui tamen, ultra tres annos non regnavit, qua-
tuor

tuorrelinquens filios; quorum duo ad posteritatis memoriam sunt *ci VIII.*
celeberrimi, Ludovicus Sanctus, & Carolus, Siciliæ & Neapolis *& IX.*
postmodum Rex.

Ludovicus IX. duodecim annorum puer Regnum adiit, sub
tuteh & institutione pientissima matris Blanca, eximia virtute sæ-
mina, quæ non tantum domi sancta, sed fortis etiam foris, Prin-
cipum seditiosos motus, tutelam Regis ei invidentium, arte &
marte fregit.

Sui Juris factus Ludovicus finiti belli Albigenfis, & hæreseos
prostrata gloriam tulit. Leges promulgavit sanctissimas, libertati
Ecclesiasticæ, Sacerdotum venerationi, morumque emendationi
sedulo consulens. Anglis prælio victis, anno 1248. accepta à
Parisiensi Episcopo cruce, Regnique administratione matri credi-
ta, sacram expeditionem suscepit, comitantibus tribus fratribus,
multisque Episcopis ac Nobilibus.

In Ægyptum felici vento delatus Damiatam Saracenis eripuit.
Magna dein gemino in prælio edita hostium strages. At inopia &
morbis attrito exercitu captus est à Saracenis Rex cum fratribus &
flore nobilitatis. Redemptus verò reddita Damiatam & oblata pe-
cunia, quinque annos in Palæstina ac Syria sanctè transegit.

Regressus in Galliam Regnum sanctissimis institutis ordinavit,
scelerumque licentiam severis pœnis coercuit. Pacem cum An-
glo & Aragonio constanter coluit, cedens huic Ruscinonensem
comitatum, Aquitaniam illi.

Tandem anno 1269. alteram in Orientem adversus Sarace-
nos expeditionem suscipiens, ad Tuneti littora morbo correptus
sanctissimè obiit, anno 1270. Regni 44. ætatis 55. Philippo filio
moriens præclara documenta, propria manu scripta reliquit, qui-
bus ei præcepit, ut pauperum curam gerat, subditis pacem con-
cedat, ad Beneficia Ecclesiastica idoneos præsentet, de consilio spiri-
tualium virorum, officiales constituat viros integros & probatæ
fidei. Denique subdit: *sis devotus & obediens matri nostræ Romanæ
Ecclesiæ, & summo Pontifici tanquam patri Spirituali. Omne peccatum
de terra tua removeatur, maxime blasphemia & hæresis.*

Circumfertur etiam quædam sancti Ludovici Sanctio *Pragma-* 17.
tica, qua statuisse dicitur, ut Ecclesiarum. Prælati, Patroni, *De san-*
& Beneficiorum collocatoribus ordinariis jura sua integra serven- *ctione Lu-*
tur, ut liberæ sint Ecclesiarum electiones. Simonia eliminetur. *dov. IX.*
Provisiones beneficiales secundum Juris communis dispositionem
fiant. Libertates ac privilegia Ecclesiis & monasteriis concessa,
rata

rata firmaque maneant. Additurque articulus, quò vetatur, ne curia Romana exactiones pecuniæ in Ecclesia Gallicana faciat.

Verùm plures eruditi hanc sanctionem supposititiam esse censent, præsertim quoad articulum illum de prohibitione exactionum: tum quòd nullus coævus scriptor illius meminerit, præter Matthæum Parisium, cui tamen, in Romanos Pontifices scribenti, modica fides sit adhibenda: tum quòd articulus ille sit alienus à sancta Ludovici indole, & erga Romanum Pontificem observantia, alienus item à temporis illius usu, cùm pro terræ sanctæ necessitatibus plures per Galliam exactiones sint factæ, & quidem consentiente Rege. Præsertim igitur articulum illum de exactionibus esse supposititium, tum ob rationes insinuat, cum quia in pluribus exemplaribus & editionibus illius sanctionis omnino non exstat. Cæterum ex quinque S. Ludovici filiis memorabilis est natus minimus, *Robertus*, Dux Claremontanus, qui ducta Beatrice Borbonia. Domus Borbonicæ parens fuit.

18.
Philippus
III.

Philippus III. Audax patri succedens, pace cum Tuneti Rege composita, in Galliam rediit, ossa S. Ludovici secum devehens, quæ in templo S. Dionysii magna cum veneratione sunt condita. Monachi tamen monasterii januam non antè aperuerunt, quàm Senonensis Archiepiscopus & Episcopus Parisiensis ornamenta Pontificalia & Jurisdictionis insignia deposuissent.

Iustus patri persolutis Philippus Regni habenas capeffens, Toloſani comitatus possessionem adiit; Armeniacum & Fuxensem Comites rebelles compescuit. Ducto in Navarram exercitu Pampeleonam expugnavit. Privato subin Andegavenſi per ſiculas veſperas Siciliæ Regno, Petrus Aragonius illud occupavit, quem Martinus IV. anathemate percusſum Aragonici etiam Regni jure excidiſſe declarat, illudque Carolo Valesio Philippi Regis filio confert. (Inde Gallorum olim prætenſio in Aragoniam) Philippus igitur bellum Aragonicum pro filio decernit pluresque urbes capit. Petro autem Aragonio ex vulnere defuncto, etiam Philippus in Galliam rediens, ipſo in itinere Perpiniani morbo extinctuſeſt anno 1285. Regni 15. vitæ 40. oſſa ad S. Dionysium translata, cor ad S. Jacobi Prædicatorum templum. Tres filios reliquit, omnes memorabiles, quia totidem ſtemmatum propagatores, Philippum in Gallia Regno ſucceſſorem, Carolum Comitem Valesii, Domus Valesiæ auctorem, & Ludovicum Eboricæ Comitem, cujus poſteri facti ſunt Navarræ Reges.

Philip.

Philippus IV. Pulcher Primogenitus, Remis pro more ab Archiepiscopo inunctus & coronatus, diuturnum adversus Belgas bellum suscepit, Belgii amœnitate & propinquitate jam tum Gallo salivam movente. Vario Marte pugnatum. Favit initium & finis Gallis, medium Belgis, & Anglis, Belgio succurrentibus. Nam Gallus jam expugnaverat Insulas, Cortracum, Duacum, Furnas, Brugas & Gandavum. Cum in pugna Cortracensi cæsis Gallorum viginti millibus, Flandria rursus fuit amissa. At biennio post cæsis ad Audomaropolin Belgis, pace inita, Insulæ, Duacum, & Bethunia Gallo permissæ sunt.

19.
Philippus
IV.

Pacem etiam cum Anglo Philippus confecit, relicta illi, beneficiario tamen jure, Aquitania. At dum profanam pacem sanxit, diuturnum Ecclesiæ bellum indixit, adversus Bonifacium VIII. susceptum, quod cum ad sequens sæculum pertineat, eò narrationem illius differimus. Ad hoc verò sæculum pertinet causa Raymundi comitis Tolosani, Albigensum hæreticorum aut affecclæ aut patroni.

§. II.

Concilia celebrata in causa Raymundi Comitis Tolosani.

Hoc sæculo in Gallia maximè grassabatur hæresis truculenta *Albigensum*, cujus fautor potissimum erat *Raymundus*, comes Tolosanus, ac Dux Provinciæ, jam sæpius diris devotus. Cum autem ditiones suas cuilibet occupanti concessas cerneret, & sacri belli, *Albigenfibus* indicti, ingentem apparatus formidaret, simulata pœnitentia suos ad Innocentium III. Pontificem legatos misit, qui nomine suo caverent, sponderentque, se in Ecclesiæ potestate deinceps fore, & imperata facturum.

20.

Misit Pontifex Milonem, Apostolicum suum Nuntium in Gallias; qui convocatis Episcopis *Concilium Montilienfe* in Provincia Narbonensi indixit, anno 1209. citatus ad hanc Synodum Raymundas, pœnitentis speciem præferens, in omnibus mandato Romanæ Ecclesiæ statutum se juramento confirmavit, traditis etiam quibusdam locis munitis in pignus fidei. Tum verò ab hæresi & censuris Ecclesiasticis est absolutus.

Non stetit perfidus & perjurus promissis, sed hæreticos in terris suis protectione fovere perrexit. Anno igitur sequente in *Concilio Aegyiano* rursus communione Fidelium est motus; ac

contra eum duce Comite Simone Montfortio sacrum bellum susceptum. Spoliatus in hoc urbibus omnibus, præter Tolosam & Montem Albanum, ad Petrum II. Regem Aragoniæ fugere est compulsus. Initoque cum hoc fœdere ingentem adversus Monfortium & cruce signatos Albigenfium & Aragonum duxit exercitum: commissaque inaudita illa pugna, de qua *part. 3. cap. 5. art. 4. §. 5.* mentionem fecimus. Cæsus in acie Arago, amissis suorum viginti millibus.

In *Concilio* deinde *Montepessulano* omnes ditiones Raymundi Tolosani invicto heroi Montfortio sunt attributæ: confirmantibus *Concilio* sententiam Pontifice ac Rege Franciæ. At anno 1218. Montfortius, cum Tolosam, à Raymundo, ex Hispania reduce, receptam fortiter oppugnaret, quinque sagittis confixus occubuit.

Successit tum ei quidem filius *Almaricus*, sed Raymundus Junior, simulata pœnitentia & fide catholica multum ei negotii successivit, bona ac terras parenti ablatas repetens. Pluribus in *Synodis* ea res partem inter utramque est disceptata, ut in *Parisiensi* & *Montepessulano* anno 1224. & in *Bituricensi* anno 1225. donec anno 1226. Raymundus cum suis Albigenfibus rursus fuit anathemate illigatus in *Concilio Parisiensi*, atque ditiones ipsius Ludovico VIII. Galliarum Regi sunt traditæ, Almarico cedente ultro jure suo, quod tueri non poterat, atque in aula regia ad summam post Regem dignitatem eveſto.

Ab eo tempore, succedente præsertim S. Ludovici industria ager Tolosanus purgatus cultusque reſloruit: aratro tamen proſcindendus, hoc est, ferro subigendus, bello acerrimo contra Raymundum & Albigenſes geſto: usque dum anno 1228. in *Synodo Meldensi* Raymundus pœnitens, atque ad Ecclesiam reſerſus, potiſſimas ſuas terras recepit, data filia ſua in matrimonium Alphoſo S. Ludovici fratri.

Ut autem hæreſis ex ima radice exſcinderetur certiùs, & in futurum caveretur ſecuriùs, anno 1229. in *Concilio Tolosano* inſtituta eſt *Inquiſitio* in hæreticos & de hæreſi ſuſpectos, præſente legato Apoſtolico.

§. III.

Status Ecclesiasticus per alia Concilia ordinatus
in Gallia.

Vix apud ullam Nationem plura inveniuntur celebrata Concilia. Sive quòd in Gallia re ipsa fuerint plura celebrata, sive quòd diligentius fuerint annotata & collecta, atque ad posteritatis memoriam transmissa. Unde etiam hoc sæculo multa ibidem recensentur habita. Nos præcipua summatim perstringimus. 21.

Et primò quidem *Parisiense Concilium* anno 1209. in triennium prohibuit Physicam & Metaphysicam Aristotelis: quia putabatur quibusdam erroribus occasionem dedisse.

Concilium Avenionense anno 1209. à legatis Innocentii III. habitum, præsentibus quatuor Archiepiscopis, Viennensi, Arelatenfi, Ebrodunensi, & Aquensi, cum 20. Episcopis, multisque aliis inferioribus Prælati.

Decretum, ut fides diligenter prædicetur. Hæretici bonorum etiam confiscatione puniantur. Usurarii excommunicantur. Judæi ad remittendas usuras compellendi: item ad cessandum ab opere diebus Dominicis & festis; ad temperandum à carnibus diebus abstinentiæ. Decimæ dandæ de omnibus bonis, non deductis expensis: non obstante quavis præscriptione, titulo aut consuetudine. Nulli laico perpetuò concedenda decimarum collectio: neque ex ejusmodi concessione jus aliquod sibi vendicent.

Ecclesiis & Clericis nullæ exactiones imponantur. Electioni Episcopi & aliarum personarum Ecclesiasticarum laici se non immisceant. Neque ratione electionis aliquid exigant. Ad vacantes Ecclesias patronatas intra sex menses fiat præsentatio; aliàs jus provisionis pro hac vice ad Episcopum devolvitur. *Parisiense* anno 1212. à legato Pontificio celebratum statuit, ut de distributione nihil participent, qui non integro officio Divino interfunt. Clericis interdicit canibus venaticis, equis more sæculari phaleratis. Focarias suis domibus expellant, sub pœna suspensionis ab officio & Beneficio. Ne nimia anniversariorum copia se onerent. Nullus confessiones excipiat, si non habeat jurisdictionem ordinariam, aut delegatam.

Interdicitur dismembratio aut divisio Beneficiorum. Decanatus rurales ne conferantur pretio. Sub excommunicatione prohibetur pluralitas Beneficiorum curatorum. Pro docendi licentia nihil exigatur.

Ante 18. ætatis annum nullus Religiosam Professionem emit-
tat. Ratione Nationis nullus monasterii ingressu prohibeatur. Nul-
lus Religiosus in alio cœnobio suscipiatur, sine Prælati proprii li-
centia. Chirothecas albas Monachi ne gestent, aliæque sæcularem
morem aut fastum redolentia. Monachus in villa aut Parochia
expositus habeat socium.

Usurarii declarantur, qui carius aliquid vendunt propter di-
latam solutionem. In mensa Prælatorum, saltem initio illius &
fine, sacra lectio habeatur. Ne præcípites censuras ferant Præla-
ti. Ne multis tantum pecuniariis puniant. Neque pro remitten-
da trina denuntiatione ante nuptias pecuniam exigant. Abroga-
tur denique *festum fatuorum*, quo ludicrè Episcopum, aut Abbatem
plebs eligeat, ac vestibus & insignibus Pontificalibus induerat ca-
lendis Januarii.

22.

Monspeliense ab Apostolicæ Sedis legato convocatum anno
1214. decrevit, ut Episcopi veste talari & superpelliceo induti in
publicum prodeant. Ne Canonici aut Clerici utantur veste rubri
vel viridis coloris. Ne pignora pro mutuo accipiant, ut fructus
pignorum lucrentur; nec alias usuras, aut negotiationes exercent.

Nulli laico Beneficium Ecclesiasticum conferatur. Regulares
ne sint proprietarii. Neque certa pecunia pro vestitu illis viritim
detur. Pro receptione in ordinem nihil paciscantur. Ne sint Ad-
vocati in causa aliena. Canonici Regulares amplas coronas ge-
rant, Monachi amplissimas. Canonici Regulares superpelliceis
semper utantur.

Narbonense Provinciale anno 1227. iussit executioni dari le-
gem Ludovici VIII. ut, qui post trinam monitionem se excommu-
nicari permiserit, pecunia mulctetur: ejus verò bona, qui integro
anno in excommunicatione perstitit, in commissum cadant. Præ-
terea statuit, ut testamenta semper condantur coram Parocho &
viris Catholicis. Perjuros & falsos testes excommunicatos, infame-
s, & intestabiles declarat.

Qui post pubertatem adeptam semel in anno confiteri negle-
xerunt, vivi ab Ecclesiæ aditu arceantur, & mortui Ecclesiastica
careant sepultura. Publici usurarii, incestuosi, concubinarij,
adulteri, raptores, testamenti suppressores, singulis diebus Do-
minicis publicè in Ecclesia excommunicentur. Regulares aliique
Clerici causas non agant in foro sæculari, vel Ecclesiastico, nisi pro
suis Ecclesiis, & personis miserabilibus, & de Prælati sui expressa
facultate.

Clerici

Clerici neque ratione patrimonialium *tallientur*, seu onerentur exactionibus: Ecclesiastica, si opus sit, censura intentata. Inquisitores hæreticæ pravitatis diligenter investigent. Raymundus Tolosanus alique hæretici publicè denuntientur excommunicati: & expositi cuilibet occupanti tam in rebus quàm personis.

Tolosanum à legato Apostolico celebratum anno 1228. in singulis Parochiis iussit constitui Inquisitores (in Albigeneses hæreticos) unum sacerdotem cum duobus vel tribus laicis. Aliæque statuta sunt, quæ jam aliàs memoravimus.

Rothomagensè Provinciale anno 1231. sancivit; ne Prælatus 23. mutuam accipiat pecuniam sine consensu capituli. In ferendis censuris sint moderati. Concubinæ Presbyterorum publicè in Ecclesia tondeantur. Causæ Ecclesiasticæ ne tractentur in foro sæculari. Monastice professi vivant secundum S. Benedicti regulam.

Turonensè I. Provinciale eodem anno sancivit, ut matrimonia clandestina dirimantur (*igitur in Provincia Turonensi Clandestinitas jam tunc fuit impedimentum dirimens*) Decani rurales non arrogant sibi causas matrimoniales propria auctoritate. A curatis juramentum exigatur, quòd pro Beneficio obtinendo nihil ab ipsis vel ab aliis fuerit datum aut promissum. Ad personalem residentiam compellantur. Ne fiat Ecclesiarum vel Præbendarum sectio. Ne in Ecclesia Cathedrali aliqui instituuntur ad Præbendam vacaturam. Usurarii excommunicantur, donec usuras restituant, & Ecclesiæ satisfaciant. Prohibetur sub pœna excommunicationis, ne matrimonia contrahantur absque denunciationibus seu bannis præmissis.

Biterrensè in Occitania anno 1233. plures Canones contra hæreticos, eorùmque fautores, inquirendos, ac puniendos edidit. Ac præterea statuit, ut ordinandi de scientia & moribus diligenter examinentur, item de titulo, vel *patrimoniali*, vel *beneficiali*. Illegitimi non ordinentur, nisi dispensatum sit. Non exigendum ab ordinandis juramentum, quòd ratione sustentationis nullum velint Ordinario negotium facessere. Denique addit, Religiosos nihil posse habere proprium (*nempe Religiosos, qui tunc erant, & post Professionem*)

Arelatensè Provinciale anno 1234. decrevit, ut verbum Dei 24. diligenter prædicetur. Ut sæculares Potestates juramentum præstent de exterminandis hæreticis. Ut nemo excommunicetur, nisi prævia monitione canonica. (*intelligitur de excommunicatione ferenda*

ab homine ; nam si à jure sit lata, ipsa lex satis præmonet) Ne testamentum fiat sine præsentia Parochi.

Turonense II. Provinciale, anno 1236. voluit, causas cruce signatorum ad Judicem Ecclesiasticum pertinere. Nullos admit- tendos Advocatos, nisi solido triennio juri studierint: nullos offi- ciales, nisi quinquennio eidem vacaverint. Judices delegati Sedis Apostolicæ non suscipiant causæ cognitionem, nisi exhibito authentico rescripto. Episcopi & inferiores Officiales appellatio- nibus deferant: Episcopi urgeant testamentorum executionem. Exempti teneantur exhibere privilegia, de quibus dubitatur.

Burdegalense Provinciale anno 1238. sub pœna excommunica- tionis Judicibus laicis prohibet, ne Clericos ad tribunal sæculare litigare compellant. Pauperibus advocatus à curia detur. Qui per annum in excommunicatione manserit, confiscatis illius bonis, tanquam hæreticus habeatur. Adduntur multa de censuris, & de Religiosa disciplina.

25.

Turonense III. anno 1239. sancivit, ut Sacramenta gratis ex- hibeantur; postea tamen exigi potest, quod pia habet consuetudo: ad quod solvendum Prælati censura Ecclesiastica subditos com- pellant. Parochi auctoritate propria neminem excommunicent. Clerici, aut Monachi nullas ancillas habeant. Clerici nothis suis aut concubinis nihil leganto; aliàs legatum irritum esto, & Eccle- siæ applicator.

Salmuriense anno 1253. vetuit, ne Prælati *procuraciones* acci- piant ab Ecclesiis, quas non visitant. Ne quis ad Præbendam va- caturam nominetur. Ne Rectores Ecclesiarum novis pensionibus graventur. Ne quis Jurisdictionem Ecclesiasticam impediat.

Concilium *Albinense*, *Burdegalense*, *Monspeliense*, *Rossiacense*, Canones ediderunt de immunitate Ecclesiastica; de excommuni- catione invadentium, aut detinentium bona Ecclesiastica; de tem- perandis expensis visitationum; de reliquiis novis non exponen- dis, nisi à Romano Pontifice fuerint approbatæ; de causis in judi- cio sæculari à Clerico non agendis, nisi pro se, pro Ecclesia, pro pauperibus, vel propinquis; de faciendo testamento coram Pa- rocho & testibus; de abutentibus litteris Apostolicis; de quæsto- ribus ad concionandum non admittendis; de non agnoscendo de- legato Sedis Apostolicæ, nisi litteras authenticas exhibuerit; atque de aliis, jam sæpiùs memoratis.

Capriniacense anno 1260. decrevit, ut vacantium Beneficiorum fructus successoribus reserventur. Ne alieni Parochiani ad matrimonium admittantur, nisi de Curati proprii licentia. Ut loca, in quibus res vel personæ Ecclesiasticæ captæ detinentur, subjaceant interdicto.

Nannetenſe anno 1264. irritavit promissionem Beneficii necdum vacantis, pœnámque dictat promittentibus. Statuitque, ut in Prioratibus Monachorum numerus non minuat. Ut Clerici à venatione abſtineant; quia nullus venator inveniatur ſanctus. Ut Prælatiſ in viſitatione duo tantum fercula præparentur; ſi plus paratum fuerit, pauperibus erogetur. Ne pedagia exigantur pro rebus Clericorum. Ne quis in jus vocetur ad locum, ubi non habentur Juris periti.

26.

Andegavenſe I. anno 1269. vetuit ſub cenſura: ne domini temporales ſubditis ſuis prohibeant, donationes, eleemoſynas, aut legata facere Eccleſiis, aliisve piis locis.

Pontodomarenſe ſtatuit, ut, qui in Eccleſia Parochiali majores decimas percipiunt, ad reſtaurationem fabricæ compellantur. Ne vigiliæ aut choreæ in locis ſacris fiant. Clericos, habitum & tonſuram non geſtantes, non gaudere privilegio fori & Canonis. Ne clerici cruce ſignati abutantur litteris Apoſtolicis.

Andegavenſe II. anno 1279. excommunicavit laicos, qui Clericum in tribunali ſæculari actione perſonali conveniunt. Item illos, qui pro ſigillandis litteris ſacræ Ordinationis aliquid exigunt. Uti etiam illos, qui abſque licentia Parochi defunctos ſepeliunt. Clerici, quamdiu in excommunicatione perſiſtunt, fructibus Beneficii privantur. Si verò ultra annum in eadem contumaciter perſiſtant, claves Eccleſiæ contemnentes, etiam ipsis Beneficiiſ privantur.

Bituricenſe anno 1286. decrevit, ut nemo cauſarum cognitionem uſurpet extra locum ſuæ Jurisdictionis. Ut Clerici peregrini ad ſacra miniſteria non admittuntur, niſi ab Epifcopo ſint approbati. Ut Clerici concubinarij Beneficiis priventur. Ut decimæ ſine conſenſu Epifcoporum à laicis non recipiantur. Ut teſtamenta fiant coram proprio ſacerdote.

ARTICULUS V.

Concilia Hispanica.

§. I.

Synopsis Historica.

27.
*Mauro
visti à S.
Ferdinan-
do.*

Hujus etiam sæculi primum dimidium Ecclesiæ in Hispania auspiciatum fuit, infelix alterum. Compositis namque domesticis bellorum turbis, atque nuptialibus uniti fœderibus Christiani Principes, Castellanus, Aragonius, & Navarræus, ad saltum *Castulonensem* ingenti prælio Mauros fundunt, si scriptoribus Hispanis fides ducentis eorum milibus in acie cæsis, &, ut suus esset tantæ victoriæ fructus, oppidis multis captis, prædæque opima reportata. Fracta est hac clade Saraceni potentia.

Et quidem in Castellæ Regno, ad immortalem nominis sui gloriam, rem Christianam præclarè gessit *Ferdinandus III.* Alphonso IX. Regis Legionensis filius; qui ob matrem *Berengariam*, Henrici I. sine liberis defuncti sororem, Castellæ solio admotus, ac dein, post mortem patris, etiam Legionensi, utrumque Regnum conjunxit, nunquam deinceps amplius dissociandum: indignantibus tamen Gallis, qui ob *Blancam*, Ludovico VIII. nuptam, ac S. Ludovici matrem, majorem natu Henrici sororem proximius in Castellam jus sibi vendicabant.

Jam verò hic Ferdinandus, quem Hispani ut sanctum colunt, totam ætatem suam virésque Regni adversus Saracenos impendit. Et primò quidem *Emeritam*, & *Pacemaugustam* eisdem eripuit, tum verò, altius quid præferens animo, validum illud *Cordiberis* Barbarorum Regnum evertit, restitutis postliminii jure Christianis aris, atque imposito urbi Episcopo.

Eadem felicitate victricia arma illata *Murciæ* ac *Granatæ* Regno; quorum Reges cum se Ferdinandi maturè dederent, arbitrio, sub annui tributi onere, numeratæque in præsens grandis pecunia, Regnum precarium redemerunt: victorique fœderati, cum eo adversus Hispalensem Regem processerunt.

Victi *Hispalenses* à Ferdinando primum navali prælio, tum sexdecim mentium obsidione cincti, expugnata tandem pertinacia, victoris voluntati se permiscere; vitam tantum pacti, & innoxium ex urbe discessum. Centum hominum millia excessisse dicuntur. Lustrata Christianis Sacris Hispalis, datúsque Ecclesiis præsul.

Tot

Tot partis victoriis obiit Ferdinandus anno 1252. Regni 34. vita immortalis dignissimus. De quo meritò dubites, an fortior, an sanctior, an felicius esset; cum dotibus omnibus excelleret, Regum Christianorum amor, Saracenorum terror.

Sed & alter ætatis illius Heros rerum gestarum magnitudine sæculum suum nobilitavit *Jacobus I.* Rex Aragoniæ. Is, cæso in 28.
Et Jacobo
I. Tolosano bello patre, Petro II. infans adhuc relictus in Montfortii victoris manibus, petente Pontifice, libertati & Aragoniæ suæ est restitutus, ad palmas & lauros enutriendus.

Et primum quidem Martis tyrocinium in undis posuit. Hispano namque cum valida classe solvens littore, infusus pelago, in Balears irruit insulas; & expugnavit Majoricam, pulso inde Saraceno Rege. Altera expeditione Minorem Balearem, aliasque victoriis emensus insulas, expiatis à Maurica superstitione terris, Christiana trophæa ubique erexit, commissis Sacerdotio Ecclesiis.

Tum verò altero etiam in elemento victor, potens illud *Valentiæ* Regnum Saraceno eripuit, expugnata urbe principe; atque tot deinceps cladibus impiam gentem attrivit, ut in angulum Hispaniæ rejecta, Austrinis duntaxat in littoribus oberraret.

Denique tot plenus triumphis, exactis in Regno, quod rarum, 63. annis pientissimè decessit, Cisterciensem ultimo vitæ tempore indutus habitum. Princeps sanè verè magnus, eximius religionis cultor; cujus incensus studio ad duo millia templorum aut extruxisse, aut Christianis sacris reddidisse scribitur. Militiæ laude cum quovis veterum ducum comparandus, trigesies signa cum Mauris contulit, prospero semper eventu. Unde Jacobus, *Præliator*, & *Expugnator* dici jure optimo est meritis. Suppar, vel etiam major Ferdinando Castellano belandi artibus. Non tamen idem æquabilis innocuæ vitæ tenor.

Alteris siquidem nuptiis post divortium cum Eleonora Castellana, ob consanguinitatem factum, duxit Jolantham, Andreæ Hûn 29.
Ejus di-
vortium. gariæ Regis filiam; at thori conjugalis non satis diligens custos, furtivos amores in Therasiam Vidauram vertit. Cumque rumor passim spargeret, eum cum hac jam ante contraxisse matrimonium (quod licèt clandestinum, tunc valebat) adeoque initum cum Jolantha esse irritum, Pontifex Innocentius IV. eam causam dijudicandam sumpsit.

Accidit tunc, ut Gerundensis Episcopus Pontifici scriberet, Regem Jacobum injustè agere, quòd Jolantham conjugem repu-

diare cogitet; quam ob rem Jacobus, ira exæstuans, Episcopo, ad se accersito, linguam excindi iussit. Unde Innocentius Lugdunensi in Concilio Regem anathemate percudit, Aragoniæ verò Sacris interdixit.

At cùm Jacobus Pontifici supplicem sceleris veniam peteret missis legatis *Ilerdense Concilium* est celebratum; in quo Rex graviter reprehensus, atque in genua procumbens, est absolutus, ea lege, ut monasterium Cisterciensibus conderet, & Xenodochium pauperibus; sublatumque interdictum.

Post mortem Ferdinandi & Jacobi res Christiana in Hispania in deterius lapsa est; ut adeo Mauri, in extremas jam à gemino illo Heroe angustias redacti, acceptis novis ex Africa suppetiis, excusòque à Granatensi Rege jugo, altero sæculi dimidio caput rursus erexerint.

30. Frustra tamen fuissent omnes illorum conatus, si filii institissent patrum suorum vestigiis. Verùm illis placuit bella gerere *Vesafors Hispania.* alia, nullos triumphos promerita; civilia nempe, domestica, paricidalia: externis se ingerere negotiis; impellente ambitione, æmulatione, avaritia, cupiditate. Quin & ipsi ex Africa evocati à Christianis Barbari in Christianorum perniciem. Hæc qua ratione contigerint, non est animus ex instituto persequi, sed brevissima duntaxat synopsis attingere: non ut ingnorantes discant, sed ut scientibus rerum maximarum refricetur memoria.

31. Igitur Ferdinando III. quem diximus, sancto Castellæ Principi successit filius *Alphonsus X.* vir, quàm litteris plenus, tam regnandi artibus vacuus. Disciplinis siquidem Philosophicis, Historicis, & præsertim Mathematicis eruditus adeò fuerat, ut *Sapientis* nomen ei imponeret adulatio; hodièque circumferantur *Tabulæ* Astronomicæ *Alphonsinæ*: quibus ipse nomen & pecuniam, Arabes vero potissimum scientiam & industriam commodârunt.

Cùm igitur potius scriberet, quàm scribenda ad gloriam aliis suppeditaret, atque his privatis curis, optimis quidem, sed non regiis districtis Imperium ignavè ac superbè gereret, in summas calamitates & se & Regnum suum, à parente tam bene præparatum, præcipitavit.

Nam & Procerum suorum ac belli Ducum, quibus tanquam fulcris sustentatur Majestas, à se alienavit animos, & Granatensi Regi, quem vestigalem fecerat parens, occasionem fecit servitutem excutiendi; adeò quidem, ut præcipui quique Duces Christiani ad eundem transfugerent.

Inci-

Incisis proin reipublicæ nervis, obvium fuit Regi Marochii in Hispaniam trajicere, & unito cum Granatenſi Mauro, focisſque Caſtellæ principibus viris, gemina clade copias regias proſtigare.

Et quod indigniſſimum fuit atque calamitoſiſſimum; Sanctius ipſe filius Alphonſi ſurrexit in patrem; bellóque cum eo commiſſus, miſerrimam neceſſitatem patri attulit, Saracenum Marochii Regem infimis precibus adverſus filium implorandi, &, pro dedecus! coronam ſuam regiam eidem Barbaro oppignorandi. Anathema quidem à Pontifice vibratum in Sanctium, urbésque eidem addictæ interdicto ſubjectæ. At non deſit eſſe in patrem impius.

Tantas nihilominus inter clades Regniſque ruinas, vaſtis adeò ideis Alphonſus grandique turgebat ſpiritu, ut in magno illo Germaniæ *Interregno* ab aliquibus Proceribus cum Richardo Anglo designatus Imperator, Auguſtam illam coronam preſaret, cum nec ſuæ ferendæ ſufficeret. Superûm deinde hominûmque fidem obteſtatus, cum electus fuit Rudolphus Habſburgicus. Sed leonis Hispani, præſertim tam inertis, & ſuis cum cladibus luſtantis, rugitus ſecura riſit inclita natio Germanica; gratulata ſibi, gentis ſuæ virum Principem tandem inventum, qui fatiſcentem Imperii molem componeret, & pares ferendo oneri humeros afferret.

Miſeriis tandem ſuis immortalis Alphonſus anno 1284. rejeſto filio Sanctio, hæredes ultimis tabulis ſcripſit nepotes ſuos ex Ferdinando primogenito, jam deſuncto, eóſque, ſine prole obituros, ſibi mutuò ſubſtituit. At Sanctius jus ſuum in armis ferebat; ſucceſſitque, licèt juſtè exhæredatus, ſecundo genitus, rejeſtis primogeniti liberis.

Quamvis autem Sanctius feliciùs quàm pater comparare ſibi noverit gentis animos, nihil tamen admodum magni geſſit, quod eſſet ad poſteritatis commendationem memorabile. Obiit anno 1295. relinquens Regnum Caſtellæ filio Ferdinando IV.

Sed neque in reliquis duobus Hispaniæ Regnis, Aragonio, inquam, & Navarræo, poſt obitum Jacobi Expugnatoris præclarum 32. *Bellum* quidpiam pro Eccleſia adverſus Mahometanos actum eſt. Curas *Navarraum.* namque religioſas aliò abſtraxerunt bella, cum Gallis tunc orta, & nimiùm pretioſis odiis continuanda inpoſterum.

Duo illis Regna dederunt originem, *Navarraum*, & *Siculum*. Cum enim Henricus I. Navarræ Rex anno 1274. deceſſiſſet, reliſta nulla prole maſcula, *Johanna* filia, Philippo Pulchro Franciæ Regi nupta Regnum in dotem attulit. Ægrè habuit Hispanos, ac

præsertim Aragonium, ea ad exterum Principem devolutio. Unde deinceps immensa bellorum feges, & prætensionum materies.

Et Sicu-
lum.

At dum Navarræum Galli acquirunt Regnum, perdunt Siculum. Nam *Petrus III.* Jacobi Expugnatoris, quem laudavimus, filius nuptiali fœdere sibi conjunxit *Constantiam*, filiam Manfredi, qui interempto Neapoli Conradino, nepote suo ex fratre Conrado, jus in Siciliam sibi vendicabat; quam tamen, clientelari nomine à Pontifice permissam, possidebat Carolus Andium Dux, S. Ludovici frater.

Dotale Regnum reposcebat Aragonius: & per *Vesperas Siculas* obtinuit. En alteram odiorum bellorumque causam, heu nimis multo constantem Christiano sanguine! sollicitavit equidem Carolus Romana fulmina, & obtinuit à Martino IV. anathemate in Petrum vibrato, & interdicto in Aragoniam. At ille per Rogerium Lauriam calabrum navali prælio sæpius Gallorum victor, retinuit Siciliam, & ad posteros suos transmisit.

Felicem dices Petrum, tam facile parto Regno, fortiterque defenso; feliciorum ego, quod pater fuerit *sanctæ Elisabethæ*, nuptæ Dionysio Lusitaniæ Regi; ut consors optima bonum faceret.

33.
Divor-
tium Lusitani.

Dionysii pater, *Alphonfus III.* dejecto fratre majore Sanctio, Regnum invasit, & conjugem *Mathildem* repudiavit, ducta alia. Egit causam suam Mathildis apud Alexandrum IV. summum Pontificem. Is, causa cognita, præmonitum, sed contumacem Fidelium communione privavit: & Lusitaniam subjecit interdicto, quo ad 12. annos mansit ligata. En infelix sæculi dimidium, Christianis rebus inimicum, Saracenis jucundum: quodque pluribus Præsulorum conventibus causam dedit & materiem; ut mox dicetur.

§. II.

Concilia Hispaniæ Sæculo XIII.

34.
Hispani-
cum.

Et primum quidem hoc sæculo *Concilium in Hispania* celebratum est anno 1215. in quo editi 20. Canones: quibus statuitur.

1. Ne quis absque dispensatione Sedis Apostolicæ plures dignitates, aut personatus habeat.

2. Præcipitur Clericis curatis residentia.

3. Prohibetur, ne quis in Subdiaconum ordinetur, nisi ad titulum Beneficii, aut saltem sufficientis patrimonii: alioquin ordinanti esse providendum necessitati ordinati.

4. Excommunicantur, qui in gradu prohibito matrimonium contrahunt, nisi intra annum dispensationem obtinuerint. Clandestinè verò contrahentes lecto separentur, donec de legitimo matrimonio Ecclesiæ constet.

5. Judæis etiam & Saracenis præcipitur, ut solvant decimas Ecclesiis.

6. In una Ecclesia ne sint duo Parochi.

7. Pro sacris officiis nihil exigatur.

8. Regulares celebrent capitula.

9. Vitent sæcularem pompam.

10. Singuli nil proprium habeant.

11. Clericum, in maleficio, furto, rapina, homicidio deprehensum, potestas sæcularis Judici Ecclesiastico debet extradere.

12. Clerici, in delicto, quod leges sæculares morte puniunt, publicè deprehensi, degradentur.

13. Præbendæ non secundæ.

14. Qui propter irregularitatem ex delicto non deserviunt Ecclesiis, fructus non percipiant, donec canonicè dispensentur.

15. Patrono intra statutum terminum non præsentante ad Beneficium curatum, Diœcesanus provideat.

16. Statuitur pœna irreverentibus in templo.

17. Nullum ineundum pactum circa decimas, sepulturam &c. in præjudicium Parochiarum.

18. Archipresbyteratus non conferendus ad certum tantum terminum.

19. Si Mauri aliquem vi ex Ecclesia extraxerint, ejusdem Ecclesiæ servituti addicantur.

20. Excommunicantur omnes, qui arma, commeatum, aut quidquam de bellico apparatu ad Mauros deferunt, aut, qui ad eos transfugæ, in Christianos arma vertunt. (*quales plures fuisse diximus, præsertim tempore Alphonfi X.*)

Concilium Ilerdense anno 1229. præside Sedis Apostolicæ Legato, ac præsentibus multis Episcopis & Abbatibus, aliisque Prælatis, multa constituit de disciplina Ecclesiastica, per continua illa, de quibus diximus, bella luxata: præsertim de vita & honestate Clericorum.

35.
S. Ray-
mundus
Penna-
fort.

Redux in Italiam legatus, secum duxit S. *Raymundum Pennafortium*, magnum illud lumen Illustrissimi Ordinis Prædicatorum, & inigne decus Jurisprudentiæ sacrae; quam compilatis Romæ quinque Decretalium libris præclarè excoluit redux tandem in patriam, Barcinone obiit, anno 1275.

36.
Causa ma-
trimonii.

Concilium Turiafonense in Aragonia eodem anno 1229. à Legato Apostolico celebratum est in causa matrimonii, quod Rex Jacobus I. octo ante annos inierat cum Eleonora, Alphonsi VIII. Castellæ Regis filia, S. Ferdinandi quem laudavimus, matertera. Irritum illud est declaratum propter consanguinitatem in tertio gradu, Rege & Regina, ut apparet, non invitis. Alphonsus tamen Princeps, ab iis susceptus, est habitus legitimus; eo quòd natus fuerit eo tempore, quo bona fide legitimum matrimonium ab omnibus credebatur. Eleonora igitur cum multis thesauris, magnæque honoris significatione Castellam remissa, Rex duxit Jolantham, Andree Hungariæ Regis filiam. Quam tamen ipsam etiam, ut diximus, non satis fideliter amavit.

37.
Tarraco-
nensis.

Tarraconense anno 1239. statuit, ne Clerici negotiis sæcularibus se immisceant. Ut incendiarii & raptores publici, tanquam excommunicati vitentur, & Ecclesiastica careant sepultura. Ne occultè fiant donationes Beneficiorum Ecclesiasticorum. Ne quis duas præbendas habeat. Ut Apostatae ad claustra redeant.

Sequenti anno *Tarraconensis* Archiepiscopus rursus Provinciale Concilium habuit. In quo actum contra Archiepiscopum Toletanum, qui per provinciam Tarraconensem iter faciens, crucem sibi præferri iussit, pallio usus fuerat, & indulgentias dederat. Statutum est, ut, si id deinceps eveniret, loca, per quæ transit, cessent à Divinis, quamdiu ibi sit commoraturus; ipse verò sit excommunicatus.

Tarraconense III. anno 1242. congregatum est contra Waldenses & Albigeneses, in Aragoniam irrumpentes. Præscripta formula, illos inquirendi, puniendi, & recipiendi. Præfens huic Synodo fuit Raymundus Pennafortius, Sedis Apostolicæ Pœnitentiarius, qui abdicato Ordinis sui generali Magisterio Barcinonem reversus fuerat.

Tarraconense IV. eodem anno decrevit, ut Episcopi, & Clerici ad Provinciale Concilium veniant. Ut Episcopi & eorum officiales justitiam gratis reddant. Ut nullus Sacerdos plures Missas eadem die legat, excepto Natali Domini. Duæ tamen tollerantur, quando necessitas urgens fuerit. Anno 1246. *Concilium Ilerdense*

per

per legatos Apostolicos absolvit Jacobum Regem ab anathemate, quod incurrit, ob excisam linguam Episcopi Gerundensis, ut §. I. meminimus.

Plura deinceps *Tarraconensia* sunt celebrata, in quibus de raptoribus bonorum Ecclesiasticorum, de absolutione excommunicatorum &c. tractatum. *Tarraconense* autem anno 1279. habitum missis litteris Pontificem obsecravit, ut Raymundo Pennafortio, viro sanctissimo publicos in Ecclesia honores decerneret; at nihil tunc impetratum, Nicolao ab Aragoniis averso, eò quòd Petrus Rex jam tum in Italia turbas moliretur, & statutum à suis majoribus censum Ecclesiæ Romanæ nollet solvere.

ARTICULUS VI.

De Conciliis Anglicanis Sæculi XIII.

§. I.

Prænotanda de Statu Angliæ.

Joannes sine terra (sic dictus, quòd pater Henricus II. in divisione Regni ipsum præterierit) fratri Richardo, anno 1199. *Joannes.* 38. defuncto absque prole, successit; quamvis non sine magna contentione, & Provinciarum dissensione. Litem ei movit *Arthurus* nepos, ex Godofredo majore natu fratre genitus. Igitur tunc ea disceptabatur quæstio, an frater junior fratri succederet, an verò fratris senioris filius? Sequiorem causam pars major secuta est. Inauguratus Londini à Cantuariensi *Joannes*, *Arthurus* verò captus, à Joanne trucidatus dicitur in arce Rothomagensi, Gallis frustra eidem opem ferentibus: qui propterea bellum Joanni denuntiârunt. Unde

Nihil Joannis Regno turbulentius, primò Gallis, dein summo Pontifice, denique Anglis ipsis in eum surgentibus. Gallis *Arthurus*, beneficiarius Regis ratione Normanniæ, Pontifici Cantuariensis Archiepiscopus, Anglis regnandi ineptia causam dedit.

Electus legitimè fuerat in Cantuariensem Præfulem *Stephanus*, quem agnoscere & recipere *Joannes* noluit. *Innocentius III.* propterea Angliam interdicto subjecit. *Joannes* Ecclesiarum proventus abripit, & in clerum sævit. *Innocentius* Joannem sententia excommunicationis fulminat, eoque exauctorato, *Philippo II.* Galliarum Regi

Regi Angliæ Regnum defert. Joannes Gallico belli apparatu ter-
ritus, Regnóque suo metuens, Innocentio se Regnóque Angliæ
& Hiberniæ subjicit, jure clientelari à se possidendum: præstat Inno-
centio in manibus Pandulphi Legati Apostolici homagium, promisso
simul vectigali annuo. Innocentius Joannem hoc pacto subjectum
tanquam beneficiarum à censuris absolvit ac recipit, indignante
Gallo ac bellum prosequente.

Biennio post Proceres Angliæ, privilegia & libertates suas
violatas conquesti, à Joanne Rege deficiunt. Innocentius III. eos
excommunicat, quòd Regnum Romanæ Ecclesiæ jure clientelari
subjectum perturbarent, atque Londinum ac Procerum terras illi-
gat Interdicto. Illi Joanne exauctorato, *Ludovicum*, Philippi II.
Galliæ Regis filium ad Angliæ coronam capeffendam evocant, mis-
sis 24. fidei obsidibus.

Ludovicus, qui Blancam Joannis neptem habebat conjugem,
Angliæ thronum vacare dictitans, Regnum oblatum acceptat. Mis-
so Legato in Galliam protestatur Innocentius, Joannem Regem
Angliæ Romanæ Ecclesiæ vassallum esse; illum proin Rex potius
protegeret; formidandum Regibus fore exemplum, si subditi Re-
gem suum deponant.

Rex Philippus respondit, Joannem nunquam fuisse legitimum
Regem Angliæ, damnatum bis à Paribus Franciæ; & licet fuisset
Rex, non potuisse tamen absque consensu Procerum facere Regnum
feudale aut vectigale: ad Blancam insuper Ludovici filii sui conju-
gem Angliam jure hæreditario pertinere. *Et ego, subintulit Ludo-
vicus, pro hæreditate uxoris meæ usque ad mortem decertabo.*

Cùm legatus Pontificius nihil obtineret, sub pœna excommu-
nicationis Ludovico prohibuit, ne Angliam invadat. At ille mis-
sis Romam oratoribus, qui jus suum coram ipso Pontifice defen-
derent, cum copiis in Angliam trajecit, atque Londini magna cum
veneratione exceptus, fidelitatis Sacramentum accepit. Cùmque
potiorem Angliæ partem subegisset, obiit Joannes Rex anno 1216.
Regni 17. vitæ 50.

Post mortem illius in deterius lapsæ res Ludovici in Anglia,
attrito ejus milite Lincolnensi prælio, Angliisque (pro volubili
gentis indole) ad Henricum Joannis filium studia inclinantibus.
Recessit proin vacuus ex Anglia Ludovicus, quam tantis spebus &
promissis plenus intraverat. Hoc tamen titulo Galli in Angliam
prætensionem formant.

Henricus III. primogenitus Joannis filius Rex Angliæ inauguratus, præfente Nuntio Apostolico, homagio se obstrinxit Romanæ Ecclesiæ ob Regna Angliæ & Hiberniæ. Fuitque initio usque ad invidiam & querelas Anglorum addictus Pontifici, ac Ordini Episcopali, singulari honoris significatione Legatos Apostolicos excipere solitus. Postmodum verò alius à se ipso, libertatem Ecclesiasticam obtritum ibat, cum Romanis etiam Pontificibus ob reservationes Beneficiorum, & Legatorum exactiones expostulans.

39.

Henrici III. fato.

Tandem patris ferme fato, à Proceribus Anglis, cum detrederet eorum statuta quædam confirmare, facta conspiratione, bello impetitus, & cum fratre Richardo ac Eduardo filio captus est. Et fortassis atrociora Regi fuissent expectanda, nisi Eduardus Princeps è custodia elapsus, collectis patris clientelis & fidis subditis, rebelles prælio vicisset, ac patrem patrûmque libertati reddidisset. Flagrabat tamen adhuc bello civili Anglia, donec seditiosi, sæpius excommunicati, sensim Regi & Ecclesiæ sunt reconciliati. Obiit Henricus piè anno 1272. Regni 56. vitæ 66.

Eduardus I. sub extrema patris tempora cum S. Ludovico cruciatam expeditionem in terram sanctam suscepit; indeque redux, patris defuncti thronum conscendit. Jus dominii directi in Scotiam exercuit, accepto à Rege homagio. Bellum Aquitanicum, adversus Philippum Pulchrum gestum, finitum est geminis nuptiis Regiis.

Bello illo flagrante Scotiæ Rex *Balliolus* ad Regem Galliæ defecerat. Quare Eduardus pace cum Gallis facta, adversus Scotos duxit exercitum, victus, captus, exauctoratusque Rex Scotiæ in carcerem Londinensem ductus est. Proceres verò Scotiæ Eduardi voluntati se permisere. Bonifacius VIII. Scotorum patrocinium suscepit, jussitque, ut Rex Angliæ Episcopos, Abbates, aliósque Scotos ex captivitate liberos dimittat.

40.

Eduardus.

Dissidium hæc res Pontificem inter & Anglos excitavit: quod tamen ab Anglis scriptoribus plus justo augetur. Et notandum, *Matthæum Parisium* scriptorem Anglicum hujus sæculi XIII. aut alienum omnino fuisse à Sede Apostolica, aut in variis acatholicis, Londinensibus & Tigurinis, editionibus fuisse corruptum, ut odium adversus summos Pontifices apud heterodoxos, & orthodoxos etiam concitarent. Hinc auctor iste, cujus testimonio quidam catholici quoque in Anglicana historia hujus temporis, plurimum utuntur, admodum cautè & circumspectè legendus.

41.

Bellum postea cum Scotis recrudit contra Eduardum, Regem Angliæ, qui plenus irarum & minarum adversus illam gentem,

Pars VI.

E

tem,

tem, ut putabat, toties rebellem, obiit anno 1308. Regni 34. vitæ 68. datis filio Eduardo monitis, ut paternis etiam exuviis in Scotiam deportatis, manes paternos ulcisceretur.

§. II.

Status Ecclesiasticus per Concilia ordinatus in Anglia.

42. Postquam Joannes Rex communione Fidelium summotus, territusque, quod memini, Gallico apparatu, ad pœnitentiam recipi suppliciter petierat, indictum fuit anno 1214. Concilium *Londinense*. In quo à Legato Apostolico Rex absolutus, atque Interdictum, quod sexennio tenuit, sublatum est. At cum idem Rex Republicam malè gereret, Angli ab eo deficientes, ut dictum, Regem sibi elegerunt Ludovicum; quo in Angliam irrumpente Joannes occubuit. Angli verò ad Henricum ejus filium rediére, pace cum Ludovico composita.

43. *Oxonienſe* anno 1222. Præsides Cantuariensi, statuit, ut Episcopi non differant ultra duos menses admittere sibi legitime à Patronis præsentatos. Ne bis in die Sacerdotes Missam celebrent, nisi in Nativitate Domini, Resurrectione, & exequiis defunctorum. In Cathedralibus certi Confessarii designentur ad audiendas confessiones Presbyterorum & Canonicorum. Eucharistia, Christma, Sacrum oleum sub clavibus diligenter custodiantur. Plures alii Canones tractant de disciplina Regulari Monachorum & Canonicorum.

Londinense anno 1233. celebratum Præsides Ottone Cardinale, Apostolico per Angliam Legato, sedente à dextra illius Cantuariensi, à sinistra Eboracensi. Sancitum, ut Confessarii gratis confessiones audiant. Ut constitutiones Pontificiæ de Residentia Clericorum, & pluralitate Beneficiorum non habenda, executioni mandentur. Clericos, matrimonium contrahentes, ipso jure Beneficiis privatos declarat. Judices litium compositionem ne impediunt. Episcopi in præcipuis saltem solennitatibus Missam in Cathedrali Ecclesia celebrent. Juramentum calumniæ in causis etiam Ecclesiasticis exigatur.

Lambethense anno 1261. multa statuit de Ecclesiastica libertate & immunitate, deque lata in ejusdem perturbatores excommunicationis sententia.

Londinense Nationale ab Ottobono Cardinale, Apostolicæ Sedis Legato, congregatum, anno 1268. statuit, pro Sacramentorum administratione nihil exigendum. Confessionis remedium nulli negandum. Sæcularem magistratum nulli Sacerdoti gerendum. Ecclesias ab Episcopo gratis consecrandas. Concubinas ejiciendas. Ecclesiasticos ad personalem Residentiam tam Divinis quam Ecclesiasticis præceptis adstringi. Bona Clericorum intestatorum in pios usus expendenda. Ecclesias non dandas in *Commendam*, nisi necessitas aut evidens utilitas exigat. Non admittendas resignationes Beneficiorum cum reservatione regressus. Et pactiones universim omnes circa Beneficia irritæ declarantur. Plura adduntur de disciplina Regulari, cum insigni commendatione Illustrissimi atque Sanctissimi Ordinis Benedictini, quem *Deo proximum* appellat Concilium, *per virum illum venerabilis vite, gratia, & nomine Benedictum, docente sancto Spiritu institutum, & elevatum ad charisimata meliora, per altioris vite gradus de terrenis triumphantem, & Regnum Dei sancta violentia rapientem &c.*

Lambethense II. anno 1281. à Cantuariensi indictum, tractat de Sacramentis; vetat Subdiaconatus Ordinem unà cum Minoribus conferri eadem die. Decernit pœnitentiam publicam & solennem peccatis gravioribus & scandalosis. Extra mortis periculum ad Eucharistiæ Sacramentum non esse admittendum statuit eum, qui confirmationis Sacramentum necdum percepit. Neminem posse fieri Advocatum, nisi per triennium saltem Jus Canonicum & Civile audierit.

ARTICULUS VII.

Concilia Polonica, & Silesica.

Satis turbulentus erat hoc sæculo Poloniæ status, dum plures Duces aut ab ipsis Polonis, aut à se mutuo pellerentur, non sine multis bellis civilibus. Anno 1206. deposito Miecislao III. & Uladislao III. restitutus fuit *Lechus V.* Casimiri II. filius, à Duce Pomeraniæ prælio victus & occisus anno 1262.

Successit filius *Boleslaus V.* sub tutelâ Conradi patruï, Cuaviæ & Masoviæ Ducis. Anno 1241. Tartari in Poloniam irrum-pentes, eo furore grassabantur, ut Boleslaus Dux in Hungariam fugere fuerit compulsus ad Belam Regem, cujus filiam Cunigundam conjugem habebat, servata tamen perpetua castitate. Quam

ob causam *Boleslaus Castus* appellatur. Obiit anno 1279. Regiminis 52.

Post eum Ducatum Poloniæ obtinuit *Lechus VI. Niger*, proximus Boleslai consanguineus; qui gestis adversus Russos feliciter bellis, Tartarorum irruptionem sustinuit, immani barbarie Poloniam devastantium. Obiit anno 1289.

Secutum est sex annorum Interregnum, variis Principibus de Ducatu Poloniæ contendentibus. Donec tandem *Primislaus II.* anno 1295. electus est, & quidem sub *Regio* titulo, qui ultra 200. annos erat extinctus. At diu eo frui non licuit; nam octavo Regni sui mense à conjuratis Polonis captus & occisus est.

Successit *Uladislaus IV.* ex veteri Poloniæ Ducum ac Piaſti ortus prosapia. Verùm etiam hic sexto Regni anno à Polonis est depositus, electusque *Wenceslaus IV.* Rex Bohemiæ, qui occisi Regis Primislai filiam habebat conjugem. Defuncto autem anno 1305. Wenceslao, Poloni, hortante summo Pontifice, Uladislao coronam restituunt.

Tot inter hostium irruptiones, civiles discordias, ac violentas Regum mutationes non mirum, Ecclesiasticam etiam immunitatem passam esse, & morum disciplinam enervatam. Huic proin restaurandæ à Conciliis quæsitum remedium.

46. Et quidem anno 1217. Concilium Nationale *Polonicum*, ut à *Polonica.* Cleri correctione reformationem auspicaretur, Clericos omnes, altaris ministerio deputatos, uxores & concubinas, quas multi retinuerant, abdicare coëgit, juramento ab illis in securitatem datæ fidei exacto.

Concilium *Lancienſe I.* anno 1246. Præside Archiepiscopo Gnesnensi, confirmavit sententiam excommunicationis, quam tulerat Episcopus Cracoviensis in Conradum Masoviæ Ducem, qui prædia & villas ejusdem Episcopi partim expilavit, partim etiam incendit, eò quòd is partes Boleslai Pudici adversus rebelles fuerat fecutus.

Concilium *Lancienſe II.* circa annum 1257. Præside Gnesnensi, anathemate feriit Boleslaum Silesiæ Ducem; eò quòd Uratislaviensem Episcopum, duosque Presbyteros, captos in carcerem conjecerit. Cùm autem eos non dimitteret Boleslaus, reſcripſit Alexander IV. Pontifex, crucis prædicatione contra eum armandam Poloniam. Privata deinde transactione pax confecta.

Concilium *Lancienſe III.* anno 1285. similem sententiam tulit in Uratislaviæ Ducem, qui Episcopo & Clero Uratislaviensi

magnam pecuniæ summam imperaverat; quam cùm non penderent Episcopo expulso, Ecclesiæ bona sibi attribuit. Terrâ Ducis interdicto subiectâ, expulsi omnes, qui interdictum servabant.

Quia Silesia antiquitus ad Poloniam spectabat, non tantùm in Politicis, sed etiam Ecclesiasticis, Gnesnensi Archiepiscopo Poloniæ & Silesiæ Primate, atque Duces suos ex Piastæo Polonorum sanguine habuerit, non alienum erit, *Uratislaviensia* Concilia hujus sæculi XIII. hîc subungere.

47.
Silesica.

Igitur anno 1248. Innocentii IV. ex concilio Lugdunensi legatus in Poloniam, Ecclesiæ Poloniæ Episcopos *Uratislaviam* ad Concilium convocavit. Comparuerunt Gnesnensis, Cracoviensis, Posnaniensis, Uratislaviensis, Uladislaviensis, Plocensis, Lublinensis, Culmensis. Duæ res in hac Synodo actæ. Primò Pontifici per legatum necessitates Romanæ Ecclesiæ proponenti, Episcopi quintam partem fructuum Beneficialium obtulerunt. Secundò, quia ad id usque tempus in Polonia quadragesimale jejunium à Dominica septuagesimæ usque ad pascha continuatum fuerat, mos iste abrogatus, & jejunium ad Romanæ & universalis Ecclesiæ consuetudinem reductum est, die Cinerum deinceps inchoandum.

Alterum *Uratislaviense*, anno 1267. pro terræ sanctæ subsidio celebratum, deliberavit de remediis, quibus in eam rem uti oporteat. Propositæ simul Jubilæi Indulgentiæ aliquid conferentibus.

Tertium *Uratislaviense* fuit Diœcesanum, anno 1279. à Thoma Episcopo congregatum. Tractatum in eo de disciplina Ecclesiastica: de vita & honestate Clericorum: de cœlibatu & castitate eorum: de immunitate Ecclesiastica: de solvendis decimis: de nullitate absolutionis à censura, per metum extortæ.

ARTICULUS VIII.

Concilia Danica.

§. I.

Schema rerum Danicarum.

Germanico hinc Oceano, Balthico inde mari complures insident Insulæ, quarum præcipuæ sunt ad Orientem *Seelandia*, in qua *Hafnia*: ad Occidentem *Futia* peninsula, australi parte con-

48.

nexa continenti Germaniæ, *Cimbria* olim dicta, seu *Cimbrica Chersonesus* (ex qua *Cimbri*, Galliæ & Italiæ olim vastatores, à Cajo Mario profligati) in medio Seelandiæ & Jutiæ *Fionia*.

Status antiquus.

Terræ istæ antiquissimis temporibus à Judicibus regebantur, donec mille annis ante Christum natum in Regnum surrèxere, quod à *Dano*, primo ejus Rege, *Dania* dictum est. Scioldus nepos Dani Saxoniam partem adjecit Daniæ. *Suibdagerus*, Norvegiæ Rex, primus tria Borealia Regna, Daniæ, Sveciæ & Norvegiæ conjunxit; quæ sæpius deinceps sub uno capite unita, ac rursus disiecta fuerunt: perpetuis ferme bellis inter finitimas istas gentes flagrantibus.

Roë & Helge fratres ita Regnum diviserunt, ut alter terra alter mari imperaret. Frotho I. rursus Norvegiam & Sueciam Daniæ subjecit. Frotho verò III. sub ipsa nascentis Christi tempora, tricorpori Regno Oceani Insulas, Britanniam & Hiberniam adjecit, tantisque laudibus à Danis Scriptoribus extollitur, ut non tantum *Migni* cognomine compellent, sed orbem terrarum cum Augusto Cæsare ab eo divisum esse scribant, ad Euxini usque littora per Sarmatiam exporrecto imperio. Successit ei, quod mirum, Hiarnus poëta, nulla sanguinis prærogativa commendatus, sed quoddam defuncto Frothoni optimum epitaphium affixisset.

Ingens inde historiæ Danicæ intercessit lacuna, trium ferme sæculorum silentio, ut adeò incognitum omnino sit, quid ab anno Christi 400. ad 700. sit gestum in Dania, aut à quibus Principibus gubernata.

49.
Primus
Rex Christianus.

Anno 826. *Haraldus Klackius* Regno pulsus à Regnero Norvego, ad Ludovicum Pium Imperatorem profugit, edoctusque Christianæ fidei capita, primus omnium Daniæ Regum Moguntia est baptizatus. Redux deinde cum copiis Ludovici, Schlesvici vero Numini templum posuit; adductis per *S. Anscharium* ad ejus cultum populis. Quos Regnerus atroci tyrannide est persecutus, Haraldus rursus in exilium ejecto. Verum *Ericus* Haraldus frater, cum eodem Moguntia baptizatus, Regno postmodum admotus, Duce Anschario, septentrionis Apostolo atque Episcopo, religionem restauravit provexitque; non aliam certè, nisi Catholicam: neque enim aliam Christianam tunc orbis noverat.

Atque ut nôris, unde vivendi Christianè præcepta accersierit Dania, Frotho Rex circa annum 880. à summo Pontifice petiit Episcopos, & Doctores, qui Sacra in Dania ad Romanæ Ecclesiæ morem componerent. Non tamen eas adhuc fides radices egit, ut evelli non posset à pluribus adhuc subsecutis Regibus ethnicis.

Deni-

Denique cùm Henricus Auceps Slesvici Marchionem adversus Danorum in Saxoniam irruptiones constituisset, & Otto M. Daniam ipsam victoriis fuerat emensus, cum *Haraldo* Daniæ Rege ea lege pacem iniit, ut Daniam Imperii feudum agnoscat & assumpto *Unnone* Hamburgensi Episcopo fidem Christianam in Regnum susciperet. Atque ut stabilis esset sedes, quatuor Episcopatus fundavit, Slesvicensem, Ripensem, Arhusinum, & Ottoniensem (*circa medium sæculi X.*) Hoc titulo deinde prætensionem in Daniam Imperium formavit & præsertim in Ducatum Slesvicensem. Quia scilicet Henricus Auceps arcem ibi & Marchionem constituit, Otto verò feudum fecit Daniam. Addunt Germani, Daniam deinde mansisse sub Imperio usque ad Conradum II. à Lothario rursus unitam. Friderico I. præstitisse homagium &c.

Filius *Haraldi Sveno*, in DEum patrémque suum impius ac rebellis, ultricis iustitiæ vibices sensit. A Julinensibus enim (Pomeraniæ populo) victus, captusque Rex inter gregarios publico in foro armis discinctus, ac vinculis indutus est. Ter captivitate solutus, ter ad eandem reductus. Pecunia taxatum caput Regium. Erepta à Sveco Dania. Sveno per orbem vagus conquiebat auxilia, explosus ab Anglis, undique desertus. At dedit vexatio intellectum, & calamitas veram sapientiam: agnovit ultricem Numinis manum: & osculatus est. Fidem mutavit & mores: receptusque in Daniam suam superstitionis ethnicæ absterfit illuviem, everfis idolis ac profanis aris, ejectisque Flaminibus substituto Christi Sacerdotio. Quæ beneficia ut æterna Sveno faceret, Lundino Basilicam, Roëschildæ Episcopatum, urbibus oppidisque Monachorum dedit colonias, circa finem sæculi X. Hæc lernæ contumacis repurgatio: hic terminus sacri ac profani per Daniam. Ab hoc quippe tempore catholicam Christi fidem cum Regibus suis constanter professam est Dania, donec novissimo tempore Lutheri adversus Christi Ecclesiam rebellio nobilissimum Daniæ Regnum cum aliis Borealibus provinciis deplorandæ in sacris ruinæ involvit.

Cæterum Sveno conversus ad DEum, propitium sensit. Norvegiam, cæso Olao Rege, Daniæ subiecit, Scotiam domuit, Angliam universam subegit, ex capto, victo, vendito, profugo, & mendico Rege ethnico factus potentissimus plurium Regnorum Rex Christianus. Et, qui amplior cæli favor est, reliquit filium *Canutum* nomine & re verè *Magnum*, superatis hostibus totum ferme septentrionem complexum Imperio: in hoc solo tamen mi-

nus providum, quòd tria Regna tres inter filios diviserit, data Haraldò Anglia, Canuto Dania, Svenoni Norvegia. Imminutà etenim hoc pacto singulorum potentià, Anglia & Norvegia rursus amissa est. Imò *Magnus Bonus* S. Olai filius Norvegiæ Rex occupavit etiam Regnum Daniæ. Quod tamen mox rediit ad *Svenonem Estitium*, ex *Estitia* videlicet, Canuti M. sorore, genitum.

Estitius Rex 12. filios genuit, at impari omnes thoro: quorum tamen sex continua serie in Regno successores habuit. Primus erat Heraldus, qui abolevit morem, per candentis ferri probationem decidendi lites, substituta juramenti religione ubi opus fuerit interponenda.

52. S. Canutus. Alter filius *Canutus Sanctus* in Regno succedens fratri, Ecclesiæ Patronus, Clericorum Pater, Religionis sanctæ propagator, compositis domi rebus ad Angliam, patri ereptam, atque ad Normannos translata, respexit. Ac fratrem Olaum, quem Slesvico (ab eo tempore Daniæ feudo) præfecerat, expeditionis armatæ Ducem destinavit. Hic seditiosa coquens consilia adversus fratrem cum aliis conspiravit. At machinatione detecta Rex Olaum vinctum in Flandriam abduci iussit. Qua re offensus Dani, jam aliàs in sanctum Regem concitati, quòd pro Ecclesiis decimas exigeret, immani Sacrilegio eundem Othoniæ in Fionia sub ipso Missæ Sacrificio ad aram flectentem trucidarunt. Quod barbarum facinus publica deinde Daniæ calamitas, extrema fames, luësque pestifera excepit, agnoscente Olao Rege, cruentæ tragædiæ auctore, ferientis Numinis dexteram.

53. Lundenfis Primatus. Emendavit fratris scelera *Ericus*, placavitque cœlestes iras, agris satisque in amplam messem mox exuberantibus. Bremensi Archiepiscopo eò usque subiecta erat Ecclesia Danica. Cum eo collisus *Ericus* Rex Romam profectus, obtinuit, ut abolita Bremensis Jurisdictione Lundenfis in Scania Episcopus septentrionalium trium Regnorum in sacris esset Primas. Demum sacram in Palæstinam peregrinationem suscipiens *Ericus*, in Cypro pientissimè obiit.

Præterito ejus filio Dani patrum *Nicolaum* Regem renuntiaverunt. Ortæque deinceps plurimæ ob successionem in Regno discordiæ, bellæque civilia. Adhibitæ etiam in Regno, non admodum magno, triumviratus Regum. Sed quod remedium esse debuerat, magis irritavit malum: donec ad unum Waldenkarum I. Regnum delatum est, qui Vandalis ac Pomeranis multa ad

Balthi-

Balthicum eripuit, insulam præsertim Rügiam: at plus dedit, quàm abstulit Christianam videlicet religionem.

Waldemari nepos *Ericus sanctus* Daniæ Rex ab Abele fratre suo occisus, sanctos inter ab Ecclesia colitur. Is expeditionem in Livoniam suscepit, ut gentem illam, ethnicæ superstitione adhuc magnam partem adhærentem, penitus Christo adduceret.

Sub medium sæculi XIII. Rex *Christophorus*, S. Erii frater collisus est cum Erlando, Scaniæ Archiepiscopo, ac Primate. Indixit Rex Comitia, Erlandus *Concilium Vedelense*, sopitæ tantisper discordiæ, in majus mox exarsuræ incendium. Nam Rex Clerum perrexit premere, Archipræsul censuris tonare. Datus in carcerem propterea, Episcopis aliis fugâ elabentibus.

Habitu ea super re *Concilium Ripense* ab Episcopis, præsentē Rege Christophoro; quem ab Arhusiensi Antistite porrecta venenata hostia necatum scribunt, aut fabulantur recentiores Dani Historici.

Ericus Christophori filius, liberum dimisit Erlandum, & interdicti solutionem à summo Pontifice obtinuit. At mox à Slesvicensi Duce, Vasallo suo, & Pomeranis ac Vandalis, annuis ferme Daniæ hostibus, bello appetitus, victus, captusque fuit; Brandenburg tandem opera restitutus Regno. At novæ rursus cum Lundinensi turbæ eò usque excreverunt, ut in *Synodo Slesvicensi*, Præsīde Guidone Cardinale, Dania rursus interdicto, quod septennium tenuit, subiecta fuerit. Quæ discordiæ recruderunt, post interfectum à Proceribus Regem Ericum, sub ejusdem nominis filio: ubi Grandius Lundinensis Archiepiscopus & Primas in squalidum carcerem fuit conjectus.

§. II.

Status Ecclesiasticus ordinatus per Concilia.

Tot inter Daniæ civiles motus, gestæque cum finitimis Principibus bella, ipsasque etiam Regni cum sacerdotio collisiones, miserandum in modum labefactata fuit morum disciplina, cui restaurandæ plura celebrata sunt Concilia.

Et quidem anno 1222. *Slesvicense* indictum à Legato Apostolico, decretumque, ut Sacerdotes, & quicumque Ecclesiastici Ordinis essent, cœlibes vivant, nullique aut uxorem aut concubinam habere liceat: nec eorum liberi ad hæreditatem admittantur. At plures eorum contumaces, matrimonium licitum sibi esse

contententes, ab hoc Concilio & Pontifice ad generale Concilium appellârunt.

Concilium *Othoniense* anno 1245. celebratum in Fionia, Præfide Lundenſi Archiepiſcopo, ab ejuſdem ſuffraganeis Episcopis, Viburgenſi, Roëſchildenſi, Arhuſienſi, Ripenſi, Burglavienſi, Othonienſi, & Eſchillo Slefvicenſi, contra bonorum Eccleſiaſticorum deprædatores, quorum in illis Daniæ tumultibus multi erant; nec iſſis Regibus manus avaras abſtinentibus. Dum aut ſua Eccleſiis jura ac bona diriperent, aut tributa iis imponerent, aut alia ratione immunitatem Eccleſiaſticam læderent, aut lædi permitterent. Inde illæ Regum cum Archiepiſcopis Lundinenſibus, aliſque Episcopis diſcordiæ. Certè propterea Roëſchildenſis Episcopuſ in Norvegiam abiit, atque inde in Galliam: ubi Clavallenſe Cœnobium eſt ingreſſus. In eodem Concilio Othonienſi edituſ canon contra contemptoreſ ceremoniarum Eccleſiæ. Mirumque non eſt, in tanta morum licentia, Sacrorumque cum profanis confuſione, ac Præſulum vexatione, Eccleſiaſticis pœniſ excommunicationiſ & interdictiſ in contumaceſ actum eſſe. Quamvis etiam Cleruſ non vacaverit culpa, & Præſuleſ nimium facileſ in ejuſmodi fulmina fuiſſe videantur.

57. Cùm autem Chriſtophoruſ I. Episcopuſ variis vexationibuſ pergeret opprimere, capto etiam Lundenſi Archiepiſcopo, Borealiuſ Eccleſiarum Primate, & in carcerem abducto, celebratuſ, eſt *Concilium Danicuſ*, in quo 4. conſtituti Canoneſ.

In 1. ſtatuitur, ut, ſi Episcopuſ quiſcunque intra fineſ Daniæ de mandato Regiſ, vel ejuſ conniventia, vel conſenſu, vel alicujuſ Nobiliſ, captuſ fuerit, vel membrum amiſerit, aut atrocem injuriã in perſona ſua ſit paſſuſ, dummodo probabiliter præſumi poſſit, hoc de voluntate Regiſ eſſe factuſ, in toto Regno Divina officia ſint interdicta.

In 2. ut, ſi aliquid prædictorum alicui Episcopuſ Daniæ à quodam potente extra Daniã fuerit illatuſ, & probari poſſit, hoc conſilio Regiſ Daniæ aut ejuſ Nobiliuſ eſſe factuſ, Diœceſiſ ejuſdem Episcopuſ preſſi ceſſet à Diviniſ.

In 3. ut, ſi Rex admonituſ per duoſ Episcopuſ, vel Clericoſ, taliter læſo infra meſem juſtitiam non exhibuerit, Regnuſ ipſuſ uſque ad condignã ſatiſfactionem habeatur à Diviniſ ſuſpenſuſ.

In 4. prohibetur sub pœna excommunicationis, ipso facto incurrendæ, ne quis presbyter, durantibus prædictorum interdictorum sententiis, Divina celebrare præsumat.

ARTICULUS IX.

De Conciliis Sveciæ.

De antiquissimis Sveciæ (etiam Daniæ & Norvegiæ) Regibus multa incerta aut fabulosa narrantur, uti, quod Magog Ja pheti filius primus ibi regnârit; quod Othinus in Deorum nume-
rum fuerit relatus; quod Hundingus Vasi, musto pleno, se immer-
ferit, quando audivit mortem Hadingi Daniæ Regis; ex pacto ini-
to, quod simul vellent mori. At certi nihil constat.

58.

Schema antiquum.

Hoc certum ab antiquissimis temporibus septentrionales illas plagas habitatoribus refertas, diverso omnino varoque regimine fuisse gubernatas, ac modo ab uno Principe recepisse imperia, modo Sveciæ, Daniæ, ac Norvegiæ singulos Reges præfectos sic Dani jactant, à Gramo, Hadingo, & Frothone M. aliisque Daniæ Regibus, jam ante Christi nativitatem, tria illa Regna fuisse conjuncta. Certum etiam, continua ferme inter gentes illas, frigore duratas ac pugnaces, flagrâsse bella, & ob soli sterilitatem amæniores sedes quæsitæ in Germania, Gallia, Hispania, Italia. Hinc magnæ illæ populorum migrationes, Gothorum ex Svecia, Cimbrorum ex Dania, Normannorum ex Norvegia: quæ gentes Europæ annales implent.

Fides Christiana paulatim ex Germania & Polonia per Dania in has terras immigravit, Sæculo IX. per magnum illum septentrionis Apostolum S. Anscharium, uti in Dania, ita etiam in Svecia promulgata, Olai I. tempore: penitus verò introducta sæculo primùm duodecimo à S. Erico Rege. A quo tempore, prout in aliis Ecclesiæ provinciis, ita etiam in Svecia sacra Concilia pro servanda religionis integritate, & Ecclesiastica disciplina sunt celebrata.

59.

Conversio.

Et quidem anno 1148. celebratum est *Concilium Lincopense*, Præside (prout illa ætate passim fieri consueverat) Nuntio Apostolico. Tractatum in eo de erigenda Sede Archiepiscopali speciali in Norvegia, & Upsaliæ in Svecia. At negotium istud tunc necdum absolutum fuit. Ecclesia igitur Svecica, Norvegica, &

60.

Concilia.

Danica remanserunt adhuc subiectæ Lundenſi in Scania Archiepiſcopo, Primati omnium trium Regnorum.

Centum poſt annis, anno videlicet 1248. ſtabilita jam Upſaleniſi Archiepiſcopali Sede, ab Innocentii IV. Legato congregatum eſt *Concilium Scheningenſe*, regnante Erico XI. de quo Joannes Magnus, Archiepiſcopus Upſaleniſis *Hiſtoriæ Gothicæ libro 19.* ſic ſcribit: „ Multa ſui optimi Regiminis teſtimonia ad poſteros tranſmiſit: inter quæ non infimum locum habent, quæ in Concilio „ Scheningenſi aſta fuerunt per Guilielmum Cardinalem, Episcopum Sabinenſem, pro reſtituendis moribus fidei Chriſtianæ, „ tam ipſo Rege ac Proceribus præſentibus & approbantibus, „ quàm Jarlero Archiepiſcopo Upſaleniſi cum omnibus Coëpiſcopis ſuis, ad omnia ejusdem Concilii decreta conſentientibus. „ Quæ ſi hætenus æquè diligenter obſervata fuiſſent, quemadmodum piè & ad publicam concordiam inſtituta fuerunt, non „ tantùm Chriſtianam Rempublicam felicem haberemus, ſed Regnum ex omni parte beatum ad noſtros ſucceſſores tranſmitteremus. Hæc Magnus Archiepiſcopus Upſaleniſis.

Primaria autem intentio & cura Legati Apoſtolici in hoc Concilio erat, revocare Svecos & Gothos à ſchiſmate Græcorum, in quod Presbyteri & Sacerdotes, ductis publicè uxoribus, conſenſiſſe videbantur: effecitque cooperantibus Rege Erico, & Birgero Duce, ut abjuratis conjugibus & concubinis cœlibatum amplecterentur; tranſgreſſores verò hujus ſtatuti omnibus proventibus, & dignitatibus, ac privilegiis Clericali Ordini annexis, privavit, gravibusque pœnis & cenſuris ac Judicio ſæculari ſubjecit.

ARTICULUS X.

Differt. Juridica

De Decimis.

61.

Frequens in Conciliis hujus ſæculi aliisque fit mentio decimarum, quæ à Fidelibus ſolvuntur Eccleſiæ Miniſtris ad congruam eorum ſuſtentationem; dignus eſt enim Operarius mercede ſua, hoc eſt, ſtipendio, ut ſtatui ſuo congruè poſſit vivere.

Diſceptari autem ſolet, quo jure debeantur. Quæ res non magnam videtur habere difficultatem. Nam indubitatum eſt, in lege Moſaica decimas, propriè acceptas, Sacerdotibus Levitici ge-

neris

neris à Tribubus reliquis debuiffe perfolvi, & quidem Jure ac præcepto Divino. (*Levit. 27.*) In lege autem Evangelica, in quantum necessariam Ministrorum sustentationem constituunt, jure ipso naturæ debentur. Quatenus verò determinatam fructuum portionem, decimam videlicet quamque eorum partem, comprehendunt, sub jus duntaxat positivum cadunt. Et hinc eatenus considerata mutationi ac dispositioni Ecclesiæ subjacent.

Et hinc, licet de jure communi præcipuè debeantur Parocho, in cujus parœcia siti sunt agri, prædia &c. ac proin is adversus alios, qui decimas prætendunt, intentionem suam in jure fundatam habeat, videmus tamen haud rarò, easdem ab aliis quoque Ecclesiasticis, & Religiosis communitatibus, quin etiam à sæcularibus hominibus ex privilegio Apostolico colligi.

Acquirere autem jus decimandi possunt laici, si decimæ sint merè profanæ & *laicales*, quas olim domini suis prædiis, & agris, quos subditis suis elocabant, vel in feudum, emphyteusin, vel usumfructum dabant, tanquam tributum, canonem, aut pensionem annuam imposuerunt. Item, si jus decimandi auctoritate summi Pontificis fuerit abstractum & separatum à titulo spirituali, ut adeò evadat jus merè profanum, non amplius fundatum in officio sacro Parochi &c. Tunc enim per contractus aut præscriptionem transferri illud potest ad sæculares, sicut jura alia ac bona temporalia. Vel potest Papa jus decimandi, sic separatum à spirituali officio, &, ut loquuntur *Sæcularizatum*, donare laicis, propter eorum in Ecclesiam merita, vel in subsidium pro eadem defendenda aut propaganda, vel ad tempus pro sumptibus in bellum sacrum, adversus Infideles suscipiendum; ut frequenter factum est, hoc etiam sæculo XIII. pro sacris expeditionibus.

Potest etiam summus Ecclesiæ Antistes habiles reddere laicos ad possessionem juris decimandi, licet illud necdum separatum sit à titulo spirituali, sicut eos universim habiles reddidit ad possessionem Juris Patronatus. Quo casu præscribere illud possunt, cum possessionis privilegio Apostolico facti sint capaces.

Potest denique à Pontifice jus colligendi decimas concedi laicis in feudum vel emphyteusin. ita, ut jus directum maneat penes Ecclesiam, jus verò utile transferatur in laicos. Quod ante Concilium Lateranense III. etiam Episcopi poterant. Possuntque hodie decimas in feudum dare personis Ecclesiasticis, cum istæ possessionis & juris utilis sint capaces.

Quamvis autem per se loquendo laici præscribere non possint jus decimandi, utpote juris possidendi de se incapaces; si tamen in Germania tempore immemoriali quietè collegerunt decimas ex certis fundis, præsumendum esse videtur, possessionem illam esse veram & legitimam, descendantem nempe vel ex separatione juris à titulo spirituali, per summum Pontificem facta, ita, ut decimæ illæ sint omnino *Sæcularizatæ*, vel ex eo, quòd laici privilegio Apostolico redditæ sint habiles ad veram & legitimam possessionem, ac consequenter ad præscriptionem: nisi præjudicia de opposito habeantur, quæ contrariam præsumptionem pariant. Unde, licèt Parochus intentionem suam in jure fundatam habeat, alius tamen tempore immemoriali decimator, in possessione sua non est turbandus: sed præsumendum potius de bono initio illius possessionis, quàm de malo.

Licèt verò, ut mox dictum, laici, nullo interveniente privilegio Apostolico, possidere & præscribere non possint jus decimandi, possunt tamen huic juri præscribere. Aliud enim est præscribere *Decimas*: & aliud multò, præscribere *Decimis*. Quare laici, si titulo fulciantur, 40. annorum omiſsa solutione, bona fide facta, liberare se possunt ab obligatione solvendi decimas, præscribendo decimis seu juri decimandi, quod habet Parochialis Ecclesia, atque sic præscribere libertatem & immunitatem à solvendis eidem decimis. Si autem justus eos titulus destituat, non nisi præscriptione temporis immemoralis obligatio extinguitur; quamvis etiam tunc bona fides requiratur. Cum qua contra aliam Ecclesiam 40. annis præscriptio absolvitur, licèt nullus peculiaris præstò sit titulus; & contra privatum Clericum vel laicum 30. annis sine titulo: cum illo verò 20. vel 10. annis. Ubi simul præteritis & futuris præscribitur.

Quæstio hîc movetur, an immunitas à solvendis decimis emi possit? ratio dubitandi est; quia ista immunitas & libertas nihil est spirituale. Ergo sicut à laicis etiam præscribi potest, sic pariter emi. Unde non desunt graves Auctores, qui cum Ludovico Engel, Friderich, Schmier &c. censent, immunitatem à decimis solvendis pecuniâ emi posse.

Verùm, licèt immunitas illa non sit aliquid spirituale, sicque ex parte emptoris nihil videatur emptioni obſtare; obſtat tamen aliquid ex parte venditoris, qui vendit jus suum decimandi, quod est spirituali officio tanquam suo principali, annexum; cum jus decimandi detur Parocho propter spirituale ministerium. Unde ven-

venditio juris decimandi est Simoniaca. Ac propterea Gregorius XI. *cap. fin. de rerum permut. contractum*, inter duos Prælatos initum, quorum unus pro certa pecunia à petitione decimarum volebat abstinere, irritum declaravit.

Excipiunt quidem, tantum fructus futuros vendi, non autem jus ipsum decimandi: alioquin debere illud in emptorem transferri. Sed hæc exceptio non videtur solida. Nam datur duplex modus vendendi jus suum; unus operatur translationem juris in emptorem, alter extinctionem juris, quod venditor habet adversus emptorem. Sic dominus prædii dominantis potest jus suum activum servitutis vendere domino prædii servientis, quin in eum transferat jus servitutis activæ: quia scilicet emptor tantum acquirit libertatem à jure contrario. Certè in casu nostro decimator per venditionem amittit jus decimandi. Ergo non tantum fructus futuros, sed etiam jus ad illos vendit.

Præcipua autem in hac re difficultas est circa decimas *Novalium* seu illarum terrarum, quæ ab immemoriali tempore jacuerunt steriles, palustres e.g. sylvescentes, aut saxosæ, nunc autem labore & industria sunt excultæ & ad fertilitatem perductæ.

Nam certum quidem est ex *cap. cum contingat 29. de Decimis &c.* non tantum decimas antiquas, sed etiam *novalium* de jure communi pertinere ad Parochialem Ecclesiam. Idque omnino verum est, etiamsi alius sive Ecclesiasticus sive sæcularis, in Parochia decimas antiquas colligat, ut habet *cap. tua 15. eod.* ibi: *nec occasione decimationis antiquæ (licet in feudum decimæ sint concessæ) sunt decimæ novalium usurpandæ: cum in talibus non sit extendenda licentia, sed potius restringenda.* Ubi nihil distinguitur inter personam Ecclesiasticam & laicam, quæ decimas antiquas colligit. Et certè Parochus, etiam quoad decimas novalium, intentionem suam in jure fundatam habet contra omnes, qui illas prætendunt.

Neque obstat *cap. ex parte 27. eod.* ubi Pontifex ait: *cum tibi, quod majus est, sit concessum, ut videlicet decimas de laboribus terræ Parochiarum tuarum cum integritate percipias, de novalibus eas exigere satis potes: quia ubi majus conceditur, minus concessum esse videtur.* Nam hoc capitulum manifestè loquitur de solo Parocho (decimas de labore terræ *Parochiarum tuarum*) non autem de aliis personis, colligentibus decimas antiquas. Similiter clausula adjecta intelligenda est secundum casum de Parocho propositum: quod scilicet, cui majus conceditur *jure ordinario* (nempe Parocho) etiam minus concessum esse videatur. Unde hoc rescriptum, in favorem Parochi
datum,

datum, non est in ejus odium ad alios decimatores extendendum; cum in talibus non sit extendenda licentia, sed potius restringenda. Aliud foret, si alicubi alia consuetudo legitimè esset præscripta, aut privilegium aliquod Parocho obstaret, aut alius perpetuò collegisset eo in districtu decimas novales.

Nihilominus tamen circa ipsum privilegium magna est inter DD. controversia; an videlicet privilegium aliquod à Pontifice concessum indefinitè personæ Ecclesiasticæ aut sæculari, colligendi in certo districtu decimas intelligendum etiam sit de decimis novalium.

Qua de re jam dixi, si alicui personæ privilegium sit concessum colligendi decimas antiquas, illud non esse extendendum ad novales. Idem dicendum existimo, si privilegium decimandi simpliciter & indefinitè sit concessum, non distinguendo inter decimas antiquas & novales: nam quia tale privilegium est odiosum & in præjudicium Parochi, ac contra jus commune atque ordinarium, intelligendum est de decimis præsentibus, seu de illis, quæ obveniunt tempore concessi privilegii, non autem extendendum ad decimas novalium primum futuras. Nisi verba, quibus privilegium conceditur, ita sint universalialia, ut commodè de solis antiquis non possent intelligi. Nam tunc privilegium non extendetur ad futuras novales, sed eas comprehenderet: e.g. si diceretur: *Concedimus vobis omnes & quascunque decimationes in toto hoc districtu.*

Ethoc, credo, significare voluit Pontifex, quando *cap. 29. cit.* ait, decimas novalium pertinere ad Parochialem Ecclesiam, nisi ab his, qui alias percipiunt decimas, rationabilis causa ostendatur, per quam appareat, novalium ad eos decimas pertinere. Atqui, si privilegium ita sit illimitatum, atque universale, ut omnes omnino decimæ certi ac determinati districtus alicui sint concessæ, rationabilis causa ostenditur, novalium etiam decimas ad privilegiatum pertinere. Et hinc probè inspicendus tenor privilegii.

Et hinc etiam censeo, si privilegium sit negativum, quo indulgeatur alicui, ne deinceps ex bonis suis debeat decimas solvere, ejusmodi privilegium comprehendere etiam decimas futuras novalium, nec tantum decimas bonorum actu possessorum sed etiam acquirendorum.

Quæ doctrina, licet multis DD. sit contraria, colligi satis dilucidè videtur ex *cap. quia circa 22. de privileg.* Ubi Pontifex dedit, quod privilegium, quibusdam Monachis concessum, non

solvendi ex bonis suis decimas, *non solum de decimis possessionem illius temporis, sed futuris etiam intelligendum videatur.* Et addit rationem: *Cum nihil exceperit, ac in beneficiis plenissima interpretatio sit adhibenda, nec debeat una eademque substantia diverso jure censi.*

Et ratio ulterior est; quia privilegium, negativè conceptum, *non* solvendi decimas, ex natura propositionis est universale, *nulas* solvendi decimas; qua sub universalitate omnes comprehenduntur decimæ, adeoque etiam decimæ novalium futurorum: quæ non minus sunt decimæ propriè dictæ, quàm antiquæ.

Certè hanc esse mentem Pontificis videtur ostendere tum ipsa locutio adeò generalis & illimitata, *cum nihil exceperit, nec debeat una substantia diverso jure censi*: tum quia per se videtur incredibile, quòd Pontifex alicui det privilegium non solvendi decimas ex agris suis fertilibus, velit autem eundem esse obligatum ad easdem præstandas ex solo suo sterili & inculto, quod primum cum magno labore & sumptu ad frugem debet perducere.

Excipit quidem contra capitulum *quia circa 22. de privileg.* paulò antè laudatum P. Antonius Söll, antecessor meus, in doctissimo suo tractatu *de decimis Novalium*, num. 167. aitque, ibi agi de privilegio, soli concedenti, nempe Episcopo, præjudicioso, qui Episcopales decimas monasterio concessit: cujusmodi privilegium sit latè interpretandum, adeoque contra ipsum concedentem; quia est beneficium Principis, cujus liberalitas non est restringenda, nisi ipse, qui restringere poterat, restrinxerit, aut aliquid exceperit. Econtra privilegium contra jus esse strictè interpretandum. Quia omnis recessus à jure communi est odiosus, & ideo, licèt dispositio indefinita extendatur ad futura, quando nulli est præjudiciosa; secùs tamen esse, si concernat rem aliis multum præjudiciosam.

Verùm hæc disparitas non videtur sufficiens. Nam imprimis etiam privilegium exemptionis à solvendis decimis Episcopalibus, quod in casu capituli *quia circa* Archiepiscopus Londonensis concessit monasterio, est pariter contra jus commune, cum importet alienationem rerum Ecclesiasticarum, proventuum videlicet Episcopatus, estque tum ipsi Ecclesiæ Episcopali, tum successoribus præjudiciosum. Si ergo hoc non obstante, nihilominus Papa decidit, privilegium indefinitè concessum, non solvendi decimas, non tantum de præsentibus possessionibus esse intelligendum, sed

etiam de futuris, & acquirendis, meritò inferimus, idem dicendum pro casu, quo privilegium non solvendi decimas à summo Pontifice Monasterio e.g. aut Ordini cuidam Religioso est concessum, licèt vergat in præjudicium Parochi, aut alterius decimatoris.

Præsertim, cùm rationes, quas *cap. cit.* affert Pontifex, sint generales, nec minùs pro posteriori hoc casu pugnent, quàm pro priori. Nam rationes, quas affert, sunt istæ: *Quia concedens privilegium nihil excepit. Quia in beneficiis plenissima est interpretatio adhibenda. Quia una eadèmq. substantia non debet diverso jure censi.* Quæ planè omnes rationes non minùs pro casu nostro faciunt.

Deinde, ut idem auctor postea *num. 180.* fatetur cum Cardinale de Luca *Disc. 4. de decimis num. 4.* exemptionem ex peculiari novalium natura concedi, *nempe quia ut plurimum novalia magno labore ac sumptu fiunt, ideòque fructus, qui ex eis percipitur, ex causa onerosa tanquam effectus proprii sumptus & industriæ potiùs, quàm ex beneficio naturæ percipitur: tum verò quia nullum Parocho exinde præjudicium paratur, dum bona illa aliàs erant sterilia, & infructifera, adeòque non decimabilia.* Et *num. seq.* addit, congruam sustentationem non deesse Parocho ob non solutas decimas novalis; *cùm nihil illi subtrahatur, quòd antè habuit.*

Hæc omnia cùm ipsemet hic auctor afferat ad probandum, Religiosos non teneri ex novalibus, proprio labore aut sumptu cultis, solvere decimas, quomodo potest unicum ferme præjudicium Parochi afferre in argumentum pro sua sententia, quòd privilegium nullas solvendi decimas non comprehendat novalis? Si sunt fructus proprii sumptus & industriæ: si nullum exinde Parocho paratur præjudicium; si propterea non deest ipsi congrua sustentatio; si nihil ipsi subtrahitur, quod antè habuit: quomodo privilegium Pontificium potest adeò esse odiosum, ac tantopere præjudiciosum Parocho?

Verum quidem est, decimas etiam novalium de jure communi pertinere ad Parochum, ejusque juri inferri præjudicium, si aliquorum bona à decimis novalium solvendis per privilegium eximantur; adeòque privilegium eatenus odiosum esse, & strictæ interpretationis.

Et hinc dixi, illi, cui per privilegium positivum concessæ sunt decimæ antiquæ, nullatenus concessas intelligi decimas novalis
(idem

(idem dicendum, si quis præscripserit jus colligendi decimas antiquas, aut per cessionem, contractum, transactionem, vel aliam conventionem illud obtinuerit, aut per consuetudinem fit acquisitum) imò neque tunc, cum privilegium simpliciter est datum decimandi.

Si verò privilegium affirmativum adeò est universale, ut omnes omnino in certo districtu decimas, & quascunque in illo decimationes alicui addicat; vel quando privilegium est negativum, nullas decimas solvendi; tunc probabilius puto, decimas etiam novalium esse comprehensas; ut hac ratione verborum proprietas, & Canones citati solvantur.

Cæterum, licet opinio hæc mea de privilegio negativo non esset vera, tamen Religiosi ex specialibus privilegiis, etiam in corpore Juris clausis, non essent obligati solvere decimas ex novalibus, quæ propriis sumptibus aut manibus excoluerunt, atque ad fertilitatem perduxerunt, licet alias decimas, nempe antiquas persolverent.

Sic Alexander III. *cap. ex parte 10. de decimis*, renovavit privilegium, ab Adriano IV. aliisque Pontificibus concessum Religiosis, *ut de novalibus suis, quæ propriis manibus vel sumptibus excolunt, decimas non persolvant.* Neque hoc privilegium revocatum est ab Innocentio III. *cap. nuper 34. eod.* nam in eo non revocatur immunitas à solvendis decimis novalium, quæ Religiosi propriis manibus aut sumptibus excolunt. Sed capitulum tantum loquitur de prædiis & fundis jam antè frugiferis & decimabilibus, jubetque, ut, si talia ad Religiosos perveniant, ex iis decimæ solvantur Ecclesiis, quibus antea solvebantur à prioribus possessoribus.

Et licet permitteretur, capitulo *ex parte* derogatum fuisse per capitulum *nuper*, privilegium tamen illud non solvendi decimas ex novalibus, in favorem Religiosorum concessum, renovatum postea rursus fuit à Gregorio IX. *cap. fin de privil. ibi: terra, de qua non exstat memoria, quòd aliquando culta fuisset; redacta per Religiosos viros ad culturam, perpetuò debet, quoad immunitatem de non solvendis decimis, novalium jure censi; cum aliàs non nunquam contingeret, indulgentiam de novalibus plus eis dispendii, quàm utilitatis afferre.*

Extra corpus Juris verò per speciales Bullas multi Ordines Religiosi exempti sunt, non tantum in novalibus, sed aliis etiam

quibuscunque terris, quæ suis laboribus vel sumptibus colunt. Sicut de Religiosis Congregationis Cassinensis, Prædicatoribus, Carthusianis, pluribusque aliis testatur Barbosa in *cit. cap. ex parte num. 5.*

Insigne pariter privilegium Canonicis Regularibus S. Salvatoris concessit Julius II. per Bullam inter cæteros, anno 1512. 2. April. editam; in qua expressè conceditur, quòd de quibuscunque possessionibus ubilibet constitutis, quæ sunt, vel in futurum erunt, quas colunt, & in futurum colent, aut coli facient, decimasolvere non teneantur. Omnibusque prohibetur, eas exigere, vel extorquere. Quod privilegium videtur communicabile aliis etiam Religiosis, qui aliàs gaudent communicatione privilegiorum, præsertim, si motivum dandi privilegium, e. g. cultus Divinus, procuratio salutis animarum, prædicando, docendo, administrando Sacramenta &c. apud eos pariter inveniatur: ut insinuare videtur Engel de *decimis n. 45.*

Denique singularia atque amplissima exemptionis à solvendis decimis plures Pontifices dederunt Societati Jesu. Ac primò quidem Paulus in constitutione, quæ incipit: *Paulus Episcopus*, anno 1549. edita, inter alia sic loquitur: „Socii de domibus & „collegiis ac eorum prædiis, hortis, aliisque locis, eisdem sociis, juxta eorum vivendi institutum, haberi concessis, aut de „iis, quæ sibi pro hujusmodi rebus, domibus, collegiis, prædiis, „locis, & hortis emendis per quasunque personas pro tempore „legari aut relinqui contigerit, & aliis bonis quibuscunque, per „dictam Societatem & ipsius collegia possessis & obtentis, aliquam decimam, etiam Papalemolvere, seu canonicam portionem exhibere, seu ad præstationem procurationum Legatorum prædictæ Sedis, vel Nuntiorum ipsius, aut Ordinariorum „locorum, aut exactorum, collectorum, seu subsidiorum, vel „provisionum quarumcunque minimè teneantur; nec ad id per „litteras ejusdem Sedis, aut Legatorum, vel Nuntiorum, seu „Diæcesanorum prædictorum, cujuscunque tenoris fuerint, ullo „unquam tempore compelli possint; nisi ipsæ litteræ Apostolicæ „plenam, & expressam, ac de verbo ad verbum, de indulto & „concessione hujusmodi, ac de eorum ordine mentionem fecerint. Et si fortè per Nos vel dictam Sedem de piis legatis dispositis & relictis, in genere vel specie, decima, vel alia portio,

„tio, seu quarta, alteri piæ vel non piæ causæ quomodolibet
 „hactenus concessa fuerit, vel illam in posterum concedi seu sol-
 „vi, aut dari, mandari contigerit, socios præfatos, & illorum
 „domus, & bona quæcunque, ac eis legata & relicta, aut aliàs
 „in eorum favorem disposita, in concessionibus & mandatis hu-
 „jusmodi decernimus, & volumus minimè comprehendi; nisi de
 „ipsis, ac præsentì decreto & voluntate nostra, non per clausulas
 „generales, idem importantes, sed vera, expressa, & specifica men-
 „tio fiat in eisdem.

Hanc Pauli III. constitutionem confirmavit Pius IV. Bulla,
dilecti filii anno 1561. additque: „Univerſam ſocietatem, omniã-
 „que & ſingula illius, Domos Probationis, & Collegia ubilibet
 „conſiſtentia, præſentia & futura, eorũque perſonas, fructus,
 „reditus, proventus, etiam bonorum Eccleſiaſticorum, Sæcula-
 „rium & Regularium quorumcunque, illis pro tempore unito-
 „rum aliàsque res & bona quæcunque, à quibusvis decimis, etiam
 „Papalibus, prædialibus, perſonalibus, quartis, medietatibus, &
 „aliis fructuum partibus, ſubſidiis, etiam charitativis, & aliis or-
 „dinariis oneribus, etiam pro expeditione contra Infideles, de-
 „ſenſione patriæ, ac aliàs quomodolibet, etiam ad Imperatorum,
 „Regum, Ducum, & aliorum Principum inſtantiam pro tempore
 „impoſitis, etiamſi in illorum impoſitione caveatur, quòd nulla
 „prorſus exemptio cuiquam adverſus illa ſuffragetur, ita, quòd
 „ſocietas ejusque domus, collegia, fructus, res & bona præfata
 „ſemper ab illis, absque declaratione deſuper facienda, excepta
 „ſint, & eſſe cenſeantur, perpetuò liberamus & eximimus.

Utramque hanc Sedis Apoſtolicæ conſtitutionum anno 1578.
 nova Bulla, quæ incipit *Pæſtoralis officii*, innovavit ac confirmavit
 Gregorius XIII. expreſſè in ea derogando conſtitutioni *Nuper*
 (cap. 34. de decimis) quam Innocentius III. edidit in Concilio La-
 teranenſi.



CAPUT II.

De Jure Synodali Sæculi XIV.

Publicatis jam Gregorii IX. quinque libris Decretalium ordinatio hoc sæculo fuit Juris Canonici æconomia, in variis Conciliis Provincialibus proposita. Et exigebant tempora nervum disciplinæ adstringi, quando bellorum, schismatum, ac hæresum calamitas eundem relaxabat.

Et quidem Germaniam affligebat acerba Ludovici Bavari & Friderici Austriaci de Imperio disceptatio, illiusque triste cum Romanis Pontificibus schisma: uti etiam Wenceslai inertia.

Galliam diffidium fatale inter Bonifacium VIII. & Philippum Pulchrum, ortumque centenarium cum Anglis bellum. Quo Gallia vix non penitus concidit.

Angliam duorum Regum captivitas & violenta mors: interna externaque bella; & super omnia Wicleffi seditiosa hæresis, Potestatibus omnibus humanis exitialis.

Hispaniam inveteratum malum, Principum discordia: quæ Saraceno frui licuit, atque intumescere. Adductus ex Africa ingens exercitus. At DEI clementia profligatus. Occasuro omnino Regno Granatensi barbaro, nisi Christianum sanguinem magis placuisset fundere.

Multa etiam hoc sæculo quæstio de ordine Equestri Templariorum, de gravissimis sceleribus postulato, ac tandem omnino deleta.

Denique Ecclesiam totam miserè afflixit calamitosum schisma ac pertinax, orbe in partes scisso.

Igitur pluribus hoc sæculo Conciliis occasionem fecerunt, Bonifacii VIII. cum Galliæ Rege discordia, Templariorum scelera, Wicleffi hæresis, Ecclesiæ schisma, & morum disciplina ad canonum normam reformanda.

S U M M A R I U M.

Articulus I.

De Conciliis Italiæ in causa.

- 1.
- Philippi Pulchri, Templariorum, & Disciplinæ.*

Articulus II.

De Conciliis Germaniæ.

§. I.

Prænotanda de rebus Germaniæ.

- | | |
|--|---|
| 2. <i>Imperium Alberti I. & Henrici VII.</i> | 3. <i>Imper. Ludovici V. & Caroli IV.</i> |
| | 4. <i>- Wenceslai.</i> |

§. II.

Status Ecclesiasticus ordinatus per Concilia.

- | | |
|--|--|
| 5. <i>Concilium Coloniense I. & II.</i> | 8. <i>Canones ex libro I. Decretalium.</i> |
| 6. <i>- Salisburgenſe & Trevirenſe.</i> | 9. <i>Canones ex libro 2.</i> |
| | 10. <i>Canones ex libro 3.</i> |
| | 11. <i>Canones ex libro 4.</i> |
| 7. <i>- Moguntinum, celeberrimum, in quo doctrina Canonica ſecundum quinque libros Decretalium ſummatim exponitur & promulgatur.</i> | 12. <i>Canones ex libro 5.</i> |
| | 13. <i>Cafus Refervati Archi-Diœceſis Moguntinæ, in illo Concilio reſenſi.</i> |
| | 14. <i>Concilium Salisburgenſe II.</i> |

Articulus III.

De Conciliis Hungariæ.

15. §. I.
- Prænotanda de Hungaria.*
16. §. II.
- Concilia Hungarica.*

Articulus IV.

De Conciliis Gallicanis.

§. I.

Prænotanda de Gallia.

- | | |
|---|---|
| <p>17. <i>Diffidium inter Philippum IV. Pulchrum & Bonifacium VIII.</i></p> <p>18. <i>Defunctis sine prole mascula tribus Philippi Pulchri filiis succedit Philippus VI. Valesius.</i></p> <p>19. <i>Opponentibus se Anglis, qui Gallie coronam prætendunt.</i></p> | <p>20. <i>Unde bellum inchoatur, quod 100. annos tenuit.</i></p> <p>21. <i>In eo Rex Joannes captus, & in Angliam abductus est.</i></p> <p>22. <i>Carolus V. cunctando restituit rem.</i></p> |
|---|---|

§. II.

Status Ecclesiasticus ordinatus per Concilia.

- | | |
|--|---|
| <p>23. <i>Concilium Compendiense I. & II. pro immunitate Ecclesiastica.</i></p> <p>24. <i>Parisiense in causa inter Regem & Bonifacium VIII. agitata.</i></p> <p>25. <i>Avenionense damnat Petrum Corbarium Antipapam. Agitur questio de paupertate.</i></p> | <p>26. <i>Compendiense III. Noviomense. Biterrense.</i></p> <p>27. <i>Andegavense, Vaurense, Narbonense.</i></p> <p>28. <i>Parisiense statuit, non amplius esse obediendum Petro de Luna.</i></p> |
|--|---|

Articulus V.

De Conciliis Anglicanis.

§. I.

Status Angliæ.

- | | |
|---|--|
| <p>29. <i>Isabella turbat Angliam.</i></p> <p>30. <i>Eduardus II. instigante uxore capitur & occiditur.</i></p> <p>31. <i>Eduardus III. bello Gallico initium facit, favente fortuna.</i></p> | <p>32. <i>Wicleffi hæresis seditiosa.</i></p> <p>33. <i>Richardus II. captus & interemptus: Henrico Lancastrio in præmium sceleris coronam Familias sue inferente.</i></p> |
|---|--|

§. II.

§. II.

Status Ecclesiasticus per Concilia ordinatus.

34. Septem Concilia Londinensia, tum pro reformanda disciplina, tum contra Wicleffi hæresin, celebrata. 35. Concilium Lambethense, & Eboracense.
36. - Cantuariense.

Articulus VI.

De Conciliis Hispanicis.

§. I.

Synopsis Historica.

37. Turbulenta Hispaniæ facies, pupillari ætate Ferdinandi IV. 41. Ingenti prælio victi, Tariffam & Algeziram amittunt.
38. Victi Mauri. Septa & Heraclæa expugnata. 42. Petri Crudelis exitiale Regnum.
39. Rex Granatensis ad Regem Marocbii abit, eumque ad expeditionem Hispanam incitat. 43. Ingens de jure in Regnum Castellæ contentio.
40. Persuasi Afri movent in Hispaniam. 44. Joannis I. Castellæ Regis in Regnum Lusitaniæ præensio, & bellum.

§. II.

Status Ecclesiasticus ordinatus per Concilia.

45. Salmanticense I. pro Templariorum Innocentia pronuntiat. 49. Toletanum I. & Complutense.
46. Salmanticense II. partem decimarum Academiæ Salmanticensi attribuit. 50. Palentinum, Tarraconensia &c.
47. Cæsaraugustanum Petrum de Luna primum Cæsaraugustæ Archiepiscopum promulgat. 51. Plura Toletana.
48. Tarraconense canonizationem Raymundi Pennafortii petendam statuit. 52. Complutense & Ilescense in causa schismatis.
53. Toletanum, & Mediæ Campestre in eadem causa. Decisum, nec Urbanum VI. nec Clementem VII. determinate esse agnoscendum verum Pontificem.

54. *Salmanticensē, Navarræum, & Barcinonensē Clementem VII. agnoverunt Pontificem.*

Articulus VII.

DISSERTATIO JURIDICA.

De rebus Ecclesiæ non alienandis.

§. I.

Doctrina generalis.

- | | |
|--|---|
| 55. <i>Quid nomine Ecclesiæ & alienationis hic veniat?</i> | 61. <i>Quænam actio competat Ecclesiæ?</i> |
| 56. <i>Quid de Emphiteusi & hypotheca?</i> | 62. <i>An possessor possit rem alienatam præscribere?</i> |
| 57. <i>Vetantur alienari immobilia & mobilia pretiosa.</i> | 63. <i>Quinam fructus ab eo restituendi?</i> |
| 58. <i>Requiritur justa causa.</i> | 64. <i>An restitutio in integrum hic locum habeat?</i> |
| 59. <i>Et solennitas.</i> | |
| 60. <i>Sine his nulla est alienatio.</i> | |

§. II.

An Prælati repudiare possit Legatum aut hæreditatem, Ecclesiæ delatam?

- | | |
|--------------------------------|--|
| 65. <i>Rationes dubitandi.</i> | 67. <i>Solvuntur rationes dubitandi.</i> |
| 66. <i>Rationes decidendi.</i> | |

ARTICULUS I.

Concilia Italiæ.

1.

Concilium Romanum, anno 1303. à Bonifacio VIII. celebratum, contra Philippum Pulchrum, quem tum alia, tum negata Imperialis corona, & Columnarum Familia, opibus & clientelis Romæ potens, in Pontificem, cui erat irata, concitaverant. Advocaverat Papa ad hoc Concilium etiam Præsules Galliæ, sed Regno excedere à Philippo sunt prohibiti, atque Lutetiam convocati, ut suam iis causam probaret. Porro Philippo in hoc Concilio

lio

lio Romano: sacris interdictum fuisse, scribit Binius ex Conrado Vecerio, negat verò Gabriel Cossartices.

Cùm sub initium hujus sæculi Templarii Equites de gravissimis sceleribus, infidelitatis, blasphemiae, superstitionis, ac luxuriae fuissent accusati, Clemens V. Pontifex jussit, in eorum vitam ac mores diligenter inquiri. Quare varia diversis in provinciis instituta sunt Concilia.

Atque imprimis *Ravennense* anno 1310. ubi variae quaestiones de nefandis sceleribus ipsis fuerunt propositae. Cùmque ea negarent, nec sufficienter probari possent, sunt absoluti. Contra verò in *Parisiensi* eodem anno multi eorum rei sunt deprehensi. *Moguntiae*, cùm Episcopi illo ipso anno, & eam ipsam ob causam essent congregati, Templarii armati in Concilium subito irruperunt, ad summum Pontificem appellantes. Synodus, cùm vis inferenda timeretur, appellationi detulit.

Postquam deinde in *Concilio Viennensi* ordo ille fuisset extinctus, in *Concilio Taraconensi* Hispani Equites Templarii innocentes sunt declarati, decretumque, ut obedientiae Episcoporum subjiciantur, relicta illis ex redditibus suis sustentatione congrua.

Ravennense II. anno 1311. sancivit, ut quilibet Episcopus pro comprovinciali Episcopo mortuo 30. Missas totidem continuis diebus legat, & diebus singulis tres pauperes alat. Ut incertae Reliquiae non exponantur. Ut omnia Sacramenta à jejuniis, quantum fieri potest, conferantur, & gratis. Ut Fideles die Dominica Missam in Parochia audiant. Ut nullus admittatur ad praedicatoris officium ante 30. ætatis annum. Ut nuptiis solennes denunciationes præmittantur. Intrusi in Beneficia excommunicantur, & omni spe promotionis privantur. Ut nullus Episcopus in alterius Diœcesi Pontificalibus utatur.

Ravennense III. anno 1314. ordinavit: ut illi tantum Canonici in capitulo vocem habeant, qui majoribus Ordinibus sunt initiati, nempe saltem Subdiaconatu. Ut Legati Pontificii potestatis suae fidem faciant Ordinariis. Ut pulsentur campanae, cùm Episcopus per suam Diœcesin transit. Ut Religiosus Sacerdos, Missam negligens, ultimum locum habeat in choro & refectorio. Ne pro causis pecuniariis interdicti sententia feratur.

Ravennense IV. anno 1317. constituit, ut quilibet intra annum se curet promoveri ad Ordinem, quem beneficium requirit; alias eo privandum. Ut nullus recipiatur in Monasterium per potentiam sæcularem. Excommunicantur sæculares, qui Clericos, in

delicto deprehensos, detinent, & Judici Ecclesiastico nolunt extradere, aut indecore captos tractant.

Cessârunt hoc sæculo Romana Concilia, sede Pontificia Avenionem translata, ibique 70. annis detenta. Unde non optinè actum cum rebus Ecclesiæ.

ARTICULUS II.

Concilia Germaniæ.

§. I.

Prænotanda de rebus Germaniæ.

2. *Albertus* **A**bdicato primùm ob gestum, malè Imperium, dein acie cæcò, Adolpho Nassovio, sub Alberto I. respiravit Germania. Nec tamen tanto Principi ubique quies, nec diuturna. Sub eo namque excusso jugo, quod aggravabat Præfectorum asperitas, nova coaluit Helvetiorum Respublica, ex tenuibus initiis validum robur: quod magnos etiam Principes sæpitis vinceret. Interemptus deinde Albertus decimo Imperii anno à Joanne nepote; quòd bona illius diutius pro tutore sit visus tenere.

Henricus VII. Brevius adhuc fuit Henrici VII. Luxemburgici Imperium, nemorabile tamen fractis Guelphis & Gibellinis (tanto jam tempore Italiam lacerantibus) & vindicatis Imperio feudorum juribus.

3. *Ludovicus V.* Tum verò distracta Ludovicum inter Bojum, & Fridericam Austriacum Germania: hocque ad Mùldorffium acie victo, fatale Ludovicum inter & Pontifices bellum exarsit. Causa utraque à multis accusata, à multis defensa. Ira quandoque partem utramque ultra metam abripit. Hoc certè nimix fuit iræ, quòd Conarius quidam Romæ pseudo-Pontifex fuerit intrusus.

Eò denique res vertit, ut Septemviri majori ex parte, instigante Clemente VI. exauctorato Ludovico, Carolum Luxemburgicum eligerent. Qui tamen vivente Ludovico Imperio consultò abstinuit. Nec eo mortuo quietus ingressus; donec tandem communis suffragio id fastigium est adeptus.

Carolus IV. Carolus hic jure paterno Comes Luxemburgensis, Joannis in pugna Cressiaca cæsi filius, Henrici VII. Imperatoris nepos, jure materno Rex Bohemiæ, electione Imperator, Carolus IV. Princeps religione, justitia, litteris, pacisque artibus clarus, Archiepiscopus & Academiæ Pragensis fundator, septemvirorum per

Bulam

Bullam auream patronus: sed infelix pater Wenceslai, novi in orbe Heliogabali. Cui pomum Imperiale emendum fuerat à Carolo; plus sanguini, licèt degeneri, quàm Imperio hac in re consulenti.

Venditis igitur à patre civitatum libertatibus & vestigalibus, Cæsareæ potentiae nervis, per aureos gradus eluctatus Wenceslaus ad rerum humanarum fastigium: bis inde detrusus in carcerem: nec se ipso melior, tandem omnino privatus Pomo, quo luserat, & risit. Quod facere solent vel sanctissimi, vel pessimi, vel certè stupidissimi. In eo solum visus consulere Reipublicæ, quòd alterum Joannem *Silentiarium* martyrem fecerit; atque hac tyrannide dederit Pragæ tutelam, Bohemiæ decus, orbi terrarum Patronum.

Hæc externa. Ut qualis qualis appareat facies eorum, qui sæculo XIV. sedebant ad clavum Germaniæ. Jam ad domestica.

§. II.

Status Ecclesiasticus ordinatus per Concilia Sæc. XIV.

Quamvis turbatus aliquantum fuerit hoc sæculo Reipublicæ, tum Politicæ, tum etiam Ecclesiasticæ Status, non desierunt tamen animarum Pastores gregi sibi commisso invigilare, & laxatum alicubi disciplinæ nervum opportunis legibus adstringere. Quod in Conciliis potissimum Provincialibus factum legimus.

Et quidem prope initium sæculi celebratum est *Concilium Colonienſe*. Statutum in eo, ne cui Parochialis Ecclesiæ regimen committatur, nisi doctrina & moribus probè imbuto; quique ætatis annum attigerit. Privandum Parochia, qui non resideat: aut qui aliud insuper Beneficium curatum usurpet. Ut fructus Beneficiales residui aut Ecclesiæ relinquuntur, aut in alios pios usus expendantur. Ut testamenta laicorum coram proprio Sacerdote conficiantur; qui eos moneat, ut ipsi solvant debita, non autem ea hæredibus solvenda relinquunt. Quemlibet posse, sive sanus sit sive infirmus, testamentum facere, & rei suæ proprietatem & usumfructum, vel retenta proprietate usumfructum in alterum transferre. Conficiendum *Inventarium* ab executore testamenti, nisi ipse testator fecerit.

Principes aut eorum officiales bona decedentium Clericorum ne invadant. Usurarii manifesti excommunicantur. Prædicatores quæstiosi non admittantur ad altare, nec pulsare campanulas manuales

nuales per vicos, aut in Ecclesia permittantur. Cum rescripta sint stricti juris, nullus Judex delegatus usurpet jurisdictionem, in rescripto non expressam. Provifores fabricæ Ecclesiarum laici nihil disponant sine consilio plebanorum. Campanarii sint litterati, ut possint Sacerdoti ministrare. Excommunicantur falsarii monetæ.

Colonienſe II. anno 1310. statuta, pacta, & ordinationes, contra Ecclesiasticam libertatem factas, damnat, atque irritat, jubetque illas ab auctoribus revocari, sub pœna excommunicationis. Sub nomine *Advocatiæ* nullæ exactiones imponantur Ecclesiis. Excommunicationis sententia percelluntur bonorum Ecclesiasticorum invasores, ac detentores, & ad restitutionem compelluntur. Fructus suspensorum Canonorum capitulo cedant. Ecclesiæ non consecrentur, nisi sufficienter dotata. Annum deinceps à Nativitate Domini inchoandum, secundum morem Romanæ Ecclesiæ, omnium Ecclesiarum matris & magistræ. Præsentes in Synodo erant, præter Archiepiscopum, Trajectensis ad Mosam, Osnabrugensis, Mindensis, Leodiensis verò, & capitulum Monasteriense, Sede vacante Procuratores miserant.

6. Habita sunt eodem anno duo Concilia *Salisburgensia* Provincialia. In primo indictæ sunt Clericis decimæ, Clementi V. in duos annos persolvendæ. In altero mitius declaratæ sunt aliquæ duriores constitutiones Salisburgensis Ecclesiæ. Præsentes huic Synodo fuerunt, præter Archiepiscopum, Sedis Apostolicæ Legatum *Natum*, Episcopus Passaviensis, Brixinensis, Gurcensis, Chiemscensis, Secoviensis, Lavantinus. Frisingensis verò & Ratisbonensis Procuratores miserant.

Et Trevi- *Trevirenſe* Provinciale eodem anno 1310. statuta edidit, contra violatores immunitatis Ecclesiasticæ, contra raptos, celebrantes in locis interdictis, non residentes, Simoniacos, negligentes executores testamentorum: Decimas non integrè solventes: contra Decanos rurales, causas matrimoniales cognoscentes, contra monachos vagos; contra laicos Judices Clericum ad suum tribunal citantes; contra statuentes aut scribentes adversus libertatem Ecclesiasticam; contra vendentes, oppignorantes, aut quomodolibet alienantes res Ecclesiæ. Contra Beneficiatos, qui Ecclesiam suam ad *firmam*, seu ad censum alteri concedunt. Contra fortilegos, quæstores, fictas litteras exhibentes, indoctos Medicos.

Notabilis est canon quintus, quo decernitur, ut capiens Clericum absque auctoritate Superioris Ecclesiastici, à Parocho denunciatur excommunicatus. Si intra triduum captivum non restitue-

rit, terra ejus, si quam habet, sit interdicta. Si autem intra mensem non resipuerit, ejus dominus temporalis à loci ordinario moneatur, ut detentorem ad restitutionem compellat: si id non faciat, excommunicandum: si necdum compellat, terram ejus interdicto supponendam.

Item canon 31. & tres sequentes contra usurarios; quibus præcipitur, ut omnes usurarii restituant, quidquid ultra sortem acceperunt. Ut sorte soluta reddant pignora. Ut neque tutor nomine pupilli fœnoretur. Usuram autem esse, quidquid ultra sortem exigitur (*nempe solo titulo mutui.*)

Item canon 78. quo Clericis provinciæ Trevirensis datur potestas, liberè disponendi ac testandi de bonis ex Beneficio acquisitis, modò debita prius solvant, & victualia successori usque ad futuram messem relinquunt.

Canon 92. exhibet casus reservatos Diœcesis Trevirensis. Quales sunt 39. ut fractio votorum, ingressio in religionem vel susceptio Ordinum post matrimonium consummatum, hæresis, Simonia, homicidium, physicè vel moraliter patratum, celebratio in Ecclesia interdicta, matrimonium clandestinum, falsatio litterarum publicarum, aut instrumentorum; celebratio in altari non consecrato. Perjurium; effractio Ecclesiæ; latrocinium; populatio agrorum. Celebratio Missæ in censura. Stuprum; oppressio prolis; rapina in Ecclesia; baptizatio proprii filii, extra casum necessitatis. Luxuria in Ecclesia. Verberatio parentum; fortilegium; Sodomia cum consanguineo vel affine. Coitus cum consanguinea suæ uxoris vel sponsæ. Procuratio sterilitatis; blasphemia &c.

Eodem itidem anno 1310. celebratum est etiam *Concilium Moguntinum*, in quod, ut ante meminimus, armati irruerunt *Mogunti-* Templarii, attonitis ea re Patribus. Interrogatus, quid velint, *num.* respondit commendator: se suosque confratres intellexisse, hanc Synodum sui Ordinis delendi gratia potissimum congregatam ex commissione Romani Pontificis: enormia enim & plùs quam ethnica scelera illis objici, quæ privatim committerent; quod ipsis sanè esset gravissimum, & intolerabile: maximè, quòd non ordinatè auditi, nec convicti condemnarentur. Quare coram ista Patrum Congregatione se appellare, & provocare ad futurum Pontificem, ejusque universum Clerum: publicè quoque protestari, eos, qui propter talia flagitia alibi igni essent traditi & combusti, constanter pernegasse, se quidquam eorum designasse, atque

que in ea confessione tormenta & mortem perpeſſos: imò ſingulari DEI iudicio eorum innocentiam comprobata, quòd albæ chlamydes, ac rubræ cruces, igni non potuerint abſumi. Archiepiſcopus proteſtationem admittit, & cum Pontifice ſe ea de re acturum recepit. Atque ita illi in pace ſunt dimiſſi, ac poſtea etiam abſoluti.

8. *Canones ex lib. 1. Decret.* Addidit hoc Concilium Canones præcipuos ex quinque libris Decretalium: quibus ſtatuit, nihil aliud eſſe credendum, tenendum, vel docendum, niſi quod Romana credit, tenet, & docet Eccleſia. Ne quis præſumat docere, quòd Sacerdos in peccato mortali non poſſit conficere, ligare vel ſolvere. Conſtitutiones Provinciales omnes eſſe obſervandas. Uti etiam Reſcripta, in debita forma exhibita. Conſuetudinem eſſe Moguntinæ Eccleſiæ, ut cauſas, per appellationem ad eam delatas, poſſit ſubdidis ſuorum ſuffraganeorum delegare. Mortuo mandatore exſpirare mandatum, ſi eo vivente non fuerit perpetuatum. Conſuetudines, quæ Eccleſiæ gravamen afferunt, eſſe invalidas. Scrutinium ſeu examen ordinandorum instituendum. Nulli recipiendum, dimittendum, aut permutandum Beneficium, ſine Superioris ſui auctoritate.

Nullum ordinandum ad titulum Vicariæ, niſi ſit perpetua. Nullum inveſtiendum ad Parochiam, niſi 25. annum attingat. Nullum illegitimè natum ordinandum ſine diſpenſatione Sedis Apoſtolicæ. Peregrinos & ignotos Clericos non admittendos ad Ordines aut officium ſine Episcopi ſui litteris commendatitiis aut dimiſſoriis. Appellationes ad Superiorem ne impediuntur. Vicariis congruam portionem aſſignandam. Vicarii ſint perpetui, ſi fieri poteſt. Iudices delegati ne procedant ultra ea, quæ in reſcripto exprimuntur. Singuli Episcopi carcerem habeant juxta Eccleſiam Cathedralẽ pro indiſciplinatis Clericis.

Capellani nobilium in capellis privatis ne Sacramenta conferant, abſque conſenſu Episcopi. Clerici ne poſtulent, ſeu advocent, niſi in cauſa pia, aut pro perſonis miſerabilibus vel conjunctis. Religioſi verò non advocent, niſi de conſenſu Prælati, & in cauſis ſui monaſterii. Abſolutionem metu aut vi extortam eſſe irritam. Ceſſiones actionum non paſſim faciendas; cùm vetita ſit alienatio iudicii mutandi cauſa.

9. *Ex lib. 2.* Si Potentes perſonaliter citari non poſſint, citentur in Eccleſia eorum Parochiali; ſi neque hoc fieri poſſit, citatio proponatur in Cathedrali tribus Dominicis continuis: ſi reus nuntium, qui cita-

citationem perfert, verberet, spoliet, vel captivet, etiam ante litis contestationem habendum pro convicto.

Nulius Clericum actione personali vel reali in foro sæculari conveniat. Sed neque Judices Ecclesiastici causis profanis laicorum se immisceant. Si appellantes appellationem apud Superiorem introductam intra duos menses non prosequantur, teneantur sententia primæ instantiæ, nisi moram purgaverint.

Multa deinde statuuntur de vita & honestate Clericorum. De Clericis vagabundis coërcendis. De continentia Clericorum. Contra ^{10.} *Ex lib. 3.* Clericos non residentes; & habentes plura Beneficia. Contra institutiones & investituras laicorum. Contra concessionem præbendæ necdum vacantis. Contra innovationem Sede vacante. Contra occupantes bona Ecclesiastica. Contra cohabitationem Clericorum & mulierum. Additque, hoc cohabitationis vitium, multis laboribus successivè extirpatum, quorundam Prælatorum negligentia rursus pullulare.

Non licere Patronis partem decimarum aut proventuum adimere, cum Beneficia sine diminutione sint conferenda. Non licere administratori res Ecclesiæ donare, vendere, obligare, permutare, in emphyteusin perpetuam dare, vel alio quovis modo alienare, sine consensu majoris & sanioris partis Capituli; eamque alienationem esse inanem & irritam. In mutuo verò eos tantum agnoscere creditores, qui probant, mutuum acceptum in rem Ecclesiæ esse versum.

Quosdam, spe defensionis in Advocatos Ecclesiarum adscitos, ex defensoribus factos esse offensores, exactionibus immoderatis gravantes Ecclesias. Eos stipendiis & servitiis initio, quando erecta est advocatia, sponte deputatis debere esse contentos, & Ecclesiarum jura defendere. Non licere Prælato annuam pensionem de rebus Ecclesiæ cuiquam constituere, donec Beneficium obtineat. Fructus rei oppignoratæ semper in sortem computandos. Jus tamen patronatus, rei pignoratæ adhærens, manet penes dominum pignoris; cum tale jus pretio æstimari non possit, adeoque in sortem nequeat computari.

Quia anno gratiæ, Clericis defunctis pro solvendis debitis concessio, abusi sunt, consanguineis &c. fructus illius anni relinquentes, deinceps annum gratiæ tollendum, nisi adsint Clerici defuncti debita, quæ aliter solvi non possint.

Decernitur excommunicatio in eos, qui impediunt ultimas voluntates: cum nihil magis hominibus debeatur, quam ut ultimi

mæ voluntatis liber sit stilus. *Manifestos* (seu executores testamenti) inventarium conficiant, & intra annum omnia exequantur.

Parochiali Ecclesiæ quoad sepulturam, & percipienda Sacramenta habendus honor. Religiosi ne sint compadres. Qui non est professus, voce activa & passiva careat in electione Abbatis. Proprium Monachi ne habeant.

Si Ecclesia *consecrata* polluitur, non posse per alium reconciliari, quàm per Episcopum. Si baptismus cum debita forma privatim in casu necessitatis sit administratus, ceremonias omittas postea publicè supplendas. Baptismum, oleum, chrisma, Eucharistiam, sub fidei custodia, clavibus obserata, esse asservanda; palas verò, sacra vasa, corporalia, & vestimenta ministrorum munda & nitida conservanda.

Servanda Ecclesiæ jejunia, ut quadragesimæ, quatuor temporum, & vigiliarum: nec alios dies his substituendos. Ecclesiæ & altaria nova non erigantur sine consensu Episcopi; qui primum lapidem benedicat, & ponat.

Servandam immunitatem Ecclesiarum. A Clericis nulla pedagia aut telonia exigenda. Omnia statuta & consuetudines, cum libertate Ecclesiastica pugnantis, declarantur irrita, & sub pœnis abolenda.

II. Denunciationes tribus continenter diebus Dominicis, aut festivis, inter se distantibus, matrimonio præmittendas, ut, si quod latet, impedimentum patefiat. Excommunicandos, qui tale celaverint. Causas matrimoniales à nullo Archipresbytero, vel plebano cognoscendas, sine speciali mandato Episcopi. Unus tantum patrinus baptismi, & confirmationis esto: ad evitanda impedimenta spiritualis cognationis.

12. Simonicum esse, si ordinandus ordinanti promittat, se nullum Beneficium ab eo petiturum. Sub censura prohibetur aliquid exigere pro administratione Sacramentorum, & Sacramentalium. Sponte autem & liberaliter oblatum munus accipi posse.

Judæis signum gestandum, quo à Christianis fecernantur: à publicis Officiis rejiciendos: Christiana mancipia, quæ habent, dimittenda. Nemini iis in eadem domo cohabitandum. Die Parasceves foras non prodeundum. Potentes, in quorum terris gens perfida versatur, ad horum executionem pœnis Ecclesiasticis compellendos.

Excommunicantur omnes Hæretici; damnati verò ab Ecclesia, sæculari iudicio relinquuntur. Clerici verò prius degradantur.

Statuuntur censuræ in laicos, qui Clericum captivum abducunt, aut detinent, aut mutilant, aut vulnerant, aut spoliunt. Item in raptos bonorum Ecclesiasticorum; in incendiarios, effratores, & destructores temerarios Ecclesiarum.

Usurarii notorii excommunicantur: sepultura Ecclesiastica arcentur. Hæredes etiam eorum ad restitutionem compelluntur. Usurarii notorii neque in articulo mortis absolvendi, nisi usuras prius restituant, aut cautionem de iis restituendis præstent.

Quia multi falsarii asserunt, se litteris Apostolicis, & aliorum Prælatorum testimoniis munitos, tales rejiciantur, nisi prius litteræ ab Episcopo Diocesis fuerint examinatæ & approbatæ.

Excommunicantur fortilegi extra mortis articulum à solo Episcopo absolvendi.

Clerici, censurarum contemptores, deponendi, infames, & inhabiles ad omnia Beneficia, nisi per pœnitentiam emendati, Apostolicæ Sedis gratiam meruerint obtinere.

Ne Religiosi fines suorum privilegiorum excedant; cùm privilegium mereatur amittere, qui concessa sibi abutitur potestate. Statuuntur pœnæ in Clericos, injuriis verbalibus vel realibus, alios lædentes. In lædentes quomodocumque sigillum confessionis.

Culpat Concilium facilitatem Confessariorum, qui passim quosvis peccatores absolvunt. Item eos, qui Missas, à se legendas pro stipendio, in satisfactionem imponunt confitentibus.

Ne pœnitentiales satisfactiones, & disciplinæ severitas enerventur, modus in concedendis Indulgentiis habendus. Quare in Dedicatione Ecclesiæ indulgentiæ ultra annum non concedantur, sive unus Episcopus, sive plures Ecclesiam dedicerint: in Anniversario verò Dedicationis tantum 40. dierum. Episcopus pœnitentiarium apud se habeat, & alium in Cathedrali; qui in casibus Episcopalibus dispensare possint.

Casus, Episcopo Reservati enumerantur: ut homicidia, sacrilegia, incendia, peccata contra naturam, concubitus personæ sacræ cum consanguinea vel affine, vel cum ea, quæ votum castitatis emisit: publicæ injectiones manuum in parentes, oppressiones parvulorum, veneficia, perjuria solennia, votorum violatio, simonia, adulteria, hæreses, apostasiæ, maleficia conjugibus

13.

illata, procuratio sterilitatis, vel abortus, falsatio litterarum, vel monetæ &c.

Quia aliqui censuras contemnunt, spe finalis absolutionis, statuit Concilium, ut tales neque in extremis reconcilientur, nisi cautionem juratoriam præstent, per se, vel per alios, quantum est possibile, Ecclesiæ satisfaciendi. Non communicandum cum excommunicatis, licet excommunicatio non sit singulis intimata, modò publicè sit promulgata.

Nemo excommunicetur, nisi gravibus de causis, & præmissa competente monitione, præsentibus idoneis testibus facta, ut per eos, si necesse fuerit, probari possit.

Si Episcopus aliquem excommunicavit, per patentes litteras Episcopis vicinis id significet, ut faciant eum denunciari & vitari in suis Diœcesibus.

Excommunicantur ipso facto, qui mortuum tempore interdicti sepeliunt in Sacro cœmeterio. Excommunicati, publicè denunciati, etiam Exemptis vitandi. Nec cum iis in censura mortuis communicandum.

Intelligentia verborum desumenda ex causa loquendi, & significatione propria ac communi; quantum sine absurdo fieri potest. Regulis Juris, benè intellectis, & statutis Patrum Christianus populus regatur.

14.
Salisb.

Concilium Salisburgense Provinciale anno 1386. statuit; ut omnes Clerici in Divinis officiis ritum Cathedralis Ecclesiæ observent. Ne Presbyteri à censuris, & casibus, Episcopo aut Sedi Apostolicæ reservatis, absolvant, sub pœna suspensionis. Licentia, absolven- di à reservatis Episcopo, revocatur, quia aliqui illa ad quæstum abutebantur. Mendicantes ad prædicandum & audiendas confessiones non admittantur, nisi sint approbati ab Episcopo, & à suis Superioribus facultatem habeant.

Sub pœna excommunicationis prohibetur, ne quis invadat, occupet, aut detineat bona Ecclesiastica; additurque ratio: *Cum Ecclesiæ & Ecclesiasticæ personæ, ac res ipsorum, non solum jure civili, sed & Canonico, ac Divino, à sæcularium personarum talliis, collectis, & exactionibus, sint immunes.* Excommunicationes in omnibus Diœcesibus promulgari mandat. Uti etiam capitulum *Clericis de immunit. Eccles. in 6.* Excommunicantur laici, Clericos ad suum tribunal trahentes, uti etiam Clerici in eo comparentes.

ARTICULUS III.

De Conciliis Hungariæ.

§. I.

Præmittuntur aliqua de Hungaria.

Pannoniam, amplissimis olim terrarum spatiis expositam, Romani occuparunt: tum verò Hunni, gens Scythica; quæ bis in Pannoniam effusa, primò quidem duce *Atila*, sæculo V. dein sub *Almo* Principe sæculo VIII. reversa, constanter terram illam incoluit, quam à nomine suo *Hungariam* dixit: devicto per *Arpadum* Almi filium Suate, Pannoniæ Rege.

15.
Status
Hungariæ.

Sub initium dein sæculi IX. sub *Zultano*, S. Stephani proavo, cum *Thassilone* Baviariæ Duce fœdus, inierunt Hungari adversus *Carolus* M. quare hic Europæ domitor, capto *Thassilone*, expeditionem in Hungariam suscepit, eamque victis Hunnis, & Buda urbe Regia expugnata, immensæ suæ ditioni adjecit.

At sub *Ludovico*, Germaniæ Rege, *Caroli* nepote, excusso jugo, in libertatem asserti, graves deinceps fuerunt Germaniæ, quam sæculo X. pluribus irruptionibus, cædibus, incendiis, populationibus, pervagati, miserandum in modum devastarunt: donec ab *Henrico* Aucupe, ejusque filio *Othone* M. in Germaniæ umbilico ingentibus cladibus attriti, pacem colere sunt coacti.

A Geyfa deinde, per conjugem, *Miecislai* Poloniæ Regis filiam, ad Christi fidem converso, altero velut *Numa Pompilio*, per leges & disciplinam gens ferox est cicurata, & magnam partem ab ethnicis Martis & Herculis sacris ad Numinis veri cultum traducta.

Quòdque *Geyfa* pater immortale opus cœperat, absolvit filius S. *Stephanus*, primus Hungariæ Rex (nam Ducum antè titulum gerebant) sub annum millesimum. Ex quo tempore inclita Natio Hungarica, quæ flagellum antè fuit Germaniæ, præsidio eidem fuit atque tutelæ; Ecclesiæ verò ornamento multò maximo.

Nec parùm ad Hungariæ conversionem momenti attulit *Gisela* S. Stephani conjux, S. *Henrici* Imperatoris soror, natûsque ex eo auspiciatissimo matrimonio *Emericus*, sanctissimus Princeps; quem Angeli invisibile terræ sunt visi. Neque omittendus S. *Ladislaus*, octavus Hungariæ Rex, S. Stephani abnepos, quem pariter Ec-

clesia

clesia publico ritu aris intulit. Is Hungariæ Croatiam atque Dalmatiam adjecerat: non armis sed dono acceptam.

Andreas II. anno 1217. sacram expeditionem in Palæstinam suscepit. Nec frustra. Nam Jerosolymam rursus & Damiatam expugnavit. Dictus propterea *Hierosolymitanus*.

In *Ladislao III.* *Andræ* pronepote defecit tandem Hungarorum stirps Regia, per 22. Reges continuò propagata, trium ferme sæculorum spatio. Tùmque ad exteros Principes corona transiit. Et primò quidem, transcursis brevi saltu dubiis aliquot capitibus, in *Andegavensi* domo tantisper confedit.

Nam *Maria*, soror *Ladislai*, nupta fuerat *Carolo Claudio* Regi Neapolitano, famosi illius *Caroli Andegavensis* filio. Ex matrimonio illo prognatus est *Carolus Martellus*, quem Pontifex Regem Hungariæ coronavit; at Hungarorum divisa fuerunt suffragia, quibusdam *Wenceslao Bohemo*, aliis *Othoni Bavaro*, aliis denique *Andræ*, impari thoro nato, adhærentibus. At *Carolus Robertus Martelli* filius, quietam tandem Regni possessionem adiit. Sed bellicus infelix. Nam *Valachos* agressus, totum amisit exercitum, vix vitam servans fugâ, & mutato habitu.

Bene tamen de Hungaria est meritis, quòd genuerit *Ludovicum*; quem populi amor eò usque extulit, ut *Magni* cognomen tum ei indiderit. Electum dein etiam Regem Poloniæ, tristis illa magnorum sæpè Principum afflixit calamitas, quòd nullum haberet filium, cui Regna relinqueret.

Habuit tamen duas filias, magnarum deinceps rerum sementem, *Mariam*; quam Hungari non Reginam, sed Regem, publicis etiam in diplomatibus, appellarunt, more retento in futura etiam tempora. Hæc *Sigismundo* *Caroli IV.* Imperatoris filio ac postea Cæsari, nupta, Regnum Hungariæ in dotem attulit. *Hedvigis*, altera *Ludovici M.* filia, Poloniæ hæres, desponsa est *Jagelloni* *Li huaniæ* Duci. Quo pacto Lithuania cum Jagellone ad Christiana sacra conversa, Poloniæ unita est; à qua antè frequentibus bellis dissidere consueverat. Hæc, ex *Antonio Bonfinio*, rerum Hungaricarum scriptore facilè Principe, excerpta, contigerunt, usque ad sæculum XV.

Cæterum scriptores aliqui Germani cum *Conringio de finib. cap. 17.* volunt, Hungariam olim subjectam fuisse Romano Imperio, dicuntque, eam à *Carolo M.* subactam; ab *Henrico III.* homagio & tributo operatam. *Henricum IV.* ipsius dedisse Regem. *Lotharium II.* misisse mandata. Comparuisse eos in comitiis Imperii.

Sed

Sed Hungari negant, se tanquam status Imperii in Comitibus comparuisse, aut unquam Imperio se subjecisse.

§. II.

Status Ecclesiasticus per Concilia ordinatus.

Has inter Regni Regumque mutationes frequentes in Hungaria habiti sunt conventus, ad ordinandum Regni & Ecclesiæ statum. Celebris est illa Synodus, in qua deliberatum. an præterito Salomone primogeniti filio, Regnum deferri possit S. Ladislao, ex secundo genito fratre prognato? Statutumque, id fieri posse ob Ecclesiæ & Regni utilitatem, eò quòd Ladislaus omnibus ad regnandum dotibus sit instructus, Salomon autem homo ferox, ac præceps, quem magis impetus, quàm ratio dirigat.

16.

Budense postea Concilium statuit, ne Parochi citra necessitatem & sine licentia per Vicarios administrent Parochiam. Ne res Ecclesiasticæ ullo modo alienentur sine debitis solennitatibus. Ne absentes à rebus Divinis de stipendiis participant. Commendatur studium Juris Canonici; & observatio immunitatis Ecclesiasticæ à vestigalibus, collectis &c.

Concilium Posoniense anno 1309 (eo ipso videlicet anno, quo Carolus Robertus Regnum adiit) celebratum à Legato Clementis V. ac postea à Clemente VI. confirmatum, novem constituit Canones.

Primus hortatur, ut omnes Apostolicam Sedem tanquam matrem & magistram venerentur, uti etiam Ecclesiæ Prælatos, excommunicationis & interdicti pœna statuitur deinde in eos, qui Ecclesiasticas personas capiunt, percutiunt, aut incarcerant.

Secundus verat, ne Clericus adversus Clericum laico det auxilium aut consilium, sub pœna excommunicationis.

Tertius: ne Clericus de manu laici Beneficium Ecclesiasticum recipiat.

Quartus: ne quis invadat, diripiat, aut retineat bona Ecclesiastica sub pœna excommunicationis: & nisi spoliator intra tres menses ea restituerit, ejus vassalli, castellani, comites, & officiales, ab homagio & quacumque præstatione, etiam juramento aut pacto vallata, pronunciantur absoluti & liberi.

Quintus Clericos concubinos mulctat subtractione fructuum: pœna excommunicationis spirituali, quæ contemnebatur, in temporalem, quæ magis formidabatur, commutata.

Sex-

Sextus conqueritur de turbata pace Hungariæ (*nempe post mortem Ladislai Regis, ubi plures Regni candidati caput efferebant*) statuitur pœna excommunicationis in eos, qui bellis, seditionibus, aut devastationibus pacem deinceps turbaverit.

Septimus excommunicat eos, qui recusant Carolum Robertum pro Rege naturali Hungariæ recipere & habere, aut alium advocant aut nominant: item eos, qui Regalia aut Ecclesiastica bona, vel Sacram coronam occupant, aut detinent. Qui autem animo obdurato per annum in excommunicatione inforduerit, confiscatis bonis, tanquam hæreticus plectatur.

Octavus severè vetat, ne matrimonium contrahatur cum infidelibus, hæreticis, & schismaticis, maximè cum Ruthenis, Bulgaris, Rasciis, & Lithuanis, in errore manentibus: statuta excommunicationis pœna in eos, qui hanc constitutionem violaverint.

Nonus magnopere commendat obedientiam, Sedi Apostolicæ, ejusque Legatis præstandam. Præsertim verò hanc obedientiam & subjectionem inculcat Polonis, qui unâ cum Hungaris in hoc Concilio Posoniensi præsentés erant. Fuitque postea anno 1346. hoc Concilium confirmatum à Clemente VI. ad instantiam Polonorum.

ARTICULUS IV.

De Conciliis Galliæ Sæculi XIV.

§. I.

Prænotanda de Gallia.

17. *Lis Regis cum Papa.* Cum sæculo hoc cepit grande dissidium inter Bonifacium VIII. & Philippum IV. cognomento Pulchrum Regem Galliæ, propter Legatum Pontificium. Hic, cum Philippum, voti religione obstrictum, ad expeditionem Jerosolymitanam incitaret, atque cupstantem liberius, etiam cum minis, urgeret, in carcerem conjectus est. Expostulat Bonifacius: pari fragore Philippus tonat. A verbis itum ad facta. Evocat ille Gallicanos Præfules ad Romanum Concilium: vetat iste Regno excedere. Anathema ille fulminat, & æmulum Philippi Albertum Imperatorem ratum gratumque habet. Hic in Præfulum Conciliabulo, Parisiis habito, multorum criminum Bonifacium accusat, appellatque ad Generale Con-

Concilium, melioremque Pontificem. Papa repetito anathemate Galliæ sacris interdixit, scholas aperiri vetuit, & exauctorato Philippo, Galliam Alberto Imperatori addixit, eundemque cum Angliis & Flandris in illud concitavit.

Mittitur in Italiam Nogaretus, nobilis Aquitanus; qui junctus Columnensibus, Bonifacio infensus, Anagninam irrupit. *Sciara* Columna, colapho impacto, Pontificem terræ allidit. Romam inde deductus, paucos intra dies est mortuus.

Successor Benedictus XI. pacem composuit; vibrato tamen in Sciaram & Nogaretum anathemate. Secutus Benedictum Clemens V. Gallus; qui Sedem Pontificiam Avenionem transtulit: fautor Philippi Regis: cum quo ordinem Templariorum in Concilio Viennensi extinxit. Ut autem causam Bonifacii damnaret, adduci non potuit.

At ostendit deinceps cælum, quam causam probaret. Bonifacii VIII. corpus post trecentos annos integrum est repertum. Philippi autem posteritas in filiis defecit; Regnumque Galliæ in eas calamitates est devolutum, quantas à sua origine nunquam expertum fuerat; ruiturum ex integro, nisi fœmina sustentasset.

Philippus siquidem brevi post optima in ætate morte abreptus, reliquit quidem tres filios, *Ludovicum X. Hutinum, Philippum V. Longum, & Carolum IV. Pulchrum.* Qui omnes successivè Regnum sunt adepti, sed arcto adèd tempore circumscriptum, ut omnes simul ne tredecim quidem regiminis annos conficerent. Et, quod magnis Principibus tristissimum, omnes absque prole mascula sunt defuncti.

Successit tum quidem Philippus *Valesius*, defunctorum trium fratrum Regum patruelis, Philippi Pulchri ex fratre nepos. Exclu- *Philippus.* sis secundum legem Salicam filiabus, quas omnes tres fratres reliquerant. At quæstionem Angli moverunt, quam necdum solutam dicunt, quæque innumerorum mortalium sanguine non ita poterat dilui, ut Angliæ Rex non hodieum Franciæ insignia gestet, & ejusdem etiam Regis nomen titulo suo inscribat.

Tres fratres Reges nempe habebant sororem *Isabellam*, Eduardo II. Angliæ Regi nuptam. Huic, nescio ex quo Lycurgo, jus succedendi in Regno Galliæ arrogabant Angli. Galli contra legem suam Salicam, perpetua consuetudine observatam, apponebant, quæ exclusis fœminis, solos admittat masculos. Quos inter ultimo possessori sanguine proximus erat Philippus Valesius, utpote

patruelis. Et quot in aliis Regnis hoc obtinet, etiam ubi nulla viget lex Salica, quæ universim fœminas excludat.

19. *Anglorum pratenſio.* Addebant, etiamſi lex Salica non exiſtaret, & ad fœminas, etiam pro illo caſu, quo vivebat Philippi Pulchri ex fratre nepos, fuiſſet jus devolutum, ſucceſſuram utique potius ultimi Regis filiam, quàm ſororem, vel ſaltem, ſi jus aliud hæreditarium comminſci placeat, ſucceſſuram potius fratris primogeniti, Ludovici Hutini, filiam, Navarræ Reginam. In conſeſſo ſiquidem apud omnes eſſe, ſecluſis ſpecialibus pactis, non in privatorum tantùm, ſed Principum etiam ſucceſſionibus majorem rationem haberi deſcendentium ab ultimis poſſeſſoribus in linea recta, quàm obliqua. Hæc illi.

At magni Principes lites ſuas ſæpè diſceptant gladio judice, qui pro fortiore pronuntiat. Erupit enim hac de cauſa anno 1337. bellum, omnium, quæ Gallia vidit, & diuturnitate, & bellantium odiis, vehementiſſimum.

20. *Belli initium.* Eduardus III. Iſabellæ filius, tracto in partes ſuas Ludovico Bavaro Imperatore, cum 300. navium claſſe in Belgium trajicit. Ex parte Gallorum ſtabant Bohemiæ, Navarræ, & Scotiæ Reges. Nihil tunc actum. Anno ſequenti caſi Galli. Iterùmque celeberrima pugna *Creſſiaca*. Qua Galli 25000. amiſère: atque inter eos plures Principes ac florem nobilitatis. Cecidit etiam in hoc prælio *Joannes* Bohemiæ Rex, Henrici VII. Imperatoris filius, ac Caroli IV. pater. Cui jam prius unum oculum hoſtis, alterum chyrurgi ademerant. At, quamvis cæcus, pluribus adhuc præliis inſignis heros interfuit. Caleſum fructus victoriæ fuit.

21. *Joannes captus.* Philippo, Franciæ Rege anno 1350. mortuo, ſucceſſit *Joannes*. Qui prælio victus ab Angliſ, captuſque in Angliam abductus eſt: adminiſtrante pro ipſo Galliam Carolo Delphino filio.

22. *Carolus V.* Coaluit tum quidem pax *Britiniaca*; relictâ Angliſ totâ Aquitaniâ, & Joanne Rege tribus auri millionibus redempto. Cui haud multò poſt mortuo ſucceſſit *Carolus V.* filius, diſtus à ſuis *Sapiens*; quòd bellageſſet cunctando: ut patris & avi præcipitia evitaret. Statuit is, ut Galliæ Regum filii anno 14. dicerentur Majores; cùm antea 25. exſpectandus eſſet. Obiit Carolus Regno ruruſ compoſito anno 1380. quod tamen filius Carolus VI. vix non totum perdidit; ſumma calamitate in ſæculum XV. propagata.

Turbato tamen tot bellis & cladibus ſtatu Politico, imò etiam Eccleſiaſtico, complura hoc etiam ſæculo in Gallia celebrata ſunt Concilia.

§. II.

Status Ecclesiasticus per Concilia ordinatus.

Quia turbido hoc sæculo militaris licentia in personas etiam Ecclesiasticas, eorúmque bona manus sæpiùs extendebat, non tantum in Germanicis, sed Gallicis etiam Synodis per saluberrima decreta itum est obviàm. Unde

Compendiense Concilium anno 1301. statuit, ut locus ille cesset à Divinis, in quo Clericus à laicis captus ac detentus fuerit. Excommunicantur Judices laici, qui multas exigunt pro delictis Clericorum. Item eos, qui impediunt, ne laici in causis Ecclesiasticis conveniantur coram Judice Ecclesiastico. Item in Abbates non exemptos, qui inita inter se conspiratione se subtrahunt à jurisdictione Episcopi. Si quis in excommunicatione per biennium perlistat animo obdurato, Concilium contra eum tanquam suspectum de hæresi procedat. (*Fuit hoc Concilium Provinciale Rhemenfis Provinciae.*)

Parisiense Concilium anno 1302. flagrantibus jam dissidiis inter Bonifacium & Philippum, ut §. I. annotavimus, celebratum est. In quo Rex conquestus est contra Pontificem, qui se in temporalibus sibi subiectum vellet, & Episcopos Gallicanos contra se Romam evocaret. Cum autem Rex severè prohiberet, ne Romam pergant, supplices, ac subjectionis obsequiique plenas litteras ad Bonifacium dederunt, ut protectionem Romanam sibi remitteret, ne ordo Ecclesiasticus Regnùmque universum Regis irâ adhuc in majores turbas ac calamitates devolvatur. Ad pacem denique magnopere sunt adhortati.

Concilium Compendiense II. à Provinciæ Rhemenfis Episcopis celebratum anno 1305. excommunicationis sententiam, ipso facto incurrendæ, tulit in eos, qui nominatim excommunicatos vel interdictos ad Divina vel Sacram sepulturam admittunt, vel coram ejusmodi excommunicatis sacris interfunt. Item in eos, qui matrimonia clandestina contrahunt. Item in magistratus laicos, qui Clericis vestigalia imponunt, aut tallias vel collectas ab eis exigunt, eo nomine, quod mercaturam exercent, quod tamen probare nolunt in foro Ecclesiastico. Ejusmodi decreta pro libertate Ecclesiastica facta sunt etiam in Concilio *Parisiensi* anno 1314. in *Salmurienti* & *Sylvanestensi* anno 1315. in *Senonensi* anno 1320. in *Parisiensi* anno 1323. multisque aliis.

25.

Avenionense, ab Episcopis trium Provinciarum, nempe *Arelatensis*, *Aquensis* & *Ebredunensis* congregatum anno 1326. statuit, ut censuras, ab Episcopo latas, etiam alii Episcopi promulgent, & observari curent. Censura feriuntur, qui Clericos cogunt ostendere, cur jurisdictionem exerceant, quamvis jam multos annos fuerint in pacifica possessione. Multos insuper Canones edidit contra violatores immunitatis Ecclesiasticæ, lata in eos excommunicationis sententia.

Decrevit insuper, ut Parochus testamentis interfit. Ut bona, restitutioni obnoxia, si incertus sit dominus, ad arbitrium Episcopi distribuantur. Ne vacantium Ecclesiarum bona quis occupet, nisi privilegio vel consuetudine sibi liceat. Ne Beneficia novis censibus onerentur. Ut sæculares, ab Ecclesia rogati, excommunicatos ad satisfaciendum compellant, sub pœna excommunicationis & interdicti. Excommunicantur, qui sine licentia proprii Sacerdotis à Diœcesi exeunt ad contrahendum matrimonium. Item ii, qui litteris Pontificis aut ejus Legatorum abutuntur. Legati Pontifici communibus Ecclesiarum impensis excipiantur. Hæc & alia plura Avenione anno 1326. uti etiam anno 1337. sunt constituta; quæ consultò omitimus, ne repetitio eorundem canonum Lectori fastidium creet.

Anno 1327. *Avenione* rursus celebratum est Concilium; in quo *Petrus Corbarius*, sub nomine Nicolai V. à Ludovico Imperatore intrusus Antipapa, damnatus est; ea etiam de causa, quòd publicè doceret, Jesum, ejusque Discipulos adeò pauperes fuisse, ut nihil unquam, neque in communi, neque privatim habuerint. Quam doctrinam Concilium istud, cui Joannes XXII. Papa præfuit, S. Scripturæ contrarium redarguit. At verò Corbarius Conciliabulo in Italia indicto Joannem propterea hæreticum declaravit.

Sicut autem hoc tempore multum disputatum est in Occidente de paupertate Christi ac Minoritarum, ita à Græcis in Oriente pluribus in Synodis agitata est controversia, an lumen, quo facies Christi in monte Thabor resplenduit, *creatum* fuerit, an *increatum*.

26.

Concilium Compendiense III. Provinciæ Rhemenfis, anno 1329 sub pœna suspensionis prohibuit, ne aliqua persona Ecclesiastica se vel bona sua Jurisdictioni domini vel judicis sæcularis subijciat. Néve deinceps citationes generales admittantur, sub hac formula: *Citetis omnes, quos vobis lator præsentium nominabit.* Denique præcipit, ut singulis Dominicis excommunicati denuntientur, usurpantes, impediētes, & perturbantes ordinariam potestatem Ecclesiasticam.

Novia-

Noviamentense 1344. excommunicavit dominos temporales, qui prohibent subditis suis, ne quidquam vendant Ecclesiasticis personis, aut eorum agros colant. Vetat, ne recentia miracula, tanquam authentica, à Clericis populo proponantur, Ordinario inconsulto. Mendicantes jubentur adhortari populum ad solvendas fideliter decimas; alias adimendam ipsis facultatem absolvendi à casibus Episcopo reservatis (*ex quo patet, Religiosos mendicantes etiam in Gallia, sæculo XIV. ab Episcopis accepisse facultatem absolvendi à casibus reservatis Episcopo.*)

Anno 1346. Archiepiscopus Senonensis cum suis suffraganeis *Parisis* habuit Synodum; à qua præter Canones de libertate Ecclesiastica, de censuris, de Clericali & Regulari disciplina, statutum est, ut sæculares Magistratus hæreticos capiant, & curiæ Ecclesiasticæ judicandos tradant. Item, ut Prioratus, & Ecclesiæ Parochiales, in quibus non sunt sufficientes redditus, uniantur.

Concilium *Biterrense* Provinciale anno 1351. ordinavit, ut curati non dent licentiam suis Parochianis tempore paschali Eucharistiam percipiendi extra Ecclesiam Parochialem, nisi sint infirmi. Hortatur etiam Clericos Beneficiatos, & omnes in sacris Ordinibus constitutos, ut diebus Sabbati deinceps à carnibus abstineant. Quod idem in pluribus aliis Galliæ Synodis est sancitum. (*Unde videtur hæc disciplina eo tempore in Gallia necdum viguisse.*)

Andegavense anno 1365. disposuit, ut qui à Sede Apostolica Beneficia accipiunt, id intra tres menses publicent. Ne Beneficia, quæ sacros Ordines requirunt, conferantur hominibus immaturæ ætatis. Ut mensa Clericorum sit frugalis, duorum tantum ferculorum cum jusculo. Abstinenciam à lacte & butyro diebus juniorum præcipit.

Vaurense, à trium Provinciarum Episcopis congregatum anno 1368. in primo canone de fide tractat, de DEO, de sacramentis, virtutibus, & vitiis, & brevi synopsi insignem Theologiam comprehendit, omnibus animarum pastoribus utilissimam. Quam hic subjicerem, si brevitatis institutum admitteret. Tractat deinde de excommunicatione eorum, qui litteris Apostolicis abutuntur. De statutis contra libertatem Ecclesiasticam abolendis. De iis, qui se opponunt Canonicis electionibus, possessioni pacificæ Beneficiorum, aut se in ea intrudunt, aut plura incompatibilia recipiunt. De non impediendis appellationibus ad Metropolitanum. De puniendis ab Episcopo exemptis, si in loco non exempto de-

linquant. De abſtinentia Clericorum à carnibus die Sabbati. De mittendis à quolibet Capitulo duobus Canonicis ad Theologiæ vel Juris Canonici ſtudium, qui tempore ſtudiorum Beneficii ſui fructus percipiunt, exceptis diſtributionibus quotidianis. (*Plura alia decreta ſaluberrima ſunt edita; quæ tamen ex ſuperioribus Conciliis jam ſunt memorata.*)

Narbonenſe anno 1374. Canones edidit, de modo celebrandi Concilia. De falſis Apoſtoliſ evitandis. De Indulgentiis conceſſis iis, qui corpus Chriſti ad ægros comitantur. De non faciendis donationibus in fraudem laicorum. De immunitate reali & perſonali Clericorum.

28. Anno 1398. in Synodo Pariſienſi, Nationali, præſente Rege plurimiſque Epiſcopis acriter diſceptatum eſt, an Benediſto XIII. ſeu Petro de Luna, qui pertinaci illo ſchiſmate nolebat cedere Papatu, quamvis juramento id antea promiſſiſſet, obedientia eſſet ſubtrahenda? ac denique concluſum, quia ſua tergiverſatione ſchiſma foveat, & unitatem Eccleſiæ impediat, non ampliùs deinceps eſſe obediendum, exſtant in tomo XV. Conciliorum plures orationes in utramque partem hac ſuper re habitæ.

ARTICULUS V.

De Conciliis Angliæ Sæculo XIV.

§. I.

Præmittuntur aliqua de Statu Politico.

29. **A**nglia, magnarum ſæpiùs tragædiarum theatrum, hoc etiam ſæculo non tantum cruentam Martis ſcenam foris aperuit, ſed domi quoque, varias inter turbas, in Reges ſuos & proceres ſæviit: quin uxorem in maritum, filium in patrem bellum moventes vidit.

Iſabella. Malorum fons *Iſabella*, Philippi Pulchri Franciæ Regis filia. Hæc etenim mulier, non minùs ambitione quàm luxuria inſignis, inauſpicato connubio juncta *Eduardo II.* Angliæ Regi, ſub ipſum ſæculi initium, & domeſtica bella concitavit, & externis diſcordiis titulum dotalem ad Britones attulit, paterno, & maritali Regno erinnys fatalis.

30. *Edwardus II.* Et primò quidem diſcordiis domeſticis in Anglia præluſit; tum verò à conjuge *Eduardo* cum filio, quem ex eo ſuſceperat, in Gal-

Galliam fugit; conflato exercitu, ubi in Angliam remeat, hostilibus signis aggressura Regem conjugem. Et favit fortuna sceleri. Angli cum exercitu Gallico se conjungunt. Derelictus à suis capitur Rex Eduardus, in Anglicanis comitiis Regno deponitur, & quod barbariem superat, à custodibus suis crudeliter enecatur in carcere.

Sustollitur in solium filius Eduardus III. 15. annorum adolescens, famosus sæculi hujus actor, cujus dimidium bellis implevit. Nec matri Isabellæ impunes tot turbæ, & exerrantes libidines. Mortemarius Procus suspensus patibulo, in ipso cubiculo Reginæ, præsentis, & inspectantis. Hæc merces sceleri.

Prima bella Eduardus cum Scotis gessit, gente ad asperi soli ingenium formata, victrice non raro Anglicani roboris. Tum verò, demortuis absque prole mascula Philippi Pulchri filii, maternum jus, quod prætendebat, armis asserturus, Gallicanis bellis initium dedit, sæpius interruptis, sæpiusque, pace fragili dissiliente, rursum resumptis; ea quidem Anglorum aut fortitudine aut fortuna, ut præliis plerumque superiores, & Gallicas artes, & multitudinem vicerint, vix vitam fugâ servante Philippo Rege, nobilitate prostrata in acie, ac Regni nervis incisis, in pugna verò Pictavica capto Joanne Rege cum Philippo filio.

Obiit tandem Eduardus Rex anno 1377. postquam 50. annis Regnum & bella gessit, multarum palmarum heros. Davidem Scotiæ Regem devictum captumque Londinum abduxit. Ordinem Perisclidum instituit, vili ex causa. Vituperatur tamen à scriptoribus Gallis; propter vibices fortassis, genti suæ inflictas. Aliena certè culpa infelix fuit, quòd in Regnum ejus inciderit Wicleffus, Sacerdos Anglus, recentiorum novatorum signifer; adversus potestates, non tantum Ecclesiasticas, sed etiam Politicas, feralis tuba; cujus clangores funestos parte 3. audivimus.

Expertus hoc est *Richardus II.* Eduardi III. quem diximus, ex filio Eduardo insigni heroë, nepos, & successor. Nam plebs Anglicana, seditiosa Wicleffi tuba concitata, conspiracyem iniit adversus Regem, Procures, Episcopos, omnemque Clerum, interempto in ipsis sacris Cantuariensi Præsule, eodemque furore in reliquos designato. Adeo nempe omnis hæresis, indole sua ferox, tumultuosa, ac seditiosa, Magistratibus universim omnibus est fatalis. Compressus tum quidem, tum institutis Ecclesiæ Synodis, tum armata auctoritate Regia vulgi furor, sed erumpens deinceps sæpius, in alienas etiam provincias est exporrectus.

Sicut

31.

*Belli Galli-
ci initium
sub Eduar-
do III.*

32.

Wicleffus.

Sicut autem Anglia hoc sæculum inter turbas cœpit, sic continuavit, & finiit. Nam Richardus Rex Thomam Glocestriæ Ducem, patrum suum, dolo captum suffocari iussit, Arundelli comite plexo capite, aliisque pluribus, perduellionis reis, aut carcere aut exilio multatis.

^{33.}
Richardus
II. Quæ, sive crudelitas, sive iustitia, Regi Richardo populi odium, & perniciem attulit. Nam Henricus, Lancastræ Ducis filius, à Rege, patruale suo, in exilium actus, dum Rex in expeditione Hibernica absens esset, à Londinensibus ex Gallia revocatus, collectis copiis, Regi ex Hibernia redeunti, obviam processit, eumque captum carceri Londinensi inclusit; in quo occisus est, anno Christi 1399. ætatis suæ 33. Regni 20. miserando sanè capitibus coronati fato; sed in Anglia necdum miserrimo. *Henricus* coronam tulit in præmium; atque Regnum ad *Lancastrensem* propaginem transtulit.

§. II.

Status Ecclesiæ ordinatus per Concilia.

34. Cùm Clemens V. ubique iussisset celebrari Concilia, in quibus de causa Templariorum inquireretur, ut deinde plena notitia ad Concilium Generale Viennense possit afferri, celebratum est etiam super re ista in Anglia *Concilium Londinense* anno 1309.

Anno 1321. indictum fuit à Cantuariensi *Concilium Londinense II.* quod antequam inchoaretur, præcepit Rex Eduardus II. ne in eo quidquam statueretur, Regi aut Regno in præjudicium. Statuta Synodi versantur circa testamenta, & taxam iis dandam, qui circa illa & eorum executionem occupantur. Circa moderationem provisionum in visitationibus. Circa introductionem Beneficiati in Ecclesiam, ab Ecclesiastico Superiore faciendam. Circa taxam pro scribendi litteris Beneficiati vel ordinati non excedendam. Circa Missas, in privatis oratoriis non celebrandas, absque Ordinarii licentia, sub pœna suspensionis.

Londinense III. itidem Provinciale, à Cantuariensi, Primate totius Angliæ, celebratum anno 1328. excommunicavit omnes, qui Episcopum Exoniensem occiderunt. Diem Parasceves & commemorationis omnium Fidelium defunctorum, festos statuit. Conceptionem item B. V. Mariæ solenniter & festivè celebrandam. Immunitatem rerum, ad Ecclesias, aut Ecclesiasticas personas pertinentium. Testamentum servi adscriptitii non impediendum.

Appel-

Appellationem à gravamine illato, etiam ante sententiam definitivam, ratam habet. (*Pest Tridentinum non licet amplius appellare à sententia interlocutoria, nisi vim habet definitivæ, aut gravamen afferat, quod reparari non possit per appellationem à definitiva.*)

Londinense IV. Præsîde Cantuariensi, anno 1342. disposuit, ut licentia in privatis oratoriis celebrandi Missam non concedatur ab Episcopo, nisi Magnatibus & Nobilibus, quorum domus ab Ecclesia parochiali multum distat, vel infirmis & debilibus. Alia illius statuta jam aliàs sunt memorata. Canon tamen quintus hoc speciale videtur habere, quòd decernat, licèt Parochianis juxta consuetudinem Provinciæ Cantuariensis incumbat, reparare ea, quæ ad Ecclesiam pertinent, tamen deinceps etiam exteros debere concurrere, si fundos in territorio Parochiæ obtineant.

Londinense V. eodem anno celebratum Canones edidit de immunitate Ecclesiastica (*cui inimicus erat Eduardus II. cum suis aulicis*) excommunicat eos, qui in extremis constituti bona sua per donationem inter vivos alienant, in fraudem creditorum. Prohibet, ne excommunicati, petentibus Episcopis, à sæculari Magistratu custodiæ traditi, ipsis inconsultis liberentur.

Lambethense, Præsîde Cantuariensi, Primate, anno 1351. conquestum est, quòd Rex, ejusque Ministri sæculares, personas Ecclesiasticas delinquentes carcere ac etiam morte mulctârint, sub prætextu, quòd privilegium fori & Canonis sit Reipublicæ noxium, eò quòd Clerici, privilegio suo confisi, audaciùs, delinquant. Prohibet proin Concilium, ne sæculares Judices immunitatem Clericorum deinceps violent, Ecclesiasticis verò Judicibus præcipit, ut Clericis delinquentibus severas pœnas imponant, ut quærela illa sæcularium cesset.

35.

Eboracense, à Joanne Archiepiscopo cum suffraganeis suis, congregatum anno 1367. decrevit, ne in Ecclesia fiant placita sæcularia. Ne matres, vel nutrices parvulos in lecto suo collocent, propter periculum suffocationis. Ne causæ matrimoniales hominibus imperitis committantur &c.

Londinense VI. anno 1352. damnavit 24. propositiones Wicleffi; quas retuli *part. 3. cap. 5. §. 4.* & quidem 10. earum damnatæ sunt tanquam hæreticæ; 14. verò tanquam erroneæ, & Ecclesiæ determinationi repugnantes. Idem errores rursus damnati sunt anno 1396. à *Concilio Londinensi VII.* Præsîde semper Cantuariensi, Primate.

36. *Cantuariense* anno 1399. conquestum est, quòd Clerus valde premeretur, tum à Ministris Regiis, tum à quæstoribus Romanis. Cùmque Henricus Rex, obtento violentè, quod diximus, Regno, identidem à Clero postularet pecunias, complura in fine hujus sæculi & ad initium sequentis Concilia Anglica fuerunt celebrata, in quibus hac de re actum est. Postulatum etiam fuit in hoc Concilio, ut dies S. Georgio Martyri facer per totam Angliam celebris ac festus ageretur. Cautum denique, ne Episcopi causas, quæ Sacerdotia & matrimonia respiciunt, aliis, quàm doctis viris, in Jurisprudentia probè versatis, committant.

ARTICULUS VI.

De Conciliis Hispaniæ.

§. I.

Synopsis Historica.

37. Sæculum XIV. seditionem bellorùmque motibus totum turbulentum erat: &, quod dolendum, Christianus plerumque sanguis fusus est, Saraceno in Regno suo Granatensi quieto relicto; nisi quòd circa medium sæculi una alteràve urbs eidem fuerit detracta.

Calamitates. Et quidem sub initium sæculi *Ferdinandus IV.* Castellæ Rex, in pupillari ætate per Henricum propatruum. non tam pupilli Regnique, quàm sui amantem, Regnum moderatus est. Quo tempore Procerum Magnatùmque quivis de publico rapuit, quantum potuit, membris adversus caput in totius corporis noxam incrementibus. Bella ex bellis fata à tutore ac Regni optimatibus, ut se necessarios faciant, & in turbido sibi piscari queant. De ipsa Tarriffa, nefas! Mauris restituenda cogitatum, ut eorum ope plus Christiani sanguinis fundatur.

Lacerata itaque à suis Castellia, Aragonia, relicto in Hispaniæ visceribus hoste barbaro, longinqua bella gerebat, Sardiniam Pisanis, Siciliam *Fridérico*, Jacobi II. Regis sui fratri, ereptura. Regnum Navarræ, ad Gallos per Joannem Ludovici Hutini matrem translatum, omnes invidebant. Ridebat Granatensis, Christianos mutuis inter se odiis ac vulneribus confici.

38. Amoto tandem suspecto tutore, Castellanus juris sui factus, *Septa & Meraclea.* composito, quoad fieri poterat, Regni statu, pacèque cum finitimis

mis restituta, cum Jacobo Aragonio bellum Granatense decrevit. Cæsi ab Aragone ad *Almeriam* barbari, & expugnata ad Africæ oram *Septa* (quam *Ceutam* vulgus appellat) à Castellanis *Heractea* (quam Saraceni *Gibraltariam* vocitabant) ex adverso *Septæ* objectam. Quæ tamen, civilibus Christianorum bellis rursus postea frementibus, in manus infidelium est relapsa. *Almeria* & *Algezira* frustra à nostris oppugnata.

Mortuo subin *Ferdinando IV.* in ipso ætatis flore, anno 1312. relicto in cunis filio *Alphonso XI.* unius anni Principe, rursus omnia sunt turbata. Magna de tutela contentio; foris bella consanguineos inter & affines Principes; domi seditiones, internecina dissidia, defectiones virorum etiam Principum ad Mauros.

Granatensis Rex barbarus, Castellæ Regibus vestigalis, usus occasione, ad Marochii Regem Saracenum abiit, exponitque, Ma ^{39.} *Oratio* hometanum in Hispania Imperium, tanta fortitudine à Majoribus *Grana-* fundatum, florens olim vegetumque, jam penitus ferme esse *tenfis.* collapsum, insigni gentis ignominia, cujus olim virtus bellica, Asia & Africa victoriis peragrata, terrarum ubique inclaruerit. Unicam in extrema Hispania sibi superesse Granatam, cum Malaca, Almeria, Algezira, paucisque aliis oppidis.

Jam verò optatum advenisse tempus, quo gentis gloria reparari queat. Christianis Principes bellis fractos, & etiamnum inter se collisos, patere ictui, à quo non facilè resurgant. Navarræ Regem Gallicis cladibus & factionibus implicitum; Aragonium Balearico bello adversus fratrem distentum; Lusitaniam bellis, patrem inter & filium gestis, fessam, novo bello non sufficere; Castellam, in qua majus aliàs robur, sub infirma adhuc Regis sui ætate scissam in partes, se ipsam atterere: Castellanos denique & Aragonios perpetuis inter se odiis, invidia, & discordiis dissidere.

Sed neque ab exteris Europæ Principibus Hispanis fore auxilia. Gallos, Anglósque pertinaci bello averfos mutua interneccione concidi. Bellis totam flagrare Italiam, Venetos inter & Genuenses; Neapolitanos inter Andegavenses, & Sicilia Reges Aragonios; reliquum Italiæ, ob absentiam Romanorum Præsulum, factionibus, direptionibus, populatione everti. Germaniæ busta adhuc fumare nuperis bellis, gemino Principe pro Imperio contendente. Et necdum illi esse quietem, Ludovico Cæsare diris devoto, & virium reliquias colligente, ad opprimendum æmulum, quem, impulsu Sacrorum suorum Antistitis, cogitent Proceres eidem

eidem sufficere. Poloniam, alioquin longinquam, cum Lithuanis & Ruthenis conflictare. Pannonium Regem à Valachis nuper cum toto exercitu concisum: successorem Ludovicum reparandis ruinis incumbere, & Regno in domo sua Andegavensi necdum satis firmato, & domesticas, & imminentes Orientis procellas expavescere. Eam denique Europæ totius, in se ipsam undique armatæ, esse faciem, qua rebus Saracenis nunquam fuerit optatior. Erumpentes ex Asia Turcas, socios suos, ejusdem religionis affectas, victorias suas ulterius semper ulteriusque in Occidentem protendere; si Africa pariter, sedibus suis emota, per Hispanias in Orientem moliatur, compressam validissimas inter duas gentes Europam mediam faciliè elidi, & omne Christicolarum genus uno velut ictu excindi posse.

Veniret proin Rex ad metendas palmas, quas ipsa temporum rerumque occasio ultro offerat. Se, alioquin sub ignobili gentique toti probrosa tributis servitute squalentem, acciso Granatæ Regno ocius cessurum, malléque potenti Saraceno Regi privatum servire, quàm miserum Regem, cui, precario regnanti, nihil ferme nisi nomen supersit, servile christicolis vestigial dependere. Sin uti occasione negligeret Rex, perpenderet probè, an, pace inter Europæos inita, rebusque eorum, quæ nunc ferme prostratæ jaceant, restauratis, securus ipse in Africa esse possit; subjugatis exilibus Granatæ reliquiis, tenui freto facilem trajetum esse; insuper & oceanum & mediterraneum viam præbere classibus. Videret proin, ne Europa in Africam effundatur. Eandem utrisque esse semitam. In eo jam verti rerum molem, quis præveniat, & alterum imparatum opprimat. Tenere jam Hispanos in manibus hinc Calpin, inde Septam, illam Europæ, hanc Africæ clavem: occupata hæc propugnacula satis ostendere, quò consilia eorum colliment. Ne dubitaret proin, si nomen Saracenum, si Regnum suum, si libertatem, si se amaret, collecto ex omni Africa, & terrestri & navali exercitu prævalido, in Europam trajicere, & nobiles Majorum palmas instaurare. Nihil esse ad immortalem nominis gloriam magnificentius, nihil ad opimam prædam locupletius, ad utilitatem & Africæ securitatem nihil opportunius.

40. Hac Granatensis oratione excitatus Rex, non tantum in Ma-
AfriinHi- rochico & Fessano Regno suo, sed in vicinis etiam Provinciis sibi
spaniam. vestigialibus, omnique circum Africa ingentes delectus habuit. Collectoque immani, tum navali, tum terrestri exercitui (quadringenta hominum millia feruntur) filium suum Abomelicum præ-
 ficit.

ficit. Qui freto trajecto Algeziram venit, ejusque urbis se Regem dixit, tum ad Heracleam, opere & situ munitam admodum urbem, Calpi monti, è regione Septæ, impositam, admotus exercitus, fame eandem ad deditionem coëgit. Ex altera parte Granatensis in Castellum agrum irruens, populatione omnia latè vastavit.

Alphonfus Castellæ Rex, quamvis juvenili adhuc esset ætate, factis cum Aragonio & Lusitano, ut poterat, induciis, cum exercitu Castellano, numero licèt multum impari, obviam hosti progressus, commissa pugna, victoriam, ad eam diem inauditam reportavit. Supra ducenta Maurorum millia in acie cæsa memorantur, capti innumeri. *Tariffa* victoriæ præmium fuit, & postea etiam *Algezira*. 41.
Visti.

At in medio victoriarum cursu domestici Procerum motus, bellumque Aragonicum, Alphonsum revocârunt, pactis cum Mauris, qui faciliè tunc excindi poterant, nî livor, æmulatio, invidia intercessisset, decem annorum induciis.

Toto deinceps sæculo nihil admodum contra Saracenos gestum est, bellis assiduus Christianos inter Hispaniæ Principes flagrantibus. Quin fœdere cum impia hac gente sæpius inito, eorum ferro Christianum hauserunt sanguinem.

Fecit id potissimum *Petrus Crudelis* Alphonfi filius, à patre per omnia degener, hostis humani generis, libidinis & crudelitatis portentum. Tres simul uxores habuit. Legitimam obtruncavit. Tres fratres interemit, plurésque Principes Regii sanguinis, alios innumeros, etiam Episcopos. Bis excommunicatus; nunquam melior. Granatensem Regem, data fide publica ad se venientem, propria manu perfidè confodit, & quidem pacis tempore. Regni annos nefanda libidine, cædibus, furoribus, immani tyrannide implevit. 42.
*Petrus
Crudelis.*

Ab *Henrico* fratre Gallorum armis, duce Bertrando Clakino, folio dejectus, ac fugitivus, ab Anglis restituitur. Dejectus iterum à fratre occiditur: quàm superis hominibusque exosus, tam inferis acceptus.

Ingens tunc orta de Regno disceptatio. Quatuor proci illud ambiebant, ac discerpebant, Anglus, qui filiam Petri conjugem habuit, sed pollutis ortam natalibus; Aragonius, & Lusitanus, materno Castellæ sanguine prognati; Henricus Tyranni occisi frater, sed ex nobili Scorto Alphonso natus. Armis omnes jus suum 43.
*De Regno
contentio.*

urgebant. Vicit cæteris debilior Henricus, Procerum Castellæ & Provincialium ope; qui exterum respuebant Principem.

Et eluit natalium labem *Henricus II.* è diuturno exilio evectus ad thronum, magna prudentia, fide, integritate Princeps. Pacata tandem legibusque stabilita Republica, *Joannem* filium reliquit, Regni hæredem, anno 1379. quamvis non sine certamine, suscitatis denuo cognatorum Principum juribus.

Compositæ tum quidem æ sunt lites, novisque Hispaniæ Reges connubiorum sunt juncti fœderibus, sed novis rursus dissidiis atque tumultibus daturis deinceps originem. Quasi Hispaniæ Principes nubant, ut bella pariant.

44.
Bellum
Lusitanum.

Certè ex iis nata sunt Castellanis cruenta cum Aragoniis bella, præsertim verò cum Lusitanis. Nam *Ferdinandus* Portugalliæ Rex, Tellesiam Acunii conjugem uxoris loco habuit, marito Acunio, cornibus argenteis capiti suo impositis, in Castellam secedente. Ex hac adultera nata est Ferdinando *Beatrix*, Joanni I. Castellæ Regi postmodum nupta. Cùm igitur anno 1383. *Ferdinandus* esset mortuus, *Beatrice* filia hærede declarata, Castellanus Regnum dotale postulavit, retento in vinculis Joanne *Beatricis* patruo. Quæ res gravissimo deinceps inter gentem utramque bello causam dedit.

Nam Lusitani respuebant exteri Regis Imperium, ac *Joannem*, ex pellice licèt natum, repetebant. Cùm igitur Castellanus pacis artibus eos adducere non posset ad obsequium, bello aggressus est: Olyssipone etiam obsessa. At pluribus præliis cæsus in Castellam reversus est. Angli mox juncti Lusitanis, translato in Castellantum Regnum bello, multas in eo urbes ac oppida occupârunt; donec tandem, repetitis sæpius tumultibus pace sedatis, Castellanus paterno suo Regno constrictus, Joannem ex carcere throno Lusitano dedit, propagaturum deinceps stirpem Regiam.

§. II.

Status Ecclesiasticus per Concilia ordinatus.

Tot inter Hispaniæ turbas, bellorumque perpetuos motus, non deserunt Ecclesiæ Præsules pro munere suo collapsam alicubi disciplinam restituere, aut labantem sustentare. Complura in hanc rem instituta Concilia.

45.
Salmant.

Et primò quidem anno 1310. Clementis V. jussu, sicut in aliis Europæ Provinciis, sic etiam in Hispania celebratum est Concilium

Salm.

Salmanticense, Præsidente Toletano, in causa Templariorum. Quidam in se animadversum iri adverterent, correptis armis in Hispania validis propugnaculis se tuebantur. Sed à Regiis copiis victi, vinctique, sistuntur Synodali iudicio; in quo communi Patrum suffragio pro eorum innocentia est pronuntiatum. Remissa tamen ad Pontificem rei totius summa deliberatione, ejus decreto, quòd contagium multos infecisset, deleti sunt, bona eorum, in Hispaniis sita, à Regibus occupata, pensione tantum pro sustentatione relicta.

Idem biennio post in concilio *Tarraconensi* est decretum. *Concilium Salmanticense* anno 1312. Academia Salmanticensi, totius Hispaniæ facillè celeberrimæ, nonam decimarum partem Diœcesis Salmanticensis attribuit, consentiente Clemente V. qui decimas Academiae adimi antè præceperat. 46.

Cesaraugustanum anno 1318. celebratum à Petro de Luna, primo illius urbis Archiepiscopo, solenniter promulgavit erectionem hujus Archiepiscopatus. 47.

Tarraconense eodem anno decrevit, insistendum esse apud Pontificem pro canonizatione Raymundi à Pennafort. 48.

Toletanum anno 1324. præcepit, ut Episcopi diligenter in Conciliis compareant, ne morum correctio cesset. Vetat Clericis, ne abutantur fructibus beneficalibus: ne Beneficia consequantur sine institutione Episcopali. Ne pro Missa legenda pecuniam exigant; sed gratis accipiant, si aliquid ex charitate ultro offeratur, absque ulla conventionem aut pacto. (*Si tam salubre statutum observaretur, non tam multi essent otiosi Sacerdotes.*) Denique sub excommunicatione prohibet, ne Christiani Saracenis tempore *Guerræ* ulla subsidia vendant. 49.

Altero post anno habitum est Concilium apud *Alcalam de Henares*, seu *Complutum*, Præsidente rursus Toletano, Hispaniarum Primate, & Castellæ Cancellario. Promulgati duo tantum Canones. Primus statuit, ut suffraganei Toletanæ Ecclesiæ, si non fuerint à Toletano consecrati, intra annum personaliter compareant, & ei reverentiam & obedientiam promittant. Alter tractat de immunitate Ecclesiarum, & excommunicatione lata in eos, qui illam violant.

Palentinum seu *Vallisoletanum* sub idem ferme tempus congregatum ab Apostolicæ Sedis Legato, Nationale fuit Hispaniæ. In quo decretum, ut quovis biennio Provinciale, & singulis annis Diœcesanum Concilium habeantur. Ut Canonici, Episcopo suo perso- 50.

personaliter assistentes, habeantur pro præsentibus, adeoque fructus percipiant. Ut non plures Clerici ordinentur, quàm ex proventibus Ecclesiarum sustentari possint, ne multitudo vilescant, & mendicare cogantur. Ut Parochiæ certis finibus circumscribantur ab Episcopo. Ne Patroni ad Ecclesiam necdum vacantem litteras præsentationis concedant, aut redditus usurpent. Ut, qui in quadragesima, aut quatuor temporum jejuniis carnes comederit, excepta causa infirmitatis, sit excommunicatus. Prohibetur purgatio vulgaris per ferrum candens, aut aquam ferventem. Purgatio verò Canonica per juramentum tantum permittitur in casibus jure expressis. Denique multa statuuntur de Judæis & Saracenis vitandis, ad officia non promovendis &c.

Habita sunt deinde *Tarraconensia* duo Concilia à Joanne Patriarcha Alexandrino, Ecclesiæ Tarraconensis administratore. In primo decernitur, ne decimæ exigantur ex bonis Beneficialibus. Ut Episcopi excommunicatos denuntient, qui jubent usuras solvi, vel earum restitutionem impediunt. *Alterum* contra invasores, raptos, deprædatores, & contra Clericos adversus Ecclesiam pro laico *postulantes* seu advocantes decernit.

51.

Toletanum anno 1339. Præside Ægidio Archiepiscopo, quinque Canones statuit. 1. Vetatur, ne quis in loco, ubi Ecclesia dominium temporale obtinet, possessiones suas vendat, nisi vasallo Ecclesiæ. 2. Ne illiterati ordinentur. 3. Ex qualibet Cathedrali & Collegiata unum ex Canonicis ad studia Theologiæ & Juris Canonici mitti jubet. 4. Ut Episcopi impediti, & Cathedralia Capitula distinctos Procuratores ad Concilium Provinciale mittant. 5. Ut Rectores Ecclesiarum nomina suorum Parochianorum annuatim describant, ut dispicere possint, an constitutionem *utriusque sexus*, circa confessionem & communionem annuam, observent.

Toletanum anni 1347. quatuor Canones edidit. Primus Clericis habitum præscribit. Secundus vetat, ne cessatio à Divinis fiat, nisi citato & audito, qui immunitatem Ecclesiasticam violavit. Tertius ordinat, ut quæstores eleemosynarii non admittantur, nisi authenticas litteras ostendant. Quartus moderatus taxam, Notariis Præfulum pro litteris & sigillo solvendam.

Toletanum anni 1355. declaravit, transgressores constitutionum Provincialium non ad culpam, sed ad pœnam tantum obligari. (*At ubi nulla prorsus est culpa, quem locum habeat pœna propriè dicta? quid puniatur, nisi culpa?*)

Complutense anni 1379. Nationale, congregatum à Tenorio Toletano, deliberavit, cuinam parendum sit tanquam vero Pontifici, Urbano VI. an Clementi VII. Videturque gravissima illa quaestio tunc non fuisse decisa, suspensis inter utrumque animis. 52.

Eodem anno, ac sequentibus complures eadem in causa celebratae sunt Synodi. *Ilesensis* magis favit Urbano. Licet enim ob metum, Cardinalibus injectum, illius electio fuisset vitiosa, ob unanimum tamen illius coronationem, & Pontificios ei honores, ab omnibus Cardinalibus delatos, prius vitium fuisse purgatum.

Venerunt eodem anno 1379. ad Henricum II. Castellae Regem (*quem occiso Petro Crudeli subrogatum diximus*) Legati ab Urbano; venerunt pariter Legati Galli, Clementis causam defensuri. Habitum Concilium Toleti. At pro neutro decisum. Id duntaxat pronuntiatum, ea, quæ in Provincia ad Romanum Pontificem pertinerent, integra ei asservanda, qui causam evicisset. Auditus etiam in Conventu Burgenfi Petrus quidam, Franciscanae sacrae familiae Alumnus, ex Aragonia Regum stirpe oriundus, sanctimoniae laude, & vaticiniorum dono celebratus. Qui pro Urbani electione pronuntiavit. 53.

Anno sequente Medinæ Cumpi eadem causa acriter est agitata. Hi Romana, illi Fundana Comitia præferebant. Prudentioribus (*ut loquitur Mariana de rebus Hisp. lib. 18.*) neutri parti favendum videbatur; sed quasi Pontificio Interregno controversiam ad arbitrium Generalis Concilii rejiciendam.

Anno 1381. celebratum est Concilium *Salmanticense* in eadem rursus schismatis causa, Præsidente Petro de Luna Cardinale. Quo adnitente, rejecto Urbano, tanquam vitio creato, Clemens VII. pro legitimo Pontifice est salutatus. Rem sic enarrat Mariana lib. 17. *Erat Petrus de Luna nobilissimo inter Aragonios loco, à Gregorio Pontifice Cardinalis creatus, secutusque in dissidio Clementis partes, ardenti ingenio vir, legum peritissimus. Is in Hispaniam, ut ingenii dexterritate eas gentes in partes attraheret, legatus est. Et in Aragonia quidem inanis opera fuit, Regis & Procerum animis incertis, suspensisque. Apud Castellæ Regem majus operæ pretium fecit. Viri præstantissimi selecti, de re tota judicaturi. Multi dies in cognitione consumpti; Salmantica tandem, quò conventus translatus fuit, Urbani causam, ut vitio creati, aversati, Clementem Pontificem, quasi liberis comitiis electum, salutârunt, Avenione morantem. In quo & loci vicinitatem secuti sunt, & Regis Gallia gratia magis id datum, quàm ad æquitatis regulas expensum. Ita Mariana.* 54.

De Synodo Navarræa sic idem auctor lib. 18. scribit: *Anno Domini 1387. in conventu Episcoporum & Procerum apud Navarram, Clementem eo nomine VII. justum videri Pontificem pronuntiatum. Regum Gallie atque Castellæ gratia id dari visum est potius, quam ad veritatis atque æquitatis regulam satis expendi. Et extabat à Castellæ Rege novum Beneficium, redditus Vasconi arcibus, quæ in ditione ejus Castellæ præfidiis magno numero obtinebantur. Pecunia etiam, quam pater mutuam acceperat, condonata.*

De Synodo verò *Barcinonensi* hæc habet: *Anno 1378. Barcinone in Episcoporum & Procerum (Aragonie) conventu schismatis causa agitata est diu multumque. Fundana comitia præferenda videri pronuntiatum. Ergo Clemens omnium Ordinum consensu atque lætitia Pontifex salutatur. Sic Hispaniæ multò maxima pars ejus auspiciis sequebatur; novisque accessionibus factio ea vehementius confirmabatur.*

Anno sequente Petrus de Luna Clementis Legatus *Palentinam* Synodum convocavit. Ubi de disciplina ea sunt tractata septem canonibus, quæ jam sæpius memoravimus, videlicet de officio Ordinarii, cohabitatione Clericorum & mulierum, rebus Ecclesiæ non alienandis. Judæis & Saracenis, de feriis per Saracenos observandis, de Clericis conjugatis, & adulteris.

ARTICULUS VII.

DISSERTATIO JURIDICA.

De rebus Ecclesiæ non alienandis.

§. I.

Doctrina Generalis.

55. **E**xstant complures Conciliorum, tum Sæculi hujus XIV. tum aliorum Canones, quibus prohibetur rerum Ecclesiasticarum alienatio. Quæ materia, cum quotidiani sit usus, à scopo alienum non erit, pauca de illa differere.

Quid nomine Ecclesiæ & alienationis.

Atque imprimis observo, in hac materia, Ecclesiis admodum favorabili, nomine Ecclesiæ intelligi loca quæcunque pia, ad cultum Dei, salutem animarum, ægrorum, aut pauperum solarium instituta. Similiter prohiberi alienationem etiam latè acceptam, & quemcunque contractum, quo res ejusmodi loci pii alienarentur;

tur; sive id fiat per donationem, venditionem, permutationem, constitutionem pignoris, specialis hypothecæ, usufructus, usus, aut alterius servitutis, per transactionem, cessionem litis, (saltem si Ecclesia est in possessione) compromissum, unionem cum alia Ecclesia, per concessionem novam in feudum, emphyteusim, locationem ultra triennium, & quamcunque aliam pactiōem, sive dominium directum, sive utile tantum transferatur.

Notant tamen DD. res ab antiquo alienari, aut in feudum vel emphyteusim dari solitas, si rursus ad Ecclesiam redeant, denuo sine nova solennitate alienari, seu in feudum vel emphyteusim dari posse (*extrav. ambitiosa de reb. Eccl. non alien.*) immò addunt, rem semel cum solennitate factam alienabilem, perpetuò effici alienabilem sine solennitate; modò semper cum eadem Ecclesiæ necessitate aut utilitate fiat alienatio. Ut autem res censeatur ab antiquo alienari solita, requirunt DD. tempus 40. annorum à prima alienatione, ritè facta. 56. An in emphyteusim.

Dixi etiam, quòd Prælatus bona Ecclesiæ non possit subicere hypothecæ *speciali*: potest enim sine solennitate ea subicere hypothecæ generali pro debito Ecclesiæ necessario: quia minus periculum & præjudicium Ecclesiæ est in hypotheca generali; cum aliunde necesse sit, debita per aliqua bona solvere.

Prohibentur autem alienari res *immobiles*, seu solo cohærentes, ut fundi, prædia, domus &c. quibus accensentur jura incorporalia, Jurisdictionis, servitutum, jura piscandi, pascendi, lignandi &c. census item annui, si ad sustentationem Ministrorum, vel conservationem fabricæ in perpetuum sint destinati. Excipiuntur tamen res immobiles, valde exigui momenti, & Ecclesiæ propter impensas faciendas absolutè inutiles aut etiam noxiæ. Dico, *absolutè inutiles*; nam si tantum respectivè ad alias res essent minus utiles, requireretur consensus Capituli. *c. ut super de reb. Eccl. non alien.* 57. Immobilia.

Alienari insuper vetantur res *mobiles pretiosæ*; si servando servari possunt. Ut thesauri Ecclesiæ, propter pretium intrinsecum aut antiquitatem singulariter æstimabiles; Reliquiæ insignes, putà, corpus ipsum Sancti, aut caput, manus, pes; Bibliotheca, integri greges animalium, & servi, quorum multos antehac habebant Ecclesiæ, à fidelibus acceptos. Huc refertur etiam pecunia, ad comparandam rem immobilem, aut mobilem pretiosam, aut ædificandam Ecclesiam, jam destinata. Et mobilia pretiosa.

Si tamen valdè magna esset Ecclesiæ necessitas, & ita urgens, ut præscriptæ solennitates adhiberi non possent, ipsa necessitas faceret licitum, quod aliàs de jure esset illicitum.

58.
Causa.

Omnia tamen prædicta alienari possunt, si duo accedant, nempe causa sufficiens, & debitæ solennitates. *Causa* est triplex, necessitatis, utilitatis, & pietatis, e. g. ad solvenda debita, ad majores proventus procurandos, ad redimendos captivos &c. & quidem absque ejusmodi justa aliqua causa alienatio non tantùm est illicita, sed etiam invalida. Cùm Prælati Ecclesiarum, etiam summus Pontifex, non sint domini bonorum Ecclesiasticorum, sed tantùm administratores. Administrator autem absque causa invalidè alienat bona, sibi commissa.

59.
Solennitas.

Sed neque sola causa justa exigitur, ut Prælatus, Papa inferior, res Ecclesiæ possit alienare. Sed requiruntur insuper jure positivo certæ *solennitates*. Nempe

1. *Tractatus* prævius Prælati cum suo Capitulo, collegialiter congregato, ut alter alterius causas audire possit. Unde convocandi omnes Capitulares, qui commodè vocari possunt.

2. *Consensus* majoris & sanioris partis. Hinc ut Episcopus alienet rem ad Ecclesiam cathedralem (imò etiam ad mensam suam Episcopalem) pertinentem, requiritur consensus Capituli cathedralis; ut Prælatus Ecclesiæ collegiatæ, aut conventualis alienet, necessarius est consensus illius collegii, aut conventus.

3. *Subscriptio* Capituli, præsertim in donatione, venditione, permutatione, nisi alia consuetudo legitimè sit præscripta. Per talem enim abrogari possunt singulæ solennitates, non tamen omnes simul; quia hoc posterius vergeret in magnum periculum & detrimentum Ecclesiæ.

4. *Autoritas Superioris*. Et quidem jure antiquiore nomine *Superioris* veniebat superior proximus seu immediatus. Unde, ut Capitulum cathedrale, aut collegiatum, aut Monasterium subiectum Episcopo, aut alia Ecclesia, non habens Capitulum, legitimè alienaret, requirebatur, & sufficiebat consensus Episcopi, in cujus Diœcesi sita erat Ecclesia (licèt bona alienanda alibi essent sita) si autem Ecclesia erat exempta à Jurisdictione Episcopi, requirebatur consensus Papæ, tanquam Superioris immediati; nisi Generali aut Provinciali, aut alteri Prælato, Jurisdictione quasi Episcopali gaudenti, fuerat subiecta: tunc enim sufficiebat consensus Generalis cum suo collegio, aut congregatione.

Hodie

Hodie tamen ac stando in puncto Juris posterioris in alienationibus requiritur insuper consensus Summi Pontificis. Ita enim decisum habemus à Gregorio X. *cap. hoc consultissimo 2. de reb. Eccl. non alien. in 6.* & à Paulo II. in celebri *extrav. ambitiosæ eod. inter comm.* ibi : *alienanti verò bona Ecclesiarum, Monasteriorum, locorumque piorum quorumlibet, inconsulto Romano Pontifice, aut contra præsentis constitutionis tenorem, si Pontificali vel Abbatiali præfulgeat dignitate, ingressus Ecclesiæ sit penitus interdictus &c.*

Exciipiuntur in hac constitutione solum locatio ad triennium, & infeudatio & emphyteuticatio bonorum, quæ ab antiquo in feudum aut emphyteusim concedi sunt solita: hæc enim absque sedis Apostolicæ consensu, secundum juris antiquioris præscriptum, sic alienari permittuntur, sed non nisi de *evidente* Ecclesiarum utilitate. Exciipiuntur etiam fructus & bona, quæ servando servari non possunt.

An autem, & in quantum hæc *Extravagans ambitiosæ* sit recepta, desumendum est à locorum consuetudine. In Italia, Hispania & Lusitania eam vigerè dicunt. In Germania Zypæus receptam negat: quod usus videtur ostendere.

Si autem adesset consensus Papæ, alia solennitas non esset necessaria. Quia videtur Papalis authoritas illam supplere. Requiritur tamen adhuc justa causa, quam per delegatos in partibus examinare deberet.

Patroni aut Principis territorialis consensus per se ac regulariter non requiritur; nisi nempe is aut in fundatione fuerit reservatus, aut bona Ecclesiæ in feudum sint data, aut per privilegium, consuetudinem, aut concordata id habeant: qualia fuerunt inita cum Prælati Austriæ anno 1592 cum Baviaræ Ecclesiis anno 1585. & teste Schambogen in Bohemia requiritur consensus Regius.

Cæterum sine solennitate alienatio esset nulla, & quidem etiam pro casu causæ manifestè justæ, quia lex prohibens ac irritans alienationem fundatur in periculo universali, ne Ecclesiæ damnificentur. Licet igitur pro casu aliquo particulari nullum subesset periculum, subsisteret tamen ratio legis, nempe periculum communiter adesse solitum. 60. Nullitas.

Restringunt quidem plures DD. hanc nullitatem alienationis ad solum forum externum. Verum, cum actus, simpliciter & absolutè à Jure irritatos, pro utroque foro irritatos censerī aliàs uberius dixerim, à generali illa doctrina nihil alienum hîc statuendum.

Convalescit tamen probabilius alienatio, si consensus Superioris postea accedat; quia ratihabitio mandato æquiparatur, & fictione juris retrahitur ad tempus factæ alienationis. Et sic non *trahit tempore* convalescit, quod ab initio non subsistit, sed ipsa Juris dispositione per consensum Superioris accedentem convalescit, ut DD. passim agnoscunt.

Neque obstat, quòd autoritas tutoris aut curatoris primum ex intervallo superveniens, non vivificet contractum pupilli vel minoris, antea invalidè initum. Quia pupillus nullum habet consensum, nisi actu informetur autoritate tutoris. Contrà verò consensus Superioris in alienationem æquiparatur mandato, & decreto judicis, quod superveniens postea validat contractum, prius nulliter celebratum.

61.
Actio.

Cæterum Ecclesiæ, cujus bona vel absque justa causa, vel sine solennitate debita à Prælato fuerunt alienata, duplex datur actio: (prout pupillo vel minori) una personalis adversus ipsum Prælatum, ut ex propriis bonis, si talia habeat, restituat, aut damnum compenset; altera contra possessorem rei malè alienatæ: eaque vel realis, rei nempe vindictio, si Ecclesia probare possit proprietatem (cùm ob nullitatem contractus emptor e. g. aut donatarius nullum dominium rei alienatæ sit consecutus.)

Vel, si proprietas ab Ecclesia difficulter probatur, prudentius aget remedio possessorio recuperandæ unde vi. Ubi sufficit probare spoliationem; quæ sufficienter probatur, si probetur, rem, ab Ecclesia prius possessam, aut sine justa causa, aut sine debita solennitate fuisse alienatam.

Utramlibet hanc actionem, nempe vel contra alienantem, vel contra eum, qui rem alienatam detinet, intentare potest Capitulum, vel successor, vel alii de Clero illius Ecclesiæ; ac his deficientibus, Patronus, aut Princeps territorialis, vel etiam alius illius Ecclesiæ, quia agitur de jure publico.

Potest etiam ipse Prælatus rem à se malè alienatam repetere. Licet enim agat contra proprium factum, & allegare videatur propriam turpitudinem; hoc tamen fieri potest, si factum sit nullum, aut alieno nomine gestum, aut contra favorem & jus publicum.

62.
Prescriptio.

Aliud esset, si bonæ fidei possessor (eò quòd crediderit, causam & solennitatem adfuisse, omniæque ritè esse peracta) 40. annorum lapsu præscripisset contra Ecclesiam. Quamvis enim Gregorius X. in Concilio Lugdunensi, & postea Paulus IV. peculiari

(consti-

constitutione, omnem in hac re præscriptioni locum ademisse videantur, Pius IV. tamen ad Jus commune revocavit; quod 40. annorum præscriptionem adversus Ecclesiam indulget. Non tamen curreret præscriptio, vivente Prælo alienante. Quia tunc Ecclesia ordinario defensore est destituta; & sic quoad hoc instar pupilli, adversus quem non currit præscriptio, quamdiu est pupillus.

Disputari hic solet, an una cum re alienata etiam fructus interea percepti, & quales, debeant restitui. Verum, cum hoc ab ea quæstione generali dependeat, an cum re evicta restitui debeant fructus, & quales, nihil hic aliud statuendum existimo. Unde malæ fidei possessor cum re alienata omnes fructus debet restituere, ac compensare fructus jam omnino consumptos, eosque etiam, qui percipi potuissent. Ac simul perdit pretium, pro re alienata solutum.

63.

Qui fructus restituendi.

Bonæ fidei possessor verò cum re debet restituere fructus formaliter adhuc existentes, & probabiliter etiam virtualiter existentes, non verò ante litis contestationem omnino consumptos. De quibus intelligi possunt textus juris, pro contraria sententia afferri soliti. Sufficiens enim lucratur, si compensare seu refarcire non debeat fructus omnimodè consumptos: cum malæ fidei possessor etiam istos refarcire debeat. Et per se æquum est, ut bonæ fidei possessor non ferat damnum, neque tamen cum damno domini, pariter innocentis, ex re aliena ditescat.

Potest insuper bonæ fidei possessor repetere à Prælo vel Ecclesia pretium, pro re alienata expensum. Neque Prælo restituendo pretium, propriè alienat, sed potiùs totam causam in pristinum statum reponit. Unde sine solennitate potest pretium acceptum restituere. Si per pecuniam, pro re alienata, interea comparatum esset bonum immobile, deberet Prælo vel petere ratihabitionem factæ alienationis, vel deberet providere, ut modo aliquo restituenti pretium compensetur.

Quæres, an ad recuperandam rem alienatam locum habeat remedium *restitutionis in integrum*? Respondetur. Quando res Ecclesiæ aut sine iusta causa, aut sine debita solennitate fuit alienata, remedium huic locum non esse. Quia tunc alienatio fuit omnino nulla. Restitutio autem in integrum, utpote tendens ad rescissionem contractus, supponit, validum fuisse contractum. Si tamen alienatio iusta ex causa, & cum debita solennitate fuisset celebrata, sed tantum læsa Ecclesia esset in pretio, daretur proprius huic remedio locus.

64.

Restitutio in integrum.

§. II.

An Prælati repudiare possit Legatum aut hæreditatem,
Ecclesiæ delatam ?

Subjungo maximè controversam hac in materia quæstionem, an Prælati absque solennitate repudiare possit Legatum aut hæreditatem, Ecclesiæ aut Monasterio delatam ? qua in re certum videtur, id eum facere non posse licitè absque iusta causa. Id ergo quæritur, an cum iusta causa licitè & validè eam repudiationem possit facere, absque consensu Capituli, aut alia solennitate.

Communior ferme videtur sententia, quæ potestatem illam Prælato concedit. Eam enim tenent præter alios Panormitanus, Sylvester, Lessius, Sanchez, Laymann, Gratianus, Barbosa, Palaus, Riccius, Donatus, Vallensis, Zoëlius, Pirhing, Reiffenstuel, Wiestner, Schmalzgrueber. Nec desunt gravia rationum momenta.

I.

Rationes dubitandi.

65.

1. **Q**uia talis repudiatio non est propriè aliénatio rei Ecclesiæ, sed potius non acquisitio, ex *l. 5. §. 13. ff. de donat. inter virum & uxor.* ubi permittitur marito repudiare hæreditatem, aut legatum, ut uxori obveniat. Nec censetur esse alienatio aut donatio inter conjuges.

2. Quia *l. 6. §. 2. & 4. ff. quæ in fraudem credit.* repudiatio hæreditatis & legati non censetur alienatio, facta in fraudem creditorum; ut proin non sit locus edicto Prætoris, quo succurrit creditoribus, in quorum fraudem aliquid factum.

3. Quia *l. 28. ff. de V. S.* Paulus Jctus ait: *Qui occasione acquirendi non utitur, non intelligitur alienare, velut qui hæreditatem omittit, aut actionem, intra certum tempus datam non amplectitur.*

4. Quia Prælato permissa censetur quæcunque dispositio circa res Ecclesiæ, vel Monasterii sibi commissi, quæ jure prohibita aut irritata non reperitur. Atqui repudiationem hæreditatis aut legati ei prohibitam esse aut irritatam non invenitur in jure expressum. Unde etiam solus Prælati caducitatem potest emphiteutæ remittere.

5. Quia actus, & dispositiones quæcunque, in dubio pro validis haberi debent. Ideoque omnis interpretatio admittitur ad

ea;

eas sustentandas. Sed dictæ repudiationis valor valde est dubius. Ergo pro eo standum.

II.

Rationes decidendi.

Graues sine dubio sunt hæ rationes, ut proin illa sententia extrinsecè & intrinsecè sit admodum probabilis, & in praxi satis tuta. Nihilominus probabilior mihi videtur theoricè opposita, quæ repudiationi ejusmodi valorem negat. Et quidem, quantum repudiationem legati concernit, eandem amplectuntur Gonzalez, Azor, Anchoranus, Angelus, Molina, Pinellus, Vasquez, Engel, Schmier, Pichler, Franz &c. 66.

Primò etenim repudiatio legati est *alienatio*, ut habetur *l. magis puto 5. §. 8. ff. de reb. eor. qui sub tut.* ubi Ulpianus ait, pupillum non posse repudiare fundum legatum, *sine Prætoris auctoritate*: additque rationem: *esse enim & hanc alienationem, cum res sit pupilli, nemo dubitat.* Et hinc lex ista ad repudiationem legati non tantum requirit auctoritatem tutoris, sed etiam decretum Prætoris: quod nunquam est necessarium, nisi in *alienatione*; datque rationem non aliam, nisi quòd repudiatio legati, cum res sit pupilli, habeatur pro *alienatione*.

Atqui alienatio rei immobilis & mobilis pretiosæ Præiato absque solennitate est prohibita, atque irrita. Consequenter sicut ad repudiationem pupilli requiritur auctoritas Prætoris seu Judicis, sic ad repudiationem Administratoris Ecclesiæ auctoritas Superioris.

Et ratio ulterior est: quia dominium rei in *specie* absolute legatæ jam est penes Ecclesiam; cum legatum statim à morte testatoris, jam ante aditam hæreditatem, fiat legatarii. *l. 80. ff. de legat. 2. & l. 64. ff. de furt.* ubi generatim dicitur, rei legatæ dominium post mortem legantis *recta via* jam ante traditionem transire ad legatarium. Item *l. 77. ff. habetur, ex testamento etiam ignorantibus enolumentum queri.* Et hinc, ut est notorii juris, legatario competit etiam *actio in rem*, seu vera rei vindicatio. Neque hæres, præstando legatum, transfert in legatarium dominium rei legatæ, sed tantum possessionem. Specialiter in favorem Ecclesiarum *l. 23. Cod. de SS. Eccles.* constituit Imperator, pro rebus Ecclesiæ legatis in centum annos *vindicationem* competere. Ex quibus sanè consequitur, Prælatum repudiando legatum, Ecclesiæ suæ delatum, repudiare rem ipsius Ecclesiæ, adeoque illam verè alienare.

Quamvis autem major non nihil sit difficultas circa hæreditatem, Ecclesiæ relictam, eo quòd hujus dominium primum per ac-

ceptionem & aditionem hæreditatis transferri in hæredem videatur. Nihilominus tamen existimo, cum Gonzalez in *cap. 5. de reb. Eccl. non alien.* aliisque, quos ibi citat, regulariter neque illam à Prælato sine solennitate repudiari posse. Nam licèt ante acceptationem & aditionem hæreditatis Ecclesia non habeat jus in re, habet tamen jus acceptandi & adeundi hæreditatem rei immobilis aut mobilis prætiosæ, & sic consequendi ejusdem dominium. Hoc autem jus ad rem multum ponitur esse æstimabile, præsertim cum rem habere videatur, qui jus ad illam habet. Adeoque si Administrator Ecclesiæ illud jus abdicaret & alienaret, cederet in notabile præjudicium Ecclesiæ. Certè sic Prælatus posset omnes hæreditates, sive per testamentum sive ab intestato Monasterio suo delatas repudiare, quantumcunque essent pingues & certæ. Posset abdicare omnia remedia adipiscendæ possessionis, omnes item actiones ad rem acquirendam.

Denique licèt repudiatio legati aut hæreditatis non esset alienatio strictè dicta, est tamen alienatio latius dicta; conveniunt autem satis DD. extra hanc quæstionem, in hac materia, & generali prohibitione ac irritatione alienationis, Ecclesiis valde favorabili, nomine *alienationis* non tantum venire alienationem strictè acceptam, sed latius etiam intellectam. Quia sacri Canones, alienationem prohibentes & irritantes consulere omnino volunt, bono ac perpetuo statui Ecclesiarum.

Profectò Prælatus tanquam Administrator Ecclesiæ vi sui officii, & juramenti præstiti, generaliter tenetur bonum procurare Ecclesiæ sibi commissæ. Ergo non tantum tenetur ea bona, quæ Ecclesia jam habet, non prodigere, sed etiam jura quæsitæ & potestatem acquirendi non projicere. Quapropter glossa in *can. 2. caus. 12. q. 4.* ait, si Prælatus aliquid negligit acquirere Ecclesiæ suæ, cum possit, hoc ipsi imputandum, eumque de hoc teneri instar tutoris, juxta *l. 7. Cod. arbitrium tutelæ*, ubi in tutorem datur actio, qui, cum potuit, non acquisivit.

Major equidem est ampliòrque Prælatorum Ecclesiarum, quàm tutorum ac curatorum potestas: cum possint etiam liberalitatem exercere, & donationes ex rebus mobilibus dignitati suæ convenientes facere, multaque alia, quæ tutores & curatores non possunt. Quoad abdicanda verò jura, bona immobilia acquirendi, aut mobilia pretiosa, probari non potest disparitas. Sicut enim legatum aut hæreditas non est relicta tutori aut curatori, sed pupillo, ita neque relicta est Prælato, sed Ecclesiæ.

Et hinc ob easdem ferme rationes & consequentiam doctrinæ dicendum puto, Prælatus neque donationem rei immobilis aut mobilis pretiosæ, Ecclesiæ suæ oblatam, posse repudiare sine solennitate. Quia & hæc repudiatio cederet in magnum præjudicium Ecclesiæ.

III.

Solutio Rationum dubitandi.

Atque ex his, quæ in firmamentum hujus sententiæ hætenus sunt allata, haud adeò difficulter solvi posse videntur, quæ pro contraria sunt allata. Nam

67.

Ad 1. retorquetur; nam *cit. l. 5. ff. de reb. eor. qui sub tut. expressè* dicitur, repudiationem fundi legati esse alienationem. Deinde repudiatio legati, Ecclesiæ per ultimam voluntatem facti, non videtur tantum esse alienatio latè dicta, sed etiam strictius accepta, quia acceptationem Prælati non desiderat, sed statim post ipsam mortem legantis dominium transit ad Ecclesiam, ignorante etiam Prælato; cum statim dies legati cedat. Sed neque jus ad rem potest Prælatus alienare: cum, ut dictum, in hac Canonum dispositione Ecclesiis adeò favorabili nomine alienationis veniat etiam latius accepta.

Ex quo eruitur etiam responsio ad *cit. l. 5. de donat. int. vir. & ux.* nam imprimis retorquetur iterum argumentum. Nam pupillus ne quidem cum consensu tutoris potest repudiare fundum legatum, sed requiritur autoritas judicis: quia esset alienatio. Atqui Ecclesia comparatur pupillo, Prælatus Tutori, & Superior, cujus consensus requiritur, Judici. Dein donatio inter conjuges, quatenus est prohibita, est odiosa, quia irritatur actus, de jure civili aliàs validus. Unde prohibitio & irritatio donationis non debet extendi ad alienationem, latius sumptam, seu ad non acquisitionem, sed potius restringenda est ad alienationem strictè acceptam, qua donans fieret pauperior, quàm antè fuit. Contra verò prohibitio & irritatio alienationis est Ecclesiis valde favorabilis; unde extendenda ad alienationem etiam latius acceptam. Taceo, disputari posse, an non plus requiratur, ut dominium legati transeat in legatarium laicum, quàm, ut transeat in Ecclesiam.

Cæterum hæc paritas probaret nimium, scilicet, quòd legatum aut hæreditas à Prælato jam agnita & acceptata posset cedi tertio; sicut conjux hæreditatem sibi delatam & agnitam potest cedere conjugi. Non enim potest quis cedere alteri jus, quod ipse cedens

non habet. Accedit, quòd conjux cedat jure suo, Prælatus autem repudiando legatum &c. non cederet jure suo, sed jure alieno, nempe Ecclesiæ.

Ad 2. eadem est responsio. Nam alienatio, facta in fraudem creditorum, uti donatio inter conjuges, quatenus est prohibita & irritata, est odiosa, adeoque non extendenda ad alienationem latius acceptam. Deinde per se patet, non cedere in fraudem creditorum, si debitor nihil novi acquirat, modo perseveret in eo statu solvendi, in quo fuit, dum contraxit debitum. Econtra repudiatio & abdicatio juris, quod habet Ecclesia, est eidem præjudiciosa. Aliàs Administrator posset omnia remedia & actiones, Ecclesiæ competentes, ad possessionem aut proprietatem rerum, eidem debitarum, se solo abjicere. Quod planè videtur excedere potestatem Administratoris: ut exemplum habemus in tutore & curatore. Nam etiam Prælatus est quodammodo tutor, aut curator Ecclesiæ, quæ jure pupillorum & minorum gaudet. Sicut ergo ibi requiritur decretum Judicis, sic hîc Superioris. Et sicut tutor non potest repudiare legatum pupillo delatum, quia hoc cedit in favorem pupilli; sic neque Prælatus potest repudiare legatum delatum Ecclesiæ.

Ad 3. jam dixi; qui occasione acquirendi non utitur, non quidem alienat, alienatione strictè accepta: alienat tamen alienatione latius sumpta. Et hinc in odiosis hæc posterior non intelligitur nomine alienationis, bene verò in favorabilibus. Cùm odia sint restringenda, favores verò ampliandi.

Ad 4. putamus, satis probatum, repudiationem legati aut hæreditatis Prælato esse probabilius prohibitam, imò etiam irritatam. Ex remissione caducitatis non oritur Ecclesiæ præjudicium, modò caveatur, ut emphiteuta imposterum officio suo graviter fungatur.

Ad 5. objectio illa est generalis, & opponi posset semper, quando est disceptatio, an actus aliquis vel dispositio sit prohibita vel irritata à jure. Verum est: cæteris paribus standum est pro libertate & valore dispositionis. Dejiciuntur tamen à possessione, si in oppositum graviora & fortiora argumenta afferantur. Aliàs quodcumque disputatur de valore actus, ut in jure infinities contingit, statim inclinanda essent vela, & pro valore pronuntiandum.

Cæterum nullatenus nego, sententiam, quæ Prælato licentiam adjudicat repudiandi legatum aut hæreditatem delatam Ecclesiæ, esse verè, absolutè, & respectivè probabilem, & satis in praxi tutam; præsertim cùm major DD. pars eandem teneat.

CAPUT III.

De Jure Synodali & Statu Provinciarum
Sæculo XV.

Initio sæculi Ecclesiam non parùm turbavit pertinax schisma dubiorum Pontificum. Remedium efficax quæsitum & inventum in Concilio Constantiensi.

Germania sæculum memorabile reddidit, initis in Conventu Francofordiensi & Aschaffenburgensi, cum Romano Pontifice *concordatis*, quibus lites in causa provisionum Beneficialium sublatae.

Galliæ sæculum infelicissimum dederunt intestinae ac civiles discordiæ, Principum fatales iræ ac mutuæ cædes consanguineæ, Angli toto dominantes Regno, Principum ac Provinciarum in Regem seditiones, infelices expeditiones. Turbatis tamen rebus & collapsæ disciplinæ à Conciliis ordinarium quæsitum remedium.

Castellæ Regnum internis externisque tumultibus vehementer concussum, donec sub Ferdinando & Isabella domi pacatum in Maurorum excidium se tandem expromeret. Aragonia, Regno Neapolitano in potestatem redactò nobilis, Castellæ conjuncta. Consultum in utraque per Synodos rebus Ecclesiæ.

Angliā primo sæculi medio vindicando sibi Galliæ Regno impenſa: eoque depulsa, altero dimidio in se ipsam conversa Regum suorum sanguini innatavit, Domo Lancastrensi & Eboracensi in mutuas cædes armata. Turbatis rebus & languenti disciplinæ succurrere allaborârunt sacræ Synodi.

Polonia Jagellone felix, qui Lithuaniam suam Christo & Poloniae adjunxit. Borussi equites post annua quasi bella ad obsequium feudale compulsi. Per sacras Synodos instaurati mores.

Dania ac reliqua Borealia Regna gravissimas inter rerum conversiones exitiali orthodoxæ fidei mutationi præludunt, opem ferre conante Concilio Hafniensi. Quæ omnia distinctius adumbrat sequens schema.

SUMMARIUM.

Articulus I.

De Conciliis Germaniæ Sæc. XV.

§. I.

Prænotanda de Statu Germaniæ.

- | | |
|--------------------------------------|--------------------------|
| 1. <i>Facies Imperii.</i> | 4. <i>Alberti II.</i> |
| 2. <i>Imperium Ruperti Palatini.</i> | 5. <i>Friderici III.</i> |
| 3. <i>Sigismundi.</i> | |

§. II.

Status Ecclesiasticus ordinatus per Concilia in Germania.

- | | |
|---|---|
| 6. <i>Concilium Francofordiense in causa schismatis.</i> | 9. <i>Concil. Frisingense Diæcesanum.</i> |
| 7. - <i>Salisburgense, juxta ordinem Decretalium multos Canones constituit.</i> | 10. - <i>Aschaffenburgense & Moguntinum in causa Neutralitatis Germanicæ.</i> |
| 8. - <i>Coloniense I.</i> | 11. - <i>Moguntinum II. brevem Theologiam complectitur.</i> |
| | 12. - <i>Coloniense II.</i> |

Articulus II.

De Conciliis Galliæ.

§. I.

Prænotanda de Statu Galliæ.

- | | |
|--|--|
| 13. <i>Caroli VI. amentia, ejusque fratris cædes.</i> | 17. <i>Joanna Darcia unicum præsidium.</i> |
| 14. <i>Totam turbant Galliam, Aurelianensi & Burgundica factione præcipitatom.</i> | 18. <i>Pax cum Burgundo.</i> |
| 15. <i>Joannis Burgundicæ cædes auget ruinas, Galliamque facit Anglicam.</i> | 19. <i>Angli expulsi.</i> |
| 16. <i>Caroli VII. calamitosa initia.</i> | 20. <i>Ludovici XI. initia.</i> |
| | 21. <i>Bellum civile.</i> |
| | 22. <i>Caroli Audacis fata.</i> |
| | 23. <i>Ejus filia nubit Maximiliano.</i> |

Unde

- Unde prima adversus Austriacos bella.*
 24. *Morbus supremus Ludovici XI.*
 25. *Ejus effigies & elogium.*
 26. *Carolus VIII ducit Britannam, magnorum procorum votum.*
 27. *Ludicra ejus expeditio Neapolitana.*

§. II.

Status Ecclesiasticus ordinatus per Concilia.

- | | |
|--|---|
| 28. <i>Concil. Bituricense, in causa actionum.</i> | 32. <i>Concil. Andegavense.</i> |
| 29. - <i>Parisiense I. in causa subsidii charitativi.</i> | 33. - <i>Lugdunense.</i> |
| 30. - <i>Parisiense II. in causa disciplina: uti etiam</i> | 34. - <i>Suessionense.</i> |
| 31. - <i>Rotbomagensē.</i> | 35. - <i>Avenionense.</i> |
| | 36. - <i>Senonense.</i> |
| | 37. - <i>Conciliabulum Bituricense.</i> |

Articulus III.

De Conciliis Hispaniæ Sæculo XV.

§. I.

De Statu Hispaniæ.

I.

Status Regni Castellani.

- | | |
|--------------------------------|--|
| 38. <i>Regnum Henrici III.</i> | 42. <i>Controversia & bellum propter successionem.</i> |
| 39. - <i>Joannis II.</i> | 43. <i>Ferdinandi & Isabellæ auspiciatum Regnum.</i> |
| 40. <i>Alvarus de Luna.</i> | 44. <i>Regnum Granatense eversum, Maurique pulsi.</i> |
| 41. <i>Henrici IV. fata.</i> | |

II.

Status Aragoniæ.

- | | |
|--|--|
| 45. <i>Martinus Rex filii sui hæres.</i> | 49. <i>Neapolitanum Regnum ad Aragonios.</i> |
| 46. <i>Controversia de successionē.</i> | |
| 47. <i>Ferdinandus Justus præfertur.</i> | 50. <i>Joannes II.</i> |
| 58. <i>Alphonfus V.</i> | 51. <i>Ferdinandus Catholicus.</i> |

§. II.

Status Ecclesiasticus ordinatus per Concilia.

- | | |
|---|--|
| 52. <i>Disciplina Clericalis misere de-</i>
<i>formata.</i> | Dertusano, <i>Clerique mores refor-</i>
<i>mati</i> 20. <i>Canonibus.</i> |
| 53. <i>Schisma Petri de Luna, & Con-</i>
<i>ciliabula ad hoc nutriendum.</i> | 55. <i>Concilium Madritense à Rode-</i>
<i>rico Borgia habitum.</i> |
| 54. <i>Extinctum schisma in Concilio</i> | 56. <i>Toletanum.</i> |
| | 57. <i>Complutense.</i> |

Articulus IV.

De Conciliis Angliæ.

§. I.

Status Angliæ.

- | | |
|--|--|
| 58. <i>Henricus IV. Rex primus ex</i>
<i>Domo Lancastrensi.</i> | 61. <i>Utroque Regno misere dejectus.</i> |
| 59. <i>Henricus V. Galliam occupat.</i> | 62. <i>Domus Eboracensis per cædes</i>
<i>Principum Lancastrensium elucta-</i>
<i>ta ad thronum.</i> |
| 60. <i>Henricus VI. Angliæ & Galliæ</i>
<i>Rex.</i> | 63. <i>A Richemondia Comite Henrico</i>
<i>VII. deturbata.</i> |

§. II.

Status Ecclesiæ ordinatus per Concilia.

- | | |
|--|---|
| 64. <i>Lapsæ disciplinæ subventum per</i>
<i>Concilium Oxoniense.</i> | 66. <i>Londinense II.</i> |
| 65. <i>Londinense I. contra Olcastel-</i>
<i>lum Wicleffitam.</i> | 67. <i>Eboracense per numerum Septe-</i>
<i>narium doctrinam fidei proponit.</i> |
| | 68. <i>Londinense III.</i> |

Articulus V.

De Conciliis & Statu Poloniæ Sæculis ultimis.

§. I.

Status Poloniæ.

69. *Casimiri M. & Ludovici M. Regnum.*

70. Jagello conversus Lituaniam unit Poloniæ.
 71. Uladislav Varnensi prælio occumbens.
 72. Casimirus III. magnam Prussiæ partem Equitibus eripit, ad clientelare obsequium compulsis.
 73. Ex ejus filiis quatuor Reges, quintus, sanctus Casimirus, Regnum cæleste capeffit.
 74. Sigismundus I. Prussiam Ducalem Alberto Brandenburgico sub nexu feudali concedit. Ejus filius Sigismundus II. per inertiam novas sectas admittit.
 75. Breve Henrici Valesii Regnum excipit Stephanus Batorius, præclarus Princeps. Moscis victis Livoniæ auxit Poloniam.
 76. Sigismundus III. Sveciæ coronam amittit; adversus Moscos felior. Uladislav filius Cosacos coërcet.
 77. Cosacorum defectio sub Joanne Casimiro.
 78. Pax Oïvensis.
 79. Abdicat Regnum infelix Princeps.
 80. Regnum Michaëlis Coributhi.
 81. Et Joannis Sobieskii.
 82. Augustus à Sveco pressus.
 83. Sveci clades.
 84. Fridericus Augustus.

§. II.

Status Ecclesiæ ordinatus per Concilia.

85. Concilium Polonicum.
 86. - Novogradense.
 87. - Calischienfe.
 88. - Lanciciense.
 89. Sectarum colluvies sub Sigismundo II. in Poloniam.
 90. Culmensis atque contra eas conventus.
 91. Causa Thorunensis.

Articulus VI.

De Concilio Rigenfi & Statu Livoniæ ultimis Sæculis.

92. Status Livoniæ.
 93. Concilium Rigenfe.
 94. Kettlerus apostata.
 95. Stephani Batorii pietas ac pii conatus.

Articulus VII.

§. I.

De Concilio Hafniensi & Statu Daniæ.

96. Margaretha tria Regna unit.
 97. Ericus Pomeranus successor omnibus exiit.

Pars VI.

O

98. Cbri-

98. *Christophorus Bavarus rursus omnia colligit.* 99. *Hafniensis Concilii Canones pro disciplina Ecclesiastica.*

§. II.

Appendix de Statu Daniæ posteriore.

100. *Christianus I. Comes Oldenburgicus fit Rex Daniæ, Norvegiæ, & Sveciæ. Uti etiam Joannes ejus filius.* 103. *Fridericus II. formulam concordie comburi jussit.*
 101. *Joannis filius Christianus II. infelix Princeps, Regnis omnibus tribus spoliatus, & in carcerem detrusus.* 104. *Christianus IV. bello Protestantium in Germania adversus Cæsarem se Ducem præbuit; pacem artibus, quam bello felicior.*
 102. *Sub Friderico I. separata Svecia, nunquam amplius postea unita, Libertatem Religionis permittit. Christianus III. verò ejus filius Religionem penitus evertit.* 105. *Fridericus III. filius Regnum Daniæ ex electivo hæreditarium fecit.*
 106. *Christianus V. cum Svecia & Holsato Gottorpiensi collisus.*

§. III.

107. *Controversia Juridica de Superioritate territoriali.*

§. IV.

108. *Controversia Juridica de Jure vectigali in Albi fluvio.*

§. V.

109. *Controversia Regum Daniæ cum Ducibus Holsato-Gottorpiensibus.*

Articulus VIII.

De Concordatis Germaniæ.

§. I.

De Beneficiis Ecclesiasticis reservatis ante concordata.

110. *Varius in Ecclesia modus provisionum Beneficialium.*
 111. *Varie Reservationes Papales.*

§. II.

Concordata Germaniæ.

112. *A quibus fuerint conclusa.* 116. *Reservata ratione qualitatis Beneficii.*
 113. *Reservata Papæ ratione personæ, quæ illa prius habuit.*
 114. *Reservata ratione modi, quo vacant.* 117. *Quid Papa Nationi Germanicæ concedat.*
 115. *Reservata ratione modi, quo acquiruntur.* 118. *Quid concordata statuant circa annatas.*

§. III.

Observationes in Concordata de Reservationibus.

119. *In Germania nulla reservatio locum habet, quæ non est in Concordatis expressa.* 122. *De retentis ex dispensatione Papali.*
 120. *De vacantibus ob promotionem, à Papa factam.* 123. *An electus in Episcopum resignare possit Decanatum in manus Capituli?*
 121. *De Præposituris.*

§. IV.

Observationes de Collatione alternativa.

124. *Quænam alternativæ sint subiecta?* 125. *An Patronata?*
 126. *An resignata?*

§. V.

Observationes circa tempus Collationis alternativæ.

127. *Quomodo mensis alternativus computandus?* 129. *Quid, si Papa faciat collationem invalidam?*
 128. *Quomodo trimestre, Pontifici concessum ad collationem?* 130. *Quid de vacantibus vacante Sede Papali.*

§. VI.

Quinam obligentur his concordatis?

131. 132. *An Papa possit derogare concordatis?*

§. VII.

133. *An consuetudine vel præscriptione derogari possit concordatis?*

§. VIII.

134. *An concordata sint rationabilia quoad Reservationes?*

§. IX.

135. *An sint rationabilia quoad annatas?*

ARTICULUS I.

De Conciliis Germaniæ Sæc. XV.

§. I.

Prænotanda de Statu Germaniæ.

1.
*Imperii
facies.*

Sæculo XIII. & XIV. non parùm de pristino robore amisit Imperium. Causa non una. Electiones discordes: electi adversis factionibus mutuisque ruinis in sese & Germaniæ viscera grassantes: magnum illud interregnum, quolibet Principe, quod Imperio subtrahere poterat, in privatam suam domum inferente: vendita subin Florentinis, Lucensibus, Bononiensibus libertas, ut exhausti æarii inopia sublevetur. Assertæ pro pecunia in libertatem à Carolo IV. multæ Germaniæ civitates: data ab eodem Imperii Statibus plena Superioritas territorialis: aucta in immensum Principum Electorum, totidem veluti Regum, potestas: telonia & vectigalia, fisco Imperiali debita. in Principum ac Statuum privatum ærarium translata: Joanni Galeatio Vice Comiti cum Mediolano veluti Longobardia concessa; accisi proventus atque incisi Reipublicæ nervi; membris in capitis noxam incrementibus.

2.
Rupertus.

Tale Imperium cùm post Wenceslaum invenisset *Rupertus Patinus*, Princeps Imperio vegetiore dignissimus, ut distractos artus uniret corpori, cum milite profectus in Italiam, à Galeatio victus recessit; gestaque deinceps in pace Republica, obiit anno 1410. Imperii 10. fundavit Heidelbergæ Academiam, & ædem S. Spiritus, futuram olim monumento ingrati civis.

3.
Sigismundus.

Salutato dein velut per transitum *Jodoco*, Marchione Moraviæ, corona Imperialis ad Domum Luxemburgicam rediit, atque in vertice, se digno, *Sigismundo* consedit, ut patris Caroli prodigalitem & fratris Wenceslai inertiam emendaret. Et emendavit: religione, sapientia, industria, animi Regii magnitudine summus Princeps: qui, cùm meliorem se, amantiorémque Imperii sciret neminem, tamquam Elector Brandenburgus, sibi ipsi dedit suffragium; atque Electoratum Brandenburgicum (cùm Saxoniam, Ascaniam, Bavaricam, & Luxemburgicam Domum pertransisset) deinceps ad Fridericum Zollernum, Norinbergensem Burggravium, trans tulit; in cujus Serenissima Familia hodiedum floret. Electoratum verò Saxonicum, extincta Ascania seu Anhaltina Alberti Ursi stirpe, Friderico Bellicoso Misniæ Marchioni contulit: ex quo

Saxo-

Saxoniae Electores deinceps in hodiernum usque diem descendunt, imò omnes hodiernae Serenissimae Domus Saxonicae Principes, per Friderici bellicosi nepotes, Ernestum & Albertum in principalem geminam propaginem divisi.

Porro Sigismundus non tantum Imperio meliori, qua potuit ratione consuluit, sed memor, se esse Ecclesiae Protectorem, ad extirpandum pertinax schisma incredibilem curam & industriam attulit. Quippe illius opera celebratum Concilium Constantiense, in quo, depositis aut abdicantibus Pontificibus dubiis, electus Martinus V. Joannes Hufs & Hieronymus Pragensis, Wicleffi sectatores exusti.

Enata tamen ex optimo parente, Concilio videlicet Constantiensi, gemina Soboles exitiosa, Hussitae & Conciliabulum Basileense. Illi, actis Synodi Constantiensis in Hussum efferati, multumque aucti, Duce Zisca Sigismundum Bohemia pellunt (anno 1419) eamque, uti etiam postea Germaniam barbaro furore populantur. Hoc à bonis initiis in malefanos progressus degenerans, exauctorato Eugenio, Amedeum, ex Sabaudiae Duce factum Monachum, Antipapam, Felicis nomine, obtrusit. Qui tamen postea & Felicem & Ducem posuit. (*Vide part. 3.*)

Obit Sigismundus post exantlato infinitos pro Ecclesia & Imperio labores anno 1437. Imperii 27. vitae 70. in bellis providus, sed infelix. Adeò quiddam est, quod à bonis consiliis & causa optima prosperos eventus se jungit.

Quærere sibi visa est hætenus corona Imperialis Domum, in qua stabilem sedem figat, quam, postquam ad varias Principum Teutonicorum familias diverterat, tandem invenit in Augustissima Domo Austriaca: per trecentos & ultra annos perpetua serie in eadem commorata: splendore, pietate, amplitudine, potentia, majestate, atque eminentibus in universam Rempublicam meritis liberrima Electorum trahentibus suffragia.

Hanc seriem coepit *Albertus II.* Sigismundi gener, excellenti 4. virtute, prudentia, eruditione Princeps, à quo summa omnia spe *Albertus.* randa Reipublicae, nisi altero jam Imperii anno invida mors eundem terris subtraxisset. Ex *Elisabetha*, unica Sigismundi filia, Hungariae ac Bohemiae hærede, reliquit filium posthumum *Ladislauum*, Regem Hungariae & Bohemiae.

Brevitatem Imperii Albertini diuturnitate compensavit *Fridericus III.* filius Ernesti Ferrei, quinquaginta tres annos comple-

xus Imperii, quod temporum spatium nullus unquam alius Imperatorum explevit.

5.
Fridericus
III.

Is à peregrinatione Jerosolymitana redux, septemvirali suffragio dictus Cæsar, fortunam utramque expertus est. Cum Europa reliqua bellis undique flagraret, dulces ipse pacis olivas domi metebat, nuncupatus propterea *pacificus*, Fabioque illi cunctatori comparatus. Non tamen semper pacifico esse licuit, turbantibus quietem, qui minimè debuerant, Hungaris, & ipsis etiam Austriacis. Illi repetebant Ladislaum Regem suum, quem Fridericus protutore educabat. Neostadii propterea obsessus, clientem reddidit. Isti verò seditiosi ipsa in arce Viennensi Imperatorem, rerum omnium iropia laborantem obsederunt. Commissa, donec Ladislaus adulesceret, Hungaria Joanni Hunniadi, Bohemia Georgio Podiebradio, Austria Ulrico Cilio.

Mortuo tenera in ætate Ladislao Fridericus ab Alberto fratre suo fuit Viennæ obsessus. Ac postea Mathias Corvinus Viennam, omnino expugnavit, asserta sibi Austria.

Fridericus interea à Nicolao V. Romæ coronatus Imperator, Marchionem Estensem Mutinæ Ducem creavit; redûxque in Germaniam provincias lustrabat, paci ac quieti servandæ ubique intentus.

Postquam autem hoc tempore Constantinopolis à Turcis fuerat capta, atque excisum Græcorum Imperium, hortante Legato Apostolico varios conventus tum Imperator tum alii Principes indixere; in quibus deliberatum de bello Turcis inferendo. Sed intra deliberationes & pia desideria res stetit: præoptantibus Christianis per Europam Principibus Christianum sanguinem fundere.

Maximè memorabile est Friderici Imperium à conclusis *Concordatis Germaniæ* circa provisiones beneficiales, & annatas. Quæ res digna est, ut ad calcem hujus sæculi uberiùs tractetur.

§. II.

Status Ecclesiasticus ordinatus per Concilia in Germania
Sæculo XV.

6.
Franco-
fordiense.

Cum pertinax schisma Ecclesiam scinderet, inter Angelium Corbarium & Petrum de Luna distractam, Cardinales utriusque partis, ut aliàs memoratum Pisis convenire, de certo capite provisuri Ecclesiæ. Missi eum in finem etiam in Germaniam Legati, qui Præsules ad Concilium Pisanum invitarent. Habita propterea

anno

anno 1409. Synodus *Francofordiensis*, præfente Ruperto Imperatore. Conclusumque, mittendos in Italiam Legatos, qui ad reducendam unionem operam jungerent.

Concilium Salisburgense Provinciale circa annum 1420. celebratum, in causa fidei ac morum, Præside Eberhardo Archiepiscopo Salisburgensi, ac præsentibus Episcopis illius Provinciæ, Ratisbonensi, Frisingensi, Chiemenfi, Seccoviensi, Lavantino, & Procuratoribus Passaviensis, Brixinensis, & Gurcensis, cum multis Abbatibus, aliisque Prælatiis, Canones condidit 34. 7. *Salisburgense.*

1. Decernit, circa mysterium SS. *Trinitatis* & fidem catholicam nihil aliud credendum, quàm quod Romana credit Ecclesia. Hæreticam decernit eorum sententiam, qui dicunt, quòd Sacerdos in mortali peccato existens non possit conficere corpus Christi, aut absolvere suos subditos à peccatis. Tanquam erroneam verò damnat opinionem, asserentem, quòd Episcopus aut Sacerdos curatus non possit absolvere Presbyterum, in fornicationem lapsum.

2. *Præscriptæ à SS. Canonibus Synodi*, tum Provinciales tum Diocesanae, diligenter celebrantur, etiam à sacris Ordinibus Canonicorum Regularium S. Augustini & S. Benedicti. Illos convocet Præpositus Monasterii B. V. Neoburgensis, hos Abbas ad S. Petrum Salisburgi, & Abbas ad Quercum Inferiorem.

3. *Consuetudines*, in gravamen Ecclesiæ tendentes, declarantur invalidæ.

4. Nullus Ecclesiam aut *Beneficium dimittat*, vel recipiat sine Superioris sui auctoritate.

5. Ordinationi *Scrutinium*, seu examen accuratum præmittendum. Nullus ordinetur, nisi prius sacram confessionem deposuerit. Non ordinetur ille, cujus consanguinei usque ad quartum gradum Clericum aliquem mutilarunt, occiderunt, aut captivarunt.

6. *Illegitimi* non ordinentur sine dispensatione Sedis Apostolicæ.

7. Ne impediatur legitimæ *Appellationes* ad Superiorem.

8. Rectores Ecclesiarum *Vicariis* suis honestam portionem de proventibus assignent.

9. Iudices *Delegati* non faciliè Interdicti sententiam ferant, aut brachium sæculare implorent.

10. Explicatur officium *Judicis ordinarii*, ac Præpositorum Ecclesiæ. Plebem doceant, exemplo præluceant, visitent, reformat, usuras

ufuras vetent, concubinatum Clericorum cohibeant. Festivitates Sanctorum, nimis multiplicatas, restringant. Divinum Officium cum debitis solennitatibus peragant, habeant Archidiaconos, Decanos & Officiales in Jure peritos. Mendicantes Fratres suis limitibus contenti Parochiales Ecclesias aut ipsarum jura non offendant. Monasteria S. Benedicti, & Canonici Regulares juvenes suos ad studium generale mittant. Beneficiorum permutationes duntaxat ex causis, à jure permixtis, admittantur.

11. Capellani in castris Nobilium non celebrent, nisi antea Episcopo vel Archidiacono *obedientiam* faciant manualementem. Ad Synodos veniant, & mandata recipiant, ad suos dominos ferenda.

12. Qui *vi aut metu* absolutionem vel revocationem excommunicationis, suspensionis, aut interdicti extorquent, excommunicantur, estque ejusmodi absolutio vel revocatio jure ipso nulla.

13. Ne Clerici aut Religiosi ob jacturam bonorum, aut metum incommodorum Superiorum mandata infringant.

14. *Cessiones actionum* fiant ab Ecclesiis ex justa causa, & coram Episcopo vel ejus officialibus.

15. Qui ob metum personaliter citari non possunt, in Ecclesia parochiali & cathedrali citentur ad *judicium*.

16. Prohibetur sub censura excommunicationis & interdicti, ne Clericus ad *forum* sæculare trahatur.

17. Si Clerici in sacris Ordinibus, aut Beneficiati in Minoribus constituti *habitum* prohibitum gestent, is ipsis auferatur, & ad alias causas applicetur. Religiosi, Titulares Episcopi facti, sub interdicto ab ingressu Ecclesiæ, non admittantur ad Episcopalia, munia, nisi habitum sui Ordinis gestent.

18. Cum tempore schismatis diuturni (ob dubios Pontifices) *concubinatus* Clericorum pluribus in locis invaluisset, hæc Synodus eos Beneficiis privat, & ad alia recipienda facit inhabiles.

19. Nullus *instituitur* Clericus, nisi juraverit, quod præsentationem sine simonia obtinuerit. Ad Beneficia digniores promoveantur.

20. *Ecclesiastica Beneficia sine diminutione conferuntur*. Unde Patroni, qui partem decimarum, aut proventuum sibi retinent (si pluries id factum) & contumaces persistant, excommunicatione & interdicto locali pleuntur. Clerici verò sic promoti Beneficiis privantur, & ad alia redduntur inhabiles.

21. *Emptores prædarum, nisi restituant, excommunicatione percelluntor.*

22. Si quis terram suam, cuius patronatus annexum est, oppignoraverit, jus præsentandi apud oppignorantem manet. Cum tale jus æstimari non possit, & in sortem nequeat computari. (*Igitur jus istud manet apud dominum terræ: Aliud est, si vendidisset terram.*)

23. Liberum esto Clericis de bonis suis ad pias causas per testamentum disponere.

24. Defuncto Archiepiscopo, vel Episcopo proprio, quilibet Sacerdos pro eo Missam legat.

25. Ne quis alieni Parochiani confessionem excipiat, vel aliud Sacramentum ei ministret (extra causam necessitatis) non petita & obtenta facultate proprii Sacerdotis.

26. Patroni, qui defuncto Beneficiato Ecclesiam spoliant, à jure præsentandi pro ea vice suspensi sunt.

27. Prohibetur, ne novi Sacerdotes eo die, quo *primam Missam* legunt, convivium instituant.

28. Sacerdotes Parochianos suos instruant circa formam *baptismi* lingua vulgari, ut in casu necessitatis illud conferre possint. In eo etiam parentes proprios filios baptizare possunt. Examinent Parochi, quomodo baptismus fuerit collatus. Ceremonias suppleant, quæ non pertinent ad substantiam. *Chrisma, oleum, & Eucharistia*, sub fidei custodia asserventur. Paramenta serventur munda.

29. *Advocati Ecclesiarum* ultra consuetæ & debita onera ne aggravent Ecclesias, Monasteria aut alia pia loca, sub pœna excommunicationis ipso facto incurrendæ. Reprobatur consuetudo, tamquam abusus & corruptela, qua laici iudices Clericos ratione bonorum ipsorum in iudicium vocant, non attendentes, quod Clerici & Clericorum bona eodem gaudent privilegio: & nulla sit eis de rebus & personis Ecclesiarum attributa iudicandi facultas.

30. Generalis Concilii Constantiensis constitutio contra Simoniacos ter singulis annis promulgetur. Vi cujus simoniacè ordinati ab Ordine suspenduntur: & provisiones simoniacæ ipso jure sunt nullæ. Dantes & accipientes excommunicationem ipso facto incurrant.

31. Ipso facto excommunicantur, qui corpora defunctorum in cœmeterio loci interdicti sepeliunt.

32. Quia Wicleffi & Hufsi *hærefes* etiam in Provinciam Salisburgenſem clàm irrepſerant, graviter ſub pœnis in *Hæreticos* latis prohibetur, ne qui ejusmodi errorum ſeminatores recipiat &c.

33. Judæi pileum cornutum deferant, mulieres verò nolam ſonantem, cùm in publicum prodeunt.

34. Damnatur fœminarum luxus, ſuperfluitas & inhoneſtas in veſtibus.

Nota. In hoc Concilio Salisburgenſi Epifcopi, aliique Prælati fœdus inter ſe inierunt contra eos, qui ſpernentes immunitatem Eccleſiaſticam Clericos aut Eccleſias vexant iniquè. Atque ſtatuerunt, ut imprimis excommunicatione & interdiſto contra eos procedatur. Si contumacia perſiſtat, in ſingulis Diœceſibus publicetur cenſura. Si autem talis perſona gladium ſpiritualem cenſurarum pergeret ſpernere, communi omnium conſenſu & conſilio invocandum fore gladium temporalem, præſertim Sigismundi Imperatoris: qui per litteras eis aſſiſtentiam ſuam promiſit.

8. *Concilium Colonienſe* Provinciale anno 1423. à Theodorico Archiepiſcopo congregatum undecim Canones promulgavit.

1. Contra cohabitationem Clericorum cum fœminis.

2. Contra eos, qui prohibent ſubditis ſuis, ne Clericis quidquam vendant, vel emant.

3. In appellationibus à ſuffraganeorum ſententiis jus commune ſervandum.

4. Bonæ conſuetudines non impediendæ.

5. Prædicatores Indulgentiarum aut collectores eleemoſynarum non admittendi, ſi non ſint Sacerdotes.

6. Clerici in Eccleſia aut cœmeterio non deambulent, aut confabulentur.

7. Reſtores Eccleſiarum non aſſumant Religioſos in Vicarios, ſi alter idoneus commodè haberi poſſit.

8. Decernuntur pœnæ in concubinarios notarios.

9. Publicatur damnatio hæreſis Wicleſſianæ & Huſſiticæ, cum eorum libris.

10. Feria ſexta circa meridiem pulſandæ campanæ ad recolendam memoriã paſſionis Chriſti. Et ſicut circa ſolis occaſum pulſatur ad peragendam ſalutationem Angelicã, ita etiam ſingulis diebus circa ſolis ortum ter pulſandum in memoriã compaſſionis B. V. Mariæ.

11. Statuitur feſtum compaſſionis Matris doloroſæ.

Concilium Frisingense, Diœcesanum, quod anno 1440. Episcopus Nicodemus de Scola celebravit præsentibus, Præposito, Decano, totòque Capitulo. Nec non Abbatibus, Præpositis, Archidiaconis, Decanis, ac universo Clero Diœcesis Frisingensis, 26. Canones constituit.

1. Peregrinus, pro Sacerdote se gerens, non admittatur ad Sacramentorum administrationem, nisi litteras ab Episcopo aut ejus Vicario habeat.

2. Laicus non citetur ad Ecclesiasticum judicium, nisi causa exprimatur nominatim, quæ de jure vel consuetudine ad Ecclesiasticum forum pertineat. Neque citatus super aliis causis, quam in citatorio expressis, teneatur respondere.

3. *Quia privilegium fori Ecclesiæ est immediate à jure Divino; quandoquidem nec consensus nec tolerantia excusare potest*: Prohibetur sub excommunicatione, ne Clericus ad Forense judicium trahatur. Propter allegationem lepræ conjuges non faciliè separentur, sed examini Episcopi aut Vicarii subjiciantur; qui consultis Medicis statuent.

4. Clerus honestè & devotè se gerat. Vestes rubei aut viridis coloris non gestet. Tabernas ne intrent, nisi sint in itinere. Ludos inhonestos vitent. Ne sint caupones.

5. Concubinatus Clericorum secundum constitutionem generalis Concilii Basileensis *sess.* 20. penitus eliminetur.

6. Omnes curati personaliter resideant: sub pœna privationis Beneficii. Si Canonicus per septimanam à Divino officio absit, decem libras denariorum ad fabricam Ecclesiæ dabit. Si per alteram septimanam absit, à perceptione fructuum ex sua præbenda penitus sit suspensus, donec pœnam solvat. Si tertia septimana absit, ad nullum ampliùs actum Capitularem admittatur, donec satisfaciat.

7. Vetatur pluralitas Beneficiorum incompatibilium.

8. Nullus assumatur in Canonicum, si non vacet præbenda.

9. Res Ecclesiarum non alienandæ.

10. Per sententiam Judicis morti addicti, in torneamentis &c. occisi, item qui absque confessione & communione decesserunt, Ecclesiastica careant sepultura.

11. Concionatores hortentur fideles, ut decimas ex omnibus terræ fructibus, personales verò secundum laudabilem consuetudinem persolvant.

12. Commendatur Superioribus religiosa disciplina.
13. Patroni & Advocati pro tuitione Ecclesiarum plus non exigant, quàm initio fuerat constitutum.
14. Prælati aut alii Clerici nullam novam exactionem laicis solvere præsumant.
15. Parochi singulis diebus Dominicis aquam & falem benedicant, & ante Missam processionaliter Ecclesiam circumeant. Concedunturque 40. dierum Indulgentiæ iis, qui hanc processionem devotè comitantur.
16. Missa non celebranda sine luminibus.
17. Doceantur fideles baptizare, pro casu necessitatis, lingua vulgari.
18. Eucharistia, chrisma, oleum sub fideli asserventur custodia. Eucharistia singulis saltem mensibus innovetur, aut pluries secundum locorum exigentiam. Mappæ, pallæ, corporalia, purificatoria &c. sint munda. Negligentes in hac re ab officio suspendantur.
19. Ne quis clandestinis desponsationibus aut occultis matrimoniis interfit. Clandestine contrahentes cogat Parochus in facie Ecclesiæ publicare matrimonium.
20. Nullus pro administratione Sacramentorum aut Sacramentalium paciscatur de danda sibi pecunia &c. Ex post autem permittitur exigi quantitas, consuetudine debita.
- Ne Sacerdos notoriè delinquentem, accepta pecunia vel alio commodo temporali, condigna pœna corrigere prætermittat.
21. Judæi non permittantur fœnorari : nec uti famulis Christianis. Nec domus eis locentur ad fœnerandum. Die Pentecostes fenestras & ostia clausa tenento. In diebus lamentationis & passionis in publicum ne prodeunto. Christiana sacra ne contumelia afficiunto. Cum simplicibus Christianis disputare ne permittuntur. Cum eis edere, balneari, medicinam ab eis capere, vetitum esto. Christianam cognoscens viginti libras denariorum domino loci solvito.
22. Nemo pecuniam ad usuras mutuet. Neque in oppignorationibus aliquid ultra sortem ex pacto recipiat. Secus 10. libris denariorum mulsetur.
23. Qui Clericum enormiter vulnerat, vel occidit, aut captivat, ipso facto amittat, quæ ab Ecclesia in feudum, emphyteusim, censum, aut alio titulo possidet. Et donec captivus liberetur, generaliter à Divinis cessetur.

24. Nullus Sacerdos absolvat à casibus reservatis Pontifici aut Episcopo, nisi facultatem acceperit. Absolutio his verbis dando: *Ego te absolvo à peccatis tuis, & restituo te Sacramentis Ecclesiæ, in nomine Patris &c.*

Abbatēs, Præpositi, Decani, Archidiaconi, (si non sint specialiter exempti) peccata sua confiteantur Episcopo, aut ejus Vicario, Sacerdotes inferiores suis Decanis, Monachi suis Abbatibus vel Præpositis; nisi speciali privilegio gaudeant.

Quæstores eleemosynarii non admittantur, nisi litteras exhibeant, ab Episcopo aut ejus Vicario approbatas. Falsi verò quæstores Episcopo captivi tradantur ad pœnam.

25. Nullus excommunicetur sine scriptis, & monitione præmissa. Tempore Interdicti nullus inungatur, aut Ecclesiasticæ tradatur sepulturæ. Nuptiæ non benedicantur. Missæ celebrentur submissa voce & januis clausis &c.

Innovantur varia decreta Concilii Constantiensis & Basileensis, de auctoritate Generalium Conciliorum, de electionibus, confirmationibus, ab immediato Superiore faciendis, de reservationibus, annatis &c.

26. Hæc decreta singulis annis promulgentur.

Anno eodem 1440. Theodoricus Archiepiscopus Moguntinus Concilium Provinciale *Abschaffenburgense* indixit. In litteris, *Abschaffenbur-* quibus suffraganeus Metropolitanæ suæ Ecclesiæ convocavit, acer *gense.* bē deplorat temporum illorum calamitatem, quæ ob infelix schisma Ecclesiam undique premebat.

In ipso verò Concilio statutum est, ut protestatio, unio ac *Moguntin-* fœdus (*Neutralitatis*) ab Electoribus & Principibus Germaniæ ini- *num.* tum, conservetur ac defendatur, donec deliberatum fuerit, cui parti (*Eugenio an Felici*) unanimis adhæsiō fieri debeat. Mandata autem, impetrationes, concessionēs &c. tempore protestationis factæ vel faciendæ, irritantur. Anno sequente in Synodo *Moguntina* tractatum rursus de schismate. Aderant partis utriusque legati. At Synodus neutri se addixit, sed Basileensi & Florentino Concilio finito. novam celebrandum censuit; in quo utriusque Pontificis causa dirimeretur. Idem anno 1442. statutum in Synodo *Francfordiensi.* Duravitque famosa illa Germaniæ *Neutralitas* usque ad annum 1446. quo opera Friderici Cæsaris est sublata; & Eugenius agnitus Papa.

Concilium *Moguntinum* Præside Theodorico Archiepiscopo *Mogunti-* anno 1451. succinctam atque pulcherrimam synopsis edidit Sacræ *num.*

Theologiæ, de unitate Divinæ essentiæ, de Trinitate Personarum in una essentia, de creatione mundi, de gratia & justificatione, de resurrectione mortuorum, de bonorum remuneratione, & malorum pœnis, de incarnatione, nativitate, passione, morte, resurrectione, ascensione, & adventu Christi in die Judicii, de Sacramentis in genere, & in specie. Hæcque omnia textibus Sacræ scripturæ firmat, atque hæreses contrarias refutat.

Subjungit deinde aliquot Canones, ad disciplinam spectantes; videlicet, ut Clerici concubinarij à perceptione fructuum ex suo Beneficio ipso jure sint suspensi, fœminæque, si intra triduum non discesserint, sint excommunicatæ. Ut Dominicis festisque diebus nullus exerceatur mercatus. Ut quæstuarii Indulgentias prædicantes non admittantur sine litteris Ordinarii. Ut fraternitates novæ non admittantur in præjudicium Parochialis Ecclesiæ. Ut propter culpam privatæ personæ nullus locus subjiçatur interdicto. Immunitas Ecclesiarum observetur. Monasteria reformentur. Eucharistia rarò populo publicè exhibeatur, ne devotio & reverentia ex frequenti ejus aspectu tepescat.

12.
Colonien-
se.

Concilium *Colonienſe* Provinciale anno 1452. celebratum, Præsidente Nicolao Cusano, Cardinale atque Legato Apostolico per Germaniam, decrevit, ut singulis trienniis celebretur Concilium Provinciale Colonix, Diœcesanum verò singulis annis: ibique prælegatur libellus S. Thomæ de articulis fidei & Ecclesiæ Sacramentis. Ut Clerici gestent tonsuram, & habitum decenter longum.

Abusus quæstuariorum coërcetur. Mercatus festis diebus interdicitur. Vetantur novæ fraternitates & congregationes, à Sede Apostolica non approbatæ. Fratres mendicantes præsentandi Episcopo, & idonei admittendi ad audiendas confessiones.

Si hostia transformetur in cruentam carnem, vel sanguinem apparentem, penitus occultetur, nec populo ostendatur, ut abusus & quæstus occasio præcidatur. Eucharistia rarò proſtet in *monſtrantiis*. Si accursus populi ad aliquam imaginem superstitionem aliquam redoleat, tollatur imago. (*Per quæ nullatenus improbatum prudens ac devotus Sacrarum imaginum cultus, sed abusus duntaxat.*) In Missa nominatim orandum pro Papa & Episcopo loci.

Magde-
burgense.

Concilium *Magdeburgense* anno 1489. congregatum ab Alberto Archiepiscopo, cum consensu Coëpiscoporum suæ provinciæ, videlicet Misnensis, Merseburgensis, Naumburgensis, Havelburgensis, & Brandenburgensis, varias constitutiones Conciliorum Pro-

vin.

vincialium collegit, & sub titulis, rubrica, ordinéque, in Jure Canonico consueto promulgavit. Quæ res cum sit amplissima, & in Decretalibus fatis tractata, pauca tantum feligam.

Atque imprimis ad rubricam de summa Trinitate & Fide catholica hæc habet: *Nihil aliud est credendum, tenendum, vel docendum, nisi quod Romana credit, tenet, docet Ecclesia, piissima, sanctissima, & prudentissima Mater nostra.* Ecce! ita paulò ante apostasiam Lutheri, ita semper credidit, docuitque Magdeburgensis Metropolitana Ecclesia cum omnibus Germaniæ, etiam septentrionalis, Ecclesiis.

Damnatur tanquam hæretica illa Wicleffi & Hussi propositio, quòd Sacerdos in mortali peccato existens non possit corpus Christi validè conficere, aut à peccatis absolvere.

Constitutiones servandæ. Rescripta ob- vel sub reposita nullius sunt roboris. Qui ad parochiale Beneficium promoti, intra annum non suscipiunt sacros Ordines, sed ideo Ecclesiam recipiunt, ut possint fructus percipere, illos non faciunt suos, sed tenentur integros restituere. Ordinationi præmittendum examen, & confessio. Nullus renuntiet sine Superioris sui auctoritate. Peregrinus non admittendus ad celebrationem Divinorum in publico, licet formatas litteras suæ Ordinationis exhibeat, nisi etiam à suo Episcopo aut Vicario litteras commendatitias habeat.

Quivis Episcopus in summis festivitibus Divina celebret in cathedrali, si fieri possit. Prope cathedralem carcerem habeat specialem pro Clericis delinquentibus. Constituat Procuratorem fiscales, qui Clericorum, qui injuriam sunt passi, causam agat, & quidem gratis, si sint inopes.

Comprovinciales requisiti circa executionem sententiarum & mandatorum sibi mutuo sint auxilio. Capellani in castris Nobilium non celebrent, nisi Episcopo manualementiam fecerint. Juramentum non deferatur, parte adversa volente probare per testes.

Plura hujusmodi statuta facta sunt ab hoc Concilio Magdeburgensi, uti etiam à Salisburgensi anno 1490. quæ tamen in superioribus jam sunt contenta.

ARTICULUS II.

De Conciliis Galliæ.

§. I.

Prænotanda de Statu Galliæ.

Turbator nunquam atque calamitosior fuit Status Galliæ, quàm primo sæculi XV. dimidio: afflicta, & inde in ruinam præcipitata ab Anglis, bello jam sopito, jam rursus vehementius exarscente: hinc à domesticis hostibus, Regii ejusdem sanguinis Principibus, Domo *Aurelianensi* & *Burgundica* in mutuam perniciem eunte, miserandum in modum distracta.

13.
Carolus
VI.

Corpore & mente languebat Rex Carolus VI. unde de Regni administratione inter se certabant *Ludovicus Dux Aurelianensis*, Regis Frater, & *Philippus Audax Dux Burgundiæ*, Regis Caroli patruus, Regis Joannis, ab Anglis capti, filius. Hæc æmulatio, Galliam in partes & factiones scindens, totum propemodum Regnum evertit.

Joannes
Burgun-
dus.

Cedit
Aurelia-
nens: m.

Obiit equidem, antequam flamma penitus erumperet, *Philippus Audax* anno 1404. at successit *Joannes* filius uti *Burgundiæ*, & magnæ *Belgii* partis jure materno hæres, sic etiam paternæ æmulationis, patre suo multò vehementior. Ejus siquidem jussu, immisso sicario, anno 1407. peremptus fuit *Ludovicus Dux Aurelianensis*, Regis frater. Et quamvis *Joannes* pullata veste funeri assisteret (erumpente ex feretro sanguine) jure tamen cæsum, velut tyrannum, defendere allaboravit, usus ad hoc opera *Joannis Parvi*, hominis Normanni, Parisiensis Theologi, quem propterea ipsa Parisiensis Academia, ac postea etiam Constantiense Concilium, cum scriptis suis de tyrannicidio, condemnavit, tacito nomine, obistente licet *Burgundo*.

Valentina, *Aurelianensis*, interempti vidua (*Joannis Galleacii Ducis Mediolanensis* filia) cum filiis suis à Rege vindictam postulabat. At is veritus majorem procellam, venia delicti data, *Burgundum* in gratiam recepit.

14.
Regni tur-
ba.

Tum verò tota Gallia duas in factiones abiit, Anglo in rem suam nutriente utramque. *Burgundus Parisiis*, ac Rege potiebatur; *Aurelianensibus* plerique Principum adhæserunt. Expedita utrinque arma, direptæ urbes, per omnes ferme provincias circumlatus furor. Sacris etiam in *Aurelianenses*, velut Regis ac Regni

Regni hostes, fulminibus Lutetia personuit, incentore Burgundo, aditipulante Sorbona; Aurelianensibus verò suis in urbibus fulmen in Burgundum ejusque factionem, tanquam Regni perturbatores, retorquentibus. Utque nihil ad calamitatem deesset, laniones (quod dictu abhorrens) Burgundo addicti Parisi ferociter ac barbarè dominabantur.

Inita quidem sæpius pax, & in speciem data venia, sed toties 15.
rupta, in graviora odia ac bella recrudescente vulnere. Lutetia *Cædes*
jam ab hac, jam ab illa factione occupata, ac miserè lacerata, præ- *Burgundi.*
sertim à *Joanne Burgundo*, ejusque affeclis: donec tandem jussu
Caroli Delphini, eoque præsentè, dum ad concordiam fanciendam
fuisset invitatus, in lignea ædícula, super pontem exstructa, per-
fidè est interemptus (anno 1419.)

Cædes ista non extinxit incendium, sed oleo velut affuso
flammas in immensum auxit, ad exitialem extremamque Regni
perniciem. Nam exurgens paternæ cædis ultor *Philippus, Dux*
Burgundiæ, Belgicæ dominus, fœdere cum Anglis inito, ipsò-
que Rege Galliæ Carolo VI. ac Regina Isabella secum abstractis,
Catharinam Regis filiam Henrico V. Angliæ Regi connubio junxit, *Anglus*
promisso in dotem Regno Galliæ: &, quod mireris, pleræque *Galliæ*
Galliæ Provinciæ rata habuerunt pacta nuptialia, in partes Angli *Rex.*
& Burgundi passim confluentes. Unde Carolus Delphinus, uni-
cus superstes Galliæ Regis filius ac hæres, vagus & inops, per pau-
cas, quæ fide sibi remanserant, erravit provincias, dispersas reli-
quias collecturus, ut qualemcumque aggerem rapido torrenti ini-
mico objiceret.

Hæc rerum facies erat in Gallia, tristis & afflicta undique,
cum anno 1422. Carolus VI. decederet, Rex umbratilis, & emota
mente nec sui compos, nec Regni: quod Regii sanguinis Princi-
pes, velut ambitionis suæ & funestæ æmulationis victimam, ma-
ctarunt. Vixit Carolus 45. annis. Regis verò titulum gessit 42.
annos, ultra 20. annos amens: nisi quòd sublucidum quandoque
intervallum intercederet, quo abuti possent, in quorum erat po-
testate.

Carolus VII. ex quinque Caroli VI. filiis ultimus, & superstes 16.
unicus, ex Isabella Bavara prognatus, ab Anglo Burgundoque Pa- *Carolus*
risios ad dicendam causam citatus, Regniq; jure publica senten- *VII.*
tia privatus, audita patris morte, deposito Delphini, Regis nomen
assumpsit, coronatus Pictavis, quòd Rhemi in hostium essent ma-

Pars VI.

Q

nibus;

nibus; cum pauculis suis copiis bis acie cæsus ab Anglis & Burgundis, destitutus humanis auxiliis, altioribus servatus est.

17.
Joanna
Darc.

Jam enim Henricus V. Angliæ Rex filiolum suum, quem ex Catharina, Caroli VI. filia susceperat, Galliæ Regem promulgârat: jam omnis penè Gallia eundem est Regem venerata; jam Angli *Aureliam* arcta obsidione ad extrema redegerant: cùm ecce! indit̃is à Carolo Rege precibus, & supplicationibus publicis, adest 18. annorum puella rusticana, ovium custos, *Joanna Darcia* (*Darc*) in Tullensi Lotharingiæ agro nata. Hæc ad Regem Carolum adducta, Divino instinctu venire se ait ad liberandam Aureliam, Regemque Remos ad Sacram inaugurationem deducendum.

Martium igitur sagum induta, ensèque succincta, prælato candido vexillo, JEsu ac Mariæ nominibus signato, cum militum cohorte ad Aureliam movet, Anglos substructionibus eorum atque suggestibus dirutis, depellit, urbemque liberat, stupente Anglia ac Francia imbellis puellæ invictam fortitudinem: quâ non minùs feliciter per medias hostium terras Regem deduxit Rhemos ad unctionem sacram, expugnatis, quæ itineri obstabant urbibus & munimentis.

At, velut gemina sua legatione perfuncta, altero mōx anno (1430.) cùm ex urbe Compendio eruptionem in hostes obsidentes tentaret, à Burgundis capta, ac Anglis vendita, Rothomagi tanquam venefica ignibus est cremata, ferente sententiam Bellocensi Episcopo: quam tamen Calistus III. Papa anno 1456. revocavit, causaque cognita Virginem innocentem declaravit.

18.
Cum Bur-
undo
Pax.

Et ab eo tempore in deterius sunt lapsæ res Anglorum: soluta Compendii obsidio, urbes plures Franco deditæ, Principes cum eo conciliati, &, quod rerum caput, Philippus Burgundus (erecto nuper Brugis honoribus S. Andreæ Aurei Velleris Ordine illustris) in pacem tandem consensit (anno 1435.) Atrebat̃i ea conditione, ut Rex Carolus ob cædem Joannis Burgundi veniam petat, Matiscone, Fano Quintini, Perona, Abbavilla, multisque in Picardia urbibus cederet. De cætero neutrarum se partium fore Dux pactus est, consentiente in omnia Rege, ut tam potentem socium Anglis eriperet. Neque hîc stetit felicitas, cùm Angli, pace hac privata irritati, Ducis terras invaderent, is arma virésque Francis adversùs Anglos fociavit. Utque fœdus istud firmiùs colligaretur, nuptiis inter Catharinam Regis filiam, & Carolum Audacem, Ducis filium, est obsignatum: simulque concordia inter

Domum

Domum Aurelianensem & Burgundicam, condonatis offensis, restaurata: postquam videlicet Philippus Bonus Ducem Aurelianensem, hostem suum, jam 25. annos in Anglia captivum, magno pretio redemit.

Patuit mox tantæ pacis & unionis fructus ingens, recepta Lutetia, Rothomagus, cæteræque Normanniæ urbes, translatoque in Aquitaniam bello, Burdigala, Bajona, aliæque civitates, quâ deditæ, qua vi expugnatae, ut adeò anno 1452. Anglis ex tota Gallia solum Caletum esset reliquum. 19. Angli pul. si.

Atque hoc pacto Carolus VII. qui initio Regni omnium inops vix habebat, quo famen pelleret, Provinciis omnibus sibi restitutis, anno 1461. vitæ 59. Regni 39. obiit ex fame metu veneni.

Quamvis autem in Synodo Bituricensi sanctionem Pragmaticam Gallorum, ex Concilii Basileensis articulis confutam, reciperet, nunquam tamen adduci potuit, ut iis, quæ adversus Eugenium Papam gesta fuerant, consentiret. Quin operam dedit, ut Felix tiaram malè impositam deponeret, & Ecclesiæ pax atque unitas redderetur.

Carolo VII. successit Ludovicus XI. filius, patri mansueto, sincero, familiari profus dissimilis, utpote moribus asper, testus, fraudulentus. Is jam antè propter intractabilem indolem patri exosus, & propter ambitionem suspectus ad Pictones fuit relegatus, & cum Borboniis aliisque Principibus adversus patrem conspiracyonem iniit, quòd aula exclusi, inferioris dignitatis homines dominari cernebant. Jamque bello moto in Pictonibus plura oppida armis invaserant, cum Burgundi potissimum opera Regi sunt conciliati. 20. Ludovicus XI.

Sed necdum filio immorigero convenire cum patre optimo poterat; unde anno 1456. fugit ad Philippum Bonum Burgundiæ Ducem, nec adduci poterat, ut rediret ad patrem.

Mortuo patre Carolo, Ludovicus XI. successit, ingenio quidem perspicaci & acri, sed callido, suspicioso, pervicaci, vario. Is abrogavit *sanctionem pragmaticam*, hortante Pio II. reclamante licèt Parlamento, & Academia, Basileensis Concilii fau'oribus. Auxit Regnum, hinc Sanquintino, Perona, Ambiano, Abbavilla, aliisque Picardiæ locis, quæ in pace Atrebatensi à Carolo VII. fuerant Burgundo oppignorata, pecunia soluta redemptis, inde Ruscinonenfi comitatu cum Perpiniano, ab Aragonio vendito, ut scribunt Galli, jure pignoratitio tantum concessio, ut volunt Hispani. 21.

Cum autem Ludovicus indole esset duriore, ac nemini, præterquam sibi, fideret, *Carolus frater*, Dux Biturigum, *Carolus Audax*, Bellum civile.

dax, filius Philippi Burgundi, Comes tunc Carolesii, *Franciscus* Dux Britanniae, alique Principes multi cum Nobilitate, ab eo alienati, propter despoticum regimen, tributorum gravitatem, variasque variis illatas à Rege ferociente injurias. Conspiratione inita, arma corripunt in Regem, eumque cruento prælio victum adigunt, ut pacem peteret, iisque conditionibus, quos conjurati posuerant, iniret. At res intra promissa stetit.

22.
Carolus
Audax.

Mortuo subin anno 1467. *Philippo Bono*, Duci Burgundiae ac Belgii penè totius Domino, successit *Carolus Audax* filius, Principi incomparabili, patrique mansueto ac pacifico dissimillimus. Hic Ludovicum XI. Galliae Regem, contra quem adhuc vivente patre, cum Galliae Proceribus conspiraverat, Peronam imprudenter ad colloquium ingressum instar captivi habuit, pavidum & trementem, donec quaecunque Dux vellet promitteret.

Detecta anno 1469. Cardinalis Balvæ & Wilhelmi Viridunensis Episcopi machinatio, qua Regem inter ejusque fratrem ferere discordias ausi sunt, Carolum Audacem verò Burgundiae Ducem ad invadendum Regnum invitare. Datus uterque in carcerem; in quo Cardinalis undecim annos, Episcopus verò 14. in cavea ferrea est detentus (cujus ipsemet in Gallia inventor auctorque fuisse scribitur) fervente interim acri disceptatione tum Romæ tum in Gallia de eorum pœna. Judicati utrobique læsæ majestatis rei.

23.
Maria
nubit Ma
ximiliano.

Mox Ludovicus Carolum Audacem in jus vocat coram Parisibus Franciæ. Unde bellum. Quo Carolus Sanquintino & Ambiano spoliatus inducias facere est coactus. At quietis impatiens vir ingentis sed præcipitis animi, Renatum Lotharingum & Helvetos bello laceffit, amissâ primo prælio, ad Gransonium supellestili, altero ad Moratum gloria, tertio ad Nanceium vitâ. Cùmque masculum hæredem nullum reliquisset, Ludovicus Burgundiae Ducatum invasit, & Regno suo univit, velut feudali jure redeuntem. Summæ verò imprudentiæ Galli scriptores Ludovicum arguunt, quòd *Mariam*, unicam tot provinciarum hæredem, non curârît desponsari Delphino suo, aut alteri cuidam ex Principibus Galliae. Nupsit illa post mortem patris felicibus auspiciis, favente cœlo, Maximiliano I. Romanorum postea Imperatori. Unde fundamentum vastissimæ Augustissimæ Domus Austriacæ potentiæ, faustissimis deinceps nuntiis in immensum provectæ.

Prima
bella cum
Austria-
cis.

Ussit Gallos tam opimæ sponsæ & incrementis potentiæ invidia. Unde hîc jaci cœpta prima bellorum gentem inter utramque femina, in segetem heu nimium tristem, quia Cadmæum, surrectu-

ra. Mox etenim Maximiliano bellum movit Ludovicus, victor primum mox cæsus ac profligatus: utque dolorem amissæ victoriæ fæda crudelitate leniret, quinquaginta Nobiles, quos captivos tenebat, furcâ suspendit. Conventum nihilominus de pace. Quæ, ut esset firmior, Margaritha Maximiliani & Mariæ filia desponsata fuit Carolo Delphino: Burgundiæ comitatu & Artesia datis in dotem.

In morbum deinceps prolapsus Ludovicus corporis & animi, 24.
Plesiæ in carcerem velut se conclusit, fossis septum, clatrisque *Morbis*
ferreis, ex ferro muricibus supra murum protensis, & excubanti- *Lud. XI.*
bus diu noctûque in fossa vigilibus, qui vel procul accedentes tel-
lis repellerent. Vix ullum hominem, ne filium quidem aut filiam
propius admisit, vestesque omnium excuti iussit, ne fortè quis pu-
gionem aut cultrum haberet absconditum.

Videlicet, qui terrori omnibus fuit, qui tot alios caveis in-
cluserat, qui compactis in carceres globos ferreos immensi ponde-
ris appenderat ad pedes, qui laqueo & ferro tam multos sustulerat,
qui tyrannide, minis, terroribus undique circumtonabat, ille jam
ipse, iusta cæli vindicta, jacet abjectus in carcere voluntario, pa-
vet, tremit, omnes formidat.

S. Franciscum de Paula ab ultima Calabria accersit, eumque
flexis genibus orat, sibi ut vitam proroget, omnia ipsi ac Ordini
pollicens. Nullus sanctus, quem non invocârit. Sacras reliquias
ex omni Europa corrogatas vestibus undique inserit, ut mortem
arceant. Preces publicas per totum Regnum indicit ad averten-
dum aquilonem, quia hic ventus erat ei incommodus. Medico
se mancipem tradit, decies millenis nummis in singulos menses illi
promissis.

Ut tamen in hac morte sua se vivum Europæ pro-
mulgaret, edicta & leges novas in dies cudit & recudit, magistra-
tus abrogat & restaurat, & prout consueverat, hos vivere, illos
mori jubet: delectus militum haberi, machinas parari, lustrari
exercitus præcipit; ipseque tandem sumptuosè & magnificè vesti-
tus progreditur, quasi adversus mortem expeditionem suscep-
turus, vel, ut, qui omnibus hætenus illuisset, etiam morti illu-
deret.

At mors nec decepta, nec territa, inquietam & verè miseram
illius vitam, quam assiduis cum subditis suis ac clientibus discordiis
ac bellis contrivit, finiit anno 1483. Regni 22. ætatis 61.

Novum profecto paradigma heteroclitici Principis: quem metu
occlusæ linguæ omnibus post mortem probris onerârunt, & Galli-

25.
Effigies.

cum Tiberium ipsimet Galli vocitabant; omnibus siquidem exosus, neminem amabat, præter se ipsum, à nemine amatus: Principes habebat pro mancipiis, mancipia pro Principibus, tonsorem, medicum, cubicularium: qui tamen trepidi illi adstiterant.

Jam juvenis refractarius discessit à patre mansuetissimo. Mortuo patre rogavit eum Philippus Bonus Burgundiæ Dux, qui per plures annos liberale illi hospitium præbuerat, flexis etiam coram eo genibus, ut veniam daret inimicis suis, qui patris mandato ipsi fuissent adversi. At ille perductus Lutetiam, à crudelitate, depositione Magistratuum, proscriptionibus, carceribus, cædibus Regnum exortus, terroribus omnia compleverat.

Proceribus contemptis & abjectis plebem, auctis in immensum tributis, ad tantam inopiam redegit, ut plerique rustici aratro de collo suspenso terram proscinderent. Sævitia in eo tanta, ut carcer, caveæ, ferreæque globi, loco clementiæ & veniæ essent: nemine præ timore vel hiscere auso.

Unde Principes Galliæ, tot injuriis irritati, in eum conspirarunt, armatoque exercitu ipsam Lutetiam obsederunt (vocatúmque est hoc bellum *Boni Publici*) at ille promittens omnia, pacem obtinuit, sed nihil servavit; quin ad artes suas conversus, inter Principes ferens discordias, illos divisit, ut singulos posset obruere.

Non latuit hoc Burgundiæ & Britanniæ Duces; qui propterea se arctiori fœdere cum Carolo Ludovici fratre, & ipso etiam Rege Angliæ colligârunt; cum quibus hac de causa plura ac perpetua ferme bella gessit; jus in armis ferre visus. Et ubi vis perumpere non poterat, testæ machinationes, fraudésque vocatæ in subsidium. Atque ut celerius omnia, quæ in Provinciis agebantur, ipsi innotescerent, primus veredarios per Galliam equos constituit. Primus etiam stipendiarias Helvetorum cohortes accersivit.

Qui de sævitia, atrocitate, calliditate, technis ac fraudibus hujus Principis plura desiderat, legat Bussierium tomo 2. Historiæ Francicæ, aliósque Gallicos scriptores: qui ipsius vitia orbi propalârunt.

Laudant tamen in eo religionis studium, sacrorum cultum, venerationem peculiarem in Virginem Deiparam, circumspectam in omnes casus prudentiam, nisi in calliditatem sapius & fraudulentam astutiam degenerasset. Quæ tamen calliditas eum tunc maximè deseruit, quando Peronam, Caroli Audacis in Picardia urbem, ad amicum colloquium fuit ingressus. Nam eo ipso tem-

pore

pore Carolus litteras acceperat, Leodienses ad rebellionem adversus Clerum, & ipsum Ducem Carolum fuisse à Rege Ludovico incitatos. Trepidabat tunc intra muros portasque clausas Rex, ubi, quod secretum volebat, proditum audit, & armatis cohortibus hospitium suum vidit circumdatum. Et certè consultabat irritus Dux, quid in Regem infidum, quem in potestate habebat, decerneret. At reverentia Majestatis ferociorem vindictam cohibuit ferocioris alioquin indolis. Ea tamen Regem pœna multavit, ut aliquot urbes cederet, & secum expeditionem adversus Leodienses, quibuscum colluserat, fuscipere cogeretur, gregarius veluti miles. Quod dedecus, cùm homines non auderent, plittaci, picæ, aliæque loquacium volucrum genera ei exprobrabant Parisiis. Leodium, Ludovico fœderatum, expugnatum, & flammis datum.

Breve elogium huic Regi scripsit Philippus Brietius ad annum *Elogium.*
 1483. Erat Ludovicus XI. *malus filius, malus pater, malus maritus, malus frater, sed Rex bonus, & qui Reges Francicos sui juris fecit. Malus filius,* quia patri refractarius. *Malus pater,* quia non tantum gaudebat, Joachimum primogenitum matura morte fuisse abreptum, eò quod præclaram spem de se præberet, sed etiam Carolum, alterum filium, unicumque Regni hæredem ignobiliter adeò ac rusticè educabat in tenebris, absque ullo præceptore, absque bonis artibus, ut decimo tertio ætatis anno, quo patri successit, nec scribere nec legere sciret. *Malus maritus,* quia Reginam non ut conjugem, sed ut mancipium habuit, ab aula amotam, arcu inclusam, abjectam, despectamque. *Malus frater:* quia Carolum fratrem unicum nullo in amore aut honore habuit: imò veneno enecasse scribitur.

Bonus Rex ideo, credo, dicitur, quia summa & absoluta potestate regebat, & fines Regni ex omni parte protendit, adjuncta ad *Fines protensa.*
 meridem cum Ruscinonensi comitatu Phocensi Provincia, post mortem Renati Andegavenfis, Siciliæ Regis, Galliæ unita, ad Occasum Andegavenfi, ad Aquilonem magna Picardiæ parte atque Artesia, ad ortum utraque Burgundia: ut adeo haud dubiè Galli usque ad sydera eundem laudibus attollerent, nisi osor fuisset totius humani generis.

Carolus VIII. ei successit, filius unicus 13. annos natus, sub tutela Annæ sororis, prout testamento disposuerat pater, usque dum 14 annos implisset; quo tempore ex dispositione Caroli V. *Carolus VIII.*
 Regni administrationem in Gallia licet accedere.

At

At intercessit Ludovicus Dux Aurelianensis, sibi tanquam primo stirpis Regiæ Principi regimen vindicans, ac Regis tutelam. Cum autem nihil efficeret, abiit ad Britanniæ Ducem, atque cum eo Maximiliano Archi-Duce, & Albretio adversus Regem Carolum fœdus iniiit. Verùm prælio victus, triennio in captivitate fuit detentus; bellumque in Britannia continuatum fuit.

*ducit Bri-
tannam.*

Pugnatum acriter pro muliere à magnis procis. Fuit illa *Anna*, Francisci ultimi Britanniæ Ducis filia ac hæres. Ambiebant hanc sponsam, aut potius ejus dotem Rex Carolus, Maximilianus Archi-Dux, defuncta conjuge Maria Burgunda viduus, Ludovicus Aurelianensis (post Carolum Rex Galliæ) Albretius &c. Pater omnibus spem fecerat. Sed ubi is decesserat, desponsata est Maximiliano, jam Romanorum Regi. At Carolus Galliæ Rex tum armis Britanniæ illatis, tum aliis adhibitis machinis sponsam Maximiliano abstractam sibi copulavit. Margaritham verò Maximiliani filiam, jam antè sibi desponsam repudiavit, servata tamen, quam attulerat, opima dote, Artesia videlicet, & Burgundiæ comitatu.

*Restituit
dotem, &
Ruscino-
nem.*

Altè in animum, ut par erat, demittebat Maximilianus utramque injuriam, eamque vindicare certus, fœdere cum Henrico VII. Angliæ Rege inito, in Picardia & Artesia bellum infert Franco; quod ea conditione brevè finitum est, ut Carolus cum Margaritha dotem restituat, Artesiam nimirum & comitatum Burgundiæ.

Ethoc quidem ex æquo. Sed illud capere Galli non poterant, cur Rex Ruscinonem cum Perpiniano, Ludovico XI. aut venditum aut pignori datum, ultro & gratis Hispano restitueret, seque opportunis adèd Galliæ claustris nudaret.

27.
*Expeditio
Neapoli-
tana.*

Creditum, hunc bolum obicere Carolum voluisse Ferdinando, ne expeditionem Neapolitanam, quam meditabatur, impediat. Suscepit hanc gloriæ cupidus Rex juvenis anno 1495. cum 3600. equitum & 20000. peditum, ad Gratianopolim in Delphinatu congregatis. Transmittuntur alpes, excipiuntur humaniter in Pedemontio à Sabaudia Duce, Casali à Monferratensi, Ticini à Sfortia Mediolanensi, Pisanis datur libertas. Florentini compeſcuntur. Intrat Rex cum exercitu Romam per modum triumphantis, obviis Cardinalibus & Proceribus, Pontifice verò Alexandro VI. in castellum S. Angeli confugiente. At invitatus concordiam init. Promulgatur Carolus Rex Neapolitanus. Intrat Neapolitanum Regnum, nemine ferme resistente; Capua, ipsaque Neapolis triumphantem excipiunt, deduntur arces, urbes, oppida.

da. Non modo Neapolis, sed etiam Jerosolymæ, quin & Constantinopolis Imperator proclamatur. Symposiis, tripudiis, pompa, lusu, otio, atque voluptatibus certatur, constituendi Regni cura nulla. Ischia insula, in quam Ferdinandus Rex Neapolitanus confugerat, vix tentata. Munimenta non instructa annona, disciplina militaris luxuria enervata, quasi nihil superesset belli, & Neapolis Regnum otio & luxu, quibus acceptum fuerat, retineri posset. At alia mox rerum facies ludicram scenam invertit.

Conspirarunt adversus Gallos Alexander Papa, Maximilianus ^{Fœdus Ita-} Imperator, Veneti, Ludovicus Sfortia, alique Principes Italiæ, ^{lorum.} fœdere inter se isto Venetiis, ad depellendos ab Italia Gallos, totam machinam movente & impellente Ferdinando Rege Aragonio.

Veritus tam densa nube coeunte procellam Carolus Rex Franciæ, relictis sex millibus ad defensionem Regni, tam facile obtenti, eadem, qua venerat, via cum exercitûs reliquiis in Galliam properat.

Fœderatus exercitus sub Apennino ad Forum novum Gallos operiebatur, ut transitum intercluderet. At Galli commissa pugna viam sibi aperuerunt; felices, quod in patriam possent regredi.

Neapolitani Gallorum, qui remanserant, paucitate contempta, Regem suum Ferdinandum revocarunt, Gallosque aut ferro aut inedia necarunt, adeo quidem, ut anni evoluti spatio, nihil illis in Italia fuerit reliquum, nihilque ex tota illa expeditione, ad tantam pompam instructa, retulerint, nisi fœdum quemdam morbum, ex fœdiore causa contractum Neapoli.

Ipsimet Galli scriptores, dum expeditionem istam Italicam imprudentiæ postulant, utuntur fabula canis Æsopii, qui ex ore carnem mittit, ut umbram capteret, reprehendentes videlicet, quod Rex Ruscinonem, Burgundiam & Artesiam dimiserit, ut remotas trans alpes & maria provincias occupet.

Fructum tamen multo optimum sibi decerpisse visus est. Nam post expeditionem illam infelicem, alius à se, totum se viruti dedit, rerum humanarum expertus vanitatem, cœlestique Regno occupando deinceps intentus, præ Neapolitano, omnibusque aliis exoptando. Nec diu post ad illud expeditionem suscepit, subita apoplexia enecatus Ambrosiæ, dum pila ludentes spectaret ex porticu, anno 1498. Regni 15. vitæ 27.

Corpore erat deformi, sed mente erecta, rerumque magnarum capace, si prudentem institutionem fuisset nata. Indoles

paternæ prorsus dissimilis, mansuetissima, ac grata, quæ omnibus charum redderet.

Filios duos ex Anna Britanna susceperat: qui tamen in primo juventutis flore obierant. Cùm igitur improlis decederet, successit ei Ludovicus XII. Dux Aurelianensis, sanguine proximus; cujus avus Ludovicus, à Joanne Burgundo interemptus, filius erat Caroli V. Galliæ Regis.

§. II.

Status Ecclesiasticus per Concilia ordinatus in Gallia Sæc. XV.

28.
Bituricen-
se.

Quamvis turbatus admodum fuerit in Gallia hoc sæculo Status politicus; ac propterea pauca Concilia celebrari potuerint; non desit tamen sedula Pastorum industria universo gregi invigilare, & Ecclesiæ disciplinam, tot inter rerum sursum deorsum euntium vicissitudines enervatam, vigori suo restituere per sacra Concilia.

Et quidem Anno 1415. Carolus VI. premente inopia pecuniæ, & Anglo hoste, Clero Gallicano vestigal quoddam imposuerat. Congregati proin *Bituricis* Præsules mittunt ad Regem epistolam, in qua violatam per exactionem illam libertatem Ecclesiasticam conqueruntur, pro qua defendenda plures Sancti martyrium subierint, plus timentes æternum quàm temporalem offendere Principem: Jeremiam jam olim deplorasse, Ecclesiam fieri sub tributo.

Reges etiam Ethnicos, ut Pharaonem & Cyrum Sacerdotes ab exactionibus Principum voluisse exemptos. Idem lege Mosaica à Deo statutum pro immunitate Sacerdotum. Flagellatum ab Angelis Heliodorum, mittentem manum ad bona Ecclesiæ. Non unum summum Pontificem per sacros Canones, sed universam Ecclesiam in Concilio Lateranensi sub anathematis pœna inhibuisse, exigi tributa aut talias ab Ecclesia. Quodsi Ecclesiastici quidquam voluntariè duxerint conferendum, Romanum Pontificem ea super re esse consulendum. Ipsum etiam Carolum in Regni aditu jurasse tuitionem Ecclesiasticæ libertatis. Ipsas aded leges Imperatorias ac civiles sancire, ut à Clericis tributorum injuria repellatur, & exactionis improbitas.

Proponit deinde eadem Bituricensis Synodus exemplum Constantini, Valentiniani, Caroli M., Caroli Calvi, Roberti, ac S. Ludovici, eorumque hac de re decreta. Rogatque, ut Rex Antecessorum

cessorum ac Progenitorum suorum vestigiis insistat, & ratam hætenus Ecclesiarum libertatem protegat.

Anno sequente *Concilium Parisiense* statuit, Regi indigenti subsidio *charitativo* (ut vocabant) per omnes Provincias subvenire, *Parisiense* offerendo *unam decimam integram*, consulta hac de re sede Apostolica. Actum deinde de pluribus Prælati ad Concilium Generale Constantiense mittendis. Provincia Tolosana autem querebatur, se ad Synodum Parisinam serius vocata, & non expectata, hæc acta fuisse. Consentit tamen & ipsa.

Cum tempore Caroli VII. Gallia fere omnis ab Anglis fuisset occupata, innumeræque, ut §. priore memoravimus, calamitates Regnum obruerunt, habitum est anno 1429.

Concilium Parisiense Provinciale ab Archiepiscopo Senonensi (qui se totius Galliæ & Germaniæ Primatem scripsit) præsentibus Episcopis suffraganeis Provinciæ Senonensis, videlicet, Carnotensi, Parisiensi, Meldensi, Trecenti, Procuratoribus Episcoporum Antistodorenſis, & Nivernensis (Aurelianensi ob belli tumultus excusato) Abbatibus, aliisque multis Ecclesiasticis: qui 30. *Parisiense* II.

In præfatione Senonensis Concilii Præses ait, licet sacris Canonibus cautum sit, ut singulis trienniis ab Archiepiscopo Concilium Provinciale celebretur; in quibus de criminibus corrigendis, ac moribus in populo & Clero reformandis diligenter tractetur. Talia nihilominus Concilia à multis retroactis temporibus desidioſo quodam neglectu fuisse prætermiſſa: qua ex re multa & varia delicta incorrecta remanserint, & plurimum in animarum periculum invaluerint; propter quæ præsumi possit, iram Dei super Galliam descendisse: ac propterea se Concilium Provinciæ suæ Senonensis Parisios convocasse.

1. Canone præcipitur, ut Canonici Divinum officium tractim, devotè & debito tempore decantent, nec pars chori verſum incipiat, donec ab altera parte verſus prior sit omnino finitus, sub pœna privationis suarum distributionum.

2. Tempore Divinorum Clerici à confabulationibus abſtinento.

3. Ejusmodi confabulationes in Ecclesiis Episcopi ne toleranto.

4. Nisi Canonici integris horis interſint, distributionibus privantor.

5. Clerici duarum Ecclesiarum ne ab una ad alteram adſuandas distributiones cum vestimentis Ecclesiasticis celeriter & immodestè currunt.

6. Ne lucri causa Ecclesiam matricem in festis solennibus Clerici deferunt.

7. Sacra vasa munda sunt.
8. Ad ordinationes & curam sine examine & delectu non admittuntur.
9. Habitum condecens deferunt.
10. Episcopi unius vel duorum Theologorum opera utuntur.
11. Curiarum Ecclesiasticarum officiales ab indebitis exactio-
nibus abstinendo.
12. Officiales Monasterii rationes Abbati diligenter reddunt,
saltem ter in anno.
13. Monachi quarta feria, in adventu & septuagesima jeju-
nium servant.
14. Religiosi ne evagantur.
15. Pro ingressu in Religionem nihil exigunt.
16. Suos Religiosos in litteris instrui curant, ut sacras scri-
pturas intelligere possint.
17. Patroni Ecclesiis providendo.
18. Religiosi constitutiones Benedicti XII. diligenter legunt.
19. Constitutiones de Monialibus accuratius observant.
20. Clerici morum gravitatem servant. Tabernas ne ade-
unt. A negotiationibus abstinendo. In lusu vestes ne exeunt.
21. Tunicas rubeas aut virides ne gestant.
22. A pejeratione cavendo.
23. Episcopi contra concubinos secundum Canones pro-
cedunt.
24. Clerici taxillis aut aleis ne ludunt.
25. Barbitonfores diebus festis artem suam ne exercent.
26. Christi nomine nullus abutitur.
27. Abusus quæstorum elemosynæ tollunt.
28. Curati suos Parochianos hortantur, ut præcipuis per an-
num festivitatibus confiteantur.
29. Medici corporalem medicinam ægris ne applicent, nisi
prius animus per confessionem fuerit sanatus.
30. Qui Ecclesiastica judicia impediunt, denunciantur ex-
communicati.
31. Decimæ de omnibus fructibus solvuntur.
32. In privatis oratoriis matrimonia ne solennizantur.
33. Episcopi & Archidiaconi in bannis (*denuntiationibus*)
matrimonii ne facile dispensant.
34. Tempore adventus, septuagesimæ & Rogationum nuptiæ
ne celebrantur.

35. Cum Divina celebrantur, soli Clerici ad altare accedunto.

36. Si Clericus à sæculari in carcere detinetur, à Divinis cessator.

37. Uti etiam si sæculares domini impediunt citationem ad forum Ecclesiasticum, quando personæ aut causæ ad illud pertinent. Impedientes vero ipso facto excommunicati sunt.

38. Testes Synodales inquirunto, an hæc statuta observentur: & ad proximum Concilium referunto.

39. Hæc decreta publicantur.

40. Designantur testes Synodales pro quavis Diœcesi.

41. Decreta ista ratificantur & subscribuntur.

Rotbomagensæ Concilium Provinciale anno 1445. statuit, ne quis juret per sanguinem aut membra Christi. Damnat certas devotiones aut modos loquendi, superstitionem olentes. Præscribitur examen Ordinandorum, residentia Clericorum, catechesis diebus Dominicis & Festis, visitationes, continentia &c. Prohibentur, ebrietas, cohabitatio cum mulieribus suspectis, negotiatio sæcularis, usuræ, quocunque colore pallientur, vestes indecoræ &c. 31.

Andegavensæ Concilium ab Archiepiscopo Turonensi cum Episcopis suis comprovincialibus celebratum Andegavi anno 1448. constituit 17. Canones: quos exhibet Possévinus noster in apparatu sacro. 32.

1. Sacerdotes diebus non solennibus jubentur dicere officium Defunctorum.

2. Distributiones tantum dentur præsentibus.

3. Nullus pro eadem hora in pluribus Ecclesiis distributiones percipiat.

4. Sub horis canonicis fervetur silentium, attentio, ac devotio.

5. Ludi noxii ac scandalosi vetantur, præsertim Clericis.

6. Conciones & Missæ habeantur in locis sacratissimis.

7. Bona Monasterii ne alienentur. (*octavus canon non exstat*)

9. Præpositi Ecclesiæ, qui non diligenter visitant, puniantur.

10. Excommunicantur concubinari.

11. Sententia excommunicationis lata publicetur intra mensem.

12. Matrimonia clandestina ne benedicantur.

13. Tolluntur insultationes & tumultus in secundis & tertiis nuptiis.

14. Excommunicantur invasores personarum & rerum Ecclesiasticarum.

15. Item ii, qui bajulos aut executores Ecclesiasticorum judiciorum capiunt, detinent &c.

16. Ne ignotæ Sanctorum reliquiæ quæstus gratia Provinciæ inferantur.

17. Indulgentiæ à Sede apostolica concessæ promulgentur per virum doctum, à Diocesano designatum.

33. *Lugdunense Concilium* Nationale anno 1449. conqueritur, execrandam blasphemiam crimen in Gallia invaluisse, ac propterea Deum peste, fame, & tot bellis illam affligere, censuris proin illud coercendum.

Ad vitandam Clericorum multitudinem, cum magno delectu eos admittendos decernit: nec, nisi adsit sufficiens ætas, litteratura, morum probitas, titulus mensæ &c.

Pro ordinatione, consecratione calicum &c. nihil exigendum. Excommunicantur, qui clandestina matrimonia contrahunt. Præmittenda tria *banna*, in quibus non facile dispensandum. Instaurantur querelæ & prohibitiones contra abusus quæstorum elemosynæ: qui per provincias vagabuntur, deferentes reliquias, concionantes, & promulgantes Indulgentias, quorum non pauci erant impostores. Statuit denique, observanda esse decreta Concilii Constantiensis & Basileensis.

34. *Suessionense Concilium* Provinciale, Præside Rhemenfi Archiepiscopo anno 1456. ingemuit, ob intermissa Provinciæ Rhemenfis Concilia agrum Domini vepribus & spinis horridum. Commendatur major cultus Divini cura, reverentia, devotio. Instaurantur decreta contra Clericos aleatores, ebriosos, frequentantes tabernas, concubenarios, exercentes mercaturam. Excommunicantur Clerici, qui ad Ecclesiasticum tribunal citati, à sæcularibus comminatorias litteras accipiunt. Causæ minutæ summarè & de plano tractandæ.

35. *Avenionense* anno 1457. statuit, Religiosos mendicantes non esse præficiendos regimini Ecclesiarum Parochialium, nisi necessitas exigat. Festum conceptionis B. V. M. secundum decretum Concilii Basileensis, inviolabiliter esse observandum: nec quicumquam contrarium prædicare vel disputare præsumat. Dies festivè celebrandi, Natalis Domini, S. Stephani, S. Joannis, SS. Innocentii, circumcisionis; epiphaniæ, resurrectionis cum duobus sequentibus, corporis Christi, S. Joannis Bapt. Transfigurationis Domini. festa omnia B. V. M. & 12. Apostolorum, S. Laurentii, S. Michaëlis, omnium Sanctorum, præter omnes dies Dominicos,

nicos, & quos quilibet Episcopus in sua Diœcesi duxerit celebrandos.

Nullus Episcopus Ordinem Subdiaconatus cum Minoribus eodem die conferat. Peregrini non ordinandi sine litteris dimissoriis Episcopi suæ originis. Statuti etiam Canones contra Judæos & usurarios.

Senonenſe auno 1485. statuit, ut Sanctio Pragmatica fideliter observetur, ut Divinum officium devotè celebretur. Multaque alia, de choreis & ludis in Ecclesia non faciendis. De Processionibus ordinatim ac devotè habendis; de reformatione morum, visitationibus, dignis promovendis ad Beneficia. De concubinariis, aleatoribus, vestibus indecoris, tabernis; de coërcendis quæstoribus; de jurisdictione Ecclesiastica, reformatione Religiosorum, decimis, celebratione festorum, matrimoniis in facie Ecclesiæ contrahendis; de libertate Ecclesiastica defendenda, aliisque, quæ tum memorata sunt sæpius in superioribus Conciliis, tum in libris Decretalium Juris Canonici continentur. 36.

Præter hæc Consilia coactum etiam est anno 1438. *Conciliabulum Bituricensē*. Cùm enim eo tempore duo simul celebrarentur Concilia, quorum utrumque Generale esse voluit, Basileense nimirum & Florentinum, & ad utrumque invitarentur Præsules Galliæ, isti in hac Bituricensi Synodo congregati Eugenium quidem pro legitimo Pontifice habebant, eatenus tamen Concilii Basileensis causam propugnandam susceperunt, ut dicerent, illud legitimè congregatum fuisse, nec posse inde transferri. 37.

Approbata etiam & laudata est in hac Synodo Sanctio Pragmatica Gallorum, ex Concilii Basileensis decretis compilata. Quam tamen haud multò post abrogaturum se promisit Caroli VII. successor Ludovicus XI. quamvis res ferme intra promissum steterit (*vide part. 3. cap. 5. §. 4.*)

ARTICULUS III.

De Conciliis Hispaniæ Sæculo XV.

§. I.

Prænotanda de Statu Hispaniæ.

I.

Status Regni Castellani.

Joanni I. Castiliæ Regi, anno 1390. equi casu oppresso, succellit *Henricus III.* filius, ob corporis infirmitatem dictus *Henricus Valetu- III.* 38.

Valetudinarius, contententibus de tutela pupilli Regis Regni Proceribus, præsertim Archiepiscopo Toletano: adeo quidem ut ad arma propterea ventum fuerit, in carcerem datus Toletanus: ad opera Pontificis liberatus: Rex verò ab excommunicatione est absolutus. Lusitanus bellum inferre parabat: nisi Castellanus pacem aliquot datis urbibus redemisset. At non diuturna fuit, Lusitanis paulò post iterum Castellanas Provincias invadentibus. Cùm autem Castellani strenuè resisterent, factæ sunt induciæ.

Henricus III. propter infirmam valetudinem nulla re gesta memorabilis obiit anno 1407. Regni 16. ætatis 27. defecit is anno 1400. à Petro de Luna, qui Benedictus XIII. appellari voluit. Cantabris duelli licentiam concessit. Idem Cantabri sub finem sæculi XIV. pertentando oceanum Insulas Fortunatas primi detexerunt.

Regni proceres ad *Ferdinandum*, cognomento *Iustum*, Regni sceptrum deferunt. At ille insigni fide atque modestia illud recusavit, ac *Joanni* Henrici III. fratris sui filio deberi asseruit. Proclamatus igitur Castellæ Rex *Joannes II.* duos duntaxat annos natus, sub *Ferdinandi* patris & *Reginæ* matris tutela: cui commissum bellum *Mauricum*. Nam Rex Granatensis ditiones Castellanas invaserat. At præter erepta Mauris aliquot oppida, non nisi deprædationibus agrorumque vastationibus fuit certatum, moxque Barbaro petenti concessæ induciæ; sæpius fractæ sæpius renovatæ, nullo admodum operæ pretio.

Flagrant siquidem perpetua Christianos inter Principes, Castellanos, Aragones, & Vascones bella: quòque pluribus & arctioribus sanguinis & affinitatis vinculis connectebantur, eò plus sanguinis fusum. Generi cum soceris, fratres cum sororibus, filii cum patribus, non rarò collisi; stimulante ambitione, avaritia, invidia, æmulatione. Accedebant Procerum defectiones, discordiæ, prodictiones, quarum pleni sunt annales Hispanici.

Et quidem *Joannes II.* Castellæ & Legionis Rex, *Ferdinando* Justo, patruo suo, qui pro tutore Castellæ Regnum præclare, fidèque optima administraverat, ad Aragoniæ Regnum translato, sui juris factus, nunquam tamen suus, sed aliis perpetuò obnoxius, atque in socordiam, voluptates, mollémque vitam projectus, Proceribus ac Aulicis Regnum lacerandum reliquit.

40. Fax turbarum maxima *Alvarus de Luna*, qui præcipua apud Regem valens gratia, ad gubernaculum admotus, & Regem & Regnum pro arbitrio multis annis versabat, privatis potius domus

domus suæ incrementis, parandisque largitione factioni suæ amicis, quàm publicæ salutis intentus.

Ægerrimè hæc res habuit complures Regni Principes, ac præsertim Ferdinandi Justi filios, Joannis II. Castellæ Regis patruales. Qui ferre non poterant, se despectis, atque ad nullam Reipublicæ partem admittis, ab Alvaro ejusque factione Regnum discerpi. Hinc seditiones, conjurationes, bella intestina ac consanguinea. Aragonii fratres, quæ capti, quæ Regno ejecti, atque paternis opibus, quas amplas in Regno Castellæ possidebant, spoliati à Rege patruale, qui eorum sororem matrimonio junctam habebat. Adeo nulla vincula pacem, & amores fatis constringunt.

At maturuit tandem pœnæ præcipuus turbarum incentor *Alvarus de Luna*, anno 1453. in quadam arce sua munita captus, & Rege Joanne jubente atque inspectante publico in foro securi percussus, velut læsæ Majestatis reus. Bona ipsius, quæ amplissima collegerat, fisco illata.

Obiit haud multò post Joannes II. anno videlicet 1454. ætatis 49. calamitosi & inquieti Regni 48. filios reliquit duos, Henricum & Alphonsum, filiam unicam Isabellam, Ferdinando Catholico nupturam, collapsamque Hispaniam grandibus auspiciis restauraturam.

Henricus IV. in Castellæ & Legionis Regno successit, ignavia patri similis, prodigalitate etiam superior. Oppida, urbes, ^{41.} *Henricus* ditiones passim effudit, perturbantibus de industria, ac miscenti- *IV.* bus omnia Proceribus, ut se necessarios faciant, & frequentatis largitionibus ampliùs ex publico ditescant. Exhausto sic ærario, Regniq; nervis incisis, bella nihilominus Henricus mente conceperat, sed inertia. Aragonii, & Vascones lacessiti; contra Mauros Granatenses processum, sed non ultra prædas; ut habeat, quod prodigat.

Regno exitiales & Regi fuerunt profusæ largitiones. Nam eum in despectum devenerat, ut Regni optimates, quorum avaritiam satiare non poterat, cum insigni fœdæque ignominia eum deponerent, & Alphonsum minorem fratrem proclamarent Regem. Unde armata in se ipsam Hispania, bella, calamitates, ruinæ. Regina conjux, cum filia abstracta. Rex inops, ab omnibus ferme desertus. Jacta in rebelles Proceres Romana fulmina.

Moritur interea Alphonsus, à tumultuantibus Rex dictus, & quidem improlis. At necdum quies. Isabellæ sorori defertur sceptrum. Recusat illa, major Imperio, quod Henrico fratri

Pars VI.

S

restituit.

restituit. Initur pax. Henricus rursus throno imponitur. Isabella declaratur post mortem Henrici hæres: digna vel hoc uno facinore, ut plurimum, quod postea evenit, Regnorum Regina fieret.

Nec tamen sine tumultu, armisque id contigit. Nam Henricus, nuptiis Isabellæ cum Ferdinando Aragonio irritatus, *Joannam* filiam suam ultimis tabulis Regni hæredem scripsit, rejecta Isabella sorore, quam Regni ordines in pace nuper inita hæredem declaraverant.

42. Mortuo igitur anno 1474. Henrico Rege, ætatis 49. Regni
Lis de suc- turbulenti 20. ingens orta est disceptatio, bellumque atrox, aliis
cessione. ad Joannam, pluribus ad Isabellam Regni jura deferentibus.

Dubium inde ortum. Henricus Rex primis nuptiis duxerat Blancam, Ferdinandi Catholici sororem, quam decimo quartò matrimonii anno repudiavit, tanquam impotentiae impedimento esset ligata. Idque divortium Castellani Præsules, ipsæque summus sacerorum Antistes Nicolaus V. habuerunt ratum. Invaluit tamen apud plures persuasio, ipsum Henricum Regem fuisse impotentem, suæque naturæ vitium Blanca affinxisse.

Altero connubio sibi ascivit Eduardi IV. Lusitaniæ Regis filiam. Hæc peperit *Joannam*; quam Rex filiam suam haberi voluit. Multis res erat suspecta. Multi suppositam dicebant, etiam palam. Quin patrem nominabant Bertrandum aulicum, ultra, quàm par erat, Reginae familiarem. Et alioquin publicè constabat, vita illam fuisse impudica, & cum abstracta fuisset à Rege, atque captiva detineretur, bis factam puerperam. Accedebat insita multis persuasio, Blancae etiam testimonio confirmata, Regem Henricum impotentiae vitio teneri.

Nullam igitur Joannæ aut Regii testamenti rationem habendam censuerunt Castellani plerique, ac propterea vivente adhuc Rege, ac consentiente Regni hæredem declarârunt Isabellam Regis sororem.

At toto conatu se opposuit Alphonfus V. Rex Lusitaniæ, pro Joanna, sua ex sorore nepte. Sequebantur hanc causam ex Castellanis Archiepiscopus Toletanus, & Paciecus Villenæ Marchio, præcipuæ authoritatis & potentiae, qui suis in Provinciis Joannam proclamârunt Reginam.

Ventum ad arma. Lusitanus valido cum exercitu in Castellum irrupit, eisque Toletanus & Villenus cum clientelis suis se conjungunt, belli atrocis calamitas undique circumfertur. Vicit
causa

causa melior. Lusitanis viribus, prælio, licèt ancipiti, fractis, ad propria redit; cùmque Gallum de auxiliis frustra appellasset, pacem facit; qua Proceribus etiam retinentibus extortum obsequium. Firmatum fœdus pacto sponsalicio inter nepotem Lusitani & Isabellæ primogenitam. Optimam partem *Joanna* elegit, in cœtu parthenio Christo desponsa, pro cœlesti deinceps Regno depugnatura.

Aliquam etiam controversiam Isabellæ movit ipsimet Ferdinandus conjux, sibi, tanquam Sobrino Henrici Regis, & ex stirpe virili sanguine proximo, Castellæ coronam vindicans. At op-^{43.} *Ferdinandus & Isabella.* posuerunt Castellani Ormisindæ, Odisindæ, Sanctiæ, Urracæ, & Berengariæ exempla. Litem abruptit Isabella, assumpto Ferdinando, uti thori, ita etiam potestatis ac Regni consorte.

Communi proin deinceps Regum nomine præclarè gubernata Respublica; fessis rebus itum obviam, prodigè effusa revocata ad ærarium publicum, temperata populorum tributa, fatiscences tot annorum calamitatibus, luxatæque provinciæ in ordinem suum repositæ, datum Proceribus documentum, Regum esse regere, non regi; nec largitionibus immodicis emendum obsequium, aut publica egestate saginandam privatorum avaritiam.

At nihil ad immortalem nominis gloriam augustinus, nihil ad securitatem Hispaniæ potentiâque majus, ad religionem cultum-^{44.} *Mauri pulsi.* que Numinis nihil sanctius, à Ferdinando & Isabella Regibus gestum, quàm bellum Mauricum, quo *eversum Granatense Regnum*, & Saraceni, septingentos & ultra annos in Hispania dominantes sub jugum missi.

Decennio integro hoc bellum tenuit, varia rerum vicissitudine. Cæsi sæpius nostri. Cum infinita barbarorum multitudine, quam desperatio armaverat, decertandum. At illorum discordia, pulso veteri, novum Regem intrudentium, nostrorum Principum constantia, optatum bello finem imposuit. Expugnata Bаста, Malaca, Almeria, & tandem etiam Regni caput Granata, Regnóque impio everso, septem sæculorum absolutus labor (*anno 1492.*)

Dignus profectò Ferdinandus, qui propterea appellaretur *Catholicus*, & avitum *Catholici Regis* nomen instauratum ad posteros propagaret, novisque auspiciis vastæ per orbem terrarum Hispaniarum potentiæ præluderet. Certè magnum ab eo tempore Hispanorum nomen. In Italiam mox exporrectum Imperium; novus apertus orbis, quasi ad palmas metendas non sufficeret vetus. Circa hæc siquidem tempora Ferdinandi Catholici gloriosis auspi-

ciis, Columbus Genuensis Antillas Insulas, atque inter eas Portum Divitem, Jamaicam, Hispaniolam, Cubam, Americus Vesputicus Florentinus propius continenti admotus, Americam, à nomine ipsius sic appellatam, Pizarrus Hispanus Peruviam, Magellanes Lusitanus, ulterius provectus insulas, quæ Philippinæ postmodum dictæ sunt, detexerunt: ingens Hispanæ potentiae opumque immensarum futuras incrementum, simulque novum agrum Ecclesiæ, in Divinos fatus messëmque amplissimam surrecturum.

Porro Ferdinandus Mauris devictis agros reliquit. At, cum postea correptis armis tumultus cierent, aut solum vertere, aut Christiana sacra amplecti iussi sunt. Judæorum quoque perfidiorum expulsa ad octingenta millia. Erectaque *Sacra Inquisitio*, severum equidem tribunal, sed conservandæ orthodoxæ doctrinæ idoneum, quod lascivientibus novatorum ingeniis frænum injiceret, & miserrimam pereundi facultatem eriperet. Expurgata Saracena superstitione templa, ritûque Catholico expiata. Datus Granatæ Archiepiscopus, post 700. annorum captivitatem jure *postliminii* restitutus.

II.

Status Regni Aragoniæ.

Non minoribus quam Castella motibus sæculo isto XV. concussa est Aragonia, uti domesticis tumultibus, ita longinquis etiam in Italia bellis agitata; donec sub Ferdinando Catholico cum Castella in unum Regnum coaluit.

45. Et quidem *Joanni I.* anno 1395. absque prole mascula defuncto, in Aragoniæ & Valentiae Regno, atque Catalaunensi Principatu successit frater *Martinus*. Qui filii sui *Martini*, Siciliæ Regis, hæres, illius etiam Regni possessionem adiit.

Nam Sicilia, quod aliàs diximus, jam anno 1282. per Vesperas Siculas devoluta est ad Petrum III. Aragoniæ Regem, atque inde ad Fridericum II. minorem Petri filium, ejusque lineam, per Petrum II. Ludovicum, & Fridericum III. propagatam. Reliquit hic filiam unicam Mariam, connubio junctam *Martino Juniori* Aragoniæ Regis filio, qui per eam factus est Rex Siciliæ. Cum autem ante patrem Martinum seniore absque prole legitima anno 1409. decederet, factus est pater hæres filii; atque sic sub Martino seniore Sicilia cum Aragonia rursus coaluit, atque ad nostrum usque sæculum, mansit conjuncta, iisdem Regibus parens.

Cum

Cum autem altero mox anno ab adita Siciliæ possessione Martinus nulla relicta prole decederet, ingens orta est controversia, ^{46.} *Lis de successione.* quis in Regnis Aragoniæ atque Siciliæ succederet. Quinque magni aderant competitores, Regiæ omnes stirpi innexi. 1. Fridericus ex filio nepos, sed vitio natalium laborans, quamvis Benedictus Papa in eo dispensavit. Huncque maximè Rex successorem optaverat. 2. Alphonsus Gaudiæ Dux, & 3. Jacobus Urgelitanus Comes, tertio uterque consanguinitatis gradu Regi Martino conjuncti, & ab eadem stirpe per virilem lineam descendentes; 4. Ludovicus Andegavensis, Joannis I. Aragoniæ Regis ex Jolantha filia nepos. Ac demum 5. Ferdinandus Justus, Martini ex Eleonora sorore nepos.

Delecti à Regni ordinibus novem Judices, tres Aragonii, tres Valentini, & tres Catalauni. Coram quibus causa acriter disceptata. Pronunciatum pro Ferdinando, Martini ex sorore nepote, rejectis iis, qui ex virili stirpe descendentes remotiore Martinum gradu contigerant. Urgelitanus vim experiri ausus, victus, captusque, ad perpetuos in Castellam carceres est amandatus.

Igitur *Ferdinandus* cognomento *Justus*, Joannis I. Castellæ Regis filius, qui pro Joanne II. nepote hætenus Regnum Castellæ summa fide administraverat, publicis in comitiis dictus Rex Aragoniæ, Siciliæ, ac Sardiniae, quamvis non sine seditionum turbis & bellorum tumultibus, Siculis non rarò Sardisque caput efferentibus. ^{47.} *Ferdinandus Justus.*

Petrus de Luna, nomini Pontificio pertinaciter inhærentem. Perpinianum ad Sigismundum Imperatorem deduxit, cumque flecti non posset, cum Aragoniis suis, qui prius illi adhæserant, deseruit.

Obiit Princeps pietissimus, longiori ætate Regnòque dignissimus anno 1416. Regni 4. ætatis 36. sex liberos relinquens, Alphonsum, Joannem, Henricum, Petrum, Mariam, Regi Castellæ, & Joannam Regi Lusitaniæ collocatam.

Successit in Regnis Aragoniæ, Siciliæ, & Sardiniae *Alphonsus* ^{48.} *V.* primogenitus, qui unà cum fratribus suis initio plurimùm se immiscuit rebus Castellanis, gesto etiam bello adversus Regem patrualem atque sororium, quia scilicet fratres isti Aragonii ferre non poterant Alvarum de Luna, aliòsque, nec sanguine nec affinitate Regi junctos, in aula Castellana dominari. Qua ex re turbæ innumeræ sunt exortæ.

Cæterum Alphonsus omnem ferme ætatem in vindicando sibi Regno Neapolitano consumpsit. Captæque hinc Hispanos inter & Gallos bella. Juvat breviter perstringere originem.

Carolus Andegavensis, Ludovici VIII Gallix Regis filius, ut loco suo memoravimus, à Clemente IV. Rex dictus utriusque Siciliae, occiso Conradino illius hærede. At brevè Sicilia per Vesperas Siculas ad Aragonios, Conradini hæredes, transit. Neapolis verò Andegavensibus permansit, non sine frequentibus gentis utriusque bellis.

49.
Neapolis
ad Arago-
nios.

Et quidem Carolo I. Andium & Provinciae Comiti successerunt in Regno Neapolitano Carolus Claudus, Robertus, & *Joanna I.* Hæc, cum ex quatuor maritis nullam prolem suscepisset, hæredem scripsit Ludovicum Andegavensem, Joannis Gallix Regis filium. Quia autem Joanna nimium favebat prætenso Pontifici Clementi VII. Urbanus VI. *Carolus Parvus* Ducem Dyrrachinum, Joannæ in tertio gradu propinquum, ex Carolo Claudio, utriusque proavo, descendantem, Neapolis Regem renunciavit. Unde bellum.

Carolo Parvo successit primò quidem Ladislaus filius. Huic verò sine liberis defuncto *Joanna II.* soror; quæ adversus Andegavenses evocavit *Alphonsum V.* Aragoniæ & Siciliae Regem, eumque anno 1420. in filium adoptavit. Verùm tertio post anno rescissa adoptione, *Ludovicum III.* Andegavensem (quem ob matrem suam Jolantham, Joannis I. Aragoniæ Regis filiam, inter competitores etiam Regni Aragonici fuisse diximus) Neapolitani Regni hæredem designavit, atque Calabriae Ducem (quod successorì cognomen) promulgavit.

Alphonsus igitur Barcinone cum Classe solvens, recepta Sardinia, Corsica Genuensibus permessa, pacata Sicilia, Neapolitanum bellum adversus Andegavenses instaurat: at dum Cajetam obsidet, à Philippo Mediolanensi Duce cum duobus fratribus Joanne & Henrico capitur, & Mediolanum perducitur. Petrus verò tertius frater, Neapolim obsidens, interficitur, præclarus omnino miles.

Profuit Alphonso capi. Nam isto cum Duce Mediolanensi fœdere, ex hoste potente socium fecit, libertatèque consecutus, bellum Neapolitanum strenuè prosequitur, capta etiam Neapoli, nactus anno 1442. quietam totius Regni possessionem, quam post mortem reliquit Ferdinando, filio Notho, qui 36. annos Regnum Nea-

Neapolitanum possedit, ad annum videlicet 1494. quo decedens filio Alphonso II. illud reliquit.

Andegaveses interea Regum titulo utebantur ac jure prætenso. Et quidem Ludovico III. quem Joanna successorem destinârat, anno 1434. mortuo, eadem Regina Joanna Renatum ejus fratrem, (qui uxorio nomine Lotharingiæ etiam Ducatum prætendebat) hæredem dixit. Is igitur redemptus è captivitate Lotharingica, in qua à Valdemonio, Ducatus competitore, detinebatur, Neapolim appulsus, magnam Regni partem faventem sibi invenit. Verùm ab Aragonico superatus, anno 1480. defunctus, Regni titulum Carolo, suo ex fratre nepoti, reliquit. Hic verò anno sequente decedens, hæredem scripsit Ludovicum XI. Galliæ Regem, ad quem etiam per hanc mortem Andegavensis Ducatus, & Provinciæ Comitatus, tanquam ad dominum directum, rediit. Carolus VIII. Ludovici filius jus hæreditarium in Regnum Neapolitanum repetens, eam, quam diximus, expeditionem Italicam suscepit, totumque ferme Regnum facili opera occupavit. At sædere Italorum aliorumque Principum territus, in Galliam reditum acceleravit, totumque brevi Regnum rursus amisit, redeuntibus ad Ferdinandi Aragonii obsequium populis.

Porro Alphonso V. Aragoniæ Rex obiit Neapoli anno 1458. Regni Aragonici 42. Neapolitani 38. ætatis 64. eximius Princeps. Fovit tamen schisma, Petri de Luna partes, quas pater Ferdinandus Justus deseruerat, rursus amplectens; imò post Lunensis obitum à duobus Cardinalibus alium Pseudopapam (Ægidium de Munione,) sub nomine Clementis VIII. eligi mandavit, ut sic agrè faceret Martino V. Pontifici, in Andegaveses propensiori, & Regnum Neapolitanum sibi attribuere recusanti. Illud memorabile Alphonso acroama celebratur: referente quodam; à Rege quopiam dictum, litteras Regem non decere: *Non hominis hæc vox est, sed bovis*, respondit.

Regnum Neapolitanum Ferdinando Notho reliquit, tanquam bello partum, Regnum verò Aragoniæ, Siciliæ ac Sardinia ^{50.} Joanne ^{100.} II. fratri. Qui jam antè uxorio nomine Navarra Rex, ut Catalaunos rebelles compesceret, Ruscinonem Gallo dedit pignori, restitutam postea à Carolo VIII.

Obiit Joannes II. post varia cum suis Vasconibus Catalaunis, Lusitanis & Castellanis bella, anno 1479. Regni Aragonici 21. ætatis 84.

51. Liberos genuit 1. Carolum, Vianæ Principem, titulo *ma-*
Ferdinan- terno Navarræ hæredem, qui propterea varias adversus patrem,
us Cath. Navarræ possessorem, turbas excitavit. Mortuus est improlis ante patrem. 2. Blancam, Henrico IV. Castellæ Regi collocatam, sed ab eo post 14. annos repudiatam. 3. Eleonoram, Navarræ hæredem, Comiti Fuxensi, Gallo, desponsam; ex qua cum jure in Navarram Borbonici Galliæ Reges descendunt. 4. *Ferdinandum Catholicum*, qui in Regnis Aragoniæ, Valentîæ, Siciliæ, Sardinîæ, & Principatu Catalaunenfi patri successit, initoque cum Isabella matrimonio eadem Regna cum Castellano & Legionensi conjunxit, addito postea etiam Neapolitano.

Genitus in tot Regna Ferdinando & Isabellæ fuerat anno 1478. Joannes, cui Margaritha Maximiliani I. Imperatoris filia fuerat nupta. At spes tantas præmatura mors destituit. Hæres igitur Hispanæ Monarchiæ designabatur Isabella, primogenita, Emanueli Lusitaniæ Regi nupta; verum cum hæc filium Michaëlem peperisset, obiit, sequente mox ad mortem filio.

Alteri nimirum Augustissimæ Familiæ cælum destinaverat Hispanias, per *Joannam*, alteram Ferdinandi & Isabellæ filiam, faustissimis auspiciis *Philippo Austriaco*; Maximiliani I. Imperatoris filio, conjunctam; ex quo matrimonio per Carolum & Ferdinandum, Cæsares, tota deinceps Augustissima Domus Austriaca est propagata.

§. II.

Status Ecclesiasticus ordinatus per Concilia in Hispania Sæc. XV.

52. *Cleri deformitas.* Tot bellis, seditionibus, schismatibus, populorumque motibus perturbato in Hispaniis Reipublicæ Statu, facili conjectura assequi possumus, quæ morum licentia, litterarum ignorantia, Sacrorum neglectus, Ecclesiam Hispanam sæculo XV. affligerint, cum, uti tranquillæ florentisque Reipublicæ commoda, ita ejusdem perturbatæ atque afflictæ calamitates, in Statum Ecclesiasticum redundare sit necesse.

De Sacerdotibus Hispaniæ, qui plûs factionibus & bellis profanis se implicabant, quàm prælia Domini præliabantur, ita Joannes Mariana lib. 23. cap. 18. scribit: *Invaserat pudenda litterarum inficitia in Sacerdotes Hispaniæ, usque ed, ut pauci latine scirent, ventri gulæque servientes. Avaritia rapaces in Ecclesiam DEI*

manus

manus injecerat. Emere Sacerdotia olim simonia, tunc industria erat. Neque intelligebant cæci Principes, cæctque Pontifices irrato DEO fieri impium commercii genus: quod facias, an patiaris, perinde est. Medicinæ faciendæ ratio Sacerdotum conventibus excogitata est.

Quamvis autem propter assiduos bellorumatque discordiarum tumultus, eamque Ecclesiastici ordinis corruptelam pauca hoc sæculo in Hispania sint celebrata Concilia, exarsit tamen, à labe purus, Antistitum quorundam zelus, & quoad fieri per tempora infausta poterat, per Ecclesiasticos cætus, consuetum videlicet remedium, fatifcentibus rebus succurrere sunt connisi.

Et quidem postquam initio sæculi *Perpinianum*, & *Salmanticense* 53. Concilium aut Conciliabulum coactum fuerat, in quo utroque Pe. *Petrus de Luna.* trus de Luna tanquam legitimus Pontifex agnoscebatur, anno 1429. celebratum est in Catalonia Concilium *Dertusanum*, quod 54. convocavit Petrus Fuxensis, Cardinalis & Apostolicæ sedis Lega. *Dertusanum.* tus, ex Episcopis Tarraconensis Provinciæ.

In hoc Ægidius de Manione, qui post mortem Petri Lunensis, urgente Alphonso V. Aragoniæ Rege, Martino V. ob negatam Neapolis *Investituram* infenso, sub nomine Clementis VIII. se intruserat, ludicrum suum Pontificatum deposuit, factus Balearis Episcopus: totaque Aragonia, ut reliquus Christianus orbis Martino V. se subjecit, favente jam Alphonso Rege, cum Martino Papa interim reconciliato. Unde Rex multa in hoc Concilio pro Ecclesiastica libertate edicta publicavit.

Hoc idem Concilium Canones constituit 20. ad collapsam disciplinam restaurandam: quorum hæc est summa.

1. Clerici à procurandis vel administrandis laicorum bonis penitus abstinendo. Vestes decentes gestanto.

2. Clerici fornicarii aut concubinarij severè puniuntor.

3. Uti etiam Religiosi ordinum militarium. (*Quia horum vita in Hispania erat valde dissoluta.*)

4. Nulli sacri Ordines conferuntor, qui non habet Breviarium, & officium recitare nōrit. Ne Divinæ servitutis census, quem offerre tenetur quilibet Clericus, Beneficium Ecclesiasticum possidens, vel in sacris Ordinibus constitutus, ex defectu Breviarii omittatur.

5. Indigni aut rudes ad sacros Ordines ne promoventor. Si obrepserint, ab eorum executione suspenduntor.

6. Curati singulis Dominicis rudibus Christianam doctrinam, de symbolo, oratione Dominica, decalogo, peccatis, spe cœli, & timore inferni, explananto. Laicistamen disputatio de fide esto prohibita.

7. Sacramentum baptismi & Eucharistiæ in privatis domibus nemini sano confertor.

8. Sine auctoritate Ordinarii nullum Beneficium instituitor; nec recipitor, nisi dos ejusdem ad sustentationem sufficiat.

9. Neophytorum, seu eorum, qui à Judaismo aut Paganismo fuerunt conversi, infantes intra octiduum ad baptismum deferuntor; sub censuris & invocatione brachii sæcularis.

10. Episcoporum Vicarii Generales & primarii officiales in sacris Ordinibus constituti sunt. Aliàs eorum actus sunt invalidi.

Qui litteras familiaritatis, ob- vel subreptitias, à Rege Aragoniæ impetrant, Beneficiis ipso facto privati sunt. (*Ideo autem se familiares Regis fingeant, ut legitima judicia possint effugere.*)

12. Excommunicatio secundum decretum Bonifacii VIII. decernitur in eos, qui Clericos ad sæculare tribunal pertrahunt.

13. Excommunicatione & suspensione à Beneficio feriuntur, qui potestatem sæcularem adversus libertatem Ecclesiasticam inflammant, vel documenta Ecclesiæ dolosè occultant in præjudicium Ecclesiæ.

14. Prælati Regulares omni opera ad emendationem suorum subditorum incumbant.

15. In virtute sanctæ obedientiæ prohibetur, ne Judices delegati ultra limites traditæ potestatis, aliquid attentare præsumant; cum enucleati juris existat, excedentes potestatem concessam, velut privatos debere reputari. Hinc exhibeant litteras suæ commissionis.

16. Excommunicatione, ipso facto incurrenda, feriuntur quæstores eleemosynarii, qui sine litteris Ordinarii localis quæstum faciunt, aut prædicare præsumunt.

17. Clerici & Religiosi Prælati ne detrahant, nec confessiones audiant sæcularium sine approbatione Diœcesani; neque à casibus reservatis absolvant, nisi litteris à Diœcesano obtentis.

18. Ecclesiarum Prælati bona decedentium Religiosorum, quibus permissum est secundum statuta vel laudabiles consuetudines de bonis à DEO sibi collatis disponere, nullatenus audeant occupare, si per eosdem Religiosos juxta statuta, vel consuetudi-

nes prælibatas de bonis prædictis fuerit ordinatum (*notent hunc canonem, qui, eruditionis expertes, putant, nullum Religiosum posse habere dominium, aut testamentum facere.*)

19. Sub excommunicatione prohibetur Medicis, ne ultra tertiam vicem ægrotum visitent, nisi Sacramentum pœnitentiæ susceperit.

20. Circa Judæos & Saracenos observetur *clementina*, donec DEus eos ad veram Ecclesiam adducat.

Nota. Quidam Hispani, præsertim Toletani, Judæos etiam conversos ab omnibus honoribus, dignitatibus & officiis publicis volebant exclusos, magno propterea in eos moto tumultu. At edita constitutione illos severè coërcuit Callistus III. summus Pontifex.

Anno 1473. *Rodericus Borgia* (postea Pontifex *Alexander VI.*)^{55. Madritense.} Legatus Pontificius venit in Hispaniam, ac salutato priùs Joanne Rege Aragoniæ, Madritum perrexit, à Rege Castellæ. Henrico magna solennitate exceptus, Synodum, Episcopis convocatis habuit. Actum de pecunia, quam designato annorum numero à Sacerdotiis redigi in subsidium belli Turcici Pontifex postulabat. Graves difficultates opponebantur, iniquitate temporum exhaustis omnibus. Vicit tamen legati auctoritas, Regis voluntate adjuta. Subsidium Pontifici decretum.

Et quoniam illis temporibus plerique Clerici turpi inſcitia laborabant, in eadem *Synodo Madritensi* ex voluntate summi Pontificis Sixti IV. statutum est, ut in singulis Ecclesiis unus Canonicatus Doctori Theologiæ, alter Doctori Juris conferatur.

Concilium Toletanum Provinciale, anno 1473. in oppido Aranda celebratum, Præsidente Alphonso Carillo Archiepiscopo Toletano & Hispaniæ Primate, ac Castellæ Cancellario, Canones edidit 29. pro reformanda Cleri & populi morum disciplina.^{56. Toletanum.}

In Præfatione ingemiscit, quodd inimicus humani generis tot calamitatum pressuris, totque turbationibus & ærumnis universam repleverit Hispaniam, ut pium sanctumque Synodos celebrandi opus intermittere necesse fuerit, in Ecclesiæ jacturam non modicam, & fidelium animarum. Synopsis Canonum est sequens.

1. Archiepiscopi Provincialia Concilia singulis bienniis celebrent, Episcopi Diœcesana quot annis.

2. Parochi explanent populo doctrinam Christianam.

3. Ad sacros Ordines non promoveantur, qui nesciunt latine loqui.

4. Alieni Clerici non admittendi sine litteris commendatitiis Episcopi.

5. & 6. Sub multa pecuniaria prohibetur Clericis & Prælati, ne induant vestes sericas, aut nimis breves. Præcipitur etiam, ut in mensa Pælatorum legatur S. Scriptura.

7. Dies Dominici & Festivi religiosè observandi. Etiam Infidelibus abstinendum à labore servili illis diebus.

8. Clerici lugubres vestes ne induant.

9. Statuuntur pœnæ in Clericos concubinos.

10. Parochiæ, canonicatus, aut dignitates non conferantur illis, qui nesciunt latinè loqui.

11. Clericis non ludendum taxillis, seu aleis.

12. Prælati saltem ter, & alii Sacerdotes quater in anno Misfam celebrent.

13. Non exercendum prædicationis officium sine facultate Episcopi. Quæstores non prædicent, sed præcisè prælegant litteras, quas à Diœcesano acceperunt. Litteræ etiam Pontificis à quæstoribus exhibendæ Diœcesano, ut examinet, an non sint obvel subreptitiæ. (*Profectò Ecclesia semper quæstorum ejusmodi abusus est detestata; ut proin immeritò eandem hac in parte hæretici accusent.*)

14. Ordinibus Minoribus initiati deferant tonsuram & habitum, sub pœna amittendi privilegium clericale.

15. Ut regalis Sacerdotii æstimatio conferretur, prohibetur Clericis, ne sæcularibus dominis, excepto Rege & Regiis personis, armorum auxilia præbeant, vel stipendia aut terras ab ipsis accipiant, ad suppeditandos milites, sub pœna suspensionis ab officio & Beneficio.

16. Tempore, à SS. Canonibus vetito nuptiæ ne celebrentur.

17. Sponsalia coram quinque testibus contrahantur. (*Statutum hoc fuerit baud dubie propter magnos abusus in Hispania.*)

18. Excommunicantur, qui bona Beneficiorum vacantium occupant, vendunt, vel emunt.

19. Prohibentur ludi theatrales, & spectacula in Ecclesiis, dum res Divina celebratur.

20. Qui in duello occumbunt, careant Ecclesiastica sepultura, licèt ante mortem pœnitentiæ Sacramentum susceperint.

21. Excommunicantur, qui Clericos à perceptione primitiarum, decimarum, & aliorum fructuum Beneficialium impediunt.

22. Rap-

22. Raptores bonorum Ecclesiasticorum privantur Ecclesiastica sepultura, licet ante obitum Sacramentum pœnitentiæ susceperint, & Ecclesiæ lætæ satisfecerint.

23. Excommunicati, in una Diœcesi, etiam in aliis pro talibus habeantur, postquam Episcopi requisiti fuerint.

24. Interdicto subicitur civitas & villa, ex qua Clericus à laicis fuerit expulsus.

25. In Ordinationibus, nec antè nec post, aliquid exigatur, aut recipiatur, ne quidem pro sigillo aut cera.

26. Pœnæ, contra Beneficiatos latæ, etiam adversus Parochias, aut Dignitates, post Pontificales majores, obtinentes, latæ intelliguntur.

27. Episcopi Toletanæ provinciæ possint à censuris, in hoc Concilio latis, præcedente debita satisfactione absolvere.

28. Decreta ista intra duos menses promulgantur in Synodis Diœcesanis, aut certè in Ecclesia Cathedrali. Et deinde post 40. dies obligent.

29. Deputantur testes Synodales, qui diligenter inquirant, quæ corrigenda viderint, in sequenti Concilio nuntianda.

Nota. In hoc Concilio multis Canonibus adjectæ sunt pœnæ *pecuniariæ* in transgressores. Ideo fortassis, quodd pro corruptis illis Hispaniæ temporibus hæ efficaciores visæ sunt ad absterrendos Clericos à transgressione, quàm Ecclesiasticæ.

Circa annum 1480. Petrus Uxamenfis in Academia Salmanticensi Theologiæ Professor, audaci ingenio pravóque librum vulgavit, erroribus sædum, in auctoritatem Romanæ Ecclesiæ & pœnitentiæ Sacramentum maximè grassatus. Romana responsa errori obnoxia affirmabat: non à Christo præceptum, sed ab hominibus pœnitentiæ remedium: Sacerdotes carere potestate remittendi peccata.

Toletanus Archiepiscopus *Compluti* (ubi postea Academiam fundabat) Synodum congregavit, jussu Sixti IV. Romani Pontificis; in qua impia placita exerrantis illius Theologi sunt condemnata, lata in auctorem anathematis sententia, nisi retractaret. Quam sententiam deinde edito diplomate Sixtus IV. ratam habuit.

57.
Complutense.

ARTICULUS IV.

De Conciliis Angliæ Sæculo XV.

§. I.

Status Angliæ.

Magnas inter cruentasque admodum vicissitudines rerum Anglicarum totum hoc sæculum volvebatur; primo dimidio Gallicis bellis impenso, altero Domos inter Regias consanguineasque Lancastrensem & Eboracensem distracto.

58. *Henricus IV. Lan-* Abdicato ab Anglis anno 1399. Richardo II. Rege, & in carcerem coniecto, *Henricus IV.* Lancastriæ Dux, Richardi patrue-
caster. lis Regnum invasit, ex *Lancastrensi* stirpe Regum primus. Cum autem multi adhuc Richardo adhærerent, eumque injuste throno dejectum dicerent, tot rerum turbæ, conjurationes, atque tumultus eum domi involverant, ut de bello Gallico, tanto molimine ab avo suo, Eduardo III. cœpto, nullam cogitationem posset admittere. Agitavit tamen animo sub finem vitæ expeditionem in Palæstinam; verum cum nescio quo præfagio didicisset, Jerosolymam sibi fatalem fore, abstinuit, obiitque Londini in cubili, quod *Jerusalem* appellabatur, anno 1413. Regni 14. ætatis 67.

Melius gessit finitque Regnum, quam auspicatus est. Anno 1412. Episcoporum Concilium confirmationem libertatis Ecclesiasticæ ab eo petiit, & impetravit. Quin leges plures saluberrimas hanc in rem promulgavit. Cumque ob bella intestina exhaustum esset ærarium, ac Wicleffitæ, quorum multi Regnum inundaverant, ex sectæ suæ placitis suaderent, ut bona Ecclesiarum invadat, execratus sacrilegum consilium, donum, ut vocant, gratuitum ab Ecclesiastico Ordine accepit.

59. *Henricus V Galliam* Successit filius *Henricus V.* qui compositis domi rebus, avita
occupat. in Galliam jura rursus prætendit, gestoque deinceps bello omnem pene Galliam occupavit. Rei gerendæ opportunam occasionem obtulit tum Caroli VI. Galliarum Regis animi exerrantis intemperies, tum internecina Principum Francorum discordia. Flagransque Philippi Burgundi ob paternam cædem in Carolum Delphinum odium.

Accessit fortunæ favor; nam transmissa valida cum classe in Franciam exercitu, Azincurtio in Picardia prælio decem Gallorum
milli

millia Anglus cecidit, totidem ferme captis. (*Anno 1415.*) Normannia præmium victoriæ fuit, & aliquid Normannia majus, Catharina videlicet, Caroli VI. Franciæ Regis filia, cùm Regno dotati Henrico Trecis desponsa.

Tum enim Henricus & Regni gubernator, & post mortem Caroli successor proclamatus, & Regnum & Regem focerum in potestate habuit: anno 1422. proscripto Carolo Delphino; quem Angli per contemptum Regem Bituricensem vocitabant.

At hic ipse annus, qui Henrico veluti coronam Franciæ imposuit, vitæ eidem finem fecit prope Lutetiam, Anglici Regni nono, ætatis 34. anno.

Reliquit ex Catharina *Henricum VI.* aliquot mensium puerum; 60.
Henricus VI. per omnem deinceps ætatem fortunæ ludentis pilam. Neminem liquidem laureatis è cunis geminum in thronum, Anglicum Gallicumque, extulit magnificentius, neminem utroque dejecit turpius.

Mox etenim post mortem patris Rex Franciæ & Angliæ promulgatus, & anno 1431. publicè coronatus Parisiis, per tutores patruos, Bedfordiæ & Glocestriæ Duces, utramque administravit, per illum quidem Galliam, per hunc verò Angliam. Et quidem feliciter, quamdiu Atlantes isti rerum tantarum moli humeros supponebant; at verò his sublatis, tota substructio corrui, ut Angli, qui totam pene Galliam occupaverant, præter portum Cætanum nihil retinerent.

Tantas Anglis in Gallia ruinas causa non una accersivit: mortuus anno 1435. Bedfordius tutor: conciliatus Carolo VII. Gallia Regi Burgundus, qui sua hætenus arma, ut cædem patris vindicaret, Anglis sociaverat: fortis virago Joanna Arca cælitus submissa ruenti Gallia: Salisburius & Talbotus Anglorum Duces cæsi. Unde Gallia abdicata ad pacem compulsi sunt Angli: finitumque centum annorum bellum. 61.
Infelix.

Nec melius Henrico VI. res ibant in Anglia. Origo mali Margaretha, Regis conjux, Renati Andegavensis filia, quæ Humfredum Glocestriæ Ducem, columnen rerum & delictum populi, postquam summa fide per 25. annos Angliam pro tutore gubernaverat, in carcerem duci, & faucibus elisis occidi mandaverat. Tum enim verò sanguineum undique Angliæ theatrum apertum. Furor populi, conjurationes Principum, Domus Lancastrensis & Eboracensis exitiales discordiæ, mutuæ Regum, Ducumque cædes, bella domestica, sæva, cruenta, ad finem usque sæculi totam sùs déque

déque vertebant Angliam. Rex ipse Henricus VI. sæpius acie victus, sæpius captus, sæpius folio dejectus, in exilium actus, ac tandem à Richardo Eboracensi in carcerem Londinensem compactus, & barbarè interemptus (*anno 1472.*) Vah sævam variantis fortunæ rotam! quæ hunc Principem in Galliæ & Angliæ thronum sustulit, ut utroque dejectum profundius sterneret. Et ne ex stirpe Lancastria superesset coronæ vindex ac ultor sceleris, præmissa est cædes filii, ut bis moriatur pater.

62.
*Mutua
cades.*

Eboracensis.

Cæterùm tantis tumultibus, atque post necem Glocestriensis ferocienti populo se Ducem præbuit *Richardus Eboracensis*, Regii sanguinis Princeps, victo Henrico VI. Rege protector Angliæ dictus, pertractisque in societatem triumviratus Salisburiensi & Warvicensi Ducibus, eò tandem rem adduxit, ut anno 1461. *Eduardus IV.* ejus filius Rex Angliæ proclamaretur, opera maxime Ducis Warvicensis: qui tamen postea offensus Eduardum acie victum fugere in Belgium compulit, restituto rursus Henrico VI. At Eduardus cum copiis ex Belgio redux Warvicensem in prælio, Henricum IV. in carcere per fratrem Richardum occidit.

Hic idem Richardus, demortuò anno 1483. *Eduardo IV.* datus *Eduardo V.* ejusque fratri tutor utrumque interemit. Ipse verò Regnum invasit, sub nomine *Richardi III.* At vix alterum annum expleverat, cum ab Henrico Comite Richmondo prælio victus in acie cecidit.

63.
*Henricus
VII.*

Cum Richardo, ejusque nepote *Eduardo*, ab eodem Richmondæ Comite in carcere occiso, extirpata est virilis Ducum Andegavensium propago, quæ per tres *Eduardi III.* filios in Andegavensem, Lancastriensem, & Eboracensem divisa ultra tria sæcula thronum Anglicanum possederat.

Henricus Richmondæ Comes, ex Tudoria nobili Angliæ familia natus, cujus pater Edmundus Henrici VI. Regis frater fuerat, Uterinus, victo, cæsoque Richardo III. Rex Angliæ dictus est, sub nomine *Henrici VII.* præsertim postquam *Elisabetham* *Eduardi IV.* Regis filiam in conjugem duxit. Atque hoc connubiali fœdere diuturnum tot annorum bellum tandem est extinctum; pacemque aliquamdiu coluit Anglia, quam tot tumultibus fessam distractamque bonis legibus restauravit Rex *Henricus VII.*

§. II.

Status Ecclesiasticus ordinatus per Concilia Sæc. XV.

In tanta rerum toto hoc sæculo in Anglia sursum deorsum euntium calamitate, totque bellis atrocibus, quæ externis, quæ civilibus, perpetuò flagrantibus, minimè mirum, morum disciplinam multum labefactatam, immunitatem Ecclesiarum sæpè læsam, pestiferosque Wiclefii errores, impunè ferme grassantes, efficacem à Synodis Ecclesiasticis expetiisse medelam.

Sed propter hunc ipsum perturbatum Regni statum, ac arma undique perstreptentia Concilia convocari vix poterant. Habita tamen sunt aliqua, in quibus pro Ecclesia DEI & animarum cultu strenuè laboratum est.

Et quidem sæculo ineunte tum Londini tum alibi compluribus in Synodis actum est de remediis, tollendi pertinax schisma, quo ob dubios Pontifices Ecclesia laborabat. Petitum sæpius à Rege Henrico IV. qui ob dejectum Regem Richardum II. ortasque inde seditiones indigebat pecunia, eamque à Clero extorquebat, ut libertatis Ecclesiasticæ rationem habeat: ob proscriptionem quorundam Clericorum bona Ecclesiis ne auferat: jus Patronatus & Advocatiæ non ad detrimentum, sed defensionem Ecclesiarum exerceat.

Anno 1408. celebratum est Concilium *Oxonienſe* adversus Wicleffitas, aliòsque Sectarios, editis 13. Capitulis.

64.
Oxonienſe.

In 1. & 2. sancitur, nullum ad prædicandum verbum Dei esse admittendum, nisi sit autorizatus.

In 3. Concionatorem debere se conformare suo auditorio.

In 4. Nemini præsumendum de SS. Sacramentis aliter prædicare, quàm secundum doctrinam Ecclesiæ.

In 5. Magistri inferiorum scholarum ne permittant pueros de fide disputare.

In 6. Non legendos libros Wicleffi.

In 7. Non esse scripturam vertendam in linguam Anglicanam: eò quòd in ejusmodi translationibus non faciliè idem sensus retineatur.

In 8. Nemo propositionem aliquam in scholis contra sanam doctrinam defendat.

In 9. Neque disputare quis præsumat de articulis, ab Ecclesia jam definitis.

Pars VI.

U

In

In 10. Peregrinus Presbyter non sinatur Missam legere sine commendatitiis sui Diœcesani.

In 11. Quia in Academiam Oxoniensem perversa Wicleffi & Lolardorum doctrina irrupit, Præpositi & Custodes singulis mensibus eandem visitent.

In 12. statuuntur pœnæ in violatores harum constitutionum.

In 13. In infamatos de crimine hæresis procedendum esse summarè & de plano.

65. Anno dein 1412. etiam Joannes XXIII. in Concilio Romano *Londinen-* *Dialogum*, *Triologum*, aliâque Wicleffi scripta, & quæ ejus nomine *se.* circumferuntur, damnavit, ac concremari severè præcepit. Anno verò sequente etiam in Concilio *Londinensi* *Oldcastellus* miles aliâque Lolardi, Wicleffi sectatores rursus sunt damnati. Nam Joannes Oldcastellus Nobilis Anglus, Regi ob bellicam peritiam charus, sed in Wicleffi sectam abreptus, ab Archiepiscopo Cantuariensi ad *Concilium Londinense* anno 1413. sapius citatus, comparere detrectavit. Unde Rex requisitus eum per satellites suos captum Concilio præsentem stitit. Cum autem nulla ratione ad sanam mentem reduci posset, sed errores Wicleffi, potestate Ecclesiastica condempta, contumaciter defenderet, à Concilio tanquam hæreticus condemnatus, & accedente Regis voluntate in turrim Londinensem est abductus. At inde fuga elapsus, dimissis quaquaversum nuntiis ac litteris, omnes undique Lolardos seu Wicleffitas, quorum multi erant in Anglia, ad seditionem publicam concitavit.

66. Cum propter bella & hæresim Wicleffi Academiæ, Oxoniensis & Cantabrigiensis, amissò pristino flore squalerent, paucosque amplius Doctores crearet, Archiepiscopus Cantuariensis anno 1419. *Londinen-* *se II.* *Concilium Provinciale Londini* in Ecclesia S. Pauli celebravit, in quo statutum, ut quilibet Patronus Ecclesiasticus vel collator, Beneficium primò vacaturum alicui in alterutra Academia literariis gradibus insignito conferat, aut ad illud præsentet, vel nominet: ut doctorum hominum frequentia reflouescat.

Statuit etiam certum ac moderatum salarium curatoribus animarum iisque, qui pro animabus defunctorum anniversaria celebrant.

Anno sequenti Abbates Ordinis S. Benedicti Westmonasterii conventum Provinciale habuerunt; in quo multa sanctissima decreta pro monastica disciplina sunt condita.

Memorabilis in paucis est *Synodus Eboracensis*, ab illius Provinciæ Episcopis anno 1466. celebrata. Propositus fuit in ea animarum Pastoribus brevis catechismus, ut secundum illius doctrinam fideles instruantur. Quo autem doctrinæ capita magis haberent memoriæ per numerum *Septenarium* eadem potissimum exhibuit.

Atque imprimis credendos esse *septem* articulos, pertinentes ad mysterium Trinitatis. 1. Unitatem essentiae in trinitate Personarum. 2. Patrem ingenitum. 3. Filium unigenitum. 4. Spiritum S. à Patre Filioque procedentem. 5. Cælum & terram omnesque creaturas esse à tota SS. Trinitate productas. 6. Sanctificationem Ecclesiæ, extra quam non est salus, per Spiritum S. & Sacramenta. 7. Consummationem Ecclesiæ per gloriam æternam in anima & corpore, veraciter suscitando. Ex his septem articulis priores quatuor pertinere ad Divinitatis intrinsecam, tres verò posteriores ad effectus. 67. Eboracen. se.

Septem item articulos pertinere ad Christum. 1. Incarnationem, seu veram carnis assumptionem per Spiritum S. ex Virgine gloriosa. 2. Verbi incarnati Nativitatem ex Virgine incorrupta. 3. Veri Christi DEI passionem & mortem. 4. Descensionem Christi DEI ad inferos in anima, quiescente corpore in sepulchro. 5. Veram Christi resurrectionem. 6. Ad cælos ascensionem. 7. Futurum adventum ad iudicium.

Ex Decalogi præceptis tria ordinari ad DEUM, *septem* verò ad proximum.

In 1. vetari idololatriam, sortilegia, incantationes, superstitiones, vanas observantias, ac divinationes.

In 2. omnes hæreses, blasphemias, perjuriam, irreverentes DEI nominationes.

In 3. præcipi cultum DEI diebus Dominicis & Festis secundum Canonem institutionis & præscriptum religionis Christianæ. Obligationem verò, ad feriandum in Sabbato legali secundum formam veteris testamenti, exspirasse omnino cum cæteris in lege ceremoniis.

Ex *septem* præceptis secundæ tabulæ primum præcipere explicitè honorare patrem & matrem, implicitè verò omnem hominem, pro sui gradus merito. Patrem autem & matrem non solum intelligi carnales, sed etiam spirituales, ut pater sit Prælatus Ecclesiæ, medius vel immediatus: mater autem Ecclesia, cujus sunt filii *Catholici* universi.

In 2. explicitè vetari omnem illicitam occisionem personæ, consensu, verbo, opere vel favore: implicitè verò omnem injustam læsionem. Spiritualiter etiam occidere, qui non reficiunt indigentes, qui detrahunt, opprimunt innocentes.

In 3. prohiberi adulterium, fornicationem, omnémque voluntariam pollutionem &c.

In 4. omnem illicitam rei alienæ contrectationem, & usurpationem per fraudem, usuram, violentiam, aut per metum.

In 5. omnem falsam testificationem, omnéque mendacium, præsertim perniciosum.

In 6. omnem cupiditatem rei alienæ immobilis.

In 7. omnem cupiditatem rei alienæ mobilis.

His superaddi duo præcepta Evangelica, diligendi DEUM super omnia, & proximum sicut se ipsum.

Septem esse opera misericordiæ corporalia in S. Scriptura commendata, *pasce famelicum* &c. quibus addenda *septem opera misericordiæ spiritualia*.

Septem peccata capitalia. *Superbiam* esse amorem propriæ excellentiæ: ex qua oriuntur jactantia, ostentatio, hypocrisis, schismata &c. *Invidiam* esse felicitatis alienæ odium, ex qua oriuntur detractio, murmuratio, dissensio, perversa judicia &c. *Iram* esse appetitum vindictæ & nocuenti alieni, ex qua oriuntur persecutiones, plagæ, homicidia &c. *Acediam* esse tædium boni spiritualis: atque ex ea oriri ignaviam, pusillanimitatem, desperationem &c. *Avaritiam* esse immoderatum amorem rerum temporalium, illicitè illas acquirendo vel retinendo, atque ex ea oriri fraudem, furtum, simoniam, fortilegia, sacrilegia, & omne turpe lucrum. *Gula* peccari tempore, modo, qualitate & quantitate. *Luxuriam* non oportere notificare: cujus infamia nimis orbem inficiat.

Contra verò *septem* pariter esse *virtutes* principales: *fidem* nempe, *spem*, & *charitatem*; quæ, quia ad DEUM referuntur, *Theologicæ* appellantur: *prudentiam* verò in bono eligendo, *justitiam* in rectè faciendo, *temperantiam* in moderandis voluptatibus, *fortitudinem* in perficiendo bono, referri ad se ipsum, & proximum, easque vocari virtutes *cardinales*, seu principales; quia illis multæ aliæ sunt subiectæ.

Virtutes autem istas *septem* adjuvari *septem* donis Spiritus sancti.

Septem porro esse *Sacramenta*; quæ breviter à Synodo exponuntur.

Septem

Septem denique *petitiones* orationis Dominicæ: quibus salubriter orare ac petere docemur à Christo; cujus pariter *septem* fuerunt *verba*, in cruce prolata.

Concilium Londinense, anno 1486. celebratum, Præsidi Archiepiscopo Cantuariensi, Angliæ Primate, & Apostolicæ Sedis Legato, exequias & Missas pro defuncto Episcopo per provinciam peragendas indicit: *Quia sacro attestante eloquio*, inquit, *sancta & salubris est cogitatio pro defunctis exorare, & tenemur bonum facere, maximè ad domesticos, hoc sacro approbante Concilio statuimus, ut de cætero, cum aliquem confratrum Cœpiscoporum Provinciæ nostræ Cantuariensis diem suum obire contigerit, ipsiusque mors Episcopis superstilibus fuerit notificata, quando commodè fieri possit, quilibet Episcopus nostræ Provinciæ sic superstes exequias & sex Missas pro anima Episcopi, sic in fata decedentis, per se vel per alium infra mensem à die notitiæ mortis ejusdem Episcopi dicere teneatur.*

68.

Londinense.

se.

ARTICULUS V.

De Conciliis & Statu Poloniæ Sæculis ultimis.

Cum post Sæculum XV. in Polonia, Dania & Livonia nulla amplius iusta Concilia sint celebrata, haud magno vitio mihi vertet benignus lector, si schema Sacri ac Politici status illarum regionum ultra sæculum XV. porrigam, & ad tempora nostra deducam; ne per singula sæcula continuata epitome eruditionis in solis ultimis deficiat.

§. I.

Status Poloniæ.

Uladislao IV. sub quo Silesii Principes à Polonis defecerant, atque sub protectionem Regis Bohemiæ se contulerant, anno 1333. mortuo, successit filius *Casimirus M.* qui victricibus armis magnam Russiæ partem occupavit; & Poloniam, absterfa barbarie, moribus excoluit. Obiit anno 1370. cum cervum veloci cursu insequeretur, ex equo præcipitatus: ex mascula Piaſti stirpe Regum ultimus: in pœnam vagæ & adulterinæ libidinis, propter quam à summo Pontifice & Episcopis anathemate percussus fuerat.

69.

Casimirus
M.

& *Lud. M.* Cùm autem nullam legitimam relinqueret prolem, à Magnatibus Poloniæ obtinuit, ut *Ludovicus M.* Rex Hungariæ, Elisabethæ sororis suæ filius, Poloniæ etiam Rex designaretur, qua occasione multa Proceres privilegia sunt consecuti, in immensum postmodum aucta.

70. *Jagello.* Duas tantùm filias, *Mariam*, Sigismundi, postea Imperatoris conjugem, & *Helwigem*, Jagelloni Lithuanix Duci desponsam, reliquit Ludovicus. Unde magna de successore contentio. Sigismundus ob conjugem Mariam, Ludovici primogenitam, potiorē jure se putabat. At Proceribus magis placuit *Jagello*; qui pactis nuptialibus promisit, 1.) quòd Christianam religionem velit suscipere. 2.) Lithuaniam cum Polonia conjungere. 3.) Abstracta cum Regno rursus unire. 4.) Wilhelmo Archiduci, cum quo prius Hedwigis fuerat desponsata, ducenta thalerorum millia solvere.

Atque hoc pacto *Lithuania*, quæ usque ad sæculum XIII. Russis paruerat, dein verò in proprium magnùmque Ducatum evaserat, unita est Poloniæ. Per duo tamen ferme sæcula conciliari non potuere utriusque rationes. Quia Ducatus erat juri hæreditario obnoxius, Regnum verò liberæ electioni subjectum. Quare Jagello Ducatum Lithuanix familiæ suæ Principibus reliquit, jramento fidelitatis sibi ab iis præstito. Donec tandem anno 1566. cùm virilis stirps Jagellonica in Sigismundo Augusto esset defectura, his conditionibus facta est unio: 1. Lithuani nullum peculiarem Ducem habento. 2. Sed electus in Regem simul Lithuanix Dux esto. 3. In electione Regis æqualem potestatem utriusque Nationis Proceres habento. 4. Regni Comitia vicibus alternis in Polonia & Lithuania celebrantor.

Porro Jagello, ante celebratas cum Hedwige nuptias baptizatus, Uladislai nomen assumpsit, anno 1386. totùmque deinceps ad Religionis studia se convertit. Luci eversi, impiæ aræ disjectæ, idola contrita, Lithuania paulatim ad Religionis Christianæ cultum mansuefacta, ipso etiam Rege Jagellone Apostoli munus obeunte.

Post impensa pietati obsequia, atque Lithuaniam orco erectam, eandem adversus terrestres hostes, Teutonicos inquam Equites, strenuè tutatus est.

Hic Ordo Equestris in Palæstina natus, capta Ptolemaide, in Europam delatus, primum Venetiis confedit; tum Marpurgi in Hassia principem sedem fixit. Postea invocatus contra gentiles Prussos,

Prussos, Provinciam illam occupavit; multisque conditis urbibus, Regiam veluti Magistro suo Marienburgi erexit. Ingens tunc erat ac formidanda Equitum istorum potentia, ut bello, cum magnis etiam Regibus gerendo, essent pares.

Præsertim verò infesti erant vicinæ Lithuanix ac Poloniæ. At Jagello anno 1410 gemino ingenti prælio eos fudit, cæsis in primo 40000. captis 14000. altero 8000. Samogitia præmium victoriæ fuit.

Obiit Jagello, de sacra & politica Republica optimè meritus, anno 1434 Regni 48. Bohemici etiam Regni corona anno 1422. ipsi fuerat oblata; sed recusavit, inquiens, satîs sibi cum Polonia & Lithuania esse negotii.

Præter aliquot Polonica Concilia ejus tempore celebratum est Concilium Constantiæ, quod Episcopos etiam suos miserat. Archiepiscopus Gnesnensis dictus in eo Primas Regni, à Rege verò Jagellone *Interrex*; cujus videlicet in interregno primæ partes essent in Polonia.

Post mortem Jagellonis electus in Regem Poloniæ, & Magnum Ducem Lithuanix, in aperto campo prope Varsaviam (consueto *Uladis-* deinceps electionis loco) *laus.* *Uladislaus* filius; post mortem Alberti II. Imperatoris electus etiam Rex Hungariæ anno 1440. felix primùm: at quadriennio post in prælio infelici Varnensi à Turcis cæsus occubuit.

Successorem in Regno Poloniæ habuit fratrem *Casimirum III.* 71. sub quo plures Prussix urbes à Teutonico ordine ad Polonos defecerunt. Unde secutum 13. annorum bellum: meliori Polonorum fortuna. Nam pace dein inita Equites Polonis cesserunt Pomerelliam, Michelovam, & Ermelandiam, cum urbibus Dantisco, Mariæburgo, Elbinga Coacti insuper Magistri Ordinis Regi Poloniæ tanquam vassalli præstare homagium. *Casimirus III.* 72.

Obiit Casimirus anno 1492. Regni 45. ætatis 65. sub eo censetur ortum paradoxum illud jus Statuum Poloniæ, ut quilibet Provinciæ cujuscunque ad Comitia Regni legatus novo decreto possit intercedere, ad modum tribunitiæ illius apud veteres Romanos potestatis. Quo fit, ut rarò optatum exitum fortiantur Comitia. Hoc tamen jus intercedendi animam libertatis suæ appellant.

Ex quatuor Casimiri filiis primus, *Uladislaus*, titulo materno Regnum Bohemiæ, ac deinde etiam post mortem Ladislai post-*Ejus filii.* 73. humi Hungariæ obtinuit. Reliqui tres, Joannes Albertus Alexander,

xander, & Sigismundus in Regno Poloniæ ordine sunt secuti. *Joannes* infelici ausu in Valachiam irrupit: Turcæque & Tartaros hac audacia prolicuit, qui miserè devastarunt Poloniam. *Alexander* felicius contra Turcas pugnavit, reportata insigni ab illis victoria. *Casimirus* Hungariæ Regno destinatus à patre, vitam ante patrem finiit anno 1484. ætatis 25. castimonix prodigium, à Leone X. Sanctorum factis adscriptus.

74. *Sigismundus I.* *Sigismundus I.* quintus frater, à diuturnitate Regni, bellis contra Moscos & Tartaros gestis, artibusque politicis commendatur. Prussia autem, quam Regalem dicimus, unita Poloniæ, reliquam partem, Teutonico ordini subiectam, Alberto Brandenburgico, Ordinis Magistro, sed ad Lutheri sectam desciscienti, sub Ducatus sæcularis nomine clientelarijure possidendam concessit: pacto, quod à Catholico Principe nemo expectasset.

Sigismundus II. Filius ejus *Sigismundus Augustus*, quanquam Catholicus, Lutheranis favit, imò indulgentior patre fuit, permissa tacite libertate, per litterarum studiosos, ex A catholicis Academiis reduces primum in Poloniam invec̃ta lues; ut adeò hodiedum Lutherani, Calvinistæ, & Græci schismatis asseclæ &c. in Regno illo, alioquin tam ferventer Catholico, inveniantur.

Quia autem hic Sigismundus fuit ultimus ex virili stirpe Jagellonica, ab hoc tempore Regnum perfectè electivum fuit, suffragiis Magnatum diversas familias modò externas, modo domesticas obeuntibus. *Capitulationes* etiam hìc cœperunt, quibus Regia restricta potestas, Procerum vero ampliata auctoritas.

75. *Henricus Valefius.* Competitores erant Ernestus Archidux, & *Henricus Valefius*, hic sceptrum obtinuit. Verùm cum quarto post mense Caroli IX. fratris sui mortem intellexisset, clam aufugiens, perturbato licet Galliæ statu, maluit esse Rex Franciæ, quàm Poloniæ.

Stephanus. Quam Henricus objecerat, acceptavit coronam *Stephanus Batorius*, Transylvaniæ Princeps, qui Annam, Sigismundi I. filiam, habuit nuptam. Et implevit vota. *Cosacos*, in finibus Poloniæ, Moscoviæ, Turciæ, & Tartariæ, circum Boristhenem, ac maxime in Ucraina, (ubi Kiovia, Pultava &c.) conflatam ex variis gentibus hominum colluviem, velut in Rempubliam composuit, supremo ac directo dominio penes Regem Poloniæ residente. Optimum institutum, ad fines, præsertim contra Turcas & Tartaros defendendos, sed quia gens inquieta, & raptò vivere assueta, nullas pacis condiciones servabat, sæpiusque in Tur-

carum

carum & Moscorum fines irrumpebat, multum Polonis negotii fa-
cescebant: donec tandem ab illis omnino defecerunt.

Obiit Rex Stephanus anno 1586. Regni 11. vitæ 53. Princeps
magna fortitudine, prudentia, religione, virtute, longiori impe-
rio multò dignissimus. Bello contra Moscos egregiè gesto Livoniâ
auxit Poloniam. Societati Jesu; à Cardinale Hosio jam antè in-
troducæ, stabilem in Polonia sedem fixit, litterarum præsidium,
& adversus irrumpentes hæreses aggerem.

Successit Comitiorum suffragiis *Sigismundus III.* Joannis Sueciæ ^{76.}
Regis filius; à matre Catharina, Sigismundi I. Poloniæ Regis filia, <sup>Sigismun-
dus III.</sup>
à tenera ætate piè & catholicè educatus, permittente patre, quam-
vis Lutherano. Post hujus mortem etiam Sueciæ Regni, sangui-
nis jure sibi debiti, possessionem adiit, anno 1592. verum octennio
post propter religionem depositus, patruo suo Carolo, Suderman-
niæ Duci, coronam relinquere coactus est. Gravia propterea bel-
la cum Suecis gessit. At majori fortuna cum Moscis; quibus Smo-
lenscum, validissimum in Lithuania finibus munimentum, eripuit.
Obiit anno 1632. Regni Polonici 44. vitæ 66.

Duos superstites reliquit filios, *Uladislaum IV.* & Joannem Ca- <sup>Uladis-
laus IV.</sup>
simirum. Illi multum negotii fuit cum Cosacis; qui, cum à Polo-
nis coërcerentur, ne contra leges ac pacis conditiones alienas
terras invaderent, ipsos Polonos, dominos suos, sunt aggressi.
Compressit tantisper eorum irruptiones Uladislaus, exstructis in
Ucrania duobus munimentis, atque eos rursus in aliquam Reipu-
blicæ formam redegit, præfecto iis Chmielnicio, gentis ejusdem
Principe.

Verum illi paucis post annis sub *Joanne Casimiro* à Polonis om- ^{77.}
nino defecerunt ad Moscos & Tartaros, ingenti Poloniæ, cui ex <sup>Cosacorum
defectio.</sup>
finium defensoribus gravissimi hostes sunt nati, neque etiam bel-
lis victoriisque Casimiri reduci ad obsequium poterant, immani hy-
dra in nova identidem capita succrescente. Ut adeò Poloni pa-
cem cum iis, tanquam separata cum Republica, inire fuerint com-
pulsæ. Miserrimum erat, quòd, cum sub Moscorum protectionem
se darent, in Græanicum pariter schisma fuerint prolapsi; Episco-
pis frustra se opponentibus.

Quò minùs autem Polonia in rebelles Cosacos se posset ex-
promere, obstiterunt alia gravissima cum finitimis bella, sub *Jo-
anne Casimiro* Rege. Fœdere liquidem juncti, Suecus, Brande-
burgus, & Ragozius Transylvania Princeps, torrentis instar in
Poloniam sunt effusi. Scindendus erat triplex ille funiculus, &

dandum aliquid, ne totum amittatur. Brandenburgus, concessa plena Borussia Ducalis libertate, rescissoque feudali nexu, quo Poloniae cohaeserat, abstractus à fœdere. Sueco Danus procuratus hostis, ingentia illius incrementa pertimescens. Quare Suecus deserta Polonia bellum in Borussiam Regalem & Livoniam transfert. Ragozius, desertus à sociis, fugit, unde venerat.

78. Tandem anno 1660. inita *Pax Olivensis* (Olivæ videlicet monasterio prope Dantiscum sito) Polonos inter & Suecos. In qua *Pax Oli-* Joannes Casimirus renuntiavit juri in Sueciam, Finlandiam, Livoniam, & Estoniam; Sueci verò Polonis restitunt Borussiam Regalem, & Curlandiam: sacris tamen & profanis ubique in veteri statu permanentibus.

79. Joannes Casimirus autem Rex, magnæ equidem & generosæ indolis Princeps, sed infelix, tot undique bellorum calamitatibus pressus, turbantibus rursus Moscis, Cosacis, Tartaris, & ad ultimum ipsis etiam Polonis adversus eum insurgentibus, coronæ tam gravis pertæsus, Regnum abdicavit, anno 1668. & postquam tres adhuc annos in Gallia privatus vixit, obiit ibidem anno 1671. Regni 21. vitæ 63. ultimus materna ex stirpe (nam virilis jam dudum defecerat) Piasii & Jagellonis furculus.

Varia fata hunc jactârunt Principem, de se optima indole & insigni virtute præditum, sed Mariæ Niverensi, quam, fratre Uladislao, cui nupta fuerat, mortuo, conjugem duxerat, obnoxium. Hæc siquidem femina inquietæ indolis, desperata prole, ad Gallici generis Principem Regnum devolvere moliebatur. Unde turbæ, discordiæ, bella externa & domestica.

In juventute Casimirus animum ad Societatem Jesu applicuit; factus inde Cardinalis, Rex, Conjux, Viduus, Privatus: si quis alius humanarum rerum instabiles vices expertus; sublatu jam per victorias, à Cosacis & Suecis relatas ad gloriæ apicem, jam rursus per miserandas clades, totiusque Regni ruinas ad ima depressus.

80. Casimiro abdicato plures competitores coronam prestant, *Corib-* Carolus Lotharingus, Ludovicus Condæus (uterque exul) Zarus Moscoviæ, Tartarorum Chanus. At illa elegit minimè expectantem, *thus.* Michaëlem Coributhum, ex Lithuanica Principe familia, atque adèò ex Jagellonis fratre per virilem lineam rectà descendentem, ac tunc Ducem Wisniovicium, cui dein nupsit Eleonora Ferdinandi III. Imperatoris filia, secundis postea auspiciatissimis nuptiis Carolo, Lotharingiæ Duci, desponsa.

Neque

Neque enim ultra quatuor annos Michaël Regnum tenuit, anno 1673. defunctus, postquam Procerum dissidia, bellum Turcicum, & jacturam Caminieci est passus.

Sufficitur *Joannes Casimirus Sobieskius*, Cracoviæ Palatinus 81. ac supremus belli Præfectus, quem, præter dotes præclaras, insignis victoria, quam anno superiore à Turcis reportaverat, commendabat. *Sobieskius.* Gesta prudenter ac fortiter Respublica, Turcæ cæsi, Vienna anno 1683. ab arcta eorum obsidione liberata, gestumque deinceps feliciter adversus eosdem in Hungaria bellum, æterna sunt laudum monumenta, quibus nomen posteritatis memorie consecravit, obiit plenus dierum anno 1696. Regni 22. vitæ 72.

Faustis tum auspiciis sceptrum Sarmatiæ translatum ad *Augustum*, Electorem Saxonie, qui, abjectis Lutheri erroribus, anno 1697. Viennæ Catholicam veterum Majorum Religionem professus, annitente Cæsare & Mosco Rex Poloniæ est renuntiatus, rejecto Principe Contio, cui Primas aliique non pauci adhæserant. 82. *Augustus.*

Augustus, recepto à Turcis per pacem Carlovicensem Cameneco, fortissimo adversus Ottomannos, munimento, ut abstractas à Polonia Provincias, ad eandem, uti promiserat, reduceret, inito cum Mosco fœdere, Carolo XII. Suecorum Regi bellum denuntiat, nisi Livoniam restituat.

Immisso itaque, Flemmingio Duce, in hanc Provinciam exercitu, (anno 1700.) expugnatisque aliquot propugnaculis Rigam obsidet, Petrus verò Moscoviæ Dux Narvam. At Carolus cum exercitu advolans, primùm Moscos ad Narvam victos in fugam compellit; tum Polonos Moscosque simul ad Rigam cædit. Receptisque propugnaculis, Curlandiam invadit; & expugnato Mieta-vio, ibidem hybernat.

In Lithuaniam subin atque Poloniam infusus, occupata Varsovia, ad Cracoviam Augusto occurrens, memorabilem refert victoriam. Quâ usus, Cracoviam, Lembergum, Thorunium, aliasque urbes diripit. Proclamatur Stanislaus Lescynskius Poloniæ Palatinus Rex Poloniæ: Suecus victor in Saxoniam irrumpit, atque per vastationes & enormes exactiones pacem extorquet Rastadensem; quæ abdicationem Augusti, & surrogationem Stanislai ratam habuit: ad rei insolentiam Polonis plerisque attonitis & indignantibus. Sed nec ipsi Sueci hac pace steterunt; cum pergerent atrociter Saxoniam affligere, & per Mardefeldium in Polonia tumultuari.

Anno 1708. Carolus è Saxonia in Poloniam redux expeditio-
nem adversus Moscum adornat, illum pariter dejecturus solio.
Ultra 60000. militum sub signis habuit, Saxoniae spoliis potissimum
conducta per Germaniam. Territus tanta tempestate, sibi soli in-
cubitura, Moscus, conditiones pacis proposuit; quas superbus
victor rejecit, inquires, se in Moscovia pacem facturum. Russo-
rum itaque fines adit, eosque ad Mohilovam memorabili praelio
fundit.

83. At hic stetit fortuna instabilis, quæ heroem suum ad gloriæ
Sueci cla- apicem sustulisse visa est, ut fortiore impulsu agere possit præcipi-
des. tem. Cum enim Ucraniam jam fuisset ingressus, in Moscoviam
ipsam irrupturus, commeatum, quo laborabat, ex Livonia adve-
here Löwenhauptium jubet. Verum is ad Proniam à Zaro inter-
ceptus, ita contusus est, ut 5000. Sueci occisi, 3000. capti, reli-
qui dissipati fuerint, 8000. curribus vario commeatu bellique ap-
paratu instructis in Moscorum potestatem venientibus.

Tanta jactura licet multatus Carolus, necdum tamen in Mo-
scoviam penetrandi consilium posuit. Quare, ut nihil à tergo ho-
stile relinqueret, *Pultavam*, Ucraniæ urbem obsidet. Verum cum
Zarus ad eam liberandam accurrisset, 27. Junii anno 1709. ingens
praelium eo ardore committitur, quem Principis utriusque præ-
sentia & adhortatio requirebat.

Tandemque Petrus, magnus Moscoviæ Dux, bellicarum jux-
ta ac politicarum artium, quas per Europam peregrinando probè
didicerat, contra Majorum suorum morem, apprimè gnarus, eam
reportat victoriam, cui pares, ultimis præsertim hisce temporibus
vix leguntur. 9000. Suecorum in acie cæsa, 3000. capta, cum
omnibus omnino impedimentis ac castris.

Carolus, cum reliquiis exercitus in Poloniam fugientem,
Menzikovius tanta celeritate persequitur, ut 30. Junii ad Borist-
henem assequeretur, ubi, Rege jam ultra fluvium provecto, octo-
decim Suecorum millia se captiva dederunt, cum incredibili Sue-
cici nominis dedecore, præsertim cum plures ferme essent, qui
caperentur, quàm qui caperent. Vindicante credo Numine cla-
des, illatas Germaniæ atque Poloniæ.

Carolus, Sueciæ Rex, tam immani clade accepta; per vastas
solitudines fugiens in Turciam primùm Ozakovii, tum verò Te-
ginæ (*Bender* vulgò dicitur) substitit, ad annum usque 1714. ur-
gens itentidem Turcas, ut Moscis bellum inferrent.

Atque hæc est memorabilis epocha, à qua occisa formidanda
illa

illa Suecorum potentia, & ultra Balthicum ad nativum suum gelu retrusa, arctioribus multò limitibus est circumscripta: Moscovitarum verò nomen, fatis obscurum antea atque ignobile, in immensum auctum.

Quippe post Pultavensem cladem sex omnino hostes nata est Suecia, Moscum, Saxonem, Polonos, Danum, Brandenburgum, & Hannoveranum, ut de sex coronis (quas Sueciæ scutum exhibet) aliquid decerpant.

Certè in Polonia Pultavensis illa pugna protinus omnia immutavit. Revocatus ad thronum Augustus, Stanislaus cum Suecis in Pomeraniam Suecicam aufugiente, & ad mortem usque Augusti deinceps exule.

Defuncto verò anno 1733. Augusto, Polonorum pars eundem Stanislaum rursus Regem enuntiat. Verùm Moscorum exercitu in Poloniam accurrente, & Cæsareo ad fines excubante, electus est à Polonis *Fridericus Augustus*, Saxoniae Elector, Princeps Regno multò dignissimus: jam anno 1718. Religionem Catholicam publicè amplexus. Galliae tamen Rex, se in focero læsum ratus, inito cum Hispano & Sabaudò fœdere, Cæsarem bello aggreditur. Quod biennio post pace Viennensi finitum; in qua Friderico Augusto confirmatum Regnum Poloniae; Stanislaus cum Regio titulo ad dies vitæ attributa Lotharingia, postea Galliae unienda. Lotharingiae Duci Magnus Ducatus Hetruriae addictus. Carolus Hispanus Rex dictus utriusque Siciliae, adjunctis etiam Statibus Praefidii. Regi Sardiniae Novarra & Tortona adjecta. Cæsari, cum Parmæ & Placentiae Ducatibus, restituta reliqua, quæ in Italia hoc bello, propter Poloniam cœpto fuerant erepta, uti etiam Imperio ea, quæ Galli ad Rhenum ceperant.

§. II.

Status Ecclesiasticus per Concilia ordinatus in Polonia.

Tot inter alternantis fortunæ casus, totque prospera & adversa, ut Religionis zelo ferveret inclita Polonorum Natio, fieri tamen non poterat, ut per tot bella rerumque vicissitudines non laxaretur morum disciplina, & ex propinquis regionibus, hæresi infectis, malefana lues in Poloniam non clam palamque irrumperet. Morbis istis, ut fieri assolet, à Conciliis variisque conventibus & colloquiis quæsitum remedium.

85.
Poloni-
cum.

Et quidem jam anno 1375 Amurathe Turcarum Sultano victoris suas propequente celebratum est *Concilium Polonicum*, quod à Staravoltio in Conciliorum epitome sic describitur: “Anno Domini 1375. *Concilium Unieioviense*, tempore Gregorii XI. Papæ, Episcopi Poloniæ celebrârunt, præsidente Jarislao Archiepiscopo Gnesnensi, in quo, præter reformationem Ecclesiasticæ disciplinæ, statutum erat, ut bini grossi de uniuscujusque marca proventu sacerdotiorum, in sumptus belli Turcici conferrentur. Pontifex enim metuens Italiæ ab Amurathe Imperatore Turcarum, quod jam magna strage, Bulgaros, Servos, Macedones, & Albanos profigâisset, undique subsidia corrobabat, & in Poloniam Nuntium Nicolaum, Episcopum Majoricensem ea de causa miserat.

86.
Novograde-
nse.

Concilium Novogradense, anno 1415. celebratum, à Bollandotom. 2. Febr. memoratur his verbis: “Circa annum 1407. Phociæ quidam, natione Græcus, est in sedem Kioviensem intrusus: sed quòd omni studio conaretur Græcorum schisma in Russiam introducere, in Concilio Metropolitano Novogradeci in Lithuania, jussu Alexandri Vitondi, pro Rege Jagellone Lithuaniae Ducis, anno 1415. habito, ab Episcopatu depositus est, suffectusque in ejus locum Gregorius Cemiwlæus. Bulgarus, vir eruditionis laude commendatus, qui concilio generali Constantiensi interfuit.

87.
Calischien-
se.

Calischienſe Concilium Provinciale, in Gesnensi Archiepiscopatu anno 1420. collectum, Decretales Gregorii IX. promulgavit, secundum titulos Juris Canonici dispositos.

De Electione ait, Ecclesiis vacantibus tribus modis provideri, per provisionem seu collationem, per electionem aut postulationem. *Provisionem* pertinere ad Superiorem, in qua non sit necesse observare formam Concilii. *Electionem* autem & *Postulationem* fieri ab inferioribus, in quibus forma Concilii sit observanda. Hanc esse formam *Scrutini*, *Compromissi*, & *Inſpirationis*, vel *quasi* &c. Sequuntur reliqui tituli ordine Decretalium.

Ad Titulum de feriis memorantur dies festivè in utroque foro per Poloniam celebrandi. Sûntque præter eos, quos tota Ecclesia festivè celebrat, festum S. Stanislai, S. Adalberti, S. Martini, S. Nicolai, S. Hedwigis, S. Agnetis, S. Dorotheæ, S. Margarethæ, S. Marci, S. Lucæ: item SS. quatuor Doctorum Ecclesiæ Latinæ, Gregorii, Ambrosii, Augustini, & Hieronymi, Festum Patroni, & Dedicationis Ecclesiæ. Reliqua continentur in Decretalibus.

Con-

Concilium Lancienſe anno 1423. celebratum Præſide Nico- 88.
lao Gneſnenſi Archiepiſcopo cum cæteris Poloniæ Præſulibus ad *Lancienſe*
verſus graſſantem ſectatorum Wicleſſi, Huſſi, ſimiliùmque hæ-
reticorum in proximo Bohemiæ Regno ſubjectis ſque Provinciis de-
bachantium veſaniam, ne eorum lue interficeretur plebs, ſuæ fidei
commiſſa.

Hac Præſulum vigilantia, accedente Regum auctoritate re-
preſſa eſt Huſſitarum hæreſis. At verò ſequenti infelici ſæculo
Lutherana contagio, ſectarumque colluvies in hoc etiam Catho-
licum Regnum irrepit. Contigit hoc potiffimùm tempore Sigis-
mundi Auguſti; qui omnem religionis curam abjecit; inſiciens,
ſe Regem eſſe, non paſtorem. Unde, quod dixi, per litterarum
alumnos, ex Academiis heterodoxis, & externos præceptores illa-
ta lues; quæ multos corripuit.

Imò Rex cum Proceribus quibusdam, qui novelli dogmatis 89.
venenum jamjam imbibérant, *Conventum* inſtituit, in quo de liber *ſectæ in*
tate conſcientiæ, deque dulcedine novæ religionis diſputabatur, *Poloniam.*
ac deliberabatur. Verùm ubi fulmen in ipſum conventiculi lo-
cum deciderat, Rex territus, à diplomate, quo religionis liberta-
tem concedere cogitabat, abſtinuit. Nullo tamen fræno, urgen-
tibus licèt Epiſcopis, & præſertim Cardinale Hoſio, veſaniam, ac
pereundi licentiam cohibuit.

Qua ignavia factum, ut novi Ariani, Sociniani, Lutherani,
Calviniſtæ, Græciſque ſchiſmatis ſectatores, florentiſſimùm Re-
gnum inundarent, multique Calviniſtæ ad Mahometanam omnino
impietatem prolaberentur; connivente ad omnia inertia Regis.
Quem, cum aliquando, ut curioſitatem paſceret, concioni hære-
ticæ adequitaret, Mentoniensis Epiſcopus, injecta fræno equi ma-
nu, ad catholicam concionem reduxit.

Cardinalis Hoſius, ex Concilio Tridentino redux, ut ruen-
tem in præceps patriam ſiſteret, Societatis Jeſu Presbyteros ex
Italia & Belgio accerſivit, iſque haud multò poſt Brunsbergæ
Collegium fundavit; quibus ſe mox Stanislaus Warſevicius, Pe-
trus Scarga, aliique, ſanguine, virtute, & doctrina illuſtres Po-
loni aſſociârunt, frendentibus hæreticis, cùm varia per Regnum
collegia, ac ſeminaria, totidem veluti avitæ religionis armamen-
taria, piorum liberalitate ſurgere cernerent, horumque opera
multos ad Eccleſiæ gremium redire; quos inter quatuor Prin-
cipes Ratzivilli, quos parens in Calvinii ſphalmata præcipita-
verat.

Accede-

Accedebant plures Episcoporum conventus, quibus firmata orthodoxa veritas, eique doctis colloquiis ac disputationibus triumphus erectus.

90. Præcipuè verò enitebat Stephani Regis pietas, & in defendenda avita religione vigilans constantia, qua Sigismundi II. emendaret inertiam. *Culmæ* in Prussia Synodum haberi voluit; in qua plures Nobiles Poloni à Martino Laterna societatis Sacerdote conversi sunt.

91. *Causa Thorunensis.* Certè severis legibus coercerentur, ne aut dogmata nostra contumeliâ aut Catholicos injuriâ afficiant. Specimen luculentum haud pridem, anno videlicet 1725. in causa Thorunensi datum. Cum enim Thorunii litterarum in Gymnasio nostro studiosus publica in supplicatione Catholica cuidam hæretico pileum decussisset, cives Acatolici effera rabie Gymnasium & Collegium invaserunt, & obvia quæque effregerunt, lacerârunt, proculcârunt, spoliârunt, ne ab ipso quidem templo sacrisque sacrilegas abstinentes manus, ea furendi pertinacia, ut ab accurrente præsidario milite non nisi post quinque horarum rabiem domari possent.

Graviter, ut par erat, hanc insolentiam acceperunt Rex Augustus ac Magnates Poloniæ: atque Rösnerum urbis Præfectum cum aliis octonis capite plecti jusserunt; quamvis complures Acatolici Principes sententiæ intercederent.

ARTICULUS VI.

De Concilio Rigenfi, ac Statu Livoniæ ultimorum temporum.

Livonia, Poloniam inter & sinum Finnicum fertilis admodum Regio, Curlandiam olim pariter complexa, sæculo XII. ad fidem Christi fuit conversa, occasionem præbentibus mercatoribus Bremensibus & Lubecensibus, à Mainhardo, Holsato canonico, quem Alexander III. primum Livoniæ Episcopum renuntiavit.

Sæcu-

Sæculo XIII. exstructa est Riga ab Episcopo, eoque sedes Episcopalis (in Archiepiscopalem postea evecta) est translata.

Cum autem Episcopus, ac universim omnes Christiani à gentilibus acerbè premerentur, *Ensisiferorum* Equestrem ordinem, pari ter in Palæstina natum, evocârunt. Qui Livoniam occupârunt, atque per 35. annos gubernârunt. Quia verò impares erant eidem retinendæ atque adversus infidelium incurfus defendendæ, anno 1239. cum *Cruciferis* Borussia, seu Teutonico Ordine se uniêrunt. Ab eo tempore 274. annos Livoniam per Magistrum Provincialem, Magno Borussia Magistro subiectum, regebant.

92.
*Status Li-
vonia.*

Anno 1513. Magister Provincialis exemptionem à Borussia Equitibus emit pecunia, Alberto Brandenburgico, infelici postmodum Apostata, porrecta: unde per 48. annos deinceps Livoniæ suprema cum potestate Livonici Equites præerant. Donec nempe anno 1561. *Gothardus Kettlerus* Ordinis Livonici Magister, cum à Moscis premeretur, atque à Religione orthodoxa defecisset (Alberti Borussi exemplo) Livoniam Sigismundo Augusto Poloniæ Regi cessit, reservata sibi Curlandia, sub nomine Ducatus sæcularis clientelari jure possidenda. Ab eo tempore Curlandia à Livonia separata, tanquam feudum Poloniæ peculiare Duces habuit, usque ad annum 1737. quo Ferdinandus, Gothardi Kettleri nepos, familiæ ultimus obiit.

Existimabant tunc equidem Poloni hoc feudum aperiri domino suo, uniendamque Curlandiam Poloniæ, verùm status Provinciales, rescissa electione Mauritii Saxonis, quem jam ante Ducem destinaverant, impellentibus Moscis, elegerunt Bironium, civem suum, qui anno 1740. administrationi etiam Moscoviæ admotus, subito gratiâ excidit, atque in arcem Schlisselburgensem captivus abductus est: ubi etiamnum hæret. Curlandia verò, multarum controversiarum fomes, Duce vacua, Moscorum præfidiis occupatur: Polono jure, Mosco viribus potiore.

Porro cum Gothardus Polonis Livoniam cessisset, Sveci etiam & Russi in partem prædæ tam pinguis venire volebant. Unde centum annorum bellum. Pace tandem Oliveni anno 1660. est finitum, dataque Svecis maxima ex parte Livonia, reservato tamen libero Catholicæ Religionis exercitio. Sveci autem renuntiârunt omni juri in Curlandiam.

Hoc pariter sæculo gravissimum bellum gestum est propter Livoniam, quam Rex Augustus Svecis eripere conabatur. At illa devoluta est ad Moscum. Qui, post Pultavensem pugnam, Rigam,

D'namindam, Pernavium, Revaliam, aliásque deinceps Livoniæ urbes occupavit. Mansitque Livonia in potestate Moscorum per pacem Neostadiensem, anno 1721. Russos inter & Svecos initam. Et hæc quidem quoad politicum potissimum statum Livoniæ est facies.

93.
Rigenſe.

Quod Ecclesiasticum spectat, postquam, ut dictum, sæculo XIII. Christiana sacra suscepit, atque erecto Rigenſi Episcopatu, ab Enſiferis primùm, ac deinde à Cruciferis equitibus adverſus infideles defenſa fuit, eosdem liberatores suos oppugnatores & perſecutores ſenſit, in Episcopos & Clerum ſævum dominatum uſurpantes. Unde Episcopi huic malo, uti etiam collapsæ Ecclesiasticæ diſciplinæ remedium adhibitori, circa annum 1429. *Rigenſe Concilium* celebrârunt. Canones equidem injuria temporis periêre. Facit tamen de eo mentionem Albertus Krantzſius *lib. II. Vandalia cap. 16.* ejus verba ſubneſto.

“Henricus per hæc tempora Archiepiſcopus Rigenſis Concilium celebravit Provinciale, cum ſuffraganeis ſuis, multis inibi decretis, quæ ad Statum Eccleſiæ pertinerent. Operæ pretium viſum eſt, Sedem Apoſtolicam adverſus oppreſſores Eccleſiæ invocare, detegerêque per nuntios calamitoſum Eccleſiæ Statum, quòd ab iis qui Concilio terræ ſint impoſiti, opprimi tentaretur. Delegerunt ad eam legationem Decanum Revalienſem, cum aliquot de ſingulis Eccleſiis collegis : quibus Rigenſis, Tarbatenſisque Proconſules ex filiis ſuis Clericos, Romanam curiam viſuros, junxêre, vel, ut in aliquod Italiæ Palladium collocati litteris indulgerent. Erat ea ſocietas itinerantium ſexdecim perſonarum, proſecta terreſtri itinere initio quadrageſimæ (quòd mare tardiùs ſit per glaciem navigabile) jumentis veſti, Grebbin ad exitum uſque Livoniæ pervenerunt.

Ibi ab Arcis Præſecto Goſvino de Aſſenberge, Ordinis Teutonicorum Fratre, crudeliter invaduntur. Primùm adeptis litteris, perleſtisque, terræ proditores arguuntur, & quidquid ab illis in purgationem diceretur de privilegiis Clericorum, præſertim Romipetarum, irridetur magis, quàm auditur. Mox rebus omnibus, & non parva pecunia nudati, veſtibus demum exuuntur, ligatis manibus pedibùſque in profluentem rivum (Liva vocant) ſub glaciem detruduntur, crudelique merguntur exemplo.

Ita Frater Ordinis Divæ Virginis manus ſuas conſecravit Sacerdotum & innoxiorum juvenum miſerabili nece. Idem ille

“ car-

„ carnifex testatus egregium facinus, scribit terræ Pontificibus:
 „ Noveritis, inquit, nuper à me deprehenso Provincia prodito-
 „ tores, Clericos vestros, rebus & vita exuisse, nullius jussu &
 „ consilio: sed (quòd tutandis finibus præfectum scitis) publico
 „ functus ministerio, publicos hostes feci de medio. Eam rem
 „ nemini præter me imputandam ego profiteor; nam publicam
 „ peregi utilitatem.

Ita videlicet Marianus ille crucifer tanquam re bene gesta glo- 94.
 riabatur, & Episcopis oppressis insultabat. Prodrumi tales miser- *Kettlerus.*
 rimam sæculo sequenti ruinam traxerunt. Dum ipse Kettlerus,
 Ordinis per Livoniam Magister, contra datam DEO fidem ad Sa-
 crilegias nuptias ac rapinam Ecclesiasticorum bonorum anhelans,
 publicè à Religione, & sua & Romana, descivit, atque exitiali suo
 exemplo traxit Livoniam in nova Lutheri figmenta.

Stephanus Batorius Poloniæ Rex, postquam Livoniam à Mo- 95.
 sco recepit, ad Religionem in ea restituendam animum & curam ap- *Stephani*
 plicuit. Rigam itaque profectus cum Vilnensi & Samogitiæ Epi- *prii cona-*
 scopis, ac Societatis nostræ Patribus, convocato Senatu consilium *tus.*
 suum proponit. Decretumque concipitur de instauranda religio-
 ne Catholica, quæ ferme penitus ea provincia exulaverat. Petit
 Rex, templum Cathedrale extradi Catholicis, jure postliminii ipsis
 debitam, quiritantibus ac vociferantibus Lutheranis, præcipuum
 sibi eripi. Offerebant autem Regi templum S. Jacobi; quod, mi-
 nori invidiæ obnoxium, & usibus societatis magis opportunum,
 acceptatum, morèque à Samogitiæ Episcopo expiatum, latinis,
 germanicis, & polonicis concionibus personuit.

Inciderant in illud tempus Majoris Hebdomadæ feriæ, quibus
 Rex pientissimus clarissimum veri cultus specimen præbuit. Bis
 quotidie ad S. Jacobi, ex arce, quamquam longè posita, cum om-
 nium Procerum comitatu per civitatem totam hæreticam incede-
 bat. Perstabat multis horis ad Sacra officia attentus, nudato sem-
 per capite orans, ne verbo ad quempiam misso. Sacratissimum
 corpus Domini ad sepulchrum, piè exornatum, deduxit, ac pub-
 licè ad aram sacram communionem sub una specie suscepit. Si-
 gnum crucis die Parasceves gestu humillimo adoravit, aliâque plu-
 rima dedit Catholicæ pietatis exempla. Æmulabatur aula Princi-
 pem, ut neque ab excipiendis confessionibus, neque a verbis quo-
 tidie faciendis Patribus respirare liceret.

At Rege in Poloniam regresso, Rigenfes Præcones Lutheri
 affectu tumultuari, furere, plebémque in Patres societatis, &

reliquos Catholicos publicis etiam ex cathedris concitare, Religionemque sanctam atrocibus convitiis proscindere: ante Rigenfes fuisse vexatos à Mosco, hoste corporum, jam habere intestinos ipsa intra mœnia animarum hostes: quàm charum haberent Christum, tantum Papistas, Diabolum, ejusque Antichristum odissent.

His aliisque calumniis effrænis plebecula velut æstro percita, barbara rabie in Gymnasium, Collegium, cœmeterium, templumque ipsum grassata, immania ac sæva quæque patrabat, gladiis, fustibus, alapis, lapidibus furens: minas, vim, neces undique spirans atque intentans. Neque truculenta vesania cohiberi potuit per Senatum, quamvis Lutheranum. Quin imò duos ex Magistratu occiderunt, alios in exilium ejecerunt.

Unde societatis Patres, ex consilio Cardinalis Ratzivilii, Rigæ tantisper cedendum, atque in aliis Livoniæ locis, Wendæ præfertim, ubi sedes adhuc Episcopalis erat, operam suam utilius locandam duxerunt, donec furialis æstus deferbesceret.

Stephanus Rex Rigensium seditione ac tumultu graviter commotus, actaque vehementer improbens, ablata societati omnino restituta volebat. Factum id equidem; verum Præconibus ex Lutheri disciplina tubam instantibus, facèsque subdentibus effertæ plebeculæ, novus tumultus, novumque excitatur incendium; fabula adornata, Jesuitis extradendum à Senatu urbis armamentarium. Ductus in carcerem Rector; auditæque Stephani Regis morte, Patres urbe ejecti in arcem confugerunt. At in comitiis Varaviæ habitis causa pro societate decisa, à Sigismundo III. Stephani successore in integrum sunt restituti. Ne tamen hæreticæ civitati porro tumultuandi daretur occasio, Novitii, qui sibi solis vacarent, ibidem sunt constituti. Reliquis, qui in proximi etiam salutem laborarent, per cætera Collegia & Livoniæ loca sparsis.

Cùm autem postea post diuturna bella Livonia per pacem O-livensem ad Svecos devenisset, societas cum omnibus ferme Catholicis inde est eliminata.



ARTICULUS VII.

De Statu Politico & Ecclesiastico Daniæ.

§. I.

De Concilio Hafniensi & Statu Daniæ.

Succinctam Historiæ Daniæ synopsin ad sæculum usque XIV. 96.
delibavimus supra. Jam reliquam obiter attingimus. *Marga-* *Margari-*
retha (quam novam Semiramidem Dani appellant) à filio suo Olao *tha.*
Daniam, ab Haquino marito Norvegiam, ab Alberto hoste devicto
Sveciam accepit, toto septentrione sub colum unius fœminæ de-
voluto. Sancitumque anno 1398. Calmarensis in comitiis, ut
tria illa Regna perpetuo nexu maneant unita. Obiit Margaretha
anno 1412. laudibus immodicis elata à Danis, vituperiis depressa
à Svecis.

Cum autem prolem nullam post se relinqueret, *Ericum Pome-* 97-
ranum, seu Pomeraniæ Ducem, suum ex sorore pro nepotem, quem *Ericus.*
jam antè in Imperii consortem asciverat, tricorporis Regni hære-
dem scripsit, populorum etiam suffragio comprobatum. At spes
eorum non implevit. Nam Clericalis Ordinis osor & persecutor,
Upsalensem tandem suæ indolis Archiepiscopum intrusit, quem
tamen Rigensis Archiepiscopus, habito Episcoporum Concilio,
potestate à summo Pontifice delegata deposuit.

Implicitus deinde Ericus gravi bello adversus Holsatiæ Co-
mitem, cui Slesvicum eripere conabatur. Sed frustra; succurren-
tibus Comiti Lubeca, aliisque urbibus (quas *Hanseaticas* dixere)
quarum 66. mari Germanico & Balthico proprios, ad commer-
ciorum libertatem commune validumque fœdus inierant.

Magnam in id bellum, infeliciter gestum, auri vim extorse-
rat Ericus. Unde primò ab eo defecerunt Sveci, quos per Danos
gubernatores, sævos populòque graves vexerat, ac postea etiam
Dani cum Norvegis, Svecorum exemplum secuti. Unde trium
Regnorum antea dominus, vagus & inops oberrans, ac tandem in
Gothlandia Insula velut in asylo hæsit, quam jam antea adhuc Rex
incolere consueverat. Jam in juventute humanarum rerum fidem
expertus, dum in Palæstinam proficiscens à barbaris captus magno
lytro libertatem redimere debuit.

Quamvis autem septentrionalia illa Regna tunc potissimum 98.
essent *electiva*, tanta tamen iis gentibus erat reverentia sanguinis *Christo-*
Regii, *phorus.*

Regii, ut *Christophorum Bavarum*, *Erici ex sorore nepotem*, omnium Regem deligerent. At hoc anno 1448. fatis concedente, exaruit maternus etiam sanguis veterum Regum Daniæ; translatumque sceptrum ad Oidenburgicam Illustrem Germaniæ Profapiam.

99. *Hafniense*. Cæterum tempore *Erici Pomerani*, anno videlicet 1425. celebratum est *Concilium Hifniense* Provinciale, Præside Lundenfi Archiepiscopo, una cum Episcopis Daniæ, videlicet Viburgensi, Burgiaviensi, Roschildensi, Othoniensi, Ripensi, Arhusiensi, aliisque Prælatiis, Abbatibus, Præpositis, Decanis, cæterisque Ecclesiarum Rectoribus.

In eo Concilio multa, quæ antea jam salubriter statuta fuerant, novo decreto sunt confirmata: atque ante omnia, ut in Missa preces pro Rege *Erico*, & Regina, proutque Statu totius Regni tranquillo quotidie in Ecclesiis fierent; pro Regina quoque *Margaretha*, quæ multa in Clerum universum beneficia contulisset.

Innovata inde decreta de vita & vestitu Cleri, ut ita se gerant, ne in delicta tantum, sed ne in suspensionem quidem delictorum cadant. Ebrietatem præsertim luxum & libidinem fugiant; concubinas procul amandent: monialium claustra non ingrediantur: non frequentent cauponas: arma, nisi iter facientes, non gestent: vestes & habitus omnis honestatem præferat. Moniales non nisi cum venia cœnobio suo excedant.

Episcopi neminem ex Clero alterius Diœcesis ordinent, aut Ecclesiæ suæ præficiant, nisi consensu & commendantibus iis, quorum interest. Idemque Presbyteris imperatum. Homicidæ ab Ecclesiis excludendi, nec nisi post seriam pœnitentiam absolvendi ac recipiendi.

Excommunicantur, qui Ecclesias jure suo privant, aut bona Clericorum decedentium injustè rapiunt; qui ex Ecclesiis aut earum turribus munitiones faciunt, sine Ordinariorum consensu, aut cœmeteria violant; qui Ecclesias effringunt, vel libertates earum lædunt; Clerici, qui præsentibus hujusmodi malefactoribus Divina celebrant; qui statuta condunt contra Clerum aut Ecclesiasticam libertatem, vel qui prohibent, ne quis coram Judice Ecclesiastico conqueratur. Nec aliquis prædictorum, nisi per Episcopum Diœceseos, facta prius satisfactione competenti à sententia excommunicationis possit absolvi.

Plebani Eucharistiam, & ornamenta Ecclesiarum, præcipuè ad usum altarium spectantia, in statu decenti & mundo diligenter custodiant, cæteraque curatè observent, quæ sacris Canonibus sanciantur. Secus censuris Ecclesiasticis, Canonica monitione præmissa, aliisque pœnis à locorum Ordinariis contra eos agatur.

Cui concessum uti altari viatico, non nisi in locis tutis & honestis Divina celebret. Nullus alterius curati subdito Sacramenta confessionis & Eucharistiæ Sacramenta conferat absque licentia proprii Sacerdotis. Extranei verò & hospites peregrini à Sacerdote, in cujus Parochia versantur, Sacramenta recipiant.

Decimæ solvantur de omnibus, præcipue de agris, animalibus, apibus, hæcibus, & aliis piscaturis. Fratres mendicantes Parochis solvant portionem Canonicam, & quartam de funeralibus, secundum dispositionem juris Canonici. Prohibetur quæstoribus Indulgentias promulgare sine licentia. Invalidus declaratur contractus, quo bona Ecclesiarum alienantur. Monasteria aliæque pia loca Episcopo sint subiecta, nisi per evidentia privilegia exemptionem probent.

Excommunicantur, qui possessiones Ecclesiarum, aut jura parochialia, indecimationibus, oblationibus, & obventionibus, diminuere contendunt. Item, qui in Beneficia Ecclesiastica se intrudunt, aut per laicam potentiam, vel aliam violentiam, ea detinent occupata: qui animo injuriandi Clericum enormiter lædunt. Clerici non citentur ad placitum sæculare, vel coram Judice sæculari, sed coram Judice Ecclesiastico, in quacunque causa citentur, & ibidem legitimè vincantur.

Excommunicati à Canone denunciantur, qui casibus non permissis defunctos sepeliunt in cœmeteriis vel in Ecclesiis tempore Interdicti, vel qui scienter sepeliunt nominatim excommunicatos, aut usurarios manifestos: sepelientes verò, si necdum absoluti celebraverint, irregularitatem (à qua non nisi per summum Pontificem absolvi possint) se noverint incurrisse.

Denique statutum, ut in qualibet Ecclesia Cathedrali totius Provinciæ Lundenfis bis in anno celebretur Concilium Diœcesanum: in quo hæc decreta coram Clericis & laicis vulgariter exponantur, ne quisquam de prædictorum ignorantia se valeat excusare.

Quoniam verò post hanc Synodum nullum legitimum in Dania celebratum invenitur Concilium, juvat tamen schema aliquod Regni illius obiter sub oculos ponere, tum, ut appareat, quomodo

modo septentrionis illæ provinciæ à Patrum Majorumque religione sacrisque Canonibus desciverint : tum ne synopsis Historica Daniæ, per singula sæcula hætenus deducta, in ultimis deficiat.

§. II.

APPENDIX.

De Statu posteriore Daniæ.

100.
Christianus I.

Exincta veterum Daniæ Regum stirpe, à Danis Norvedisque ad commendationem Adolphi Ducis Slesvicensis in Regem electus est Christianus I. Comes Oldenburgicus. Quem, utpote non electum juxta Conventionem Calmariensem, quam tria Regna iniisse diximus, Sveci respuebant initio, ac post mortem Christophori elegerunt Carolum Canutsonem. Quia autem hic Svecis non placuit, elegerunt & ipsi Christianum, Daniæ Regem. Adeoque tria illa Regna rursus erant unita, non tamen sine magnis turbis, in Svecia ortis.

Daniam auxit Ducatu Slesvicensi, & Comitatu Holsatiæ, tum jure sanguinis tum magna auri vi ad se tractis. Cùmque dein Romam peregrinatus esset, à Friderico III. Imperatore obtinuit, ut Holsatia deinceps Ducatus nomine honoraretur, jure clientelari ab Imperio dependens. Contra verò Orcades insulas, ad Regnum Daniæ hætenus spectantes, Jacobo III. Scotiæ Regi in dotem pro filia dedit. Obiit anno 1481. Regni Danici 34. vitæ 56. fundata Academia Hafniensi celebris.

Joannes.

Duos reliquit filios, *Joannem* & Fridericum : huic Holsatiæ & Slesvici Ducatus reliquit; illum Dani & Norvegi Regem acceptarunt, ac tandem etiam Sveci, ea tamen conditione, ut debita, à patre contracta, solvat: damna illata reparet: & Gothlandiam, à Danis ereptam, coronæ Sveciæ rursus uniat. Quæ res magnos tumultus excitavit. Iis expeditus Dithmarsos, pugillum hominum, improvide aggressus, quia victoria certus, magna cum clade, majori cum ignominia repulsus est. Obiit anno 1513. Regni Danici 32. vitæ 59. moderatæ ac placidæ indolis Princeps, quam erga toties seditiosos Svecos exhibuit.

101.
Christiani II. fata.

Degenerem omnino à paternis moribus animum nactus est *Christianus II.* filius, Princeps crudelitate, libidine & calamitate ex æquo celebris. Ad gloriæ ac potentiæ apicem fortuna illum evexerat; Sveciæ, Daniæ, ac Novergiæ coronam ipsi imposuit; collocata Caroli V. Cæsaris sorore toti Domui Austriacæ affinitate ipsum

ipsum conjunxerat; fœderibus cum Gallia, Anglia, & Scotia munierat. Ut adeo incredibile videretur, tot validis fulcris nixum everi posse. Evertit tamen, quin penitus subruit volubilis rerum humanarum genius, Regnis omnibus exutum, exulem, captum à subditis, 27. annorum carcerem passum.

Mulierculæ siquidem peregrinæ Sigbrittæ obnoxius, atroci ejus consilio anno 1520. Holmiæ execrabili laniena Nobiles Svecos, Episcopos, Senatores, ac præcipuos cives, immaniter trucidavit. Qua barbara tyrannide irritati Sveci, quibus aliàs invisus erat, sumptis duce Gustavo armis, in Daniam fugere compulerunt. Sed & ipsi Dani cum Norvegis, crudelitatem & enormes exactiones graviter ferentes, eo Regnis dejecto, Fridericum ejus patrum elegerunt.

Atque hoc pacto infelix Princeps à rerum culmine in calamitatum abyssum dejectus, frustra Europæ aulas percurfans, cum conjuge & liberis in Belgium exulatum abiit. Decennio elapso cum militum manu in Norvegiam irrumpens, à Friderico patruo suo, quem Dani & Norvegi Regem elegerant, captus, 27. annis in carcere contabescens, miseram vitam finit anno 1559. Regni 10. exilii 36. ætatis 78.

Ita nimirum cœlestes iræ toto pondere incubuere in scelestum Principem; qui primus dici potest, tria illa septentrionis Regna egisse in Religionis naufragium. Nam cum propter Holmensem lanienam, & Episcoporum etiam in ea cædem, à Leone X. per Legatum reprehensus esset, licet apertè Lutheranum se non profiteretur, eam tamen pestem efflavit, quæ latentem antea tabem facile proderet. Tum etenim Lutheri sphalmata laudare, Pontificiam auctoritatem deprimere, cœlibatum Sacerdotum, & vota cœnobarum habere ludibrio, Hierarchiam Ecclesiasticam tyrannidis arguere, Ecclesiasticorum bona invadere, palam accepit.

Fridericus I. ejus patruus, Slesvici & Holsatiæ Dux, pro eo Rex Daniæ & Norvegiæ electus, Sveciam Gustavo reliquit, nunquam postea unitam Daniæ, disrupto penitus Calmariensi tractatu. Huic Præcones, Augustanæ Confessionis contribules, novum suum Evangelium offerebant, nec ille animum alienum ostendit, permissa Religionis libertate, necdum tamen ausus apertè deficere. 102.
Fridericus I.

Christianus III. verò ejus filius à Joanne Bugenhagio Pommerano, quem Lutherus ei Wittenbergâ submiserat, anno 1537. coronatus, palam Religionem abjecit, Hafniensem Academiam novæ sectæ didascalis implevit, Episcopos & Sacerdotes lascivientes ex Lutheri disciplina ostentatione concubinarum & pinguum *Christianus III.*

præbendarum traxit, obfistentes sedibus suis ejectos in carceres compegit, eorum & Ecclesiarum bona aut ærario suo intulit, aut Nobilibus distribuit tanquam fructus novi Evangelii, ad quod vi etiam & armis populum adegit, proscripta omnino ac prohibita catholica Christi Religione, quam Majores ipsius, & Antecessores Regis Daniæ, inter quos etiam plures vitæ Sanctimonia celebres, per tot sæcula coluerant. En toties prætextam atque decantatam conscientiæ libertatem!

Regno ac Rege ita comparato Præconum colluvies in Daniam advolabat, Zwingliani, Calvinistæ, Anabaptistæ, Trinitarii &c. quælibet secta novas suas merces offerebat: quælibet ex Evangelio & puro DEI verbo eas depromptas dilaudabat; quælibet reliquas tanquam hæreticas, atque ad fallendos homines à Diabolo investas declamabat. Ægrè ea res Lutherano habuit; nec quiescebant, donec Rex reliquis publico decreto proscriptis, eos solos civitate donaret.

Obiit infelix Princeps ano 1559. Regni 24. ætatis 56. fratrem habuit *Adolphum*; à quo Duces Holsat. Gottorpienses descendunt. Filios autem tres reliquit, *Fridericum*, *Magnum* (quem *Moscus Livoniæ* Regem fecerat, rursusque novo Regno dejectum in exilium egit & *Joannem*, fundatorem Domus Holsat. *Sunderburgensis*, in plures deinde ramos divisam.

103. *Fridericus II.* autem Regnum Daniæ obtinuit. Is Religione in statu, quo eam à patre acceperat, relicta, bellis profanis vitam impendit. Ac primò quidem opitulantibus Holsatiæ Ducibus *Ditmarfos*, frustra antea tentatos, subegit. Tum bellum septenne cum *Svecis* gessit, felicior pace *Stetinenfi* quàm bello; nam *Sveci*, pluribus navalibus præliis victores, cum *Moscus* eos bello esset aggressus, cesserunt jure, quod antea sibi vendicaverant, in *Norvegiam*, *Scandiam*, *Gothlandiam*, *Hallandiam* &c. adjecta insuper pecunia, ut victores pacem emerent, & restitutis navibus, quas ceperant. Obiit *Fridericus* anno 1588. Regni 29. famosam *Formulam Concordiæ*, quam *Tubingensis Schmidlinus* procuderat, ut tot *Lutheranorum* dissensiones ac rixas componeret, sibi oblatam in ignem projecit, velut dignam incendio concordiam, quæ majores inter *Lutheranos* discordias tótque incendia excitasset.

104. *Christianus IV.* *Friderici* filius 60. omnino annos Regnum tenuit, sub tutoribus primò constitutus, dein sui juri factus, tria bella gessit, duo cum *Svecis*, unum cum *Cæsare*. In primo bell

bello Svecico nihil admodum memorabile legitur. Facta post triennium pace Danus pro pecunia restituit, quæ occupaverat. Dein anno 1624. Protestantium in Germania rebus se immiscuit, Dux eorum adversus Ferdinandum II. Cæsarem factus; verum anno 1626. à Cæsareis ad *Luteram* prælio victus, cum vires reparare conaretur, ab iisdem in Holosatia & Chersoneso Cimbrica ita exceptus est, ut anno 1629. pacem peteret, promitteretque, Protestantium in Germania turbas à se alienas habiturum. Pax illa *Lubecæ* confecta est. Nec meliori fortuna usus est, cum Svecorum in Germania progressus veritus, alteram cum illis tentavit aleam. Nam Torstensonius anno 1643. cum instructo exercitu per Holsatiam in Daniam subito irrumpens, ac multis direptis urbibus, terroribus omnia complens, pacem extorsit, qua Gothlandia cum pluribus aliis locis Sueco victori anno 1645. est concessa. Obiit anno 1648. Regni 60. vitæ 72. plurium urbium conditor, primus Daniæ Regum, ut commercia proveheret, naves in Indiam misit. Hamburgenses sæpius pressit. Oresundicum vestigal, nervum Daniæ, indignantibus, qui commeabant, multum auxit. Calvinistas in Regnum admisit, dum Anglis, Batavisque concessit, ut templa exstruerent. Plures denique liberos, furtivo thoro genitos habuit, exemplo in filium, nepotemque transiituro.

Fridericus III. quem unicum filium, iustis nuptiis prognatum, 105. Christianus IV. reliquit superstitem, pace, quam bello felicior, *Fridericus* gemino bello cum Svecis collisus est. Cum enim Carolus Gustavus instar procellæ per Poloniam grassaretur, *Fridericus* tanta vicini, alioquin potentis, incrementa metuens, Svecos in Bremensi Ducatu invasit anno 1657. At Carolus, relicta Polonia, tota vi in Danum incubuit; atque per Balthicum, gelu ac glacie confectum, pedestri itinere transmissis exercitu, Fioniam occupavit. Jamque Selandiæ imminebat, Hafniam ipsam, sedem Regiam, expugnaturus, cum anno 1658. *pax Roschildensis* initur, Scandiæ, Hallandiæ, Bleckingæ, jactura à Danis empta. Inter loca, Svecis tradita, erat etiam Huena, modica insula, Tychonis Astronomi uranoburgo celebris.

Pœnituisse visum est Svecos pacis, sibi tam sæcundæ. Eodem enim adhuc anno in Selandiam trajecti Hafniam obsederunt; cui tamen classis Batavica, per medias naves Svecicas, quibus fretum Oresundicum occlusam tenebant, penetrans, succurrit. Anno sequente Carolus Gustavus cruento impetu Hafniam expug-

nare tentaverat, verum affluentibus undique Cæsareis, Polonicis, aliisque copiis in auxilium Dani, extremas jam ferme in angustias redacti, Sveci *pacem Hafniensem*, Roschildensi parum ab similem, ini-re compulsi sunt, anno 1660. restituta Danis Fionia, eaque, quæ in Selandia ceperant Sveci, cum Bornholmienfi in Balthico insula. Scandia, Hallandia &c. rursus Svecis relicta.

Pacis artibus felicior fuit Fridericus III. nam juvenis primum Verdenfis Episcopus, dein etiam Bremenfis Archiepiscopus, non more Majorum, sed ritu Lutherico factus est. Tum Rex Regnum Daniæ, *electivum* antea, *hereditarium* fecit; ut citra comitiorum fluctus, & periculosa illa mortui Regni intervalla, cunæ ipsæ regales dent populis Principem, in quo pater post mortem superstes regnet. Res magna hic acta est à Friderico per stirpe sua Oldenburgica: ut illa frondente nihil aliena ambitio speret. Exaruit tamen anno 1667. Comitum Oldenburgicorum in Germania propago; unde Danica linea successit, Fridericus videlicet Rex in Oldenburgico & Delmenhorstenfi comitatu: quamvis non sine controversia, quam movebant ultimi comitis soror, & filius Notus; quibus aliquid datum, ut acquiescerent. Major lis de hac successione orta est inter Fridericum Regem, Duces Gottorpiensem, & Plönensem, (qui uno gradu propior erat ultimo possessori) cum Plönensi Rex transiit. Contra Gottorpiensem in Judicio Aulico Imperiali sententiam obtinuit. Obiit Fridericus anno 1670. Regni 22. vitæ 61.

Duos filios reliquit, Christianum in Regno jam sanguinis jure successorem, & Georgium, Annæ Angliæ Reginæ desponsatum: quatuor item filias; quarum natu minima Carolo XI. Sveciæ Regi fuit collocata.

106.
*Christia-
nus V.*

Christiano V. cum Svecis, tum propter viciniam, æmulationem, & jura antiqua novæque controversa, nativo veluti hoste, tum cum Duce Holsato-Gottorpiensi, urbæque Hamburgo, multum negotii fuit. Cum Svecis igitur bellum quadrienne gessit, anno 1675 cœptum, secunda initio Danorum fortuna, tum clade; denique anno 1679. per pacem Neomagensem, quidquid Svecis ereptum fuerat, restitui debuit.

Domus Holsato-Gottorpiensis, hoc sæculo in amplissimas spes evecta, ex eadem cum Daniæ Regibus Oldenburgica stirpe prognata, à Christiano I. Rege Daniæ, omnium parente, descendit. Divisa dein fuit Holsatia & Slesvicum inter Regiam & Ducalem lineam: quæ tamen divisio innumeras inter utramque con-

tro-

troverſias & lites excitavit, Regia plùs ultra tendente, Ducali, quantum poterat, obſiſtente. Dum igitur Chriſtianus V. bellum cum Svecis meditaretur, anno 1675. Chriſtianum Albertum, Ducem Gottorpienſem, captum cuſtodie mandavit, arcèsque ipſius, propugnacula & urbes munitas occupavit. Reſtitutus equidem Dux ope Sveciæ anno 1679. ſed triennio poſt rurfus pulſus, rurfusque anno 1689. reſtitutus, alternantis fati vicibus ad liberos etiam tranſmiſſis.

§. III.

Controverſia Juridica de Superioritate territoriali in Hamburgum.

Indulgebit, credo, amicus & diſcretus leſtor, ut in hoc *Apparatu Eruditionis ad Jurisprudentiam* geminam celeberrimam controverſiam Juridicam Daniæ cum Hamburgo anneſtam. Neque enim ſcopus meus eſt, nudos canonum ſyllabos ex Conciliis exſcribere, ſed cum Nationalibus & Provincialibus Synodis, Nationum ſimul ac Provinciarum ſtatum exponere, præſertim quoad ea, quæ eruditioni Juridicæ ſubſerviunt. Si quis nihilominus à ſcopo alienas has diſſertationes duxerit, facili ſaltu poterit eas tranſilire. 107.

Igitur Hamburgum, ampla, potens, opulenta, & commerciis frequens ad Albim civitas, prima ſua incunabula debet Carolo M. qui caſtrum ibidem exſtruxit. Quod deinceps in eam, quam hodie cernimus magnitudinem excrevit.

Francorum poſt Carolum M. haud dubiè ſubjecta erat dominio, ac poſtmodum etiam Henrici Aucupis & reliquorum Saxonicorum Cæſarum Ducumque, donec proſcripto Henrico Leone, Holſatiæ Comes nexu feudali, quo Ducibus Saxonie cohærebat, ſe exſoluit, *immediatus* Imperii Status effectus. Ab eo tempore Holſatiæ Comites ac poſtmodum Duces dominium ac *Superioritatem territorialem* in urbem Hamburgenſem ſibi vendicabant, uti etiam Daniæ Reges, poſtquam Holſatiæ & Stormariæ jura ex parte ad eos ſunt devoluta.

Contra verò Imperatores complures à ducentis & ultra annis tum per ſe, tum per cameram Imperii Hamburgum liberam imperii civitatem, Imperatori & Imperio *immediatè* ſubjectam, declararunt. Matriculæ proin Imperii inter reliquas liberas urbes inſerta, sæpiùsque ad

comitia vocata fuit, protestante licèt Daniæ Rege, quà Duce Holsatiæ, imò prohibente, ne pareret.

Ipsa urbs, variis obtentis à Cæsaribus privilegiis, paulatim ad libertatem emergens, novum quoddam genus libertatis captabat, ut à dominio Holsatorum esset exempta, nec tamen Imperii oneribus subiecta, sed suo relicta arbitrio, utriusque favore & protectione frueretur. Unde à multis jam annis non amplius comparet in comitiis provincialibus Holsatiæ, & admodum rarò in comitiis Imperii; in quibus proin sessionem & votum non habet; cùm etiam ordinarius Imperii Status oneribus se subtrahere conetur.

Cæterùm Rex Daniæ his ferme momentis urbem sibi vendicat. 1. Eam esse sitam in territorio Stormariensi, Holsatiæ Ducibus subiecto. *Respondet urbs*, se habere territorium exemptum in territorio, ad exemplum Coloniae & Spiræ.

2. Urbem à Sigismundo Cæsare ad tribunal Holsatum esse remissam. *Respondet urbs*. Hoc tantum indicare liberam *instantiam*, in favorem urbis permissam. Etiam Principes & Nobiles *immediatos* habere Judices, quos *Austregas* vocant, nec tamen eorum dominio esse subiectos. Nunquam tamen urbem usam hoc privilegio; adeoque per non usum in desuetudinem abiisse.

3. Urbem Christiano I. Daniæ Regi, quà Duci Holsatiæ præstitisse homagium, uti etiam ipsius fratribus, & successoribus. *Respondet urbs*, hoc non fuisse homagium, cùm nullum fuerit juramentum præstitum, sed fuisse meram conventionem, qua urbs Regi clientelarem observantiam, quam antea Holsatiæ Ducibus exhibuisset, Rex verò liberum privilegiorum usum urbi promississet. Præterea Imperatores eam consuetudinem, antequam esset præscripta, per urbis exemptionem, variâsque inhibitiones, simplices & arctiores, interrupisse. Neque omnem promissionem fidelitatis indicare subjectionem.

4. Holsatiæ insignia ab eo tempore curiæ urbis, portis, sigillis publicis, nummisque fuisse impressa; quæ manifesta sint *Superioritatis* argumenta. *Respondit urbs*, sæpius contingere, ut alterius insignia usurpentur, ex causa fœderis, clientelæ, honoris, affectionis, vel alia, quin subjectionem ea res indicet. Non omnes, qui aquilam, aut lilium, vel leonem scuto imprimant, esse subiectos Imperatori, aut Galliæ vel Hispaniæ Regi. Denique Holsata insignia in sigillo civitatis nunquam fuisse adhibita.

5. Urbem in bello copias suas velut provinciales Holfatis junxisse. *Respondit urbs*, non fuisse eas copias provinciales ac debitas, sed auxilia bonæ vicinitatis: semperque speciali pacto de iis prius fuisse conventum: & quandoque etiam urbis indemnitatem reservatam. Neque semper urbem pace inita potuisse frui. Caterum à ducentis annis talia obsequia ab urbe non amplius fuisse præstita.

6. Urbem ad comitia Holfatiæ fuisse vocatam, atque in iis comparuisse, propria domo Segelbergæ eum in finem comparata. *Respondit urbs*, se comparuisse, quando propriæ suæ rationes id exegissent, prout etiam Lubeca fecerit.

7. Veteres Comites Schauenburgicos & Holfatos singularibus prærogativis ac juribus in urbem fuisse usos. *Respondit urbs*, hæc non indicare Superioritatem dominii. Cum talibus etiam in Lubecam Holfati sint usi, etiam tunc, postquam libera Imperii civitas evaserat. Adhæc se immunitatem ab ejusmodi juribus emisse, conventumque esse anno 1608. ne vetera deinceps suscitantur.

8. Urbem, à camera Imperiali citatam, exceptionem fori declinatoriam opposuisse, ea ex ratione, quod membrum sit Holfatiæ, ac Ducibus Holfatiæ subjecta. *Respondit urbs*, se forum Judicii cameralis ea ex ratione declinasse, probari non posse, contraria adesse præjudicia. Neque nocere sibi posse rem inter alios actam.

9. Tempore necessitatis urbem ab Holfatis auxilium petiisse. *Respondit urbs*. Hoc non esse argumentum subjectionis. Sicut Holfatia à vicina amica urbe auxilium petierit, sic etiam se petiisse ab amica vicina Holfatia.

10. Urbem anno 1544. cum à fisco Imperiali ad solvendam taxam & contributiones urgeretur, ratione Holfatiæ se excusasse, neque hactenus in comitiis Imperii, aut circulo Saxoniae Inferioris sessionem & votum habuisse. *Respondit urbs*, se ad comitia Imperii sæpius fuisse vocatam. Quod autem non comparuerit, non esse factum propter Holfatorum Ducum Superioritatem, sed quia voluerit habere statum liberæ civitatis, prout anno 1542. 1544. & 1548. per Recessus Imperii fuit constitutus, nolueritque contribuere, ac onera Imperii subire.

Addidit urbs in probationem causæ suæ ac libertatis, emisse se libertatem ab Orlamundæ Comite; eam emptionem à Comitibus Holfatiæ fuisse confirmatam, eaque se usam usque ad mortem

Adol-

Adolphi XIV. ultimi Comititis ex ea stirpe, anno 1459. defuncti. Cum deinde Holfatia ad Christianum I. Daniæ Regem pervenisset, privilegia sua sibi rursus fuisse confirmata: petatum quidem à Rege homagium, sed ab urbe denegatum. Jam anno 1510. Hamburgum à Maximiliano I. pro libera civitate Imperii fuisse habitam ac prætensionem Holfatiæ Ducum ad Judicium Cameræ Imperialis fuisse remissam. A ducentis jam annis nihil fuisse Ducibus Holfatiæ ab urbe præstitum, quo subjectio aliqua posset argui, sed in Ecclesiasticis & Politicis pro arbitrio egisse. Se sæpius citatam ad Judicium Cameræ Imperialis: à Sigismundo Cæsare proscriptam, à Carolo V. propter fœdus Smalcaldicum pecuniâ multatam; tanquam *immediatam* liberam civitatem ad Comititia Imperii vocatam, non tamen comparuisse, quia omnino libera esse voluerit, sub protectione Ducum Holfatiæ, ut Romano Imperio nihil deberet. Se in Matriculam Imperii nihilominus relatam, & cum Holfatiæ Ducibus conventibus Immediatorum Principum interfuisse. Cum Holfatia bellum gereret, se sæpius tanquam tertium & *neutrale* Statum se gessisse.

Verùm ad hæc replicarunt Holfati: emptionem illam factam esse tempore belli, postea verò omnia in integrum fuisse restituta. Et hinc falsum esse, quòd ab Holfatiæ Ducibus, postquam sua rursus receperunt, fuerit illa emptio confirmata. Exercuisse etiam deinceps Comites plures actus Jurisdictionis & superioritatis territorialis contra urbem. Inter privilegia à Christiano I. concessa urbi non fuisse *immediatam* aut exemptionem. Reliqua, quæ ab urbe obijciuntur, contigisse primùm post tempora Caroli IV. Cæsaris, nimirum postquam lis de *Superioritate* cum urbe jam fuisset cœpta; illa proin acta lite pendente urbi neque in *possessorio* nec *petitorio* prodesse.

Ad exceptionem verò urbis Holfati replicant. Probari non posse, quòd Hamburgum habeat territorium exemptum in territorio Holfato. Si urbs ad tribunal Holfatum præcisè tanquam Judicium *Austregale* à Sigismundo fuisse remissa, deberent ostendi pacta, aut leges, aut privilegia Cæsarea, quibus Holfati fuerint constituti *Austregæ conventionales aut legales*. Talia cum ostendi non possint, *præsumptionem* esse, quòd urbs ad Holfatos tanquam suos necessarios & legitimos Judices, jurisdictione & auctoritate per se ipsos pollentes, fuerit à Cæsare remissa, tanquam illis immediate subdita. Hamburgenses se Christiano III. Daniæ Regi, tanquam suo naturali ac hæreditario Domino, & Principi territo-

riali

iali subjecisse, ut ex formula subjectionis de anno 1533. pateat. Adeoque non fuisse meram clientelarem adhæSIONem & observantiam. Usus Insignium, saltem cum aliis probationum adminiculis, regulariter esse signum subjectionis; incumbere proin urbi onus probandi, hoc ex alio capite per modum exceptionis à regula factum.

Nihil esse novi, quòd Princeps cum statibus suis Provincialibus præviè tractet, antequam determinatum quid & in individuo exigat. Licet ergo cum urbe hoc factum esset, non propterea à jurisdictione fore exemptam: præsertim cum antiquis temporibus Holfati status Provinciales plus juris circa regimen habuerint. Comparitionem in comitiis ut plurimum esse signum subjectionis: ab eo verò, quòd fit ut plurimum, fieri præsumptionem. Huic proin standum, nisi validis argumentis elidatur. Urbem obtinuisse à Comitibus privilegium eligendi senatores, condendi statuta, exercendi Jurisdictionem civilem. Quænam autem libera Imperii civitas ejusmodi privilegia à vicino aliquo Comite petat? Neque prodesse Hamburgensibus exemplum Lubecensium, cum sit notorium, Holfatiæ Duces, etiam in Lubecam formare prætensionem, ipsique *Immedietatem* negare. Si submissa ad defensionem urbis auxilia alium titulum quàm Superioritatem territorialem habeant, eum urbi ostendendum & probandum esse. Actus post Carolum IV. lite pendente exercitos nihil probare. Ante illud autem tempus urbem nunquam ad Comitatus Imperii esse vocatam.

Hæc jam est celeberrima inter Regem Daniæ & Hamburgum controversia, ultra trecentos annos toties ventilata. Holfatis eam tanquam urbem Provincialem sibi immediatè subiectam vendicantibus, Cæsaribus tanquam liberam Imperii civitatem repetentibus, urbe verò se neutram quandam rempublicam, ab utriusque oneribus liberam, haberi cupiente. Holfati homagium sæpiùs petebant. Cæsares prohibebant. Danus anno 1570. causam ad Comitatus Spirensis deferebat; ab his ad camerale Judicium fuit remissa. Hoc anno 1618. eam liberam Imperii civitatem declaravit, atque ad communia Imperii onera condemnavit. Rex *Revisionem* actorum petiit, urbiq; obsidionem est minitatus, si sententiæ camerali pareret.

Sic causa in *Revisorio* perpetuò hærente, anno 1679. Christianus V. Rex Daniæ, urbe homagium recusante, admoto exercitu eandem obsedit. Verùm interventu Galliæ & Zellenfis Ducis Pinnebergæ res ita est composita, ut salvis Holfatorum & Imperii ju-

ribus usque ad judicialem decisionem, aut conventionalem transactionem causa suspenderetur; imposita tamen urbi magna pecuniæ vi, Regi pendenda, 220000. Imperialium.

Anno 1686. cùm urbs domesticis tumultibus æstualet, idem Rex rursus cum exercitu urbi imminabat, manu armata homagium postulaturus. Inhibuit Cæsar vim. Urbs verò Brandenburgum, Hassum, & Luneburgenses imploravit; quorum officiis Rex brevem quietem indulxit. Novæ subin exortæ turbæ Hafniensibus pactionibus anno 1692. tantisper sunt compositæ, postquam urbs promisit, octo annis certam pecuniam Regi persolvere. Sub initium hujus sæculi Rex iterum urbem obsidere tentaverat, verùm Luneburgicis auxilio venientibus soluta est obsidio. Anno 1708. Præcones Hamburgenses Lutheri tubam inflabant, & cives adversus Senatum concitabant. Rex hîc rursus rem suam agendam ratus, se immiscuit, at cùm Saxoniae inferioris circulares copiae adventassent, ac Cæsar Regi fidem daret, salvis per omnia jura Domus Holsaticæ hanc commissionem à se imperatam, acquievit. Interea causa adhuc hæret apud cameram in *Revisione*.

§. IV.

Controversia ratione telonii.

108. **A**lia adhuc causa Regem Daniæ & Hamburgum colliferat. Anno 1630. post pacem Lubecensem cum Cæsare initam Rex Daniæ Glickstadii novum telonium erexit, atque vestigal navibus Hamburgensibus imposuit, immixtis Albi fluvio tribus navibus bellicis, & erecta turri, tormentis majoribus, aliisque armorum apparatu instructa. Quia autem Hamburgenses hoc commercii sui ruinam interpretabantur, animam suam agi putabant. Unde naves aliquot bellicas & ipsi Albi imposuerunt, quæ mercatorias suas naves à Danorum vi defenderent. Adversus istas Rex ex turri & suggestibus tormenta explodi jussit, immixtis in certamen suis navibus. Verùm omnes tres Danicæ naves bellicæ ab Hamburgensibus victæ, captæque Hamburgum abductæ sunt.

Ægerrimè hæc res Regem habuit, præsertim quòd ipsemet præsens in discrimen vitæ fuisset adductus, Hamburgensi cohorte adversus ipsum sclopos solvente.

Hamburgenses, ut causæ suæ justitiam Regi orbique probarent, ajebant, se anno 1628. à Ferdinando II. Cæsare privilegium accepisse, & mandatum, ut Albim fluvium securum præstent, nec pate-

paterentur, collocari in eo naves bellicas, quæ navigationum & commerciorum libertatem turbarent. Senon hoc novo duntaxat vestigali, sed etiam Oresundico, nimium aucto, & Islandicis commerciis penitus abscissis, à Danis fuisse pressos. Constare ex constitutionibus Imperii, & capitulationibus, nullum Statum Imperii absque Imperatoris & Electorum consensu posse nova telonia erigere ac nova vestigalia imponere. Se verò etiam speciali privilegio à Ferdinando II. Cæsare esse munitos, ne usque ad ostium Albis quisquam vestigal à se possit exigere.

Ejusmodi vestigal, visitationes mercium, detentiones in statione Glickstadiensi, navibus perquam incommoda, trahere cum mercatura totalem urbis ruinam, præsertim cum peregrini mercatores portum Hamburgensem omnino essent declinaturi, & commerciorum alveum aliò inflexuri. Jugulum itaque suum peti hac nova exactione; ac proin Regem aggressorem fuisse, ac pacem *publicam* turbasse, indebitum vestigal armis & coadunatis hominibus à navigiis extorquendo, & detrectantes solvere pilis igneis adigendo.

Et quamvis urbs necessariam hanc sui defensionem libenter distulisset, periculum tamen fuisse in mora, ne propter tanta incommoda commercia ab urbe deflecterent, difficulter rursus reducenda: neque expectandum fuisse, donec Rex dominium Albis obtinisset. Scitum esse Juris naturæ, moderamini inculpatæ tutelæ tunc locum esse, cum malum grave est præsentissimum, ac damnum postea irreparabile: per nullam autem Judicis sententiam commercia semel aliò derivata reduci posse. Arma proin ad naturalem & necessariam sui defensionem jure fuisse correpta, atque ad avertendam ruinam urbis irreparabilem.

Excepit contra hæc Danus, se juxta retorsione ac jure suo usum, pluribus ab urbe injuriis provocatum. De bonis Regis ejusque subditorum mercibus ac frumento ab aliquot annis vestigal, ultra modum auctum, fuisse extortum. Naves per multas hebdomades detentas. Nova vestigalia de cerevisia, & sale, contra antiquas consuetudines à subditis Regis exacta, ejusque servos aliis etiam injuriis affectos, & exceptos ludibriis. Aggressores proin fuisse Hamburgenses, & violatæ pacis reos, exactum verò Glickstadiense vestigal justam fuisse defensionem ac retorsionem. Oritura igitur ex eo incommoda sibi adscriberent.

De cætero non eam fuisse Regis mentem, ut perpetuum vellet Albi vestigal imponere, sed eo usque duntaxat, donec damna,

ab Hamburgensibus sibi ac subditis suis illata, compensaret. Nihil proin actum contra pacem publicam aut constitutiones Imperii.

Haud opus fuisse violentis ejusmodi consiliis, in Romano Imperio severè prohibitis. Optimum medium futurum fuisse, si sustulissent gravamina, quibus Regios subditos pressissent.

Privilegium, quo se quodammodo Albi dominos jactitent, à Cæsare tempore belli *sub- & obreptitiè* fuisse obtentum. Neque Cæsarem Statum Imperii jure suo quæsito, dando tertio cuidam privilegium, absque causa posse privare. Regem Daniæ tanquam Ducem Holsatiæ non minus ac alios Status Imperii jure territoriali, jure item belli & pacis, per jus feudale ab Imperatore & Imperio sibi concessio, pollere. Proin etiam de Albi, quo usque per territorium Holsaticum fluat, eodem jure posse disponere. Aliàs nullum Statum securum fore, ne cras ei rursus auferatur, quod hodie ipsi concessum est.

Et licet privilegium illud ratum foret, ad illud tamen solummodo tempus porrectum intelligi, quo Cæsar ac Rex Daniæ bello dissidebant. Pro eo duntaxat tempore Albi tutelam in eorum finum fuisse depositam. Bello autem per pacem Lubecensem, cum Cæsare initam, paulò post finito, cessasse temporaneum ejusmodi privilegium, aut potius mandatum: nihil enim ampliùs esse, quod agat *mandatarius*, postquam mandans cum eo, adversùs quem mandatum dedit, transactione convenit.

Replicuit quidem ad hanc exceptionem urbs. Privilegium illud non tantum tempore belli fuisse obtentum, sed fundari in antiquiore, jam à Carolo IV. obtento: cum ex contextu pateat, continuationem defensionis fluvii Albi urbi à Ferdinando Cæsare fuisse commissam, cum prohibitione, ne ad Albim munimentum exstruatur, aut navis bellica eidem immittatur; adeoque ex natura sua privilegium illud esse perpetuum: sempérque urbem illo fuisse usam. Contra quam possessionem objici non possit Superioritas territorialis Ducum Holsatiæ, eò quòd ex Jure Publico notorium sit, ea ratione servitutes ac jura in alieno territorio acquiri posse; præsertim cum tempore obtenti privilegii ævo videlicet Caroli IV. Imperatoris, jus territoriale necdum omnia *regalia* comprehenderit, sed multa adhuc Imperatorum dispositioni fuerint reservata.

De cætero non constare, quòd Senatus Hamburgensis unquam de propriis Regis bonis vestigal exigi mandaverit. De frumento verò exportato ejus subditos ab immemoriali tempore urbi vestigal pen-

pendisse, & quidem absque ulla contradictione. Neque constare de navibus detentis: nisi quòd tempore belli tanquam cives Imperii Cæsari obedierint. Quo tamen ex capite nullus fuerit retorsioni locus, eò quòd Hamburgenses paci Lubecensi fuerint inclusi. Sali se nullum imposuisse vestigal, optarèque, ut cives sui in freto Oresundico tam leniter tractarentur, ac ipsi Regios subditos tractent.

Glickstadiensis proin telonium potius esse *attentatum*, quam usitam retorsionem; cùm hæc læsionem supponat. Neque verosimile esse, urbem unicam Regem tam potentem voluisse lædere. Sed neque violentas retorsiones in Imperio esse licitas; cùm *diffidationem* sapiant, atque ad eludenda suprema Imperii tribunalia tendant.

Nihilominus Rex vestigalia exigere perrexit. Unde Cæsar Comitem Tillium, supremum belli, in iis partibus tunc vigentis, Præfektum ad hanc causam delegavit, qui per Camargum subdelegatum, eò missum, arma iussit ponere, atque transactionem inire: qua Hamburgenses ablatas naves restituerent, Rex verò telonium supprimeret.

Recruduit ea lis anno 1674. quo Daniæ Rex partes Cæsaris secutus, ab Imperatore, & Electorum collegio petiit, ut in compensationem belli sumptuum sibi permittatur, super Albim fluvium telonium constituere. Vehementer se opposuit Hamburgum, privilegia sua prætexens. Utque efficacius rem suam ageret, Silesios ac præsertim urbem Uratislaviam excitavit, ut & ipsi proprio nomine preces apud Cæsarem deponerent, proponerèntque, quanta Silesiæ commerciis damna inferrentur, si novum Albi vestigal imponeretur, cùm ocelusis sibi Oderæ seu Viadri ostiis, Albis unicus sit fluvius, per quem ipsorum cum exteris nationibus mercaturæ in Oceanum pateat aditus.

His exceptionibus in aula Cæsarea interpositis, suspensa est Danorum petitio, manèntque etiamnum suspensa.

Porro *Christianus V.* sub quo controversia Hamburgensis circa Jurisdictionem & Superioritatem territorialem summopere flagrabat, obiit 1699 Regni 29. ætatis 53.

Fridericus IV. filius coronæ hæres successit patri. Vix autem Regnum auspicatus fuerat, cùm Ducem Holsatico-Gottorpiensem bello est aggressus. Juvat in hoc eruditionis apparatu celeberrimam causam, inter Reges Daniæ & Duces Holsato-Gottorpiensem

pienses, toties in hanc usque diem controversam, breviter attestare: quamvis aliquam illius mentionem jam antè fecerimus.

§. V.

Controversia Regum Daniæ cum Ducibus Holsato-Gottorpiensibus.

109. Slesvici Ducatus, Danici olim Regni Provincia, Regum filiis secundò genitis pro congrua sustentatione sæpiùs assignatus, mortuo Adolpho VIII. Slesvici & Holsatiæ Duce, ad Christianum, primum exigente Oldenburgica Daniæ Regem, Adolphi ex sorore nepotem, hæreditario jure pervenit: qui Holsatiæ etiam Ducatum à Friderico III. Cæsare feudali jure possidendum accepit.

Inter Christiani I. filios res ita transacta est, ut communi jure, societate & autoritate utrumque Ducatum possiderent & administrarent. Eandem unionem cum fratre Adolpho, Domus Holsato-Gottorpiensis parente, renovavit Christianus III. facta tamen ditionum divisione, ita ut aliæ urbes & oppida ad Regem, alia ad Ducem pertinerent, communi tamen consilio & potestate gubernarentur. Tenuitque hæc unio ad medium usque prioris sæculi, quo Fridericus Slesvici & Holsatiæ Dux partes Caroli Gustavi Sueciæ Regis adversus Danum amplexus, anno 1658. in Rotschildensi pace, sublata feudali subjectione, supremo & æquali cum Dano jure portionem suam gubernandum accepit; salva tamen unione.

Dejectus quidem hoc jure anno 1675. à Dano Dux fuerat. At anno 1679. opera Galli & Sueci restitutus.

Nihilominus Danus, ægrè passus, Ducem æquali secum jure Slesvicum regere, solus tributa imperabat, in locis etiam, soli Duci subiectis: negabàtque Duci jus armorum, fœderum, munimentorum, in Ducalibus etiam ditionibus.

At verò Dux publico scripto jus suum asseruit. Slesvicensis ditionis suæ supremo jure se esse dominum, ratione Holsatiæ verò immediatum Imperii Principem, nemini, nisi Imperio & Cæsari subiectum. Tributa non nisi communi utriusque voluntate discernenda ac indicenda, ac deinde æquali portione Regem inter & Ducem dividenda. Unionem esse fœdus æquale reciprocum, quod tamen neutrum alteri subiciat.

Exce-

Excepit contra hæc Rex, replicante Duce. Verùm dum bellum hoc litterarium parùm proficeret, Rex anno 1684. totum Slesvicensem Ducatum armis occupavit; donec per Altonensem tractatum Dux rursus in possessionem suæ portionis, & jus supremæ jurisdictionis, & potestatis independentis est restitutus.

Verùm cum Rex æqualem, Dux superiorem in Ducatu non ferret, mox ea conventio rursus dissiliit. Cum enim Dux, Rege non salutato, nova munimenta moliretur, ac militem externum conscriberet, Rex utrumque vetuit: ea nixus ratione, quòd, cum facta jurium bonorùmque communione atque societate sint *Con-Domini* Ducatus, edicta & mandata utriusque nomine concipienda & emittenda, homagium utrique simul à subditis præstandum: hócque à gemino sæculo usu fuisse observatum. Unionem utriusque Domus toties renovatam exigere, ut omnia communicato consilio fiant.

Reposuit Dux, Rotschildensi & Altonensi tractatu supremam in ditiones suas Slesvicenses jurisdictionem fuisse sibi concessam, cum jure armorum, ac potestate subsidia colligendi à subditis, pangendi fœdera, munimenta possidendi, ac nova extruendi. Quæ omnia fieri possint salva inita communione, quæ nihil aliud sit, quàm fœdus quoddam reciprocum, Domum inter utramque erectum.

Non acquievit Danus; sed quia Duces jam à pluribus annis ad Suecos, frequentes Danorum hostes, studia sua inclinaverant, perpetuam unionem renovari voluit, negavitque jus armorum aliter Duci concessum, quàm ut communi cum Rege consilio & auctoritate exerceretur: prout antiqua Domum inter utramque unio exigeret.

Perrexerit Dux Rege invito munire urbes, plurésque externas copias in ditiones suas adducere. Unde Christianus V. Rex Daniæ anno 1697. munimenta quædam Ducis subruit; quæ cum à Duce rursus fuissent reparata, à Danis iterum solo fuerunt æquata. Jámque Tønningense munimentum tormentis infestare cœperant Dani, cum Angli, Sueci, Batavique Ducis causa suscepta, anno 1700. in pace Travendalica impetrârunt, ut Dux priorem in statum restitueretur, cum pleno ac libero jure armorum, fœderum, ac munitionum.

At mox Duce Friderico IV. partes Suecicas Caroli XII. in bello Livonico & Polonico sequente, Holsata Domus grandes ruinas subiit. Cæsus in acie anno 1702. Dux Fridericus. Filius Dux Carolus Fridericus sub tutela patruï Christiani Adolphi constitutus,

tus, neutrarum partium se primum professus, quietem tantisper obtinuit; at cum, cæso anno 1709. ad Pultavam Sueco exercitu, Danus etiam Suecis bellum indixisset, atque Holsati in munimentum Tönningense Suecos admisissent, Danus Slesvicensem & Holsatum Ducatum eisdem eripuit.

Nullum à Suecis, tot surgentibus undique hostibus, præsidium. Unde juvenis Dux Carolus Fridericus ad Cæsarem conversus, restitutionem suppliciter rogavit Viennæ. Miseratus Imperator tristem Principis extorris sortem, Regem Daniæ monuit, ut eundem restituat. At ille Slesvicensem Ducatum nullo cum Imperio nexu conjunctum, aut felonix jure, si tanquam Daniæ feudum respiciatur, ad se reversionem, aut si jure supremo ac independenti censeatur, belli jure à se occupatum asseruit. Eodem belli jure Holsatiam suæ potestatis factam. Malè actum iri cum externo Rege, si in Principem Imperii, qui absque Cæsaris & Imperii consensu bellum sibi movisset, belli jure uti non posset.

His nequaquam motus Cæsar, Westphalico, & Saxonix Superioris ac Inferioris circulis in mandatis dedit, ut, si ultro non cederent Dani, vi & armis eos submoverent ex ditionibus Germanis Ducis Holsatiæ. Non expectavit hostilem procellam Rex, sed Holsaticas ditiones Duci restituit, nulla ratione se adduci passus, ut Slesvicenses etiam redderet. Neque in pace, Suecos inter & Danos anno 1720. inita, Suecia propriis ruinis fatiscens Holsati rationem habuit. Unde hodieum Daniæ Rex totum Ducatum Slesvicensem possidet, Holsatis eundem frustra reposcentibus.

Cum verò Domus Holsato-Gottorpiensis, paulò antè depressa, & omnibus exuta, ad summum in septentrione potentix fastigium tum nuper jam eversa, tum magis adhuc deinceps sit evehenda, altero Principe, Carolo Petro Ulrico, Petri I. ex filia nepote, ad Russicum thronum, altero, ejus agnato proximo, Adolpho Friderico, ad Suecicum destinato, tempus ostendet, quanam Slesvicum fata sit subiturum: uti etiam mare Balticum, cujus dominium Dani sibi vindicant, utpote cui Daniæ insulæ veluti innatent, clavésque ad illud, munimenta videlicet ad fretum Oresundicum in manu quodammodo teneant. Hinc antiquissimum hoc esse Daniæ patrimonium, ac præcipuum Regni nervum, contra Russos, Livones, Curlandos, aliósque finitimos populos fortiter semper defensum, diviso jam olim fratres inter Danos Roë & Helge terrarum pelagique imperio: ac hodieum constituto maris Præfecto,

fecto, qui piratas & commercii turbatores submoveat, undasque Daniæ vectigales, securas præstet. An hunc ipsūque Daniæ Regem delatas à vicinis mari civitatibus querelas, postulatāque opem, ubi à quoquam commerciorum libertas atque securitas turbata fuerit; ociusque Daniam aut pro auctoritate eandem imperasse, aut classe immissa extorsisse.

ARTICULUS VIII.

Differtatio de Concordatis Germaniæ.

Inter præcipua sæculi XV. Ecclesiastica monumenta sunt *Concordata Germaniæ*, Pontificem inter Nicolaum V. & inclitam Nationem Germanicam circa provisionem Beneficalem & annatas conclusa. De quibus proin meritò uberiores tractationem subjungo.

§. I.

De Beneficiis Ecclesiasticis Reservatis ante Concordata.

Cum certus modus promovendi Clericos ad dignitates, Officia 110.
& Beneficia Ecclesiastica non sit præscriptus jure Divino aut *Variis*
Naturali, sed à jure positivo Ecclesiastico dependeat, sæpius in *modus*
Ecclesia, prout alia plura, ad solam disciplinam spectantia, pro *provisio-*
varia temporum locorumque conditione fuit immutatus. num.

Et quidem prima Ecclesiæ ætate Episcoporum electio suscepta est à clero & populo: sic tamen, ut populus tantum haberet votum *consultivum*, inquirendo in mores, proponendo, commendando, ac testimonium dando.

Crescente autem fidelium multitudine, Clerici excluso populo electiones Prælatorum perficiebant. Postquam verò etiam Clericorum numerus plurimum auctus fuerat, non omnes ad electiones admissi fuerunt; sed Episcopi eligebantur à Metropolitano & Coëpiscopis illius Provinciæ, quæ disciplina diu in Ecclesia vigit.

Imperatores etiam sæpius Regesque christiani in partem veniebant, non quidem jure ordinario Regio, aut potestati regali per se annexo, sed delegato ipsis à Clero: qui ad evitandas discordias, & violentas intrusiones, tanquam Advocatos & Protectores Ecclesiæ rogavit, ut auctoritatem suam interponant, &

Ecclesiæ pro illis circumstantiis providant. Quæ ratione, tum alii Imperatores, tum præsertim Henricus III. rogatus à Clero Romano, tres successivè nominavit Pontifices, ac Romanis præsentavit.

Restituto occidentali Imperio Episcopi & Abbates, præsertim in Germania, catra, urbes, fundos, imò integras provincias sub feudali nexu ab Imperatoribus acceperunt. Unde isti, retento dominio supremo in illas terras, juramentum fidelitatis à Prælatiis tanquam vassallis accipiebant, & Investituram per traditionem annuli & baculi Pastoralis conferebant. Quæ res, cum sub Henrico IV. accedente etiam multifaria simonia, & turpi sacerdotiorum nundinatione, in magnos abusus degenerasset, ingentes turbas excitavit; quæ tamen tempore Henrici V. ea ratione sunt compositæ, quam *part. 3. cap. 5. art. 1. recensuimus.*

Relicta tunc Ecclesiis Prælatorum electio libera, & Episcopo de jure communi collatio inferiorum Beneficiorum; donec Romani Pontifices varia sibi reservârunt. Harum *reservationum* origo ab aliquibus refertur ad sæculum XIII. ac tempora Gregorio IX. posteriora; unde in Decreto Gratiani & quinque libris Decretalium nulla earum mentio: sed in illis permittitur electio Prælatorum Capitulis libera, confirmatio verò electi immediatè superiori, ut confirmatio Episcopi Archiepiscopo, Archiepiscopi Primati &c. (leguntur tamen in his Decretalibus *gratiæ expectativæ*, & *mandata de providendo* alicui in particulari, sæpius missa à sede Apostolica. Unde hæ gratiæ & mandata multò sunt antiquiora reservationibus.

III.
Varia reservationes.

In sexto autem Decretalium, Clementinis, & Extravagantibus frequens occurrit mentio *Reservationum*. Et quidem *cap. licet 2. de præbend. & dignit. in 6.* Clemens IV. qui sub medium sæculum XIII. floruit, Romano Pontifici reservat collationem eorum Beneficiorum, quæ vacant *in curia*, seu *apud sedem Apostolicam*, allegatque antiquam consuetudinem. Ex quo colligitur, quòd, licet antiquius jus scriptum non habeatur, consuetudinem tamen hujus reservationis jam ante sæculum XIII. viguisse: aliàs non posset dici consuetudo antiqua.

Verùm Gregorius X. in Concilio Lugdunensi Clementis, Antecessoris sui Canonem ita moderatus est, ut, si Papa Beneficia in curia vacantia non conferat intra mensem, (à die vacationis computandum) ad collatores ordinarios jus ea conferendi redeat. *cap. statutum 3. de præb. & dign. in 6.*

Bonifa-

Bonifacius VIII. *cap. præfenti* 34. *eod.* extendit dispositionem Clementis; ut nempe etiam eorum Beneficia Papæ sint reservata, qui *non ultra dies dietas* à curia distantes moriuntur. Eadem reservatio innovatur à Clemente V. *Clement. si duobus* 1. *ut litè pend.*

In Extravagantibus communibus *cap. piæ* 1. *de præb. & dign.* eandem reservationem Beneficiorum, vacantium in curia, cum moderatione Greg. X. repetit Bonifacius VIII. decernitque irritum, quicquid secus factum fuerit, scienter vel ignoranter.

In *Extravag. execrabilis* 4. *eod.* Joannes XXII. præter vacantia in curia, atque intra duas dietas, Sedi Apostolicæ reservat Beneficia vacantia per *adeptionem novi Beneficii curati*, vel aliàs incompossibilibus.

In *Extrav. ad regimen* 13. *eod.* Benedictus XII. Joannis successor Sedi Apostolicæ multò plura reservavit, nempe, præter omnia vacantia in loco curiæ usque ad duas dietas, insuper vacantia per *depositionem, privationem, translationem, consecrationis suspensionem, electionis aut postulationis cassationem, renuntiationem*, auctoritate Apostolica factam. Item vacantia per *obitum Cardinalis, Legatorum Apostolicorum, & aliorum Pontificis officialium*. Denique vacantia per *promotionem ad dignitates majores*, Patriarchales, Archiepiscopales, Episcopales, Abbatiales auctoritate Papæ factas, postquam dignitatis talis collatæ pacificam possessionem fuerint adepti.

Cùm autem quidam dicerent, ejusmodi reservationes cum morte Pontificum, qui eas fecerant, expirasse, Paulus II. ut habetur *extrav. ult. eod.* declaravit, omnia Beneficia, à Romanis Pontificibus hætenus reservata, manere *affecta*, ac si Papa manum re ipsa apposuisset, ita, ut pro illa vice, & pro iis circumstantiis eadem nemo alius præter Summum Pontificem possit conferre.

Denique in *Regulis Cancellariæ* posterioribus temporibus multò plura adhuc reservantur Papæ. Nam *reg. 1.* præter ea, quæ in Extravagantibus reservata diximus, reservantur omnia, quæ contra decreta & formam Concilii Tridentini sunt obtenta, e. g. à carente debita ætate, aut aliis qualitatibus.

In 2. omnes Ecclesiæ Patriarchales, Primatiales, Archiepiscopales, Episcopales, & Monasteria, proventu annuo supra ducentos florenos aureos ascendunt. Item Beneficia, quæ vacant sede ordinariorum collatorum vacante.

In 3. prohibetur, ne quis obtento secundo Beneficio, prius

habitu in fraudem reservationis Pontificiæ resignet : aliàs utrumque vacare & reservatum esse.

In 4. Reservantur omnes Dignitates primæ post Pontificalem in Ecclesiis Cathedralibus, & primæ in collegiatis, valorem 10. florenorum auri excedentes. Item Prioratus, Præposituræ, & aliæ Dignitates conventuales (*si sint perpetuæ, & electio non fiat à Religiosis*) ac insuper Beneficia officialium & commensalium Papæ.

In 9. omnia Beneficia, quæ mensibus Januario, Febuario, Aprili, Majo, Julio, Augusto, Octobri, & Novembri incipiunt vacare aliter, quàm per resignationem. Adeoque collatoribus ordinariis, tantum quatuor menses relinquuntur, nempe semper tertius, ut Martius &c.

Reservationes hætenus memoratæ in iis tantum vigent provinciis, in quibus non habentur specialia privilegia, aut *concordata*, uti habentur in Germania: prout mox dicemus.

§. II.

Concordata Germaniæ.

Inclita Natio Germanica ægrè ferebat tot reservationes, jura concursus, jura præventionis, manus appositiones, gratias expectativas, mandata de providendo, annatas. Quare anno 1446. Francofordiæ in Synodo inter Joannem Cardinalem S. Angeli, Eugenii IV. legatum à latere & Imperatorem Fridericum III. ac Status Imperii de moderamine hac in re tractari cœptum.

II2.
A quibus conclusa. Conclusus autem fuit ille tractatus Aschaffenburgi anno 1448. inter eundem Legatum Apostolicum nomine Nicolai V. Eugenii successoris ex una, & Fridericum III. Imperatorem atque Imperium ex altera parte. *Plurimorum sacri Romani Imperii Electorum, aliorumque ejusdem Nationis, tam Ecclesiasticorum, quàm sæcularium Principum consensibus accedentibus, conclusa, laudata, & acceptata sunt concordata; ut habet præmium concordatorum.*

Concordata verò ista Germanica comprehensa sunt in Bulla, ad sacram Petri sedem, Nicolai V. qua illa approbavit: neque enim alia hac de re exstat constitutio, nisi prævia conventio inter Legatum Apostolicum & Nationem Germanicam. In qua tamen conventionem aliud non continetur, quàm in prædicta Bulla Nicolai V.

Qua-

Quatuor autem præcipua capita concordata illa complectuntur: 1. *Reservationes*. 2. *Concessiones Nationi Germanicæ factas*. 3. *Menses alternivos*. 4. *Annatas*.

Atque imprimis *Reservationes* ad quatuor species reduci possunt. Nam Beneficia alia reservantur ratione *personæ*, quæ illa possedit. Alia ratione *modi*, quo vacant, alia ratione *modi*, quo acquiruntur, alia ratione *ipsius Beneficii* aut Dignitatis.

Ratione Personæ, quæ prius possedit, Papæ reservantur 1. Dignitates & Beneficia, quæ vacant per obitum *Cardinalis*, ubicunque moriatur. Hinc si decedat Episcopus, qui est Cardinalis, Capitulum non potest successorem eligere, nisi speciale indultum à Papâ obtinuerit. 113. *Reservata ratione personæ.*

2. Quæ vacant per obitum aliquorum officialium curiæ Romanæ, ut Vice-Cancellarii, Camerarii, Auditorum Palatii Apostolici, septem Notariorum, Correctorum, centum & unius scriptorum litterarum Apostolicarum, viginti quinque Abbreviatorum, nec non *verorum* Commensalium, ut Auditorum Rotæ &c. 25. Capellanorum: ac etiam quorumcunque Legatorum, seu Collectorum fructuum & proventuum Cameræ Apostolicæ, Thesaurariorum deputatorum &c. Ubicunque eos obire contigerit. Nam Beneficia omnia, per horum obitum vacantia reservantur Papæ.

Ratione modi, quo vacant, reservantur Pontifici 1. quæ vacant in curia, seu apud Sedem Apostolicam, vel in loco, non ultra duas dietas à Pontifice aut ejus curia seu cancellaria distante. Si igitur Prælati aut quiscunque Beneficiatus pergens Romam, aut ab ea recedens, moriatur in loco, non ultra duas dietas, (seu duos circiter dies, novem videlicet aut decem miliaria Germanica) à Roma distante, ubique nullum domicilium proprium habeat, omnia illius Beneficia, etiam alibi habita, Papæ sunt reservata. 114. *Ratione modi, quo vacant.*

2. Reservantur Papæ Dignitates, Canonicatus, & Beneficia eorum, qui Authoritate Apostolica (sive per collationem, sive per confirmationem, aut institutionem) *promoti sunt* ad Patriarchatum, Archiepiscopatum, Episcopatum, aut Regimen Monasterii. Nam horum Beneficia, prius habita, per ejusmodi promotionem vacant; pertinetque eorum collatio ad Papam. Idem dicendum de Beneficiis eorum, qui per litteras Apostolicas *immediate promoti sunt* ad dignitatem, Prioratum, personatum, aut

aliud quodcunque Beneficium incompatible: nam etiam horum Beneficia, prius habita (si sint cum noviter obtento incompatibilia) vacant, & reservantur dispositioni Pontificiæ (excipitur tamen casus, quo virtute gratiæ expectativæ fieret affectio novi Beneficii.)

3. Reservantur Papæ vacantia per *depositionem*, *privationem*, aut *translationem* Episcopi aut Beneficiati ad aliam Ecclesiam: si illa depositio, privatio, aut translatio sit facta auctoritate Sedis Apostolicæ. Idem dicendum de vacantibus per *Resignationem*, factam in manibus Papæ: licet acceptata fuerit resignatio per procuratorem. Nam Beneficium sic resignatum jam est *affectum*, adeoque reservatum.

II5.
Ratione
modi ac-
quirendi.

Ratione modi, quo acquiruntur, reservantur Summo Pontifici jure devolutionis

1. Ecclesiæ Archiepiscopales, Episcopales, & Regulares exemptæ, si illi, penes quos erat electio, intra *præscriptum tempus* (quod regulariter est trium mensium) electionem non perfecerint, aut perfectam debito tempore non præsentaverint confirmandam à Sede Apostolica: aut si electio & præsentatio debito quidem tempore fuerit celebrata, sed non sit canonica.

2. Reservantur eadem Ecclesiæ, uti etiam aliæ dignitates, Officia, & Beneficia quæcunque, sive sæcularia, sive Regularia, si electio fuerit *cassata*, vel *postulatio repulsa* à Sede Apostolica. Nam tunc pro illa vice provisio spectat ad Papam.

II6.
Ratione
qualitatis.

Ratione qualitatis ipsius Dignitatis aut Beneficii, Papa sibi reservat

1. *Confirmationem* canonicè electi Archiepiscopi, Episcopi, & Prælati Monasterii exempti, cum potestate tamen, ex rationabili & evidenti causa, atque ex consilio Cardinalium, de digniore & utiliore persona providendi.

2. In quavis Ecclesia cathedrali dispositioni suæ reservat, dignitatem proximam Episcopali, & in quavis Ecclesia collegiata præcipuam, sive deinde Præpositura sit dignior, ut in Germania, sive Decanatus, ut in Gallia. Et hinc in Germania omnes Præposituras confert Papa, nisi aliquæ privilegio Apostolico, aut speciali jure sint exemptæ. Et hæc quidem de Reservationibus in Concordatis statuta sunt.

II7.
Quid Pa-
pa conce-
dat.

Contrà verò quoad alterum caput concordatorum, concedit Pontifex Capitulis.

1. Electionem liberam ac canonicam Archiepiscoporum, Episcoporum.

scoporum, & Prælatorum Regularium (*nempe juxta cap. quia propter* 42 & *cap. cum expedit* 29. *de elect. in 6.*) cum obligatione tamen, ut memini, confirmationem petendi à Papa, licet Episcopi electi tantum mediata sint ipsi subiecti.

Ex quo habetur, partim observatum fuisse jus commune; quatenus scilicet permixta est capitulis electio suorum Præsulum in Ecclesiis cathedralibus ac Monasteriis, prout in Decretalibus Gregorii IX. *tit. de Electione* &c. permittitur. Partim verò à jure communi fuisse recessum; quatenus nempe confirmatio, quæ aliàs ad immediatè Superiorem, ut Archiepiscopum &c. spectabat, omnibus Episcopis immediatè à Summo Pontifice est petenda.

2. Quoad Prælatos Regulares, non exemptos, seu Apostolicæ Sedi *non immediatè* subiectos, concedit Papa non tantum liberam potestatem eos eligendi, sed etiam confirmandi iis, ad quos aliàs de jure vel consuetudine pertinet. Idem dicendum de aliis Beneficiis Regularibus, super quibus pro confirmatione vel provisione ad curiam Romanam non consuevit habet recursus.

3. Regularia Beneficia sub *Expectativis Gratiis* non cadant.

4. De Monasteriis Monialium non disponet Papa, nisi sint exempta; & tunc per commissionem ad partes.

Quoad *tertium caput circa collationem alternativam*, cum antea per Regulas Cancellariæ quatuor tantum menses relictis fuissent ordinariis collatoribus, per concordata iis concessi sunt sex, videlicet Februarius, Aprilis, Junius, Augustus, October, December. Unde hi dicuntur *menses ordinarii*, (nempe collatoris ordinarii, ad quem de jure vel consuetudine provisio aliàs pertinet) si igitur his mensibus Beneficium quodcumque incipiat vacare, Ordinarius providebit, ad quem collatio, præsentatio, electio, aut alia quæcumque dispositio, præscindendo à reservationibus, spectabat. Promittitque Pontifex, *quod per nullam reservationem, gratiam expectativam, aut quamvis aliam dispositionem, hanc provisionem impedire velit.*

Sibi verò Papa reservat sex reliquos menses, puta, Januarium, Martium, Majum, Julium, Septembrem, Novembrem. Qui propterea *Menses Papales* aut menses *Apostolici* appellantur: quia scilicet de Beneficiis, his mensibus vacare incipientibus, Papa providet. *Si autem non apparuerit infra tres menses, à die notæ vacationis in loco Beneficii, quod alicui de illo Apostolica Auctoritate provisum fuerit, ex tunc, & non antea, Ordinarius, vel alius, ad quem ejus dispositio pertinebit, de illo liberè disponere poterit.* Durabitque deinceps hæc collationis

per

118. per alternos menses ordinatio, nisi in futuro concilio de consensu Germanicæ Nationis aliter fuerit ordinatum.

Denique quartum caput concordatorum continet dispositionem circa solvendas Annatas. De his ordinandis ac temperandis Pontifex cum consensu Nationis Germanicæ sic status: *De Ecclesiis cathedralibus omnibus, & Monasteriis, virorum duntaxat, vacantibus & vacaturis, solvantur de fructibus primi anni, à die vacationis, summæ pecuniarum, in Camera Apostolica taxatæ, quæ communia servitia nuncupantur: & si quæ excessivè taxatæ fuerint, relaxentur: & provideatur specialiter in gravatis regionibus secundum qualitatem rerum, temporum, & regionum, ne nimium prægraventur; ad quod petentibus dabimus commissarios in partibus, qui diligenter inquirent, & retaxent.*

Taxæ autem prædictæ pro media parte infra annum à die habitæ possessionis pacificæ totius vel majoris partis, solvantur, & pro altera media parte infra annum sequentem: & si infra annum bis vel pluries vacaverint, semel tantum solvatur: nec debitum hujusmodi in successorem in Ecclesia vel Monasterio transeat.

De cæteris verò dignitatibus, personatibus, officiis, & Beneficiis secularibus & Regularibus quibuscunque, quæ auctoritate Apostolica conferuntur, vel de quibus providebitur (excipiuntur illa, quæ vigore gratiæ expectativæ, aut causa permutationis conferuntur) solvantur annatæ, seu medii fructus juxta taxam solitam à tempore possessionis intra annum: & debitum hujusmodi similiter in successorem non transeat. Sed de Beneficiis, quæ valorem 24. florenorum auri de Camera non excedunt, nihil solvatur. Durétque hæc observantia deinceps, nisi eam similiter in futuro concilio de ipsius Nationis consensu contingat immutari.

Hæc jam est summa Concordatorum Germaniæ. Concluditque Pontifex, irritum & inane fore, si secus super his à quoquam quavis auctoritate scienter vel ignoranter contigerit attentari.

§. III.

Observationes in Concordata Germaniæ de Reservationibus.

Quæritur I. *An præter reservationes Pontificias, in concordatis contentas, nullæ aliæ in Germania locum habeant?* Ratio dubitandi est, quia post confecta ista concordata per Regulas Cancellariæ (quæ à diversis Pontificibus fuerunt successivè auctæ) varia adhuc fuerunt reservata, absolutè & sine limitatione. Deinde posteriores Pontifices per varias Bullas varia sibi reservârunt Beneficia, ratione
modi

modi vacationis. Sic Pius V. reservavit vacantia propter hæresin, & simoniam confidentialem, item parochias, non collatas secundum formam Tridentini (*f. 24. c. 12. de ref.*) Beneficia resignata, quorum resignatio non fuit publicata in Ecclesia Beneficii, & in cathedrali præsentè populo, prout statuit Gregorius XIII. Alexander IV. reservavit Beneficia illorum, qui offendunt aut lædunt litigantes in curia Romana, eorúmque advocatos, iudices, & testes &c. Nihilominus

Respondetur, in Germania nulla alia Beneficia esse reservata, 119. nisi quæ continentur in concordatis. Quia Nicolaus V. in illis *Nulla alia promittit*, quòd in mensibus ordinariorum nolit impedire liberam *reservata.* collationem, *per quamcunque aliam reservationem, gratiam expectativam, aut quamvis aliam dispositionem, sub quacunque verborum forma factam, aut faciendam.* Additque eam conventionem cum Natione Germanica duraturam, usque dum in futuro concilio de ejusdem Nationis consensu aliter fuerit ordinatum. Atqui in nullo hætenus concilio aliter fuit ordinatum.

Et licèt Papa concordatis absolutè derogare posset, non tamen solet, nec censeretur iisdem derogare velle, nisi clarè id exprimeret: quod in Bullis memoratis non est factum.

Neque opponas, propter crimen hæresis, aliáque, ipso jure Pontificio induci privationem Beneficii. Cùm ergo in concordatis reserventur, quorum privatio autoritate Pontificia est facta, videri reservata omnia, vacantia per privationem ob crimen ipso jure inductam.

Nam hoc argumentum probaret nimium: quòd scilicet reservata essent omnia, quorum privatio statuta est jure Ecclesiastico, ut incurratur ipso jure; e.g. reservata essent, quæ vacant per confessionem religiosam, per initum matrimonium, per affecutionem alterius incompatibilis &c. nam horum privatio decreta est ab ipso jure.

Igitur, ut privatio Beneficii inducat reservationem, non sufficit, privationem à jure Pontificio esse statutam, sed debet à *sententia*, *saltem declaratoria*, Pontificis induci. Quare, si Ordinarius ferat sententiam declaratoriam criminis, ipso jure inducentis privationem Beneficii, non censetur privatio, in sensu concordatorum, autoritate Pontificia esse facta, adeoque tunc Beneficium, per talem privationem vacans, non est reservatum, sed ab Ordinario conferri potest. Illius enim auctoritate censetur facta esse privatio, qui primus tulerit sententiam declaratoriam inductæ à

jure privationis. (ita *J. J. man, Reinf, Ringel, Weiss, Wiest, Schmaizgr. Picbler, contra Cbeckier, Branden &c.*)

120.
*Vacantia
ok promo-
tionem.*

Quæritur 2. *An semper vacent, & sint reservata Beneficia prius habita, quando quis Apostolica Auctoritate promovetur ad Episcopatum, dignitatem, aut aliud Beneficium?*

Respondetur. Excipi solent plures casus. 1. Si quis promoveatur ad Episcopatum tantum Titularem in partibus infidelium; qualem in Germania obtinent suffraganei seu vicarii Episcoporum in Pontificalibus. Nam horum Beneficia per adeptionem ejusmodi Episcopatus Titularis, cujus possessionem fructiferam non assequuntur, non vacant.

2. Quia Episcopatus, *Gurcensis, Seccoviensis, Chiemsensis, & Lavantinus*, non conferuntur immediate auctoritate Pontificia, ne quidem per confirmationem, sed ex speciali indulto Sedis Apostolicæ ab Archiepiscopo Salisburgenfi, eorum Beneficia prius habita non sunt reservata Papæ.

3. Excipiuntur in ipsis concordatis Beneficia, quæ vacant per adeptionem dignitatis aut Beneficii, virtute gratiæ expectativæ à Papa obtenti; nam Beneficia sic vacantia non sunt reservata, sed provisio pertinet ad ordinarium collatorem.

4. Neque sunt reservata, quæ vacant per adeptionem Beneficii, virtute *Primarum Precum* obtenti. Nam licet jus *Primarum Precum* fundetur in concessione Pontificia, tamen Beneficia, per eos obtenta non conferuntur immediate auctoritate litterarum Apostolicarum.

121.
*Præpositu-
ta.*

Quæritur 3. *Quanam Præposituræ in Germania sint reservatæ?* Respondetur: Omnes, quæ non specialiter sunt exemptæ; nam in concordatis generaliter reservantur dignitates in cathedralibus Ecclesiis primæ post Pontificalem, & in collegiatis omnes principales seu primæ.

Excipiunt tamen 1. Præposituras omnes *Diœcesis Leodiensis*. Quia hæc ob specialia concordata, cum Eugenio IV. inita, & ab Urbano VIII. postea confirmata, sunt electivæ. 2. *Præposituras Bavarie* extra civitates Episcopales existentes: quæ ex speciali privilegio conferuntur ad nominationem Electoris. 3. Præposituram Ecclesiæ cathedralis *Augustanæ*, ad quam ex privilegio Alexandri VI. eligit Capitulum. 4. *Monasteriensem* ex privilegio Pauli V. 5. *Elvacensem*, quæ indulgente Sede Apostolica mansit electiva. Electus tamen confirmari debet à Pontifice.

Quæritur 4. *An sint reservata illa Beneficia, quæ per confirmationem*

nem vel aliam provisionem Pontificiam promoti ad Episcopatum retinent ex dispensatione Papæ?

Respondetur. Barbosa, Simonetta, P. Schmalzgr. putant, ea 122.
esse reservata, ita, ut, quodcumque postea vacaverint, ad colla- Retenta
tionem Sedis Apostolicæ pertineant. Allegantque in hanc rem ex dispen-
praxin Curiae Romanæ. Verum abstrahendo ab hac praxi, ac si satione.
istendo in theoria, probabilius censent Leurenus, Engel, Wiest-
ner, Wex, ejusmodi Beneficia non esse reservata. Ratio eorum
est: quia in concordatis, *s. placet nobis*, videtur dici, quod Bene-
ficia per promotionem ad Episcopatum vacantia sint reservata. Talia
autem Beneficia non vacant per promotionem (quia ex dispensatione
Sedis Apostolicæ Episcopus ea retinere pergit) sed postea primum
vacant per mortem Episcopi. Adeoque non videntur in concordatis
esse reservata, aut affecta.

Difficultatem tamen movent hæc verba concordatorum: *Quæ*
(Beneficia) promoti obtinebant tempore promotionum, nunc quocumque modo
vacantia, & in posterum vacatura, reservantur. Ubi planè dici vide-
tur, quod talia Beneficia, per dispensationem retenta, etiam per
mortem postea vacatura, sint reservata.

Respondet tamen P. Engel de præbend. &c. n. 16. subintelli-
gendum esse, si sint vacatura vi promotionis, vacantia autem per
mortem non vacare vi promotionis.

Quæritur 5. *An Electus in Episcopum, Decanatum, aut Canonica-* 123.
tum, quem habuit, resignare possit in manibus Capituli, & hoc illum conferre? Resignatio

Respondetur. *Electus in Episcopum, si necdum sit confirmatus, Decana-*
probabiliter resignare potest Decanatum, aut Canonikatuum in ma- tus.
nibus Capituli, hocque illum conferre. Non tamen, si jam sit con-
firmatus.

Priorem partem amplectuntur Laymannus, Weissius, Engel,
Wiestner, Schmalzgrueber &c. contra Chokierum, Canonicum
Leodiensem, & alios quosdam. Ratio est: quia per promotionem
ad Episcopatum Beneficia, prius habita, fiunt reservata: electio
autem nondum est promotio, sed inchoatio tantum promotionis:
adeoque per illam Beneficia necdum fiunt reservata.

Certè Electio, per Canonicos suscepta, non est promotio au-
thoritate Sedis Apostolicæ facta. Ut autem promotio inducat re-
servationem, requiritur juxta concordata, ut promotio sit facta
auctoritate Sedis Apostolicæ.

Neque talis resignans agit in fraudem alicujus legis; cum uta-
tur jure suo: præsertim cum reservationes, utpote derogantes juri

communi antiquiori, sint strictæ interpretationis, adeoque ultra verba concordatorum non extendendæ.

Altera pars, quod scilicet jam *confirmatus* Episcopus (licet necdum sit consecratus, nec adeptus pacificam & fructuosam possessionem Episcopatus) Beneficia, prius habita, non possit amplius resignare in manus Capituli, est multò communior; videturque satis clarè expressa in concordatis: in quibus Pontifici reservantur Beneficia, quæ *promoti* ad Archiepiscopatum, aut Episcopatum tempore promotionis obtinent. Atqui electus per confirmationem fit promotus.

Neque dicas, ad hoc, ut Beneficium fiat vacans & reservatum, requiri præter confirmationem insuper juxta concordata, ut sit acquisita pacifica & fructuosa possessio Episcopatus.

Nam hanc concordata tantum requirunt, ubi, §. *placet nobis*, in fine sermo est de vacantibus per ascensionem *inferiorum* Dignitatum & Beneficiorum: non autem, ubi paulò superius sermo fuit de vacantibus per ascensionem *Episcopatus*, & aliarum superiorum Dignitatum. Ibi enim ad hoc, ut vacent, & sint reservata Beneficia, prius habita, tantum requiritur, ut sit *promotus*, (quod fit per confirmationem) non verò, ut pacificam & fructuosam possessionem jam sit adeptus.

Neque est paritas cum Episcopis titularibus. Horum enim Beneficia non vacant, quia sperare non possunt possessionem sui Episcopatus. Adeoque ex Beneficiis suis sustentari debent. Aliud est de Episcopis, qui mox possessionem Episcopatus sperare possunt. Horum enim Beneficia *quoad titulum* per confirmationem vacant, licet possessio eorum fructifera ipsis relinquatur, usque dum Episcopatus fructiferam possessionem fuerint adepti.

§. IV.

Observationes de Collatione Alternativa.

124. **Q**uæritur 1. *Quenam Beneficia sint subiecta collationi alternativæ?*
Quanam Respondetur: Omnia Beneficia *proprie & strictè dicta* (si non
alte nati- sint excepta, aut jam aliunde Pontifici reservata) etiam pro casu, quo
ve subja- fundator Beneficii statueret, ut à solo Ordinario semper confere-
seant. tur. Non enim potest aliter fundare, nisi prout publica jura Ec-
 clestastica & concordata exigunt.

Dixi autem: *Omnia Beneficia, propriè & stricte dicta.* Hinc Beneficia *manualia*, *Vicariæ temporales*, *Commendæ*, *Pensiones*, *Coadjutoria*, *Praelaturæ*, & *Prioratus* Ordinum mendicantium, *Vicariatus Generalis*, officium *custodis*; item *Capellaniæ*, absque autoritate superioris Ecclesiastici erectæ, non subjacent alternativæ; quia non sunt propriè & stricte Beneficia (quando non dantur in titulum perpetuum propter officium spirituale.)

Sic pariter alternæ collationi Pontificiæ non subjacent, quæ propriè nunquam vacant, ut Beneficia *accessorie* unita alteri Beneficio, Dignitati, mensæ Episcopali, Abbatiali, Capitulari (quia per unionem extinguuntur) uti etiam Beneficia *Ecclesiæ non numeratæ*, seu non habentis certum numerum Beneficiorum, quæ proin non necessariò debeant suppleri: nam neque tunc propriè vacant.

Neque alternativæ subjacent Dignitates Episcopales & Abbatiales; cum relinquuntur canonicæ Electioni Capitulorum. Neque Præposituræ; cum sint perpetuò reservatæ Pontifici. Contra alternativæ subsunt reliquæ dignitates, ut Decanatus (ubi non est prima dignitas post Episcopalem) Archidiaconatus, Scholasteria &c. (nisi aliud habeat consuetudo, vi cujus teste Van-Espen, Capitula passim eligunt Decanum, quocunque mense vacaverit.)

Subeunt etiam alternativam per se loquendo Beneficia *Parochialia* aliæque curata, etiamsi sint *monocularia*, aut *patrimonialia*: exceptis tamen iis, quæ sunt Juris Patronatus laicalis. Excipiuntur etiam *Vicariæ perpetuæ*, quibus providet Parochus.

Quæritur 2. *An alternativæ sint obnoxia Beneficia Patronata?* 125.
Respondetur. Si sint Juris Patronatus Ecclesiastici, omnino ca- *An Patrona-*
dunt sub alternativam; uti etiam, si Jus Patronatus laico competat *nata.*
ex privilegio Pontificio, aut ex præscriptione.

Si autem laico competat Jus Patronatus propter *foundationem*, *constructionem*, aut *dotationem*, non sunt obnoxia alternativæ. Nam licet concordata ista Beneficia specialiter non excipiant, non tamen censetur derogare juri laicorum, specialiter ipsis aliunde à sacris Canonibus concessio; tum ut Ecclesia gratitudinem ipsis exhibeat, tum ut eos ad ulteriorem liberalitatem excitet. Nam ut huic juri derogari censendum esset, deberet specialiter derogatio exprimi, ut communiter tenent DD. in concordatis autem nulla specialis fit mentio hujus Patronatus laici, aut derogationis.

Proceditque hoc probabilius etiam, quando Beneficium est

Patronatus mixti, seu partim Ecclesiastici partim laicalis. Quia æquum non videtur, ut laicus jus suum perdat propter societatem cum Clerico: sed potius privilegiatus trahit socium non privilegiatum.

126.
An resignata.

Quæritur 3. *An alternativæ subjaceant Beneficia, quæ vacant per resignationem?*

Respondetur. Si in manibus Papæ sint resignata, prout contingit in resignatis *in favorem*, aut *sub conditione onerosa*, Pontifici sunt reservata; consequenter non subjacent alternativæ: sed quocunque mense sic vacant, conferuntur à Papa.

Si autem resignatio fiat *ex causa permutationis*, aut sit omnino *pura & simplex*, in manibus Episcopi facta, tunc Beneficia per talem resignationem vacantia probabilius non sunt subiecta collationi alternativæ, sed eorum provisio semper pertinet ad collatorem ordinarium, nisi aliunde in concordatis fuerint reservata.

Nam licet in concordatis Pontifex terminis generalibus (*de cæteris verò dignitatibus & Beneficiis quibuscunque secularibus & Regularibus vacaturis*) alternis mensibus vacantia sibi reservet; tamen, cum Episcopi aliarum Nationum, secundum Regulam IX. Cancellariæ, Beneficia, ex resignatione simplici vacantia, quovis mense conferre possint, idem etiam Episcopis Germaniæ concessum censeretur debet. Cum Pontifex per concordata Germaniæ noluerit conditionem Episcoporum Germaniæ duriorē, aut deteriorem facere, sed meliorem, cum in favorem, Germanicæ Nationis, magisque ad juris communis normam sint sancita.

§. V.

Observationes circa tempus collationis alternativæ.

127.
Anis mensis.

Observ. 1. Mensis alternativus finitur ad pulsus horæ 12. nocturnæ ultimæ diei: ut adeò si Beneficiatus obeat ultima die Januarii ante horam 12. auditam aut indicatam per fidele horologium, provisio adhuc pertineat ad Papam. Si verò post horam 12. moriatur, ad Ordinarium; quia tunc jam cœpit mensis Ordinarii, nempe Februarius; & sic de reliquis mensibus.

Sed quid, si dubium sit, an Beneficiatus ante horam 12. ultimæ diei obierit, an verò post illam, si e. g. altera die in lecto inveniatur jam mortuus? ad quem tunc pertinet provisio? Respondetur: si dubium in utramque partem sit æquale, probabilius

litus pertinet ad Ordinarium. Ratio est: quia Episcopus habet intentionem suam fundatam in Jure, juxta quod provisio omnium Beneficiorum suæ Diœcesis ad ipsum spectat. Igitur reservatio, tanquam juri communi derogatoria, adeoque odiosa, probari debet. Atqui non probatur, si non constet, an in mense Papali mors conuergerit, adeoque tunc manet Ordinarius in possessione juris providendi.

Idem consequenter dicendum, pro casu, quo Beneficium sic vacans uterque (Papa videlicet & Ordinarius) contulit, & non constet, quis alterum prævenit.

Imò Garcias, Palaus, Nicolarts, Leurenus, Pirhing, Wiestner, Schmalzgrueber, Pichler, propter eandem rationem existimant, etiam pro casu, quo Papa Ordinarium jam prævenisset conferendo Beneficium, provisionem Ordinarii, licet posteriorem tempore, esse præferendam, donec provisos à Papa reservationem probet. Quia scilicet præsumptio Juris pro Ordinario militat. Igitur possessor à Papa provisos probare debet titulum reservationis.

Aliud esset, si Papa non jure reservationis, sed *jure præventionis* contulisset Beneficium; tunc enim in dubio, quis alterum prævenit, provisos à Papa, propter auctoritatis prærogativam, esset præferendus. *Arg. c. si à sede 31. de præbend. &c. in 6.* Non solet tamen Pontifex in his casibus pro Germania uti jure præventionis, propter concordata.

Observ. 2. Licet quis mense Papali decesserit, si tamen non apparuerit intra tres menses, à die notæ vacationis in loco Beneficii, quod alicui de illo Apostolica auctoritate provisum fuerit, juxta concordata Ordinarium de illo posse disponere. 128.
Trimestre
collatio-
nis-

Hæc autem verba ex declaratione Gregorii XIII. in Bulla quæ in Ecclesiarum &c. non ita intelligenda sunt, ut à Papa provisos intra trimestre in loco Beneficii apparere debeat; sed sufficit, si intra tres menses à die notificatæ in loco Beneficii vacationis, apparuerit Romæ, vel ubicunque, quod alicui à Papa intra trimestre fuerit provisum; licet in loco Beneficii, aut apud Ordinarium, de facta provisione necdum constet.

Poterit igitur Ordinarius, quando tres menses à die notæ in loco Beneficii vacationis sunt elapsi, & ipsi necdum constet, an Romæ alicui fuerit provisum, Beneficium conferre, sed conditionatè tantùm, sub conditione videlicet. *si ante elapsum trimestris Romæ non fuerit alteri provisum.* Unde Ordinarius non debet adhuc provi-

provisum in possessionem Beneficii mittere, donec constet, ante elapsos tres menses Romæ non fuisse tactam provisionem.

Si tamen provifus à Papa suam provisionem intra tres menses, à die notæ vacationis in loco Beneficii, *ex culpa sua* neglexerit intimare ordinario collatori, vel in loco Beneficii publicare, pœna arbitraria est plectendus; tanto majore, quò diutius eam publicationem distulerit: ita quidem, ut post 9. menses etiam ad privationem Beneficii deveniri possit.

Cæterùm trimestre Pontifici competens, non inchoatur ipsa die, qua innotescit vacatio Beneficii, sed primùm die sequente. (à die notæ vacationis) Numeranturque deinde menses, prout in calendario ponuntur, sive plures, sive pauciores dies contineant. Unde si 15. Januarii nota fieret vacatio, & 15. Aprilis necdum esset provifum; aut si ultima Januarii innotesceret vacatio, & ultima Aprilis necdum Romæ facta fuisset provifio, jus providendi ad Ordinarium rediret: qui deinde sex menses haberet ad conferendum Beneficium; quia Jus commune pro conferendis Beneficiis, quæ sunt infra Episcopatum & Præfecturam Regularem, collatoribus ordinariis semestri concedit: in concordatis autem hoc tempus collatoribus, Papa inferioribus, non est restrictum.

129.
Quid, si
collatio
invalida.

Observ. 3. Collationem redire probabiliter ad Ordinarium, licet Papa intra trimestre faciat provisionem, quæ tamen sit *invalida*, e. g. propter inhabilitatem personæ, aut propter vitium sub vel obreptionis. Neque enim Papæ tunc novum trimestre, aut novam moram concordata concedunt; sed simpliciter dicunt, si intra trimestre provifio non sit facta, Ordinarium posse providere. Atqui non est in hoc casu à Pontifice facta provifio: idem enim hîc esse videtur, *invalidam* provisionem esse factam, &, *nullam* esse factam. Et licet Papa videatur manum apposuisse, tamen non censetur concordatis velle præjudicare.

130.
Quid, sede
vacante.

Observ. 4. Sede Apostolica vacante posse Ordinarium conferre illa etiam Beneficia *curata*, quæ mense Papali cœperunt vacare: sive deinde mors Beneficiati contigerit sede Apostolica vacante, sive vivente Pontifice, qui tamen obiit, antequam provideret.

Probatur arg. c. si Apostolica 35. de præbend. in 6. ubi Bonifacius VIII. decernit, de Parochialibus Ecclesiis *apud curiam* vacantibus, dum Sedes Apostolica vacat, posse ordinarios collatores disponere. Idem decernit de illis, quæ Papa adhuc vivente apud curiam vacant, si de iis ante mortem non ordinaverit. Additque rationem: *Ne ipsarum vasatio diutina periculum valeat animabus afferre.*

afferre. Ergo propter eandem etiam rationem, quæ in concordatis statuuntur de reservationibus Beneficiorum curatorum, non sunt extendenda ad casum Sedis Apostolicæ vacantis.

Imò probabilius etiam Beneficia *simplicia* Sede Apostolica vacante conferre possunt Ordinarii, licet mense Papali vacare cœperint. Nam aliarum Nationum Ordinarii indistinctè conferre possunt Beneficia, quæ Sede Apostolica vacante vacant (per regulas enim Cancellariæ illis pro hoc casu nihil fuit reservatum) ergo neque Ordinariis Germaniæ per concordata: cum utique Pontifex eorum conditionem non velit esse duriores, sed potius velit, ut concordata tendant in eorum favorem, atque Nationi Germanicæ sint *utilia & salubria*; ut Nicolaus V. in Bulla confirmationis ait.

Conf. ex una parte Pontifex concordata vult esse favorabilia Germaniæ, utilia & salubria, reducuntque Beneficiorum provisiones magis ad jus commune. Ex altera parte concordata nihil expressè statuunt pro casu Sedis Apostolicæ vacantis. Ergo pro eo casu reservatio adstrui non debet: possuntque, quæ in concordatis de reservationibus dicuntur, intelligi de tempore, quo existit aliquis summus Pontifex. Ne concessa in favorem Episcoporum Germaniæ in eorum odium detorqueri videantur.

Ex eadem ratione inferunt DD. etiam, quodd, si Papa Beneficium *in curia* vacans intra mensem non contulerit, posse Ordinarium illud conferre, neque expectare debeat lapsum trium mensium. Concordata enim tantum in conferendis Beneficiis, alternativæ subjectis, Pontifici assignant trimestre, non autem in conferendis *vacantibus in curia*. Sed quoad ista standum est Juri communi, quoad *c. statutum 3. de præbend. & dign. in 6.* Ordinario dat potestatem de illis providendi, si Pontifex intra mensem non providerit.

Neque est paritas inter Beneficia vacantia Romæ, & vacantia in Germania. Nam illa Pontifex intra mensem multò facilius potest conferre, quàm ista. Potuit igitur prudenter tres menses requirere pro vacantibus in Germania, & unum tantum mensem pro vacantibus in sua curia, utpote quorum vacatio brevissimo tempore fit nota Pontifici.

§. VI.

Quinam obligentur concordatis Germaniæ ;
& quomodo ?

131. **C**oncordata non tantum habent rationem legis & sanctionis pragmaticæ, à summo Pontifice cum consensu Nationis Germanicæ circa provisiones Beneficiales latæ, sed etiam rationem pacti & contractus reciproci, quo partes contrahentes obligantur, Papa videlicet & Natio Germanica: hoc est illi, qui eo tempore, quo erecta fuerant concordata, verè erant *Germani*, seu *Alemanni* (quibus nominibus idem intelligi vult Nicolaus Pontifex) non verò ii, qui ad Imperium quidem pertinerent, atque ab eo feuda accipiunt, nomine tamen Germanorum non veniunt; quales sunt Itali complures; nec ii, qui erant quidem Germani, à Germanico tamen Imperio concordatorum tempore fuerant separati. Quos inter Belgæ referuntur. Quorum tamen aliquæ Ecclesiæ, ut Cameracensis, Nivellensis, Thenensis, uti etiam Metensis & Virodunensis in Lotharingia, concordata ultro acceptârunt.

Ubi hoc observo: siquæ Germanicæ Nationis Ecclesiæ concordata non acceptâssent, eas, quoad mensium alternativam, non fore obstrictas. Nam Nicolaus V. videtur liberum reliquisse, an ea quoad mensium alternativam velint acceptare; dum *§ de cæteris* in fine addit: ut hæc ordinario possit per dictam Nationem (Germanicam) publicari, & omnes, qui ea gaudere voluerint, tempus congruum habeant, eam acceptandi.

Quia tamen, Brandeno, Canonico Augustano, teste (*super concord. Germ. q. 3. n. 5.*) concordata custodita & observata fuerunt ab omnibus Germaniæ Ecclesiis, ab omnibus acceptata fuisse credendum est. Quamvis enim initio, dum de concordatis cum Nuntio Apostolico agebatur, complures Germani se opposuerint, postea tamen, cum à Nicolao fuissent confirmata, usu ipso & praxi illa acceptârunt. Quia aliàs in Regulas cancellariæ &c. Sedi Apostolicæ multò magis favorabiles, & Ecclesiis duriores, fuissent recasuri. Quare ab omnibus Germanis, Imperio subjectis, observanda sunt, tanquam leges & pacta: (nisi aliquæ Ecclesiæ speciali privilegio aut jure sint exemptæ) quale privilegium habere dicuntur Ecclesiæ Leodiensis, Herbipolensis, Bambergensis, & aliæ quædam quoad aliqua puncta concordatorum.

Unde sequitur Germaniæ Ecclesias non posse (scienter ac licet) se à concordatis eximere, aut iis derogare, sed tanquam leges

Leges Ecclesiasticas, à summo Pontifice erga subditos latas, & ab his acceptatas, uti etiam tanquam pacta, jure naturali obligantia, inviolatè esse observanda.

Major quæstio est, an non saltem Papa concordatis contravenire & derogare possit? Ratio dubitandi esse videtur. Quia *An Papa summum etiam Principem leges suas observare postulat naturalis æquitas: cum quisque id juris, quod in alterum statuit, ipsemet etiam servare debeat: Et digna sit vox majestate regnantis, legibus se obligatum Principem profiteri, & majus Imperio submittere legibus Principatum, l. 4. c. de LL.* 132.
possit de-
rogare.

Adhæc pacta & contractus summos etiam Principes ligant, cum juris naturalis scitum sit, fidem datam esse servandam. At concordata sunt vera pacta, & quidem publica, mutuo consensu inita, promittitque in iis disertè Pontifex, *se per quamvis dispositionem, sub quacunque verborum forma factam, aut faciendam, non impediturum Ordinariorum, aliorumque collatorum provisiones (alternativas) juxta concordata factas.* Subditque postea, eam concordatorum ordinationem duraturam deinceps, *nisi in futuro Concilio de ipsius Nationis consensu aliter fuerit ordinatum.*

Hæc equidem argumenta id probare intelligo, non solere Romanos Pontifices, neque debere levibus de causis concordatis derogare, neque censendos iis contraire, nisi specialem & expressam eorum, ac justæ causæ mentionem faciant: adeoque rescriptum, adversus concordata obtentum sine hac mentione pro subreptitio & invalido habendum, ut advertit Engel *de præbend. & dign. num. 54.* Quæ sanè doctrina ex ipsis etiam summorum Ecclesiæ Præfulum oraculis habetur perspicua: sic enim Paulus V. *Constit. Ex Pastoralis* declarat, nec suæ unquam mentis, nec Prædecessoris sui fuisse, concordatis derogare; ac propterea litteras, à Prædecessore suo in ipsorum præjudicium obtentas, pro ob vel subreptitiis habendas. Et jam antea Gregorius XII. *Constit. 6. Jun. 1572. edita*, contestatus est, se, sub quacunque forma scripserit, concordata nolle lædere.

Nihilominus tamen non evincitur, non posse summum Pontificem *ex plenitudine suæ Potestatis* concordatis contravenire, iisque derogare, quando iusta id causa exigit; prout passim agnoscunt Ecclesiastici Juris Interpretes.

Nam Pontifex Romanus, tanquam verus Christi in terris Vicarius, in Persona S. Petri non tantum accepit à Christo, cum potestate clavium ligandi atque solvendi, Dominici ovilis Pastoralem

custodiam ac summam præfecturam, sed etiam supremam dispensationem & administrationem omnium per orbem Christianum Beneficiorum, juriumque Ecclesiasticorum. Hanc proin summam potestatem, supremæ Ecclesiæ Præfecturæ à Christo ipso annexam, atque inhaerentem, nunquam ita potest Pontifex à se abdicare, aut alteri cuicumque ita communicare, ut non majorem adhuc retineat, nisi sibi solum Pontificatum supremamque Ecclesiæ Præfecturam abdicet, illaque in alium transferatur, ut Cœlestinum V. fecisse quondam novimus.

Legibus equidem suis, si materia sit apta ac proportionata, ex decentia & æquitate naturali Principem teneri facile permiserim, quamdiu rationi & fini intento sunt consonæ. At verò, cum eas aut abrogari aut iis derogari necessitas aliqua aut insignis ac publica utilitas exposcit, prudentiæ decus est, rerum temporumque necessitatibus nova ordinatione subvenire.

At non leges duntaxat sunt concordata: pactiones sunt, contractus sunt, quibus parte altera invita contraire nefas. Fidem servari datam jura naturæ sacrosancta petunt. Unde sapientissimum illud Baldi pronuntiatum: *DEus Principi quidem leges, non etiam pactiones & contractus subjecit.*

Resp. Principem supremum iis saltem pactionibus, quas cum subditis suis init, derogare posse, si gravissima id boni publici causa exigat, cum Nicolartio, & Leurenio complures DD. asserunt, adduntque, quomocumque paciscatur summus Pontifex, maxime cum ubi subdito, semper inclusam esse hanc conditionem: *Nisi aliud exigat causa gravis & extraordinaria propter bonum commune Ecclesiæ.* Quia huic per leges aut pactiones præjudicare non possit. Et sub hac conditione etiam intelligendas esse illas promissiones Nicolai V. in concordatis contentas.

Imò ipse Nicolaus hoc sufficienter in ipsis concordatis indicat, dum promittit se confirmaturum Archiepiscopos, Episcopos, & Prælatos Regulares, canonicè electos, sibi que ritè præsentatos, subjuncta hac conditione: *Nisi ex rationabili & evidenti causa de fratre (Cardinalium) consilio, de utiliori & digniori persona duxerimus providendum.*

Taceo, quòd quidam negent, concordata propriè esse pacta & contractus; cum spiritualia sub contractum aut commercium non cadant. Unde dicunt, potius esse privilegia Apostolica, quibus Pontifex plura sibi competentia circa provisiones Beneficiales indulserit ordinariis in Germania collatoribus: privilegia autem

ex gravi causa revocari posse. Cæterum Romani Pontifices quoad aliqua concordatis jam derogârunt, concedendo e.g. novis Imperatoribus jus Primarum Precum: mense etiam capitulari.

§. VII.

An consuetudine vel præscriptione derogari possit concordatis ?

Gravissima hæc & anceps valde est quæstio, Doctoribus in utramque partem scissis. Derogari posse existimant Engel, Wiestner, Zypæus, Pichler, Schmalzgrueber. Negant Gonzalez, Nicolart, Chokier, Brandenus, Pirbing, Leurenus, Wex, diversis moti fundamentis. Nam

133.

Alii cum Leurenio putant, nullis reservationibus Apostolicis per consuetudinem contrariam, aut præscriptionem derogari posse; præsertim si subjuncta sit clausula seu decretum, irritans actus contrarios, prout est opposita concordatis. Tali siquidem clausula infici possessionem & titulum, sine quibus non est locus præscriptioni.

Verum cum aliis legibus Ecclesiasticis per consuetudinem & præscriptionem derogari possit, non satis apparet, cur non etiam legibus reservationum, & adjecto decreto, seu clausulæ illi irritanti, quæ, sicut reservatio, tantum lege humana est concepta, derogari possit. Certè in Extrav. ambitiosæ *de reb. Eccl. non alien.* additur clausula irritans alienationem rerum Ecclesiasticarum, & tamen istæ præscribi possunt. Non est proin universim verum, ejusmodi clausula infici possessionem & titulum.

Nam possessio aut potius quasi possessio in ejusmodi juribus incorporalibus sunt ipsi actus, tempore immemoriali positi: titulus verò certus in præscriptione immemorialis. Temporis non requiritur, vel, ut Engel avertit, assignari poterit titulus *pro suo*, quando Prælati sibi invicem successerunt, & jura ab antecessoribus suis exercita, & in se derivata, bona fide (quam etiam de Antecessoribus suis præsumere poterant) Papa ejusque Legato nihil contradicente, retinuerunt.

Alii cum Nicolartio, Canonico Leodiensi in *praxi Benef.* se fundant in eo, quòd universali Germaniæ observantiæ præscribere non possit particularis Ecclesia. Idque tantò minùs, quòd concordata pro fine habeant pacem & utilitatem publicam: cui præjudicare non possit particularis Ecclesia; quàm parùm Clericus

præjudicare potest favori publico per privilegium fori Clericis quæsito.

Verùm hæc videntur levia. Non enim rarò contingit, ut Ecclesia particularis præscribat contra observantiam universalis Ecclesiæ. Exempla historiam Ecclesiasticam percurrenti, usumque disciplinæ in diversis provinciis inspicienti passim sunt obvia. Sic Mediolanenses primis quadragesimæ diebus, & Belgæ Sabbatis inter Nativitatem Domini & Purificationem B. V. contra universalem jejunii legem vescuntur carnibus; Hispanis die Sabbati licita sunt intestina animalium, Germanis diebus jejuniorum lacticia. Unde S. Ambrosius objicienti sibi Romanam consuetudinem, laudavit illam; aliam tamen esse Mediolanensi respondit.

Cæterum leges universim pro fine habent bonum publicum, & tamen per consuetudinem iis derogari potest. Clerici quoad suam personam etiam jure Divino gaudent privilegio fori. *c. 4. de censibus in 6. Concil. Lateran. V. Sess. 9. Concil. Trident. s. 25. cap. 20. de ref.* ubi exemptio & immunitas personarum Ecclesiasticarum *DEI* ordinatione dicitur esse constituta. Accedit, quodd consuetudo abrogans immunitatem Ecclesiasticam præjudicaret dignitati clericali, non autem præjudicat dignitati Pontificis consuetudo derogans concordatis. Illaque reprobata est tanquam corruptela: non autem ista. Neque Clerici proin, neque consuetudo hoc privilegium tollere possunt.

Graviora sunt argumenta, quæ petuntur ex contradictione & protestatione summorum Pontificum; nam, ut consuetudo legi deroget, requiritur consensus Legislatoris. At verò Pontifices non tantum non consentiunt, sed apertè reclamant, atque constanter urgent observantiam concordatorum, voluntque secundum illa judicari in curia Romana, nullam admittentes exceptionem non usus, vel usus contrarii.

Sic Clemens VII. in Bulla *admonet*, anno 1534. edita, disertè declarat, collationes contra concordata quomodolibet factas, vel faciendas, nullum titulum aut colorem Beneficia possidendi tribuere; sed sic promotos pro malæ fidei possessoribus, & merè intrusis ab omnibus habendos, ita, ut ipsis neque regula de *annali* vel *triennali possessione*, neque exceptio de non receptis concordatis profit.

Adhuc patentius id ipsum inculcare videtur Innocentius X. qui celeberrima illa Bulla *Zelo Domus DEI* anno 1648. decrevit, omnia, quæ contra concordata *statuta* fuerint, irrita omnino esse, eisque

eisque præscribendi causam, longissimo etiam & immemoriali tempore, non acquiri.

Imò in ipsis etiam concordatis Pontifex expressè ait, ea perpetuò duratura, nisi in futuro Concilio aliter fuerit ordinatum.

Fateor, magnum his argumentis esse pondus, iisque hanc sententiam tutiorem valde reddi probabilem.

Respondet tamen adversæ sententiæ Patroni, summos Pontifices per istas contestationes non reprobare omnem omnino consuetudinem contrariam, ac præscriptionem etiam extraordinariam & immemoriam, omnibus requisitis instructam, sed eam tantum, quæ deficit in aliquo, ad legitimam consuetudinem aut præscriptionem requisito.

Atque imprimis sufficere *consensum legalem*, quo in universum Pontifex in Jure Canonico approbat omnem consuetudinem & præscriptionem, requisitis omnibus probè instructam. Adesse autem hîc posse omnia illa requisita. (Taceo, quòd ad præscriptionem non requiratur consensus illius, contra quem præscribitur.)

Pontifices, dum reclamant, & curiam Romanam, dum sic judicat, præsumere, quòd non adsint omnia requisita, vel certè eam procedere secundum sententiam sibi favorem ac verè probabilem.

Clementem VII. loqui de illis collationibus, quæ non fundantur in consuetudine legitima aut præscriptione temporis immemorialis.

Innocentium X. irrita declarare *Statuta*, à Germanis facta, vel facienda contra concordata; non autem legitimas consuetudines aut præscriptiones, à Jure utroque approbatas.

Ipsa etiam verba concordatorum intelligenda esse in sensu conditionato: duratura videlicet concordata, nisi modo aliquo, à Juribus approbato, ipsis derogetur: sicuti aliæ etiam leges ita intelligendæ sunt. Accedit, quòd constitutiones Clementis VII. & Innocentii X. uti etiam clausulæ concordatorum sint leges humanæ. Quibus consuetudine aut præscriptione legitima derogari potest.

Totum igitur negotium in eo videtur verti, an revera aliqua consuetudo contra concordata possit esse rationabilis, & legitimè præscripta. Et quidem facilè concedo, tempus ordinarium, ad multas consuetudines ac præscriptiones legitimandas sufficiens, hîc viribus carcere. De tempore omnino longissimo ac immemoriali

riali quæro: an e. g. Canonici possint pergere in electione Præpositi, si usus immemoralis in ipsorum Ecclesia hoc habuit? An Episcopus Germaniæ possit tuta conscientia Parochiam aliquam, aut Beneficium simplex (juxta concordata alternativæ obnoxium) conferre mense Apostolico, si ejus antecessores tempore immemoriali, vel etiam longissimo e. g. centum annorum, illud, mensibus etiam Pontificiis vacans, liberè & quietè contulerunt? An Canonici possint Decanum eligere (licet Antecessor mense Apostolico sit mortuus) si usu & observantia nunquam interrupta à tempore immemoriali hoc factum est, neque Pontifice, neque ejus Nuntio Apostolico contradicente?

Quid hîc deest de illa consuetudine legitima, cui secundum SS. Canones summus Ecclesiæ Antistes consensum saltem legalem præbet? cui Jura vim derogandi legibus tribuunt?

Nihil apparet irrationabile. Nam ista consuetudo non est contra Jus Divinum, aut naturale, cum modus conferendi Beneficia Ecclesiastica subiaceat dispositioni humanæ, possétque summus Pontifex per privilegium eis hoc jus concedere; imò posset etiam laicos habilitare ad conferendum, sicut eos habilitavit ad præsentandum. Nam quæ sunt Jurisdictionis, cuicumque mandare potest.

Sed neque est corruptela morum, aut everfiva disciplinæ Ecclesiasticæ, aut damnosa Ecclesiæ, nec de se aliunde inhonesta sicut consuetudines aliæ, quibus derogatur legibus Ecclesiasticis, non sunt inhonestæ, nec contra bonos mores, ac disciplinam.

Imò est secundum jus Canonicum commune, in Decreto Gratiani, & libris Decretalium Gregorii IX. comprehensum, *can. 4. causa 10. q. 1. can. 10. & 11. causa 16. q. 7. cap. 1. de capell. Monach. cap. 12. de hæret. in fine.* In quibus dicitur, Ecclesiarum provisionem, institutionem & destitutionem Sacerdotum & cæterorum Clericorum ad Episcopum pertinere. Adeoque Episcopi suam intentionem habent fundatam in Jure. Viguitque diu in Ecclesia, antequam reservationes sunt introductæ.

Si igitur ejusmodi usus ac consuetudo tempore immemoriali in Ecclesia aliqua particulari vigeat, non apparet satis, quidnam desit, quod ad consuetudinem legitimam, cui consensus legalis à SS. Canonibus impertiatur, requiratur.

Sed neque satis apparet, quidnam ad legitimam præscriptionem desit. Nam ad hanc quatuor à Jure Ecclesiastico requiruntur, *possessio, bona fides, titulus, ac tempus debitum.* Quatuor autem

ista

ista adesse possunt. Atque imprimis in juribus incorporalibus, quale est istud, *quasi-posseſſio* conſiſtit in uſu & actibus continuatis, contra jus alterius exercitis. Atqui tales ponuntur exerciti, & quidem tempore immemoriali, aut omnino longiſſimo centum annorum, quoties Beneficium vacavit.

Bona fides in præſcriptionibus temporis immemorialis præſumitur (imò etiam in aliis, niſi mala fides probetur) & certè difficile videtur, omnes Episcopos, qui ſucceſſivè Beneficium contulerunt, aut omnes Canonicos, qui toties ac per tot annos Electionem celebrârunt, malæ fidei arguere in re graviffima. Potuerunt igitur primi collatores aut electores habuiſſe ignorantiam illuſ puncti concordatorum aut illud non ſatis intellexiſſe vel aliunde exiſtimâſſe, id ſibi licitum: poſteriores verò, præcedentium veſtigiiſ in hærentes, bona fide exiſtimare potuerunt, antecellores jure egiſſe; vel quodd privilegium aliquod Apoſtolicum obtinuerint, (ſicut plures aliæ Eccleſiæ varia obtinuerunt) vel quodd, dum nec Pontifex, nec ejus Legatus quidquam contra moverunt, tacito ſaltem conſenſu hoc jus ſucceſſoribus indulſerint.

Titulus in præſcriptione rerum incorporalium regulariter alius non requiritur, quàm uſus continuatus & patientia Domini: modò præſcribens actus ſuos non exerceat *vi, clam, aut precariò. l. 10. ff. ſi ſervit. vind. l. 3. § 4. c. de præſcript. 30. vel 40. ann.*

Hocque à fortiori locum habet, quando actus *quasi-posſeſſorii* tempore immemoriali, aut longiſſimo centum annorum ſunt exerciti, quotieſcunque & quandocunque Beneficium vacavit. *Arg. c. 6. de præſcript. & adhuc clariùſ cap. Episcopum 1. de præſcript. in 6.* dicitur, nullum requiri titulum, *ſi tanti temporis allegetur præſcriptio, cujuſ contrarii memoria non exiſtat.* Item ei, qui rem Eccleſiaſticam præſcribit, ſi jus commune non ſit ipſi contrarium, & contra eum non habeatur præſumptio, ſufficere bonam fidem ſine allegatione tituli. Atqui Ordinario aut Capitulo in caſu poſito jus commune non eſt contrarium, ſed ſtat poſitivè pro illis *cap. quia propter de elect. cap. 1. de capell. Monach. cap. 12. de hæret. &c.* neque adverſùſ eos habetur præſumptio. Et licèt jus ipſiſ reſiſteret, & haberetur contra eos præſumptio, tamen in præſcriptione temporis immemorialis nullus requiretur titulus. *Cap. 1. cit. de præſcript. in 6.*

Denique etiamſi titulus aliquiſ requiretetur, ex juribus ab antecelloribus exercitis & poſſeſſis, quæ ad ſucceſſores transmitti ſolent, habetur titulus *pro ſuo*, ut ex P. Engel ſuprà advertimus,

vel saltem titulus *existens*, aut *presumptus*. Qui ad præscriptionem longissimi temporis, & à fortiori, temporis immemoralis sufficit.

Tempus habetur pariter in casu nostro sufficiens, quia supponitur tempus esse *immemoriale* (ita, ut nullus hominum defacto viventium unquam aliter observatum viderit) vel longissimum centum annorum; quod sufficit ad præscribendum, etiam contra Romanam Ecclesiam, cap. 13. & 14. de *prescript.*

Cum igitur omnia requisita adesse videantur, tam *per viam consuetudinis*, quam *per viam præscriptionis* concordatis derogari posse est verè probabile; ut adeò collatores ordinarii in hujusmodi casu via, ab antecessoribus suis trita, tuta conscientia videantur posse incedere, donec summus Pontifex per novam dispositionem Beneficium illud ad concordata ac collationem alternativam vel ad regulas cancellariæ, specialiter revocet. Quod eum facere posse non diffitemur; sicut per leges reservationum potuit ordinarios collatores privare jure, per SS. Canones & diuturnam consuetudinem ipsis quæsito.

Quæ hætenus attulimus rationum momenta, si non sufficiant, plura suppetunt, quæ sententiam illam probabilem reddant.

Nam, quæ obtineri possunt per privilegium, ea per præscriptionem etiam & consuetudinem immemoriam obtineri posse concors DD. est pronuntiatum, modò præscribens sit capax possessionis, & jus non resistat. Atqui Episcopus & Canonici sunt capaces possessionis in casu nostro: neque jus resistit.

Sed quid de potentia disputatur, ubi de ipso facto constare videtur? tam Papa quam Ordinarii jam derogârunt concordatis. Et Papa quidem Imperatoribus concessit jus primarum precum mense etiam Ordinariorum. Et Sixtus IV. Universitati Lovaniensi concessit, ut per multos annos nominare potuerit ad Beneficia tam mense Ordinarii, quam Papali. *Leurenus in foro Benef. part. 2. quæst. 595.*

Contra verò etiam Germani iisdem derogarunt; nam Domus Bavarica præscriptione acquisivit jus præsentandi in sua provincia ad dignitates & Beneficia extra Ecclesias Cathedrales, & civitates Episcopales, si vacaverint mense Papali: ut expressè habetur in Recessu concordatorum, initorum anno 1583. cum Ordinariis, quibus Bavaria in spiritualibus est subjecta.

Deinde

Deinde in concordatis *ſ. de cæteris ſtatuta eſt alternatio in conferendis Beneficiis quibuscunque Sæcularibus & Regularibus.* Cui ſanctioni quantopere derogatum ſit, apparet cuique, hodiernam Germaniæ praxin inſpicienti. Nam Ordinarii non tantum inſtituunt præſentatos à Patronis, & conferunt non patronata Beneficia prævio concuſſu, ſed etiam paſſim ſine iſto tam curata quàm ſimplicia minora.

De Decanatu etiam teſtatur Van-Eſpen *J. E. U. p. 2. tit. 23. cap. 5. n. 19.* his verbis: *Uſu harum regionum Dignitates hujusmodi electivæ à reſervatione ſunt exemptæ, eliguntque paſſim capitula ſuos Decanos in omnibus menſibus ſine ulla diſtinctione.* Verùm hæc fortassis intelligenda ſunt de illis tantum regionibus, in quibus non concordata Germaniæ, ſed Regulæ cancellariæ vigent.

Sed quidquid ſit de conſuetudine & præſcriptione in hac re: de quibus in utramque partem probabiliter diſputatur; hoc certum videtur, obſervantiam & uſum interpretari ea, quæ in concordatis ſunt dubia: cum conſuetudo ſit optima legum interpreter.

§. VIII.

An concordata Germanica ſint rationabilia, quoad Reſervationes?

A catholici ſcriptores calumniis paſſim virulentis proſcindunt concordata, & contentas in iis Pontificias Reſervationes, velut injuſtas, Germaniæ pernicioſas, antiquæ Eccleſiæ incognitas, creſcente in immenſum curiæ Romanæ ambitione, ac in orbem terrarum dominatu deſpotico, inveſtas.

Novum ſiquidem illas eſſe inventum, in Decreto Gratiani & antiquiore Jure Canonico peregrinum. Turbari hierarchiam. Archiepiſcopos privari jure confirmationum, Epiſcopos jure collationum, jure communi, etiam Canonico, antiquiore iſtis aſſerto, Principes inveſtituris. Obtrudi homines externos, ignotos; nulla notitia Eccleſiæ, ad quam veniunt, præditos. Aptiores, melius Provinciæ & Epiſcopo cognitos, excludi.

Indignum eſſe, Superiorem extra Rempublicam, aut ſtatum in ſtatu agnoſcere; ab externo Principe provisiones, confirmationes, mandata petere; præcipua quædam Imperii membra ei juremento obſtringi. Nec Cæſari nec Imperio hac religione cautum.

Germaniam subjugatam pro ancilla haberi, Regnūque obedientiæ esse effectam, dimidio Majestatis per concordata amisso. Beatam esse Galliam, quæ sanctione Pragmatica sibi caverit, aut saltem concordato, mitiore: Beatissimos verò Protestantium Principes, qui excusso penitus intolerabili jugo, in libertatem asserti, pleno, uti in politicis, ita etiam in sacris jure potiantur.

Ita enim vero ad Lutheri Calvinique exitiales modulos sibiulant complures novatores, jurati Ecclesiæ hostes, subdentes novas faces, ac accendendas denuo dissensiones, quas optant, Sacerdotium inter & Imperium. Non illis curæ est ordo Ecclesiasticus in Germania, quem depressum suppressūque cuperent, sed odium in summum Pontificem, calumniandique licentia malignum calammum acuit, nunquam proterviùs effusiùsque petulantem, quàm ubi amaram bilem livorēque in supremum Ecclesiæ Antistitem desumat.

Non placent concordata istis calumniatoribus, quia concordia non placet; quia pax Sacram inter & Politicam potestatem non placet; quia Regnum cum Sacerdotio æternis contentionibus vellent collidi. Querebatur jam dudum Pontifex, sacras à profana manu usurpari investituras, indignos intrudi in Domini Sacraria, dominari simoniam ac violentiam, abusus invalescere; rationem in conferendis Ecclesiarum Præfecturis vix ullam haberi Ecclesiæ universæ capitis. Quærebantur contrà Germani, premi Nationem concessis tot gratiis expectativis, tot mandatis de providendo, monitoriis, executoriis, tot reservationibus, tot juribus præventionis, concursus &c. tot annatis, servitiis, ac servitutibus. Hinc frequens jurgium, dissensio, calamitas. Inventum per concordata moderamen, parti utrique accommodum, sublata querelæ, reducta concordia. Hoc, hoc est, quod non placet A catholicis, Ecclesiæ Romanæ hostibus.

Non placent illis concordata. At placuerunt Augustissimo Imperatori Friderico III. placuerunt S.R.I. Electoribus, aliisque plurimis (ut habet præmium concordatorum) Principibus Imperii, tam Ecclesiasticis quàm sæcularibus, qui omnes nomine totius Nationis Alemannicæ concordata, *pro ipsius Ecclesiæ unione, pace, tranquillitate inter Ecclesiam & Nationem prædictam inita, rationabilia & salubria comperientes tam Ecclesiæ quàm Nationi approbârunt, collaudârunt, concluderunt, supplicantes Nicolao V. summo Pontifici, ut decreto Apostolico per perpetuum iis robur adjiceret.*

(Prout

(Prout hæc omnia in dicto concordatorum præmio comprehenduntur.)

Non placent Protestantibus. Sed placuerunt Augustissimis Imperatoribus, Maximiliano I. in rescripto ad Leodieneses, Carolo V. in rescripto ad Cameracenses, Ferdinando I. & Mathiæ, qui concordata, tanquam Imperii legem fundamentalem, observanda & ante oculos habenda Imperialis cameræ consiliariis commendarunt. Placuerunt S. R. I. Electoribus posteriorum etiam temporum, qui observantiam eorundem concordatorum Cæsareis Capitulationibus inseruerunt. Placuerunt denique toti Nationi Germanicæ, quæ illa acceptavit, usu ipso & praxi roboravit, atque observari omnino voluit: donec Protestantes ab orthodoxa fide, ab Ecclesia Catholica, ejusque disciplina vi & armis se abstraxerunt, & cum fide concordata, pacta & contractus saluberrimos in terris suis perfidè abjecerunt.

Nec mirum, concordata à tota Natione Germanica fuisse recepta, & etiamnum apud meliorem partem viridi observantia florere. Nam non tantum ceu rationabilia, salubria, utilia, atque ad pacem & concordiam fovendam comprimis idonea sunt primitus à parte utraque inita ac stabilita. Sed etiam ratio ipsa demonstrat, illa prudenter omnino atque salubriter à Germanis fuisse sancita.

Et quidem imprimis spectando jus positivum certum est, summum Pontificem amplissimam habere potestatem, conferendi Beneficia omnia totius orbis Christiani, vel alio modo de iis disponendi. Ita enim clarè decisum habemus *c. licet 2. de præb. & dign. in 6. & Clem. I. ut lite pend.* in quibus dicitur: *Ad Romanum Pontificem Ecclesiarum, Personatum, Dignitatum, aliorumque Beneficiorum plena & libera dispositio, ex suæ potestatis plenitudine, noscitur pertinere.*

Potest autem illa conferre quadruplici jure. 1. *Jure præventionis*: quod versatur circa Beneficium necdum vacans. Dum nempe vel dat *gratiam expectativam* ad illud, vel *mandato de providendo* jubet conferri certæ personæ vacaturum: vel ipse illud confert in casum vacaturæ. *c. dudum 14. de Præb. in 6.*

2. *Jure concursus*, vi cujus tanquam Ordinarius Ordinarium concurrat cum omnibus collatoribus inferioribus quoad Beneficia autem vacantia. Valétque illius collatio, qui conferendo alterum prævenit. Ratio est, quia Papa, licet aliis potestatem de-

derit conferendi Beneficia, sibi tamen reservat majorem: estque hæc eminens Pontificis potestas semper subintellecta, licet non exprimatur. *Arg. c. dudum cit.*

3. *Jure Reservationis*, quo suæ collationi privativè ac in perpetuum reservat certas dignitates, e. g. majores, aut Beneficia in curia, vel certo tempore vacantia, prout in Extravagantibus & Regulis Cancellariæ varia reservantur.

4. *Jure Devolutionis*, quo confert ipse Beneficium exemptum, quod, ab inferiore collatore vel non debito tempore, vel personæ inhabili invalidè collatum est. *c. 32. in fine de Præb. in 6.*

Spestando igitur Jus positivum indubitatum est, Papam summa pollere potestate disponendi de Beneficiis Ecclesiasticis, prout ad gloriam DEI, Ecclesiæ bonum, & animarum salutem melius salubriusque visum fuerit. Atque hoc sufficit homini catholico, qui sanctionibus Apostolicis supremi Sacrorum Antistitis, de rebus Ecclesiasticis disponentis, obsequitur. Verum quia Acatolici, cum quibus potissimum hîc nobis est negotium, Jus Canonicum impiè contemnunt, ex altioribus res ista est ducenda principiis.

Evangelica veritas est, Petrum Apostolorum Principem (supra quem Christus suam fundavit Ecclesiam) à Christo constitutum esse supremum Pastorem ovium Christi, quas verbis tam singularibus, tam patentibus, totiesque repetitis ei pascendas commisit; ipsique dederit modo speciali omnino & eminenti claves Regni cælorum, cum potestate in terris suprema ligandi ac solvendi.

Unde constitutus est à Christo Ecclesiæ Christianæ caput visibile in terris, Primatum tenens in universa Christi Ecclesia, verus JESU Christi in terris Vicarius, Pater & Doctor omnium Christianorum, cum plena potestate pascendi, regendique Ecclesiam universalem.

Hæc autem supremi Pastoris, Vicarii Christi, Ecclesiæ Capitis, Rectoris &c. officium, atque potestas suprema Ecclesiastica Jurisdictionis, non est finita per mortem S. Petri, sed ex sapientissima ac necessaria Christi providentia, Ecclesiæ suæ stabiliter usque ad consummationem sæculi consulentis, in omnes Romanos Pontifices, S. Petri successores, continua successione est propagata. Prout est concors & certa doctrina SS. Patrum, & Conciliorum Generalium, Chalcedonenfis, Constantinopolitani IV. ac Florentini, in quo, consentientibus etiam Græcis, hæc omnia sunt definita.

Ex

Ex quibus planè consequitur, Romanum Pontificem, supremam Ecclesiam gubernandi potestatem à Christo assecutum, posse viros Apostolicos in mundum universum mittere ad prædicandum Evangelium, erigere Episcopatus, Diœceses, Parochias, aliàsque Ecclesias, iisque Doctores, Rectores, Pastores animarum dignos & idoneos præficere, mutare, transferre, deponere, prout Divinum obsequium, animarum salus, aliæque justæ causæ deposcunt.

Consequitur proin ulterius, posse Papam, tanquam vicarium Christi, caput & supremum gubernatorem universalis Ecclesiæ, summa potestate administrare Beneficia Ecclesiastica, juri collatorum inferiorum, patronorum, electorum derogando, Beneficia uniendo, dividendo, reservando, antequam vacent, promittendo, pensiones imponendo. Si ejusmodi dispositiones justa causa exigat. Nam, ut S. Thomas quæst. 100. art. 1. ait: *Ecclesiæ sunt ejus, ut principalis Dispensatoris, non tamen ejus ut domini & possessoris.*

Atque hanc supremam in sacris Jurisdictionem, à Christo datam, à prima Ecclesiæ ætate exercuerunt Romani Pontifices in Episcopos etiam, Metropolitanos, & Patriarchas; sic Julius I. (teste Sozomeno *Hist. Eccles. lib. 3. cap. 7.*) S. Athanasium, ab Orientalibus Episcopis depositum, in Alexandrinum Patriarchatum restituit. Cùmque plures alii Episcopi cum Paulo Constantino-
politano, & Marcello Ancyrano, in Conciliabulo Antiocheno fuissent dignitate sua exuti, aliique in eorum locum substituti, rogatus Julius, ut hos auctoritate sua confirmet, causa cognita, confirmationem negavit, & depositos sedibus suis restituit. Cùm propter
sedis dignitatem cura omnium ad ipsum spectaret, singulis suam Ecclesiam restituit; verba sunt Sozomeni loc. cit.

S. Leo M. per totum Orientem Jurisdictionem in Prælati Ecclesiarum constituendis exercuit. Anatolio Constantinopolitano, & Proterio Alexandrino Patriarchæ confirmationem non antè impertivit, quàm catholicam fidei professionem emisissent. (*Epist. 54.*) confirmavit pariter Maximum Antiochenum Patriarcham; ut habetur in Concilio Chalcedonensi act. 7. & epist. 84 idem S. Leo Anastasio Thessalonicensi Episcopo, suo per Orientem Lagato mandat, ut de electione Episcopi, Cleri & populi consensu facta, à Metropolitanò edoctus, auctoritate sua confirmationem tribuat, si electio ritè fuerit celebrata. Subditque: *sicut enim justas electiones nullis dilationibus volumus fatigari, ita nihil permittimus te ignorante præsu-*

præsumi. Ab eodem S. Leone restitutum in Episcopatum Theodoretum in Concilio Chalcedonensi aët. 1. legimus.

S. Gregorius M. *lib. 4. epist. 34.* ad Constantiam Augustam conqueritur, Salonitanum Episcopum, se nesciente, fuisse ordinatum: id sub nullis anterioribus Principibus evenisse. Verum quidem est, etiam à Patriarchis & Metropolitanis confirmatam fuisse Episcoporum electionem; sed id factum concedente Romano Pontifice.

Nicolaus I. in epist. ad Michaëlem Imperatorem octo enumerat Patriarchas Constantinopolitanos, quos Romani Pontifices deposuerunt. Inter quos fuit Anthimus, quem Agapetus Papa deposuit, non obstantibus minis Augusti & Augustæ, & ejus loco substituit Mennam, quem suis ipse manibus Constantinopoli consecravit (teste Zonara in vita Justiniani Imp.) sic etiam Sedes Apostolica deposuit Dioscorum Alexandrinum, Flavianum Antiochenum, Polychronium Jerosolymitanum Patriarchas, aliis in eorum locum substitutis.

Et quid aliud probant tot appellationes ex omni orbe Christiano non tantum inferiorum Sacerdotum, Ecclesiis suis privatorum, sed Patriarcharum etiam, ut S. Athanasii, S. Flaviani, S. Chrysostomi &c. ad Romanum Pontificem appellantium, postquam dignitate sua dejecti fuerant? certè hæc aliæque multa, quæ afferri possunt, luculentè demonstrant, Pontifices Romanos exercuisse supremam illam Pastoralis officii Jurisdictionem, à Christo Domino sibi concessam, in conferendis, confirmandis, adimendis, restituendis, summis etiam Dignitatibus Ecclesiasticis.

Cum deinde circa sæculum IX. erigi cœpta essent Beneficia Ecclesiastica in titulum perpetuum, Romani Pontifices etiam in illa Jurisdictione sua & autoritate variis modis sunt usi, dando ad vacatura *gratias expectativas*, & *mandata de providendo*: quorum etsi ante sæculum 12. atque adeò ante Alexandrum III. nulla expressa existet mentio, consuetudo tamen videtur esse multò antiquior. In Decretalibus autem Pontificum, Alexandro III. posteriorum, frequens horum mandatorum, ad Ordinarios missorum, occurrit memoria. Ut videre est passim in Decretalibus Gregorii IX. præsertim titulo de Rescriptis, *cap. 30. 37. 38. 40.* Fueruntque hæc mandata admodum frequentia, Principibus, Nobilibus, pauperibus pro gratia expectativa sæpè Papam implorantibus.

Suc.

Successerunt deinde sæculo XIII. Beneficiorum Reservationes, à Clemente IV. aliisque post eum Pontificibus expressim factæ. Quamvis etiam harum usus fuerit antiquior; ut dictum §. 1. *hoc art.*

Ne igitur provisiones Pontificias heteroclitæ, nescio quis, fidei homo novitatis postulet. Quid ais Luthericola? novum inventum appellas Romanæ curiæ, quod Christus dedit, quod perpetuo usu observatum? *gratias expectativas, mandata providendi, reservationes*, novas esse inquit. Itâne verò? an rem, an verba nova esse dicis? res, potestas nempe provisionum, est antiquissima. Verba etiam, modusque sic providendi trecentis & ultrà annis antiquior est tua fide, tua Ecclesia, tua deformatione, tuis novis inventis, in Ecclesia Dei eò usque inauditis.

Sacra omnia profanis miscere, Principi laico supremum jus sacrorum addicere, tot facere Papas, quot Principes territoriales: hoc novum est. Tot Archiepiscopatus, Episcopatus, Abbatis, tot Monasteria, Dignitates, Canonicatus, Sacerdotia, Beneficia Ecclesiastica, convellere, evertere, *sæcularizare*: hoc novum est, hoc inauditum est, hoc toti antiquitati fuit inognitum.

Mirum profectò est, homines istos novitatem nobis objicere; de turbata Ecclesiastica hierarchia, de imminuta Prælatorum Ecclesiasticorum potestate, de acciso Ordinarium jure nos arguere; cum apud ipsos ista omnia per seditiones, per conspirationes contra Imperatores, per vim, per arma, per tot cruenta bella, sint convulsa, conculcata, ac penitus extirpata.

Non concordata Germaniæ fuerunt à Pontifice extorta. Quid autem per tot bella, Smalcaldica, Mauritiana, Danica, Suecica, adversus Imperatorem suscepta, fuerit extortum, novimus.

Natio Germaniæ inclita concordata illa liberrimè iniiit, tanquam *rationabilia sibi que salubria*. Ex illis etenim, quæ diximus hætenus, ita juvat colligere.

Romanus Pontifex ex Christi institutione Caput totius Ecclesiæ, Pastor universalis omnium ovium Christi, principalis (ut S. Thomas loc. cit. ait) Ecclesiarum *Dispensator*, pollens suprema potestate solvendi ac ligandi, quam etiam à prima Ecclesiæ ætate in omnes fideles, ac ordinem præcipuè Ecclesiasticum exercuit, posset omnia Beneficia, omnesque Dignitates Ecclesiasticas ligare,

Pars VI.

Ff

sibi que

sibi que reservare, ac liberrimè conferre; sicut primitus ipsius auctoritate omnes particulares Ecclesiæ, omnesque Episcopatus sunt erecti.

Si igitur de hoc jure suo universali per concordata multa cedit Nationi Germanicæ, gratia profectò eidem collata faciliè intelligitur; & quod consequitur, concordata illa Germaniæ esse utilia atque salubria.

Sunt autem multa & magna, quæ ultro concedit. Licet etenim per concordata Capitulis Ecclesiarum cathedralium suos Archiepiscopos & Episcopos, Monasteriis suos Abbates per liberissima suffragia eligere. Magnum privilegium, nec aliis concessum provinciis, in quibus vel Reges aut Principes ad summas istas Dignitates nominant, aut Pontifex per Regulas Cancellariæ easdem sibi reservat.

Per alternam porro mensium collationem, inferiorum Præpositurâ Dignitatum, ac Beneficiorum, dimidium sui juris à se abdicavit Pontifex, & in Germanos transtulit; & quidem ea horum prærogativa, ut si Papa Beneficium suo mense vacans tres intra menses non contulerit, jus providendi ad Ordinarium redeat, cum tamen huic sex menses ad collationem concedantur. Neque hæc privilegia communia sunt aliis Nationibus (quæ specialibus non gaudent concordatis) nam per Regulas Cancellariæ quatuor duntaxat menses ordinariis collatoribus conceduntur, octonis Pontifici reservatis. Quâ lege etiam vivendum esset Germaniæ, nisi per concordata fuisset exempta.

Potest aliàs, quod diximus, Romanus Pontifex omnia Beneficia per totum orbem Christianum conferre, *jure præventionis*, dando gratias expectativas certæ personæ ad Beneficium vacaturum, vel *mentales* (retenta videlicet in mente persona) mandando item Ordinariis, ut certæ personæ de Beneficio vacaturo provideant. *Jure insuper concursus*: vi cujus quodcunque Beneficium aut dignitatem, quocunque tempore vacantem, præveniendo Ordinarium, potest conferre. *Jure denique Reservationis*, reservando suæ collationi, quæcunque placuerit.

At verò per concordata promittit, quod per quamcunque aliam reservationem, gratiam expectativam, aut quamvis aliam dispositionem, sub quacunque verborum forma, sua auctoritate factam aut faciendam, nolit impedire Ordinarium collationem mensibus alternis. Adedque quoad ea, quæ in concordatis in favorem Germanorum sunt expressa, non utitur Pontifex his juribus.

Quæ

Quæ sanè rursus est magna prærogativa Germaniæ, quâ non fruuntur, qui similibus non gaudent concordatis.

Et quàm benigna interpretatio concordatorum? quàm favorabilis ordinariis collatoribus Germaniæ, circa Beneficia Patronata, circa electiva per concursum, circa Parochialia, circa alia? Usus certè ostendit, quàm facilis, liberalis atque indulgens, aut saltem connivens, sit sedes Apostolica; quàm leniter atque indulgenter jura sua prosequatur. Quot privilegia contra jus, per concordata Pontifici quæsitum, variis concessa!

Ne igitur inaniter garriant Protestantes, Germaniam per concordata factam esse *ancillam*; quod sine insigni contumelia dici non potest. Non ancilla facta est, sed consecuta majorem libertatem, potestatem, prærogativam, certam, securam, stabilem. Nulla Natio à sede Apostolica tantopere honorata, ac Germanica. Ad illam translata Imperialis Dignitas. Illa per hanc ad supremum gloriæ apicem sublimata, cæteras Nationes omnes insigni prærogativa, ac honoris fastigio antecellit. Illa cum Imperiali potestate ipsam etiam Italiam, quæ Longobardorum olim fuit, subjectam accepit. Taceo erecta Romæ & per Germaniam insigni munificentia Sedis Apostolicæ publica collegia ac seminaria pro erudienda Juventute Nationis Germanicæ, perpetua affectus singularis in eandem monumenta.

Cæterùm si aliud non intelligant Protestantes, quàm Germaniam agnoscere supremam in Spiritualibus Jurisdictionem Romani Pontificis, eique in his tanquam Superiori suo, Legislatori, ac Vicario Christi obedientiam præstare, non horret Germania melior se in hoc sensu dici *Regnum obedientiæ*: nec puduit tot summos Imperatores, se esse inter oves Christi, quibus pascendis Christus Petrum, & in persona Petri successores ejus præfecit. Ovis Christi non est, qui summo Pastori, quem Christus constituit, obedire detrectat.

At Gallia ampliora concordata, sibi que magis faventia obtinuit. Nam Rex ipse nominare potest ad Archiepiscopatus, Episcopatus, Abbatias, Prioratus, in quibus antea vigeat electio capitulorum. Quoad reliquas verò Dignitates inferiores, & Beneficia, quocunque mense vacantia, provisio relinquitur collatoribus ordinariis, sine mensium alternatione. Sublatæ gratiæ expectativæ, & reservationes. Causæ apud judices ordinarios terminandæ. Appellationes gradatim faciendæ. Pro Exemptis judices constituendi à Pontifice in Gallia.

Respondetur imprimis: si omnia, quæ facta fuerunt, fiuntque in Gallia, facienda essent in Germania, tunc expellendi essent Protestantes ex Germania, sicut expulsi sunt ex Gallia: & sicut in Gallia non toleratur confessio Lutherana aut Calviniana, sic neque tolerari deberet in Germania; quod utique non dicent: nec ego dico. Nam cuivis Regno vivendum est suis legibus, ac concordatis.

Cæterum non video, in quo tantopere concordatum Gallicum antecellat, aut magis faveat Nationi Gallicæ, quam suum Germanicæ. Rex acquisivit jus nominandi ad Episcopatus & Prælaturas, ita est: sed adempta fuit capitulis Galliæ electio: relicta capitulis Germaniæ. Hic Pontifici Romano reservatur confirmatio electi: ibi institutio præsentati. Ibi plus datum Regi, hic plus capitulis. Non ergo in hac parte præcipua plus datum Nationi Gallicæ, quam Germanicæ. Provisio utrobique ad Nationem spectat. *Authorizatio*, ut ita dicam, utrobique ad Pontificem. Annatæ utrobique ad Cameram Apostolicam. Vacantia in curia Romana utrobique reservantur Pontifici.

Quoad inferiores Dignitates & Beneficia reservavit sibi quidem Papa collationem alternativam in Germania; sed, ut dictum, excipiuntur multa, quæ ab Ordinariis conferuntur continuò. Deinde Imperator fruitur jure *Primarum Precum*, mense etiam Apostolico; non fruitur Rex. Imò vice versa, vi concordati Gallici (§. 10.) quilibet Pontifex per litteras in forma mandati gravare potest collatores ordinarios, ac plura suæ collationi Beneficia reservare. Et quot alia onera imponuntur Ordinariis in concordato Gallico §. 7. 8. & 9.? (*vide part. 3. c. 5. art. 11.*) De judiciis & appellationibus nihil Germaniæ concordata memorant: præjudicare proin hac in parte Nationi nequeunt. Illa exercentur etiam in Germania apud ordinarios judices; hæ gradatim fiunt: adsuntque in Germania constanter Legati Apostolici, ad quos deferri appellationes possunt, prout in Gallia.

Quid ergo tandem est in concordato Gallico, quod magno-pere invidiam conflet? at sit aliquantò plus concessum. Tempori id dari oportuit. Resuscitabant Galli frequentius famosam suam *Sanctionem Pragmaticam*, iniquam Sedi Apostolicæ, faventem schismati. Hanc temperari, imò aboleri liberali concordato necesse fuit.

Quæcunque tamen sive in concordatis Gallicis sive Germanicis Beneficia Ecclesiastica sibi reservavit Romanus Pontifex, jure illa

illa suo reservavit, uti ex dictis hætenus cuivis æquo rerum æstimatori patere arbitror. Quibus istas adhuc addunt causas juris sacri Interpretes.

Ne Sedes Apostolica, quæ autoritate sua cunctas fundavit Ecclesias, supremamque in omnia Beneficia habet potestatem, jure suo se penitus abdicasse videretur. Ut erga Clericos pauperes, & personas de Ecclesia benè meritas liberalis esse possit. Ut major conservetur Ecclesiarum inferiorum cum matre sua, Romana Ecclesia, ac membrorum cum capite conjunctio. Ut denique memoriâ nunquam excidat, pertinere ad summum ovium Christi Pastorem tum per se ipsum, tum per Episcopos, aliosque idoneos pastores, ab eo constitutos, & in partem sollicitudinis vocatos, gregem Dominicum pascere.

§. IX.

An Concordata Germaniæ sint Rationabilia quoad

Annatas?

Ultimum concordatorum caput sunt *Annatæ*: pensiones videlicet certæ, ex vacantium Dignitatum ac Beneficiorum fructibus primi anni solvendæ Cameræ Apostolicæ: atque in quadruplici consistunt specie. 135.

Primam constituunt *communia servitia*, pendenda à Prælaturis *consistorialibus* sic appellatis. Eò quòd Pontifice conferantur in Consistorio Cardinalium, rogatis eorum sententiis. Tales Prælaturæ Consistoriales in Germania sunt, Archiepiscopatus, Episcopatus, aliæque Principales, tam Regulares, quàm sæculares, Sedi Apostolicæ immediatè subjectæ, ut Elvacensis, Fuldensis, Campidunensis &c.

De jure pendi deberent dimidii fructus primi anni, prout Bonifacius IX. constituerat; sed ita moderatè sunt taxati, ut quintam partem non superent. Et ne quidem hæc portio tota solvi debet ab electo & confirmato Prælato primo anno, sed tantum dimidium; alterum verò dimidium anno sequente. Si autem Prælatura bis eodem anno aut sæpius vacaret; una tantum solvitur annata; nec opus solvendi ad successorem transit, si antecessor non solvisset. Offertque se Papa ad moderandam taxam per commissarios in Germania, si alicubi sit nimia.

Hujus Annatæ tantum dimidium obtingit Pontifici; alterum verò dimidium inter Cardinales dividitur, qui ex eo sustentantur. Et hinc annatæ istæ appellantur *communia servitia*.

Alteram speciem annatarum constituunt *servitia Minuta*: aliqua nempe pensio, quæ ultra servitia communia, ex iisdem Episcopatibus & Prælaturis Principalibus pendenda est, atque inter inferiores Ministros ac Officiales Pontificis distribuenda.

In tertia specie sunt *Annatæ propriè ac simpliciter dictæ*, dimidia nempe pars fructuum primi anni, eidem cameræ solvenda de cæteris Dignitatibus & Beneficiis inferioribus, quæ Pontificis auctoritate conferuntur, si eorum redditus annui 24. Ducatos excedant, secundum ejusdem cameræ taxam; quæ ita moderata est, ut nullus Germaniæ Canonicatus ultra 24. ducatos sit æstimatus aut taxatus. (quod etiam in Hispania observatur; atque in Gallia & Belgio consuetudine obtineri testatur Van-Espen in *J. E. U. p. 2. tit. 24. c. 4. n. 23.*) Unde ex illis non solvuntur annatæ; licet re ipsa annui proventus ultra mille ducatos ascendat. Solvitur tamen modicum pro expeditione Bullarum.

Quartam speciem conflant *Quindennia* seu *Quindenæ*, pars nempe dimidia fructuum unius anni, eidem cameræ singulis quindecim annis solvenda de Beneficiis quibusdam unitis, quæ nunquam vacant, eò quòd sint unita e. g. alicui capitulo, monasterio &c. quæ non moriuntur) aut de liberatis per speciale privilegium à reservatione, quale accepit Præpositura Augustana: quæ propterea solvit quindennia.

Heterodoxi scriptores annatas istas tanquam novum inventum curiæ Romanæ ad emungendas Ecclesias, & quæstum injustum, avarum, atque simoniacum explodunt & calumniantur. Contra quos duo dico: primum, annatas non esse novum inventum: secundum, eas rationabiles esse, ab omni injustitia & simonia alienas.

Quid novum appellatis vetustæ eruditionis magna lumina, hesternæ confessionis affectæ? an vocabulum *Annatarum*, an rem significatam? vocabulum, fateor, novum est, plus quàm integro sæculo tamen antiquius vestra fide, vestra confessione Augustana, vestris *sæcularizationibus*; sub finem sæculi XIV. à Bonifacio IX. pensionibus cameræ Apostolicæ solvendis impositum.

Res ipsa verò multò est antiquissima. Quippe jam in veteri lege Numer. 18. præceptum à Deo fuerat impositum Israëlitis, ut Levitis decimas persolvant; Levitis verò præcipiebatur, ut decimam decimarum, hoc est, ut decimam partem decimarum, ab Israëlitis sibi solutarum, Aaroni summo Sacerdoti tradant. En ideam, Divino præscripto, sancitam, sustentandi alendique Clerici. Levitæ ac Sacerdotes decimas accipiebant à populo, summus verò Sacerdos à Levitis, & Sacerdotibus inferioribus.

In prima Christianæ Ecclesiæ ætate Petrus cum reliquis Apostolis alebatur ex iis, quæ Fideles ad eorum pedes deposuerant. Postea collectæ fiebant; ex quibus aliisque oblationibus etiam Pontifex ejusque ministri alebantur. De disciplina sæculi IV. testatur Damasus Pontifex; nimirum ordinatos à Papa aliquid ei solvisse. Cùm sæculo V. Simplicius Papa bona Ecclesiastica in quatuor partes divisisset, etiam sibi unam retinuit. De sæculo VI. usu testatur Justinianus Imperator Novell. 123. cap. 3. quodd scilicet Episcopi pro *intbronisatione* solverint Romano etiam Patriarchæ certam taxam, viginti nempe auri libras. Quod eadem Novella Imperator confirmavit.

Cùm deinde sæculo IX. erigi cœpissent auctoritate Pontificia Beneficia Ecclesiastica in perpetuum titulum, etiam ex iis aliqua portio Sedi Apostolicæ est solvi cœpta; sic Episcopus Cenomanensis sæc. 12. certam taxam solvit, teste Rogerio de Hoveden. Et ipse etiam Pfeffingerus, scriptor A catholicus, in *Vituar. illustr. p. I. l. I. tit. 15.* citato Henrico Ostiensi, fateri debet, sub medium sæculi XIII. viguisse consuetudinem, quâ consecrati Romæ Episcopi tenebantur pensionem solvere, inter Papam & Cardinales æquis partibus deinde divisam: quæ ut plurimum annuo collati Beneficii proventui corresponderit.

Sub initium sæculi XIV. *Clemens V.* sibi reservavit per biennium redditus annuos Beneficiorum vacantium in Anglia, teste Mathæo Westmonasteriensi. In Concilio etiam Viennensi actum esse de pensione certa, ex Beneficiis Apostolicæ sedi pendenda, testatur Joannes Andreas in *cap. inter cætera de offic. Jud. ord. n. 13.*

Joannes XXII. immediatus successor Clementis V. fructus primi anni exegit ex omnibus Beneficiis, (non electivis) quæ usque ad triennium vacare contingeret, (exceptis tamen Episcopati-

patibus & Abbatiis) *cap. cùm. nonnullæ XI inter extrav. comm. de præb. § dig*

Ad Ecclesias inferiores, per proximum triennium tantum vacantes, restrinxit pensionem impositam Joannes XXII. At sub finem sæculi XIV. Bonifacius IX. non integros quidem fructus primi anni, sed dimidios duntaxat reservavit Camera Apostolicæ, perpetuo tamen, onere hoc etiam ad Episcopatus & Abbantias extenso. Unde Platina (quem inimici Sedis Apostolicæ frequenter in testem vocant) in ejus vita scripsit: *Annatarum usum Beneficiis Ecclesiasticis primus imposuit, hac conditione, ut qui Beneficium consequeretur, dimidium annui proventus (primi videlicet anni) fisco Apostolico persolveret.* Quod non ita intelligendum, quasi ante Bonifacium nullus fuerit usus pensionum, ex Beneficiis Camera Apostolicæ solvendarum (id enim, ut ex prædictis constat, manifestè esset falsum) sed quia primus eum modum formamque induxit, & pensiones, quæ antea temporales erant, perpetuas fecit, mitigatas tamen, quia ex integris dimidias. Ab eo verò tempore his pensionibus *annatarum* nomen inditum, à pensione videlicet dimidiorum fructuum primi anni. *Bonifaciana* etiam dictæ propterea.

Licet ergo Bonifacii primùm tempore his pensionibus *annatarum* nomen sit impositum, modis ac forma nova sit introducta, in genere tamen spectatæ, & quoad rem ipsam atque substantiam sunt antiquissimæ, & rationabiliter absque omni Simonia aut injustitiæ pravitare Sedi Apostolicæ porrectæ. Quod alterum assertionis caput est.

Non enim minùs summo Sacerdoti debetur congrua sustentatio pro se suisque administris, ac officialibus, quibus ad regendam Ecclesiam Universalem multis indiget, quam aliis inferioribus animarum Pastoribus. Possent igitur jure suo optimo, sicut alii Sacerdotes, à fidelibus laicis exigere decimas. Non exigit; sed more, ab ipso DEO in veteri lege præscripto, populus Sacerdotibus præbet in sustentationem decimas: Sacerdotes verò decimarum loco aliquid summo Sacerdoti contribuant; quod multò minus est, quàm si pro more Sacerdotum Levitici generis, in annos singulos decimas ex decimis aliisque proventibus suis Beneficialibus Clerici deberent persolvere.

Optimè in hanc rem Cardinalis Pallavicinus *Hist. Concil. Trid. part. 1. l. 2. c. 8.* Annatarum proventus, inquit, ex Sacerdotiis totius orbis Christiani tanquam decimæ exiguntur, quibus summus Sacerdos, aliique minores Ecclesiastici sustententur: cui certè opus est, pro Christianæ gentis communi bono, non modò Pontificiam aulam instruere plurimis eximiiis ac nobilibus ministris, sed suorum Senatorum indigentia subvenire, tot Nuntiis sumptus præbere, tot miserorum fortunas erigere, totque de republica bene meritis præmia oportune largiri. Hoc autem jus ab eo trahit originem, quod DEUS ipse statuerat in veteri testamento.

Unde nulla in annatis Simonia labe. Non enim illæ solvuntur pro consecratione aut confirmatione, sed titulo subventionis, quæ à membris corporis mystici capiti & ab Ecclesiis filialibus Matri indigenti ac pro omnibus Ecclesiis laboranti, piè succurritur: ut congruè alantur, tum ipse summus Sacrorum Antistes, tum Cardinales, aliique Administri, Legati, & Officiales, totque Congregationes, quæ totidem perpetua Romæ Concilia referunt.

Profectò, si subsidium istud est simoniacum, omnes decimæ, illæ etiam, quæ summo Sacerdoti in veteri testamento solvebantur, omnes fundationes & proventus Beneficiorum Ecclesiasticorum, omnes præbendæ, omnes pensiones iisdem Beneficiis impositæ, omnes provisiones in visitationibus, erunt simoniacæ; quia in his omnibus datur temporale subsidium, ut alantur Ministri Ecclesiæ. Imò secundum Acatholicorum principia omnia subsidia ad congruam sustentationem, quæ ab eorum Ministris & Præconibus exiguntur, essent simoniaca. (Vide, quæ de annatarum iustitia & æquitate uberiùs differui *part. 3. cap. 3. art. 9. num. 11.*)

At, inquit, sacra Concilia ac sacri Canones prohibuerunt severissimè omnes exactiones pro electione, collatione, confirmatione, præsentatione, ordinatione, consecratione, & quacunque promotione ac provisione, tanquam simoniacas. Natio Gallicana in Concilio Constantiensi libellum obtulit, quo abrogari petiit annatas tanquam simoniæ labe infectas, quia exiguntur propter collationem aut confirmationem. Atque hinc Concilii Patres sess. 40. inter puncta, ab eligendo Pontifice observanda, posuerunt etiam abolitionem annatarum. Concilium verò Basileense sess. 21. discernit, pœnis in simoniacos statutis subiacere eos, qui annatas exigunt, in quacunque provisione Ecclesiastica. Idem renovatum est in sanctione Pragmatica Gallorum. Galliæ quoque Re-

es tum per edicta, tum per mandata, suis Romæ Oratoribus data, annatas damnaverunt, & aboleri petierunt, tanquam nimias, ini-
quas, de simonia suspectas: ut Carolus VI. & VII. Ludovicus XI.
Carolus VIII. Franciscus I. Henricus II. ac Carolus IX. quorum
plures pecuniam ex Gallia in Italiam exportari severè prohibue-
runt.

Respondetur. Sacra Concilia & Canones prohibent omnes
exactiones pro ipsa ordinatione, collatione, aut provisione Eccle-
siastica pendendas; non autem ex aliis titulis honestis & legiti-
mis: ut titulo *subventionis* ad succurrendum Ecclesiæ Matris neces-
sitatibus.

Natio Gallicana non tota in Concilio Constantiensi annatas
simoniæ damnavit; imò nec omnes deputati ad illud Concilium;
cùm præcipui eorum, ut Cardinalis Aliacensis, & Joannes Gerson
eas ab omni labe simoniaca absolverint. Inter articulos autem
capitulationis illius inaudita, ante electionem Pontificis facta, in-
serta quidem fuit abrogatio annatarum, sed cùm Martinus V. esset
electus, Nationes ipsæ à postulatione sua destiterunt.

Basileense Concilium non damnavit Annatas ut simoniacas;
aliàs se ipsum damnaasset, cùm Felici pseudo-Papæ, à se electo,
varias annatas concesserit. Sed, cùm putaret, se potestatem Pon-
tificia superiorem habere, pœnas, in simoniacos latas, subire vo-
luit omnes, qui annatas exigerent. Statuit tamen expressè, Eccle-
siæ Romanæ necessitatibus alio modo providendum. Quòd cùm
factum non fuerit, dici non potest, Concilium illud annatas abso-
lutè prohibuisse. Accedit, ex Concilio illo monstroso, quia ace-
phalo, nihil probari.

Sed neque Sanctio Pragmatica Gallorum annatas absolutè
damnavit; sed voluit necessitatibus Sedis Apostolicæ, quas ag-
noscebat, alia ratione provideri: sicut id voluit Synodus Basi-
leensis.

Idem dici potest de edictis Regum Galliæ: nam neque ipsi pro-
hibuerunt annatas, genericè & quoad substantiam, sed tantum
quoad modum, & abusus collectorum, qui aliquando contra vo-
luntatem Papæ irreperant. Agnoverunt tamen, ac professi sunt,
necessitatibus Sedis Apostolicæ debere succurri, atque ad id se
obtulerunt. Henricus II. vetuit, ne pecunia ex Gallia exportetur
in Italiam, quia bellum illi erat cum Julio III. & Imperatore,
propter tuitionem Parmæ & Octavii Farnesi, quam susceperat.

Nolebat enim Galliæ pecunia hostes suos juvari. Siqui autem ex
Catho-

Catholicis annatas Simonie infimulabant, errârunt, *errore facti*; quia eas pro collatione aut promotione Ecclesiastica exigî, velut pretium, existimabant. Alias utique non potuisset Franciscus I. in concordato Gallico Pontifici annatas promittere.

Neque opponas, licet annatæ simoniam non sapiant, attamen illas tantum concessas ad aliquod tempus, & quidem sub conditione, ut in bella contra Turcas impenderentur. Hæc autem bella non geri continuò. Cessante ergo causa, cessare etiam debere annatas.

Nam respondetur, falsum imprimis esse, annatas sub ea conditione fuisse acceptas: cum ex aliis omnino, quos diximus, titulis exigantur, ut titulo subventionis necessariæ, ac recognitionis supremæ in Beneficia Ecclesiastica Jurisdictionis &c.

Et licet daremus, in eum finem fuisse collatas, *nihilominus*, ut inquit Pallavicinus loc. cit. *quotiescunque ea bella gesta fuerant, nunquam omiserant Pontifices valida Germanis auxilia suppeditare. Unde certum est, si multi simul anni connumerentur, Pontificis sumptus in hisce bellis annatarum proventum longè transgressos.* Hocque etiam post Pallavicinum continuatum est. Certe Innocentius XI. ærarium exhaustit, ut pecunias adversus Turcas largè suppeditaret. Et quantæ collectationes ex bonis Ecclesiasticis ipsis Principibus sæcularibus concessæ in hunc finem? quoties decimæ, aliisque omnibus compellata subsidia ab universo Ecclesiastico ordine persoluta?

At videte, quàm concinnè, quàm solidè, quàm consequenter Heterodoxi scriptores contra annatas disputent. Negant, eas Pontifici competere: injustas, sordidas, simoniacas proclamant; & tamem cum Pfeffingero (*in Vitriar. illustr. l. I. tit. 15*) asserunt, per instrumentum pacis Westphalicæ omne jus Papale circa annatas in Principes Protestantes fuisse translatum; ac proin ex omnibus Beneficiis Ecclesiasticis annatas illis competere.

Bellè enim verò! si annatæ Papæ non competunt, quomodo jus Papale in Laicos potuit transferri? quomodo in suis territoriis jus Papale circa eas exercere possunt? si injustæ sunt, si sordidæ, si simoniacæ, qua ratione ex omnibus Beneficiis Ecclesiasticis possunt eas exigere? si jus Papale est, cur negant illud Papæ competere? si jus Papale non est, si ratione supremæ in sacris Jurisdictionis non debetur, quo titulo Principibus A catholicis illud tribuitur?

De æquitate, justitia atque innocentia annatarum in genere diximus hæctenus. At quantò benigniores, mitioresque effectæ

per concordata Germaniæ! Non integri petuntur primi anni proventus, ut tempore Joannis XXII. non dimidii, ut tempore Bonifacii IX. sed vix quinta pars, juxta moderatam videlicet taxam Camera Apostolicæ. Et si quæ Ecclesiæ nimium essent gravatæ, offert se Pontifex ad minuendam taxam, & quidem per Commissarios in partibus.

Ante Bullas confirmationum, ac provisionum expeditas annatæ exigebantur olim. Non exiguntur amplius. Quin imò ad taxam etiam illam moderatam solvendam à concordatis indulgetur biennii mora, ita, ut dimidium primo, alterum dimidium secundo anno solvatur. Si sæpius intra annum Ecclesia vacet, semel tantum annata solvitur. Sique antecessor non solvisset, debitum in successorem non transit.

Ex omnibus beneficiis, quæ congruam Beneficiati sustentationem excedunt, posset Sedes Apostolica annatam petere, aut pensionem iisdem imponere. Non petit: non imponit. Sed pinguiissimi etiam Canonici Germaniæ, quoad annuos suos redditus ultra 24. *florenos auri de Camera* non sunt taxati à Camera Apostolica; ex illis proin secundum concordata nullæ solvuntur annatæ.

Nullum igitur superest dubium, quin concordata Germaniæ etiam quoad annatas sint rationabilia, utilia, salubria, &, si necdum erecta essent, toti Nationi magnopere exoptanda.



DISSERTATIO

De Jure Primarum Precum

Et
Institutionibus.

C A P U T I.

De Jure Primarum Precum.

S U M M A R I U M.

Articulus I.

De antiquitate Primarum Precum.

1. *Principes initio rogabant collatores ordinarios, ut cuidam provideant, sed sine obligatione.*
2. *Inò Preces illæ non raro à collatoribus rejiciebantur, licèt præcepto essent mixtæ.*
3. *Exempla externa Angliæ, Lusitanæ, Galliæ, Hispaniæ.*
4. *Forma, qua Rudolphus I. Preces ad Collatores direxit.*
5. *Patet ex ea forma, Primas Preces sæculo XIII. esse antiquiores.*

Articulus II.

Unde Jus Primarum Precum competat Imperatori ?

§. I.

An competat Jure Regaliæ ?

6. *Sententia & rationes Acatolicorum.*
7. *Refelluntur.*
8. *Respondetur eorum argumentis.*

§. II.

An competat Jure Advocatiæ aut Patronatus ?

9. *Sententia Acatolicorum.*

11. *Respondetur eorum argumentis.*

10. *Refellitur.*

12. *Memorabile Friderici II. pronuntiatum.*

§. III.

An competat vigore folius inveteratæ consuetudinis ?

13. *Sententia Zegeri Van-Eſpen.*

17. *Ut constat ex Durando speculatore auctore cœvo.*

14. *Formula Caroli IV. & Wenceslai.*

15. *Et recentiorum Imperatorum, ad consuetudinem Jus referentium.*

18. *Quia fuit approbata à Sede Apostolica.*

16. *Consuetudo, quam allegarunt Rudolphus I. & Carolus IV. fuit legitima.*

19. *Hanc consuetudinem Acatbolici debent agnoscere, pace etiam Westphalica suffultam.*

§. IV.

Intervenire debet Indultum Apostolicum.

20. *Patroni hujus sententiæ.*

26. *Ac propterea ultra 200. annos continua serie à singulis Imperatoribus talia Indulta fuisse petita.*

21. *Probatur ex SS. Conciliis.*

22. *Ex usu ipsorum Imperatorum, ejusmodi indultum petentium.*

27. *Ipsos etiam Acatolicos hoc fateri.*

23. *Indultum illud non esse perpetuum, sed ab Imperatoribus renovandum.*

28. *Nec obstare exemplum Josephi Imperatoris; cum res fuerit amice composita.*

24. *Patere id ex ipsis formis petendi & concedendi Jus Precum.*

25. *Et, si fuisset indulto perpetuo consuetudo roborata, per concordata tamen Germaniæ sublaturum fore.*

29. *Respondetur ad alia argumenta contraria.*

Articulus III.

Ad quæ Beneficia se extendant Primæ Preces ?

30. *Enumerantur Beneficia bis Precibus subjecta.*

31. *Exhibetur Indultum à Paulo V. datum Ferdinando II.*

32. *Quibus derogetur per Indultum.*

Articulus IV.

33. Ad quæ Beneficia se non extendant.

Articulus V.

Quænam adhuc notanda circa Primas Preces ?

34. *Quo tempore Precista Preces collatori offerre debeat.*
 35. *Qualitates in Precista requisita.*
 36. *Potest Cæsar hoc jus alteri cedere, ac variare.*
 37. *Quando Precista variare possit.*
 38. *Potest Imperator executores constituere.*

CAPUT II.

De Institutionibus.

Articulus I.

De Institutione collativa.

- | | |
|---|----------------------------|
| 39. <i>Natura Institutionis collativæ necessaria.</i> | 42. <i>Causa Formalis.</i> |
| 40. <i>Causa ejus Efficiens.</i> | 43. <i>Causa Finalis.</i> |
| 41. <i>Causa Materialis.</i> | 44. <i>Objectum.</i> |
| | 45. <i>Effectus.</i> |

Articulus II.

46. De Institutione Authorizabili, & Approbatione.

Articulus III.

47. De Investitura.



C A P U T I.

De

Jure Primarum Precum Imperatoris

ac

Regis Romanorum.

Magnam analogiam cum Jure Patronatus, præsertim laico, habent *Preces Imperatoris Primæ*, seu *Primariæ*; quarum originem plures DD. ad sæculum XV. ac tempora Friderici III. referunt.

Nam Imperatori legitimè electo competit jus nominandi idoneam personam ad quamlibet Ecclesiam Germaniæ, & sic præsentandi ei, ad quem collatio pertinet. Hæc nominatio nomen *Primarum Precum* est nata, vel quia in qualibet Ecclesia est prima & unica, seu pro prima vice, vel quia præferenda est cuivis alteri nominationi, præsentationi, collationi, vel quia à precibus apud ordinarios collatores interpositis hæc disciplina duxit originem, precibus deinde in jura abeuntibus.

ARTICULUS I.

De antiquitate Primarum Precum.

1. **I**mperatores, Reges, & Principes, si cui Clerico provisum esse volebant, ad Patronos Collatoresque ordinarias preces suas dirigebant; quas tamen exaudiendi nulla erat obligatio; quinimò Papa & Episcopi preces istas non rarè rejiciebant. Sic, teste Baronio ad annum 1071. n. 22. Theophylactus Primas Bulgariæ, cum à Duce rogatus esset, ut cuidam illius amico Episcopatum conferret, constanter restitit, *nec tibi*, inquit, *fas est, te in ista ingerere, neque nobis ita temere divinæ gratiæ condonandæ.*
2. Similiter Adrianus IV. repulit preces Friderici I. Imperatoris, quibus Comitis filium, ad Archiepiscopatum Ravennatensem promoveri petebat, ut constat ex epist. 5. Adriani IV.

Memo-

Memorabilis est in hanc rem epistola, quam Hildebertus Turo-
nenfis Archiepiscopus ad Honorium II. Summum Pontificem scripsit.
His premor angustiis, inquit, *quia zelo zelatus sum Domum DEI, quia Digni-*
tates Ecclesiasticas, nec ex Regis praecepto disposui, nec ei disponendi facultatem
indulsi. Sciens enim, quia magis oportet Domino obedire, quam hominibus,
personas elegi, quae in exequendis Ecclesiae negotiis, pondus diei portarent &
aestus. Ex quibus colligitur, saeculo XII. precibus quandoque addita
fuisse praecepta, sed ab Ecclesiae Praesulibus rejecta.

Narrat Baronius ad ann. 1186. n. 18. Regem Angliae petiisse ab
Hugone Lincolnensi Episcopo Praebendam vacantem. Hunc verò
respondisse, Clericis danda esse Beneficia, non aulicis; alia suppe-
tere Regibus, quibus Ministrorum suorum remunerentur obsequia.
Hoc responso concitatum quidem fuisse ad indignationem Regis ani-
mum, at Episcopo audito, iram in admirationem & amorem abiisse.

Magis adhuc memorabile est, quod Valsinghamus scriptor Angl.
p. 2388. scribit de Ludovico VII. Galliae Rege, ex Palaestina reduce,
noluisse scilicet eum acceptare privilegium nominandi ad Beneficia
vacantia. Thomassin. de Discipl. p. 2. l. 1. c. 54.

Cum preces armatas adhiberet Rex Lusitaniae, monitus à Nico-
lao IV. anno 1289. promisit, se non adhibiturum preces, quae ele-
ctionum libertatem impedirent. Ab Eduardo II. verò Clerus Angli-
canus anno 1316. obtinuit, ut cessarent preces & oppressiones in hac parte.
Saepius tamen Regum mandato pensionibus onerabantur Ecclesiae;
si fides adhibenda novae compilationi Constitutionum Angliae.

Reges Galliae parcius causis Beneficialibus se immiscebant us-
que ad Philippum Pulchrum, cui Bonifacius VIII. anno 1297. con-
cessit, ut Praebenda una ex qualibet Ecclesia personae idoneae ad
ipsius beneplacitum conferretur.

Quae autem deinceps per Sanctionem Pragmaticam Galliae, ex
Basileensi Conciliabulo depromptam de causis Beneficiaryis statuerint
Galli, dixi part. 3. Appar. c. 5. art. 9. §. 4. & quid mutatum postea per
Concordatum cum Leone X. initum, art. 11. §. 3. in hoc Regi nomi-
nationes ad vacantes Praelaturas concessae.

In Hispania jus nominandi Episcopos perpetua lege Carolo V.
ejusque successoribus concessit Adrianus VI. cum antea ad Regum
supplicationem Summi Pontifices precario illos instituerent; ut ex
Mariana refert Alexander Natalis Hist. Eccl. saec. 16. c. 7. art. 2. n. 8.
Et haec quidem de precibus externorum Principum.

Quod verò spectat ad Primarias Preces Romani Imperatoris, de
quibus potissimum hic tractandum suscipimus, putat P. Ignatius

4. Schwarz, *Collig. Hist.* p. 8. q. 6. §. 12. originem earum legitimam non excedere tempora Friderici III. qui post concordata inita à Nicolao V. obtinuit Indultum, ad 100. Beneficia nominandi. Verum altius repetenda est origo. Nam prima earum mentio expressa refertur ad sæculum XIII. quamvis earum usus adhuc sit antiquior. Nam, ut Joannes à Chokier, Ecclesiæ Cathedralis Leodiensis Canonicus, qui præclara Commentaria in Regulas Cancellariæ scripsit, eisque erudita *Scholia in Primarias Preces Imperatoris* addidit, ex Nauclero refert, Rudolphus I. Magnus ac Pientissimus Imperator, qui mense Octobri anno 1273. in Regem Romanorum electus est, Primariis Precibus usus earum formam his verbis concepit, epistola ad Abbatem data:

Cum ex antiqua & approbata, ac à diviis Imperatoribus & Regibus inclitæ recordationis nostris antecessoribus usque ad nos producta consuetudine, quælibet Ecclesia in nostro Romano Imperio constituta, ad quam Beneficiorum Ecclesiasticorum pertinet collatio, super unius collatione Beneficii, Precum nostrarum Primarias admittere teneatur, devotionem tuam rogamus, quatenus huic Clerico de Ecclesiastico Beneficio, quod ad collationem tuam spectat, ob reverentiam sacri Imperii, & nostram, si quod vacat in præsens, vel quamprimum vacaverit, studeas liberaliter providere. Taliter faciens, quod devotionem tuam nostra serenitas debeat meritò commendare, & ad tua justa desideria facilis inveniri. Datum anno Regni nostri primo.

Hanc eandem formam Zegerus Van Espen SS. Can. Prof. Lovaniensis in suo *Jure Eccles.* part. 2. tit. 25. c. 9. n. 19. refert ex Continuatore Abbatis Urspergensis. Et Thomassinus *de discipl.* p. 2. l. 1. c. 54. n. 7. ex Goldasto; quamvis non nihil mutatam & truncatam.

5. Ex hac formula habemus, hunc usum Primarum Precum multò fuisse antiquiorem; cum Rudolphus se referat ad antiquam Antecessorum suorum consuetudinem; quamvis illam ita expressè litteris proditam non inveniamus. Miscetur autem in hac forma præceptum precibus: *Precum nostrarum Primarias admittere teneatur.* Goldastus, citans Conradum Urspergensem, ait, Othonem IV. noluisse Beneficia conferre primò petentibus, prout alii Principes consuevissent.

ARTICULUS II.

An Jus Primarum Precum Imperatori competat ex Privilegio Pontifico ?

Plerique ex A catholicis Scriptoribus, omnis Pontificiæ potestatis hostes, magnopere contendunt, hoc jus competere Imperatori tan-

tanquam Regale, & Majestati Cæsareæ intrinsecè connexum, aut tanquam supremæ Advocatiæ, aut Patronatui adhærens, vel etiam ex sola perpetua consuetudine deductum, absque ullo Romani Pontificis indulto, aut interventu. Cortreius in *observ. ad Concord* p 40. Conringius *Operum* tom. 2. in *animadv. in Bullam Innocentii X* c. 9. Pfeffinger ad *Instit. Viriar.* l. 3. tit. 2. n. 8. Schrötter *Dissert. de Prim. Prec.* Gribner *Diss. de Prim. Prec. Imp.* in qua refutare anno 1707. conatus est Dissertationem Conradi Oligonii de *Prim. Prec.* anno 1706. editam.

§. I.

Refellitur A catholicorum sententia prima.

Jus Primariarum Precum competere Imperatori tanquam Regale, Majestati Cæsareæ annexum, tenent Klockius tom. 1. *consil.* 4. n. 15. 30. & 31. Fritschius de *Jur. Prim. Prec.* c. 5. n. 10. & c. Reinkingius de *Regim. Eccl.* l. 3. *class.* 1. c. 9. n. 57. Vitriarius de *Inst. Jur. Publ.* l. 3. tit. 2. n. 9. & c. his moti rationibus.

1. Quia, ut ex diversis Imperii Recessibus patet, Impetatori competit in Imperio etiam *Jus Sacrorum R. I.* de anno 1512. §. 1. & 4. & de anno 1524. §. 29. Et hoc jure re ipsa usus est in Pace Westphalica, ubi de integris Episcopatibus & Archiepiscopatibus pleno jure disposuit, ac Jus Sacrorum in Imperio cum Principibus ac Statibus Augustanæ Confessionis ordinavit.

2. Quia Beneficia, prout sunt jus percipiendi fructus, sunt aliquid merè temporale. Unde, sicut potest Imperator Archiepiscopis, Episcopis, aliisque Prælatibus, conferre terras, Principatus & Regalia, ita etiam Clericis Beneficia.

3. Quia quidam Imperatores has Preces appellârunt *jus Cæsareum*, in signum supremæ Potestatis & Præeminentiæ, competens.

Sed contra est 1. Jus conferendi Beneficia Ecclesiastica, aut præsentandi ad illa, est annexum rei spirituali, nempe officio spirituali, legendi Missas, ministrandi Sacramenta &c. ergo est jus Ecclesiasticum. Adeoque non profluit ex Jure Regio aut Cæsareo, utpote quod est temporale duntaxat.

2. Si Jus Sacrorum esset per se & intrinsecè inhærens Dignitati æque Officio Imperatoris, tunc is non tantum posset nominare ad unum Beneficium cujuslibet Ecclesiæ, sed ad omnia. Imò posset conferre jure suo proprio omnia Beneficia in toto Imperio pro lubitu. Nam uteretur jure suo Majestatico, Dignitati suæ proprio & intrinsecò.

3. Imperatores frustra & imprudenter peterent à Sede Apostolica

stolica jus exercendi Primas Preces, si jam aliunde & omnino independenter ab illa ipsis tanquam Regale competeret. Atqui petunt à Sede Apostolica, ut postea ostendetur. Et ad quid *Preces*, si est jus strictum, absolutum, independens, Regale, inhærens Majestati; Cur *Primæ* tantum?

4. Si Jus Sacrorum est penes Imperatorem, cur Protestantes non sinunt ipsum exercere hoc jus in omnibus suis Ecclesiis? cur non constituit omnes Ministros, Præcones, Superintendentes? sed neque quid probant, quæ sunt objecta. Nam.

3. *Resp. ad 1.* In *R. J. de anno 1512. §. 1.* nihil aliud dicitur, quam, quòd in casu, quo quispiam sanctissimum Patrem Papam, & sanctam Romanam Ecclesiam, ejusque libertatem, ac jura vellet invadere, aut schisma in Ecclesia excitare, Imperatorem, ac Status ejusmodi invasori nulla ratione fore auxilio, sed dissuasuros, & fidelem operam navaturos, ut ejusmodi invasio & schisma meliori, quo visum fuerit, modo impediantur. Hoc totum est, quòd Magnus Imperator Maximilianus I. cum Statibus Imperii §. 1. cit. in comitiis Trevirensibus & Colonienfibus constituit, defensio nempe Ecclesiæ, & impeditio schismatis, quod tunc occasione Conciliabuli Pisani timebatur.

Hoc autem nullatenus est Jus Sacrorum exercere, sed agere advocatum supremum ac defensorem Ecclesiæ; prout jurare solent Imperatores in Capitulationibus cæsareis. Quàm parùm igitur isti per hanc promissionem Jus Sacrorum exercent, & quàm parùm Sigismundus Imperator illud exercuit, quando tanquam advocatus, Ecclesiæ omni ope allaboravit, ut schisma per Concilium Constantiense tolleretur, tam parùm ex promissione illa erui potest aliquod Jus Sacrorum.

Nec plus evincitur ex *R. J. de an. 1525. §. 29.* ubi, cum Lutherani varia gravamina Nationis Germanicæ, in comitiis Norimbergensibus, proponerent adversus Romanam Ecclesiam, Carolus V. Imperator respondit, in proximis comitiis deliberandum fore, quæ meliore via ea gravamina temperanda sint. Viam autem illam non indicat; sed alia in mente Cæsaris non erat, quàm ut in comitiis audirentur querelæ, & deliberaretur, quomodo cum Legato Apostolico præsentem, aut cum ipso summo Pontifice hæc res possit transigi. In quo Cæsar Carolus tam parum Jus Sacrorum exercuit, quàm parum Fridericus III. dum, ut querelis Germanicæ Nationis consulere, cum Legato Nicolai V. Germaniæ concordata iniit. Certè nec ipsi Imperatores Jus Sacrorum pro terris catholicis prætendunt, quale

quale protestantici calami in odium Sedis Apostolicæ eisdem adstruunt. Cum omnes fateantur jurisdictionem suam esse temporalem. Cæterum hoc argumentum probaret nimium, si enim penes Imperatores est Jus Sacrorum, ad quid *preces*? cur *Primæ Preces* appellantur? cur tantum ad prima Beneficia vacatura se extendunt? Penes quem Jus est Sacrorum, omnia conferre potest.

Quod in Pace Westphalica factum est, dira temporum necessitas extorsit. Visum multis præstare, ut pallium relinquatur, quod recuperari non poterat, quam ut insuper etiam toga abripiatur. Et, si penes Imperatorem suprema est in Imperio Sacrorum potestas, & quidem in ipso Jure Majestatis radicata, cur tantos motus adversus eundem excitârunt propter *Reservatum Ecclesiasticum*, quarto articulo Transactionis Passaviensis adjectum? cur Jure Sacrorum eum uti non sunt passi? cur tanta bella moverunt, ne hoc jure uteretur?

Ad 2. Jus percipiendi fructus Beneficiales est saltem annexum rei spirituali, officio nempe spirituali, propter quod unicè datur Beneficium, ut aliàs dictum. Terræ ac Regalia, quæ Episcopi Germaniæ ab Imperatore tanquam feuda accipiunt, sunt res merè temporales. Quare etiam ratione illarum jure clientelari Imperatori sunt subjecti; quia primitus sub hoc onere sunt concessæ Ecclesiasticis.

Ad 3. Ex eo, quod unus vel alter Imperator fortassis dixerit, Jus Primarum Precum esse Jus Cæsareum, non sequitur, quod sit Regale, ex intrinseca natura Majestatis profluens. Nam etiamsi hoc jus ex concessione Sedis Apostolicæ promanaret, nihilominus tamen cum veritate dici posset, quod sit *Jus Cæsareum* (quia cæsari datum) quod sit Imperatori *in signum supremæ Potestatis* (temporalis) & *præ-eminentiæ*, concessum.

Recoli hîc ea quoque oportet, quæ Art. superiore ex antiquitatis Historia attuli. Exemplis etenim illis satis luculentè demonstratur, nullam olim fuisse obligationem, Preces Regum istas exaudiendi; consequenter antiquis temporibus neutiquam eam viguisse in hominum animis persuasionem, quod tanquam Regale potestas ejusmodi ad Beneficia nominandi Principibus Jure Majestatico competierit. Nullatenus etenim reges fuissent passi, Preces suas repelli, si jus hoc Regium esse intellexissent. Et cur Imperatores ipsi apud Sedem Apostolicam interpellarent pro exercendo jure Primarum Precum, si aliunde Majestati suæ adhæresceret? verum de his postea.

§. II.

Refertur & refellitur A catholicorum sententia altera.

Plures ex Protestantibus scriptoribus cum Schwedero *libell. de introduct. in Jus Publ. Imp. part. spec. sect. 1. c. 5. n. 15.* Pffessingero *ad Vitriar. Inst. J. P. R. G. L. 3. tit. 2. n. 9.* Scheidlino, & aliis, docent, Jus Primarum Precum fundari in *Jure Patronatus*, & *Advocatiæ*, adeoque deberi Imperatori tanquam naturali Patrono & Advocato Ecclesiæ.

9. 1. Quia hoc est munus Patroni & Advocati, præsentare nempe atque nominare ad Beneficia.

2. Quia Imperator non debet esse deteriore conditione, quam alii Ecclesiarum & Beneficiorum Patroni. Atqui Patronus quilibet, etiam vulgaris, jure præsentandi uti potest. Ergo etiam Imperator, sub initium saltem sui Regiminis, tum ut benignitatem suam noviter illucentem exhibeat, tum ut Clero aliquam Majestatis suæ agnitionem imprimat.

3. Quia Primariæ Preces sunt reliquæ quædam Patronatus illius antiqui ac majoris, quo utebantur Imperatores ante Henricum V. qui remisit jus majus supra collationem Episcopatum, Abbatiarum &c.

10. Sed contra est. Munus advocatiæ importat protectionem ac tuitionem Ecclesiæ, non autem collationem Beneficiorum. Aliàs Imperator vi hujus tituli & officii posset se solo conferre Beneficia Ecclesiastica totius mundi; cum totius Ecclesiæ Catholicæ supremus sit Advocatus.

Deinde Patronus pariter suo jure potest præsentare ad omnia prorsus Beneficia, suo Patronatui subjecta, & non tantum ad unum in qualibet Ecclesia, sed quotiescunque ea vacaverint. Et quare antiqui Imperatores, Rudolphus I. Carolus IV. &c. non allegarunt hoc Jus Patronatus, & Advocatiæ, sed antiquam consuetudinem?

Quare vi hujus tituli apud Protestantes non confert Imperator omnes Præbendas, aut saltem illas, quas Catholicis abstulerunt? an amisit respectu harum Jus Regaliæ, Patronatus, Advocatiæ?

Habent hoc nempe complures scriptores acatholici: tunc tantum amplificant Potestatem Cæsaream, quando adimenda Jura Romanæ Ecclesiæ, cujus odio prægnantes, ideas pariunt, quas tota nescivit antiquitas. Anno 1645. teste Lundorpio in Dieta Osnabrugensi Primarias Imperatorum Preces universim volebant abolitas. Versis jam rebus nescio quantum Majestatis momentum in illis reponunt.

ponunt. Promissionem advocatiæ & protectionis Romanæ Ecclesiæ, in capitulationibus Cæsareis fieri solitam Imperatori remissam volunt, &, quantum in ipsis est, irritam; quia hæc protectio Ecclesiæ Romanæ est valde favorabilis. At verò quando aliquid eidem est onerosum ac odiosum, (sicut provisio Beneficialis ordinariis collatoribus adempta est Ecclesiæ onerosa) tunc Jus advocatiæ est quarto modo proprium Majestati Cæsareæ, tunc non tantum Jus Primarum Precum essentialiter fluit ex Jure advocatiæ, sed omnes collationes Beneficiorum (in Ecclesia tamen solummodo catholica) eidem, si possent tanquam prærogativam per se emanantem annexerent.

Quæ in contrarium ab A catholicis sunt allata, nihil probant. Nam

Resp. ad 1. Si Imperator eo sensu est Patronus Ecclesiarum, quo sensu illi, qui fundarunt Ecclesias, Jus Patronatus habent, seu jus nominandi aut præsentandi Clericos ad Beneficia Ecclesiastica, tunc non tantum prima vice ac semel tantum potest ad quamlibet Ecclesiam vacantem nominare, sed ad omnes, quodcumque & quotiescunque vacantes, sicut alii Patroni id possunt. Igitur Imperator non eo sensu est Patronus Ecclesiarum, ac si haberet jus præsentandi; sed est *Patronus* seu *Advocatus* Ecclesiæ universalis, hoc est, Protector, & Defensor adversus hostes & impugnatores Catholicæ Ecclesiæ.

II.

Ad 2. Eadem est responsio. Nemo negat Imperatori Jus Primarum Precum. Sed sicut Patroni inferiores jus præsentandi ad Beneficia, à se fundata, acceperunt à Sede Apostolica, à qua ad hoc sunt habilitati, ita etiam Jus Primarum Precum derivatur ab eadem. Unde hæc paritas est contra adversarios, ac pro nobis militat.

Ad 3. Quæ à quibusdam Imperatoribus in collatione Dignitatum ac Beneficiorum Ecclesiasticorum ante Henricum V. & præsertim ab ipsius patre sunt attentata, *de facto* contigerunt, non *de jure*. Atque hinc deploranda illa sacerdotii cum Regno collisio. Reducta tandem pax alma cælo propitio (quam in extenso retuli *part. 3. apparat. cap. 5. art. 1. n. 11. & 12.*) dimisit Henricus, quod usurpaverat, Investituram nempe per annulum & baculum. Circa *reliquias* aliquas Primarum Precum, aut earum reservationem, nulla prorsus mentio, nullum vestigium. Et, si concessum tunc fuisset Henrico Jus Primarum Precum, à Callisto II. Pontifice concessum fuisset; cum illo enim transegit. Adeoque hoc ipso à Sede Apostolica procederet.

12. Cæterum bene notanda sunt verba Friderici II. Cæsaris, quæ in publico conventu Episcoporum ac Principum Bullæ suæ aureæ, ut vocat, inseruit, quam exhibet Goldastus *tom. 1. Constit. pag. 289. & 290.* *Illum igitur, inquit, volentes tollere abusum, quem quidam Prædecessores nostri exercuisse dignoscuntur in electionibus Prælatorum concedimus & sancimus, ut electiones liberè & canonicè fiant &c.* Et paulò post (apud Goldastum *loc. cit. n. 4.*) subdit: *Illum quoque dimitimus & resuscitamus abusum, quem in bonis decedentium Prælatorum, aut etiam Ecclesiarum vacantium, nostri consueverunt antecessores committere, pro motu propriæ voluntatis. Omnia nos spiritualia vobis & aliis Ecclesiarum Prælatiis relinquimus liberè disponenda, ut, quæ sunt Cæsaris, Cæsari, & quæ Dei, Deo recta distributione reddantur.* Illos haud dubiè abusus Imperator indigitat, qui Henrici IV. & V. atque avi ipsius Friderici I. temporibus invaluerant.

§. III.

Refertur tertia sententia.

A catholici quidam scriptores, cernentes, quàm parùm in allatis duabus sententiis sit præsidii, ne tamen privilegium aliquod Pontificium cogantur admittere, ad *inveteratam consuetudinem* confugiunt, qua sola Jus Primarum Precum inductum, continuatumque volunt.

13. Hanc eandem sententiam amplexi sunt pauci quidam Catholici; quos inter Zegerus Van-Espen, *in Jur. Eccles. part. 2. tit. 25. c. 9. n. 19. & 20.* post relatum ex continuatore Urspergensis formulam Primarum Precum (supra art. 1. exhibitam) qua Rudolphus I. Imperator usus est, subnectit: „cùm in ea formula nullius Indulti „ Apostolici, alteriusque tituli, quo hoc jus nitatur, mentio occurrat, sed totum ex antiqua consuetudine desumatur, admodum vero simile esse, hoc Jus *Primariarum Precum* consuetudine „ primitus inductum esse: imò à solis precibus, apud collatores in „ terpositis, originem habuisse, atque sensim preces, in mandata & „ jura transiisse, ipsòque Reges & Imperatores, exemplo Pontificum „ Romanorum primò precibus, ac dein mandatis usos fuisse.“

Prima igitur probatio hujus sententiæ petitur ex formula Rudolphi I. qui ad antiquam consuetudinem se retulit.

14. *Secunda* ex formula Caroli IV. quam exhibet Goldastus *Tom. 1. Constit. ad an. 1354 pag. mihi 343.* Hac ad præpositum Monasterii Ravensburgh Ord. S. Augustini directa, ait, *tam de jure, quàm antiqua & approbata consuetudine, hætenus observata*, competere Imperatoribus, quòd in quolibet Monasterio, in Imperio constituto, unam tantum per-

perſonam vi Primariarum Precum ad Beneficium Eccleſiaſticum facere poſſint promoveri. Dirigit deinde ad Monafterium preces pro Conrado de Dylle, addito præcepto : *per Regalia Scepta mandantes &c. quavis contradictione ceſſante.* Et hinc idem Carolus IV. in Bulla aurea cap. 5. §. 1. pro tempore vacantis Imperii idem jus etiam Vicarii Imperii addicit : *ad Beneficia Eccleſiaſtica præſentandi.*

Tertia ex conſtitutione Caroli Filii Wenceslai, quæ pariter eſtat apud Goldaſtum tom. 1. conſtit. ad an. 1376. pag. m. 375. hac Wenceslaus Ruperto Comiti Palatino per Diœceſin Spirenſem & Wormatiensẽ cedit ſuum Jus Primarum Precum, *tam de jure (ut ait) quàm ab antiqua conſuetudine* Divis Imperatoribus, in ſingulis *tam cathedralibus, quàm collegiatis & conventualibus Eccleſiis & Monafteriis utriusque ſexus &c.* Addit deinde non tantum mandata, ſicut pater ejus, ſed inſuper etiam graves minas.

Quarta deducitur à Pfeffingero ad *Inſtit. Vtriar. l. 3. tit. 2. n. 8. & 9.* ex recentiorum Imperatorum Reſcriptis, nempe Ferdinandi III. qui in litteris, an. 1650. datis ad Eccleſiam Cathedralẽ & collegiatam Magdeburgenſem, Jus Primariarum Precum *jus & conſuetudinem Imperii* appellat, *ex inveterata conſuetudine* Imperatoribus competens. Leopoldi M. qui in Reſcripto ad eandẽ Magdeburgenſem, & Merſeburgenſem Cathedralẽ Eccleſiam anno 1661. *inveteratam conſuetudinem* adducit. Uti etiam Imperator Joſephus anno 1705. ad Eccleſiam Hildeſienſem, & anno 1706. ad Paderbornenſem Episcopum, ſcribens, Primas Preces *Jus & conſuetudinem Imperii, ab antiquis temporibus deductam* appellat. 15.

Quinta à Cortrejo in *obſerv. ad concord. p. 40.* ubi adducit litteras executoriales ab Archiepiſcopo Moguntino ad Capitulum Magdeburgenſe nomine Cæſaris ſcriptas anno 1654. in quibus Preces Primarias appellat, ex antiqua conſuetudine deducta, & in pace Weſtphalica (art. 5. §. 18.) de novo confirmata Cæſarea Reſervata. De Indulto Pontificio altum ubique ſilentium.

R E S P O N S I O N E S

Ad hæc argumenta.

Ad 1. quidam ſcriptores Catholici cum P. Schwarz p. 8. q. 6. §. 12. exiſtunt, legitimam Primariarum Precum originem non excedere tempora Friderici III. adeoque Rudolphum I. Carolum IV. & Wenceslaum illegitimè illis uſos; conſuetudinem verò antiquam ad quam memorati Imperatores ſe referunt, pariter non fuiſſe legitimam, ſed potiùs abuſum, & uſurpationem. 16.

Pars VI.

I i

Verum

Verum licet Wenceslai constitutio non multum me moveret, si sola esset; durum tamen mihi videtur, Religiosissimos Imperatores, Rudolphum I. & Carolum IV. arguere, quod illegitimè usi sint Primariis Precibus, & consuetudinem illam antiquam, in qua jus suum fundarunt, fuisse merum abusum, & iniquam usurpationem. Non enim est credibile, quod Rudolphus justissimus ac piecissimus Imperator jus suum fundarit in abusibus, quos haud ita pridem antea ipsius antecessor Fridericus II. in publico Imperii conventu (ut priore §. retulimus) damnaverat.

Unde multò probabilius mihi videtur, habuisse ipsos jus legitimum Primarum Precum, ac consuetudinem illam antiquam, quam in litteris suis allegarunt, fuisse legitimam, adeoque usum & jus legitimum Primarum Precum non primum ad Sæculum XV. ac tempora Friderici III. nec primum ad tempora Rudolphi I. aut Sæculum XIII. esse referendum, sed ad antiquiora tempora, à Rudolpho & Carolo allegata.

Fuit autem & jus horum Imperatorum legitimum, & consuetudo, quam allegarunt; quia tam jus illud, quam consuetudo ista, ortum erat ex *Indulto Apostolico*. Non vana hujus assertionis præstò sunt argumenta.

17. Certè Guilielmus Durandus (*speculator* aliàs dictus, quia præclarum suum opus juridicum *speculum* nuncupavit) qui fuit cœvus Rudolpho I. in *suo speculo lib. 4. particula 3. §. libellus. n. 7.* testatur, se hujus Indulti Bullam vidisse. Quod verò quidam scriptores a catholici dicunt, hanc Bullam non fuisse Pontificiam sed Imperatoriam, ineptum est, ut faciliè advertere potuissent, si Durandi speculum inspexissent. Nam hæc sunt ejus verba: *Item notandum, quod Imperator habet privilegium, quod ego vidi Bullatum, quod in qualibet Ecclesia Alamaniæ possit facere unum recipi.* Atqui nemo sibi ipsi dat privilegium, sed ab alio superiore illud accipitur, qualem quoad sacra Imperator agnoscit Summum Pontificem, visibile caput Ecclesiæ, & Christi in terris Vicarium. Sed quid multa.

18. Ipsi Imperatores Rudolphus & Carolus in litteris suis apertè fatentur & asserunt, consuetudinem illam antiquam Primarum Precum fuisse approbatam: *cum ex antiqua & approbata consuetudine &c.* à quo autem alio ejusmodi *approbatio* posset descendere, nisi à supremo Ecclesiæ Sacrorumque Antistite?

Atque ex his ipsis habetur etiam *Responsio ad 2. & 3.* Quod obiectum fuit ab adversariis. Nam etiam Carolus IV. dicit, consuetudinem illam fuisse approbatam, certè non ab alio, nisi à Sede Apo-

Apostolica, quæ sola potuit Imperatori dare privilegium in toto imperio exercendi Jus Ecclesiasticum, præsentationis videlicet ad Beneficia Ecclesiastica. Supposito autem hoc privilegio, à summo Pontifice accepto, jure potuit Carolus IV. exigere & mandare ne quis huic suo juri, per privilegium Apostolicum quæsito, se opponat.

Quodd autem ejus filius Wenceslaus graves minas addiderit, ejus moribus est adscribendum.

Ad 4. Imperatores etiam recentiores ad antiquam consuetudinem se retulerunt, prout Rudolphus & Carolus, unitatem scilicet approbatione & Indulto apostolico, quod à summo Pontifice Imperatores isti petierant more Majorum, & obtinuerant.

Deinde Imperatores Ferdinandus III. & Leopoldus litteras suas *in loc. cit.* dabant ad Ecclesias Lutheranas ad exercendum in illis Jus Primariarum Precum. Ad hoc autem evincendum nihil erat efficacius, quàm ut ex iis fundamentis jus suum adstruerent, quæ ab ipsis Protestantibus agnoscuntur, videlicet ex antiquissima consuetudine, hoc jus Cæsareæ Majestati asserente.

19.

Et hæc quidem consuetudo verissimè subsistit, estque omnino legitima; quia Sedis Apostolicæ concessione & approbatione suffulta. Quamvis enim Protestantes hanc concessionem & approbationem contemnant, impedire tamen non possunt, quò minus consuetudo in illa fundata sit omnino legitima ac rationabilis, etiam quoad eorum Ecclesias.

Cæterum mirum est, potuisse Magdeburgenses aut alios Lutheranos circa Jus Primariarum Precum in Ecclesiis suis difficultatem ullam movere, cum non tantum Jus Sacrorum Imperatoribus asserant, sed Pax etiam Westphalica, quam adorant, *art. 5. §. 18.* adeò manifestè illud sanciat. *Ubi sacra Cæsarea Majestas Jus Primariarum Precum exercuit, exerceat etiam in posterum: dummodo decedente Augustanæ Confessioni alicui, in ejus Religionis Episcopatibus Confessioni Augustanæ addictus, ad normam statutorum & observantiæ idoneus, Precibus fruatur &c.*

Ad 5. Eadem est responsio. Nam Archiepiscopus Moguntinus litteras suas executoriales pariter ad Lutheranos direxit. Adcoque in re justa propriis armis, domesticis nempe eorum argumentis erant petendi. Et opportunè sanè non tantum consuetudinem vetustam, sed Instrumentum etiam Pacis Westphalicæ, tanquam argumentum maximè ad hominem ipsis objecit.

Nec mirum est, quòd in ejusmodi litteris, ad Protestantes directis, altum sit de privilegio Pontificio silentium. Non enim sa-

pientissimi Principes censēbant è re fore, auctoritatem Sedis Apostolicæ hostium ejus sibi exponere, cum abundè suppeterent documenta, quæ ab ipsis non agnoscuntur duntaxat, sed tot etiam libris editis prolixè dilaudantur.

De cætero non altum silentium, sed altus clamor sæpè auditus est de concessione & privilegio sanctæ Sedis. Dum ipsi Imperatores faterentur, jus suum esse approbatum; dum Durandus testatur, se vidisse privilegium Bullatum Imperatorum; dum tot Cæsares hoc privilegium sibi innovari peterent. Prout modò prolixiùs paulisper imus expositum.

§. IV.

Intervenire debet auctoritas Sedis Apostolicæ.

Communis est Catholicorum sententia, competere quidem Imperatori noviter electo jus ad præsentandum Clericum idoneum ad Beneficium, primò vacaturum in Ecclesiis: non tamen independentè à concessione Ecclesiæ.

20.

Ita docent nominatim Hermannus Hermes *fascic. Jur. Publ. c. 11. § c. 4. de Regal Imp.* Andr. Gaill. *Pract. observ. l. 2. observ. 155. n. 7.* ubi ait: valere Cæsareas Preces Primarias Pontificis Indulto ac privilegio. Choppin *de sacr. Polit. l. 1. tit. 10. n. 13.* Martinus Uranius *tom. 2. consil. 21. §. 10.* Petr. Gregorius *Syntagm. l. 17. c. 7. §. 21.* Azor *instit. moral. l. 10. c. 7.* Boërius *decis. 32. n. 8.* Befold. *tr. de Majest. Eccles. fol. 121.* Restaur. Castald. *de Imperat. q. 100. n. 14. § 15.* Arnulph. Ruzeus *de Jur. Regul. privil. 47. n. 2.* Joan. à Chokier *Indult. Prim. Prec. in proëm.* Oligenius in præclara sua Dissertatione *de Primar. Presib.* in qua eruditissimè ac solidissimè hanc materiam pertractat. P. Ignat. Schwarz. *Coll. Hist. p. 8. q. 6.* Accedunt Canonistæ & Juris etiam Civilis Interpretes Catholici, qui hanc materiam tractarunt. Imò plures etiam ex Acatholicis apud P. Schmaizgr. *de Preb. n. 327.* ut Beckers *synops. Jur. Publ. c. 5. §. 5.* Syringius *de Pace Relig. concl. 31.* Rumelinus, Lampadius. Vide Oligenium p. 142.

21.

Probant 1. ex Concilio Generali Nicæno II. quod *can. 3.* ait: *Omnis electio, à Principibus facta Episcopi aut Presbyteri, aut Diaconi, irrita maneat secundum regulam.*

Ex Concilio Generali Constantinopolitano IV. quod *can. 22.* prohibet, ne Principes sæculares Ecclesiasticis electionibus se immisceant. Idem ex *can. 4.* Concilii Lateranensis I. Ex *can. 25.* Concilii Lateran. II. ubi prohibetur, ne quis Beneficium Ecclesiasticum recipiat de manu laici; &, si receperit, eo privandum decernitur.

Idem

Idem posteriora etiam Concilia, tum Generalia, tum Provincialia, sacri item Canones Juris Pontificii (uti c. 2. de *Judic. &c.*) frequenter fanciunt.

Ex hoc inferunt, laicum Principem non posse de Beneficiis Ecclesiasticis disponere, absque concessione & privilegio Sedis Apostolicæ.

Unde Hermannus Hermes *fascic. Jur. Publ. c. 111.* appositè in hanc rem scripsit: *Sola consuetudo vel præscriptio immemoralis hoc jus (Primarum Precum) tribuere laico non posset; quia principale requisitum, facultas possidendi jus Ecclesiasticum, sine indulto Papæ deficeret.*

Agnoverunt hoc sapientissimi Imperatores. Unde consuetudo illa, ad quam se referunt Rudolphus I. & Carolus IV. fuit à Pontificibus approbata. Privilegium Bullatum ipsemet vidit Durandus. Teste Oligenio *dissert. de Prim. Prec.* Fridericus III. petiit & obtinuit à Nicolao V. indultum ad centum Beneficia ante Concordata, post illa verò universim Jus Primariarum Precum. Mortuo Nicolao obtinuit à Callisto III. novum Diploma, prioris Indulti confirmativum.

Simile Indultum pro Primariis Precibus ab Innocentio VIII. petiit & obtinuit Maximilianus I. à Leone X. Carolus V. rursumque, cum nova orta essent dubia, à Clemente VII. Oligenius *Dissert. cit. à fol. 52.* Ab eodem Pontifice privilegium hoc obtinuit Ferdinandus I. cum Rex Romanorum esset electus, & cum propterea Capitula & Collatores quidam conquererentur, instante Ferdinando novo Indulto Preces firmatæ sunt. Ut testatur idem Oligenius, atque ostendit anno 1564. simile Indultum impetrasse Maximilianum II. à Pio IV. Rudolphum II. à Gregorio XIII. Mathiam à Paulo V. Ferdinandum II. ab eodem Paulo V. Ferdinandum III. ab Urbano VIII. quorum Indultorum diplomata exstant passim in extenso apud Besoldum, Chokierum, Oligenium, ac ipsum etiam Pfeffingerum in *Vitriar. Illustr. l. 3. tit. 2. adn. 9. p. 90.* ubi omnia ista Indulta fatetur fuisse impetrata. In quibus Papa diversimodè modificet Jus illud Precum, reservando aliqua, uti primas in Cathedralibus & Collegiatis Ecclesiis Dignitates, eaque, quæ per *extravag. ad Regimen* sunt reservata.

Gloriosissimæ memoriæ Imperator Leopoldus institit quidem per Cardinalem de Hassia apud Alexandrum VII. teste eodem Oligenio, verum cum instaret, ut omisso (ad parcendum ob difficultatem temporum sumptibus) legato *Obedientiæ*, electionis confirmatio indulgeretur, Pontifex id facere recusavit, sicque dissimulatum etiam est tunc Indultum Apostolicum de Primis Precibus. Sed re deinde amicè Pontificem inter & Cæsarem composita, etiam hisce provisum fuit. P. Schwarz *p. 8. q. 6. §. 12. n. 4.* Oligenius *Dissert. cit.*

Ex his autem ita concludunt: Tot sapientissimi ac gloriosissimi Imperatores per trecentos ferme annos continua serie à Sede Apostolica petierunt Indultum Primarum Precum. Quod sanè non fecissent, nisi existimassent, in hac re Ecclesiastica intervenire oportere auctoritatem supremi sacrorum Antistitis. Si enim ea, quam imprimere conantur Protestantes, idea fuissent imbuti, Jus Primarum Precum ex sua natura perpetuo nexu pertinere ad potestatem Cæsaream aut Regalem, tanquam Majestati & coronæ intrinsicè & independenter connexum, atque absque ullo Indulto tanquam Jus Regium debitum, aut in sola consuetudine absque ullo Superioris Ecclesiastici assensu fundatum ac radicatum, verisimile nullatenus est, Imperatores passuros fuisse hanc potestatem suam per reservationes restringi, aut eos à Romana Curia flagitatuuros fuisse facultatem jura sua Regalia atque independentia exercendi. Neque, si debium aliquod incideret, aut difficultas ex parte Capitulum aut Collatorum se opponeret, ad eandem recurrissent; prout tamen plures Imperatores fecisse diximus. Nam cum Germaniæ Ordinarii exciperent, quòd Precibus obstitent Concordata Germaniæ, Imperatores ad Papam recurrerunt, ut iis derogaret

23.

Inferunt deinde ex his ulterius, hoc jus non ita esse Imperatoribus perpetua lege concessum à Sede Apostolica, ut nulla deinceps renovatione novæque approbatione opus habeant, prout in Jure Patronatus, ex fundatione e. g. competenti contingit: ubi laici universim ab Ecclesia sunt habilitati, & stabili lege fundatoribus præsentandi potestas est transcripta: sed Primarias Preces tanquam jus personale ita singulis Imperatoribus post præstitum juramentum obedientiæ & Advocatiæ, noviter electis concedi, ut successor novorursus Indulto opus habeat.

Neque enim Imperatores, continuata serie succedentes, singulos Indultum fuisse petituuros, si omnibus, etiam successoribus, stabili ac perpetuo privilegio fuisset absolutè concessum, prout jus præsentandi omnibus fundatorum successoribus concessum novimus. Imò ex ipso tenore hujusmodi Indultorum clarè apparere, cuilibet noviter electo personaliter illud fuisse concessum, cum semper singularis duntaxat persona designata sit, præmissis singularibus ejusdem meritis, cum personalibus expressionibus; ut videre est apud Oligentium, qui in *Dissert. de Prim. Prec. fol. 47. & seq.* singula Indulta adducit.

Unde neque consuetudinem aliam esse, quàm, ut singuli de novo Indultum petant, atque obtineant, ut trecentorum fere annorum

rum

rum usus declarat. Atque ad hanc normam metiendam etiam esse illam antiquam consuetudinem, quam Rudolphus I. Carolus IV. & Wenceslaus allegant, atque *approbatam* asserunt: quotiescunque nempe novus fuisset creatus Imperator, toties à Sede Apostolica consuetudinem illam approbatam intelligi.

Patere hoc ex ipsius formis Precum Primariarum, ab Imperatoribus post acceptum Indultum Apostolicum, ad Collatores ordinarios directarum, in quibus expressam legamus eam consuetudinem à quovis tunc Ecclesiæ præsidente speciali approbatione roboratam. Sic in forma, à Ferdinando II. (quam in extenso exhibet Chokier l. c. in præm.) ad Collatores directæ, hæc haberi: *Cum nobis ad Prædecessorum imitationem ex inveterata consuetudine, etiam Apostolica auctoritate per S. in Christo Patrem Paulum V. sanctæ Romanæ & universalis Ecclesiæ Pontificem Maximum roborata, jus competat, Preces Primarias ad omnes & singulos, Beneficiorum Ecclesiasticorum Collatores, Collatrices, Capitula Conventus, & Collegia, ac personas alias, de illis quocunque modo disponendi jus habentes, per universum Romanum Imperium constitutas, porrigendi, dandi, concedendi, & decernendi, pro personis idoneis, & nobis gratis &c.* 24.

Addunt: licet fortasse antiqua illa consuetudo pro omnibus Imperatoribus, etiam secuturis, constitutione universali ac perpetuò valitura fuisset approbata, ut proin tunc opus non fuisset singulis Imperatoribus novam approbationem, renovationem, aut novum Indultum petere; aliud tamen habere posteriora tempora. 25.

Nam per Concordata Germaniæ consuetudinem illam antiquam abrogatam dicunt; idque probant, tum ex eo, quod in illis adeò singillatim omnia sint excussa, atque Dignitates ac Beneficia omnia & singula, pro quocunque casu, quandocunque aut quomodocunque vacatura, inter Summum Pontificem & Collatores vel Provisores ordinarios sint adeò minutatim distributa, ut Cæsareis Primariis Precibus planè nihil manserit reliquum; vetitumque omnino fuerit, ne quis aut liberas electiones ac provisiones impediret, aut contra tenorem Concordatorum quidquam attentaret, secus id omne inane & irritum fore.

Atque hinc Fridericum III. post inita Concordata à Nicolao V. & postmodum etiam à Callisto III. petiisse & impetrasse Diploma, Concordatis derogatorium, quo Jus Primarum Precum ipsi concederetur. Quo sanè opus non fuisset, si antiqua illa universaliter atque in perpetuum approbata consuetudo per Concordata non fuisset abrogata, aut per Concordata jus ipsi fuisset reservatum. 26.

Neque sequentes post Fridericum Imperatores per ducentos & amplius

amplius annos eandem concessionem petiturus fuisse, Concordatis derogatoriam, si antiqua consuetudine, perpetuo privilegio circumvallata, tueri se potuissent.

Consuetudinem proin illam non fuisse stabili lege pro omnibus secuturis Imperatoribus absolutè communitam, sed velut conditionatè, si noviter electi eandem approbari singuli petant. Vel, si ejusmodi consuetudo, perpetua atque absoluta approbatione firmata, viguisset, eandem cum Jure Primarum Precum per Concordata Germaniæ fuisse abrogatam, datùmque Friderico III. novum Indultum, quod, cùm personale esset, à singulis subsequētibz Imperatoribus renovari oportuisse. Nec sufficere præsumptionem de mente Pontificis, sed requiri actuale Indultum.

Patere id ex Bulla Clementis XI. ad Capitulum Hildesienſe data, in qua præceperit, ut ad Canonicatum, mense Papali vacantem, reciperetur à se provisus, non autem illa, qui per Primas Preces absque Indulto Apostolico fuisset nominatus.

Nec suffragari posse exemplum Ferdinandi IV. qui statim ac Romanorum Rex fuerat electus, non expectata confirmatione & Indulto Pontifico, ejusmodi Preces concessit, cùm ex Bulla citata constet, id fieri invito Pontifice, omniumque à Friderico III. Imperatorum usque ad Ferdinandum Regem exempla haberi contraria.

27.

Ipsos adeò A catholicos fateri, Imperatores post Concordata Precibus non uti sine Indulto Pontificio, illudque agnoscere tanquam Beneficium Papale, quod in usu sit jam ultra sæculum geminum. Sic Vitriarium *Inst. Jur. Publ. lib. 3. tit. 2.* scribere: *Imperatores hoc jus hodie ut Beneficium à Pontifice agnoscunt, uti clarissimè patet ex formula, qua Paulus V. Papa Ferdinando II. hoc jus concessit, item ex concessione hujus juris, quæ facta est ab Innocentio X. Ferdinando III. Idem ferme fateri Fritschium tract. de Jur. Prim. Prec. c. 2. n. 36. &c.* Imò Protestantes in Gravaminibus, anno 1646. mense Aprili in tractatione Pacis exhibitis factos, Primarias Preces à Pontifice originem ducere, ac propterea easdem voluisse abolitas.

28.

Fatentur equidem Catholici DD. cum Oligenio, Josephum gloriosissimæ memoriæ Imperatorem direxisse Preces Primarias ad Collatores ordinarios sine Indulto speciali Pontificio. Sed respondent, hoc exemplum fuisse singulare, contrarium exemplo omnium Imperatorum à ducentis & amplius annis, omnium videlicet Cæsarium à Friderico III. usque ad hoc sæculum. Deinde reclamasse Pontificem Clementem XI. speciali Bulla, ad Capitulum Hildesheimense data. Tandem autem hanc rem totam feliciter fuisse compositam.

positam. Exstat in hanc rem Bulla Clementis XI. post electionem gloriosissimi Imperatoris Caroli VI. ad Capitula Ecclesiarum Cathedralium anno 1714. directa. In hac dicit Pontifex; cum jam benedicente Domino difficultates illæ, propter quas Imperiales Preces Primarias non admittendas esse edixerit, prorsus sint sublatae, omnino recipiendas & admittendas esse Preces, quas à Carolo Imperatore electo quibuscunque Capitulis aut Collatoribus Beneficiorum porrigi seu exhiberi contigerit. Et cum sibi innotuerit, Josepho Imperatori animum non defuisse, ad rem totam explendam, nisi immaturus illius obitus cuncta turbasset, adeoque per ipsum non stetit, quod minus eadem difficultates penitus tollerentur, quemadmodum ex authenticis allatis documentis sibi liquidò constet, idcirco etiam similes Primarias Preces, ab eodem Josepho Rege, dum viveret, expeditas, suum integrum ac plenum effectum habere; citra tamen præjudicium eorum, qui à Papa aut Collatoribus ordinariis in possessionem sint missi.

R E S P O N S I O N E S

Ad alias Objectiones.

Ad præcipua Adversariorum argumenta, petita videlicet ex ipsa natura Juris Majestatici, Advocatiæ, Patronatus & antiquæ consuetudinis, jam responsum est. Superfunt leviora quædam adhuc breviter dissolvenda.

29.

Dicunt 1. Jus Primariarum Precum jam inde ab Augusto, aliisque primis Imperatoribus suam trahere originem, utpote qui simul usque ad Gratianum fuerint Summi Pontifices. *Resp.* Jus Gentilium circa Sacra locum non habere apud Christianos. Sed nec illi leguntur usi Jure Precum: aut ad quem unquam direxerunt suas Preces? Et licet primi Imperatores Christiani usque ad Gratianum adhuc toleraverint titulum *Pontificis Maximi*, quem Gentiles more veteri eis deferebant, non tamen leguntur, ad ulla Beneficia nominasse. Imò tunc necdum erecta erant vera Beneficia; sed Clerici in commune vivebant, & sustentabantur ex oblationibus fidelium, quas Episcopus per oeconomum administrabat.

Dicunt 2. Jus Primarum Precum fundari in eo, quod Imperatores semper fuerint primi Ecclesiarum Cathedralium Canonici. *Resp.* Hoc fundamentum non esse firmum; cum à nullo unquam Imperatorum fuerit agnitum, aut allegatum.

Dicunt 3. cum Schwedero, Stamlero, Klockio, Fritschio, Vi-triario &c. Indultum Pontificum non peti ex necessitate, sed ad

abundantiorē cautelam, & captandam eò facilius Capitulorum benevolentiam. *Resp.* Hoc dici, sed non probari. Contrarium ex dictis patet. Quid opus captatione benevolentiae, si de jure constat? Si Capitula resisterent, id ideo contingeret, quia ipsis persuasum est, necessariò hîc intervenire debere auctoritatem Sedis Apostolicæ, & ab ea definiendum declarandûmque, si quid dubium occurreret, aut non jure fieri contingeret. Prout ipsi etiam summi Imperatores, in rebus dubiis, aut à Capitulis vel Collatoribus ordinariis in controversiam adductis, ad Sedem Apostolicam, pro novo Indulto, magis declarativo, recurrere consueverant. Hoc ipsum Præcistæ etiam non rarò faciebant, ad tribunalia Romanæ Curiae, oborta lite, confugientes; ut exemplis probat Oligenius *Dissert. cit. fol. 125.* Certè non paterentur Imperatores Jus Primarum Precum per Reservationes Pontificias limitari ac restringi, si tantum *ex civilitate*, ut loquuntur, aut *ad captandam benevolentiam*, Indultum peterent.

Dicunt 4. cum Goldasto. Ex Conrado Urspergenfi haberi, quòd Otho IV. noluerit Beneficia seu Ecclesias conferre primis petentibus, prout antè fuerit consuetudo Principum. Ergo consuetudine jam dudum ante Rudolphum inductum fuerat Jus Primarum Precum. *Resp.* Hæc non sunt contra ea, quæ hætenus attuli; non enim nego consuetudinem illam esse antiquiorem temporibus Rudolphi. Cæterum vel fuit ea consuetudo approbata à Summo Pontifice, prout approbata fuit ea, quam allegant Rudolphus I. & Carolus IV. & tunc fuit legitima. Vel non fuit approbata, (prout probabilius esse videtur, aliàs Otho IV. eam non rejecisset) tunc inter abusus est collocanda, quos abjecit & damnavit Fridericus II.

Dicunt 5. cum Pfeffingero *ad Inst. Vitriar. l. 3. tit. 2. n. 8.* Imperatorem Mathiam anno 1614. ad Episcopum Spirensē ob non admissum Adolphum de Veningen ad stallum in choro, dedisse litteras, in quibus Primarias Preces appellat *Jus suum & Regale.* *Resp.* Certum est, Mathiam Cæsarem à Paulo V. Papa petiisse & impetrasse Indultum, prout ostendit formula Precum, quas direxerat, existans apud Besoldum *Thesaur. pract. part. 2. pag. 149.* ubi sic loquitur: *Cum nobis ad Prædecessorum nostrorum imitationem ex inveterata consuetudine, etiam Apostolica auctoritate per sanctissimum in Christo Patrem Paulum V. sanctæ Romanæ ac universalis Ecclesiæ Pontificem Maximum Jus competat &c.* Jus igitur ac Regale appellat, quia ex consuetudine à Paulo V. approbata per speciale Indultum Regiæ ac Cæsareæ ejus Majestati

jestati fuit concessum, propter ejus præeminentiam, & supremam in temporalibus potestatem. Eodem sensu etiam Status Catholici Ratisbonæ an. 1646. appellârunt *Regale Romanæ Coronæ*. Præterquam quòd hoc modo loquendi fuerint usi tanquam argumento ad hominem adversus Lutheranos, qui Imperatori Jus Primariarum Precum in terris suis negabant.

Dicunt 6. Imperatores electi, etiam ante confirmationem statim administrant Imperium. Ergo etiam statim possunt exercere Jus Primariarum Precum, antequam ullum Indultum petant. Atque ita fecisse Ferdinandum IV. & Josephum I. est in comperto.

Resp. 1. Hoc argumentum non probat, Jus Primarum Precum non fundari in concessione saltem generali Sedis Apostolicæ. Sed ad summum probaret, non debere singulos Imperatores Indultum petere, postquam generali & perpetuo privilegio hoc jus Imperatoribus omnibus ritè electis concessum fuit. Quo non obstante nihilominus hoc jus à Sede Apostolica suam posset originem trahere, id, quod maximè cum A catholicis est controversum.

Quid autem sentiendum de altera quæstione, cum quibusdam etiam Catholicis controversa, an scilicet singuli Imperatores debeant ejusmodi Indultum petere, vel an non saltem ante petitum Indultum possit noviter electus jus illud exercere, aliorum potius DD. ex sensu ac verbis superius retuli.

Ad exempla etiam Ferdinandi IV. & Josephi I. ex iisdem responsum. Hoc addo; illos haud dubiè bona fide egisse, Catholicorum non paucorum doctrina fultos, existimantium, Imperatoribus universim datum fuisse à Sede Apostolica privilegium universale ac perpetuum, aut in consuetudine antiquissima, Summi Pontificis assensu firmata, sententiam suam fundantium. Quamvis postea Clemens XI. in Bulla citata contrarium declaraverit.

ARTICULUS III.

Ad quæ Beneficia se extendant Primæ Preces ?

Regulæ generalis instar hîc est, Preces Primarias Imperatoris habere locum in omnibus Beneficiis Ecclesiasticis, sæcularibus ac Regularibus, curatis & non curatis, simplicibus & duplicibus, Dignitatibus videlicet, Personatibus, Administrationibus & Officiis.

In specie autem his Precibus sunt subjecta 1. Reservata Summo Pontifici (iis exceptis, quæ sunt reservata in *Extravag. ad Regimen*. 13. de præbend. & dignit.) 2. *Electiva*. 3. Subjecta Juri Patronatus

Ecclesiastici. 4. *Collativa* per turnum. 5. *Curata & Vicariæ perpetuæ.* 6. *Vacantia* per promotionem, per Professionem Religiosam, per initium matrimonium, vel ob crimen simoniæ, hæresis &c. 7. *Devoluta* ad immediatum Superiorem, e. g. ad Episcopum, vel alios Præsules Papa inferiores. 8. *Resignata* simpliciter in manus Ordinarii. 9. *Ad Collaturam Monasterii* spectantia.

Quæ omnia patent ex Indultis Apostolicis, Imperatoribus datis, uti ex dato à Paulo V. Ferdinando II. Imperatori, apud Chokier in *Prec. Prim. illustr.* atque ex Indulto concessio Ferdinando III. ab Urbano VIII. (quod in extenso exstat apud P. Schmier l. 3. tr. 1. p. 2. c. 3. Sect. 7. n. 288.) ubi præmissis magnis laudibus memorati Imperatoris Pontifex ita loquitur :

31.

„Hinc est, quodd Tuæ celsitudinis supplicationi, inclinati, dicta
 „auctoritate præsentium serie Eidem Celsitudini Tuæ concedimus
 „& indulgemus, quodd, si per Te quibusvis collatoribus seu collatri-
 „cibus quorumcunque Beneficiorum Ecclesiasticorum, sæcularium
 „vel Regularium ordinum quorumcunque per sacrum Romanum
 „Imperium ubilibet constitutorum, etiam, si qui, vel si quæ Pon-
 „tificiali, vel alia quavis Dignitate præfulgeant, seu Collegia, Ca-
 „pitula & Conventus fuerint, super singulis Beneficiis Ecclesiasti-
 „cis, cum cura vel sine cura, sæcularibus, vel ordinum hujusmodi
 „Regularibus, in singulis Cathedralibus, etiam Metropolitanis,
 „Collegiatis, & aliis quibuscunque Ecclesiis, etiam si Beneficia hu-
 „jusmodi, Canonicatus & Præbendæ, Dignitates, Personatus, Ad-
 „ministraciones, vel Officia in eisdem Cathedralibus, & Metropo-
 „litanis vel Collegiatis Ecclesiis, & ipsæ Præbendæ in illis ex hu-
 „jusmodi Ecclesiis, in quibus Majores vel Minores Præbendæ esse
 „noscentur, etiam si Majores fuerint, & ad Dignitates, Personatus,
 „Administraciones, vel Officia hujusmodi consueverint, qui per
 „Electionem assumi, eisque cura immineat animarum, dummodo
 „Dignitates ipsæ in Cathedralibus, etiam Metropolitanis, post
 „Pontificales Majores, aut Collegiatis hujusmodi Principales non
 „existant, ab eorundem collatorum vel collatricum collationem,
 „provisionem, præsentationem, electionem, vel quamvis aliam dis-
 „positionem communiter, vel divisim pertinentibus, singulis per-
 „sonis conferendis, seu super hoc, quodd personæ ejusmodi ad illa
 „recipiantur, & admittantur Preces porrigi, seu de personis eisdem
 „ad Beneficia hujusmodi nominationes fieri contigerit Primarias,
 „iidem collatores & Collatrices, salvo, quodd singulæ Collationes
 „& singulæ Ecclesiæ ex hoc ultra quam in uno Beneficio non gra-
 „ven-

„ventur, ac ipsi collatores & collatrices saltem quatuor Beneficia
 „Ecclesiastica conferre habeant, hujusmodi precibus & nomina-
 „tionibus parere, & intendere, nec non personas ipsas ad hujus-
 „modi Beneficia, postquam ipsis de illis Canonicè provisum fuerit,
 „juxta earundem Precum ac nominationum tenorem recipere, &
 „admittere debeant, & etiam teneantur.

„Quòdque quicumque quibusvis in Dignitatibus constituti, seu
 „Ecclesiarum cathedralium Canonici singuli, videlicet in illis, quos
 „pro singulis personis Prædictis, precum & nominationum hujus-
 „modi, & ad hoc, ut fortiantur illa effectum, etiam præsentium
 „Executores deputaveris, per se vel alium seu alios Beneficia præ-
 „dicta, cum in quibusvis etiam ordinariis collatoribus per consti-
 „tutiones nostras aut litteras alternativas, aliàque privilegia, & in-
 „dulta quæcunque quomodocunque concessis, & imposterum con-
 „cedendis, aut aliis quibuscunque mensibus vacaverint, & quæ per-
 „sonæ, pro quibus Preces & nominationes hujusmodi factæ fuerint,
 „quatenus hujusmodi Preces seu nominationes ad illa se extendant,
 „infra mensem, postquam ipsis vacatio hujusmodi Beneficiorum
 „innotuerit, duxerint acceptandas; etiamsi ipsa Beneficia dispo-
 „sitioni Apostolicæ, aliàs, quàm per Constitutionem Fel. record.
 „Benedicti Papæ XII. Prædecessoris nostri, quæ incipit *ad Regimen*,
 „generaliter Reservata existant, & ex diversis personis vacaverint,
 „& personæ nominatæ prædictæ tempore affecutionis Beneficii, ad
 „quod nominatæ fuerint, aliud Beneficium in eadem Ecclesia obti-
 „neant, ac secundum statuta & consuetudines Ecclesiarum, in qui-
 „bus Beneficia hujusmodi constiterint, vel Indulta, Ecclesiis con-
 „cessa, capaces, videlicet in ætate legitima constitutæ, aut de legi-
 „timo matrimonio procreatæ non sint; dummodo quoad hujus-
 „modi qualitates aliàs cum eis canonicè dispensatum, & Beneficia
 „in eadem Ecclesia talia sint, quæ sine dispensatione Apostolica in-
 „simul obtineri possint, aut consueverint, ac ipsorum vacantium
 „Beneficiorum collatio non fuerit juxta Lateranensis statuta Con-
 „cilii ad Sedem Apostolicam legitimè devoluta, neque super illis
 „inter aliquos lis pendeat indecisa, conferre & assignare &c. nec
 „non omnia & singula, quæ ad hoc, ut Precum seu nominationum,
 „ac collationum, & acceptationum hujusmodi succedant effectus,
 „opportuna fuerint, facere, autoritate nostra per censuram Ec-
 „clesiasticam exequi possint, ac valeant. &c.

„Non obstantibus nostris de non utendo gratia expectativa,
 „ac reservatione speciali, vel duabus gratiis insimul... nec non qui-

„buscunque in Cancellaria Apostolica quodocunque publicatis &
 „publicandis, & aliis Constitutionibus & Ordinationibus Apostoli-
 „cis, nec non aliis Ecclesiarum, in quibus hujusmodi Beneficia for-
 „san fuerint, statutis & consuetudinibus &c. nec non Concordatis
 „Nationis Germanicæ, ac eorundem Concordatorum confirma-
 „tione, ac prædictis & quibuscunque aliis, quodocunque editis,
 „& edendis Constitutionibus, & Regulis nostris, & dictæ Cancel-
 „lariæ, ad quarum solennitatem, adstrictionem, formam & satisfac-
 „tionem seu observantiam, habentes Preces, seu nominationes
 „hujusmodi, minimè teneantur, nec ipsæ Preces sub illis compre-
 „hendantur quoquo modo; nec non quibusvis privilegiis, indultis
 „& litteris Apostolicis, & quibusvis gratiis expectativis, speciali-
 „bus vel generalibus, etiam mentalibus reservationibus, unioni-
 „bus, & annexionibus & incorporationibus, suppressionibus, &
 „extinctionibus perpetuis, & temporalibus nominationibus &c.

32.

Ex hoc Indulto Pontificio (cui ferme conformia sunt alia) constat. 1. Preces istas tantæ esse efficaciam, ut non alteri, quàm per Preces à Cæsare nominato, Beneficium conferri possit, si is idoneus sit. Et, si alteri conferretur, id fieret invalidè.

Constat 2. Eas non impediri per quamcunque Reservationem: exceptis iis Beneficiis, quæ continentur in citata *Constit. ad Regimen*.

Constat 3. Derogari Regulis Cancellariæ, litteris concessis in forma *Pauperum*, seu mandatis de providendo Clericis pauperibus, personis Illustribus, aut Graduatis. Ut patet ex §. *non obstantibus*: imò omnibus aliis privilegiis, indultis & litteris Apostolicis.

Constat 4. Derogari statutis & consuetudinibus Ecclesiarum particularium. Unde si qualitas aliqua in Canonico aut Beneficiato tantum requireretur ex statuto, aut consuetudine particulari alicujus Ecclesiæ, posset Cæsar ad eum Canonicatum aut Beneficium nominare etiam talem Clericum, qui ea qualitate caret. Quare, cum Capitulum quoddam recusaret in Canonicum assumere ignobilem Clericum, quem Ferdinandus II. nominaverat, coactum fuit eum admittere, non obstante consuetudine aut statuto, ut tantum Nobiles recipiantur.

Constat 5. Derogari etiam Concordatis Germaniæ (& quidem expresse) præsertim quatenus statuit alternativam mensium. Nam Primæ Preces locum habent quocunque mense absque discrimine, sive Mense Papali, sive mense ordinarii collatoris Beneficium incipiat vacare.

ARTI-

ARTICULUS IV.

Ad quæ Beneficia se non extendant Primæ Preces?

Resp. 1. Se non extendunt ad ea, quæ in Extravag. *ad Regimen* Papæ sunt reservata. Neque ad ea, quæ ad Sedem Apostolicam sunt devoluta. 33.

Resp. 2. Neque ad Dignitates Episcopales, aut his proximas in cathedralibus, uti Præposituras; Neque ad Principales seu Primas in collegiatis.

Resp. 3. Neque ad ea, quæ ex natura sua sunt Regularia, uti sunt Abbatis, Præpositura, Prioratus, Decanatus Regularis. Neque enim Cæsar nominat Religiosos ad istas Dignitates Regulares: imò neque ad Beneficia Regularia.

Resp. 4. Neque ad Beneficia *Patronatus laici*. Quia ut aliàs observavimus, Pontifex per Reservationes aut concessionem generales non censetur derogare juri, ex fundatione, constructione, aut dotatione quæsito. Idem dicendum de Patronatu mixto. Aliud tamen esset, si plures forent Compatroni Ecclesiastici, quàm laici.

Resp. 5. Neque ad *Monocularia*, quando scilicet collator tantum unum potest conferre; imò neque, si tantum duo aut tria potest conferre. Nam ex Indulto recitato, Preces Primarias tantum ii collatores tenentur admittere, qui saltem quatuor possunt conferre. Ne aliàs toto vitæ tempore, præsertim cum Imperatores brevi tempore regnarent, nec unicum conferre possent.

Resp. 6. Neque ad Beneficia *Manualia*, quæ ad nutum sunt revocabilia, aut *Vicarias temporales*, *Pensiones*, & alia quæ non conferuntur in titulum. Quia propriè ne quidem sunt Beneficia Ecclesiastica.

Resp. 7. Neque ad *litigiosa*, de quorum proprietate lis pendet. Neque ad *Resignata* ex causa permutationis, aut in favorem tertii; quia non absolutè vacant. Quibus addit Leurenus simpliciter resignata in manibus Papæ.

Resp. 8. Neque ad ea, quæ perpetuo sunt *incorporata* alicui Dignitati, Ecclesiæ, Collegio, Mensæ Episcopali aut Capitulari.

Resp. 9. Neque ad ea, quæ sunt extra Romanum Imperium, aut ad ea, quæ in alienis Regnis aut Ditionibus sunt sita, licèt olim spectarint ad Imperium. Nisi ea conditione translata sit ad alium Principem Provincia, ut retineat quoad Sacra eas condiciones, quas habebat, dum erat sub Imperio, prout de Episcopatu Metensi, Tullensi, & Virodunensi perhibetur.

Exci-

Excipiuntur Beneficia Italiæ. etiam in illis Provinciis sita, quæ Imperatori jure feudali sunt subiectæ. Præceditque hoc etiam pro casu, quo collator in Germania existit. Sicut econtra Primis Precibus locus est, etsi collator extra Germaniam existat, modò Beneficium existat in Germania.

Quæres, an Preces Cæsareæ etiam extendantur ad Beneficium secundo vacaturum, quando Precista Beneficium, primitus vacans non fuit adeptus?

Resp. Si Precista ex negligentia & culpa sua Beneficium non fuit adeptus, Preces non extenduntur ad secundum, sed post mensem extinguuntur, quo primum cœpit vacare. *arg. c. 11. de præb. in 6.*

Si verò Precista absque culpa sua Beneficium non fuit adeptus, Preces etiam ad secundum & tertium porriguntur, usque dum Precista unum fuerit adeptus.

Si verò jam semel Beneficium acceptavit, variare & aliud prætere tendere non amplius potest. Quia res non amplius est integra; cum jus jam sit consecutus.

ARTICULUS V.

Quænam adhuc notanda?

34. *Resp.* I. Clericus qui Preces Cæsareas obtinuit, debet intra mensem Beneficium, ad quod nominatus est, acceptare, & declarare, quod illud vi Primarum Precum petat. Mensis autem iste incipit currere à tempore, quo ipsi vacatio Beneficii innotuit. Quod statutum est, ne Ecclesia propter diuturniorem vacationem detrimentum patiatur.

Unde docet Hermes, mense elapso extingui jus Precistæ, si ex culpa sua Beneficium à collatore non petat. Aliàs enim frustra fore tempus unius mensis determinatum. Neque huic determinationi obstare clausulas generales.

Contrariam tamen sententiam tuentur Waghereck. Engel. Pirh. Wiestner. Schmalzgr. qui docent, quòd etiam elapso jam mense possit Preces collatori offerre, si res adhuc sit integra, hoc est, si post lapsum mensis necdum alteri sit facta collatio. Quia in Indulto Apostolico dicitur, non obstare Precistæ, quæ alioquin requiruntur de *insinuatione* & *publicatione* nec frustra tamen mensem determinari, quia eum in finem determinatum esse, ut ordinarius collator mense elapso possit liberè conferre. Nam

Resp. 2.

Resp. 2. Precista intra mensem debet Preces Cæsareas seu scriptum, vel nominationem ad Beneficium præsentare ordinario ejus collatori, puta Episcopo, vel Capitulo, capitulariter congregato &c. Si secus fecerit, poterit Ordinarius liberè illud alteri conferre, nec illa collatio amplius retractabitur. Cæterum tempus legitimè impedito non currit, & probabilius neque Minori; vel saltem habet jus restitutionis in integrum. Quamvis enim Minor in iis, quæ in se ipsis verè sunt spiritualia, uti in matrimonio, voto, professione Religiosa, habeatur pro Majore, sicut filius-familias quoad Castrensia, non tamen in iis, quæ tantum sunt annexa spiritualibus, uti Beneficialia. Sic enim Minor adversus propriam resignationem Beneficii restituitur in integrum.

Resp. 3. Interponendæ sunt eæ Preces in quavis Ecclesia pro uno tantum Beneficio, & semel tantum (ut aliàs dictum) Et quidem debet Imperator nominare *dignum*, ut videlicet habeat eas qualitates, quæ de jure communi, vel vi foundationis in Beneficiato requiruntur. Unde non debet esse illegitimus, irregularis, vel censura irretitus, nec alio laborare impedimento Canonico, nisi à Pontifice cum eo esset dispensatum. Dixi, *de jure communi*. Nam Imperator non tenetur attendere ad statuta aut consuetudines particulares alicujus Ecclesiæ.

Sufficit autem, si qualitates requisitas habeat tempore collationis. Unde vim suam obtinent Preces, etiam si Precista tempore earum impetratarum, non habuisset primam Tonsuram, legitimam ætatem &c.

Resp. 4. Imperator jus suum Primariarum Precum potest alteri cedere, prout exempla præteritæ ætatis demonstrant. Sic Wenceslaus hoc jus per Diœcesin Spirensensem & Wormatiensem cessit Ruperto Palatino, Ferdinandus II. Electori Coloniensi &c. quo casu nominatio cessionarii perinde haberi debet, ac, si fuisset facta ab ipso Imperatore.

Immo potest Imperator etiam variare; hoc est, postquam Petrum nominavit ad Beneficium, nominare ad illud Paulum. Nisi absoluta prorsus fuisset promissio, quæ fanè, si acceptata fuerit, cadit in debitum. Ratio est, quia, si ejusmodi absoluta promissio non subest, censetur Imperator sibi reservasse potestatem variandi. Aliud tamen esset, si res non amplius foret integra, uti, si Precista preces jam obtulit collatori.

Ipse etiam Precista potest variare, petendo secundum Beneficium, quando primi petitio absque ejus culpa non est sortita esse.

Etum, ut si primus actus fuit invalidus. Nam licet hæ Preces ad unam tantum in quavis Ecclesia collationem tendant, tamen hanc validam esse oportet. Et hinc si jam primum validè acceptasset, non posset amplius variare acceptando secundum, quia Preces jam sunt consecutæ suum effectum. Si verò Precista esset nominatus ad Beneficium, quod Primis Precibus non est obnoxium, posset is, omiſſis Precibus, ad ordinariam provisionem transire, & liberam collationem ab Ordinario petere.

Ceterum, si Precista pacificam Beneficii possessionem obtinuit, debet Beneficium si quod priùs habuit, & sit incompatible, dimittere, non autem, si sit compatibile.

Quin imò potest unus idemque Clericus ab Imperatore ad plura Beneficia, in diversis Ecclesiis nominari, disjunctivè tamen. Et si taliter præsentatus uno Beneficio provisus fuerit, potest Imperator pro aliis Ecclesiis alios nominare.

38.

Ut autem Preces Primariæ eò certius ad finem suum pertingant, constituere solet Imperator autoritate Apostolica *Executores*, qui debent esse personæ in Dignitate Ecclesiastica constitutæ, vel saltem Canonicatum in Ecclesia cathedrali obtinere. Hi Executores possunt quosvis collatores ordinarios etiam censuris compellere, ut Beneficium ritè nominato conferant. Et, si renuant, possunt ipsi Executores illud conferre.

Potest autem Executor Sub-Executorem constituere; quia est delegatus supremi Principis, qui potestatem sibi commissam potest subdelegare.

CAPUT II.

De Institutionibus.

Institutio latè accepta comprehendit quamlibet provisionem Ecclesiasticam in causa Beneficiali; atque sic electionem etiam & collationem liberam complectitur. Quo sensu loquitur prima Regula Juris in 6. *Beneficium Ecclesiasticum non potest licitè sine Institutione canonica obtineri.* Unde postquam de Jure Beneficiali, de Jure Patronatus, de concordatis Germaniæ, atque de Primariis Imperatorum Precibus tractavimus, de Institutionibus etiam breviter aliqua subjungenda duxi.

Strictius autem sumpta *Institutio* dividitur 1. in *collativam*, per quam confertur titulus Beneficii. 2. in *authorizabilem*, qua committitur cura animarum per Sacramentorum administrationem exercenda. 3. in *possessoriam per Investituram*,

ARTI-

ARTICULUS I.

De Institutione collativa.

Præcipua Institutionum species est *collativa*. Est autem alia *libera*, quando confertur Beneficium Clerico à collatore ordinario omnino liberè, ita, ut nullum jus aut obligationem præsupponat. De hac tractatum est *Dissert. de Jure Benef.*

Alia verò est *Institutio necessaria*, quæ datur ad Patroni præsentationem, aut nominationem Imperatoris vigore Primariarum Precum, & de hac hîc aliqua differenda veniunt.

§. I.

Natura Institutionis collativæ.

Institutio est *Concessio necessaria Beneficii vacantis ab Ordinario facta ad præsentationem Patroni*. Dicitur *necessaria*, quia debetur legitimè præsentato; modò Beneficium sit Patronatum, & vacet, atque debito tempore præsentetur idoneus.

Quodsi his concurrentibus Ordinarius neget Institutionem, aut plus æquo differat, poterit Præsentatus, imò etiam ipse Patronus appellare, aut provisionem impetrare à Papa.

Quæstio autem controversa est, an valida sit Institutio, quæ facta est vel invito vel inscio Patrono. Nam duplex in hac re est sententia. Prima dicit, quòd talis Institutio non sit ipso jure nulla, sed valeat quidem, sit tamen rescindibilis; altera omnino invalidam esse contendit. Et hæc est communior, videturque probabilior, atque decisa. *Can. decernimus 32. caus. 16. q. 7. ibi: quodsi, spretis eisdem fundatoribus, Rectores ibidem præsumpserit Episcopus ordinare, & ordinationem suam irritam noverit esse, & ad verecundiam suam alios in eorum loco (quos iidem ipsi fundatores condignos elegerint) ordinari.*

Secundum hunc autem canonem videtur intelligendum *cap. illud 8. de Jur. Patronat. in fin.* ubi dicitur talis Institutio irritanda, nempe pro irrita declaranda; prout DD. communius explicant.

Valida tamen est Institutio facta ad præsentationem Patroni putatitii, seu bona fide existimati, licèt re ipsa proprietas Patronatus ad ipsum non pertineat. Nam, ut valeat Institutio, plus non requiritur, quàm ut præsentans sit in possessione bonæ fidei. Unde licèt postea alius in petitorio obtinuerit, rata tamen erit præsentatio Patroni existimati, & subsequa Institutio Ordinarii. *c. 19. de Jur. Patr. nam, quod legitimè factum est, non retractatur, licèt deveniat ad eum casum, à quo incipere non potuisset. c. 12. dist. 55. & l. 2. ff. de itin. actûq. privat.*

Aliud esset, si lis oriretur, non solum, ad quem Jus Præsentandi pertineat, sed an Beneficium sit obnoxium Juri Patronatus. Nam tunc pro collatione libera esset præsumptio.

§. II.

Causa Efficiens.

50. **C**ausa efficiens est ipse *instituens*, ad quem de jure vel consuetudine pertinet institutio, persona nempe Ecclesiastica. Nam secularis ad hoc est inhabilis.

Hanc potestatem instituendi in Beneficiis Patronatus per suam Diocesin regulariter habet Episcopus. Unde intentionem suam habet fundatam in jure, adeo, ut, si quis alius jus illud prætendat, in dubio probare illud debeat.

Instituere autem potest Episcopus, etiam ante consecrationem, modò sit confirmatus. Quia institutio non est actus ordinis, sed jurisdictionis; & quidem necessaria, cum *debeat* instituere legitime sibi à Patrono præsentatum.

Quapropter hæc potestas transit ad Capitulum Sede vacante. Estque hoc ipso disparitas cum collatione libera. Nam si Beneficium pertinet ad liberam collationem Episcopi, fieret eidem præjudicium, si à Capitulo conferretur. Contra verò nullum eidem fit præjudicium, si Capitulum præsentatos instituat, cum institutio non sit libertatis, sed necessitatis ac justitiæ. Instituere autem solet Capitulum Sede vacante per suum Vicarium in spiritualibus.

Vivente Episcopo competit ea potestas etiam Vicario Generali, & quidem probabilius absque speciali mandato. *Arg. c. fin. de Offic. Vicar. in 6.* ubi Vicario negatur potestas liberæ collationis, ex ea ratione, quòd donare non possit. Ergo à contrario potest instituere; cum institutio non sit donatio, sed necessaria ad requi-sitionem Patroni provisio. Item *Arg. c. 3. b. t.* ubi improbatur Institutio, quæ non fit ab Episcopo, aut ejus *Officialibus, qui hoc de jure possunt.* Ergo supponitur, aliquos Officiales Episcopi de jure posse instituere. Inter hos autem præcipuè est Vicarius Generalis, qui in jure præcipuè venit nomine *Officialis*. Ratio ulterior est; cum Jurisdictio Vicarii Generalis sit eadem cum Jurisdictione Episcopi, idemque utriusque tribunal, potest omnia, quæ ipsi non inveniuntur prohibita.

Quamvis autem Institutio Jure Ordinario competat Episcopo, ejusque Vicario, & Sede Vacante Capitulo, jure tamen Extraordinario competit multis Prælati inferioribus, ex consuetudine vide-
licet

licet aut præscriptione, vel privilegio, etiam in Ecclesiis, quæ subiectæ sunt Episcopo.

Ante Concilium Tridentinum competebat etiam Prælati Ecclesiæ Episcopo inferioribus, *ex fundatione*, hoc autem Concilium statuit, *sess. 14. c. 12. de ref. ut in casu fundationis aut dotationis Institutio Episcopo, & non alteri inferiori reservetur*. Quidam tamen hanc dispositionem Concilii intelligunt tantum de Institutione autorizabili. Alii verò cum Card. de Luca vero-similius eam referunt quidem ad Institutionem collativam tituli, existimant nihilominus, eam conditionatè esse accipiendam, non posse videlicet Institutionem in fundatione inferiori Prælato reservari, nisi ipse Episcopus consentiat, & fundationem sic factam approbet; cum jure suo possit cedere.

Quæres 1. An Jus instituendi Clericos posset competere laicis? *Resp.* Posset illis competere ex speciali Privilegio Apostolico, sicut eodem acquirere possunt jus eligendi, ac conferendi Beneficia, jus decimandi &c. licèt enim per se Jurisdictionis Ecclesiasticæ sint incapaces, & quidem Jurisdictionis internæ pro foro Sacramentali pœnitentiæ Jure Divino, cum hæc jurisdictio absolutè ordinationem Sacerdotalem eodem Jure Divino præsupponat; Jurisdictionis tamen alicujus externæ, quæ à Jure Ecclesiastico dependet, præsertim voluntariæ, qualis est institutio, collatio, electio, per Privilegium Apostolicum fieri possent capaces.

Non tamen exinde sequitur, quòd etiam per consuetudinem aut præscriptionem jus instituendi possint laici acquirere. Non enim universaliter verum est, quòd per consuetudinem aut præscriptionem possit obtineri omne id, quod obtineri potest per privilegium. Hoc enim non procedit, quando datur incapacitas possessionis. Laici autem, secluso privilegio Sedis Apostolicæ, sunt incapaces possidendi jura spiritualia.

Si igitur alicubi laici (aut etiam Moniales vel Abbatisæ) ejusmodi jura instituendi, eligendi, aut conferendi ab immemoriali tempore exercent, id non oritur ex eo, quòd per actus longissimi temporis jus istud acquisiverint (cum absque possessione vel quasi-possessione nulla præscriptio possit procedere) sed si in quieto usu talium jurium relinquuntur, id contingit ideo, quia ex tanti temporis cursu, continuòque usu præsumitur, obtentum fuisse aliquando Privilegium Apostolicum. Quæ tamen ipsa præsumptio, detecto possessionis vitio, cedere debet veritati.

Quæres 2. An instituere quis se ipsum possit? *Resp.* Licèt quis possit aliquos actus Jurisdictionis voluntariæ in se ipsum exercere,

uti dispensare secum ipso, prout faciunt Superiores. qui dispensando cum subditis non raro etiam secum ipsis dispensant, imò etiam quandoque cum se ipsis, licet cum subditis non dispensent; hoc tamen non procedit in materia Beneficiali, in qua propter ambitionis & personæ acceptationis periculum haud expedire visum est, ut quis se ipsum eligat, confirmet, instituat; cum etiam in materia profana visum sit inconveniens, ut aliquis fiat auctor in rem propriam. *l. 1. ff. de auctorit. tut.* P. Franc. Schmier *l. 3. tr. 1. c. 3. sect. 3. n. 122.* quomodo autem hoc non obstante se ipsum quis indirectè præsentare possit, dictum est suprà, speciale etiam quid est, quòd in electione Imperatoris possit Elector sibi ipsi votum dare, ut fecit Sigismundus &c.

Quæres 3. An saltem alium possit quis simul præsentare & instituere? *Resp.* Affirmativè, si ex eodem titulo jus præsentandi & instituendi habeat. Quia tunc in effectu videtur esse libera collatio. Si autem præsentatio & institutio ipsi competere diversò ex titulo, diversis actibus esset exercenda, aut alterutra per procuratorem. P. Schmier *l. c. n. 129. &c.*

§. III.

Causa Materialis.

41.

Causam materiale Institutionis dicere possumus *subjectum*, quod recipit Institutionem ab ordinario.

Requiritur autem 1. ut sit Clericus; quia laicus est incapax Beneficii. *c. 2. b. t.* nec sufficit, si quis statim post Institutionem insigniatur prima Tonsura. Aliud est, si jam sit Clericus, per Ordines Minores aut primam saltem Tonsuram insignitus; nam tunc præsentari potest ad Ecclesiam, etiam Parochialem, & institui debet, modò alioquin sit idoneus, & intra annum ad Sacerdotium promoveri possit. *c. 2. b. t. in 6.* quia, generaliter loquendo, non est necesse, ut instituendus actu habeat illum Ordinem, quem Beneficium requirit, sed sufficit, si intra annum illum recipiat. *Clem. 2. de etat. & qualit.* modò sit Clericus; qualis sit jam per primam tonsuram.

Quamvis autem laicus de Jure Ordinario sit incapax, ut instituat in Beneficio Ecclesiastico; nihilominus Principibus aliquibus laicis conferuntur Præbendæ quædam honorariæ, uti Imperatori Romæ ad S. Petrum in Vaticano, si Romæ coronatus fuerit: Regi Romanorum Aquisgrani: Regi Galliæ in Ecclesia Pictaviensi, & Cenomanensi: Regi Hispaniæ in Legionensi.

Requiritur 2. Ut instituendus sit idoneus & dignus; neque enim

enim Ordinarius instituere potest inidoneum sive indignum, à quo-
cunque demum Patrono fuerit præsentatus. Qua de re prolixius
tractatum est in *Dissert. de Jure Beneficiali*, & adhuc abundantius in
Dissert. de Jure Patronatus. Hinc ante Institutionem Candidatus
examen de doctrina, Moribus, & Canonicis impedimentis subire
debet. Atque si Ordinarius inidoneum instituat, tenetur Ecclesiæ
damnum rescire quantum potest.

Requiritur 3. Ut intra tempus debitum sit præsentatus; nempe
ut intra quadrimestre à Patrono laico, & intra semestrem ab Eccle-
siastico sit præsentatus. De qua etiam re supra in *Dissert. de Jure*
Patronatus plenius actum.

Licet verò Barbosa, Palao, Leurenus, aliique DD. contenda-
nt, Institutionem fieri non posse intra tempus, à Jure indultum
Patronis ad præsentandum: ex ratione; quia aliàs per accelera-
tam ejusmodi Institutionem laico Patrono fieret præjudicium, eò
quod adimeretur ipsi facultas variandi &c. verum non video, quo-
modo Patroni juribus præjudicaretur, si ab ipso præsentatus, post
legitimum examen, currente adhuc tempore concessio, instituere-
tur; cum per suam præsentationem ipsemet renuntiet ulteriori
variationi. Neque præjudicatur Ecclesiæ; cui expedit, non diu
esse viduatam. Et videtur hoc confirmare, saltem in Germania,
praxis plurium Diocesium, quarum Ordinarii solent instituere
præsentatum etiam intra tempus, ad præsentandam concessum;
modò idoneus fuerit inventus. Aliud foret, si jus præsentandi
non esset satis compertum; nam tunc verus adhuc Patronus pos-
set comparere; in cujus præjudicium cederet anticipata Institutio.

§. IV.

Causa Formalis.

Causam formalem constituit modus, quo fieri debet Institutio,
atque tribus absolvitur. *Requiritur* enim 1. ut fiat ad præ-
viam Patroni præsentationem. Aliàs est nulla; modò Patronus
intra tempus sibi ad præsentandum concessum egerit de contemptu.

2. Ut Institutio fiat auctoritate ordinarii. Aliàs, si Patronus
laicus Clericum instituere attentet, nulliter agit, & est excommu-
nicandus, Ecclesiasticus Patronus, si idem attentet, nolique de-
sistere pariter censuris coercendus. Quam etiam pœnam incurrit
taliter institutus.

3. Ut ante Institutionem per edictum, publicè affixum, citen-
tur & audiantur omnes, qui volunt aliquid opponere. *arg. c. fin. de*
elect.

elect. in 6. quo tamen edicto opus non est in Institutionibus, factis à Summo Pontifice. Neque in iis Diœcesibus, in quibus hic usus nunquam fuit introductus, vel contraria consuetudine rursus abrogatus, prout passim non viget. Neque in collatione libera, per quam statim acquiritur jus in re: sed tantum post præsentationem & electionem, per quas acquiritur solummodo jus ad rem.

Facit autem ejusmodi edictum, ut si lapso termino compareat verus Patronus, non amplius audiatur, saltem si conscius fuit edicti, & legitimè non fuerit impeditus.

Cæterum tempus, intra quod, post factam præsentationem, facienda sit ab Ordinario Institutio, in jure determinatum non est. Quodsi tamen, postquam debitè petita est Institutio, diutius, e. g. ultra duos menses differatur, ejus, ad quem pertinet jus instituendi, Superior, implorandus est, ut certum terminum præfigat, intra quem si Institutio non fiat, ipse supplebit negligentiam, vel compellet Ordinarium ad faciendam Institutionem.

§. V.

Causa Finalis.

43. **F**inis Præsentationis & Institutionis est, ut Fundatores Ecclesiarum ac Beneficiorum Ecclesiasticorum debitè honorentur, ac ipsis Ecclesiæ, quàm fundârunt, de idoneo Ministro providere liceat, atque ea ratione alliciantur ad liberalitatem suam erga pias causas exercendam. Qui finis ab Ecclesia intentus sanè rationabilis est; non enim convenit, ut liberales Ecclesiarum fundatores, constructores, & dotatores prorsus nullum jus circa creaturam suam habeant.

Ne tamen contra antiquissimos Conciliorum Canones Beneficium Ecclesiasticum de manu laica recipiatur, providè ab Ecclesia provisum fuit, ut auctoritas Ecclesiastica interveniat, & per Institutionem Ecclesiasticam, ab Episcopo aut alio Ordinario factam, Patroni intentio ad finem suum modo congruo deducatur. Atque hac ratione simul & Patronorum liberalitas jugi colatur obsequio, & nihilominus Ecclesiasticæ consulatur auctoritati.

§. VI.

Objectum.

44. **O**bjectum, seu materia, circa quam versatur Institutio, est *Beneficium Patronatum vacans*. Si enim non vacaret, tam præsentatio,

tatio, quàm Institutio esset irrita. Vacare autem Beneficium potest triplici modo. 1. *De facto tantum*, quando Beneficiatus legitimo titulo ac jure munitus possessione per vim aut metum iniquè dejectus fuit. Ad Beneficium autem taliter vacans nec præsentatio, nec Institutio fieri potest, cum propriè non vacet. 2. *De jure tantum* vacat, quando Beneficiatus titulo canonico seu jure destitutus, in detentione injusta Beneficii persistit. 3. *De jure & facto simul* vacat, quando neque jus seu titulum quisquam habet, neque possessionem, ut contingit, quando Beneficiatus moritur aut resignat.

Jam verò, si secundo aut tertio hoc modo vacat Beneficium, locus est præsentationi & Institutioni. c. 3. *de offic. ordin. in 6.* quia propriè vacat.

Debet insuper Beneficium esse Patronatum; nam in collativo & electivo Institutio ista locum non habet. Sed neque in omni Patronato semper locum invenit; sic locum non habet in Patronato Ecclesiastico, si Preces Primariæ Imperatoris interveniant, aut reservatio Pontificia.

§. VII.

Effectus Institutionis.

Institutio *ex parte instituti* producit proprietatem Beneficii, ac *jus in re*, qui per præsentationem *jus solummodo ad rem*, latius sumptum consecutus fuerat. Unde juxta plures DD. uti Garciam, Engel, König, si præsentatus ante Institutionem Beneficium occuparet, sequè administrationi ingereret, nihil consequeretur, ac jure ipso, per præsentationem quæsito privaretur. *arg. c. 5. de elect. in 6.*

Quia tamen dispositio citati Capituli tantum loquitur expressè de electione, ac pœnalis est, censent aliqui cum Lessio *de F. & F. l. 2. c. 34. n. 15.* illam non esse extendendam ad Beneficia Patronata, præsertim inferiora. Quæ sanè doctrina Lessii principiis juris videtur omnino conformis, cum odia non sint extendenda, sed restringenda, licèt eadem ratio esse videatur.

Ex parte Instituentis verò eum effectum operatur, ut, si Beneficium sit curatum, Episcopus Institutionem *authorizabilem*, seu approbationem ac jurisdictionem pro foro interno, seu curam animarum, explorata per examen idoneitate, ipsi impertiri debeat, atque illi, ad quos pertinet, eum corporaliter instituant, installent, investiant, seu in actualem Beneficii possessionem introducant. Verùm de his pauca adhuc annotanda veniunt.

ARTICULUS II.

De Institutione autorizabili.

Post Institutionem tituli collativam, de qua articulo superiore diximus, sequitur, si Beneficium sit curatum, institutio *authorizabilis* seu *approbatio* ad exercendam curam animarum, cum collatione jurisdictionis pro foro interno.

46.

Hæc de jure communi pertinet ad Episcopum, facienda tamen non antè, quàm per examen idoneus inveniatur, qui fuit institutus; licèt Institutio collativa tituli ad alium Prælatum spectet. Imò tunc maximè illud examen locum habet. Nam, quando Institutio collativa pertinet ad Episcopum, (uti de Jure communi etiam ipsam pertinere diximus) utraque institutio, collativa & autorizabilis, præmisso uno examine, uno ferme actu perficitur.

Est autem Institutio ista autorizabilis seu approbatio Episcopi Clerico curato adedè necessaria ad sacramentum pœnitentiæ administrandum, ut absolutiones à non approbato factæ sint omnino invalidæ; nisi adsit communis error populi, existimantis, eum habere potestatem absolvendi. Tunc enim validæ essent ipsius absolutiones, saltem si præter errorem communem habeat titulum coloratum: imò probabilius etiam sine isto, modò sit Sacerdos; nam defectum Ordinis sacerdotalis, jure divino requisiti, Ecclesia supplere non potest.

Hanc rem optimè expressit Tridentinum *sess. 23. c. 15. de ref.* ubi ait: *Quamvis Presbyteri in sua ordinatione à peccatis absolvendi potestatem accipiant, decernit tamen sacra Synodus nullum, etiam Regularem, posse confessiones sæcularium, etiam Sacerdotum, audire, nec ad id idoneum reputari, nisi aut Parochiale Beneficium, aut ab Episcopis per examen, si illis videbitur esse necessarium, aut aliàs idoneus judicetur, approbationem, quæ gratis detur, obtinuerit.*

Ex quibus colliges 1. *approbationem* (quæ est judicium aut testimonium publicum de aptitudine Sacerdotis ad audiendas confessiones) duplici modo posse obtineri: nempe primò, quando Sacerdos vel prævio examine, vel sine illo (si de aptitudine aliunde constet) directè approbatur tanquam idoneus ad audiendas confessiones; qui modus approbandi introductus fuit à Tridentino. Secundò, quando autoritate Episcopi, vel per liberam collationem, aut institutionem autorizabilem acquirit Beneficium Parochiale, aut aliud curatum.

Colliges 2. Regulares ex licentia sui Superioris posse confiteri Sacerdoti, non approbato ab Episcopo. Quia ante Tridentinum id potuerunt; hoc autem Concilium hanc facultatem non revocavit; cum tantum dicat, confessiones *secularium* non posse audiri ab eo, qui non est approbatus; circa Regulares autem nihil immutavit.

Quamvis postea Gregorius XV. prohibuerit, ne ullus Sacerdos, etiam Regularis, audiat confessiones Monialium, nisi ab Episcopo sit approbatus.

Cæterum hæc approbatio simplex, primo modo accepta, differt à jurisdictione; non enim hoc ipso, quod Sacerdos sit approbatus, seu judicatus idoneus ad audiendas confessiones, hoc ipso acquirit potestatem in pœnitentem, ut subditum, nisi accipiat jurisdictionem ordinariam, aut delegatam ab illo, qui habet ordinariam, e.g. à Parocho.

Quando verò præsentatus ab Episcopo instituitur institutione authorizabili ad Beneficium curatum, tunc simul approbatur ad audiendas confessiones, ac insuper accipit potestatem jurisdictionis in pœnitentes suæ Parochiæ tanquam subditos.

Sed quæritur jam, quis possit Institutionem ejusmodi authorizabilem impartiri? *Resp.* Jure ordinario, ut dictum, Episcopus confirmatus, etiam ante consecrationem, ejusque Vicarius Generalis, ac sede vacante Capitulum; quia in iis, quæ pertinent ad jurisdictionem ordinariam, succedit Episcopo: Abbates & Prælati jurisdictionem quasi-Episcopalem habentes in populum sui territorii, à jurisdictione ordinaria exemptum: Denique alii etiam Prælati, qui eam potestatem acceperunt speciali privilegio Apostolico.

Ante Tridentinum obtineri etiam poterat Jus Institutionis authorizabilis à personis Ecclesiasticis per viam consuetudinis aut potius præscriptionis 40. annorum cum titulo, & immemoriali tempore sine illo. Ratio est, quia Institutio authorizabilis, seu commissio curæ animarum, non est actus Ordinis, sed jurisdictionis Episcopalis (aliàs non posset exerceri ab ejus Vicario, aut à Capitulo sede vacante) atqui ea, quæ ad jurisdictionem Episcopi pertinent, de jure communi præscribi possunt 40. annis cum titulo, & immemoriali tempore sine illo. *c. 1. de præscript. in 6.*

At verò, jure novo Concilii Tridentini spectato, censent DD. Institutionem authorizabilem in Beneficiis curatis à Prælatibus inferioribus non amplius posse præscribi adversus Episcopum, quamdiu nempe Ecclesia ab ejus jurisdictione non est exempta. Quia

Trid. *sess.* 7. c. 13. *de ref.* præsentatos à locorum Ordinariis jubet examinari, & ad curam animarum approbari, non obstante quovis privilegio, & consuetudine, sive præscriptione, etiam immemorabili; ut adeò videatur improbare non tantum consuetudinem antea introductam, sed etiam imposterum introducendam; quia Ecclesiis & saluti animarum periculosa ac noxia est visa.

Seclusis tamen vitiosis circumstantiis posset Beneficium per præscriptionem eximi à jurisdictione Episcopi, ac immediatè subijci Prælato jurisdictionem quasi Episcopalem habenti in Clerum & populum: quo casu præscriberetur etiam jus Institutionis authorizabilis. Accedit, quòd etiam clausula illa, præscriptionem irritans, sit lex humana. Atqui omni legi merè humanæ, seclusis, ut dixi, vitiosis circumstantiis, potest tandem præscribi, si debita adsint requisita; cum leges ipsæ tam Canonica quam civiles præscriptioni has vires tribuant.

Quæres, an Institutioni necessariò præmittendum sit examen?

Resp. ex cit. sess. 7. c. 13. regulariter præmittendum, quia Concilium ibidem statuit, à quibuscunque personis, etiam Sedis Apostolicæ Nuntiis præsentatio fiat, non instituendum antè ad quævis Beneficia Ecclesiastica, quàm à loci Ordinario examinatus & idoneus repertus fuerit. Neque ullo appellationis remedio eundem se tueri posse, quòd minùs examen subire teneatur.

Excipit tamen Concilium l. c. præsentatos, nominatos, & electos ab Universitatibus, seu Collegiis generalium studiorum.

Idem dici potest pro casu, quo præsentati mores, virtus, doctrina, ac aliæ qualitates sunt abundè perspectæ Episcopo. Tunc enim non video, cur Episcopus necessariò per examen explorare illud debeat, de quo aliunde certam habet notitiam.

ARTICULUS III.

De Institutione corporali seu Investitura.

47. **Q**uales olim contentionum fluctus excitârunt pertinax illa de Investituris controversia, exposui in *Appar. p.* 3. c. 5. art. 1. Pacata tunc equidem fuit grandis Sacerdotum inter Regnùmque procella; quia tamen post Institutionem collativam tituli, & authorizabilem, Beneficiatus per *Investituram* mittitur in possessionem non tantum spiritualium jurium, sed etiam bonorum temporalium, quibus Beneficium ad congruam sustentationem Beneficiarii est dotatum, ideo posterioribus etiam temporibus, atque etiam nostris, non
raro

raro contentionis aliquid intercessit, ubi de missione in possessionem bonorum Beneficialium actum est.

Et quidem à Jure Canonico graves in eum statuta sunt poenæ, qui per manum laicam Investituram acceperit. *c. 12. 16. q. 7. &c.* Pertinet proin Jus Investituræ ad Superiorem Ecclesiasticum, uti Episcopum, qui vel per seipsum, vel per Vicarium Generalem, aut Decanum ruralem, aut per alium Commissarium ad Beneficia Parochialia aliæque investit, atque in eorum possessionem introducit.

Ut autem hoc legitime fiat, requiritur, ut Beneficium vacet de jure, vel de jure & facto simul. Si autem alius detineret illud, aut quasi possideret, oporteret eundem prius citari & audiri. *c. 28. de præb. in 6.* quæ tamen citatio omittenda, si notorium sit, detentorem omni jure destitui.

Modus Investituræ ac missionis in possessionem pro diversis locis est varius, uti etiam pro ipsorum Beneficiorum diversa ratione. Episcopi solent investiri per installationem, certis pro loci consuetudine solennitatibus factam: Abbates & alii Prælati per inductionem in Ecclesiam & collocationem in sede abbatiali: Canonici per assignationem stalli seu sedis in choro & capitulo: Parochi & alii Beneficiati per inductionem in Ecclesiam, osculum altaris, aut similes ceremonias, aut per contactum januæ clausæ & illius relevationem. In pluribus locis novi Parochi die festo aut Dominico populo in templo præsentī proponuntur, & accipiunt insignia Parochialia, estque hæc *Investitura in spiritualibus*.

Peracta dein re Divina introducuntur in Domum Parochialem, ubi claves & rationum libros accipiunt, quam *Investituram in temporalibus* appellant. Hanc aliquando Patroni, Advocati Ecclesiarum, & Domini territoriales sibi vendicant, quando Episcopus sic investitur.

Quomodo autem Episcopi aliique Prælati in Germania investiantur ab Imperatore in Feudis Imperii, constat ex conventionē inita inter Callistum II. & Henricum V. *in Appar. p. 3. c. 5. art. 1. exhibita*.

Cæterum necesse non est, ut possessionem singulorum jurium ac bonorum specialiter capiat, sufficit enim mitti in possessionem Beneficii: accessoria enim sequuntur suum principale, in quo fundantur. Et aliunde sufficit ad acquirendam possessionem apprehensio etiam ficta, quæ fit per traditionem clavium, instrumentorum, librorum &c. Imò etiam per apprehensionem veram unius partis fundi censetur possessio totius fundi esse adita.

Potest etiam possessio Beneficii apprehendi per procuratorem, saltem si mandatum speciale habeat. Quam limitationem complures DD. addunt.

Effectus autem Investituræ, seu missionis in possessionem sunt illi ferme, qui ex capta possessione aliarum rerum ac jurium solent consequi. Unde quamvis illa absque prævia institutione tituli collativa jus proprietatis non tribuat, supponitur tamen titulus ex diuturniore possessione, nisi alius jus proprietatis probet.

Dat etiam ejusmodi immissio in possessionem conditionem præscribendi bonæ fidei possessori, ita, ut qui per triennium Beneficium bona fide possederit cum titulo colorato sine intrusione & simoniaco ingressu, non tantum in foro externo tutus sit, sed etiam in conscientia; ut aliàs diximus de possessione triennali pacifica.

Propria tamen auctoritate Beneficiatus etiam post canonicam Institutionem, collativam tituli, apprehendere non potest possessionem Beneficii; nisi Institutio collativa facta sit, cum aliqua expressione aut signo investituram denotante, e.g. cum traditione clavium, vel traditis libris rationum &c. aliàs frustra foret ejusmodi Institutio realis, seu Investitura, subsequens Institutionem collativam.

Neque obstat, quòd *c. nihil* 44. *de elect.* extra Italiam electis in concordia ante confirmationem Papalem detur potestas administrandi Ecclesiam in spiritualibus & temporalibus, excepta duntaxat alienatione. Nam possessio illa & administratio tantum est provisionalis, usque dum confirmetur & per Investituram stabilia-
tur. Unde cit. cap. addit, eos *interim dispensativè* posse administrare Ecclesiam.

Cæterum si quis possessionem Beneficii, cujus titulum ac jus acquisivit, propria auctoritate, violentè depellendo e.g. alium, invadat, in pœnam ipso jure & facto amittit titulum & jus acquisitum: si verò sine violentia, propria tamen auctoritate adit, ipsum Beneficium non amittit, arbitrariè tamen puniri poterit.



APPARATUS ERUDITIONIS

AD
JURISPRUDENTIAM

PRÆSERTIM
ECCLESIASTICAM,

In quo
Præter Juris Universalis Principia,
JUS NATURÆ, GENTIUM, DIVINUM,
APOSTOLICUM, & PONTIFICIUM, JUS SYNODALE
OECUMENICUM, NATIONALE AC PROVINCIALE,
Unacum

Provinciarum ac Regnorum Ecclesiastico & Politico Statu,
Disciplina Ecclesiæ, Hæresibus exortis &c. continua Sæculorum serie ad
præsens usque tempus deductum, insertisque pro re nata multis
observationibus criticis, ac controversiis juridicis,
Publicis, ac Polemicis

METHODO HISTORICO-DOGMATICA

colliguntur, & brevi ac clara idea delineantur.

In Utilitatem eruditionis amantium, quibus vasta Conciliorum, Decretorum,
Historiarum &c. volumina perlegendi aut occasio aut tempus deficit.

AUTHORE

P. JOSEPHO BINER, S. J.

SS. Theol. & SS. Can. Doctore, horumque olim in alma Cæsareo-Leopoldina
Universitate Oenipontana nunc in celeberrima Episcopali Academia Dilingana
Professore Ordinario ac Publico.

PARS VII.

De Jure Synodali, Publico S. R. J. & Provinciarum Statu, Sæculo XVI.
CUM FACULTATE SUPERIORUM AC PRIVILEGIO CÆSAREO.

Augusta Vindelicorum & Friburgi Brisgoja
Sumptibus Fratrum Ignatii, & Antonii Wagner, Bibliop. MDCCLIV.





P R Æ F A T I O.

TAm arcta est statum inter Ecclesiasticum & Politicum connexio, ut alter ab altero dependere consueverit. Argumento sit Sæculum XVI. quo Religionis mutatio magnam quoque in Republica mutationem traxit, adeò quidem, ut novum tunc Jus Publicum, novumque veluti mundum surrexisse complures scribant. Quare prolixius aliquantò de præcipua mutationis causa, religione videlicet, hîc differere oportet, ut, dum innumeri prope Scriptores Protestantici, Jus Publicum, & Historiam Sæculi XVI. pertractantes minùs sinceras rerum ideas imprimere nituntur, catholica Juventus apparatus quendam candidioris eruditionis ad manum habeat.

Quoniam autem in parte hac VII. præter Jus Synodale, & utriusque Reipublicæ statum, etiam fontes Juris Publici Romano-Germanici, uti Pacem Publicam, erectionem Camerae Imperialis, Capitulationes, Comitia, Transactionem Passaviensem, Pacem Religiosam recensebo, æqui bonique consulet Lector Benevolus, quòd Dissertationem de *Bulla Aurea* præmittam, aliâque, prioribus sæculis omiſsa, aut leviter duntaxat tacta, hic suppleam.

DISSERTATIO

Præliminaris de Bulla Aurea.

Summarium.

- | | |
|--|---|
| <p>1. <i>Quid sit. Cur rogata. Exemplaria tria.</i></p> <p>2. Caput I. <i>Qualis debeat esse conductio Electorum, & à quibus.</i>
<i>Part VII.</i></p> | <p>3. <i>Observatio in hoc caput.</i></p> <p>4. Caput II. <i>De Electione Romani Regis.</i></p> <p>5. <i>Observatio in hoc caput.</i></p> |
|--|---|

Quæstio I. An eligi possit in Imperatorem A catholicus?

6. *Argumenta Catholicorum.*
7. *Argumenta Protestantium, eorumque solutio.*

Quæstio II. An Exterus possit eligi?

8. *Argumenta in utramque partem.*
9. Caput III. *De Sessione Moguntini, Trevirensis, & Coloniensis.*
10. *Observatio in hoc caput, de Juribus Moguntini.*
11. *De Juribus Trevirensis, & Coloniensis.*
12. Caput IV. *De Electoribus in communi.*
13. *Observatio de Antiquitate Archiepiscoporum.*

Observatio de origine Septemviratus.

14. *Prima sententia Originem refert ad B. A.*
15. *Altera ad Concilium Lugdunense II. sub Greg. X. & Rud. I.*
16. *Tertia ad Concil. Lugd. I. sub Innoc. IV. & Frid. II.*
17. *Quarta ad tempus Interregni.*
18. *Quinta ad tempora Greg. V. & Ottonis III.*
19. *Tribuitur omnibus aliquid.*
20. *Observatio de Electoratu Bavarie, Palatino, & Hannoverano.*
- Caput V. *De Jure Comitum Palatinorum, & Saxonie Ducis.*
21. *Jura Vicariorum Imperii.*
22. *Observatio de Vicariis.*
23. Caput VI. *De comparatione Electorum ad alios Principes.*

24. Caput VII. *De Successione Principum Electorum.*

§. 1. *De Testamentaria tutela Electorum.*

25. *Argumenta pro sententia affirmativa quod possint.*

26. *Pro negativa probabiliore, quod non possint tutorem dare.*

27. §. 2. *Aliæ Observationes ad hoc caput.*

28. Caput VIII. *De Regis Bobemie immunitate.*

29. Caput IX. *De Auri, argenti & c. mineris.*

30. Caput X. *De Monetis.*

31. Caput XI. *De Electorum immunitate.*

32. Caput XII. *De Congregatione Electorum.*

33. Caput XIII. *De revocatione privilegiorum.*

34. Cap. XIV. *De auferendis feudis.*

35. Cap. XV. *De Conspirationibus.*

36. Cap. XVI. *De Pfalburgeris.*

37. Cap. XVII. *De Diffidationibus.*

38. Cap. XVIII. *De Litteris Intimationis.*

39. Caput XIX. *Formula mandati Procuratorii.*

40. *Reliqua capita de unionem Principatum, Processione, Benedictione, Integritate Electorum, curia Imperiali & c.*

41. Caput XXVII. *De Officio Electorum in Curia.*

42. Caput XXVIII. *De mensis Electoralibus.*

43. Caput XXIX. *De feudorum receptione.*

44. Caput XXX. *De Institutione in linguis.*

Bul-

1.

Bulla Aurea est Sanctio Pragmatica, à Carolo IV. anno 1356. Imperii ejus secundo, partim Norimbergæ partim Metis edita & promulgata, assidentibus omnibus Principibus Electoribus, Ecclesiasticis & sæcularibus, ac aliorum Principum, Comitum, Baronum, Procerum, Nobilium, multitudine numerosa; in qua præprimis Electio Imperatoris, deinde Jura & Privilegia Electorum, Vicariatus item Imperii firmantur.

Finis proin est, ut contentionibus, violentiis, noxisque Interregnis eatur obviam, atque Electoribus sua jura illæsa maneant. Dicitur *Aurea*, ab aureo sigillo appenso; quod uno latere effigiem Imperatoris Regalem cum insignibus, altero castrum magnum refert.

Bulla ipsa in 30. capita dividitur, lingua latina scripta, ac tria exemplaria originalia superesse dicuntur, unum Heidelbergæ primò asservatum, ac dein Romam translatum, alterum Moguntiæ, tertium Francofurti, non tamen ejusdem omnino tenoris. Juvat primaria illius capita ex occasione in hoc apparatu eruditionis hîc summam attexere.

C A P U T I.

Qualis debeat esse conductio Electorum, & à quibus?

2.

Quando Electores ad electionem Romanorum Regis aut Imperatoris *juxta antiquam laudabilem consuetudinem* habent proficisci, omnes Principes, Comites, Barones, per terras suas liberum eis transitum permittant, & saluum conductum præstent, victualia communi pretio vendant, &c. sub gravissimis pœnis perjurii, rebellionis, & amissionis feudorum, non obstantibus quibuscunque inimicitii & dissensionibus, inter eos exortis. Elector verò alteri Electori conductum non præstans, præter pœnam perjurii, voce in electione pro illa vice facto ipso est privatus. Principes, Comites litteris & juramento promittant hæc omnia bona fide implere.

Nominantur deinde, qui singulos Electores ad locum Electionis conducere debeant, uti *Regem Bobemiæ S.R.I. Archiepiscopum Moguntinum*, Bambergensem, Herbipolensem, Burggravius Norimbergensem, Hohenloenses &c.

Coloniensem S.R.I. per Italiam Archiepiscopum Moguntinum, Trevirensem, Palatinus &c. *Trevirenses S.R.I. per Galliam & Regnum Aragonense Archiepiscopum Moguntinum*, Palatinus, Spanheimenses Comites &c. *Comitem Palatinum Rheni S.R.I. Archiepiscopum Moguntinum*.

Saxoniae Ducem S.R.I. Archiepiscopum Rex Bohemiae, Moguntinus, Magdeburgensis, Bambergensis, Herbipolensis, Marchio Misnensis, Landgr. Hassiae, Fuldenfis, & Hirschfeldensis Abbates &c. Denique hi ipsi per territorium suum conducant etiam Marchionem Brandenburgensem S.R.I. Archiepiscopum. Hi autem Septemviri maturè adventum suum significant, & conductum exposcant. Imò etiam non nominati, si fuerint requisiti, debent eosdem per terras suas conducere.

Moguntinus singulis Electoribus per nuntios suos patentibus litteris electionem intimet, ut à die, in litteris expressa, infra tres menses continuos singuli Francofordiae sint constituti, vel suos legatos eò mittant *cum plena & omnimoda potestate*: suisque patentibus litteris, majori eorum cujuslibet sigillo signatis ad eligendum Romanorum Regem in Caesarem promovendum.

Si caesar obiit, Moguntinus intra mensem, à die, quo obitus in ejus Dioecesi innotuerit, obitum ipsum, & intimationem praedictam Septemviris declaret. Si ille hoc facere negligat, nihilominus Electores motu proprio Francofurti ad electionem conveniant intra tres menses.

Electores aut ejus nuntii tantum cum 200. equitibus, ex quibus 50. solummodo possunt esse armati, Francofurtum ingrediatur. Si autem ritè vocatus Elector vel per se vel per legales nuntios non compareat, aut Caesare necdum electo recedat, procuratore legitimo non relicto, eligendi pro illa vice jure careat.

Francofordia Electores eorumque comitatum ab omni injuria securus praestet, neminemque alium, cujuscunque sit dignitatis, civitatem intrare permittat. Et sit quis eo tempore ingressus esset, ejus exitum procuret.

3. *Nota 1. ex eo, quòd Imperator dicat, Electores ad eligendum Imperatorem debere proficisci juxta antiquam laudabilem consuetudinem, omniumque septem officia tanquam rem antiquam commemoret, manifestum argumentum sumi contra eos, qui dicunt, Electorale Collegium primum per Bullam Auream fuisse institutum. Idque magis etiam confirmatur ex cap. 4. n. 2. ubi Carolus IV. ait, Moguntinum ab antiquo habuisse potestatem Electores convocandi.*

Nota 2. Moguntinum, etiam necdum consecratum, aut investitum posse ac debere Electores convocare, eos quoque, qui necdum sunt consecrati aut investiti. Sede tamen Moguntina vacante id muneris competere capitulo negat Vitriarius Inst. Jur. Publ. lib. 1. tit. 6. n. 5. eò quòd sit personale. Quare tunc monendum capitulum, ut quantocius Archiepiscopum eligat, vel Treverensi convocationem &c. competere, vel sua sponte Electoribus conveniendum

dum pari modo nec ad electionem vocandum esse capitulum, eò quòd etiam hoc jus sit personale, ad Archiepiscopi personam restrictum. Quamvis, si Elector secularis sit minorennis, e justutor aut administrator sit vocandus.

Nota 3. Si Elector Legatum mittit, instructum esse debere mandato cum libera, ad nullam personam restricto. Potest etiam Elector uni ex presentibus Electoribus votum suum committere, non tamen per litteras mittere.

Nota 4. Quamvis A. B. Francofurtum pro loco electionis determinet; id tamen non ita præcisè observari; nam Ferdinandus I. electus est Coloniae, Rudolphus II. & Ferdinandus III. Ratisbonae, Ferdinandus IV. & Josephus Augustæ. Sic etiam quandoque dispensatum in eo, quòd omnes personæ publicæ tempore electionis Francofurto excedere debeant.

CAPUT II.

De Electione Romani Regis.

Postquam Electores Francofurtum sunt ingressi, altero mox die in Ecclesia S. Bartholomæi in omnium ipsorum præsentia Missam de S. Spiritu faciant decantari. Eaque finita omnes Electores accedant ad altare, & juramentum, juxta præscriptam formulam, emittant, quòd *secundum omnem discretionem & intellectum suum eligere velint temporale Caput populo Christiano, id est, Regem Romanorum in Cæsarem promovendum, qui ad hoc existat idoneus, absque omni pacto, stipendio, pretio, vel promisso, seu quocunque modo talia valeant appellari.*

Tum verò ad electionem procedant, nec amplius separentur à dicta civitate, nisi prius major pars eorum temporale caput populo Christiano elegerit. Quod nisi intra 30. dies præstiterint, à die juramenti numerandos, *a modo panem manducent, & aquam bibant.*

Postquam autem in eodem loco ipsi, vel major pars eorum elegerit, talis electio perinde haberi & reputari debet, ac si foret ab ipsis omnibus nemine discrepante concorditer celebrata.

Si autem Elector seriùs adveniat, attamen ante electionem perfectam, admittitur ad eam in eo statu, in quo adventus tempore consistit.

Electus statim Electoribus & reliquis Principibus Ecclesiasticis & secularibus universis, *qui propinquiora S. Imperii membra esse noscuntur*, omnia ipsorum privilegia, litteras, jura, libertates, concessionem, antiquas consuetudines, dignitates, possessiones, absque dilatione & contradictione confirmare debet, ac postquam Imperialibus Insulis fuerit coronatus, rursus innovare & approbare.

Confirmationem hujusmodi Electus ipse cuilibet Principi Electori in specie primò suo nomine Regali faciet, dein sub Imperiali titulo innovabit.

5.
Observatio.

Potest Elector sibi ipsi votum dare, & sic facere majora.

Nota 1. Hodie præsentibus Electoribus in loco electionis dies electionis pridie singulis Electoribus à Directorio Moguntino indicitur. Altero die Electores congregantur in curia, habitum ibi suis in conclavibus Electoralem induunt, consensúsque ante curiam equis, ordine suo ad Ecclesiam procedunt bini & bini, Moguntinus & Trevirensis, Colonienfis & Bohemus, Bavarus & Saxo, Brandenburgicus & Palatinus, cum Hannoverano. Si legati adsunt, præcedentiam præsentibus Electoribus cedunt. Ante Electores eorum Mareschalli hæreditarii erectis in altum gladiis equitant.

Nota 2. Usque ad electionem Ferdinandi IV. Roman. Regis Electores Protestantes sub Missæ Sacrificio secesserunt in sacristiam, contra morem Majorum, & expressum Bullæ Aureæ tenorem. Postea autem mansuetiores facti etiam ipsi rursus interfunt Missæ.

Nota 3. Finita Missa, & præstito juramento, Electores se conferunt in sacristiam, consuetum electionis conclave; ubi, postquam sæculares promiserunt observationem capitulationum, si quis eorum eligeretur, Moguntinus inquit vota, primo à Trevirendi, deinde à Colonienfi, & sic deinceps: reliqui verò exquirunt à Moguntino suum. Requiritur autem vota, non tantum respectivè, sed absolute majora; ut adeò hodie, ubi novem sunt Electores, quinque requirantur suffragia.

Nota 4. Cum quis vel omnia vel majora Collegii vota obtinuit, Moguntinus in conclavi electionem enuntiat, & adhibitis Notariis ac testibus refertur in litteras, quæ appositis Electorum Sigillis muniuntur. Promulgatur publicè in Ecclesia S. Bartholomæi ab eo, quem Moguntinus ad hoc delegerit. Denuntiatur Electo, si sit absens. Offertur capitulatio. In quam si consentiat, juramento, se ad ejus observationem adstringit.

Si autem præsens sit Electus, deducitur ab Electoribus, ex conclavi ad altare, factisque precationibus, ab electoribus in altari collocatur. Cantatur Hymnus Ambrosianus. Ascendit thronum, fit proclamatio ad populum.

Nota 5. Licet Aurea Bulla tantum exprimat, quòd Electus Electoribus aliisque Principibus jura & privilegia sua confirmare debeat, hodie tamen vi capitulationum reliquis etiam Imperii statibus illa confirmat.

QUÆ.

QUÆSTIO I.

An eligi possit in Imperatorem Acatolicus?

EX eo, quòd A. B. hoc cap. 2. decernat, ut Electores, *Missæ de Spiritu Sancto* decantata, ex ejus inspiratione eligere valeant *hominem justum, bonum, & utilem in Imperatorem pro salute Christiani populi*, atque jurare debeant, quod velint eligere *caput Christiano populo*, id est, Regem Rom. ac Cæsarem, *qui ad hoc existat idoneus*, ta. 6. Argumen-
ex hoc, inquam, Catholici inferunt, non alium vi Aureæ Bullæ posse eligi quàm Catholicum.

Neque enim per *Christianum populum* alium posse intelligi, quàm talem, qualis fuerat tempore Bullæ Aureæ à Carolo IV. conditæ, nullum autem tunc temporis in Germania fuisse Christianum populum, nisi Catholicum. Huic eligendum caput idoneum, pro hujus Christiani populi salute designandum Imperatorem, justum, bonum, & utilem. Huic populo Catholico non esse idoneum caput Acatolicum: pro salute populi Catholici nullum esse bonum & utilem, nisi Catholicum.

Adhæc inter *Missæ* solennia invocandum Spiritum S. ut indicet, quem elegerit. Hoc autem non convenire Electioni Imperatoris, qui *Missæ* Sacrificium idololatriam & superstitionem reputat. Sicut propterea illi non congruunt ea, quæ A. B. cap. 23. statuit de Benedictionibus Archi-Episcoporum, & Missarum solemnibus.

Quemadmodum igitur per A. B. excludatur Atheus, Ethnicus, Mahometanus, Judæus, Anabaptista, Arianus, Nestorianus, Eutychianus, Socinianus; quia non esset idoneum caput populo Catholico: aut bonus & utilis pro ejus salute; sic etiam propter eandem rationem excludi quemcunque à Sacris Catholicis alienum, eò magis, quòd eo tempore tam parum existerit populus Lutheranus, aut Calvinianus, quàm parum existit Anabaptisticus, Münzerianus, Socinianus, Servetianus, Quackerianus, Jansenisticus &c.

Verùm non sola A. B. Acatolicum à Cæsarea dignitate excludit, sed etiam aliæ Imperii Constitutiones ac perpetua consuetudo. Nam non tantum jam inde ab instauratione Occidentalis Imperii, ejusque in Carolum M. translatione, facta per Leonem III. Romanum Pontificem, nullus unquam Electus fuit, nisi Catholicus, sed juramenti etiam, perpetuò usitati formula manifestè exhibet, quòd Imperatores debeant esse Patroni, Defensores, & Advocati Romanæ Ecclesiæ: sic enim jurârunt Carolus M. Ludovicus Pius, aliique post ipsos Impera-

peratores, uti videre est apud Pfeffingerum *ad Vitriar. Instit. lib. 3. tit.*
2. aliósque Scriptores Protestanticos.

Rursus jam in Capitulatione prima solenni Carolus V. juravit, quòd Pontificem & Ecclesiam Romanam tanquam ejus Advocatus vellet defendere; quod juramentum, defendendi nempe Papam, ac Romanam Sedem, omnes deinceps Electi Imperatores in primo capitulationum articulo instaurârunt.

Denique ex antiquissimo usu Electus ante coronationem ab eo Electore Ecclesiastico, cui competit jus coronandi, interrogatur: *Visne Sanctissimo in Christo Patri ac Domino Domino Pontifici & Sacrosanctæ Ecclesiæ Romanæ debitam subjectionem & fidem reverenter offerre?* Rex verò tactis SS. Evangeliiis respondet: *Volo.*

Jam verò hæc omnia, tot capitulationibus munita, tamque diuturna consuetudine firmata, Imperatori, à Catholica fide alieno, nullatenus congruerent. Siquidem nec posset nec vellet hæc jurare, ac præstare.

Non posset. Quomodo enim posset jurare Advocatiam & protectionem Romanæ Sedi, quam secundum Evangelium Lutheri aut Calvinii credit, esse cathedram pestilentiae, aut meretricem illam magnam Babyloniam? quomodo defendet Romanum Pontificem, quem politum systema novatorum Anti-Christum publicè proclamat? quomodo illi tanquam *Sanctissimo Patri ac Domino subjectionem ac fidem offeret?* Quomodo defendere possit Romanam ac Catholicam Religionem, quam idolomaniae & superstitionis tabe manantem novellum Protestantium dogma proponit?

Sed neque vellet Advocatum & Protectorem ejusdem Romanæ Sedis, ac Defensorem Papæ & Papistarum, ut loquuntur, agere; tum propter insinuatæ rationes, tum quia Acatholici Electores satis dilucidè significârunt, quo sint in hac re animo; dum jam anno 1562. in Capitulatione, Maximiliano II. proposita, atque deinceps sæpius apertè sunt protestari, se nolle, Imperatorem esse obligatum ad defendendam Romanam Ecclesiam & Papam: *mentionem*, aiebant, *quod spectat de Romana Sede & sanctitate Pontificia Protestantici Principes esse consentientes nolunt, aut Cæsares obligatos.*

7. Ex quibus haud obscurè apparet, quam frivola sit Acatholicorum
Responsio. exceptio, dum ajunt, e iam Protestanticum Imperatorem protectionem Romanæ ac Catholicæ Ecclesiæ exhibiturum: hoc enim, ut ex dictis patescit, secundum Lutheranas & Calvinianas ideas facere nec posset nec vellet: multò minùs subjectionem & fidem Papæ esset oblaturus. Quare & Bullam Auream, & consuetas Capitulationes

Cæsareas, & antiquissimas Imperii consuetudines oporteret subversum iri.

At, inquit, per Instrumentum pacis Westphalicæ derogatum est catholicorum juri, si quod ipsis per B. A. aut alias Imperii leges fuisset quæsitum; dum inter trium religionum æcclesias exacta in omnibus æqualitas est sancita. Verùm cum omnis derogatio sit odiosa, illa verò maximè, quæ adversus fundamentales Imperii leges, & antiquissimas ejusdem consuetudines grassatur, æqualitas illa, per P. W. asserta, ultra illa, quæ in ipso Instrumento sunt comprehensa, non est extendenda. In omnibus igitur ibidem expressis fit æquiparatio; quoad quietem nempe, tranquillitatem, immunitatem à pœnis, & insectatione. Quod autem expressum non est, exclusum esse meritiò censetur. Aliàs dicere oporteret, etiam quoad numerum Electorum, suffragia Principum &c. scitam fuisse æqualitatem. Cum ergo neque in pace Religiosa, neque in Westphalica quidquam in hoc electionis cæsareæ puncto fuerit mutatum, standum est Aurea Bulla, Capitulationibus Cæsareis, & antiquissima consuetudine, atque possessione Catholicorum, à Carolo M. ad nostra usque tempora perpetuò continuata. Certè etiam post transactiones illas, ex fatali bellorum necessitate initas, stat immotus capitulationum Cæsarearum primus articulus de obligatione protegendæ Romanam sedem, summumque Pontificem, jurantque in coronatione Cæsares, se sanctissimo Patri ac Domino Pontifici & sacrosanctæ Romanæ Ecclesiæ debitam subjectionem & fidem oblaturus.

Sufficiebat nempe Protestantibus pro illo tempore, quòd eorum religio novella, toties in Comitibus Imperii antea proscripta, fuerit tolerata, & quoad usum pacis, quietis, tranquillitatis, & impunitatis, cum remissione ad annum normalem, civitate donata. Remisso simul edicto Restitutionis eorum bonorum Ecclesiasticorum, quæ à tempore Pacis Religiosæ contra Reservatum Ecclesiasticum Catholicis abstulerant. De acatholico in Cæsarem eligendo nec cogitatio. Nullatenus verò approbata est eorum religio, vel ipso teste Conringio *oper. tom. 2. in Bullam Janoc. X.* ubi ait, nullo pacto sacra (Protestantica) fuisse laudata, sed tantùm à civili infamia fuisse liberatos eorum cultores. Item: an sacra Protestantium sint hæretica, nec ne, non aggressam esse Germaniæ Rempublicam definire per pacem. Hæretici appellari in Imperio Lutherani & Calvinistæ non debent; quid sint, modò non disputo. Hoc certum, secundum B. A. capitulationes Imperii, Juramenta Cæsarium consueta, & antiquissimas consuetudines, neminem, à fide Catholica alienum posse in Imperatorem
B
eligi,

eligi, neque iis per pacem Religiosam & Westphalicam quoad hoc esse quidquam derogatum.

Neque obstat, quòd olim Palatinus & Saxo, dum adhuc Protestantium Religioni adhærebant, Imperio vacante potuerint esse fuerintque Vicarii Imperii. Nam hæc potestas ac dignitas est multò inferior & restrictior quàm Cæsareâ, brevique tempore durat, neque electione ad eam assumuntur, sed vi Aureæ Bullæ erat illis quodammodo innata. Contra verò à summa Cæsarea dignitate & advocatia Romanæ Ecclesiæ, ut abunde probatum, per A. B. Capitulationes, Juramenta Cæsarum, & consuetudines Imperii arcentur omnes alieni à Catholica Religione, quæ in antiquissima ac nunquam interrupta est possessione.

Sed neque refert, quòd Protestantes possint Imperatorem eligere. Nam etiam Ecclesiastici Electores possunt eligere, non tamen eligi. Nihil nempe est novi, quòd quidam voce gaudeant activa, careant passiva. Dein argumenta ex A. B. capitulationibus, juramentis Cæsareis, jure advocatiæ, obligatione protegendæ sacram sedem ipsûmque Papam, ac consuetudine, deprompta solummodo militant adversus vocem passivam, non autem activam.

QUÆSTIO II.

An Exterus eligi possit Imperator?

8. **M**agnam hæc res controversiam excitavit post mortem Maximiliani I. dum Franciscus I. Rex Galliarum competitorum coronæ Imperialis se offerebat. Pro eo eligendo in Collegio Electorali peroravit Trevirensis, commoda Imperii ostentans, si Germania & Gallia rursus sub eodem capite unirentur.

Ejus orationem confutavit Moguntinus; neque ex usu neque è re Germaniæ esse, exterum Principem, aliis moribus & Monarchicæ gubernationi assuetum, Imperatorem deligere: adducendam in discrimen Germaniæ libertatem, timendum Electorum ac statuum juribus, dissensiones ob diversum nationum ingenium vix evitandas fore. Magna esse Domus Austriacæ in Imperium merita. Teutonicæ Nationis Principem ex innato patriæ amore salubrius ad salutem publicam populorumque solatium gesturum Rempublicam. Germani proin sanguinis Principem evehendum ad apicem Germani Imperii, in persona Caroli M. & postea Ottonis I. ad solos Germanos translati.

Legi-

Legibus insuper & jurejurando impediri septemviros, ne Imperii de-
cus transferatur ad externos.

Quamvis autem ad leges & juramenta Moguntinus se hinc refe-
rat, sintque non pauci, qui à Gregorio V. & Ottone III. interdi-
ctum pronuntiant, ne alius quàm Germanus dicatur Cæsar, alii ta-
men legem hujusmodi latam negant: juramentum autem non aliud
imponi Electoribus, nisi quod Aurea Bulla exhibet, eligendi videli-
cet *temporale caput populo Christiano, id est, Regem Romanorum in
Cæsarem promovendum, qui ad hoc existat idoneus.* Neque alia lege
Imperii prohiberi Electores, quo minùs, si è re publica visum fue-
rit, ad exterum Principem fasces deferant. Nec deesse exempla,
quæ id factum demonstrent. Alphonsum Hispanum, Richardum &
Eduardum Anglos, septemvirum suffragiis fuisse designatos. Fride-
ricum II. natum esse in Sicilia, Carolum V. in Belgio, Ferdinan-
dum I. in Hispania &c. Romanum Imperium non concludi solis Ger-
maniae finibus, universo Christiano populo caput eligi, totique Ec-
clesiæ advocatum; virtutem proin spectandam, fidem, integritatem,
fortitudinem, ac rerum usu collectam prudentiam, non Nationem.

Sed replicant alii; quamvis expressa Imperii sanctio non existet,
qua à culmine Imperii arceantur exteri, haud obscurè tamen id erui
ex Bulla aurea, quæ *idoneum & utilem* præcipiat eligi. In compara-
tione autem tot præcellentium Germaniæ Principum, quos generis
splendor, sanguis avitus, virtutis ac potentiæ prærogativa ad externos
etiam thronos passim evocet, exterum Principem, peregrini moris
hominem, Germaniæ rebus, quæ suis vivere consuevit legibus, non
videri utilem atque idoneum: nec cessurum gloriæ Nationi potentissi-
mæ, ac toto orbe celebratæ, si corpori suo, tam inclito, tot eminen-
tibus membris ornato, peregrinum caput imponat. Ad corporis si-
quidem ignominiam pertinere, si de se ipso desperet.

Hanc esse mentem Bullæ Aureæ, perpetuo usu firmatam: ubi
res ordine acta, Teutonicos semper assumptos fuisse Principes, ac
præsertim ex Augustissima ac potentissima Domo Austriaca. Neque
enim huc facere exempla Alphonsi & Richardi, quos tempore inter-
regni ac perturbato Imperii statu discordantia vota nec satis sincera
intrudere sint conata, & hoc ipso caruisse effectu.

Minùs adhuc obstare exempla reliqua. Ad hoc enim, ut Ger-
manus quis habeatur, ad obtinendum jus passivum, neutiquam re-
quiri, ut in Germania sit natus, aut in Germania eo tempore degat,
sed sufficere, ut origine sit Germanus, aut domicilium ibi fixerit,
aut feudum Imperii ad Germaniam pertinens possideat, aut status

sit Imperii Sic Fridericum II. fuisse quidem in Sicilia natum, sed origine Germanum, utpote ex Henrico VI. patre Germano natum. Carolum V. Gandavi in Belgio primam lucem aspexisse, sed ex Majoribus Germanis, Austriaci sanguinis, prognatum; præterquam quòd ipsi etiam Belgæ sint Germani, utpote Germaniani inferiorem incolentes, atque ad circulum Burgundicum pertinuerint. Ferdinandum I. Caroli fratrem in Hispania natum, sed origine Germanum, ex Progenitoribus pariter Germanis, Philippo patre & Maximiliano ave ortum. Denique Principes istos magnas in Germania Provincias jure hæreditario possedisse.

Ex quibus denique colligunt; cùm per tot sæcula Romanum Imperium per solos Germanos prudenter ac justè fuerit gubernatum, atque adversus gravissimos hostes fortissimè defensum, tantæque hodiè illius sit potentia, ut si sibi consentiat, externa ope non indigeat, nunquam è re Germaniæ futurum, ut tam eminentis Majestatis fastigium devolvatur ad peregrinum Principem, cujus potentia plus periculi quàm spei esset allatura.

CAPUT III.

De Sessione Moguntini, Trevirensis ac Colonienfis.

9. **U**T omnis litium & contentionum de prioritatem loci occasio præcidatur, in Imperii Comitibus aliisque conventibus Trevirensis ex opposito Cæsaris versâ ad eundem faciem sedeat, Moguntinus in Germania ad dexterum latus Imperatoris (excepta Diocesi & Provincia Colonienfi) Colonienfis verò in sua Provincia seu Archiepiscopatu, uti etiam in Italia & Gallia ad dexterum ejusdem latus.

Observatio

De Electoribus Ecclesiasticis.

10. **Observatio** **N**Ot. 1. præter sessionis prioritatem Moguntinum variis aliis fulgere prærogativis; nam quatenus est *Electo primus seu Decanus Electoralis Collegii perpetuus*, dirigit electionem Cæsaream, Electores convocat, vota exquirat, enunciat, capitulationem secundum vota majora concipit. Convocat Electores ad diætas Electorales, proponit; secundum majora decretum format. Convocat insu-
per

per comitia circulatorum universalia, & conventus Deputationum Imperii, anno 1555. institutos.

Quatenus verò est *Archicancellarius Imperii* per totam Germaniam (ne Trevirensi quidem & Colonienſi Provincia excepta) trium Imperii Archivorum, & Cancellariorum est Director, comitorum nempe, Judicii aulici, & cameræ Imperialis, solusque Revisiones decernit. Cancellariæ Officiales constituit, alendos sumptibus Imperii; acta Imperium concernentia in Cancellaria expedit: perpetuus est cameræ visitator. Omnium actorum, litterarum, matriculæ, monumentorum & documentorum est custos. Sigilla Imperialia aservat, subscribit per se vel suum Imperii Vice-Cancellarium, quem in aula Cæsarea habet, decreta Imperatoris & Imperii. Directorium habet in Imperii comitiis, aliisque conventibus; Cæsari respondet nomine statuum, ac Cæsar per ipsum Electorum mentem exquirat. Soli ipsi omnes legati Electorum, aliorumque statuum in Conventibus Imperialibus se sistant, & mandatum ac *credentiales*, ut vocant, offerunt, ac discessuri ante finem conventus veniam ab eo petunt. Soli ejus Directorio traduntur statuum memorialia, supplicationes, petitiones, protestationes, quæ inferi petuntur protocollo Moguntino. Exteri etiam legati causas & negotia sua eidem primò exponunt. Est præterea protector & director Postæ Imperialis.

Quatenus est *Archiepiscopus & Metropolitanus* Provinciæ Moguntinæ novem habet suffraganeos, omnes Imperii status; gaudetque jure coronandi Imperatorem in sua Archidiocesi; & in tertia cum Colonienſi alternat: Jus primarum precum nomine Imperatoris exercet. Est Director circuli Rhenani Inferioris. Habet jus stapulæ, jus super Moeno navem privilegiatam habendi, jus de non appellando, maleficos persequi potest etiam in alieno territorio.

Porro primus Moguntinæ Episcopus fuit S. Crescens, S. Petri Apostoli discipulus. Primus Archiepiscopus S. Bonifacius, à Zacharia Pontifice renuntiatus anno 744. Primus Archicancellarius Imperii Wilhelmus Ottonis M. Cæsaris filius Sæculo X. fuisse dicitur. Primus Elector Willigifus carpentarii filius, Ottonis III. antea Præceptor.

Not. 2. quod in A. B. statutum est circa sessionem Trevirensis à regione Cæsaris, accedente octavo Electore fuit mutatum; nam sedit à sinistro Imperatoris latere; sed nono accedente prior ordo sedendi rediit. Est autem Archicancellarius Imperii per regnum Arelatenſe, & Galliam (Belgicam) Primum in electione habet votum. Causas Moguntinum concernentes in Camera expedit. Moguntina

II.

fede vacante Directorium in Imperii Comitibus præterit, protestante tamen Saxone.

Jus Metropolitanum exercet in Metensem, Tullensem, & Virodunensem Episcopatum, licet jus temporale ad regem Galliarum sit devolutum. Est Abbas natus Prumiensis. Gaudet jure de non appellando, sicut reliqui Electores; sed sponte in utilitatem subditorum illud concessit, si summa litigiosa transcendat mille florenos. Præterit dominium in partem Mosellæ. Jus habet, à se proscriptos, nisi intra annum se purgent, in bannum Imperii declarandi. Plura alia recensentur à Pfeffingero in *Vitriar. illustr. lib. 3. n. 28.*

Cæterum primus Trevirensium Episcopus fuisse traditur S. Eucharis, à S. Petro missus ad prædicationem Evangelii, qui obiit anno Christi 66. Primus Archiepiscopus S. Agricius Patriarcha Antiochenus anno 330. qui Christi tunicam secum attulisse fertur. Primus Elector Ludolphus Dux Saxoniarum Sæc. XI. sub Ottone III. ut multi existimant. Originem hujus Archicancellariatus aliqui rejiciunt ad tempora Henrici VII. sed vix dubium est, esse antiquiorem.

Not. 3. Colonienfis Archicancellarius est Imperii per Italiam. Quod munus exercere posset, si Imperator in Italia versaretur. In electione secundum fert votum. In sua provincia & extra Germaniam ad dexteram Cæsaris incedit & sedet. Habet jus coronandi Imperatorem in sua provincia, in aliis (excepta Moguntina) alternat cum Moguntino. Ditionibus potitur amplissimis, & jure de non provocando; cum statibus tamen suis Provincialibus convenit, ut in possessorio nunquam, in petitorio autem, si summa ultra mille florenos ascendat, concedenda sit appellatio.

Primus Episcopus finiente primo sæculo fuit S. Maternus, mortuus an. 128. quem tradunt viduæ Naimiticæ fuisse filium. Primus Archiepiscopus S. Agilulphus à S. Bonifacio Sæc. 8. inauguratus. Primus Elector Heribertus tempore Ottonis III. Sæc. XI. Archicancellarii Officium seriùs accessit, à temporibus Friderici I.

CAPUT IV.

De Electoribus in Communi.

12.

IN quibuscunque conventibus à dextro latere Imperatoris, immediatè post Moguntinum (vel Coloniensem) sedeat Rex Bohemiarum, & post eum Palatinus. Ad sinistram verò partem immediatè post illum, quem ex prædictis Archiepiscopis ex illo latere sedere

dere contigerit, primum locum occupet Saxo, & post eum Brandenburgus alterum.

2. Quoties Imperium vacare contigerit, Moguntinus habebit potestatem prædictos Principes ad electionem litteratoriè convocandi, sicut habuisse dignoscitur *ab antiquo* (*ecce! tunc jam erat antiqua institutio septem Electorum.*)

3. Quibus omnibus, seu his, qui potuerint & voluerint interesse, congregatis, Moguntinus vota inquirat.

4. Primò quidem à Trevirensi, prout *hactenus* factum. 2. à Coloniensi, cui competit Officium Romanorum Regi primum diadema Regiū imponendi. 3. à Rege Bohemiæ. 4. à Palatino. 5. à Saxone. 6. à Brandeburgo, deinde hi sex Electores à Moguntino petunt, ut suum ipsis votum aperiat.

5. In celebratione Imperialis curiæ Brandenburgus aquam Cæsari ministrabit pro lavandis manibus: Bohemus primum potum offeret: Palatinus cibum afferet: Saxo Mareschallatus Officium exercebit, ut solitum est fieri *ab antiquo*.

Nota 1. Horum Archi-Officiorum originem esse valde dubiam, Ideam aliquam jam Carolus M. induxit, qui varia officia aulica distribuit, & Ecclesiastici quidem aulæ negotia expedientes dicebantur *Apocrisarii*, seu Capellani, & deinde *Cancellarii*, qui archivo aulico præfecti fuerant, & diplomata recognoscebant ac subscribebant. Similiter sæcularia officia aulica Pincernæ, Dapiferi, Comitibus palatii, stabuli &c. paulatim invaluere.

13.

Arbitraria autem, & pro voluntate Cæsaris ambulatoria erant hæc officia sub Carolingicis, qui hæreditaria Successione & paterna dispositione provincias obtinebant, & Cæsaream etiam dignitatem. At verò postquam electione Conrado I. & Henrico I. delatum fuit Imperium, istique Duces, Marchiones, Landgravios &c. Provinciis præfessissent, honoraria ejusmodi aulæ Officia, Provinciis annecti cœperunt; & postquam Provinciæ certis familiis factæ sunt hæreditariæ, officia etiam facta talia.

Quando autem hodierna Archi-Officia præcisè cœperint, & possessoribus certarum Provinciarum fuerint annexa, valde incertum est. A. B. ad morem antiquum se refert. Archicancellariatus Moguntini per totum Imperium jam ab Ottone I. institutus dicitur Sæc. X. reliqui duo ad tempora Friderici I. ab aliquibus referuntur; archidapiferatus Palatino-Bavaricus ad Henrici II. Pincernatus Bohemiæ, & Mareschallatus Saxonie, ad tempora Conradi II. Camerariatus Brandenburgicus ad Friderici I. ævum. Verum hæc satis incerta.

DIS-

DISSERTATIO

De Origine Septemviratus.

NON minùs dubium ac controversum est, quando & à quo septemviratus Electorum fuerit institutus. Nam certum quidem videtur, Carolingicos non electioni sed sanguini potissimum debuisse Successionem, Romanos tamen Pontifices suam interposuisse auctoritatem. Nam Carolum M. Leo III. Imperatorem renuntiavit; Joannes VIII. Carolum Calvum Ludovico Germanico fratri seniori, & Ludovicum Balbum Caroli filium Ludovici liberis Carolomanno & Carolo Craffo prætulit, prestante parte utraque favorem Pontificis, præteritis dein Balbi liberis Carolum Craffum idem Pontifex coronavit.

Certum etiam videtur, post extinctam in Ludovico Infante stirpem Carolingicam in Germania, Conradum I. & Henricum Aucupem à toto populo, atque à Principibus præsertim, fuisse electos in Reges Germaniæ, Cæsareo titulo varios inter Principes Italiæ & Galliæ distracto, donec Cæsarea dignitas à Joanne XII. Ottoni M. collata, atque stabili lege Germaniæ firmata fuit.

Porro Ottones partim jure sanguinis, partim electione libera videntur successisse, posteriores verò Cæsares electione, per Principes Germaniæ facta; donec partim necessitate suadente, ad tollendas dissensiones & factiones tot Principum ac Procerum, partim prævalente Archi-Officialium dignitate & potentia, partim sedis Apostolicæ auctoritate interposita Septemviratus est institutus, & accedente consuetudine, ac constitutione Imperii stabilitus.

Quinque autem hac in re sunt sententiæ. *Prima* tenet Septem-

'14.
Prima
sententia.

viratum primum per Bullam Auream à Carolo IV. fuisse stabilitum Sæc. XIV. verum hæc sententia est improbabilis. Nam ipsa Bulla se refert ad antiquam consuetudinem. Exhibet etiam Herwartus in *Defensione Ludovici IV. Imperatoris* adversus Bzovium Cap. 2. litteras, à quinque Electoribus, qui Ludovico Suffragium dederant, ad Pontificem scriptas, in quibus asserunt, ad Moguntinum, Trevirenses, Coloniensem, Bohemum, Palatinum, Saxonem, & Brandenburgensem, *tan de jure, quam consuetudine antiqua & approbata jus eligendi Romanorum Regem, in Imperatorem postmodum promovendum pertinere.* Scriptæ autem sunt hæc litteræ 42. annis ante Bullam Auream.

Alter

Altera proin sententia altius aliquantum ascendit, contenditque, Septemviratum à Gregorio X. in Concilio Lugdunensi paulò post electionem Rudolphi Habsburgici fuisse institutum, *Sæc. XIII.* hanc sententiam tenent Aventinus & Onuphrius; eò quòd nulla sit antiquior mentio, & eo tempore diuturnum Interregnum annitente Gregorio X. fuerit sublatum. Verùm nec hæc sententia est satis verisimilis. Nam præterquam, quòd nulla de hac re exstet Gregorii X. constitutio, aut aliud documentum, jam antè septem Electorum exstat mentio, ad quos de jure antiquo pertinuerit electio, uti apud Albertum Hostiensem anno 1240. *in cap. venerabilem. f. verum*, & Albertum Stadiensem, qui eodem tempore ante Gregorium X. scripsit in Chronico, ad annum nempe 1240. *ex prætaxatione Principum* (inquit) *& consensu eligunt Imperatorem, Trevirensis, Moguntinus, & Coloniensis, Palatinus, Dux Saxonie, Margravius de Brandenburg, Rex Bohemie.* Sic etiam Martinus Polonus jam ante Greg. X. testatur de 7. Electoribus.

15.
Secunda.

Constat insuper ex litteris Urbani IV. *ad Richardum*, eundem Richardum Anglum & Alphonsum Castellæ regem tempore Interregni à septem Electoribus fuisse electos, & quidem Richardo vocem dedisse Moguntinum, Coloniensem, Palatinum, accedente postea Bohemo, Alphonsò verò Trevirenses, Saxonem, & Brandenburgum.

Ex eo verò, quòd per electionem Rudolphi Habsburgici sublatum sit Interregnum, nullatenus arguitur, quòd Gregorius X. in Concilio Lugdunensi II. instituerit Septemviratum; nam Rudolphus jam ante initium illius Concilii electus fuerat. Electus enim est anno 1273. Concilium verò cœpit anno sequente. Sed id fecit Gregorius X. teste Windeckio; monuit Electores Germaniæ, ut cùm jam diu Imperium certo capite destitutum fuisset, ei idoneum Ecclesiæ advocatum & Cæsarem præficiant pro potestate, qua valeant, secus se rationem initurum, quis rerum potiri debeat. Ubi non dat eis eligendi potestatem, sed eam præsupponit.

Tertia sententia est trium doctissimorum Cardinalium, Baronii, Bellarmini & Sfondrati, Septemvirorum Collegium institutum esse circa medium Sæculi XIII. in Concilio Lugdunensi I. ab Innocentio IV. Testem adducunt Matthæum Parisium, qui in Historia Anglica scripterit, ex actis Concilii Lugdunensis I. constare, Fridericum II. fuisse excommunicatum, ac definitos septem Electores, Ducem Auriæ, Baviaræ, Saxonie, Brabantie, item Archiepiscopum Coloniensem, Moguntinum, & Salzburgensem.

16.
Tertia.

Verum solus Parisius homo exterus non videtur esse testis sufficiens ad plenam rei tantæ probationem, quam utique non tacuissent scriptores coævi domestici, Germani nempe & Galli, si in Concilio Lugdunensi Generali re ipsa fuisset peracta. Imò scriptores Sæculi XIII. testantur oppositum. Nam Stadiensis & Hostiensis, loco supra citato jam anno 1240. adeoque 5. annos ante inchoatum Lugdunense I. scripserunt, electionem esse penes septem Electores, non illos peregrinos, de quibus Parisius, sed illos, quos hodie primos septem veneramur.

Deinde ipse Innocentius IV. cum in Concilio Lugd. I. Fridericum II. excommunicasset, & Imperio privatum declarasset, adjecit: *illi autem, ad quos in eodem Imperio Imperatoris spectat electio, eligant liberè successorem. Cap. ad Apostolica. 2. de sentent. & re jud. in 6.* quæ verba manifestè videntur indicare, in illo Concilio non fuisse institutos Electores, sed jam antè institutos supponi.

Accedit, quòd nemo alius, nisi Anglus iste, aliàs sublesta fidei scriptor, testetur de Electoribus Austriaco, Brabantino, Salisburgensi. Num tanti Principes passi fuissent sibi eripi jus quæsitum tam excellens, aliòsque sibi substitui? Quis ipsis hoc jus ademit? Quomodo Carolus IV. referens in B. A. septem alios Electores se ad antiquam consuetudinem potuisset referre? Quare satè mirum, quòd sapientissimus Bellarminus, qui antea communem sententiam de institutione Septemviratus sub Gregorio V. & Ottone III. amplexus fuerat, propter testimonium unius Parisii in recognitione librorum suorum eandem recantârit, & Baronii opinionem secutus fuerit.

17
Quarta.

Quarta sententia est Conringii, Cocceii, Struvii, Vitriarii, hujusque illustratoris Pfeffingeri, atque aliorum Protestantium, quos ex Catholicis sequuntur plures recentiores præsertim Galli, uti Maimburgus, Alexander Natalis, Pagius &c. Opinantur isti, institutionem septem Electorum non esse antiquiorem magno Interregno, aut certè temporibus Friderici II. adeoque illam ab anno 1220. usque ad annum 1273. quo cessavit interregnum, factam putant.

Quamvis autem negent, Pontificem illius institutionis esse auctorem, in causa tamen non conveniunt; nam alii cum Maimburgo, Natali, & Vitriario putant, perturbatis illis temporibus reliquos Principes Germaniæ ultro jure suo cessisse, & eligendi potestatem septem Principibus detulisse. Pagius existimat, septem illos Principes potentes reliquis exclusis per usurpationem potestatem illam ad se traxisse. Conringius ait, institutionem illam consuetudini deberi, reliquis Principibus jura sua negligentibus, vel tacitè consentientibus.

Pro-

Probant assertum hoc suum. 1. Quia antiquior mentio Septemviratus apud scriptores non exstat, nec alius modus est, quo ad paucos illos sit devoluta eligendi potestas. 2. Quin imò scriptores antiquiores testantur, post mortem Ludovici Infantis Imperatores promiscuè ab omnibus Principibus fuisse electos. 3. Quia tempore Friderici II. & secuto post eum Interregno immanes in Germania circa electionem Caesaris ortæ sunt turbæ, dissidia, ac bella civilia.

ii tot calamitatibus fessi, ad paucos detulerunt potestatem, ut privativè Imperatorem renuntiarent, sibi publicæ consulatur.

Int alii ad hæc Argumenta. Licèt ante medium sæculi scriptores non exstet expressa & specifica enumeratio, exstare tamen eorum mentionem implicitam & sic apud Gewoldum exstat Diploma Rudolphi I. dicitur Septemviratum & electionem, *ex antiquo*, d. Principes Boicæ stirpis pertinere, & *olim pertinerent in Hist. Bavar. part. 1. lib. 25. n. 2. ad* apud Leibnizium *Cod. J. G. diplom. p. 14. prodr.* ad Richardum Anglum, in qua ait, *Electores nunc* quasdam consuetudines observatas à tempore, non existit. Rursus Gewoldus in *Comm. de septemv.* Vindeckius in *Comm. de elect. Imp.* adducunt testi-
Welberti & Amandi; quorum ille Conradi III. Sa-
40. de electione Lotharii II. scripserit, mortuo Hen-
ricipes Moguntia fuisse congregatos, quorum plerique
illum optabant eligi, & tamen ipsos non elegisse, *quia*
suffragiorum realium: pauci autem spirituales & tem-

porales Primates eum votivè elegerunt. Amandum autem Friderici I. secretarium ad an. 1152. in actis M. S. hujus Imperatoris annotasse, convenientes Francofurti plurimo numero Principes *ad sex aut octo* Principes officiatos, residentes in arcano loco curiæ Regalis, dixisse: Nos & tota patria testatur, nullum aptiorem esse regno regendo, quàm Fridericum de Waiblingen & Stauffa &c. quem per vos DEUS in regnum sublimare dignetur, cùmque dein Officiati in secreto conclavi eundem elegerint, omnium ordinum applausum esse consecutum.

Et hoc sensu intelligendos esse scriptores, qui ab omnibus Principibus electos Imperatores memorant, inquit Gewoldus, videlicet, reliquos Principes elegisse in sensu latiore, certam Personam proponendo Electoribus, commendando, expetendo, Testimonium dando de eo, quem optabant eligi, ac dein electioni factæ assentiendo,

Die 25^{te} Julii Anno 1782 obiit
Ex Confraternic. B. M. V. Immaculæ ac Ss.
Joannis Nep. & Caroli Borrom. P. 79.
Joan. Bapt. Bach. can. sup.
et car. Bach.

electum agnoscendo, approbando, applaudendo, electionem verò propriè dictam à solis Septemviris esse peractam, *ex prætaxatione* reliquorum Principum, ut loquitur Stadiensis l. c. ad exemplum nempe antiquarum electionum Papalium & Episcopaliū; nam licet dicatur ab omni populo, vel à toto clero fuisse peractas, non tamen omnes semper propriè elegerunt, sed aliqui nominando, commendando, Testimonium dando, electum acceptando &c.

Hoc ex eo etiam magis confirmant, quòd Chronicon Belgicum ad An. 1194. testetur, Ottones per successionem generis regnasse, *postea tamen fuisse institutum, ut per Principes Officiales Imperii Imperator eligeretur.* Henricum IV. autem conatum fuisse, jus successionis hæreditariæ reducere.

Adducunt etiam Browerum in *annal. Fuld. l. 1. c. 6. ad an. 1181.* testantem, quòd Reginaldus Coloniensis Episcopus circa litem præcedentiæ cum Conrado Abbate Fuldensi dixerit: *Cedo Abbati Archiepiscopus, Monacho Princeps Elector &c.* ex quo pateat, non omnes Principes Sæculo XII. fuisse Electores, sed tantum aliquos.

Sic etiam Radevicum Sæculi XII. scriptorem ad ann. 1180. testari, quòd Fridericus I. in proscriptione Henrici Leonis dixerit: *ab eo, illiusque generationis hominibus auferimus jus eligendi Casavem, qua laudis prærogativa ipse & pater ejus splendidus exstitit &c. in Bernardum Principem Anbaltinum conferimus tractum saxonicum, & munus Electorale.* Ex hoc rursus patere, munus Electorale non omnibus Principibus fuisse commune; aliàs Princeps Anhaltinus illud jam ante proscriptionem Henrici Leonis possedisset, & otiosè ipsi fuisset collatum.

Et in hoc sensu etiam loqui Innocentium III. cum lis de electione Philippi & Ottonis IV. verteretur, dum *cap. venerabilem 33.* electionem Ottonis approbans Carinthiæ Duci referipsit, quòd *in illis Principibus jus & potestatem eligendi Regem, in Imperatorem postmodum promovendum, recognoscat, ad quos de jure & antiqua consuetudine noscitur pertinere, præsertim cum ad eos jus & potestas hujusmodi à sede Apostolica pervenerit, quæ Romanum Imperium in persona Magnifici Caroli à Græcis transfudit in Germanos.*

18.
Quinta.

Quinta igitur sententia est, quæ institutionem Electoralis collegii refert ad finem Sæculi X. quo à Gregorio V. cum consensu Ottonis III. illam susceptam dicit, aut factam ab Ottone, & à Gregorio confirmatam. Hanc sententiam præter allegatos tenent scriptores omnes usque ad Aventinum, qui primus illi contradixit, & post eum eandem amplexi sunt plurimi, non tantum Catholici, sed etiam Protestantes, quos diligenter collegit Gewoldus comment. cit.

Sig

Sic Magdeburgici centuriatores *cent. 10. c. 10. column. 546.* scribunt : *Gregorius suam patriam insigni aliqua dignitate ornaturus, sanxit, ut penes solos Germanos jus esset eligendi Regem, qui post diademam, à Romano Pontifice acceptum, Imperator & Augustus appellaretur.* Idem Cluverius testatur *Hist. epit. in vita Ottonis.* Irenicus *exeg. Germ. l. 3. c. 33. & 39.* ait : ex constitutione Gregorii V. ac Ottonis III. lege cautum erat, ut, qui virtute excellerent, Imperio potiretur. Item : *translato Imperio ad Germanos Gregorius V. electionem fecit de septem electoribus.* Sleidanus : *quia propter successionem Imperii perpetuæ erant turbæ, constituit Otto, adiutore Pontifice, ut certi Germaniæ Principes jus & potestatem deinceps haberent eligendi Cæsarem.* Idem Simon Schardius integro libello *de instit. Elect.* evincit. Accedunt Reinckingus, Fabricius, Balæus, Münsterus, multique alii Protestantes.

Ut adeò Gewoldus *in comment. de septemv. c. 5.* asserere non dubitet, communem hanc semper fuisse ab Ottonis III. & Gregorii V. Pont. ævo annos ultra quingentos sententiam, non solum Historicorum, sed etiam Theologorum, Jureconsultorum, & Politicorum, quos à tot sæculis produxerint Germania, Italia, Gallia, Hispania, aliæque Nationes; neminẽque hac de re dubicasse, donec hoc sæculo, ad novandum omnia, & in dubium revocandum, plus nimis prono, aliqui contradixerint.

Ex quibus sic arguunt sententiæ hujus patroni : in quæstione facti, qualis est ista, standum est autoritate. Atqui hæc est multò maxima, adeò, ut, teste Gewoldo, singulis adversariis viginti & plures opponi possint.

Congruentiam asserunt istam, quòd, cum Otto III. prole mascula esset destitutus & multis manifestisque exemplis, tam Crescentii, quàm aliorum didicisset, quantæ & quàm perniciosæ factiones vacante Imperio circa successiones enatæ fuissent, prospicere insuper volens Germaniæ patriæ suæ, & Imperialis excellentiam fastigii isti Nationi in perpetuum accommodare, auctore & suffragatore Gregorio V. pariter Germano, consilio Principum Regni sanctionem, ab ipso Pontifice roboratam, tulerit, & juxta hanc sanctionem primum à septem viris electum fuisse S. Henricum, aliòsque deinceps Cæsares.

Quidam volunt, eam institutionem à Gregorio V. factam fuisse in Synodo Romana, cujus tamen acta injuria temporum interciderint.

Opponitur equidem huic sententiæ, grave in criticis argumentum, à silentio scriptorum coævorum petitur, videlicet 250. integris annis, nempe ab initio Sæculi X. usque ad dimidium Sæculi XIII. neminem unum ex scriptoribus synchronis rei tam magnæ fecisse

cisse mentionem: apud Anselmum Lucensem, Bernonem, Glabrum, Hermannum contractum, Bertholdum Constantiensem, Lambertum Schaffnaburgensem, Marianum scotum, Bodechinum, aliósque Sæculi XI. scriptores altum de hac re esse silentium. Nec minùs tacere scriptores Sæculi XII. Sigebertum Gemblacensem, Ottonem Frisingensem, Gratianum, Gothesfridum Viterbientem &c.; similiter scriptores Sæc. XIII. Steronem, Helinandum, Conradum Urspergensensem, usque dum circa medium ejusdem Sæculi Martinus Polonus, scriptor aliàs non admodum accuratus, scripsit *licèt tres Ottones per successionem regnaverint, postea tamen fuisse institutum, ut per Officiales Imperii Imperator eligeretur, qui sint septem &c.*

Argumento huic negativo addunt positivum, quo ex Frisingensi, Gemblacensi, Schaffnaburgensi, Urspergensi, aliisque scriptoribus probant, ab Ottone III. usque ad Interregnum Imperatores ab omnibus Principibus fuisse electos.

Sed respondent patroni quintæ sententiæ, silentium antiquiorum scriptorum non esse universale, ut ex adductis testibus contra priores sententias constet, Stadensem, Hostiensem, Welbertum, Amandum, Radevicum, &c. esse antiquiores Polono; deinde quoad alios silentii posse dari rationem, licèt enim Septemviratus jam fuerit tempore Gregorii V. & Ottonis III. institutus, tamen hanc institutionem non statim potuisse in praxin plenè deduci, contradicentibus aliis Principibus, qui ægrè ferebant, se ab electione Imperatoris excludi; ac propterea scriptores de hac institutione, tanquam re delicata, odiosa, & velut suspensa, silere maluisse; sicut hodie dum scriptores res varias, licèt certas, silere coguntur, quia sunt odiosæ, & possent offendere.

Et hinc respondent etiàm ad Argumentum positivum; nam quia ea institutio non potuerit tunc in plenum usum deduci, reliquos etiàm Principes, aut elegisse Cæsarem, aut *prætaxisse*, nominando, proponendo, commendando, electum acceptando, & sic in sensu latiore eligendo, ut suprà dictum.

Probabilior Opinio.

19.

Ex quibus apparet, quàm incerta in hac re sint pene omnia. Censeo ego, sententias istas verosimiliter aliquo modo combinari posse. Nam fundamentum primum posuit Leo III. dum Carolum M. nativitate Germanum, Imperatorem Occidentis renuntiavit; necdum tamen stabiliter Imperialis dignitas ad Germanos fuerat translata; dum Ludovico Pio succederet Lotharius, & huic Ludovicus II. qui Italiæ dominabantur, tum Galliæ Reges, velut Carolus calvus,

&

& ejus Filius; dein rursus Italiae Principes, Berengarii, Widones, Lamberti &c. eandem ad se traherent. Stabiliter verò ad Germanos translata est à Joanne XII. in persona Ottonis M. quem Romae contra Adalbertum, Imperatorem dixit, ac coronavit, ubi simul statutum, ut Rex Germaniae semper simul esset Imperator; quod etiam effectus deinceps demonstravit. Otto II. & III. partim sanguini partim electioni totius populi successionem debebant. Otto III. cum improlis esset, & turbæ metuerentur unâ cum Gregorio V. Romae tractasse videtur, ut potestas eligendi Imperatorem ad paucos Germaniae Principes devolvatur, ac potissimum ad eos septem, qui erant Archiofficiales Imperii. (Neque enim probari potest, tunc necdum viguisse illa Officia.) Et hoc probare videntur argumenta quintæ sententiæ.

Effectum tunc quidem eum institutio illa habuit, ut populus excluderetur à suffragio; nihilominus tamen, cum reliqui Principes se opponerent, Septemviri eos diu adhuc admittebant, si non ad electionem, saltem ad consultationem, nominationem, & propositionem eligendi, & approbationem electi, usque dum crescente paulatim Septemvirorum auctoritate, & intervenientibus Friderici II. & Interregni tempore gravissimis turbis ac bellis civilibus, soli Septemviri electionem peregerint. Et hoc concedendum quartæ Recentiorum sententiæ; quæ ad ea tempora institutionem Septemviratus refert.

Quia autem durantibus illis Imperii tumultibus etiam Romani Pontifices, præsertim Innocentius IV. & Gregorius X. remedium afflicto Imperio afferre omni ope conabantur, Septemvirorum studia auctoritate sua adjuvabant, ut potestas à Gregorio V. & Ottone III. ipsis concessa, plenum effectum obtineret. Et eatenus admittenda videtur tertia & secunda Sententia.

Ne autem impofterum Septemvirorum jus privativè eligendi Cæsarem turbaretur, Ludovicus Bavarus in Comitibus Francofurtensibus & Carolus IV. in aurea Bulla Imperiali diplomate illud confirmarunt, ac perpetuum robur addiderunt. Et in hoc sensu etiam vera est prima sententia.

Observatio

De Electoratu Bavariæ.

20.

Electoralem dignitatem jam ante auream Bullam fuisse possessam à Bavariæ Ducibus constat ex Archipincernatus Officio, ab iis gesto. Exstatque apud Gewoldum diploma Rudolphi I. Imper-

ratoris, quo disertè pronuntiatur, Septemviratum & electionem ex antiquo ratione Bavarix ad Principes Boicæ stirpis pertinere. In electione Ludovici Bavari Rudolphus Ludovici severi Filius primò genitus votum Electorale dedit Friderico Pulchro contra fratrem suum Ludovicum. Anno subin 1329. pactione Ticinensi alternatio suffragii inter lineam Rudolphi Palatinam & Ludovici Bavaricam fuit statuta. At verò Carolus IV. Domui Boicæ infensus, & Palatinæ per matrimonium cum Rudolphi cæci Filia affinitate innexus, per Bullam auream & sententiam contra Stephanum Fibulatum latam jus Bavarix evertit, & Electoralem dignitatem Palatinis addixit, qui manserunt in possessione usque ad Fridericum V. hoc enim victo & proscripto Ferdinandus II. Imperator Maximiliano I. Bavarix Duci anno 1623. pristinam dignitatem restituit, plaudente orbe Catholico,

At verò Protestantium Principes, Saxonix præsertim Septemvirum ægrè res ista cum haberet, Moguntinus conventu Fluslingæ habito adductis gravissimis rationum momentis eundem placavit. Cæsari, inquiebat, non esse vertendum vitio, quòd usus jure suo, Electoratum delicto commissum, Catholicorum Electorum consensu, qui Comitio Ratisbonensi aderant, Principi meritissimo contulerit, ne Collegium Septemvirum diutius uno Electore maneret vacuum, & Cæsarea Majestas per impunitatis exemplum vilesceret. Similem esse causam Friderici Palatini & Joannis Friderici exauctorati à Carolo V. Saxonix Electoris, nisi quòd illius facinus sit enormius, cum Saxo nullam Cæsari Provinciam, nullum regnum, coronam nullam ademerit.

Septemviratum equidem Saxonicum non migrasse in Domum extraneam, sed nec Palatinum mutare stirpem, cum Bavari Principes eosdem cum Palatinis progenitores habeant, & Septemviratus, à prima sui origine Bavaricus, postliminio revertatur ad pristinos suos possessores, à quibus per injuriam fuerit avulsus, adversus Papientem transactionem, à geminis totius Familiæ capitibus, Ludovico videlicet Imperatore, & Ruperto Comite Palatino, legitimè initam. Non potuisse Bullam auream, nulla extante causa, nulla adhibita cognitione, jus quæsitum Boiis detrahare. Adjectam fuisse Ticinensi transactioni eam conditionem, & quidem juramenti religione firmatam, ut, si pars alterutra violata juris alternativi pactione, à transactione descisceret, hoc ipso omni Electorali jure, citra ullam sententiam, excideret.

Rupertum Palatinum ejusque successores eam pactionem violasse, haud bona fide, reclamantibus Bojarix Ducibus, & ad Pa-

pientem transactionem assidue appellantis, ac proin omnem præscriptioni viam fuisse præclusam.

His aliisque argumentis motus Saxo Maximilianum Collegii Electoralis consortem habuit, accedente haud paulò pòst etiam Brandenburg.

Agitata dein rursus fuit hæc controversia in pace Westphalica. Qua Maximiliano ejusque Posteris confirmata fuit Electoralis dignitas cum Archidapiferi Officio, instituto pro Palatinis Octavo Electoratu, tamdiu duraturo, quamdiu ex linea Wilhelmina Bavarica supersit Princeps.

Accessit anno 1692. nonus Electoratus, Ernesto Augusto Duci Hannoverano à Leopoldo Imperatore collatus, reclamantibus Imperii Ordinibus ob defectum Comitialis consensus, qui tamen postea anno 1708. est subsecutus.

C A P U T V.

De Jure Comitis Palatini, & Saxoniae Ducis.

1. **C**OMES Palatinus Rheni in partibus Rheni, Sueviæ, & ubi olim vigeat Jus Franconicum vacante Imperio, ratione Principatus seu comitatus Palatini Privilegio debet esse *Provisor Imperii*, cum potestate judicia exercendi, ad Beneficia Ecclesiastica præsentandi, colligendi redditus & proventus Imperii, inveſtiendi de feudis (exceptis feudis Principum, & Regalibus, quæ futuro Imperatori reservantur) juramenta fidelitatis vice & nomine Imperii recipiendi, quæ tamen postea per Imperatorem innovari debent, præſtito eidem novo juramento. Nihil tamen Comes Palatinus de rebus Imperii alienet aut obliget.

21.

2. Eodem Provisionis jure fruatur Dux Saxoniae in illis locis, ubi Saxonica jura servantur, sub omnibus modis & conditionibus prædictis.

3. Et quamvis Imperator super causis, pro quibus impetitus fuerit, habeat, sicut consuetudine introductum dicitur, coram Palatino Electore respondere, illud tamen judicium non alibi quàm in Imperiali curia, ubi Imperator est præſens, poterit exercere.

Observatio

De Vicariis Imperii.

221

Nota 1. **V**icarii antiquorum Imperatorum dicebantur *Præfecti Prætorio*, apud Francos *Majores Domus*, apud Germanos *Comites Palatini*, seu comites Palatii Imperialis, ac jus dicebant vivente Imperatore, tanquam ejusdem Vicarii. Unde paulatim consuetudo invaluit, ut mortuo etiam Cæsare negotia Imperii curarent. Tales plures erant; inter eos tamen eminuit Comes Palatinus Rheni, quia in illo tractu antiqui Imperatores frequentius regiam figebant. Vix proin dubium est, Vicariatum Palatinum Aurea Bulla esse antiquiorem, de Vicariatu autem Saxonico id magis est anceps, cum certa monumenta de antiquiore tempore non producantur. Ratio tamen id videtur suadere, cum Cæsar etiam in tractibus Saxonie habuerit palatium, & Palatinus Rheni non legatur ibidem exercuisse judicia.

Nota 2. Vicariatum Palatini Rhenani se extendisse in eas provincias, quæ jure olim Franconico utebantur, videlicet ad tractus Rhenanos & Danubianos, Sueviam, Franconiam, Bavariam, Austriam, Styriam, Carinthiam, Tyrolin &c. Saxonicum verò ad eas, in quibus vigeat Jus Saxonicum, ad regiones nempe septentrionales, in quas circuli Saxonie Superioris & Inferioris, aliæque Provincie exporriguntur.

Nota 3. Post mortem Ferdinandi III. renovata est controversia, jam antea pluribus scriptis hinc abque inde editis ventilata, inter Bavaros & Palatinos de Vicariatu, tempore Interregni gerendo. Illi dicebant, in Electorem Bavarie translatum fuisse Electoratum cum omnibus juribus, Officiis & Dignitatibus; imò in *Investitura* Maximiliani Electoris à Ferdinando II. Imperatore accepta, expresse etiam contineri translationem Vicariatus, qui jam olim Doinui Boicæ competierit propter Electoralem Dignitatem prius eidem illatam; neque potuisse Boios absque causa spoliari. Adhæc Vicariatum connexum esse cum Archidapiferi officio, ac proin unà cum isto translatum.

Palatini verò reponunt, Vicariatum esse connexum comitatu Palatino, non verò Electoratu, aut archidapiferatu, eò quòd sit isto antiquior, & Bulla aurea disertè dicat, quod Palatinus sit Provisor Imperii ratione comitatus Palatini; etiam cum Imperatores Italiam fuerant ingressi, Vicariatum Imperii à comite Palatino gestum. Electorem Palatinum per Instrumentum P. O. art. 4. §. 6. esse

esse restitutum in Palatinatum Inferiorem, & omnia eidem annexa, ac proin etiam in Vicariatum, cassatis omnibus, quæ in contrarium acta sunt. Verùm hæc tantum de terris Palatinatus & juribus illis annexis intelligenda existimant Bavari, non autem de Vicariatu annexo Electorali & Archidapiferi dignitati, Domui Bavaricæ restitutæ; cùm plura, quæ in Bulla aurea dicuntur, sint mutata.

Post Ferdinandi III. obitum, quod dictum, controversia ista vehementer fuit agitata, & uterque Elector ad Imperii status litteras dimisit. Post mortem Caroli VI. Imperatoris uterque Elector communi consilio Vicariatum administravit.

Nota 4. Haberi exempla, quibus Imperatores etiam se vivis constituerunt Vicarios Imperii, sic Sigismundus constituit Moguntinum, Carolus V. Ferdinandum suum Fratrem, reservato tamen Electori Palatino suo jure. Vicarius Imperii perpetuus per Italiam est Sabaudus; cui, olim saltem, jus dubium fecerunt Mediolanensis & Mantuanus.

C A P U T VI.

De Comparatione Electorum ad alios Principes.

IN celebratione Imperialis curiæ Electores ante omnes alios Principes, cujuscunque isti sint dignitatis, antecedant; eo signanter expresso, quòd nominatim Rex Bohemiæ in celebratione curiarum in quibuscunque actibus ante quemcunque alium Regem præcedat.

23.

C A P U T VII.

De successione Principum Electorum.

Prinicipi Electori Sæculari in Electoratu succedit filius primogenitus, legitimus, laicus. Hoc præmortuo succedit avo nepos ex primogenico. Si verò primogenitus absque hæredibus masculis legitimis, laicis decederet, jus, vox & potestas electionis ad ejus fratrem seniore, per lineam paternam descendantem devolvatur.

24.

Si Electorem, aut ejus primogenitum, aut filium seniore mori contigerit, relictis masculis laicis legitimis hæredibus, defe-

etum ætatis patientibus, tunc Frater senior ejusdem primogeniti defuncti tutor eorum & administrator existat, donec senior ex eis legitimam ætatem attigerit, 18. videlicet annos compleverit. Tunc enim tutor jus, vocem & potestatem cum officio, omniæque inde dependentia totaliter protinus resignet.

Si verò aliquem ex hujusmodi Principatibus vacare contingeret, Imperatoris est de eo providere, tanquam de re ad se & Imperium legitimè devoluta. Salva tamen (*spektando Bullam Auream*) libera electione Regis Bohemiæ, in casu vacationis per Regnicolas facienda.

§. I.

De Testamentaria tutela Electorum.

25.
Pro affirmativa.

EX dicta aureæ Bullæ dispositione gravis oritur Controversia, an patri Electori adempta sit potestas Filio per Testamentum dandi tutorem? Bachovius, Treutlerus, Gothofredus, Freherus, Vitriarius *Instit. Jur. Publ. lib. 3. tit. 11. n. 5. &c.* pluresque alii apud Pfeffingerum, censent, Testamentariam tutelam non esse sublatam, ex his rationibus,

1. Quia omnia jura, jus naturæ, jus gentium, & jus civile parentibus permittunt, ut filiorum immaturæ ætati per providum tutorem consulant. Unde etiam tutor à patre datus omnibus aliis præfertur, eo quidem privilegio, ut satisfacere non cogatur, cum fides ejus ac diligentia à patre approbata videatur. Hæc autem potestas per B. A. Patri expressè non est adempta, cum Carolus IV. per eam jura & privilegia Electorum non minuere, sed omnibus modis augere studuerit. Non igitur verosimile est, quòd illis jus, nobilibus juxta ac plebeiis concessum, adimere voluerit, ut quoad hoc deterioris sint conditionis quàm infimus rusticus.

2. Quia Carolus IV. per eam dispositionem plus non voluit discernere, quàm quòd pro casu, quo Elector filio per Testamentum nullum tutorem designarit, proximus Agnatus tutelam gerere debeat. Siquidem constitutiones Imperii à jure communi interpretatio nem accipiunt, ut quàm minimè ab isto recedant, nec juri tertii præjudicent.

3. Afferunt exempla Testamentariæ tutelæ prævalentis legitimæ Sic Ludovicum III. Electorem Palatinum An. 1436. Ludovico IV.

filio Ottonem Fratrem suum natu minimum tutorem dedisse, præteritis Joanne & Stephano fratribus Senioribus, & re ipsa Ottonem tutelam gessisse. Ipsum etiam Ludovicum IV. An. 1449. Philippo filio tutores dedisse Moguntinum & Wirtembergensem, præteritis agnatis. Ludovicum VI. noluisse, ut solus Frater Joannes Casimirus tutelam gerat Friderici IV. sed An. 1583. adiunxisse contutores tres alios. Similiter An. 1610. à Friderico IV. constitutum tutorem filii Friderici V. Joannem Bibontinum, præterito agnato proximior Philippo Ludovico Duce Neuburgico. (Quo tempore pro utraque sententia varia scripta prodierunt.) Talia etiam præjudicia afferunt ex Domo Saxonica, videlicet Christianum I. An. 1591. proximo agnato adiunxisse Electorem Brandenburgicum.

Ex quibus inferunt, tunc tantum vi aureæ Bullæ tutelam ad proximum agnatum spectare, quando nullus à patre designatus fuit tutor Testamentarius.

Contrariam, eamque probabiliorem, mea opinione, sententiam 26.
propugnant Zeschlinus, & Fridenreich de tutela Electorali Palati- Pro negati-
na Anno 1613. Arumæus, Besoldus, Hoppius, Limnæus, Harprecht va.
ad *Instit. de legit. agnat. tut. ad. §. 2.* ubi multos alios adducit pro hac sententia, multisque rationibus eandem firmat, ut etiam Pffeffingerus in *Vitr. illustr. l. 3. tit. XI.*

Ratio præcipua est Sanctio Pragmatica aureæ Bullæ, quæ cap. 7. §. 4. desertè decernit, si Principem Electorem, seu ejus Primogenitum, aut filium Seniore Laicum mori, & hæredes masculos legitimos Laicos, defectum ætatis patientes, relinquere contigerit, *tunc frater Senior ejusdem primogeniti tutor eorum & administrator existat, donec Senior ex eis legitimam ætatem attigerit.* Ubi sanè absolutè & illimitatè statuitur, ut pro casu, quo Elector moritur, & filios relinquat, frater Electoris defuncti Senior eorum tutor existat. Ergo locum non habet Testamentaria tutela, cum nullus Elector contra leges Imperii Publicas & Fundamentales quidquam possit constituere.

Neque quis dicat, in Bulla aurea tantum denominari fratrem Electoris defuncti, adeoque in ejus defectu non extendendam esse hanc dispositionem, à jure privato exorbitantem, ad ultteriores agnatos. Nam imprimis ex ipso Bullæ aureæ sensu facillè colligitur, proximos agnatos esse comprehensos. Deinde idem Carolus IV. Imperator Anno 1376. de jure & successione Electorum Saxonie constitutionem edidit Francofurti, in qua expressè sancit, quod si Elector moriatur, & masculos hæredes legitimos Laicos relinquat, de-

bitæ patientes defectum ætatis, ex tunc Senior Frater, nepos, aut Consanguineus proximior, in linea genituræ, si Frater non existat ejusdem defuncti, Laicus duntaxat, dicti pupilli tutor esse debeat, & curator, donec debitam ætatem attingat.

Hæc eadem repetiit Sigismundus Imperator edita Constitutione Imperiali Anno 1413. & 1434. uti existat apud Goldastum Tom. 1. Pag. m. 398. n. 7.

Per has igitur Constitutiones, cum consensu ipsorum Electorum publicè editas, certa quædam tutelæ Electorali forma est præscripta, quæ per contrariam testatoris dispositionem mutari nequit; cum forma det esse rei, nemôque juri Publico contravenire possit; à fortiori, quòd in memoratis Bullis sancitum sit, ut jus hoc Electoralis tutelæ perpetuis temporibus valere & observari debeat.

Verum equidem est, quòd quandoque providentia & dispositio hominis prævaleat, sed tunc tantùm, quando lex non præcisè observandi necessitatem imponit; aliàs quivis testator posset sua voluntate efficere, ut Testamentum absque solennitate, & præteritis etiam hæredibus, ex lege necessariis, valeat, firmumque maneat.

Accedit Argumentum à paritate; nam, quando Bulla aurea eodem Cap. 7. statuit ordinem Successionis in Electoratu, Primogenituram nempe, vi cujus jus in linea primogenita maneat, hac autem extincta ad secundam lineam transeat, & sic deinceps, quando, inquam, hunc ordinem statuit, adimitur Patri Electori potestas per Testamentum aliter disponendi: ergo etiam, quando statuit, ut proximus agnatus sit tutor, adimitur Patri potestas, alium tutorem constituendi. Præsertim cùm constitutio de tutore sit accessoria dispositioni de successionem.

Et planè, nisi dicamus, Testamentariam tutelam fuisse exclusam, frustranea omnino atque inutilis fuisset illa Aureæ Bullæ de tutore dispositio; càm jam aliàs, ex jure videlibet privato & communi, certum sit, quòd, ubi nulla est Testamentaria, locum habeat agnatorum tutela. *Inst. de leg. agn. tut. pr. ibi: Quibus autem Testamento tutores dati non sunt, his ex lege 12. Tabularum agnati sunt tutores, qui vocantur legitimi.*

Addunt, proximo agnato exclusionem ab Electoratu per tutelam & administrationem tempore pupillari compensari; meliusque consultum esse pupillo & Reipublicæ per tutorem agnatum, quem ipse sanguis & nascendi conditio fidei ac providæ curæ admoneat; neque expedit, ut extraneus, nescio quis, arcana Domus ac Familiæ inspi-

ciat,

ciat, & ab Electorali Collegio ad tractanda publica Imperii negotia admitti debeat, aut etiam ad gerendum Vicariatum Imperii.

Suffragatur usus & consuetudo; nam proximus agnatus passim Electoralem tutelam gerit: & si aliquando pater in Testamento alium tutorem nominavit, proximus agnatus illico jura sua opposuit, & tutelam sibi vindicavit. Sic anno 1449. Fridericus Palatinus, non attenta dispositione Testamentaria Ludovici IV. Fratris Electoris, Philippi nepotis sui tutelam gessit; uti etiam Joannes Casimirus defuncto Fratre Ludovico VI. licet hic aliter ordinârit Anno 1583. Cum autem postea Fridericus IV. Philippum Ludovicum Ducem Neoburgicum proximum agnatum à tutelæ Administratione excludere moliretur, Rudolphus II. Cæsar rescripsit, rem esse perniciosi exempli, & Electori Palatino minimè convenientem. In eundem sensum de hac causa scripserunt Electores, Moguntinus, Trevirensis, Colonienfis, & Saxo, videlicet absque læsione Bullæ aureæ Philippum Ludovicum, utpote proximum agnatum, non posse excludi à tutela Friderici V.

Quibus probè expensis non videtur arduum respondere ad sententiæ contrariæ fundamenta. Nam

Ad 1. Ut ex allatis liquet, Aurea Bulla Caroli IV. & Constitutio Sigismundi soli proximo agnato tutelam concedunt, & quidem consentientibus Electoribus; nec illis fit præjudicium, quod proprius eorum sanguis præferatur alieno & extraneo.

Ad 2. Constitutiones Imperii à Jure communi interpretationem accipiunt, quando sunt obscuræ & dubiæ; non autem, quando sunt claræ, putamus autem citatas dispositiones esse satis claras.

Ad 3. Exempla allata sunt facti, non juris; non enim omnia, quæ sunt, jure fiunt. Dein passim proximi agnati tutelam Electoralem gerunt, etiam tunc, quando in Testamento paterno alius fuit nominatus, ut exempla mox recitata perhibent, & si quando in Testamento nominatus tutelam invasit, id nunquam factum legimus absque protestatione proximi agnati. Et, si aliquando contigisset, ut alius quispiam tutelam pupilli Electoris quietè administrâset, id cum consensu Cæsaris, Electorum, & proximi agnati pro eo casu particulari factum esse dicendum foret.

§. li.

Aliæ Observationes ad hoc caput.

27.

Nota 1. **B**ulla aurea dicit, quòd proximus agnatus tutor esse debeat in administrando Electoratu, *voce, jure, potestate, omnibusque ab his dependentibus*. Si igitur Elector alias insuper provincias possideret, quæ ad Electoratum non pertinent, neque ab eo dependent, non apparet, cur pater quoad administrationem istarum provinciarum, uti etiam bonorum allodialium, non possit Testamento tutorem dare filio, etiam extraneum. Imò videtur in Bavaria tutelam Electoralem Ferdinandi Mariæ administrasse Albertus, ejus patruus, Maria Anna verò ejus mater Provinciam Baviariæ, ut ex R. J. de Anno 1654. eruere se putat Plessingerus. Verùm hoc refundendum esse videtur in consensum, saltem tacitum, Cæsaris & Electorum, ac præsertim ipsius Alberti Ducis, cui per B. A. jus tutelæ quæsitum fuit non tantum quoad Electoralem potestatem, sed etiam quoad Administrationem Provinciæ, cui Electoralis Dignitas est annexa.

Nota 2. Licet B. A. exigat, ut qui in Electoratu succedit, sit legitimus, adeoque excludatur non tantum naturalis, sed etiam adoptatus aut arrogatus, vel legitimatus per rescriptum Principis, sufficit tamen, ut sit legitimatus per subsequens Matrimonium; nam talis feudorum est capax. Ex quo tamen nullatenus sequitur, quòd Fratri juniore quidem, sed ante legitimationem legitime nato, esset præferendus. Probari enim non potest, quòd talis legitimitas sit retrahenda ad tempus nativitatis, præsertim in præjudicium Fratris, jam antè legitimi, adeoque jus absolutum nacti.

Nota 3. Olim multa erat disceptatio, an nepos præferendus sit patruo. Sed quoad Successionem in Electoratu B. A. controversiam decidisse videtur, quòd primogenitus cum tota sua posteritate masculina excludat secundogenitum, hic cum omnibus suis descendentibus tertio-genitum, & sic deinceps, ita, ut ad posteriorem lineam non transeat successio, nisi prior sit extincta. Acerrimè tamen hac de re disceptatum est, postquam Carolus, ultimus è linea Simmerensi Elector Palatinus, Anno 1685. improlis fuit mortuus, inter Comites Palatinos, nempe Philippum Wilhelmum Ducem Neuburgicum, qui prioritatem lineæ suæ propugnavit, & Leopoldum Ludovicum Veldentiæ Ducem, qui jus succedendi in Electoratu a prio-

prioritate sui gradus, quo defunctum contingebat, derivavit. Pronuntiatum à Cæsare pro prioritate lineæ.

Neque ampliùs nunc disputatur, an sit præferendus is, qui natus est patre necdum in dignitate constituto, an is, qui postea natus est; nam pro eo pronuntiatur, qui primò natus est, sive pater tunc jam fuerit Elector, sive non. Olim tamen hæc quæstio valde agitabatur apud varias gentes, præsertim apud Persas, & Græcos, qui multum tribuebant suis Porphyrogenitis. Imò etiam in Germania hæc lis ventilabatur inter Ottonem I. & Henricum ejus Fratrem, Patre jam Rege natum; contra edictum Justiniani, qui in quæstionibus, ubi de statu liberorum est dubitatio, semper tempus nativitatì inspicì voluit, nisi fortè tempus conceptionis inspicì ipsis esset utilius. *l. 11. c. de natural. liber.*

C A P U T VIII.

De Regis Bohemiæ & Regnicolarum ejus Immunitate.

Confirmatur Privilegium, ab Imperatoribus ac Regibus concessum, atque immemoriali consuetudine roboratum, ut nullus Princeps, Baro, Nobilis, Miles, Cliens, Civis, Burgensis seu Rusticus, nulla denique Persona ejusdem regni, ad cujuscunque actoris instantiam extra Regnum ad quodcunque tribunal, seu alterius, præterquam Regis Bohemiæ judicium citari possit. In quacunque causa, sive criminali, sive civili, sive mixta, seu super quocunque negotio, omniâque, quæ contra comparentes aut non comparentes à quocunque judice extra Regnum attentata fuerint, irritantur & cassantur, uti etiam omnes Appellationes Bohemorum ad externum quemcunque judicem, sub pœna perditionis causarum, ipso facto incurrenda.

28.

C A P U T IX.

De auri, argenti, & aliarum specierum Mineris.

Decernitur, Reges Bohemiæ, omnesque Electores posse in Principatibus, terris, dominiis, ac pertinentiis suis, tenere ac possidere universas auri & argenti fodinas, atque mineras,

29.

Pars VII.

E

stanni,

stanni, cupri, ferri, plumbi, & alterius cujuscunque generis metalli, atque etiam salis, tam inventas, quàm inveniendas: nec non Judæos habere, telonea in præterito statuta & indicta percipere.

CAPUT X.

De Monetis.

30.

Asferitur Regibus Bohemiæ jus, ab antiquis temporibus possessum, cudendi monetas auri & argenti in quovis loco Regni, & subditarum eis terrarum: item emendi à quibuscunque Principibus, Comitibus & Personis aliis quascunque terras, castra, possessiones, prædia, ac bona, aut ea in donum vel obligationem recipiendi, salvis tamen juribus Imperii pristinis in ea bona. Hæc jura extenduntur ad omnes Principes Electores, eorûmque successores.

CAPUT XI.

De Immunitate Principum Electorum.

31.

Statuitur, ut nullæ Personæ Coloniensi, Moguntinæ, & Trevirenſi, Ecclesiis subjectæ, cujuscunque statûs aut conditionis existant, ad cujuscunque Actoris instantiam extra territorium, ac limites earundem Ecclesiarum, & pertinentiarum suarum, ad quodcunque aliud tribunal, seu cujusvis alterius, præterquam Archiepiscoporum, Moguntini, Trevirensis & Coloniensis, judicium citari possint, pro quacunque causa, criminali, civili, vel mixta, ita, ut comparere ac respondere nullatenus teneantur, ac citationes, processus, sententiæ, tam interlocutoriæ quàm definitivæ sint irritæ, nullique Personæ, prædictis Ecclesiis subjectæ, Processibus & Sententiis ac præceptis Archiepiscoporum ad quodcunque aliud tribunal liceat appellare (quamdiu in Archiepiscoporum judicio ei justitia non fuerit denegata) factæque Appellationes tanquam irritæ & cassæ sunt relictendæ. In defectum vero Justitiæ ad Imperialem duntaxat curiam & tribunal appellare liceat.

Eadem constitutiô extenditur ad Electores Sæculares, Comitem nempe Palatinum, Ducem Saxonie, & Marchionem Brandenburgensem,

gensum, eorúmque hæredes, successores & subditos, sub omnibus modis & conditionibus.

CAPUT XII.

De Congregatione Principum Electorum.

Electores, qui sunt bases & columnæ Imperii, per singulos annos semel, transactis quatuor septimanis post pascha in aliqua civitate Imperiali personaliter congregentur de rebus Imperii cum Cæsare consulturi.

32.

CAPUT XIII.

De Revocatione Privilegiorum.

Revocantur omnia Privilegia, quibuscunque personis concessa aut concedenda ab Imperatoribus, quæ sunt adversus libertates, jurisdictiones, jura, honores, & dominia Electorum; eaque Privilegia cassantur, licet in iis cautum sit, ut sint irrevocabilia, nisi de Juribus Electorum, & toto in eis comprehenso tenore fieret de verbo ad verbum specialis mentio.

33.

CAPUT XIV.

De his, quibus ut indignis auferuntur bona feudalia.

IN plerisque partibus vasalli feuda, quæ à Dominis acceperunt, per fraudem verbotenus resignant, & facta resignatione hujusmodi, Dominos ipsos malitiosè diffidant, suásque inimicitias eis denuntiant, ac feuda sic relicta rursus invadunt & occupant. Quare ejusmodi resignatio irra declaratur, nisi liberè, verè & realiter facta fuerit, ita, ut Dominis feuda verè & corporaliter ita resignent, ut nullo unquam tempore eos diffidant, aut in feudis resignatis per se vel alios ullo modo perturbent aut molestant; secùs facientes feuda hoc ipso amittant, infames existant, & banno Imperiali subjace-

34.

ant, & nullus eis ad feuda hujusmodi pateat regressus, nec de novo concedi valeant ullo modo.

CAPUT XV.

De Conspirationibus.

35. **S**ub gravi pœna prohibentur omnes conspirationes, conventicula, confœderationes & colligationes illicitæ; his duntaxat exceptis confœderationibus, quas Principes, & civitates pro generali pace provinciarum inter se firmarunt. Quas Cæsar suæ declarationi reservat.

CAPUT XVI.

De Pfsalburgeris.

36. **N**onnulli cives & subditi Principum, Baronum, & aliorum jurgum originariæ subjectionis quærentes abjicere in aliarum civitatum cives se recipi procurant, & nihilominus in priorum dominorum terris residentes, civitatum, ad quas hoc modo se transferunt, libertatibus gaudere, & ab eis defensari contendunt, (qui *Pfsalburgeri* vulgò appellantur) quia autem nemini fraus & dolus patrocinari debent, sancitur, ut tales subditi dominorum frui non debeant libertatibus civitatum, nisi verè & corporaliter in illas trans-eant, domicilium ibi figant & onera civitatis subeant. Secus ejusmodi receptio est irrita, non obstantibus quibuscunque; pœna centum marcarum auri in receptores statuta. Dominorum pristinorum salvis juribus.

CAPUT XVII.

De Diffidationibus.

37. **P**rohibetur, ne quis alterum diffidat, aut diffidationis prætextu invadat per incendia, spolia vel rapinas, nisi triduo antè diffidatio personaliter fuerit intimata diffidato, vel in loco, quo iste habitare consuevit, possitque de intimatione hujusmodi per testes

testes haberi plena fides, qui secus quempiam diffidare vel invadere præsumpserit, infamiam ipso jure incurrat.

Nota. Ex hoc titulo patet, quòd diffidationes, seu privati belli denuntiationes, dictis limitibus circumscriptæ, illo ævo adhuc fuerint permittæ; postea autem per pacem publicam, aliàsque Imperii constitutiones, meritò fuerunt penitus interdictæ erectis Imperialibus juri dicundo tribunalibus.

CAPUT XVIII.

Litteræ Intimationis.

Continet hoc caput litteras, quibus Imperator Electores vocat ad electionem Romanorum Regis, ex rationabilibus causis faciendam. Sequens verò

38.

CAPUT XIX.

Exhibet formulam mandati, quo Elector Procuratorem mittit ad electionem Romanorum Regis, cum plena libertate faciendam.

39.

CAPUT XX.

De Unione Principatuum Electorum & jurium connexorum.

Deciditur hæc, Electoratum esse dignitatem realem, cum terra Principatus connexam, atque ab ea inseparabilem, ut adeò ad eum pertineat, qui terram Principatus legitimè possidet.

40.

CAPUT XXI.

De ordine processionis inter Archiepiscopos.

In processione seu deambulatione solemnè Trevirensis indirecta linea præcedat Imperatorem vel Regem Rom. solique inter eos medii incedant, qui insignia Cæsari aut Regi præferunt. Si verò nulla

E 3

præ-

præferantur insignia, Trevirensis immediate incedat ante Cæsarem, vel Regem: aliis duobus Archiepiscopis loca sua, circa sessionem superiùs declaratam, servaturis, nempe ab utroque latere Imperatoris.

CAPUT XXII.

De Ordine processionis Principum Electorum, & per quos insignia deportentur.

Quando in processione deferuntur insignia, Saxo cum ense immediatè præcedat Cæsarem vel Reg. Rom. ita, ut inter eum & Trevirensē sit medius. Palatinus verò à dextro latere Saxonis Pomum Imperiale portet, & Brandenburgus à sinistro sceptrum. Rex autem Bohemiæ immediatè sequatur Cæsarem.

CAPUT XXIII.

De Benedictione Archi-Episcoporum.

Quoties in præsentia Imperatoris vel Regis Rom. Missam celebrari vel Benedictionem mensæ fieri contigerit, prima die omnia peraget ille ex Electoribus Ecclesiasticis, qui primò fuit consecratus, secunda die alter, & tertia tertius, secundum antiquitatem consecrationis.

CAPUT XXIV.

Sequentes leges promulgatæ sunt Metis ab eod. Carolo IV. anno 1356. in præsentia omnium Electorum, Nuntii Apostolici, ac Galliæ Delphini. Hoc capite statuuntur poenæ gravissimæ in eos, qui conspirant in necem cujuscunque Electoris; nempe, ut majestatis rei gladio feriantur, bonis omnibus fisco addictis, filii, vita relicta, ab omni hæreditate excluduntur, fiunt infames &c. filiabus sola falcidia relinquitur. Post mortem etiam judicari & infamia notari possunt, adimique bona hæredibus relicta. Possunt in hac causa etiam servi torqueri in caput domini &c.

CAPUT XXV.

De Integritate Electorum servanda.

Ditiones Electorum non imminuantur, nec dividantur in plures filios, sed primogenito jus ad dominium competat; nisi fortè mente captus, fatuus, seu aliàs famosi & notabilis defectus existeret. Quo casu successio ad secundogenitum devolvitur, vel alium proximum agnatum.

CAPUT XXVI.

De Curia Imperiali & Sessione.

Die, qua sollemnis curia habenda, hora prima Electores ad habitationem Imperatoris veniant, eoque insignibus Imperialibus induto, ascensis equis procedant ad locum Sessionis, insignia præferentes. Ante Trevirensē duo Principes inferiores coronam Aquisgranensem & Mediolanensem præferant. Post Regem Bohemiæ Imperatrix suis Augustalibus amicta insignibus, sequatur, suis comitata proceribus & virginibus.

CAPUT XXVII.

De Officio Electorum in solenni curia Imperatoris.

Imperatore sedente in folio, Dux Saxonix, gestans manu baculum argenteum & mensuram argenteam, equo insidens, ex a-cervo avenæ, ante curiam posito, & usque ad equi pectus pertingente, mensuram avena implet, & famulo, primitus venienti tradet. Infixo dein baculo in avenam recedet; & ejus vicemarescallus de Pappenheim accedens avenam distribuet, aut eo absente Marescallus curiæ.

41.

Archiepiscopi ingresso Imperatore ad mensam Benedicant. Sigilla Imperialia, baculo argenteo appensa, ante Cæsarem in mensa collocent; quæ tamen à Cæsare eis mox restituantur: ac unus eorum sigillum

gillum majus collo appensum gestet tempore mensæ, & usque dum illa finita ad hospitium suum pervenerit equitando. Tum verò baculus & sigilla cancellario Imperialis curiæ debent tradi.

Dein Marchio Brandenburgensis Archicamerarius adequitet, gestans manibus argenteam pelvim (12. marcarum) cum aqua & manutergio, equo descendens affundet aquam Imperatori lavandis manibus.

Comes Palatinus pariter insidens equo, & gestans manibus quatuor scutellas argenteas, cibis impletas, quarum qualibet tres marcas habeat, accedat, & ubi ab equo descenderit, cibos in mensâ Cæsari apponat.

Denique Rex Bohemiæ archipincerna equo vectus intrabit, portans in manibus poculum argenteum, ponderis 12. marcarum, coopertum, & vino cum aqua permixto impletum. Tum ab equo descendens Imperatori porriget ad bibendum.

Peractis his Electorum officiis Falckensteinius subcamerarius equum & pelvim Brandenburgici pro se recipiat: Magister coquinæ Nortonbergius equum & scutellas Palatini, vicepincerna Limpurgius equum & scyphum Regis Bohemiæ, vicemarescallus de Pappenheim equum, baculum & mensuram Saxonis. Si verò hi subofficiales Imperii à curia abessent, quotidiani curiæ ministri officia eorum peragant, equos & prædicta instrumenta accipiant.

Nota. Hodie hæreditaria ista officia pleraque ad alias Illustres Familias videmus translata; nam Archipincernæ subofficiales sunt comites Althanenses, Archidapiferi vices obeunt comites Waldburgenses; Vice-Camerarii sunt Principes & comites Zollerani; Archithesaurario Vicarii dati comites Sinzendorffii: Marescallatus solus adhuc ornat Familiam, cui per B. A. attributus fuerat.

CAPUT XXVIII.

De Mensis Imperialibus & Electoralibus.

Mensa, ad quam solus Imperator sedet, sex pedibus sit altior reliquis. Mensa verò Imperatricis, à latere parata, tribus pedibus sit demissior quàm mensa Imperatoris, tribus verò altior quàm mensæ Electorum. Pro istis mensæ sint instructæ, in eadem omnes altitudine, tres à latere dextro, & tres à sinistro, & septima directè versus faciem Imperatoris: ut supra dictum. Nullus ve-

rò alius, cujuscunque sit dignitatis, inter eos sedeat, vel ad eorum mensam. Nulli verò ex Electoribus licet assidere, donec omnes coelectores officio suo sint functi; sed ad mensas suas stando expectent, & tunc omnes simul assideant.

Ex antiqua consuetudine electio Regis Rom. futuri Imperatoris celebretur Francofurti, & prima coronatio Aquisgrani: prima autem Regalis curia Norimbergæ habeatur, nisi legitimum impedimentum obstat.

Licet autem legitime absentis Electoris Legatus sit admittendus, in mensa tamen vel sede sui principalis non sedebit.

CAPUT XXIX.

De Juribus Officialium, dum Principes feuda ab Imperatore recipiunt.

CUm Electores feudum recipiunt, nihil tenentur solvere. Cæteri Principes, Ecclesiastici & sæculares, nisi privilegio se tueri possint, officialibus Imperialis curiæ pendant 63. marcas argenti, à Magistro curiæ Imperialis distribuendas, ex quibus decem marcas sibi reserve, decem cancellario curiæ dabit; sub-officialibus quatuor Electorum itidem, singulis decem, tres verò reliquas Magistris, Notariis & Dictatoribus. Si autem sub-officiales Electorum non forent presentes, eorum portio cedat ordinariis aulæ officialibus. Si verò Princeps equo infidens feuda sua ab Imperatore recipit, equus ille debetur archimarescallo, nempe Duci Saxoniae.

43.

CAPUT XXX.

De Institutione Principum Electorum in linguis.

CUm Romanum Imperium diversarum nationum, legum, ac linguarum homines moderari debeat, Electores diversorum idiomatum linguas calleant; curent igitur filios suos præsertim in Italica & Sclavica lingua instrui, vel eos peregrè mittendo, vel domi per instructores edocendo, & pueros confocios, in his linguis peritos, eis adjungendo.

44.

LIBER I.

De Jure Synodali, Comitiali, & statu
Imperii Ecclesiastico & Politico, atque Jure
Belli & Pacis Sæculo XVI. &c.

CAPUT I.

De statu Imperii sub Maximiliano I.

SUMMARIUM.

- | | |
|--|---|
| <p>45. Bellum cum Lud. XI. propter Burgundiam & Artesiam.</p> <p>46. Cum Flandriæ civitatibus rebellibus.</p> <p>47. Adoptatus Maximilianus à Sigismundo Archiduce Tyrolis possessionem adit. <i>Comitia Francofordiensia</i> celebrat. Auxilia contra Carolum VIII. & Mathiam petit.</p> <p>48. Pax cum Carolo VIII.</p> <p>49. Austriam Inferiorem mortuo Mathia recuperat.</p> <p>50. Turcas, Germaniam invadentes, magna cum strage repellit.</p> <p>51. Bellum cum Carolo VIII. propter sponsam interceptam, & filiam repudiatam parat, ejusque conditiones.</p> <p>52. Ratisbona Imperio restituta.</p> <p>53. Fœdus contra Carolum VIII. qui Reg. Neapolis occupaverat.</p> <p>54. <i>Comitia Wormatiensia</i>.</p> | <p>55. <i>Pax Publica</i>, ejusque articuli.</p> <p>56. <i>Judicium Camera Imperialis</i> erectum ejusque prima ordinatio.</p> <p>57. Bellum Helvetum, ejusque causæ, ac finis.</p> <p>58. <i>Comitia Augustana</i>. Decretus vus Imperii senatus.</p> <p>59. Germania in <i>Circulos</i> divisa.</p> <p>60. Goritia ad Domum Austriacam.</p> <p>61. Bellum Bavaricum, mortuo Georgio Divite.</p> <p>62. Fœdus Hagenoenſe cum Lud. XII. Sponsalia Principum.</p> <p>63. Bellum Geldricum cum Carolo Egmondano.</p> <p>64. <i>Comitia Constantiensia</i> pro adornanda protectione Romana ad coronationem.</p> <p>65. Bellum Venetum.</p> <p>66. Fœdus Cameracense contra Venetos.</p> |
|--|---|

- | | |
|---|--|
| <p>67. Venetorum clades ad Ghieradamm, & consternatio.</p> <p>68. Legatio supplex ad Imperatorem.</p> <p>69. Julius Papa Venetis conciliatus foedus cum iis init contra Lud. XII.</p> <p>70. Lud. XII. Synodum Tironensem & Pisanam cogit contra Julium.</p> <p>71. Pugna ad Ravennam.</p> <p>72. Galli ab Helvetis Italiâ expulsi, restituto Maximiliano Sfortia.</p> <p>73. <i>Comitia Colonienſia</i>. Tres Recessus Imperii.</p> <p>74. <i>Judicium Aulicum</i> in novam formam redactum.</p> | <p>75. <i>Conſtitutio Cæſarea de Notariis Publicis</i>.</p> <p>76. Bellum Burgundicum cum Lud. XII.</p> <p>77. <i>Pax Noviodunenſis</i> universalis: ejusque conditiones.</p> <p>78. <i>Comitia Auguſtana</i>, pro adornando Bello Turcico.</p> <p>79. Obitus Maximiliani Cæſaris: & Elogium.</p> <p>80. Ejus Mausolæum Oenipontanum.</p> <p>81. Nuptialibus foederibus Domum Aultriacam in immensum auxit.</p> <p>82. Hippolythi à Lapide calumniæ adverſus Maximilianum Imperatorum.</p> |
|---|--|

CAPUT I.

De ſtatu Imperii, ac Jure Belli, & Pacis ſub Maximiliano I.

TRiſtior nunquam, ſicut Europæ ferme univerſæ, ita Germaniæ fuit ſtatus, quàm hoc, de quo loquimur, Sæculo XVI. Ab Hæreſi, funeſta illa Provinciarum ruina, origo mali. Per intima viſcera graſſata perniciēs. ſciſſum in partes Imperium, civis cum cive colliſus, armata in caput membra. Oriens & Occidens effuſus in ejus exitium. At ſtetit tot inter procellas ac turbines, tot inter externa internæque bella Germania, ſedentibus ad rerum clavum Navarchis fortiſſimis, qui authoritate, ſapientia, virtute, conſtantia ſuſtentârunt nutantem Rempublicam. En rerum ſchema!

ARTICULUS I.

Gesta Maximiliani I. ante Imperium.

Magnus hic bello & pace Princeps, natus orbi anno 1459. vastæ per Europam Austriacæ potentæ fundamentum posuit ducta nuptiali fœdere *Maria*, Caroli Audacis, potentissimi Burgundiæ Ducis filia & hærede unica. Allata proinde in opimam dotem Burgundia, cum Belgii Provinciis.

Ussit Ludovicum XI. Galliæ Regem invidia, tantum terrarum tractum à Sponsa Principe, ex Regio Francorum sanguine oriunda, in exteram Domum transferri. Quare bello moto, Burgundiam & Artesiam diripuit. At ingenti prælio à Maximiliano in Artesia victus pacem petiit, redditoque Cameraco aliisque urbibus obtinuit (anno 1482.) Utque pax esset firmior, Margaretha Maximiliani filia desponsa fuit Carolo Delphino; missa propterea Parisios, ut in Galliarum Reginam educetur: promissa in dotem Burgundia & Artesia.

Verùm Carolus VIII. non cessavit per Cordæum, Picardiæ Governatorem, bellum Archiduci in Belgio facere, & Flandriæ præsertim civitates adversus eundem concitare.

Hæ civitates sæpius, abjecto parendi obsequio, arma adversus Maximilianum sumperant; nato comprimis Philippo Archiduce, cujus tutelam à patre in se transferre conabantur. Cùmque seditiosi accito Germano milite non rarò essent comescendi, eò usque Flandrorum furor exarsit, ut non contenti filium patri eripere, ipsum Maximilianum, Romanorum tunc jam Regem, absque militum præsidio Brugas ingressum, detinerent captivum (anno 1487.) & cum eo præcipuos aulae Ministros Gandavum abductos; donec juratò promitteret, Germanis dimissis filii tutelam se positurum. At Fridericus Cæsar, intellecta filii captivitate, cum exercitu Flandriam ingressus, pactionem iniquam rescidit; declarantibus Theologis, juramenti, vi aut metu injusto extorti, vim nullam esse.

Rebelles proin civitates, Gandavum præsertim & Brugæ, uti potentia conspicuæ, ita frequentioribus seditionibus famosæ, correptis rursus armis, bellum per omnes propemodum Provincias cir-

cum-

45.
Bellum
cum Lud.
XI.

46.
Turbæ
Belgiæ.

cumtulerunt ; augente hinc flammam Cordæo Gallo, inde Philippo Clivenſi, qui à Maximiliano ad rebelles defecerat.

Maximilianus interea, proſperis adverſisque diu exercitus, poſtquam Albertum Saxonem armis præfecit, Belgio exceſſit, res Germanas cum Patre, jam ſenio fracto, curaturus. Ac primò quidem, recto itinere Oenipontum delatus, à Sigismundo Archiduce (*Friderici proſcripti filio, & Leopoldi ad Sempachium caſi nepote*) in filium adoptatus, Tyrolim in fidem recepit. Tum à Sigismundo, ad Comitiam *Francofurtenſiam* progreſſus, in iisdem per Wolekenſteinium propoſuit, quemadmodum à multo jam tempore Domus Auſtriaca tum à Rege Galliarum in Burgundia & Belgio, tum à Mathia Rege Hungariæ (*qui Inferiorem Auſtriam cum ipſa Vienna aduſcedum ſub poteſtate habebat*) multa damna ſit paſſa, pertinere ad Imperium, Provincias Teutonicas communi conſilio & auxilio ab injuria vindicare. Timendum alioquin, ne impotens exterorum ambitio ulterius ſerpat.

47.

adoptatus
mundum.

Imperii Ordines in tres claſſes diſtributi (*nam Electores antea cum Principibus unam tantum confeſcerant*) pro communi cauſa ſubſidia decreverunt (*anno 1489.*)

At brevi poſt pax compoſita cum Carolo VIII. expeditionem Neapolitanam parturiente. *Hæc ſumma.* Maximilianus Provincias Belgii tanquam Philippi Tutor porro adminiſtrato. Brugæ, Gandavum, & Ipræ, ſeditionis Principes, lugubri habitu ſupplices veniam rogant à Maximiliano, eique pro belli impenſis trecenta florenorum millia perſolvunt. Clivenſis aliique rebelles in gratiam recipiuntur. Tractatus autem Brugenſis, ſuperiore anno iniquè extortus, abſolitus eſto.

48.

Pax cum
Carolo
VIII.

Finito hac pace feliciter bello Gallico ac Belgico, ſupererat reducenda Inferior Auſtria, quam, occupatam à Mathia Corvino Hungariæ Rege, Fridericus Cæſar eidem permiferat, ea tamen conditione, ut poſt mortem Mathiæ ad priſtinos ſuos Dominos redeat. Poſtquam igitur ille anno 1490. Viennæ obiit, Maximilianus quâ armis, quâ deditioe eandem recepit, poſtquam quinque annos in Hungarorum manibus hæſerat.

49.

Auſtriam
recuperat.

50.
Turcas cæ-
dit.

Electus tum quidem Hungariæ Rex Uladislauſ, Rex Bohemiæ; verùm Maximilianus, contra Domus Austriacæ jura, & conventionem cum Mathia Rege initam, se præteritum questus, bellum Hungariæ intulit, eo tandem pacto finitum, ut Uladislao sine hærede defuncto Maximilianus succederet: interim verò titulus *Hungaria Regis* utrique sit communis. Cùm dein altero pòſt anno Turcæ ingenti numero per Croatiam in Carniolam, Styriam & Carinthiam irrumperent, omniâque populatione, cædibus, incendiis vastarent, amissis in pugna decem suorum millibus repulsi sunt.

51.
Bellum
cum Ca-
rolo VIII.

Vix compositus erat Oriens, cùm nova mox procella ab Occidente incubuit. Nam Carolus VIII. anno 1492. Annam Britannicæ hæredem, post mortem Mariæ Burgundæ Maximiliano desponsam, interceptit, atque matrimonio sibi junxit, abdicata Margaretha Maximiliani filia, quam eidem desponsatam diximus. Unde rursus bellum in Belgio: quod anno sequente hac *Sylvanectensi* pactione finitum: pacta dotalia inter Margaretham & Carolum sublata sunt: uti etiam ea, quæ pace anno 1482. sunt sancita, ac proin Carolus Burgundiam & Artesiam restituito. Possessio Comitatus Antisiodorensis, Matisconensis, & Barrensis ei permittitor, donec Judiciali sententia ea lis definiatur. Exules in integrum restituuntor. Post hæc pacta Margaretha post decennalem in Gallia commorationem est Patri suo restituta. Collocata subin primùm Joanni Hispaniarum Principi, eoque mox mortuo, Philiberto, Duci Sabaudicæ. Hoc pariter brevi amisso, Belgii Gubernatrix consenuit, vidua felicior, quàm conjux.

52.
Ratisbona
restituta.

In ipsis etiam Germaniæ visceribus his temporibus variis turbis occasionem dedit Ratisbona, quæ antiquitus Baviaræ Ducibus subdita, postmodum libera Imperii Civitas effecta, anno 1486. se rursus Alberto IV. Baviaræ Duci subjecit. Proscripta propterea à Friderico Imperatore, ac tandem anno 1492. Imperio rursus restituta

ARTICULUS II.

De Pace Publica, Camera Imperiali & Circulis Imperii.

Rebus ita tum in Germania tum in Oriente & Occidente compositis obiit anno 1493. Fridericus Imperator, plenus diebus & meritis. Successitque Maximilianus I. Filius, jam anno 1486. electus & coronatus Romanorum Rex, Patrique in regendo Imperio Adjutor, omnibus apprime charus ac summo in pretio habitus; propterea novo exemplo omnium primus vivente Imperatore Rex Romanorum à Septemviris electus.

Cùm eo tempore Carolus VIII. Rex Galliæ Regnum Neapolitanum, plurésque in Italia civitates occupasset, Pontifex, Imperator, Ferdinandus Rex Hispaniæ, Ludovicus Sfortia Dux Mediolanensis, ac Venetorum commune fœdus adversus eundem inierunt. Et Cæsar quidem ea de causa *Comitia Imperii Wormatiæ* indixit. Decretum bellum Italicum ad vindicandas civitates & Jura Imperii: statuta in singula capita contributio nummaria (*der gemeine Pfennig*) Comes Eberhardus primus Wirtembergiæ Dux renunciatus. Ludovico Sfortiæ confirmatus Ducatus Mediolanensis. Plerique Electores *Investiti* ibidem.

Præcipuè verò duo sunt, quæ Maximilianus Cæsar anno 1495. his in *Comitiis Wormatiensibus* cum immortalis nominis sui gloria atque ad perenne totius Imperii emolumentum gessit; Pax videlicet *Publica*, & erectio Judicii *Camerae Imperialis*.

Nempe Germani veteres non legibus, sed armis jus dicebant. Hinc etiam post constituta Judicia *Purgatio vulgaris* per Duellum aut ignes remansit. Hac per Jus Canonicum sublata, vigeat adhuc *Jus Manuarium*, quo vi privata lites definiebantur, Interregni præsertim temporibus. Hinc ortæ illæ *Diffidationes*, duella, bella privata, invasiones, rapinæ, cædes innumeræ. Bella hæc, si tri-duo ante invasionem indicta fuerant, legitima censebantur, & ab ipsa etiam Aurea Bulla permessa.

Pernicioso huic malo Pontifices remedium quærebant per Canones *de Treuga & Pace*, Imperatores per Constitutiones de Pace Publica, imbecilliores Feuda potentioribus offerendo, ipsique Status per varia inter se fœdera. Tale erat fœdus *Suevicum*, anno 1488. à Sue-

à Suevis primitus erectum, cui tamen multi alii etiam Principes ac Nobiles se adjunxerunt.

Hæc tamen omnia non sufficiebant propulsandæ injuriæ, donec Maximilianus Imperator vindictis privatis felicius finem imposuit *Pace Publica* (quæ etiam *Profana* dicitur) Illius hæc epitome.

55.
Pax Publi-
ca.

1. Nemo alterum bello alióve modo violentè invadat. Lites autem Judiciali Processu finiantur.
2. Qui contra hanc Pragmaticam Sanctionem egerit, Imperii *Bannum* seu Proscriptionem Jure ipso & facto incurrat: atque cuius prædæ esto.
3. Suspecti de damno illato possint à læso Principe &c. citari, ut Juramento se purgent.
4. Receptores ac Defensores turbatorum pacis eidem poenæ subja- ceant.
5. Vagi milites & grassatores per Imperium non tolerandi.
6. Ecclesiastici lædentes à Prælatiis &c. ad damni compensationem adstringuntur.
7. Proscripti non absolvantur, donec læso sit satisfactum.
8. Nulla Privilegia patrocinentur violentibus hanc pacem.
9. Comitia Imperii sint annua, & per mensem durent. Nec antè quisquam discedat absque urgente causa.
10. Nec Cæsar Bellum aut fœdus, quod Imperio noxium esse possit, ineat absque Ordinum consensu.
11. Ditiones communi opera & sumptu acquisitæ Imperio accrescant.
12. Plura alia statuntur de violatoribus hujus pacis. Subscripsunt Electores, Principes & alii Status.

Ut autem pax ista certius firmiùsque servaretur, præter Judi- cium Aulicum (quod cum Cæsare per Provincias ambulare consue- verat) fixum aliquod summum tribunal Imperii erigendum putavit Imperator providus, quod *Judicium Camera Imperialis* appellare placuit. Simùlque *Ordinationem Cameralem* confecit; qua disposuit, ut hoc Judicium constet uno Judice Illustri, & 16. Assessoribus, No- tariis Publicis, Juratis Nuntiis Camerae, qui citationes denuntient, Procuratoribus & Advocatis, per quos causæ agantur.

Ut nulla appellatio admittatur, nisi *gradatim* sit facta.

Ut citationes & litteræ Judiciales nomine Cæsaris fiant.

Ut in *Prima Instantia* nemo in hoc Jus vocetur, nisi Imperatori & Imperio sit *immediatè* subjectus (aliud esset in casu denegatæ justitiæ à Judice inferiore.)

Ut in litteris citationis causa sit expressa, ut reus præparatus comparere possit.

Determinatur taxa *Sportularum* Judicialium.

Si Actor contumaciter absit ante litis contestationem, condemnandus est in expensas, & reus absolvendus ab instantia judicii. Si autem res non amplius est integra, procedi potest ad cognitionem causæ & sententiam judicalem. Condemnandus tamen actor contumax in expensas, licet sententia pro eo fuisset lata.

Si autem Reus foret contumax ante *litem contestatam*, ad petitionem Actoris condemnandus est in contumaciam, & actor immitendus in bona *ex primo Decreto*: vel, si actor velit, procedendum ad discussionem causæ & sententiam: reusque condemnandus in expensas, licet causam obtinuisset.

Appellatio ab *Interlocutoriis* sententiis non admittatur à Camera, si gravamen per appellationem à definitiva est reparabile.

Ter in hebdomade Jus dicatur. Procuratoribus & Advocatis pauperum causæ gratis agendæ, usque dum per pinguem fortè sententiam ditescant.

Quia autem hoc Judicium Camerale supremum est Imperatoris & Imperii Tribunal, habens jurisdictionem concurrentem in causis civilibus cum ipso Judicio aulico, adeoque nulla ab eo datur appellatio, idcirco Status immediati, ne omni appellationis jure privarentur, petierunt à Maximiliano, ut salva *Immedietatis* prærogativa sibi Judices constituerentur, coram quibus in prima quasi instantia lis ventilaretur, & à quorum sententia appellari dein posset ad Camera; Imperator petitis eorum annuit, & hac ordinatione Camerali *Austregas*, seu Judicium *Austregale* ipsis concessit, statuitque, ut *Austrega*. qui Principes *Austregas Conventionales* jam haberent, iis uterentur. Si verò tales non haberent, Princeps ab actore conventus quatuor vicinos Principes designet, ex quibus dein Actor unum deligat, qui tanquam Cæsareus Commissarius causam judicet: cum jure tamen appellationis ad Camera vel ad Judicium aulicum.

Et hoc quidem statutum pro casu, quo Actor & Reus sunt Principes. Quando verò inferior aliquis Actor Principem vult convenire, Princeps novem ex suis præcipuis Consiliariis proponat, ex quibus Actor unum Judicem eligat, reliqui verò sint velut Assessores, omnes tamen Juramento, quo Principi sunt adstricti, pro hac causa solu-

luti, & novo Juramento ligati, absque respectu personarum administrandi Justitiam. In hoc Austregali judicio Actor reconveniri non potest; conceditur tamen ab eo appellatio ad Cameram. Et, si Princeps interpellatus ab actore nollet hoc Judicium Austregale subire, posset actor immediatè in Judicio Camerali adversus eundem agere.

Per hanc tamen Ordinationem nihil derogatur Superioritati territoriali, tribunalibus particularibus, aut privilegiis (qualia vi Bullæ Aureæ habent Electores, ut ab eorum sententia non appelletur) quamvis autem à Judicio Camerali non detur appellatio, dantur tamen alia remedia, uti Supplicationis, Revisionis &c.

Cæterum huic primæ Ordinationi Camerali aliæ postmodum accesserunt, præsertim anno 1548. & 1555. in Comitibus Augustanis. Locus etiam hujus Judicii sæpe mutatus. Nam 1. designatum fuit Francofurtum. 2. Wormatia. 3. Augusta. 4. Norimberga. 5. Ratisbona. 6. rursus Wormatia. 7. Spira. 8. Wezlaria.

In iisdem Comitibus Wormatiensibus anno 1495. edita est Constitutio pœnalis contra blasphemos. Et secundo post anno in Friburgensibus Comitibus contra eos, qui vinum aqua, sulphure, aliisque modis corrumpunt.

57. Ortum brevi post, anno videlicet 1498. est bellum *Helveticum*.

Bellum Helvetum. Haud æquis siquidem oculis aspicere poterat Cæsar tum clades præteritas, tum novas semper ad fœdus Helvetorum accessiones, tum etiam auxilia Gallis ab eis missa. Petebat proin, ut fœderi Suevico accederent, & communia Imperii onera ferrent. Recusabant hoc Helveti. Paulò post inter Tyrolenses & Grifones propter limites ad arma ventum. Utque auxiliis se munirent isti, fœderi Helveto accesserunt anno 1488. Constantienses etiam ad illud accedere meditabantur.

Cæsar proin bello utrosque aggressus est, Helvetos nempe & Grifones, confisus Suevico fœderi. Complura admodum cruenta prælia sunt commissa, plerumque Cæsareis magis infasta; donec anno sequenti Basileæ pax coaluit, mediatore Ludovico Sfortia Mediolani Duce. Effectus hujus belli vix alius fuit, quàm regionum vastatio, & hominum cædes: quolibet, quod ante bellum habuit, habere jussu. Cessa tamen Helvetis sub certis conditionibus Turgoia; Basilea & Scaphusia paulò post in fœdus ascitis.

Maximilianus Cæsar ad ordinandum statum politicum reversus anno 1500. in Comitibus Augustanis novam Regiminis formam, quam Imperio aptiorem credidit, introduxit, erexitque novum Imperii Senatum, quater singulis annis Norimbergæ congregandum;

qui

qui constaret ex Imperatore aut ejus legato tanquam Capite & Præsidente : ex uno Electore (per vices seu *turnum* sublevando) ex duobus Principibus , altero Ecclesiastico , Sæculari altero : uno Prælato, 58. Comitibus, & uno Comite : duobus legatis Civitatum Imperialium : sex deputatis à circulis. Augustana.

Nam eo tempore sex tantum Imperii Circuli à Maximiliano erecti fuerant : Franconicus nempe , Suevicus , Bavaricus , Rhenanus, 59. Imperii Westphalicus , & Saxonicus : quibus postea quatuor addidit , Austriacum videlicet , & Burgundicum : Saxonico propter amplitudinem in duos diviso , uti etiam Rhenano. Burgundicus autem præter Burgundiam complectebatur etiam Belgium & Lotharingiam. Bohemia etiam & Prussia invitata , ut duos Imperii Circulos conficerent.

In iisdem Comitibus Augustanis confirmata & magis declarata fuit Pax Publica Wormatiæ sancita. Facta nova Ordinatio Camere Imperialis. Res Monetaria ordinata ; proscripta ebrietas , luxus vestium , multaque alia , ad *politiam* spectantia , saluberrimè sunt decreta , ac curæ novi Senatus Imperialis commissa. Decreta etiam subsidia ad bellum Turcicum ; verum cum Status parçè contribuerent , res effectu caruit : sicut etiam propterea Senatus ille Norimbergensis non diu subsistit.

Eodem anno 1500. nova accessio facta Domui Austriacæ , Comitatus nimirum Goritienfis , defuncto Leonardo ultimo Comite , ad 60. Goritia Maximilianum Cæsarem jure hæreditario devoluti. Contra verò anno sequente Imperium detrimentum est passum , Basilea & Scaphusia Helvetico foederi accedentibus. Unde anno 1502. in *Comitiis Norimbergensibus* de iis reducendis actum , uti etiam , an & quænam auxilia sint mittenda Magistro Ordinis Teutonici adversus Polonos , Borussia invadentes. Quomodo confirmanda Pax Publica , Ordinanda Camera , Res monetaria &c.

ARTICULUS III.

Bellum Boicum , Gallicum , Venetum , Foedera.

ORtum (anno 1503.) bellum in ipsis Germaniæ visceribus , & quidem inter Principes ejusdem stirpis. Nempe Stephanus Fibulatus G 2 Ludo-

Ludovici Bavari Imperatoris filius Bavariam ita inter tres suos filios diviserat, ut Stephanus primogenitus Ingolstadii, Fridericus Landshuti, & Joannes tertio-genitus Monachii resideret.

61.
Bellum
Boicum.

Ingolstadiensis linea ultra alteram generationem non fuit protensa. Landishutana paulò ulterius producta defecit in Georgio Divite, qui generum suum Rupertum Palatinum (Philippi Electoris filium) hæredem scripsit. At intercessit huic ultimæ voluntati Albertus IV. Monacensis, & inaugurationem (seu *investituram*) à Maximiliano Cæsare obtinuit. Ac præterea Principum etiam Senatus Provinciam Ducis Georgii eidem ac fratri Wolfgango addixit, tanquam feudum Imperii: nixus Albertus insuper pacto *successivo*, lineam inter Landishutanam & Monacensem inito.

Cùm autem Rupertus ejusque Pater Philippus Elector non acquiescerent, Cæsar eos proscripsit, armisque Provincia Georgii fuit invasa, cæsis Bohemorum copiis, quæ Palatino venerant Auxilio. Palatinatus etiam Superior à Norimbergensibus, & Inferior à Wirtembergensi & Veldenſi discerptus. Mortuo autem altero mox anno (1504.) Ruperto, Cæsar ea conditione pacem imperavit, ut aliquot urbes & oppida, ad Danubium sita, Ruperti filiis cederent, sub titulo novi Ducatus (qui exinde *Ducatus Neoburgicus* fuit appellatus, atque etiam *novus Palatinatus*) Kuffsteinium, Rattenberga, aliæque, quæ ad Tyrolin olim pertinerant, cum quibusdam oppidis versus Austriam Superiorem, & in Suevia sita, aliæque jura Domui Austriacæ obtingerent pro belli sumptibus. Data etiam portio Norimbergensibus, Wirtembergicis, Oetinganis Comitibus, aliisque finitimis, qui bello se immiscuerant. Quæ accisæ hac ratione Georgii Provinciæ supererant, Baviaræ Ducibus sunt relicta.

62.
fœdus Ha-
genoense.

Dum hæc in Germania geruntur, nova pax fœdusque conflatur. Blesis primùm in Gallia, dein verò *Hagenoæ* in Alsatia (anno 1505. Maximilianum inter Cæsarem, Philippum ejus filium, Belgii Principem, & Ludovicum XII. Franciæ Regem. Claudia Ludovici filia despondetur Carolo Philippi filio. Ludovico verò promittitur *infeudatio* in Ducatu Mediolanensi: utrinque verò mutuum auxilium.

At sequenti mox anno Ludovicus hanc pacem fregit, dum Claudiam Francisco Engolismensi Comiti, tunc Galliæ Delphino, despondit, & cum Venetis ac Principe Carolo Egmondano clam fœdus

iniit.

iniit. Hujus Egmondani avus Geldriam Carolo Audaci vendiderat : 63.
cum reliquis proin Belgii Provinciis jure primùm dotali ac deinde hæ- Bellum
reditario ad Domum Austriacam fuit devoluta. Verùm hic Carolus Geldricum
Egmondanus, adjutus à Gallis, & seditiosis Belgis, atque ab ipsis
etiam Geldris, ultra 40. annos pro Geldria bellum gessit, incredi-
bili molestia Maximiliani, Philippi, & Caroli V. qui anno 1537.
eum tandem possessione penitus dejecit.

Cæsar in *Comitiis Constantiensibus* anno 1507. amarè conque- 64.
stus, quòd Ludovicus fidem fregisset, atque cum Venetis à Coro- Comit.
natione Romana Imperatorem impedire conaretur, auxiliares copias Constant.
ad profectionem Romanam, contra Venetos & Gallos (Ducatum Medi-
olanensem tunc obtinentes) vi armata aperiendam, ab Ordinibus
Imperii petiit, uti etiam ab Helvetis. Utrique addixère.

At Cæsar, per Legatum Pontificis Tridenti insigni cum solem- 65.
nitate publicè declaratus Imperator, Venetis, quia transitum nega- Bellum
verant, bellum indixit (anno 1508.) quod magna rerum ac fortunæ Venetum.
vicissitudine per octo annos continuatum fuit.

Et initio quidem Cæsareæ copiarum montium claustra Vicentiam
versus perumpentes, tractum illum occupârunt. At melior fortuna
Venetis affulsit in Foro-Julio, aliisque ad Adriaticum plagis: nam
prælio felici ac victoria feroces non tantùm amissa recuperârunt,
sed insuper Forum-Julium Tergestum, Istriam, Goritiam partim
ferro partim auro expugnârunt. Cùm autem etiam valli Athesinæ
imminerent, de induciis in triennium conventum est, eo pacto, ut
Veneti interim occupata possiderent.

Cæsar, irâ in Venetos succensus, conciliandum sibi duxit Lu-
dovicum Regem Galliarum, & ex socio hostem reddendum Venetis.
Misso itaque Matthæo Langio, Episcopo tunc Gurcensi (ac postea
etiam Cardinale) celeberrimo ea tempestate viro in Galliam, Cæsar
Regi proposuit, cœercendam esse Venetorum ambitionem, qui nul-
los fines dominatus sui ponentes in dies magis se dilatent, ac Prin-
cipum vicinorum provincias discerpant. Multas eos urbes ditiones-
que à statu Pontificio, à Regno Neapolitano, ab Imperio, ab Istria,
& Foro-Julio, atque à Ducatu Mediolanensi abstraxisse: interesse
omnium, ut ad commune velut incendium restringendum accurrant,
ne impotens dominatio ulterius serpat. Cæsarem paratum se offerre
non tantùm ad confirmandum Regi Ducatum Mediolanensem, tra-
dendâsque feudales litteras, sed etiam ad urbes eas, quas Veneti in-
de avulssent, reducendas.

Non ingrata fuit Ludovico Legati oratio, cupiditate flagranti confirmandi sibi, occupatum nuper, Ducatum Mediolanensem, eumque redintegrandi. Et aliunde jam averſo à Venetis erat animus, quòd eas, quas diximus, inducias cum Cæsare iniissent, nulla Caroli Egmondani, cum Philippo Belgii Domino, bello commissi ratione habita.

66.
foedus Ca-
meracen-
se.

Cameraci itaque foedus initur adversus Rempublicam Venetam Cæsarem inter & Regem Galliae; cui postea etiam Julius Papa, & Ferdinandus Hispaniae Rex, cum Mantuano Marchione & Ferrariensi Duce, accesserunt. Displicuit tamen Germaniae proceribus, quòd absque eorum consensu fuisset initum. Unde negârunt auxiliares copias.

Hæc autem erant foederis capita: Communibus foederatorum armis invadendos Venetos, nec prius à foedere aut bello desistendum, donec omnes foederati à Venetis ablata recuperassent, videlicet Pontifex Ravennam, Cerviam, Cesenam, Immolam, Faventiam, Ariminum, aliâque oppida, ditiones ac jura: Imperator Roveretum, Veronam, Vicentiam, Patavium, Tarvisium, Forum-Julium, Patriarchatum Aquileiensem, omniâque alia à Venetis nupero bello occupata: Rex Christianissimus Pergomum, Brixiam, Cremam, Cremonam, omniâque ea, quæ antiquitus ad Ducatum Mediolanensem pertinerant: Rex Hispaniae Tranum, Brundisium, Hydruntem, Gallipolim, omniâque, quæ Veneti à Regno Neapolitano decerpserant.

67.
Venetorum
clades.

Primus, transmissis cum exercitu Alpibus, Martis campum aperuit Ludovicus, ac Venetos ingenti prælio fudit *ad Gbieraddam*, prope *Addam* fluvium, cæsis in acie octo hostium millibus, captoque Liviano, altero Venetorum Duce. Tantâque ex hac clade Venetiis fuit trepidatio, ut de continente omnino relinquendo Senatus deliberaret. Incredibilis certè victoriæ mox secutus est fructus: nam foederati brevi temporis intervallo omnes paulò ante memoratas provincias, urbes, oppida, aliâque plura, tum armis, tum deditone receperunt, adeò ut in Italia præter Insulas & Tarvisium nihil admodum Venetis maneret reliquum.

68.
Legatio ad
Cæsarem.

Potentissima paulò antè per orbem Respublica in tantas ruinas una clade repente præcipitata, atque à tantis undique hostibus in angustias conjecta Antonium Justinianum, Patritium Venetum, ad Maximilianum Imperatorem, Bassani ad Brentam tunc commorantem, Legatum misit, qui supplici oratione ad Cæsaris genua prostratus & veniam & pacem rogavit, qualem ipsi Cæsari imperare place-

placeret, ad restituenda omnia, quæ à Venetis Imperio aut Domui Austriacæ fuissent unquam subtracta, atque ad tributum annuum pendendum se nomine Reipublicæ offerens.

Maximilianus, singulari licet mansuetudine & clementia Princeps, tam altè in animum demiserat negatum sibi à Venetis innoxium transitum, fœdus cum Gallo, tunc hoste suo, initum, & illata pluries damna, ut flecti non posset, negaretque, se ab inito fœdere recessurum.

Igitur Veneti, desperata pace ad arma rursus conversi, primò, Tarvisium per cives fortiter defenderunt; dein Patavium (inverso ex condito ad portam plausro, quem rustici fœno onustum adduxerant) astu occupârunt, frustra à Germanis postea oppugnatum. Redeuntibus animis ulteriùs progressi Vicentiam, & Bassanum expugnarent, aliásque circum urbes: gesto etiam in Istria æquali ferme fortuna bello.

Hæc detrimenta Cæsaris debebantur tum negato ab Ordinibus Imperii auxilio, ut ipse in *Comitiis Augustanis*, paulò post celebratis, fuit conquestus, tum languenti jam fœderi. Postquam enim Julius, Ludovicus, & Ferdinandus sua receperant, parcè admodum Imperatori, quem unum ferme Venetorum arma petebant, succurrerunt. Imò fœdus mox ruptum est.

Primus ab eo recessit Julius, postquam Veneti supplices pacem ab eo petierant. Conflata est ista Bononiæ anno 1510. his conditionibus:

69.
Julii fœ-
dus cum
Venetis

Veneti nemini Officia Ecclesiastica conferant: Pontificiis decretis illico morem gerant. Causas Ecclesiasticas ad Sedem Apostolicam remittant. Bona Ecclesiastica nullis contributionibus onerent, à Pontificiis subditis nullum in Adriatico vectigal exigant. Nullum hostem Romanæ Sedis recipiant. Omnem pecuniam ex bonis Ecclesiasticis collectam restituant. Pontifici omnia damna compensent, rescissis omnibus contrariis pactionibus.

Ægrè hæc abscessio fœderatos habuit, ruptam fidem, Cameraci datam, conquestos. (Unde etiam à quibusdam Imperii Statibus decem Gravamina adversus Curiam Romanam anno 1510. in *Comitiis Augustanis* fuerunt proposita.)

At reposuit Julius Pontifex, jam fuisse fœderi Cameracensi satisfactum. Recepisse omnes à Venetis ablata, excepto Tarvisio, quod tarditate Cæsaris non fuerit receptum: ejusdem culpa amissum rursus Patavium, quòd modicum præsidium imposuerit.

contra Gal-
los.

Ultrà Julius progressus, foedus adversum Gallos, quos Italia ejectos volebat, cum Venetis iniit, Cæsare etiam, Hispano, & Anglo in societatem vocatis; conductisque (opera Schineri Episcopi Sedunensis) Helvetorum sex millibus, aggressus est clientem suum *fiduciarium* Ducem Ferrariæ, eò quòd Ludovico adhereret. Mutinam igitur, Concordiam, & Mirandolam præsens in castris occupat: conatus etiam gemina classe Gallos Genua depellere.

70.
Synodus
Turonen-
sis.

Ludovicus verò, ut terreret Romanos, *Synodum, Turonibus* primùm, ac dein *Pisis* adversus Julium Pontificem congregari voluit: missoque in Italiam, Trivultio duce, novo exercitu Ducem Ferrariæ restituit, simulque Bononiam, Pontificiæ ditionis urbem expugnavit. Contrà verò Julius cum Venetis, & Ferdinando Hispaniæ Rege, novum foedus iniit, pro abolendo inauspicato Pisano Concilio, & defendendo statu Pontificio. Frustra verò Cæsarem à Cameracensibus pactis abstrahere conabantur. (1511.)

71.
pugna ad
Ravennam.

Anno sequenti Gasto Foxius Germanorum & Gallorum opera quindecim intra dies Bononiam obsidione liberavit, Venetos bis acie vicit, Brixiam & Pergomum recuperavit, ac paulo post Pontificum & Hispanum exercitum *ad Ravennam* ingenti prælio superavit. Verùm dum fugientes incautiùs persequitur, lapsus in fossam ab ignobili milite confossus occubuit. Mox nihilominus Ravenna, Imola, Riminum, Cesena victoribus se dediderunt.

Audita tanta victoria, Ludovicus Julio rursus pacem obtulit, ea conditione, ut Bononiam aliàsque ablatas urbes recipiat; Rex Synodum Pisanam (Mediolanum interea translatam) abroget & Ducem Ferrariæ ad Pontificis obsequium flecteret, Julius verò eundem Ducem, ab anathemate absolutum, in fidem clientelarem reciperet, Cardinalibus verò & Episcopis, qui conventui Pisano præsentibus erant, indulgeat veniam.

Ratos initio Cardinalium hortatu hos articulos habuit Julius. At cum Maximilianus Cæsar inducias cum Venetis esset pactus, & Henricus Angliæ Rex, foederis, Julium inter, Hispanum, & Venetos contracto, accederet, ac præsertim cum viginti Helvetorum milia à Schinero Cardinale Sedunensi ad Pontificis obsequium in Italiam adductos audiret, rejecta pace, in spem rediit, Gallos tota ejicienti Italia.

72.
Galli Italia
Depulsi.

Nec sua eum spes sevellit. Galli enim mox non tantùm urbes Pontificias & Venetas, quas recens occupaverant, sed etiam Ferrariam, Genuam, totùmque Ducatum Mediolanensem (arcibus duntaxat aliquot exceptis) deferere sunt coacti ab Helvetis, qui vo-
cabulo

cabulo quodam ab Ludovico offensi conjuraverant, pedem se non elaturos Italiâ, donec vel unus Gallorum ibidem superesset: moxque Maximilianum Sfortiam, ab exilio retractum Mediolano restituerunt: qui propterea, præter annuam pensionem, illis quatuor Præfecturas cessit, Luganensem videlicet, Locarnensem, Mendrisianam, & Madianam, à Julio verò summo Pontifice ob præstitam egregiè operam *Defensores Fidei* sunt appellati. (anno 1512.)

Maximilianus interea Cæsar grandes has rerum in Italia revolutiones indifferente veluti oculo spectaverat: nam licet cum Venetis inducias duntaxat contraxisset, nollétque eorum vires reviviscere, tamen haud admodum dolebat, quòd Gallorum victoriæ atque potentia, toti Italiæ formidandæ, essent fractæ. Unde & Helvetis transitum permisit, & copias suas à Gallis sejunxit, & Sfortiæ Mediolanum in feudum concessit, & abdicato Conciliabulo Pisano Lateranensi Concilio adhæsit, & per Gurcensem novum cum Julio Pontifice contra Venetos fœdus iniit, ac denique Ludovico Regi, ob detentam Burgundiam, & auxilia Carolo Egmondano, Geldriæ adhucdum incubanti, præbita, bellum indixit; ascitis etiam in societatem Anglo, Hispano, ac Helvetis.

ARTICULUS IV.

De Comitibus, Judicio Aulico, Notariis Publicis, Pace.

Comitia insuper Imperii *Coloniam* convocavit, in quibus de Ludovico conquestus, deque fœdere non satis fideliter servato, auxiliares adversus eundem copias petiit, ad reducendam Burgundiam ac Geldriam.

73.
Comit.
Colon.

Porro in his *Comitiis Colonienfibus* plures *Recessus Imperii* anno 1512. sunt concepti. Nam statuitur, ut sedes Apostolica & Romana Ecclesia ab Imperatore tanquam supremo illius advocato defendatur. Pax Publica confirmetur. Camera Imperialis, ferme collapsa, restauretur. Imperatoris & Imperii Jura contra quemcunque aggressorem communi Ordinum opera protegantur. Determinatum, quantum viritim Imperii cives debeant contribuere in sex annos, pro ratione annuorum proventuum. Statutum, ut decretis, secundum

Pars VII.

H

majo-

majora præsentium in Comitibus Statuum suffragia conceptis, omnes, etiam absentes, stringantur.

Sex Circulis adhuc quatuor additi, Austriacus nempe, Burgundicus, Rheni Inferioris, qui quatuor Rhenanos Electores completeretur, & Saxonie Superioris, cujus Electores, Saxonicus & Brandenburgicus essent capita. Ad conservandam Pacem Publicam in singulos annos unius mensis Comitia decreta.

74.
Consilium
Aulicum.

Sub poena gravi prohibita blasphemia, ebrietas, provocatio ad æquales haustus, monopolia. In altero Imperii Recessu datum initium *Consilio Aulico* reformando. Cum enim illud hætenus cum Imperatore per Provincias ambularet, nulloque certo loco consisteret, & Imperatores sæpè extra Germaniam bellis abstracti jus litigantibus dicere non possent, stabile aliquod fixumque tribunal constitui placuit. Attributi itaque Cæsari (id petenti) octo *Consiliarii*, quatuor nempe ab Electoribus, & quatuor à reliquis Principibus. Qui sumptibus Imperii alerentur, & partibus litigantibus nomine Imperatoris jus dicerent. Constitutus etiam centurio, qui cum 100. equitibus Paci Publicæ invigilaret. Imperatum urbi Francofordiensi, ut solennes Paschales mundinas à sancta hebdomade in aliud opportunius tempus transferat. Aliæque ad *politiam* spectantia salubriter ordinata.

75.
Recessus
de Notariis

Tertius Imperii Recessus ad *Notarios Publicos* pertinet. Ne scilicet hoc munus, quod summam fidem requirit, committatur indignis, infamibus, imperitis, infidelibus, excommunicatis, proscriptis, aut iis, qui legitimi testes in judicio esse non possunt.

Ut *formam* præscriptam observent in Instrumentis, invocato videlicet Divino nomine, exprimantur annus salutis, indictio, nomen, ac annus Principis, mensis, dies, hora, locus, loci locus, dein facti seu actus gesti series, testium nomina. Tum instrumentum à Notario proprio sigillo signetur, & subscribatur. Addatque, se specialiter rogatum instrumentum confecisse. Salvis tamen aliis, quæ loci cujusvis consuetudine requiruntur.

Quilibet Notarius Protocollum habeat, cui propria manu de verbo ad verbum inserat omnia instrumenta, à se confecta, ut si originalia amitterentur, aut corrumperentur, apud Notarium integra inveniri possint.

Instrumentum confectum coram partibus & testibus relegat. Postquam verò ab illis Instrumentum relectum fuerit, & approbatum, addi, detrahi aut mutari nihil amplius potest, etiam de partium consensu. Si tamen postea partes, quid mutari vellent, Notarius rursus

rursus rogatus novum Instrumentum conficiat, priori manente in Protocollo, novoque pariter inserto.

Possent tamen Notarius scripturæ, à contrahentibus coram testibus sibi oblata, & coram relecta subscribere, testarique, ita coram se fuisse contractum: atque copiam ejusmodi instrumenti suo Protocollo adjungere.

Notarius non potest renuntiare suo officio, nisi in manu Principis, cujus auctoritate est creatus.

Nullas *cifras* aut notas apponat, sed integra vocabula clarè & distinctè scribat, lingua Latina, vel Alemannica in pergamenò, non verò papyro.

Præcipuè verò sit accuratus in scribendis testamentis. Ad quæ requiruntur septem testes, specialiter rogati, incluso inter istos Notario: ad codicillos verò, quibus legata & fideicommissa, uti etiam ad donationem mortis causa, & ad testamenta rusticorum, si plures haberi non possunt, sufficiunt quinque: ad testamentum autem parentum inter liberos, ubi aliud testamentum non obstat, uti etiam ad testamentum militis, in castris confectum, requiruntur duo testes. Si autem miles in actuali sit expeditione bellica, sine omni solennitate & teste quomodocunque potest suam ultimam voluntatem significare. Caveant autem Notarii, ne testes adhibeantur, qui de Jure sunt inidonei, uti sunt mulieres, & regulariter omnes, qui activè aut passivè sunt intestabiles.

Additur testamenti scripti forma: nimirum producit testator coram septem testibus, ad id specialiter convocatis & rogatis, viris, liberis, puberibus, omnibus simul presentibus scripturam clausam, sive testatoris, sive alterius manu scriptam, offertque illam istis testibus, à singulis subscribendam, & sigillis propriis signandam: modò apertè dixerit, suum in ea contineri testamentum, ibique coram testibus sua manu propria subscripserit, vel si ipse scribere nesciat, vel tunc non possit, alterius octavi testis manu subscribi faciat; dein eodem tempore, nullo intervallo per singulos septem testes subscribitur, & propriis sigillis signatur. Si autem unus vel plures testes sigillo proprio careant, alterius testis sigillo utatur.

Subjungitur etiam forma testamenti *Nuncupativi*: in quo nempe testator haredis & legatariorum nomina coram septem testibus exprimit, suamque ultimam voluntatem palam & dilucidè manifestat. Hæc omnia Notarium probè scire oportere.

Conqueritur Imperator, quotidie ad Cameram venire Instrumenta procuratoria defectuosa. Unde sciendum tabellionibus, quomodo ea conficienda, cum expressione, quale mandatum *Procuratoribus ad litem* sit datum, an generale tantum, an speciale & *cum libera*: si plures sunt constituti, an omnes in solidum &c. Monendos à Notario Principalem litigantem & Procuratorem, quòd & quomodo iurandum de calumnia.

Notum sit insuper Notariis, quòd appellatio gradatim facienda, nec concedatur in camera ab *interlocutoria*, si gravamen postea per appellationem à definitiva est reparabile. In appellatione à definitiva non esse necesse, causam aut gravamen exprimere, benè verò, si appellatio fiat ab *Interlocutoria*, ubi causa appellandi & gravamen exprimendum, & quidem scripto.

Commendatur denique Notariis, ut sint Juris'periti, requisita ad contractus habeant perspecta, Instrumentorum formam cum debitis clausulis bene calleant &c.

76.
bellum
Burgundi-
cum.

His per Recessus Colonienfes ita constitutis, confirmatòque in decennium Suevico fœdere, Cæsar, ut Burgundiam Gallis eriperet, ac Carolo Nepoti suo assereret, cum Anglo ac Helvetis fœdus iniit. Verùm plus fulguris quàm fulminis emicuit; Anglo post victoriam atque expugnatum Terovanum ac Tornacum trans mare in hyberna concedente, Helvetis verò, dum Divionem obsiderent, auro expugnatis à Trimolio, & in privatam pacem euntibus. Nec major effectus victoriæ, quam ad Vicentiam Cæsarei à Venetis reportarunt.

Cùm subin Franciscus I. Galliæ Rex Ducatum Mediolanensem rursus occupâset, Imperator Maximilianus ultimam in Italiam expeditionem suscepit; jamque Mediolano exercitum admoverat, cum Helvetis, quos secum adduxerat, adversus populares suos pugnare detrectantibus, re infecta in Germaniam rediit.

77.
Pax Novio-
dunum.

Tandem pertinax hoc bellum, quod totam ferme Europam in partes traxit, mirâque fœderum ac fortunæ inconstantia per octennium gestum fuerat, per *Pacem Noviodunensem* anno 1516. finitum est: his articulis conclusam.

Cæsar Veronam restituat: pro ea verò Veneti centum aureorum millia solvant, totidem Rex Galliæ, simulque debitum 300000. Aureorum, ex mutuo contractum, Imperatori remittat. Idem retineat Roveretum, aliâque opida & claustra ad Athesin & Brentam, uti etiam in Istria & Foro Julio, quæ tunc possidebat: Venetis pariter in possessione eorum, quæ tunc habebant, remanentibus, donec Reges Hispaniæ & Galliæ (tanquam *arbitri compromissarii*) limites determi-

terminarent. Veneti omnibus urbibus & portubus Regni Neapolitani, quos antea occupaverant, in perpetuum renuncient.

Rex Galliae Ducatum Mediolanensem tanquam feudum Imperii retineat, usque dum Imperator et Imperium ea super re pronunciet.

Carolus Rex Hispaniae Regnum Navarrae (quod Ferdinandus Catholicus Caroli avus occupaverat) Joanni Albretano restituat. Francisci Regis filiam ducat, venientibus in dotem juribus aut praetensionibus Galliae in Regnum Neapolitanum. Si verò Carolus ex Gallica conjuge liberos nullos susceperet, pars ea Regni Neapolitani, quae in divisione, cum Ferdinando Catholico inita, Gallis fuerat attributa, eisdem restituatur. Ceterum pax esto perpetua. Exules restituantur. Captivi absque lytro liberi dimittuntur.

Discordiis Europae hac pacatione compositis, Leo X. Pontifex in id consilia sua cum Christianis Principibus contulit, ut arma in communem omnium hostem convertantur, & crescenti in dies Turcarum potentiae, qui nuper Aegyptum etiam sibi subjecerant, eatur obviam. Visum proinde, ut Imperator cum Germanis, Hungaris, Bohemis, & Polonis terrestri itinere per Bosniam, Serviam, & Thraciam Constantinopolin moveat. Gallus cum Italis & Helvetis navibus transvectus, in Albaniam & Graeciam irrumpat, Pontifex cum Hispanis, Anglis, & Lusitanis, immissa classe, navali oppugnatione Constantinopolim invadat.

Maximilianus Caesar in hunc finem anno 1518. *Comitia Augustana* indixit, atque pro conscribendo valido exercitu in singula hominum capita decimam floreni Rhenani partem in Triennium imperavit. 78. Comit. August.

Verum tam salubre consilium effectu caruit, Christianis per Europam Nationibus diffidentia, invidia, æmulatione distractis, & cum plures se remotiores à periculo crederent, privatas rationes communibus & publicis praehabentibus.

Aderat in his Augustanis Comitibus, praeter multos Regum ac Principum Oratores, Cardinalis Cajetanus Pontificis legatus, qui bellum Turcicum vehementer urgebat. Non ea tamen, qua oportuit, severitate Lutherum, ibidem praesentem, coercuit, Germaniam bellis, Ecclesiam discordiis impleturum.

ARTICULUS V.

Maximiliani obitus, Mausolæum, defensio.

79.
obitus Ma-
ximil.

ANno sequente (1519.) pientissimè, uti vixit, mortem, ad quam dudum se paraverat (sandapila etiam in hunc finem per itinera secum devecta) oppetiit Maximilianus Welsii, Imperii 25. ætatis sexagesimo. Natus 1459. Rex Romanorum 1486. Imperator 1493. primis decem ætatis annis blæsa fuit lingua; postea insigni eloquentia, pluriùmque linguarum peritia excelluit: litterarum ac litteratorum amator & æstimator eximius. Fide, religione, integritate, clementia, facilitate, liberalitate, studio in Rempublicam singulari, omnium amorem sibi conciliabat. Uti Juvenis per rupes obrepens (non sine vitæ servatæ prodigio) feras consectabatur, ita reliquam ætatem bellis exercuit, quæ gessit pro Imperii ac Domus suæ Juribus contra Gallos, Belgas, Hungaros, Helvetos, Palatinos, Bohemos, Turcas, Venetos; ita tamen, ut pacis tranquillæ studia nequaquam seponeret. Tot Imperii comitia, ad componendam Rempublicam collecta, pax publica, camera imperialis, judicium aulicum, in meliorem formam redactum, Germania in decem Circulos opportunè divisa, tam opulentum ejus, filii, & Nepotum conjugium &c. perpetua sunt monumenta, quibus & Imperii tranquillitati providit, & Austriacam potentiam in immensum provexit, & gratam posterorum omnium memoriam sibi devinxit.

80.
Mauso-
læum.

Magnificum ejusdem Mausolæum visitur Oeniponti in medio templi aulici ad S. Crucem, à Ferdinando I. ex alabastro exstructum, circumstantibus 28. metallinis statuis, quæ totidem Personas Principes exhibent. In ipso Mausolæo, præter insigne epitaphium, 24. marmoreis tabulis rara omnino ac mira arte insculpta cernuntur præcipua illius gesta: videlicet, nuptiæ cum Maria, Burgundiæ ac Belgii Domina (1477.) victoria à Gallis victis reportata ad Guinegatum (1479.) Electio & coronatio in Regem Romanorum (1486.) Pax cum Carolo VIII. & recuperatio Austriæ (1489.) Recuperatio Inferioris Austriæ, & Expugnatio Albæ Regalis in Hungaria (1490.) Victoria de Turcis relata in Sclavonia. (1492.) Expugnatio Atrebatii (1493.) Nuptiæ secundæ cum Blanca Maria, Galeacii Mariæ Ducis Mediolanensis filia (1494.) Fœdus cum Pontifice, Hispano, & Venetis contra Carolum VIII. & recuperatio Neapolis (1496.) Philippi, ipsius filii

fili, cum Joanna Hispaniarum hærede conjugium (1497.) Victoriâ à Bohemis devictis relata in bello Boico: & expugnatio Kueffsteinii (1504.) Fœdus cum Pontifice, ac Regibus Galliæ & Hispaniæ adversum Venetos (1509.) Fœdus cum Pontifice & Helvetis, atque expulsio Gallorum ex Ducatu Mediolanensi (1512.) Fœdus cum Angliæ Rege, & victoriâ, de Galliis cæsis reportata in Artesia (1513.) Congressus cum Regibus Hungariæ & Poloniæ nexûsque geminus per gemina sponsalia (1515.)

81.
felices
Nuptiæ.

Licet autem Maximilianus multa omni ferme ætate bella gesserit, multò nihilominus plura per opimas nuptias est consecutus. Nam primò quidem per Mariam Burgundam conjugem suam Burgundiam totumque Belgium, per conjugium filii sui Philippi cum Joanna Hispana universam Hispaniarum Monarchiam, per utrumque orbem latè diffusam, per nuptias Ferdinandi Nepotis cum Anna Hungarica Regna Hungariæ & Bohemiæ, Augustissimæ Domui Austriacæ intulit.

Nam etiam hæc debentur providis Maximiliani consiliis. Siquidem Philippi Archiducis, jam anno 1506. demortui, filiis Carolo & Ferdinando Nepotibus suis, consulturus, anno 1515. Uladislauum Hungariæ & Bohemiæ Regem, cum ejus fratre Sigismundo Poloniæ Rege, Viennam invitavit, ubi actum de pace inter Polonos & Moscos componenda, de bello Turcis inferendo, ac præcipuè magna cum solennitate conventum est, ut Anna Uladislai filia Carolo aut Ferdinando desponderetur. Unde factum, ut Ferdinando postea nuberet, mortuoque Ludovico fratre utrumque Regnum in dotem afferret, atque hoc pacto antiquæ conventiones de successione Austriacæ Familiæ, si mascula Uladislai progenies deficeret, faciliùs implerentur.

In eodem trium Regum augusto congressu contracta sunt sponsalia inter Ludovicum Ladislai filium, & Mariam, Maximiliani Cæsaris ex Philippo neptem, reliquis tribus Mariæ sororibus summis pariter per Europam Principibus in matrimonium postea datis. Jam tum auditus ille versiculus:

Bella gerant alii, tu felix Austria nube.

82.
defensio

Sub finem breviter refutare juvat, quæ meritissimo huic Imperatori obiicit Hippolythus à lapide, seu potius sub hoc ficto nomine latens Joachimus Ruzsdorffius Calvinista, Romanæ Ecclesiæ & Domus Austriacæ hostis insensibilissimus, sæculi superioris Scriptor damnatæ memoriæ, qui ad Ordines Batavos legatus Palatinus Hagæ Comitum obiit anno 1640.

Hic

Hic infamem librum scripsit *de ratione status in Imperio Romano Germanico* ; & uti Domus Austriacæ universim se hostem profiteatur , ita gloriosissimos ex illa Imperatores indignis sanè modis proscindit.

Et Maximiliano quidem obiicit, quòd multa bella gesserit, non tam ad publicum Imperii bonum, quàm in privatum suum Domusque suæ commodum ; ac propterea negata ipsi fuisse à Statibus subsidia. Quòd majoribus suis altiora spirans Archiducis titulum primus in Domum suam invexerit , ut super alias Principum familias emereret.

Verùm has esse calumnias exinde fit perspicuum , quòd bella sua Maximilianus gesserit adversus Turcas , Gallos , Helvetos , Venetos. Quicumque autem temporum illorum conditionem, hostes istos undique incrementos, bellorumque causas vel obvio etiam oculo intuetur, facile intelliget, quantopere hæc cum rebus & rationibus Imperii conjuncta fuerint. An enim nihil ad Imperium pertinere arbitremur, Turcam non tantum in vicinis provinciis dominari, sed in ipsa etiam Germaniæ viscera immani populatione grassari, Burgundiam, Belgii Provincias , Mediolanensem Ducatum à Francis invadi, Basileam, Scaphusiam ab Imperio separari, & ad foedus Helveticum transire, Constantiam nutare, fines Tyroleos à Grisonibus infestari, Principem Imperii ab iisdem graviter violari, non tantum plures Italiæ urbes, ad Imperium olim pertinentes, à Venetis possideri, sed eorum dominium semper ulterius in Istriam, Insubriam, & Tyrolis fines protendi ipsumque Cæsarem à consueta expeditione Romana armata manu prohiberi ? Profectò cogitanti ista facile succurret, Romanum Imperium magnam Maximiliano Imperatori debere gratiam, quòd suis armis, curis, vigiliis, irruenti undique hosti aggerem opposuerit ; & si aliquando sapientissimis consiliis effectus defuit, retardatis id aut omnino negatis subsidiis esse tribuendum.

Quòd verò larvatus Hippolythus dicat , Maximilianum novo exemplo arrogantiae impulsu Archiducis titulo usum fuisse ; id ejus aut inscitiam, aut calumniandi voluptatem prodit. Licet enim de origine præcellentis hujus tituli diversa sit scriptorum opinio , aliique eum ad Fridericum III. alii ad Albertum I. alii ad Rudolphum I. alii ad Fridericum II. alii adhuc altius ad Friderici I. tempora referant, omnes tamen in eo conveniunt, illum Maximiliano I. antiquiorem esse. Et licet fortè priores Austriaci Principes illo usi non essent, arbitrarie id omissioni, non juris defectui foret adscribendum.

CAPUT II.

De Statu Imperii Ecclesiastico & Politico sub
Carolo V.

ARTICULUS I. CAROLI INITIA.

SUMMARIUM.

- | | |
|--|---|
| 83. Caroli V. Initia, Potentia, Regimen. | 85. Prima solennis capitulatio Cæsarea, ejusque Articuli. |
| 84. Electus Imperator adversus æmulum, Galliæ Regem. | |

ARTICULUS II.

Dissertatio in Capitulationes Cæsareas, an Majestati
aut Monarchiæ derogent.

- | | |
|--|--|
| 86. Argumenta eorum, qui Imperium Monarchicum esse negant, propter potestatem Statuum. | 93. Utî etiam Comitia Statuum Imperii; |
| 87. Quid Cæsar non possit sine consensu Electorum & Statuum. | 94. Eò quòd non ipsa potestas, sed usus potestatis limitetur, & leges in Comitiiis latæ Cæsari adscribantur. |
| 88. Jus Superioritatis territorialis, quo Status fulgent. | 95. Monarchicam esse Imperii formam; |
| 89. Argumenta pro Regimine Monarchico. | 96. Sed tamen aristocraticè temperatam. |
| 90. Reservata Cæsarea. | 97. Protestantium probra adversus Cæsaream Majestatem. |
| 91. Judicium Aulicum. | |
| 92. Electorum prærogativæ augent splendorem Majestatis, | |

ARTICULUS III.

Ordinatio Imperii.

98. Coronatio. Bellum primum Gallicum cum Francisco I. Comitibus Wormatiensia. Proscriptio Lutheri. Gallos ex Navarra, & Italia pellit.
99. Provincias cum fratre Ferdinando dividit. Wirtembergæ mutationes. Comitibus Norimbergenfia. Centum Gravamina.

ARTICULUS IV.

Observatio in Gravamina Nationis Germanicæ.

100. Decem Gravamina, jam Maximiliano I. proposita. A Lutheranis usque ad centum aucta.
101. Lutherus multò plurium & majorum gravaminum fuit causa.
102. Recensentur multa prætenfa gravamina.
103. Non à Comitibus, multò minus ab Ecclesiasticis Ordinibus
- in medium allata: sed à Lutheranis compilata, & aucta: Cæfare primum inscio, deinde invito. Testes hujus rei.
104. Crisis circa prætenfa gravamina,
105. Reformatione, ab Adriano VI. Clemente VII. Paulo III. & Concilio Tridentino, instituta, maximam partem sublata.

ARTICULUS V.

Ulterior descriptio Status Imperii.

106. In Comitibus Norimbergenfibus Cheregatus frustra urget executionem Ediçti Wormatiensis. Rex Galliæ captus. Roma expilata.
107. Vienna obfessa. Comitibus Spirensia. *Protestantium* nomen. Coronatio Italica. Ducatus Italiæ erecti aut restituti.

ARTICULUS VI.

Observatio in Confessionem Augustanam

§. I.

Priores 21. Articuli crisi subiiciuntur.

108. Recensentur Articuli & errores circa peccatum Originale, justificationem, operum merita, contritionem, Sacramenta, vota. &c.
- 109.

- | | |
|---|--|
| 109. Gratia actualis & habitualis explicatur: uti etiam operum meritum. | 111. Falsò dicunt, confessionem suam esse conformem S. Scripturæ, & Ecclesiæ Romanæ. |
| 110. Invocatio Sanctorum. | |

§. 2.

Posteriores septem Articuli ad Crisin vocantur.

- | | |
|--|--|
| 112. Prætenſi abusus. De usu calicis, & conjugio sacerdotum. | 114. Falsò asserunt; doctrinam de fide fuisse neglectam. |
| 113. De Missa, confessione, traditionibus. | 115. Devoto continentiae, potestate Ecclesiastica, disciplina. |

§. 3.

De fraudibus & variatione confessionis Augustanæ.

- | | |
|---|--|
| 116. Recensentur C. A. falsitates, & fraudes. | 117. A. C. sæpe variata: sibi que contraria. |
|---|--|

§. 4.

Edictum Imperiale.

- | | |
|-----------------------------------|----------------------|
| 118. Edicto Imperiali condemnatur | Confessio Augustana. |
|-----------------------------------|----------------------|

ARTICULUS VII.

Historica Relatio de statu Imperii ab anno 1530. ad 1540.

- | | |
|--|---|
| 119. Ferdinandus Rex Rom. Comitatus Ratisbonensis. Suspendio Edicti Wormatiensis. Rex Borussiae. Ordinatio poenalis. | de convocando Concilio. Lutherani detrectant. |
| 120. Bellum Wirtembergicum. Pax Cadana. Anabaptista. | 122. Parma ad Farnesios. Mors Georgii Ducis Saxoniae, secuta mutatio. Sacrum foedus. Gandavi seditio. |
| 121. Prima Expeditio Africana. Bellum Mediolanense. Agitur | 123. Postulata Protestantium, à Cæsare rejecta. |

DE STATU IMPERII

ARTICULUS VIII.

Dissertatio de avtonomia seu Religionis libertate.

§. 1.

Argumenta Theologica contra libertinos.

- | | |
|--|--|
| 124. Argumenta libertinorum.
125. Confutantur argumento ad hominem. | 126. Item Argumento Theologico.
127. Principis jus & obligatio. |
|--|--|

§. 2.

Argumenta Politica contra libertinos.

- | | |
|--|--|
| 128. Quies publica ab unitate Religionis.
129. Hæresis omnis turbulenta. Patet ab experientia, & exemplo Lutheri. | 130. Fructus novi Evangelii. Lutheri tuba Turcica. Scripta ejus seditiosa. |
|--|--|

§. 3.

Diluuntur Argumenta Libertinorum.

- | | |
|---|---|
| 131. In quo stet Christiana libertas.
132. Principum leges contra sectarios. | 133. Signa veræ Ecclesiæ.
134. Aliæ objectiones solvuntur.
135. Cur aliquando tolerantur sectæ. |
|---|---|

ARTICULUS IX.

De Statu Imperii usque ad finem belli Smalcaldici.

- | | |
|---|---|
| 136. Lutherani pactiones infringunt.
137. Altera expeditio in Africam. Bellum quartum cum Gallo. Geldria occupata. Pax Crespiaca.
138. Tridentum Concilio defi- | gnatur. Brunsvicensis provincia spoliatur. Comitatus Ratisbonensis, Spirensis, Wormatiensis.
139. Colloquium Ratisbonense inter Theologos. |
|---|---|

ARTI-

ARTICULUS X.

Dissertatio de bello Smalcaldico, aliorumque bellorum Civilium in Germania caussis.

- | | |
|--|---|
| <p>140. Protestantici scriptores causam Pontifici & Cæsari affingunt.</p> <p>141. Sed falsò. Nam Luthero ejusque affectis est adscribenda.</p> <p>142. Recensentur factiones & tumultus Lutherici.</p> | <p>143. Protestatio Cæsarea ante bellum Smalcaldicum; ex qua patet, quis belli tubam inflarit.</p> <p>144. Confutantur Protestantium exceptiones.</p> |
|--|---|

ARTICULUS XI.

Historica Relatio de Statu Imperii usque ad pacem Religiosam.

- | | |
|--|--|
| <p>145. Comitia Augustana celebrissima. Constitutio <i>Interim</i>. Belgium Imperio innexum. Electoratus in Mauritium translatus. Causa Brunsvicensis: & Borussia. Latæ Leges politicæ. Census Germanici. Decreta Concilia Provincialia. Causa Magdeburgica, & constantiensis.</p> | <p>146. Comitia Augustana altera. Confirmata priora. Imperata restitutio ablatorum. Expeditio in Africam tertia. Bellum Parmense, & Senense.</p> <p>147. Transactio Passaviensis, ejusque Articuli.</p> <p>148. Alberti Brandenburgici tumultus. Lis in Saxonia mortuo Mauritio.</p> |
|--|--|

ARTICULUS XII.

Pax Religiosa.

149. Recensentur illius articuli.

ARTICULUS XIII.

De Reservato Ecclesiasticorum.

- | | |
|---|---|
| <p>150. Protestantes more suo initio contra illud sunt protestati. Dein autem omnes absolutè subscripserunt.</p> <p>151. Reservatum est æquissimum.</p> | <p>152. Conforme Verbo Dei, & juri naturali.</p> <p>153. Protestantes illud gravissimè violârunt.</p> |
|---|---|

DE STATU IMPERII

ARTICULUS XIV.

Observatio circa ea, quæ Carolo V. à Protestantibus
obiiciuntur.

- | | |
|--|---|
| <p>154. Obiiciunt ei varias alienationes.</p> <p>155. Respondetur, primò per re-torsionem, deindè directè.</p> <p>156. Obiiciunt Religionem, eam-que sibi vendicant. Respon-detur.</p> | <p>158. Crisis de Roma capta & ex-pilata.</p> <p>159. Cur edictum Wormatiensè
lentiùs sit executus, & Mühl-
bergenfi victoria mitiùs usus.</p> <p>160. Mors pientissima Caroli V.</p> |
|--|---|

CAPUT II.

De statu Imperii Ecclesiastico & Politico, Jure Belli
& Pacis

SUB CAROLO V.

ARTICULUS I.

CAROLI V. INITIA.

83.
Initia Ca-
roli.

Maximus hic orbis domitor natus est Gandavi in Flandria An. 1500. ex Philippo Austriaco, Maximiliani Cæsaris Filio, & Joanna Hispana, Ferdinandi Catholici & Isabellæ primoge-nita, signaturus orbem terrarum, victoriis, & utrumque mundi complexurus cardinem.

Ab avo paterno Maximiliano Cæsare omnes per Germaniam Austriacæ Domus Provincias hæreditate accepit, à patre Philippo Burgundiam ac Belgium, ab avo materno Ferdinando Catholico Arragoniam, Neapolin, Siciliam & Sardiniam, ab avia materna Isa-bella veterem ac novam Castiliam, totámque Hispaniæ Monarchiam. Ducatum Mediolanensem, Regnum Navarræ, & Americam armis sibi asseruit, devictis ibidem octodecim Regibus ac duobus Impera-to-

toribus, atque in Africam etiam Asiâque prolatis victoriis; ut adeo haud ex vano diceretur, solem nunquam occidere Carolo.

Sexto jam ætatis anno amisit Patrem, qui (quod mirum) Ludovicum XII. Franciæ Regem ei tutorem dedit, à quo Wilhelmum Croium & Adrianum Florentium Magistros accepit, Regiis virtutibus artiumque disciplinis instituendus.

Mortuo itaque anno 1506. Philippo patre, Burgundiæ ac Belgii Provincias per Croium Præceptorem suum administravit. Cui anno 1512. Margaretha Maximiliani Cæsaris filia successit. At anno sequenti Belgii regimen ipse suscepit: uti etiam Hispaniarum anno 1516. quo mortuus est Ferdinandus Catholicus; qui primo testamento Ferdinandum Caroli fratrem, in quem majori affectu ferebatur, hæredem scripserat. Aut turbas veritus, mutata voluntate Joannam filiam, Caroli ac Ferdinandi matrem, instituit, administrationem autem Carolo commisit.

Tribus post annis mortuo etiam avo paterno Maximiliano Imperatore, hæreditariæ quoque Austriæ Provinciæ, (sedato mox tumultu, quem quidam ibidem, optimatum quoddam regimen appetentes, concitaverant,) ad eum sunt devolutæ. Nihilque ad potentiam & magnitudinis fastigium deesse videbatur, quàm corona Cæsarea, quam in Francofordiensibus Electorum comitiis ipsi præripere omni ope connixus est Franciscus I. Rex Galliæ; pro quo Trevirensis suffragium tulerat, alios etiam Septemviros in sententiam suam conatus pertrahere.

24.
Cæsar.

Nihil pugnare cum legibus Imperii, si Rex Galliæ dicatur Imperator: Francos Germanicæ esse originis: primos Occidentis Imperatores fuisse simul Reges Germaniæ & Galliæ: usucapione & consuetudine potius ad Germanos devolutum esse Imperium. Magno incremento auctum iri potentiam & Majestatem Imperii, si Germania & Gallia sub eodem capite conjungerentur.

At postquam Moguntinus Trevirensis orationem solidè confutârat, revocatis etiam in memoriam Domus Austriacæ in Imperium meritis annitente pariter Saxone omnium, etiam Trevirensis, voto electus est Carolus (anno 1519.) nec ratio habita legationis Romanæ, quæ Regem Neapolitanum, clientelari jure devotum Ecclesiæ, ab Imperatoria dignitate legibus arceri contenderat. (*Quod ad pactum à Clemente IV. cum Carolo Andegavensi initum refertur*)

DE STATU IMPERII, CAPITULATIO

Caroli V.

85.
Capitula-
tio.

NE autem vasta Caroli potentia Germaniæ juribus & libertati sit formidanda, concepta fuit à Septemviris *Capitulatio* quædam, aliquot complectens Articulos, quibus Imperio atque Ordinum Privilegiis cautum voluerunt.

Videlicet: ut Rempublicam Christianam, Pontificem & Ecclesiam Romanam, cujus sit advocatus, defendat. Jus æquabiliter administret, & paci consulat. Leges Imperii, & præsertim Auream Bullam observet. Senatui in Imperio constituat, ex Germanis delectum, qui Rempublicam gerat. Jura, Privilegia, dignitatem Principum & Ordinum Imperii minimè convellat, aut imminuat. Electoribus liceat, cum opus erit, inter se convenire, deque Republica deliberare; nullum autem, quò minùs id faciant, impediat, nec in malam partem accipiat. Multitudinis & Nobilitatis fœdera vel Societates initas adversus Principes aboleat, & ne tales in posterum fiant, lege prohibeat.

De rebus Imperii nullum fœdus aut pactum faciat cum externis, nisi de Septemvirorum assensu. Facultates Imperii neque distrahat, nec oppignoret, nec alio quovis modo deteriores reddat, & quæ sunt ab aliis Nationibus occupata, vel ab Imperio divulsa bona, primo quoque tempore recuperet, sic tamen, ne quid fraudi sit illis, qui Privilegio vel jure nituntur. Si quid etiam vel ipse, vel ipsius Familiæ quispiam possideat, quod sit Imperii, non acquisitum legitimè, reddat interpellatus à Septemviris.

Cum vicinis Regibus aliisque pacem & amicitiam colat: neque pro rebus Imperii, nisi de Ordinum omnium, præcipuè Septemvirorum, voluntate, bellum suscipiat ullum intra vel extra fines Imperii. Peregrinum militem nullum in Germaniam adducat, nisi consentientibus illis. Quodsi autem bello petatur ipse vel Imperium, liceat uti quibuscunque præsidiis. Conveniunt Imperii nullum edicat, neque vectigal aut tributum imperet, nisi de consensu Electorum.

Negotiis Publicis non præficiat externos, sed Germanos, ex Nobilitate delectos. Litteræ omnes conficiantur Latino vel populari sermone. Extra fines Imperii nullum Ordinem in jus vocet. Det operam apud Pontificem, ne qua fraus fiat Privilegiis aut Imperii libertati adversus pacta inita. Quomodo mercatorum monopolia, Germaniæ

mania valde pernicioſa, coërceantur, rationem ineat cum Electoribus.

Si quam habet actionem in Ordinum aliquem, legibus experiatur, vim autem nullam adhibeat iis, qui se cognitioni legitimæ ſiſtunt. Neminem indiſta cauſa proſcribat, ſed juris ordinem in eo ſequatur. Imperii bona, quæ fortè vacabunt, nemini conferat, ſed ad publicum patrimonium referat. Si quam alienam provinciam auxiliis Ordinum acquireret, Imperio conjungat. Si publicum quid ſuis copiis recuperabit, Reipublicæ reſtituat. Quod Interregni tempore Palatinus ac Saxo publicè egerint, ratum habeat.

Conſilium nullum ineat, quo dignitatem Imperii ſuæ Familiæ peculiarem & hæreditariam faciat, ſed liberam & integram permittat Septemviris eligendi facultatem, juxta Caroli IV. legem & Juris Pontificii præſcriptum: quod ſecùs factum fuerit, irritum habeatur. Ubi primùm licebit, in Germaniam ſe conferat inaugurationis cauſa.

Cùm iſta legati Caroli per juſjurandum ipſius nomine probaſſent, ſingulis Electoribus ejus rei teſtes litteras obſignatas dederunt.

Quod de Jure Pontificio dicunt, ad Innocentii III. Epiſtolam Decretalem referendum videtur, qua decernit, Electores Principes Germaniæ juſ habere creandi Cæſaris liberum, & Imperii dignitatem non à ſucceſſione pendere, ſed ab electione.

Atque huc refertur prima ſcriptarum ſolennium *Capitulationum Cæſarearum* origo; quales poſtea in omnium Imperatorum electione fuerunt conceptæ, ſæpiùs tamen mutatæ auctæque, poſt pacem præſertim Religioſam & Weſtphalicam.

Inſliterunt quidem non rarò reliqui etiam Status Imperii, ut & ipſis communi cum Electoribus conſilio atque conſenſu Capitulationes fas ſit concipere. Sæpiùsque de perpetua aliqua Capitulatione ſtatuenta in comitiis eſt actum. Verùm Electores hætenus in poſſeſſione manſerunt.

ARTICULUS II.

DISSERTATIO

In Capitulationes Cæsareas.

De Forma Imperii.

Cum per Capitulationes quoad plures effectus restricta sit Cæsaris potestas, Ordinum verò ampliata, non desunt ex Academicis Publici Juris Doctores, qui contendant, regimen Imperii Romano-Germanici non esse Monarchicum, sed in Aristocratiam deflectere, aut etiam in Democratiam, ac systema civitatum. Quin etiam Majestatem eidem detrahere cum Bodino præsumunt, ac si Imperator in Imperio non plus posset, quàm Dux Venetorum in illa Republica.

86.
Contra
Monarchi-
am.

Nam, inquit, *Monarcham* ex ipsa vocis etymologia eum esse Principem, qui solus imperat, nullumque regiminis consortem habet. Qui solis instar subjectis populis Majestatis suæ radios dispensat; qui solus & sacra moderetur & profana; penes quem unum illimitatum jus ferendi & abrogandi leges, constituendi pro arbitrio Magistratus, irrogandi poenas, imponendi tributa & vectigalia, cudendi monetam, ejusque æstimationem universim taxandi, omnes conferendi dignitates, honores, officia, plena cum potestate resideat. Qui solus absolutum nulloque restrictum vinculo, jus judiciorum, munitionum, fœderum, belli, ac pacis possideat, atque pro lubitu exercere queat.

Tales olim Monarchas fuisse Assyriorum Imperatores ac Persarum Reges, hodièque esse Galliæ, Hispaniæ, Lusitaniæ Principes, Turcarum atque Moscorum Imperatores &c. Ipsos etiam post Augustum Romanos Imperatores, quamdiu Oriens & Occidens sub unius imperio acquiesceret, potestate ejusmodi Monarchica usos esse, eandemque, extincto etiam per alienigenas gentes Occidentali Imperio, in Oriente continuatam, atque per Carolum M. in Occidente re-fuscitatam, in ejusdem posteris ad Ludovicum usque Infantem per-severasse.

At verò extincta Caroli Germanica progenie, postquam non amplius sanguine, sed electione creabantur Cæsares, postquam paulatim Proceres provincias, quibus pro Imperatore administrandis præfecti fuerant, proprias fecere, postquam Jus illud *Territoriale* apud eos invaluit, postquam in unum Ordinum Statuumque corpus coaluerunt, postquam tum propria usurpatione, in magno præsertim illo Interregno, tum per Bullam Auream, & Instrumentum pacis Westphalicæ, tum maximè per Capitulationes introductas, immensa propemodum potestate fuerint aucti, Cæsares verò tot undique limitibus circumdati, Monarchicum non amplius dici posse Imperium, in quo tot alii coimperantes jus dicant, in communionem Majestatis assumpti.

Per Capitulationes etenim aliàsque pactiones non posse amplius Imperatorem, absque consensu Statuum, aut saltem Electorum, majoris momenti negotia solum tractare; sic non posse eum novas leges condere, aut antiquas abrogare, mutare, interpretari, neque Imperii nomine mittere legatos, inire fœdera, bellum decernere, pacem concludere, delectus aut hospitales militum præcipere, exstruere munimenta in provinciis Ordinum, aut iis præsidia imponere, nova tributa, vel vectigalia imperare, Statum à communi taxa eximere, aut proscribere, seu in bannum Imperii declarare, aut sessione & voto privare, aut ex matricula Imperii expungere, eximere à Judiciis supremis Imperii, aut ista mutare; modum mensurarum aut ponderum universalem præscribere, defectus monetarios corrigere; concedere jus stapulæ, aut erigendi nova telonia, monopolia, aut jus cudendi monetam; de Imperio aliquid alienare, aut oppignorare; neque conferre feuda vacantia, seu Imperio aperta absque consensu, Electoralia sine consensu Electorum, Principum sine consensu Electorum & Principum, urbium sine consensu Electorum & Urbium; neque admittere vel assumere aliquem in Statum Imperii, nisi dominio sufficiente sit provisorius, & Circulo alicui sit adscriptus, ac taxam communem possit solvere, atque adsit consensus illius Collegii, in quod assumitur, neque in numerum Principum, Comitum &c. aliquem referre, nisi cum dignitate talem titulum sustinere possit; neque convocare judicia generalia, seu Comiticia, transferre, prorogare, concedere vectigalia sine consensu Electorum. Uti ex variis Capitulationibus atque DD. colligit Linckius *Stamin. Jur. Publ. tab. 81.* Vitriarius *Instit. Jur. Publ. lib. 3. P. Ignatius Schwarz in Colleg. Hist. part. IV. quæst. 3. §. 3. pag. 34. & seq.* Contrà verò Status Imperii non esse meros subsidiarios, nec verè subditos, sed à temporibus Ottonum coim-

88. *Jus territoriale Statutum.* *perantes*, voto decisivo in Comitibus pollentes, ac *Dei gratia* Con-regentes; eos ditiones suas cum jure *superioritatis territorialis*, atque Regalium, & cum omnimoda ac summa jurisdictione, majestatis æmula, velut pro arbitrio gubernare, jus vitæ & necis exercere, recipere homagium, constituere magistratum, ac judicia, dare rescripta moratoria, aliæque privilegia, leges ferre, tributa imponere, quin Imperator possit intercedere; gaudere eos jure condendi urbes ac munimenta, legendi militem, mittendi legatos, pangendi fœdera tum inter se, tum etiam cum externis, & gerendi bellum, modò non contra Imperium & Imperatorem id faciant; pertinere ad eos, vi ejusdem superioritatis territorialis, jus fisci, archivi, vectigalium, mineralium, monopolii, postarum, cudendæ monetæ, chartæ signatæ, jus fluviale, & sylvestre, jus acquirendi bona vacantia, caduca, commissæ, aut indignis erepta; jus concedendi veniam ætatis, aggratiandi, restituendi famam, dispensandi, nobilitandi pro suo territorio, & Ordines Equestres instituendi &c. Frui aliquos jure de non evocando subditos ad cameram Imperialem & Judicium Aulicum &c.

Ex quibus inferunt, Statum Imperii in provincia sua plùs posse, quàm Cæsarem in Imperio ac nomine Imperii, uti leges ferre; etiani contrarias Juri Communi civili, (non tamen Publico Germanico) tributa & vectigalia imperare, fœdera inire, bella gerere, munimenta exstruere ac præliis firmare; defectus monetarios corrigere, mensurarum ac ponderum modum præscribere, politiam ordinare &c. Quin imò non desunt ex A catholicis, qui asserere audeant cum Limnæo *1. p. Tom. 1. c. 12.* Cæsarem merum esse Administratorem Imperii, ad rationes reddendas Statibus obligatum, possèque ob malè gestam Rempubliacam deponi; atque in eam rem exemplum Caroli Crassi, Henrici IV. Adolphi Nassovii, & Wenceslai afferunt.

Ac proin Imperium Romano-Germanicum non esse Monarchicum, sed Rempubliacam Aristocraticam, in qua Cæsar, instar Ducis Veneti, sit primus titulo, ordine, & dignitate, potestatem verò & Majestatem penes totum Imperii senatum residere. Ita Puffendorffius sub ficto nomine Monzambani latens, Limnæus, Bodinus, Burgoldensis, Hyppolithus à Lapide, qui p. 1. c. 18. scribere non veretur: *Domini nomen adhuc Imperatori tribuitur, cum tamen re ipsu nihil minùs, quàm Dominus sit, mansitque Imperatori hoc vestigium, & quasi umbra quedam antiquæ potestatis; nam ipsa Imperatoris* ditio

ditio, authoritas & potestas bodie est umbra, noménque Imperii non Imperium. Sunt enim hæc mera Imperii simulacra.

Altiùs ac reverentiùs de Imperiali Majestate sentiunt, qui non obstantibus Capitulationibus, aliisque pactionibus ac Ordinum juribus Imperium verè Monarchicum esse, summâque Majestate fulgentissimum asseverant; nihilominus enim Imperatorem non modò nullum Superiorem in terris agnoscere, sed insuper omnibus Imperii Statibus, civibus, populis, ex plenitudine potestatis imperare, tanquam Caput ac supremum Judicem, ac verè summum Imperantem, adeò quidem, ut omnes ipsi parere, ac rationem reddere debeant, ipse verò nemini.

89.

Pro Monarchia.

Atque hinc omnes Ordines tanquam vasallos præstare ipsi homagium, jurare fidem & obedientiam, Dominum Clementissimum appellantes, atque Majestatis insignia, Pomum Aureum, Sceptrum, Coronam, summa cum reverentia eidem deferentes. Eò pertinere plus quàm regales illas solennitates in coronatione Imperatoris adhiberi solitas, illa Electorum Principum Imperatori suo inserviendi officia, delata illa sui muneris obsequia, politica ac militaria &c.

Neque Germanis duntaxat Principibus eam Majestatis & Monarchicæ Auctoritatis persuasionem inesse, sed exteris etiam Europæ Regibus & populis, qui propterea extra controversiam Imperatori ejusque legatis primas deferant; ab ipsis adeò Turcis, Persis, Moscis &c. Monarcham salutari; & quid certius, quàm *sacram Cæsaream Majestatem* passim ab omnibus appellari?

Supremum hoc Majestatis decus nequaquam minui aut deprimi, quòd Electores Imperii regali velut dignitate, auctoritate, & potestate fulgeant; nam eò altius atque gloriosius esse Cæsareæ Majestatis fastigium, quo majoribus & potentioribus Principibus impetret, eoque eminentius, quò sublimioribus superemineat.

Neque hanc eminentiam dignitatis stare in solis ceremoniarum, honorum, ac titulorum ornamentis, sed in eminenti etiam potestate & auctoritate, vi cujus multa solus, tanquam *Cæsarea Reservata*, absque Ordinum interventu possit, ut creare Reges, Duces, Principes, Comites, Barones, Nobiles, Doctores, Notarios publicos pro toto Imperio; erigere, confirmare, & privilegiis munire Academias; Status investire in suis feudis; concedere veniam ætatis; liberos ex impari matrimonio morgenatico natos æquare patri; legitimare spurios; aliis dignitatem & potestatem comitivam largiri; restituere famam; concedere litteras moratorias, publicas & solennes

90.

Reservata Cæsarea.

nes nundinas; dare jus civitatis, ordinare postas, bellum defensivum pro necessitate gerere, & quidem hæc omnia pro toto Imperio.

91.
Judicium
aulicum.

Præterea constitui à Cæsare Judicium Aulicum, cum Præside & Assessoribus, atque per illud judicare causas controversas de feudis Regalibus, de vectigalibus, Statuum privilegiis, præcedentiis, negotiis Italicis, iisque, quæ concernunt Jurisdictionem voluntariam ac gratiosam; & hæc quidem privativè; reliquas verò causas civiles jure præventionis ob concurrentem Jurisdictionem cum Camera Imperiali, in qua Cæsar constituit Judicem, quatuor Præsides & duos Assessores. Ab his duobus supremis tribunalibus non quidem appellationem concedi, sed tamen supplicationem, ad Cæsarem, & *Revisorium*.

Ad hæc admittere universim Appellationem in casu denegatæ justitiæ; exteris delectum concedere; promulgare conclusa Imperii; ex plenitudine potestatis varia disponere; eaque omnia agere, quæ per Capitulationes aliasque pactiones non fuerunt expressè limitata aut restricta.

92.
Electorum
prærogati-
væ augment
majestatem.

Quamvis igitur magna sit Imperii Ordinum potestas, titulo Superioritatis Territorialis inducta, & per varias Capitulationes ac pactiones successivè magis magisque ampliata; quamvis adhuc majore Electores polleant, possintque libera electione soli Caput Imperio vacanti dare, Romanorum Regem, etiam invito Imperatore, eligere, Capitulationem præscribere (donec stabilis aliqua & perpetua à Comitibus Statuum sit decreta) monere Cæsarem de indicendis Comitibus, eoque etiam reclamante Electorales conventus celebrare; singuli duos ad minimum Assessores Camera Imperialis designare; jure de non Appellando, aut non evocandis eorum subditis gaudeant; pro Investitura nihil solvere teneantur; in actibus ad curiam Imperialem spectantibus ipsos etiam Reges præcedant, & extra curiam Reges soleant eosdem, tanquam æquiparatos, Fratres appellare; præterquam quòd singuli, præsertim Moguntinus, tanquam Collegii Electoralis Decanus, & Archi-Cancellarius Imperii, specialibus prærogativis potiantur.

Nihilominus tamen sacram Cæsaream Majestatem tantò esse Augustiorem, atque eminentiorem, quantò gloriosius est, tantis Imperantibus imperare, tantosque Principes, quos inter quatuor hodie Reges sunt, habere Archi-Officiales; & tres quidem ex iis Archi-cancellarios, per Germaniam videlicet, Italiam, & Galliam, quartum Archi-Pincernam, quintum Archi-Dapiferum, sextum Archi-Mareschallum, septimum Archi-Camerarium, Octavum Archi-The-
fau-

ſaurarium. Tantorum igitur Principum Archi-Officialium, aliorumque Imperii Statuum potentiam, jura, dignitatem, non tantum non minuere Majeſtatem Imperatoris, ſed plurimum eandem adaugere; eo etiam præſertim ex capite, quod eorum poteſtas Cæſari tanquam ſupremo Imperanti ſit ſubordinata, ſub lege fidelitatis & homagii, ſupremo & directo dominio in Imperatoris Majeſtate radicato.

Elucere hoc etiam ex ipsis Imperii *Comitiis*, quæ tamen vel ^{93.} maximè Imperatoris limitare Majeſtatem aliquibus videantur; nam ^{Uti etiam} hæc, de conſenſu Electorum, à ſolo Cæſare convocari, à ſolo tanquam Præſide regi, & ita quidem, ut absque ejus voluntate nihil poſſit fieri. ^{Comitia.}

Quamvis enim poſt propoſitionem à Cæſare aut ejus Commiſſario factam tria Collegia, Electorum videlicet, Principum, & Civitatum, in ſuis conclavibus deliberàſſent, concluſum concepiffent, atque omnium vota conſpiràſſent, ſi tamen Imperator ſolus diſſentiat, ejusmodi *placitum* Statuum non poſſe in *Receſſum Imperii* aut legem abire, imò ne quidem in *concluſum Imperii*, maniſeſto argumento, quantum vel in ipsis Imperii Comitiis Cæſaris poteſtas legislativa, atque in conſciendis Imperii negotiis auctoritas emineat.

Quin imò Cæſarem non tantum ea ſe ſolo poſſe, quæ *Reſervata Cæſarea* appellantur, ſed etiam ea, quæ vigore Capitulationum & transactionum accedente conſenſu Ordinum ſtatuit; nihilominus enim verum eſſe, quod ſolus Cæſar legem promulget, edicta publicet, legatos mittat, foedera ineat, bellum indicat, pacem ſanciat, Statum proſcribat, cum nullus Status pro toto Imperio hæc poſſit facere, ſed ſolus Imperator; & quamvis conſenſus Statuum ad hoc requiratur, nihil tamen propterea Majeſtati aut Monarchicæ poteſtati detractum iri, cum per Capitulationes & pactiones non poteſtas ipſa radicalis ſed ejus uſus duntaxat & exercitium reſtringatur.

Aliunde autem multis exemplis conſtare, quod poteſtas radicalis poſſit plena ſubſiſtere, licet quoad uſum ſit ligata, atque effectus impediatur. ^{94.} Sic pupillum plenum habere dominium proprietatis ſed utis ſuorum bonorum, plenamque poteſtatem radicalem de iis diſponendi, licet ſine auctoritate tutoris hanc ſuam poteſtatem, hocque ſuum dominium actu ipſo exercere non poſſit. ^{Non poteſtas ſed uſus limitata.}

Idem patere in aliis, quibus bonorum ſuorum adminiſtratio eſt interdicta, aut reſtriſta; in filiofamilias reſpectu bonorum adventitiorum; in ſacerdote, accipiente per Ordinationem poteſtatem abſolvendi à peccatis, quam tamen uſu ipſo exercere non poſſit, ^{miſi}

nisi Jurisdictio ordinaria aut delagata accedat : ipsas etiam causas physicas pollere virtute agendi, quin tamen illam semper proximè possint exercere.

Nequaquam autem ad Majestatem & Monarchicam potestatem requiri, ut ad usum & exercitium omnium dispositionum se extendat; aliàs nullam fore in orbe Monarchiam, nisi Tyrannidem aut despoticum Imperium quis amens ea nomenclatione velit honorare. Persarum Reges haud dubiè veros fuisse Monarchas, quin tamen edicta sua potuerint mutare. Cancellor, quos ipsa potentia sibi circumdedit, non limitare potentiam, sed exercitium solummodo potentiae restringere. Posse Monarcham etiam cum subditis suis & Statibus Provincialibus pacta inire, iisque obligari, quin tamen Majestas aut Monarchica potestas detrimentum patiatur.

Talem esse potestatem Cæsaris; respectu illius Capitulationes aliàsque cum Statibus conventiones esse pacta, non verò leges; has ferri in subditos, illa summis etiam Imperantibus esse communia, ipsam adeò infinitam DEI Majestatem promissionibus ac pactis cum creaturis suis initis, obligari posse, quin tamen eidem quidquam decedat.

Appositè in hanc rem Jeremias Linckius in *Stamin. Jur. Publ. tab. 55.* Imperatorem cum sole comparat, Status verò cum radiis : *Centrum Majestatis*, inquit, *apud solum Imperatorem, ut centrum lucis apud solem, residet. Status verò sunt totidem radii solares, qui de solari quidem Majestate necessariò participant, sed quia ex centro fluunt, & ad id recurrunt, à solari quoque Majestate dependent : uti autem radii solares, quamvis solis individui sint comites, ejus tamen Majestati nihil demunt, quin potiùs eum magnificant, ita Statuum splendidus ordo Majestati Imperatoriæ plus addit, quàm detrahit.*

Et alibi addit, Imperatorem esse Caput totius Imperii, summum Principem ac Dominum, semper Augustum, Clementissimum, Sacrum, Serenissimum, Potentissimum, Invictissimum, Gloriosissimum, Supremum Advocatum & Protectorem Ecclesiæ, supremum Judicem, summum Imperantem, cui omnes reverentiam & obedientiam debeant, fontem, scaturiginem & centrum omnium Dignitatum.

95. Ex quibus jam ita colligunt : cum tamen multa sint, tamque eminentia *Cæsarea Reservata*, tot augustissima ac summa jura, tamque sublimes prærogativæ, soli Imperatori competentia; cum ea etiam, quæ vigore Capitulationum & pactonum Comitiorum consensum

Formam
esse Monar-
chicam.

sensum requirunt, solus agere dici possit; cum Statuum jura, quantumvis excellentia, Cæsareæ auctoritati sint subordinata, cum non ipsa potestas summa, sed exercitium tantum quoad aliqua sit restrictum, cum Capitulationes & Conventiones non per modum legis, sed per modum pacti Cæsarem obligent; cum Status Imperii terras suas tanquam feuda recognoscant, & ab Imperatore recipiant, homagium præstent, fidelitatem jurent, servitia militaria per se vel per substitutos exhibeant, poenas legitimas patienter ferant, seque dominio directo, ac supremæ Jurisdictioni in omnibus subordinatos esse intelligant (Linckius *Stam. Jur. Publ. tab. 58.*) cum denique nihil ad Majestatem augustius esse possit, quam tam magnis Principibus tamque potentibus imperare, Majestatem Cæsaris esse plenam ac summam, Regiménque Imperii Romano-Germanici omnino Monarchicum esse dicendum.

Atque hoc ipso confutata existimant illorum opinionem, qui formam Imperii *Mixtam*, ex *Monarchica*, *Aristocratica*, aut etiam *Democratica*, adstruunt. Nam licet magna omnino sit Electorum & Principum, tanquam Optimatum potestas; licet civitates Imperiales, quæ populum videantur referre, superioritate territoriali, & post Pacem Westphalicam Comitiali etiam voto gaudeant, tanti nihilominus ponderis esse putant, quæ pro forma Monarchica sunt allata, ut nullam formam *Mixtam* adstruendam censeant. Alii tamen, iique non pauci, dicendum existimant, Regimen Imperii esse simpliciter *Monarchicum*, sed tamen *Aristocratia temperatum*. Hac enim ratione optimè combinari posse credunt ea, quæ pro diversis sententiis afferuntur, argumenta.

Nam rationes allatas probare quidem, formam Imperii esse simpliciter Monarchicam; eam tamen esse Statuum ac præsertim Electorum sublimem potestatem, tum Territorialem respectu suarum Provinciarum; tum Comitiale respectu totius Imperii, ut negari non possit, eos in Regiminis partem venire, licet illud multò eminentiori modo Imperatori competat, & in hoc sensu locutos esse, qui Rempubl. Aristocraticam dixere.

96.

Sed tamen Aristocraticè temperatam.

Quæstio est de nomine; nam de re ipsa ac Juribus cujusque sufficienter constat ex legibus fundamentalibus Imperii, quas salvas esse oportet. Mihi pro hoc *Apparatu Eruditionis ad Jurisprudentiam* suffecerit, aliorum sententias retulisse, ac suum cuique pretium, quod meretur, reliquisse.

Illud tamen asseverare non dubito, apertè illos errare, qui formam Imperii nihil aliud esse dicunt, quàm *systema civitatum*, tam arcto nexu collectarum, ut licèt singulæ summo Imperio potiantur, nec una alteri sit subdita, unam tamen Rempublicam præferant, qualem in Helvetia, & Batavia cernimus. Nam hac ratione nullus esset Imperator, aut nulla illius præcellens potestas atque Auctoritas, Status omnes essent æquales.

Neque *Oligarchiam* potest quisquam comminisci, quæ est Aristocratia corrupta, dum pauci ex optimatibus regimen ad se trahunt, privato potius quàm publico bono intenti. Qualis olim fuit Romæ apud Triumviros, dum primum Pompejus, Cæsar, & Crassus, postea Octavius, Antonius, & Lepidus, regimen sibi vendicârunt.

97.
Protestan-
tium pro-
bra.

Sed neque absque injuria Imperii dici potest cum Monzambano *de statu Imp. Germ. c. 6. §. 9* Imperium esse corpus aliquod irregulare & monstro simile, exitiabili morbo, internisque convulsionibus perpetuum fomitem præbens. Neque absque despectu & contumelia Imperatoris cum Limnæo *1. p. t. 1. c. 12. Imperatorem æquè Imperii Vasallum capacem criminis læsæ Majestatis in Imperium, Imperii Ministrum, puniendum & deponendum exemplo Wenceslai.*

Quæ verba, planè probrosa sunt & relatu indigna, nisi ut appareat, quanta reverentia A catholici quidam scriptores de Imperatore & Imperio loquantur, qualésque ideas de iisdem efforment.

ARTICULUS III.

Imperium ordinat Carolus.

98.
Germani-
am ordinat,

Carolo V. ea, qua dixi, ratione electo Septemviri missa legatione, quam Fridericus Palatinus obibat, Cæsaream coronam deferunt, atque ad eam acceptandam eundem in Germaniam invitant. Ratam Electorum voluntatem habuit, moxque composito, quoad fieri poterat, tumultu Hispanorum Procerum, qui indignè ferebant, complures Belgas tanquam Administros ad moveri regni gubernaculo, iter ingressus, anno 1520. Aquisgrani more Majorum est coronatus.

Quamvis autem haud modicas interea Hispani cierent turbas, & Gallus Carolum Austriacum Francofordiæ sibi prælatum acerbè ferens, Navarram, expugnata Pompeiopoli, diripuisset, nihilominus

Cæ-

Cæsar, ut Germaniam ordinaret, an. 1521. prima Imperii *Comitia Wormatiæ* indixit. Ubi de Ordinum consensu novum Imperii senatum constituit, qui ex 22. senatoribus conflatus præside Cæsaris absentis Vicario Republicam gubernaret, majoribus tamen causis Imperatori reservatis.

Confirmavit Pacem Publicam, à Maximiliano avo jam promulgatam, pluribus saluberrimis legibus ordinavit Judicium Imperii Camerale. Lutherum denique Germaniæ incendiarium publico Edicto proscripsit. Prout *part. 3. cap. ult.* in descriptione Concilii Tridentini prolixius exposui.

Imperii rebus sapienter adeò dispositis in Belgium abiit, at- Et Hispanique expugnato Tornaco in Hispaniam profectus non modò illius montium. tus composuit, Belgis quibusdam à clavo remotis, & Adriano Florentio, Præceptore olim suo, quem Regni Vicarium constituerat, commendatione sua ad summum Pontificatum promotus, sed Gallos Gallos vine- etiam felici Marte ex Navarræ Regno ultra Pyrenæos montes eiecit; cit. promotaque in Italiam victoria eisdem memorabili prælio victos à Mediolanensi Ducatu depulit, quem Francisco Sfortiæ sub feudali cum Imperio nexu restituit, Parmâ & Placentiâ Pontifici, Genua verò, quam Galli pariter occupatam tenuerant, in libertatem assertâ (*anno 1521.*)

Hoc eodem anno Carolus Cæsar Provincias cum fratre Ferdinando partitus hæreditarias Austriacæ Domus terras eidem proprio jure possidendas tradidit: atque in his etiam Ducatum Wirtenbergicum, quem à suevici fœderis sociis coëmerat. 99.
Divisio
Provincia-
rum.

Hi etenim Ulricum Ducem, quia Reutlingam urbem, fœderis sociam, ob famulorum quendam in ea interemptum, hostili manu invaserat, Ducatu spoliârunt, eumque anno 1519. Carolo V. vendiderunt, qui eundem, prout mox dictum, unâ cum Austriacis Provinciis fratri Ferdinando cedit. Vixitque Dux in exilio ad annum usque 1534. quo Hassus, expulsis Ferdinandi copiis, eundem restituit, Beneficiario tamen jure Austriacis obnoxium. Anno 1522. Cæsar in Angliam trajectus adversus Gallos fœdus iniit cum Henrico VIII. qui mari transmissò in Picardiam irrumpens Francorum vires distraxit.

In Germania *Comitia Norimbergensia* sunt celebrata; in quibus constitutum, quomodo in Circulis Imperii cum proscriptis procedendum. Promissa Ludovico Hungariæ Regi adversus Turcas auxilia, sed ob tergiversationem Novatorum non missa. Cheregatus Legatus Apostolicus frustra urget executionem Edicti Wormatiensis.

sis, in Lutherum lati, Novatoribus *centum Gravamina*, quæ propter locum conventus, exinde *Norimbergenſia* dicta sunt, contra curiam Romanam & Ecclesiasticum Ordinem opponentibus.

ARTICULUS IV.

Observatio

In Gravamina Nationis Germanicæ.

Quantos motus sacerdotum inter Regnumque humani generis hostis diversis temporibus in Ecclesia excitaverit, nemo eruditorum est, qui ignoret. Compositis funestis illis circa inaugurationes discordiis, cum Romani Pontifices varias Beneficiorum Reservationes Annatasque inducerent, in querelas rursus effusa fuit Germania, in Synodo præsertim Constantiensi & Basileensi propositas. His pariter per Concordata Germaniæ utcunque pacatis, cum morum dissolutio varique abusus magis magisque irreperent, ac laici detractum sibi existimarent, quidquid Ecclesiasticis accresceret, in varia rursus itum murmura.

Quapropter jam anno 1510, cum Julius II. à foedere, adversus Venetos inito, recessisset, atque propterea Maximilianus Imperator alieniore à Pontifice crederetur esse animo, decem querelæ seu Gravamina in Comitibus Augustanis eidem fuerunt proposita.

100.
Gravamina
decem.

1. Pactis & Privilegiis per crebras dispensationes ac revocationes derogari.
2. Electiones Prælatorum quandoque reiici.
3. Electionibus Præpositurarum, quas Capitula quædam impertrârint, contraveniri.
4. Beneficia & Dignitates majores Cardinalibus & Protonotariis reservari.
5. Gratias expectativas crebro concedi.
6. Annatas absque dilatione exigi, etiam Episcopis intra paucos annos mortuis.
7. Ecclesiarum Regimina minùs dignis committi.
8. Indulgentias novas, cum revocatione aut suspensione veterum, Laicis contra clerum murmurantibus, ad corradendas pecunias concedi.

9. Decimas sub prætextu expugnandorum Turcarum exigí, nulla expeditione secuta.

10. Causas, quæ in Germania terminari possent, indistinctè ad tribunalia Romana trahi.

Hæc Gravamina postea Lutherani maligno, in Romanam Curiam totumque Ecclesiasticum Ordinem animo tantopere mutârunt, exaggerârunt, atque auxerunt, ut decem in centum excrescerent; quæ *centum Gravamina Norimbergensia* ab ipsis sunt appellata, acsi à Comitibus Norimbergensibus legato Apostolico fuissent proposita, atque ad Adrianum VI. Pontificem transmissa ab integra Natione Germanica.

Mirè sibi applaudunt Heterodoxi scriptores his gravaminibus, tanquam justissimam illa causam dederint separationi à Romana Ecclesia. At pessimè in ruinam suam hallucinantur. Quamvis enim abusus irrumpant in Ecclesiam, & disciplina morum remedium poscat, numquam tamen causa esse justa potest, se separandi ab unitate Ecclesiæ, quamdiu doctrina fidei est integra. Probare autem nunquam possunt Novatores, hanc in Ecclesia Catholica fuisse corruptam.

Neque etiam quoad disciplinam tanta fuit Romanæ curiæ & Ecclesiastici Ordinis corruptio, quantam Lutherani in prætenfis gravaminibus maligno livore depingunt, & per immensas auxeses exaggerant. Imò omnino evanescent, si cum immani fidei ac morum corruptela, quam Lutherus induxit, comparentur.

Certè in publico Edicto Wormatiensi prætenfa Lutheri reformatio dicitur *hæresis abhinc triennio cæpta, per concilia dudum rejecta, damnata, rursus ex profundis inferni faucibus retracta - - moribus, miserabilem ruinam, & interitum omnis virtutis, honestorum morum, pacis fideique christianæ jacturam allaturus. - - doctrina, quæ reprobatis dudum hæresibus & blasphemis scateret. - - Lutheri scripta, seditionum, distractionum, bellorum, cædium, rapinarum, exustionum, & occasus fidei Christianæ, materiam causamque præbentia. - - Lutherum cunctis permittere, ut laxent habenas omnibus cupiditatibus, ut dissolutè effractis legum repagulis pecudum more vivant. - - Hominem præfracti & inquieti ingenii omnia vetera instituta, legesque repudiare, conculcare & opprimere - - debachari in summum Pontificem, Christi Vicarium, multiplicibus, & inauditis hostilibus famosisque maledictis. - - complures eum extremè damnatas hæreses, quæ jam diu obsoleverant, in unam quasi Lernæam paludem coegisse, multasque præterea novas & recentes*

excogitasse, hoc prætextu, quòd fidem prædicet, ut veram sinceramque fidem destruat, ac sub nomine fucòque Evangelicæ doctrinæ omnem Evangelicam pacem & charitatem, bonarum rerum harmoniam extinguat.

Hæc aliæque adhuc acerbiora continentur in publico illo Edicto comitali; atque deinde Lutheri condemnatio & proscriptio unanimi consensu & voluntate Imperatoris præsentis, sacrique Imperii Electorum, Principum & Ordinum decernitur. Eadem ferme in posterioribus etiam Imperii Comitibus sæpius repetita.

Quàm verè autem hæc fuere tum Caroli V. Imperatoris, tum Ferdinandi Locum-tenentis, tum Electorum, Principum ac Statuum Imperii Publicis in comitiis, sicque Nationis Germanicæ de Lutheri reformatione sententiæ ac decreta, tam falsò asseritur, gravamina illa centum Norimbergensia fuisse à Comitibus Imperii Norimbergensibus aut Natione Germanica ad Pontificem directæ.

102. Recensentur. Nam probari nulla ratione potest, quòd omnes Imperii Ordines in ea gravamina aut compilanda, aut Pontifici transmittenda consenserint, aut ea iusta censuerint. Imprimis enim prorsus incredibile est, quòd Status Ecclesiastici, quales in Imperio sunt multi, consenserint, cum plurima ex iis rectà tendant in grande ipsorum præjudicium.

Siquidem *cap. 20.* (prout Goldastus *tom. 1. pag. 457.* illa distinguit) divitias Ecclesiasticorum sine restrictione in Germania livido dente proscindunt, ideòque annuas pecunias extraordinarias adversus Turcas, atque pro rebus Imperii eisdem à Pontifice impetrandas decernunt. *Cap. 21.* horrendum in modum detonant in Ecclesiasticorum universum scelera; atque ut privilegium fori eisdem adimatur, postulant. *Cap. 22.* lamentantur; quòd homines etiam ab Archiepiscopis & Episcopis ob causas profanas non nisi ob quæstum turpem & pecuniam excommunicentur. *Cap. 23.* conqueruntur, etiam innocentes ab Ecclesiasticis excommunicari pecuniæ acquirendæ causâ. *Cap. 24.* adversus privilegium canonis insurgunt. *Cap. 27.* dicunt, laicos ab Archiepiscopis, Episcopis, & Prælatibus iniquè premi. *Cap. 28.* Jus Retractus in Ecclesiasticorum bona laicis concedendum decernunt. *29.* Episcopis jus spoli denegant. Gravamen *30.* plenum est vituperii in Episcopos aliosque Ecclesiasticos, quòd tueantur adversus laicos rem longè iniquissimam. *Cap. 31.* Episcopos primam collationem Beneficii Patronati sibi usurpare. *32.* Beneficiorum fundatores supra modum exfugi ab Ecclesiasticis; *33.* & præsentatos ab Episcopis. *34.* ordinari ab Episcopis prorsus ineptos. *35.* immodicas

dicas impensas infumi in consecrationibus Ecclesiarum. 36. cœmeteria superflue consecrari. 37. In celebritate alicuius novi Sancti Episcopos & Prælatos exigere oblationes, pro conducendis militibus melius applicandas. 38. Episcopos ab Abbatissis pecunias exigere: Abbatibus inutili er consecrari. 39. Officiales Ecclesiasticorum nihil nisi pecunias appetere. 40. Laicos inique trahi ad tribunal Ecclesiasticorum. In sequentibus quatuor gravaminibus eadem audiuntur lamenta. 45. per violentiam novas institui decimarum præstationes.

Deinde usque ad Gravamen 63. rursus in Judicia Ecclesiastica universim acerbissime invehuntur: causas profanas sub prætextu præscriptionis aut denegatæ justitiæ ad forum Ecclesiasticum trahi: delinquentes duplici pœna affici. Ecclesiasticos auri sacra fame pellectos usuras, & illicitos concubinos concedere. Synodales Judices census annuos à domibus laicorum exigere, uti etiam ab opificibus, iniquos amictos indici. Litigantes ad iniquas transactiones compelli. Externos causarum Patronos & Procuratores inique à judiciis repelli.

A gravamine 63. iterum in omnes ordines Ecclesiasticos atrocissima accusatione grassantur, quòd pauperibus Sacramenta negent. Quòd non ferendis oneribus plebem vexent, & pro Sacramentorum administratione gravent; Missa abutantur: scandalosè vivant; publicas exercent tabernas, illicita corradant lucra; legitimos hæredes defraudent &c.

Jam verò quis sibi persuadeat, Ordines Imperii Ecclesiasticos hæc gravamina, potissimam partem contra ipsos prolata, ipsisque summopere perniciofa, atque probrosa, censuisse vera, æqua, atque suo suffragiò decrevisse, ad sedem Apostolicam esse dirigenda. Quid hoc aliud esset, quàm si de gravissimis criminibus insimulatus rogaret, ut ad Judicem illa deferantur, ac pœna pro iis debita sibi irrogetur.

Quid multa? cap. 76. apud Goldastum apertè dicitur, à laicis ea gravamina fuisse proposita. Ab omni proin veritate alienum est, quod complures Protestantes scribunt, eas querelas fuisse totius Nationis Germanicæ, omniumque Imperii Ordinum consensu illa Pontifici fuisse oblata.

Imò neque omnes laici Status ea omnia justa & æqua censebant. Certè Catholici Ordines nec consentiebant nec consentire poterant, cum plura ad evertendum Primatum summi Pontificis, ad abolendam Ecclesiasticam Jurisdictionem, ad subruendam Hierarchiam, ad Concordata Germaniæ, pactiones, & transactiones convellendas, ad fidem

103.
à paucis
compilata.

fidem publicè ac solennissimè datam infringendam, atque ad Ecclesiam Catholicam deprimendam, opprimendamque tendant.

Reprehenduntur præcepta Ecclesiæ, ritus, ceremoniæ, & consuetudines antiquissimæ, ut inventa merè humana, avaritiæ Romanæ aucupia, Pontificiæ tyrannidis onera non ferenda; culpantur Ecclesiæ jejunia, abstinencia à carnibus, nuptiarum solennitas certis temporibus interdicta, matrimonii impedimenta, indulgentiæ, sanctorum cultus.

Quis autem credat, talia ab Ordinibus Catholicis, etiam laicis fuisse concepta, ac proposita? Certè Carolo V. Imperatore inscio (cùm tunc in Hispania versaretur) sunt compilata: neque postea unquam ea probavit, aut iusta esse existimavit, sed omnino rejecit. Testis locuples est ipsius Cæsaris epistola, ad Clementem VII. anno 1526. scripta: in qua ait, se centum gravaminibus *nusquam aures præstitisse, nec illis animum adjecisse*. Id solum ille petiit, ut Annatæ aliæque quædam subsidia, ad quadriennium sibi concedantur adversus Ecclesiæ hostes.

Cæsare invito.

Sed neque Ferdinandus Locum-tenens aliique catholici Ordines laici centum illa gravamina ad Cæsarem aut Pontificem dirigenda censuere. Quod ex eo manifestè elucere arbitror, quia Ferdinandus Archidux post Norimbergensia Comititia mox cum Ordinibus Catholicis, quos inter erant Guilielmus & Ludovicus, Baviaræ Duces, alium conventum celebravit, in quo præsentè etiam Campegio Legato Apostolico convenerunt, quænam gravamina ad Pontificem essent dirigenda.

Dicamus, quod res est: Gravamina decem, multò modestiora jam anno 1510. Maximiliano I. in Comititiis Augustanis proposita, & in Wormatiensibus anno 1521. renovata, sequenti etiam anno in Norimbergensibus fuerunt repetita, decretumque ab Ordinibus, ut ea ad Pontificem pro remedio dirigantur. Nec incredibile est, Status, aut jam Lutheranos, aut Lutheri turbulentis scriptis faventes, in Comititiis Norimbergensibus varia alia gravamina proposuisse; circa quæ cùm non convenirent cum catholicis, isti separatim conventum Ratisbonæ instituerunt, & hac super re deliberârunt.

à Lutheranis aucta.

Lutherani autem deinde gravamina ita auxerunt, ampliârunt, atque Lutherico calamo malignè adversus Romanum Pontificem & clerum Germaniæ exaggerârunt, ut centum omnino prodirent, quæ posteriores Protestantes Comititiis Norimbergensibus, totique Nationi Germanicæ falsò adscripserunt.

Optimè in hanc rem Gretserus in *defens. Bellarm. de transl.* Imp. libellus, inquit, centum Gravaminum, quem Lutherani etiamnum cudunt & recudunt, & nunquam non in ore habent, quémque Illyricus suo catalogo, & Ortbuinus Gratus suo fasciculo illigavit, nec ab Imperatore, nec jussu Imperii compositus, sed à Lutheranis fabricatus, & non alio consilio dispersus est, nisi ut, quod à paucis tenebrionibus fraudulenter actum erat, id Augusto Imperii nomine gestum censeretur, sicque ad id, quod Lutherani volebant, obtinendum accommodatius esset.

Idem testatur Surius in *comment. ad ann. 1523.* ubi ait: *prodiit Testes- tum liber centum gravaminum, Authoribus Lutheranis, ut nihil intentatum relinquerent, quod faceret ad constandam invidiam Pontifici & Ecclesiasticis.*

Idem cardinalis Bellarminus *lib. 1. cap. 2 de transl.* Imperii: *Illyrio teste, inquit, exstat verè aureus libellus centum importabilium gravaminum, à toto Imperio in comitiis Norimbergensibus anno 1523. Papæ Adriano oblati. Mendacium hoc hominis impudentissimi detexit Joannes Cochlaeus in Actis Lutheri anno 1523. ubi scriptum reliquit, nullum ejusmodi libellum in Comitibus Imperialibus editum, sed cum in eo conventu proposita fuissent quædam gravamina, quibus gravari videbatur Natio Germanica non solum à Romana curia, sed etiam ab Episcopis & Prælatibus Germaniæ, ea occasione Lutheranos edidisse librum centum gravaminum, omnia in Papæ odium augentes, aut malignè interpretantes.*

Audiamus ipsum Cochlaeum, scriptorem illius temporis, qui loc. cit. sub finem ait: „absente tunc procul in Hispaniis Carolo Cæsare „celebrabantur comitia Imperialia Norimbergæ à Vicario Imperii frat- „tre ejus Ferdinando &c. In quibus sanè multus variusque tracta- „tus fuit in negotio fidei. Nam & Adrianus VI. R. P. quendam „eò miserat Archiepiscopum Franciscum Cheregatum, virum dis- „sertum, cum plenissima instructione, & Paterna oblatione ad miti- „gandos animos Germanorum &c.

„At quantò benigniùs sese offerebat Pontifex, tantò ferociùs „agebant Lutherani - - - maximè quiritantes contra abusus Ro- „manæ curiæ, de quibus tamen abolendis Pontifex ipse benignissi- „mè omnem operam suam ultro pollicitus fuerat.

„Proposuerant quidem Imperii Princeps gravamina quædam, „quibus iniquè gravari videretur Natio Germanica, non solum à cu- „ria Romana sed etiam ab Episcopis & Prælatibus Germaniæ. Et

„ proposuerant ea non modò Norimbergæ in Comitiiis, verùm etiam
 „ Wormatiæ priùs coram Cæsare.

„ At Lutherani omnia ad sinistram & iniquam intentionem de-
 „ torquentes ac depravantes, sumpta inde occasione ediderunt librum
 „ tum latinè tum germanicè, cui titulum fecère: *centum Gravamina*
 „ *Germaniæ*. In quibus sanè recensendis non solùm malignè in odium
 „ Papæ & Cleri omnia exaugebant, & in peiorem partem interpre-
 „ tabantur, verùm etiam impiè plerisque antiquissimis ceremoniis
 „ Ecclesiæ, quibus Episcopi & Clerici in suis functionibus ritè u-
 „ tuntur, derogabant, & abrogatas volebant. Atque ut odium in
 „ Papam adhuc magis adaugeretur in populo, adjunxerunt etiam
 „ summas omnium Annatarum, quas totius orbis Episcopi loco primi-
 „ tiarum summo Pontifici in confirmatione sui adnumerare solent, ut
 „ longè gravissima exactio, & infinita prorsus pecunia videretur quot-
 „ annis à Papa exigì iniquè.

104. Certum proin indubitatumque est, centum ea Gravamina ne-
 Crisis circaquaquam à comitiis existimata esse legitima, sed privatum esse Lu-
 Gravamina theranorum partum, *Lutherano veneno inquinata, alia per calumniam*
in sedis Apostolicæ invidiam detorta, alia malitiosè exaggerata; ut
 scribit Odoricus Raynaldus in *Annal. ad ann. 15236*.

Nec alia sententia est Ludovici Maimburgi, Romanæ curiæ pro-
 fectò non nimium addicti. Is etenim in *Hist. Luther. tit. 1.* pariter
 testatur, ea gravamina composita fuisse à Lutheranis; quædam enim
 manifestè ad destruendam totam Pontificis auctoritatem, disciplinam
 Ecclesiasticam, & sanctissimas quasque consuetudines Christianismi
 ab immemorabili tempore observatas, tendere.

Præter tot testimonia evidens argumentum, quòd centum illa
 Gravamina non sint opus Comitiorum Imperialium, sed in privato at-
 que domestico Lutheranorum camino excocta, exinde deducitur,
 quòd ne quidem Lutherani Scriptores audeant centum Gravamina
 Comitiiis Norimbergenfibus adscribere, sed 75. duntaxat; ut videre
 est in Goldasto, qui pluribus constitutionum tomis latina ac germa-
 nica lingua illa inseruit. Sed nunquam ultra 75. progredi sustinuit.
 Sed nec ista omnia in Comitiiis agnita fuere iusta ac legitima, ut ex
 adductis hætenus argumentis ac testimoniis abunde constat. Sed
 neque postea anno 1530. in Comitiiis Augustanis ausi sunt hæc Gra-
 vamina proponere. Imò negare videbantur. Nam in Comitiiis Au-
 gustanis per Melanchtonem dixerunt: *Nullum dogma habemus diver-*
sum à Romana Ecclesia; levis quædam dissimilitudo rituum est. Ecce
 quomodo centum ingentia Gravamina decreverint: Subjungunt: *ad*
hæc

hec Romani Pontificis auctoritatem & universam politiam Ecclesiasticam reverenter colimus; modò non abjiciat nos Romanus Pontifex. Aliud nempe est publicis in Comitibus coram Imperatore loqui: aliud clanculariis in circulis, in quibus Gravamina fuerunt procusa.

Per hoc tamen nullatenus negamus, nullos fuisse abusus in Romana curia aut apud Clerum Germaniæ; neque diffitemur, aliqua Gravamina pluribus in Comitibus fuisse proposita, & ad ea tollenda petitiū remedium. Sed tria dicimus: primum, abusus illos ab heterodoxis scriptoribus in immensum ultra omnem veritatem augeri, ac malignè exaggerari. Alterum, quædam Gravamina fuisse à Comitibus judicata legitima, atque ad Cæsarem & Pontificem dirigenda, decem nempe illa, jam Augustæ & Wormatiæ proposita, atque alia nonnulla. Tertium, adhibitum fuisse ab Ecclesia ad abusus extirpandos remedium, tum per Pontifices Romanos, tum per Concilia, præsertim Tridentinum.

Nam imprimis Adrianus VI. teste Panvinio apud Raynald. ad 105. ann. 1523. advocato Joanne Petro Caraffa Episcopo Theatino, & Facta re- Marcello Gazelio Cajetano, viris integerrimis reformationi manum formatio. admovit, atque *ut promissum de corrigendis Ecclesiasticis etiam re, non verbis præstaturus videretur, multa protinus Romæ in statum alium vertit &c.*

Clemens VII. Adriani successor illico curas suas ad reformationem applicuit; nam cùm Ferdinandus Locumtenens, Duces Baviaræ, & 12. Ecclesiastici Principes Ratisbonæ post Comitibus Norimbergensia convenissent, edita est per Campegium legatum Apostolicum constitutio pro reformando Germaniæ Clero, tollendisque abusus. Tringinta reformationis capita complectebatur; quæ extant apud Bzovium ad ann. 1524. Interdicti abusus, ab Indulgentiarum quæstoribus inducti. Sepulturæ sumptus imminuti. Prohibitum ne pecunia reciperetur pro absolutione à casibus reservatis. Vetita exactio pro consecratione templorum & altarium. Prohibitum, ne Episcopi ex pensionibus Beneficiorum decimas exigant ne Parochi consueta quædam subsidia à Parochianis petant. Præscripta diligens ac fidelis bonorum ad Ecclesias pertinentium administratio: aliæque ejusmodi plura, ut & Ecclesiis sua constet integritas, nec tamen laici nimium graventur.

Paulus III. qui Clementi VII. successit, novos censores constituit, qui reformandæ cameræ Apostolicæ, Rotæ Romanæ, Cancellariæ, & Pœnitentiariæ operam impenderent. Capita reformationis alia spectabant Ecclesiam Romanam, alia Ecclesiam universalem,

pertinebantque ad cohendas dispensationes, ad tollendas gratias expectativas, cessionum pensiones, pluralitatem Beneficiorum, concessionem absentiae, ordinationes indignorum, laxitatem disciplinae Monasticae, collationem Beneficiorum indiscretam &c.

Accessere plures Provinciales synodi, in quibus, reformandis Ecclesiasticorum moribus, ordinandaque disciplina strenuè desudatum, ut postea dicitur.

Et quàm multa, quàm salubria *decreta de Reformatione* facta sunt à Concilio Tridentino Plena illi à Pontificibus concessa libertas reformandi disciplinam Ecclesiasticam, etiam in curia Romana. Testem habemus Pallavicinum, qui ex pluribus Pontificum epistolis ac monitis, legatis suis datis, id demonstrat. Additque *lib. 9. cap. 10. Hist. Conc. Trid.* nunquam eò deventum esse, ut Pontifex impediret legem, quam plerique Patrum condidissent: libertatem verò publicis in confessibus obloquendi in ipsius etiam (Pontificis) facta, atque in ejus potestatem, fuisse ejusmodi, quam in neminem reliquorum Principum ausi fuissent exercere. Profectò qui Decreta Concilii Tridentini de Reformatione æqua mente perpenderit, fateatur necesse est, per ea melioris orbis votis ita fuisse satisfactum, ut nulla Lutherana reformatione opus fuerit; nisi quis dicere velit, Divinissima Evangelii Oracula, sanctissimas Christi Leges, Primatum Sedis Apostolicæ, S. Petro datum, atque in hunc usque diem propagatum, convellere, omnem obedientiam & subjectionem erga eandem sedem Apostolicam abjicere, esse Ecclesiam reformare. Cur non comparuerunt Protestantes in Concilio, ad quod toties provocârunt, ad quod toties fuerunt invitati, quod tot sumptibus, tanto labore, industria, difficultate ipsorum causa fuit congregatum? cur Gravamina sua in eo non proposuerunt? cur separatam à veteri Christi Ecclesia, ac novam confârunt? Fateamur veritatem. Gravamina toties ingesta, fucus erant, oblinendi prætextum schismatis, ad quod humanis ex rationibus naturæ infirmitate, & humani generis hoste inspirante ferrebantur.

ARTICULUS V.

Ultior descriptio status Germaniæ.

106.
Urgetur ex-
ecutio edi-
cti.

A Nno 1523. bellum adversus Gallos strenuè continuatum, Anglo premente Picardiam, Cæsareis verò Bonivetum ab Insubria arcentibus. In Comitibus Norimbergenfibus executionem edicti Wormatiensis adversus Lutherum cum Ferdinando Locumtenente urgebant Ordines Catholici, obstrepentibus Lutheranis.

Sequen-

Sequente anno 1524. idem Norimbergenſium comitiorum effectus fuit, quare Catholici Status cum Ferdinando Archiduce Ratisbonam ſecedunt, edictique Wormatiensis obſervationem decernunt; atque cum Laurentio Campegio Clementis VII. Legato de reformatione tractant. Edicti in hanc rem 30. de quibus antè articuli. Actum pariter de convocando Concilio.

Victis ad Eporediam Gallis, atque ex Italia ejectis, Cæſarei in Provinciam Duce Borbonio irruunt; at Aquis Sextiis occupatis, à Maſſiliæ obſidione depulſi, in Italiam redeunt. Sequitur Franciſcus Rex cum numeroſo exercitu, brevique Ducatum Mediolanenſem aut deditione aut vi capit, arce duntaxat Mediolanenſi & Pavia exceptis.

Hanc dum obſidet, prælio cum Cæſareis inito vulneratus, vi- Rex captus. etus captusque in Hiſpaniam abducitur anno 1525. In Germania vero Anabaptiſtæ ac Ruſtici, à Luthero concitati, omnia ſusdeque vertebant. Prout hæc aliæque ad Lutheranam ſectam pertinentia parte 2. cap. ult. prolixius expoſui.

Anno 1526. ſub certis conditionibus liber dimiſſus Rex Galliæ, dimiſſus. pactis non ſtetit; ſed inito cum Pontifice, Anglo, Sfortia, & Venetis ſœdere, Cæſarem impugnare non deſtitit. In Germania habita ſunt Comitia Spirenſia. Confirmatum edictum Wormatienſe, Saxone licèt & Haſſo reclamantibus. Contra Turcas, caſo Ludovico Rege Hungariam devaſtantes, vix aliquid impetratum ſubſidii. Judicium camerale Spiram translatum.

Ægerrimè Cæſarem habuit initum Pontificis cum Gallo ſœdus; Roma va- quare, cum Romani Cæſareos tranſitu prohibere niterentur, duce ſtata. Borbonio urbs capta & direpta eſt, Pontifice in Arcem S. Angeli confugiente; nec inde dimiſſo, niſi ejurato ſœdere in difficiles conditiones ſentiret anno 1527. In Germania fruſtra habita ſunt Comitia Spirenſia & Ratisbonenſia Lutheranis jam ad arma reſpicientibus.

Anno 1528. Galli, quàm facilè totum propemodum Regnum Neapolitanum occuparunt, tam facilè rurfus amiſerunt; deficiente ad Cæſarem Andrea Auria Genuenſi, à Gallis offenſo: ac præterea peſte & ferro in eos graſſantibus; ſimilisque hæc expeditio fuit illi, quam Carolus VIII. ſuſceperat.

107.

Viennæ ob-
fidio,

Proximo dein anno 1529. tandem *pax Cameracensis* coaluit, pacatusque est Occidens. At major ab Oriente procella incubuit. Dum Solymannus ex Hungaria in Germaniam effusus, Viennam obsedit, at conatu irritò, propugnante strenuè urbem Philippo Palatino, Turcæque magna cum clade retundente Cæsareo milite. Minitatus quidem est Barbarus, se brevî cum majoribus copiis rediturum, ac Viennam expugnaturum; sed, Domino custodiente civitatem, vanæ fuerunt minæ. Celebrata *Comitia Spirenſia*, in quibus cum rursus urgeretur executio edicti Wormatiensis, intercesserunt Saxo & Hassus, cum aliis paucis Lutheranis; quibus propterea *Protestantium* nomen adhæsit, aliis deinceps etiam sectis communitatum. Exinde Luthericolæ in varios cœtus collecti consilia clancularia inierunt. In doctrina tamen convenire inter se non poterant, teste Struvio *periodo 10. §. 42.* prolusumque his synedriis scederi ac bello Smalcaldico. Prodiit hoc anno Constitutio à Carolo V. qua statuit, ut fratrum aut sororum liberi soli exstantes, succedant *in capita* patruo vel amitæ.

Italia.

Anno 1530. Carolus V. ex Hispania in Italiam profectus, à Clemente VII. coronatus Imperator, Marchionem Fridericum Gonzagam primum Mantuæ Ducem creat. In gratiam Pontificis Medicæos, triennio abhinc à Florentinis expulsos, restituit, & ablata iisdem libertate Alexandrum Medicæum primum Hetruriæ Ducem nominat; cique Margaritham filiam suam despondet. Francisco Sfortiæ Mediolanum restituit, Ferrariensi verò Duci Mutinam & Rhegium adjudicat, reclamante licet Pontifice. Ordini S. Joannis Rhodo depulsis à Turca Melitam concessit.

Sed nulla re celebrior est hic annus, quàm *Confessione Augustana*. Nam Cæsar compositis Italiæ rebus, in Germaniam ad Imperii Comitata, quæ Augustam indixerat, se contulit, ubi porrectam sibi à Lutheranis Confessionem damnavit. Cur & quomodo id contigerit, descripsi *part. 3. cap. ult.* Placet nihilominus hîc quædam de illa annotare.

ARTICULUS VI.

OBSERVATIO

In Confessionem Augustanam.

§. I.

Priores 21. Articuli excutiuntur crisi debita.

Carolus V. ut morbis Germaniæ, à quibus ipsa ejusdem intensina erant infecta, feliciter mederetur, iussit Protestantes ulcera sua detegere. Quapropter illi ex Lutheri potissimum libris 28. Articulos, fucò tamen à Melanchtone vasfrè illitos conscripserunt. Quia autem Confessio illa pluries mutata, aliter aliterque cusa & recusa fuit, profuerit illius, primitus Carolo V. oblata, epitomen hinc adnectere.

108.
Confessio.

Primus Articulus tractat de unitate Divinæ essentia, & Personarum Trinitate. Nihilque hinc continetur alienum à doctrina Catholicæ Ecclesiæ. Hoc unum adverto, Protestantes ex suis principiis nunquam posse ea probare, quæ in hoc primo Articulo profitentur, nisi ad principia & interpretationem Catholicæ Ecclesiæ deveniant, ut speciali libello de Verbo DEI demonstravi.

In 2. continentur peccatum originale. Sed malè illud constitunt in concupiscentia & carentia metus Divini, & fiducia erga DEUM. Hæc enim aliquando dantur etiam in hominibus baptizatis, nec tamen datur in illis peccatum originis. Concupiscentiæ rebellio est effectus peccati non ipsum peccatum. Deinde infantes non sunt capaces, actum timoris, aut fiducia eliciendi.

In 3. continentur Incarnationem Verbi Divini, more Catholico. Ut tamen hoc Mysterium adversus Arianos, Photinianos, & Samaritanianos hæreticos defendant, necesse habent ad nostra principia & interpretationes Conciliorum ac Catholicorum Patrum recurrere, ut pariter loco citato ostendi. Ubi tamen dicunt, quòd Christus nos defendat *adversus vim peccati*, melius dicerent, Christum sufficientia nobis suppeditare media, ad evitandum peccatum, & ad resurgendum à peccato. Nam quamdiu manet peccatum, Christus ejus
vim

vim non tollit. Malè proin supponitur, remissionem peccati consistere in mera non imputatione.

Justificatio.

Quarto de Justificatione hunc errorem inferunt, quòd homo justificetur per solam fidem, per hoc nempe, quòd credat se in gratiam recipi, & peccata sibi remitti. Ineptè. Hoc idem est, ac dicere, invenire thesaurum nihil aliud esse, quàm credere, se eum invenisse. Crede, remissum tibi à creditore debitum, & remissum est. Quàm laxa latæque sic foret porta cæli! quàm facilis pœnitentia! Ruite in scelera mortales; sed credite, remissa vobis esse peccata; & res est salva. Imò ne quidem peccare potestis, & amittere gratiam, modò semper credatis vos esse in gratia, & peccata vobis non imputari. Vah! portentum doctrinæ. Aliam David pœnitentiam egit: aliam Scriptura præcipit. Justificatio autem fit per collationem gratiæ nobis inhærentis, quæ diffunditur in cordibus nostris per Spiritum sanctum.

Meritum.

Quintus videtur excludere meritum bonorum operum; & adhuc patentius sextus. Sed aliud rursus loquitur Verbum Dei. *Mercedem* copiosam fore in cælis spondet: reddendum cuique secundum opera ejus: reddendam *coronam justitiæ*: vocandos *operarios*, ut *mercedem* accipiant. Cui merces hîc promittitur, nisi merito bonorum operum? ubi nullum est meritum, neque merces locum habet. Aliud est merces, aliud donum. Et quàm luculentè S. Jacobus in Epistola sua Catholica ait: *Quid proderit fratres mei, si fidem quis dicat se habere, opera autem non habeat? nunquid poterit fides salvare eum?* v. 14. *Abraham pater noster nōne ex operibus justificatus est?* v. 21. *Vides, quoniam fides cooperabatur operibus illius, & ex operibus fides consummata est?* v. 22. *Videtis, quoniam ex operibus justificatur homo, & non ex fide tantum.* v. 24. *Sicut enim corpus sine spiritu mortuum est, ita & fides sine operibus mortua est.* v. 26. Cæcum esse oportet, qui tantam lucem non videat. Verùm Luthe- ro Epistola S. Jacobi tunc erat straminea. Ejus autem Discipulis postea facta est aurea.

Septimus Articulus videtur dicere, quòd tantum *Sancti* pertineant ad Ecclesiam. Evangelium verò comparat Ecclesiam decem Virginibus, ex quibus quinque erant fatuæ, & quinque prudentes. Sagenæ, missæ in mari, & ex omni genere piscium congreganti. Agro, in quo inimicus superseminavit zizania in medio tritici. Ubi est Ecclesia Lutherana, si soli Sancti illam constituunt?

Octavus asserit, Sacramenta esse efficacia; licet per malos administrentur. Catholica est hæc assertio. Sed ex qua clara Scriptu-

ra eam contra Donatistas probare possent Confessionistæ, cùm S. Cyprianus cum integris Conciliis adeò vehementer contrarium propugnârit adversus Stephanum Pontificem, ad Ecclesiæ Traditionem se referentem?

Nonus orthodoxè de Baptismo sentit, & contra Anabaptistas decernit, pueros esse baptizandos; omittitque prudenter ridiculam illam ineptiam Lutheri, quòd infantes, dum baptizantur, actum fidei eliciant.

In Decimo de Cœna Domini docent, quòd corpus & sanguis Domini verè adsint, & distribuuntur vescitibus. Ecce! quomodo in principali fidei Articulo contradicant Lutherani fratribus suis Zwinglianis & Calvinistis. Sed quid tam? discordia in pluribus fidei Articulis confraternitatem non tollit: modò in primario eorum fidei Articulo conveniant, quòd Papa sit Antichristus, & Ecclesia Romana Babylonica meretrix. Lutheranis Evangelium asserit præsentiam Christi, Calvinistis negat; nihilominus sunt membra unius corporis Evangelici.

In XI. de Confessione docent rursus contra Zwinglianos & Calvinistas, quòd absolutio privata in Ecclesiis retinenda sit; non tamen necessariam esse omnium delictorum in confessione enumerationem, cùm hæc sit impossibilis. Atqui etiam Ecclesia Catholica non alia delicta confiteri præcipit, nisi quæ post diligentem conscientiaë discussionem memoriæ occurrunt. Hæc autem enumerare non est impossibile.

In XII. docent quidem, quòd Ecclesia redeuntibus ad poenitentiam debeat absolutionem impertiri. Sed malè addunt, contritionem consistere *in terroribus incussis conscientiaë agnito peccato*. Melius cum Concilio Tridentino dicerent, quòd contritio sit animi dolor de peccato commisso ejusque detestatio cum proposito non peccandi de cætero. Malè insuper dicunt, poenitentiam tantùm duabus partibus constare, terroribus nempe conscientiaë, & fide, remitti peccata. Melius dicerent, poenitentiam consistere in materia, quam constituunt tres actus poenitentis, nempe contritio, confessio, & satisfactio, & in forma, quæ consistit in verbis Ministri.

In XII. pessimè errant, dum dicunt, Sacramenta esse mera signa ad excitandam & confirmandam fidem, quæ credit promissionibus: præsumuntque damnare eos, qui docent, quòd ex opere operato justificent. Aliud Scripturæ, Concilia, Patres loquuntur: quòd videlicet non sint mera signa promissionum, sed gratiam Dei ex institu-

tlone Christi contineant, eámque dignè suscipientibus conferant. Ita de Baptismo ad Titum 3. v. 5. act. 22. v. 16. De Confirmatione act. 8. De Eucharistia Joann. 6. De Pœnitentia Joann. 20. De extrema Unctione Jacob. 5. De Ordine 2. Tim. 1. De Matrimonio ad Ephes. 5. De Sacramentis universim Concilium Milevitanum can. 2. Arausicanum l. can. 25. Florentinum in Decreto Eugenii pro instructione Armenorum. Tridentinum sess. 7. can. 8. ibi : *Si quis dixerit, per ipsa legis novæ Sacramenta ex opere operato non conferri gratiam, sed solam fidem promissionis ad salutem sufficere, anathema sit.* Idem Patres, Cyrillus Hier. in præf. Catech. Greg. Nyss. in orat. de Bapt. Justinus in Apolog. 2. Ambrosius l. 2. de pœnit. c. 2. Augustinus tract. 10. in Joann.

In XIV. rectè dicunt, quòd nemo debeat in Ecclesia publicè docere, aut Sacramenta administrare, nisi ritè vocatus. Verùm Præcones Lutherani non intrant per ostium, sed aliunde.

Vota.

In XV. Vota & traditiones de cibis & diebus institutas ad promerendam gratiam, & satisfaciendum pro peccatis inutiles esse & contra Evangelium. Hoc Confessionistæ dicunt absque omni probatione; contra disciplinam totius Christianæ antiquitatis, ac contra Evangelium, quod verbis & exemplo Christi jejuniū commendat, & vota reddere jubet Domino. Philautiam & curam cuticulæ hic Articulus nimium sapit.

In XVI. damnant Anabaptistas, qui interdicunt Christianis civilia officia. Hoc bene. Sed addunt, se eos etiam damnare, qui Evangelicam perfectionem non collocant in timore & fide. Ignaros omnino esse sancti Evangelii necesse est istos Evangelicos, qui nesciunt Evangelicam perfectionem in executione primi & maximi mandati, perfectæ videlicet DEI dilectione consistere : eúmque, qui diligit, legem implere : ignaros, quid S. Paulus 1. Cor. 13. v. 13. dicat : *nunc autem manent fides, spes, charitas, tria hæc : major autem horum est charitas* : ignaros quòd *perfecta charitas foras mittit timorem : quoniam timor pœnam habet : qui autem timet, non est perfectus in charitate* : ignaros illius Christi oraculi : *si vis perfectus esse, vade, vende, quæ habes &c.*

In XVII. Catholicè sentiunt de extremo Judicio, æternitate pœnarum & gaudiorum.

In XVIII. consentitur liberum arbitrium ad efficiendam civilem justitiam, & deligendas res rationi subjectas : imò etiam ad efficiendam justitiam spiritualem cum adiutorio Spiritus sancti. Quòd enim homo non habeat vim efficiendi justitiam spiritualem sine Spiritu san-

Et

cto, orthodoxa doctrina est. At longè aliud de libertate arbitrii docuit Lutherus, aliud Zwingliani, aliud Calvinistæ, absolutè illam negantes.

In XIX. bene dicunt contra fratres suos Calvinistas, quòd voluntas malorum sit causa peccati, non verò DEUS.

In XX. certas ferias, certa jejunia, peregrinationes, cultum Sanctorum &c. crudè appellant *opera puerilia*. Melius nempe isti hesterni Mystagogi sapiunt, quàm SS. Patres, quàm sacra Concilia, quàm tota antiquitas, quàm ipse Christus. Quid? Num opus puerile appellabitis jejunium Christi, ac peregrinationem ex Galilæa in Judæam ad templum Jerosolymitanum? Et hos operum Christianorum calumniatores Christi sectatores atque imitatores credamus?

Recoquunt deinde ea, quæ Articulo VI. de fide & bonis operibus dixerant, sola fide hominem justificari, per opera nos non mereri; Christi gratiam aspernari, qui confidunt in operibus.

Instruantur tantisper veræ doctrinæ ignari. Certum est, fidem ad salutem absolutè esse necessariam, imò illam esse radicem & fundamentum omnis justificationis. Hoc nullus nostrorum negat. Certum etiam est, nos primam gratiam actualem nec de condigno nec de congruo mereri posse per nostra opera, hoc ipso, quòd sit prima ac supernaturalis, ad quam opera naturalia nullam habent congruitatem. Unde certissimum apud Theologos est axioma, *primam gratiam non cadere sub meritum*. 109.
De gratia.

Sed neque gratiam perseverantiæ finalis de condigno possumus mereri, utpote quam DEUS nobis non promisit. Denique neque primum gradum gratiæ habitualis, seu sanctificantis de condigno possumus mereri. Et in hoc sensu est verum, quòd justificationis gratiam nemo mereri possit, sed quòd tam justificatio quàm consequens inde salus & vita æterna sit gratia & donum, sicque nos *gratis*, ut Apostolus ait, justificari. Quia nimirum primam gratiam ad justificationem nullo modo meremur, nec de condigno gratiam finalem, aut primam gratiam justificantem ac sanctificantem; & quia prædestinatio, vi cujus ex infinita sua misericordia & amore peculiari eas nobis gratias ab æterno decrevit largiri, quas cooperationem nostram tracturas, adeoque efficaces fore prævidit, est donum DEI ac summa gratia.

Nihilominus tamen ipsa salus & æterna beatitudo, quam dependenter à gratia Christi & nostra cooperatione consequimur, non est merum donum, aut pura hæreditas, sed, ut Apostolus loquitur, *corona justitiæ*, quæ DEUS juxta sanctissimam ac benevolentissimam

suam promissionem præmiatur bona nostra opera ac merita, quæ Divina gratia præveniente & adjuvante fecimus, prout Divinæ scripturæ mille in locis nos consolantur, alloquendo e.g. bonum operarium: *euge serve bone & fidelis, quia super pauca fuisti fidelis, supra multa te constituam, intra in gaudium Domini tui*: & invitando electos in extremo judicii die ad possessionem regni propter exercita bona opera. *Matth. 25.*

Nequaquam tamen propter bona opera superbire, sed servos inutiles nos dicere oportet, tum, ut exerceatur Christiana humilitas; tum quia absque gratia Christi nullum opus bonum, æternæ vitæ meritorium, valemus exercere, adeoque nostra bona opera DEO potius ejusque gratiæ quàm nobis sunt adscribenda; tum quia infinitam DEI gloriam intrinsicam nulla ratione augere possumus, cum in se ipso, & per se ipsum infinitè perfectus & beatus sit; tum quia DEUS nullam mercedem deberet operibus nostris, nisi illam benevolentissimè promississet.

Non est proin, quòd Confessionistæ nobis objiciant, nos confidendo in operibus aspernari meritum & gratiam Christi. Quia profiteamur, nos absque gratia & meritis Christi nullum actum salutarem, nullum opus ad salutem conducens posse efficere. *Non ego, sed gratia DEI mecum*, ait Apostolus.

Quando verò Scriptura dicit nos absque operibus per fidem salvari, de operibus merè naturalibus, aut operibus legis Mosaicæ, uti de circumcissione, esu agni paschalis, aliisque abolitis ritibus, & ceremoniis antiquæ legis manifeste loquitur, ut ex epistolis S. Pauli ad Corinthios, Romanos, Galatas &c. evidenter patet, in quibus dum contra Gentiles & Judæos ostendit, fidem in Christum ad salutem esse necessariam, intelligit fidem vivam, seu animatam charitate aliisque virtutibus, unde Apostolus ad Galat. 5. scribit: *in Christo Jesu neque circumcisio neque præputium aliquid valet, sed fides, quæ per charitatem operatur.* Optimè in hanc rem loquitur S. Augustinus *cap. 14. de fide & oper.* ubi ait, jam temporibus Apostolorum, non intellectis quibusdam subobscuris sententiis Apostoli Pauli, quosdam existimasse, ad obtinendam salutem sufficere solam fidem, ac propterea aliorum Apostolorum, ut Petri, Joannis, Jacobi, Judæ epistolas ad eximendum hunc errorem intentionem direxisse, fidem nempe, operibus vacuam nihil prodesse: ipsùmque Paulum requisivisse fidem non qualemcunque, sed salubrem, Evangelicam, charitate aliisque virtutibus animatam. En Christianam Theologiam Ecclesiæ Catholicæ! quam si Confessionistæ intellexissent, non adeò im-

peritè omnia confudissent, neque tot falsas doctrinas nobis affinxissent; nisi quis dicere velit, eos ex malitia hoc fecisse.

In XXI. de cultu Sanctorum docent, quòd Sanctorum memoria 110.
proponi possit, ut imitemur eorum fidem & bona opera; non au- Invocatio
tem docere nos Scripturam invocare Sanctos; cùm unum Christum SS.
nobis proponat Mediatorem, Propitiatorem, Pontificem, & Inter-
cessorem.

Verùm Christum Dominum invocandum ab omnibus esse tanquam unicum nostrum Redemptorem ac Salvatorem, tanquam Mediatorem DEUM inter & homines, à quo & per quem omnia habemus, quæ habemus, in eoque spem omnem ac fiduciam esse collocandam, nemo Catholicorum est, qui neget. Per hoc tamen non prohibemur invocare Sanctos, ut apud DEUM pro nobis orent & intercedant, ut per merita Christi nobis largiatur gratias, quas rogamus. Neque hoc quidquam derogat meritis Christi: quia profite-mur, Sanctos propria autoritate & virtute nihil nobis dare posse, sed, quod dictum, rogare pro nobis possunt DEUM, ut nos exaudiat per Christum Dominum nostrum. Quæ oratio & invocatio tam parùm derogat Christo, quàm parùm eidem derogat imploratio, quæ homines adhuc viventes imploramus, ut pro nobis DEUM orent.

Neque hæc oratio & invocatio aliena est à S. Scriptura. Nam Salomon oravit DEUM per merita sui patris David. 2. Paral. 6. Onias & Jeremias post mortem oraverunt pro populo Hebræo 2. Machab. 15. Angelus Raphaël orationem Tobiae Domino obtulit Tob. 12. Angelus oravit, ut DEUS Judæos è captivitate liberet. Zach. 1. Patriarcha Jacob Angelum invocavit Gen. 48. & Jobi 5. dicitur: *ad aliquem sanctorum convertere.* item Jobi ult. *Job autem servus meus orabit pro vobis, faciem ejus suscipiam, ut non vobis imputetur stultitia.* Et quoties S. Paulus invocavit fideles, ut pro se orent, ad Rom. 15. Ephes. 6. Coloss. 4. Thessal. 3.

Post istos 21. Articulos Confessionis Augustanæ subjungunt falsissimè, doctrinam suam nihil discrepare à Scripturis, vel ab Eccle- 111.
sia Catholica, vel ab Ecclesia Romana, quatenus ex scriptoribus sit Falsitas.
nota. Totam dissensionem esse de paucis quibusdam abusibus, qui sine certa autoritate in Ecclesiam irreperint, in quibus licèt esset aliqua dissimilitudo, tolerandos tamen esse confessionistas, quia ne Canones quidem tam duri sint, ut eosdem ubique ritus postulent.

Falsissimè, inquam, hæc dicunt; nam licèt errores suos dealbare, fucare, & abscondere studuerint, tamen ea, quæ tradunt de peccato originali, de justificatione, de sola fide justificante, de bo-

nis operibus, de pœnitentia, de sacramentis, de præceptis Ecclesiæ, de libero arbitrio, de invocatione Sanctorum, manifesti sunt errores contra fidem. Quomodo ergo dicere possunt, doctrinam suam nihil discrepare ab Ecclesia Catholica aut Romana? Si nihil discrepat, cur ergo illam tantopere reprehendunt? cur ab illa se separant? cur coitionibus, conjurationibus, seditionibus, bellis, adversus suum Imperatorem omnia miscent? Si tota dissensio est de paucis quibusdam abusibus, cur in tot fidei Articulos sunt grassati? Sustulissent abusum, & reliquissent usum. Ad quid necesse cum barba etiam mentum imò caput amputare?

§. II.

Posteriores septem Articuli ad crisin vocantur.

112.

UT autem sciamus, de qualibus abusibus loquantur, septem Articulos de illis subjungunt, atque ita præstantur: *cùm Ecclesiæ apud nos de nullo fidei Articulo dissentiant ab Ecclesia Catholica, tantùm paucos quosdam abusos omittant, qui novi sunt, & contra voluntatem canonum vitio temporum recepti*, rogamus, ut Cæsarea Majestas clementer audiat, quid sit mutatum, & quæ fuerint causæ &c.

I. Utraque species laicis datur: quia hic mos habet mandatum Domini Matth. 26. *bibite ex hoc omnes*. Sed, quinam fuerunt isti omnes? Nunquid præsentēs, Apostoli, jam ordinati sacerdotes, quos alloquebatur? Addit Evangelium Marci 14. *& biberunt ex eo omnes*. Quinam omnes? An etiam absentes? Sacerdotes præsentēs biberunt. Sacerdotibus præcepit Dominus bibere, si consecrant, non verò laicis, nec sacerdotibus, quando non ipsimet consecrant.

Quoad laicos varia circa hoc diversis temporibus fuit Ecclesiæ disciplina. Primis quatuor Sæculis liberum erat Christianis sub una vel binâ specie Sacramentum sumere. Sæculo quinto propter errores Manichæorum præcepta fuit sumptio calicis, ut hæretici isti, vinum tanquam diaboli creaturam detestantes, à Catholicis discerni possint. Extincta hæresi ista integrum rursus erat fidelibus sub una tantùm specie synaxin sumere, à sæculo undecimo laici sub specie vini non ampliùs communicârunt, usque dum sæculo decimo quinto Hussitæ in Bohemia docuerunt, sumptionem calicis esse necessariam & à DEO præceptam. Quem errorem damnavit Concilium Constantiense, laicis-

Ufus calicis.

laicisque calicem prohibuit. Concilium deinde Basileenſe Bohemis & Moravis calicis uſum ſub certis conditionibus indulſit, ſic tamen, ut nemo invitus ad illum adigatur. Cùm autem ſæculo 16. Lutherus aliique Novatores rurfus docerent neceſſitatem calicis, tanquam à DEO præcepti, Concilium Tridentinum Seſſ. 21. can. 1. rurfus eorum errorem damnavit: & can. 2. eos, qui dicunt, Eccleſiam non juſtis de cauſis Sacramentum Fidelibus ſub una tantùm ſpecie præbere.

Cauſæ autem juſtæ ad duo capita revocantur, tum ut excindatur error, Chriſti ſanguinem ſub ſpecie panis non contineri, ac ſumptionem utriusque ſpeciei præcepto Divino eſſe neceſſariam: tum, ut evitentur variæ irreverentiæ, quæ aucto in immenſum Chriſtiano populo caveri ſatis non poterant.

Imperitè autem loquuntur Confessioniſtæ, dum dicunt, morem ſub una ſpecie communicandi non eſſe veterem. Nam S. Auguſtinus *lib. 3. de conſenſu Evang. c. 25.* teſtatur, Chriſtum ipſum duobus Diſcipulis in Emmaus Euchariſtiam tantùm ſub ſpecie panis præbuiſſe: videturque hoc indicare Evangelica hiſtoria. Conſtat inſuper prima Eccleſiæ ætate frequentius accidiſſe, ut fidelibus Euchariſtia tantùm ſub ſpecie panis fuerit porrecta, domum deferenda, ibique ſumenda, viris quidem in manus tradita, à ſœminis verò mundo linteolo excepta. Particulæ etiam ſpecierum panis reſiduæ pueris manducandæ ſunt datæ. Conſuetudo quoque, Euchariſtiam die Paraſceves ſub ſpecie tantùm panis ſumendi jam ultra 1300. annos tenet in Eccleſia.

Et meritò; nam certum eſt, totum & integrum Chriſtum cum corpore & ſanguine ſub una etiam ſolummodo ſpecie contineri, atque à fidelibus ſumi. Falſum proin eſt, fideles aliqua parte Chriſti defraudari. Certum pariter eſt, etiam ſub una ſpecie digne communicantibus promitti vitam æternam: *qui manducat hunc panem, vivet in æternum.* Joan. 6.

In II. de *Conjugio ſacerdotum* ajunt, ad evitanda ſcandala ſe ſacerdotibus concedere conjugia, à Chriſto ipſis permiſſa, imò præcepta. Amplum hîc ſpatium foret de materia iſta diſſerendi: verùm cùm prolixè id præſtiterim *part. 5. ad ſæc. X. art. 5.* ſpeciali Diſſertatione de cœlibatu clericorum, ed lectorem remitto.

In III. de *Miſſa* dicunt, ſe falſò accuſari, quòd Miſſam aboleant; retineri enim apud ſe, & ſumma reverentia celebrari. Servari quoque uſitatas ceremonias fere omnes, præterquam quòd latinis cantionibus admisceantur alicubi germanicæ, ad docendum populum, Ad hoc enim præcipuè opus eſſe ceremoniis, ut doceantur imperiti.

Ad-

Addunt tamen, privatas Missas apud eos defuisse; eò quòd eæ solum celebratæ sint ob mercedem, stipendium, & quæstum. Verùm isti homines non perpendunt, quid suadeat æquitas, quidque Scripturæ ipsæ loquantur: dignum esse operarium mercede sua: qui servit altari, de altari posse vivere. Sustentatio præbetur sacerdoti sacris operanti. Quid æquius?

At sit, abusus quoad hoc irrepsisse, an propterea statim Missa, à Christo in memoriam suæ passionis & mortis instituta, qua Divinissimus Agnus cœlesti Patri quotidie incruento modo immolatur assumitur, abolenda fuit? Res omnes sanctissimas aboleas necesse est, si omnibus abusus præcautum velis. Misera profectò religio, quæ caret sacrificio infinito, latreutico, Eucharistico, propitiatorio, & impetratorio, quo DEUS cultu se digno, quia infinito, honoratur, nobis verò emolumentum multò maximum comparatur!

Confessio.

In IV. de *Confessione* asserunt eam apud eos non esse abolitam, nec corpus Domini porrigi, nisi exploratis, & absolutis; ornari potestatem clavium &c.

Verùm hanc assertionem absurdis rursus erroribus inficiunt, dum toti sunt in commendanda sola fide absolutionis, quasi totum Confessionis negotium vertatur in sola fide, qua credant, quod per illam fidem verè consequantur & accipiant remissionem peccatorum. Neque ad hoc necessariam esse enumerationem delictorum.

At quomodo explorare possunt, an ad corpus Domini sint admittendi (ut se facere asserunt) si enumerare non debent sua gravia delicta, quorum conscientiam habent? Quomodo absolutionis sententiam ferre possunt, si conscientiam & statum animæ non habent perspectum?

114.
Fides.

In V. de discrimine ciborum & traditionibus plura omnino falsa Catholicis affingunt; uti, obscuratam esse doctrinam de gratia & iustitia fidei per traditiones humanas. In pœnitentia nullam mentionem factam fuisse de fide. In solis operibus satisfactoriis totam pœnitentiam consistere existimatum fuisse. Per has Traditiones obscurata fuisse præcepta Dei, ac longè prælatas Traditiones fuisse præceptis DEI. Christianismum totum collocatum fuisse in observatione certarum feriarum, rituum, jejuniorum, vestitus, mandata DEI nullam laudem habuisse. Traditiones magna pericula attulisse conscientiiis.

Falsò, inquam, hæc nobis affingunt, legantur posteriorum etiam sæculorum Doctores Catholici, S. Bernardus, Hugo & Richardus de S. Victore, Petrus Lombardus ex sæc. XII. S. Thomas Aquinas,

nas, S. Bonaventura, S. Albertus M. ex Sæc. XIII. Joannes Duns Scotus, Nicolaus de Lyra, Gregorius Ariminensis, ex Sæc. XIV. S. Vincentius Ferrerius, S. Bernardinus Senensis, S. Laurentius Justinianus, S. Antonius, Alphonsus Tostatus, Dionysius Carthusianus, ex Sæc. XV. aliique plurimi Doctores nostri; & ad oculum patebit, quàm falso Confessionistæ ista nobis assignant.

Semper Ecclesia fidem summopere æstimavit, prædicavitque tanquam radicem & fundamentum justificationis: semper fidem prædicavit absolutè necessariam adultis ad salutem; sine qua impossibile est placere DEO. Semper mandata DEI præ traditionibus humanis habuit. Nunquam Doctores nostri dixerunt, nos per opera nostra mereri primam gratiam actualem, aut de condigno primam gratiam habitualement ac justificationem. Quòd autem homo jam justificatus per gratiam DEI sanctificantem, possit deinde per bona opera, cum adjutorio Divinæ gratiæ exercita, mereri augmentum gratiæ sanctificantis, est certa veritas, quæ ut antea dictum, non derogat meritis Christi, sed illa vel maximè commendat; cùm omne meritum nostrum fundetur in meritis & gratia Christi.

Quod autem ad traditiones spectat, magno selectu Ecclesia catholica illis utitur; neque enim quaslibet traditiones nobis commendat, sed eas, quæ sunt Divinæ, Apostolicæ & Ecclesiasticæ; quas qui contemnit, ipsam DEI vocem, per Apostolum nobis eas proponentem & commendantem, contemnit, totamque venerandam antiquitatem condemnat, prolixè hac de re tractavi speciali opusculo de Verbo DEI.

In VI. *de votis Monachorum* fusè invehuntur in vitam Monasticam ac Religiosam, contenduntque, vota esse irrita, eò quòd sint contra mandata DEI, quæ præcipiunt, ut propter fornicationem unusquisque suam uxorem habeat; melius enim esse nubere quàm uri. 1. Cor. 7.

115.
Vota.

Verùm mandatum universale & absolutum in verbis istis contineri, dici nullatenus potest; aliàs enim Apostolus apertè sibi ipsi contradixisset, utpote qui eodem capite septimo pluribus vitam cœlibem commendat, ac præfert conjugali: *qui matrimonio jungit virginem suam, bene facit, & qui non jungit, melius facit &c.*

Igitur S. Paulus respondet ad quæstionem, quam ipsi proposuerant Corinthiis, an conjugati possint uxorem suam retinere, & actum conjugalem exercere? ubi affirmativè respondet S. Doctor. Nam verbum *habeat*, ut ex quæstione proposita & subjecta materia, uti

etiam ex modo loquendi Scripturæ constat, hîc non significat *accipere uxorem*, seu nubere, sed jam legitimè nuptam sibi, *retinere*, & *pergere* in actibus conjugii. Quando verò dicit, melius esse nubere quàm uri, sensus est, quòd à voto & impedimento liberis melius sit nubere, quàm uri, hoc est, quàm tentationi carnis succumbere & fornicari aut adulterari. Hæc interpretatio, præterquam, quòd sit communis PP. & DD. optimè combinat hunc locum cum iis, quæ Apostolus in eodem capite adducit ad commendationem continentiae ac vitæ cœlibis. Plura de hac re vide *part. 5. ad Sæc. X. Art. 5.* & de antiquitate Status Monastici ad Sæc. IX. in fine.

Denique in VII. Articulo de *Potestate Ecclesiastica*, imprimis blandiuntur Principibus & Magistratibus laicis, dum Potestatem Ecclesiasticam restringunt; deinde lamentantur, quòd Episcopi condant traditiones contra Scripturam, relicta doctrina de fide, & de iustitia fidei: plures inductas esse ferias, jejunia, ceremonias novas, ordines novos institutos. Contra mandatum DEI peccatum collocari in cibis, diebus, & similibus rebus, onerari Ecclesiam servitute legis; quasi oporteat apud Christianos ad promerendam justificationem cultum esse similem Levitico. Hinc esse illa onera, quòd peccatum mortale sit, in feriis laborare manibus, quòd certi cibi polluant conscientiam, quòd peccatum mortale sit omittere horas Canonicas, quòd peccatum in casu reservato non possit remitti, nisi accesserit auctoritas reservantis. Quærunt deinde, unde habeant Episcopi jus illas traditiones imponendi Ecclesiis ad illaqueandas conscientias? cùm Petrus vetet jugum imponere Discipulis; cùm Paulus dicat, potestatem ipsis datam esse ad ædificationem non ad destructionem. Cur igitur augeant peccata per has traditiones, quæ sint contra Verbum DEI? retinendam doctrinam de libertate Christiana.

disciplina.

Verùm hæc omnia valde Lutherum redolent, eoque tendunt, ut excussa & protrita Ecclesiastica disciplina, & Ecclesiæ præceptis, frænum prorsus laxetur licentiæ, & sub specioso nomine Christianæ libertatis corruptæ mortalium naturæ indulgeatur, quidquid sensibus & ad malum proclivi genio blanditur; ut perruptis legum repagulis se effundat morum dissolutio, nullumque sit pratum, quod non pertranseat effrænis cupiditas.

Hinc casuum reservatio Potestati Ecclesiasticæ negatur, ut nullum tam grande sit scelus, quod non illico per solam fidem remissionem obtineat. De charitate, aliisque virtutibus altum apud ipsos silentium, quia sunt arduæ. Omnia ad nudam fidem referuntur, atque in hanc rem aliquos Scripturæ textus, aut malè intellectos, aut

Luthe-

Lutheri exemplo corruptos afferunt, neglectis iis Scripturæ locis, qui de spe, de charitate, aliisque virtutibus, loquuntur, ac si nunquam legissent, justificationem non minùs spei ac charitati tribui: *Spe enim salvi facti sumus* Rom. 8. *remittuntur ei peccata multa, quoniam dilexit multum*: cui autem minùs dimittitur, minùs diligit Luc. 7. Igitur sacræ litteræ nostram justificationem modò ad fidem, modò ad spem, modò ad charitatem, modò etiam ad virtutes morales referunt; quia scilicet juncta manu hominem ad justificationis gratiam præparant.

Abiiciuntur Ecclesiæ jejunia, exemplo Christi sanctificata, atque ad macerandum corpus rebelles subigendùmque comprimis opportuna. Abstinencia statis diebus ab esu carnis exploditur, ne lascivienti carni desit materia. Dies festi ad cultum Divinum introducti abrogantur, Status Religiosus despectui habetur, Horæ canonicæ carpuntur; quia hæc omnia difficultatem secum afferunt, molli doctrinæ novitiæ minùs accommodam. Salem nempe præferre decreverant, quo cupidam hominum turbam pecorum more philodoni isti attraherent.

§. 3.

Mendacia & fraudes Confessionistarum.

ATque ut hoc efficerent, plurimis falsitatibus confessionem suam infarferunt, ut Religionem nostram catholicam denigrent: 116.
Mendacia. quarum aliquas jam attulimus, aliquas adhuc subjungemus. Falsum est, quòd apud catholicos altissimum de fide fuerit silentium, & doctrina fidei diu jacue it ignota, quòd tantùm doctrina operum versata sit in Ecclesiis; quòd juxta nos homo possit humanis viribus & sine Christi gratia promereri justificationem; quòd catholici parùm docuerint de præceptis Decalogi, officiis & operibus, quæ in quavis vocatione DEO placent, sed tantùm urserint opera puerilia, ut certas ferias, jejuna &c. quòd catholici à Lutheranis admoniti hæc dediderint. Quòd non proposuerint ex Evangelio consolationem; quòd mandata DEI nullam laudem habuerint.

Falsum, quòd doctrina de confessione & pœnitentia à Lutheranis bene sit tractata. Quòd impossibilem peccatorum enumerationem exigamus. Quòd in Germania primùm ante 400. annos sacerdotes sint coacti ad coelibatum. Quòd sacerdotes capitalibus pœnis excrucientur contra Canonum voluntatem. Quòd Pius Papa dixerit, reddendum esse sacerdotibus conjugium. Mandato DEI præcipi sacerdotibus

tibus nuptias : eas prohibere esse doctrinam dæmoniorum. Catholicos dicere, Monasticam professionem longè meliorem esse baptismo, & quæ sunt alia adhuc multa ejusmodi mendacia.

fraudes.

Neque tantùm his scætet illa Confessio, sed etiam fraudibus. Nam præterquam, quòd rectè & versutè plura proponant, non quidem asserendo expressim, sed tacitè lectorem inducendo in falsas & odiosas de doctrina catholica persuasiones, multos sectæ suæ articulos dissimularunt, vel saltem secundùm suam Confessionem Augustanam non credunt, nec vivunt.

Nihil enim dicunt de principali suæ fidei Articulo, Papam esse Antichristum; nihil de purgatorio; nihil de precibus & suffragiis pro defunctis; nihil de cultu imaginum, & reliquiis Sanctorum; nihil de duobus tantùm vel tribus Sacramentis; nihil de absoluta impossibilitate servandi mandata; nihil de illa sua doctrina, Corpus Christi tunc solummodo esse in sacra hostia, quando actu sumitur. Hæc aliæque doctrinæ ac fidei suæ placita altùm silenti; unde facilè est colligere, imò palpare, quàm accuratus, quàm fidelis, quàm perfectus sit primarius Lutheranorum liber symbolicus, utpote ex tot falsitibus & fraudibus compactus.

Quid? istæ non tantùm patent legenti, sed ipsemet Lutherus illas ingenuè fassus est: nam epistolæ suæ anno 1530. die S. Augustini ad Melancthonem scriptæ, hæc verba inseruit: *Si vim evaserimus, pace obtenta, postea dolos, mendacia, ac lapsus nostros facilè emendabimus*; ut expressè testatur celeberrimus Lutheranus David Chytræus in Hist. August. Confess. Francofordiæ impressa anno 1578. Idem testatur alter Lutheranus Georgius Cœlestinus Tom. 3. Historiæ Comit. fol. 24. qui 4. voluminibus Historiam Comitiorum Augustanorum anni 1530. scripsit.

117.
variata.

Egregium enim verò sanctùmque fidei symbolum, ipso fatente & attestante Luthero, ex dolis, mendaciis & lapsibus contextum, quod pro certa fidei & conscientiæ regula servire debet!

Et utinam emendassent lapsus suos! at correctionis loco Confessio Augustana pluribus erroribus postea adhuc magis fuit deturpata atque corrupta, ut testatur Jacobus Marchio Badensis in motivis suæ conversionis à fol. 271. Selneccerus ait, multos scandalizari propter Confessionem toties & tantopere variatam. David Chytræus Lutheranus Professor integrum librum scripsit de Confessione Augustana variata & depravata anno 1599. Videatur præsertim fol. 771. Andreas Musculus, unus ex triariis Lutheranorum fatetur, Confessionem Augustanam duodecies fuisse mutatam. Jacobus Andreæ, sive Schmid-

linus

linus, faber libri Concordiæ, ait, Naumburgi nullum exemplar cum altero concordasse, ut legere est in colloquio Herzbergenfi fol. 92. ut adeò mirum non sit, Laurentium Forerum ex 20. exemplaribus Augustanæ Confessionis (aut potius confusionis) nullum alteri simile invenisse. Et tamen, quod insignis impudentiæ est, omnes istas Augustanas Confessiones sibi ipsis adeò dissimiles non mutatas prædicant. Nec crimine falsi se teneri existimant, licet ipsi fronti Confessionis passim mutatae ac corruptae inscribant ungeänderte Augspurgische Confession. Hoc est: *invariata Augustana Confessio*. Leopoldus à Kolonitsch in libro, cui titulus *Augustana & Anti-Augustana Confessio* quatuor editiones, in Bibliotheca Cæsarea asservatas, in quatuor columnis uno intuitu conspiciendas proposuit, ut ad oculum pateat, quantum à se invicem discrepent. Et tamen singulae se jactant pro invariatis & authenticis, estne autem hoc Verbum DEI, toties mutatum, variatum, correctum, corruptum, sibi ipsi adeò dissimile, contrarium? profectò non confessio sed confusio melius vocanda. Verbum DEI manet in æternum.

Jam ipsa prima duo exemplaria, quorum unum lingua latina, alterum germanica scriptum Carolo V. Augustæ offerebantur, sibi ipsis erant discordia; ut comparanti Articulum octavum, nonum, duodecimum, vigesimum primum &c. patet.

In ipsis etiam Comitibus Augustanis tota ferme Confessio rursus eversa fuit, dum selectis utrinque septem viris in colloquio 16. Augusti habito Lutherani ferme in omnibus ad Romanam accesserunt Ecclesiam, ut videre est in epistola à Melanchtone ad legatum Pontificis scripta, quam Coelestinus Lutheranus in Historia sua recenset.

In hac epistola scribit inter alia Melanchton: *Dogma nullum habemus diversum à Romana Ecclesia - - Parati sumus obedire Romanæ Ecclesiæ, modò illa pro sua Clementia, qua semper erga omnes homines usa est, parva quædam dissimulet vel relaxet - - Adhuc Romani Pontificis auctoritatem & universam politiam Ecclesiasticam reverenter colimus, modò non abiiciat nos Romanus Pontifex - - - levis quædam dissimilitudo rituum est, quæ videtur obsistere posse concordia; sed ipsi Canones fatentur, concordiam Ecclesiæ in hujusmodi rituum dissimilitudine retineri posse.*

contraria
sibi.

Et nominatim admiserunt eo in colloquio in quarto articulo, ne amplius diceretur, nos justos reddi per solam fidem, quòd hoc effectum in sacris litteris non reperiatur, sed: per fidem & per gratiam. In 6. necesse esse, ut bona opera, quæ DEUS præcipit, efficiamus. In 7. in Ecclesia non solum esse electos ad Gloriam, sed etiam præ-

scitos æternum puniendos. In 18. inesse homini liberum arbitrium, tametsi nequeat absque Divina gratia justitiam assequi. In 21. Cæ-
lites pro nobis DEum deprecari. In 22. Christum integrum secundum
corpus & sanguinem sub utralibet specie contineri. In 26. admiscere
Ecclesiæ jejunia. In 28. comprobarentur Episcoporum jurisdictionem.
Videatur Pallavicinus in Hist. Concil. Trid. l. 3. c. 4. n. 4.

Interfuerunt autem huic colloquio utrinque duo Principes, duo
Jurisconsulti & tres Theologi, videlicet ex parte Catholica Christo-
phorus Episcopus Augustanus, Henricus Dux Brunsvicensis (cui obeunti
suffectus Georgius Dux Saxonix) duo Cancellarii, alter Colonienfis,
alter Badensis. Ex Theologis Eckius, Wimpina, & Cochläus. Ex
parte Lutherana Joannes Fridericus Saxonix Electoris filius, Geor-
gius Marchio Brandenburgicus, Pontanus & Hellerus legumperiti, ex
Theologis Melanchton, Brentius & Schnepfius.

Licet autem ab his Lutheranorum primipilis in hoc Augustano
colloquio Confessio ipsorum Augustana, paulo antè Cæsari oblata,
penitus ferme everteretur, quia tamen conjugium sacerdotum, &
communione sub utraque specie, dimittere nolebant, Cæsar ean-
dem condemnavit, prout Melanchton l. 1. epist. ad Joannem Oben-
burgurum Imperatoris Secretarium scripsit: *in Comitibus Augustanis
tripsi & atroci sententia damnati sumus.*

§. 4.

Edictum Imperiale.

118. **P**Atetque ex edicto, quod Cæsar coram Imperii Ordinibus pro-
mulgavit, atque apud Sleidanum lib. 7. ad an. 1530. & Geor-
gium Cœlestinum exaratum exstat, ac sic habet:

Quinto post die, præsentè Cæsare, decretum recitatur in om-
nium Ordinum cœtu, & post multam enumerationem totius actio-
nis, Cæsar statuit, ne tolerentur, qui de Cœna Domini, secus,
quam huc usque servatum sit, docent. Ne quid in Missis, vel com-
muni vel privata mutetur. Chrismate pueri confirmentur, & ægro-
tantes oleo consecrato inungantur. Imagines atque statuæ minimè
removeantur, & quibus locis ablatae sunt, restituantur.

Eorum opinio, qui liberum negant arbitrium, nequaquam reci-
piatur. Nihil omnino doceatur, quod ulla ratione Magistratum im-
minuere possit dignitatem. Dogma illud de sola fide justificante lo-
cum non habeat. Ecclesiæ sacramenta sint eo loco & numero, quo
anti-

antiquitus. Ceremoniæ omnes Ecclesiæ, ritus, exequiæ mortuorum, & id genus alia ferventur. Sacerdotia, quæ vacant, conferantur idoneis. Sacerdotes vel Ecclesiastici, qui antè hoc tempus facti sunt mariti, priventur Beneficiis, quæ statim ab hoc conventu conferantur aliis &c. Sacerdotum vita sit omnis honesta, vestitus etiam decorus, & vitetur omnis offensio.

Si quibus in locis Ecclesiastici redacti sint ad aliquam iniquam conditionem atque pactum, si quid etiam bonorum sacrorum iniqua ratione venditum sit, aut in alium usum profanum applicatum, id omne sit irritum. Ad docendi munus nemo recipiatur, nisi qui doctrinæ simul & vitæ probatum habeat ab Episcopo testimonium.

In docendo sequantur omnes hanc præsentem formulam &c. temperent à scomatis atque contumeliis. Hortentur populum, ut Missam audiat, ut diligenter oret, ut Virginem Mariam ceterosque Divos imploret, ut dies festos peragat, ut jejundet, ut à cibis vetitis abstineat, ut subveniat egenis. Monachis autem demonstrent, non licere professionem ac Ordinem deserere.

Breviter: in iis, quæ pertinent ad fidem & DEI cultum, nihil quidquam immutetur. Qui contra fecerint, corporis, vitæ suæ ac bonorum discrimen subeant. Quidquid ablatum est Ecclesiasticis, restituatur. Quibus in locis domicilia Monachorum, & id genus alia ædificia sacra diruta sunt, reædificentur, in iisque ceremoniæ fiant atque ritus usitati. Qui sunt in adversariæ partis finibus antiquæ Religionis atque fidei sectatores, & hoc decretum approbant, in Imperii tutelam recipientur, eisque licebit, quò volent, emigrare, nullo cum detrimento.

De Concilio Pontifex appellabitur, ut intra sextum mensem illud ad locum aliquem idoneum indicat, ut deinde primo quoque tempore, & ad summum intra spatium anni fiat ejus initium. Hæc omnia rata sint atque firma. Et siquæ sunt oppositæ, vel opponuntur etiam, exceptiones, aut appellationes, locum nullum habeant. Ut verò decretum hoc valeat & servetur, quantum quidem ad fidem & religionem pertinet, quidquid omnino virium atque facultatis, concessit DEus, id omne, vita etiam atque sanguis, huc impendetur &c. In cameræ judicium nemo admittatur, nisi qui hoc decretum de religione factum approbârit: alioqui removeatur loco.

Subscripserunt huic edicto ipse Carolus V. Imperator, sex Electores Imperii, omnes videlicet, excepto Saxone, triginta Principes Ecclesiastici, triginta tres sæculares Principes, viginti duo Abbates, triginta

triginta duo Comites & Barones, & triginta novem civitates Imperiales.

Contra verò Confessioni Augustanæ Cæsari oblatae subscripserant tantum unus Elector, nempe Saxo, quatuor Principes sæculares, videlicet Georgius Marchio Brandenburgicus Onolsbacensis lineæ, Ernestus Dux Lüneburgensis, Philippus Landgravius Hassiæ, Wolfgangus Princeps Anhaltinus, cum duabus civitatibus, Norimberga & Reutlinga.

Argentina, Constantia, Meminga, & Lindavium Zwinglianam Confessionem in his Comitibus offerebant, Christi præsentiam in Eucharistia absolutè negantem. Verum hæc ab omnibus Ordinibus, etiam Lutheranis rejecta fuit.

ARTICULUS VII.

Historica Relatio de Statu Imperii ab anno 1530.
ad annum 1540.

Finitis Comitibus Augustanis, factoque, quem diximus, *Recessu Imperii*, quo rejecta fuit Confessio Augustana, Protestantes eodem adhuc anno *Smalcaldicum fœdus* cuderunt adversus Catholicos. Hassus insuper peculiare fœdus iniiit cum Tigurinis, Basiliensibus, & Argentinensibus, licet Sacramentariis.

119.
Rex Rom. Anno 1531. Cæsar indixit *Comitia Coloniam*, ubi ejus commendatione Ferdinandus Archidux electus fuit in Regem Romanorum, protestante Joanne Electore Saxonie, & aliis quibusdam Principibus, Smalcaldici præsertim fœderis sociis, ipsum etiam Cæsarem postea hujus consilii poenituisse visum est, cum filium suum Philippum sufficere cogitaret.

Suspensio
edicti. Carolo anno 1532. in Hispaniam regresso, Ferdinandus Rex in *Comitiis Ratisbonensibus*, ut auxilio adversus Turcas, Hungariam devastantes, & Austriæ jam imminentes, obtineret, concessit, ne religionis causa cuiquam molestia inferatur ante Concilii definitionem, suspensis interea edictis Wormatiensi & Augustano. Hoc *mandatum Ratisbonense* Protestantes appellarunt *primam pacem religiosam*. (idem statutum in transactione Norimbergensi per Intercessores Moguntinum & Palatinum facta.)

Comparuit etiam in his Comitibus legatus Sigismundi Regis Poloniae, cui nuper Albertus Brandenburgicus Ordinis Teutonici Magister, à Religione ac fide desciscens, in clientelam se dederat, Dux Borussiae ab eo creatus, ac propterea à Camera Imperiali urgente Ordine Teutonico proscriptus, protestante Sigismundo, Borussiam ad Poloniam spectare causante, at contra excipiente Cronbergio, novo Ordinis Magistro, & executionem proscriptionis urgente.

Borussia.

Hoc anno Solymannus erumpens Lincium usque vastabat Austriam. At cum Carolus collecto ad Viennam exercitu ei obviam processit, terrore perculsus retrocessit, bellum in Persas conversurus. Cæsar verò in Italiam abiit, de convocando Concilio cum Pontifice consulturus. Prodierunt hoc anno Caroli V. *Leges Capitales* seu *pænales constitutiones* ducentæ decem ac novem; quo numero apud Goldastum sunt annotatæ, atque in totidem capita divisæ.

Pænales
Leges.

Annus 1533. legationibus ad Smalcaldicos foederatos à Pontifice & Cæsare directis consumptus. Agnitus tandem à Protestantibus & Bavariae Ducibus Guilielmo & Ludovico fratribus Ferdinandus Rex Romanorum. Decretum à Pontifice Concilium, Bononiae, aut Placentiae, aut Mantuæ, urbe Imperiali celebrandum.

Verum mox apparuit, Protestantes videri tantum voluisse Concilium postulare; re ipsa enim nihil magis refugiebant. Unde tales conditiones apposuerunt, quas iniri à Pontifice non posse facile perspiciebant, modum formamque in Ecclesia inauditam præscribentes. Emortua fuit hoc anno Marchionum Montisferrati in Italia familia in Joanne Georgio, atque ad Fridericum II. Gonzagam Mantuæ Ducem translatus est Marchionatus, qui neptem Georgii habebat conjugem. In Germania Cæsar foederi Suevico finem imposuit. Quo obice, ne vis inferretur, submoto, varii tumultus orti sunt; nam

Secutum est mox *bellum Wirtembergense*; cujus causam supra exposui. Ducatum videlicet Wirtembergensem Suevici foederis focii Ulrico Duci ereptum Carolo V. vendiderant; qui eundem in divisione provinciarum Ferdinando fratri cessit. Egerrimè Ducis propinquus exilium habuit Philippum Hassiæ Landgravium. Quare, ut eundem restituat, ad Regem Franciscum in Galliam abiit, eique pro certa pecuniæ summa comitatum Montisbellicardum nomine Ulrici oppignoravit, ea lege (teste Sleidano ad an. 1534.) ut, si intra triennium eundem non luat, Regno Galliae cedat.

102.
Bellum
Wirtem-
berg.

Sic comparatus Landgravius militem conscribit, atque, Ferdinando frustra ad juris ordinem & Imperii leges provocante, contra

pacem publicam, contráque edictum Ratisbonense in agrum Wirtembergensem irruit, cæsisque Regis copiis Ducatum occupat, eúmque Ulrico restituit. Tandémque pax Cadani in Bohemia convenit ea lege, ut Ulricus ejúsque masculi hæredes sint Austriæ Beneficiarii, extinctáque familia Wirtembergica Austriaci regionem illam obtineant. (anno 1534.) Gallis vertente anno restituta pecunia.

Anabapti-
stæ.

Sub idem tempus Anabaptistæ Monasterium Westphaliæ urbem occupârunt, abrogatóque Magistratu Joannem Leidensem, antea factorem, regem creant, totiúsque orbis dominium sibi vendicant. Polygamiam omniúmque communionem prædicant, atque Lutheri exemplo ad sacram Scripturam identidem provocant. Et, quod mireris, turbam per Germaniam & Belgium sequacem hi sycophantæ sunt nacti. Post acerrimam oppugnationem urbs tandem ab Episcopo Monasteriensi, Imperialibus copiis adjuto, fuit expugnata; atque Rex Monasteriensis cum aula sua pœnæ commeritæ subiectus.

121.
Expeditio
Africana.

Annus 1535. gemina re memorabilis, Cæsaris expeditionem in Africam, & obitum Francisci Sfortiæ vidit. Siquidem *Muleasses* Rex Tunetanus, à Barbarossa Algerii Rege, Solymanni Architalasso, atque atrocissimo pirata, regno pulsus à Carolo V. auxilia petiit. Is miseratus fortem asperam Regis exulis, & alioquin haud æquis oculis Tunetum in Turcarum manibus aspiciens, Barcinone in Africam cum classe profectus, primò quidem Goletam, munitam admodum arcem, vi cœpit, ac Barbarossam Tunetum fugere compulit, quam urbem mox obsedit, ac Christianorum captivorum ope expugnavit. Tunetum direptioni militum concessum, in libertatem asserta viginti Christianorum millia, Muleasses regno restitutus, sub conditione annui tributi. Postea à filio visu, ab Hispanis opibus privatus, à Cæsare obtinuit, ut in Sicilia publicis sumptibus aleretur, Rex mendicus. Barbarossa Hipponem, ac inde Algerium fuga arrepta, ac classe ibi refecta, Minorem Balearem vastavit, cum pluribus aliis oris maritimis; & tanquam re bene gesta Constantinopoli exceptus est. Cæsar autem Neapoli verum triumphum egit de Africana victoria, & exule rege restituto.

Bellum
propter
Mediol.

Obitus *Francisci Sfortiæ* Ducis Mediolanensis, absque prole defuncti, novo bello occasionem dedit. Nam Rex Franciscus proavæ suæ Valentiniæ hæreditatem sibi deberi ratus, Carolo III. Sabaudia Duce, qui expeditionem Italicam impedire nitebatur, ditionibus suis spoliato, in Insubriam irrupit. At Cæsar ea tanquam feudo vacante sibi & Imperio vindicata fortiter obstitit, simulque in Provinciam expeditionem suscepit; quæ tamen tentata potius, quàm fructum suum el

con

consecuta, Gallo terram propriam devastante, ut inedia hostem perimeret. Ardebat etiam bellum in Belgio, ubi Gallus Flandriam & Artesiam prætendebat. Sed præter mutuam oppidorum quorundam direptionem nihil admodum actum. Intercessit tandem Paulus III. Pontifex, atque Niceam profectus inter duos istos summos Christianos Principes, cum pacem non posset, inducias decennales composuit, manente Cæsare in possessione Insubriæ, ac filium suum Philippum inaugurante.

In Germania Vergerius legatus Pauli III. Pontificis cum Agitur de Saxone aliisque Smalcaldici foederis fociis de Concilio congregando frustra egit; cum nihil præter despectum & probra in Papam ejusque curiam reportarit, nihilominus Pontifex Concilium Mantuam indicit. Atque curiam suam reformaturus, præstantes in eam rem integerrimosque viros creavit Cardinales, Simonetam, Caraffam, Contarenum, Polum, Sadoletum &c. (an. 1536.) Cardinales isti cum aliquot Episcopis in abusus, qui irreperant, inquisierunt, & quid circa disciplinam reformandum videatur, exponunt Pontifici. Qui ad eam emendationem animum curamque intendit. Cum Protestantes audissent, indictum à Papa Mantuam Concilium, atque ad illud fuissent invitati, conventum ipsi Smalcaldiam indixerunt, accersito etiam Luthero cum Melanchtone, Bucero, Osiandro, aliisque multis, novi Evangelii Præconibus, qui novam ibi Confessionem cudunt, Augustanæ prorsus contrariam. Ibi dicebant, se in nullo fidei Articulo dissentire à Catholica ac Romana Ecclesia; totam dissensionem esse de paucis quibus Lutherani dam abutibus. Hic verò dicunt, certamen esse non de levibus er-
detrectant.
ratis, sed de doctrina fidei, deque vera DEI cognitione; extinctum fuisse hoc dogma, vitæ Christianæ & sinceri cultus præcipuum caput, novamque doctrinam invecram, magna cum Christi contumelia. Multos præterea reprehendi errores, impiósque cultus. Pontificem esse partem accusatam, non judicem; reum illum agi de idololatria & hæresi. Contra illum proin celebrandum Concilium, & quidem in Germania. (Sleidanus *ad ann. 1537.*)

Alexander Medicæus Caroli V. gener Dux Florentiæ interemptus à Laurentio Medicæo propinquo suo. Qui fugitivus miserè per-
122.
riit. Margaritha, Cæsaris filia, quæ Alexandro marito Ducatum Flo-
Ducatus
rentinum pepererat, nuptui tradita Octavio Farnesio, Pauli III. ne-
Parmensis.
poti, Ducatum Parmensem & Placentinum Domui Farnesiæ intulit, acsi non tantum Alexandri Farnesii, herois incomparabilis, sed etiam Ducatum mater esset. Nec multum tunc disputatum, an dominium directum penes avum mariti aut patrem uxoris esset.

Annum 1538. nobilem fecit familiaris congressus Caroli V. & Francisci I. pactæque in decennium induciæ; quæ tamen ultra quadriennium non durârunt.

**Mors
Georgii.**

Rei Catholicæ magnum vulnus anno 1539. inflixit mors Georgii Ducis Saxonix, ferventissimi Ecclesiæ defensoris, quem Lutherus propterea probis petulantissimis onerârat. Hæredem scripsit Henricum fratrem, Mauritiū & Augusti parentem, Lutheranum, ea tamen lege, ut in Religione nihil mutetur, secus si fecerit, Cæsarem ac Ferdinandum Regem à se substitui. Verum eo defuncto nihil servatum, accitus Lutherus Lipsiam, & brevi admodum temporis spatio tota M. Inia perversa fuit; quam Dux Georgius eò usque severè in officio continuit.

**Sacrum
fœdus.**

Cùmque aliàs etiam plures identidem provinciæ deficerent, & fœdus Smalcaldicum augerent, passimque bona Ecclesiastica invaderent, Moguntinus, Salisburgensis, Duces Bavarix, Henricus Brunsvicensis, aliique Catholici Principes inter se & ipsi pro defensione rei Catholicæ unionem Norimbergæ inierunt, quam *sacrum fœdus* nuncupârunt.

Gandavum.

Cùm anno 1539. *Gandavenses*, communia tributa detrectantes, seditionem moverent, prout sæpius antea fecerant, Carolus Cæsar per mediam Galliam ad eos compescendos profectus, auctorum aliis capite plexis, aliis proscriptis, civitatem, ademptis privilegiis, ad officium revocavit; atque, ne deinceps in Principes suos ampliùs infurgeret, arce exstructa & praesidio imposito, coercuit.

**123.
Postulata**

Habitus conventus Francofordiæ, in quo Protestantes rursus pro concedenda religionis libertate instabant, atque postulabant, ut Cæsar Augustanæ Confessionis sociis indulgeat inducias 15. mensium. Interea religionis causa nemini facessatur negotium. Pacificatio Norimbergensis & edictum Ratisbonense interim rata maneant. Forenses actiones Protestantibus intentatæ, & proscriptio Mindensis, sint suspensæ. Si quid contra fiat, sit irritum. In neutrum fœdus interim plures recipiantur. Ecclesiasticis, ubicunque habitent, Protestantes census suos annuos permittant. Utriusque Religionis Theologi Norimbergæ conveniant, ac placidè & amicè conferant.

**à Cæsare
rejecta.**

Conventionem istam Cæsar ratam habere noluit, quia indignum existimabat, imò etiam (seclusa maxima necessitate) illicitum, permittere, ut vera Religione Catholica abjecta, quam Majores jam inde à prima sua ad Christianam fidem conversione puram semper atque illibatam conservârunt, novi ritus, novæque, in Ecclesia eò usque inaudita, dogmata inducerentur, piæ fundationes ac bona Ecclesiastica diripiantur, ac Germania, natio omnium fortissima ac potentissima, in partes adversas scissa, à se ipsa enervetur.

Et quoniam his annis in omnibus ferme conventibus Protestantes vehementer urgebant, ut religionis libertas sibi concedatur, & absque ea concessione subsidia in bellum Turcicum, aliæque communia Imperii onera negabant, quin etiam in privata irent fœdera, ut armis extorquerent, quod pace non possent, contra verò Carolus Cæsar, Ferdinandus Rex atque Ordines Catholici universim religioni sibi ducerent permittere, ut tantum Religioni vulnus infligatur, ac propterea, quantum poterant, se opponebant, juvat in hanc rem aliqua differere pro defensione Principum Catholicorum, quos scriptores Protestantes hodiedum perquam frequenter reprehendunt, & læsi Divini humanique juris reos agunt, quod religionis libertatem negaverint.

ARTICULUS VIII.

Dissertatio : An Religionis libertas jure fuerit negata ?

§. I.

Argumenta Theologica contra libertinos.

ANtequam Protestantes firmum in Germania pedem fixerant, Lutheri disciplina eruditi nihil magis ingeminabant, quàm Religionis libertatem : omnes Christianos esse liberos ; religionem extra humanum imperium esse positam : tyrannidem esse in conscientias velle dominari ; fidem in mente esse reconditam, de hac uni DEO cordium scrutatori reddendam esse rationem, Christum ipsum religionem cuius reliquisse liberam, dum dixit : *finite utraque crescere, oportet esse hæreses*. Ipso etiam jure naturæ & gentium cuilibet permisum, ut eligat, quæ sibi bona videntur, & reiiciat, quæ mala apparent. Suo cuique standum judicio ; conscientia suæ dictamini cuius parendum, non humano imperio, quod in actus mentis internos nullam vim habeat, sed externa jurisdictione ad conservandam publicam tranquillitatem definiatur. In statu juris naturæ quemlibet coluisse DEum modo sibi placito, proin etiamnum id permittendum ; non enim placere DEO extortum obsequium.

124.
Argumenta
ta liberti-
norum.

Nullum esse in mundo populum, in populo civem, qui non judicet, veram esse suam religionem, falsamque contrariam : si ergo oporteret contrariam excindere, actum fore de pace & tranquillitate publica, totumque orbem perpetuis implendum bellis. Contra verò omnia esse tranquilla, si religio cujusvis permittatur arbitrio. Vastissimum ac potentissimum esse Turcarum Imperium, quod va-

rias sectas toleret: florentissimas Belgii Fœderati provincias, quamvis pluribus sectis permixtas: ipsam Germaniam non antè fuisse pacatam, quàm per pacem Religiosam & Westphalicam libertas fuerit induc̃ta.

Adhæc quæstuosa commercia, artes, ac disciplinas tum maximè florere, cùm omnibus cujuscunque Nationis & Religionis hominibus promiscuus conceditur aditus. Denique aliqui addunt, neminem alterius religionem damnare debere; quemlibet in sua salvari posse: sufficere in DEum credere, & Christum, dicente ipso Domino: *Hæc est vita æterna, ut cognoscant te solum verum DEum, & quem misisti, Jesum Christum.* Joan. 17. nam, *qui crediderit, & baptizatus fuerit, salvus erit.* Marc. 16.

Ad summum illa esse credenda, quæ in Symbolo Apostolorum continentur, reliqua, quæ inter catholicos & acatholicos sunt controversa, ad salutem esse indifferentia; ac proin credi vel non credi posse pro lubitu. Si enim DEus illa voluisset credi, clariùs in Scripturis revelaturum fuisse, ac omne dubium exempturum. Quare propter dissensionem non reiiciendam partem alteram, sed Christiana charitate tolerandam. Etiam in primitiva Ecclesia fuisse dissensiones, inter ipsos adedò Apostolos Petrum & Paulum, sanctòsque Patres. In ipsa etiam Ecclesia Catholica multas esse dissensiones, nec constare satis, quinam Articuli sint necessarii ad salutem. Sufficere proin Articulos fundamentales credere. Reliqua tanquam adiaphora cujuslibet arbitrio relinquenda.

Ita enimvero multi pseudopolitici, indifferentistæ, ac libertini, nullius religionis homines, terræ filii, humanis rationibus cuncta metientes, & arctam salutis æternæ semitam in immensum laxantes.

125.
Confu-
tantur.

Verùm hæc argumenta, quantumvis speciosa auctoribus suis videantur, nullius tamen ea roboris esse fateri debent ipsi etiam Confessionistæ, omnésque Lutheri, & Calvini asseclæ. Si enim quid probarent, evincerent planè nimium, quòd neque ab ipsis concedi potest. Inducerent siquidem plenam licentiam cujuscunque hæresis, etiam Arianæ, Nestorianæ, Eutychianæ, Donatianæ, Pelagianæ, Manichææ, Priscillianæ, Anabaptisticæ, sectarumque omnium coluviem, imò libertatem Mahometismi, Ethnicismi, Indifferentismi, plenique Libertinismi, quin & Atheismi.

Si enim jura naturæ cuilibet volunt religionem esse liberam, si illa extra humanum imperium est posita, si cujusque arbitrio relinquenda, si tyrannis est religionem præscribere, si credere cuique licet, quod lubet, si ea libertas ad florem commerciorum, atque ad rationem status est necessaria, profectò nulla ampliùs erit hæresis, nulla secta, quæ civitate non sit donanda,

Si

Si quilibet quoad fidem suo permittendus arbitrio, cur Lutherani in pace Religiosa excluderunt Calvinistas, Zwinglianos &c. Cur Protestantes in pace Westphalica omnes Religiones ex Imperio proscriptas voluerunt, præter Catholicam, Lutheranam & Calvinianam? Cur Catholicis religionis exercitium negant in provinciis suis, etiam illis, in quibus Princeps est Catholicus? Ad quid tot proscriptiones, tot feralia edicta? ad quid tot compedes, carceres, catastæ, equulei, patibula, enses, ignes, rotæ, quibus tot innocuos sacerdotes catholicos immaniter vexarunt, torserunt, occiderunt, in Anglia, Gallia, Belgio, Germania, Suecia? Cur Servetus, Gentilis, Anabaptistæ &c. religionis libertatem morte luerunt?

Solvite hîc vestra argumenta autonomicæ libertatis Patroni, vindicate vestra jura naturæ, pronunciate: sed videte, ne in vos ipsos feratis sententiam.

Conditus est à DEO orbis terrarum ad honorem, ad cultum, ad gloriam suam. Nec aliter condi potuit. Finis hic est ultimus atque intrinsecus humani generis. Sive igitur considerentur homines seorsim extra alterius potestatem viventes, sive in cœtum quendam & communitatem coadunati, ad eum finem tendant necesse est. Beatæ proin esse non possunt humanæ per orbem Respublicæ, nisi ad hunc finem bene sint comparatæ. Huc collimant, huc dirigunt sacrosancta naturæ jura; quæ aliud non sunt, quàm leges Divinæ necessariæ, quibus tum homines singuli, tum omnes universim societates adstringuntur vinculo, nunquam solubili, ad cultum Numinis.

Ex quo sanè consequitur, Principes ac Reges, DEI velut Vicarios, humanis rebus esse præpositos, ut commissos sibi populos regant ad æternas summi Imperantis leges, ac proin non politica duntaxat gubernatione ad publicam tranquillitatem dirigant, sed ad verum etiam Numinis cultum adstringant: hoc enim & recta, mortaliū animis insita, ratio persuadet, & sine eo consistere non potest humanorum cœtum felicitas, quam curare ac tueri tenentur Principes.

At verò cultus iste Dei nequaquam est arbitrarius, sed esse debet placitus dominantium Domino, conformis videlicet, Sanctissimis ejus legibus, iisque non tantum naturalibus, quæ naturâ suâ bona præcipiunt, ut adorare supremum omnium Dominum, ac vetant ea, quæ ex se ipsis sunt maligna, uti blasphemiam, Dei despectum, sacrorum contemptum, sed iis etiam, quas *positivas* dicimus, atque libero Dei beneplacito sunt latæ; prout sunt illæ, quæ in novo Testamento sacramentorum necessitatem, administrationem usumque definiunt.

126.
Argumen-
ta Theolo-
gica.

Ædificavit videlicet Dominus noster IESUS Christus suam in terris Ecclesiam, quam certa ac definita fidei morumque doctrina constituit. Una hæc est arca, extra quam nulla salus. Hanc omnes oportet ingredi, ejusque legibus, à fundatore ipso IESU Christo præscriptis, vivere. Hic unus cultus est, qui Deo placet: hæc una Religio, quam Christus præcipit. Summo huic Imperanti obediat necesse est humanum genus, hæc una mortalium vera felicitas, sine qua bene constituta esse non potest Respublica, utpote ad finem suum ultimum, ad conditorem videlicet suum, Optimum Maximum, non bene comparata.

127.
Principis
obligatio.

Cùm igitur Princeps, vi suæ potestatis, à Deo concreditæ, te-
neatur veram felicitatem subiecti sibi populi, quoad fieri potest, pro-
curare, prohibendo blasphemias, superstitionem, idololatriam, hæ-
reses, aliæque scelera, adversus Deum, creaturæ rationalis finem ul-
timum, insurgentia, præcipiendo contra, ut summo Imperanti om-
nes morem gerant, veram Christi Ecclesiam ingrediantur, illius reli-
gionem, doctrinam fidei, morumque disciplinam, ab ipso præscri-
ptam ac promulgatam, sequantur, cùm sine istis vera felicitas ratio-
nalis Reipublicæ non possit subsistere, & Principis sit secundum Dei,
summi Imperantis, mandata populos regere; sequitur dilucidè, eos,
qui humanis cœtibus præsunt, obligatos esse, unam ac veram Christi
Ecclesiam protegere, hostes illius coercere, contraria dogmata, à
Deo vetita, vetare, in subditis suis veram Religionem ac Christi
fidem conservare, & Evangelici illius patrisfamilias exemplo intrare
renitentes compellere.

Neque propterea humanum arbitrium se læsum potest conqueri:
felix enim necessitas; quæ ad meliora compellit; quæ gladium eri-
pit, ne te ipsum ferias; quæ foveam occludit, ne præceps eas; quæ
aberrantem in salutis æternæ reducit semitam, quæ etiam reluctan-
tem Divinis mandatis subijcit, ut sis beatus. Profectò alias plenæ
scelerum licentiæ aperiendus aditus, ne lædatur arbitrium, laxan-
dum frænum lascivientibus ingeniis, indulgendum facinorosis homini-
bus, ut, quod lubet, liceat; frustra Princeps portaret gladium; nullus
scelerum vindex, nulla Dei injuriæ opponenda auctoritas.

Quis non videt, quàm malè comparata esset Respublica, in qua
hæc ethica haberet locum. Et, si Magistratibus vindicanda est in-
juria, homini illata, quantò magis Deo irrogata? Quid autem cum
Dei contemptu atque injuria conjunctius, quàm deserta Christi mili-
tia, ejusdem hostis castra sequi, repudiare Christi Ecclesiam, abji-
cere veram fidem, ut orco obtemperes?

§. 2.

Argumenta Politica contra Libertinos.

Altioribus ex principiis argumentum repetivimus hætenus, atque Rempublicam ad Deum omnium auctorem retulimus, quæ felix esse non possit, nisi per sincerum verumque Dei cultum, nobis omnibus præscriptum, ad finem suum ultimum bene se habeat. Officium proin esse Principis, eum cultum religionemque protegere, nec permittere, ut in provincias potestati suæ subjectas alius, Deo ac veræ Religioni contrarius, inducatur.

Jam verò si humanos per orbem cœtus etiam nudè secundum 128.
meras rationes politicas spectemus, communis Reipublicæ felicitas Argumen-
nihilominus exigit, ut Princeps invigilet, nec ulla falsæ religionis lo- ta politica,
lia in agro suo sinat succrescere. Non enim hic solus agitur honor
cultusque Dei, eaque salus communitatum, quæ ex recta habitudi-
ne ad Deum, finem ultimum ac necessarium omnis rationalis Rei-
publicæ, confurgit. Sed agitur etiam pax, tranquillitas, socialis
amor, amicitia, candidaque civis cum cive agendi sinceritas.

Ita enim ego statuendum existimo: tum demum floret commu-
nitas, cum hæc civilis ac locutæ vitæ studia amœno usu in praxin
eunt, cum viget alma pax, concordia, charitas; animorum con-
sensus: cum cives, velut unius corporis membra, se mutuis colunt
officiis, si caput suum amant, si ei succurrant, obtemperant, ac fi-
deli obsequio famulentur; si nullis partium studiis abstracti publici
potius emolumenti, quam privati rationem habent, si conjunctis
animis & viribus Principem ducem sequantur, ubi vis hostilis in-
gredit.

Ain verò, ubi hæc Reipublicæ decora & ornamenta certius spe-
rari possunt, an in populo labii unius, unius religionis ac fidei, in
quo omnes ejusdem matris Ecclesiæ filii unam velut familiam con-
stituunt? an verò in gente quoad præcipuam partem, sacra nempe,
cultum Dei & religionem discorde? ubi non tantum fidei, rituum,
ceremoniarum, feriarum, in civilem etiam vitam redundans con-
fusio: ubi unus clamat, ego sum Pauli, alter Zephæ, tertius Apollo,
certè, sacra attestante Pagina omne regnum, in se ipso divisum, de-
solabitur.

Utinam hoc non docuisset nimium frequens experientia! heu! 129.
quod funesta ab omni retro mundi ætate exempla sunt præstò! Ab exem-
ties plo.

ties electus ille Dei populus ad spurios cultus desciverat, poena à tergo illico sequente, hostibus in prædam datus est, nec ab eis liberatus, nisi ubi ad veram religionem reversus fuerat. Stetit Ierosolyma, quamdiu religio stetit.

Quot turbas, motus, seditiones non tantum in Ecclesia, sed etiam in Republica excitârunt Arianæ illæ, Donatianæ, Nestorianæ, Eutychianæ, Albigenes, Hussiticae procellæ!

Sed quid vetustiora commemoro? habet hoc, de quo loquimur, Sæculum XVI. quo memor cohorreat animus. Neque Scoticas aut Anglicas tragœdias exhibeo, Regali etiam sanguine, & exilio funestas. Vix error, à Christi fide devius in florentissima illa regna irruperat, heu! quæ mox rerum facies! quot tumultus, quot armatæ acies non solummodo in propria Regnorum viscera, sed Regum etiam capita grassantes! Taceo Belgium, tot cladibus attritum, & civium sanguine ferme demersum; Galliam fileo, per furores Hugonoticos propemodum deletam; Helvetiam domestico cruore toties redundantem.

Unam aspiciite Germaniam, florentem olim in pace, tranquillam domi, formidandam foris, sub Cæsarum tutela, Ordinum præsidio, fide, integritate, consensu jucundè acquiescentem.

At verò vix Lutherus facem ventilavit, novósque credendi modulos, philautiæ molliter adblandientes, occinuit, quàm aliam mox faciem induit! animorum concentus, voluntatum harmonia, membrorum inter se & cum capite suo conjunctio dissoluta; contrà verò discordiæ, dissensiones, bella intestina, innumeræque calamitates pleno agmine sunt invectæ.

à Luthero.

Strenuè sanè turbas immensas concitavit fovitque novum Lutheri Evangelium de *Christiana libertate*, & *captivitate Babylonica*, omnia rumpens legum vincula, quibus populi Principibus ac Magistratibus sunt adstricti: Christianos ita esse liberos scribit, ut nulla lege vinciri possint: nulli legi subjectos esse, nisi Divinæ; Tyrannos esse, qui hanc libertatem lædant.

Qua ex doctrina, passim per ejus libros, sparsa, quos fructus nasci pronum sit, intelligi facile potest. Quin gloriatur ipse, gratulaturque sibi, Germaniam in seditiones concitatam. *Hoc Deus advertat*, inquit *Tom. 2. Wittemb. lat. in assert. Art. 13. ut Evangelium sine seditione prædicemus. Nam si non turbas concitavemus, omniâque pacata essent & tranquilla, actum jam esset de nostro Evangelio Oportet Evangelium turbas excitare, quocunque venit. Hoc*

si non faciat, non est verum Evangelium. & Tom. 7. Germ. Witt. fol. 147. ait, nihil omnium rerum ita sibi visu jucundum esse, quàm eum propter Evangelium dissensiones & tumultus exoriuntur.

Hoc gaudio ut fruatur, pro ! quanto conatu tubam inflat, & Principes ad arma vocat libro, anno 1520. scripto ad Cæsarem omnemque Germaniæ nobilitatem; & libro de sæculari potestate ann. 1523. edito, quo Principes appellat injustos subditorum depeculatores, carnifices, impios Herodes, tyrannos &c. quibus obedire non oporteat; cum ipsorum potestas liberas mentes ligare nequeat; non passurum amplius populum Principum tyrannidem; mundum non amplius esse, sicut olim: omnes homines esse æquales: deponendos Potentes de sede.

Profectò qui scripta Lutheri legerit, ea non tantum in summum Pontificem omnemque ordinem Ecclesiasticum scurrikibus prorsus atque inauditis probrorum ac maledictorum plaustis ubique infarta atque inspissata fatebitur, sed in Cæsaream etiam Majestatem; Ferdinandum Archiducem, Regem Angliæ, Wilhelmum & Ludovicum Duces Baviaræ, Georgium Ducem Saxonæ, Albertum Brandeburgicum, Electorem Moguntinum, Henricum Ducem Brunsvicensensem, aliosque Imperii Principes, adeò maligna, turbulenta atque seditiosa comperiet, ut classicum meritò dicas, quo non modò subditi in Imperatorem, Status in Statum, sed plebecula etiam, libertatis effrænata avida, excusso parendi obsequio, in Principes suos ac Magistratus fuit vehementer concitata.

Et certè mox patuit novi hujus Evangelii fructus; nam Lutherus mox nactus incentores, aut veriùs incendiarios affeclas, subditis adversus Principes ac Magistratus, rusticis adversus dominos suos exitiales faces subdidit, omnemque cum Hutteno, Münzero, aliisque seditiosis suis discipulis in se ipsam armavit Germaniam. 130.

Nam signo velut dato vidisses rusticos aratro ac stiva sua relictis arma corripere, & bachantium furiarum instar discurrere omnemque Germaniam ad rebellionem concitare: dignitate omnes esse æquales, omnesque liberos, Principes ac Magistratus esse tyrannos mactandos. Evigilandum tandem & excutiendum jugum; Christianis nullam legem esse positam, & quæ alia sunt id genus pulchra principia, ex Lutheri schola, libris & concionibus deprompta.

Atque hic fuit cantus, quo ita accensus ubique fuit Mars rusticanus, ut innumeræ cædes, rapinæ, Monasteriorum arciumque ruinæ,

ruinæ, incendia, populationes, provinciarum vastationes, inaudito crudelitatis exemplo, ex furore isto evangelico sequerentur.

Verùm non plebeias duntaxat manus in dominos ac superiores armavit nova hæc credendi agendique libertas, Nobilium etiam, civitatum, ac Principum animos pervasit, cum extrema afflictæ Germaniæ calamitate. Nulla amplius Imperii Comitia pacata: nulla Edictorum atque Recessuum observatio: nulla pacis publicæ, Judiciorum Imperialium, communisque boni apud novos istos libertatis sectatores cura, nulla denique ipsius etiam Cæsareæ Majestatis reverentia.

Wormatiense Edictum, quo Lutherus anno 1521. fuerat proscriptus, ab omnibus Imperii Ordinibus, nullo excepto, conceptum fuerat, ejusque executio pluribus in Comitibus decreta, sed semper elusa. Succedebant protestationes spirenses, coitiones privatae, minæ, fœdera, bellaque Smalcaldica subditorum in suum Imperatorem, & cum iis deploranda Germaniæ devastatio.

Atque, ut nihil ad ruinam deesset, evocati in Germaniam externi Reges, Gallus, Danus, Svecus &c. Heu quanta inde publicarum calamitatum seges!

Neque à Christianis solummodo internis externisque conjuratum in Imperatoris & Imperii perniciem; ipsa Turcia in Germaniæ fines prolata. Si quæras, quo tempore Solymannus Belgradum, Budam, Strigonium, omnemque Hungariam diripuerit, in Germaniam se effuderit, Viennam obsederit, omniæque terroribus ac barbara Christianarum provinciarum vastatione compleverit? respondebunt annales, id eo tempore factum, quo Lutherani facti sunt *Protestantes*; quo subsidia adversus Turcam negabant; quo in privata fœdera adversus Imperatorem coibant; quo statum in statu constabant, quo seditionibus, turbis, bellis Germaniam miscebant; quo Turca bonum Advocatum, fidumque amicum in Luthero habuit.

Lutheritu-
ba.

Certè, si lingua, si calamus non dubius est index mentis, si campanam ex sono, si avem ex cantu dignoscimus, quo animo in Turcam Lutherus fuerit, ex scriptis ejus facile comperimus. Audiamus unam vel alteram oden hujus Turcicæ cantantis aviculæ.

In scripto de duplici & discordi Cæsareo Mandato, edito 1524. in quo in Christianos Principes ac præsertim in Imperatorem horrendum in modum detonat, ac fulminat, suos asseclas sic Christianè adhortatur: *ne temere consentiamus ad suscipiendam expeditionem, aut*

con-

conferendas pecunias adversus Turcam, cùm Turca decies prudentior, consilio, integritate, moderatione Principes nostros antecellat.

Tom. 2. Jen. lat. fol. 310. rogat omnes Christianos, ne pugnent contra Turcam, neque ad tale bellum quidquam contribuant, sed ab hoc bello abstineant, quamdiu Papæ nomen sub cœlo aliquid valet.

Art. 34. à Leone X. damnat. ait: præliari adversus Turcas est repugnare Deo, visitanti iniquitates nostras per illos.

Tom. 6. Wittemb. fol. 589. Christianè ad ædificationem sic scribit: nullum pulchrius regimen est, quàm apud Turcas, qui legibus Alcorani gubernantur: nullum autem turpius, quàm apud Christianos, qui jure canonico & civili gubernantur.

Testatur etiam Erasmus *in epist. ad frat. Infer. Germ.* jactasse hos Evangelicos, Lutheri disciplina eruditos, se malle pugnare pro Turca non baptizato, quàm pro Turca baptizato, seu Cæsare.

Nunquid piæ, devotæ, Christianæ sunt hæ strophulæ? nunquid Reipublicæ Christianæ salubres? bella religio, ex cujus placitis ab ipso auctore illius occinuntur! an juratus Germaniæ, nominisque Christiani hostis aliter loqueretur?

Hoc scilicet erat reformare Christianam Ecclesiam, non tantùm antiquissima illius dogmata, ritus ac ceremonias evertere, sed etiam juratissimo illius hosti eandem devovere.

Quis jam miretur, hanc Lutheri reformationem dissensionum, turbarum, seditionum, atque ingentium discordiarum causam fuisse, cùm etiam Turcis tantopere faverit? neque exempla tantùm id demonstrârunt; sed gravissima quoque testimonia.

Certè Carolus V. Imperator in Recessu Imperii, omnium Or-Luther. sedinum assensu in Comitibus Wormatiensibus anno 1521. concepto, ditiosus. testatur, quòd Lutheri scripta universaliter nihil aliud spirent, quàm seditiones, bella, cædes, rapinas, exustiones, & occasus fidei Christianæ materiam. In eodem edicto, uti apud Goldastum *Constit. Imp. Tom. 4. extat, idem Imperator ait: Obedientiam & regimen omne prorsus tollit. Unde populi ad defectionem & rebellionem à suis tam spiritualibus quàm temporalibus dominis faciendam, ad rapinas, cædes, incendia, cum magno & manifesto Christianæ Reipublicæ discrimine, provocentur. Quin imò cum vitam quandam solutam, licentiosam, atque ab omni lege explicitam, & verè ferinam inducere conetur, ita exlex homo Leges omnes damnat & contemnit &c. & R. I. Spirensi anno 1544. §. 77. ait, ex dissidio, à Luthero indu-*

sto, nisi Deus avertat, nihil aliud quàm perniciem & interitum Romani Imperii, & Nationis Germanicæ posse exspectari. Idem in aliis Comitibus, iis temporibus habitis, passim repetitur. Quis autem Cæsarem Ordinésque Imperii arguat, quòd hominem talem, talémque doctrinam in Imperio minimè tolerandam duxerint?

Rex etiam Angliæ Henricus VIII. apud Cochlæum de Scriptis Lutheri, & Bzovius *ad annum 1523.* testatur; quòd scilicet in odium Principum Lutherus, nova sua doctrina concitet populum, leges omnes abroget, Magistratus enervet, nec aliud moliatur, quàm ut Germaniæ primùm populus tanquam pro libertate bellum indicat Proceribus, deinde ut Christiani contra Christianos, spectantibus & iridentibus Christi hostibus depugnent. Idem constat ex testimoniis Erasmi Rotterodami, Cochlæi, Sleidani, aliorumque, qui Luthero fuerunt coævi. Sed quid plura? Patet abunde ex seditiosis ejus scriptis.

Repeto proin, quod antè dixi, prorsus immeritò à Protestantibus scriptoribus redargui Carolum V. Imperatorem, ejusque fratrem Ferdinandum, Reges Galliæ, atque Hispaniæ, ac cæteros Catholicos Principes, quòd nascenti ejusmodi religionis dissidio se opposuerint, atque in omnibus Imperii Comitibus illud sublatum voluerint, utpote quod non tantùm innumeros mortales à Deo, sine suo ultimo, & æterna salute averteret, sed pacem quoque, tranquillitatem, concordiam, regiménque politicum tantopere turbaret.

§ 3.

Diluuntur argumenta Libertinorum.

131.
Christiana
libertas

AT Christianam libertatem oggerunt, permittendam religionis electionem cujuslibet arbitrio, soli Deo de ea reddendam rationem; in mentis penetralibus eam esse reconditam, quòd humanum imperium se non exporrigat; imò nec posse quenquam bona conscientia amplecti religionem Catholicam, quam fallam, superstiosam, tótque abusibus, sylvescentem videat.

Ego verò ad hæc jam respondi. Sequeretur enim, nullam esse hæresin, quæ non relinquenda esset libera, nullamque unquam potuisse prohiberi. Quod adversarii admittere nec volunt nec possunt, quamdiu sunt Lutherani aut Calvinistæ, nec degenerent, quod primum est & usu frequens, in libertinos, qui nullam habent religionem.

Neque

Neque in ejusmodi effræni licentia stat Christiana libertas, sed tum in immunitate ab innumeris propemodum ceremoniis, legibûsque judicialibus Mosaicis, tum præcipuè in liberatione à diaboli servitute per baptismum aliâque Sacramenta nobis à Christo Redemptore collata, uberioribûsque legis gratiæ beneficiis per merita Christi nobis donatis; per quæ in libertatem filiorum Dei sumus asserti. Quando verò Christus Matth. 13. dixit: *finite utraque crescere usque ad messem*, non prohibuit absolute evellere zizania, aliàs neque fures aut homicidæ possent plecti, cum sint inter zizania. Noluit igitur præmaturam eradicationem, quando zizania à tritico necdum satis discerni possunt. Unde ait: *ne fortè colligentes zizania, eradicetis simul cum eis & triticum*. Sic etiam, quando S. Paulus dixit, *oportere hæreses esse*, non voluit, hæresibus liberum aditum concedi; sed per hoc significavit, propter infirmitatem, levitatem, novitatum pruritum esse quandam necessitatem, ut in tanta hominum multitudine oriantur hæreses; sicut Christus ait, necesse esse, ut eveniant scandala: veruntamen væ homini illi intentat, per quem scandalum venit.

At fides, inquiunt, in mente est recondita; ac proin nulla in eam humana jurisdictio; sed soli Deo de illa reddenda ratio.

Sit hoc verum, quamdiu fides in animo latet abscondita. At quando in apertum erumpit, quando voce, calamo, actûve aliò externo se prodit falsum dogma, quando contagium scriptis tot libris, quot Lutherus edidit, in mundum spargitur; tunc & Divinæ & humanæ potestati reddenda ratio. Tunc Ecclesiæ Pastor à Christo constitutus, dum dixit, *pasce oves meos*, bona pascua à venenatis discernit, noxia subtrahit; lupos arcet ab ovili Christi, gregem, quoad fieri potest, integrum servat.

Potestas verò sæcularis ad frangendam contumaciam Ecclesiasticæ jungit operam, atque unà in obstinatos animadvertit, vetâtque, toxicum spargi in publicum, nemine impuni, qui ausit contraire.

Fuit hæc omni tempore Ecclesiæ disciplina, postquam Sylvester 132. Papa in Concilio Nicæno Arianam, in Arelatenſi Donatianam hæreſin Principum ſin damnavit, Constantinus M. eandem prohibuit. Postquam Cœlestinus I. in Concilio Ephesino Nestorium damnavit, Theodosius M. eundem cum hæresi sua exulare jussit. Postquam Leo M. in Concilio Chalcedonenſi Eutychianam hæreſin cum ejusdem contumaci fautore Dioscoro damnavit, Martianus Imperator eundem cum hæresi sua proſcripſit. Pelagium, ab Innocentio & Zoſimo damnatum Honorius

norius Imperator cum hæresi sua & hæreticis in exilium eiecit. An Jura naturæ aut Divina violârunt pientissimi isti Imperatores? an potestatem suam sunt supergressi?

Gravissimas adversus hæreses & Hæreticos leges tulerunt non solum summi Pontifices ad titulum de hæreticis &c. sed summi quoque Imperatores, Constantinus M. Valentinianus, Gratianus, Theodosius, Arcadius, Honorius, Justinianus, Fridericus I. &c. ut passim videre est in toto titulo *de summa Trinit. & fide cath. & titulo de Hæreticis &c.*

Primus statim titulus codicis ab Imperatore Justiniano inscribitur hac rubrica: *de summa Trinitate & Fide Catholica, & ut nemo de ea publicè contendere audeat.*

L. 1. c. hoc. tit. Gratianus, Valentinianus, & Theodosius publico edicto præcipiunt, ut omnes in ea religione versentur, quam Divus Petrus Apostolus Romanis tradidit, quàmque Pontifex Damasus tenet, adduntque; *banc legem sequentes, Christianorum Catholicorum nomen jubemus amplecti: reliquos verò dementes vesanosque judicantes, hæretici dogmatis insaniam sustinere, Divina primùm vindicta, post etiam nostra plestendos.*

L. 2. eod. statuunt iidem Imperatores: *nullus hæreticis ministeriorum locus, nulla ad exercendam animi obstinationis dementiam pateat occasio. Sciant omnes, etiamsi quid speciali quolibet rescripto, per fraudem elcito, ab hujusmodi hominum genere impetratum sit, non valere. Arceantur cunctorum hæreticorum ab illicitis congregationibus turbæ &c.*

L. decere 3. §. 3. eod. Theodosius & Valentianus mandant, ut scripta hæretica comburantur, & sub pœna ultimi supplicii prohibent eorum lectionem.

L. nemo 4. Marcianus Imperator sub gravissima pœna vetat, nequis de fide, publicè turbis coadunatis tractare audeat, additque: *injuriam facit Reverendissimæ synodo, si quis semel judicata ac rectè disposita revolvere, & publicè disputare contenderit.*

L. cum recta 5. in præf. Justinianus ait, fidem Catholicam nullo modo innovationem recipere: sequendum dogma sanctorum Apostolorum, & eorum, qui post eos in sanctis Dei Ecclesiis conversati sunt. Et *l. cognoscere 7. in præf.* idem Imperator Epiphaniæ Patriarchæ Constantinopolitano rescribit, conservandum esse absque mutatione statum Ecclesiasticum, *in omnibus servato statu unitatis Sanctissimarum Ecclesiarum cum ipso sanctissimo Papa veteris Romæ non enim patimur, ut quidquam eorum, quæ ad Ecclesiasticum spectant* sa-

statum, non etiam ad ejusdem referatur Beatitudinem, cum ea sit caput omnium Sanctissimorum Dei sacerdotum, vel eò maxime, quòd quoties in eis locis hæretici pullularent, & sententia & judicio illius venerabilis sedis cõerciti sunt.

L. 8. eod. rursus expresse fatetur, quòd Pontifex Romanus sit caput omnium Ecclesiarum, atque ad eum referendum, quod ad Ecclesiarum statum pertinet.

Toto etiam titulo *de Hæreticis & Manichæis &c.* per 22. leges Imperatores omnes hæreses, omniâque dogmata, Catholicæ Ecclesiæ contraria, severè prohibent, dictata pœna confiscationis omnium bonorum, proscriptionis, & aliquando etiam mortis. Hæreticorum autem nomine intelliguntur omnes, *qui à judicio Catholicæ Religionis, & tramite detecti fuerint deviare*; ut expresse dicitur *L. omnes 2. cod. de Hæret.*

Jam verò quis eò impudentiæ deveniat, ut omnes istos gloriosissimos ac pientissimos Imperatores, ipsùmque Jus Civile, jam dudum receptum, reprehendat, quòd potestatis suæ limites supergressi præceperint aut prohibuerint ea, quæ humano non subjacent imperio?

Sed non potest quis, inquirunt, amplecti religionem, quam falsam, superstitiosam, & abusibus horrentem credit. Verùm Catholica Ecclesia ejusque Religio tanta luce se signat, tótque notis, & ut vocant, signis, & *motivis credibilitatis*, tanquam civitas supra montem, & lucerna supra candelabrum posita, se reddit conspicuam, ut cæcutiat necesse sit, qui eandem non videat.

Profectò in hanc unam Ecclesiam conveniunt, quæ sanctum ^{133.} JESU Christi Evangelium, quæ sancti Apostoli, quæ sacra Concilia, ^{Signa Ec-} quæ sancti Patres, eidem attribuunt. Hæc una à Christo fundata, ^{clesiæ,} ab Apostolis prædicata, continuò propagata, perpetuò visibilis, ut inveniri possit, constanter in iis, quæ fidem concernunt, infallibilis, in articulis fidei semper una, in doctrina semper sancta, Catholica & Apostolica, tot Martyrum sanguine insignita, tot miraculorum splendore illustrata, tótque aliis ornamentis decorata, ut, si quis supplici prece lumen à Deo petat, atque mente pacata, à præjudiciis & humanis rationibus vacua, hæc probè ponderet, nunquam futurum sit, quin veritatem videat, prælucente præsertim superna illustratione gratiæ, quam Deus facienti, quod est in se, non denegat; cum omnes, velit salvos fieri, & ad agnitionem veritatis venire.

Quapropter nunquam continget, ut casus eveniat, in quo homo, faciens, quod est in se, dictamine conscientiæ impellente fal-

sam religionem amplecti debeat, cùm erroneum iudicium possit corrigere, inodò non claudat oculos, aut cœlestibus radiis valvas opponat.

Probè enim expendenti facilè apparebit, quod superstitionem putabat, sincerum ac genuinum Dei cultum esse, sacrarum Scripturarum suffragio, totiusque antiquitatis usu comprobatum, facilè etiam succurret, prudentis esse, privatae suae opinioni in interpretandis Scripturis non nimium fidere, sed eandem publico Ecclesiae iudicio submittere, ad quam, tot promissis Evangelicis munitam, pertinet iudicare de vero sensu & interpretatione sacrarum Scripturarum.

Abusus.

Abusus, si scrupulum moveant, usus sunt complura, quæ abusus existimas. Dein optima quæque abusus patere novimus. Agrum cogita, in quo cum optimo frumento succrescunt zizania. Tu cura, ut bonum sis triticum, & nihil tibi nocementi afferet lolium. Mundo exeat necesse est, si locum velis, in quem abusus nullus irreat. Protestantium spineta respice, in quibus non tantum quoad disciplinam, sed etiam quoad doctrinam fidei spissis abusuum loliis plena sunt omnia. Egregii enim verò reformatores, qui, ut arborem putent, totam excindunt; ut menti pilos radant, caput demetunt; ut morbos sanent, occidunt. In nullo fidei Articulo ab Ecclesia Catholica se dissidere in Augustana Confessione sunt contestati, totam differentiam esse in paucis abusus. Remedium his erat parandum, sed verum, genuinum, in Ecclesia consuetum, per Sanctiones Apostolicas, per Concilium, per Legitimos Canones, non per Lutheti, hominis privati ac scelerati, insanos furores, quibus non tantum immensam abusuum gravissimorum colluviam induxit, sed in ipsos etiam fidei Articulos, Verbo Dei traditos, ab Apostolis promulgatos, ac continuo usu cultumque in Ecclesia propagatos, impiè ac sacrilegè est grassatus.

134.

Aliæ exc-
priones di-
luuntur.

Sed actum esset, ajunt, de tranquillitate publica, bella mundum implerent, si oporteret contrariam religionem excindere.

Ego verò nunquam dixi, obligari Principem in alterius Principis aut Reipublicæ provinciis contrariam religionem excindere. De subditis loquor, de propriis Principis ditionibus. Jure optimo egisse Imperatores, Reges ac Principes Catholicos, damnascenti & adulescenti in suis provinciis Religionis dissidio magno conatu se opposuerunt, ut Divino honori, mortalium saluti, ac Reipublicæ tranquillitati pro munere suo consulant. Quantum enim turbarum, seditionum, rapinarum, bellorum, stragum Lutheri, Zvinglii, Calvini-que pulchra reformatio secum invexerint, quantamque animorum dissen-

diffensionem, ac litium segetem perpetuò nutrant, nemo, opinor, est, qui ignorare possit.

At quæstuosa commercia, artes, ac disciplinæ, minùs florent, si alienæ religionis hominibus aditus sit interclusus, minùs proin Imperator & Ordines Catholici Germaniæ consultum volebant, dum nullam religionem præter Catholicam tolerandam contenderunt.

Verùm hoc Argumento, si quid evinceret, id omnino probaret, omnes promiscuè sectas esse admittendas. Quod, ut suprà animadversum, *Evangelici* ac *Reformati* (prout se ipsos appellant) concedere nec volunt, nec possunt. Quin imò ipsum Instrumentum Pacis Westphaliæ omnes alias ab Imperio Romano exclusas voluit: utique prudenter, & absque detrimento commerciorum artiumque.

Certè hæc ratio summis Imperatoribus, Constantino, Gratiano, Valentiniano, Theodosio, Arcadio, Honorio, Marciano, Justiniano, Carolo M. Ludovico Pio, Friderico I. multisque aliis Imperatoribus, Regnisque hodiedum florentissimis, non est visa tanti, ut alias propterea religiones, à Catholica alienas, donarent civitate.

Nèque impedimento fuit, quò minùs Ferdinandus ille Catholicus Mauros ac Judæos tota ex Hispania, Ludovicus XIV. verò Calvinistas tota ex Gallia ejiceret.

Dein Catholici etiam Principes ad littora sua, & portus, ad pundinas, ad commercia acatholicos mercatores admittunt, atque ad rem militarem, nauticam, fabricam, Protestantium etiam operas conducunt, quin tamen religionis alienæ exercitium, jus civitatis, aut stabile domicilium ipsis concedant.

Quod adversarii dicunt de diffensionibus in Ecclesia nostra gliscentibus, atque inter Apostolos etiam & sanctos Patres exortis, nihil probat. Non enim diffensiones illæ versabantur circa articulos fidei, (in quibus omnes Catholici sunt concordēs) sed vel circa disciplinam, ritus, ceremonias legis Mosaicæ, aut circa eas quæstiones, quæ materiam fidei non contingunt, sed innoxie in utramque partem ventilari possunt, aut saltem ea concernebant, de quorum revelatione iis temporibus, quibus disceptabatur, necdum satis in Ecclesia constabat; qualis erat dissensio inter S. Stephanum Papam & S. Cyprianum de valore Baptismi, ab Hæreticis collati.

Quod denique ad inducendam Religionis libertatem objicitur, hominem in quavis secta salvari posse, integro libello *de Indifferentismo* refutavi. Ubi ostendi existere DEUM, atque ab eo certum sui cultum nobis præscribi; eumque ultra ea, quæ *Naturalismus* aut *Philosophismus* ratione dictante proponit, assurgere: *Gentilismum* seu *Ethnicismum*, *Mahometismum*, & *Judaismum*, prout hodie extat, absurda multa, atque cum jure naturali pugnantia comprehendere: inter baptizatos esse aliquos hæreticos, ab Ecclesia Christi extorres, ac proin extra viam salutis, cum teste Apostolo sit unus Dominus, una fides, unum baptisma: Protestantes nunquam scire posse, quinam Articuli sint fundamentales, quinam sint necessarii ad salutem *necessitate medii*. Credenda omnia, à DEO revelata, & quidem, de quorum revelatione sufficienter constat, *explicitè*, reliqua *implicitè*, sive magna illa sint, sive parva: quia autoritas DEI loquentis, utpote infinita, universaliter de omnibus fidem meretur. Hanc tamen fidem solam non justificare, nisi sit viva, spe nempe, charitate, aliisque virtutibus, à DEO in sacra Scriptura præscriptis, atque observatione omnium mandatorum, animata. Ecclesiam etiam audiendam (nam qui illam audit, Christum audit) alioquin tanquam Ethnicum & Publicanum habendum. Existere pariter Verbum DEI traditum, cui non minus quàm Verbo scripto debeatur fidei obsequium &c.

135. Denique ultimò pro fidei libertate permittenda objiciunt, di-
 Objectio de cunctque, quòd si Religionis electio non posset relinqui cujusvis arbi-
 pace Relig. trio libera, malè fecisse Catholicos, quòd in pace Religiosa & West-
 phalica eandem Protestantibus reliquerint liberam. Hoc autem dici nullatenus posse; cum illi tractatus pacis sapientissimè fuerint conclusi; consequenter Imperatorem & Principes Catholicos nullo jure antea se opposuisse.

Respondetur, prudentis esse, tolerare minora mala, ut evitentur majora, relinquere pallium, ut tunicam serves, dimittere partem, ne totum pereat. Necessitas aliquando licitum facit, quod per se est illicitum. Quamdiu Protestantium sectæ necdum ad eam potentiam devenerant, spēsque supererat, ad unitatem fidei pristinae easdem reducendi, sui muneris & obligationis esse censebant Imperatores & Principes orthodoxi, ut nascenti dissidio se opponant.

At quando adversæ vires cum deploranda Germaniæ ruina tantopere invaluerant, ut frangi ampliùs non possent, ne provinciæ adhuc in fide integræ pariter eodem impetu abripiantur, summam esse

esse necessitatem censebant, ut non quidem approbaretur, sed tamen toleretur id, quod evitari jam non amplius poterat. Verum de hac quæstione, de qua tempore Pacis Westphalicæ multum in utramque partem disputabatur, satius est abstrahere; cum scopus præsentis dissertationis unice fuerit, ostendere, quod Carolus V. Imperator, Rex Ferdinandus aliique Principes, & Catholici Ordines jure optimo se opposuerint nascenti Protestantium dissidio; nihilque ab officio suo & prudentia alienum egerint, dum anno 1521. in Comitibus Wormatiensibus novellam Lutheri doctrinam, & Confessionem Augustanam anno 1530. Imperiali edicto proscripserunt, & anno 1539. in Comitibus Francofurtensibus religionis libertatem negarint.

ARTICULUS IX.

Historica relatio de statu Imperii ab anno 1540.
usque ad finem belli Smalcaldici.

Lutherani, Smalcaldico fœdere connexi, spretis Comitiorum edictis & Cæsareis mandatis, non tantum Religionis libertatem extorquere conabantur: sed novos insuper socios interea in fœdus suum asciverant: ipsi etiam Galliæ & Angliæ Regibus sollicitatis, missi ad eos legatis & litteris. Quin imò nec conventionibus contenti, quæ ipsis favebant, Norimbergenſi & Ratisbonensi, quibus cautum fuerat, ne cui ante definitionem Concilii aut Comitiorum propter Religionem molestia inferatur, pluries eas omnino transgressi sunt. Nihilominus enim Episcopos, Capitula, Monasteria bonis suis, spoliabant. Cumque propterea ad Cameram Imperialem citarentur, aut contumaces secundum Imperii leges proſcriberentur, prout Mindensi civitati contigit, reclamabant, pacificationem Norimbergenſem & edictum Ratisbonense violatum iri, infringunt, 136.
ed quod iis statuatur, ut in causis Religionem concernentibus cameræ jurisdictio suspensa maneat. Quasi verò ad Religionem eorum pertineat, legitimos dominos rebus suis spoliare, & aliena rapere. Et si hæc causa religiosa foret, pacem ipsi jam prius spoliando Ecclesiasticos violassent, cum illa expressim caveat, ne cui propter religionem molestia inferatur. Variis dein colloquiis Hagenoræ & Wormatiæ, ac Conventu Ratisbonensi annis 1540 & 1541. frustra fuit consumptus, Lutheranis pertinaciter erroribus suis inhærentibus, & religionis

137.
Altera ex-
peditio in
Africam.

gionis libertatem extorquentibus. Carolus Imperator ab hoc Conven-
tu in Italiam profectus expeditionem alteram in Africam adversus
Algerianos, maria omnia ferme infesta reddentes, suscepit. Et ever-
tisset Algerium harpyarum nidum, nisi tempestas classe disiecta eum
repulisset, magno rei Christianæ detrimento. (anno 1541.)

Bellum
quartum
cum Gallo.

Sequente anno 1542. ortum est quartum bellum inter Carolum
V. & Franciscum I. cujus non una duntaxat causa fuit. Sperabat
Rex, Mediolanum sibi Beneficiario jure possidendum traditum iri, &
hoc, dum Cæsar biennio abhinc per Galliam iret, promissum sibi
putabat. Jam verò hac spe dejectus erat. Wilhelmi insuper Cli-
viæ Ducis causa non parùm incitabat. Is à Carolo Egmondano anno
1538. Geldriæ hæres institutus fuerat; cùm autem Carolus V.
Imperator ob cessionem, Carolo Audaci factam, Geldriam vindica-
turus timeretur, Clivensis ad Gallos se applicuit, ut eorum ope
possessionem firmaret, accepta in pignus sponsa Joanna Albretana,
Francisci I. ex sorore nepte. Tertia causa fuere Fregosus & Rinco,
Gallici ad Sultanum legati, secundo Pado defuentes, à Vastio,
Mediolani gubernatore, capti, ac capite plexi.

Rex igitur Cæsarem pluribus simul locis aggreditur; in Comi-
tatu Ruscinonensi, ubi Perpinianum frustra oppugnat: in Italia, ubi
victoriam reportat sine fructu: in Belgio, ubi Ducatum Luxembur-
gicum expugnat, mox rursus amittendum, Turcicam etiam Algerio
classẽ evocavit, quæ Niceam usque Liguriæ devecta, Gallisque
juncta, urbem illam, non tamen arcem occupavit.

Geldria ad
Carolum.

Imperator primò Clivensem aggressus, Clivia, Julia, & Gel-
dria occupata, anno 1543. pacem cum eo iniit, iis legibus, ne Re-
ligionem Catholicam deferat. Fœdus Gallicum & Danicum abdicet,
Geldriam Imperatori cedat, Juliacensem verò & Clivensem Duca-
tum rursus recipiat. Atque hoc pacto Carolus V. omnes 17. Belgii
provincias conjunxit. Franciscus verò Rex audita hac pace sponsam
Wilhelmo negavit: qui postea Ferdinandi Regis filia nupsit.

Pax Crespi-
aca.

Cùm dein Cæsar, isto cum Anglo fœdere, non tantum amissas
civitates recuperaret, sed in Parisinum usque agrum victor excur-
reret, *Pax Crespiaca* coaluit, his rata articulis: omnia post Nice-
nas inducias ablata utrinque restituantur. Communi studio & opera
antiqua Religio defendatur. Rex promittit Regi Ferdinando 600.
equites & 1000. pedites adversus Turcas: simulque cedit omni jure
in Arragoniam, Neapolim, Flandriam, Artesiam, ac Geldriam.
Carolus verò cedit jure in inferiorem Burgundiam, & civitates in
Picardia ad Somonam sitas. Tractatum etiam de sponsalibus inter

Carolus Francisci filium, & Mariam Caroli filiam, atque dote, ab hac afferenda. Quem in casum Rex omni in Mediolanum jure se abdicaturum promittit. Sabaudus restituatur. Hesdinum vero Regi concedatur.

Quod de sponsalibus conventum fuit, effectum non habuit; quia anno sequente Carolus Francisci filius fuit mortuus.

Dum hoc bellum Imperatorem aliò abstraheret, Rex Ferdinandus varia Comitata celebravit. Et imprimis quidem anno 1542. ^{138.} Tridentum ^{Tridentum} *Spirensia*: in quibus Pontificis legatus Joannes Moronus Tridentum Concilio pro Concilio celebrando assignavit; tum quia Dux Mantuam, & ^{Concilio} ^{destinatur.} Veneti, Turcam veriti, Vicentiam negabant, tum quia Protestantes in Germania Concilium celebrari postulaverant. Sed nihil magis abhorrebant, quàm Concilium, quod antea toties importune ad eò postulaverant. Urbs displicuit & legati oratio.

Cùmque Ferdinandus de Bello Turcico ad Ordines referret, Protestantes non antè auxilia addicebant, quàm Rex caveret, Ratisbonense edictum salvum, neminique religionem fraudi fore. Delectus belli Præfectus Joachimus II. Elector Brandenburgicus, qui a patre suo & majoribus degener ad Lutherum defecit.

Proposita etiam querela Julii Pflugii, qui, legitimè electus Episcopus Naumburgensis, ab Electore Saxonie rejectus fuerat, intruso Amsdorffio, quem Lutherus inauguravit.

Certè mirum est, Smalcaldenses socios in omnibus Comitibus vehementer postulasse, ut edictum Ratisbonense ac Transactio Norimbergensis (*de anno 1532.*) serventur. Cùm ipsi passim eandem infringierint. Nam non tantùm Ferdinandum Regem vi & armis è Wirtembergia expulerant, Ecclesiasticorum bona rapiebant; illorum loco Lutheranis intrusis. Sed novam insuper gravemque violentiam hoc ipso anno 1542. in Henricum Ducem Brunsvicensem exercebant.

Brunsvicensis.

Hunc etenim Principem, quia apprimè erat Catholicus, & Smalcaldensium iniuriis se opponebat, bello aggressi Ducatu spoliarent. Hoc scilicet erat servare Comitiorum decreta, & Recessus Imperii, tam providè caventes, ne vis fiat, ne ob religionem cuiquam molestia inferatur. Si læsos se putabant, cur non jure, legibus, judiciis Imperii actum? Cur contra Pacem Publicam, contra tot Cæsarea decreta, & Ordinum conventiones, revocatis illis privatis bellis, propria auctoritate ad arma provolarunt?

Cùm decreta Spiræ auxilia adversus Turcam, qui Budam jam diripuerat, pro Germaniæ, lentè se moventis, more, tarde convenirent,

Varia Co-
mitia.

nirent, nec numerum conventum implerent, Ferdinandus Rex nomine Cæsaris alia *Comitia* indixit *Ratisbonam*, ubi executionem decreti Spirensis urgebat. Transactum etiam cum Antonio Duce: Lotharingia liber Ducatus pronuntiata, sic tamen, ut Dux ob aliquas terras, ad Imperium spectantes, feudali jure Imperio sit obnoxius, atque propterea ad onera Imperii debeat concurrere. Quam Transactionem Cæsar anno 1544. in Comitibus Spirensibus ratam habuit.

In *Comitiis Ratisbonensibus* anno 1543. deliberatum de locis quibusdam in Turcarum finibus muniendis, & sumptibus in hanc rem conferendis: prout etiam de Ordinatione Judiciæ Cameralis, reclamantibus pro more Smalcaldicis.

Anno sequente 1544. in *Spirensibus* rursus actum de bello Turcico, Religione, causa Henrici Brunsvicensis. Decretum tributum in singula capita per Imperium pro bello Turcico. Vetitum, ne quis Gallo militet. Actum de Protestantibus admittendis, ut pariter sint assessores Camerae. Confecta pax Cæsarem inter & Regem Daniæ. Confirmata pacta successionis inter Saxonem & Clivensem, si hic sine prole macula esset decessurus, magnas in futurum datura controversias.

In *Wormatiensibus* 1545. invitati Protestantes ad Concilium Tridentinum. Cum autem comparere detrectarent, indicta sunt in annum sequentem *Comitia Ratisbonam*, ubi instituendum esset rursus inter Theologos utriusque partis colloquium, ad componendam toties frustra tentatam de religione concordiam.

Recruduit hoc anno bellum Brunsvicense; in quo Dux Henricus à Smalcaldicis victus est; cumque Landgravio se dederet, ab eo in Hassiam & carcerem abductus est, & Guelferbitum, præcipuum ipsius munimentum, solo æquatum.

Colloquium subin Ratisbonam indictum anno 1546. initium habuit, inter Malvendam Hispanum, Billichium Carmelitam, Hofmeisterum, Cochlæum ex una, & Bucerum, Brentium, Georgium Majorem, Schnepfium ex altera parte. Sed pro more nihil actum, Saxone suos revocantē.

Imò Smalcaldici socii privatim Francofordiæ coegerunt conventum, ubi consultabant de repudiando Concilio Tridentino, de renovando fœdere Smalcaldico, de juvando Hermanno Electore Coloniensi, qui ad eos defecerat.

Secutum est dein anno 1546. bellum Smalcaldicum, & anno 1547. Saxonicum; quæ breviter descripsi *part 3. Cap. 6. §. 6.* juvat tamen de hoc bello prolixius aliquantō differere.

DISSER-

139.
Colloqui-
um.

ARTICULUS X.

Dissertatio de Bello Smalcaldico, aliorumque Bello- rum civilium in Germania causis.

Protestantici Scriptores passim bella civilia Germaniæ, turbas, ac calamitates inde secutas, summo Pontifici ac Carolo V. Imperatori adscribunt; quorum ille consilio & hortatu, hic manu & ense eorum causa exstiterit; totam etenim malorum sequelam inde duxisse originem, quod injustè religionis libertati se opposuerint, tyrannidem in conscientias exercuerint, transactiones infregerint. Monarchiam novam à Cæsare, oppressa Statuum libertate, intentam: ne igitur omnem Rempublicam eversum eat, inevitabili eorum temporum necessitate coactos fuisse Protestantes arma capere, ut jugum Papale Ecclesiastici, jugum Hispanicum sæculares possent excutere.

140.
Protest. cau-
sam Cæsari
affingunt.

Simulare equidem Cæsarem, velléque credi, eum id solummodo intendere, ut inobedientes quosdam Status in ordinem & parendi obsequium reducat, sed re ipsa Religionis & Reipublicæ jugulum peti. Hoc enim ejus esse consilium, ut obducta specie quadam rebellionis, & tanquam in paucos aliquot vindicare velit, socios foederis Smalcaldici dividat, ut tantò faciliùs paulatim omnes evertat, atque ad cæcam obedientiam Concilio Tridentino præstandam compellat. Non esse obscura Granvellanii, Navii, aliorumque ministrorum, ipsiusque etiam Cæsaris verba; cùm in Comitibus Augustanis anno 1530. Confessionem Augustanam damnaret, & profiteretur, non posse se ferre hanc sectam & doctrinam Lutheri, sed ad eam funditus extirpandam omne suum robur, vitam etiam atque sanguinem velle impendere. Id proin agi, ut extincto Evangelii lumine monachi, & id genus reliqua colluvies restitueretur.

Jam inde ab inito Magistratu semper illum eò spectasse, quo modo puram doctrinam excinderet & Germaniam in servitutem adduceret. Hanc esse causam, ut Hispania cæterisque relictis provinciis, toties in Germaniam redierit, tantòque sumptus fecerit, opportunam expectans occasionem, qua inita cum Gallo pace, factisque cum Turca induciis cum Romano Antichristo ejusque sectatoribus iniret foedera, & Smalcaldicos socios obrueret.

De cætero causam nullam esse, cur bellum suscipiat; quòd enim contrà edictum Spirense sint protestati, Wirtembergensem restituerint, Brunsvicensem bello victum in custodia detineant, Pflugium Episcopatu Naumburgensi dejecerint, Monasteria in meliores usus converterint, Hermanno Colonienſi aliisque evangelicæ doctrinæ confessoribus protectionem addixerint, fœdera propterea inierint, camerale judicium tanquam suspectum sibi que iniquum declinauerint, id totum se jure suo atque ex ordine fecisse; nōsse se, quid Principes Cæsari, quid Cæsar Principibus debeat. Et si, quid offensionis esset datum, id facta sapius reconciliatione à Cæsare fuisse remissum; nullo proin jure, quin contra juratam in electione fidem bellum sibi moveri. *Ita ferme Sleidanus, alique posteriores scriptores Protestantici.*

141.
Lutherus
causa, ejus-
que affectæ.

Verum novum Lutheri Evangelium omnium turbarum bellorumque civilium, quibus ultra centum annos afflicta fuit Germania, causam fuisse, non tantum habetur ex seditiosa Lutheri doctrina, testimonio Imperatorum pluribusque Imperii Recessibus, quibus dicitur, certam radicem, & principalem causam omnis mali, & calamitatis Germanicæ Nationis fuisse Religionis mutationem, ut supra in *differt. de Religionis libertate* demonstratum est, sed ex ipsis etiam Germaniæ annalibus rebusque gestis constat.

Quamprimum enim Lutherus adversus Ecclesiam tonare cœpit, in turbas orbis abiit, voce & calamo perstreptentibus. Sed non diu intra clamores & animorum dissidia res stetit. Ventum est brevi ad turbulenta facinora; dum & subditi obedientiam negarent Magistratibus, & Pax Publica privatis invasionibus & direptionibus ex Lutheri disciplina haud parum infringi cœpisset.

Proscriptus est propterea à Lutherus cum exitiali sua doctrina anno 1521. in Comitibus Imperii Wormatiensibus à Carolo V. Imperatore, omnibusque omnino Imperii Ordinibus. At pœnæ substracto per Saxonem Luthero tam salubre ac providum Imperii Edictum effectu frustratum est. Urgebatur quidem in sequentibus Comitibus sapius executio, at semper elusa; nullo jam amplius loco habitis mandatis Cæsareis & Imperii Recessibus.

Secutum est anno 1525. bellum Rusticum, plebeis hominibus Lutheri doctrina ad libertatem pellectis, & non solummodo subjectionis jugum passim excutientibus, sed igni quoque ferroque Germaniam miserrimè devastantibus.

142.
Factiones.

Anno 1529. jam audaciores facti Lutheri affectæ contra Wormatiensē Edictum aliæque saluberrima decreta in Comitibus Spirensibus

bus apertè sunt protestati; nihilque ampliùs cum illis ex ordine & Imperii usu agi poterat. Convulsa lex illa fundamentalis, ut Statuum suffragia majora valeant, & accedente Imperatoris voluntate in Imperii Recessum abeant.

Cùm anno sequente 1530. in Augustano Imperii conventu Augustana Confessio ejusque Apologia à Cæsare & Ordinibus esset rejecta, mox Protestantes secessione facta contra Imperii leges fœdus suum Smalcaldicum, jam antè conceptum adversus Imperatorem & Status Catholicos procuderunt, contra Reipublicæ ordinem introducto statu in statum. Nec desierunt postmodum plures semper pluresque in hoc fœdus asciscere, sollicitatis etiam externis Regibus, ut majorem potentiam Cæsari possint opponere.

Hoc fœdere munitis in tantum crevit animus, ut omnia susdeque vertere impunè se posse crederent. Bello appetitus ab Hasso Rex Ferdinandus Cæsaris frater, Ulricus armata in Wirtembergiam manu inductus, ejectis Austriacis. Henricus Dux Brunsvicensis, quod esset Catholicus ac sua defenderet, bello illato provincia spoliatus, una cum filio in carcerem à Landgravio abductus, & in eo pertinaciter detentus. Georgii Saxoniae Ducis Catholici testamentum eversum: Cæsar ejusque frater jure hæreditatis sibi delatæ, spoliati. Pflugius Episcopatu dejectus à Saxone, ut Amsdorffio Luthericolæ locum cedat. Bona Ecclesiarum, Monasteriorum, Abbatiarum, Episcopatum, passim directa ac profanata.

Catholici tot contra pacem publicam, contrâque omnia Divina & naturæ jura injuriis & oppressiõibus afflicti Camerale Imperii tribunal appellabant. Excipiebant Protestantes, hoc judicium, utpote ex Pontificiis conflatum, sibi meritò esse suspectum; eoque rem deduxerunt, ut Cæsar Cameræ Jurisdictionem in causa Religionis suspenderet. Cùm autem Camera adversus rapinas bonorum Ecclesiasticorum, privatâsque invasiones, per pacem publicam tam severe vetitas, nihilominus, prout jure poterat, procederet, negant injusta spolia, rapinas, invasiones ac direptiones rei alienæ ad religionem pertinere, Cæsar, premente hinc Turca, inde Gallo, Protestantibus verò subsidia negantibus, imò in ipsis Germaniæ visceribus postulationibus, minisque perstreptibus, coactus est, usque dum per Concilium Religionis dissidium esset compositum, Judicium Camerale quoad causas Protestantium omnino suspendere, ut adeò per viam Juris, sive rapta retineant, sive plura rapiant, nihil ampliùs agi posset; cùm Judicium etiam Aulicum aliunde jam repudiassent.

Jam verò abrogatis judiciis, spretis legibus, ipsa summi Judicis potestate enervata, quam Reipublicæ formam enasci necesse sit, quam justitiam administrandam, cum administrare sit interdictum, quam pacem & tranquillitatem conservandam, faciliè quivis sanæ mentis intelligit.

Unum supererat remedium, Concilium Ecclesiæ, ad cujus usque decisionem suspensio actionum judicialium permessa fuerat. Verum & hoc elusum est refugium.

Initio, dum Lutheri affectu adhuc pauci essent & infirmis viribus, ad Concilium identidem provocabant, non, quòd illud animo serio expeterent, sed ut interea Wormatiensè edictum sufflaminarent, atque rebus suis firmatis ad vim adversus Cæsarem & Catholicos se compararent, satis gnari, Concilium tam faciliè tamque brevi non posse colligi.

Aucti dein majori ad sectam suam accessione, rejecto Mantuano aliòve Italico Concilio, appellârunt ad liberum in Germania celebrandum. Hoc paritet impetrato, indictoque Tridentum Concilio cum plena proponendi ac loquendi libertate, cum rem seriò agi viderunt, rursus exceperunt, non esse hoc Concilium sibi promissum: Tridentum Italianam potius esse civitatem; non esse illud indicendum à Papa, neque presidere eum oportere aut votum ferre, cum non sit Judex, sed Reus, tot abusuum, quin & errorum in fide postulatus; Protestantibus etiam Doctoribus concedendum liberam suffragium; & si quid contra eorum votum & sententiam concluderetur, Protestantes eo non obstrictos fore &c. Verbo: tale petebant Concilium, quale nunquam fuit habitum, &, quale sibi concedi non posse, præviderant.

Confecto dein bello Smalcaldico, captisque ejus auctoribus, miserant quidem Protestantes, aut potius mittere simulârunt suos Tridentum, ut fucata hac specie belli consilia tegerent, atque Imperatorem, dimissis ex Germania copiis, inermem, nihilque tale à cliente Mauricio opinantem, repente obruerent.

Extorta tunc equidem Transactio Passaviensis & Pax Religiosa, sed eum Pacis Articulum, qui *Reservatum Ecclesiasticum* complectebatur, omnium Ordinum, etiam Protestantium, subscriptione firmatum, passim transgressi, multos Episcopatus, Prælaturas, Ecclesias, Monasteria, fundationes sacras diripere ac profanare perrexerunt; eaque injusta spolia firmari sibi postularunt; quod, cum Imperatores non illico facerent, novis coadunationibus, fœderibus invasionibus, bellis,

bellis, accitis etiam in Germaniæ perniciem, Danis, Suecis, Batavis, Gallis, extorserunt.

Ex iis, quæ ex Historia illius ætatis recensita sunt hæcenus, facile colligi posse arbitror, quænam pars dissidiorum, turbarum, seditionum, bellorum civilium, ortarumque ex iis ingentium calamitatum, causa fuerit & auctor: an ea, quæ more Majorum Germaniæ in pace vivendum putabat, an verò ea, quæ protritit veterum institutis, legibus, moribus, novam Religionem, discordiarum omnium fontem, novam Reipublicæ formam induxit, schisma luctuosum conflavit, Germaniam scidit: an ea, quæ Imperatori supremo suo Magistratui morem geritisque, quæ à Comitibus Imperii ex ordine conclusa sunt, an verò ea, quæ Majestati Cæsareæ refractaria Comitiarum edicta, Imperii Recessus contemnendo & abjiciendo, bases ac fundamenta Imperii subruit; adversus caput fœdera colligit, atque externos etiam Principes concitat: An ea, quæ antiquissimam suam possessionem tuetur; an verò ea, quæ eandem adimere omni conatu adlaborat: An ea, quæ sua retinere, an verò ea, quæ aliena rapere, & sacra omnia profanis miscere contendit.

Sed quid opus pluribus in causas tumultuum bellorumque civilium inquirere, cum ipsum edictum Cæsareum, quo Joannem Fridericam, & Philippum proscripsit, gravissimum hujus rei documentum afferat?

In eo Imperator initio prolixè commemorat, quantos hucusque 143.
sumpserit labores, ut Germaniam in universum pacaret, cujusmodi Protestatio
fecerit ejus rei decreta, quibus cautum sit, ne qua vis cuiquam fiat, Cæsaris.
quacunque de causa, verum ut legibus atque moribus agatur; deinde quomodo sibi devincti sint, & quam fidem præstare debeant Ordines Imperii.

Sed his omnibus neglectis Joannem Fridericum Electorem Saxonie, & Philippum Hassiæ Landgravium, temerario quodam ausu studium atque laborem suum omnem, pro Republica susceptum, singulis temporibus, quantum in ipsis fuerit, impedisse, neque dicto fuisse audientes, & non modò sese opposuisse, sed alios etiam Ordines, ut idem facerent, & illicitas cum ipsis inirent conjurationes, impulisse.

Et Landgravium quidem superioribus aliquot annis bellum instituisse in quosdam primi nominis Ordines Imperii, & in eorum fines progressum, pecuniæ vim magnam extorsisse; deinde ambos simul quemdam Imperii Principem, indicta causa, bello petiit, finibus expulisse, occupata provincia: sed & Episcopatus ac Præfecturas,

ram sacras quàm civiles, quarum domini veteri consuetudine sint ditionis Imperii, & onera publica sustineant, & in Ordinum confesso locum obtineant, in suam ditionem perduxerint, & adhuc quidem illos, licet sæpius in Comitibus Cæsaris fidem imploraverint, in ea servitute detineri; multos quoque suis facultatibus & proventibus annuis spoliatos, & alienæ ditionis homines in eorum clientelam receptos; nuper etiam audacia quadam singulari sollicitatos quosdam Ordines, ne ad Ratisbonensia veniant Comititia, ut videlicet actionem omnem impedirent, Cæsarisque contemptum excitarent.

Et hæc quidem omnia tantò eos facere liberiùs atque licentiùs, quòd judicia contemnant, nec Magistratum agnoscant aut revereantur. Nam ipsorum culpa supremum Imperii tribunal esse sublatum, tacere leges, & multo jam tempore jus nullum dici, magno sanè cum dispendio plurimorum, & novo prorsus atque inaudito exemplo; quòdque omnium sit gravissimum, hæc omnia eos agere specioso illo & dulci nomine Religionis, pacis, atque libertatis; his enim eos uti tanquam palliis, ut suas illas tegant machinationes, cum interim nihil minùs quàm Religionis conciliationem, aut Germaniæ pacem atque libertatem expetant.

Certè nullo scripturæ loco doceri posse, quòd ipsis liceat, summo Magistratui suo quovis modo pertinaciter sese opponere. Contrarium omnino doceri posse tum sacris litteris tum probatis historiis, nempe priscos illos Christianæ fidei professores, profanis quoque Regibus obtemperasse. Quòd certè minùs licere istis, officium suum Cæsari negare specie Religionis; & cum denegent, apertè eos declarare, ipsorum esse consilii, ut diadema, sceptrum atque potestatem omnem Cæsari adimant, sibi que usurpent, & conturbatis omnibus, Religionem, jus, pacem, atque libertatem opprimant, & aucti novis honoribus, facultatibus, & foederibus, in suam tyrannidem omnes cogant. Hoc enim eorum verba testari, plena minarum, libellos atque picturas famosas, passim disseminatas & in vulgus sparsas, magno cum Cæsarei nominis ludibrio atque contemptu.

Præterea non solum foedera iniisse adversus Cæsarem suis illis in conventiculis, verùm etiam exteros Reges in odium ejusdem concitasse, & clanculum ope consilioque juvisse. Non deesse etiam, qui testari possint, quid moliti sint, ut Turcam in Germaniam excitarent. Quod eò magis credi possit, quoniam ad eorum institutum ea res perquam fuisset opportuna. His ergo factis fidem esse violatam, qua Cæsari sint devincti, & muneris ejus dignitatem con-

convelli, & decreta omnia labefactari. Hæc etenim ab eis non aliter accipi, quàm, ut ipsis solis permissum sit cuilibet vim facere, aliis verò vim à se repellere non liceat.

Quamobrem in gravissimum illud læsæ Majestatis crimen, & in pœnas eo nomine dignas, legibusque præscriptas eos incidisse: & quia nota sint ipsorum facinora, non opus esse ea ulterius demonstrari. Quamvis autem Cæsari pro autoritate sua multò antèlicuerit in eos pro ipsorum merito animadvertere, tamen studio pacis, & motus vitandi causa, plurimum illis indulgisse, multa sæpe concessisse, magis etiam, quàm deceret, in eoque conscientiam suam non semel læsisse, & autoritatem suam minuisse, & aliis parùm bene consuluisse.

Sic ante quinquennium Ratisbonæ cum Landgravio, ante bienium verò Spiræ cum Saxone clementissimè actum, ea spe, futurum, ut hac immodica Cæsaris lenitate & tolerantia victi desisterent tandem aliquando à suis illaudatis consiliis, nec opus esset violentius aliquod remedium adhibere. Cùm autem ipsa renihil esse profectum, & verba duntaxat sibi data comperiat, eò quòd suis & Imperii decretis contemptis, & violatis pactis, obstinatè pergant, & effræni quadam dominandi cupiditate facultates aliorum diripiant, neque legibus teneri velint, sed eò tendant, ut omnem reipublicæ statum evertant, & verò, nisi coërceantur, non modò non religio conciliari, sed nec reliquæ etiam reipublicæ partes possint constitui atque sanari, cogi se adversus eos uti ea, qua sit præditus, potestate.

Et quia, subdit Cæsar, de rebellionè constat, ita quidem, ut ipsi negare non possint, deinde quia violenter agunt, neque judicium ullum subire volunt, equidem illòs ut perfidos rebelles, seditiosos, læsæ Majestatis reos, & communis otii perturbatores proseribo, & statutum habeo, in illos, ut meriti sunt, animadvertere; quo per ipsos mihi liceat, rempublicam constituere, & ea facere, quæ propriè sunt mei muneris.

Mandat deinde, ne quis opem eis ferat, aut partibus eorum se adjungat, sibi verò auxilia subministrent. Populo autem eorum ditionis fidem ac jusjurandum, quo ipsis devincti sunt, remittit, &, si morem gerant, publica fide cavet.

En fontes! en causas belli! neque tamen propterea, quòd hoc edicto Saxonem & Hassum proseripserit, & vindicare in eos constituerit, bello initium dedisse dici potest Cæsar; cùm hæc acta sint primùm, postquam tota jam Germania armis Smalcaldicis perstrepebat; postquam in Tyrolin jam, Ehrenbergensi propugnaculo capto, Schertelio duce, irruperant; postquam Donavermam jam

jam aliâque oppida vi expugnaverant ; postquam centum jam ferme millium exercitu, omni apparatu instructo, adversus Cæsarem, ferme inermen, nec plus quàm octo millia apud se habentem, armati processerant. Ex quo ipso etiam facile est colligere, quis primus bellum intulerit ; an is, qui nullo ferme milite & apparatu bellico erat succinctus, an verò illi, qui collecto ex omni Germania milite innumetabilem prope multitudinem in Cæsarem, adeò imparatum, ducebant.

At vicit nihilominus Divinis auspiciis causa melior. Disturbatus ingens ille exercitus : traductæ in Saxoniam Cæsareæ copiae ; victus hostis, captusque. Patuit tunc, quàm vanæ fuerint falsæque criminationes illæ Smalcaldicæ, jactæ in Cæsarem, id ejus esse consilii, ut, eversa libertate, Germaniam in servitutem adducat, ac jugo Hispanorum subdat, aut Ordines juribus suis privet, ut novam Imperii formam constituat.

Si enim hoc unquam Cæsari fuisset animi propositum, quodnam tempus ad id perficiendum fuisset opportunius, quàm ubi victis captisque hostibus victricia per Germaniam signa circumtulit, ubi jam nemo hostis esse audebat ; ubi Principes & civitates adversæ factionis supplices factæ Cæsaris arbitrio se permisierant. Profectò, si unquam, tunc certè potuisset plenam Monarchiam constituere.

Verùm tanta fuit Cæsaris victoris moderatio, ut vim nemo senserit, nisi armatus, ut pristina steterit Germaniæ libertas, Ordinibus sua jura, cunctis, si voluissent, tranquillæ pacis possessio. Hinc ut rempublicam constituat, morbosque consueto Majoribus pharmaco sanet, Augustana indixit Comitia, ubi aliqua etiam ad Catholicorum invidiam Protestantibus indulgit ; tantæque usus est clementia, ut non deessent, qui dicerent, Carolum nôsse vincere, sed non uti victoriâ.

Sed carò ei stetit hæc indulgentia, bonæque de Protestantibus in futurum existimatio. Mox enim collectis rursus viribus, cum Cæsar copias suas, ad eximendam omnem suspicionem ex Germania dimisisset, moto repente novo bello eundem sunt aggressi, & inermen vix non oppresserunt : & quidem, quod auditu indignum, Mauritio Saxone, & Alberto Brandeburgico ducibus, quorum alterum paulò antè captivitate liberaverat, alterum non tantùm ditionibus suis restituerat, sed Electoratu etiam magnisque accessionibus auxerat.

144. At in Concilio Tridentino, inquit, Religionis causam defini-
 Confutatio. ri voluit, ejusque decreta omnibus haberi rata. Ita est ; non vi,
 non

non armis, sed more Majorum, ex usu Ecclesiæ & disciplina veteri per Concilium componi voluit dissidium, ejusque sententiæ standum. Quid hic à munere suo alienum voluit: an non & Constantinus Arianum dissidium per Nicænam Synodum, Theodosius M. Macedonianum per Constantinopolitanam, Theodosius Junior Nestorianum per Ephesinam, Marcianus Eutychianum per Chalcedonensem, alii Imperatores alias hæreses, alia schismata, per alias Ecclesiæ Synodos extirpari voluerunt, earumque sententiis standum? si enim cuivis liberum esset, Conciliorum definitiones pro lubitu acceptare vel rejicere, frustra convocarentur; sicut alia supervacanea & enervia essent judicia, si Judicis sententiam partes pro arbitrio possent abjicere.

Sed DEO magis obediendum quàm hominibus. Quid? Si erret Concilium, si contra Verbum DEI definiat, si superstitionem foveat, prout Tridentinum erravit, definivit, fovit? Verùm hæc Protestantium criminatio est omnibus sectariis communis. Ariani Nicænam, Macedoniani Constantinopolitanam, Nestoriani Ephesinam, Eutychiani Chalcedonensem Synodum, alii alias, à quibus condemnati sunt, erroris arguerunt. An bene? An ex vero?

In Spiritu Sancto congregantur sacra Concilia, illius ductu & influxu reguntur: errare non possunt in fide: ad Verbum Dei Canones formant. Non est privati spiritus Scripturas ad arbitrium interpretari. Ad Episcopos & Ecclesiæ Prælatos, totam Ecclesiam representantes, gravissimum hoc negotium pertinet. Hos Spiritus Sanctus posuit Episcopos regere Ecclesiam DEI: hos audire, his obedire Divinæ præcipiunt Scripturæ.

At Papa præsidere non debuit. Cur non? Præsedit semper, in Orientalibus per Legatos, in Occidentalibus plerisque per se ipsum. Cur jure & possessione vetustissima dejiciatur? Cur munus Pastorale in persona Petri à Christo sibi commissum abjiciat? An non & Arius, & Macedonius, & Nestorius, & Eutyches, & Dioscorus, & Photius idem eodem jure dicere poterant? Ipsi Protestantes ante conclusum foedus Smalcaldicum petierunt à Cæsare Concilium, à Pontifice indicendum. Post bellum Smalcaldicum anno 1548. consenserunt in Concilium secundum Cæsaris voluntatem celebrandum.

Nihil ergo iniquum præcepit Imperator, dum Concilii Tridentini definitionibus standum decrevit; sed gravissimo officio supremi Advocati & Defensoris Ecclesiæ functus est; prout in *Capitulatione* juratò promiserat. Si verò ex hac protectione Protestantes ansam captarunt, turbas ac sediciones concitandi, idem fecerunt, quod

Ariani, Donatistæ, Nestoriani. Sibi adscribant suæque imprudentiæ, quòd rem optimam occasionem esse voluerint rei pessimæ. Num leges Divinæ humanæque sunt causa scelerum, quòd mortalium perversitas eas transgrediendo peccet? An propterea saluberrima præcepta abroganda putabimus?

Quod dicunt, pactionem Norimbergensem & Ratisbonensem, qua cautum erat, ut actiones forenses in causis Protestantium sint suspensæ, à Cæsare & Camera Imperiali fuisse infractam, alienum omnino est à veritate; nec causam querimoniarum ullam possunt sibi inde accersere; nisi fortè existiment, sibi per pacem licere spoliare, rapere, prædari, Germaniamque omnem turbulentis coitionibus, conspirationibus, violentis direptionibus miscere, Cæsari verò contra nec hiscere.

Non Cæsar sed Smalcaldici, quietis impatientes, pactiones illas infregerunt, dum Religionis prætextu nova invaderent raperentque bona Ecclesiastica, plures pluresque in foedus suum pertraherent, alienos etiam ab Augustana Confessione sectarios in pace comprehensos vellent, ipsosque adeò Galliarum & Angliarum Reges sollicitarent adversus suum Imperatorem; ut hic non rarò, vel ipso Sleidano teste, ad Ordines conquestus est. Accedebat, quòd appellando ad Concilium, atque ad illud usque suspensionem actionum pacti, Cæsarem & Catholicos Ordines turpiter deluderent, cum Concilium indictum repudiarent, talèque postularent, quale nunquam fuerat, quòdque concedi sibi non posse videbant.

ARTICULUS XI.

Historica Relatio de statu Imperii à bello Smalcaldico usque ad Pacem Religiosam.

145.
Comitia
Augustana.

Victis Smalcaldici foederis fociis, eorumque Capitibus in captivitate abductis, Cæsar, ut distortam Rempublicam in ordinem reponat, atque constituat, anno 1548. *Comitia Augustana* indixit. Quæ fuerunt admodum frequentia, præsentibus per se ipsos omnibus Septemviris.

Præter Religionis negotium, & Constitutionem *Interim* promulgatam, imperatæ Ordinibus pecuniæ ad instruendum publicum Imperii ærarium, & bellum Turcicum apparandum. Belgii Provinciæ (inter

(inter quas etiam Geldria nuper occupata, cum Ultrajecto & Transfalana, quæ anno 1528. se Carolo V. subjecerant) Imperio innexæ sunt ; ad communes Imperii sumptus tantum jussæ contribuere, quantum duo Electoratus solebant conferre. Mauritius publicè dictus Saxonix Elector, præsentè & inspectante Joanne Friderico exauctorato.

Henricus Dux Brunsvicensis post prælium Mühlbergense liber è **Causa** carcere dimissus, ac provinciæ suæ restitutus, plures gravesque ad **Brunsvi-**versum Smalcaldos querelas proposuit, sibique satisfieri petiit. **Agi-**censis. tata etiam causa Alberti Brandenburgici, qui Borussia Ordini Teutonico, cujus antè Magister erat, postquam ad Lutherum desciverat, rapuit, & sub protectione Poloniæ retinebat, postulante Polono, ut tollatur illius proscriptio : reclamante verò & absolutioni in **Borussica.** tercedente Melchingero, Magistro Ordinis. Consultis Ordinibus respondit Cæsar, causam judicio definiendam ; Gedanum verò & Elbingam, quas Sigismundus Rex Polonici juris esse jusserat, Imperiales esse civitates, ac proin jure ad Comitia fuisse vocatas.

Condita etiam his in Comitiiis novæ Leges Christianæ politicae **Leges poli-**contra blasphemias, capitali supplicio plecti jussas. **ticae.** Contra dejerationes, quæ continuatæ carcere puniendæ, aliisque modis pro qualitate culpæ. Contra computationes & ebrietates. Contra luxum vestitium. Contra fornicarios & adulteros. Contra nautas & aurigas aquam pro vino extracto vasis infundentes. Contra usurarios, exercentes monopolium, & annonæ flagellatores. Contra otiosos mendicos, moriones, scurras, satyricos, spargentes famosos libellos, picturæ &c.

Si pupillis testamento non sint dati tutores, à Magistratu dandos decernitur : qui inventarium conficiant, cautionem præstent, fidem jurent, ac solertiam, & quidem sub hypotheca omnium suorum bonorum. Judices, Advocati, & Procuratores lites & causas non protelent. Abstineant à convitiis sub gravi pœna. Magistratus invigilent, ne aurifabri decipiant, aut opifices nimis cara mercede operas locent.

Confirmata etiam Pax Publica, à Maximiliano I. sancita, additaque novæ pœnæ in transgressores, & leges contra proscriptos, seu declaratos in *bannum* Imperii.

Capite 17. hujus Recessus enumerantur varii modi, quibus illi-
citæ usuræ tunc temporis exercebantur ; & quidem §. 1. dicitur, aliquos creditores in syngrapha multò plus ponere, quàm sit mutuum, ex quo plus & *supra quinque pro centum penduntur.* Quibus verbis

Census
Germanici.

videtur supponi, quòd quinque pro centum annuatim exigere liceat, non verò plus. §. 8. verò hæc habentur: *centum florenis quinque tantum & non amplius annuatim, velut usitatum est, floreni emanantur.* Ergo illa jam ætate census Germanici erant usitati, & supponebantur liciti. Denique in his Comitiiis Cæsar cum Statibus Ecclesiasticis decrevit, ut plures Synodi Provinciales & Diocesanae celebrentur, ad disciplinam Ecclesiasticam, multis partibus deformatam, pristino nitori restituendam. Quare plura dein habita sunt Concilia, ut postea dicetur.

Finitis Augustanus Comitiiis, anno 1549. Cæsar Constantiam & Magdeburgum, quia Constitutionem *interim* recipere detrectabant, proscripsit; & illam quidem expugnatam atque libertate civitatis Imperialis privatam, Domui Austriacæ asseruit, hanc verò oppugnandam Mauritio novo Saxonie Electori commisit; at maximo suo in futurum damno. Nam is hac potestate abusus militem conscripsit, & fœdera inivit clanculùm adversus ipsum Imperatorem suum, & Patronum maximum.

146.
Comitia
Augustana
altera.

Imperator verò, debellatum existimans, securus sui, in Belgium abiit; ubi Philippo filio suo homagium à Provinciis præstari voluit. Inde verò cum eodem filio suo anno 1550. in Germaniam regressus, altera *Augustæ Comitia* celebravit; factumque decretum, ut ad Augustanum, biennio abhinc conceptum religionis edictum omnia componantur: contumaces puniantur, & bona Ecclesiis ablata restituantur. Actum etiam de præstandis subsidiis ad ulteriorem Magdeburgi oppugnationem. Denique Cæsar in his Comitiiis, prout etiam antea, Ferdinandum fratrem persuadere conatus est, ut Romanorum Regis dignitatem in Philippum transferat, quod tamen is facere recusavit.

Hoc eodem tempore Dragutius, insignis pirata, Ottomannicæ classis præfectus, cum Sicilia & Hispaniæ oras infestaret, Cæsar adversus eum Joannem Vegam Siciliae, & Petrum Toletanum Neapolis Proregem cum Andrea Auria misit; qui barbaro superato Mahumedium, ipsius regiam expugnarunt. Quæ res novo bello Turcico occasionem dedit.

Bellum
Parmense.

Hanc expeditionem excepit bellum *Parmense* anno 1551. nam Octavius Farnesius Cæsaris gener, cui in bello Smalcaldico tam fidam navarat operam, existimans, patrem suum Petrum Aloysium eodem conscio interfectum, cum Placentiam Ferdinandus Gonzaga Dux Cæsareus ipsi eripuisset, Henricum II. Galliae Regem imploravit, qui auxilium protinus addixit, inito jam aliàs cum Mauritio Saxone ad-

ver-

versus Cæsarem foedere. At res tandem ita fuit composita, ut Octavius præter Parmensem Placentinum etiam Ducatum reciperet.

Haud multò post, anno videlicet 1552. secutum est alterum in Italia bellum, nempe *Senense*. Quippe Senenses Gallorum instinctu expulso Hispano præsidio, receptoque Gallico, in libertatem se asserere sunt conati, Draguto etiam Turcicæ classis præfecto, qui Mediterraneum oberrabat, eorum conatus adjuvante. Cæsarei nihilo minus & Florentini urbem, arcta obsidione cinctam, fame potissimum ad deditionem compulere; Portu etiam Herculis è Gallorum manibus erepto (1555.) postea Philippus II. Senas Mediceis vendidit, re-tento statu Præsidii.

Senense.

Sed gravius multò eodem ferme ac priora tempore exarsit bellum geminum contra Cæsarem, Mauritanum nempe ac Gallicum; quod *part. 3. cap. 6. §. 9.* descripsi. Et illud quidem subito intulit anno 1552. Mauritius Saxo Septemvir, summis beneficiis devinctus Cæsari; quo *Transactio Passaviensis* fuit extorta; cujus hæ sunt conditiones, prout apud Sleidanum lib. 24. extant & apud Struvium in *Hist. Imp. period. 10. §. 94.*

Confœderati Principes ab armis discedant, & copias ita dimittant, ut Ferdinando Regi adversus Turcam militent, aut liberi abire sinantur. Landgravius liber dimittatur, postquam cautionem præstiterit de servandis conditionibus, Halæ Saxonum à Cæsare latis, salvo tamen jure Cassellam muniendi &c. in quam rem renovata sponsione Mauritius & Brandenburgus se rursus obligant. Controversia, quæ Landgravio est cum Nassovio comite de ditione Cattorum recognoscatur per Principes Electores, & eos, quos Cæsar designaverit. Intra sex menses Cæsar Imperii conventum aget, in quo deliberetur, qua ratione dissidium Religionis componi debeat: an Concilio generali, an Nationali, an Colloquio, vel communi etiam Imperii conventu. Pacem interea colent omnes, & propter religionem nulla cuiquam exhibebitur molestia.

147.

Transactio
Passaviensis.

Ad Imperialis Judicii confessum seu Cameram admittantur ii etiam, qui sunt Augustanæ Confessionis. Reliqua omnia, quæ pertinent ad Germaniæ decus & libertatem, in Imperii Comitibus tractari debent.

Ottoni Henrico Palatino suæ regionis Neoburgensis dominium atque possessio libera permittitur. Confœderati sui juris erunt, ut antea.

Quibus damnum hoc bello datum est, nullam eo nomine litem movebunt iis, qui dederunt. Cæsaris tamen & Ordinum erit in pro-

xiiiis Comitibus rationem aliquam inire, quomodo sarciantur iis, quod passi sunt damnum.

Ad Galliæ Regem, quod attinet, quoniam Imperii res ad ipsum nihil pertinent, licebit, ut quas cum Cæsare habet privatas actiones, eas exponat Mauritio, ut post ad Cæsarem omnia referantur.

Proscripti recipiuntur in gratiam, modò nihil posthac in Cæsarem ac reliquos Ordines faciant: modò etiam illi, qui Galliæ Regi militant, intra tres menses redeant in Germaniam, illo deserto.

Albertus Brandenburgicus comprehenditur in hac pace, modò discedat ab armis, & militem dimittat.

Hanc pacem qui violaverit, hostis judicabitur.

148. Displicuit hæc transactio Alberto Brandenburgico, Marchioni Culmbacensi. Quare is non desit immanitate plùs quàm barbara in Franconiam, Provincias Rhenanas, Alsatiæ, Lotharingiam, atque eos præsertim, qui Ecclesiastici sunt ordinis, furere, & immensis exactionibus, cædibus, incendiis omnia complere, viginti millium secum circumferens prædonem exercitum. En novi Evangelii fructus hoc nimirum erat reformare Ecclesiam.

Post vastatas Germaniæ provincias Princeps hic reformator se cum Gallo conjunxit. Mox eo deserto, Cæsaris partes secutus est. Soluta dein obsidione Metensi, ac Cæsare in Belgium abeunte, regressus in Germaniam anno 1553. Provinciarum vastationes instauravit, tanta crudelitate, ut eum à Cæsare & Camera Imperiali proscribi necesse fuerit, executione Saxoni commissa, qui victor in acie cecidit.

Albertus altero prælio cæsus ab Henrico Brunsvicensi, in Galliam fugit, ac inde redux mortem oppetiit 1557. homo, si quis unquam, ferox, ac turbulentus, atque ad reipublicæ perniciem natus, abundabat enim militibus, utpote quibus omnem prædandi furendique licentiam permiserat.

Saxo. Mortuo Mauritio Joannes Fridericus Electoralem dignitatem cum provinciis, quas amiserat, repetiit. Verùm intercedente Dano Augustus Mauritiæ frater in possessione remansit, traditis duntaxat aliquot urbibus, cum centum florenorum millibus, ac stabilita lineæ Ernestinæ successione, si Albertina deficeret.

Anno 1554. Carolus V. filio Philippo Ducatum Mediolanensem cessit; anno verò sequente Belgii provincias, & brevi post universam Hispaniæ Monarchiam, in utrumque orbem latè exporrectam, reservatis sibi duntaxat in annos singulos centum florenorum millibus.

ARTICULUS XII.

Pax Religiosa.

ANno 1555. Carolus V. qui, abdicatis hæreditariis provinciis, Cæsaream dignitatem tantisper adhuc retinebat, per Ferdinandum fratrem *Comitia Augustana* indixit, concessa eidem plena agendi libertate. Post multam concertationem pax tandem decreta his 22. Articulis.

1. Tolluntur omnes privatæ invasiones, diffidationes, bella &c. & Pax Publica observari jubetur.
2. Propter Augustanam Confessionem nullus Status Imperii violetur, aut impetatur, aut ad eam deferendam cogatur, permessa quiete. Diffidia verò per amicam & pacificam conventionem componantur.
3. Similiter antiquæ Religioni addicti in omnibus suis juribus, possessionibus, ritibus, ceremoniis &c. quietè ac pacificè relinquuntur.
4. Hac pace gaudent soli antiquæ Religioni & Confessioni addicti, exclusis omnibus reliquis.
5. Si quis Archiepiscopus, Episcopus, Antistes, aut alius Ordinis Ecclesiastici à veteri Religione deficiet, is continuò Episcopatum suum aut Beneficium relinquat cum omnibus fructibus, ac Ecclesiæ cedat, cui integrum est alium ejus loco constituere, qui sit veteris Religionis, salvis nempe per omnia electionis, institutionis, præsentationis, confirmationis, aliisque id genus juribus. Ei tamen, qui ad Augustanam Confessionem sic deficeret, ad nullam infamiam id cedat. Hic Articulus *Reservatum Ecclesiasticum* appellatur.
6. Quia nonnulli Ordines Imperii quasdam præfecturas Ecclesiasticas, Collegia monachorum, & alia id genus bona sacra sibi sumperunt, non interpellentur hoc nomine: nec in jus propterea vocentur, sed ejusmodi bona, quæ non pertinent ad Ordines Imperii, vel alios Imperio planè subjectos, & quorum possessionem tempore transactionis Passaviensis Ecclesiastici non habuerunt, suo loco permaneant. Neque Camerae Judicibus propter hæc ab illis usurpata & alienata bona jure quidquam adversus illos experiri liceat.

7. Jurisdictio Ecclesiastica adversus Augustanæ Confessionis consortes maneat suspensa, quoad sublatum sit dissidium. In cæteris rebus, religionem A. C. non concernentibus, exerceatur more ac jure veteri ab Episcopis &c.
8. Census, redditus, decimæ &c. solvantur, sicut ante religionis dissidium, salvis cujusque juribus.
9. Lites desuper exortas decidat unus vel alter ex utraque parte designatus. Si autem hi non convenirent, tertius arbiter compromissarius, qui neutrius sit partis, eligatur.
10. Ad neutram religionem quis cogatur.
11. Jus emigrationis valeat. Liceatque aliò migrare volentibus, sua bona vendere, distrahere, &c. salvis tamen magistratuum, superiorum, ac dominorum pristinis juribus in taxas ordinarias &c.
12. Hæc pax servetur, usque dum per Concilium Generale, aut Nationale, aut per Colloquium, aut Imperii Conclufum religionis dissidia sint sublata. Si controversiæ non componantur, nihilominus hæc pax firma maneat.
13. Imperii Nobilitas, Imperatori & Imperio immediatè subjecta, huic paci sit inclusa.
14. Ubi veteri Religioni & A. C. addicti sunt commixti, uti in pluribus urbibus Imperialibus, pacificè & quietè inter se vivant; nec altera pars alterius religionis exercitia, ceremonias &c. impediatur aut turbet.
15. Hic pacis tractatus derogat omnibus prioribus Imperii Recessibus & Ordinationibus, quæ sunt aut videntur contrariæ. Nec ullæ declarationes, aut aliud quid, quo hæc pax impediretur, fiat aut admittatur: secùs illud omnino irritum fore.
16. Cæsar promittit, quòd neque ex plenitudine potestatis, vel alio quocunque prætextu velit huic paci derogare.
17. Id & promittunt Ordines Imperii.
18. Repetuntur mandata de non turbando & offendendo.
19. Præsidi & Assessoribus Cameræ Imperialis, ut in judicando huic paci se conforment.
20. In Comitibus post sex menses Ratisbonæ celebrandis tractandum de componendis Religionis controversiis.
21. Ordo sessionis, voti, & subscriptionis nullius juribus præjudicent.
22. Sequitur iterata contestatio servandi hanc Pacem, cum omnium Statuum subscriptione.

ARTICULUS XIII.

DISSERTATIO

De Reservato Ecclesiastico.

Reservatum Ecclesiasticum, quo statuitur, ut si quis Episcopus, 150.
 Prælatus, aut alius quispiam Ecclesiastici ordinis à Catholica Omnes sub-
 fide deficiat, Episcopatum, Prælaturam, aut Præbendam, scribunt.
 cum omnibus redditibus & proventibus Ecclesiasticis illico amittat,
 novusque ex Catholicis substituatur, cui omnia jura obveniant, hoc,
 inquam, Reservatum magnam excitavit in Comitibus Augustanis con-
 troversiam.

Nam Protestantes initio vehementer repugnabant: Religioni id
 suæ probrosum rati, eamque tacite condemnari. Verum cum Fer-
 dinandus Rex nulla ratione induci posset, ut eam Reservationem re-
 mitteret, sed ex plenitudine potestatis, sibi à Cæsare delegatæ, Ar-
 ticulum illum paci infereret, omnes absolute subscripserunt, absque
 ulla adjecta conditione aut limitatione, approbando omnes Articulos,
 omniâque illius puncta, adeoque etiam Articulum illum, ut sincerio-
 res ac veraciores ex Protestantibus Scriptores facile agnoscunt, &
 candidè fatentur cum Struvio *Hist. Imp. tom. 2. Period. 20. §. 101.*
n. 14. ubi ait, Protestantes toti paci absque protestatione & reserva-
 tione subscripsisse, adeoque etiam illi Articulo.

Incredibile dictu, quoties & quam importunè quidam Protestan-
 tes variis in Comitibus contra hoc Reservatum insurrexerint, illudque
 abolitum voluerint, negatis etiam ad bellum Turcicum subsidiis, nisi
 penitus expungatur. At constanter obstiterunt Imperatores, id au-
 thoritate sua efficientes, ut pax Religiosa absque exceptione ab Or-
 dinibus non raro confirmaretur. In ipsis etiam electionis Capitula-
 tionibus Electores à subsecutis Imperatoribus exigebant, ut jurarent,
 se pacem Religiosam integrè servaturos.

Sed neque per hoc Reservatum ullo modo derogatur transactio-
 ni Passaviensi, sed illi quam maximè est consentaneum. Siquidem
 illa religionem alterutram gravari aut vexari vetat. Quantum au-
 tem gravamen foret, si personæ Ecclesiasticæ antiquissimas fundatio-
 nes evertere, Ecclesias bonis, Capitula suis juribus privare, & tam
 opima spolia ad uxores possent asferre. Profectò sic cupidus homini-

151.
Æquissi-
mum.

bus licitum foret totum statum Ecclesiasticum turbare & fortunis suis evertere, contra transactionis Passaviensis placita.

Unde falsum omnino est, quod Protestantes dicunt cum Limnæo *in addit. ad l. 1. c. 3.* clausulam illam, quæ Reservatum continet, non pertinere ad substantiam pacis; nam id, sine quo Ecclesia Catholica non potuisset securè juribus suis ac bonis frui, sine quo Ordines Catholici absolutè detrectabant inire pacem, utique pertinet ad substantiam pacis, quæ utriusque partis securitati & tranquillæ possessioni consultum voluit. Accedit, quòd Pax Religiosa quoad omnes articulos, clausulas, & puncta sit observanda, sive dein dicantur pertinere ad substantiam, sive ad accidentia referantur. Atque quoad omnia puncta servanda Imperatoribus noviter electis proponitur, uti Ferdinandus II. in Edicto Restitutionis asserit, & capitulationes Cæsareas inspicienti patet.

152. At cum Divinis Scripturis, inquit, cum jure naturali pugnat Conforme Reservatum Ecclesiasticum, eò quòd libertatem hebetet Evangelicam Verbo DEI, religionem amplectendi, Verbi Divini oraculis adeò dilucidè assertam.

Hic jam olim fuit, & etiamnum est clamor Protestantium, ab omni veritate multò alienissimus. Quænam sunt illæ Scripturæ, quænam oracula, quibus Lutheri sphalmata comprobentur? Insignis hæc est fraus Scriptorum A catholicorum, quos inter Sleidanus videtur eminere: ubique ad nauseam recoquunt, Lutherum ejusque affectas ex Verbo DEI themata sua demonstrasse, Papistas verò nunquam ex sacris litteris eundem impugnasse, sed ad humanarum duntaxat inventionum & traditionum miserum præsidium confugisse.

Apertum hoc est mendacium. Nunquam Doctores nostri detrectarunt, etiam ex sacra Scriptura cum Luthero ejusque progenie disputare, & Argumenta sua frequentissimè desumpserunt ex sacris litteris, ut faciliè videre possent, si veritatem amarent, Scriptores A catholici, ex disputationibus & scriptis Eckii, Cochläi, Pflugii, Gropperi, aliorumque, qui veritatem Orthodoxam adversus Lutheranos propugnarunt.

Quòd autem in explicandis controversis Scripturæ locis etiam ad interpretationem Conciliorum, Patrum, Ecclesiæ, atque ad traditiones, Divinas, Apostolicas, Ecclesiasticas appellarint, profectò à nemine prudente vituperari debet. Cùm enim quæstio oritur, quem sensum textus quispiam controversus sacræ Scripturæ habeat, cui potius credam, an ei, qui eundem explicat in eò sensu, quem nos docuerunt SS. Concilia, SS. Patres, sancta mater Ecclesiæ, cujus est judicare de vero sensu & interpretatione sacrarum Scripturarum, an
verò

verò illi, qui secundum cerebri sui libidinem sacros textus ad sensus in Ecclesia inauditos contra totius antiquitatis sententiam petulanter detorquet? quanam hæresis non esset donanda civitate, si arbitraria ejusmodi Scripturarum interpretatio locum haberet? (*videri potest opusculum meum de Verbo DEI.*)

Falsum proin est, novitiam Lutheri doctrinam sacris Scripturis Juuri natura. niti; nec alio sensu dici potest *Evangelica*, nisi, quod sanctum JESU Christi Evangelium eversum eat. Falsum, quod Reservatum pugnet cum naturæ legibus. Quid enim actum? Pars catholica certat de damno vitando, pars Lutherana de lucro captando. Illa vult sua retinere: hæc aliena rapere; illa antiquissimas foundationes factas tectasque conservare: hæc evertere; illa cultum DEI, Ecclesiarum ornamenta, Ordinis Ecclesiastici decus propugnare: hæc pessundare, & sacra omnia profanis miscere. Cui jam parti jura naturæ suffragantur?

Et hinc, cum Lutherani dicerent, se bona conscientia non posse Reservatum admittere, Ferdinandus Rex fidenter respondit, id sibi relinquerent ac suæ conscientiæ, se DEO propterea rationem redditurum. Atque sic acquieverunt, & toti tractatui absque ulla exceptione aut limitatione simpliciter & absolute omnes subscripserunt, contenti, quod revocatis priorum comitiorum decretis sectæ suæ libertatem sint adepti.

At probrosum est, inquiunt, religioni A. C. eos Ecclesiasticos, qui eandem amplectuntur, Beneficiis Ecclesiasticis privari: hoc pacto eandem erroris tacite condemnari.

Verum, si per Reservatum secta Lutherana fuit condemnata, nihil aliud sequitur, quam eam sectam, quæ jam pridem à Comitibus Wormatiensibus aliisque sæpius fuit damnata, in his Comitibus Augustanis ab ipsis etiam Statibus Lutheranis fuerit condemnata; cum ipsi non minus quam Catholici absolute & illimitate subscribendo Reservatum approbarent. An hoc Religioni ipsorum sit probrosum, ipsi viderint.

Ferdinando certè Regi Ordinibusque Catholicis gloriosum, & æterna commendatione dignum fuit, sistere ruentem impetum, & opponendo aggerem lascivienti cupiditati, miserrimam pereundi facilitatem eripere.

Porro hanc pacem Religiosam ad amussim observârunt Catho- 153.
lici, non verò A catholici Sola Augustana Confessio per illam per- Non serva-
missa in Imperio ac tolerata fuerat, exclusis sectis reliquis. Sub hoc runt ac-
verò furo Calvinistæ etiam aliique sectarii sunt ingressi, ut majus tholici.

Corpus Evangelicum conflarent. Contra Reservatum Ecclesiasticum Episcopatus passim Ecclesiis Catholicis sunt erepti ac profanati.

Cùm autem hæc contra initum pacis tractatum esse cernerent, omni ope adlaborarunt pluribus in Comitiiis, ut Reservatum aboleatur: Imperatoribus pientissimis pro munere & auctoritate sua strenuè se opponentibus, & pacis observantiam urgentibus; tunc etiam, cùm anno 1566. in Comitiiis Augustanis Nobiles Luthero addicti Maximilianum II. rogârunt, ut sibi ad Episcopatus & Prælaturas Ecclesiasticas, utpote ad conservandas Illustres familias à Majoribus fundatas, aditum concedat. Quasi verò Majores apprimè Catholici Ecclesias fundârint pro secta, quam nunquam noverunt, quæque avitam eorum Religionem totis viribus oppugnare & extinguere nititur.

Neque hîc sitîre conatus, sed ulteriùs progressi, Religionis libertatem etiam ad *Landssassios*, ut vocant, seu ad omnes subditos Imperii mediatos extensam volebant, adeoque universalem *Autonomiam* inducere moliebantur; cùm tamen Pax Religiosa tantùm Statibus Imperii eam libertatem permittat, vetetque molestiam illis propter C. A. inferri. Unde speciali Articulo Nobilitas Imperii immediata huic paci fuit inclusa; quod superfluum omnino fuisset, si omnibus universim libertas fuisset concessa. Igitur tantùm illis, qui sunt Status Imperii, & Nobilitati Immediatæ fuit permissa, non verò Statuum subditis, seu subditis Imperii mediatis. Quare frustra nobiles & civitates, Principi Fuldenfi subjecti, anno 1575. Pacis Religiosæ titulo Religionis licentiam extorquere nitebantur; uti etiam subditi Domus Austriacæ,

ARTICULUS XIV.

OBSERVATIO

Circa ea, quæ Carolo V. ab Heterodoxis obii-
ciuntur.

QUamvis summa sint gloriosissimi atque invictissimi Imperatoris Caroli V. in Imperium & Religionem Catholicam merita, non desunt tamen calami heterodoxi, qui cum Sleidano, Thuano, & Hippolytho à lapide, personato illo Domus Austriacæ mastige, varia in eo reprehendunt.

Atque

Atque imprimis dicunt, quòd plures Imperii ditiones aut alienaverit, aut Domui suæ appropriaverit: retinuisse enim sibi Ducatum Mediolanensem, ac dein in filium suum transtulisse, cùm Imperio fuisset vindicandus. Neque Florentinum uniisse Imperio, sed Medicæis concessisse, contra inita Capitulationis pacta: Senas contra datam fidem libertate privasse, ac Philippo filio donasse. Parmam & Placentiam tradidisse Pontifici: Ducatum Wirtembergicum primo quidem Duci Ulrico ademisse, ac dein feudum Austriæ constituuisse: Constantiam, liberam Imperii civitatem, Austriacis propriam fecisse.

154.

Alienatio-
nes ob-
jectæ.

Sed respondent alii, imprimis telum hoc in Protestantibus retorquendo, quorum fœderibus, cum exteris Regibus contra pientissimos Cæsares initis, tot urbes, ditiones, provinciæ, in Gallorum & Suecorum manus fuerint delapsæ, tot Episcopatus, possessiones, jura, ac dominia Catholicis Statibus erepta, hoste extero in ipsa Germaniæ viscera adducto tot damna & clades illatæ, quorum vel sola recordatione horrescat mens Germana.

Retorsio.

Dein magnam adhuc eamque geminam esse disparitatem inter alienationes, Protestantium fœderibus & auxiliis Imperio extortas, & eas, quæ Cæsari obiciuntur. Nam ditiones Galliæ cessas, dissoluto omni cum Imperio nexu, esse avulsas. At verò Ducatum Wirtembergicum, Mediolanensem, Florentinum, Senensem ditionem fuisse concessos, conservato, quo prius Imperio cohærebant, feudali nexu, atque directo Imperatoris ac Imperii dominio.

155.

Responsio.

Longobardiam dudum in exteræ præpotentis Nationis potestatem fuisse concessuram, nisi Austriaci Cæsares, & præsertim Carolus V. suis sumptibus, suis armis, suo milite, sibi eandem & Imperio vindicassent. Ducatum Mediolanensem à Ludovico XII. & Francisco I. occupatum sæpius, Senas pariter in Gallorum manibus hæsisse, Florentinis etiam turbis eosdem se immiscuissse: unum obstitisse Carolum, ne Gallia Cis-Alpina (quod olim habebat nomen) in Galliam Transalpinam abiret. An perdat, qui recuperat? an alienet, qui conservat?

An nulla tot in Imperium meritis gratia, tot bellorum sumptibus compensatio? nulla dotis, à Blanca Maria Galleacii Sfortiæ filia, Maximiliano I. allatæ ratio?

Medicæos, in gratiam Clementis VII. tam inclementer antea Romæ habiti, non tam institutos, quàm restitutos, inquirunt. Parmam etiam & Placentiam non tam datam, quàm restitutam Ecclesiæ. Wirtembergiam Suevico fœderi justo titulo obvenisse, & ab hoc Caro-

rolo venditam; non tamen propterea mutasse nexum, quem antea cum Imperio habuerat, ne quidem tunc, cum restituto Duce Carolus illam Sub-Feudum Domus Austriacæ constituit, salvis Imperii juribus. Constantiam denique, urbem tunc Zwinglianam, in poenam contumaciæ libertate privatam, & in compensationem sumptuum Domui Austriacæ fuisse attributam, in libertatem filiorum DEI hac ratione assertam.

156.
Cur Lutherani eum
sibi vendi-
cent.

Obiiciunt deinde Carolo Religionem. Nam, quod sanè mirum, complures ex Scriptoribus Lutheranis eundem sibi vendicant, eò quòd apud Pontifices ferventer insisterit, ut gravamina Nationis Germanicæ, præcipuæ reformationis causæ, tollantur; atque ipsemet per Constitutionem *Interim* reformationis negotium suscepit tractandum, concessis iis, quæ Romana Ecclesia non concedat. Quòd Pontificiam auctoritatem per omnem Hispaniam abrogârît; ipsûmque Pontificem Clementem VII. per Fronsbergium, Borbonium, Aurium, Lanoyum, aliòsque suos Duces ac milites gravissimè affligerit, Roma capta, expilata, sacrisque ac profanis omnibus violatis inter inaudita crudelitatis exempla.

Et licèt Carolus, qui in Hispania tunc morabatur, audito eò nuntio, ingemuissè scribatur, abjectisque spectaculis & festivæ lætitiæ signis, ob natum recens Philippum Principem adornatis, lugubres vestes indutum supplicationem, ea propter institutam, fuisse comitatum, publicis de cathedra pro liberando Pontifice imperatis precibus. Hunc tamen totum apparatus fuisse scenicum, ad simulationem doloris compositum.

Cur enim, inquiunt, si serius fuisset mæror, Pontificem non illico liberasset carcere? cur eum cum tot Cardinalibus septem integris mensibus permisisset in illo squalescere? cur in auctores tantæ vastationis non animadvertisset Protector & Defensor Romanæ Ecclesiæ ac sedis Apostolicæ? cur non saltem sacrorum Romanensium violationem vindicasset? cur mandata liberationis adeò perplexa misisset, ut à Ducibus facilè eludi possent? cur condiciones durissimas præscripsisset, ac grande adeò redemptionis pretium, ut colligi ac solvi non posset? cur, si Romanæ Ecclesiæ seriò fuisset addictus, hæc omnia acta fuissent in Christi Vicarium, eo ipso tempore, quo Lutherani Germaniam implebant, & Pontifici oppresso insultabant? & cur Edictum Wormatiense impunè contemni fuisset passus? cur securum domicilium Protestantibus per edictum Ratisbonense & Norimbergense, per Transactionem Passaviensem & pacem Religiosam concessisset?

Deni-

Denique addunt, Carolum Lutherano more obiisse, non in propriis meritis, aut Sanctorum patrocinis, sed in Christi sanguine fiducia posita. Familiariter etiam ad mortem usque usum fuisse Doctoribus Lutheranis, uti Joanne Ægidio & Constantino Pontio, suis confessoribus: qui omnes ab Inquisitione tanquam hæretici sint damnati. Bartholomæum etiam Carranzam, Archiepiscopum Tolletanum, ultimum Caroli confessorium, qui morienti adfluit, ob vehementem suspicionem de pravitate fidei ad ejurandum fuisse coactum. Hæc autem omnia, simul præsertim ponderata, haud obscurum præbere argumentum, Carolum V. non tantum Luthericè vixisse, sed etiam mortuum esse.

At respondent scriptores Catholici, magis saltem periti, nec nationali spiritu, minus benevolo, afflati, aut in partium studia abrepti hæc omnia, partim conficta, partim exaggerata, tantum abesse; ut Carolo Cæsari Catholicam Religionem eripiant, ut ne quidem dubiam faciant. 157.
Responsio.

Ita est: institit apud Adrianum VI. suum olim moderatorem, dein Patrem, & Christi Vicarium, ut gravamina quædam, quibus oneratam se querebatur Natio Germanica, auferantur. Sed institit modestè, reverenter, prout filium Ecclesiæ decet. Nunquam autem passus est, ut ipsi Ordines in hac re quidquam decernerent, sed ad Pontificem & Concilium reformationis negotium remisit. Unde in litteris, ad Clementem VII. anno 1526. die 17. Sept. Granata datis (prout apud Goldastum Tom. I. exstant) scripsit, nunquam se aures præbuisse postulatis circa gravamina.

Constitutio *Interim* nihil à dogmatis & fide catholica alienum continet. Retardato Concilio Tridentino quieti Germaniæ sic interea consulendum putabat, ut, cum omnia, quæ ad disciplinam Ecclesiæ spectant, acceptanda fore & servanda à Protestantibus sperari non posset, quoad dogmata saltem cum Romana Ecclesia convenirent.

Quod Carolus omnem auctoritatem Pontificiam per totam Hispaniam abrogârit, mendacium est Præconum Tigurensum, aliorumque heterodoxorum; ut legere possent vel in ipso suo Goldasto; qui *Const. tom. 3. ad annum 1526.* litteras Caroli ad Clementem VII. scriptas exhibet, in quibus ait, leges non nullas per Hispaniam latas eò solum spectare, ne Jura Patronatus, ab Adriano VI. concessa, Romæ revocentur. Estne autem hoc totam auctoritatem Pontificiam per Hispaniam abrogare?

185.
De Roma
expilata.

Direptio & expilatio Romana absque dubio valde crudelis fuit & barbara, sed à Cæsare neque imperata, neque probata; imò eo inscio, & in Hispania absente, patrata. Ducum hæc culpa fuit, & præsertim militis gregarii, magna ex parte Lutherani, ex disciplina Lutheri in Pontificem & Romam, sibi invisam furentis.

Quæ, ut perspicua fiant, altiùs nonnihil repetenda est historia. Postquam Ticinensi parta victoria Rex Franciscus in Hispanias captivus fuit abductus, pluribus Principibus suspecta atque invisa esse cœpit tanta Cæsaris potentia, acsi ad universalem Monarchiam adspiraret. Itali præsertim libertati suæ metuebant. Quare Francisco Rege liberato initum est fœdus inter Pontificem, Regem Galliæ, Franciscum Sfortiam Ducem Mediolanensem, & Venetos, adversus Carolum Cæsarem, sollicitato etiam Angliæ Rege.

Fœderis istius hæc capita fuisse dicuntur; ut Regii Principes, in Hispania pro patre obsides in libertatem asserantur: Regnum Neapolitanum jure avito Lotharingis vindicetur; Franciscus Sfortia in possessione Mediolanensi, reliqui Status Italiæ in sua libertate & juribus firmentur.

Hoc fœdus ubi Cæsari per Marchionem Pischariæ, qui simulatò eidem accesserat, innotuit, ociùs exercitum, ex Germanis & Hispanis conflatum, in Italiam misit, Ducibus eo mandato dato, viderent, ne res Cæsaris detrimentum ibidem patiantur.

Erant autem Duces, exercitui huic præpositi, Carolus Borbonius, ex Gallia profugus, in locum Sfortiæ, felonix damnati, Dux Mediolani à Cæsare destinatus; Lanoyius Neapolis Prorex; Hugo Moncada, legatus Cæsareus, reliquis ditionibus, quæ Cæsarei juris in Italia erant, præficiendus. Omnes isti dignitates suas, & emolumenta maxima, atque spes amplissimas erant amissuri, si fœdus illud adversus Cæsarem prævaleret, cujus Pontificem auctorem esse putabant. Jam verò, qua mente animati Duces isti, quorum fortuna omnis tantopere vertebatur, ad bellum istud accesserint, facili conjectura licet assequi. Adde Columnios odio Pontificis efferatos, Auriacum, & Alarcum militari ferocia frementes, adde Georgium Fronsbergium, Sueviæ Dynastam, qui duodecim millia Germanorum, potissimum Lutheranorum, spirans minarum & cædis, atque odio & furore in omne Romanum nomen flagrans, ad excidium Pontificii dominatus, ut loquebantur, adduxerat.

His jam Ducibus hoc animo imbutis, à furioso milite, tum odio, tum spe prædæ ebrio, secuta est immanis illa abominatio desolationis in loco sancto : vastatus ager Romanus, Roma capta, direpta, templa omnia spoliata ac profanata : Pontifex in Adriani mole cum Cardinalibus inclusus, eaque acta, quæ calamus horret scribere.

Quis autem credat, Carolum V. Imperatorem ac Regem, tam magnanimum, pacis amantem, filiali in sedem Apostolicam amore & reverentia præstantem, Ecclesiæ Romanæ Protectorem juratum, tantæ laniæ, furoris plus quam barbari, atque in ipsum summum Pontificem, quem, licet iratus, nihilosecius tamen, ut ex epistolis ejus elucescit, magnopere venerabatur, tantæ crudelitatis fuisse auctorem ?

Mandatum profecto nullum ab eo ita saviendi miles habuerat. Ipso ignaro funesta hæc tragœdia fuit instructa, imò, cum inaudiit, lugente, ac publicè mœrente.

At cur Pontificem non illico è custodia liberum dimitti jussit, si serius fuit dolor ? Jussit. Sed temporis ac rerum conditionem attendamus. Frendebat miles ; stipendia inclamabat ; ad manum non erant ; seditionem movebat ; nulla Ducum imperia audiebat. Indulgendum isti putabant præsentī necessitati ; ac cedendum furori. Stipendiorum solutionem à Pontifice & Cardinalibus petebant ; Pontifex exhausto ærario dare non poterat. Hinc moræ : hinc rapinæ continuatæ : licentia efferi militis protracta ; quin Cæsar, tot terrarum mariumque intervallo abstractus tantis malis protinus mederi posset.

Adhæc metuebat, ne Pontifex liberatus, tantam vindicaturus injuriam, hostibus se adjungeret, renovaret foedus, populisque in se concitatis, ira stimulante, majorem procellam cieret. Securum proin se reddere voluit. Complures arces locaque munita fidei suæ petiit concedi, donec æstus ille bellicus deferberesceret. Id genus pactiones tempus captivitatis protraxerant. Reliqua, quæ in personam Pontificis, Cardinalium, Ordinem Ecclesiasticum & populum universum crudeliter atque indignissimè acta sunt, furori militari sunt adscribenda, qui stipendiis non solutis compefci non poterat ; præsertim, cum tam multa pectora Lutherana rabies haberet occupata.

Cælum ipsum visum est digito demonstrare, infandæ impietatis auctores ; nam Fronsbergius, qui laqueum secum ad jugulandum Papam attulisse fertur, Romam non attigit, sed Ferrariæ periit. Borbonius in ipso urbis assultu cecidit. Lanoyius eodem adhuc an-

no Neapoli peste extinctus. Moncada paulò pòst navali praelio victus flammis combustus est; Columnenses capti, spoliatique. Philibertus Auriacus brevì pòst cæsus in Florentino agro occubuit. Ut adeò cœlo vindice nullus ex Ducibus, tragœdiæ illius feralis auctoribus, triennio superstes fuerit. Miles gregarius, ad quem pars maxima injuriæ pertinebat, luxu, libidine, pestilentia eò usque defluxit, ut, cùm viginti quatuor millia armatorum Romam intrassent, ne dimidia quidem pars inde redierit. Sed & hi prædandi licentia enervati, feralique otio torpentes, ne quidem pugnae aleam, à Lautrechio oblatam, subire ausi sunt, sed noctis beneficio Neapolim fugerunt, ut murorum auxilio se defendant. Navis verò sacris spoliis onusta, cùm in Hispaniam trajicere tentaret, tanta tempestate fuit jactata, ut versò in religionem periculo, in Sardiniam appulsi, sacro furto eam exonerare coacti fuerint.

Equidem, dum Romam Christiani expilant, Turca Hungariam diripit: dum Catholici orbis Principes inter se colliduntur, crescendi in Germania spatium est nactus error novitius, easque agendi radices, quæ vix amplius evelli deinceps queant, deploranda sanè rei Christianæ jactura. Cujus culpa? Deus novit.

Hoc certum, & Pontificem & Cæsarem Religionis Catholicæ semper fuisse amantissimos. Testantur id tot decreta pro ejusdem conservatione concepta, tot curæ, molestiæ, labores gravissimi exantlati, novellæ sectæ, obnitentibus & protestantibus non rarè magnis Principibus, toties Wormatiæ, Spiræ, Augustæ &c. in Comitibus Imperii rejectæ, tot sollicitudines ac studia intensa in congregando Concilio Oecumenico, tot pro Religione nostra Orthodoxa contra potentissimos hostes certamina; ea denique filialis observantia, qua Carolus Clementem, aliòsque Pontifices, semper complexus est, se filium compellando, illum patrem, Vicarium Christi, supremum sacrorum Antistitem, caput Ecclesiæ, ut prolixè constat ex epistolis, quas ad eundem etiam iratus scripsit. Erant profectò Protestantes, animi credo vitio, qui, ubi aliquid controversiæ, super jure sæpè dubio, Pontificem inter & Principem quendam oritur, ociùs istum suæ sectæ fautorem proclamant.

159. Verùm minùs calidè Carolus Cæsar urgebat executionem decreti Wormatiensis, in Lutherum lati: neglecta scintilla, quæ in tantione edicti tum deinceps excrevit incendium. Neglecti fructus Smalcaldicæ vi-

ctoriæ.

Storia. Libertas data errori, ut impunè serperet. Ita enim verò arguunt, qui omnia Principum culpæ tribuunt: qui id solum intuentur, quod fit, aut omittitur, non autem, cur fiat, aut omittatur, considerant. Sæpè necessitas excusat, quod vitio vertitur. Iniquis non raro ac fatalibus temporum conditionibus tribuendum, quod solutior lingua illis adscribit, qui rebus humanis præsumt.

Mitiores calami, qui suam Principibus reverentiam dependunt, æquius respondent; magnam esse Ordinum Imperii libertatem, non posse à Cæsare statim omnia confici, prout confecta vellet & optaret. Complures potentes Status Lutherum jam imbibisse; sine seditione & tumultu severiora media adhiberi non potuisse. Quoties Imperator & Ferdinandus frater acrius urgerent illam executionem, toties seditiosas voces fuisse auditas, quibus gravamina, abusus, reformationem aulæ Romanæ & Ecclesiastici Ordinis occlamârint, protestantes, consueta subsidia negantes, in privatos coetus, & fœdera abeuntes. Adhæc Carolum Cæsarem assiduis ferme bellis adversus Turcas, Gallos, aliósque fuisse distractum; necesse proin habuisse, ut Germania quietâ conservetur.

Cùm autem bellis externis se liberâset, vehementiùs instituisse, ut saluberrima edicta usu ipso in praxin deducantur, & ea quidem severitate, ut pervicaces etiam bello ad officium revocaret. Quòd verò Smalcaldica victoria mitiùs sit usus, persuasisse spem, per Concilium Tridentinum, cujus definitioni se staturos Protestantes promiserant, dissidia componenda fore. Nec defuisse metum, novum bellum conflatum iri, si Cæsar severiùs ageret; cùm etiam Clementia nimis rigida ipsis sit visa, eò usque, ut rebellem contumaciam quidam opponerent, novumque dein exitiale bellum concitarent, percusso etiam cum exteris fœdere; quo Transactionem tandem Passaviensem extorserunt, permissa à Rege Ferdinando credendi libertate, ut majora evitentur mala, quæ dira temporum conditio minabatur.

Quòd autem Carolus Lutherana morte obierit, prorsus falsum est. Quasi verò moricum fiducia in Christum sit mori Luthericè, omnis spes nostra in Christi meritis est reposita. Ipsa etiam Sanctorum intercessio in illis fundatur. Quòd Joanne Ægidio, Cacalla, aut Constantino Pontio Confessariis usus fuerit, falsò asseritur. Caranza Archiepiscopus ipsi adstitit, sed probari non potest, eum ullum dogma contra fidem Catholicam fovisse. Quamvis enim de

160.

quibusdam erroribus fuerit accusatus in Hispania ac Romæ, ita tamen se purgavit, ut condemnari nunquam potuerit. Cæterum aperte constat, Carolum in monasterio S. Justi, postquam Gbi ipsi inter Missæ sacrificia parentavit, morientium sacramentis ritu Catholico susceptis, pientissimè obiisse, in complexu crucifixi Domini.

C A P U T III.

De statu Imperii sub Ferdinando I. Maximiliano II.
& Rudolpho II.

S U M M A R I U M.

A R T I C U L U S I.

sub Ferdinando I.

- | | |
|---|--|
| <p>161. Carolus V. abdicat Imperium.</p> <p>162. Ferdinandus Rex Hung. Boh. & Rom. fit Imperator.</p> <p>163. Sectariis in Austria Inferiore religionis libertatem negat.</p> <p>164. Goldasti crimen falsi adversus Cæsarem.</p> <p>165. Comitia Ratisbonensia. Protestantes negant auxilia, & adversus Reservatum Ecclesiasticum excipiunt.</p> <p>166. Colloquium Wormatiense dissolutum, ob Protestantium, in plures sectas abeuntium, dissidia.</p> <p>167. Comitia Augustana. Protestantes horrent Concilium.</p> | <p>168. Centuriatores Magdeburgici.</p> <p>169. Synodus Naumburgica Protestantium, ob tot sectas plena discordiis.</p> <p>170. Comitia Francofurtensia. Maximilianus eligitur Rex Rom.</p> <p>171. Grumbachius, occiso Episcopo Herbipolensi ex Lutheri disciplina in Ecclesiasticos furens, proscriptus.</p> <p>172. Cassander, dubiæ religionis homo, edit librum, neutri parti probatum.</p> <p>173. Obitus Cæsaris. Ejus liberi. Parthenon Halensis,</p> |
|---|--|

ARTICULUS II.

sub Maximiliano II.

- | | |
|---|---|
| <p>174. Comitia Augustana. Decreta auxilia contra Turcas, dum antea à Protestantibus negata.</p> <p>175. Causa Electoris Palatini Calvinistæ proposita. Sed contra Pacem Religiosam permissus est monasteria diripere</p> <p>176. Bellum Saxonico-Gothanum, à Grumbachio proscripto, & Duce Joanne Friderico, aliisque Lutheranis, per conjurationes perfidas, & sanguinolenta consilia ad ruinam Imperii conflatum. Gotha occupata. Perduelles prædones puniti morte. Joan. Frid. Viennam abductus captivus, in 28. annorum carcere contabuit.</p> | <p>177 Mors Philippi Landgravii, polygami. Magni Sæculi hujus Actoris. Titulus <i>Magni Ducis Hetruriæ</i>.</p> <p>178. Aliæ invasiones Protestantium, & direptiones adversus Pacem Religiosam. Hugonotis in Galliam, & Geïsis in Belgium auxilia mittunt.</p> <p>179. Comitia Spirensia; in quibus latæ leges politicæ, & actum de morborum Imperii, à Luthe-ro invectorum, remediis, atque ut pax Religiosa religiosius observetur</p> <p>180. Obitus Maximiliani II. Ejus liberi. Erga Protestantes fuit indulgentior. Obiit tamen Catholicus.</p> |
|---|---|

ARTICULUS III.

Observatio circa controversiam, post electionem Maximiliani II. cum Pontifice ortam.

- | | |
|--|---|
| <p>181. Pii IV. petitio: Maximiliani Regis exceptio.</p> | <p>182. Pii replica: Maximiliani duplica.</p> <p>183. Finis controversiæ.</p> |
|--|---|

ARTICULUS IV.

Status Germaniæ sub Rudolpho II.

- | | |
|------------------------------|---|
| <p>184. Initia Rudolphi.</p> | <p>185. Causa Aquisgranensis cum Calvinistis.</p> |
|------------------------------|---|
- X 3
186. Eo-

186. Eorum furor in Senatum & Ecclesiasticos.

187. Tandem post 30. annorum turbas à Spinola, urbe expugnata, domiti.

188. Causa Colonienfis. Truchfius Archiepiscopus deperit Mansfeldiam. Eamque uxorem ducit, retenturus Archiepiscopatum; ex Lutheranorum consilio, contra Reservatum Ecclesiasticum. Bonnam capit. Eligitur Ernestus Bavarus. Bellum. Vincitur Apostata, & in Hollandiam fugit; ubi miserè periit.

189. Causa Argentinensis, ratione Episcopatus, inter Lotharingum & Brandenburgicum controversa. Bellum. Transactione tan-

dem finitum. Ita nempe Lutheranì contra Reservatum Ecclesiasticum inhiabant nostris sacerdotiis.

190. Comitìa Ratisbonensia. Decreta auxilia Turcica. Pluràque alia in medium allata; sed non conclusa.

191. Mortuo Ferdinando Tyrolis & Anterior Austria ad Rudolphum devoluta. Wirtemberg à dominio directo Austriacorum exempta, jure tamen succedendi, illis reservato. Ratisbonensia Comitìa. Querelæ Protestantium contra Judicium Aulicum. Nova Bellorum Civilium semina à Protestantibus jacta.

C A P U T III.

De statu Imperii sub Ferdinando I. Maximiliano II. & Rudolpho II.

A R T I C U L U S I.

sub Ferdinando I.

161. **C**arolus abdicat Imperium. Postquam Carolus V. Hispaniæ Monarchiam Philippo filio suo cesserat, Cæsaream etiam dignitatem abdicare constituit. Quare anno 1556. primùm quidem ad Ferdinandum fratrem, Romanorum Regem, Oeniponti tunc commorantem, Legatos misit, qui hoc animi sui propositum eidem significarent, peterentque, ut Imperii curam ac regimen in se suscipiat. Deinde verò per litteras monitis de eodem suo consilio Statibus Imperii, & Camera Imperiali, administrationem Imperii Ferdinando commissam intimavit.

Denique

Denique missis ad Imperii Septemviros Legatis (qui tamen primum anno 1558. Francofurtum advenerant) Imperium abdicavit. Electores ibidem congregati ægrè quidem hanc renuntiationem habebant ratam, nihilominus tamen Ferdinandum, jam pridem antea electum Romanorum Regem, post conceptos Capitulationis Articulos, Imperatorem enuntiârunt.

Ferdinandus anno 1503. Compluti in Hispania natus, ibidémque educatus sub disciplina Alvari Oforii, & Adriani, postea Pontificis, uti etiam Cardinalis Ximenii, acceptissimus Hispanis fuit, quia apud eos natus, & indole ea fuerat præditus, quæ gratum omnibus & amabilem redderet, nec una duntaxat corona dignum.

Quare Carolus, frater senior, mortuo Ferdinando Catholico avo materno, ne Ferdinandi apud gentem gratia sibi officeret, anno 1518. eundem in Germaniam ad Maximilianum Cæsarem, avum paternum misit. 162.
Ferdinandus,

Ducta subin anno 1521. Anna, Hungariæ & Bohemiæ hærede, omnes Germanicas Domus Austriacæ Provincias, à fratre Carolo sibi cessas accepit; cæsoque ad Mohatium anno 1526. Ludovico, conjugis fratre, Hungariæ quoque & Bohemiæ coronam; & anno 1530. à Carolo Cæsare sub nexu clientelari insuper Ducatum Wirtembergicum. Quod, qua ratione contigerit, aliàs memoravimus. Hung. &
Boh.

Cùm autem Carolus Imperator propter regna sua longinqua rebus Germaniæ non semper posset præsens intendere, Ferdinandus anno 1531. Colonia Romanorum Rex fuit electus, atque Aquisgrani coronatus; vehementer licèt reclamantibus Saxone & Brandeburgo Septemviris. Quæ tamen controversia postea anno 1534. per conventionem *Cadamsensem* ex integro fuit composita, omnibus Ferdinandum Romanorum Regem agnoscentibus. & Rom.
Rex.

Quamdiu Carolus frater Imperium moderabatur, multum negotii ei in Hungaria facessiverant Joannes de Zapolia ac Turcæ, in Germania verò dissidia Protestantium, donec anno 1552. nomine Cæsaris transactionem Passaviensem cum iis iniit; & anno 1555. Pacem Religiosam.

Hac Religionis libertatem sibi concessam interpretabantur Lutherani Inferioris Austriæ. Quare cùm Ferdinandus Rex subsidia adversus Turcam peteret, detrectabant illa suppeditare, nisi plena libertas sibi addiceretur. 169.
Sectis in
Austria li-
bertatem

Respon-negar.

Respondit Rex, per pacem Religiosam id potiùs iis fuisse mandatum, ut sui sequantur Religionem Principis, nec aliam libertatem concessam, quàm emigrandi, si sequi nolint. Quòd dicant, Deo magis obediendum quàm hominibus, id esse verissimum, sed gravissimè eos hallucinari in eo, quòd Dei mandatum sibi confingant. Non esse hominis privati, Scripturas interpretari pro lubitu. Se more majorum Ecclesiam magistram sequi, ad quam pertineat illa interpretatio, quàmque audire Christus ipse jubeat. Hac regula neglecta pro novandi libidine innumeras orituras hæreses, ac religionis perturbationes: omnes enim undique hæreticos atque sectarios blandiri sibi de Verbo Dei: falsò sanè ac perversè; suæ proin esse conscientiae, nunquam committere, ut, repudiata Catholica Ecclesia, quam Christus fundarit, Apostoli prædicarint, Patres docuerint, Majores continuò propagarint, novella secta, nunquam antea visa, nunquam audita, cum æterna tot animarum ruina in hæreditarias Domus suæ Provincias introducatur.

164. Ex his, quæ etiam Sleidanus *de statu relig. & reip. lib. 26. ad annum 1556.* testatur, apertè detegitur crimen falsi & impostura Goldasti, qui *tom. 3. constit. Imper folio mibi 561.* epistolam affingit Ferdinando Regi, ad Lutherum scriptam, cui hanc rubricam præfigit: *de veritate doctrinæ Evangelicæ, per Lutherum repurgatæ.* Atque in ipsa epistola mirè commendantur Lutherus ejusque doctrina, Pontifex verò & Catholici Doctores vituperantur, tanquam impares Luthero resistere; & seductores, *qui paleas pro tritico præbuerint & vendiderint.* Inferit etiam fabulam de confessario Ferdinandi, qui ante mortem falsus sit, se eundem seduxisse, nec veram semitam ad cælum monstrasse.

Totum quantum hoc scriptum est confictum & supposititium, atque Ferdinando, Catholicissimo Principi protervè, impudenter, ac impiè affictum. Dignum enim verò opus Goldasto auctore, non tantum acta publica corrumpere assueto, sed integras etiam Constitutiones, Diplomata, Bullas confingere; prout in Apologia adversus Tigurinos Præcones *part 2. observ. 8. ãfol. 328.* etiam Protestantium testimoniis ex professo demonstravi.

165. Anno 1556. Ferdinandus Comitiam Ratisbonam convocavit; in quibus decreta subsidia adversus Turcam, stabilita Pax Publica & Religiosa, Protestantibus adversus *Reservatum Ecclesiasticum* excipientibus; cum tamen priore anno Paci Religiosæ simpliciter absque exceptione subscriperint. Decreta insuper Imperialis deputatio ad ex-

ami-

aminandum Judicium Camerale. Denique conventum, ut Colloquium de Religione Wormatiæ institueretur ad componenda dissidia.

Ad hoc *Colloquium Wormatiense* anno 1557. ab Ordinibus 24. 166.
Theologi sunt deputati, 12. videlicet Catholici, & 12. Protestantes, Colloqui-
Præside Julio Pflugio. In hoc colloquio multò major inter ipsos Pro-um Wor-
testantes erat dissensio atque contentio, quàm cum Catholicis. Nam matiensè.
cùm hi solis Catholicis & Augustanæ Confessionis affeclis per pacem
Religiosam Religionis libertatem concessam dicerent, solisque illis
duabus partibus comitali decreto colloquium esse demandatum, ne-
cesse proin, ut Protestantes priùs inter se & cum Augustana Con-
fessione sua conveniant, ut nòrint Catholici, cum quibus ipsis sit ne-
gotium; aliàs enim tot inter sectas rem infiniti laboris fore, per sin-
gulas certamen circumferre.

Tum enim verò gravissimæ inter collocutores Protestantes orta
sunt discordiæ, aliis Augustanæ Confessionis renuntiantibus, aliis ean-
dem huc aliis illuc ferræ instar trahentibus & retrahentibus. Siqui-
dem Schnepfius, Strigelius, Stösselius, Morlinus, Sarcerus, prote-
stati, cum Zwinglianis, Osiandristis, Majoristis, Synergistis, Adia-
phoristis se nullam partem velle habere, multò minùs cum eorum fi-
dei Confessione, discesserunt, re prorsus infecta. Cum reliquis au-
tem septem Protestantibus collocutoribus, quia Confessionis Augu-
stanæ pressè inhærere detrectabant, & diversas alias sectas profite-
bantur, in Romano Imperio non toleratas, Catholici Doctores, in
hoc colloquio nihil sibi negotii esse meritò credebant, utpote quod
à Ferdinando Rege & Statibus præcisè inter Catholicos & Augustana
Confessionis adhærentes, verti voluerant; cùm hi soli per Pacem
Religiosam in Imperio essent tolerati. Atque sic non alio fructu dis-
cessum est, nisi ut Protestantes suas in fide discordias apertè demon-
strarent, sèque ludibrio exponerent.

Ægrè tamen Paulum IV. Pontificem habuit, hoc publicum de
Religione negotium se non consulto fuisse susceptum, cùmque aliunde,
propter initam Transactionem Passaviensem & Pacem Religio-
sam, permissumque interim Austriacis usum calicis, haud satis æquo
in Ferdinandum esset animo, Imperatorem eundem agnoscere, quoad
vixit, reculavit, (Carolus se inscio non potuisse Imperium abdicare
causatus) licèt post mortem Caroli V. quæ anno 1558. contigit, non
tantùm ab omnibus Imperii Ordinibus, sed Nationibus etiam & Prin-
cipibus exteris agnosceretur. At, mortuo mox anno sequente Pau-
lo, Pius IV. Antecessoris morositatem emendavit.

167.
Comitia
Augustana.

Hac igitur facta conciliatione, Ecclesiæ tam optata, Ferdinandus Cæsar alacrior, Religionis quoque in Germania conciliationem rursus tentandam existimavit. Indictis proin anno 1559. *Augustanis* Imperii *Comitiis*, quàm irritò conatu decretum fuerit Wormatiensè colloquium, præfatus, ad Concilium Generale causam illam remittendam edixit, cujus definitione componeretur.

Protestan-
tes horrent
Concilium.

Optima sanè propositio, modusque tollendi Religionis dissidia consuetus semper in Ecclesiâ. At cum Protestantibus nil agi poterat. Cum enim Concilium ipsis esset exosum, ut illius sententiæ se subtraherent, eas rursus conditiones præscribebant, quas, ab usu Ecclesiæ & more Majorum prorsus alienas, acceptari non posse perspexerant: ante omnia irritanda esse ea omnia, quæ eò usque acta sint in Concilio Tridentino; Papæ nullam in eo partem permittendam nisi Rei; votum decisivum laicis etiam hominibus permittendum; nec ad majora vota concipiendum decretum, sed ad ea, quæ sint magis conformia Verbo Dei. Sed si utraque pars appellet ad Verbum DEI, si majora ac plura suffragia decernant, hanc vel illam propositionem esse Verbum DEI, hoc ita esse intelligendum? Quibus tunc standum votis? Pluribus, an paucioribus? illis, inquit, qui melius probant ex Verbo DEI. Sed cui ferenda sententia, quis melius probet? an secundum majora hoc judicandum, vel minora?

In his Comitiis Augustanis ab utraque parte propositæ sunt querelæ de violata pace Religiosa; eò quòd Protestantes jam inciperent rursus plura bona Ecclesiastica invadere, contra Reservatum Ecclesiasticum, in Pace Religiosa contentum, Catholici verò juris sui tenaces, his violentiis sese opponerent.

Factus etiam in hoc conventu Recessus de petitione, ut Gallus Metas, Tullum, & Virodunum restituat.

Denique, præter Ordinationem de moneta ejusdem generis in toto Imperio introducenda, Wilhelmus Grumbachius Nobilis Franco proscriptus fuit, atque in Bannum Imperii declaratus. Quia is anno superiore Melchiorem Zobelium, Episcopum Herbipolitanum, per 15. sicarios publica in via interemerat. Causa tanti in Episcopum odii allegatur, quod is eundem, Alberti Brandenburgici in provinciarum vastationibus socium, bonis privasset, & legatum quoddam, ejus conjugii delatum, exsolvere recusasset. Hinc etiam contra ejusmodi invasiones violentas in his Comitiis, confirmata Pace Publica, saluberrima decreta sunt concepta.

168.
Centuria-
tores.

Sequenti dein anno 1560. Centuriatores Magdeburgici, quorum primpili Flacius Illyricus, Joannes Wigandus, Matthæus Judex,

Ba-

Basilii Faber, aliique permulti, centurias suas excudere cœperunt, Elisabethæ Anglicæ quoad partem nuncupatas, quibus Historiam Ecclesiasticam corruperunt. Exorsi sunt hoc opus malignum (ab Heterodoxis *Aureum* dictum) à centuria quarta, & ad 13. Tomos pro-
vexerunt. Sed unus Baronius tot gladiatoribus superior erat pugil.

169.

Annum 1561. famosum reddidit Protestantium *Synodus Naumburgica*. Ad hanc frequentes convenerant Protestantium Principes, Naumbur-
cum suis Præconibus. Quippe aderant Electores Palatinus & Saxo-
gicus, Duces Brunsvicenses, Mechlenburgicus, Wirtembergensis, Land-
gravius Hassiæ, Marchio Badensis, Comes Hennebergensis, Schwarz-
burgicus. Per legatos comparebant Elector Brandenburgicus, Dux
Pommeraniæ, & Holsatiæ, Principes Anhaltini; Duces verò Lune-
burgici, ac Rex Daniæ officiosas litteras misere.

Tanti conventus causa erat Confessio Augustana, illo jam tem-
pore toties adeò ac turpiter variata, ut Catholici eis exprobrarent,
quòd ab eadem, Carolo V. anno 1530. Augustæ oblata, omnino re-
cesserint. Hoc probrum, ut interpretabantur, non ferentes, hanc
Synodum coëgerunt, ut deliberarent. Qua via & arte tot corrupti-
ones Augustanæ Confessionis possent emendare. Sed non minor quàm
in Colloquio Wormatiensi tot inter sectas erat confusio.

Palatinus & Saxo ultimam editionem commendabant, utpote
prolixiorē reliquis & clariorem. Reclamabant reliqui Principes, Plena dis-
primamque, Carolo V. exhibitam, retinendam censēbant, ac sub-
cordiis. scribendam. Alii addendam putabant novam præfationem, qua con-
tineretur, etiam reliquas editiones, quamvis primæ multum diffor-
mes, esse bonas: alii additos volebant Articulos Smalcaldicos, alii
Confessionem Saxoniam, alii Recessum Francofordiensem.

Sed frustra laborabant in cudendo fidei systemate, quod om-
nibus probaretur; quin eò usque dissensiones excreverant, ut aliqui
cum Joanne Friderico, Saxoniam Duce, se ex sacro hoc Concilio
proriperent, atque discederent, apertè contestati, non posse se sub-
scribere doctrinæ, quæ Verbo DEI & Augustanæ Confessionis repug-
naret. Cum igitur transactio non procederet, unione frustra tentata
soluta est Synodus; omnibusque licuit perspicere, quàm impossibile
sit, unitatem fidei conservare, aut dissidentes conciliare, ubi nullus
Controversiarum Judex agnoscitur. Quilibet clamabat: *hic est Chri-
stus; hoc est Verbum DEI*. Quis verè? Quis falsò clamavit?

Ne tamen nihil actum videretur, legato Pontificio ac Cæsareo,
ad hunc conventum missis, ut Protestantes ad Concilium Tridenti-
num, quod hoc anno reassumptum fuerat, invitarent, responde-

runt, Synodum illam à Papa fuisse congregatam, cujus nullam jurisdictionem agnoscerent, atque id genus hominibus constare, qui iuramento Pontifici sint obstricti, ac proin non esse Concilium liberum, ac legitimum.

170. **Maximilianus Rex Rom.** Anno 1562. Ferdinandus Imperator *Comitia Francofordiæ* celebravit; in quibus ejus filius Maximilianus Rex Romanorum à Septemviris fuit electus. Bannum dein, quo Carolus V. Magdeburgum proscripserat, sublatum. Prolatum in his Comitibus scriptum Protestantium, in quo causas allegabant, cur in Concilio Tridentino non comparerent. Sed fuitiles erant prætextus, prout *part. 3. in fine* ostendi.

171. **Grumbachius** Grumbachius, à quo Episcopum Herbipolitanum occisum diximus, anno 1563. collecta mille equitum turma, violentè in urbem Herbipolim irrumpit, eamque miserandum in modum devastat, in Canonicos præsertim & Religiosos grassatus. Cùmque igni & ferro urbem delere minaretur, ingentem pecuniæ vim, aliàsque crudelissimas condiciones extorsit, tragœdias adhuc funestiores deinceps exhibiturus, aded nempe religiose Protestantes Pacem Religiosam & Publicam colebant.

proscriptus. Cæsar, intellecta hac barbara invasione, conditiones, violentè aded extortas, irritas esse declarat, ac Grumbachium cum sociis, barbarum auctoris, rursus proscribit. Unde Elector Moguntinus anno 1564. conventum Deputatorum Wormatiam indixit, ad firmandam pacem publicam. Obtulit Grumbachius Deputatis scriptum, quo probare conatus est, se, ut sua reciperet, id genus mediis uti fuisse compulsus: proscriptionem non subsistere, quia in Hungaria à Cæsare factam, absque præscitu Electorum, & quidem post transactionem cum Herbipolensibus jam initam. Verùm Episcopus Herbipolensis futile hoc scriptum facilè confutavit. Statutumque, ut nomine Imperii 1500. equites communibus sumptibus alerentur, ad tranquillitatem publicam conservandam.

172. **Cassander.** Scripsit hoc anno 1564. Georgius Cassander, Brugensis Belga, à Cæsare invitatus Viennam, libellum *de Officio viri boni, in hoc Ecclesiæ diffidio*, nec probatum Catholicis, & heterodoxis valde odiosum. In hunc enim Calvinus suum virus evomit, & in Franciscum Balduinum, quem auctorem putabat, cùm primùm absque nomine auctoris prodisset. Sed & Ecclesia eundem præscripsit, ac libris in prima classe prohibitis annumeravit. Obiit Cassander haud multò post Colonia; qua fide, dubium. Mirum studium præferre visus est, varias Religiones inter se conciliandi; sed per modum transactionis,

tionis, alio dato, alio retento. Certiore fato Ingolstadii obiit Fridericus Staphylus, annis decem Lutheri comes, sed post foetentem illum exorcismum ab eo separatus, calamum strenuè in Lutheranos acuit.

Eodem anno 1564. mors orbi abripuit Ferdinandum I. Imperatorem, in Ecclesiam & Imperium meritis plenum. Difficillimis prorsus temporibus gessit Rempubicam, insigni sapientiæ & prudentiæ laude; litterarum etiam amator & fautor eximius, thesauros se perdere malle inquiens, quàm litteras nescire. Concilii Tridentini decreta in provinciis suis hæreditariis, promulgari & executioni dari sedulò curavit. Solennis illi gnome: *fiat justitia, ne pereat mundus*. Obiit pientissimè festo S. Jacobi, ut prædixerat, ætatis 61. 173. Cæsaris obitus.

Conjugem habuit Annam Uladislai Hungariæ & Bohemiæ Regis filiam, quæ, præter geminum regnum, 15. ei liberos peperit, nimirum quatuor filios, Maximilianum, postea Cæsarem, Ferdinandum, cui Tyrolis & Anterioris Austriæ provinciæ obtigerunt, Joannem primis infantie annis mortuum, & Carolum Styriacæ lineæ felicem fundatorem: filias verò omnino undecim, Elisabetham videlicet, Sigismundo Poloniæ Regi nuptam; qui post hujus mortem Catharinam ejus sororem, Francisci Mantuani Ducis viduam, sibi conjunxit: Annam Alberto Bavaricæ Duci, Mariam Duci Juliacensi, Eleonoram Wilhelmo Mantuæ Duci, Barbaram Alphonso Ferrariæ Duci, Joannam Magno Duci Florentiæ, nuptiali fœdere desponsas. Magdalena, Margaretha, & Helena Regio Parthenoni Halensi initium dedere, atque in eo sanctissimè vitam finierunt, Ursula primis vitæ annis in cœlum fuit translata. Liberi.

ARTICULUS II.

De statu Germaniæ

Sub

MAXIMILIANO II.

Natus est Viennæ anno 1527. sed in Hispania educatus, conjugem duxit patruelem suam Mariam, Caroli V. filiam. Anno 1562. Rex Romanorum electus, Bohemiæ etiam coronam accepit; An. 1563. Hungariæ, & anno 1564. Imperii. Dissidii tunc aliquid cum Pio

174.

IV. intercessit, eò quòd Maximilianus, in Romanorum Regem electus, *obedientiæ juramentum* nollet deponere. At Helffensteinio Romanam legatio res fuit composita. Sed mox alia inter eos orta fuisse contentio à Protestantibus scribitur, eò quòd Cæsar libertatem matrimonii pro sacerdotibus petierit, Pontifex verò eam negarit.

Comitia
Augustana. Anno 1566. *Comitia Augustam* convocavit. Promissa in iis auxilia contra Turcam; factaque decreta pro correctione Judicii Cameralis, & rei monetariæ. Grumbachius, quia Episcopum occiderat, & Herbipolim diripuerat, rursus proscriptus. Augustus Saxoniæ Elector, aliique Principes in feudis suis investiti. Protestantes proponebant gravamina adversus canones & decreta Concilii Tridentini; sed à Catholicis strenuè sunt confutati.

175.
Causa Palatini. Agitata etiam in his Comitibus fuit causa Friderici III. Electoris Palatini; qui primus Germaniæ Principum ad Calvinianam sectam transiit, eamque in suas ditiones introduxit, atque reformationis nomine monasteria Catholicis subtraxerat. Cum autem per transactionem Passaviensem & pacem Religiosam sola Religio Catholica, & Confessio Augustana essent permixtæ in Imperio, iussus fuit monasteria restituere, & Calvinismum abjicere, aut Electorali dignitate se abdicare. Verum cum Elector conventum intrasset cum filio suo Joanne Casimiro (acerrimo deinceps Calvinista) Biblia secum portante, & perorasset, monasteria ablata in territorio, jurisdictioni suæ subiecto, esse sita, quoad Religionem verò nihil se adversus conscientiam posse committere, Status Augustanæ Confessionis decretum mutarunt, & Electori Religionem liberam permiserunt. Adeò nempe sanctè transactionem Passaviensem & pacem Religiosam, qua Calvinismus proscriptus ex Imperio fuerat, colebant.

Opponebant se equidem cum Commendono Pontificis legato Status Catholici, imò Præcones etiam quidam Lutherani cum Tilmanno Heshusio, Jacobo Andrea &c. (quia Lutherani & Calvinistæ necdum in unum Corpus Evangelicum erant conflati, sed tanquam hæreticos se mutuò insectabantur) sed Maximiliano connivente confici nil poterat. Atque ab eo tempore plures semper pluresque Principes & populi à Lutheranismo in Calvinismum degenerarunt, utpote deteriore, contra apertas Pacis Religiosæ sanctiones, quas inter fundamentales Imperii leges ipsi Protestantes recensent; nec desierunt, plura & plura bona Ecclesiastica diripere, imò integros Episcopatus & Archiepiscopatus, contra expressum tenorem *Reservati Ecclesiastici*.

Gestum est paulò post bellum Saxonico-Gothaicum. Nam Grumbachius, propter violentiam; in Episcopum & civitatem Herbipolensem exercitam, sæpius proscriptus, confugit ad Joannem Fridericum Ducem Gothanum, Electoris ad Mühlbergam victi, capti, & num. exautorati filium, eumque, aliàs iratum, in spem erexit recuperandi avitas ditiones, & Electoralem dignitatem, totius Nobilitatis, quam concitaverat, spondens auxilium. 174.

Tractis igitur in conjurationis societatem compluribus Nobilibus, consilium ineunt non tantum Saxoniae, sed toti Imperio exitia Friderici le. Nam ut ex transfugis & interceptis litteris cognitum est, in id & Grumbachii conjuratio. conspiraverant, ut vere ineunte octo millibus peditum, & quatuor equitum bellum gereretur. Duæ turmæ per Westphaliam, & Franconiam ad Rhenum usque Episcoporum provincias expilarent ac pecuniam colligerent, duæ verò per utramque Saxoniam idem facerent, præcipuè verò per Electoris Augusti ditiones vim ac populationem circumferrent.

Tum verò populis terrore percussis enunciarent, se vindices Religionis Evangelicæ hæc agere, ne Cæsar & Catholici Episcopi, cum quibus Augustus colludat, eandem, prout ipsis sit constitutum, perditum eant. Hac ratione totum septentrionem in armorum consortium acciri posse. Ericum, Sueciæ Regem jam fœdere sibi junctum esse. Promulgandum rebus ita compositis Wittembergæ Joannem Fridericum, primum quidem Electorem, dein etiam, exercitu juncto, Imperatorem; non tantum pristinas Patris Electoris clientelas, sed omne Evangelicum nomen convolaturum, ut novum Cæsarem demereantur obsequio.

Si qui Principum se opponere audeant, tollendos è medio, totamque Germaniæ Nobilitatem plenæ libertati restituendam, nemini, nisi novo Imperatori Joanni Friderico obnoxiam. Tum autem rebus sic firmatis totius Imperii regimen in novum ac meliorem ordinem digerendum. Cæsarem atque Germaniam in bellum Turcicum abstractos rei ex animi sententia gerendæ occasionem offerre optimam, totum negotium, antequam se colligant, posse confici.

Nunquid? bella hæc scena, à Lutheranis adornata: an ex Lutheri disciplina, quæta, tranquilla?

Neque verò lector quispiam, minus eruditus, hæc ex unguibus exsugere existimet. Ipsi etiam Lutherani scriptores hæc ita constituta fuisse testantur: Languetius in *Hist. bell. Gothan.* Tenzelius in *Hist. Gothan. sect. 2. pag. 817. 826. 827. 828.* Struvius in *Hist. Imp. Period. 10. de Maximil. II. §. 8.* Gleich. in *Hist. Numism. succincta §. 31.*

Schle-

Schlegel. *de Nummis Gothan.* quibus accedit Thuanus, Lutheranis & Calvinistis in primo gradu affinis, lib. 41. &c.

Et re ipsa cum Erico Sueciæ Rege foedus inierunt; ad Galliæ etiam Reginam Catharinam litteras dederunt, de Cæsare & Imperio questi. Ingerebant enim Joanni Friderico eam spem, fore, ut repudiata uxore sua, Mauritiæ Electoris vidua, prædictam Reginam sibi despondeat. Quin emissi sicarii ad interimendum Electorem Augustum; atque ad ipsas adeo artes magicas & incantationes descensum.

Vis publi-
ca.

Cum igitur insana hæc cohors in dies magis insolefceret, delectus undique haberet, Electoris terras hostili populatione invaderet, Cæsar, Electores, Saxo & Palatinus, Hassus, alique Principes Joannem Fridericum graviter sunt hortati, ut ab ejusmodi violentis consiliis absteret, & proscriptos extraderet.

Gotha oc-
cupata.

At ille ingentibus spebus turgidus monita ac minas sprexit, telam, quam orsus fuerat, certus pertexere. Quare Augustus Elector, cui executio in proscriptos jam in Comitibus Augustanis fuerat commissa, admoto ad Gotham exercitu, urbem obsidet. Cives, cum nulla venirent auxilia, resque in dies arctiores fierent, Ducemque suum non possent flectere, ut proscriptos tradat, primò tumultuari, dein armis correptis in arcem irrumpere, proscriptos conquerere, & in vincula dare, ac mandare custodiæ.

Cæsareis verò legatis & Electori significant, captos à se proscriptos, atque extradandos, ipsamque etiam urbem cum arce dedendam, modò æquis conditionibus id fieri sustineant. Legati & Elector has pacis leges præscripserunt:

Dux Joannes Fridericus urbem & arcem cum omni apparatu bellico, atque etiam se ipsum Cæsari dedat, absque omni conditione; proscripti verò cum rebellibus subditis Electori tradantur. Cives possessione bonorum suorum fruantur, eo tamen pacto, ut per octo legatos flexo genu veniam precentur à Cæsare aut Electore. Joannem Wilhelmum, Joannis Friderici fratrem, Ducem Vinariensem, deinceps Dominum suum agnoscant, esque tanquam subditi homagium præstent. Liberi verò Joannis Friderici à regressu in perpetuum sint exclusi.

Sancita his legibus pace, Elector urbem ingressus est, & in proscriptos, totius mali auctores, executionem suscepit. Grumbachius, & Brückius, Joannis Friderici Cancellarius, in quatuor partes distracti, Brandensteinii arcis præfectus, qui direptionis Herbi-

bipolensis particeps fuerat, gladio addictus, Bejerus laqueo, uti etiam puer, quo ad magiam fuerant abusi. Alii fugâ evaserunt.

Divisa dein inter Electorem & Vinariensem tormenta bellica, quorum 160. inventa. Cessâque eidem Electori pro belli sumptibus quatuor præfecturæ. Joannis Friderici subditi à juramento, quo eidem obstricti fuerant, à Cæsare liberati, Vinariensi fidem & subjectionem jurârunt. Arx Grimmensteinensis, urbi Gothanæ adsitâ, eò quòd rebellium fuisset receptaculum, decreto Comitiorum Ratisbonensium, solo æquata.

Denique Joannes Fridericus, omnibus bonis exutus, Viennam Dux captivus abductus, in carcere Neostadiensis adhuc viginti octo annos tus. suam deploravit insaniam, anno 1595. ibidem defunctus. Hæc catastrophe excepit hanc tragœdiam, quæ anno 1566. & 1567. acta est, recidentibus telis in auctorum capita.

Durante obsidione Gothana obiit Philippus Landgravius, magnus sæculi hujus actor in theatro vitæ humanæ. Dispensante Lu-thero, vel Evangelium declarante, per novem annos duas simul uxores habuit, Christinam Saxoniam, & Margaretham Salensem. Ex vii. prima legitima decem liberos genuit, ex altera octo.

Anno 1567. Cæsar Maximilianus Statibus Provincialibus Austriæ liberum Religionis exercitium, permisisse dicitur, accitis Lipsia Joachimo Camerario, & Rostochio Davide Chytræo.

Anno sequente 1568. Trevirensis Elector Trevirim obsedit, ob denegatum parendi obsequium, sed, interveniente Cæsare & Electoribus Rhenanis, lis fuit sopita, & ad Imperii Judicia remissa.

Lentiùs composita est vetustior controversia, Ducem inter Florentinum, & Ferrariensem, quis eorum videretur esse major; quæ anno 1569. rursus exarserat. Cosmus ad Pium V. referebat arbitrium. Ferrariensis ad Cæsarem, & Judicium Aulicum. Pontifex Magnus Cosmum *Mignum Ducem* appellavit, reclamante Cæsare; qui tamen ipse postea, ubi soror ejus Cosmi filio fuit nupta, titulum illum ratum habuit.

Heterodoxi, postquam perpetuas turbas atque etiam bella cruenta ultra 30. annos in Imperio excitârunt, usque ad Pacem Religiosam, qua ipsis contra antiquitatis atque Imperii morem concessa fuit Augustanæ Confessionis libertas, nihilominus tamen etiam istam pacem multoties fregerunt, exemplo inter alia sunt tot Abbatiæ, Monasteria, Episcopatus abrepti, cædes Episcopi Herbipolitani, expilatio urbis, Gothana conspiratio, illiusque violenta in Cæsarem & Episcopos consilia.

178. Et hoc ipso etiam tempore, sub annum videlicet 1569. per milites Wolfgangi Comitis Palatini terras Episcopi Spirensis, & per Protestantium invasum exercitum Principis Auriaci Alsatiam afflixerunt. Quod autem in Germaniæ Catholicæ perniciem facere non poterant, in externis provinciis, Gallia præsertim & Belgio, turbatis ibidem Religionis rebus, effecerunt. Missis eò numerosis militum copiis, ut violentam Calvinii sectam erigerent. Quod sanè fieri non poterat, sine multifaria in conductione & transitu militum Germaniæ injuria.

Igitur, ut tantis incommodis afferretur remedium, Daniel Elector Moguntinus Septemviros Fuldam convocavit, ubi statutum, ut Pax Religiosa sanctè observetur. Dein Francofordiæ celebratus est conventus Deputationis Imperialis, ut tantis malis iretur obviàm.

179.
Comitia
Spirentia.

At cùm omnia ista remedia morbo tanto non sufficerent, anno 1570. *Comitia Imperii Spirensia* fuerunt indicta, in quibus fuit deliberatum, quâ ratione Pax Imperii, tum Publica, tum Religiosa, conservari, effrænis licentia exteram militiam sequendi coerceri, antiqua militaris disciplina restitui, urbes Hungariæ finitimæ adversus Turcam muniri, justitia in Camera Imperiali promoveri, Matricula Imperii, ne quis nimium gravetur, ordinari, res monetaria emendari, nimia licentia Bibliopolarum cohiberi aliâque ad Imperii florem & decus perducì possint.

Porro in his Comitibus Batavi rogabant auxilia adversus Regem Hispaniæ, legitimum suum Principem ac Dominum. Proposita etiam gravis controversia inter Ducem Holstatiæ & Hamburgum agitata ratione superioritatis territorialis, quam Dux prætendebat, urbs negabat. Anno 1571. in conventu Deputatorum rursus actum de emendatione rei monetariæ, & ordinatione Matriculæ Imperii.

180. Cùm subin anno 1572. & 1574. thronus Polonicus vacaret, Maximilianus Imperator multorum suffragiis in Regem fuit electus; verùm cùm moram interponeret, filiumque suum Ernestum commendaret, aliis corona fuit imposita; primò quidem Henrico Valesio, dein, eo in Galliam regresso, Stephano Batorio. Denique anno 1576. suas etiam coronas deposuit Maximilianus Cæsar, in ipsis Comitibus Ratisbonensibus, quæ ob bellum Turcicum aliâque Imperii negotia indixerat, defunctus, anno ætatis 49. Imp. 12.

Obitus Cæsaris.

Conjugem habuit Mariam, Caroli V. filiam, quæ 15. ipsi liberos peperit, novem videlicet masculos, Rudolphum, Ernestum, Ejus liberi. Mathiam, Maximilianum, Ordinis Teutonici dein Magistrum, Albertum, primò Cardinalem, Belgii postea Principem, Wenceslaum, & tres alios, in prima ætate demortuos: & sex filias, Annam nimirum, Phi-

Philippi II. Hispaniæ Regis conjugem, Elisabetham, Carolo IX. Galliæ Regi nuptam; Margaretham, Christo cœlorum Regi in Regio Halensi Parthenone desponsam. Tres alias mors præmatura demersit. Multum laudatur Maximilianus præsertim à Protestantibus, erga quos erat indulgentior; quæ res multum sanè molestiarum ejus successoribus facessivit in extirpandis ex provinciis hæreditariis errorum zizaniis. Et ipse Maximilianus expertus est, quàm non satiet acatholicorum ingluviem, quidquid ipsis conceditur. Quò enim plùs capiunt, eò plùs cupiunt, & , quod ajunt, si digitus porrigitur, manum apprehendunt. Plura sanè Catholicis abstraxerunt sub ejus Imperio, & tamen in ultimis Comitibus Ratisbonensibus adèd morosos ingratosque se gerebant, ut negarent, se auxilia contra Turcam imminentem præbituros, si non sinantur plura Ecclesiarum bona abripere & *secularizare*. Quæ res adèd altè in animum Cæsaris descendit, ut credatur ei supremum morbum & mortem accersisse.

Cæterum licèt fuerit erga Protestantes indulgentior, alienum tamen prorsus à veritate est, quod eorum nova fidei systemata unquam probàrit, aut amplexus fuerit. Neque unquam adduci potuit, ut Reservatum Ecclesiasticum ex Pace Religiosa eradi pateretur; sed Pacem Religiosam totam ac integram confirmavit.

Scribunt quidem aliqui, quod anno 1567. Statibus Provincialibus Austriæ, subsidia bellica præbere recusantibus, Religionis libertatem permiserit, accitis novi Evangelii Præconibus, Joachimo Camerario Lipsiâ, & Davide Chytræo Rostochiò. Alii tamen testantur, eum postulata iniqua rejecisse, postquam à Pio V. per Commendonum Cardinalem fuerit monitus. Et licèt junior adhuc conciones Lutheranas Sebastiani Fauseriaudisset, meliora tamen dein amplexis consilia, sincera mente easdem repudiâsse.

ARTICULUS III.

OBSERVATIO

Circa controversiam post Electionem

MAXIMILIANI II.

ortam.

Postquam Maximilianus II. in Regem Romanorum electus fuerat, dissidialiquid, ut suprà insinuavi, ortum est inter eum & Pium IV. Pontificem. Quod cum non satis fideliter referatur, sed ultra veri-

tatem ex odio in Pontificem exaggeretur, operæ pretium fuerit, hic illud ex Cardinalis Pallavicini *Hist. Concil. Trid. lib. 22. cap. 6.* in epitomen redigere. Res ita se habet.

181.
Romano-
rum peti-
tio.

Electio Maximiliani vitiosa dicebatur à Romanis, 1. Quòd duobus tantum suffragiis esset facta; cum tres Septemviri fuerint hæresi infecti, Colonienſis verò necdum confirmatus. 2. Quòd Pontifex non admittat potestatem in Septemviris absque suo consensu destinandi successorem Cæsari adhuc viventi, sed solum subrogandi Cæsari jam defuncto; præsertim cum ipsius parens coronam à Pontificis manu non acceperit. 3. Quòd Maximilianus coronam suscepit Francofurti, & non Aquisgrani, secundum Caroli IV. Constitutionem, à successoribus perpetuo custoditam.

Quia autem hæc Romanæ aulæ cunctatio temporibus illis minime opportuna, sed Ecclesiæ obſutura timebatur, eò quòd ad offensionem Regis & ipsius etiam Imperatoris Ferdinandi pertinere sit visa, & Protestantibus occasionem præberet, Pontifici apud Germanos, etiam Catholicos, invidiam conſlandi, Pontifex significavit, haud difficilem se præbiturum ad supplendos defectus, modò Maximilianus id peteret, Catholicorum parti omnino adhæreret, juramentum pro fide & sede Apostolica ederet, ex scripto illi tradito, pro eo ac varii Cæsares jurassent, & oratorer ad exhibendam obedientiam Romam mitteret, de more aliorum Principum, & sicuti Ferdinandus ejus parens fecisset.

Exceptio
Maximilia-
ni.

His Pontificis postulatis difficilem præbuit animum Maximilianus, etiam ex Ferdinandi patris sensu: quippe recusabat confirmationem petere, nisi ea ostenderetur petita à decessoribus. Jusjurandum non aliud fuisse præstitum inquiebat, quàm tuendi fidem Catholicam. Nec minùs obedientiæ exhibendæ repugnabat, opponens, id à patruo suo Carolo V. & à proavo Maximiliano peractum non liquere: & quamquam patris orator in eo consensisset, actum tamen id fuisse extra limites mandati.

182.
Replica
Pontificis.

Contra verò pro Pontifice afferebatur: quamquam, sive ob recentem Romæ direptionem, sive ob ſocordiam in tabulis custodiendis, non reperirentur juramenta, & obedientia, à Maximiliano I. & Carolo V. præstita, tamen id actum esse credendum. De juramento haberi formulam *cau. tibi Domino 33. dist. 63.* quæ licet postea variata, semper tamen usitata fuerit, uti constet ex summario Othonis IV. Friderici II. Rudolphi, Alberti I. Henrici VII. & Caroli V.

Quod verò ad obedientiam spectet, præsumi non solum, exhibitam illam fuisse à præteritis Imperatoribus, ex cunctorum Regum, Prin-

Principumque Christianorum exemplo, sed scriptum quoque reperi-
ri, Carolum V. eam fuisse pollicitum disertis verbis, & oblatam à
Friderico II. legi in oratione, ab Ænea Sylvio Piccolomineo typis
edita. Præterea de Maximiliano I. referri ab antiquo ceremoniarum
libro, ab eo obedientiam fuisse præstitam.

Significatum etiam fuit Nuntio Apostolico, ut Cæsari in memo-
riam revocet suspiciones de filio conceptas, tam quia hæreticum con-
cionatorem à se depellere nolisset, tum ob alia majoris momenti
ab eo gesta, adeò, ut ipse Cæsar sæpè conquestus de eo fuerit apud
Pontificem. Hinc moneri Pontificem & Purpuratos Patres, ne satis
haberent universalem quandam declarationem, qua polliceretur Rex
conservationem Catholicæ Religionis, sed ut poscerent voces, de-
clarantes, quid ipse nomine Catholicæ Religionis intelligeret.

Ad quæ reponebant Cæsarei: juramentum ea forma, qua pe-
teretur, videri novum. Vetera juramentorum exempla varia esse
& abolita, & fortasse accomodata illius temporis Cæsaribus, Apo-
stolicæ sedis sæpè infestis, à quibus par fuerit, ut Apostolica sedes
exigeret hujusmodi cautiones, non tamen à veris illius defensoribus.
Jusjurandum illud canonis, *tibi Domino*: fuisse in usu, cùm Cæsar
coronam suscepturus Romanum territorium ingrediebatur, adeoque
præsentibus temporibus non aptari, & fortasse illi juramento aliud
successisse, quod Reges Romanorum habebant in prima coronatione,
& quod Maximilianus Francofurti emisisset solenniter in conspectu tot
potentissimorum Protestantium, frementium propterea. Si talia ju-
ramenta fuissent emissa à Carolo V. aut Maximiliano I. non
esse credibilem tabularum jacturam in direptione Romana, utpote
quæ conservari soleant in arce Ælia, quo Clemens VII. & se & pre-
tiosissima quæque recepisset.

Sed neque satis probari usum postulatæ obedientiæ. Æneam
Sylvium plura scripta sua retractasse. In veteri ceremoniarum libro
differta verba Maximiliani I. non reperiri: & fortasse *obsequium* ob-
latum pro obedientia fuisse habitum.

Quibusdam visum, mittendum Romam exemplum authenticum
jurisjurandi à Maximiliano Francofurti emissi, in quo habebatur hæc
interrogatio, qua illum Archiepiscopus diadema imponens percon-
tabatur: *visne sanctissimo in Christo Patri ac Domino Domino Roma-
no Pontifici & Sacrosanctæ Romanæ Ecclesiæ debitam subjectionem & Finis Con-*
fidem reverenter offerre? Rex verò responderat: *volo*, ad hæc & controversiæ.
alia à se promissa obstringens se jurejurando super Evangeliorum li-
bro.

Et re vera Pontifex ad Nuntium suum Viennensem scripsit : si ab initio, hoc iusjurandum, Francofurti à Rege præstitum, ad se fuisset missum, minime opus fuisset futurum tot controversiis, vocabulorum potius quam rerum.

Quas ut abrumperet Pontifex, ad Ferdinandum Cæsarem totius rei arbitrium detulit. Misit igitur Maximilianus Rex per Comitem Helffensteinium Legatum ad Pontificem litteras in hanc sententiam : *Beatissime in Christo Pater, Domine Domine Reverendissime, post demissam commendationem & continuum incrementum meæ filii observantia, mitto ad sanctitatem tuam Georgium Comitem Helffenstein, qui pro meorum Decessorum more à te reverenter petat, ut ea peragas, & concedas post meam electionem in Regem Romanorum, quæ sanctissimi Romani Pontifices agere & concedere consueverunt. Itaque dum ego profiteor, præstari à me sanctitati tuæ, & sanctæ Apostolicæ sedi, nunc & in posterum, quidquid reperietur præstitum à Majoribus meis, ac præcipue à Divis Maximiliano & Carolo V. atque à serenissimo Ferdinando, Domino ac Parente meo, non dubito, à sanctitate sua vicissim declaratum iri in præsentia benevolam erga me propensionem suam. Me quidem semper reperies in officio observantissimum sanctitatis tuæ, sanctæque sedis Apostolicæ, cui Deus immortalis prospera cuncta concedat.*

Subinde Pontifex ex consensu consilioque Cardinalium electionem confirmavit, decrevitque, ut Maximiliani orator in senatu exciperetur tanquam Regis Romanorum orator. Is verò consuetam orationem habuit, pollicens in ea *amorem, reverentiam, observantiam, & obsequium.* Atque sic illætabilis ista controversia conquievit.

ARTICULUS IV.

Status Germaniæ sub Rudolpho II.

184.
initia.

Natus anno 1552. in Hispania apud Philippum II. educatus, 1572. Posonii Rex Hungariæ, 1575. Pragæ Rex Bohemiæ, atque in Comitibus Ratisbonensibus eodem anno Rex Romanorum creatus, anno sequenti patri Maximiliano Imperator successit; ac mox anno 1577. Francofordiæ conventum Deputatorum convocavit, qui novam ordinationem politicæ præscriberet; & an. 1578. Comitia Wormatiæ, in quibus actum de turbis Belgii componendis,

missi.

missique eò à Cæsare sunt legati, quos inter Colonienſis & Trevirenſis Septemviri. At apud Batavos confici nil poterat.

Neque in Belgio tantum ingentes turbas excitârunt Calvinistæ, 185.
sed etiam in vicinis Germaniæ provinciis, præsertim Aquisgrani. *Causa*
Nam eam in urbem irrepentes, cum numero essent aucti, religionis *Aquisgra-*
libertatem à senatu postularunt. Quamvis autem hæc eis esset ne- *nensis.*
gata, pergebant nihilominus pervicaces heterodoxos suos coetus pu-
blice celebrare.

Hoc ad Pacis Religiosæ injuriam pertinere arbitratus Cæsar, Er-
nesto Bavarix Duci electo nuper Leodiensî Episcopo, & Wilhelmo
Clivenſi committit negotium. Hi proin ex Cæsaris sententia Calvi-
nianos Præcones urbe facessere jubent, omniâque in integrum re-
stitui, addito mandato, ne quem, qui non sit Catholicus, in sena-
tum adlegant.

At factio Calviniana, omnes Magistratuum sanctiones spernere
assueta, sectæ suæ homines elegit consules, novumque senatum con-
stituit. Ubi verò Cæsar solos illos, quos Catholici elegissent, pro
consulibus & senatoribus habendos ediceret, in eam sunt acti ra-
biem, ut armis correptis Canonicos aliôsque Catholicos ex urbe
eiicerent. (*anno 1582.*)

Imperator per Judicium Aulicum adversus tumultuantes senten-
tiam pronuntiat, ut omnia in eum statim reponantur, quo fuerant
tempore pacis Religiosæ, soli Catholici in senatum assumantur, Pro-
testantes omnia damna illata refarciant. Nihil æquius esse poterat
hac judiciali supremi tribunalis sententia, à Cæsare confirmata. Sed
armatæ Protestantium preces pro more executionem impediabant.
(*anno 1593.*)

Tandem autem, cum Protestantes Aquisgrani omnia susdeque
verterent, ac Catholicos omnes, senatu ejectos, atrociter vexa-
rent, Imperator eos proscripsit, executione Trevirensî & Colonienſi
Septemviris, & Clivix Duci demandata. Sed mitius quam pro me-
ritis actum. Ministri Acatholici jussu urbe excedere, reliqui senatu
publicisque officiis moti; sumptuum refusio in perata (*an. 1598.*) At,
cum contumaces neque istis conditionibus starent, Præcones urbe
pulsî sunt (*anno 1605.*) Verum

Protestantes, pro inquieta ac turbulenta sua indole, nova fedi- 186.
tione mota, armisque correptis, in senatum insurgunt, collegium Calvinista-
Societatis invadunt, Patres expellunt, nihilque barbaræ crudelitatis rum furor
intermittunt. (*1611.*)

187.
à Spinola
dominus.

Denique Ambrosius Spinola tot rebelliones, tot violentas invasiones ac direptiones, totque spreta mandata Cæsarea ulturus, cum Hispano milite urbem obsidet, expugnat, atque Catholicis sua jura restituit. (1614.)

Hæc temporibus disjuncta, conjungere hîc placuit, ut Protestantæ turbæ, quæ ultra 30. annos miseram urbem acerbissimè affligerant, sub unum aspectum cadant.

188.
Causa Co-
loniensis.

Eodem ferme tempore *Colonienſis Electoratus* à sectariis fuit turbatus, & in magna conjectus discrimina. Nam *Gebhardus Truchſeſius*, Cardinalis Augustani nepos, anno 1577. electus archiepiscopus Colonienſis, cum non absque laude initio illam rexisset Ecclesiam, oculos suos coniecit in Agnetem Mansfeldiæ comitem, cœtui parthenio Girschemienſi addictam, tantamque in flammam exarsit, ut turpiter cum illa vivere non erubesceret. Cum autem fratres Agnetis Mansfeldici comites hoc familiæ suæ probum non ferrent, impulerunt Gebhardum, ut eandem matrimonio sibi jungeret.

Tru hſe-
ſius Agne-
tem ducit.

Vincente igitur rationem libidine an. 1582. sacrilegas cum ea nuptias attentavit, & sacerdos, & Episcopus consecratus. Cum verò tenui esset patrimonio, & Agnes dote careret, suaserunt ipsi Lutherani, ut eorum religionem profiteatur; sic enim futurum, ut utramque sponſam, spiritualem & carnalem retinere possit, ad exemplum tot aliorum, non tantum in Dania & Suecia, sed etiam Germania: si Catholici se contra hanc intentionem sint opposituri, omnes Protestantes consilio, suffragio, & armis etiam, si res eò deveniat, ipsi adfuturos, quorum vel maximè intersit, quantum habere Electorem de suo gremio, qui in Electione Imperatoris majorem votorum numerum faciat.

Difficile haud erat, hominî mulieroso, & amore lascivienti, omnia persuadere, quantumvis recta ratio refragaretur. At opposuit se iniquis conatibus Rudolphus Cæsar, Pacem Religiosam & contentum in ea Reservatum Ecclesiasticum observatum volens. Partes etiam Catholicas strenuè tuebantur Capitulum Cathedrale, præeunte Friderico Saxo-Lauenburgico, nullum recognoscens Lutheranum Episcopum, & urbs Colonia, quæ in carcerem coniecit ministellos, qui permittente Gebhardo spargere novellum errorem in civitate & vicinis locis præsumperant, omnesque Protestantes urbe exegit: non attenta Palatini & Bipontini intercessione.

Arma igitur corripuit Gebhardus, inito fœdere cum Principe Auriaco, vicino in Belgio tumultuante; conductoque in Westphalia

lia milite Bonnam, Magistratui tunc parentem, capit, ac publicè Bonnam Agnetem conjugem suam promulgat. Bonnam capit.

Pontifex Gregorius XIII. Apostatam anathemate percellit, & Archiepiscopatum vacantem declarat. Capitulum proin eligit Erne-Ernestus flum Bavariae Ducem, jam antè Episcopum Frisingensem, Hildesien-eligitur. sem, & Leodiensem; quem Imperator, positis armis, ab omnibus acceptari jubet. (1583.)

Sed Protestantes nihilominus arma ac bellum varia fortuna cir- Bellum. cumferunt, in Ecclesias maximè & monasteria pro more suo debachantes. Quare Ernestus, acceptis ex Belgio ab Alexandro Farnesio, & ex Bavaria à fratre Guilielmo auxiliariis copiis, plerasque civitates aut vi aut ditione recipit, ac (anno 1584.) denique etiam Bonnam, Gebhardo cum Agnete sua in Hollandiam ad Auriacum profugiente; ubi ab omnibus derelictus miserè vitam egit. Enituit hoc bello maximè bellica virtus Ferdinandi Bavari, qui pro fratre Ernesto supremus erat belli Imperator.

Non solummodo autem Coloniensi Archiepiscopatui inhiarunt 189. Protestantes, sed etiam Argentinenfi. Nam cum anno 1592. Joannes Manderfcheidius obiisset, pars Canonicorum catholica Tabernis Argentinenfis Alsatiae elegit Carolum Lotharingum Cardinalem, Lotharingiae Ducis fratrem, pars altera Argentinæ Joannem Georgium Electoris Brandenburgici ex fratre nepotem.

Hujus partes ut firmaret senatus Argentinensis, Dachsteinium aliasque arces Episcopales occupavit, impositis praefidiis, reposcente illas Lotharingo. Cum autem detrectaret senatus illas reddere, ven- Bellum. tum ad arma, pluribus velitationibus commissæ copiae: varia à Cardinale occupata oppida. Nutantes Brandenburgi res per Anhaltinum rursus aliquantum erectæ.

Miserat equidem Rudolphus Cæsar ad componendas turbas fratrem suum Ferdinandum Archiducem; ac excipientibus A catholicis, negotium hoc ad totum Imperium pertinere, confici illud non poterat. Quare Imperator auctoritate sua utendum ratus, jubet arma ponere, & litem per arbitros compromissarios dirimere.

Tandem anno 1603. post multas dimicationes, pluresque divi- Transactio. fionum vias tentatas, in id conventum, ut Brandenburgus Lotharingo totum Episcopatum cedat, receptis ab isto centum triginta aureorum millibus, à Wirtembergensi verò Duce, ob cessant ditionem Obernagensem triginta aureorum millibus, cum annua pensione 7000. aureorum; ut tamen integrum sit Episcopatui post 30. annos urbem illam ac praefecturam, solutis 500000. aureis, redimere.

190. J.
Comitia
Ratisbo-
nenſia.

Pendente hac controverſia Cæſar *Comitia Ratiſbonam* indixit. In quibus pro gerendo bello Turcico in medium annum conceſſa ſubſidia 80. menſium, per modum expeditionis Romanæ in matricula taxatorum. Varia in medium allata de judicio camerali, re monetaria, & matricula Imperii: ſed in annum ſequentem ad conventum Deputatorum dilata. Erneſtus Elector Colonienſis ſolenniter à Cæſare inauguratus. Religionis etiam variæ controverſiæ ventilatæ, ſed non compoſitæ. Tractatum de eligendo Romanorum Rege. Sed quia id Cæſari diſplicere viſum, nihil actum.

191.
Tyrolis ad
Rudol-
phum.

Anno 1595. obiit Ferdinandus Archidux, Ferdinandi I. filius. Cui Tyrolis & anterior Austria obvenerat; quæ ad Rudolphum ſunt devolutæ. Is hoc anno remiſit dominium directum in Wirtembergiam, reſervato tamen devolutionis jure in caſum deficientis ſtirpis Wirtembergicæ.

Anno 1597. in Comitibus Ratiſbonenſibus rurfus decreta ſunt ſubſidia adverſus Turcas; ſed cum magna contradictione Proteſtantium; qui varias contra judicium aulicum querelas proponebant, illudque ſublaturum volebant.

Et ab hoc tempore fervebant rurfus ingentia de Religione certamina, ad 50. annos cum immani Germaniæ calamitate ac perniciæ protracta. Et primò quidem Proteſtantes in privatos iterum cœtus ſeceſſerunt, ſœdusque, quod *Unionem* dicebant, percufferunt, quod tandem in fatale illud tricennale bellum erupit.

Verùm, quia hæc pleraque ad ſæculum XVII. ſpectant, eò perſtringenda remitto, ut ſub unum velut aſpectum cadant.

CAPUT IV.

Status Eccleſiaſticus ordinatus per Concilia in Germania Sæculo XVI.

SUMMARIUM.

192. Triflis Germaniæ faciès.

193. A Conciliis quaſitum remedium.

ARTICULUS I.

Concilium Colonienſe I. anno 1536.

- | | |
|--|---|
| 194. Pars I. de munere Episcopali. | gulis Sacramentis utilissima doctrina exponitur. |
| 195. - - II. De officio, vita ac moribus Clericorum. | 201 Pars VIII. De victu Parochi. |
| 196. - - III. De Ecclesiis Metropolitanis, Cathedralibus, & Collegiatis. | 202. - - IX. De constitutionibus, & consuetudinibus Ecclesiasticis. |
| 197. - - IV. De Parochis, eorum Vicariis, aliisque Ministris. | 203. - - X. De vita monastica. |
| 198. - - V. De vita ac moribus Parochorum. | 204. - - XI. De hospitalibus aliisque piis locis. |
| 199. - - VI. De prædicatione Verbi Divini. | 205. - - XII. De scholis, typographis, & bibliopolis. |
| 200. - - VII. De administratione Sacramentorum, ubi de sin- | 206. - - XIII. De Jurisdictione Ecclesiastica. |
| | 207. - - XIV. De Visitatione & Synodis. |

ARTICULUS II.

Concilium Augustanum anno 1548.

- | | |
|---|---|
| 208. Occasio hujus Concilii, Dilingæ in arce Episcopali celebrati. Initium. Oratio Olavii &c. | 212. De administratione Sacramentorum, Baptismo, Confirmatione, celebratione Missarum, & Sacramento Eucharistiæ, Extrema unctione, Matrimonio; eorumque gratuita administratione. |
| 209. Canones 33. editi: de fide catholica, constitutionibus, electione, renuntiatione, qualitate ordinandorum, Clericis peregrinis. | 213. De consecratione, benedictione, & ceremoniis Ecclesiasticis, festis Sanctorum, orationibus Ecclesiæ, magistris, & scholis instituendis, hospitalibus &c. |
| 210. De officio Archidiaconi, Parochis aliisque curatis, officio Decani & Canonicorum, vita & honestate Clericorum. | 214. De majoritate & obedientia, visitatione, censuris, preci- |
| 211. De pluralitate Beneficiorum, statu Monachorum, officio Concionatoris, & Verbi Divini prædicatione, cultu Divino. | |

bus pro Principibus , pœnis , | 215. Absolutio synodi.
synodis celebrandis &c.

ARTICULUS III.

Concilium Diœcesanum Trevirense I. anno 1548.

- | | |
|--|--|
| 216. Initium Concilii. Oratio
vehemens Pelargi. | & desertores monasteriorum.
Mandatum synodale Archiepi-
scopi. |
| 217. Decem Canones, præcipuè
contra concubenarios Clericos, | |

ARTICULUS IV.

Concilium Colonienſe II. Provinciale anno 1549.

- | | |
|---|---|
| 218. Causa & occasio synodi.
Editi 6. Canones pro resti-
tuenda Ecclesiastica disciplina. | 222. De visitatione septem Ca-
nones. |
| 219. Pro restauratione studiorum
præscribuntur decem media. | 223. De celebratione synodorum
tres Canones. |
| 220. De examine Ordinandorum
decem puncta. | 224. De jurisdictione Ecclesiasti-
ca tres Canones. |
| 221. De functione officiorum de-
cem puncta. | 225. De censuris & decreto pro
abusum & vitiorum abolitio-
ne, 38. Canones. |

ARTICULUS V.

Concilium Moguntinum Provinciale anno 1549.

§. I.

Canones ad fidem pertinentes.

- | | |
|---|---|
| 226. Hoc Concilium pro illo
rerum statu sancivit imprimis
47. Canones ad fidem & sa-
cros ritus pertinentes. Qui
sunt veluti compendium Theo-
logiæ adversus Protestantium
errores lectu dignissimum. | 227. Subjunguntur deinde 55.
capitula de moribus & discipli-
na, pariter præcellentia, atque
illis præsertim temporibus ne-
cessaria. |
|---|---|

ARTI-

ARTICULUS VI.

Concilium Trevirense Provinciale anno 1549.

228. Conditum 19. Coenones de doctrina & disciplina Ecclesiæ.

ARTICULUS VII.

Concilium Salisburgense anno 1569. & Colonienſe
in causa Gebhardi, anno 1582.

CAPUT IV.

Status Ecclesiasticus ordinatus per Concilia in
Germania Sæculo XVI.

NUnquam Ecclesia tot tantisque ab hostibus pressa, tot insultibus impetita, totque artibus, conjurationibus, bellis, in ruinam impulsæ fuit, quam hoc Sæculo XVI. Aliis temporibus cum uno hoste configendum fuit, cum uno errore depugnandum: jam verò, ruptis velut repagulis, orcus omne suum virus in orbem terrarum effudisse visus.

192.
Tristis Ger-
maniae fa-
cies.

Neque hæreseos duntaxat genus omne despumatum, in orthodoxæ doctrinæ excidium: sed morum quoque corruptio passim grassata in disciplinæ sacræ ruinam, tonso etiam vertice, quod sanè deplorandum, vi mali infecto.

Quapropter non tantum pientissimi Cæsares incumbens tot hostibus obviam eundem putârunt, sed Ecclesiæ quoque Præsules, pro muneris sui ratione, tantis Germaniæ morbis remedium, quoad fieri poterat, solerter afferre conati sunt, per sacra nempe Concilia, quorum auxilio & hæresum lues extinguatur, & ignorantiae tenebræ dispellantur, & morum disciplina reformetur.

193.
à Conciliis
remedium.

Et quidem omnium celèrrimum in hanc rem celebratum est Tridentinum, de quo part. 3. sub finem tractavi. Sed quia ob tanta, quæ ibi diximus, obstacula, generalis illa Synodus tam citò, ac morbus requirebat, colligi non poterat, & cœpta etiam, ob varias causas fuit interrupta, Caroli V. Cæsaris hortatu Episcopi plura Concilia Provincialia ac Diocesana celebrârunt, ut distortam disciplinam in ordinem reponant.

ARTICULUS I.

Concilium Colonienſe I. anno 1536.

Post tentatam frustra per tot conventus & colloquia Religionis concordiam, anno 1536. celebratum est hoc Concilium provinciale sub Hermanno Archiepiscopo, opera maximè Grop-peri Ecclesiæ illius Archidiaconi, ac postea Cardinalis.

Actum de instructione Parochorum, quomodo populum docere debeant: de reformatione cleri, & defensione ceremoniarum Ecclesiæ: de regimine Ecclesiastico universim, dignisque ac probatis viris eidem præficiendis.

Decreta autem in 14. partes seu classes sunt distributa, quarum singulæ complures comprehendunt Canones.

P A R S I.

De Munere Episcopali.

194.

Quod præcipuè consistit in prædicatione Verbi Divini, conferendis sacris ordinibus & Beneficiis Ecclesiasticis, atque visitatione Ecclesiarum. Ad certum titulum ordinandi clerici: nec nisi digni. Beneficia Ecclesiastica, antequam vacent, nemini promittenda. Dignis tantùm conferenda, seposito omni humano affectu, ac simonia. In eligendis Prælatiſ atas, mores, litteratura, ordo, cæteraque idoneitas spectanda. Patroni idoneos Archidiacono præsentent, is autem diligenter in eorum idoneitatem inquirat, & negligentiam Patronorum suppleat; indignos rejiciat, aliosque præsentandi spatium Patronis relinquat. Vicarii in Pontificalibus sedulò examinent ordinandos, de atate, testimonio vitæ, doctrinæ, idoneitate, quo affectu ad sacros ordines adspirent. Ab examine neminem eximendum. Ab ordinandis nihil exigendum. Nec litteræ dimissoriæ temere dandæ. Titulus ordinandi diligenter discutiendus. Peregrini Clerici non admittendi, nisi exhibitis litteris. Idem Clericus ne plura habeat Beneficia. Dispensationes sint cautæ, examine-tur, an ritè impetratæ. Resignationes & permutationes Beneficio-rum

rum absque simoniaca pravitate fiant. Melius est, paucos habere sacerdotes dignos, quàm multos indignos & inutiles.

P A R S II.

De officio, vita, ac moribus Clericorum.

Qui in sortem seu partem Domini sunt vocati, intenti sint suo officio: quod est duplex, docendi nempe populum, & pro eo orandi ac sacrificia offerendi. Sacram Scripturam diligenter legant. Horas Canonicas devotè persolvent. Breviaria & Missalia reformanda, non tamen à privatis pro lubitu, prout sæpius factum sit. Summa devotione Missæ sacrificium celebrandum. Nec decurandum aliquid propter musicam: quæ nihil profanum, nihil lascivum, aut leve redoleat. Diebus Dominicis Missa de eadem celebretur, sublato abusu de SS. Trinitate aut Spiritu sancto iis diebus eandem celebrandi. Præcipuæ causæ omnis mali, fastus, luxus, & avaritia Clericorum. Non licet Clerico cauponem agere, neque tabernam intrare, excepta necessitatis causa. Servanda in vestibus modestia. Suspecta cum mulieribus cohabitatio prohibetur. Clerici sæminis in capellanos & quasi famulos se non addicant. Honesto ac necessario artificiolo sustentare se liceat Clerico, exemplo S. Pauli. Non tamen sint mercatores, superstitiosi, scurræ, mimi, leviculi. 195.

P A R S III.

De Ecclesiis Metropolitanis, Cathedralibus, & Collegiatis.

Decanorum officium est, Clericos suos ad observationem rituum, omnémque vitæ honestatem perducere. Præpositus, decanus, archidiaconus, scholasticus, cantor, custos, canonici, vicarii, officio suo gnaviter fungantur. Canonici mensuram nominis sui impleant, hoc est, sint regulares, cum prima eorum origo monastica fuerit disciplina. Meminerint Canonici, se non quietis, inertiae, aut luxus causa canonicatus acquisisse, sed ut per se ipsos rebus Divi- 196.

Divinis diligenter intersint, devotè psallant, morum honestate præluceant, habitum & tonsuram decenter gestent. Ut hæc fiant, decani invigilent: transgressores puniant. Negligentes subtractione distributionum mulctentur. Vicarii quoque, qui legitimè absentium vice funguntur, hæc pariter observent.

Quorum fundatio personalem residentiam requirit, proventibus careant, in alios pios usus convertendis, si non ipsi resideant; nisi abessent reipublicæ causa. Lucri tantum causa sacris interesse indignum est. Capitula circa disciplinam diligenter habeantur. Contentiosi ac dissoluti à decanis coercendi. Statuta Capitulorum indecentia tollenda; nec cogendi, ut recens adlecti eorum observationem jurent. Fabricæ aliisque necessitatibus ex communibus redditibus succurratur. Tribunalia fori contentiosi extra Ecclesiam collocentur, ut domus DEI sit domus orationis, unde nec ullis theatris sit in ea locus. Processiones devotè more antiquo peragantur. Laici res sacras ad missam pertinentes non contingant. Ministri altaris superpelliceis sint induti.

PARS IV.

De Parochis, eorum vicariis, aliisque ministris.

197.

Parochorum officium in duobus consistit, prædicatione verbi Divini, & administratione Sacramentorum. Quibus ut bene fungantur, ob oculos sibi ponant epistolas S. Pauli, quibus Timotheum & Titum instruit. Rogandus Dominus, ut mittat operarios in messem suam; hoc præsertim tempore, quo tot venerunt pseudo-prophetæ in vestimentis ovium, intrinsecus autem sunt lupi rapaces; qui non introierunt per ostium in ovile, sed aliunde tanquam fures & latrones; quos ad vivum depinxit prælagiens Judas Apostolus in sua epistola, Petrus *ep. 2. c. 2.* Paulus in *ep. ad Timoth. & Titum*. Suboritueros homines perversa loquentes, se ipsos amantes, cupidos, elatos, superbos, blasphemos, criminatores, incontinentes, protervos, reprobos in fide, errantes, seductores, prurientes auribus &c.

Ut ergo ejusmodi lupi arceantur ab ovilibus, nemo admittendus ad prædicationis officium, nisi debitè vocati, ac missi, atque ordinaria auctoritate approbati. Quomodo enim prædicabunt, nisi mittantur? Tales sunt Parochi legitimè constituti. Qui personaliter

apud

apud commissum sibi populum residere debent; nisi magna ratio, ab Episcopo examinanda, excuset.

Aliquot retro sæculis in Ecclesiam accepti quatuor mendicantium Fratrum Ordines non repellendi à Verbi ministerio, modò à superioribus suis missi, & à Vicario Episcopi idonei fuerint inventi, ne tamen popularem auram captantes Religiosi Parochos, aut Clerum sæcularem in concionibus traducant, sed eosdem, in partem laboris vocati, adjuvent. Eleemosynam colligentes, quos *Terminarios* vocant, quamprimum possunt, ad monasteria sua revertantur. Monachi parochias, monasteriis suis incorporatas, per sæculares presbyteros ordinariè administrent, iisque de proventibus Ecclesiæ tantum attribuant, ut & congruè vivere, & jura Episcopalia possint persolvere.

PARS V.

De vita ac moribus Parochorum.

FLoruit Ecclesia, quamdiu Parochi verbo & exemplo commissum sibi gregem pascebant. Qui autem vitam agit doctrinæ contrariam, plus destruit exemplo, quàm ædificat verbo; similis Pharisæis, qui dicunt, & non faciunt &c. Avaritiam autem comprimis eos vitare oportet, non opes, sed animas venantes, non auri sed hominum piscatores. Alioquin ex pastoribus fient mercenarii. Domui suæ sint benè præpositi; & testimonium habeant etiam ab his, qui foris sunt. Procul sint ab omni luxu, comessatione, compositione. Præcipuè verò fugiant omnem libidinem atque luxuriam, sed serviant DEO in omni castitate. Neque implicant se negotiis sæcularibus.

198.

PARS VI.

De Prædicatione Verbi.

HOc ministerium summopere commendat Apostolus. Vivus enim est sermo DEI & efficax &c. Et si eo non pavisti, occidisti. Sit igitur Parochus fidelis dispensator, quem constituit Dominus super familiam suam, ut det illis escam in tempore. Charitatem

199.

Pars VII.

B b

tatem

tatem DEI & proximi maximè commendet , atque pœnitentiam. Media via incedendum. Temperandus sermo, & populo accommodandus.

Sit concionator Scripturæ peritus , pius , discretus , eloquens , fervens ; quomodo enim desideria æternarum rerum in aliis accendet, qui ipse domi suæ totus friget ? Nihil alienum à catholica doctrina proponat. Aniles fabulas, loquacitatem, scommata, convitia, devitet. In vitia invehatur, non personas. Severitatem benignitate temperet. Vitanda etiam manifesta reprehensio potestatis Ecclesiasticæ & Civilis ; quin potiùs, docendus populus obedire Magistratibus, etiam discolis, atque pro iis orare.

Plebs erudiatur in præceptis Decalogi, articulis fidei, qui in symbolo Apostolorum continentur, in Ecclesiæ sacramentis, oratione Dominica &c. Epistolam & Evangelium ejus diei concionator prælegat, dein breviter illa exponat, populùmque ad pietatem, dilectionem DEI & proximi inflammet. Declaret etiam, quid Ecclesia in orationibus Missæ eo die precetur.

Historiis aut miraculis narrandis ne diu immoretur, nisi ex sacra Scriptura sint petita. Expositiones Scripturæ ex SS. PP. colligat. Sub finem brevi anacephaleosi dicta repetat. Finita concione recitandus decalogus cum symbolo fidei, & publica confessione, dandæque benedictio, atque ad sacrificium Missæ facienda præparatio.

PARS VII.

De administratione Sacramentorum.

200.

Parochus instruat populum de vi & efficacia, quam septem Sacramenta habent ex institutione & meritis Christi, conferendi videlicet Divinam gratiam dignè suscipientibus. Per *Baptismum* omne remitti peccatum. Patrinos esse sponsores ac fidejussores pro infante, cum obligatione, eum in vita Christiana instituendi, nisi aliunde sit provisum. Explicandæ ceremoniæ. In Ecclesia suscipiendus Baptismus, nisi aliud necessitas postulet.

Exponat, per sacramentum *Confirmationis* conferri gratiam, qua tyro firmatur adversus satanæ tentationes, roboraturque, ut, quod corde credit ad justitiam, ore confiteatur ad salutem: quid significet chrisma, cur ex oleo & balsamo mixtum. Suadet Concilium,

ut hoc Sacramentum non conferatur infantibus, sed expectentur anni discretionis, ut præparatus accedat.

Dolet sacra synodus, Eucharistiam, unicum illud piarum mentium delictum ac solatium, hac deploratissima tempestate passim fastidiri. Docendus populus, in hoc sacramento verum corpus & sanguinem Christi cum anima & Divinitate unita contineri, & sumi, & quidem sub una etiam specie. Unde synodus ait:

„ Ubi sunt, quibus contra Ecclesiæ consuetudinem persuasum est, oportere laicos participare corpus & sanguinem Domini sub utraque specie, ibi docebit Parochus, corpus & sanguinem Domini in altera tantum specie perfectè consistere, adeo, ut laicus, qui sub specie panis communicat, non tantum corpus, sed & sanguinem Domini non minus recipiat, quàm qui capit sub utraque specie. Ecclesiam quoque laicis unam speciem dare, quod pro reverentia sacramenti & salute fidelium sic viderit expedire. Nam cum nullatenus ambigendum sit, sub specie panis non tantum carnem, nec sub specie vini sanguinem tantum, sed sub qualibet specie totum Christum contineri, cur laicus iudicio Ecclesiæ, quam Dominus audiri voluit, se non submittat? quæ non temere, sed multis rationibus permota, decrevit salubrius esse, ut non tantum populus, sed & sacerdotes non sacrificantes Christum sub una tantum specie perciperent. *Quid enim panis vinique species aliud sunt post consecrationem, quàm species sacramentales & accidentia sine subiecto?* Ut non habeat laicus, cur queratur, sibi alteram subtrahi speciem, cum totum, quod sub utraque specie continetur, accipiat. Ita Concilium.

Ubi obiter potes advertere, quàm protervè agant novi illi Philosophi atque Theologi, qui ex mera novandi libidine tam frequenti Concilio, ex omnibus Episcopis & Doctoribus totius Archidiocesis Colonienſis collecto, in faciem præsumunt contradicere, negando, in Eucharistia accidentia existere sine subiecto.

Pergit deinde sacra synodus cohortari ad summam reverentiam, Divinissimo huic sacramento exhibendam, præsertim quando in Missa sacra elevatur hostia, vel ad infirmum portatur à sacerdote, præcedente lumine, in signum, adesse præsentem, qui est candor lucis æternæ. Hæc denique sacrosancta hostia semper reponatur in loco singulari, mundo & clauso.

Doceatur insuper populus, hoc sacramentum validè confici etiam à malo sacerdote; quia non in merito consecrantis, sed in verbo efficitur Creatoris, & in virtute Spiritus sancti. Nam sicut ipse est, qui

baptizat, ita ipse est, qui panem & vinum in corpus & sanguinem suum convertit. Malus autem sacerdos sibi tantum nocet, indignè tantum mysterium tractando. Sicut etiam suscipiens iudicium sibi manducat & bibit, qui indignè accedit. Quare per exhomologesin, aut si hæc fieri non possit, per contritionem & peccatorum detestationem se prius probare debet.

Parochiani saltem semel in anno confiteantur, & Eucharistiam percipiant, examinandi antè de articulis fidei. Qui alteri quàm suo proprio Parocho confitentur, testimonium factæ confessionis afferant. Missæ primùm post concionem celebrentur, ne populus dilabatur.

Instruatur populus, quid in Missa agatur, ut intelligat, nihil in ea esse, quod non sit pium venerandùmque. Reprehenditur abusus discedendi ante finem Missæ. (*Hic dicitur, communionem esse præcipuam Missæ partem.*) Instruatur populus, quòd Missa sit repræsentatio illius sacrificii, in cruce peracti, quo Christus se ipsi semel obtulit sacrificium & hostiam pro peccatis nostris: ipso præcipiente, ut hoc faciamus in ejus commemorationem.

Exequiæ ac Missæ pro defunctis celebrandæ, non tamen die Dominica. Debet quoque plebs doceri, pium esse, quemadmodum jam inde ab Apostolorum temporibus Ecclesia (quæ est firmamentum veritatis) & docuit & observavit, pro defunctis Dominum exorare. Non tamen ad exequias monachi & cohors levium clericorum extra urbem evocandi. Neque post sepulturam convivia instituenda.

Penitentiae sacramenti tres ait esse partes, contritionem, confessionem, & satisfactionem, potissimùm tamen in absolutione sacerdotis consistere, qua virtute verbi & clavium remittantur peccata. Quanquam autem nemo convertatur, nisi tractus à patre, nemo tamen excusationem prætexat, quòd non trahatur, cum semper stet ad ostium & pulset. Per internum & externum verbum, contritis tamen cordibus monstrandus Samaritanus ille, qui vulneribus infundit vinum & oleum.

De *Matrimonio* doceant, quòd sit sacramentum, institutum à DEO, quo & gratia habitualis augetur, & gratiæ actuales conferuntur, ut proles honestè suscipiatur & educetur, fides conjugalis servetur, & onera annexa patienter ferantur. Clandestina matrimonia graviter illicita. Non facilè Parochus conjungat sponso invitis parentibus, conjunctio fiat in templo inter Missarum solennia; tribus proclamationibus de more præmissis: nisi causa cognita fuerit dispensatum. Peregrini non copulentur, nisi à Parocho proprio facultatem habeant, ac testimonium, quòd nullo laborent impedimento. Di-

spen-

spensationes examinentur. Ludicra illa consuetudo post conjunctionem pulsandi sponsum in templo penitus tollatur.

De sacro Ordine parte I. dictum.

Extrema unctio adhibetur, ut vel convalescat æger, vel ad lucram supremam roboretur. Soli hæretici, excommunicati, publici latrones, & qui se ipsos occiderunt, & quos in peccato lethali, nullis poenitentiae signis præcedentibus obliisse constat, sacra sepultura careant.

P A R S VIII.

De victu Parochi.

Sacramenta gratis ministrentur, neque pro sepultura aliquid acceptetur, nisi ultro offeratur. Quia tamen sacris ministris congrua debetur sustentatio, vicariis ea ex redditibus Ecclesiæ assignetur. Si redditus non sufficiant, duæ Ecclesiæ uniantur. Singuli Parochiani denarium consuetum, sed duplicatum offerant quater in anno, videlicet in Natali Domini, Paschate, Pentecoste, & Assumptione B. V.

201.

P A R S IX.

De constitutionibus & consuetudinibus Ecclesiasticis.

Traditiones & consuetudines aliæ sunt universales, toto orbe Christiano receptæ, quæ ab ipsis Apostolis vel plenariis Conciliis descendere censendæ sunt: uti: quod passio, resurrectio, ascensio in coelum, adventus Spiritus S. quadragesima, solennitate annua celebrentur, quod die veneris à carnibus abstineatur, atque alia multa, quæ ab omnibus observantur, & observanda sunt. Aliæ verò sunt particulares, quæ pro loci cujusque more laudabiliter custodiuntur.

202.

Abstinendum autem statis jejuniorum diebus etiam à carnibus, non, quod caro sit immunda, ut veteres quidam hæretici delirabant, sed ut corpus rebelle maceretur, & carnis concupiscentia subigatur spiritui. Similiter Litaniarum ac Processionum solennium usus antiquissimus diligenter continuandus: ut conjunctis precibus Divina benedictio exoretur. Festi quoque dies, ab Ecclesia statuti, piè obser-

vandi, & sanctificandi. Ut autem abusus, qui festo Dedicationis Ecclesiæ solent contingere, aboleantur, omnes Ecclesiæ festum Dedicationis eadem die agant, qua videlicet Cathedralis Colonienfis Dedicationem Ecclesiæ suæ celebrat. Benedictiones etiam & consecrationes templorum, altarium, calicum, campanarum &c. retinendæ, cum sint internæ unctionis & ablutionis symbolum.

Ecclesia, per copiosam ac violentam sanguinis effusionem publicè polluta reconciliari debet gratis, solis itineris sumptibus Vicario in Pontificalibus solvendis à delinquente.

Immunitas Ecclesiastica res est vetustissima, jure pariter *Divino* ac humano introducta. Quæ in duobus potissimum sita est. Primo, ut Clerici, illorûmque possessiones & bona à vectigalibus & tributis, aliisque muneribus laicis libera sint, deinde ut rei criminis, ad Ecclesias confugientes, inde violentè non extrahantur, exceptis publicis latronibus, grassatoribus, & nocturnis populatoribus agrorum, iisque, qui immunitatis spe in Ecclesiis aut cœmeteriis delinquant.

Fraternitates sive sodalitates tollendæ, aut earum saltem abusus.

PARS X.

De vita Monastica.

203.

HÆc non multò post Apostolorum tempora cœpit, tanquam ad perfectionem Evangelicam valde accommoda. Nemo tamen ad illam compellendus, propter periculum incontinentiæ. Doceantur meditari in lege Domini, prædicetur verbum DEI. Aliqui ad Universitates mittendi, ut Theologiæ studeant, in communitate tamen degant. Tollendi abusus, servanda disciplina. Visitatio facienda. Communi mensa utantur. Semper aliquid operis faciant, ut eos diabolus semper occupatos inveniatur. Vagabundi ad claustrum reducantur tanquam fugitivi. Epistolæ Superiori tradantur. Canonissas reformari oportet, quia vitam agunt nimis licentiosam.

PARS XI.

De Hospitalibus aliisque piis locis.

OPortet frequentia habere nosocomia & hospitalia; quia pauperum curam præcipuam nobis esse Christus voluit. Non tantum corporum, sed vel maximè animarum salus procuranda. Nullæ admittantur personæ præter miserabiles, & quidem loci illius, præ aliis. Viribus pollentes non recipiantur, nec mendicare permittantur; sed ad laborem adigantur. Præfecti caveant, ne Judam imitentur, qui fur erat & loculos habens; quare singulis annis coram Magistratu loci & Parocho administrationis rationem reddant. 204.

PARS XII.

De Scholis, Typographis ac Bibliopolis.

Summopere refert, ut pueritia bene instituatur & educetur. Quare clancularii illi magistelli, qui in conventiculis viciatim docent, prohibeantur, & adolescentes ad gymnasia publica mittantur. His autem præficiantur præceptores inculpatæ vitæ & doctrinæ; ne fortè hæreseos virus teneræ ætati instilletur. 205.

Salubriter sacris canonibus constitutum, ut in qualibet Cathedrali & Collegiata Ecclesia habeatur magister idoneus, qui Clericos instruat, & in Metropoli Theologus, qui sacerdotes aliosque sacris litteris imbuat, & iis quàm maximè, quæ ad salutem animarum spectant. Singulis autem magistris unius Præbendæ proventus assignentur. Hujus autem saluberrimæ constitutionis vix vestigium superesse, ingemiscit synodus. Nam scholas quidem reperiri, didascalum autem eruditum ac pium vix ullum; quod nihil pene stipendii illi præbeatur. Unde magna opus esse emendatione; cum ab hac re totius propemodum reipublicæ salus aut perniciës dependeat. Providendum itaque de idoneis magistris, ac sumptibus necessariis.

Instaurandæ Academiæ, quæ per hæreseon colluviem miserè pereunt. Pauperibus Scholasticis ex Ecclesiasticis stipendiis prospici-

ciendum. Eruditionibus spes præmii facienda. Parochiæ &c. illis conferendæ. Canonici ad studia mittendi, percepturi toto quinquennio Beneficiorum suorum fructus. Optimi libri in singulis disciplinis prælegendi statis diebus. Vivendi discendique regulæ scholasticis præscribendæ.

Cùm per abusum artis impressoriæ plurimum malorum emerferit, vetat, synodus, ne typographi aut Bibliopolæ librum quencunque aut chartam imprimant, aut vendant, nisi à deputatis censoribus recognitus & approbatus fuerit, & typographi nomen & cognomen, ac locum editionis contineat. Typographi autem, Bibliopolæ, ac reliqui librorum institores, & geruli, qui huic ordinationi contraverint, præter confiscationem librorum, pœnis etiam legalibus, ac pragmaticæ Constitutioni Augustanæ subjacebunt. Contra quos in territorio Colonienfi fiscalis acerrimè inquirat, & ad pœnarum declarationem procedat.

P A R S XIII.

De Jurisdictione Ecclesiastica.

206.

EXcommunicationis usus tam antiquus est, quàm ipsa Ecclesia Christiana. Siquidem ipse Dominus *Matth. 18.* illum, qui Ecclesiam non audierit, vult haberi sicut ethnicum & publicanum. Et mox subjungit: *quæcunque alligaveritis super terram, erunt ligata & in cælo: & quæcunque solveritis super terram, erunt soluta & in cælo.*

Magistri doctrinam ac voluntatem implevit S. Paulus *1. Cor. 5.* ubi Corinthium publicè cum noverca peccantem tradidit satanæ in interitum carnis, ut spiritus ejus salvus fieret. Et cum publico peccatore nec cibum sumi voluit. Hanc disciplinam in usum revocari optat synodus, ad coëreendam mortalium proterviam, & fragendam contumaciam, simulque commendat usum denuntiationis Evangelicæ.

Cavebit tamen Judex, ne censuras ex injustis vel levibus causis, vel juris ordine non servato; vel ex odio unquam intorqueat. Cùm tantum adversus graves & publicos peccatores, qui monitis contumaciam opponunt, locum habeat.

Neque Fiscalis inquirat, nisi quem legitima ac frequens gravat infamia. Quam si non probaverint delatores, condemnentur in expensas.

penfas. Ne passim pœnæ pecuniariæ pro criminibus imponantur. Si aliquando persona delinquentis vel qualitas criminis hanc mulctam deposcat, in pios usus convertatur, ne magis avaritiæ quàm correctionis causâ exacta videatur.

Clerici publicè ac graviter delinquentes publicè juxta sanctiones canonicas puniantur.

Hæredes non implentes voluntatem testatoris ab Episcopo jure quæsito priventur. Testamenta, præsertim Ecclesiasticorum, intra anni spatium executioni mandentur. Sacerdotis ab intestato mortui bona, deducto ære alieno & funeralibus, in piam causam convertantur pro anima defuncti. Excipiuntur tamen bona illius patrimonialia, quæ hæredibus cedunt.

Multiplex illa ac facilis juramentorum exactio in judiciis improbat: nisi nempe gravitas causæ aut necessitas exigat.

PARS XIV.

De Visitatione & Synodis.

CUm frustra sint in civitate leges & in clero sanctiones canonicæ, nisi sint, qui exequantur, visitatione opus est Episcopali; quæ inchoanda à Cathedrali, dein ad collegiatas & monasteria (*non exempta*) ad parochias, scholas, bibliothecas, hospitalia &c. promovenda.

207.

Prima autem sit cura in reformandis Ecclesiarum Prælati, maxime Decanis. Quod enim ab illis committitur, facile ab aliis trahitur in exemplum. Dein cleri dissolutio coërceatur.

De parcho investigetur, qua ratione Verbum Divinum disseminet, ac Sacramenta administret; an omnia calleat, quæ ad ejus officium spectant, qualis sit vita, moribus, doctrina, an victum habeat. Exploranda eruditio, habitus, tonsura, familiaris conversatio, honestas familiæ, libri, qui omnes inspiciendi. Inquirendum, num in parochia sit hæreticus, aut schismaticus; num hæresis aliqua aut periculosa doctrina serpat. Atque apponenda securis ad radicem. Num invaluerint superstitio, divinatio, sortilegium, blasphemix, adulterium, & similia crimina. An sit, qui Sacramenta negligat, parcho obedire detrectet, censuras spernat. Num dies festi & Ecclesiæ jejunia ritè observentur. Quinam abusus irreperierint. Quo-

modo & à quibus pueri instituuntur. Qua satisfactione parochus munere pastoralis fungatur. Quomodo se habeat in templo, an sacrum Baptisma, SS. Eucharistia, chrisma securè & decenter custodiat. Num vestes sacræ sint munda, templum sartum tectum, altaria ornata. Qualis domus parochialis. Num alienationes aliquæ factæ &c.

Ut autem omnia efficacius atque universalius executioni dentur, bis per singulos annos celebrandum est Concilium Provinciale à Prælati Ecclesiarum cathedralium, collegiatarum, monasteriorum, ab archidiaconis & decanis ruralibus. Fiâtque diligens disquisitio, quænam reformatione opus habeant. Decani autem, quæ in Conciliis Provincialibus statuta fuerint, in synodis suis particularibus promulgent, & in usum deducant.

ARTICULUS II.

Concilium Augustanum anno 1548.

208.
Occasio.

Quia Carolus V Imperator post devictos Smalcaldicos socios in Comitibus Augustanis voluntatem suam significaverat, ut, usque dum Concilium Tridentinum reassumeretur, particularia Concilia per provincias, & dioceses celebrentur, Otto Truchsessus Cardinalis & Episcopus Augustanus saluberrimæ voluntati obsecutus; postquam Algoiam Smalcaldensium furore miserè afflictam ordinaverat, Prælatos, Abbates, Præpositos, Decanos tam collegiales quàm rurales, camerarios &c. anno 1548. ad synodum Dilingam evocavit.

Ad diem igitur præscriptum convenerunt multi, ex captivitate velut respirantes, atque præclaram animi magnitudinem ad ædificandam domum Domini afferentes. Alii tamen exemptione à jurisdictione Ordinarii absentiam excusarunt; alios profani magistratus timor, alios libertatis amor, aut neglecti muneris pastoralis conscientia subtraxit.

Initium.

Initiò ad Ecclesiam parochialem Dilinganam ordine processum, Prælati, quibus jus competeat, mitras & pedum pastorale cum Pontificali habitu gestantibus, reliquo clero vestimentis Ecclesiasticis decenter ornato. Missam de Spiritu S. solenniter celebravit ipse Cardinalis Episcopus.

Quia

Quia autem templum tantam multitudinem non capiebat, ad arcem Episcopalem redierunt Patres, atque in aula amplissima confederunt. Ad quos Martinus Olavius Theologus Hispanus, Cæsaris facellanus, elegantem orationem habuit, de horum temporum statu, de officio Pastorum & cleri, de moribus omnium reformandis, atque disciplina Ecclesiastica restituenda.

Finita hac oratione Cardinalis causas synodi uberius explicavit, atque ad omnimodæ reformationis curam omnes cohortatus, se ipsum etiam obtulit synodali iudicio reformandum, rogavitque, liberè ac sincerè proloquerentur, nihil sibi futurum gratius. A Cancellario dein Episcopi statuta sequentia, ordine in Jure Pontificio consueto, prælecta sunt.

STATUTA

Synodi Augustanæ.

I. De Summa Trinitate & Fide Catholica.

CUm à Christo per suos Apostolos eorūque successores una fides Catholica in universum orbem, cujus primatus Romanæ Sedi ex S. Petri-prærogativa jure tribuitur, derivata sit, omnes in ea constantes firmique permaneant; eandem observent, credant & doceant.

202.

II. De Constitutionibus.

Sacrorum Canonum & Conciliorum Decreta, ac Provinciales Moguntinæ sedis synodales constitutiones, uti etiam Augustanas, omnes observent. Constitutio Cæsaris de Inter-religione hoc anno in comitiis Augustanis edita, in ea parte, qua ad status Catholicos pertinet, acceptatur & innovatur, cum adhortatione, ut omnes, novationibus abjectis, ad unitatem Ecclesiæ redeant. Constitutiones etiam Laurentii Campegii Cardinalis, Ratisbonæ anno 1522. editæ observentur. Præsens verò libellus synodaliū constitutionum ubique publicetur.

III. De Electione.

Ad Episcopatum Ecclesiæ Augustanæ posthac nullus, nisi Presbyteratus ordine insignis, aut qui se gradus omnes, quos nondum habet, quamprimum adepturum promiserit, eligatur aut assumatur.

IV. De Renuntiatione.

Ad dignitates, curam animarum, aliâque beneficia nullus coadjutor, aut resignatarius admittatur: nisi prius examinatus & approbatus fuerit. Secus si irreperint, amovebuntur.

V. De qualitate ordinandorum.

Ordinandi examinentur de fide, quid super hæresibus hoc tempore jactatis, & Römiana Ecclesia sentiant. Nullus ordinetur, qui non publicum testimonium de moribus probatis, à primario sacerdote, vel Magistratu patriæ suæ signatum attulerit. Scientia examinae exploranda. Eadem ratio habenda in admittendis ad Prælaturas & parochias. Examinanda etiâ ætas. Pro examinibus autem nulla exigenda pecunia. Cardinalis ipse examini corâ vult adesse & præesse, paschali quidem & pentecostes tempore Augustæ, reliquis verò anni temporibus consuetis Dilingæ.

VI. De clericis peregrinis.

Ignoti ac vagi sacerdotes ac monachi absque Prælatorum suorum testimoniis seu formatis ad conciones habendas & sacra peragenda nusquam admittendi, multò minùs, si sint de fide suspecti, flagitiosi, fugitivi. Debent autem formatæ testari de ordinibus susceptis, & honestate morum. Requiritur insuper, ut ab Episcopo, in cujus diœcesin veniunt, aut ejus in spiritualibus vicario admissorias obtinuerint, & exhibeant.

VII. De Officio Archidiaconi.

Quos Græci *Chorepiscopos*, hoc est, certarum regiuncularum in qualibet diœcesi speculatores, alii *Archidiaconos*, alii *Archipresbyteros* vocant, Augustæ & certo districtu adjacente *Archidiaconi*, in reliqua verò diœcesi *Decani rurales* appellantur. His mandatur, ut

ut decreta hæc synodalia parochis publicent & exequantur. Capitula sua ruralia pro more congregent, ad synodos veniant. Invigilent, ut parochi officio suo ritè fungantur. In dubiis non respondeant nisi peritiores consuluerint. Ab exactionibus sordidis, & illicitis abstineant. Libertatem Ecclesiasticam tueantur. Sexto quovis mense districtum suum visitent. Si quid emendare non possint, ad synodum, aut si periculum est in mora, ad Episcopum referant. Intrusos in beneficia, aut suspectos de surreptione dispensationis moneant, ne administrationem sacrorum usurpent; si parere noluerint, ad Episcopum ociùs deferantur.

Ne in templis, sacellis, aut oratoriis imagines pingi aut sculpi sinant, Episcopo aut ejus vicario inconsulto: ut in his veteris Ecclesiæ decorum, sacrarum historiarum veritas, & imaginum honestas conservetur. In inquirendis libris hæreticorum, aut de hæresi vel schismate suspectis, nullam diligentiam prætermittant.

VIII. De Parochis aliisque curatis.

Parochi populum de fide & religione diligenter instruant. Sacramenta administrent, eorum gratiam exponant. Publicos peccatores canonicè, occultos occultè arguant. Contumaces Episcopo aut ejus Vicario indicent, ut vel publica satisfactione curentur, aut communione Catholica arceantur. Parvulos quoque & rudes certis temporibus doceant symbolum fidei, orationem Dominicam, salutationem Angelicam, & decalogi præcepta, aut ea diebus Dominicis ex suggestu disertè pronuntient.

Viri graves & idonei ad curam animarum assumantur, & anniversaria de eorum vita & moribus inquisitio instituat. Quia clerici non rarè in beneficia involant absque institutione Ecclesiastica, nulla ligandi aut solvendi potestate præditi: abusus iste tollendus. Quare decani hanc rem in proximo capitulo examinent, & ad Episcopum deferant, si quis ita irrepsit.

Curati omnes quatuor libros penes se habeant, nempe *baptizatorum*, *stato tempore consistentium & communicantium*, *matrimonio junctorum*, *mortuorum*, cum expressione nominum, cognominum, diei & anni, quia hæc noticia ad multa est utilis.

Capellani & primissarii parochis suis debitam reverentiam exhibeant, ac omnia debita officia; nisi vi foundationis expressè sint privilegiati.

Omnes presbyteri, præsertim curati, certam notitiam habeant eorum, quæ ad essentiam sui officii pertinent; veluti sunt formæ sacramentorum.

Quoniam plurimum interest, ut pueri & rudes ritè instituatur, omnes parochi legant & doceant catechismum, sive libros de *Institutione Christiani boni* Petri de Soto, ex Prædicatorio Ordine Theologi Hispani, Cæsaris confessoris, viri doctissimi ac religiosissimi. De hæresi autem aut schismate suspecti penitus tollantur.

IX. De officio Decani & Canoniorum.

Decanus collegii sui clericos in officio contineat. Exemplo præcedat. Vitæ morumque honestatem, ac disciplinam in Divinis officiis ac ceremoniis exigati. Ebrios, aleatores, percussores, scortatores, & officii sui immemores corripiat, sacris abigat, & pro jure sibi competente mulctet.

Scholasticus juventutem, Ecclesiæ ministeriis destinatam, doctrina, pietate, ac morum honestate imbuat. Aut per idoneos & probos pædagogos institui curet. Atque ordinandorum examini diligenter intendat.

Canonici Decano suo obediant. Divinis omnibus intersint, quæ decet, modestia, gravitate, pietate. Eleemosynas pauperibus distribuant. Populum exemplo ædificent. Deambulatio omnis in templo sub Divinis esto vetita.

Capitulum bonis studiosis in Academia Catholica de sumptibus necessariis provideat, qui redeuntes testimonium ab Universitate ferant.

Horas Canonicas decenti modulatione persolvant. Et hanc curam ad conductitios tantum succentores minimè rejiciant.

Canonici etiam juniores Theologum, qui in singulis collegiis frequentioribus haberi debet, certis horis prælegentem diligenter audiant.

X. De vita & honestate Clericorum.

Clerus in habitu, tonsura, incessu decorum servet. Superior vestis sit talaris: mensa frugalis. Abstineat ab omni levitate, luxu, avaritia, sordido quæstu, superstitione, venatione clamosa, profanis negotiis. Cauponas computandi causa non ingrediatur, secus multandus quatuor florenis, quorum duo fabricæ templi, duo delatori

tōri cedant. Poenam festus dies graviorem efficiet. Jejunia servet. Castè & continenter vivat.

Quare sacerdos, diaconus & subdiaconus de fornicatione, adulterio, aut suspecta familiaritate convictus, ab officio suspendatur, & beneficii fructibus ad certum tempus pro scandali gravitate privetur. Incurribilis beneficium amittat. Concubinæ autem clericorum excommunicentur. Clerici verò minoribus tantum ordinibus initiati eadem privationis fructuum poena plectantur, & à ministerio Ecclesiæ arceantur. Neque fœminis cohabitent, nisi ætate provectis, aut castimonix laude publicè commendatis.

Clerici domos fundosque dotales beneficiorum suorum collapsos instaurant, quantum necessitas postulaverit, ac reparata conservent.

XI. De pluralitate Beneficiorum.

Qui plura Beneficia possidet, uno retento, cætera intra annum resignet, aut privilegium exhibeat. Quod si illegitimè impetratum fuisse compertum fuerit, ejusdem revocatio à sancta sede procurabitur. Si verò dignus dispensatione fuerit, nihilominus jura Episcopalia & Archidiaconalia solvat, aliæque communia onera ferat. Eos etiam, qui ex dispensatione Pontificia plura Beneficia obtinent, hortatur Cardinalis, ut uno retento, reliqua resignent, & sic severitatem & coactionem synodaliū, provincialium aut generalium decretorum antevertant.

Monasteria verò & collegia, quæ Ecclesias cum decimis & censibus incorporatas habent, idoneos sacerdotes illis præficiant, eisque congruam suppeditent. Alias Episcopus ex Ecclesiæ illius bonis providebit. Neque Ecclesiis ejusmodi unitis præficiendi, nisi ab Episcopo aut ejus Vicario tanquam idonei fuerint admissi. Religiosi verò Ecclesiis ac Beneficiis curatis à Prælato suo præfecti, non obstante quacunque exemptione, (*quoad curam animarum*) Episcopo sint subiecti.

XII. De statu monachorum &c.

Monasteria secundum regulam ordinis reformari, monachos in obedientia & disciplina conservari. Capitula circa disciplinam frequenter institui, vitia castigari ac corrigi, cultum Divinum reverenter exerceri, habitum & tonsuram servari, res custodiri, præcipit synodus, reformationis impatientes severa coërcitione castigatura.

Intermissa litterarum studia restaurent, aut ad alias scholas aliquos mittant, à rerum profanarum exercitio abstineant, absque iusta causa extra septa monasterii non egrediantur: semper honesti aliquid agant. Sæculari pompa abstineant, vanisque sumptibus. Quæ necessitati supersunt, in pauperes & studiosorum educationem dispendent. Monasteria excisa aut deserta, quoad fieri potest, instaurantur.

Moniales intra claustrum se contineant, à virorum conspectu remotæ. Viri in earum monasteria non ingrediantur, nisi inevitabilis necessitas id exigat: per œconomum honestum ac fidum res suas externas procurent.

Canonissæ, continentiae studium, nulla voti solennitate obstrictum, sectantes, commune habeant dormitorium. Habitu modesto, castitatis indice, utantur. Optandum etiam, ut communi mensa uterentur.

XIII. De officio Concionatoris & Verbi Divini Prædicatione.

Concionandi officium nemo assumat, nisi vocatus, & ab ordinaria Ecclesiastica potestate sit admissus. Possunt tamen pastores animarum alios idoneos assumere, si ipsi hoc munus explere nequeant.

Sacra Scriptura SS. PP. sensu exponenda. Nihil profani, fabulosi, suspecti proferatur. Sermo sit ad captum auditorum. Concionator nunc catechistam agat, nunc interpretem S. Scripturæ, nunc vitiorum reprehensorem, nunc doctorem mysteriorum, à quæstionibus perplexis & difficilibus, omni eruditionis ostentatione abjecta, abstineat, uti etiam à convitiis & injuriis. Clerum præsertim, Magistratum, & absentes non traducat, ne ejus lingua sit fax seditioni. Sed sit oratio modesta, sobria, gravis, & Verbi Divini nervis compacta.

Misericordiam, bonitatem, & charitatem Dei tempore opportuno prædicet, ut anxii spe & amore Divino inflammentur. Neque justitiæ tamen Divinæ obliviscatur, ut spei salutaris timor Domini admisceatur. Eleemosynas, satisfactiones, & pietatis opera commendet, quibus Christianæ fidei paries liniendus. Adversus grassantium hæresum tempestatem auditores muniat. Decalogi præcepta sæpius explicet. Verbum Dei etiam traditum ostendat, Christi & Apostolorum sermonibus communicatum.

Præterea hortetur populum, ut Verbum Dei attentè audiat, ab hæresi abhorreat, Missæ sacrificio diligenter intersit, frequentî confessione se expurget, mundo corde Corpus Christi sumat, sacramentis secundum Ecclesiæ traditionem religiosè utatur, dies festos colat. Exemplo denique & morum probitate concionator ipse præluceat.

XIV. De cultu Divino.

Cultus Divinus observetur peragaturque iis modis & ritibus, quibus per manus sanctorum Patrum nobis traditus, & per majores nostros in sacrificio altaris, officiis defunctorum, canonicis, cæterisque Divinis laudibus, atque ceremoniis observatus fuit.

XV. De administratione Sacramentorum.

Ut confusio & schismata vitentur, & Apostolicis traditionibus, sacrisque canonibus ac legibus reverentia debita habeatur, Parochi ceremoniarum, orationum, rituumque receptam uniformitatem in omnibus sequantur. 212.

Doceatur frequenter populus, quid in cujusque sacramenti collatione agatur. Lingua latina in Sacramentorum administratione aliisque Ecclesiasticis officiis retineatur, & exclusa alicubi revocetur. Quæ verò lingua germanica more antiquo consueverunt pronuntiari, porro eâdem pronuntientur.

XVI. De Baptismo.

Solennes ceremoniæ & orationes in baptismo non omittantur, nisi necessitas exigat; earumque significatio populo sæpius declaratur, ut professionis suæ, quo Christo initiatus est, admoneatur.

Susceptores seu sponsores parvulorum sint ætatis provectæ, atque in fide probè instructi, ut non ore tantum sed etiam mente ad interrogata respondeant, suumque munus intelligere, & parvulos, ubi res postulaverit, in fide possint instruere.

XVII. De Confirmatione.

Parochi suo tempore de confirmationis origine, & chrismatis signi-

significatione suos doceant, eosque ad ejus desiderium accendant, ut, cum Episcopus aut ejus suffraganeus ad confirmationis sacramentum conferendum advenerint, prompti & parati sint illud suscipere, atque intelligant, quid ibi agatur.

XVIII. De Celebratione Missarum & Sacramento Eucharistiæ.

Canon Missæ submissa voce more veteri pronuntiandus; in reliquis etiam Missæ partibus nihil innovetur. Evangelia vel Epistolæ Dominicis & Festis in Parochia germanicè exponantur; neque Missa ulla tunc celebretur. Missæ celebratio neque sit nimium præcipitata, neque nimium proluxa: unde servanda mediocritas. Undique autem ex celebrantis gestu & compositione decorum & devotio eluceat. Melodiæ lascivæ, aut aliò pertinentes, ac profani rhythmus procul absint; quia populum à devotione avocant, atque vanæ levitatis memoriam ingerunt. Omnia proin sacram devotionem spirent. Decentius esset, ut veteris Ecclesiæ exemplo elevationis tempore populus prostratus Deum in summo silentio adoraret.

Ignoti sacerdotes, aut sceleribus infames, aut solum quæstum sectantes à celebratione hujus sacri repellantur. Sacra hostia pro infirmorum viatico in loco mundo & honorato, accenso ad eum perpetuo lumine, asservetur. Quando solenni processione circumferatur, ludi profani omnes absint, & quidquid à devotione avocatur. Quando ad ægros deferatur, lumen præcedat, & campanula signum detur. Duæ minimùm hostiæ ad ægrum ferantur, ne populus in redeuntis manibus inane vasculum adoret.

XIX. De pœnitentia & Remissione.

Parochi in quadragesima singulis Dominicis capitulum *omnis utriusque sexus* publicent in Ecclesiis, quo videlicet decernitur, ut omnes fideles, postquam ad annos discretionis pervenerint, omnia sua peccata saltem semel in anno confiteantur sacerdoti proprio, & injunctam sibi pœnitentiam impleant, & saltem in paschate SS. Eucharistiam sumant: alioquin viventes ab Ecclesiæ ingressu, & mortuos à sacra sepultura arcendos.

Subjunguntur dein casus plures, in quibus Sacramentum Eucharistiæ personis certis criminibus irretitis negandum, aut saltem ad tempus differendum asseritur: uti excommunicatis, interdictis, publicis & habituais peccatoribus &c.

XX. De Extrema Unctione.

Unctionis extremæ Sacramentum, cum litanis & orationibus, à majoribus acceptis, totaque Ecclesia servatis, infirmis impertendum. Sacerdos infirmum consoletur, ad spem salutis æternæ erigat. Diabolum contemnere, Christi quæ misericordiam sperare jubeat. Præsentibus ad preces pro infirmo fundendas hortetur.

XXI. De Matrimonio.

Sacerdos non alibi, quàm in Ecclesia nuptias benedicat. Nec nisi tribus proclamationibus præmissis, diebus festis continuis; ut constet, sponfos nullo impedimento laborare. Admonendi, qui coniungi volunt, ut parentum potius & amicorum consilia sequantur, quàm privata sua desideria, & exemplo Tobie jejuniis & orationibus se præparent, sciântque, matrimonia in peccato mortali contracta, esse quidem valida, sed tamen illicita: ut adeò Sacramenti gratiam non conferant.

XXII. Sacramenta gratis administrantur.

Pro reconciliatione pœnitentium, aut alterius Sacramenti aut Sacramentalium administratione sacerdos non paciscatur de pecunia vel alia re sibi danda; sed requisitus ea sine mora administret. Quod tamen ex consuetudine debetur, potest exigi.

XXIII. De consecratione, benedictione & ceremoniis Ecclesiasticis.

Consecrationes & benedictiones Ecclesiæ, altaris, cæmeterii, vestium & vasorum sacrorum, aquæ, salis, palmarum, cereorum &c. solenne suum teneant, sicut ante istam Catholicæ Religionis perturbationem. Doceaturque populus, cur res e. g. fructus, agri &c. benedicantur, videlicet, ut orationis & benedictionis scuto adversus magias, incantationes, maleficia, aliasque diaboli & malorum hominum nocendi machinationes defendantur, atque ut mentes nostras benedictionis recordatio ad DEUM gratiarum omnium fontem erigant.

213.

Sacræ ceremoniæ retinendæ, tum quia in Ecclesia ab antiquissimis temporibus fuerunt usitata, tum quia mentem ad DEUM & res

Divinas trahunt. Significationem autem ceremoniarum declarari populo oportet, veluti cereos ad laudem & gloriam ejus, qui lux est mundi, omnemque hominem in hunc mundum venientem illuminat, accendi. Thura incensa indicare orationes & desideria nostra cum odore bonorum operum ad DEUM ascendere oportere &c. Cavendum tamen, ne sacræ ceremoniæ in abusum & superstitionem degenerent.

XXIV. De Feriis & Festis Sanctorum.

Circa festos dies celebrandos nihil innovetur, sed antiqua diœcesis consuetudo, ac publicata decreta observentur. Enumerantur hic festa solenniter celebranda, uti præter omnes Dominicas, Festa Natalitia, Paschalia, & Pentecostalia, quatuor festa B. V. Mariæ, nempe Purificationis, Annuntiationis, Assumptionis & Nativitatis, Natalitia Apostolorum, Circumcisionis, Epiphaniæ, Corporis Christi, Joannis Bapt. Magdalenæ, Laurentii, Georgii, Martini, Nicolai, Michaëlis, omnium Sanctorum, Catharinæ, Uldarici & Afræ Patronorum diœcesis &c.

XXV. De orationibus Ecclesiæ.

Præter innumeras novationes in fide, moribus, ritibus, etiam oratio Dominica, salutatio Angelica, Symbolum Apostolorum, ac Decalogi præcepta, à majoribus nostris in linguam germanicam religiosissimè conversa ac nobis tradita, à novatoribus fuerunt inversa, e. g. quod antea semper in oratione Dominica dictum est: *Pater noster, qui es in calis*, ab istis novis interpretibus dicitur: *Noster pater in calis*. His aliisque novitatibus abjectis insistatur pristino venerandæ antiquitatis mori, atque Parochi singulis Dominicis finita concione orationem Dominicam, Angelicam salutationem, symbolum Apostolorum, & Decalogi præcepta, distinctè præcant, populo singula repetendo subsequente.

XXVI. De magistris & scholis instituendis

Distinctè prohibetur, ne quis ex Augustana diœcesi ad scholas aut gymnasia, de schismate aut hæresi suspecta, nupérque natis de religione perversis opinionibus contaminata, discendi docendive causa, accedat. Academiis autem Catholicis sit potestas viros litera-

teratos ad regendas Ecclesias idoneos Episcopo Augustano significandi, quorum in conferendis Parochiis specialem rationem habendam, & commendationem etiam apud Paulum III. summum Pontificem is pollicetur.

Collegia Canoniorum scholas instaurent. Iis præficiantur magistri incorruptæ vitæ, qui & Christianæ vitæ principiis, & litterarum studiis juventutem imbuant. Atque ad hæc idonei libri prælegantur. In reliquis etiam oppidis, in quibus collegia non sunt, scholæ instaurentur. Ubi frequentiora sunt Canoniorum collegia, Theologus constituatur, qui certis diebus & horis interpretetur Biblia, ac de re Theologica Canonico, Vicarios, & alia Collegii membra doceat; uniusque Præbendæ proventus in stipendium accipiat.

XXVII. De Hospitalibus.

Hospitalium proventus in nullos alios usus convertendi, & alienati sunt revocandi; si alicubi cum aliis fuerint confusi, ex æquo pauperibus prospiciendum. Personæ miserabiles loci recipiendæ. Peregrini refectioem duntaxat accipiant. Administratores rationem reddant.

XXVIII. De majoritate & obedientia.

Magnates seculares in executione horum Synodaliū sint auxilio. Jurisdictionem, libertatem, & immunitatem Ecclesiasticam, Episcopis & clero ab Imperatoribus & canonibus tributam, tueantur atque conservent. Protectionis & advocacionis nomine Ecclesias ne premant. Sed clerum & præcipuè animarum suarum pastores venerentur. Diebus festis & dominicis ad Divina conveniant, concionem audiant. In Missa ad finem usque perseverent. Confessionis & communionis Sacramenta frequentent.

214.

Parentes liberos etiam domi instruant. A vitiis coërceant. Libros periculosos, & imagines turpes amoveant. Novorum dogmatum auctores aut profeminatores, aliique criminosi, ex diocesi jubentur facessere.

XXIX. De Visitatione.

Episcopus per se vel per Suffraganeum quotannis, aut quoties res postulaverit, diocesiū visitabit, & examinabit, an hæc Synodalia observentur, suffraganeo etiam vel Vicario Generali norma visitationis præscribetur, uti etiam decanis ruralibus.

XXX. De Censuris.

Excommunicationis, suspensionis & interdicti sententiæ à nemine contemnantur, aut quoad publicationem & executionem impediantur. Propter causam tamen levismomenti nulla censura feratur; sed ad sanitatem magis, quàm ad interitum contumacium respiciendum.

Excommunicati, & denuntiati, ab omnibus vitari, & à nemine in consortium recipi debent; neque ante satisfactionem absolvi, aut ad Sacramenta vel fidelium communionem admitti.

XXXI. De Precibus pro Principibus faciendis.

Omnes subditi in Missis, orationibus, & concionibus precentur pro Paulo III. Pontifice, Carolo Imperatore, Ferdinando Rege, ac aliis Principibus Catholicis, & populum, ut idem faciat, adhortentur, ut orthodoxam fidem & auctoritatem sedis Apostolicæ, ut hætenus factum, tueantur. Pro lapsis verò orent, ut ad unitatem fidei revertantur.

XXXII. De Pœnis.

Cùm porro sine coercitione jurisdictio sit inefficax, & absque pœnis non modo leges vilescant, verùm etiam qualibet civilis societas in deterius facile abeat, statuitur, ut pœnæ canonicæ, tam in corpore juris clausæ, quàm synodalibus statutis, aliàs editis, annexæ, transgressoribus horum statutorum, infligantur.

XXXIII. De Synodis.

Cùm synodorum celebrandarum ratio in tanta rerum perturbatione plerisque ignota sit, synodi anniversariæ decernuntur. Qui autem in synodalem confessum recipiuntur, juramenti Episcopo præstiti memores, detrimenta, defectus, vitia gravia grassantia, persecutiones &c. in medium proferant, à synodo absque respectu corrigenda.

Appellationes quoque legitimæ ad synodum, absentium gravamina, & laicorum querelæ, ad causas Ecclesiasticas pertinentes, audiuntur, uti etiam, qui crimina, disciplinam & quietem Ecclesiasticam

cam perturbantia, denuntiare voluerint, adquam denuntiationem
ceu Evangeliam faciendam omnes invitantur.

Petit Episcopus, ut deputentur à synodo commissarii, qui re-
formationi Episcopi ejusque officialium intendant. Materiam de
corrigen-
dis vitiis, quæ in Breviarium irreperunt, de Missis aliis sub
solenni officio non legendis, de excommunicatione non ferenda,
nisi ob causas valde graves, de pluralitate Beneficiorum,
de uniendis Beneficiis tenuibus, de visitatione exemptorum,
ad synodum provincialem, aut œcumenicam, atque ad S. Sedem,
remittit.

Absolutio

Synodi Augustanæ.

Postquam prima die memorati 33. articuli à cancellario Episco-
pali coram synodo prælecti fuerant, jussi sunt Patres altera die
convenire rursus, & de iis suffragium ferre.

215.

Dicta igitur sequenti die per decanum Augustanum solenni Missa
de SS. Trinitate, Cardinalis gravi oratione synodum adhortatus, ut
sepositis privatis rationibus, in unam DEI gloriam oculos inten-
dentes, pro reformatione salutari irent in suffragia. Nullus erat
ex tanto numero, qui non omnes articulos maximopere collaudaret, &
libero suo voto comprobaret. Cùmque Episcopus iterum iterumque de
sua ipsius ac officialium suorum reformatione synodi sententiam pe-
tiisset, illa verò aliud non responderet, quàm lectos articulos tam-
quam synodales ab omnibus observandos, gravamina, causas, &
defectus Ecclesiasticorum & laicorum ad synodum referri voluit.

Die tertia Nov. 14. cantato per Abbatem Ottoburanum de B. V.
solenni officio Cardinalis ad diligentem synodali observationem
cohortatus præsentés, absentes, per promotorem fisci accusatos,
condemnavit, ac contra eos tanquam contumaces juris ordine pro-
cedendum decrevit.

ARTICULUS III.

Concilium Trevirense I, Dioecesanum

Anno 1548.

216.
nitium.

IN convocationis mandato memorat Joannes Archiepiscopus & Elector, Carolum V. Cæsarem statuisse in Comitibus Augustanis, particulares interim, dum Concilium Tridentinum resumere-tur, celebrandas esse synodos, cui saluberrimæ ac divinitus inspira-tæ voluntati, se satisfacturum, Dioecesis suæ Trevirensis archidia-conos, Abbates, præpositos, prælatos, archipresbyteros, deca-nos, parochos aliósque Ecclesiasticos convocare in Basilicam mayo-rem Trevirensensem.

Oratio.

Orationem ad Patres congregatos eloquentem habuit Pelargus Doctor Theologus, de oblitterata jam diu re litteraria restituenda, & disciplina Ecclesiastica repurganda. Atque in prima parte demon-strat, litterarum neglectui hæreses, undique ingruentes, ac vitio-rum colluviem esse adscribendas. In altera dein parte ostendit, de-speratam esse ovium salutem, nisi pastor ipse bono exemplo prælu-ceat. Oratio tam libera, tamque temporibus illis afflictis congrua vix unquam publico in consessu dicta.

Cùm deinde Archiepiscopus per suum in pontificalibus & spi-ritualibus Vicarium se ipsum etiam reformandum obtulisset synodo, decem sanciti sunt canones contra sceleratos clericos.

217.
Canones.

In primo demonstratur, quàm turpe atque abominandum sit in sacerdote *ebrietatis* vitium; eique deditos ab officio & beneficio re-movendos esse decernit.

In secundo graviter invehitur synodus in clericos concubina-rios, ac severè commonet, ut abactis concubinis, propudiosis fœ-disque incontinentiæ latrinis, poenitentiam agant, purioresque dein-ceps sacram ad aram manus offerant.

In tertio decernitur, ut, qui fornicationis vitium non deferunt, bonis omnibus Ecclesiasticis spoliuntur, scorta verò procul pellan-tur.

In quarto excipitur casus, quo concubina parentes in eadem parochia habet: huic enim permittitur ad eos redire.

In quinto statuitur, ut si clericus ad dinaiſſam redierit, officio & beneficio ipſo facto ſit privatus; concubinam verò extra ædes paternas procul abigendam.

In ſexto ſortilegiis, incantationibus, & divinationibus, anathematis & carceris pœna decernitur.

In ſeptimo Apoſtatae ad monaſteria ſua redire jubentur.

In octavo ſub cenſura prohibetur, ne quis ejusmodi Apoſtatarum patrociniſmum ſuſcipiat.

In nono imponitur officialibus, ut, ſi quos deſerto monaſterio ad nuptias convolaſſe deprehenderint, Archiepiſcopo eos caſtigandos, & emendandos ſiſtant: promittitur tamen iis, qui ad Eccleſiam ultro redierint, cum iis tamquam perditis oviculis & filiis prodigis paternè actum iri.

In decimo inquiſitum fuit in regularem diſciplinam, tunc valde collapſam; in eos, qui palàm vel occultè hærefes diſſeminarent, aut ipſi foverent; qui ſcleribus eſſent dediti &c; hos omnes ſibi denuntiari petiit Archiepiſcopus. Clerum dein omnem graviffimis verbis adhortatur ſacra ſynodus, ut ſublimi ſtatui ſuo vitam dignam ac muneri tanto congruam ducat.

Subjungitur mandatum Archiepiſcopi contra concubinariorum, in quo dicitur, cauſam præcipuam, cur ea tempeſtate ſacerdotes paſſim contemnuntur, & odio habeantur, eſſe effuſam vitæ licentiam, fœdâque concubinitus labem, cum nihil magis dedeceat hominem, Divinis rebus militantem, quàm ea, quæ carnis ſunt, ſectari, ac proin, ut tanta ignominia à ſtatu Eccleſiaſtico removeatur, intra novem dies omnes concubinæ, ſuſpectæ pudicitia, atque petulcæ ætatis fœminæ procul amoveantur: qui ſecus facerent, officio & beneficio, lata in eos ſuſpenſionis ſententia, ſubmovendos, fœminas verò ejusmodi, nî recederent, à locorum decanis excommunicandas, & publicè denuntiandas.

Utque hoc mandatum eò certiùs executioni detur, conſtituti ſunt commiſſarii, qui ſuſpectos de incontinentia ad Archiepiſcopum deferant, uti etiam eos, qui Eccleſiaſticam lædunt immunitatem. Hæc poſtquam per decem dies acta ſunt, ſoluta eſt ſynodus, indiſto in proximum provinciali Concilio.

ARTICULUS IV.

Concilium Colonienſe II. Provinciale

Anno 1549.

218.
Cauſæ Synodi.

Depulſo ab ovili lupo, Hermanno infelice, cùm Colonienſis ager hæreſeon vitiorumque zizaniis magnopere horreret, Adolpus ſuffectus Eccleſiæ illius Metropolitanæ verus Paſtor, tum ſuapte propenſione, tum ut Cæſari & Auguſtanis Comitiis morem gerat, ſynodum Provinciam indixit, præſatus in eam rem, tantis Eccleſiam Colonienſem procellis hæreſeon fuiſſe agitaram, ut in ea jam actum fuiſſe de fide Catholica potuerit videri: ideo ſe, ad paſtorale officium aſſumptum, lupos, concionatores ſectarios, omnis mali originem, ab ovili Dominico abigere, atque ditione ſua ejicere, quamvis non ſine difficultate, ſategiſſe, ſubſtitutis Catholicis Verbi Divini prædicatoribus. Qua re tantum eſſe profectum, ut cancri hujus progreſſum ſtiterit, & Catholicis respirandi rursus fenestram aperuerit. Non tamen hos ſcopos ſuffeciſſe penitus ad fœces illas everrendas.

Corruptos etiam cleri mores & abusus offentioni fuiſſe laicis, ut de religione malè ſentirent. Plurimum autem fiduciæ fuiſſe ſibi in Concilio Tridentino, feliciter inchoato, ſed inexpectata Patrum de transferenda ſede contentione pene intercepto, atque in longum tempus protracto. At verò rebus afflictiſ adfuiſſe DEUM, qui Carolo Imperatori dediſſet nuper victoriam, ut hoſtes validiſſimos non tam viribus, quàm conſilio frangeret; & quod mirandum magis, victoria parta modèſtè ac clementer uteretur, ac rebelles filios caſtigàſſe magis, more boni patris, quàm bello petiſſe videatur.

Ejuſdem Cæſaris animum à DEO fuiſſe impulſam, ut ad reparandas religionis ruinas certam formulam, qua cleri mores reformarentur, piis quibusdam & eruditis Theologis conſcribendam demandaret. Hanc à Cæſare traditam, univerſis Eccleſiaſtici Ordinis Statibus, qui eandem probè expenderent, quidque in ea recipiendum repudiandùmve videretur, candidè aperirent. Multis igitur conſultationibus ac deliberationibus privatim & communiter habitis, quibusdam in formula expunctis, aliis mutatis, vel additis, communi

tan-

tandem consensu eandem approbatam, atque Cæsareæ Majestati promissum, ad ejus normam reformationem se aggressuros, salva summi Pontificis autoritate, quæ ut eis accederet in Articulis quibusdam, necessarium arbitrabantur.

Addit deinde Archiepiscopus, se propterea celebrasse in eam rem synodum Diocesanam, suoque hortatu comprovinciales Episcopos in suis Diocesisibus.

Verum per hoc vix quidquam aliud fuisse promotum, quam ut sciret quisque, quod alioquin nemo ignorabat, quomodo sibi vivendum esset pie & canonicè. Proinde ad efficacem reformationis executionem pertingendum fuisse, indicendumque provinciale Concilium. Cumque satis appareret, rigorem antiquorum canonum statim in usum revocari non posse, ad media quædam, sacris tamen canonibus consentanea, fuisse confugiendum, visaque opportuna sequentia sex media :

1. Instaurationem studiorum, potissimum sacrorum.
2. Examen ordinandorum, ad ministeria vel Prælaturas instituendorum.
3. Officiorum sedulam perfunctionem.
4. Visitationem Archiepiscopalem, Episcopalem, Archidiaconalem, & eorum, quibus hoc incumbit.
5. Synodorum frequentem celebrationem.
6. Jurisdictionis Ecclesiasticæ, jam propemodum collapsæ, & abusu depravatæ, restitutionem.

CANON I.

De studiorum Instauratione.

PRæfatus Archiepiscopus de studii Theologici & Canonici necessitate, eorumque temporum crassa ignorantia, hæresum aliorumque vitiorum fecunda matre, ad litterarum restaurationem decem media synodo proposuit.

219.

1. Cum post nupera Comitæ præcones aliqui hæretici cathedris essent dejecti scholarum nunc ministeriis inhiant, ut juventutem corrumpant. Ne igitur ejusmodi lupi irrepant, quibus institutio committitur, diligenter prius examinandi sunt de moribus & doctrina.

2. Magna est querela, quod plures ludimagistri, dum omnia simul instillare volunt, sciolos potius quam solidè doctos faciant. Qua-

re deinceps in trivialibus scholis artes tantum doceantur, velut grammatica, poetica, rhetorica, dialectica, arithmetica &c. diebus vero Dominicis & Festis ex Evangelio &c. sacra instructio pro ætatis captu proponatur. Superiores autem disciplinæ in Academiis doceantur, & Theologia etiam in monasteriis.

3. Libri non nisi pii doctique, atque à decano artium vicinæ Academiæ, aut saltem erudito aliquo Prælato approbati prælegantur.

4. Parochis & concionatoribus, aliisque fidelibus sub anathemate interdicatur, ne libros legant hæreticos, ut Lutheri, Bucerii, Calvinii, Oecolampadii, Bullingeri, Lamperti, Melanchtonis, quos constat, omnia sua scripta ad decipiendum & seducendum homines à vera fide edidisse. Fugiant etiam Corvinum, Capitonem, Brentium, Pomeranum, Pellicanum, Musculum, Sarcerium, Hegendorphinum, Osiandrum, Spangenbergium, Oldendorpium, Bonnum, Hedionem, Chronicon Sebastiani Franck, & quidquid ejus est farinæ, donec pleniori catalogo libri contagiosi fuerint indicati.

5. Bonæ spei juvenes Canonici ad Academias mittantur à collegiis, qui fructibus Præbendæ suæ, exceptis distributionibus quotidianis, fruuntur ad triennium, aut diutius, si expectationi satisfaciant.

6. Tales juvenes, majoribus Ordinibus necdum instituti, cautionem præstent, se Statum Ecclesiasticum non deserturos, aut subsidia à collegio accepta restituros.

7. Si Academia in eadem urbe est, uti Colonix, non est necesse Canonicos ad exteras mittere.

8. Qui profectum speratum in Academia non faciunt, privilegiis & fructibus priventur.

9. Ut autem etiam reliqui clerici occasionem discendi habeant, collegia constituent Theologum, Præbendæ unius canonicalis salario eidem attributo.

10. In Academia Colonici lectiones diligenter habeantur ab iis, qui propterea Præbendis fruuntur.

II.

De Examine Ordinandorum.

220.

Cum promovendorum ad sacros Ordines, & Ecclesiastica officia magna sit habenda ratio, accuratum prius eorum examen instituendum; de quo decem pariter canones sunt promulgati.

1. Exa-

1. Examinandī de fide, quam teneant, de affectu, quo ducantur ad SS. ordines, de scientia, quæ sufficiat ad ordinis, quem petit, ministeria explenda, de moribus, ordinem decentibus, de ætate.

2. Cùm Scholasticus aliique, quibus examinis provincia demandata fuit, salariis quidem & titulo fruantur, munere autem suo non fungantur, sed alios æquè negligentes substituunt, examina perfunctoriè admodum solent institui. Igitur Episcopi id genus examinibus ne fidant, sed vel ipsimet, secundùm primævum institutum, examini præsent, vel doctos, diligentes, fidosque viros sufficiant, nisi aliunde certò eis constaret, Scholasticum aliòsve examinatores munere suo gravissimo ritè fuisse perfunctos.

3. Ne autem quidam examen possint subterfugere, nemini (seclusa iusta causa) detur licentia, extra suam dioecesin sacros ordines suscipiendi, nisi in sua dioecesi antè fuerit examinatus.

4. Quoniam non oportet sacros ordines quasi furtim surripere, quemadmodum matrimonio jungendi, ita etiam majoribus ordinibus initiandi, trina proclamatione populo sunt denuntiandi in parochia, quam inhabitat. Siq̃ue impedimentum se prædat, id Episcopo aut ejus officialibus à paracho indicetur.

5. Promovendi afferant testimonia non modò suorum Parochorum, sed etiam præceptorum, aut proborum virorum, per examinatores discutienda.

6. Nullus electus confirmetur, aut præsentatus ad dignitatem aut beneficium curatum instituatur, nisi priùs ab Episcopo aut ejus vicario, aliòsve deputatis sit examinatus, & approbatus idoneus, vel itque formulam reformationis exequi.

7. In permutationibus etiam & resignationibus præter alia diligenter examinetur, an non labes aliqua simoniaca lateat.

8. Pro diversitate statuum, graduum, & officiorum conscribendæ examinis formulæ.

9. Episcopo liceat, qualitercumque & à quibuscumque ad parochias promotos examinare.

10. Collatio Patroni absque canonica institutione est omnino irrita.

III.

De functione Officiorum.

221.

1. **N**il prodest pastores animarum fuisse examinatos, approbatos, & canonicè institutos, nisi præstent officium, ad quod sunt vocati.

2. Quòd passim tam indocti & inutiles sacerdotes Ecclesiis sint præfecti; quòdque tam turpiter in concubinato, ebrietate, aliisque infamibus vitiis vivant, negligentia Episcoporum & Archidiaconis illis, qui turpem quæstum ex munerum suorum locatione, in acceptis ferendum, quare deinceps vices munerum suorum non delegent hominibus levibus, vitiosis, conjugatis, sed tantum Ecclesiasticis, gravibus, & probatæ existimationis viris.

3. Nullus Prælatus suam jurisdictionem pro pecunia, aut annuo censu committat, aut vendat.

4. Ne poenitentia loco pecunia emungatur, nec propter munera poena remittatur.

5. Collegiorum præpositis poena dictatur, nisi munere suo diligentius fungantur, & Ecclesiarum jura melius defendant.

6. Decani apud suas Ecclesias personaliter resideant, & neglectam hactenus disciplinam in clero melius curent.

7. Uti etiam Abbatissæ in collegiis nobilium virginum.

8. Abbates intra monasteriorum septa habitent, nec moram longam extra ea trahant.

9. Pluralitas beneficiorum curatorum improbat.

10. Vicariis collegiorum aut monasteriorum congrua præbeatur.

11. Ne monasteria vel alia collegia regimen Ecclesiæ cum prædiis, agris &c. locent plus offerenti, sub annua pensione tanta, ut ei non supersit congrua.

12. Vicarii seu capellani in Ecclesiis collegiatis officiis suis diligenter fungantur, cum Canonicis horas persolvendo &c.

IV.

De Visitatione.

1. **O**B visitationes neglectas, aut abusibus deturpatas tot hæreses & vitia irrepserunt, quare Episcopi etiam ipsi visitent, ut hac ratione inferiorum visitorum ipsæ etiam visitationes visitentur.

222.

2. Adhibendus Notarius, qui sit sacerdos, aut saltem clericus non conjugatus.

3. Visitandi omnes subiecti, ut exempti etiam visitari possint, Casarem in se recepisse, quod ea super re cum Pontifice velit agere.

4. Idem observandum circa hospitalia.

5. Visitatores muniendi auctoritate coercitiva, armandique flagello, ut ementes, vendentes, scorta, omnemque turpitudinem e domo DEI valeant ejicere.

6. Conscribendæ formulæ inquirendi in visitatione.

7. Visitatores sumptus moderentur: unde nullum superfluum famulitium assumant, & victu mediocri sint contenti, præsertim verò parcant Ecclesiis pauperibus, parochos in vicinum locum evocando &c.

V.

De celebratione Synodorum.

1. **S**alus Ecclesiæ, terror hostium ejus, fidei Catholicæ stabilimentum ac nervi sunt synodi, quibus incisis aut neglectis Ecclesiasticus ordo diffluit, ut tristes experientia docuit. Quare synodus diocesana quotannis bis celebretur, sed religiosius: in Diœcesi autem Leodiensi propter ejus latitudinem semel. Synodus verò provincialis quolibet triennio.

223.

2. Decanis collegiorum ipsa collegia, decanis verò ruralibus parochi sumptus synodales conferant.

3. In Synodis decernatur de tollendis abusibus, & corruptis moribus, de disciplina Ecclesiastica conservanda, aut restituenda. Canones veteres, si opus renovandi, aut novi in novis casibus, juxta sacram scripturam, Patrum sanctiones, & rectæ rationis judicium condendi.

VI.

De Jurisdictione Ecclesiastica.

224. 1. **H**æc sextum est medium tanquam supremum refugium, ad reformationem, etiam contra contumaces inducendam. Hanc jurisdictionem Christus in Petro Ecclesiæ promisit: *Tibi dabo claves regni cælorum: quodcunque ligaveris super terram &c.* Quæ promissio non ad solum Petrum, sed ad alios etiam Apostolos pertinebat: *Amen dico vobis, quodcunque ligaveritis &c.* Quisquis igitur Ecclesiæ claves contemnit, Christi auctoritatem contemnit. Præsertim, cum addat, pro ethnico & publicano habendum, qui Ecclesiam non audierit. Hac Ecclesiastica Jurisdictione usus est Paulus, quando Corinthium novercæ suæ stupratorem tradidit sathanæ.

Judicia igitur Ecclesiastica in primis reformanda, & curiæ Episcopales, ad normam, tempore Hermanni Archiepiscopi præscriptam. Ad quam observandam curiæ Coloniensis officiales jurejurando adstringuntur.

2. Sub anathematis pœna interdicatur sæcularibus magistratibus, præfectis &c. ne judicia Ecclesiastica, aut sententiarum executionem impendant. Sed potiùs tanquam justitiæ patrocinatores judici Ecclesiastico petenti brachium sæculare præbeant, non obstante exceptione à reo proposita.

3. Sub excommunicationis pœna prohibetur, ne magistratus aut judices sæculares, in matrimonialibus aut aliis quibuscunque causis Ecclesiasticis, ad cognitionem solius judicis Ecclesiastici spectantibus, inter suos subditos aut alienos judicent; sed id genus causas omnes ad judicem Ecclesiasticum remittant.

VII.

Censuræ & Decrètà pro abusuum & vitiorum obolitione.

225.

1. **N**ulla re magis per hanc tempestatem scœdata est Ecclesiæ Christi facies, quàm profugorum monachorum & monialium perfidia atque flagitiis; quorum ut erat vitæ institutum arctum priùs & sanctum, ita, eo abjecto, absque omni fræno, in omne flagi-

flagitiorum genus sunt prolapsi; his enim auctoribus natæ hæreses, sacrilegia, incestuosa connubia, & sacrorum omnium profanatio. Quare, ne plures ab iis pervertantur, nemo monachos aut monachas, fugitivos, extra superiorum suorum obedientiam vagantes, recipere, fovere, aut ad Sacramenta vel Ecclesiastica ministeria admittere auit, sub pœna excommunicationis, ipso facto incurrendæ.

2. Magnæ ad Synodum querelæ perlatae sunt, apostatas illos varia vitæ genera sectari. Quosdam enim sæculare institutum in omnibus assumpsisse, & pudicitia, quam DEO consecraverant, prostituta, monachos monialibus duplicato incestu, sub conjugii prætextu adharere. Quo vitio etiam sacerdotes & majorum ordinum clerici se contaminarint. Quosdam verò viduis & faminis sæcularibus se copulasse &c. Quæ nuptiæ omnes declarantur illicitæ, profanæ, sacrilegæ, incestuosæ, execrables, nusquam tolerandæ, & anathemati omnes, qui ita contraxerunt, innexi, prolesque susceptæ illegitimæ, ac spurix, proindeque nullo jure hæreditario parentibus posse succedere.

3. In tertio genere versantur monachi apostatæ, qui ministeriis Ecclesiasticis perfunguntur, & concubinis adhærent. Quorum quidam religionis suæ habitum penitus abjecerunt, quidam non integrum, sed partem tantum retinuerunt. Hi omnes severiori ordinis disciplinæ subjiciantur. De sacerdotibus verò & beneficiatis, qui concubinas habent, id observetur, quod nuper in synodo Diœcesana statutum. Quodsi qui libidinis furiis correpti instar equi & muli, quibus non est intellectus, suspensione à beneficio & officio non emendentur, ad beneficii privationem, aliasque graviores pœnas deveniendum.

4. In quarto genere sunt monachi profugi, alii in habitu, alii eo abjecto extra obedientiam & ordinis sui disciplinam, regimini Ecclesiarum & Sacramentorum administrationi se immiscentes; cum sint excommunicati, & absolvendi potestate careant. Sub anathemate igitur prohibetur, nequis tales adhibeat.

5. Cum quædam moniales ordinis sui habitu abjecto sæcularem induerint, sub anathematis pœna prohibetur, ne id porro fiat.

6. Apostatæ, quoad fieri potest, reducantur.

7. Absolutionem ab hæresi à sede Apostolica petant. Permissio Caroli V. circa communionem sub utraque specie, non concernit provinciam Colonensem. Quare omnes una specie utantur.

8. Apostatæ reversi ne statim involent in sacra ministeria; sed prius Ecclesiæ reconcilientur.

9. Benignè tamen ac paternè recipiantur, tanquam oves errantes & filii prodigi.

10. Principes requiruntur, ut refractarios apostatas potenti manu reducant, suisque superioribus tradant.

11. Apostatæ quidam extra monasteria degunt, superioribus suis rebelles, & alios ad rebellionem sollicitantes, sub prætextu dispensationis Apostolicæ, quam vel in curia, vel à Pœnitentiariis, aut Nuntiis Apostolicis ob- aut subreptitiè impetrârunt, ac deinde Judicibus conniventibus examinandam tradiderunt. Hi omnes suas dispensationes Archiepiscopo aut Episcopo suo exhibeant.

12. Administratores bonorum Ecclesiasticorum diligentius rationes reddant. Et quidem Ecclesiarum provisores laici suo plebano bis in anno: nihilque absque ejus consilio disponant.

13. Campanarii seu æditui superpelliceis in Ecclesia utantur, linteamina servant munda. Barbam ne nutriant.

14. Nati instante paschate aut pentecoste asserventur baptizandi ad vigiliam horum festorum; si nullum vitæ periculum immineat.

15. Tollatur abusus, magnatum filios domi baptizandi, aut post baptismum epulandi.

16. Religiosi neque sint patrini, nec intersint nuptiis.

17. Comœdi ne admittantur in virginum monasteria; nec extra spectent comœdias.

18. Ut religiosus populus intersit Missæ, requirendi præfecti locorum, & conscribendæ pro capto plebis piæ meditationes & orationes.

19. Tempore solennis officii non facilè aliæ Missæ privatæ celebrentur, ne populus ad plura distrahatur.

20. Oblationes altissimæ in Ecclesia originis revocentur in usum.

21. Fiant oblationes pro defunctis, sed absque pompa & epulis.

22. A processionibus absit, quidquid vanum & profanum est, ut sint compositæ, graves, modestæ atque devotæ.

23. Clerus in iis devotione & exemplo praluceat.

24. Distributione careant, qui non intersunt decenter Divinis officiis integris.

25. Quando instituitur processio ruralis, ne vagi & incompositi per campos discurrant.

26. Parochi decanis suis ruralibus obediant.

27. Magistratus sæculares ne impediunt Ecclesiasticos in exercitio sui officii & ministerii.

28. Cum graves querelæ ad Concilium sint delatæ, præfectos quosdam monasteriis magnas molestias intulisse, sub anathemate præcipitur, ut servetur immunitas Ecclesiastica.

29. Sub eadem pœna prohibetur, ne contra Juris dispositionem coloni Ecclesiarum servitiis & impositionibus à magistratibus & præfectis graventur; sed juxta Cæsareæ Majestatis reformationem, sacros canones, & Imperatorum leges, libertatem, privilegia, & immunitatem Ecclesiasticam conservent eis illibatam.

30. Ne sæculares judices ab Ecclesiasticis majores taxas judiciales exigant, quàm à laicis.

31. Clandestinè contrahentibus matrimonia negentur Sacramenta, donec ab excommunicatione sint absoluti.

32. Præcedat trina proclamatio, nec ab alieno pastore conjungantur.

33. Extra Ecclesiam non conjungantur. Nec dispensandum in hoc absque causis gravissimis, & urgente magna necessitate.

34. Singuli semel in anno à suo Pastore communionem, & quidem sub una tantum specie accipiant, & eidem prius confiteantur, aut testimonium factæ alibi confessionis afferant.

35. Ne fratres ordinum mendicantium confessiones audiant, nisi sint approbati ab ordinario.

36. Denominantur Pœnitentarii, qui à casibus reservatis possint absolvere.

37. Monialibus datur potestas bis vel ter in anno alteri confitendi.

38. Qui extremam unctionem contempserit, Ecclesiastica careat sepultura.

Denique hæc omnia judicio sedis Apostolicæ & œcumenicis conciliis submituntur.

ARTICULUS V.

Concilium Moguntinum Provinciale

Anno 1549.

Eodem anno celebratum fuit concilium provinciale Moguntinum sub Sebastiano Archiepiscopo, Mauritio Episcopo Eustettensi per se ipsum, reliquis Episcopis comprovincialibus per legatos comparentibus. Conditi sunt 104. capitula, 47. pertinentia ad doctrinam fidei, reliqua ad disciplinam morum.

§. I.

Capitula ad fidem pertinentia.

226. **I.** **M**ysterium SS. Trinitatis populo exponatur secundum tria symbola, Apostolicum, Nicænum, & S. Athanasii.
2. DEUM omnis boni, non autem culpæ auctorem esse.
 3. Creasse hominem rectum, iustitia originali ornatum,
 4. Per peccatum autem corruptum &c.
 5. Primum illud peccatum in omnes transire &c.
 6. Ab eo nos redemptos per Christum, sanguine ejus per baptismum nos abludente &c.
 7. Justificationis initium provenire à gratia DEI ante omne nostrum meritum &c.
 8. Fides per dilectionem operatur. Opera autem à gratia meritum accipiunt &c.
 9. Mandatorum DEI observationem per gratiam esse possibilem.
 10. Christianam libertatem non consistere in effræni licentia, sed in eo, quod à dæmonis servitute liberati, volentes, prompti, & alacres legem DEI impleamus.
 11. Per septem Sacramenta gratiam nobis conferri, quam non ex rerum externarum virtute, aut merito ministri, sed ex operationis Divinæ virtute procedat. Nec tamen Sacramenta esse ritus simplices,

ces, sed efficacia signa, ad nostram Sanctificationem divinitus instituta.

12. Doceatur porro populus, per baptismum omne prorsus peccatum originale & actuale remitti. Concupiscentiam verò relictam ad agonem non esse propriè peccatum, sed tale appellari, quòd ex peccato relictà sit, & ad peccatum inclinet.

13. Etiam in parvulis per baptismum aboleri peccatum originale. Nec iterari posse baptismum, licèt ab infideli in forma Ecclesiæ cum recta intentione esset collatus.

14. Baptismi ceremoniæ juxta ritum Ecclesiæ adhibeantur.

15. Et, si fuissent propter periculum mortis omisæ, postea cautè & piè à sacerdote suppleantur.

16. Quantum fieri potest, tempore matutino Baptismus sobriè ac devotè administretur. Epulæ verò post Baptismum abolendæ.

17. Sacramento Confirmationis, ex institutione Christi & Apostolorum praxi nobis relicto, novam gratiam baptizatis conferri, qua adversus tentationes dæmonis muniantur.

18. Licèt hoc Sacramentum initio sola manuum impositione fuerit exhibitum, eò quòd Spiritus Sanctus signo visibili se manifestarit, mox tamen sub ipsis temporibus Apostolorum, & ex eorum traditione Chrismatis unctionem fuisse adhibitam.

19. In Baptismo & Confirmatione unus tantum patrinus adhibeatur propter impedimentum cognationis spiritualis.

20. Partes integræ & utilis pœnitentiæ esse contritionem, confessionem, & satisfactionem.

21. Non enim remitti peccatum, cujus eum, qui admisit, non pœniteat.

22. Et cum Christus Ecclesiæ ministris potestatem ligandi & solvendi reliquerit, necessariam esse enumerationem peccatorum, ut munus suum ritè exercere possint.

23. Satisfactionem præstancam ad redimendam poenam temporalem residuam.

24. Absolutionis forma planè, simpliciter & absolutè pronuntietur.

25. Confessionibus audiendis viri integri & periti præficiantur. Fratres etiam priùs approbandi.

26. Omnibus parochis & fratribus mendicantibus ritè approbatis conceditur ab hoc concilio potestas absolvendi à casibus occultis Epoco reservatis, exceptis homicidis, hæreticis, & excommunicatis.

27. Religiosi laicis non præbeant Eucharistiam sine speciali consensu parochi ; nec parochus alienis parochianis.

28. Nemo admittatur ad Eucharistiam , nisi suo parochio fuerit confessus , aut factæ confessionis testimonium habeat.

29. Magnam cautelam adhibere debent confessarii , ne inquirendo peccati alicujus , prius non tentati , occasionem ingerant poenitenti. Sigillum strictissime servandum.

30. Usurarios , fures , raptores , defraudatores non absolvant , nisi injustè ablatorum restitutionem promittant. Secundum qualitatem peccatorum poenitentias imponant , veluti , avaris eleemosynam , incontinentibus jejunia &c.

31. De veritate corporis & sanguinis Christi in Eucharistia plebem doceant ex ipsis verbis Christi ; ac sub alterutra specie integrum Christum contineri ; sub una proin specie tantum sumi , quantum sub utraque.

32. Illum sub una specie communicandi morem esse antiquissimum , atque ad salutem sumentium æquè utilem & efficacem , quàm alterum sub utraque , morem itaque servandum , quem Ecclesia propter rationabiles causas pro temporis ratione elegerit.

33. Extra casum necessitatis Eucharistia nemini præbeatur , nisi jejuno.

34. Sacram unctionem esse præsidium , à Christo institutum , Apostolis jam usitatum , contra corporis & animi infirmitates ; dum & leviora peccata tollit , & graviorum restantes reliquias expurgat.

35. In collatione ordinum conferri gratiam ad Ecclesiastica officia ritè obeunda.

36. Matrimonio junctos separari non posse nisi per mortem ; & si propter fornicationem separatio facta sit , debere manere innuptos , aut rursus conciliari inter se. Matrimonia sine consensu parentum inita non debere rescindi.

37. Liberi tamen infcis aut invicis parentibus matrimonium non ineant.

38. Clandestine non ineatur , sed in facie Ecclesiæ , cum celebritate consueta , præmissa trina proclamatione. In quo absque ardua & necessaria causa dispensari non debet. Qui præsens tacuit , post nuptias ad accusationem non amplius admittendus. Levitas illa in pulsando sponso omittenda. Comestiones & saltationes , si tolli non possunt , saltem moderandæ.

39. Benedictiones salis , aquæ , aliarumque rerum esse conservandas ; dummodo populus doceatur , effectus , qui inde petuntur , non

non ipsarum rerum efficacæ, sed Divinæ virtutis operationi perfortissimi Divini nominis invocationem tribuendos esse, & caveatur, ne talibus rebus ad superstitionem abutantur.

40. Conservandas etiam reliquas sacras Ecclesiæ ceremonias, quæ in cultu Divino ornatum augent, & ad pias cogitationes excitant &c. quales sunt, quæ in Sacramentorum administratione & Divinis officiis ex antiquissimo usu in tota Ecclesia observantur.

41. Imaginum usum, pro erudienda plebe & animis excitandis utilem, in Ecclesiis retinendum; dummodo moneatur populus, imagines non ad id proponi, ut adoremus aut colamus eas, sed ut quid adorare aut colere, aut quarum rerum utiliter meminisse debeamus, per imagines recordemur. Procaces verò imagines è templis eliminantur.

42. Omnis abusus simplicis plebeculæ circa imagines tollendus. Nulla fiducia in iis ponenda &c.

43. Reliquias etiam Sanctorum in Ecclesiis proponendas & venerandas, ut per eas fideles moniti discant virtutem & fidem Sanctorum imitari.

44. Propterea etiam peregrinationes sacras permittendas ad sacras reliquias, aut certa templa; modò caveatur omnis abusus.

45. Sanctos, velut ejusdem corporis membra, per communionem Sanctorum nobis sociatos, colendos & invocandos.

46. Defunctos vivorum pietate & orationibus adjuvari. Consentientem esse Ecclesiæ doctrinam Scripturarum collatione & evidenti ratione firmatam, existere medium quemdam decedentium statum.

47. Servanda Ecclesiæ jejunia, cum ciborum delectu.

§. 2.

Capitula ad mores spectantia.

1. **C**onstitutiones & consuetudines Ecclesiæ non sunt traducendæ tanquam traditiones merè humanæ, quales erant Pharisaicæ, sed observandæ tanquam leges à superioribus latæ, quibus obedientiam præstari ipsum præceptum Divinum disertè jubet.

2. Ignoti, qui ab Episcopo suo non habent testimonium, aut à su-

à superioribus suis, ad prædicationem verbi Divini non admittantur.

3. Qui non prædicant secundum SS. Patrum sensum aut juxta Ecclesiæ consuetudinem sacra administrant, ordinario loci denuntientur, movendi munere.

4. Visitentur libri parochorum & concionatorum.

5. Præfecti locorum tempore concionum & Divinorum officiorum ex tabernis, foro, & plateis turbam abigant, & rei sacre interesse compellant.

6. Divina officia à clericis devotè persolvantur. Aliis psallentibus nemo aliquid aliud, ne quidem horas canonicas legat.

7. Nemo Missam celebret absque uno vel altero præsentem, qui populi nomine respondeat sacerdoti.

8. Ex hesternæ crapula adhuc ebrii non celebrent. Omnisque alia etiam indecentia ac levitas evitetur.

9. Ut probet se ipsum homo, & sic de pane illo edat, & de calice bibat, celebraturus confessione Sacramentali conscientiam priùs expurget.

10. Tempore concionis aut solennis officii privatae Missæ non celebrentur.

11. Plebs instruat devotè audire Missam, mente ad mysterium, quod geritur, intenta, &, si non ore, corde saltem spiritualiter communicare.

12. Populus reverenti corporis habitu, præsertim post inchoatum canonem, assistat &c.

13. In primitiis sacerdotum omittantur choreæ, convivia sumptuosa, & sæculares pompæ.

14. Dominicis & festis celebrioribus mercimonia, saltationes, & profana spectacula non permittenda.

15. Libri Missales & Breviaria repurganda, ut concors sit Divinorum officiorum celebratio.

16. Antequam ad prælaturam aut dignitatem quis investiat & confirmetur, examinandus est de doctrina & moribus, omnibusque iis disciplinis, quæ ad regimen sunt necessariae.

17. Qui plura habet beneficia curata, intra trimestre reliqua dimittat, uno retento, aut legitimam dispensationem Episcopo exhibeat.

18. Cum in hac misera rerum perturbatione studia litterarum propemodum in universum perierint, in totius Christianæ reipublicæ ruinam, incumbendum sanè in eorum restaurationem, ne parentes filios

filios suos ad hæreticorum scholas cogantur mittere, nunquam satis deplorando religionis periculo.

19. Capitula aliquot mittant ad studia præsertim theologica, qui per quinquennium fruantur omnibus fructibus suorum beneficiorum, exceptis distributionibus quotidianis. Reliqua etiam circa præceptores & studiosos præcipiuntur, quæ supra in concilio Colonienſi ſunt ſtatuta.

20. Collegia Theologiæ profefſores conſtituant.

21. Digni ſolummodo atque idonei præſententur & inſtituantur, abſque pactione.

22. Nemo ad regimen Eccleſiæ admittatur, niſi canonicam inſtitutionem aut provisionem exhibuerit. Nemo beneficium reſignet, niſi in manus Epifcopi aut ejus Vicarii. Secùs ordinarius pro arbitrio conferet illud.

23. Pernicioſus abuſus eſt, quòd Canonici, etiam non reſidentes, potiſſimam proventuum portionem capiant, vicariis vix tenui cenſu ad ſuſtentationem relicto. Tollendus hic abuſus, & vicariis honeſtus victus deputandus.

24. Dignitates obtinentes per ſe ipſos fungantur ſuis officiis.

25. Diſtributione quotidiana careant, qui non interſunt integris officiis Divinis: non obſtante quacumque contraria conſuetudine, quæ potiùs corruptela cenſenda eſt. Decani non facilè indicant capitula in eam horam, qua officia Divina peraguntur.

26. Nec in Eccleſia nec foris inſtituantur conſabulationes tempore Divinorum officiorum.

27. Clerici omnes ad vitæ honeſtatem, ſtatui ſuo congruam, mores ſuos componant. Habitus ſit decens, non varii coloris, aut virgatus, non brevis, ſed talaris. Nullus arma geſtet, niſi peregrè proficiſcatur. Nullus barbam nutriat. Coronam & tonſuram ferant. Tabernas publicas evitent, choreas, ſpectacula publica, ebrietatem, ludos prohibitos, & quidquid offenſioni eſſe poſſet, fugiant. Tabernarios aut caupones non agant, nec ſe immiſceant negotiationibus ſæcularibus.

28. Decimæ majores & minores ſolvantur, uti etiam personales, ubi conſuetudo vigeat. Quatuor inſuper offertoria, & alia jura parochialia præſtentur.

29. Laici ſervent immunitatem Eccleſiaſticam, bona Eccleſiarum non invadant; cauſas Eccleſiaſticas ad ſe non trahant. Actor clerico coram iudice ſæculari actionem intendens, hoc ipſo tota cauſa cadat. Iudex verò cauſam ad Eccleſiaſticum forum ſpectantem iudican-

dam assumens ipso facto excommunicatur. Similiter iudex Ecclesiasticus causas laicorum ad forum saeculare spectantes non iudicet: nisi tales sint, quæ de jure vel consuetudine etiam ad forum Ecclesiasticum pertineant.

30. Episcopi & Archidiaconi, quando officiis suis ipsimet fungi non possunt, viris gravibus, idoneis & peritis vices suas demandent. Crimina subditorum non multa pecuniaria plectant, sed aliis poenis, à jure constitutis.

31. Monachi aliique Religiosi vagantes ad monasteria sua redire compellantur: Prælati eos benignè recipiant, nec ultra canonicas poenas adversus eos procedant. Religiosi in tanta penuria idoneorum sacerdotum ab ordinariis requisiti operam suam non denegent.

32. Moniales nec ipsæ egrediantur monasterio, nec alias personas intromittant.

33. Pastores, qui ipsimet non possunt oves pascere, idoneos vicarios substituant, eisque pro victu congruam portionem assignent.

34. Nemo ordinetur nisi prius confessus; ac nisi titulo beneficii aut proprii patrimonii ei sit provisum.

35. Ordinum candidati Episcopi & plebis iudicio comprobentur, ita, ut Episcopus doctrinam examinet, plebs verò de moribus testimonium ferat. Ordinandus itaque litteris sigillatis à prælatis Ecclesiasticis seu parochis, atque etiam à senatu aut iudicio loci, in quo majorem vitæ partem egerit, testimonium afferat, quod gratis illis concedendum.

36. Inquirendum, an ordinandi cum solennitatibus & unctionibus in Ecclesia semper consuetis sint baptizati.

37. Litteræ dimissoriæ sine gravi causa nemini concedantur. Nec admittantur ad sacra ministeria, nisi de susceptis ritè ordinibus fidem faciant.

38. Prælati Ecclesiæ debita reverentia exhibenda.

39. Juniores Canonici seu Domicellares non statim in capitulum recipiendi, sed mores & idoneitas prius exploranda.

40. Juramenta non temere à capitulis exigenda.

41. Ecclesiarum supellex quot annis visitetur.

42. Procuratio fabricæ Ecclesiæ non solis laicis committatur, sed plebano velut principali, atque una clavis ad ærarium & supellectilem apud eundem asservetur.

43. Simoniaci excommunicantur ac deponuntur. Nullus deinceps clericus ad beneficium aut dignitatem admittendus, nisi juraverit, quòd in ejus adeptione nullam commiserit simoniam, aut fecerit pactionem illicitam.

44. Pro administratione Sacramentorum nihil exigatur, nisi quod pia consuetudo permittit.

45. Collegia & monasteria rectoribus Ecclesiarum sibi incorporatarum congruam præbeant.

46. Peregrini clerici ad sacra non admittantur &c.

47. Nec capellani in castris nobilium, nisi de consensu ordinarii, & salvo jure parochiali.

48. Cum religio in integrum restitui non possit, nisi litterarum studia restaurentur, idonei & probati magistri scholis præficiendi.

49. Testamentarii (*executores testamentorum*) defunctorum voluntates diligentius deinceps impleant. Et ante omnia coram notario & testibus inventarium conficiant.

50. Dominicis & festis abstineatur à mercatu & opere servili.

51. Innovatur constitutio, ut nullus liber edatur aut ematur, nisi certi auctoris, ac loci nomen sit expressum, ipsèque liber à constitutis censoribus approbatus.

52. Dictantur poenæ clerico, qui alium clericum injuria verbali aut reali afficit.

53. Uti etiam iis, qui sortilegia exercent.

54. Clericis concubinæ eripiendæ.

55. Excommunicationis sententia non facile feratur, nec nisi præmissa monitione, & in præsentia testium.

ARTICULUS VI.

Concilium Trevirense Provinciale

anno 1549.

Celebrata est hæc synodus præside Joanne archiepiscopo Trevirensi, præsentibus procuratoribus ac nuntiis Episcoporum Virdunensis, Metensis, & Tullensis, Suffraganeorum; conditque 19. Canones.

1. Ostenditur, fidem Catholicam Romanæ Ecclesiæ perpetuâ successionem ad nos inviolatam pervenisse, solamque esse tenendam.

2. Quoniam prædicatores verbi Divini missos esse oportet, prout DEUS misit Prophetas Isaia 6. & Joannes fuit homo missus à DEO

Joan. 1. atque Apostoli à Christo : *ite, ecce ego mitto vos. Matth. 10.* (*quomodo enim prædicabunt, nisi mittantur?* ad Rom. 10.) ideo nemo præsumat publicè prædicare, nisi ab Episcopo aut ejus vicario fuerit admissus.

3. Explorata priùs sana doctrina.

4. Exponitur, quid prædicatores in concionibus observare debeant. Videlicet, ut ab apocryphis, ludicris, sinistris affectibus, convitiis &c. abstineant; Evangelium pacis sincerè annuntient; simpliciter exponant decem præcepta, orationem Dominicam, sacramenta, ceremonias, ac ritus Ecclesiæ, traditiones catholicas. Cohortentur ad pœnitentiam: oblinatos timore salubri percellant; animo dejectos in spem erigant: torpentes excitent; voluptuariis brevitate vitæ & æternos ignes ingerant. Ad bona opera hortentur; fidem per dilectionem operari doceant. Ecclesiæ jejunia, confessionem & communionem paschalem, Sanctorum cultum &c. commendent.

5. Psalmodia à SS. PP. Ambrosio & Augustino commendata, ut præter cultum internum etiam externus DEO exhibeatur.

6. Horæ Canonice devota & collecta mente persolvantur.

7. Sub re Divina absit à templo omnis deambulatio, confabulatio, strepitus, irreverentia &c.

8. Duæ tabulæ in Cathedralibus & collegiatis appendantur, in quibus tempus & ordo rei Divinæ, & cujusque officium descriptum sit.

9. Ordinantur ea, quæ ad peragendum devotè & religiosè Missæ sacrificium faciunt.

10. Cùm dies festi ultra modum creverint, devotio autem & fervor fidelium decreverit, hunc augeri, illos autem oportet minui. Nominantur propterea dies, festivè celebrandi, dies SS. Innocentum, Cinerum, Cœnæ Domini, Parasceves, Sabbati sancti, Marci, tres Rogationum, commemorationis animarum, usque ad meridiem jubentur festivè agi.

11. Circa Religiosos pro illorum temporum necessitate varia fanciuntur: veluti, ne quis ante 15. ætatis annum ad novitiatum admittatur, aut ante eum completum ad professionem. Bene instruantur. Ad ordines non nisi digni præsententur. Ad professionem admittantur absque pretio & pactione, Sæcularibus negotiis se non immis-

miscant; extra monasterium non vagentur, sed clausuram servant. Si necessitas aut honesta causa egressum exigat, socium apud se habeant, ac decentem habitum. Moniales præsertim intra claustrum contineantur: nec accessus ad eas pateat. Ejusdem ordinis confessorium habeant. Regulares convivia externorum non frequentent. Domi mensa frugali, sacra lectione condita, sint contenti. Nemini offendiculo, omnibus bono sint exemplo. Terminarii nullam elemosynæ partem sibi vendicent, sed omnia in commune conferant.

12. Laici ne gravent monasteria sub pœna excommunicationis. Ad parochialium Ecclesiarum gubernacula non admittantur Regulares sine consensu ordinarii, & superiorum suorum, qui eos ad monasterium revocare possint. Sic autem ad curam animarum adhibiti parochialibus sacerdotibus se conforment, nihilque novi introducant. Mendicantes verò in Verbi Divini prædicatione, audiendis confessionibus, sepulturis & funeralibus sacris Canonibus se accommodent. Casuum, Episcopo reservatorum, decisionem nemo sibi arroget, nisi sit designatus. Nullus alienum parochianum absolvat, nisi de licentia ordinariorum aut proprii parochi.

13. Statuitur, quantum quisque curatus aut beneficiatus pendere debeat.

14. Cum autem plura beneficia curata sint adedò tenuia, ut curatus inde sustentare se congruè non possit, determinatur, quantum exigere possit, quando educit seu benedicit puerperam, quando SS. Eucharistia ad ægros deferitur, quando extremam unctionem ministrat, quando offertorium quatuor festivitatum occurrit, quando nuptiis benedicit, quando funeralia celebrat.

Neque propter eâ Sacramentorum venditionem causentur isti, qui omnia sinistrè in ordinis clericalis confusionem interpretantur. Dignum enim & æquum est, ut, qui serviunt altari, de altari vivant. De cætero pro baptismi & pœnitentiæ sacramentis prohibetur aliquid exigi. Liberaliter oblatum permittitur recipi. Denique additur, si quæstio de competentia & collatione necessaria oriatur, eam à loci ordinario de plano decidendam, & primò ad decimas parochiæ recurrendum, siue decimator sit Ecclesiasticus siue laicus: his deficientibus ad plurium Ecclesiarum unionem; si autem ne sic quidem provideri posset, parochianos ad debitam parochi sustentationem compellendos.

15. Singula collegia scholas instaurent. Magistri idonei ac probi iis præficiantur. Libri probati prælegantur. Capitula finitis tribus expectantiarum annis (quorum primus Archiepiscopo, secundus quotidianæ præsentia, tertius fabricæ Ecclesiæ debetur) Canonicos aliquos ad academias mittant, præbenda eis assignata.

16. Nullus clericum ad iudicium sæculare præsumat trahere. Si laicus hoc fecerit, causa cadat: sententia sit irrita. Et iudex ex tunc omni potestate iudicandi sit privatus. Clericus verò actor excommunicationem ipso facto incurrat: uti etiam iudex sæcularis, qui clericum coram se litigare directè vel indirectè compellit, aut impedit, quò minùs clerici in foro Ecclesiastico liberè agere aut defendere possint.

17. Nullus clericis aut eorum bonis contra libertatem Ecclesiasticam pedagia, celonia, collectas, aut exactiones imponere præsumat. Quinimo si quis aliquid extorserit, Canonica monitione præmissa, per ordinarios locorum, juxta Ecclesiasticam censuram, restituere cogatur.

18. Irritantur omnia statuta & consuetudines, quæ pugnant cum libertate Ecclesiastica.

19. Cùm reformatio Cæsarea, prælatis Ecclesiarum ad deliberandum tradita, tanquam sacris canonibus consona, fuerit acceptata (sedis Apostolicæ auctoritate semper salva) ac propterea in diocesana Trevirensi synodo promulgata, Archiepiscopus nunc toti provinciæ eandem proponit observandam, & nominatim ea, quæ contra clericos concubinos, simoniacos, sortilegos, ebriosos, usurarios, fuerunt sancita.

20. Jubentur hæc statuta per provinciam promulgari; atque ut omnia monasteria, collegia, decani, & plebani copiam eorum perpetuò apud se habeant, atque retineant; eadèmq; inviolabiliter observent.

ARTICULUS VII.

Synodus Salisburgensis anno 1569.

Cum Tridentinum generale concilium feliciter tandem absolutum tot præclara fidei morumque documenta promulgasset, Episcopi per diversas provincias apud subiectos sibi populos illa in usum & praxin deducere omni ope pro pastoralis sua cura col- laborabant. Hos inter fuit Joannes Jacobus Archiepiscopus Salis- burgensis, qui accitis provinciæ suæ Episcopis, cœnobiarchis, præ- fidibus, aliisque sacrorum curionibus, sacram synodum anno 1569. cum in finem celebravit, formata in ea opera Ninguardæ Theologi, & Ficleri Jurisconsulti saluberrima decreta (typis Dilinganis anno 1574. edita) pro eliminandis erroribus, proscribendis hæresibus, emendandis corruptis moribus, reducenda collapsa disciplina, insti- tuendis parœciis, monasteriis instaurandis &c. *Adlzreiterus in An- nal. Boicis part. 2. lib. 11. ad ann. 1569.*

CONVENTUS

Capituli Colonienſis in cauſa Gebhardi Archiepiſcopi an. 1582.

Cum Gebhardus Truchſſius Colonienſis Archiepiſcopus inſano amore Agnetem Mansfeldicam deperiret, atque ſacrilegas cum ea nuptias attentaret, Gregorius XIII. Romanus Pontifex graviffimas ad eum litteras dedit, quibus in præceps ruentem à lapſu revocaret: cogitaret etiam atque etiam Truchſſianæ familiæ decora, Ottonis patruſi purpuram, ſpes de ſe conceptas. Haberet rationem famæ ſuæ, turpiter adeò projectæ flagitiis, tam ſublimi loco prorfus indignis, quæque citra ruborem ne commemorari quidem poſſint. Reputaret ſecum, quid ſedi Apoſtolicæ, quid Chriſtiano nomini, quid patriæ, quid generi, quid ſibi, quid DEO deberet. Eadem ferme Cæſar in- culcabat.

At cum fruſtra apud furentem eſſent monita, ſed uſque in pe- jus iret, adeò quidem, ut ipſam quoque cum pudore religionem abji- ceret, & autonomiam inducere moliretur, cathedrale collegium cum Colonienſibus ordinibus conventu celebrato rationes iniit, quibus ca- veretur, ne reſpublica & avita Religio detrimentum patiantur. Ac
primò

primò quidem rogatæ sententiæ , quid censendum de Gebhardo, qui collegiò Archiepiscopali & provinciæ ordinibus inconsultis, contra datam fidem externum militem scripssisset, Bonnam hostiliter habitam præsidio alendo vexâisset, census capituli usurpâisset, à Romana Ecclesia defecisset, tentaret sacram insulam æ pedum colo peplóque per sacrilegas nuptias copulare : qui cum externis Principibus, clandestinas conspirationes iniisset, Alenconio videlicet , Bipontino , Cassimiro , & aliis : qui peregrinæ terræ & religionis homines, exclusis indigenis & orthodoxis, & consiliis & provinciis præficeret, atque adversus pacta conventa contraxisset ingens æs alienum, dilapidatis Ecclesiæ opibus. His aliisque ponderatis

Synodi exitus is fuit, ut ordines Metropolitano collegio arctiori nexu unirentur, & pro Religione atque republica adversus novas machinationes sibi depugnandum decernerent, ac depulso ab ovili lupo meliorem illi pastorem præficerent.



LIBER II.

De Statu Ecclesiastico & Politico Bohemiæ, Hungariæ, Transylvaniæ, Poloniæ, Sueciæ, Daniæ, Helvetiæ, ac Mediolani Sæc. XVI.

CAPUT I.

Schema Bohemiæ circa Statum Ecclesiasticum & Politicum.

SUMMARIUM.

ARTICULUS I.

Status Bohemiæ sub Ducibus & Regibus ex Primislai Agricolaë stirpe.

- | | |
|--|--|
| <ol style="list-style-type: none">1. Post varias gentes Slavi sub Duce Zecho in Bohemia stabilem sedem figunt.2. Libussa Pragam minorem condit. Primislao Agricolaë nubit. Ex iis longa Ducum Regumque progenies.3. Borzivoius & Ludmilla conjux convertuntur, & Religionem Christianam inducunt.4. Drahomira impia mater. Wenceslaus sanctus filius.5. Boleslaus I. impius frater: Boleslaus II. sanctus filius.6. Bretislaus Moraviam adiecit, Polonis tributum imperat. Victor ubique. <p><i>Pars VII.</i></p> | <ol style="list-style-type: none">7. Bella domestica inter cognatos Principes, & cruentæ cædes.8. Episcopus Pragensis tot inter turbas Dux Bohemiæ eligitur. Synodum Pragensensem celebrat, ad restaurandam collapsam disciplinam.9. Ottocarus I. à Frid. II. Cæsare Rex creatus, cum stabilitate Regiæ dignitatis, & privilegiis Bohemiæ. Pontificis osor, & omnis cleri. Ottocarus II. emendat vitia patris. Tartarorum victor.10. Ottocarus III. quò altius elatus victoriis ac summa potentia, profundius depressus à Rudolpho I. Cæsare. <p style="text-align: center;">H h</p> <p style="text-align: right;">II. Wen.</p> |
|--|--|

- | | |
|--|--|
| 11. Wenceslaus IV. filius, à Rudolpho Casare Elector Imperii, & Archipincerna, à Polonis & Hungaris Rex electus. | 12. Wenceslaus V. filius, ultimus Rex ex Primislai & Libusæ stirpe, perfidè interemptus. |
|--|--|

ARTICULUS II.

Status Bohemiæ ab extincta Primislai stirpe usque ad Hussitas & concilium Constantiense.

- | | |
|--|--|
| 13. Henricus Dux Carinthiæ & Rudolphus Alberti Casaris filius de regno disceptant. | 15. Major patre filius Carolus IV. Imperator, sacerdotii vindex, Ecclesiarum Patronus, Bohemiam ad apicem felicitatis evehit. Archiepiscopatum Pragensem fundat, & Academiam. Novam Pragam condit, & pontem. |
| 14. Tertius gaudet <i>Joannes</i> , Henrici VII. Casaris filius, ducta sorore Wenceslai V. bellis Europam implet, licet cæcus in pugna Cressiaca occumbit. | |

ARTICULUS III.

Status Bohemiæ à concilio Constantiensi usque ad Basileense.

- | | |
|---|---|
| 16. Quid Carolo IV. vitio detur. | Furit in Ecclesiasticos; à Nobilitate cæsus perit. |
| 17. Wenceslai inertia, lascivia, crudelitas. | 22. Pax tandem composita. Hussitæ ad compactata Concilii Basileensis remissi. |
| 18. Academia Pragensis Hussio instigante mutatio. | 23. Uno tantum anno Sigismundus in pace Bohemiam possidet. |
| 19. Hussitarum furor duce Zisca. | |
| 20. Sigismundi regis infausta adversus eos bella. | |
| 21. Procopius Ziscæ succedit. | |

ARTICULUS IV.

Status Bohemiæ à Concilio Basileensi usque ad Tridentinum.

- | | |
|--------------------------------------|--|
| 24. Breve Alberti & Ladislai regnum. | 25. Podiebradii utraquistæ gubernatio ac regnum. |
| | 26. Cum |

- | | |
|--|--|
| <p>26. Cum ex Rockizanæ Hussitæ consilii regeret à Pontifice sacrorum communione motus est. At ille per compactata concilii Basileensis se defendit.</p> <p>27. Aliis regni competitoribus præferretur Uladislauus Polonus, sub conditione servandi compactata concilii Basileensis.</p> <p>28. Bellum, & pax cum Matthia Hungariæ rege.</p> <p>29. Ludovici regnum, paradoxa facta.</p> | <p>30. Tandem stabilem sedem fixit corona Bohemica in Domo Austriaca, ad Ferdinandum I. devoluta. Illius solennis receptio. Archiepiscopatus reductio.</p> <p>31. Post bellum Smalcaldicum leges statuit. Circa Eucharistiam nihil immutari præcipit. Sacerdotibus conjugium vetat. Novam Academiam condit. Societatem Jesu introducit. Concilii Tridentini sanctiones observari voluit.</p> |
|--|--|

ARTICULUS V.

Status Bohemiæ à Concilio Tridentino usque ad finem
Sæculi XVI.

- | | |
|--|--|
| <p>32. Ferdinandus Archidux Prorex Bohemiæ.</p> <p>33. Maximilianus II. rex. Dynastarum pro religione zelus.</p> | <p>34. Rudolphi II. pro religione fervor. Litterarum æstimatio; Majestas. Tycho Brahe accitus.</p> |
|--|--|

ARTICULUS VI.

Status Ecclesiasticus per sacras synodos ordinatus Sæc. XVI.

- | | |
|--|--|
| <p>35. Secundum concilii Basileensis compactata usus Calicis permissus, etiam Catholicis. Sed spe frustrata.</p> <p>36. Concilium Olomucense I. ejusque acta.</p> <p>37. Lutherani & Calvinistæ Rudolphum nolunt regem agno-</p> | <p>scere, nisi eorum sectæ permittantur liberæ.</p> <p>38. Concilium Olomucense II. Concilium Trid. promulgatum. Episcopus Calicis usum prohibet.</p> <p>39. Conciliabula sectariorum.</p> |
|--|--|

CAPUT I.

Schema Bohemiæ quoad Statum Ecclesiasticum
& Politicum.

PAUCÆ equidem Ecclesiasticæ synodi in Bohemia sunt celebratæ , quia tamen magnæ rerum conversiones in Ecclesiasticis æquæ ac Politicis eo in regno factæ sunt , in hoc apparatu eruditionis præteriri non debent. Et quoniam status Politicus cum Ecclesiastico arctissimè est connexus , eos in hac synopsi non separabo : sed utrumque conjungam , & primò quidem relationem brevissimam rerum gestarum usque ad sæculum XVI. præmittam , deinde copiosius aliquantò ævum postremum subjungam.

ARTICULUS I.

Status Bohemiæ sub Ducibus & Regibus ex Primislai
Agricolæ stirpe.

Zechus.

EUm terrarum tractum , quem Bohemi hodie incolunt , variæ ab antiquissimis temporibus gentes occupaverant ; nam Suevos , septentrionalis Germaniæ populos , Boji (à quibus nomen) expulerant , Boios Marcomanni , istos Slavi , qui duce *Zecho* (Lechi & Rusli fratre) ex Illyrico progressi , firmum deinceps pedem ibidem fixerunt.

Et primò quidem per tria fermè sæcula Ducibus parebant ; quorum primus erat , quem diximus *Zechus*. Quo tempore autem is eas in terras devenerit , magna est scriptorum varietas , adeò quidem , ut ultra quinque sæcula aliqui discrepent , & hi ad finem sæculi tertii æræ Christianæ epocham figant , alii verò usque ad initium sæculi noni eandem rejiciant. Utrosque hos refutat Balbinus noster in Historia sua Bohemica , & medium quoddam tempus sæculi V. aut VI. statuendum existimat.

Zechus castrum *Pfarii* (*Wissebradum* postea dictum) extruxisse dicitur , nobile hodie , ac ultimo bello egregiè firmatum , Novæ Pragæ munimentum. Post mortem *Zechi* ad *Lechum* , ejus fratrem , Poloniæ Ducem , delatum est regimen. Verùm is *Cvocom* Bohemis commendavit. Cui successit *Libussa* filia , cedentibus ultrò duabus sororibus natu majoribus.

Libussa,

Libussa, ob prudentiam & vaticinia Bohemiæ Sibylla dicta, militarem & animosam gentis indolem agricultura, ac civilis vitæ studiis, atque oppidorum exstructione pacavit. Inter alia Praga Minor eam auctorem habet. Cœlibem agere vitam decreverat, sed à proceribus ad eligendum maritum adacta, *Primislaum* agricolam elegit. Huic post mortem *Libussæ* multum negotii facessiverant saminæ, à *Wasta Libussæ* famula, ob negatas à *Primislao* cum ea nuptias, ad arma concitatae. Plures annos samininum hoc bellum tenuit, donec castro earum expugnato ad sexus sui conditionem sunt redactæ.

Ex *Primislai* & *Libussæ* progenie successerunt continua serie 40. tum Duces tum Reges Bohemiæ, usque ad annum 1306. septimus ex iis *Vogenus Pragani majorem*, quam hodie *antiquam* appellant, condidit. Primus verò Christianam religionem suscepit *Borzivoius*, duodecimus Dux Bohemiæ, circa annum 864. cum ad *Radislaum Moraviæ* Regem Christianum inviseret, à sanctis viris *Cyrillo* & *Methodio* instructus. Conjugem habuit *Ludmillam*, quæ cum ipso fuit baptizata, ac postmodum in sanctorum numerum relata. Corpus ejus in Ecclesia sanctimonialium, ejusdem nomini dicato, in minori Praga prope Cathedralē Ecclesiam asservatur.

Bohemi gentiles, cum *Borzivoium* ab idolorum cultu recessisse intellexerant, Principatu eum dejecerunt; sed brevi restitutus, eundem ultro cessit filio, privata deinceps vita cum S. conjugē uni DEO serviens.

Spitihnæo Borzivoii filio brevi defuncto successit frater *Wratislaus I.* Hunnorum is initiò socius adversus Bojos fuit, dein illorum pro Moravis hostis. At pejorem multò hostem domi habuit, *Drahomiram* nempe conjugem ethnicam, Christianæ, quam amplecti promiserat, religionis odio flagrantem: in ejusque excidium toto nisu incumbentem.

Duos ex ea *Wratislaus* nactus est filios, *Wenceslaum* & *Boleslaum*, quos tenera ætate vernantes reliquit, anno 916. defunctus. Cujus tumulus apud S. Georgium in arce Pragenfi hodie dum visitur, *Beati* titulo inscriptus.

Filiorum Principum tutelam & Ducatus administrationem *Ludmillæ* matri suæ commendaverat. Verum *Drahomira* crudelitate ac fraudibus ad gubernationem provecta, cædibus Christianorum provincias implevit, immixtis etiam siccariis, qui S. *Ludmillam* Tettini interficerent. *Allisa* ibidem est saxo, quod ejus sanguine conspersum etiamnum visitur.

4.
Drahomi-
ra.

Tandem *Wenceslaus*, sub sanctissima prius *Ludmillæ*, aviæ suæ, disciplina Tettini educatus, pubertatis annos vixdum adeptus, ut reipublicæ ac religioni, in ruinam impulsæ succurreret, Christianorum procerum ope matri impiæ abrogavit imperium. Quæ non multo post tremenda morte scelerum poenam luit. Nam cum auriga, prope templum eam prætervehens, ad adorandum DEum Missæ consecratione oblatum, ex curru descendisset; illa furore æstuans, horrendas in cælum blasphemias evomuit. Quare dehiscens tellus eam cum curru & equis vivam absorpsit, ad stygem rectâ devehendam. Auriga verò rediens præter scuticam nihil invenit, terra in se ipsam redeunte. Funestum casum testatur columna eo in loco erecta in *Rat-schino*, non procul ab arce.

Cum *Drahomira* rem Christianam in Bohemia iret perditum, *Henricus Auceps*, REX Germaniæ, cum exercitu movit in Bohemiam, ac confirmato in Principatu *Wenceslao*, & religioni & reipublicæ consuluit. Mox eundem Erfordiam ad Imperii comitia invitatum primum *Regem Bohemiæ* appellavit, atque S. Viti brachium eidem donavit, cujus honoribus in arce Pragensi magnificam Basilicam excitavit, pluribus sanctorum corporibus hodie venerandam.

Tandem sanctissimum Principem impius frater *Boleslaus*, *Drahomira* matre jam antè instigante, *Boleslaviæ*, quo eum ad convivium invitaverat, media nocte in aditu templi propria manu perfidè interemit, anno 938. ætat. 30. 28. Sept. quæ dies à tota Ecclesia in ejus honorem festivè colitur. Corpus ejus primò sepultum *Boleslaviæ*, dein Pragam advectum in Ecclesia S. Viti, à se condita, religiosè asservatur. Vita ejus plena est sanctimonia, cultu in DEum Eucharisticum singulari. Quare innumeris decoratum prodigiis eum meritò sibi Bohemi Patronum patriæ gratulantur. *S. Podivinus*, ejus servus, ac operum piorum socius, pariter à *Boleslao* interemptus, Pragæ in eadem Cathedrali S. Viti Ecclesia publicè colitur.

5.
Boleslaus I.

Sceptrum Bohemiæ, fraterno sanguine foedatum, *Boleslaus* arripuit, regio tamen titulo abstinuit, ob metum Cæsaris, Ducis rursus nomine insignitus. Otto M. Imperator, ut cædem S. *Wenceslai* vindicaret, Bohemiam invasit, gestoque 14. annorum bello eviecit, ut *Boleslaus* fraternam cædem, illatasque Christianis injurias detestatus, totusque in alium virum mutatus, Religionis deinceps defensor esset; data etiam filia sua *Daumbravia Micislao* Poloniæ Duci, ea conditione, ut is Christiana sacra susciperet. Qua occasione conversa est Polonia. Scribunt aliqui, *Boleslaum*, cum *Ottone* in gratiam reversum, *Ratisbonæ* Dapiferi Imperialis dignitate

te fuisse ornatum, aheni pro insigni attributo. At alii id eò interpretantur, quòd ei à Cæsare fuerit injectum, ut in poenam patricidii ahenum super ignem gesseret.

Patris & aviæ vitia emendavit *Boleslaus II.* patri S. Wenceslai Boleslaus II. exemplum secutus, fana evertit, idola contrivit, lucos succendit, gentiles rebelles subditos pluribus præliis fregit; DEO autem plus 20. Ecclesias exstruxit, Episcopatum Pragensẽ fundavit. Cujus primus Episcopus fuit Ditmarus, alter S. Adalbertus, Bohemiæ, Polonia, Hungariæ ac Prussiæ Apostolus, qui frequenti cleri convocatione religioni ac morum disciplinæ invigilabat. At non domi tantum pius fortisque Boleslaus fuit subditis domitis, & Ottone II Cæsare à Bohemia rejecto, sed per exterarum etiam provinciarum victoriarum signa circumtulit, expugnata in Polonia Cracovia, in Saxonia Misnia. Obiit anno 999. Pius cognominatus. Novæ verò Boleslaviæ nomen ipse suum impertivit.

Reliquit tres filios, à patre degeneres, Boleslaum III. qui ignavia sua rursus amisit, quæ pater in Polonia & Misnia occupaverat. In Poloniam invitatum rex oculis privavit. Jaromirum verò (à quo Jaromiria) alterum fratrem Udalricus, tertius frater, excæcavit, & arci inclusit, ac proin Bohemia duos simul Duces cæcos habuit, eosque fratres, tertium verò fratrem usurpatorem principatus; qui tamen insignibus vitiis virtutes miscuit bellicas; nam Polonos, qui Pragam jam ceperant, Bohemia eiecit, Saxones magna clade affecit, Lutitiæ Marchionem in prælio occidit, Thuringios, Misnios, aliisque vestigales fecit. Obiit 1037.

Bretislaus I. ejus filius Juditham illustrem virginem ex Parthenone Ratisbonensi abduxit, gladio discissa catena ferrea, coenobio prætenso. Quam injuriam vindicaturus Conradus II. Cæsar, cum exercitu in Bohemiam irruit; jamque ad pugnam paratæ stabant utrinque acies, cum progressa in medium Juditha, uterum ferens, pacem composuit. Tantas autem deinceps Bretislaus res gessit, ut Bohemiæ Achilles appelletur. Nam Moraviam Polonis ereptam Bohemiæ junxit, Uratislaviam in Silesia, Cracoviam, Gnesnam, & Posnaniam in Polonia expugnavit, annuumque tributum Polonis imposuit; atque inde adversus Hungaros victoriam promovit. Gnesnæ corpus S. Adalberti Pragam avexit; quamvis Poloni illud sibi adhuc vindicent, aliudque Pragam abductum scribant. 6. Bretislaus.

Anno 1058. obiit quinque filios Principes ex Juditha reliquit, assignata Spithnæo Pragensi provincia, Wratislao Olomucensi, Conrado Brunensi, Ottoni Znoymensi, Jaromiro Regiæ. Gradecia. Ve-

Verum Spitihnæus, ferox juvenis, fratres paterna hæreditate spoliatos in exilium eiecit. Sed post sex annos præcoce morte atreptus, Principatum *Wratislao II.* fratri, relinquere coactus est. Hic Henricum IV. bellicis obsequiis adeò sibi devinxit, ut anno 1086. eum Regem crearet, & Lusatiam Bohemiæ adiceret.

Ad personam tamen *Wratislai* (sicut prius ad *S. Wenceslai*) restricta fuisse videtur Regalis dignitas; nam *Conradus* ejus frater, pluresque successores Ducis rursus titulum assumpserunt. *Bretislaus II. Wratislai I.* filius, adactis Polonis ad solvendum annuum tributum, quod ipsius avo *Bretislao I.* promiserant, in venatione fuit occisus (*anno 1100.*)

7.
Bella Co-
gnatorum.

Florebant ad illud usque tempus res Bohemicæ domi forisque, fatisque tranquillè & ex ordine processit successio Ducum; verum cum ad initium sæculi XI. magnus esset Principum agnatorum numerus, ex tot *Bretislai I.* filiis prognatorum, eos inter non rarò domesticæ oriebantur discordiæ, alterque alterum dignitate ac provinciis exuere conabatur. Qua re factum, ut *Henricus V. Cæsar* modò hunc modò alium Bohemis Ducem designaret. Sic *Borzivoius II. Svatoplucus, Wladislaus I. Sobieslaus I.* magna inter se contentione Ducatum attrahebant & retrahebant; unus *Borzivoius* ter Bohemiæ Princeps fuit, toties dejectus, demum in exilio mortuus, manifesto argumento, Principatibus ac Regnis nihil esse ad domesticam tranquillitatem salubrius, quàm si *primogenitura* jure filius succedat patri: nec ad secundam lineam transeat successio, quamdiu ex prima superest masculina progenies. Prout etiam in Bohemia observatum usque ad *Bolèslaum III.* ejusque fratrem *Jaromirum*, excacatos, quorum jura *Udalricus* frater tertio genitus invasit.

Sobieslaus I. magnopere laudant scriptores Bohemi, quòd *Pragam* ac Bohemiam universim multis Ecclesiis, aliisque ædificiis exornarit, ligneis *Pragæ* domibus in lapideas mutatis; ac præsertim, quòd ipsum Imperatorem *Lotharium II.* in Bohemiam moventem, ac prælio victum, captumque cum pluribus Imperii Principibus (inter quos *Albertus Urfus Brandeburgi Marchio*) liberalissimè exceperit, ac liberum dimiserit.

Successit *Wladislaus II.* anno 1140. vehementer obstitentibus Principibus agnatis, contra quos ei auxilio venit *Conradus III.* Imperator, cum quo deinde expeditionem in *Palæstinam* suscepit; cum *Friderico I.* adversus *Mediolanenses*, ubi Bohemorum virtus ita enituit, ut insignibus Ducis *Leo* cum gemina cauda fuerit à *Cæsare* aditus, atque *Wladislaus Rex Bohemiæ* fuerit declaratus. Cum verò
postea

postea Fridericus à Romano Pontifice anathemate fuisset percussus, ab eo se reduxit. Qua re irritatus Cæsar in Lusatiam eum compulit, ubi mœrore contabuit (1174.)

Post illius fata effervebant rursus cruenta Principum agnatorum certamina, altero alterum detrudente. Nam Sobieslaus II. à Friderico I. Cæsare obtrusus, ex carcere solum scandit. Sed brevi ab eo dejectus à Friderico, Wladislai II. filio, pugna ad Pragam victus. Fridericus à Conrado Znoymensi depulsus hic rursus à Friderico. Conradum III. cum Henrico VI. in Italiam profectum, ad Neapolin mox lues rapuit, tum Wenceslaus principatum invasit: post tres menses in Lusatiam captivus abductus.

Quare Bohemia, tot bellis civilibus fessa, Pretislaum Henricum, Episcopum Pragensem, priorum Ducum agnatum, Principem sibi constituit, ut & Ecclesiastica auctoritas & sæcularis potestas in unum collecta, mutuis officiis opportunius se adjuvarent. Is igitur, ut fatiscentem tot dissidiis rempublicam componeret, quæ conventibus Ecclesiasticis, quæ procerum comitiis patriæ consuluit. Petito etiam à Cœlestino Papa legato Apostolico, celebratæque synodo col-
8. Synodus
 lapsam morum disciplinam restituit. Verùm triennio necdum exple-
Preg.
 to mors eundem abripuit (anno 1196.)

Successit Uladislai III. qui raro modestiæ exemplo fratri principatum Bohemiæ cessit, Moravia sola sibi reservata. Igitur *Primislai II. Ottocarus*, Uladislai II. filius, qui prius in Bavaria exul Ratisbonæ mercenario labore se sustentaverat, habenas capeffens, in cognati sanguinis Principes sævit, Czerninis, ex eadem Ducum profapia oriundis, Bohemia expulsis. Cùm dein Otto IV. & Philippus Imperium discerperent, primò Philippo adhæsit ab eo Moguntia Rex
9.
 salutatus. At litteris acrioribus à Philippo offensus, ad Otonem ejus
Ottocarus 1.
 æmulum transiit, ejusque partes tam obnixè secutus est, ut *Otto-*
carus diceretur; idque cognomen etiam filio ejus & nepoti adhæsit. Postea nihilominus Ottone etiam relicto, Friderico II. Imperatori se totum dedit, eumque militaribus officiis ita sibi devinxit, ut solenni diplomate Bohemiæ *Regni* titulum in perpetuum addiceret, Primus proin est Primislai II. qui Regium titulum ad omnes successores transmisit. Addidit Cæsar alia privilegia: quippe Bohemos à contributione Imperiali exempt, Regemque ab obligatione comparendi in Imperii Comitibus, nisi in Bohemiæ confinibus, Bambergæ, Norimbergæ, aut Ratisbonæ celebrentur, adjectis insuper pluribus ditionibus Regno Bohemiæ.

Hoc equidem pacto Primislaus Bohemiam & dignitate & amplitudine auxit magnopere; de cætero non tantum in omnem partem erat versatilis, ut tot transitus ad contrarias Imperatorum partes satis demonstrant, sed domi insuper in agnatos Principes sævus, qui ne oculis privarentur, exulatum abiverant; tributis immanibus populum vexabat, clerumque omnem, Friderici Cæsaris, fidelium communione à sede Apostolica privati, defensor, implacabili odio persequabatur, tonsō etiam sacerdotum vertici tributo imposito, quin imò, ut nihil deesset ad sorditiem, scholarium etiam atramento & calamis.

Quare Guttensteinius Episcopus, Ecclesiastica libertate sæpius incassum monitum anathemate perculit, atque Bohemiam Ecclesiastico interdicto subjecit. Septem illa annis sacris caruit: ob unius noxam Principis, donec tandem respiscens obiit anno 1230. Regni 31. octogenario proximus.

Ex arbore mala fructus bonus prodiit *Wenceslaus III. Ottocarus*, jam in cunis à patre coronatus. Dictus fuit *monoculus*, quia oculorum alterum in venatione amiserat. Sub eo resoruit religio, regnumque, quod sacris antè septennio caruit, multiplicata pietate defectum compensavit. Patris avaritiam liberalitate ac lenitate emendans, amorem subditorum ditissimum provinciarum tributum, meruit, quin exterorum etiam æstimationem, singulari cum honoris significatione Augustanis in comitiis à Cæsare & Imperii Ordinibus exceptus. Sed nihil ad commendationem augustius, atque ad Christianæ rei tutelam salubrius, quàm bellum præclarè gestum adversus Tartaros, qui immensa propemodum multitudine è finibus suis prorumpentes, Hungariam, Poloniam, Silesiam inundaverant, cæsisque Christianis exercitibus, populatione compleverant. At stitit ruinam bellis duratum Bohemorum robur, commissæque ad Olomucium pugna barbarorum ingenti clade abspersum Europæ periculum, ipso Tartarorum Imperatore à Jaroslao Sternbergio, Christiani exercitus duce, in acie obtruncato. Taceo minora Wenceslai cum Friderico Bellicoso, Austriæ Duce, certamina. Obit anno 1253. ætatis 47. regni 23.

Successorem habuit *Primislaum III. Ottocarum*, famosum in hoc mundi theatro sæculi sui actorem. Jam in patrem arma corripuerat; quæ melioribus postea auspiciis in gentiles adhuc Borussos vertit, hortatu Pontificis cruce signatum ducens exercitum. Devicta ea gente, Regiomontem pluresque alias ibidem urbes arcæque condidit. Egra dein Bojis erepta, cum Bela Hungariæ Rege commissus,

Ottocarus II.

10.
Ottocarus III.

missus, ingentem ejus exercitum gemina clade pene delevit, præterque magnam vim auri Bosonium postmodum in prædam cessit. Ob tantas res gestas Bohemi *victoriosi* cognomine eundem appellant. Sed nec potentia & terrarum amplitudine quisquam ante eum Bohemæ Principum eò assurrexerat; siquidem post mortem Friderici Bellicosius, absque prole mascula defuncti Austriam Styriamque Interregni tempore occupaverat, sive, quò crederet, eas provincias conjugii suæ Margarethæ, Friderici sorori (quam tamen postea repudiavit) dotis jure esse debitas, sive, ut Bohemi scribunt; quòd eas à Richardo clientelari jure legitimè sibi concessas putaret. Carinthiam & Carniolam quoque, ab Ulrico Duce aut donatam, ut vult Balbinus, aut pecunia, quod alii scribunt, emptam accepit, ut adedò à mari Balthico ad Adriaticum usque per ingentes terrarum tractus vastissimam dominationem exporrigeret. Adhæc summa in orbe dignitas, Cæsarea videlicet, ab Electoribus illi fuerat delata; quam cum superbiùs rejecisset, Rudolphus Habsburgicus, qui olim Ottocaro militaverat, electus est.

Hic Imperator Ottocarum ad Comitia Imperii Norimbergam evocavit, ut rationem reddat, quo jure Austriacas provincias possideat, quæ, tanquam Imperii feuda alienari nullatenus potuerint, præsertim Interregni tempore. Eandemque conditionem esse Carinthiæ. Cum autem is parere detrectasset, & arrogantius respondisset, ventum ad arma. Jamque in adversa Danubii ripa paratus ad prælium uterque stabat exercitus, cum pactioibus in id conventum, ut Ottocarus eas provincias tanquam feuda Imperii agnosceret, & à Cæsare acciperet, liberi verò utriusque jungantur nuptiali foedere. Cum autem sub papilionibus Rex Cæsari quinque vexilla obtulisset, quibus Bohemiam, Moraviam, Austriam, Styriam, & Carinthiam designabat, Rudolphus, solo Bohemico & Moravico restituto, reliqua tria se retenturum respondit, donec nuptiæ promissæ implerentur, interim verò se ipsum tres illas provincias administraturum, moxque sublatis repente papilionis tapetibus, utrique exercitui patuit Rex genibus subnixus coram Cæsare, plaudentibus Germanis, Bohemis infrementibus.

Ægerrimè res utraque Ottocarum habuit, & quòd relinquendæ interim essent provinciæ, & quòd ludibrio publico, ut interpretabatur, fuisset expositus. Cumque ira alioquin ardenti flammam subjiceret regina, bellum Rudolpho intulit, sibi suisque fatale; nam ingenti prælio fusus in acie occubuit. Hæc nempe est variantis fortunæ indoles; procos suos ad summum elevat potentiæ & gloriæ api-

eem, ut lapsu graviore profundius detrudat. Cecidit Ottocarus anno 1278. regni 25.

11.

Wences-
laus IV.

Moderatè Rudolphus Cæsar usus est victoriâ ; nam Austriacas quidem provincias feudali jure Alberto filio suo concessit (qui Elisabetham ex antiquis Austriæ Ducibus oriundam duxerat) Bohemiam verò reliquit *Wenceslao IV.* Ottocari filio , puero tunc octenni ; cujus tutelam invasit Otto longus Brandenburgi marchio , qui Ottocari sororem habebat conjugem. Sed avarè & crudeliter eandem gessit, inducto Germano milite, qui effræni licentia per Bohemiam grassabatur. Rex ipse pupillus cum matre velut carcere fuerat conclusus, ac dein in Brandenburgiam deportatus.

At invenit liberatorem patronumque imò patrem clementissimum in patris hoste, Rudolpho Cæsare ; qui Wenceslao Bohemis restituto Juditham filiam suam dedit conjugem, simulque Electoralem dignitatem, munus *Archiepiscopatus*, Vicariatum Imperii per Misniam, Ergensem circulum, Uratislaviæ Principatum, Lusatiam quoque aut confirmavit aut contulit.

Atque ut ad felicitatem ac potentiæ incrementum nihil deesset, Poloni quoque ac Hungari eundem sibi Regem elegerunt. Hungariam tamen, quò filium præmiserat, asportata secum corona, deseruit, ob gentis dissidia.

Obiit, ut vixit, pientissimè anno 1305. regni 27. ætat. 35. Præter alia sapientissimè instituta, suadente Episcopo Academiam Pragensem orsus est, quod tamen salubre negotium procerum factione corrui.

12.

Wences-
laus V.

Hæredem regni reliquit *Wenceslao V.* 17. annorum juvenem, quem optimis disciplinis institutum triplex corona exspectabat ; sed altero mox regni anno Olomuci à sicario Thuringo confossus occubuit. Atque in eo Primislai Agricola & Libussæ stirps mascula, quæ perpetua serie per tot sæcula in 32. Ducibus, & 8. Regibus floruerat, exaruit anno 1306.

ARTICULUS II.

Status Bohemiæ ab extincta Primislai stirpe usque ad Hussitas & Concilium Constantiense.

3.

Henricus
& Rud.

QUare Bohemiæ sceptrum ad exterarum familias translatum est, per fœminas tamen principes cum Primislai stirpe connexas. Et imprimis quidem Wenceslaus V. duas sorores reliquit, *Annam*, Henrico Carinthiæ Duci ac Comiti Tyrolis nuptam, alte-
ram

ram *Elisabetham*, adhuc cœlibem. *Henricum* igitur eligunt regni Ordines, ut per illius ex *Anna* progeniem stirps Regia *Primislai* propagetur. At opposuit se exercitu in Bohemiam misso, *Albertus I.* Imperator, atque, ut filium suum *Rudolphum* Regem dicerent, effecit, *Henrico* in *Carinthiam* fugiente.

Verùm *Rudolpho* jam altero regni anno morte sublato, *Albertus Cæsar* alterum filium *Fridericum* Statibus, apud regni primatem *Pragensem* Episcopum congregatis, obtulit. Cruenta fuere comitia; prævalente tandem *Henrico*, & ex *Carinthia* revocato. Contra quem cùm bellum appararet *Albertus Cæsar*, subito à nepote suo interemptus fuit. *Henricus* verò adeò avarè & severè regnavit, ut *Bohemi* tam sævæ dominationis pertæsi, legatis ad *Henricum VII.* *Luxenburgicum* missis, filium ejus *Joannem* in Regem sibi expeterent, promissa in conjugem *Elisabetha*, altera *Wenceslai V.* fore. Placuit Cæsari conditio, præsertim quòd *Henricus* necdum fuisset inauguratus à Cæsare, aut præstitisset homagium. Celebratis igitur *Spiræ* nuptiis, *Joannes* cum nova sua conjuge in Bohemiam profectus, *Pragam* occupavit, & *Henricum* in *Carinthiam* fugere coëgit anno 1311. regni 3.

14.
Joannes.

Plures scriptores *Rudolphum* & *Henricum* extra seriem Regum ponunt, præsertim *Bohemi*, merùmque Interregnum fuisse existimant, varias rationes in hanc rem adducunt. Quas referre nolo.

Joannes Rex coronatus, à *Moguntino* ingenti cum pompa, purgato prædonibus regno, domitisque seditiosis proceribus, per Europam arma circumtulit, ut de eo diceretur proverbio: *nullum bellum sine rege Bohemiæ*. Atque imprimis mortuo patre *Ludovici Bavarum* Imperatoris partes secutus, & *Mühldorffensis* victoriæ socius, *Austriacos* persequabatur. A *Teutonici Ordinis* Equitibus in *Prussiam* accersitus, per mediam, hostilem tum *Poloniam*, penetrans, auxilio venit, *Prussiosque* ethnicos victos Christo adduxit. *Lusatiam* atque *Silesiam* *Bohemiæ* adjunxit, promotum etiam in *Poloniam* bello. Quamvis autem utroque oculo cæcus erat, nihilominus unam adhuc expeditionem sibi suscipiendam putavit in *Galliam*, ut *Gallos* adversus *Anglos* defenderet. Verùm in *Cressiaca* pugna, cùm fugere regi *Bohemiæ* probrosum diceret, cæsus est anno 1346. regn. 36. ætat. 50.

Magni erat animi Princeps, ac præcipuè observantiæ in summum Pontificem, quem non tantùm defendit in Italia contra *Gibellinos*, sed etiam *Avenione* cum *Carolo* filio invisit, impetravitque, ut *Episcopatus Pragensis*, *Moguntino* Metropolitano eò usque subjectus, in *Archiepiscopatum* commutaretur; & quamvis externo Ecclesiarum

splendori non multum tribuisse sit visus, fidei tamen Catholicæ puritatem sincerè colebat, summoque studio promovebat; ut non solum expeditio Pruslica adversus infideles, est argumento, sed Bohemia etiam ab hæreticis expurgata, dum Dulcinianos, qui ex Germania advenerant, Pragæ publico in foro comburi iussit. Bohemi id eidant vitii, quod averso ab eis fuerit animo, tributumque gentis, quod stabili lege antè definitum fuerat, incertum reddiderit, Germanicæ Nationis hominibus ærario præfectis.

Tres filios reliquit, Carolum, (qui *Wenceslai* nomen, in Baptismo acceptum, in gratiam Caroli Pulchri Galliæ Regis, apud quem educatus fuerat, mutavit) Joannem, & Wenceslaum, ac primo dedit Bohemiam, alteri Moraviam, tertio Luxemburgum. Joannes matrimonio junctus fuit cum Margaretha Maultaschia, Henrici Carinthiæ Ducis & Tyroleos Comitum, quem Bohemiæ Regem fuisse diximus, filia. Quæ tamen ipsum repudiavit, ac nupsit Ludovico, Ludovici Bavari Cæsaris filio, ex quo suscepit Mainhardum IV. Joannes verò sibi despondit Margaretham, Ducis Troppaviensis filiam, quæ Jodocum ex eo genuit, Imperatorem postea electum. Neesse est igitur dicere, inter Joannem & Maultaschiam sponsalia duntaxat intercessisse, aut impotentiam respectivam, aut certè, nunquam matrimonium illud fuisse consummatum; aliàs enim dissolvi nequaquam potuisset.

15.
Carolus.

Carolo primogenito Bohemiam, quod dixi, dedit Joannes Rex, nec Bohemiæ, quin orbi terrarum, plus dare potuisset, quàm Carolum. Is siquidem omnes ante se Bohemiæ Principes tam altè meritis est supergressus, ut *patriæ patrem* appellent Bohemi. Et juventutem quidem bellis Italicis, contra Gibellinos pro sede Apostolica gestis, informaverat. Quà re tantam apud Clementem VI. Avinionense tunc sedem figentem, gratiam inivit, ut exauctorato Ludovico Bavaro Electores quinque Imperii eundem ejus hortatu Cæsarem dicerent. Sed non nisi post mortem Ludovici plenam Imperialis dignitatis possessionem adiit.

Incredibile dictu est, quanta deinceps hic Princeps gesserit, quot monasteria & ecclesias fundarit, dotaritque, quot urbes, arces, & opera publica construxerit. Negotium de Archiepiscopatu Prageni, à patre cœptum, ipse absolvit, attributis in annos singulos centum aureorum millibus, multisque privilegiis eidem concessis & impetratis, atque exstructa nova Cathedrali Basilica, cui corpus S. Sigismundi Burgundiæ Regis, ex Vallesia asportatum, intulit. Vixque est in tota Bohemia, quàm toto Imperio, celebrior Ecclesia, quam
suis

suis non cumulârit beneficiis. Immunitatis Ecclesiasticæ cultor erat defensorque acerrimus, remissis oneribus, quibus aliqui ante eum reges, & procures clerum premebant, ut adeò nunquam florentior fuerit ecclesiarum status, quàm sub hoc inflexibili sacerdotii vindice. Ingentem Balbinus noster in *Hist. Bob. sect. 2. c. 2.* catalogum textit grandium beneficiorum, quibus ecclesias ornavit.

Sed nec minùs omnigenam felicitatem status politici promovit. Academiam Pragensem, toto orbe celeberrimam, ad normam Parisiensis, ipse fundavit (*Caroliam* ab eo dictam) bonarum artium scientiarumque amator & æstimator eximius, maximè recreatus, quando scholarium disputationibus interesse poterat, videretque, confluyente undique ad novam academiam ingenti discipulorum numero, scientiarum florere disciplinas. Pons etiam Pragensis, Moldavæ impositus, amplitudine & firmitate præcellens, auctorem habet Carolum; cui ad summum ornamentum postea accesserunt 28. prægrandes statuae, aut saxo incisæ, aut ære fusæ, atque pilis visendis insistentes, ad utrumque latus ex ordine collocatæ.

Et hoc quidem ponte Pragam Minorem cum Majore commisit. Utrique verò *Novam Pragam*, cujus ipse est conditor, adjunxit, ut alteri regiò palatio (*Wiscberado*) propiores haberet cives; tantàmque triurbi suæ conciliavit ex omni natione hominum frequentiam, ut ii, qui coràm hanc spectârunt, scribere non dubitârint, intra diei spatium ultra 50000. militum potuisse colligi, & in aciem educi, absque civitatis detrimento: atque universim Bohemiam fuisse omnis felicitatis emporium, cui Carolus Lusatiam etiam atque Silesiam, à patre jam assertam, regno Bohemiæ stabiliter univit, conventionem cum Polonis inita; quibus propterea remisit annum tributum, quod Bohemiæ Duces ac Reges ab iis antè exegerant.

Constitutiones optimæ Regni legumque ordinationes pariter debentur Carolo; uti etiam successio, secundum diploma Friderici II. Imperatoris, ad fœminas quoque devolvenda, perpetua lege firmata. Sed nihil ad Bohemiæ decus, totiusque Imperii, ejusque præsertim Electorum emolumentum illustrius, quàm Bulla Aurea, quâ, ut Balbinus loquitur, univèrsa Imperii œconomia continetur, tantùmque grande in Nationem Germanicam meritum complectitur, ut per eam hætenus steterit, ne Imperatoris dignitas, Imperii salus & libertas, vi aut fraude convelleretur.

ARTICULUS III.

Status Bohemiæ à Concilio Constantienfi usque ad
Basileense.

16.
Caroli nã.
vi.

Quamvis Carolus IV. immortalē nominis sui gloriam apud Bohemos præfertim, & Ecclesiastici ordinis homines sibi comparaverit, non defunt tamen, qui palam pronuntient, vix perniciosum magis fuisse Imperio, propter incisos ærarii publici nervos, remissa telonia, accisa vectigalia, artus, ad capitis decrementum, in immensum auctos, largitione immodica obtrusum Electoribus *Wenceslaum* filium, ventrem pigrum & inertem, alterum velut Copronymum aut Heliogabalum, qui anno 1361. Norimbergæ natus ipsas jam salutis undas, quibus ablutus fuerat, aramque postea ipsam, dum vagiens bimus infans coronaretur, fœdaverat.

17.
Wences-
laus.

Imperii gubernaculo admotus, primo quinquennio spem bonam præbere visus est. At postea helluonibus & projectæ vitæ hominibus se totum dedens, in turpem segnitiam, lasciviam, & crudelitatem defluxit.

Cùm ex S. Joanne Nepomuceno elicere non posset, an Joanna Regina præter se alium amaret, in Moldavam projectum suffocavit anno 1383. mox in alios Canonicos, Proceres, cives, carnifice, quem compatrem suum appellare consueverat, latus semper stipante, grassata est immanis crudelitas.

Bohemi eam tyrannidem & scurrilem levitatem non ferentes, Sigismundi Regis Hungariæ, ejusdem fratris, & Jodoci patrui, Moraviæ principis, consilio, carceri eum incluserunt Pragæ anno 1394. At ex eo fuga elapsus, cùm se ipso non fieret melior, iterum captus, ac Viennam deportatus est. Verùm ope funiculi serici, à piscatore porrecti, ex hac etiam custodia evadens, barbara laniena in Bohemos sæviit.

Imperium, cujus curas neglexerat, tam ignavi ac scelerati capitis pertæsum, Electorum Principum omnium suffragiis Francofurti eundem exauctoravit, quòd Longobardiæ jura alienasset, justitiam auro vendidisset, latronibus liberas habenas laxasset, in sacerdotes & honestos viros sævierit, monitus non resipuerit &c. Et re ipsa, præter alia Imperii jura dissipata Joanni Galeacio Vice-Comiti Vica-

ria-

riatum Italiæ pro pecunia, Norimbergensibus libertatem pro quatuor vini Rhenani plaustris vendidit.

Gravissimum insuper Academiæ Pragensi, à patre Carolo fundatæ, vulnus intulit. Hæc tanto concursu studentium floruit, ut ad 44000. eorum numerarentur. Quia autem horum pars multò maxima erant exteri, tres isti classes cum trium votorum jure constituebant, una duntaxat classe, cum uno suffragio Bohemis relicta, 18.

Ægrè hæc res Bohemos habuit, quiritantes, fundatam à Carolo fuisse Academiæ Pragensi ad normam Parisiensis, in quatuor classes distributæ, ita quidem, ut Galli tribus suffragiis potiantur, quarto advenis relicto: in Pragensi verò tria exteris esse concessa, in haud leve Bohemorum dedecus, qui frequentibus à Germanis notentur injuriis, numero capitum & votorum confisis.

Wenceslaus, his querelis per Joannem Hussum, Professore Academicum, ad se perlatis, decrevit, ut deinceps Bohemis tria concederentur suffragia, exteris verò unum duntaxat. Qua mutatione irritati exteri ad conditum tempus 40000. Pragâ discesserunt. Qua occasione Academia Lipsiensis in Misnia fuit fundata à Friderico Bellicoso.

At majorem multò pestem Bohemiæ invexit Wenceslai ignavia per Hussiticam hæresin, cujus originem & errores descripsi *part. 3. Hussitarum art. 8. n. 33. & seqq.* ubi acta concilii Constantiensis exposui. Et quia in hoc concilio Hussus cum Hieronymo Pragensi ad necem condemnatus est, Hussitæ in rabiem acti eas deinceps seditionum, rebellionum, bellorumque atrocium ventilârunt faces, quibus Regnum florentissimum vix non penitus conflagravit. 19.

Ac primò quidem duce Zischa nobili Bohemo anno 1419. in curiam irrumpentes tredecim senatores per fenestras præcipitârunt. Quo audito Wenceslaus ira exæstuans, & apoplexia tactus, inter horrendos ejulatus & rugitus interiiit. Natus an. 1361. an. 1363. coronatus Rex Bohemiæ, an. 1376. vivente adhuc patre, electus Rex Rom. an. 1686. coronatus Aquisgrani Imperator, an. 1394. à Bohemis in carcerem detrusus, an. 1400. Imperiali dignitate exutus, an. 1402. rursus mandatus custodiæ, iterumque à Bohemis receptus, Regis umbram prætulit ad annum usque 1419.

Post ejus mortem Sigismundus frater, jam antea Rex Hungariæ & Rom. Imperator, Regni Bohemici possessionem aditurus, co- mitia Brunam indixit. Quietè primò acta omnia. Sed cùm Pragenses, qui huc Hussitica maximè laborabant, severiùs respondisset, & Crasam, civem Pragensi, ob eam hæresin Uratilaviæ occidi 20.

mandasset, eorum animos à se avertit, ac difficillimum 16. annorum bellum sibi accivit; in quo sacra omnia ab Hussitis violata, nullumque barbaræ crudelitatis genus omissum.

Ac primò quidem Sigismundus collecto 140000. ex Germania exercitu an. 1420. Pragam obsedit, at conatu irritò. Pluribusque deinceps cladibus affectus à Zischa; donec funesta hæc patriæ suæ pestis anno 1424. peste extingueretur. 13. victorias ab eo relatas memorant, 150. Monasteria vastata. Pellem suam post mortem in tympanum expandi jussit, ejus enim vel sonitu hostes in fugam avertendos. *Zisca à calice cognominari voluit, à calicis usu, tot sanguineis præliis propugnato, nobilitatem accersens.*

21. Detulerant equidem Bohemi coronam Jagelloni, Regi Poloniæ, Procopius. sed eo recusante, orphanos se dixerunt, creato belli præfecto *Procopio*, Joannis Zischa avunculo. Qui per 10. adhuc annos bellum, incendia, expilationes, populationes agrorum, vastationes urbium circumduxit, non tantum per Bohemiam, sed etiam per Silesiam, Moraviam, Lusatiam, Saxoniam, Austriam, Bavariam, Franconiam.

Sigismundus equidem novos semper novosque, etiam truce signatorum, immisit exercitus, sed victi recedere compulsi sunt.

Anno 1433. concilium Basileense Bohemos invitavit ad conciliandum religionis negotium, prout exposui prolixius *part. 3. art. 9. n. 18.* in recensenda historia concilii Basileensis.

22. Sequenti dein anno 1434. Procopius, cum ab armis nollet discedere, à Nobilibus Bohemis, Meinhardo præsertim à Nova Domo, & Ulrico Rosenfi, acie victus occubuit; & quia sic Bohemia per se ipsam erat devicta, tandem anno 1436. pax coaluit, Hussitis ad compactata concilii Basileensis remissis, quibus usus calicis eisdem permissus fuerat, modò ad salutem necessarium non crederent.

Uno duntaxat anno Sigismundo Regno Bohemico frui licuit. Nam anno 1437. Znoymæ obiit, ætatis 70. Imperii 26. regni Hungarici 51. Bohemici à coronatione 17. à quietâ possessione 2.

23. Princeps erat Sigismundus de religione, concilio Constantiensi, Obitus Si- & sublato schismate optimè meritis. Sed bello adversus Bohemos infelix, felicior adversus Turcas. Erroris politici eum arguunt, quòd perturbato regni statu inimitiùs Bohemos initio habuerit; quos tandem, cum ferro non posset, clementia vicit.

ARTICULUS V.

Status Bohemiæ à concilio Basileensi usque ad Tridentinum.

Sigismundus Bohemiæ hæredem reliquit *Elisabetham*, Alberto II. Archiduci jam anno 1421. desponsam, concessa in dotem Moravia. Mortuo Sigismundo Albertus tres coronas eodem anno accepit, Cæsaream, Hungaricam & Bohemicam, solo Thabore, munita ab Hussitis urbe, obsequium detrectante. Sed spes magnas, de Alberto II. præclaro Principe & Imperatore conceptas, mors nimis matura abscidit. Jam altero enim Imperii & Regnorum anno (1439.) obiit, magna Religionis ac Reipublicæ Christianæ jactura.

24.
Albertus.

Filias duas susceperat Albertus ex Elisabetha, ex qua gravida *Ladislaus* relicta natus est *Ladislaus Posthumus*, Commorini in Hungaria, quarto post mortem patris mensē. Bohemi eum Regni statum versari arbitrabantur, ut consultum non sit, infanti, sub tutoribus constituto, habenas committere.

Alberto igitur Baviaræ Duci sceptrum offerunt, & eo recitante, Friderico III. Imperatori. Verum pietatissimi isti Principes volebant cum detrimento pupilli crescere. Quare Bohemi duos Regni Gubernatores eligunt, Meinhardum Novadomensē, & Georgium Podiebradium, illum apprimè Catholicum, hunc addictum Hussitis, hominem callidum, qui capto & sublato Meinhardo, totius Regni gubernationem ad se traxit.

Ladislaus interea apud Fridericum III. Cæsarem, cognatum & tutorem suum, educabatur, nec illum Bohemis reposcentibus restituere voluit, nisi impleto ætatis anno 13. quo Pragæ coronatus est ab Olomucensi Episcopo. Cum ad annum ætatis 17. pervenit, solenni legatione ad Carolum VII. Galliarum Regem missa, Magdalenam ejus filiam in conjugem sibi petiit. Sed dum sponsa ad thalamum ingenti apparatu properat, Pragæ Ladislaus infertur tumultu anno 1457. grandi rerum humanarum exemplo. Venenum ipsi mistum quidam existimant, sive ab Hussitis, sive à Podiebradio.

Comitia Regni dein habita pro sufficiendo Rege. Competitores erant præcipui Europæ Principes. Sed à Rokizana, Hussiticæ factionis mysta, persuasi Bohemi ad Podiebradium, nobilem Bohemum, ex illustri Berneggiorum in Germania familia oriundum, qui Regni gubernacula hæcenus pro Ladislao non sine politica laude modera-

25.

Podiebra-
dius.

batur, vota inclinârunt. Anno 1458. coronatus is fuit ab Hungaris Episcopis, Pragenſi ſede vacante, & Olomucenſi à ſede Apoſtolica necdum confirmato.

Rockizana.

Celebratur Georgius à Bohemis magnis encomiis, tanquam magnanimus, bellorum admodum peritus, juſtus, in ſubditorum comoda, regniſque curam ſedulò intentus. Ad liberandum etiam Fridericum III. Imperatorem, à Vienneniſibus ſuis in arce obſeſſum, cum exercitu accurrit. Sed Rokizana, pſeudo-Archiepiſcopo Pragenſi obnoxius, *Calixtinorum*, ſeu *Utraquiſtarum* ſectæ adhaſit, calicis uſum per *compactata* concilii Baſileenſis Bohemica nationi conceſſum, & ab Eugenio IV. approbatum, dictitans.

Contrà verò Romani Pontifices eum uſum tanquam abuſum volebant abolitum, allegantes juramentum, quod in coronatione Georgius præſtitiffet, deſenſurum ſe Religionem Catholicam, & Romano Pontifici obedientem futurum &c.

26.
Anathema.

Miſſi in hoc contentionis conflictu ultro citròque legati, inſtituti Eccleſiaſtici conventus, plures Europæ Principes pro Rege Georgio apud ſummum Antifiſitem interceſſerunt. Verùm cum nec monita nec minæ proficerent, Paulus II. teſte Balbino *in hiſt. Bob.* eum ad cauſam dicendam citavit Romam, & non comparentem, communionem Eccleſiæ movit, ac Regno privavit, ſubditis à juramento fidelitatis ſolutis.

Georgius inſiſtens *compactatis* Baſileenſibus, negânsque hæreticum ea quidpiam continere, primùm à Pontifice malè informato ad melius informandum, deinde ab eodem ad Concilium univerſale appellavit. Immiſſi ſubin cruce ſignati exercitus; Mathias Corvinus Hungariæ Rex in Georgium concitatus, bellum movit; Moravia, Sileſia, Luſatia, obſequium detrectârunt. Bohemiam tamen ſuam defendit, hoſtes vicit, & provincias illas recuperavit, immani tamen vel inter victorias Bohemiæ ſtrage, Eccleſiaſticorum maximè & Nobilium Catholicorum bonis injuriam paſſis.

Tandem curis & laboribus fractus obiit anno 1471. ætatis 51. Regni 13. retractatis, ut plures ſcriptores referunt, quæ contra Pontifices egerat, promiſſâque Canonicis Pragenſibus erga Sedem Apoſtolicam obedientia; à quibus proin in Eccleſia Metropolitana Catholicos inter Reges ſacram ſepulturam obtinuit.

Candidatos inter Regni tunc eminebant 1. Mathias Corvinus, vivente adhuc Georgio in Moravia coronatus Rex Bohemiæ. At Bohemi negabant, ſe eum electuros, qui patriæ bellum intuliſſet. 2. Wilhelmus, Miſniæ Marchio, qui Annam natu majorem Alber-
ti II.

ti II. Cæsaris filiam, Ladislai sororem, nuptam habebat. 3. Uladislaus Princeps Poloniæ, ex Elisabetha, juniore Alberti II. filia, genitus annorum 15. tunc juvenis.

Hic reliquis prælatus coronam obtinuit, sub conditione, ut compactata concilii Basileensis rata mancant. Pacis, quam belli artibus fuit felicior. Bohemiam, Wenceslai inertia, bellis Hussiticis, brevi Alberti & Ladislai regimine, Georgii, bellis nati, neglectu, haud parum distortam, ac legum vinculis dissolutam, erectis tribunalibus, legumque placitis prudenter temperavit, & in ordinem suum reposuit. 27. Uladislaus.

Bello cum Mathia Hungariæ Rege, cui Silesia adhærebat, collisus, collecto ex Bohemia 20000 exercitu, & 60000, quæ pater Casimirus ex Polonia miserat, Uratislaviam obsedit; sed tanto armorum apparatu, quem Europæ expugnandæ sibi sufficientem fore Mathias dicebat, adeo parum actum est, ut ne quidem urbis portæ clauderentur. Tandem pars utraque belli pertæsa, primò in biennes inducias, dein verò anno 1479. Olomucii in stabilem pacem consensit, his ratam articulis. 1. Uterque Regis Bohemicæ titulo ornetur. 2. Bohemiam retineat Uladislaus, Moraviam, Silesiam, & Lusatiam Mathias. 3. Si hunc prius mori contingat, tres illæ provinciæ coronæ Bohemicæ rursus uniantur, solutis Hungariæ Nationi quadringentis florenorum millibus. 4. Si Uladislaus absque prole prius decederet, ad Mathiam omnia devolvantur. Hoc autem anno 1490. defuncto, provinciæ illæ rursus Bohemiæ fuerunt unitæ, & Uladislaus, qui etiam in Regem Hungariæ fuit electus, attributæ.

Sed ratione Hungariæ novum ipsi bellum cum Maximiliano I. Rege Rom. qui armis eandem sibi vendicavit, conventionibus initis nixus. Facta autem pace Uladislaus Hungariam interim retinuit, omni verò jure in Austriam superiorem, quam Mathias antecessor possederat, in perpetuum cessit.

Quamvis autem Uladislaus Princeps erat mitissimus, & in omnes æquissimus, multa tamen ab Hussitis, quos unire cum Ecclesia Romana omni ope satagebat, adversa tulit, adeo quidem, ut plebs, furore percita, non tantum senatores occideret, sed ipsum quoque Regem in propria Pragensi arce obsideret, & ad mortem deposceret, Picardicis præsertim mystis ex suggestu tubam adversus eum instantibus.

Obiit pientissimus Princeps anno 1516. ætatis 60. Regni Bohemici 45. Hungarici 26. Regnum utrumque relinquens Ludovico filio unico, decenni tunc puero, cui tutores Status Regni dederunt Ma-

ximilianum I. Imperatorem, & Sigismundum Poloniæ Regem, fratrem Uladislai.

29. De Ludovico sic Balbinus : *ante legitimam tempus natus, & sine*
Ludovicus. *pelle: Ungariæ & Bohemiæ Rex electus & coronatus infans (trium*
annorum) ante tempus loqui capit, sapiens supra ætatem puer: ante
decennium Rempublicam tractare aggressus est, (conciliata inter No-
biles & civitates pace, quam S. Wenceslai conventionem appellant)
ante legitimum tempus conjugem sibi despondit (Mariam Caroli V. so-
rorem) anno ætatis 15. eandem sibi duxit (in celebri illo trium Re-
gum, Maximiliani I. Imp. Uladislai Regis Hung. & Boh. & Sigismun-
di Regis Poloniæ, conventu, Viennæ celebrato) ante tempus men-
tum barba vestitum ostendit: ante annum 20. canuit: ante tempus
cum Turca conflixit; ante tempus periiit (ad Mohacium anno 1526.)

30.
Ferdinan-
us.

Ad Augustissimam inde Domum Austriacam devoluta Bohemia, sub optimo ejusdem regimine hodiedum floret. Et quidem, mortuo Ludovico absque liberis Ferdinando I. qui Annam illius sororem habebat conjugem, obtigit, delegatis Regni prudenter vota sua ad eum inclinantibus, quem jura successionis vocabant, totaque ferme Nobilitate Regni Iglaviæ Eundem excipiente. Cùmque postea anno 1558. Imperator fuerat renunciatus, Ordines Bohemiæ cum 3000. equitum ei obviam processerunt. 1000. cives armati, 1500. pueruli amictu candido, quos 12. cives Pragenses, barbati sed pumuliones, nihil pueris majores, ducebant, 1000. canes senes, 800. viduæ, 2000. virgines Pragam ingredienti occurrerunt, quolibet horum agmine latina oratione Eundem salutante, inter triumphales apparatus, & festivos applausus.

Certè optatius nihil esse poterat ad publicam Regni salutem, quàm Ferdinandus, qui fatiscentibus prope rebus sapienter adedò fortiterque succurrit, ut & pacem Nobiles inter ac cives componeret, & exactis, quantum fieri poterat, Hussitis, Religioni avitæ confuleret.

Id certè ad pientissimi Regis perennem memoriam præclarum, quòd Metropolitanæ Pragensi Ecclesiæ, post 131. annorum desolationem Catholicum Archiepiscopum restituerit, & novam Academiam, orthodoxæ veritatis arcem, condiderit.

Requirebant nempe ea tempora id genus præsidia. Tristis ubique squalibat rerum facies; dominabatur hæresis; templa DEI profanata, ac deformata, monasteria aut everla, aut cultoribus vacua; sacerdotes necati, aut, quod infelicius, ex pasto-

floribus in lupos transformati; Carolinæ Academiæ Doctores universim Hussitica tabe infecti animarum cladem spargebant. Religio Majorum, tam pulchrè olim efflorescens, spreta ubique, abjecta, ac deserta jacebat. Contrà verò per centum & ultra annos tanta Hussitarum, Orebitarum, Picardorum, Taboritarum, Orphanorum, Calixtinorum, atque ut ad plenam stragem nihil deesset, Anabaptistarum, Lutheranorum, Zwinglianorum, Calvinistarum, aliarumque sectarum colluvies Regnum inundavit, ut vix trigesima pars populi esset Catholica.

Equidem priores aliqui Reges Religioni reducendæ operam dabant, sed spreta jacebat auctoritas, furore hæretico, minis, seditio- nibus, tumultibus, bellis omnia miscente. Nec multò melior erat Moraviæ, Silesiæ, & Lusatiæ status.

Subventum tandem laborantibus rebus à benigno Numine, co- rona stabili nexu Augustissimæ per orbem terrarum Familiæ il ligata, in cujus tutelam depositum gaudemus Religionis decus.

Ac primò quidem Ferdinandus Rex legum severitate agendum putavit; cùm enim in bello Smalcaldico Bohemi ac Silesii ipsi militare 31. detrectarent adversus Saxonem, quin imò huic plures venirent auxi- Leges, lio, Ferdinandus confecto bello in Bohemiam duxit victorem exerci- tum, atque à rebellibus, Pragensibus maximè & Uratislaviensibus, quorum culpa major, pœnas exegit, severas equidem, sed justissi- mas; non parùm etiam promotò Religionis, propemodum exalan- tis, negotio.

Sed quia timor non diuturnus esse solet magister officii, mitio- ribus deinceps mediis cum gente, faciliè irritanda, agendum ratus, tranquillæ pacis artibus Religioni providit efficacius; dum videlicet, quod dixi, & ovibus pastorem restituit, & cùm ab infecta Academia Carolina bona sementis sperari non poterat, novam fundavit, *Fer- dinandeam* à nomine suo appellatam, eamque Patribus Societatis JE- su, Româ in Bohemiam accitis, attribuit, cum Dominicanorum ad S. Clementem monasterio (peramplo hodie collegio) eo deinceps proventu, ut & Religio & bonæ Musæ, in senium quoddam defor- me prolapsæ, ad bonorum omnium solatium, & Regni decus reslo- rescerent.

Alloboratum etiam sedulò, ut concilii Tridentini, nuper fini- ti, placita in usum & praxin eant. Quia autem in Regno, novitiis erroribus constricto, tanta res ad fastigium brevi tempore deduci non poterat, multum laborem ac sudorem, atque præsertim mul- tam in adversis patientiam impendere oportuit. Nam ea fuit Hussi- tarum

tarum protervia, ut in adium vestibulis, ac templorum porticibus calicem pictum aut sculptum defigerent: in Bibliis autem suis hæc verba: *bibite ex eo omnes*, aureis litteris exprimerent.

ARTICULUS V.

Status Bohemiæ à Concilio Tridentino usque ad finem sæculi XVI.

32.
Prorex.

Vivente Ferdinando I. Cæsare, filius Ferdinandus Archidux, cui Tyrolis postea & anterioris Austriæ provinciæ obtigerant, pro patre administravit Regnum Bohemiæ, idque munus continuavit (etiam postquam Maximilianus frater senior anno 1562. Rex Bohemiæ coronatus fuerat) usque ad mortem patris, insigni reipublicæ & religionis, ejusque defensorum emolumento. Nam uti clerum omnem, à novatoribus oppressum, ita vel maxime nascentem tunc in Bohemia Societatem nostram, quæ Lutheranorum & Hussitarum odiis atque injuriis acerbius petebatur, singulari magnanimitate & constantia protexit; probè gnarus, quantum interfit ad messem, operarios in vinea Domini defudantes, ab adverso incursum securos præstare.

33.
Max. II.

Quamvis autem Maximilianus II. res Religionis remissius, quàm pater, & fratres, tractaret, induci tamen non potuit, ut confessionem Augustanam publico decreto in Bohemia civitate donaret, Maria præsertim Regina feliciter dissuadente. Magnum etiam Ecclesia præsidium habuit in Antonio Archiepiscopo, & præcipuis Regni Dynastis, Lobkowiciis, Rosensibus, Pernsteiniis, Berkanis, Haugviciis, Kolowratæis, aliisque, summis in Regno muneribus præfectis.

34.
Rud. II.
zelus.

Sed clarior multò lux affulsit, cum anno 1575. Pragæ coronatus est Rudolphus, Cæsaris filius. Prima quippe illius cura Religio, quam in Hispania educatus, pientissima etiam matre inspirante, altissimè animo impressam gerebat, Laurentio Magio usus confessario. Cum adhuc juvenis à patre aliquando ad concionem Lutheranam ductus fuerat, in qua præco bilem in summum Pontificem & Ecclesiasticos ordines licentiùs expuebat, expectato ægrè fine, sonantem calumniatori colaphum inflixit, reprehensusque propterea à patre factum constanter defendit.

Sceptro admotus, quamvis Imperator esset, regiam sedem Pragæ constanter fixit. Præcipua per Regnum officia Proceribus Catholicis contulit. Piccardos, insolentissimum Hussitarum genus, severis decretis coërcuit, nullóque loco passus est apertè furere. Templorum nitori, cultuique Divino intentus, nihil omittebat, quo subjectos sibi populos ad Numinis æterni obsequium poterat flectere.

Sacrorum curæ accessit præcellens litterarum æstimatio, qua imbutus doctos viros ex omni Europa Pragam attraxit, & copiosè laudatèque habuit, Matheseos præsertim disciplina eruditos. Argumento fit Ticho Brahe, quem grandi sumptu ex Uranoburgo suo attraxit: *Litteræ.* præter ingentem multitudinem omnis generis artificum, pictorum, statuariorum, gemmariorum, chymicorum &c. tantúmque auri ac gemmarum in Bohemia congestum fuerat, ut Salomonis tempora renata dicerent; legatis etiam Tartarorum, Persarum, Moschorum, Turcarum, omniúmque fermè Nationum ad Rudolphum Cæsarem Pragam confluentibus.

Verùm quàm gloriosa fuerunt tempora prima ac media, tam tristia & acerba ultima, florente ac præpotente paulò antè Imperatore apud populos vilesciente, atque provinciis exuto. Quæ cùm ad sæculum XVII. pertineant, eò referenda sunt.

ARTICULUS VI.

Status Ecclesiasticus in Bohemia & adjunctis Provinciis per synodos sacras alióque conventus ordinatus
sæculo XVI.

ANte sæculum XVI. vix ulla inveniuntur in Bohemia celebrata sacra concilia. Visum nihilominus fuit schema aliquod rerum præmittere, ut sacra ac politica Republicæ status appareat. Jam synodi & conventus, eo in Regno & adjectis provinciis celebrati, breviter sunt referendi.

35.

Et quidem, quæ ratione Nationis Bohemicæ in concilio Constantiensi ac præsertim Basileensi fuerant statuta, parte 3. retuli. *Compacta.* Ex hujus posterioris synodi *compactatis*, varias tamen inter, quas dixi, turbas, motusque, vivebant Bohemi, à Romanis ritibus passim desciscentes. Quamvis autem Romani Pontifices compactata illa rejicerent,

Pars VII.

LI

cerent,

Calix per-
missus.

cerent, urgeréntque, ut Bohemi in sumenda sub una specie sacra coena reliquæ Ecclesiæ se conforment, nihilofecius tamen Ferdinandus I. Hussitas ad fidem orthodoxam faciliùs reducidos ratus, si Communio *sub utraque* iis permetteretur, paulò post concilium Tridentinum, anno videlicet 1564. à Pio IV. facultatem impetravit, ut per Bohemiam is ritus liber evaderet.

Magno hæc concessio plausu Pragæ fuit excepta; conventúque à Catholicis habito decretum, ut per omnes Ecclesias promulgetur, adjecta tamen ex voluntate Pontificis gemina conditione, ut more veteri apud legitimum sacerdotem deponatur peccatorum confessio, nemóque crederet, utriusque usum ad salutem esse necessarium, aut laicis à Christo præscriptum, ac proin nemo ad illum cogatur.

Mens optima erat Principis optimi; sed spei non respondit eventus. Nam conditiones non implebantur. Confessione peccatorum non præmissa, illoto ore calicem sitiebant: unio nulla secuta: plures in Hussitas, quàm in Catholicos mutati. Tenuit tamen ea ritus istius licentia ad annum usque 1622. etiam in templo Societatis nostræ, ad evitanda majora mala, sacello eidem destinato.

36.
Synodus
Olomu-
censis,

Quia autem non minùs Moraviam quàm Bohemiam Hussitica lues infecerat, novique sectarii agrum Domini, dormientibus custodibus, zizaniis complerent, Guilielmus Olomucensis Episcopus, ut excitaret oscitantes, anno 1568. *synodum Olomucensem*, ex concilii Tridentini decreto indixit. Convenère sacerdotes 260. quos inter Laurentius Magius, aliique Societatis Patres, fundato Olomucensi & Brunensi Collegio, in partem laboris vocati.

Quatuor orationes ab iis habitæ in concilio de *calamitatibus*, quas hæresis Ecclesiæ intulisset: de *Primatu summi Pontificis*: de *institutione & utilitate synodorum*: ac denique de *fructu Theologiæ*. Tribus diebus concilium tenuit. Prima, invocato per Missæ solennia, ab Episcopo celebrata, sancto Spiritu, prælecta decreta de fide, summa omnium voluntate comprobata, uno duntaxat curione, quem hæresis jam corripuerat, obnitente.

Alterâ die lecta secunda statutorum pars, de *Sacramentis*; omnium sententiis rata & acceptata, Episcopo Sacramentorum dignitatem eleganti oratione commendante. Tertiâ die tractatum de *morum disciplina & reformatione cleri*. Non eodem consensu hæc vox excepta, pluribus in luxum, & lubricæ vitæ illecebras diffluentibus. At Episcopus gravi oratione de vita & honestate clericorum differens, obstrepentibus iniecit pudorem sui. Atque ut cuilibet, quod luberet, opponendi daretur occasio, Adalbertus Baussekus no-
ster

noster cathedram conscendit, sponfione facta, se responsurum, si quis contra statuta ista synodalia quidquam vellet promere.

Quamvis autem ad Tridentini normam canones & decreta fuerint composita, frequensque ejusdem concilii, nuper finiti, sit facta mentio, ne tamen ulla Cæsari Maximiliano daretur offensio, omissa est illius publica promulgatio, aut decreto firmata receptio, reservato in meliora tempora tam salubri opere.

Cùm anno 1575. in publicis Regni comitiis de Rudolpho in Regem promovendo tractaretur, per sex menses gravissima, atque dis-
criminis plena, de Religione fervebat contentio. Lutherani, Piccar-
di, Calviniani, aliique sectarii, quamvis in doctrina maximè dis-
cordes, & capitibus in diversa tendentes, caudis tamen, ceu vulpes
illæ Samsonicæ, colligati, in exurendum Ecclesiæ Catholicæ agrum
conspirabant. Cùm autem minùs proficerent, privilegia, Catholi-
cis & *Utraquistis* concessa, communia sibi esse volebant, Alioquin
novum Regem se non admissuros.

Numero siquidem & audacia sua freti, atque exemplo Acathe-
licorum in Austria, qui liberum Confessionis Augustanæ exercitium
ante septennium à Cæsare Maximiliano obtinuerant, animati, con-
fessionem quandam, quam *Evangelicam* dixere, obtulerunt. Catho-
lici, quibus in hac causa Hussitæ se junxerunt, postulato iniquo se
opponebant; neque enim nomine *Utraquistarum* Lutheranos, aliòs-
que ejusmodi Novatores posse intelligi, qui nihil propemodum com-
mune cum illis habeant.

Veritas autem ut pateret manifestiùs, Patribus nostris ab Ar-
chiepiscopo mandatum est, ut novam illam sectariorum confessionem
apta confutatione refellerent, quæ typis data, & comitiis exhibita,
approbationem non tantùm à Catholicis, sed etiam Hussitis tulit.
Atque ita fracta in præsens Novatorum audacia Cæsareo edicto san-
ctum, ne quid in Religione mutaretur, ac causa ista in tempus aliud
differatur. Quo pacto coronatus est Rudolphus, præmissa exomo-
logesi, & Eucharistia sub una specie publicè sumpta, ingenti rectè
sententium solatio, hausto ex tam sanctis auspiciis felici omine.

Nec spes fefellit, ut dictum supra; nam, ut cætera hîc taceam,
sub optato regimine Religiosissimi hujus Principis celebratum est an.
1591. *concilium II. Olomucense*, ab Episcopo indictum. Magna in
eo res acta. Promulgata nempe publico decreto concilii Tridentini
placita, ac recepta, unà cum *Breviario* Romano, jussu Pii V. Pont.
Max. edito: cætera item, ad ritum cultumque Divinum, & ad mo-
res Ecclesiasticorum pertinentia, 24. articulis salubriter constituta.

præceptum quoque parochis, ut explicent, & in scholis suis tradirent parvum P. Canisii Catechismum, adhibito etiam Catechismo Romano.

Sublatus præterea in omnibus pagis & oppidis, dominio temporali Episcopi subjectis, usus *utriusque speciei* quoad laicos; nolentesque obtemperare huic decreto suis extorres sedibus pronuntiavit Episcopus. Sed vix ullus erat, qui mutare domicilium, quàm animum mallet: exemplo salubri ituro ad posteros, ut quoad ritus etiam externos cum Ecclesia Romana in toto regno reducatur conformitas.

39.
Concili-
abula.

Præter has, quas dixi, orthodoxas synodos, etiam hæretici conciliabula sua cogeant; nam imprimis Conradus Archiepiscopus Pragensis ad Hussitas desciscens conventum indixit, in quo quatuor articuli, in concilio Basileensi postea ventilati, rogati sunt. Primus est de Verbo DEI liberè ab omnibus docendo. Secundus de Communionem sub utraque specie ministranda. Tertius de opibus & dominio temporali ab Ecclesiis auferendis. Quartus de peccatis publicis puniendis

Dein plura alia conventicula ab Hussitis fuerunt conflata, ut numerosam illam diversarum sectarum colluviem, Taborikarum nempe, Horebitarum, Orphanorum, Calixtinorum, Picarditarum, Hussitarum, Wiclephitarum &c. ad unitatem fidei reducerent. At conatu irritò; quælibet secta errori suo privato insistebat. Omnes clamabant *Verbum DEI! ecce! hic est Christus.*

CAPUT II.

Status Hungariæ Ecclesiasticus & Politicus adumbratus.

SUMMARIUM.

ARTICULUS I.

Schema rerum sub Regibus Andegavenfibus.

40. Dum plures competitores de regno disceptant, Carolus Robertus tandem coronatur. Pur-

gationem vulgarem sustulit, victus à Valachis.

41. Re-

- | | |
|---|--|
| <p>41. Reliquit filium Ludovicum M. sub quo utraque res publica apicem felicitatis attigit. 12. bella gessit; primò quidem contra rebelles, & finitimos.</p> <p>42. Dein verò bellum Neapol. contra Joannam, quæ ejus fratrem strangulaverat.</p> <p>43. Et Venetum, Dalmatia asserata.</p> | <p>44. Ejus pietas, & Religionis zelus. Reliquit duas filias.</p> <p>45. Turbæ sub Maria ejus filia, cum Carolo Parvo, & Banne Croatiæ.</p> <p>46. Sigismundus Mariæ conjux Rex proclamatus.</p> |
|---|--|

ARTICULUS II.

Schema rerum sub Sigismundo, Alberto & Ladislao.

- | | |
|---|---|
| <p>47. Sigismundus rebelles vincit. Sed vincitur à Turcis ad Nicopolim.</p> <p>48. In comitiis à subditis captus, & in carcerem missus.</p> <p>49. Albertus brevi extinctus, relicta conjuge Elisabetha (Sigismundi filia) Ladislao posthumum gravida. Quæ filium & coronam Regiam secum Viennam defert ad Frid. Cæsarem, Ladislai tutorem.</p> <p>50. Hungari verò eligunt Uladislum, Jagellonis & Hedvigis filium. Hunniadis laudes.</p> <p>51. Clades Varnensis atrox.</p> | <p>52. Cæso Uladislao Episcopi & proceres conventum celebrant. Sanctiones. Ladislaum posthumum regem declarant: Hunniadem regni gubernatorem.</p> <p>53. Quia Frid. Cæsar Ladislaum pupillum non dimittit, Hungari Hunniadem, Bohemi Podiebradium, Austriaci Cilium, gubernatores præficiunt.</p> <p>54. Hunniadis clades, à Turcis illata. Dissidia cum Cilio.</p> <p>55. Belgradum strenuè propugnat, Turca profligato. Capistrani laus.</p> <p>56. Cillii, & Ladislai Corvini cæsi tragœdia.</p> |
|---|---|

ARTICULUS III.

Schema rerum sub Mathia rege.

- | | |
|--|-----------------------------------|
| <p>57. Mathias Corvinus, alter Hunniadis filius, è carcere Bohemico ad thronum Hung.</p> | <p>Zilagii opera. Hujus fata.</p> |
|--|-----------------------------------|

- | | |
|--|--|
| <p>58. Bellum cum Frid. Cæsare.
Pacis articuli memorabiles.
Corona reddita.</p> <p>59. Bellum recrudescit. Nova
pax.</p> <p>60. Tertium bellum. Occupata
Vienna cum Austria inferiore.</p> <p>61. Bellum Bohemicum cum Po-</p> | <p>diebradio focero, instigante
Pontifice. Moraviam & Sile-
giam occupat. Rex Bohemiæ
salutatus.</p> <p>62. Bellum Polonicum. Labes
Mathiæ.</p> <p>63. Bonfinius Mathiæ alumnus &
encomiastes.</p> |
|--|--|

ARTICULUS IV.

Synodi Budensis sanctiones anno 1486.

- | | |
|--|---|
| <p>64. Recensentur decreta circa sta-
tum Ecclesiasticum & Politicum</p> | <p>reformandum. Hussitæ vivi in
terram defossi.</p> |
|--|---|

ARTICULUS V.

Schema rerum sub Uladislao & Ludovico.

- | | |
|--|--|
| <p>65. Mortuo Mathia ingens de re-
gno contentio inter quatuor
candidatos. Electus Uladis-
laus Boh. Rex. non sine capitu-
latione.</p> <p>66. Albertus Polonus fratri bel-
lum infert.</p> <p>67. Et Maximilianus Rex Rom.
Magna Hung. pars occupata.</p> | <p>68. Pax, ejusque articuli memo-
rabiles.</p> <p>69. Bellum Turcicum. Rusticum.
Conventus Viennensis trium re-
gum. Sponsalia.</p> <p>70. Ludovici II. fata. Belgra-
dum amissum. Infelix pugna
ad Mohazium.</p> |
|--|--|

ARTICULUS VI.

Schema rerum sub Ferdinando I. Maximiliano II.
& Rudolpho II.

- | | |
|---|--|
| <p>71. Contentio de regno inter Fer-
dinandum & Joannem Zapolia.</p> <p>72. Qui armis inferior Turcas in-
vocat. Hi populata Hungaria
Viennam obsident.</p> | <p>73. Pax cum Joanne. Articuli
memoriales.</p> <p>74. Joannes Sigismundus pacem
frangit. Ingentes Turcarum
progressus. Cædes Martinucii
Cardinalis.</p> |
|---|--|

75. Con-

- | | |
|--|---|
| <p>75. Continuatio belli cum Joanne Sigismundo, & Turcis sub Maximiliano II. Sigethi expugnatio. Serinii fortitudo.</p> <p>76. Bathorius Princeps Transyl-</p> | <p>vanæ. Sigismundi ejus nepotis inconstantia.</p> <p>77. Novum ac diuturnum bellum Turcicum sub Rudolpho II. varia fortuna gestum.</p> |
|--|---|

ARTICULUS VII.

Status Ecclesiasticus ordinatus per concilia & alia media.

- | | |
|---|--|
| <p>78. Hæresis in Hungariam per illas turbas regni.</p> <p>79. Sacerdotia direpta, ac monasteria.</p> <p>80. Misera Religionis facies.</p> <p>81. Reges se opponere nituntur.</p> <p>82. Synodus Tyrnaviensis I. sub Olaho Archiepiscopo.</p> | <p>83. Synodus Tyrnaviensis II. pro reformando clero.</p> <p>84. Adventus societatis Jesu.</p> <p>85. Concilium Jaurinense sub Draskovitio Cardinale.</p> <p>86. Collegium Hungaricum Romæ erectum.</p> <p>87. Miraculum circa Eucharistiam.</p> |
|---|--|

CAPUT II.

Status Hungariæ Ecclesiasticus & Politicus adumbratus.

QUAMVIS posterioribus sæculis pauca inveniam in Hungaria celebrata concilia; juvat tamen in hoc apparatu eruditionis Regni etiam istius schema aliquod subjicere.

ARTICULUS I.

Schema rerum sub Andegavensibus Regibus.

SUB initium sæculi XIV. magni competitores Hungariam in partes traxere. Et quidem defuncto Ladislao III. Nicolaus IV. Ro-Regni comes Pontifex *Carolus Martellus*, Caroli Andegavensis Neapolitani Regis filium, Ladislai sorore natum, Hungaris magnopere commendatum coronavit. At pars magna illorum *Andream Venum*, antiquæ stirpi Regiæ innexum prætulit. Extincta verò in isto (anno 1301.) S. Stephani mascula stirpe, aucta votorum discordiâ, qui-

quidam *Wenceslaus V.* Bohemiæ Regis filium, 13. annorum adolescentem, advocârunt. Verùm cum adversæ factiones Hungariam miscerent, *Wenceslaus* an. 1303. cum Regia S. Stephani corona in Bohemiam abductus est; primoque dein Regni anno perfidè interemptus (*anno 1306.*)

Pars altera elegit *Ottonem* Ducem Baviaræ, *Belæ IV.* filia genitum; cui *Wenceslaus* anno 1305. jus suum cessit, & coronam asportatam restituit. At verò à Transylvaniæ Palatino captus, renouque coactus renuntiare in Bavariam rediit (*anno 1308.*)

**Carolus
Robertus.**

Tertius competitor erat *Carolus Robertus*, Caroli Martelli filius; qui anno 1309. in possessionem missus, legibus optimis regnum distortum composuit; Christianæ etiam disciplinæ intentus, abolita superstitione *purgationis vulgaris*, quæ in judiciis per candens ferum, ignitos vomeres, aut bullientes aquas fieri consueverat, legitimum ordinem processus judicialis induxit.

Quamvis autem magna laude regnaret, non defuit tamen perfidus latro, qui in cœnaculum irrumpens, stricto ferro feralem ictum Regi intulisset. Nisi feliciter aberrans dextera, levi duntaxat vulnere manum perstrinxisset. Altero ictu in Reginam intentato quatuor ei digitos præcidit. Cùmque in Regios etiam Principes vellet irrue-
re, ab accurrentibus famulis confossus periit, tota ejus familia excisa.

Alterum periculum simulque damnum ingens regni subiit, ubi Valachiæ Palatino bellum intulit. Nam exercitu fame pereunte ad turpem pacem compulsus est; qua nihilominus fracta, Valachi Hungaros ad internecionem ferme ceciderunt, Rege mutato habitu vix elabente.

**41.
Ludovicus
M.**

Obiit is tandem suo fato *anno 1342.* regni 33. pace quam bello felicior, multò verò felicissimus pater in filio *Ludovico M.* qui summa omnium consensione ipsi in Regno successit.

Exorsus à Religione Imperium, antistitum ope restauravit morum disciplinam, pietatis ipse virtutumque omnium idea. Nec minus Rempublicam, multis locis turbatam atque imminutam in prævalidum corpus adunavit; & alios quidem, qui parendi obsequium subtraxerant, humanitate & animi magnitudine fregit; alios bellis, quorum 12. feliciter gessit, subegit: repressisque ex Transylvania Tartaris, domitis Croatis ac Bulgaris, Valachiæ Regulo, victoria, quam diximus, à patre reportata, superbo, ad tributum servitutem reducto, Hungaricæ gentis gloriam in immensum auxit, finesque protulit.

Sed nullum ipsi bellum magis memorabile, quàm Italicum. Cùm enim Robertus, Rex Neapolis, *Andream* Ludovici fratrem cum *Joanna* nepte sua, dispensante in consanguinitatis impedimento pontifice, justis nuptiis conjunxisset, ac successorem in Regno designasset, impia mulier *Andream* conjugem truculentè strangulavit.

42.

bellum
Neap.

Quare Ludovicus fratris necem ulturus, delectu Hungarorum habito, valido ac victoriis assueto cum exercitu in Italiam movit; atque occupata Calabria & Apulia triumphantis more Neapolin est ingressus, ibidè que Siciliæ, Neapolis, & Jerosolymæ Rex publicè proclamatus, (*anno 1349*) Regina *Joanna* in Galliam profugiente; ubi vendito *Clementi VI.* Avenionensi comitatu, co ductoque novo milite, Italiam repetiit, ac faventibus Italis, externum militem haud æquo animo ferentibus, maximè autem interveniente apud Ludovicum victorem summo Pontifice in Regnum est restituta.

Gravi dein bello collisus cum Venetis Ludovicus, Dalmatiam illis eripuit, & Regno Hungariæ junxit. Mortuo *Casimiro III.* cujus sorore genitus fuerat, cuique adversus Bohemos & Lituanos auxilio venerat, etiam Poloni eum elegerunt regem (*an. 1370.*) tandè que de utraque Republica præclarè meritis obiit anno 1382. ætatis 56. Regni Hungarici 40. Polonici 12.

43.

Venetum.

Sedis Apostolicæ semper fuit observantissimus, dum post geminam expeditionem in Italiam pluresque victorias reportatas in gratiam pontificis *Joannæ* Regnum Neapolitanum justis armis sibi assertum, restituit.

Incredibili insuper flagrabat ardore Christianam Religionem ubique propagandi; cùmque tota Hungaria esset Catholica, solis Judæis pertinaciæ suæ inhærentibus, eos omnes Regno exegit. Eremitarum *S. Pauli* ordinem introduxit, & cœnobiis donavit, templis pluribus DFO erectis, & sacerdotiis amplè locupletatis, Cumanos ad veram Religionem perducere omni ope contendit, immissis fidei magistris, per quos etiam Sclavoniam & Bosniam ab erroribus purgari curavit.

44.

Pietas.

In eo duntaxat magnus hic Princeps infelix visus est, quòd filio careret, cui tot provincias ac regna transmitteret. Filias autem reliquit duas, *Mariam* & *Hedvigem*. Illam Hungari, hanc Poloni Reginam coronârunt.

Maria, *Sigismundo*, *Caroli IV.* Imperatoris filio desponsa à *Ludovico* patre, cùm nuptiis adhuc esset immatura, sub tutela *Elisabethæ* matris, & *Nicolai Garæ*, Hungariæ Palatini adolefcebat. Verùm cùm omnia hujus ministri arbitrio agerentur, Proceres con-

45. spiratione inita, anno 1384. *Carolus Parvus*, Ludovici M. ex Turbæ sub fratre Andrea nepotem (ut scribit Bonfinius) qui Neapolis Regnum Maria. pulsa Joanna, nuper occupaverat, per Zagrabiensem Episcopum ad coronam invitant.

Accurrit is illico, & occupato folio Rex Hungariæ coronatur. Verum haud diu triumphare ambitioni licuit. Siquidem Gara Palatinus, collato cum Elisabetha Reginæ matre consilio, per Blasium Forgatschium, robustum militem & audacem, regi, Budæ mensæ assidenti, ad oculos usque caput diffindit; quo vulnere paulò post miserè obiit, (anno 1385.) ne quidem sepulturæ sacræ locum inveni-
ens, quod anathemate ligatus periisset. Itali ad necem quæsi-
ti, fugâ sibi consuluerunt.

Maria solennibus acclamationibus Rex iterum salutatur. Sed dum velut triumphans cum matre Hungariam lustrat, Joannes Horvatus Croatiae præfectus (quem *Bannum* vocant) Caroli necem ulturus collecta tumultaria multitudo, sui securas aggreditur, cæso-
que Forgatschio, & Gara Palatino, qui vim avertere conati fuerant, curram, quo Reginæ vehebantur, invertit, Elisabetham matrem, Ludovici Regis conjugem, capillis abstractam, & in flumen projectam suffocavit, Mariam Reginam in carcerem conjecit, ac gynæceum Regium, indignissimè habitum, furori ac libidini militum exposuit.

46. Sigism. Sigismundus interea comparato ex Bohemis exercitu ad liberandam sponsam accurrens, à Proceribus Budæ ingenti gratulatione excipitur. Quo comperto Horvatus, sibi metuens, Reginam, Sacramenti prius religione addactam, quod nec matris necem, nec suam captivitatem sit unquam ultura, liberam dimisit.

Budam effuso populorum gaudio ingressa, atque inde Albam cum Sigismundo conjuge profecta, coronam eidem & sceptrum cef-
sit. Sigismundus Rex proclamatus, & à Strigonienſi Episcopo inau-
guratus, Reginæ injurias ut persequeretur, Horvatum parricidam primùm Possegæ, dein Dobore obsedit, fugâque elapsum cepit, ac currui impositum ad contumeliam circumvexit, atque in frustra con-
cidi mandavit.

ARTICULUS II.

Schema Rerum sub Regibus Sigismundo, Alberto & Ladislao.

S*igismundus* Rex coronatus sumpta de parricida sceleris vindicta, 47.
Bosnienſes, Croatas, & Dalmatas, qui à regis fide defecerant,
ad Pannoniæ Regnum reduxit; tum verò Transylvanos, & Valachos,
pertinaciùs reſiſtentes, Turcarum etiam, qui tunc primò
partes illas infeſtaverant, auxiliis fretos.

Mortua ſubin anno 1391. abſque liberis Maria conjuge, Jagello
Rex Poloniæ Hedvigis uxoris nomine Pannoniam ſibi vendicavit. Nec
deerant ex Nobilibus plures, qui Polono favebant; quos Sigismundus,
cùm humanitate & gratia non poſſet ad obſequium flectere, fracta
cervice ſuſtulit.

Sed nihil Sigismundo infelicius altera expeditione in Valachos; Cæſus à
qui tributi obſequium negantes, Turcas rurfus adverſus Ungaros in-Turcis.
vocârunt. Sigismundus bello in eos moto, cum ingenti exercitu, ex
omni ferme Europa collecto, Nicopolim uſque penetrat. Ubi col-
latis cum hoſte ſignis, immani clade, 20000. Chriſtianorum amiſ-
ſis, affectus, atque ob rem malè geſtam ab Hungaris ſibi metuens,
Conſtantinopolim fugit, indeque Ægeum Joniùmque mare emenſus,
exploratis Pannonum in ſe animis per Dalmatiam & Croatiam Hun-
gariæ ſe reddidit.

Inquieti quidam, rerùmque novarum cupidi, Ladislaum
Neapolis regem, Caroli Parvi filium, in Pannoniam interea
ad ultionem paternæ cædis, atque ineundam regni poſſeſſionem ad-
vocârunt. Verùm is intellecto Sigismundi reditu copias, quas in
Dalmatiam jam miſerat, revocavit, apud volubilem & inter ſe diſ-
cordem gentem paterni fati calamitatem reformidans.

Cùm autem Sigismundus in Regni comitiis ab Hungaris anno 48.
1401. fuerat captus, & in carcerem detrufus, ob cæſos rebelles No- Captus,
biles, & cladem Nicopolitanam, Ladislaus rurfus invitatus ad ſce-
ptrum, in Dalmatiam trajecit, rei eventum ibidem exſpectaturus.
At verò cùm Sigismundus viduæ, quam Gara cælus reliquerat, ope-
ra è carcere fugiſſet, & cum valida Germanorum ac Bohemorum
manu rediſſet, regnùmque recuperâſſet, Ladislaus in ſuam Apuliam
rediit. Rebellium verò Hungarorum capita debitæ poenæ fuerunt ſub-
jecta.

Quæ autem deinceps, postquam anno 1410. Imperator fuit electus, pro Republica, pro convocando concilio Constantiensi, pro extirpando Ecclesiæ schismate, atque contra rebelles Hussitas in Bohemia egerit, alias sunt recensita.

Obiit tandem, utramque fortunam expertus, pientissimè anno 1437. ætat. 70. regni Hung. 50. Boh. 17. Imp. 27. relicta, ex secunda conjugē (Ciliæ comitis filia) *Elisabetha*, Alberto II. Archiduci nupta: quem à Sigismundo commendatum Hungari coronarunt.

49. **Albertus & Ladislans.** Alberto II. propter conjugem suam Elisabetham ab Ordinibus Hungariæ in regem cooptato, Amurathes Tyrannus Turcarum anno 1439. Serviam invasit; ad quam servandam dum Albertus accurrit, lue exercitum corripiente, & ipse in morbum incidit, quo præmature extinctus est, dum Viennam rediret, anno 1439. relictis duabus filiabus, & uxore uterum ferente, ex qua dein natus est *Ladislans Posthumus*; quem quarto mense mater coronari curavit.

50. **Uladislaus.** Quia autem Pannonia in duas factiones erat scissa: altera Ladislaum pro rege habente, altera *Uladislaum III.* Jagellonis filium, Polonia regem, ad coronam evocante, Elisabetha, ut discrimen evitaret, cum Ladislao filio Viennam ad Fridericum III. abiit, asportata secum astitit Regia S. Stephani corona.

Hunniades *Uladislaus* igitur, factione adversa pugna superata regnum auspiciatus cum Amurathe II. qui ad utramque Istri ripam magnis progressibus augebatur, bello committitur, eique supremum exercitus ductorem præficit *Joannem Hunniadem* (à pago in Valachia sito *Corvinum* dictum) præstantissimum ea ætate belli imperatorem, quem alterum velut Machabæum aut Epaminondam, difficillimis illis temporibus, quibus Pannonia civilibus discordiis fatiscebat, & à Turca, occasione illa nimis solerter uso, undique infestabatur, provida Superum cura submisit.

51. **Clades Varnensis** Et profectò fortissimus hic heros tot secundis præliis victoriisque viribus ferocem barbarum attrivit, ut anno 1443. pacem circumspiceret, & à rege Uladislao impetraret. Quam tamen hic, à Juliano Cardinale, ut fertur, persuasus, altero mox anno fregit; vindicante Numine violatam fidem. Quippe Uladislaus victricibus armis ad Pontum Euxinum usque progressus, in Bulgaria ad *Varnam* ingenti prælio est fusus, quo 30000. Christianorum vitam, & suam amisit.

Ferunt, Amurathem, dum Rex, fortissimè pugnans cum Joanne Hunniade initio pugne validissimo impetu Turcarum aciem adeo turbaverat, ut victoriam jam in manibus habere visus fuerit, instrumentum pacis, manibus præhensum, ad cælum sustulisse, & exclamasse: *Vindica Christe, si Deus es, hanc Christianorum perfidiam.* atque

atque hac voce animatos Turcas fugam stitisse, & in prælium re-
versos ingentem illam reportasse victoriam: insigni documento, non im-
punè etiam infidelibus datam violari fidem. Cecidit in hoc prælio
cum Rege etiam celeberrimus ille Cardinalis Julianus Cæsarinus, Eu-
genii IV. Legatus, concilii Basileensis initio Præses, bellique hujus
infelicis ut fertur) inventor.

Ad nuntium infelicis cladis orbis Christianus ingemuit, Panno-
nia præsertim ac Sarmatia Uladislai, Regis omni virtute multò orna-
tissimi, funestum casum luctu publico deploravit. Ne autem va-
cante throno in regno, alioquin factionibus turbato, bellum erum-
peret Episcopi ac Proceres conventu celebrato saluberrimis monitis
ac decretis de vi, de dolo malo, de latrociniiis, cædibus & rapi-
nis &c. providè caverunt.

52.
Convent

Ne autem geminum potentissimum hostem cervicibus suis immi-
nentem habeant, & Fridericum Imperatorem, Ladislai pupilli jura
persequentem, & Amurathem, victoriam Varnensi tumidum ferocem-
que, comitiis indictis, uno consensu *Ladislauum*, annum quintum
tunc agentem, regem declarârunt. Quum autem regno per ætatem
esset immaturus, Joannem Hunniadem, Transylvaniæ ab Uladislao
præfectum, de Pannonia omnique Christiana Republica præclare
meritum, regni *gubernatorem* designant (anno 1445.) missaque ad
Cæsarem legatione Ladislauum in Hungaria educandum, & coronam,
ab ejusdem matre ablatam repetunt.

Respondit Fridericus, electione Ladislai opus non fuisse, quem 53.
jus hæreditarium & natura Regem genuisset, negavitque, se coro-
nam aut pupillum, cujus tutela ad se ceu proximum agnatum spe-
ctaret, extraditurum, donec in ætatem Regno maturam adole-
sceret.

Quæ res Pannonum animos tantopere irritavit, ut per Hunniadem
gubernatorem Austriam, Styriam, & Carynthiam populatione
& rapinis ferociter vastarent: Cæsare in proposito suo constante, ac
potius ferente, ut postea Hunniades Hungariam, Podiebradius Bo-
hemiam, Ulricus Comes Cilius, Ladislai avunculus, potissimam
Austriæ partem, ad Ladislauum pertinentem, administrarent. Qui
etiam in hoc munere sunt confirmati, postquam Ladislaus Româ redux,
quo Cæsarem ad coronationem comitari debuerat, anno 1452. à Fri-
derico ad regna sua fuerat dimissus.

Hunniades autem, ut cladis Varnensis ignominiam vindicaret, 54.
pluribus secundis præliis Turcas à Pannoniæ jugulo submovit, fra-
ctisque Ulrici Cili, gubernatoris potestatem eidem invidentis, mo-
des casus.
ditionibus, ac regulorum Valachiæ & Mysiæ seu Rassiæ seditionibus,

anno 1448. adversus Amurathem II. gravissimum bellum gessit. Commissa in Bulgariæ finibus acerrima pugna, quæ, licet barbarus 80000. Hunniades verò tantum 22000. sub signis numeraret, triduo tenuit. Tandem Hungari, cæsis 34000. Turcarum, amissis verò ex suis 8000. multitudini cedere coacti, qua via cuique patebat fuga, evaserunt.

Hunniades fugâ elapsus, primò in latrones incidit, atque ab iis spoliatus, per solitudines variâsque ambages, terra marique oberans, tandemque in Dalmatiam evadens, suis restituitur.

Hoc periculo externo defunctus, in domesticum incidit. Urebat Ulricum Cilium rursus invidia, atque Hungariæ administrationis munus sibi potius, ceu Ladislai propinquo, deberi ratus, regni affectati Hunniadem postulavit. Verùm cum hic munus suum apud Ladislaum vellet deponere, in eo confirmatus est; Cilius verò, cum etiam Austriaci graves contra eum querelas proponerent, gratia regis excidit. Verùm, ut facilè mutantur aularum venti, præsertim ubi regum immatura ætas deceptioni est magis obnoxia, Cilio in gratiam recepto, Corvinus variis insidiis est appetitus; quas ille cautè declinare noverat.

ss. Non tamen his motus Hunniades, ultimum patriæ ac Christianæ rei impendit obsequium. Cum enim Mahometes II. Amurathis filius, expugnata Constantinopoli victricia arma per Serviam ac fines Pannoniæ circumferret, ad Albam Græcam (Belgradum hodie appellatam) exercitum admovit, (anno 1456.) quam, cum clavem Hungariæ esse sciret, omnibus viribus expugnandam sibi esse putavit, ut inoffenso deinde velut pede barbarum dominatum in Occidentem exporrigerat.

At in scopulum impigit ferocia. Qui plurimas urbes munitas, ipsamque adeò Constantinopolim expugnaverant, Belgradum expugnare non potuit; propugnante Hunniade, victis navali prælio in Istro Turcis, in urbem cum valido præsidio & annona penetrante. Quot conatibus actum! quot assultibus! quoties supra cadaverum struem, ac murorum ruinas, nutante & ancipiti victoria dimicatum: in ipsam urbem jam penetrârunt barbari, in ipso foro pugnatum acerrimè: cumque Turca in altam turrim eluctatus vexillum tentaret defigere, Hungarus insequens Turcam apprehendit, & quia aliter prohibere non poterat, se cum illo ex alto vertice dedit præcipitem, reiectus ex urbe barbarus fugam simulat, ut obsessos ex urbe in insidias pelliciat. Sed Corvinus ea occasione usus, castra hostium incendit, machinas æneas alias clavo adacto obstruit, inutilésque reddit, alias in hostes convertit. Quare Mahometes expugnatione desperata, amissis suorum 40000. dolore amens, turpi fuga se proripuit.

Hunniades servato hoc Christianæ Reipublicæ propugnaculo gentium ubique clarus, in cœlos ex victoriâ triumphans ingressurus, ex febris obiit anno 1456. ingenti nominis fama orbi relicta, simulque relicto dubio, fortiôrne fuerit, an sanctior.

Sed neque sua laude frustrandus *Joannes Capistranus*, qui è Samnitibus oriundus, cum suis è S. Francisci familia sociis, concessa à Pontifice peccatorum venia, ex Germanis, Bohemis, & Polonis cruce signatum adduxit exercitum; & quod Hunniades manu, exemplo, ductu, id ipse ore, hortatu, precatione, effectum dabat: haud diu & ipse superstes victoriæ, ad Superos translatus est, sanctos inter cœlites terrestres militiae recepturus stipendia.

Joannes Hunniades duos reliquerat filios, Ladislaum & Mathiam, præstantis animi juvenes, & paternæ virtutis æmulos. Qui ob gratam patris memoriam populi amore, clientelis, amicitiiis, opibus, & potentia, cæteris proceribus facillè præstabant, ac patris munere & potestate adhuc potiebantur. Ferre hæc æquo animo non poterat *Ulricus Cilius*, regis avunculus, veteri in *Corvinam* gentem flagrans odio. Ut igitur structæ patri insidiæ feliciori eventu filios sternerent, suadet *Ladislao* regi, ut *Hungariam* visat. Cùm igitur *Rex* lustrato regno *Belgradum* ingrederetur, *Ladislaus Corvinus*, urbis gubernator, armatis militibus portas occlusit, quòd interceptæ *Cilii* litteræ structas vitæ suæ insidias nuntient.

Cilius iræ impotens stricto ferro in *Corvinum* irruit. Sed Hun- 65.
gari accurrentes *Cilium* confodiunt, Regemque adeunt, regni ho-
stem, ac discordiarum omnium auctorem à se interfectum exclamant, vini cædes.
ut & *Pannoniæ* reddatur quies, & *Rex*, *Cilii* velut captivitate li-
beratus, jam liberè regnare queat.

Rex ira pressa interfectores in gratiam recipit, promissa, etiam *Sacramento*, *Corvinis* veniâ: quam confirmat, dum eorum mater regi supplex accidit. Verùm postquam eundem *Budam* comitati fuerant, *Rex* à *Cilii* amicis incensus eosdem cum pluribus proceribus capi & in carcerem duci mandat. Tercio die *Ladislaus Corvinus* capitali supplicio à Prætorè addictus, quinto ictu à liçtore capite minuitur. *Mathias* verò primùm *Viennam* captivus abducitur, dein verò *Podiebradio Pragæ* custodiendus traditur.

ARTICULUS III.

Schema rerum sub rege Mathia.

57.
Mathias
Rex.

AT ecce varias rerum humanarum vices! Ladislaus Hungariæ & Bohemiæ Rex, præcellentibus corporis animique dotibus ad miraculum cultus, atque ad spes summas natus & educatus, dum ingenti pompa totiùsque propemodum Europæ concursu cum regis Galliæ filia solennes Pragæ nuptias apparat, in ipso ætatis vernantis flore succiditur. Mathias Corvinus è carcere ad Pannoniæ solium elevatur. Hungariæ Bohemiæque regna ex altissimo regali genere ad mediocris fortunæ manus ambo devenerunt: hoc ad Podiebradium, quem nulla majorum stemmata decorabant: illud ad Corvinum recidit, cujus olim genus à Romanis fertur oriundum, sed nimia vetustate jam exoleverat, & in Valachia nativa patria à barbaris obrutum ad obscuritatem sanè pervenerat.

Audita namque Regis Ladislai morte, in Pesthi suburbanis pro more comitia sunt habita, quæ Michaël Zilagius Mathiæ avunculus armatis copiis circumdedit, & oratione habita, qua eloquentia, qua minis proceribus persuasit, ut eundem Mathiam, 17. tunc annos agentem, posthabitis aliis competitoribus regem eligerent.

Podiebradius, Rex Bohemiæ, ubi per litteras eam electionem intellexit, primo loco Mathiam mensæ adhibuit, eaque finita nihil tale opinantem regem salutavit, desponsata eidem sua filia; atque eundem ad Bohemiæ fines deduxit, ubi ab Ungaris splendido cum apparatu, atque faustos inter plausus exceptus est, ac Budam deductus, confirmatisque ordinibus privilegiis, juratæque impunitate fratris sui Ladislai interfectoris, Rex proclamatus; constituto tamen interim, donec ad maiorem ætatem perveniret, gubernatore Zilagio.

Verùm hæud multò post Rex Zilagium, virum integerrimum, cui sceptrum debebat, perfidè captum, iussit interfici; sive ob correctionis impatientiam, sive propter æmulorum insimulationem, sive ut aliis Proceribus metum sui incuteret. At Zilagius à coquo suo pio astu è carcere liberatus cum nepote reconciliatus fuit, ac rursus inferiori Hungariæ adversus Turcas præfectus; quos postquam altero prælio vicit, tertio ipse victus, captusque Constantinopolim ductus, capite plexus est. Post domitos Moldavos rebelles, & Transylvanos, qui proprium sibi regem elegerant, deinceps primum Mathiæ bellum fuit cum Friderico III. Imperatore, quem Hungarici quidam proceres, coactam Mathiæ electionem causantes, atque Corvi-

norum,

norum, ignobili ad ea usque tempora in Valachia familiæ tantum fastigium invidentes, regem advocaverant. Variante fortunæ alea id gestum; donec tandem anno 1464. pax in hæc placita coaluit.

Cæsar sacram Hungariæ coronam (quam 24. annos jam detinuerat) Pannonis reddito. Pro ea 60000. aureorum accipito. *Ma-* 58.
thiam filii loco semper habeto. Jus omne regni illi cedito. Contra Pax cum
verò Mathias Cæsarem tanquam parentem agnoscito. Si absque le- Cæsare.
gitimis liberis obierit, Pannonici regni jus Cæsaris mox esto. Ale-
mannus & Ungarus absque ullo discrimine ab utroque Principe tractan-
tor. Hoc fœdere icto sancta corona festiva solennitate à septemviris,
in hunc finem creatis, in Hungariam est deportata, & velut missum
de cœlo decus excepta, eaque Mathias à Strigoniensi Metropoli re-
dimitus anno 1464. regni 6.

Per 13. deinceps annos patrem inter filiūque adoptivum *pax* 59.
ista tenuit. Anno autem 1477. Mathias Cæsari bellum indixit, cau- Bellum re-
fatus frequentes Austriorum in Hungariam irruptiones, agrorum po- crudefcit.
pulationem, & abacta pecora: nec satis ex fide servatas promissio-
nes. Cū autem numeroso exercitu in Austriam ducto, varia op-
pida caperet, ipsamque Viennam obsideret, Cæsar missis oratoribus
hanc pacem iniit.

Cæsar regi ob belli impensas 150000. aureos ad præstitutum tem- *Nova pax.*
pus solvat. Facta solutione Mathias omnes urbes captas & castella
restituatur. Si facta non fuerit, Austriam occupare, & in Pannonici
regni provinciam redigere ipsi liceat. Pia interim patris filiique no-
mina, & antiquæ pactiōes ratæ firmæque maneant.

Hac conventionē inita Rex omnia, quæ occupaverat, ultro re-
stituit, copiāsque in Hungariam reduxit, adversus communem Chri-
stiani nominis hostem melius ducendas. Verū non desinere Panno-
niæ Austriæque vicinæ gentes mutuis incursionibus sese laceffere, al-
tera in alteram culpam reiiciente. Inita sæpius induciæ, renovata
fœdera. At incassum omnia.

Nam anno 1481. Mathia importuniùs exigente promissa 150. 60.
aureorum millia, Friderico verò moras trahente, recrudit bellum rursus bel-
funestum, cum ingenti Cæsaris & rei Christianæ detrimento, Turca lum.
interim, qui unitis Christianorum viribus ex Europa reiici poterat,
multis incrementis aucto.

Sed Christianum (quæ perpetua labe est atque deploranda ca-
lamitas) cruorem fundi placuit: Christianæ à Christianis vastandæ
provinciæ. Quippe Mathias, ducto in Austriacum agrum exercitu,
primò Hamburgum, Pruechum, Cornamburgum, Hyppoliti sanum,

Vienna
capta.

Eberstorffium, aliæque circum Viennam munita oppida urbésque expugnat; dein verò ipsam urbem principem Viennam semestri obfisione, fame pressam, ad deditionem adigit, (anno 1485.) sequente dein post acerrimam defensionem Neostadium, ut adeò totam Inferiorem Austriam usque ad mortem teneret occupatam, protensa non rarò in Styriam, Carinthiam & Carniolam prædatione.

61.
Bohemi-
cum bel-
lum.

Alterum Mathias bellum cum *Bobemis* gessit. Et primò quidem Bohemos, quos Gísera duce Elisabetha Regina pro filio suo Ladislao Posthumo in Hungariam acciverat, variisque locis, etiam munitis, imposuerat, in latrocinia deinde sub *Fvatum Bobemicorum* nomine, effusos, ac Hungariæ infestos, bello devictos, aut regno exegit, aut sibi deditos recepit.

Moravia.

Sed majus multo bellum eum inter & Georgium Podiebradium, cujus filiam uxorem duxerat, exarsit anno 1468. Belli causa erat sacra. Nam cum Georgius propter Hussiticam hæresin à communione fidelium esset motus à Paulo II. Pontifice, hic Mathiam ad invadendum regnum accendit. Quare, comitante Apostolico legato, motis in Moraviam castris à Brunensibus & Olomucensibus admissus est, expugnatisque vi aditis arcibus, aliisque munitioribus locis, qui Hussitarum præsidio tenebantur, à Moravis & Catholicis Bohemis Rex Bohemiæ & Moraviæ Marchio est salutatus.

Dum Mathias Spilbergensem ad Brunam arcem obsideret, Georgius cum eo congressus, *siccine, antiq. fili, patrem regno spoliare contendis?* ad quæ Mathias: *respicce pater, & de fide sacrosancta rectius senti, atque Christianæ Reipublicæ hostis esse desine.*

Cum in tabernaculis, inter utraque castra tentis, reges colloquium & convivium celebrarent, quidam ex satrapis duos pigmæos, alterum Hussitam Bohemum, alterum Catholicum Ungarum, inter se certamine commisit, ut veræ Religionis periculum facerent. Cumque diutius jam fuissent luctati, Catholicus Hussitam sublimè elevatum, humum erat inversurus, nisi Bohemus quidam manu objecta obstitisset. Obortus confestim clamor; correpta utrinque arma; interventu regum tandem deposita. Sicque re infecta discessum.

& Silesia
capta.

In Silesiam dein Mathias castra promovit, quo Uratislavia eum invitaverat. Atque omnes civitates se ejus potestati permiscere. In Moraviam redux, Victorinum, Georgii filium, victum capit, atque ut fratrem habet. Iniquiore autem in Cæsarem erat animo, quòd stipendia, in Religiosum hoc bellum promissa non numeraret. Quæ non modica erat causa orti deinceps belli Austriaci.

Mor-

Mortuo interim Podiebradio, Mathias alios inter competitorum Bohemicam Coronam petiit. At prævalente Hussitarum multitudine, cui erat exosus, repulsam passus electo Uladislao, Regis Poloniæ filio, 15. vix annos nato. Quare Hungari Bohemis irati, incendiis ac prædatione plures ad obsequium flexere.

Sed dum Mathias alienam Coronam prensat, propriæ subit periculum. Siquidem Hungariæ Proceres, tum tributorum mole gravati, tum agrè ferentes, quod Rex omnia suo solius arbitrio ageret, adversus eundem conspiratione inita adiutore Strigoniensi Metropolitâ, qui Ecclesiarum bona invadi indignè tulerat, *Casimirum*, alterum Poloniæ regis filium elegerunt. Qui cum exercitu in Hungariam veniens, *Polonicum bellum* excitavit (anno 1471.)

62.

Polonicum.

Mathias, reconciliato Strigoniensi, mox omnes, pro inconstantia gentis, ad officium revocavit, Polonosque cum Casimiro ejecit. Strigoniensem verò contra fidem datam carceri mancipavit; quo tamen eum paulò post rursus liberavit.

Pacata tunc equidem Pannonia, sed in Poloniam & Silesiam translatum bellum, ibi populatione & incendiis, hîc Uratislaviæ propugnatione gestum, donec tandem amica pace finitum est, cujus condiciones supra in rebus Bohemicis recensui, atque ex eo tempore amicitiam se se inter coluerunt Mathias & Uladislauus, & adversus Cæsarem arma sociarunt.

Et hæc sanè labe est Mathiæ, quod versis in Christianos armis adversus juratum orthodoxi nominis hostem segniùs bellum gesserit, Jaizam in Bosnia expugnare, munimentum, quod Turcæ novum exstruxerant, demoliri, atque fines aliquibus præliis defendere, contentus. Neque hæc alio pacto egit, nisi grandi stipendio à Pontifice & Venetis numerato. Quo cessante, acinacem vaginæ reddidit.

Obiit Viennæ anno 1490. horrendos inter ejulatus & rugitus, vel ipso Bonfinio Italo teste, qui hunc heroem suum, in cujus domesticos largo stipendio assumptus fuerat, ceu Principem incomparabilem, & alterum Alexandrum, omni ornamentorum genere reddit celebrem atque conspicuum. Vixit annos 49. regnavit 32. Primam conjugem duxit Podiebradii, alteram Ferdinandi Neapolis Regis filiam. Sed nullam ex iis prolem suscepit, relicto duntaxat filio, illegitimis natalibus orto.

63.

Obitus.

Bonfinius.

Bene tamen de Hungaria est meritis, quam in Austriam & Bohemiam protulit, civilibus moribus imbuït, & Episcoporum Procerumque ope optimis institutis temperavit, indicto anno 1486. Budam

celeberrimo Ordinis utriusque conventu, cujus placita operæ pretium videtur, breviter referre.

ARTICULUS IV.

Conventus Budensis sanctiones anno 1486.

64.

Quia per absentiam Regis, in externa bella distracti, Pannoniæ in latrocinia aliisque scelera passim ruebant, cuivis comitatui in flagitiosos, fures, prædones animadvertendi potestas facta est. Constituta judicia, ultra quæ causarum definitiones prorogare non liceat. Potiores autem ex nobilitate sint iudices.

Sacerdotibus de perjurio aut crimine falsi convictis gravis pœna statuta. Nam sacro extemplo munere abdicari jubentur. Abbates & præpositi, severiori vitæ innexi in nulla re à religionis suæ institutis desciscant. Episcopi bis quot annis Diœcesin suam visitent. Si abfuerint, per vicarios boni pastoris officio fungantur.

In judiciis non reo, ut hætenus, sed actori & testibus iuramentum deferatur. Si diversa sint testimonia, penes judicem esto, cui parti deferendum. Cum Ungaris mos esset, deficientibus probationibus singulari certamine causam definire, hic abusus antiquatur. Qui privilegium impetrârunt, ut à solo rege judicentur, jurisdictioni ordinariorum iudicum subiaceant, comitibus tantum quibusdam exceptis.

Dolo malo nihil impetretur. Donationes, præter morem regni factæ, rescinduntur. Oppignorata bona dominis, facta solutione, sine fœnore reddantur. Pro usuræ autem multa fœenerator tantum solvat, quanti oppignorata olim bona æstimantur.

Matronarum dotes ratæ semper ac salvæ sũnto. Ne actor reum Nobilem anathemate feriat. Damna nobilibus & proceribus inferri vetantur. Milites pabula & commeatus vendentibus solvant: si vi rapiant, apud iudices aut Regem luant. Et præfectus, si licentiam non represserit, ipse satisfaciat. Ne quis soluto jam exercitu & data missione, in alienis possessionibus immoretur. Et quicumque ex militari mora detrimentum acceperint, à militum præfectis præstentur indemnes. Si præfecti aut iudices in dicendo jure ignaviam aut negligentiam commiserint, ad Regem provocare liceat, qui læsum indemnem præstare debet.

Polonis aut Venetis nemo bonorum quidquam vendere aut oppignorare potest. Si clientes à patronis in aliquo munere constituti alios læserint, patroni satisfacere debent. Sin verò in munere non sint constituti, ipsimet luant, nullamque opem à patronis accipiant. Patronis verò datur potestas, clientes facinorosos in vincula conjiciendi, atque ad satisfactionem adigendi. Si verò hi iniquè secum actum causentur, vocato in juspatrono, causa judicetur. Si cliens alterius servitio se addicat, is eum ocius dimittat.

Ne portoria plus æquo exigantur, comitatum præfecti invigilent. Ne quis gubernator aut præfectus provinciæ, Palatinusve, in Basilicas, Abbatias, & Præposituras, à Regibus quondam fundatas, donatasque aliquid audeat aut disponat. Qui facinorosum captum dimiserit, aut villicum abduxerit, aut invitum remoratus fuerit, luito. Decimarum controversiæ ad Regale judicium revocantur.

Rex neminem ex prima querela aut delatione, Procerumve consilio damnet, donec à conventus præfecto, ejusque Nobilibus rem liquidò fuerit edoctus. Reum violatæ Regiæ fidei per dies 15. licet retinere, & pro eo apud Regem agere. Sin aliter fecerit, Reipublicæ hostis habeatur. Fures, sicarios, homicidas, latrones, incendiarios, litterarum aut monetarum falsatores, domi nemo excipito: sed præfecto aut judici tradito. Qui contrà fecerit, ejus domus & fortunæ fisci sunt. Qui pro his arma sumpserint, poenas, quas illi debent, pendunto.

Fodinas auri argentique, item salis ac metallorum, quæ in privatis possessionibus inveniuntur, Rex citra æquam compensationem non accipito. Si nihil rependere voluerit, earum jus omne fructusque possessoris esto. Quicumque hominem interfecerint, capitalis esto. Ubicumque deprehensus fuerit, ex Regni consuetudine conventus præfectus judicesque de eo poenas sumunto. Si verò ex inopinato quem necaverit, reo, cæsiq; cognatis causæ componendæ jus esto.

Ad inhibendas futes frivolasque appellationes edictum: quicumque ad Regem provocarit, si succubuerit, geminatas litis expensas pendito. Qui autem injusta judicia queritur, ad Regem aut Prætozem provocato; si succuberit, eas, quas judices damnati debuissent, poenas expendito. Convictus in judicio capitis, mox ad judicem ductus in vincula conjicitor: dies tres concordiæ gratia detinetor: re non composita, in adversarii manum traditor, ut legitime ab eomet poenæ exigantur, quæ à corpore & rebus in eo de-

prehenſis jure dari poſſunt, in uxorem, liberos, ſorores, cognatos, poſſeſſionésque nihil ultra animadverti poſſit. Filius pro paterno facinore nec corpore nec re poenas ullas luito. Vicis ſacris abſque privilegio Regis poſſeſſiones tenere non licito.

Qui ſedem judiciariam violaverit, mox aureos centum expendito. Per conventus omnes, qui juri dicundo præſint, diſponuntor. Conſulto ſenatu Rex præfectos ex proprio quemque conventu deligito, qui unà cum judicibus ex nobilitate delectis juſ dicat.

Nullus miles templorum oſtia perfringere, aut quidquam hinc rapere audeto. Si qua ſacellis vis illata fuerit à milite, præfectus turmarum pro his poenas dato, poſſeſſionésque illius ærario cunctæ cedunto. Si inopia juſſerit, accito ſtatim pagi judice, ſacerdotëve, condita in templo cibaria præſtituto æquo pretio militi venduntor. Archidiaconorum & Plebanorum nemo, præter uſitata funeralia, ultra quidquam pro ſepultura exigere audeto. Si exegerit, ſacris ex templo beneficiis abdicator.

Conventus cujuſque impenſæ collatitia pecunia perſolvuntor, Neutra litigantium pars armata judicium adito; quin & nundinæ, mercatus, fora ſunto inermia. Qui cunque optimatum nobiliũmve judicem in dicendo jure, aut exequendo impedierit, infidelis eſto. Qui villicos ſervósque habuerit, qui judicium interceperint, cósque quamprimum in manus præfecti non tradiderit, centenisaureis multator.

Judices ordinarii legtimíque definiti, videlicet Palatinus, Prætor, quem judicem curiæ nominant, ſecretarium ſeu cancellarium; Prætor autem poſt Palatinum Regis perſonam refert; & cum Protonotariis juri dicundo præſt. Vaivodas autem Bannósque Sclavoniæ inter ordinarios Regalis fori judices numerandos non eſſe decernitur. Quicunque temere & inaccessitus curiam judicum intraverit, centum auri nummos ſolvito. Cauſidici ultra 14. non ſunto.

Qui privilegia populatione, raptu, incendiõve amiſerit, ad 60. annos actionem habeat. Nullus judex injuratus ſuum munus obito. Præſcripta inſuper jurisjurandi formula. Præſcriptus redimendis litteris curialibus modus &c.

Neque tantum leges iſtæ in conventu Budenſi ſunt latæ, ſed rex etiam ipſe poſt Beatricis Neapolitanæ adventum mores ac vivendi normam mutavit. Nam prius populariter abſque omni pompa, aulæque apparatu familiariter vivebat, prandebátque, permiſſo facili cuivis acceſſu. At poſtea ſplendidiora omnia & magnificentiora ex Reginæ voluntate eſſe voluit. Eximios artifices ex Italia magno
lum-

sumptu evocavit, pictores, statuarios, cælatores, aurifabros, lapicidas, architectos, cultores hortorum, musicos, grammaticos, poëtas, rhetores, philosophos, mathematicos, jurisconsultos, & cum iis liberales artes scientiarumque disciplinas rudi antea genti in-
vexit.

Ad Religionis etiam curas conversus Mathias, induci nunquam potuit, ut fides, à septingentis jam & ultra annis in Hungaria constanter conservata, per novellos errores inficeretur. Irreperant equidem eo regnante ministelli quidam & præcones Hussitici furfuris; sed vado tantum tentato; cum transitum nimis difficilem reperissent, quiescendum sibi statuerunt.

Cum enim liberum sectæ suæ exercitium à Rege petiissent, interrogati, quænam esset illa Religio, quam afferrent. Dicentibus, illam esse, quam DEUS sanctissimis viris, Joanni Hussio, & Hieronymo Pragensi revelasset, ergo, inquit Rex, nova est illa religio, quam in Regno meo disseminare cupitis, & contraria illi, quæ in hoc Regno semper viguit, ab eo tempore, quo Christiana fides S. Stephano Regi primum annuntiata fuit: uti etiam illi, quam Catholica Ecclesia per totum terrarum orbem amplectitur? Atqui ferre ego nec possum, nec debeo, ut populum meum seducatis. Nec mora jubet istos novos Evangelistas Budà educi, & cum libris suis in tertam vivos defodi. Cujus supplicii severitas id effecit, ut id genus homines eo vivo deinceps Hungariam ingredi non auderent.

ARTICULUS V.

Schema Rerum sub Uladislao & Ludovico.

Mortuo Mathia quatuor magni competitores diadema ambiebant. 1. Fridericus Cæsar pro se aut Maximiliano filio, 65. Uladislao.
successionis pacto nixus, cum Mathia inito, ubi hunc absque legitima prole mori contingeret. 2. Albertus Casimiri Poloniæ Regis filius. 3. Uladislao Alberti frater Rex Bohemiæ. 4. Joannes Corvinus Mathiæ filius, haud dubiè successurus, nisi natalium vitio laborasset. Certè Procures quidam etiam armis correptis, illatoque bello ejus partes sustinere nitebantur.

Electus nihilominus est plurium suffragiis Uladislao Bohemiæ Capitula-
Rex, Ladislai Posthumi ex sore nepos, hoc pacto, ut privilegio.
Pro-

Procerum confirmet, ad Regni leges & consuetudines regat. Tributa nimia, à Rege Mathia imposita, moderetur. Austria, Moravia, Silesia, Lusatia, à Mathia coronæ Hungariæ unitæ, absque consensu optimatum ne alienantur. Si provinciæ illæ redimerentur, pecunia in publicos Regni usus expendatur ex senatus consulto. Rex maxima ex parte in Hungaria resideat. Regni officia Hungaris & non exteris committantur. Et quæ sunt id genus plura.

66.
Bellum
fraternum.

Reliqui tres competitores spes suas bello sunt persecuti. Corvinus cum factione sua amplissimis promissis fuit tandem placatus. Albertus, quem prima comitiorum die quidam ex vulgo tumultuaria exclamatione Regem dicebant, cum Polonico exercitu in Pannoniam adversus fratrem venerat, pluresque urbes vi aut deditione ceperat; sed dum utriusque fratris exercitus ad prælium accinctus stabat, amico denique colloquio res fuit composita, persuasusque Albertus, ut cum copiis suis rediret.

67.
Cum Max.

Potentissimus competitor erat Maximilianus Rex Rom. qui pacta cum Mathia Rege de successione inita postulavit impleri. Cumque iis se non teneri legato respondissent Pannonenses, jus suum armis asserendum ratus, delectu habito, iisque, quæ ex belli usu sunt, apparatis, primo Austriam, ejectis Hungarorum prædiis, recepit, tum verò in Pannoniam descendit, ubi occupatis compluribus munitis urbibus, ipsaque Alba Regali, Uladislaum ad petendam pacem adegit.

68.
Pax.

Cum enim is undique bello peteretur, ab Oriente & Meridie à Turca, Hungaricis discordiis in rem suam solerter uso; ab Occidente à Maximiliano, à Septentrione à Polonis, quos Albertus adversus fratrem, violatis ter pacis conditionibus, reduxerat, seditione etiam interna passim per Regnum flagrante, cum Maximiliano in has leges pacem iniit: ut Regnum Hungariæ, Uladislao sine filiis legitimis mortuo ad Maximilianum, ejusque hæredes legitimos recidat: ut interea Regis Hungariæ titulus penes utrumque resideat: ut pro belli impensis Uladislaus Maximiliano centies mille nummorum aureorum pendat: ut Palatinatus, Provinciarum præfecturæ, ac munia tam sacra quàm profana, non nisi interposita amborum auctoritate, & jurejurando utrique dato, capi possent: ut eodem uterque amicos, rebelles, hostesque haberet, jureque societatis alter alterum bello juvaret; Germanos Hungarosque eodem loco ac honore haberet. Ne Hungaris ullis fraudi esset, quòd ad Maximilianum se contulissent: ac denique, ut omnes antistites, proceres,

ceres, Præsides, civitates, cum universa Nobilitate has Federis leges se servaturos jurarent.

Hac pace, indignantibus initio Hungaris, promulgata, copia in Albertum ductæ, prælio victum, Hungariâ ejecerunt. Mortuus que est paulò post Casimirus pater, qui eò consilia sua intenderat, ut tres filios Reges relinqueret, primum Bohemiæ, alterum Hungariæ, tertium Poloniæ. Successit Albertus, Uladislao fratre seniore ultro jus suum in Poloniam abdicante. Supererant Turcæ, qui Christianorum istis inter se bellis, ac nativo in eos odio incitati, ubique crudelem in modum sæviebant. Tractum dein cum iis bellum fortuna varia, jam ad hanc, jam ad illam partem inclinante victoria.

69.
Bellum
Turcicum.

Finem hîc (ad annum videlicet 1495) Historiæ Rerum Hungaricarum imposuit Antonius Bonfinius, Asculanus Italus, quam ab origine gentis Scythicæ inchoavit voluntate Mathiæ Regis, atque eo mortuo continuavit jubente Uladislao, cui opus suum, stylo, pro illa præsertim ætate, terso ac nitido conscriptum dedicavit.

Cæterum Uladislai, Principis optimi, uti initium, sic etiam reliquum regimen turbulentum omnino fuit, non tantum propter frequentes Turcarum incursiones, sed etiam propter crebras Procerum Nobiliumque seditiones, ac rebelliones; qui clementiam Regis ignaviam interpretati, anno 1505. votis comitalibus statuerunt, ut nullus deinceps exterus in Regem assumatur.

Rustici quoque ad 40000. in arma ruentes adversus Regem ac Rusticum. Proceres anno 1514. conspirabant, auctore Zecklero Transylvano homine. Incredibile dictu, quantas clades inaudito crudelitatis exemplo intulerint Hungariæ; donec armis victi, captoque eorum Rege Zecklero, sub jugum missi sunt.

Anno sequenti celebratus Viennæ fuit celeberrimus trium Regum congressus, Maximiliani videlicet Cæsaris, & duorum fratrum, Uladislai Hungariæ & Bohemiæ ac Sigismundi Poloniæ, Regum. In quo desponsa fuit Anna, Uladislai filia Carolo aut Ferdinando Cæsaris nepotibus, Maria verò, eorum soror, Ludovico, Uladislai filio. Proximo verò anno (1516.) obiit Uladislauis ætatis 60. Regni Boh. 45. Hung. 26. relictis duobus, quos dixi liberis.

Ludovicus II. filius, anno 1506. absque cute natus, successit, sub tutela Georgii Marchionis Brandenburgici, qui juvenem Prin-Ludovici eipem ad luxum educasse scribitur. Unde, neglecto rei militaris fata, usu, Solimannus anno 1521. Belgradum, Hungariæ clavem, facili opera eripuit, ingenti rei Christianæ detrimento. Rascianorum prodicione id factum dicitur. Expugnata dein Rhodo (anno 1522.)

Solimannus redux, cùm Hungari oblatam pacem respuerent, bellum illis rursus intulit.

Turcarum ultra 200000. sub signis fuisse memorantur, Pannorum non ultra 25000; nihilominus isti, licet adeo pauci, & Duce idoneo destituti (nam Monachum quendam bello præfecerant) prælio decernendum statuunt. Et hæc fuit infelix illa atque funesta *ad Mohazium* pugna; in qua Christianus exercitus ad internecionem ferme deletus fuit, 20000 eorum, ut fertur, cæsis, ac Rege ipso Ludovico, dum fugiens paludem cum equo transmittere tentat, in imo hærente, ac miserè pereunte (*anno 1526.*)

Illud in hoc Principe memorabile, quòd in eo natura omnia prævertisse videatur. Nam natus fuit ante cutem natam. Altero vitæ anno Rex coronatus. Decennis successit patri. 14. anno barbam est nactus. 15. anno desponsatus. 18. crines canitiem induerunt. 20. ætatis anno extinctus fuit.

ARTICULUS VI.

Schema Rerum

Sub

FERDINANDO I. MAXIMILIANO II. ET RUDOLPHO II.

71.
Ferdinandus & Joannes.

JUS Regni pertinebat ad Ferdinandum Archiducem, tum propter pacta, jam inter Fridericum III. Cæsarem, & Mathiam Regem in coronæ restitutione inita, atque anno 1515. in solenni illo conventu Viennensi ab Uladislao Rege rursus confirmata, tum maxime, quia conjugio sibi habebat junctam *Annam*, Ludovici Regis, absque prole defuncti, sororem unicam; ex qua omnes posteriores Archiduces, Germanicæ lineæ, descendunt.

Nihilo tamen secius Hungari quidam *Joannem de Zapolia*, Comitem Scepusium, Transylvaniæ gubernatorem (Vaivodam dicunt) Regem elegerunt (*anno 1526.*) pars autem major & sanior Ferdinandum Regem promulgavit (*1527.*) qui jura sua armis profecutus, occupata Buda, cum pluribus aliis urbibus, atque reportata insigni

victo-

victoria, Joannem in Poloniam fugere coëgit (*ead. anno 1527.*) ubi à Sigismundo Rege frustra auxilia petiit.

Ad Turcas igitur, hortatu Hieronymi de Lasco, Poloni, con-
versus, à Solymanno opem implorat, qui eo pacto addixit, ut Re-
gnum tributarium clientelari jure à se accipiat. Hanc turpem con-
ditionem ubi ratam Joannes habuit, barbarus, jam aliàs à repetito
per Ferdinandi legatos Belgrado irritatus, turbinis instar totam Pan-
noniam emensus, irrupit in Austriam, ac Viennam obsedit (*anno*
1529.)

In secundum mensem tenuit illa obsidio; 70. assultus tentati. At
urbem strenuè propugnante Philippo Palatino, amissis viginti Turcarum
millibus recedere coactus est. Culpa in Ibrahimum Vizirium conje-
cta, quòd Sultano persuasisset, urbem non admodum munitam abs-
que tormentis majoribus expugnari posse, modò celeritate usi impro-
visos invadant. Ut tamen sui memoriam relinqueret, vineas agròsque
populatus, multa Christianorum millia in servitutem abstraxit. Con-
firmato subin Budæ Joanne Rege precario, Vizirio verò strangulato,
Byzantium rediit.

Trahebatur interea bellum inter Ferdinandum & Joannem: ille
per Rogendorium incassum Budam obsedit, hic Strigonium; non
alio operæ pretio, quàm ut provinciæ vastarentur, ac multa mortali-
um millia in captivitatem Turcicam abducerentur (*anno 1530.*)

Sequenti anno Solimannus, ut partes Joannis labantes fulciret,
immanem rursus 300000 in Hungariam duxit exercitum. Sed cùm
Carolus V. 90000 peditum & 30000 equitum ad Viennam collegisset,
soluta Strigoniensi obsidione præcipiti fuga in Thraciam se recepit.
Ut tamen more suo sanguinea relinqueret vestigia, 15000. immisit,
qui provincias vastarent; quos prope Lincium deprehenso Frideri-
cus Palatinus ita concidit, ut ne nuntium quidem cladis relinqueret.
(*anno 1532.*)

Cùm autem Joannes cerneret, societatem suam cùm Turca
Hungaris esse invisam, atque ad nihil aliud proficere, quàm ut re-
lictò sibi regis simulacro, Christianorum cladibus ac servitute Maho-
metani crescerent, *anno 1535.* cum Ferdinando Rege his conditio-
nibus pacem iniit. 1. Uterque Regis nomen retineat, & in posses-
sione eorum, quæ habet, relinquatur. 2. Post mortem Joannis tota
Hungaria Ferdinando, aut ejus hæredibus obtingat. 3. Si Joannes
filium relinqueret, illi Principatus Transylvaniæ cum aliis quibusdam
bonis ad sustentationem tradatur.

Duobus ante mortem annis (1538.) Joannes nuptiali foedere sibi junxit Isabellam, Sigismundi I. Poloniæ Regis filiam; ex qua genuit *Joannem Sigismundum*, magnarum deinceps discordiarum furculum. Huic pater paulò ante mortem, quam oppetiit anno 1540. testamento tutores dedit, Georgium Martinucium, Episcopum Waradinensem, & Petrum Petrovitium propinquum suum. Testamenti autem executorem designavit Solimannum, hostem professum Christiani nominis.

74.
Turcarum
progressus.

Optata hæc erat barbaro occasio nutriendi dissidia & diripiendi Hungariam, præsertim ubi Georgius (ut fertur) Isabellæ persuaserat, ut filium suum Turcarum protectioni committat. Cum igitur Ferdinandus instaret, ut Isabella ex pacis conventionione, cum Joanne inita, sibi Hungariam cedat, atque, ea detrectante, Budam obsideret, Turcæ accurrentes obsidionem solverunt. Tum verò Solimannus infantem Joannem Sigismundum, sub prætextu eum videndi, in castra deferri voluit. Qua occasione Turcæ irrumpentes, urbem dolo ceperunt; adhibitis mandatis, ut mater cum filio in Transylvaniam se recipiat, Hungariamque in Turcarum manibus relinquat, donec iste adolescat.

Neque hîc stitit barbarorum furor; nam anno 1542. præter plura minora loca occupârunt Strigonium, Quinque-Ecclesias, & Albam Regalem præcipua tunc Hungariæ munimenta, præsidii ubique immaniter trucidatis. Anno 1544. Vicegradum periit. Anno verò 1545. factæ sunt induciæ. Quibus denuo ruptis anno 1551. Segedinum, sequenti verò Agriâ frustra tentatâ, Temesvariam, Lippam & Zolnocium expugnârunt. Anno 1554. Busbequius Constantinopolim missus ad componendam pacem, non eo, quo decuit, honore fuit exceptus.

Solimannum quippe inflabant victoriæ, quas Christianorum ei pepererant dissidia. Cum enim Joannes de Zapolia in Hungariam adversus Ferdinandum eundem accivisset, eique moriens filium suum Joannem Sigismundum velut in tutelam obtulisset, abeuntem in partes Hungariam facilè & suis & civilibus armis vicit. Præsertim cum accederent Isabellæ cum Turcis foedera, & Georgii Martinucii factiones, quibus Pannoniam versabat.

Nam is modò Isabellæ, modò Ferdinandi partes secutus, cum adversus hunc, (cujus favore Archiepiscopatum Strigoniensem & Cardinalis dignitatem assecutus fuerat) rursus res novas moliriparetur, jussu Castaldi, qui Cæsareanum exercitum ducebat, esset interfectus; jure an injuria id factum, utrinque disceptatum. Erat

Martinu-
cius.

tenui

tenui admodum fortuna natus. Dein Monachus, subin Episcopus Varadinensis, postea Archiepiscopus Strigoniensis, ac S. R. E. Cardinalis, Religionis tutela, idemque bellidux peritissimus, cæsis sæpius Turcis inclitus, Hungariæ ac Transylvaniæ veluti gubernator, maximæ in utraque authoritatis, ut adeo Ferdinandus & Solymanus certarent, quis ejus amicitia frui queat.

Exacta subin Isabella è Transylvania, in Poloniam ad patrem Sigismundum fugit; verum anno 1556 inde cum filio revocata Ferdinando Transylvaniam denuo eripuit, eamque ad mortem usque detinuit. Obiit autem anno 1560.

Cum verò post mortem Ferdinandi Cæsaris Joannes Sigismundus fracta pace Zatmariam occupasset, Maximilianus II. misso Lazaro Svendio plura Transylvaniæ atque Hungariæ munimenta recuperat. Quod cum Solimannus ferret ægerrimè, ultimam in Hungariam expeditionem suscepit. Verum dum Sigethum obsidet, apoplexia tactus, periit, anno 1566. ætat. 70. Imp. 46. juratus, si quis alius, Christianorum hostis, quos gravissimis cladibus afflixit, prolato in omnem partem Ottomannorum Imperio.

Bassa interea, seu Præfectus Ottomannici exercitus, morte Sultani clam habita, obsidioni Sigethi vehementer instat, eamque amissis 20000. Turcarum tandem expugnat, Nicolao Serinio strenuè eandem propugnante, donec cum paucis residuis præsidiariis eruptione facta Hungari omnes concisi sunt, cruenta omnino barbaris relicta victoria.

Pactis dein in octo annos cum Selymo II. Solimanni filio induciis, hic Cyprum Venetis eripuit. In Transylvania autem, in quam variorum hæreticorum, Arianorum præcipuè, colluvies sub Joanne Sigismundo, vecorde Principe, irruerat, hoc (anno 1571.) mortuo ad Principatum evectus est Stephanus Bathorius. Qui anno 1574. electus Rex Poloniæ Transylvaniam reliquit Christophoro Bathorio, fratri suo. Cui anno 1581. successit filius Sigismundus, cujus inconstans planè & turbulenta vita fuit.

Initia quidem laude sua non carent; nam duxit Christiannam Archiducis Caroli Styriæ Ducis filiam, atque cum Rudolpho Impera- aliq̃ue hæretici, convocatis Claudiopolim comitiis 14. eorum capitibus damnavit.

Tractis subin in foederis societatem Valachiæ & Moldaviæ Principibus, anno 1595. Turcas aggressus, 5000. eorum cecidit, totidem Christianis captivis in libertatem assertis,

Pertæsus postea turbarum, quas seditiosi hæretici identidem movebant, anno 1596. Pragam profectus, Transylvania Principatum Rudolpho Cæsari obtulit, atque pro eo Oppeliensem in Silesia Principatum anno sequenti recepit, coactis Transylvanis Rudolpho præstare homagium. At vix bimestri in Silesia exacto mobilis Princeps in Transylvaniam regressus, reclamantibus nequicquam Legatis Cæsareis ab Ordinibus est receptus.

Verùm vix annus abiit, cùm homo versatilis Principatum Andreæ Bathorio Cardinali, patrueli suo, cessit, sub ea conditione, ut 25000. aurei annuatim sibi pendantur, remissâque in Styriam conjuge, in Poloniam secessit (*anno 1599.*)

Displicuit ea res Cæsari & Valachia Principi. Quare Andream bello adorti, commissâ ad Cibinium pugna, victoriam reportârunt, cæso ipso etiam Andrea, anno ætatis 33. cùm vix trimestri spatio fasces gestâset.

Dum autem victores de Transylvania contendebant, redux è Polonia Sigismundus tertio Principatum adiit. Sed prælio fusus à Basta, Cæsarei exercitus Duce, Transylvaniam Rudolpho cedere coactus est, reservata sibi pensione 50000. aureorum (*anno 1602.*) abductusque in Bohemiam, cùm res novas rursus moliri crederetur, Pragæ in custodiam datus, anno 1613. ibidem obiit, rerum humanarum vivum exemplum.

77.
Rud. Bel-
lum Turc.

Interea novum sub Rudolpho II. Cæsare bellum Turcicum in Hungaria erupit, per 15. omnino annos sub tribus Sultanis gestam, ab anno videlicet 1591. ad annumusque 1606. quippe Amurathes III. finito Persico bello, ex finitimorum Croatia & Dalmatiæ offensionibus occasionem captans, bellum Cæsari indixit, ejus legato contra jus gentium ad triremes abducto.

Et quidem anno 1593. gemino memorabili prælio cæsi sunt Turcæ, altero in Bosnia, ad Albam Juliam altero. Sequenti verò anno Mathiæ archiducis ductu Vicegradum illis ereptum, Strigonio frustra tentato, & Jaurino amisso. Hardeckius & Perlinus Viennæ ob præproperam deditionem capite plexi. Fortius & constantius Comorra restitit.

Anno 1595. Duce Mansfeldio cæsis 14000. Turcarum expugnatum Strigonium. Multa quoque millia eorum confusa à Transylvanis & Valachis. Dux utriusque exercitus, Mansfeldius nempe & Sinan Bassa, eodem anno extinctus, ille profluvio, hic tædio & rei malè gestæ dolore.

Igitur Mahometes III. fortius acturus, anno 1596. 200000. adduxit exercitum, eoque Agriam expugnat. Christianus autem miles, Duce Maximiliano Archiduce, insignem victoriam jam in manu habuit, cæsis in acie 20000. Turcarum. Verum dum nostri prædæ cupidine hostium castra & tentorium Sultani diripiunt, Turcæ à fuga reversi, atque imparatos adorti ingentem stragem edunt, cæsis 10000; atque hac ratione victoribus prædam, gloriam, & victoriam extorquent.

Maculam anno 1597. eluit Schwarzenbergius, astu & virtute recepto Jaurino, fortissimo Hungariæ propugnaculo. Non tamen eadem felicitate anno 1599. cœpta Budæ ac Albæ Regalis obsidio. Vices Turcis Varadinum redhibuit, ad quod frustra obsessum confecta sunt cornua.

Infeliciores Christianis fuit annus 1600. amissa Pappa Gallorum culpâ, & (quod ingens detrimentum) Canisia, noxa Paradisii, quam Viennæ capite luit. Neque anno sequente Canisia obsessa recuperari poterat, per centum ferme annos in harpyarum unguibus hæsurâ. Recepta tum quidem per Ducem Mercurium Alba Regalis, sed proditione Germani præsidii altero mox anno (1602) in barbarorum manus relapsa. Frustra etiam rursus tentata Buda. Annum verò 1603. feliciorum reddidit victoria, cæsis 70000 Turcarum relata.

Tractum subin bellum, datis & acceptis cladibus; donec amisso Strigonio anno 1606. pax tandem est subsequuta. Rudolphum inter Cæsarem, & Achmetem I. sultanum.

ARTICULUS VII.

Status Ecclesiasticus Hungariæ ordinatus per Concilia & alia media.

Hungaria, in immensam atque perpetuam planitiem diffusa (nisi quâ Poloniam ac Transylvaniam respicit) uti soli fertilitate, pecorum copia, metallorum venis, ac martia gentis virtute præcellens, regiones alias omnes aut æquat, aut superat, ita jam inde à S. Stephano Rege, religione orthodoxa, ac præcipuo in cælitum Reginam (quam *Magnam Dominam* appellant) cultu per quingentos & ultra annos eximie floruit.

78.

Hæresis in
Hung.

At verò sæculo XVI. dum hæresis alias provincias miserè devastavit, in hanc quoque grassata, calamitosas animarum strages edidit. Occasionem fecere tum Otomanni irruptiones, tum interna, quæ dixi, dissidia, ac bella civilia, tum milites, ex infectis Germaniæ provinciis conscripti, atque adversus Turcam in Hungariam ducti.

Quippe, dum cæso ad Mohacium Ludovico Rege, dissidentibus Procerum studiis Regnum pars ad Zapolyam, pars ad Ferdinandum defert, atque ille Solymannum in opem evocat, (recrudescente etiam sub Joanne Sigismundo impio facinore) immensa bellorum seges assurgens, utramque Rempubicam in supremum discrimen adduxit.

79.

Sacerdotia
direpta.

Nam & Turca maximam Hungariæ partem barbaro jugo pressit, & Novatoribus facile fuit torrentis instar irrumpere, ac miserandam Religioni faciem inducere. Mox etenim à Lutheri exortu per Michaëlem Statium, Melanchtonis discipulum, error irrepfit; qui per diuturna illa intestina bella in immensum crevit: dum extinctis Episcopis, veteranis Ecclesiarum custodibus, sacerdotia diriperentur. Quinque Ecclesiensi, Agriensi, Varadinensi, Chanadiensi, Nitriensi, ac Jauriaensi, à profanis hominibus & militaribus in prædam raptis, aut in firmamentum novarum sectarum traductis. Eandem ruinam subierunt sacra cœnobarum domicilia; constâtque tum ex iis, tum ex Episcopatibus aliisque Ecclesiarum fundis plùs quàm decies centies millè florenùm fuisse alienata.

80.

Misera fa-
cies.

Cùm igitur pauci ampliùs superessent Pastores, qui luporum irruentium rabjem ab ovili Christi repellerent, iique turpi incertitia laborantes, atque sacrilego concubitu inquinati, susdeque euntibus rebus nostris, brevi tempore hæreticam se Hungaria, tot quondam sanctorum altrix, est mirata.

Ministellorum contrà greges undique volitabant, aureum liberatis nomen, novique Evangelii dulcedinem, velut escam hamo præfixam, objectantes. Erectæ errorum schoiæ. Biblia corrupta ab iis in patriam linguam versa. Missi in Saxoniam pueri, ut insanire discerent, atque inde reversi eandem insaniam populares docerent. Immissi pestiferi codices. Militares quoque copiæ, perpetuis urgentibus bellis ex infectis quoque provinciis collectæ, atque Hungariæ infusæ, perversa secum dogmata, & sacrorum stragem inferebant. Quod tum maximè factum est, cum Mauritius Saxo, Lazarus Sventidius, Tieffenbachius, aliique Lutheranæ professionis Duces, acatholicum militem, sacra omnia sacrilego furore devastantem, Hungariæ induxerunt; & expulsis passim Catholicis Pastoribus Lutheranos intruserunt.

Quibus

Quibus sanè rebus effectum, ut non plebejæ duntaxat mentes, sed nobiles quoque, duce Perennio, passim abjecta Religione, nova commenta sectarentur. Præsertim, ubi ad Lutheranam, Calviniana etiam & Ariana lues accessit, ne una tantum peste immortales animi perirent.

Et hæc erat fatiscentis Hungariæ sæculo XVI. tristis undique facies. Opposuit equidem Rex Ludovicus surgenti ruinæ suam auctoritatem, bonorum proscriptionem & ignes minitatus. Sed eo sublato, conversis ad arma animis, nemo erat, qui rogos accenderet. Rex quoque Ferdinandus omni, qua poterat, operuentem sustinere est nifus Rempublicam, decretis interpositis severè cohibens novandi licentiam; sed inter perstreptentium armorum fragores haud facilè exaudiebantur legum voces, vim apertam aut ad hostes transitum minitantibus sectariis.

Aliam igitur viam ingressus Princeps, restaurandæ Religionis ardens desiderio, communicato cum Nicolao Olaho, Strigonienfi Antistite, consilio, accedente etiam summi Pontificis hortatu, *sacras synodos*, consuetum arduis in rebus remedium, convocari curat.

Geminas Olahus vir probitate ac doctrina singulari, *Tyrnaviam* convocavit; primam anno 1560. in qua actum de clericorum corruptis moribus, unde religionis ruina, ad honestatem, catholica sanctimonia dignam, revocandis, atque deinceps non nisi integris pastoribus atque optimis pascendo gregi catholico præficiendis.

Alterum parochorum omnium & sacerdotum Concilium, cui etiam nonnulli Episcopi intererant, celebravit, ibidem anno sequente; sancitque sunt canones adversus clericos concubinos. Pauci siquidem ex sacerdotibus & curionibus erant, quibus non sua domi muliercula esset. Jussi proin à sacro Concilio, exturbatis pellicibus castius vivere, morem gessere, uno duntaxat refragante; quem, ut exstaret severitatis exemplum, quo cæteri coërcerentur, Olahus Archiepiscopus de gradu dejectum, & fidelium communionem motum, Diocesi fuit excedere.

Concepta pariter decreta in eos de clero, qui hæresi erant infecti, quorum multi in illa vivendi licentia vagabantur. Denique, cum quidam conscientia maculas Sacramento pœnitentia nunquam eluerent, quod existimarent, sacerdotibus sufficere illam confessionem, quam, dum sacris operantur, initio Missæ quisque pronuntiat, his quoque erroribus & abusibus salubriter itum est obviâ.

Cum autem saluberrima hæc instituta in tanta religionis ac morum corruptela non admodum proficerent, redeunte post medicinam Societatis,

81.
Reges se
opponunt.

82.
Synodus
Tyrnavien-
sis I.

83.
Synodus
Tyrnav. II.

84.

Adventus

consumptam morbo. Aliud Ferdinandus cum Olaho iniit consilium, advocandi videlicet Patres Societatis Jēsu, quorum labores, quos ex Instituti sui ratione suscipiunt, ad hæreses & scelera extirpanda, utiles in aliis provinciis noverant.

Communi igitur studio & opera collegium fundare Tyrnaviæ aggressi sunt. Verum cum post Ferdinandi mortem summa inopia premerentur socii, nullaque spes affulgeret, è variis difficultatibus emergendi, solutum est; nec eò rediēre ante annum 1615. suscepta tamen, nulla stabili sede, in Hungariam altera profectio anno 1579. Georgii Draskovicii Jaurinensis Episcopi voluntate, qui postea anno 1586. collegium Sellienſe Societati fundavit, attributa ex Rudolphi Cæsaris voluntate Thurocienſi Præpositura; quæ labentibus annis ad collegium Tyrnavienſe fundandum fuit translata.

85. Hic Præsul, quem præcellentia merita; uti ad alias in utraque
Concilium Republica dignitates, ita ad sacra purpuræ honorem evexere, Reli-
Jaurinense. gionis & Ecclesiasticæ disciplinæ restituendæ ardore flagrans, eodem
anno 1579. *Jaurinense concilium* indixit, quod 80. varii ordinis Præ-
sules celebrabant. Actum in eo de sacerdotii augusto munere: de
Ecclesiasticorum cœlibatu, de hæreticorum conversione, aliisque pa-
triæ juvandæ remediis.

86. Sed Hungariæ nihil hoc eodem anno 1579. accidit utilius, quàm
Collegium quòd Romæ adolescentium Hungarorum collegium à Gregorio XIII.
Hung. Stephano oratore nostro adnitente, est institutum; ut in ea littera-
rum & probitatis palæstra heroës formarentur, toti Hungariæ futuri
emolumento multò maximo.

Monasterium quoddam prope desertum huic usui attribuere vo-
lebat Pontifex; sed cum hoc invidiæ fore obnoxium crederetur,
collegio Germanico, nuper admodum fundato, adjectum est, quod
deinceps collegium Germanicum & Hungaricum appellaretur, cura
illius & administratione Societati nostræ commissa. Nec spes fefel-
lit; cum ex eo plurimi prodierint Præsules, rebus deinceps pro Ec-
clesia gestis insignes.

87. Placuit etiam DEO veritatem Orthodoxam circa Eucharistiam
Miracu- evidenti miraculo signare. Nam anno 1591. mense Septembri Judæus
lum. quidam Leo nomine, ad Christianam Religionem se conversum simu-
lans, Pragæ è templo Patrum Franciscanorum tres hostias consecra-
tas abstulit, easque Pisonium in Hungariam detulit, ibique duabus
Judæo venditis, cum tertia Nickelspurgum perrexit, monitisque Ju-
dæis, qui frequentes convenerant, deliberatum, quid faciendum.

Tan-

Tandem unus illorum cultrum arripit, eumque in hostiam defigit, inquiens, si tu es DEUS, age, signo demonstra.

Vix ictum intorserat, cum ecce! copiosus sanguis ebullit, & eodem fere momento domus, in qua erant congregati, fulmine tangitur, & una cum plerisque cœlesti igne absumitur. Tres tantum semiusculati evaserunt, Divino consilio & suæ malitiæ, &, quod viderant, miraculi testes. Quibus, crimen fassis, cutis detracta, & corpus stipiti suffixum fuit. Hostia verò cum mensa, cui erat imposita, in incendio illæsa ab igne permansit: cultri ictum præferens. Atque innumera populi accurrentis multitudine inspectante, collecta, & asservata fuit. Evidentia patrati miraculi nec à Sacramentariis negari poterat; & aperire debuisset mentis oculos, nisi ad tam claram lucem cæcutire ultro maluissent.

Ipsis etiam Turcis major in sacram Eucharistiam quam Sacramentariis hæreticis fuit reverentia. Sic Budensis Bassa hominem, qui in Quinque-Ecclesiensi templo S. Eucharistiam ad pedes projecerat, fustuario non leviter multari iussit. De cætero etiam apud Turcas Catholicis major erat securitas & Religionis libertas, quam apud hæreticos. Nam in urbibus à se captis templa & altaria integra relinquebant, nec sacra nostra prohibebant. Cum autem hæretici à Bassa Budensi religionem suam exercendi libertatem, & templa aliquot petiissent, interrogasse fertur, an forma ista religionis Mathiæ aut Ludovici Regum temporibus usitata fuerit in Hungaria? Negantibus, noster, inquit, Imperator & Dominus in suo Imperio nihil novi vult introduci. Vobis ego suaserim, ut ad pristinos ritus redeatis.

C A P U T III.

Status Ecclesiasticus Transylvaniæ, Poloniæ, Sueciæ,
Daniæ Sæc. XVI.

S U M M A R I U M A R T I C U L U S I.

Status Transylvaniæ.

- | | | |
|--------------------------------|--|--------------------------------|
| 88. Dacia vetus | | 90. Hæresis irrumpit Cibinium. |
| 89. Mutationes post obitum Lu- | | 91. Horrenda deformatio. |
| dovici II. | | 92. Arianorum potentia. |

- | | |
|--|--|
| 93. Petrovitii tutoris impietas. | 102. Revocatur à Sigismundo. |
| 94. Stephanus Bathorius afflictæ
Religioni succurrit. | 103. Fœdus Sigismundi cum Fer-
dinando opera P. Carillii. |
| 95. Societatem Jesu introducitur. | 104. Datus Transylvanis proprius
Episcopus. |
| 96. Collegia ejusdem, & sacra
Missiones. | 105. Translatio Principatus in An-
dream Bathorium Cardinalem.
Ejus occasus. |
| 97. Pestis atrox operarios pleros-
que absumit. | 106. Moyſis Ariani furores. |
| 98. Stephani Bathorii obitus &
elogium. | 107. Basta restituit rem. |
| 99. Post ejus mortem hæresis re-
sumit vires. | 108. Botskaii Calvinistæ Princi-
patus. |
| 100. Consilium de expellenda So-
cietate. | 109. Altera Societatis proscriptio. |
| 101. Proscriptio Societatis, coa-
cto Sigismundo. | 110. Ragocii, & Gabrielis Batho-
rii principatus hæreticus. |
| | 111. Conciliabula hæreticorum. |

ARTICULUS II.

Status Ecclesiasticus Sueciæ sæc. XVI.

- | | |
|---|--|
| 112. Gustavus Erichson eligitur
Rex, & fit Lutheranus. | 117. Altera synodus pro asserendo
Missæ sacrificio. |
| 113. Erii fata. Ex Throno in
carcerem. | 118. Joannes Rex à Possævino
conversus. |
| 114. Joannes frater ex carcere ad
thronum. | 119. Post mortem Reginæ relap-
sus. |
| 115. Synodus Holmienſis. | 120. Sigismundus ejus filius de-
positus. |
| 116. Adventus Societatis Jesu. | |

ARTICULUS III.

Observatio de statu Poloniæ Ecclesiastico sæc. XVI.

- | | |
|--|---|
| 121. Hæresum colluvies in Polo-
niam. | 124. Conciliabula sectariorum ad
fabricandum Syncretismum. |
| 122. Parallela inter Calvinistas &
Mahometanos. | 125. Ad unitatem inducendam de
Papa inter se eligendo consul-
tant. |
| 123. Joannis Lasci conatus. | |

- | | |
|--|---|
| <p>126. Andreae Dudithii Episcopi infelix lapsus.</p> <p>127. Et Jacobi Palaeologi Domini-
cani.</p> | <p>128. Sectae frequentiores in Po-
lonia.</p> <p>129. Catholici tamen praevalent,
& magis magisque augentur.</p> |
|--|---|

ARTICULUS IV.

OBSERVATIO

De statu Ecclesiastico Daniae & Norvegiae saec. XVI.

- | | |
|---|--|
| <p>130. Deformatio Daniae quibus
mediis sit procurata.</p> <p>131. Lutherani, licet monopo-</p> | <p>lio gaudeant, ingentibus tamen
diffidiis collisi cum Calvinistis.</p> <p>132. Norvegiae deformatio.</p> |
|---|--|

C A P U T III.

ARTICULUS I.

Status Ecclesiasticus Transylvaniae, saeculo XVI.

Tetra saeculo XVI. Hungariae facies, sed Transylvaniae multò te-
 terrima. Juvat provinciae istius statum breviter adumbrare. 88.
 Transylvania (sic appellata, quòd sylvis ac mon-
 tibus in modum insulae cingatur) pars olim fuit Daciae, quae præter illam Dacia ve-
 etiam Moldaviam, & Valachiam fuit complexa. Getas etiam ac tus.
 Sauromatas Romani incolas dixere. Victi quidem armis à Cæsare
 Augusto, non tamen subacti; donec Trajanus *Decebal* eorum Rege
 bis profligato, Daciam in Romanam provinciam redegit.

Verfis subin Romanorum rebus Gothi primùm, dein Hunni ean-
 dem occuparunt. Postquam autem S. Stephanus Hungariae Transyl-
 vaniam adiecit, perpetuo nexu eidem adhæsit usque ad obitum Lu-
 dovici II. per Præfectos (quos Vaivodas dixere) à Rege guber-
 nata.

Sublato autem Ludovico Rege, cum scissis, quod dixi, Proce-
 rum studiis pars Joannem Zapoliam Transylvaniae gubernatorem, pars 89.
 Ferdinandum Austriacum in Hungariae Regem elegisset, atque ille Mutatio.

Ottomanni ope implorata, diuturno ac funesto bello Pannoniam omnem involviffet, fâncta tandem pace Ferdinandus Transylvaniam Joanni reliquit; quam post hujus obitum Solymannus Ifabellæ viduæ, Regiôque pupillo permiffit.

At Georgius Martinuzius Epifcopus Varadinenfis, ac pofttea Cardinalis, ex tenui fortuna ad gloriæ apicem eluctatus, vir religione, potentia, ingenio, auctoritate maximus, tutor pupillo à Joanne datus, pertæfus Turcici fœderis, rebus Chriftianis perniciofi, & aliunde Reginæ offenfus, Transylvaniam Ferdinando attribuit; Ifabella cum filio in Poloniam ad patrem excedente. Clafficum hoc erat, quod Turcicum Martem accenderet ad bellum, quod ultra fæculum non Transylvaniam modò, fed univerfam Pannoniam subverteret. Inita fæpius pax, quam tamen mox rurfus exitialis turbo abruptit. Quid poftmodum fub Stephano, Chriftophoro, & Sigismundo, Battoniis Principibus actum, tum *cap. 3. bujus libri 2. Art. 6. tum part. 4. pag. 134.* pro instituti ratione breviter recensui.

Jam verò, cùm status Religionis ac difciplinæ cum politico conjunctus effe folet, facili cogitatione licet afsequi, quam tot inter viciffitudines, bella, ac Reipublicæ naufragia faciem ille induerit.

90.
Hærefis.

Et quidem jam Caroli M. tempore, pars magna Transylvaniæ Chriftianæ fidei lucem afpexit, à S. Stephani autem ætate, qui cum Hungaria totam Chrifto fubjecit, aurea quinque Religionis fæcula fluxerunt: Lutheri dein ævo tempora plùs quàm ferrea.

Nam mox ab ejusdem defectione infamium libellorum mercatu Cibinium invefta peftis nobiliffimam urbem invafit, atque inde in alias partes, ut velox contagii propagatio effe folet, grandibus incrementis tranfvefta, totam Transylvaniam infecit.

91.
Deformatio.

Ludovicus equidem Rex gravibus decretis mederi fatagebat, fed conantem mors oppreffit. Succèffere bella cum Turcis cruenta, civium feditiones, facerdotum idoneorum ac magistrorum folitudines, ac frequentes ad infanientes facilegi transitus, juventutis erudiendæ & Chriftianis credendi vivendique legibus imbuendæ neglectus, Procerum denique, Ecclefiarum fpoliis inhiantium, ab antiquis facris feceffiones.

Contrà verò miniftrelli, iisque admixta hominum fccleratorum fax per urbes & oppida impiis concionibus & tumultibus tanquam ex inferis emiffæ furiaæ fanguineis veluti flagris in Catholicos furere; facras ædes diripere, coelitem imagines proculcare atque comminue-

re, tonsos vertices abradere, fronti crucis notam cauterio inurere, sacra omnia immanitate plus quam barbara polluere.

Neque hæc à Lutheranis duntaxat, patrata sunt. Nam accessit Calvinianus furor, quò nullus truculentior esse solet. Sociârunt operam Anabaptistæ, in unius Catholicæ Religionis excidium collaborantes.

Sed harum omnium longè & numero & potentia princeps fuit Arianorum secta; (quos *Antitrinitarios* vocant, quia Trinitatem Divinarum Personarum negabant) quam Georgius *Blandrata* Medicus intulerat, in Principum ac Procerum contubernia irrepens, ut, dum corporibus medetur, animas enecet. Nactus haud ignavos, sed ad malum strenuos commilitones, Faustum *Socinum*, & Franciscum *Davidem*, primò Catholicum, dein Lutheranum, tum Calvinianum, denique Arianum.

92.
Ariani.

Has inter lamentabiles Religionis ruinas à Principibus, quorum erat sacra avita tueri, nihil aut parùm præsidii. Joannes Zapólia, quamvis Catholicus, fœderi tamen Ottomannico innexus, bellorum adversus Orthodoxos majorem curam, quàm sacrorum habuit. Joannes Sigismundus filius immatura ætate afflictæ Religioni opem ferre non potuit, adolescentior noluit; quin versatilis in omnem partem, modò Lutheranum, modò Arianum se profiteri non erubuit. *Petrovitius* tutorum alter, fidei desertor, homòque planè impius, qui post Martinucii necem Principem gubernabat, furentibus faces subdidit, & effrænem licentiam auctoritate roboravit. Archiepiscoporum Strigoniensium, quorum ad provinciam spectabat Transylvania, sacra fulmina risu ac despectu fuerunt excepta. Unus erat Georgius Martinucius Episcopus Varadinensis Principis alter tutor, qui, dum vixit, sectariorum furorem cohibuit, ne in apertum prorumperet; at eo sublato nemo erat, qui impietati sese opponeret. Quin Albenibus in Comitibus publico decreto plena sectis omnibus libertas fuit permessa.

93.
Petrovitii impietas.

Atque hic erat rerum status, cùm Stephanus Bathorius, vir excellenti virtute, fide, prudentia, religione, ad Rempublicam gerendam accessit. Altum ingemuit Princeps pientissimus ad lamentabilem aspectum; móxque ad opem ferendam intentus, in omnem partem circumtulit curam. Arianos, qui primis antè tuebant officiis, aula muneribusque publicis, quantum poterat, jussit abstinere, ac velut alter Machabæus, purgatis sacris ædibus, Divinum cultum instaurare conatus est.

94.
Bathorii.

96.

Adventus
Societatis.

Cùm autem cerneret, defectu pastorum, & idoneorum sacerdotum potissimum tam præcipitem provinciæ defectionem contigisse; quòd nemo ferme esset, qui juventutem instrueret, qui verbi Divini pabulo gregem nutriret, qui sectariorum commenta aptè refelleret, Societatem Jesu, quam Viennæ noscere cœperat, sibi advocandam putavit, datis in eam rem Viennam ad Laurentium Magium Provinciæ Præsidem litteris. Neque id negotium urgere desiit, postquam Polonia ipsum ad coronam vocaverat. Sed unà cum Christophoro fratre, non minori virtute Principe, in quem Transylvania habenas transtulerat, tamdiu institit, donec votis potiretur.

96.

Collegia.

Igitur anno 1579. duodecim focii è vicina Polonia in Transylvaniam profecti, pars Claudiopoli, pars Albæ Juliæ stationem, à Principe Christophoro assignatam, occupant, sacrisque laboribus dant initium; Lelesio, qui jam antè advenerat, ad Sigismundi Principis, quem mater Calviniana pervertere nitebatur, juventutem littèrarum disciplina ac moribus Christianis informandam assumpto.

Missiones.

Jámque novis affluentibus ex Polonia, Austria, atque Italia sacris Coloniis reflorescere cœperant res Transylvanæ. Claudiopoli & Albæ Juliæ (Principum sede) erectum stabat Collegium, cum seminario juvenum, à Gregorio Pontifice & Rege Stephano fundato. Apertæ scholæ: adjecta Claudiopoli Academia: emissæ in omnes partes, quoad licuit, sacræ operæ, falces ad messem amplam gnæviter admotæ, sacræ Missionum expeditiones susceptæ, ad Sículos quoque, Temesvarinos, Valachos, & Moldavos excursum, Præfectis Turcicis haud ægrè permittentibus. Ex ea, credo, politica ratione, quòd metuerent, ne incolæ ob defectum Sacerdotum aliò commigrarent, ac solitudinem locorum relinquerent. Imò ipse etiam Solymanus improbasse dicitur, in tot sectas scindi Transylvaniam; quòd ea res non nisi ad turbandam quietem publicam spectaret.

97.

Pestis.

Assurgentibus igitur magnis spebus, ex nova operarum cultura agrum illum ad optatam frugem revocatum iri, cujus præclaros fructus jam variis in locis spectare licuit, maligni hostis invidiâ cœpta feliciter gemina procella abruptit. Nam contagiosa lues, ex Hungaria in Transylvaniam grassata, tanta vehementia incubuit, ut innumeros ubique mortales sterneret; quibus cùm Patres Societatis diu noctûque assisterent, & ipsi correpti, charitatis victima, occubuerunt, ea strage, ut ex 40. non nisi 10. in Transylvania manerent superstites.

Qua clade in Poloniam nuntiata Stephanus Rex vehementer indoluit, litterasque consolationis plenas ad residuos Patres dedit, atque à Claudio Aquaviva, Societatis universæ Præsidente, novas auxilii copias expetiit. Sed hæc dum ageret pientissimus multò Principis, cujus unius vitæ Transylvaniæ salus vertebatur, ingenti omnium bonorum luctu & ipse mortis falcem subiit, magnus sanè pacis bellique artibus Princeps; nec religione minor. Bello adversus Moschos feliciter gesto nullam subegit provinciam, quin catholica sacra eidem inferret. Cùmque sancita pace Livoniam obtineret, indignum ratus, illam sibi antè quàm Christo subiici, Rigam usque profectus est, ut Romanum cultum, jam diu exulem, regio quasi comitatu reduceret. Accessere aliæ optimi regis dotes; mens excelsa quovis eventu, vigôrque animi periculis major: usu multo firmata prudentia: legum justitiæ constans tutela: vigilans cura in omnes Reipublicæ partes exporrecta: morum nativa gravitas admirabili facilitate ita temperata, ut vivæ majestatis radios spargeret, & intuentium animos raperet.

Sublato hoc Religionis columine hæresis rursus surrigebat caput in Transylvania. Opportuna illi omnia: ætas pupillaris Sigismundi Principis, optimè licèt fide Orthodoxa imbuta, sub tutoribus alieno arbitrio obnoxia: Proceres plerique à fide alieni, Arianis dominantibus, Gezius gubernator provinciæ Calvinii affecta: plebs indomita, maximam partem à vera fide aliena.

Licèt igitur peste sublatis propugnatoribus fidei recentes ex Polonia aliisque provinciis fuerint surrogati, hoc tamen rerum articulo rem suam agendam rati sectarii in Societatis Patres conspirant, non quieturi, donec eandem ex tota Transylvania exterminent. Nunc tandem opportunum adesse tempus, vociferabantur, quo ab invisis hospitibus se liberent, atque Jesuitas idololatriæ restauratores finibus suis exigant. Id nisi facerent, surrecturam rursus Romanam tyrannidem, sub ejusque jugum denuo mittendam provinciam; jam Claudiopoli & Albæ Juliæ erecta stare numerosa impietatis seminaria; Varadini jam sedem occupatam; quaque versum inde spargi emissarios ad evertendum illatum nuper Evangelium; multos jam in eorum partes fuisse pertractos; neque destituros, donec totam Transylvaniam in veterem superstitionem pertrahant; plures pluresque in dies non tantùm ex Austria & Polonia, sed ex ipsa quoque Italia, atque ultima adeò Hispania accurrere, ut provinciam depascantur, & accensa nuper fidei lumina rursus extinguant. Ne igitur majora detri-

99.
Hæresis re-
viviscens.

100.
Consilium
de pellenda
Societate,

menta patiatur res publica, excidendam malorum radicem, totumque hoc perniciosum hominum genus proscribendum.

His criminationibus velut facibus à ministrellis accensi Procerum, à fide alienorum, animi, proximis in Comitibus proscribendam Societatem decernunt.

Ad hæc Patres : se à Stephano rege & Christophoro fratre in Transylvaniam vocatos, iisque, quæ nonum jam annum possideant, in domiciliis absque ullius injuria aut justa offensione locatos, ut instituti sui muneribus fungantur, publico insuper Comitiorum decreto receptos. Nihil esse noxæ, ob quam possessionibus justè acquisitis deiciantur, aut omnino ex provincia depellantur. Demonstraturos se quâ voce quâ calamo, non esse idololatriam, quam doceant, sed veram Christi religionem, jam à sexcentis & ultra annis in Transylvania receptam, cultamque. Cur deteriori sint loco, quàm Ariani, novi Judæi, Ebionitæ; quàm Lutherani, Calviniani, Græci, Rasciani, Valachi, aliique, quorum dogmata nuper primum sint nata, aut introducta? cur, quod illis liceat, pacatis in provincia degere, sibi nonliceat, quorum fides & religio à Christo & ab Apostolis profecta, per sanctissimos Hungariæ reges introducta, tot annorum præscriptione sit vallata? licere cujuslibet sectæ Proceribus sibi suisque liberis magistris, concionatores, & animarum pastores in in Transylvania, quos lubet, assumere, cur solis Catholicis, cur ipsi Principi id non liceat?

Hæc aliæque, quamvis omni juri ac rationi consentanea furdas ad veritatem auribus dicebantur. Ratum erat sectariis non quiescere, donec Jesuitas ad unum omnes in exilium ejectos cernerent.

Sigismundus Princeps magno aliquoties animo iniqua postulata rejecit, sæpius contestatus, Societatem, quam pater patruusque tanto studio advocassent, sub cujus disciplina ipse esset educatus, aut retinendam, aut se unâ proscriptum iri. Verùm cùm tributa sectarii negassent, & Principem eum agnoscere detrectassent, ni proscriptioni annueret, à constantia defecit, & iniquo decreto subscripsit; ratus, cedendum ad tempus furori; rebus suis magis firmatis, revocari posse, quos modò retinere sibi non esset integrum.

101.
Proscripta.

Salutem ultimam dicentibus Patribus respondit, agnoscere se perutilem Societatis operam: huic adeò tribuere, quidquid in virtute & pietate, quidquid in litteris boni progressus fecisset. Causam ejectionis esse incolas: obsistere se illis non amplius potuisse, ut quibus infinita potestas esset decreta condendi: de cætero se perpetuò in fide catholica perseveraturum. Abeuntésque largo viatico

ac publicis litteris est profectus; quibus fidem faciebat, illos probe munere suo functos, nec aliam ob causam, quam quod ferre eos Nobilitas noluisset, missione donatos fuisse.

Socii exules plerique in Poloniam concessere, aliqui in Austriam, quinque in Moldaviam, duo in Hungariam, (*anno 1589.*)

Graviter dein Sigismundus à Sixto V. admonitus, & hæreticorum factiones, ad extinguendum omne nomen Catholicum invalescere sentiens, Societatem paulatim revocare aggressus est, accersito mox anno sequente Claudiopolim P. Valentino Lado, impigro atque integerrimo Missionario, qui jam antè in Transylvania & adjacentibus provinciis præclaram animarum messem collegerat.

102.
Revocatio.

Anno verò altero (*1591.*) tres alios è Societate sacerdotes postulavit, interque eos Alphonsum Carillum, spectata prudentiae virum. Redditum illis Collegium, quod Albæ Juliæ habuerat Societas. Placuit nihilominus, ut abstinerent tantisper veste Societatis, & eam induerent, qua Canonici vulgò utebantur. Utque ex integro revocaret, eodem anno indixit Ordinum comitia. Spem evertit, qui minimè debuit, Andreas Bathorius Cardinalis, Societati jam à puero infensus. Ut solent plures, qui magno labore ac tolerantia litteris instructi beneficiis ingratitudinem reponunt.

Clemens VIII. infestos religioni Procerum conatus inhibere meditans, id enixè P. Carillio commendaverat, ut induceret Sigismundum ad feriendum cum Rudolpho Cæsare foedus adversum Turcas. Persuasum facilè, indignantibus sectariis Transylvanis: qui contra ipsum suum Principem foedus cum Turcis inierunt, eumque illis tradere decreverunt. At non defuit sibi Sigismundus; comprehensos auctores impiæ conjurationis supplicio affecit, ac jure casos Transylvani publico decreto pronuntiârunt (*anno 1594.*)

103.
Foedus cum
Ferdinando.

Fractis perduellibus, metuque injecto cæteris, comitia Ordinum indixit (*anno 1595.*) in quibus foedus cum Cæsare confirmatum: religio Catholica in libertatem vindicata: Societatis restitutio decreta. Redditum proin eidem etiam Collegium Claudiopolitanum. Societate pristinis sedibus restituta, id agebat Carillius, ut Transylvania proprium Albæ Juliæ habeat Episcopum, qui præsentia auctoritate ac vigilantia fidem Catholicam contineret. Cùmque Sigismundus ipsum Carillum designaret, is dignitatem ex usu nostro fugiens, perfecit, ut Napragius eo munere ornaretur.

104.
Datus Epi-
scopus.

Et utinam Sigismundus non inconstantia foedâset præclara initia! verùm dum ille seditionum domesticarum tædio Principatum in Rudolphum Cæsarem transfert, & Oppolitanæ in Silesia solitudinis

pertæsus, seque delusum questus, in Transylvaniam redit, à suis receptus est, sed ea lege, ut Societas Claudiopoli & Alba Julia pelleretur; quam tamen anno sequente rursus restituit (1599.)

105. Metu dein belli propter Transylvaniam à Cæsare inferendi, Principatum in patruelem suum Andream Bathorium Cardinalem: ab hæreticis minùs, quàm à Societate alienum transfert. Erátque periculum religionis penitus evertendæ. Sed mox à Valachis victus Andreas, in fuga ab agrestibus est obtruncatus: indignus utraque purpura, quam induerat.

Resumere gubernacula tertio conabatur Sigismundus, at victus à Basta Cæsareanorum Duce in Bohemiam abiit. Michaël Valachus, licet belli adversus Transylvanos socius, crudelitatis in Catholicos & præsertim Jesuitas pœnam nece luit: vocatus etiam in suspicionem conjurationis de Transylvania sibi asserenda.

106. At Moyfes quidam homo Arianus, è Sicilia Transylvaniæ Provincia Valachiæ finitima oriundus, collectis Arianis, fretus etiam Turcarum & Tartarorum auxiliis, bellum contra Cæsareanos redintegrat, & occupata Transylvaniæ parte, Claudiopolim portis patentibus ab Arianis admissus est. Primus mox furor in Collegii templum se effudit: sacra omnia comminuuntur. Emanuel Niger, è Societate frater adjutor, & ædis sacræ custos, dum obstare nititur, securi impacta fronti obtruncatur. Tum versa in Collegium rabies. Obvii Patres fustibus excipiuntur, vulnerantur, ejiciuntur: ædesque direpta solo æquatur (anno 1603.)

107. Haud impune scelus impiis fuit. Moyfes duplici prælio profligatus à Basta in acie cecidit, cum præcipua Transylvaniæ Nobilitate. Claudiopolis tertio post mense recepta. Alia ædes Societati data. Impiis venia à P. Argento exorata Catholicæ religioni libertas restituta. Corpus Christi, quod indignissimè Ariani tractaverant, solenni supplicatione per urbem deportatum, lachrymantibus præ gaudio senibus Catholicis, qui ante 50. annos eandem ceremoniam à se visam prædicabant.

108. At versa rursus rerum scena. Transylvani Austriacum regimen non minùs quàm religionem exosi, pulso Basta *Stephanum Botskaium*, Sigismundi Bathorii propinquum, hominem Calvinianum, sibi præficiunt, quem etiam regem Turca dixit anno 1605. Hic mentitus, Papam cum Cæsare conjurasse in excidium omnis religionis, à Romana alienæ, fidos adhuc Austriacis reliquos Transylvanos, & multos etiam Hungaros ad defectionem concitavit. Cùm igitur haud parùm accisæ essent Cæsareanæ copiæ, & insuper gravissimo bello adversus Turcas

cas implicitæ, à Botskaio fuscæ sunt. Præcipitata religio. Ejecta 109.
rursum Societas, primum Claudiopoli, tum omni Transylvania (*anno Altera pœo-
1606.*) Collegiorum ac templorum bona partim in amicos, partim scriptio.
in pauperes, quantum in sociis fuit, distributa. Cætera direpta, &
fisco addicta. Remansere tamen aliqui clam in Procerum Catholicorum
arcibus, ut desertum religionis cultum utcumque sustentarent.

Altero Principatus anno mortuus Botskaius regimen Transylva-
niæ reliquit *Sigismundo Rakocio*, nobili Hungaro, Calvinianæ pariter
sectæ addicto, postulantibus Transylvanis, & Austriacis approp-
bantibus; licet ad eos ex pacto anno 1606. inito rediret Transylvania,
Botskaio sine liberis mortuo. Mathias tamen Archidux nihil prius à
Rakocio postulavit, quam ut ejectam Societatem Jesu restitueret.
Retulit ille ad Comitatus; in quibus proscriptio fuit confirmata.
(*anno 1607.*)

Principatum mox altero anno sponte deposuit, ac *Gabrieli* 110.
Bathorio tradidit, homini pariter heterodoxo multoque ferociori & *Gabr. Bath.*
crudeliori. Nam is, ut omnem viam religioni & Societati restituenda
præcluderet, ipsos quoque proceres Catholicos perdere statuit.
Edicere comitia properat, in quibus variis criminibus per calumniam
onerati publica Ordinum voce tanquam perduelles damnarentur.

Non latuerunt Catholicos funesta consilia. Accedere comitia
refusant; alii munitis arcibus se includunt; alii fugam, alii arma, ut
injustam vim repellant, moliantur. Procerum facile princeps Korn-
nifus. Hunc fugientem Bathorius cum expedita manu affecutus, ac
tumultuario certamine victum, vulneratumque, in carceres abdu-
xit; atque solenni decreto pœnisque gravissimis propositis sanxit,
ne quis deinceps sacerdos catholicus pedem Transylvaniae inferret.
(*anno 1610.*)

Et hæc erat miseranda Transylvaniae sæculo XVI. imò etiam
XVII. facies; non abstergenda, nisi sub finem ejusdem XVII. sæculi
sub Leopoldo M.

Tantas inter turbas concilia sacra haberi non poterant, præser- 111.
tim quum Pastoribus idoneis careret Transylvania. Hæretici autem Concilia-
dominantes compluribus conciliabulis unionem fidei inter se tenta-
bant. At frustraneo semper conatu, qualibet secta verbo DEI ad er-
roris sui tutelam abutente. Ubi illud lepidum: quod Lutherani &
Calviniani, contra Arianos disputantes, identidem ad Patres & Con-
cilia, eorumque interpretationem recurrerint, exprobrante ipsis Fran-
cisco Davide Ariano, quod Catholicorum arma, ab ijs toties explo-
sa,

sa, arripere necesse habeant. Si Patrum & Conciliorum interpretatione standum, redeundum ad Romana sacra.

ARTICULUS II.

Status Ecclesiasticus Sueciæ sæculo XVI.

112.
Gustavus
fit Luthe-
ranus.

Postquam Christianus II. Daniæ, Norvegiæ & Sueciæ Rex cruenta illa, Holmiæ anno 1520. peracta, nobilium laniena se omnibus exosum reddidit (quod *part. 6. art. 7. §. 2.* memoratum) Sueci *Gustavum Ericssonium*, ex nobili Wäferum familia, sibi regem elegerunt (1523.)

Cum autem pecunia ipsum deficeret, Lutheranam sectam hæreticorum suasu inducere constituit, ut hoc pacto Ecclesiarum spoliis possit pinguescere: ostentata etiam proceribus spe in partem optimæ prædæ veniendi. Quia verò Suecia ex integro erat Catholica, timebátque, ne populus obliteret, accitis ex Saxonia ministellis, & nobilium puerorum instructoribus, regnum pervertendum obtulit, concessa cuivis religionis libertate.

Ubi hac ratione popularium animos inclinatos sensit, cœpit apertè reformare secundum Lutherum, hoc est, sacerdotibus offerre pellices, Ecclesias spoliare, diripere, prædari, sacra omnia profanis miscere. Non tulit impunè scelus; nam mente dejectus miserè periit anno 1560. relictis tribus filiis, quos fortuna aut calamitas memoria dignos reddidit.

113.
Erici fata.

Primus erat Ericus, qui patri in Regno successit, brevique thesauros, à patre iniquè collectos, quæ in bellum Danicum, qua in vitam luxuriosam prodigamque dissipavit. Nec minùs crudelitate insignis fuit; nam (præter plurimos neci datos) Joannem fratrem, Finlandiæ Ducem, ex vana insidiarum suspitione carceri inclusit, septemque annos in eo detinuit.

Qua rei indignitate Sueci vehementer commoti, cum aliàs Erici crudelitatem, & nuptias cum vili mulierecula non ferrent, seditione mota eundem, Holmiæ occupata, armata manu captum in carcerem compingunt, in quem Joannem fratrem antè conjecerat, quemque pater Gustavus ex spoliis Ecclesiarum exstruxerat.

114.
Joannes.

Vice igitur mutata Ericus in carcere contabuit, *Joannes* verò ad thronum evectus est, opera potissimum Ponti Gardii, hominis Galli,

Galli, qui artibus suis totam tragicædiâ adornaverat. Promotus propterea à Joanne ad præcipuas dignitates, & copiis præfectus, quas adversus Moschos misit. Cùmque Narvam eis eripuisset, Livoniæ gubernatorem renunciavit.

Joannes conjugem habuit Catharinam, Sigismundi I. Poloniæ Regis filiam, Principem apprime catholicam, quæ neque in carcere maritum deseruerat. Sed neque ipse à Catholicis sacris abhorruit; nam stata Ecclesiæ jejunia observabat. Sacram scripturam secundum unanimem sanctorum Patrum sensum interpretari voluit: nec raro pseudo-episcopos & ministellos errorum ac fraudum convincebat. Per catholicos sacerdotes corpora sanctorum Erii Regis, & Birgittæ Upsaliæ in antiqua sede reposuit.

Synodus etiam Holmiensis indixit, in qua veritatem sacrificii Missæ adeò dilucidè demonstravit, ut dogma illud Missamque receperint. Regina verò Religionis Catholicæ cultum omnem etiam publice exercebat, filiūque Sigismundum in eodem sedulo educabat, rege Joanne non invito. 115. Synodus.

Cùm igitur non procul abesse videretur à regno DEI, Gregorius XIII. cui summopere cordi erat Sueciæ salus, P. Laurentium Nicolai, Societatis nostræ sacerdotem, ex Norvegia oriundum, eò ablegavit. Quem anno 1576. benignè susceptum Rex monuit, ne pro sacerdote se gereret; hac enim ratione facilius negotium promotum iri. 116. Adventus Societatis.

Laurentius tempori & voluntati regis obsecutus, præcones Lutheranos adiit, ostenditque desiderium, doctrinam suam, quam in diversis scientiis acquisisset variis in Academiis, patriæ suæ communicandi, accepitque ab eis, ut Rex securior esset, litteras commendatitias ad regem, qui eum Theologiæ Professorem renunciavit, jussis ministris scholam ejusdem frequentare, & duobus renitentibus solum vertere.

Formam dein Missæ Rex edi curavit, correctam magis ea, quam Sueci post defectionem uti consueverant, cui cùm hæretici se opponerent, Episcoporum Synodus est congregata: in qua Rex sacunda oratione in ministrorum societatem, cultusque Divini neglectum fuit investus: Iqualere templa; sacros ornatus sordescere; domi ab eis adhiberi ad computandum scyphos aureos, in ecclesia ad sacra mysteria luteos, & loco patenæ scutellam ligneam; quemvis pro libidine novas comminisci ceremonias; nihilque amplius ferme ex decore & usu veteri retineri. Jussit dein, eam formam Missæ recipi, quam ipse publicasset. 117. Altera synodus.

Misit quoque duos legatos Romam ad Gregorium XIII. qui regis propensum ad Catholicam Religionem animum significarent, simul tamen proponerent difficultatem & periculum, quod subiret, si eandem palam profiteretur.

118.
Joannes
Conversus.

Timebat nempe Danum, aliósque heterodoxos Principes, per litteras ipsi arma minitantes, si religionem à patre illatam mutaret; maximè verò Carolum fratrem Sudermannia Ducem, ne Suecos ad seditionem concitaret, sibique coronam eriperet.

Anno 1578. Holmiam venit tanquam Legatus summi Pontificis P. Antonius Possevinus, cum aliquot aliis societatis sacerdotibus; quos inter P. Stanislaus Varsevicius, Regina à sacris confessionibus futurus. Possevinus rem eò deduxit, ut Rex edita clam professione fidei catholicæ, & peccatorum confessione deposita, sacra Synaxi more Catholico reficeretur, promitterétque, se nunquam à religione modò suscepta recessurum.

Quibus peractis Possevinus Romam rediit, Pontificem edo-cturus simulque expositurus Regis preces, quibus petebat, ut Suecis Eucharistiam sub utraque specie sumere liceat, & sacerdotibus uxores concedantur, atque Missa lingua patria celebretur. His enim permissis multò faciliorem fore Sueciæ conversionem. Sequenti anno 1579. Possevinus, multis secum apportatis libris catholicis, in Sueciam regressus est, Regique, Upsalia tunc commoranti Pontificis litteras tradidit, quibus eum ad constantiam & religionis defensionem hortatus est.

119.
Relapsus.

At Regem, ab hæreticis continuò obsessum, metuque coronæ amittendæ percussum, haud parùm immutatum invenit: præsertim ubi intellexit, negari à Pontifice, quæ petierat. Spem omnem denique abruptit mors Regina. Atque hac ratione regem, meliora videntem, deteriora tamen ex rationibus humanis sequentem, mors oppressit anno 1592.

120.
Sigismundus
deposi-
tus.

Filius ejus Sigismundus, quinquennio ante mortem patris electus Rex Polonia, successit quidem in regno Sueciæ, negotium tamen religionis, quamvis pientissimè à matre educatus, non est ausus urgere; cum facilè cerneret, Suecos promptiùs regem, quàm errores suos abdicaturos.

Quòd haud multò pòst manifestè patuit. Cùm enim Sigismundus in Polonia absens Sueciam per quatuor gubernatores regeret; Carolus ejus patruus Sudermannia Dux, concitato ad rebellionem hæretico populo, Sueciæ Rex dictus est, dejecto propter religionem

Sigis-

Sigismundo (anno 1600.) quæ atrox injuria diuturnum deinceps bellum Suecos inter & Polonos peperit.

De cætero statum Ecclesiasticum & Politicum Poloniæ exposui *Part. IV. cap. 4. art. 16.* ubi de novis Arianis, Antitrinitariis, Deistis, Atheistis, Tritheistis, ex Lutherana & Calviniana secta prognatis: item *part. 6. cap. 3. art. 5.* de Dania verò *art. 7. pag. 173.* Juvat nihilominus hîc aliqua adhuc addere.

ARTICULUS III.

Observatio de Statu Ecclesiastico Poloniæ sæc. XVI.

Quam Miccislaus è Paganismo conversus Poloniæ intulit, religio catholica, ad infelix usque sæculum XVI. incorrupta permansit. Quamvis enim Hussitæ ex Bohemia tentârint aditum, nihil tamen adversus regnum, ex integro catholicum, machinationibus suis efficere poterant. Quin, ubi Hussitæ Uladislao Bohemiæ regnum per Legatos obtulerant, is generoso fastidio respondisse fertur, nolle se hæreticis imperare; redirent prius ad Ecclesiam, tum coronam se accepturum.

Exorto verò Lutherano schismate, in Poloniam quoque irrepsit contagium. Obstitit fortiter Sigismundus I. atque in publicis Ordinibus Comitibus decretum promulgavit, ut DEI ac Reipublicæ hostis haberetur, qui avita Majorum sacra defereret. 121.

At filius Sigismundus Augustus ignavia perdidit, quod pater sartum tectumque conservaverat. Irruerant etenim tot sectæ, ut Hedio in epistola ad Melanchtonem 128. earum computet. Et quidem Calvinismi tam prona est via ad Arianismum, & Mahometismum, ut cum Blandrata, Gentili, Alciato, Ochino, Statorio, Amanuo, Neufero, Silvano, Gonesio, Gribaldo, Volano, Lisinano, Davide, plures eandem triverint, sequente cum aliis Steinbergero, Lutheri discipulo. Nempe ubi semel à via veritatis aberratur, per avia quævis & invia prolabi primum est. Nec desunt impii ex hac disciplina homines, qui in despectum Christiani nominis porcum ac vitulum, adhibitis ceremoniis, baptizârunt. 122.

Plures certè ex Lutheranis cum Jacobo Andreæ famoso illo Turingensi cancellario scribere non dubitant, mirum non esse, quòd multi in Polonia, Transylvania & Hungaria Ariani, quidam etiam Mahometani fiant, quibus Calvinus doctrina sua latam patefecerit fenestram.

fram. Et Adamus Neusserus, minister quondam Heidelbergensis, primum Lutheranus, dein Calvinianus, postea Arianus, denique Mahometanus, in epistola ad Stephanum Gerlachium anno 1574. scripsit, neminem se vidisse, suo tempore Arianum factum, qui non prius Calvinista fuerit. Adeo nimirum scitè Calvinus in iis, quæ de Trinitate, Incarnatione, Eucharista, Baptismo, Præscientia & Prædestinatione impiè scripsit, infelicem hanc gradationem docet. Utque Pracones Tigurini devotionem suam erga Mahometismum toti mundo luculentius ostenderent, Alcoranum, imposturis, spurcitiis, & blasphemis plenum, dignum judicarunt, quem per Bibliandrum versione latina donarent. Demonstrare, credo, volebant, quale Evangelium populis annuntiarent.

Certè Florimundus Ræmundus *lib. 4. de ortu hæres. cap. 9.* prælongam & exactam parallelam ducit inter Evangelium Mahometis, & id, quod novi isti Apostoli prædicarunt; ostenditque prolixè similitudinem quoad dogmata & doctrinam fidei, quoad propagationem violentam, armis & provinciarum incendiis peractam, quoad variationem suæ utriusque religionis, in sectas innumeras divisæ &c. exhibet denique idem auctor conatus Protestantium, ut cum Turcis fœdere jungantur in Christianorum perniciem.

123.
Lascus.

Poloniam quod spectat, inter præcipuos deceptores, qui Calvinismum in illa profeminârunt, fuit Joannes Lascus nobilis Polonus, primò in Germaniam tum in Angliam profugus, postea in Daniam delatus, ut Regem à Lutheranis abstraheret, mox Embdam in Frisiam excurrit, demum patriæ turbator periit. Cùm autem hujus farinæ homines cernerent, aperta ac manifesta in comprobationem Catholicæ veritatis fieri miracula, Polychronius quidam prædicantium de tribu impostor, ut prodigium patraret, hominem, qui mortuum se initio simulaverat, excitaturus ad vitam, ad mortem promovit. Alio, sed meliore miraculo, ministrelli calumniantis, ac subitò obmutescentis, coram inspecto, Podoliæ Palatinus conversus est.

124.
Conciliabula.

Rege oscitante, Episcopi in Polonia, quorum magna est potentia atque auctoritas, aggerem torrenti opposuerunt, maximè Cardinalis Hosius, è Concilio Tridentino nuper reversus, fortissimus ille editis præclaris libris, hæreticorum malleus. Igitur sectarii, ut contra prædominantem catholicorum religionem se unirent, varia habuere Conciliabula. Memorabile est illud, quod Petricoviæ Calviniani & Ariani seu Trinitarii instituerant. Princeps quæstio erat, an Christus sit DEus. Ariani tertio quovis verbo textum aliquem ex S. Scriptura oggerbant, interpretatione, quam ipsi commenti fuerant, adje-

adjecta. Calvinistæ pariter scripturæ testimoniis personabant. Sed cum nullus esset controversiarum iudex, qui scripturæ sensum declararet authenticè, post vanos clamores re infecta discessum est. Uti etiam anno 1567. Varadini, anno 1568. Sendomiriæ, Albæ Juliæ, Lublini, aliisque in conciliabulis contigit: desperato syncretismo toties tentato.

Quia igitur neque in doctrina fidei, nec disciplina morum, nec ritibus convenire poterant, in tantis autem turbis & dissensionibus suis catholicis ludibrio se esse cernebant, de uno quodam, penes quem summa esset in sacris potestas, deligendo consultabant, ut reliquos in officio contineat, & unitatem conservet, atque in delinquentes de Papa spirituale gladium expromat. Hæc erant sectariorum in Polonia inter eos. Papam optantium vota, penes quem primatus resideat. Ita enim verò quod una manu demoliebantur, altera ædificare nitebantur. 125.

Quamvis autem apud sectarios mera erat confusio, non unum tamen ex castris nostris acceperunt transfugam, libertatis cupidine & carnis illecebra pelliciente. Hos inter fuit Andreas Dudithius Hungarus, Quinqueecclesiensis in Hungaria Episcopus, gravibus muneribus & legationibus sub Maximiliano II. perfunctus. Postremo cum in aula Sigismundi Augusti Poloniæ regis legatus versaretur, nobilis puellæ forma captus, Episcopatum, famam, pudorem, & religionem abiecit, ut ea potiri possit; postquam jam antè foetens vapor ignem latentem prodiderat; dum in Concilio Tridentino omnia sua, qua pollebat, facundia persuadere Patribus conabatur, ut sacerdotibus conjugii libertatem concederent. Miseram deinceps cum pellice & liberis in Polonia & Silesia vitam duxit: homo libertinus nullius religionis, postquam eam, quam solam veram scivit, libidinis impotens deseruit. 126. Dudithius.

Non minùs tristes annales auget Jacobus Palæologus, ex antiqua Græcorum Imperatorum stirpe infelix furculus. Is Romam de Palæolatus sanctissimum Prædicatorum ordinem cum Pio V. postea Papæ ingressus, adversa fidei dogmata propugnavit. Quare Inquisitioni traditus, atque ex carcere elapsus, in Germaniam profugit: inde verò cum nec Lutheranam nec Calvinianam sectam approbaret, in Poloniam illapsus Arianum induit, Christum DEum, Patri consubstantialem inficiatus. In Moraviam dein cum appendice secundi generis profectus, Gregorio XIII. à Maximiliano II. Cæsare fuit extraditus, pœnis canonicis, ut merebatur, puniendus. Cum autem Romæ Laurentius Magius, & Robertus Bellarminus, ejus examini adhibiti, pertinacem invenissent, missus in carcerem, eductusque ad rogum, hæ-

resin abjuravit. Sed brevì relapsus, tandem degradatus, & sæculari brachio traditus, crematus est.

128.
Sectæ præ-
cipuæ.

Ex sectis porro innummeris, quæ sæculo XVI. regnum hoc apprimè antea Catholicum torrentis more inundarunt, frequentiores sunt, Ariani ac Trinitarii, Divinissimum negantes mysterium, in alios ramos rursus segregati, ut Tritheitarum, Socinianorum, Samosetanorum &c. Dein Græci schismatis sectatores, cum Arianis per utramque Poloniam sparsi, atque cum Moscis Patriarchæ Constantinopolitano in sacris subiecti.

Post istos magnum numerum conficiunt Lutherani, in magna præsertim Polonia, Livonia, ac Prussia, Dantisci præsertim, Elbingæ, Regiomonte. Quamvis etiam Calvinistæ infausta fecunditate succreverint, maximè Dantisci, Vilnæ, & Posnanæ. Anabaptistæ quoque frequentes irruerunt, potissimum in Silesiæ fines, Lublinum, in Gedani & Cracoviæ suburbia, atque viciniam. Adde Calixtinos ex Hussitica progenie, Adamitas, Fraticellos, ac Judæos, grandi numero, & opibus pollentes; atque ad Boristensis ripas Mahometanos.

Tres autem maximè causas devastati tantopere agri optimi adstruunt; cultorum habilium inopiam, Sigismundi Augusti ignaviam, & nobilium adolescentum ad exterarum scholas, zizaniis scatentes, accessum. His etenim miserandis erroris subsidiis tantopere aucti sunt sectarii, ut in Comitibus universalem quandam autonomiam concedere necesse fuerit.

129.
Catholici
prævalent.

Nihilominus tamen Catholicorum semper fuit pars multò maxima. Quod tum præsertim patuit, cum post mortem Sigismundi Augusti, ex Jagellonica stirpe ultimi, Catholicum Regem averfati, sectæ alicujus suæ hominem intrudere nitebantur. At prævaluit pars major & sanior; dum Henricum Valesium, ob contritos Hugonotos Protestantibus invisum, & post eum Stephanum, & Sigismundum, Principes eximiè Catholicos, folio admoverunt, ringentibus heterodoxis.

Effectumque dein sub finem sæculi, ut regum cura, Episcoporum sollicitudine, accitis sacris operis, erectis scholis, atque collegiis, ingens ad avitam fidem, nobilium præsertim, Dynastarum, Palatinorum, ac Castellanorum, fuerit facta accessio, numero electorum in futurum adhuc multò magis his præsidii augendo.

ARTICULUS IV.

Observatio de Statu Ecclesiastico Daniæ & Norvegiæ sæculo XVI.

EQuidem de istis quoque regnis parte VI. tractavi; placet tamen hic aliqua adhuc observare, ut imago sæculi XVI. omnium infau-130.stissimi, sub unum aspectum cadat.

Christierni II. Sueciæ, Daniæ, & Norvegiæ rege potentissimo post Ianienam Holmientem expulso, Fridericus ejus patruus Daniæ & Norvegiæ Regnum obtinuit, Suecia avulsa, & Gustavo, quod suprà dixi, commissa.

Fridericus à Smalcaldicis Sociis ad fœdus & Confessionem Augu-Deformatio.stanam invitatus, primum ad utrumque se ostendit, Episcoporum tamen auctoritatem veritus, lentè agendum ratus, Lutheranos Ministellos accivit; qui ex Lutheri usu operi gnaviter insistentes, ostensa regi & proceribus opima Ecclesiarum præda, sacerdotibus conjugii illecebris, plebi licentia & sectæ dulcedine, id effecere miraculi, ut saxum, ex innata gravitate ad lapsum facile, ex alto præceps ad ima rueret.

Tum enimverò multi abjecta sacra stola, & cucullis ad uxorios amplexus festinantes, carnis voluptatibus frui, quàm solitariam & austeram vitam ducere malluerunt. Christianus III. verò, Friderici filius, à Bugenhagio Pomerano Lutheri apostolo, quo concionatore utebatur, coronatus, Religionem fluctuantem tanta vi in scopulum impexit, ut naufragium passa, non nisi modicas disjectæ classis reliquias posset colligere.

Eò autem promptius mergebatur in errores Dania, quòd exter-
num cultum nihil admodum immutari populus cerneret. Nam altaria, sacræ imagines, cerei accensi, ornamenta Ecclesiarum, & vasa sacra, Missæ ritus, aliæque ceremoniæ ex usu veteri conservabantur. Eoque externo rerum habitu decepta Dania, ex asse Lutheranam se mirata est, antequam id pro sua ruditate & ignorantia satis persentisceret.

Sola tempore aliquanto Lutherana secta monopolium erexerat; 131.
quum novi nundinatores merces etiam suas inferre nitebantur, Zwing-
liani, inquam, & Calvinistæ, intèrque eos ille mundi erro Joannes
Lascus, Polonus, qui Maria ad Angliæ solium admota, cuticulæ Monopolium Luth.
me-

metuens, duas naves Calvinianis mercibus onustas ad Daniam ap-
pulit, Regique venales exposuit. At Lutherani cautè eum mone-
bant, peste summè maligna infectas esse. Ipsi etiam Papistis pejus
esse hoc hominum genus, horrendas in DEum blasphemias evomere,
nec aliud nisi hæresum luem, adversus SS. Sacramentum, aliâque
Evangelica mysteria afferre.

Jurgia.

Lascus ac locii Reformati minimè pigri has laudes in Luthera-
nos retorquebant; hæreticos eos esse & seductores pessimos; caven-
dum ab eorum fermento, non ad Evangelicæ lucis radios, sed in atris
averti furnis excocto, diu alterna hæc, se mutuò infectantium, &
tanquam hæreticos proscindantium, modulatio tenuit, & aures regis
verberavit; cùm etiam Anabaptistæ, Trinitarii, & Schmidlinus cum
suo libro Concordiæ, in partem pulchræ harmoniæ veniunt: hære-
ticos esse reliquos, se solos veritatem canere prædicabant. Et ta-
men, quod mireris, hi omnes purum Verbum DEI in ore fe-
rebant.

Exitus is fuit, ut penes Lutheranos staret victòria; quia à Pro-
testantibus Germaniæ Principibus Rex plus sperabat. Ideò cantus
eorum magis placuit. Merces eorum approbatæ; exacti regno Cal-
vinistæ. Lutheranis monopolium relictum; usque dum sub Chri-
stiano III. Angli & Hollandi mercatores cum peregrinis mercibus Cal-
vinianam luem reducerunt: publico etiam exercitio iis permissio. Ca-
tholici autem sacerdotes non nisi sæculari habitu disperso gregi clam
subvenire poterant.

132. Eadem procella, quæ Daniam, Norvegiam quoque rapuit. Quip-
pe promulgata Ecclesiasticis personis uxores ducendi libertate, ac
Norvegiæ deformatio retinendi nihilominus interim Ecclesiarum præventus, qua data porta
ruerunt in præceptis, frustra obistente Nidrosiensi Archiepiscopo. Po-
pulus tamen, si non exercitium religionis, memoriam tamen illius
& spem redeundi ad pristina sacra diu retinuit. Faxint benigni cœli-
tes, ut Boreales illi populi, uti nivium frigoribus, ita corporis ro-
bore indurati, ad lumen veritatis aliquando rursus pertingant, du-
cente illo, qui illuminat omnem hominem, venientem in hunc mun-
dum, & neminem vult perire, sed omnes ad agnitionem veritatis
venire.

CAPUT IV.

Status Helvetiæ Ecclesiasticus & Politicus.

Helvetia gravissimas inter revolutiones, statûsque sui mutationes, libertate tandem parta, fide, religione, candore, integritate, & invicta fortitudine, gentium ubique inclaruit, domi arcto potentique fœdere sibi cohærens, foris bellicosa ac hostibus formidanda. Floruitque ad omnem amœnitatem hoc inclitæ Nationis inconcussum decus, quamdiu Religio Orthodoxa, pietatem aluit, & animos pulchro nexu conjunctos tenuit. At verò postquam illa tetro schismate scissa est, diversam multò rerum faciem induta, euntibus in contraria studiis, in magnas calamitates fuit præcipitata; prout uberius aliquantùm demonstratum imus.

SUMMARIUM.

ARTICULUS I.

Status Helvetiæ Politicus usque ad sæc. XVI.

- | | |
|---|--|
| <p>133. Helvetia sub Romanis, Burgundis, Francis, Imperio, Austriacis.</p> <p>134. Præfectorum severitas dat initium fœderi trium Sylvestrium civitatum.</p> <p>135. Wilhelmi Tellii historia. Occidit Præfectum.</p> <p>136. Arces munitæ astu capiuntur. Alter gubernator proscribitur.</p> <p>137. Pugna ad Morgartam. Perpetuum fœdus, à Ludovico Bavaro Imperatore approbatum,</p> | <p>remanente nexu cum Imperio.</p> <p>138. Lucerna, quæ priùs ad Abbatem Murbacensem spectaverat, deinde ab Alberto Cæsare emptâ fuerat, accedit ad fœdus: uti etiam Tigurum, libera Imperii civitas: Tugium, urbs Austriaca: Glarona, ad Seckingenfem monasterium primò pertinens, deinde ad Austriacos: & Berna, quæ priùs Zäringensium fuit, postea libera Imperii civitas.</p> |
|---|--|

ARTICULUS II.

Continuatio.

- | | |
|--|--|
| <p>139. Pugna ad Sempachium. Leopoldi cædes ; hujus filii Friderici proscriptio : hujus filii Sigismundi, & Friderici III. Cæsaris, uti etiam Maximiliani I irriti conatus. Pugna ad Basileam cum Gallis.</p> <p>140. Bellum Burgundicum cum</p> | <p>Carolo Audace.</p> <p>141. Friburgum, Solodorum, Basilea, Scaphusia, & Abbatiscela ad foedus.</p> <p>142. Helvetiæ Regimen.</p> <p>143. Subditi Helvetiæ.</p> <p>144. Socii confœderati.</p> <p>145. Bella Italica.</p> |
|--|--|

ARTICULUS III.

Status Ecclesiasticus usque ad sæculum XVI.

- | | |
|---|--|
| <p>146. Conversio Helvetiæ : ejusque Apostoli ac primi Episcopi. Octodurensis Sedunum, Vindonissensis Constantiam, Aventici Lausannam translatio.</p> <p>147. Ordo S. Benedicti Religionem propagat.</p> <p>148. Præsertim Patres Sangallenses, viri sanctissimi & doctissimi. Uti etiam Einsidlenfes, Murenfes, &c.</p> <p>149. Cisterciensis Ordinis adventus in Helvetiam.</p> | <p>150. Et Canonicorum Regularium S. Aug.</p> <p>151. Uti etiam Præmonstratensium.</p> <p>152. Lites circa Jus Advocatiæ. Episcopi Gebennensis cum urbe. Dux Zäringenensis à Valleis victus.</p> <p>153. Franciscanorum adventus.</p> <p>154. Et Dominicanorum. Sabaudus victus à Valleis. Primum foedus cum Bernatibus. Arbona ad Constantiensem, Bruntutum ad Basileensem.</p> |
|---|--|

ARTICULUS IV.

Continuatio.

- | | |
|---|---|
| <p>155. Vallesiani tumultus. Vallis Tellina ad Curientem. Abba-</p> | <p>tiscellanæ turbæ. Cusanæ. Collegiata ad S. Leodegarium.</p> <p>156. Tog-</p> |
|---|---|

- | | |
|--|---|
| <p>156. Toggenburgum ad Monast. Sangallense.</p> <p>157. Bellum Sabaudicum. Vallesii victores Inferiorem Valtelliam subigunt. Vaudum ad Bernates.</p> <p>158. Jodocus Sillenon Episcopus Sedunensis expulsus.</p> <p>159. Cardinalis Dominicanus Helvetiam turbat.</p> | <p>160. Udalrici Abbatis Sangallensis laudes.</p> <p>161. Nicolai de Rupe sanctitas.</p> <p>162. Impostura Bernensis: malè à Protestantibus nobis objecta.</p> <p>163. Cardinalis Schinerus cum Georgio Superfaxy & Vallesis collisus. Papæ & Cæsari ex integro addictus.</p> |
|--|---|

ARTICULUS V.

Status Ecclesiasticus Helvetiæ sæculo XVI.

- | | |
|---|--|
| <p>164. Zvinglius causa turbarum & Bellorum civilium. Verbo Dei prætenso abusus.</p> <p>165. Conciliabulum Tigurinum.</p> <p>166. Monitum 12. Cantonum ad Tigurinos.</p> <p>167. Synodus Badenensis ejusque canones. Proscriptus Zvinglianismus ab Episcopis & 12. Cantionibus. Zvinglius Disputationem declinat.</p> | <p>168. Varia Zvinglianorum conciliabula. Disputatio Bernensis umbratilis.</p> <p>169. Defectio Bernæ, Basileæ, Scaphusiæ, urbis Sangallensis &c.</p> <p>170. Bellum civile à Zvinglianis conflatum. Pugna Cappellenensis. Interitus Zvinglii. Catholicorum victoriæ. Pax. Conciliabula Ministrorum.</p> |
|---|--|

ARTICULUS VI.

Continuatio.

- | | |
|---|---|
| <p>171. Fœdus Vallesiæ cum 7. Catholicis Cantonibus pro defensione Religionis. Bellum Sabaudicum. Episcopus Genevæ pulsus. Augia & Oeninga ad Constantiensem.</p> <p>172. Vallesia à Zvinglianis inficitur.</p> | <p>173. Pax cum Sabaudis. Vaudum Bernatibus concessum. Caballia restituta.</p> <p>174. Mors præcipuorum novi Evangelii Apostolorum.</p> <p>175. Collegium Mediolanense Helveticum à S. Carolo. Nuntiatum stabili.</p> |
|---|---|

176. Adventus Societatis Jesu in Helvetiam, & Patrum Capucinatorum.

177. Catholicorum foedera. Protestatio Zvinglianorum. Responsum Catholicorum.

178. Conciliabulum Montis Bellardi, & Bernæ. Turbæ ex iis ortæ. Dissidia Novatorum.

179. Abbatis cellensium regimen ob religionem divisum.

C A P U T IV.

De statu Helvetiæ Ecclesiastico & Politico.

ARTICULUS I.

Status Helvetiæ Politicus usque ad sæculum XVI. & mutationem Religionis.

133.
Sub Romanis.

Helvetii, ab antiquissimis temporibus liber populus, cum combustis ultro laribus suis in Galliam irrupissent, à Julio Cæsare (postquam Galli Romanos in auxilium vocassent) imminuto licet multum numero, in sedes suas repulsi sunt, & magnam partem unà cum Gallia in Romanorum potestatem redacti, præsertim ubi anno Christi 69. ab A. Cæcina ingenti prælio fusi sunt. Urbs eorum princeps Aventicum.

Burgundis.

Romanorum Imperio sæculo V. undique ab irruentibus Borealibus populis distracto, Burgundiones, ex Pomerania prorumpentes, eum terrarum tractum, qui Rhenum inter & Rhodanum comprehenditur, invasere; fundato ibidem Regno Burgundico, cujus sedes Regia Viennæ ad Rhodanum. Verum illud sub quatuor duntaxat Regibus non ultra sæculum stetit. Sub tertio illius Rege S. Sigismundo magnam partem conversum.

Francis.

Sæculo VI. in Gallicam Provinciam redactum, Merovingicis & Carolingicis Regibus subjectum fuit. Quo tempore propiores Italiæ Helveti, Uranienfes, Suicenses, & Subsylvani, ad depellendos ab Italia Saracenos progressi, pluribus à Ludovico Pio privilegiis sunt donati.

Post mortem Ludovici pars Regni Lotharici facta est Helvetia. Lotharii verò liberis absque prole mascula defunctis, in divisione Regnorum inter fratres Carolum Calvum & Ludovicum Germanicum

eum facta, potissimam partem Regno Germaniæ accessit. Carolo dein Crasso exauctorato, surrexit novum Regnum Burgundicum (*Transjuranum* appellatum) sub Rudolpho I. Sueviæ comite, cum Arelatenfi postea conjunctum. Ad hoc Regnum potissima Helvetia pertinebat; regiones videlicet intra Rhodanum & Rhenum, uti Argoja, Nuitonia, Vallesia, Sabaudia, Rauracia &c.

Cùm subin, ut *part. 5. art. 1. §. 2.* prolixiùs narratum, Conradus II. Imperator Regnum Arelatense Romano Imperio vindicasset, Helvetia pariter ad illud rediit; ac 300. ferme annis sub eodem stetit. Quia autem Helveti jam à Ludovico Pio varias libertates acceperant, multò mitiùs à Præfectis Cæsareis cum iis agi oportuit, quàm cum aliis provinciis.

Et quidem Tigurum, Basilea, & Geneva liberæ Imperii civitates fuerant declaratæ. Tribus provinciis, Urania, Suitio, & Subsylvania (quæ sylvestres civitates dicuntur) sua initio rata fuerant privilegia, Præfectus tamen à Cæsaribus ipsis erat impositus, qui jus diceret. Præterea non pauci erant in Helvetia comites aliique Nobiles, clientelari obsequio addicti Imperio.

Contigit autem non rarò, ut Imperatoribus cum Romanis Pontificibus collisis (præsertim tempore Friderici II. anathemate illigati) alius aliam partem sequeretur, & plebs adversus Nobiles, Episcopos, & Abbates insurgeret, hiq̃ue illam rursus subjicerent. Ex quo sæpiùs turbæ gravissimæ ac bella domestica orta sunt; præsertim magni illius Interregni tempore, quo quisque in armis jus suum ferre videbatur.

Et licet Rudolphus Habsburgicus, cujus in Helvetia, in qua multas Austriaci-
ditiones possidebat, magna erat auctoritas, postquam ad culmem Imperii evectus est, dissidia composuisse sit visus, stabilitatem tamen non tulit concordia; Præfectis præsertim potestate sua abusus. Quæ res tandem in magnam mutationem erupit, & Reipublicæ erigendæ occasionem dedit.

Cùm enim post mortem Rudolphi I. inter Adolphum Nassovium & Albertum Rudolphi filium ferretur bellum, Helvetiæ civitates, ac præsertim Urania, Suitium, & Subsylvania Adolphi partes sequebantur, hoc subin cæso, Albertus rerum potitus, injuriam, ut interpretabatur, sibi illatam vindicare, & Helvetiam Domui suæ, tanquam novum Ducatum, asserere constituit.

Postquam igitur ditionibus amplis, quas jam antè Domus Austriaca in Helvetia possederat, plures novas, à Wilisaviensibus, Rotenburgicis, Regensbergiis, Eschenbacensibus, emptione compara-

tas, adjecisset, Legatos ad Sylvestres tres civitates misit, qui ab eis peterent, ut aliorum exemplo Domui Austriacæ se subicerent: sic magis securas & potenti defensione munitas fore, atque privilegiis suis quietè ac constanter fruituras.

Verùm civitates reponabant, se immediato nexu Imperio esse junctas, quem rumpere non possint. De cætero Imperatori se omne debitum obsequium exhibituras, omniâque facturas, quæ ex usu suarum provinciarum, atque ex more Majorum essent.

Albertus abrupto hoc responso accepto, non leviter eis succensuit; dissimulata tamen ira duos ad eos Cæsareos Præfectos more veteri destinavit, Gäslerum nobilem Equitem, qui Uraniensibus & Suicensibus præflet, & Landenbergium, qui Subsylvanis jus diceret. Ille in arcè Küßenacensi, hic in Sarnenli sedem fixit.

174.
Præfecto-
rum severi-
tas.

Hi duo Præfecti lenibus initio verbis gentem permovere conabantur, ut hæreditariis Domus Austriacæ ditionibus accederet. Cùm autem nihil proficerent, crudeli eam servitute cœperunt premere, non paucis levem ob causam Lucernam aut Tugium, Habspurgicæ ditionis urbes, ad carceres abductis, bonisque eorum fisco illatis.

His allisque oppressiōibus irritati de excutiendo jugo cogitabant. Tres præcipuè viri initium dederunt, Arnoldus *Melchtalius* Subsylvanus, Wernerus *Stauffacherus* Suicensis, & Waltherus *Fürstius* Uraniensis: singuli peculiaribus injuriis notati. Melchtalio à Landenbergio per servum boves abduci jussi, addito in humanò apophtegmate, rusticos ipsos aratrum posse trahere. Melchtalio servo verberibus excepto, in Uraniam aufugit. Patri verò ejus, bonis omnibus spoliato, eruti oculi. Stauffacherus, cùm ei Gäslerus inter minas novam domum, absque Præfecti licentia ædificatam, exprobrasset, periculo caput subtracturus, separiter in Uraniam fugâ recepit: ubi tres memorati viri societate inita, postea anno 1307. propè Brunnâ in isto fœdere, ad patriam servili jugo liberandam conjurârunt. Atque ex parvis his initiis surrexit deinde potentissima fœderatorum Respublica.

Fœderis
initia.

135.
Tellius.

Accessere plura alia, quæ animos tolerantiam fessos ad vim vi repellendam concitarunt. Nam cùm officialis quidam Landenbergii Conradi Baumgartneri uxorem ad turpia cogeret, à marito in balneo securi percussus periit.

Maximè verò memorabile est, quod cum Wilhelmo *Tellio* contigit, ac negotium fœderis haud parùm promovit. Gäslerus, ut de gentis in se animo experimentum caperet, Altorffii, præcipuo Uraniæ oppido, pileum suum perticæ impositum erexit sublimem,
ju.

justitque non minorem illi honorem & reverentiam deferri, ac ipsi præsentem exhiberent.

Cum igitur Tellius illic prætergrediens, vel ex incuria vel de industria, reverentiam pileo non exhibuisset, in carcerem abductus, & in id condemnatus est, ut pomum, filii sui capiti impositum, sagitta arcu emissâ excuteret. Præstitum id innoxio filio, cum verò Præfectus quæreret, cui usui alteram sagittam, in pharetra hærentem, reservasset, intrepidè reposuit, si prima sagitta aberrasset, alteram in illius caput fuisse paratam, qui ad tam inhumanum facinus se adegisset.

Qua libera voce offensus Gäslerus Tellium vinciri, navisque alligatum in Küssnacensem carcerem abduci iussit. Verum cum vehemens tempestas navem periculo naufragii exponeret, voluit Præfectus, qui unâ vehebatur, ut Tellius, nauticam artem apprimè callens, vinculis solutus, atque gubernaculo admotus, navem regeret.

Ufus ille opportunâ hac occasione, cum navem secundum scopulum dirigeret, subito in eundem proiliens, impetu valido navi pede impresso, evasit.

Postquam dein navis Brunnam appulsa est, Gäslerus Præfectus equo conscenso reliquum iter ad Küssnacensem arcem terrâ conficere voluit; at Tellius re explorata, viarumque gnarus, haud procul ab ea arce, saltus frondibus tectus, venientem sagitta trajectum equo dejecit exanimem. Moxque in Uraniam adfoederatos correpto itinere, narratoque rei eventu, ad absolvendum opus coeptum est adhortatus.

Ad hoc autem comprimis opus esse intelligebant, ut munitis arcibus 136. potirentur. Astuque rem tentandam rati, calendis Januarii, cum pro Arces amore Landenbergio munera afferrent, expromptis armis Sarnensem arcem occuparunt, Landenbergio in vincula abducto. Rostenbergense verò castellum ceperunt, juvene quodam per Amasiam noctu resti atrasto: qui dein socios pari modo in arcem traxit.

Hujusmodi artibus etiam Küssnacensem, aliasque arces suæ potestatis factas solo æquarunt. Landenbergium verò, ejusque, uti etiam Gäsleri familiam ac domesticos ad fines provinciæ deductos proscrispère, jurare compulsos se nunquam redituros.

Hac igitur ratione tres Sylvestres communitates in libertatem assertæ, anno 1308. commune foedus in decem annos ineunt, vita & sanguinè defendendi libertatem, Articulis foederis à tribus primis conjuratis in medium allatis.

Albertus Cæsar hoc civitatum Sylvestrium ausu vehementer commotus, Lucernatibus & Tugienſibus ſuis omni cum eis commercio interdixit. Dúmque bellum in eas pararet, à Joanne nepote ſuo perfidè ſuit interemptus.

Henricus VII. verò à Septemviris electus Imperator, foedus earum ratum habuit; miſſo tamen novo Præfecto Cæſareo, qui ſimul Tigurinſis, Turgoiſis, aliſque Imperii populis jura ac juſſa diſpenſaret. Ex quo facilè apparet, communitates illas tunc necdum ſolviſſe nexum, quo cohærebant Imperio, ſed libertates ſuas duntaxat ac privilegia vindicâſſe.

137.
Pugna ad
Morgar-
tam.

Dimicantibus poſtea Ludovico Bavaro & Friderico Aſturi de Imperio foederati Ludovici partes ſecuti ſunt. Quare Leopoldus Gloſioſus, Friderici frater, Alberti Cæſaris filius, comparato 20000. exercitu, Helveticæ inſuper Nobilitatis auxilio ſuccinctus, bello ipſos aggreſſus eſt. Sed ad *Morgartam* prælio victus, & cladem ingentem paſſus, retroceſſit; quamvis foederatorum non plures, quàm 1500. fuiſſe ſcribantur.

Hoc bellicæ virtutis edito ſpecimine animatæ tres illæ communitates anno 1320. Brunnae foedus, quod ad decennium conſtrinxerant, perpetuum ſtatuerunt.

Sed neque hoc foedus eò collimâſſe, ut ab Imperio ſe penitus eximerent, id argumento eſt, quòd Ludovicus æmulo proſtigato, novum ad eos Præfectum Imperialem miſerit, & non tantum eorum foedus, ſed etiam privilegia confirmârit, aliſque novis, in recognitionem præſtiti ſibi obſequii, adauxerit. Poſteriores verò Imperatores unâ cum ſuprema Jurisdictione conceſſa, poteſtatem ipſis dederunt, Præfectos ac Judices ſibi deligendi. Quo factum, ut paulatim ab Imperio ſe ſubtraherent.

138.
Lucerna
ad foedus.

Anno 1332. Lucernates, (Abbati Murbacenſi olim ſubjecti, ſed commutatione facta in Alberti I. Cæſaris jura transgreſſi) bello inter Ludovicum & Fridericum flagrante multa paſſi, & à Præfectis acerbius habiti, ab Aſturiacis deficientes, foederi acceſſerunt, primo loco ipſis conceſſo. A quo tempore *foederati quatuor Sylveſtrium civitatum* dicti ſunt. Nobilitas equidem Lucernenſis cum pluribus civibus hoc foedus improbantes Aſturiacis portas urbis noctu aperire conſtituerant, ſed ab adolescente proditi pœnas dederunt. Neq. plûs armata manus proficiebat.

Et Tigu-
rum.

Induciis dein factis, anno 1351. Tigurini (urbem perveruſtam, à Friderico II. liberam Imperii civitatem declaratam, incolentes) finitimæ Nobilitatis, Aſturiacis addictæ, vexati incurſionibus: atque cum ſenatu

senatu suo collisi, eundem dejectum urbe expellunt, ac Sylvestrium quatuor civitatum foederi se se associant, permisso ipsis primo dignitatis loco, & Cantonum, ut vocant, *Directorio*. Cùmque Albertus Friderici Pulchri frater, pluribus Imperii Principibus stipatus eos aggredere, victus recessit: neque trina obsidione postea Tigurum expugnare potuit.

Posteriore verò anno Tugienfes & Glaronenses, à Foederatis ex-Tugium pugnati, in foedus recepti sunt, concessio illis sexto, his septimo Glarona loco. Receptum quidem ab Austriacis fuit Tugium, sed à sociis rursus expugnatum, in foedere permansit.

Præsertim verò foedus illud firmatum fuit, dum Berna, anno Berna, 1191. à Ducibus Zäringensibus ædificata, libera dein Imperialis civitas à Friderico II. Cæsare declarata, cùm varii proci eidem insidiarentur, foederi anno 1355. accessit. Nacta propter amplitudinem & potentiam secundum inter Cantones locum: multis postmodum oppidis, urbibus, ac provinciis, ad Genevam usque protensis, summopere aucta. Et hi sunt octo illi Cantones, quos *Veteres* appellant. Quibus postea quinque novi sunt adjuncti.

ARTICULUS II.

Continuatio Historiæ Politicæ.

Æ Gerrimè tulerunt Austriaci tanta incrementa foederis; quare Leopoldus Probus, Alberti I. Imperatoris nepos, anno Pugna 1386. collecto exercitu, multisque ex Suevica & Helveti ad Sempach Nobilitate comitantibus foederatos bello aggreditur. Ad Sempachium, haud procul Lucerna, ventum ad arma, commissumque atrox prælium. In quo ipse Leopoldus cum Nobilitatis flore cæsus occubuit. Certè ex solis Nobilibus Equitibus ad 500. ceciderunt; foederatorum, ut fertur, ducentis duntaxat desideratis.

Inducias proin concedere oportuit, sæpius postmodum renovatas; præsertim ubi sub initium sæculi XV. Leopoldus Crassus (ad Sempachium cæsi filius) ad Glaronam magna clade fuit affectus.

Infelicior adhuc fuit Austriacis annus 1415. quo Fridericus IV. Archidux, quod Joannem XXIII. ex Concilio Constantiensi abduxisset, à Sigismundo Cæsare proscriptus fuit. Tum enim verò foederati, dato veluti signo, in Austriacorum ditiones, quarum adhuc multas

multas ac magnas in Helvetia possidebant, involarunt. Bernates, circumcursantes, & insignia sua affigentes, tunc maximè aucti sunt, Lucernatibus ad Surseam seu Sariam diutius hærentibus. Alias inter urbes & oppida Basilea, Mellina, & Bremgarta quoque communem in prædam venit.

Sigismundus Friderici filius conabatur equidem ablata reducere; sed adhuc plura amisit, ipsa etiam Gentilitia arce Habsburgo in Bernatium manus dilabente. Præsertim verò cum Helvetis collisus est, postquam cum Pius II. Pontifex, ob Cardinalem Cusanum, Episcopum Brixinensem, militari manu captum & in carcerem detrusum, communionem fidelium movit.

Nec plùs evincebat Fridericus IV. Imperator, qui rogatus, ut privilegia sua confirmaret Helvetis, id se facturum negabat, nisi omnia Austriacæ Domui ablata restituerent. Quod cum detrectarent, ad arma rursus ventum. Tigurini, indignantibus reliquis Cantionibus fœderatis, privatam societatem cum Cæsare tunc inibant, & adversus fratres suos pugnabant.

Et Basileam. Cæsar verò auxiliares copias primò ab Imperii Principibus frustra petebat, dein autem à Carolo VII. Gallorum Rege, qui pacem cum Anglis sanciverat, quinque millia. Misit is 40000 quibus filium suum Ludovicum Delphinum præfecit. Exercitu hoc ad Basileam admoto, disturbatum est conciliabulum, quod plures annos ibidem jam hæserat. Tum verò cum 1600. Helvetorum tam acriter conflixit, ut 6000. Gallorum in acie caderent, Helveti verò multitudine obruti omnes cæderentur, 16. duntaxat exceptis, qui elapsi à popularibus suis propè occisi sunt, quòd fugissent. Ludovicus expertus eorum fortitudinem retrocessit, nolens ita secundo vincere.

Denique etiam Maximilianus I. voluit tentare aleam, erecti nuper Suevici fœderis usus viribus. Verum ad Mayensfeldam in Grisonibus cæsus, aliisque præliis & velitationibus plerumque inferior, anno 1500. Helvetis pacem dedit, non ampliùs rumpendam.

Germani Gallique Helvetiorum vires experti, Burgundicæ Domui, tunc admodum potenti, eos debellandos obtulerunt. Carolus Audax, immensæ ambitionis Princeps, ac vicinis omnibus formidandus, ad hoc opportunus videbatur.

Nec occasio deerat. Nam Sigismundus Archidux, Tyrolis & Anterioris Austriæ Princeps (quem cum Cusano & Pontifice collisum diximus) bellis adversus Helvetos aliosque gestis exhaustus, Burgundo Suntgojam & Brisgojam pro mutuo 80000. florenorum oppignoraverat. Cum autem postea oblata solutione illas vellet redimere, Carolus pecuniam acceptare noluit. Ea igitur Basileæ de-

posita Sigismundus, remissis juribus, quæ prætendebat, cum Helvetiis foedus iniit. Quam fabam adversum se eusam arbitratus Burgundus Helvetiis exitium jurabat, ne quidem admisisse eorum, quos miserant, legatis.

Qua superbia offensi, dum ille 1474. Ubios infestaret, auxiliares Cæsari copias miserunt, ac ferocientem repulerunt. Cum autem haud multò post Fridericus Cæsar privatam cum Burgundo pacem iniisset, solique Helveti hostes ei essent relictæ, hos ille uno velut halitu deglutiendos putabat, adductis curribus, onustis restibus, quibus eos suspendere cogitabat. At verò Germani Gallique, qui Helvetiorum virtutem melius noscere didicerant, & utriusque partis crescentem in dies potentiam exosam habebant, expectatione suspensi hærebant, quò victoria inclinaret, mutuam utrisque cladem tacitis votis ominantes.

Primum prælium anno 1476. commissum est ad *Gransonium* in Verbigenis, quod deditione ceperat Carolus; sed præsidarios incolumitatem pactos partim suspendit, partim aquis suffocavit. Victus ea pugna Burgundus ab irritatis, opes amisit; quas ad ostentationem immensas in castra advexerat. Ad tres miliones florenorum ab Helvetis victoribus collecti dicuntur.

Alterum prælium eodem anno confertum fuit ad *Murtam*, quò Carolus, ira vehementer exæstus, 100000. milites adduxerat. Verum ab Helvetis, qui numero multò minore ad obsidionem solvendam accurrerant, ita exceptus est, ut 20000. Burgundorum in acie occumberent, 10000. aquis suffocarentur.

Carolus Genevam fugâ elapsus, atque tædio ac pudore suffusus, vitato hominum consortio tantisper delituit. Tum verò in novos surgens ausus, reparato exercitu tertium prælium suscipiendum sibi putavit. Ac primò quidem Nancejum obsedit anno 1477. cum reliquam Lotharingiam jam antè Renato Lotharingo abstulisset. At Helveti, Renato foedere juncti, allatis validis auxiliis, tertiam ac supremam ei cladem inferunt, caesis 7000. Burgundionum, ipsòque Duce Carolo occisorum numerum augente; Helvetiorum verò non pluribus, ut fertur, quàm 30. desideratis: ut proin diceretur, Carolum Audacem primo ad Gransonium prælio amisisse suppellectilem, altero ad Murtam gloriam, tertio Nancejum vitam.

Hoc tanto bello fortiter adeò gesto, tantòque hoste profligato, Helvetiorum virtus ac gloria terrarum ubique inclaruit. Eòsque amicos, & socios habere omnes exoptabant. Ac primò quidem

gum Nuitonum, à Bertholdo Duce Zäringenſi anno 1091. exſtructa civitas, (poſtea ad comites Pfyrteneſes, & ab his ad Habsburgicos devoluta) cùm à Nobilitate premeretur, anno 1481. ad fœdus acceſſit, decimo inter Cantones loco illi aſſignato. Eodẽmque adhuc anno Solodorum Imperialis atque antiquiſſima totius Helvetiæ urbs, in Argoja ſita, ſecuta eſt, undecimum ordine locum naſta.

Solodorum.

Baſilea.

Schafuſia.

Finito dein bello Germanico-Helvetico adverſus Maximilianum I. geſto, Baſilea, libera antè Imperii civitas, ex ruderibus Auguſtæ Rauracorum enata, & à Pio II. Pontifice publica Academia ornata, fœderatis Cantonibus, quibus jam antè auxilia præbuerat, anno 1501. ſe adjunxit, honoris gratia nono ipſi loco conſeſſo. Sequentè eodem anno exemplum Scaphuſia; quam urbem anno 1330. Ludovicus Bavarus Imperator Domui Auſtriacæ oppignoraverat. Sed paulatim ab ea deficiens, fœdus auxit, duodecimum locum fortita. Tandem etiam Abbatiſcella, Abbati S. Galli olim ſubjecta, eidem eſt aſſociata anno 1513. ultimo loco contenta. Ubi obſervare licet à primo trium Urbium Sylveſtrium fœdere 205. annos fluxiſſe, donec Helvetia in 13. Cantonum (quos pagos aliqui vocant) ſyſtema coaleſceret.

Abbatiſcella.

142.
Regimen.

Quælibet autem ex his communitatibus, poſtquam per pacem Weſtphalicam ab Imperio fuerunt exemptæ, ſupremam atque independentem in territorio ſuo exercet Jurisdictionem. Varium tamen apud eas eſt regimen, alicubi Ariſtocraticum, ut Lucernæ, alibi Democraticum, ut apud tres Sylveſtres Civitates, uti etiam apud Tugienſes, Glaronenſes, & Abbatiſcellenſes; ruſus alibi Mixtum, ut apud Tigurinos &c. Ariſtocratia tamen prævalente.

Quamvis autem quilibet ex 13. iſtis Cantonibus pleno jure territoriali potiatur, quando tamen de bello, pace, fœderibus, aliisque totam Helveticam Rempublicam concernentibus negotiis tractandum, id in communibus Cantonum omnium comitiis (quæ Badenæ, Aroviæ, aut Fravenfeldæ congregantur) eſt perficiendum; ut adeò in una tredecim ſint Reſpublicæ.

143.
Subditi.

Habent præterea 13. iſti Cantones ſuos ſubditos, velex integro, vel ſaltem ex parte; quibus per Præfectos jus dicunt. Tales ſunt verſus Orientem & Germaniam, Comitatus Badeniſis Comitibus olim Pfyrteneſibus dein Habsburgicis parens, cum Badena civitate, & liberis provinciis, (Comitibus olim Roreniſibus ſubjectis) in quibus Bremgarta, Mellinga, Vilmerga, ſeptem veteribus Cantonibus uſque ad annum 1712. ſubjectæ. Deinde Turgovia, Vallis Rheni, Tractus Sargantinus, quibus octo veteres Cantones per vices Præfectos mittunt. Verſus Occidentem & Galliam quatuor ſunt Præfecturæ,

Mu.

Muratum, Granſonium, Urba, Schwarzenburgum, Bernatibus & Friburgensibus olim alternatim ſubjectæ. Verſus Meridiem & Italiam itidem quatuor Præfecturæ, nempe Luganenſis, Locarnenſis, Mendriſiana, Madiana, à Maximiliano Sfortia an. 1512. 12. Cantonibus traditæ; quòd eum in Ducatum Mediolanenſem reſtituerint.

Porro caſtra Rhætica, Uzenachum, Gamsium, Suicenſibus & Glaronenſibus parent. Bellinzona, Vallis Brunia, Riviera, tribus urbibus Sylveſtribus: Werdenberga Glaronenſibus: Arovia, Pons Areolæ, Zopſinga, Bernenſes habent Protectores: Steinium, Vitorurum, Tigurinos: Dieſſenhoffum Tigurinos & Scaphuſianos: Rappervilla, ſeu Ruperti Villa, olim Uranienſes, Suicenſes, Subſylvanos, & Glaronenſes Protectores agnovit quid verò hic alibique poſt infelix bellum anno 1712. à Tigurinīs & Bernenſibus mutatum ſit, ſuo loco referetur. Denique Epīſcopi-Cellæ Catholici ſubſunt Jurisdictioni Epīſcopi Conſtantienſis, Zvingliani verò Tigurinorum. Omnia ferme iſta præter multa alia Auſtriaciſ fuerunt erepta.

Sunt præterea plures urbes & ſpatioſæ provinciæ, quæ neque ad 13. Cantones pertinent, nec iis ſunt ſubditæ, ſed ſociæ ac fœde-Socii. 144.
ratae, uti Princeps Abbas S. Galli, qui jam olim cum Tigurinīs, Lucernenſibus, Suicenſibus, & Glaronenſibus fœdus inierat: Urbs S. Galli inſuper Bernates & Tugios fœderatos habet.

Rhoeti ſeu Griſones, ad Imperium olim ſpectantes, atque in tria fœdera diviſi, nempe fœdus *decem judiciorum*, ubi Mayenſelda, fœdus *Domus DEI*, ubi curia, & fœdus *ſuperius*, ubi Ilancium; pulſa Nobilitate, anno 1471. cum veteribus Cantonibus fœdere juncti ſunt. Vallem autem Tellinam, & tractum Wormienſem, propter auxilium præſtitum à Maximiliano Sfortia anno 1513. ſibi donatas, tanquam ſubditas ditiones regunt. Et cùm poſtea ad Mediolanenſes redire cogitarent, ope Gallorum retentæ ſunt.

Valleſiana Reſpublica, in ſeptem Diſſenos tanquam provincias diviſa, anno 1533. cum ſeptem Catholicis Cantonibus fœdus iniit. Inferiorem verò Valleſiam, quæ olim ad Sabaudum pertinuit, tanquam ſubditam regit.

Urbs Mühlhuſium anno 1515. & Biela 1547. cum omnibus Cantonibus fœdus pepigit, Rotwila anno 1519. ſub eorum protectionem conceſſit. Neocomenſis Principatus, ad Boruſſiæ Regem hodie ſpectans, Bernates ab anno 1529. fœderatos habet: Geneva verò ab anno 1535. quo Epīſcopum ſuum ejecit, Bernates, ab anno verò 1584. etiam Tigurinos. Epīſcopus Baſileenſis anno 1597. cum ſolis Catholicis Cantonibus ſocietatem fœderis contraxit.

Quin magni etiam per Europam Principes Helvetiorum amicitiam, & fœdus ambiebant, præsertim Galliarum Reges. Initium fecit Ludovicus XI. qui eorum vires ad Basileam expertus fuerat. Cùm enim haud æquis oculis aspiceret Domus Burgundicæ crescentem potentiam, anno 1474. fœdere sibi junxit Helvetos, & cùm Carolum Audacem contudissent, liberalissima eis dona misit.

145. Ejus filius Carolus VIII. 8000. Helvetiorum ad expeditionem Italicam assumptis, anno 1494. *Regnum Neapolitanum* eorum opera expugnavit, & ne in reditu interclusus periret, effecit.

Bella Itali-
ca,

Ludovicus XII. quamdiu Helvetios amicos & socios habuit, prospero successu res ejus ibant in Italia; nam Ducatum Mediolanensem occupavit, capto Ludovico Moro (1500.) Verùm cùm poscentes augmentum stipendii rusticos montanos appellaret, ab eo alienati, atque à Julio II. in Gallos incitati, primò Alphonsum Ferrariæ ac Mutinæ Ducem eorum socium profligârunt. Dein totum Gallorum exercitum Novaram obsidentem, eruptione facta, in fugam conjecerunt, ac denique anno 1513. Maximiliano Sfortiæ, pulsus Gallis, Ducatum restituerunt. Inito dein fœdere cum Maximiliano I. Cæsare & Henrico VIII. Angliæ Rege, Comitatum Burgundiæ invaserunt, nec nisi magna auri vi ab ulterioribus progressibus arceri poterant.

Cùm postea anno 1515. Galli sub Francisco I. Maximilianum Sfortiam rursus Mediolano dejecissent, Helvetique eum restituere niterentur, biduano prælio ad *Marignanum* victi quidem sunt, 10000. suorum amissis, sed Galli eorum vires mirati, magnis deinceps præmiis annisque pensionibus eorum societatem sibi conciliabant.

Magnum profectò apud omnes populos eò usque erat Helvetorum nomen, eximium decus, ingens gloria; quamdiu videlicet unius erant labii, fide, religione, interna pace, fraterna charitate conjuncti.

At verò, ubi antiqua religio, quæ à prima conversione apud eos pulcherrimè floruit, à pluribus Cantonibus fuit protrita, sacra Romana abjecta, & infelix illud schisma mutuam fiduciam, concordiam & animorum concentum scidit, conversis in se ipsos armis, mutusque cladibus attritus, Majorum gloriam, ne plus dicam, non ampliùs æquârunt. Certè quidquid acerbi deinceps Helvetia passa est, deformatæ & novas sectas religioni debetur. Sed hæc luculentius ponenda ob oculos.

ARTICULUS III.

Status Ecclesiasticus Helvetiæ usque ad sæculum XVI. & mutationem Religionis.

HAud ita pridem Joannes Jacobus Hottingerus, Tigurinus, Historiam Ecclesiasticam Helvetiæ scripsit, maligno in Catholicos odio, fraudibus & erroribus fartam; prout in Apologia mea *part. 2. observat. 11. & part. 3. de Ecclesiâ cap. 3.* adversus Tigurinos edita, ostendi, & passim in hoc apparatu ejus lapsus annotavi. Juvat tamen hîc prolixiorem aliquantò sinceriorémque rerum Ecclesiasticarum narrationem ejusdem mythologiæ opponere.

Japheti jam posteros in has terras immigrasse traditur, atque unius veri Numinis cultum secum intulisse; postmodum autem, aliarum gentium more in idololatriam Helvetos prolapsos, præter alia plurima idola, Deam Aventiam præcipuo cultu veneratos: usque dum Romani etiam suos Deos, à Græcis acceptos, uti Jovem, Apollinem, Mercurium, Minervam &c. invexerint: in monte Jovis dæmonem per oraculum sicut olim Delphis responsa dedisse, donec S. Bernardus de Menton eum catena monti alligavit; atque ab eo tempore montem S. Bernardi fuisse appellatum.

Quonam tempore & à quibus lex Evangelica primò fuerit Helvetiis promulgata, res est incerta. Sunt qui volunt, S. Barnabam 146.
illis prædicasse. Alii S. Pauli discipulis id tribuunt. Alii SS. Hermagoram, Maternum, & Eucharium à S. Petro ed ablegatos scribunt. Conversio.

Exploratus tamen apud scriptores est, S. Beatum à Petro Apostolo Romæ ordinatum sacerdotem inter primos fuisse Helvetiæ Apostolos, uti *part. 3. Cathol. observat. cap. 3. §. 1.* adversus Hottingerum probavi. Sæculo dein secundo S. Lucium Rhœtis Evangelium prædicasse Venerabilis Bedæ, & communis scriptorum est sententia. Nec refert, quòd heterodoxi Historici, quos Hottingerus ad an. 205. adducit, hanc rem aut more suo inficientur, aut dissimulent.

Prout autem S. Lucium Curientium, ita S. Pantalum primum Basileensem Episcopum sæculo III. fuisse traditur. S. Pelagium verò eodem sæculo Constantiæ pro Christi fide occisum: S. Mauritium autem cum Thebæa legione Agauni in Vallesia. Uti contra eundem Hottingerum l. c. §. 2. ostendi. Ubi etiam §. 3. SS. Felix & Regula, antiquissimi Tigurinorum Patroni, S. Verena, aliique Sancti pri-

mæ Christianitatis adversus eundem Sanctorum hostem sunt vindicati.

Tempore dein Constantini M. uti alibi, ita etiam in Helvetia Christiana Religio magna incrementa cepit; & multò adhuc majora sæculo VI. sub Sigismundo Rege Burgundiæ converso. Tum etiam Episcopatus Vindonissæ, Octoduri, Curia Aventiæ, Genevæ, jam prius cœpti, distinctiùs determinati. Postquam autem Clodovæus Helvetiam, & Alemanniam, Hassiam nempe, Sueviam, & Bavariam sibi subjugaverat, multi cum eo Christianam fidem susceperunt: ædificatis pluribus Monasteriis, inter quæ celeberrimum fuit Agaunense in Veragris seu Inferiore Valleis, à S. Sigismundo Burgundiæ Rege fundatum ad Divinum cultum, sanctorumque Martyrum. Sanctus quoque Fridolinus ex Sanctissimo ordine S. Benedicti negotium Religionis multum promovit.

Sub finem sæculi VI. Episcopatus Octodurensis Sedunum, Vindonissenis Constantiam, Aventicus Lauannam fuit translatus, ob commodiorem, post plures populos conversos, Diœcesis administrationem.

147.
Helvetiæ
Apostoli.

Sub initium sæculi VII. venientibus sanctissimis viris ex Ordine S. P. Benedicti, S. Columbano, S. Gallo, S. Magno, S. Sigisberto, Helvetiæ & Rhætiæ Apostolis, sparsa ubique Christianæ fidei sementis in fructus uberrimos excrevit; præsertim ubi celeberrima Monasteria ad S. Gallum, Campidonæ, Disertinæ, Abudiaci &c. fuerunt condita, sanctitatis, & doctrinæ viridaria, virorumque Apostolicorum plantaria. Quodque supererat gentilis superstitionis, magnus ille Germaniæ Apostolus Bonifacius, ejusdem Illustrissimi Ordinis præclarum decus, sæculo VIII. eradicavit, proprio dein sanguine in Frisia confirmans veritatem, quam prædicaverat.

Socium, uti facerrimi Ordinis, ita Christianæ Religionis propagandæ habuit S. Pirminium, Episcopum antè Meldensem; dein Helvetiæ & Germaniæ Apostolum. Qui, ut perpetui essent Divini cultus, ac veræ Religionis propagatores, complura condidit sacra cœnobita, uti in Augia Divite, ad Thermas Favarias ad fines Helvetiæ & Grisoniæ, Murbaci in Alsatia, ad Superiorem & Inferiorem Quercum in Bavaria, Hornbachii in Bipontinis, Gengenbaci, aliaque plura ad Rhenum, &c. His accessit eodem sæculo VIII. S. Othmarus, Abbas ad S. Galli, fulgentissimum pariter sydus Monasticæ Sanctitatis & Religionis Catholicæ universim.

Carolus M. cum Helveti in bellis, ab eo gestis in Germania contra Saxones & Bojos, in Gallia adversus Aquitanos & Vascones, in

Hi-

Hispania contra Saracenos, in Italia contra Longobardos, in Pannonia contra Hunnos, fidelem fortémque navássent operam, multos magnósque eis favores impertivit, atque erectis variis in provinciis pluribus magnificis Basilicis Ecclesiasticum decorem in immensum provexit. Ac nominatim Tiguri præter templum principale, à Theodoro Episcopo consecratum Ecclesiam ædificavit honoribus SS. Martyrum Felicis & Regulæ, in loco, quo pro Christi fide vitam immolârunt. Postea vero Ludovicus Germaniæ Rex, Caroli M. nepos, ad augendum cultum eorundem SS. Martyrum Tiguri condidit celeberrimum cœnobium sanctimonialibus, illúdque amplissimè dotavit Tiguro & multis in Urania bonis ipsi attributis, fuerúntque primæ Antistites ipsius Regis Ludovici filia, Hildegardis & post eam Bertha.

Præsertim verò Ecclesiam Christi sanctitate & doctrina illustrârunt summi viri, qui ex Asceterio Sangallensi, scholisque ibidem, ^{148.} ^{San - Gal-} uti etiam in Augia Divite erectis, sæculo IX. prodierunt, Hilperici, ^{lenses.} Wernberti, Walafridi, Rabani, Hartmundi, Isones, Salomones, Ratberti, Wertini, Notkeri, Tutilones, Landolini, aliæque plurima ex Illustrissimo Ordine S. Benedicti, fulgentissima sapientiæ ac veræ Religionis lumina.

Acceperunt sæculo X. ex tenuibus initiis plura alia celeberrima veritatis orthodoxæ & omnigenæ virtutis propugnacula, Monasterium nimirum in Eremo (*Einsidlense* appellatum) ubi S. Meinradus Eremita à duobus latronibus jam antè occisus fuerat, ab Hermanno Alemanniæ Duce, emptis à Rappesvilæ Comite fundis, erectum; & S. Blasii, in sylva Hercinia à Reginberto, qui Ottoni I. à consiliis fuerat, primitus fundatum; utrumque ad Ecclesiæ ornatum, & animarum salutem amplissimè augendum.

In Ecclesia Monasterii in Eremo hodiedum exstat, magnæque ^{Einsidlen-} peregrinorum frequentia colitur sacellum B. V. M. cœlitus ab Angelis consecratum. Cujus cœlestis beneficii memoria septimo quoque anno singulari celebritate recolitur, per 16. dies habitis quotidie duabus concionibus; quarum una etiam mihi olim obtigit.

Ipsam cœnobia, grandibus à sede Apostolica & Imperatoribus privilegiis munitum, pluribus sanctissimis viris fulget, uti Thietlando, Adalrico, Geroldo, Gregorio &c. variisque Diocesisbus Episcopos dedit, uti S. Wolfgangum Ratisbonensi, Warmannum & Rumoldum Constantiensi, Hartmannum aliósque Curienti; multique ex eo, quòd eximiis viris viridique disciplina summopere floreret, in varia Monasteria ad Insulas sunt postulati: ac hodiedum ex lon-

gin-

quinque etiam regionibus accurrenti hominum multitudini prope innumeræ sanctissima pœnitentiæ ac communionis sacramenta jugiter dispensant sacri iudices & animarum medici peritissimi.

Murenſes.

Nec minùs illustre est Monasterium Murenſe (à muris sic appellatum) quod Ratbodus comes Habsburgicus & Idda ejus conjux sub initium sæculi XI. fundarunt religiosissimis viris ex ordine S. Benedicti, cujus opera noverant, non tantùm Germaniam omnèsque ferme Septentrionales provincias ex gentilitatis tenebris ad Evangelii lucem fuisse perductas, atque in vera fide, cultûque Divino fuisse conservatas, sed præcellenti etiam virtute, florènti disciplina regulari, jugique psalmodia atque sanctissimis institutis Divinas laudes personare. Vigetque etiamnum in Principali hoc Asceterio, virètque primævus ille disciplinæ flos, à Majoribus plantatus, atque sub vigili cura Abbatum, ac præsertim Geroldi, summi viri, nuper defuncti, religiosissimè cultus.

Ad hæc tempora referunt aliqui foundationem Ecclesiæ Beronenſis (aliqui antiquiorem existimant) ab Ulrico Comite Lenzburgensi susceptam, in loco, ubi olim Bero comes ejusdem familiæ cum urſo luctatus, & bestię vitam eripuisse, & suam amiſſe traditur. Hodie celebris est ac dives Collegiata Ecclesia, Divo Michaëli sacra, in ditione Lucernensi, 21. Canonicis constans, qui ex Nobilibus aut civibus Lucernensibus à senatu assumuntur, uti etiam eorum Præpositus.

Huic pariter sæculo XI. initium debet Monasterium Benedictinum Engelbergenſe, à Conrado Seldenbürenſi in Subſylvania fundatum, & Petershusanum ad Constantiensem Rhenipontem, à S. Gebhardo Constantienſi Episcopo exstructum, atque dotatum.

Illud quoque memorabile, quòd Hermenfridus Sedunensis Episcopus cum potestate legati à latere in Angliam ab Alexandro II. Papa fuerit missus, ut dissidia Regem inter Wilhelmum & sacerdotium orta componat: ubi Synodum celebravit.

Hoc denique sæculum illustravit Hermannus Contractus, in Augia Ordinem S. Benedicti professus, de quo dubium, doctiõrne, an sanctior fuerit. De eo Bertholdus Constantiensis ipsius continuator: *omnes tunc temporis viros sapientia & virtutibus præcellens.* Tantam autem doctrinam hausit in scholis Sangallensibus, Magistro usus Hilperico, ac præcipuè Maria sede sapientiæ: cujus deinde honoribus antiphonam *Salve Regina* composuisse fertur.

142.

Cisterciens-
ses.

Sub initium sæculi XII. illustrissimus atque sanctissimus Ordo Cisterciensis, à S. Roberto sub severiore S. Benedicti regula jam prius

prius fundatus, à S. Bernardo, uti in provincias alias, ita etiam in superiorem Germaniam fuit illatus, ingenti cultus Divini & animarum salutis incremento. 160. Monasteria universim vivente S. Bernardo condita atque ex ejus disciplina Deiparæ Virgini dedicata. Hodie verò ejusdem Ordinis 1800. virorum, 1080. sanctimonialium monasteria numerari dicuntur.

Inter hæc primum in Germania fuit Luciscellense, in finibus Helvetiæ Alsatiam inter & Burgundiam anno 1124. erectum ac dotatum à tribus Burgundiæ Comitibus, ex Bellevallensi Burgundiæ monasterio ducta colonia, aliis deinceps per Germaniam copiosam daturum sobolem. Ex eo enim enatum est Cæsareense celeberrimum atque amplissimum S. R. I. cœnobium & ex hoc Stambfense in Tyroli: cœlo fecundante Divinos satus. Istud etenim Stambfense B. V. M. ad S. Joannem Baptistam inclitum Monasterium in primævo suo severæ disciplinæ flore jugiter persistens, virtutis & doctrinæ radiis provinciam illustrat, atque sub Rogerio moderno Abbate, uti disciplinæ Religiosæ custode vigilantissimo, ita studiorum Patrono singulari, viris excellenti doctrina conspicuis præclarè fulget.

Lucellæ advocatia Comitibus Pfretanis olim commissa fuit. Ab anno 1467. Solodoranos Protectores habet: magno suo ad securitatem emolumento. Ubi adverte, monasteria olim aliásque Ecclesias potenti alicujus protectioni fuisse commissas, ut ab injuriis & invasionibus vindicentur. Sed hoc ipsum optimum de se institutum magnarum sæpe turbarum fuit occasio, dum protectores jure Advocatiæ abusi, atque in Ecclesiarum bona grassati, aut nimiam inde potestatem sibi arrogantes, loco protectionis exhibitæ maximas eis molestias inferre consueverunt.

Meliores Patronos invenit sub annum 1127. Cretzlingense prope Constantiam monasterium, ab Imperatore, Episcopo Constantiensi aliisque fautoribus Religiosæ perfectionis fundatum pro illustrissimo ac sanctissimo Ordine Canonorum Regularium S. Augustini; utin distincta Ordinum varietate, & virtus omnigena resplendeat pulchrius, & Helvetia omni ex parte ad utilitatem publicam circumdetur opportuniùs. Fuit Prælatus Status Imperii, insertus matriculæ; quamvis in Comitibus comparere non amplius soleat.

Aganunse etiam S. Mauritii cœnobium, hoc tempore ad Canonicos Regulares devolutum, pristino flori est redditum. Erecta eidem præclarissimo Ordini Basileæ & Interlaci sacra domicilia; quæ tamen postea Zvinglianus & Calvinianus turbo rapuit. Ittingense

verò monasterium, Canonicis Regularibus primitus conditum, ad Carthusianos postea devenit.

Paulò post fundatum Ordinem Cisterciensem circa annum 1120. novum Ecclesiæ decus & ornamentum ingens accessit, illustrissimus nempe Ordo Præmonstratensis Canonorum Regularium, duce ac fundatore viro Sanctissimo Norberto, Nobili Lotharingo, Archiepiscopo postea Magdeburgensi, profligata Tanchelini hæresi, aliisque rebus præclare pro DEI gloria, & animarum salute gestis, toto orbe celeberrimo.

Nec diu Helvetia novis istis militantis Ecclesiæ præsidiiis caruit. Quippe Sigenandus, Præpositus Granfeldensis anno 1136. Bellelagii, medio inter Bruntrutum & Biennam loco, primùm ecclesiam, dein cœnobium condidit, atque Præmonstratensi Ordini tradidit; anno postea 1170. ab Ortliebo Basileensi Episcopo, assignatis ex quatuor parochiis decimis, locupletius dotatum; atque in Concilio Constantiensi à Martino V. & Sigismundo Cæsare, novis privilegiis & immunitatibus exornatum; ut proin hæc Abbatia inter Ordines Episcopatus Basileensis primatum teneat. Sicut autem Luciscella sub protectione urbis Solodoranæ floret, ita Alten-Reiffensis in Episcopatu Genevensi sub Advocatia urbis Friburgensis; ejus primus Abbas fuit Guarinus, factus postmodum Episcopus Sedunensis, à S. Bernardo summopere æstimatus & amatus.

His sub finem sæculi XII. accessit monasterium ad S. Urbanum, Ordinis, ut Altenreiffense, Cisterciensis, in finibus Lucernatum & Bernatum situm, atque anno 1194. Deiparæ Virgini, sicut reliqua sacræ hujus Familiæ domicilia, dedicatum ab Episcopo Constantiensi. Fundatores habuit tres fratres Langensteinios & Kapfenbergenses; florétque hodieum præclare sub protectione urbis Lucernensis. Equitibus pariter Rhodiis & Teutonicis suæ sedes assignatæ.

Florebat itaque in tota Helvetia sæculo XII. Catholica Religio, sub vigili Episcoporum cura, totque Religiosorum fidei auxilio; neque ulla turbabant circa fidem dissidia, nisi quòd Arnaldus Brixienis, Romana fulmina effugiens Tiguri conatus sit optimæ messi aspergere errorum zizania.

Aliæ tamen hinc inde fervebant controversiæ, uti circa jus Advocatiæ, fines ditionum, & jura profana. Sic monasterium in sacra Eremo collisum est cum Svicensibus, & dein etiam cum Uranianis & Subsilvanis: Episcopus Genevensis cum urbe, in quam dominium & supremam jurisdictionem sibi vindicabat, excipiente urbe & Comite Genevensi, eum quidem urbi præsidere, sed non aliter, ac Ducem

Ve-

151.
Præmon-
stratenses.

152.
Lites.

Venetorum aut Genuensium. Ex quo bellum satis diuturnum est ortum.

Anno 1157. in Comitibus Vefuntinis Fridericus I. Cæsar Jus Advocatiæ in Episcopatum Sedunensem, Laufannensem, & Gebennensem, cum aliis quibusdam juribus in dictas civitates Bertholdo Duci Zeringensi tradidisse fertur. Quod cum non ferrent Valfesiani, Dux trajecto per montes exercitu cæsus rejectusque est.

Cum etiam hoc sæculo XII. frequentes essent Cæsares inter & Pontifices discordiæ, Helvetia pariter, ut aliæ Imperii Provinciæ, in partes scissa est, aliis alteri adhaerentibus.

Sæculo XIII. Deus Ecclesiæ suæ militanti novas misit suppetias, 153.
Seraphicum videlicet Ordinem S. Francisci, ductis deinceps innume- Francisca-
ris coloniis per orbem terrarum diffusum. Helvetia mox eum rece- ni.
pit, constructo monasterio primo Lucernæ, ubi fundatricem Patres nacti Gutam Comitem Rotenburgi, quæ spatium pro domicilio emit à Murbacensi Abbate, ad quem Lucerna spectabat. Extra civitatem illa degebat prope Criennum in edito colle; quotidie tamen ad sacra in Ecclesia à se constructa audienda accessisse traditur. Quod iter dum pedes conficeret, interea temporis campanula pulsabatur; more in hodiernum usque diem continuato, ut diuturno ac sonoro strepitu vicinia resonet.

Accessere mox alia monasteria, uti Friburgi Nuitonum, fundatoribus Comitibus Kyburgicis; ad quos extincta Ducum Zäringensium mascula stirpe Friburgum aliæque in Helvetia bona per feminam lineam fuerant devoluta.

Idem religiosissimi Patres domicilium fixere Tiguri, Basileæ, Constantiæ, Mühlhusii, Bernæ, Campi Regii, Solodori, Scaphusiæ, & Burgdorfii prope Bernam, ubi eos locavit Eberhardus Comes Habsburgicus, ad quem per conjugem Elisabetham, Hartmanni ultimi Comitum Kyburgensis filiam, translata sunt bona Domus Kyburgicæ. Taceo plura asceteria monialibus S. Claræ ejusdem Ordinis ædificata: uti etiam Eremitas S. Augustini eodem ferme tempore Friburgi, Constantiæ &c. magno animarum fructu introductos.

Cisterciensis quoque Ordo, propter disciplinæ vigorem, & sanctorum doctorumque virorum copiam plurimum ampliatus, in Helvetia monasterium Wëttिंगense, (*Maris stella* appellatum,) Wëttिंगa.
in Comitatu Badensi ad Argojæ & Turgojæ fines, accepit ab Henrico Comite Rappersvilano, qui à peregrinationibus in Palæstinam, Syriam, Arabiam, Ægyptum, & Hispaniam ad S. Jacobum susceptis, peregrinator erat dictus, ac tandem ipsemet sacro huic Ordini

dini se addixit. Colonia ducta est ex monasterio Salemitano, cujus Abbas Vicarius Generalis Ordinis per Germaniam est constitutus.

154. Atque ut nihil sacri præsidii deesset, Dominicani pariter (in
Dominica- Gallia, quòd templum S. Jacobo sacrum possiderent, *Jacobita*, aliàs
ni. communiter *Prædicatores* à concionandi munere appellati) hoc tem-
pore in Helvetia sunt recepti, atque in ea Illustrissimus hic Ordo,
viris eximiè doctis insignis, primum monasterium obtinuit Tiguri,
dein Basileæ, Lausannæ, Bernæ, uti etiam in vicinis urbibus, Ar-
gentina, Constantia &c. Zoffingæ quidem sedem fixerunt, sed
proditionis accusati ex mœnibus suspensi sunt, versò monasterio in
Præposituram.

Petrus Comes Sabaudia, quàm liberalem se exhibuit erga mona-
sterium Agaunense, donata illi valle Bagniensi, tam iniquè bello aggressus
est Henricum de Raronia Episcopum Sedunensem, sed victus à Val-
lesiis recessit. Qua occasione Valesia primum fœdus cum Bernati-
bus iniit (anno 1243.)

Anno 1273. Rudolphus Comes Habsburgi, Kyburgi, Badenæ,
Lenzburgi, Landgravius Alsatiæ, cum bello cum Episcopo implici-
tus Basileam obsideret, Francofurti Septemviris electus est Impera-
tor, ad singularem Helvetiorum gloriam: atque mox pax Episcopo
placuit. Cum autem plures in Helvetia & Suevia hostes adversus
Rudolphum insurgerent, vendita pro 12000. aureis Florentinis li-
bertate, & pro 6000. Lucensibus, victor ubique omnes ad parendi
obsequium reduxit.

Albertus ejus filius, novum in Helvetia Ducatum erecturus,
multas ditiones coëmit, atque imprimis Lucernam pro 2000. mar-
cis seu libris argenti, aliæque in Argoja & Turgoja bona ab Abbate
Murbacensi; Glaronam quoque ab Antistite Seckingana; attracto
ad se complurium Ecclesiarum & Monasteriorum jure Advocatiæ.
Bernam autem (quamvis irritò conatu) obsedit, quòd Judæos ob
concisum Rudolphum puerum ejecisset.

Sub finem sæculi XIII. Episcopus Constantiensis Arbonam ad la-
cum Acronium in Turgoja emptione accepit: Basileensis Bruntru-
tum, & Hombergam. Geneva, de qua Comes Sabaudia cum Epi-
scopo contendebat, hujus dominium agnovit.

ARTICULUS IV.

Continuatio Historica Status Ecclesiastici Helvetiæ usque ad sæculum XVI.

Postquam gravissima dissidia Suicenses inter & monasterium Einsidense, sæpius sopita, iterumque in apertam vim propter fines & jurisdictionem erumpentia ad 200. annos tenuerant, Suicenses subita irruptione monasterium diripuerunt, abstractis incaptivitatem monachis, anathemate propterea ab Episcopo Constantiensi percussi (sub initium sæculi XIV)

Meliori pace fruebatur Vallesia sub Episcopo Aimone de Turri, Comite ac Præfecto suo, qui Gerundæ, amœno colle prope sinum Carthusianæ sacrae Familiæ monasterium condidit (anno 1330.) In quod postea desertum Patres Carmelitæ immigrârunt. Quàm probus autem fuerat Aimo, tam impius alius ex eadem familia (Antonius de Turri) qui circa annum 1375. Guitschardum ex nobili stirpe de Tavellia, Episcopum Sedunensem, avunculum suum, ex arce Seona egit præcipitem.

Haud multò post (anno 1384.) Edoardus Sabaudia Comitis filius in Episcopatum Sedunensem intrusus, à Vallesianis expulsus fuit. Cùmque Amodeus armis eum restituere tentaret, amissis 4000. suorum in fugam coniectus est.

Post victoriam Sempachianam recrudit annosa simultas Einsidenses inter & Svicensis; qui monasterium occuparunt. Res eò tandem transacta, ut pagus aditus in fidem Svicensium recipèretur.

Sub idem tempus mira Constantiæ facta est commutatio. Nicolaus Episcopus factus est Præpositus, & Burcardus Præpositus Episcopatum adeptus fuit. Similequid contigit Basileæ; ubi Episcopi perpetuis ferme bellis cum vicina Nobilitate erant impliciti. Vallis Tel. Episcopus verò Curienfis à Barnabone Galeacio, apud eum lina, exulante, Vallem Tellinam, Wormium, Clavennam, & Plursium (postea terrâ absorptum) dono accepit Wilhelmus autem Montenajus Episcopus Lausannensis, à proprio servo cultro confossus, vitam amisit.

Sub initium sæculi XV. hæc acta sunt. Quo tempore Cuno Abbatiscell Abbas S. Galli ab Abbatiscellenfis, & urbe S. Galli, subditis suis, lanæ turbæ. gravi ac diuturno bello appetitus Wilæ obsessus, atque indignè ha-

bitus fuit, monasterii bonis passim direptis; donec ad obedientiam redacti sunt. Quæ tamen à turbulentis Abbatiscellensibus brevè rursus fuit subtracta. Cùm autem venerabile illud monasterium à multo jam tempore undique ab hostibus impeteretur, sub protectionem Tiguri, Lucernæ, Svicensium, & Glaronæ postea concessit (1451)

Vallesianæ.

Adversus Wilhelmum II. de Raronia, ejusque nepotem & successorem, Episcopos Sedunenses, Vallesiani pariter insurrexerant (circa annum 1414.) præsertim postquam Episcopus Sabaudia Comitum adversus eos invocaverat. Berna Episcopi partes tuebatur; Lucerna verò, Urania, & Subsylvania Dissenis favebant. Episcopus cum Guiscardo parente suo primùm in arcem Seonensem, dein Bernam aufugit, Archi Episcopo Colotienti à Concilio Constantiensi Episcopatus cura interim commissa. Tandem anno 1419. Lausannensis Episcopi & Ducis Sabaudia opera reducto Episcopo conciliata est pax; accusante clero Episcopum apud Pontificem, quòd Dissenis nimium indulgisset. Is proin Romam citatus, in reditu obiit.

Cùm anno 1415. Fridericus IV. ob Joannis XXIII. fugam à Sigismundo Cæsare fuisset proscriptus, Helvetii, qui Domui Austriacæ adhuc parebant, juramento fidelitatis soluti, à foederatis, adversus Fridericum incitatis, direpti sunt; propioribus Rheno urbibus, Steinio, Dieffenhovia, Scaphusia, Frauenfelda, à Cæsare occupatis: & Episcopo Tridentino causam suam adversus eundem Archiducem acriter in Concilio prosequente. Huic cùm ablata restituta essent, sub finem Concilii Fridericus absolutus, ditiones suas recepit, iis exceptis, quæ foederati Helveti occupaverant.

Anno 1418. finito Concilio Constantiensi Martinus V. secundo Rheno Scaphusiam, Badenam, Solodorum, Bernam, Friburgum, Genevam profectus, ubique magna reverentia exceptus, ordinabat Ecclesias. Quæ postea in Helvetia per Concilium Basileense ac Lausannense bene ac malè gesta sunt, *part. 3.* prolixè recensui.

Lucerna, ut aliàs dictum, ad monasterium Murbaense pertinet, semperque ex eo quidam Religiosi in ea habitabant, etiam postquam urbs ad Austriacos pervenit, ac dein in libertatem asserta est. At verò circa annum 1455. Asceterium illud in Collegiatam Ecclesiam Canonicorum ad S. Leodegarium conversum est; quæ hodieum insignibus viris, ad omnem decorem & morum probitatem excultis eximè floret.

Quia in Helvetia & Svevia nulla erat Academia, in Rhenanis verò provinciis non alia, nisi Colonienfis & Heidelbergensis, anno 1459. Basileæ erecta, à Pio II. confirmata, & insignibus privilegiis

ad Bononiensis exemplum, ornata est. Produxit illa deinceps præstantes viros. Utinam semper ad Religionis decus!

Cùm circa annum 1460. Cardinalis Cusanus ab eodem Pontifici Episcopus Brixinensis fuisset constitutus, isque varia jura prætenderet, à Sigismundo, Tyrolis & Anterioris Austriæ Principe, in carcerem datus est. Quam ob rem fidelium communione ei interdixit Pius, atque Helvetios in eum concitavit; qui Vitodurum, & Turgoliam occuparunt, ab octo veteribus confœderatis Cantonibus deinceps per Præfectos gubernatam, Vitoduro sub protectionem Tigurensum concedente.

Post extinctam Comitum Toggenburgensium virilem stirpem Comitatus ille ad Hilteprandum & Petermannum de Raronia Vallesia-Toggenburg. nos propter aviam Toggenburgensem est devolutus, atque 14500. florenorum pretio emptus ab Abbate Sangallensi, ad quem jam antè proprietatem spectaverat. (anno 1469.)

Florebat eo tempore Jodocus Sillinionius, oriundus ex Urania, natus verò Lucernæ, Præpositus Beronensis in Argoja, prudentia, auctoritate, ac rerum usu conspicuus; qui fœderis cum Sigismundo Archiduce & Ludovico XII. Galliarum Rege adversus Burgundum sancienti fœderatis auctor exstitit; Episcopatu Gratianopolitano propterea donatus à Ludovico (1474.)

Waltherus Superfazo Episcopus Sedunensis tunc renovabat fœdus cum Lucernatibus, Uraniis, & Subsylvanis. Quod cùm agrè ferret Ducis Sabaudia frater Episcopus Genevensis, satis negotii fœderatis cum Burgundo fore ratus, collecto suorum & Sabaudorum 10000. exercitu, superiorem Vallesiam invasit, Sedunum obsidione cingens, & igni ferroque provinciam devastans. At Vallesii, Grisonum, & Solodoranorum auxiliis aucti, memorabili prope Sedunum prælio profligatis Sabaudis, inferiorem Vallesiam eripiunt (anno 1475.) quam in hodiernum usque diem tanquam subditam per gubernatores regunt. Utque adversus potentem vicinum se magis munirent, Episcopus, consentiente Cathedrali capitulo & septem Dissenis, perpetuum cum Bernatibus fœdus iniit. Qua occasione etiam Vaudum (Pais de Vaux) amœnissima atque feracissima ad lacum Genevensis regio Sabaudis, ad Burgundi partes inclinantibus, à fœderatis Helvetis erepta est. Restituta equidem numerato ære paulò post, sed sæculo XVI in Bernatum dominium relapsa.

Mortuo Walthero Jodocus, quem dixi, Sillinionius Episcopatum Gratianopolitanum cum Sedunensi commutavit (1482.) gratus initio Vallesiis; quibus petentibus, ut victoriæ suæ, à Sabaudis re-

156.

157.

Bellum.
Sabaud.

158.

Sillinion.

por-

portatæ, fructum percipere liceat, peculiari transactione, Natriæ inita, imminuta Episcopi potestate temporali, plura jura in Valleliam inferiorem, nuper subactam concessit, præsertim verò, ut unum ex gubernatoribus constituere fas sit Dissenis. Transactio ista dein Seduni in Majoria, arce Episcopali, confirmata fuit ab Episcopo, Capitulo, & Dissenis.

Collisus postmodum bello Jodocus cum Aronæ Comite, Infubrium Ducis cliente, victusque, cum in Gallum esset propensior, odium Valleliorum incurrit, eò usque, ut illum in propria arce obsiderent, atque Episcopatu & provincia cedere cogerent: substituto Nicolao Schinero Episcopo (1496.) Milibachio, in Gomesia prope Aragnum, oriundo; cui postea successit ejus nepos Mathæus Schinerus, vir per totam Europam magni nominis.

159.
Prædicator
rurbar.

Antequam hæc contigerunt, haud parum Helvetiam turbavit Andreas, ex Dominicano Ordine ad Cardinalis dignitatem evectus. Hic enim turbulentæ indolis homo ex Italia Bernam profectus, coram senatu ibidem professus est, se Basileense instauraturum Concilium ad reformandum Pontificem, Sixtum IV. ex S. Francisci Ordine assumptum. Basileam ubi pervenit, Cæsaris legatum se mentitus, conscensa Cathedra in Pontificem, velut hæreticum, grandiumque criminum reum, furenti similis detonuit, affixis ubique ad templorum valvas infamibus schediasmatis; quibus populos ab ejus obedientia abstrahere nitebatur, data etiam ad Cæsarem epistola, seditionis plena; qua eum ad convocandum Concilium adversus Papam incitabat. At ille, re cum Pontificiis legatis collata, furentem vinciri, & in carcerem dari jussit: ubi dein laqueo se suspendit, atque à carnifice cistæ inclusus inde ad Rhenum eductus est; haud leve probum non modò Cardinalium Collegii, sed etiam Illustrissimi & Sanctissimi sui Ordinis toto orbe celebratissimi.

160.
Abbas San
gall.

Anno 1490. obiit Uldaricus Abbas Sangallensis, vir singulari sapientia, virtute, probitate, ac constantia; quem alterum velut fundatorem veneratur celeberrimum cœnobium. Provinciam bellis exhaustam reparavit, Toggenburgensi comitatu auxit, subditos ad pacem composuit, apud sedem Apostolicam eam æstimationem obtinuit, ut Cardinalis dignitas ei fuerit oblata; quam tamen viri modestia constanter recusavit. Impedire tamen non potuit, quò minùs Abbatiscellenfes, aliique monasterii subditi novum ædificium, quod Roschaci ad lacum Acronianum extruxerat, demolirentur, veriti, ne Patres antiquam sedem desererent.

Secutum est bellum Suevico-Helveticum cum Maximiliano I. Imperatore, parva scintilla ingens excitante incendium. Clerus in eo multa passus, maximè Episcopus Curienfis, qui relictis Grisonibus ad Casarem confugerat.

Singulari vitæ sanctimonia hoc sæculo XV. Helvetiam illustravit Nicolaus de Rupe, 1417. in Subsylvania natus, piæque educationis, ex justis nuptiis decem liberos genuit. In septenni bello Tigurino, & Turgojo, adversus Ducem Sigismundum gesto, castra secutus, Prætor (Landammanum vocant) à populo electus est. Sed rerum humanarum tædio, ut cœlestium contemplationi quietius vacaret, in solitudinem conjugis consensu se abdens, vitam eremiticam professus fuit, asperam admodum ac severam; ad 20. annos non alio cibo pastus, quàm cœlesti pane Corporis Domini, quo singulis mensibus in templo reficiebatur. Et quamvis nec scribere aut legere nōset, altissima nihilominus sapientia Divinorum mysteriorum imbutus, omnes ad se accedentes, ad cultum Numinis, constantiam in fide Catholica, poenitentiam, & morum probitatem adhortabatur.

161.
Nicolaus
de Rupe.

Cùm Helvetios inter ob divisionem spoliiorum, quæ à Burgundo ter devicto reportaverant, non levis orta esset controversia, post plures conventus habitos ad Nicolaum detulerunt arbitrium; qui ex eremo suo Stantium delatus in curia ad Cantones peroravit, eosque ad concordiam cohortatus est eo proventu, ut sepositis litibus fœdus renovarent, & Friburgenses ac Solodoranos, qui adversus Burgundum suas copias junxerant, in illud pariter assumerent. Quæ omnia Stantii in Subsylvania hodiedum depicta in curia visuntur.

Obiit fidelis iste Christi servus, simplex & rectus, anno 1487. ætatis 70. ante & post mortem prodigiis clarus; Beatorum numero à Clemente X. adscriptus, cum facultate in tota Diœcesi Constantiensi Missam & Officium sub ejus invocatione celebrandi.

Sub initium sæculi XVI. (anno 1508.) evoluta est fabula, quam zelo non satis laudabili luserant Bernæ quidam non optimi filii Sanctissimi patris Dominici. Sententia de Immaculata Conceptione Deiparæ Virginis jam passim invaluerat, Ordine Seraphico ex disciplina Scoti strenuè eandem propugnante. Ægerrimè ea res habuit Bernenses illustrissimi Ordinis Prædicatorum alumnos, eoque impulit indiscreta æmulatio, ut fictis signis & prodigiis sibi & doctrinæ suæ auctoritatem conciliare attentarent.

162.
Impostura
Bernensis.

Opportunus strophæ videbatur Joannes Jezerus, opificio sartor, recens in sanctissimum Ordinem adlectus, homo simplex, & decipi

facilis. Longum foret recensere protasin, epithasin, & catastasin hujus comoediæ; quam dein hæretici variis epifodiis & affabulationibus auxerunt. Sufficit epylogum in argumento tam illætabili brevissimè attingere.

Post varias apparitiones, quibus sub ementita specie sanctorum coelitum, ipsiusque etiam Deiparæ, Dominicani se fratri Jezero præsentaverant, liquore quodam sopito quinque stigmata impresserunt, atque ad se reverso persuaferunt, DEI Matrem ipsi vulnera Christi impressisse. Tum verò illum in altari collocant, Deiparæ imaginem, cui decedentes lachrymarum guttas appinxerant amplexantem; Patrum autem quidam absconditus per imaginem loquebatur. Accurrit ad spectaculum frequens populus: lachrymassè Deiparam, & fratrem Jezerum januis clausis per miraculum in altari collocatum spargunt, nec posse avelli, nisi Prætori urbis ac tribus senatoribus significasset, quæ B. Virgo publicè enuntiare sibi mandasset.

Comparentibus illis in templo sartor frater edixit, quæ à Dominicanis, personam Deiparæ fingentibus, & per imaginem loquentibus, prius edoctus fuerat: videlicet, lachrymassè B. Virginem, eò quòd urbs, si fœderibus & pensionibus Gallicis non renuntiet, sit peritura: quòd Franciscani non ejiciantur: & quòd urbs credat, Deiparam sine macula peccati originalis fuisse conceptam.

Res pluribus suspecta visa est, præsertim ubi sartor Laufannam ad Episcopum abductus, ibique examini subjectus apparitiones suas, reique seriem prodiderat. Senatus igitur Bernensis custodia Monasterio apposita causam ad summum Pontificem, Julium II. defert; qui eandem Episcopis Laufannensi & Sedunensi delegavit. Quæstione proin severè habita, réque diligenter examinata, fraus tota patuit. Atque anno sequenti quatuor Dominicani, Prior, Sub-Prior, Magister Theologiæ, & Procurator, scenæ hujus auctores, sæculari potestati traditi, ac palo alligati à carnifice, exusti sunt, Jezero qui plures alios complices nominaverat, in perpetuum exilium relegato. Atque hæc authenticis actis à Notario Apostolico subscriptis inserta, jamque sequenti anno (1509.) latinis litteris, orbi prodita: à Doctore Theodoro Frickio senatore Bernensi tunc vivente descripta, multorumque postea libris memorata sunt.

malè ob-
jecta.

Hanc paucorum labem etiam ultra veritatem suæ atriis denigratam frequenter nobis objiciunt Heterodoxi, Religiosos Ordines accusantes, quòd fraudibus & imposturis dogmata Romana fulcire attentent, pessimòque exemplo nomen Christianum inficiant. Verùm non video, de quo fidei dogmate actum hîc fuerit Bernæ. Dein, si ex eo
priv a-

privato aliquorum factō Religiosos Ordines sibi infectandos existimant, etiā in cœlum, paradysum, Collegium Apostolicum, primos Ecclesiæ Diaconos, accusent. Adhæc Lutheri sordes & olentem exorcismum, Zwinglii libidines & apparitionem, Calvinii lilium cauteriatum, & miraculum primæ classis, in suscitatione mortui patrum, aliquantisper considerent. Si has purulentas tabes, tot testimoniis manifestas, negent, negabimus & nos eodem jure Bernense facinus.

Successerunt fœdera Helvetiorum cum Julio II. & bella contra Gallos in Italia, auctore comprimis Matthæo Schinero, Episcopo Sedunensi, Legato à Latere, ac S. R. E. Cardinale, qui magna apud Cantones auctoritate pollebat; sed cum suis Vallesianis, incontentore potissimum Georgio Superfaxy, Glisensi cive, collisus est. Is etenim Gallo addictus, Vallesianos in fœdus cum illo attraxit, sequentibus exemplum Grisonibus. Quæ res adeo displicuit Cardinali, Gallos averfanti, & Cantonibus, ut Georgium Friburgenses carceri addicerent: Cardinalis verò anathemate eum feriret. Elapsus inde, ac Romam ad dicendam causam citatus, comparuit, atque Francisci I. intercessione è captivitate liberatus, in Vallesiam rediit. Nec quievit, donec Cardinalem patria extorrem faceret. Rependit is vices Georgio, paulò post pariter in exilium acto, in quo Vibisci ad lacum Genevensē prope centenarius obiit, relicta numerosa prole; ex cujus posteris plures ad Episcopi & Ballivi dignitatem promoti præclarè Rempublicam gerebant. Uti autem per tractatum Sillenonium, ita per has turbas crevit rursus sæcularium potestas; rerum tamen summa penes Episcopum, Comitem & Præfectum Vallesiæ remanente.

Porro: neque Cardinalis Matthæus patriam suam & Episcopatum, multa acerba passum, ampliùs vidit; sed Pontificibus Julio II. & Leonì X. atque Imperatoribus Maximiliano I. & Carolo V. ex integro devotus, tum Romæ, tum in aula Cæsarea, tum maximè in variis ad Helvetios Legationibus versatus, ad Episcopatum suum recuperandum, & militem contra Gallos comparandum intentus, laboriosam tandem vitam Romæ finiit, dum post mortem Leonis X. in Conclavi cum aliis Cardinalibus de novo Pontifice eligendo ageretur, votis pluribus ejus personam designantibus (*anno 1521.*) Ingenio fuit haud dubiè ad res magnas nato; florètque hodie in Nobili Familia, ad summos etiam honores in Vallesia evecta.

163.

Schiner
Cardinalis

ARTICULUS V.

Status Ecclesiasticus Helvetiæ sæculo XVI.

164.
Causa tur-
barum.

Helvetiorum gens, ut scribit Florimundus Ræmundus, non minus corporis robore, quam imperterriti animi magnitudine præstans, concorditer hæcenus in pagis suis, quamvis separatas Jurisdictiones habentibus, arctissimo tamen inter se fœdere connexis vixerat. Et quamvis exteris militans, pacem tamen domi colebat. Tandem verò mala quædam Erynnis, orco progressa, civili excitato bello, Rempublicam hanc, cui unitæ cæteroqui nulla exteri hostis vis est formidabilis, vehementer concussit, populósque in ea comprehensos ita commisit, ut sociorum ac popularium cruore terra passim fœdata, & cæsorū cadaveribus repleta fuerit: idque ob unius tantum, & quidem obscuri hominis somnium, Ulrici scilicet Zwinglii; qui ab albo vel altro genio (colorem enim ipse internoscere non poterat) edoctus atque inductus, Lutheri æmulatione populis illis, novum annuntiavit Evangelium longè diversum ab eo, quod S. Galus Helvetiæ Apostolus majoribus ipsorum tradiderat.

Prout autem omnis in animarum corporumque perniciem fœcunda semper fuit hæresis, ita sectæ præsertim novæ, sæculo demum XVI. erumpentes, Lutherana, Zwingliana, ac Calviniana, more nequaquam Apostolico pacatè introductæ, sed immani furore per cruentas cædes, incendia, urbium provinciarumque ruinas sunt grassatæ.

Zwinglius

Et quidem Zwinglius, homo sacerdotalis in Ecclesia Ordinis, sed inquieti turbidique omnino ingenii, cum Lutherum in Germania novantem ac tumultuantem cerneret, blandientique mendacio populorum turbas trahentem, alioquin cœlibatus pertæsus, & adhiñiens sociali thalamo, sacram stolam cum muliebri commutavit.

Ut autem libidinem, cujus potens non erat, & ambitionem religionis fūco tegeret, Verbum DEI aliorum novatorum more prætexens, in Romanæ Ecclesiæ tyrannidem, ut vocitabat, & abusus tonare cœpit: maximè, cum per id tempus in Helvetiam venissent quidam indulgentiarum præcones, qui potestatem aut mentiti aut supergressi, pecunias sordidè corraferant libertatis insuper dulcedine aures demulcens, Tigurinos in præceptis actos ab avita Majorum fide abduxit: in eo potissimum cum Luthero scurrilibus jurgiis commissus, quod abjurata Christi in Eucharistiæ sacramento præsentia Divini-

minissimum Mysterium, tam claris Verbi Divini eloquiis assertum, eversum iret.

Traxit mox, ut facilis est mali sequela, exempli vis erroris socios. Relicta Monasteria, abjectum sacerdotium, ductæ mulierculæ. Capito & Oecolampadius Basileæ, Hallerus Bernæ, Bucerus & Hedio Argentinæ, Myconius Lucernæ, Blaurerus Constantiæ, virus propinabant. Leo Juda Zwinglii Achates Biblia in Teutonicam linguam transfudit, ea fide, quam ipsi etiam Lutherani reprehenderent. Docti homines, sæculi vitio, pauci erant in Helvetia, qui errores ac fraudes redarguerent.

Equidem Hugo Episcopus Constantiensis, ut ruentem sisteret impetum, apud senatum Tigurinum graviter conquestus est, quod Zwinglius, non legitimè missus, nec ritè vocatus, novam & eò usque in Ecclesia inauditam doctrinam ovibus, curæ suæ Episcopali commissis, prædicet. Sed aliud responsum non tulit, quàm videri illum proponere Verbo DEI consentanea. Ita nempe sibi blandiebantur indocti isti Verbi Divini iudices.

Hoc etenim astu, antiqui illius serpentis instinctu, veterator ille usus est, ut pestiferæ suæ doctrinæ pietatis ac verbi Divini velum prætexeret, & fellis amaritiem frequenti Domini DEI ac Christi Salvatoris mentione, tanquam sesamo & papavere condiret. Qua fraude impostores hodieum libros & pestilentiae cathedras implent, incautosque lectores & auditores fascinant. Cum tamen, ubi dubius aliquis, atque varias inter religiones controversus scripturæ locus, occurrit, nulla ipsis certa suppetat regula decernendi, quo sensu ille intelligendus veniat; nisi privato suo spiritui, aut potius comminiscendi libidini credi velint. Quasi verò DEus certiùs ipsis veritatem inspiret, quàm universis Patribus in Conciliis congregatis, atque ei, cui ovilis sui curam commisit, ligandi atque solvendi potestate cum clavibus regni cœlorum tradita.

Verbo Dei
abusus.

Ne tamen nihil agere videretur Senatus Tigurinus, suprema quadam auctoritate ad decidendas fidei controversias Ecclesiasticorum Synodum anno 1525. indixit, invitato etiam per litteras Episcopo Constantiensi. Et hic quidem misso Joanne Fabro, suo in spiritualibus Generali Vicario, graviter monuit, rem tanti momenti, dogmata fidei concernentem, non esse ejus loci definire, sed ex Christi ordinatione & Ecclesiæ usu ad Concilii, legitimè convocati, notionem pertinere.

165.

Synodus.

Regressit Zwinglius cum suæ factionis turba complice, in re, quæ ad omnium salutem & singulorum pertineat, omnibus quoque

& singulis disquisitionem esse permittendam: perrumpenda tandem aliquando vincula, quibus ligatos populos tyrannis Romana teneat.;

Dimisso conventu doctrina Zwinglii 67. Articulis comprehensa majori suffragiorum numero recepta fuit à senatu illo, quem describunt Ramundus *lib. 3. de orig. hæres. cap. 3.* & Ægidius Albertinus *part. 3. cap. 3. num. 2.* ego verò ex reverentia tam illustris ac primi inter Cantones loci silentio prætereo.

166.
hortatio
Cantonum.

Cantones reliquì, errorum sibilis frustra hætenus afflati, indicto Lucernam conventu, missisque ad Tigurinos Legatis, demonstrarunt, quàm malè sibi, Ecclesiæ, & Reipublicæ consulant, quòd à temerariis aliquot atque turbulentis hominibus quietem publicam turbari, & Religionem à majoribus acceptam, totque sæculorum possessione firmatam, everti paterentur, sparsò in corpus universum Helveticum discordiarum semine.

Incaßum abiit amica fœderatorum hortatio. Altiores enim jam malum radices egerat, quàm ut facili manu evelli posset. Quin eò impietatis deventum, ut pulsis cœnobitis, ac Christi sacerdotibus, Missam abolerent, aras everterent, icones sacras cremarent, & Ecclesiarum, quas pientissimi olim Reges ac Principes coelitus honoribus fundaverant, opimis proventibus ventres profanos saginarent: Lucernatibus aliisque civitatibus necquicquam reclamantibus, atque meliora suadentibus.

167.
Synodus
Badensis.

Quare, ut nihil intentatum relinqueretur, Episcopi, Constantiensis, Basileensis, Lausannensis, ac Curienfis, quorum sacra jurisdictio per Grisoniam & Helvetiam late exporrigitur, accedente communi Cantonum decreto, Conventum Badenam indicunt (*anno 1526.*) in quo de controversis quæstionibus amicè disceptaretur. Miserant eò, quos dixi, Episcopi suos quisque Theologos: quos inter doctrina eminebant, Joannes Faber, Episcopi Constantiensis Vicarius, Thomas Murnerus è sacra Divi Francisci Familia, Theologiæ & J. U. Doctor, religionis Lucernæ columen, & Joannes Eckius, palmis à devicto Luthero inclitus.

Zwinglii
absentia.

Ex parte Novatorum stabant, Oecolampadius, Studerus, & Hallerus. Zwinglius, quamvis, plena securitate promissa, sæpius invitatus, causæ tamen suæ diffusus, comparere noluit. Ita enim vero generosus hic miles, qui toties, dum nemo adesset, qui se opponeret, animosè provocaverat, ubi res seriò agi cœpta, lucem fugiens domi latitabat, prudenter judicans, facilius esse homines rudes, & libertatis appetentes, tumultuosis concionibus Tiguri pervertere, quam doctorum virorum aspectum subire, & adversus eos

malam

malam causam defendere. Non ita primi illi Christiani, gentiumque Apostoli. Qui bonitate causæ & mentis, innocuo testimonio freti, ubi fides agebatur, ad dimicationem se offerebant, & Christi nomen ubique professi intrepidè, per medios ignes & flammæ ad palmam martyrii erumpebant.

Per plures tamen dies, absente licèt & latitante Zwinglio, generoso illo quinti Evangelii Apostolo, disputatio tenuit, Eckio potissimum & Oecolampadio disceptante. Atque imprimis Catholici Theologi themata quædam, quibus Orthodoxa veritas demonstrabatur, proponebant: tum exceptiones Novatorum auditæ, atque utrinque discussæ. Penes quos verò steterit victoria, exitus palàm ostendit. Communi enim duodecim Cantonum decreto septem illa Catholicorum themata, tanquam sacre Scripturæ consentanea recepta sunt & approbata.

Videlicet: 1. verum Christi corpus & sanguinem adesse in cœna Domini, atque realiter & corporaliter percipi. 2. Christi corpus & sanguinem in Missæ sacrificio pro vivis & defunctis offerri. 3. Virginem Mariam & reliquos Sanctos tanquam Intercessores esse invocandos. 4. De sacramentorum numero, virtute &c. vera hæctenus docuisse Ecclesiam, & adhuc docere. 5. Post hanc vitam locum esse, in quo animæ, nondum omni macula liberæ, antequam cœlestis gaudii fiant participes, purgentur. 6. Infantes fidelium in peccato originali nasci. 7. Non Joannis, sed Jesu Christi baptismo illud deleri.

Canones.

Hoc igitur decreto Zwingliana doctrina condemnata in hoc conventu fuit, vetitumque: ne quid in doctrina & cultu Divino novaretur: decretis in eos pœnis, qui secùs facerent. Faber, qui Zwinglium provocaverat, ubi eum ex latibulo suo extrahere non poterat, scriptis rem egit, in quibus enormes Zwinglii contradictiones, & Oecolampadii in solo articulo de sacramento altaris 150. mendacia demonstravit. Ejusque exemplo gloriosus ille pro Christi fide Martyr Ficherus, Rossensis in Anglia Episcopus, utriusque errores duobus doctissimis libris orbi palàm exhibuit.

Triumphasset haud dubiè ubique adversus Zwingliana somnia, in lucem producta veritas, nisi cæcutire malentibus impietatis ministri affudissent tenebras. Neque enim in Badenensi conventu duntaxat Zwingliani prorsus prostrati sunt, ut non haberent quid solidi, quod opponerent; sed in Suevia etiam & Saxonia institutis synedriis condemnati sunt. Quin Lutherus ipse Zwinglium ejusque sectatores tanquam Hæreticos & diabolis omnibus pejores publicis scriptis est

infe-

infectatus: nec quidquam profecit Marpurgenſis conventus, à Land-gravio ad componendam concordiam tanto ſtudio adornatus.

168.
Concilia-
bula.

At pròtrit ſicet virulentus anguis in omnem partem ſe gyra-
bat, ut diſputationem Badenſem, ſibi tantopere infauſtam, explo-
dat, & fallaci ſibiſio aures, ad novitatem prurientes, demulceat.
Quot ſynedria, quot conciliabula frequentata, Triguri, Bernæ, Ba-
ſilæ, Frauenfeldæ, Ilanti, Togenburgi, ut Badenſis macula abſter-
gatur, & decretum comitiale 12. Cantonum evertatur.

Cùmque hæc omnia molimina non ſufficerent, anno 1528. no-
vam Bernæ diſputationem habendam decernunt, eam prætexentes
cauſam, quòd Religionis diſſidia in dies augeantur, nec eadem eſſet
eorum etiam, qui Zwinglio adhærerent, doctrina, & novæ paſſim
ſectæ emergerent. Leges dein diſputationi præſcribunt, atque ad
Cantones litteras mittunt.

Bernenſe
conventicu-
lum.

Lucernates, Uranii, Svicenſes, Subſylvani, Tugienſes, Glarea-
ni, Friburgenſes, Solodorani, prolixo ſcripto graviffimè hortantur,
ut nihil innovetur. Jam Badenæ negotium eſſe tranſactum, atque
ab omnibus Ordinibus, Tiguriniſ ſolis exceptis, ſolenni decreto ſta-
bilitum; novas molitiones ad offenſionem Reipublicæ, ac fœderis
pactique violationem pertinere.

Bernates nihilominus, potentia ſua conſiſi, cœptis inſiſtunt.
Tigurini, Baſileenſes, Schafhuſiani, Abbatiſcellenſes, Sangallenſes,
& quatuor Sueviæ civitates, Conſtantia, Lindavium, Memminga, &
Ulma, Zwingliano pure infectæ, Præcones ſuos mittunt: quos inter
Oecolampadius, Muſculus, Capito, Hallerus, Blaurerus, Bucerus,
& ipſe etiam Zwinglius, generoſus jam miles, cùm nullus adeſſet
hoſtis. Nam Epifcopi, quòd cauſa hæc Badenæ jam eſſet definita;
& alioquin non ad profanos homines, ſed ad Epifcoporum Concilium
ſpectaret, neminem miſerunt, ne ejusmodi conciliabulis auctori-
tatem addere viderentur ſua præſentia.

Catholicis igitur pauci aderant, iique parùm docti, & ob-
ſcuri nominis, adeo quidem, ut ludimagiſter Zoffingenſis Catholi-
corum loco diſputaret, ut Miniſtelli umbratiles ſaltem qualeſcunque
adverſarios habuiſſe viderentur. Auguſtinianus quidem & Domini-
canus Monachus initio aderant. Sed iis, perpetuum Catholicæ Re-
ligionis ſine interruptione conſenſum demonſtrantibus, ſilentium im-
poſuerunt; quòd lege cautum dicerent, ne quidquam præter S. Scri-
pturam afferretur, reponunt illi, hoc ipſum maximè eſſe controver-
ſum, quo ſenſu S. Scriptura ſit intelligenda in quæſtionibus illis, de
quibus ſit præſens diſſidium. Omnes ab omni tempore hæreticos
iden-

identidem inclamasse: sacra Scriptura! Evangelium! verbum DEI! sed ex ejus malo intellectu, & perversa interpretatione omnes enatas esse hæreses. Standum proin interpretatione Patrum, Conciliorum, totiùsque Christiani orbis consensu, quibus melius perspectus fuerit S. Scripturæ intellectus, quàm novellis quibusdam & inquietis, qui non optima intentione ducantur, hominibus. Se proin, cùm Judices ac præfecti disputationis Patrum & antiquorum Doctorum interpretationes doctrinamque rejiciant, & privato suo, quem scripturæ affingant, sensu omnia definire velint, ex hoc Zwingliano Conventu, in quo nihil ex æquo & more Ecclesiæ agatur, excedere.

Sic ergo novi illi ministelli sine adversario alicujus nominis, sine vulnere & pulvere triumphârunt; atque Bernates, Basileenses, Sca-
phusianos, Sangallenses, Mühlhusanos, Bieleneses, multosque ex
Glareanis, Abbatiscellensibus, Grisonibus, Toggenburgicis, Turgoiis,
Rhenovallensibus, aliisque populis, jam antè infectos, ab avita
majorum fide, & Ecclesia Catholica in æternum exitium abstraxe-
runt, sparso etiam Solodori infelici lolio, missoque, qui illud nutri-
ret, Hallero, Bernensi antea ministello. Ubi illud adhuc juvat ad-
vertere, nusquam absque turbis atque civilibus discordiarum mo-
tibus, & armorum non rarò strepitu novas hæc sectas fuisse indu-
ctas; more profectò à Christi Apostolis, & Christianæ Religionis
Magistris multùm alieno.

His accessionibus aucti quiescere diu non poterant Tigurini, ac
Bernates, sed majoribus viribus freti, cum sociis civitatibus in arma
ci-
ruunt (anno 1529.) facta tum quidem pax, cuilibet Cantoni cre-
dendi libertate permissa. Quæ tamen diu non tenuit, mox enim
duobus post annis (1531.) bellum recrudit, Catholicis quinque Can-
tonibus, qui quotidianis ferme injuriis provocati fuerant, ad sui de-
fensionem compulsis.

Cùm enim Zwingliani non tantùm in suis provinciis, sed iis
etiam regionibus, quæ communi potestate ab Helvetis regebantur,
sacras aras passim subverterent, cultumque Divinum, per tot sæcu-
la stabilitum, exterminatum irent, atque subrutis communis fœde-
ris basibus ad pluralitatem suffragiorum controversias nollent dirime-
re, occupatisque viarum claustris, commeatum & annonam inter-
cluderent, bellum illis denuntiant Catholici, graviter conquesti, quòd
contra pacta, & fœdera juramento confirmata, contra pacem pu-
blicam, contra disciplinam & concordiam Christianam, contra
fidem & charitatem, & quæ inter consœderatos esse debeat, ami-

citiam, atque adeò contra jus naturale & omnem æquitatem, Catholicorum subditos ad rebellionem incitârunt, eamque solummodo ob causam, quòd erroneam & larvatam eorum religionem amplecti noluerint, vias publicas obsideant, salern & alia alimenta ad se devehì prohibeant. Cùm igitur jus omne sibi denegatum videant, ac jam tanto tempore tot tantâsque injurias, vim & insolentiam pertulerint, coactos se coram DEO omnipotente, quod ex usu Reipublicæ esset, providere, atque vim vi repellere.

pugna Capellensis.

Ventum igitur ad arma meliorque causâ placuit Superis. Nam quinque Cantones Catholici, Lucerna videlicet, Urania, Svitium, Subsylvania, & Tugium, Vallesiorum subsidiiis aucti, ad *Capellam* memorabili prælio Tigurinos fuderunt, cadente etiam in pugna Zwinglio, galeato potiùs ac hastato milite, quàm Apostolo aut animarum procuratore; homine certè Religioni & Reipublicæ graviter pernicioso; quem brevi post haud dubiè ad inferos secutus est Oecolampadius alter in Helvetia novi Evangelii Apostolus; abjecto cucullo, fractisque sacris votis, DEO factis ad id muneris, & sacrilegum concubinatum vocatus.

Auxère Catholicorum triumphum ac bellicæ virtutis gloriam quatuor aliæ victoriæ, quas brevi post quinque illi Cantones, pro causa DEI certantes, non tantùm à Tigurinīs, sed aliis etiam sectariis, qui suis auxilio venerant, reportârunt.

Accepto etenim cladis nuntio Bernates, quorum præcipua est potentia, cum Tigurinīs, Basileensibus, Solodoranis, Scaphusianis, Sangallensibus, Mülhusanis, conflato, ut fertur, triginta millium exercitu adversus Catholicos, quorum vix octodecim millia fuisse scribuntur, in aciem procedunt. Victi nihilominus Bernates fugam arripiunt, octingentis in acie amissis, & totidem ferme flumine haustis.

Clades Novatorum.

Major autem multò fuit clades, quàm 24. Octobris acceperunt. Nam diem jam bis iniquum sibi experti, noctem amicam magis crediderunt. Sed Catholici in armis parati stabant, atque ut se se internoscerent, candidis vestibus lineis induti, magnam Zwinglianorum stragem edunt, sex millibus eorum interfectis.

At illi contractis profligati toties exercitus reliquiis, novisque copiis aucti, die ultima Octobris rursus tentârunt aleam: sed eodem eventu. Nam quarto prælio victi sunt, amissis suorum quinque millibus.

Cælo probatam Catholicorum causam videbant sectarii; hinc quasi Divos priùs expugnare oporteret, adversus facellum in Eremo, Deiparæ Virgini sacrum, ad quod viris in acie stantibus, imbecillior

Catho-

Catholicorum turba supplicatum iverat, malefani conjurant, illudque funditus evertere statuunt. Hoc eorum consilio cognito Catholici ita eos exceperunt, ut quinque rursus millia occiderent, multis eorum signis captis.

Quinta hac clade fracti tandem sectarii pacem rogârunt; quam benignam admodum dederunt Catholici, moderatè suis usi victoriis, permessa victis in ditionibus suis religionis libertate, cum juribus pristinis: digni profectò, qui eandem erga se moderationem experiantur, si victoria in futurum mutaret vices.

Pax.

Addita fuit illa conditio, ut Catholici renuntient fœderi, cum Ferdinando Rege inito, Zwingliani verò fœderi, quo se obstrinxerant Philippo Hassiæ Landgravio. Zwingliani enim in Comitibus Augustanis condemnati, & à fœdere Smalcaldico tanquam hæretici à Saxone aliisque Lutheranis rejecti, post frustra tentatam Marpurgi religionis concordiam, cum Hassio privatam armorum unionem pacti fuerant.

Cæterum benè notandum, in hoc tractatu pacis statim §. 1. Religionem Catholicam appellari, *veram, indubitam, Christianam fidem*: & §. 2. *Antiquam, veram, Christianam fidem*; Zwinglianam econtra sectam nominari *novam fidem*: argumento manifesto, quid ipsi etiam Zwingliani in publico pacis istrumento sint confessi. Sed nempe aliud est, veritatem confiteri: aliud, illam non sequi. Illud ingenuitatis est: hoc dementiæ.

Multi tamen, præsertim in communibus Helvetorum provinciis, post eam pacem ad antiqua sacra redierunt, uti in Turgoia, valle Rhenana, agro Sargantino, Biadensi, Mellingeni, Bremgarteni &c. præsertim verò Solodori Religio, per plures annos gravibus procel-
lis agitata in integrum restituta fuit. Quin Tiguri etiam non deerant, qui reditum ad agnitam veritatem meditabantur, nisi fraudibus Henrici Bullingeri, qui Zwinglio successerat, Leonis Judæ, Andreæ Carlstadii, Bernardini Ochini, Theodori Bibliandri, Conradi Pellicani, ac dein etiam Petri Vermilii, aliorumque, ex monasteriis profugorum hominum, mulierculas secum abducentium aut quærentium fuissent in errore detenti.

Utque hic magis firmaretur, Tiguri in annos singulos coacta sunt duo ministrorum Conciliabula. Bernæ vero anno 1532. ministrelli 330. synodum constabant, accito etiam Basileâ Capitone, ubi Myconius & Grynæus omnem industriam cum eo contulerunt, ne homines sapiant.

Concilia-
bula.

ARTICULUS VI.

Continuatio Historiæ Ecclesiast. sæculi XVI.

171.

ANno 1533. Adrianus Sedunensis Episcopus, & septem Dissenti cum septem Catholicis Cantonibus, quibus in nupero bello valida auxilia miserant, peculiare foedus inierunt pro conservanda fide Orthodoxa. Anno verò 1536. Vallesiani Carolo III. Sabaudia Ducis, qui Genevam obsedit, tres Præfecturas eripuerunt, Bernenses Vaudum, Friburgensibus etiam in partem belli & prædæ venientibus. Defecit eo tempore Geneva, Lausanna &c. pulsus Episcopus. Joanni verò Episcopo Constantiensi, in Helvetia & Suevia annuis redditibus multum imminuto, indultu Pontificis, Augia & Oeninga accessit.

Foedus.

Vaudum.
Geneva.172.
Vallesia in-
ficitur.

Sub medium sæculi XVI. Zwingliana lues, tacite ulterius serpens, plures etiam ex Vallesiis corripuit, quos inter Kaufmannus quidam, Parochus Vespia, non postremus fuisse traditur, illatum contagium per libros infectos, Tiguro submissos: perque litterarum alumnos, qui, cum in Vallesia scholæ publicæ necdum essent apertæ, Bernæ, Basileæ, & Tiguri studiis operam dantes, luem secum in patriam reportabant. At vigilantia Episcoporum, & zelus Catholicorum, præsertim Gomefianorum (unde hodiedum *Gomesia catholica* appellatur) grassanti malo remedium postea attulit, purgata provincia; foedere cum Catholicis Cantonibus ad conservandam veram Religionem, renovato, anno 1565. Ac postmodum rursus anno 1578.

173.
Pax Sabaud.

Quo tempore Catholici Cantones etiam cum Sabaudia Duce, & Friburgenses ac Solodorani cum Episcopo Basileensi, & urbe Vesuntione foedere juncti sunt. Bernates verò paulò antè (anno 1564.) pace cum Sabaudis inita, Vaudum, & quidquid cis Rhodanum & lacum Gebennensem anno 1536. occupaverant, retinuerunt, restitutis, quæ trans Rhodanum in agro Caballico Sabaudis eripuerant. Lis tamen cum Friburgensibus, ratione religionis in quatuor communibus Præfecturis pluries recrudit; Bernatibus ubique veram fidem exterminatum euntibus.

Obierunt

Obierunt his temporibus plures in Helvetia famosi Grammatici ac Philologi (aut potius Mythologi) uti Bernæ *Joannes Hallerus* Canonici Apostata, Bernensis ruinæ Princeps auctor: Basileæ *Simon Grinæus*, Oecolampadii successor, semi-Lutheranus, magni apud suos nominis; *Andreas Carlstadius*, mundi erro, Sacramentariorum parens; *Sebastianus Münsterus*, monachus, maritus, Bibliographus, Cosmographus; *Erasmus Roterodamus*, quàm cultioris litteraturæ gnatus, tam dubiæ fidei: Tiguri *Leo Juda*, & *Theodorus Bibliander*, Bibliorum non satis fideles transfusores; ut vel ipse etiam Lutherus iis exprobravit; *Conradus Pellicanus*, excucullatus monachus, primum Basileæ, dein Tubingæ adversus Lutheranos, rursus Basileæ, ac denique Tiguri adversus Catholicos declamator, linguæ Græcæ ac Hebræicæ doctor. *Henricus Bullingerus*, Zwinglii in Apostolatu Tigurino successor, à procusa nova Helvetica fidei Confessione famosus; cui Tiguri successit, quem honoris causâ nomino, *Jacobus Bretingerus*; *Petrus Vermilius* seu *Martyr*, monachus Italus, singularis monialium amator, & raptor, quàm acuti homo ingenii, tam pravi; *Josias Simlerus*, Historicus: *Joannes Stumpfius* Chronicus: *Joannes Frisius* Lexiciplastes: *Conradus Gesnerus* polyhistor, de profana eruditione non malè meriti; utinam meliùs de religione! In urbe Sangallensi *Joachimus Vadianus*, Medicus Senator, eodem dignus elogio, aliis tamen modestior.

Taceo *Bernardinum Ochinum* ex sacro ordine & Italia profugum, mulierosum hominem, primo Genevæ, dein Tiguri, Basileæ, in Anglia & Polonia tumultuantem, denique in Moravia pereuntem. *Martinum Bucerum*, fœdisfragum pariter ac sacrilegum ex monasterio apostatam, Argentinæ perturbatorem & everforem, versatilem in fide ac fluctuantem Melanchthonis exemplo Protheum: frustra conatum Lutheranos cum Zwinglianis ad unitatem reducere, alteri alteros hæreseos insimulantibus, gravesque in Suevia, Palatinatu, Saxonia, & Argentinæ turbas cientibus. Omitto etiam *Farelum*, & *Viretum* cum Calvino Genevam & aditas provincias subvertentes.

Hos omnes, quos brevi temporis intervallo mors rapuit, tanquam novos Helvetiæ ruentis Atlantes, & (Erasmio & Vadiano exceptis) verbi Zwingliani ministros, somnisque interpretes ad cælum extollunt heterodoxæ pennæ. Sed diēs, ultrix scelerum, tótque animarum perditarum vindex, lapsus infelices ostendet. Cultioris licet alicujus litteraturæ laus non sit iis

deneganda; de religione tamen non aliam merentur famam posthumam, quàm Herostratus ille de templo Ephesino.

Cum autem Catholici cernerent, Zwinglianos amplis stipendiis, ex profanatis monasteriis & Ecclesiarum foundationibus collectis, publicas ubique scholas erigere, ac turbam didascalorum & præconum, qui ingenio valerent, attrahere, atque per eos rudes pervertere, cogitârunt & ipsi de mediis, abstergendi ignorantiae fuliginem, doctosque viros obtinendi, qui Zwinglianos se opponerent, atque veritatem contra testas eorum fraudes opportunè defenderent.

Igitur S. Carolus Borromæus, Cardinalis & Archiepiscopus Mediolanensis, qui miserandum Helveticæ Ecclesiæ statum præsens inspexerat, re cum Catholicis Ordinibus collata, seminarium Mediolani fundavit, in quo quadraginta circiter ex Helvetia, Vallesia, & Grisonia juvenes morum probitate & litterarum studiis imbuerentur, atque iis instructi populares dein suos erudirent.

Optimum sanè consilium, & usu ipso comprobatum. Ex ea enim pietatis & litterarum palæstra, directioni Patrum Societatis Jesu à S. Fundatore concredita, prodierunt deinceps multi insignes viri, qui verbo & exemplo parœcias animarent, & felici scuto venenata adversantium tela retunderent.

Nuntiatura Usu quoque tunc receptum, ut Nuntius Apostolicus constanter apud Helvetios resideret, caverétque, ne quid Ecclesia, fidesque Orthodoxa in iis partibus detrimenti patiatur. Primus, cui hoc munus obtrigit, fuit Bonomius, Episcopus Vercellensis, obstrepentibus, sed frustra, Zwinglianis & Calvinistis. Fuit autem huic *Nuntiatura*, ut vocant, provincia per Diœceses Constantiensem, Basileensem, Sedunensem, Lausannensem, & Curientem, assignata.

176. Adventus Societatis, Utque in ipsa etiam Helvetia Catholica litterarum studia florescerent, erectæ sunt scholæ publicæ, advocati Patres Societatis Jesu: primò quidem Lucernam anno 1559. & paulò post Friburgum; anno 1588. Bruntrutum, 1646. Solodorum. Cumque non obstante diligenti cura nihilominus, in micus ille humani generis, nova identidem in agro Vallesiano superfeminaret errorum zizania, in eum quoque inductæ operarum colonie, mutata sæpius statione, sedem tandem stabilem Brigæ fixerunt.

& Capucinatorum Atque ut nihil subsidiorum deesset in pagis etiam Helvetiæ, ejusdem S. Cardinalis zelo, & Catholicorum Cantonum liberalitate, magno animarum bono introducti sunt Patres Capucini, vel ipso habitu, & severa consiliorum Evangelicorum observantia, mollem ministellorum vivendi rationem condemnantes. Et primò quidem Altorfii in

in Urania confederunt; inde verò Stantium, Sarnam, Svitium, Lucernam, Abbatiscellam, Badenam, Tugium, Rappersvilam, Frauenfeldam, Surseam, Bremgartam, Friburgum, Bruntrutum, Wilam, Arthum, atque in agrum Sargantinum, Oltensem, Schüpfensem, Glaronensem, felici foecunditate propagati, in sola Helvetia integram provinciam, eamque præstantem constituunt.

Et hæc quidem spiritualia erant præsidia. Quibus adjuncta foedera; nam septem Catholici Cantones non tantum inter se Unionem pactumque renovarunt Lucernæ anno 1585. sanguine etiam & vita, si necesse sit, protegendæ Religionem Catholicam; sed cum Philippo II. etiam Rege Catholico, tanquam Mediolanensi Duce, in eundem finem, anno sequenti foedus jurarunt. Quin imò conservata in Gallia quoque Orthodoxa fides plurimè in sanè debet Catholicæ Helvetiæ, quæ validissimis copiis subsidio missis, tot gravissimis in præliis, cum rebellibus Calvinistis confertis, & Regem & Religionem invicto robore sustentavit.

Lividis oculis res istas spectarunt Cantones Aatholici, acerbè per legatos conquesti, præter alia, adversus hæc cum externis foedera: his enim compagem nexus interni dissolvi, nervosque Helvetici corporis, tanta fide animorumque conjunctione antea uniti, penitus incidi.

Responderunt Catholici, se deplorare labefactatam inter confœderatos Cantones unionem, tanto impendio stabilitam; verum omnis mali originem inde ducendam, quod unius, vilis & foedifragi hominis factione (Zwinglii videlicet) commune ac sociale vinculum sit disruptum, foedera à se inita ad nullius offensionem pertinere, sed necessariam sui defensionem adversus quoscunque injustos aggressores spectare. Aatholicos Cantones diversas religiones in una civitate tolerare, parum sollicitos, cujus fidei sint, modò non sint Catholici: hinc etiam emendationem Calendarii, licet optimè factam, ab iis repudiatam, eam duntaxat ob causam, quod à Papa sit profecta. Voce *Hæretici*: se quidem usos, sed non alio sensu quàm S. Paulum. Catholicam autem Ecclesiam ejusque summum Antistitem gravissimis calumniis & opprobriis à Zwinglianis laceffi.

Addunt, Religionem suam in Verbo DEI fundatam; & extra illam neminem salvari posse. Si veritatem amassent Aatholici, eandem Tridento, quod invitati fuerint, petiissent. Cum Genevensibus (qui Aatholicis Cantonibus foedere juncti erant) nihil sibi fore negotii. Foederibus verò suis, cum aliis Principibus initis, se non renuntiuros, nec eorum legatos abacturos. Ab unitate Religionis pendere unionem, pacem & tranquillitatem Reipublicæ. Illam nisi amplectan-

plectantur, nescire se, quomodo ista conservari possit. Se id acturos, quod è re & usu Reipublicæ videretur.

178.
Synodus
Mympe-
lgarden-
sis.

Verum non tantum à Catholicis, sed à se ipsis quoque vehementer diffidebant Acatolici. Nec Conciliabulo Mumpelgardeni, à Wirtembergico Duce indicto, quidquam profectum; quin majoribus discordiis & rixis collisi sunt, Beza, qui cum Zwinglianis ministellis colloquio aderat, cum Jacobo Andrea, quâ voce, quâ scriptis infamibus, turpiter de doctrina disceptante: & Samuele Hubero cum Abrahamo Musculo in nova jurgia Bernæ insurgente.

Huberus etenim lectis Conciliabuli Mumpelgardeni actis Musculo exprobravit, quod à Bernensis Ecclesiæ, uti etiam à Tigurina Bullingeri Confessione perfidè recesserit, ac novæ Tubingensium subscripserit. Articuli autem, quos Huberus propugnabat, erant: Christum pro omnibus mortuum esse. DEum omnes ad vitam æternam ordinasse. Prædestinatos posse à fide deficere & damnari. Etiam reprobos fuisse aliquando Christo unitos. Baptismum infantium validum & efficacem esse.

& Bernen-
sis turbæ.

Ut hæc capita, Calvini potissimum doctrinæ (à Bernensibus prius rejectæ) contraria, definirentur, coactum est anno 1587. Bernæ Conciliabulum, vocatis ad illud Tiguro, Basilea, Scaphusia, & ex ditione Bernensi, præconibus, eo post trinas sessiones, & multas rixas, eventu, ut Huberus à Senatu, qui judicem agebat, condemnatus, & cum doctrinæ suæ constanter insisteret, proscriptus fuerit. Nec desit postea Tubingæ aliisque in locis Lutheranis Zwinglianos, & Calvinistas, strenuè oppugnare; obscœnus scurra propterea ab illis appellatus. Sed is retorfit argumentum.

Diffidia
Novato-
rum.

Certè ea erat inter sectarios discordia, ut Zwingliani non tantum à Lutheranis & Calvinistis dissentirent, sed quælibet ferme civitas propriam ac peculiarem confessionem ab aliis diversam, ederet, aliis ad Genevensem, aliis ad Bernensem, aliis ad Tigurinam, aliis ad Basileensem, aliis ad Grisonicam, aliis ad Heidelbergensem &c. accedentibus; pulcherrimo fanè argumento fraternæ unionis.


Tirani in Valle Tellina Catholicus Parochus hanc Calvini thesin, Christum secundum Divinam naturam esse mediatorem inter DEum & homines (*lib. 2. Instit. cap. 14. §. 3. contentam*) reprobavit. Quod cum Calvinistæ non ferrent, coacta est synodus (*anno 1595.*) jurgiis transacta. Deputati verò trini fœderis, ulteriore disputatione inhibita, Parochum multârunt, quod Calvinum aggredi ausus fuisset. Sequenti anno Burcardus Lemannus, Tigurinus præco, cum pro concione diceret, sibi imprecatus, ut diabolus eum rapiat, nisi

nisi doctrina sua de cœna Domini sit vera, repente è cathedra abreptus traditur, jure an injuria, non discutio, affirmant alii factum, Tigurini negant: utique non sine causa.

Abbatiscellensis regio, monasterio Sangallensi olim subiecta, dein anno 1513. in commune Helvetiorum fœdus recepta, sicut alii Cantones, per religionis mutationem vehementer concussa est. Dum enim alii antiquam fidem retinere laborant, alii in novos errores abripiuntur, eò usque per multos annos increverunt domestica dissidia, ut anno 1597. in duas eam communitates partiri necesse fuerit; quarum quælibet sui sit juris, proprium senatum, separatamque ab altera jurisdictionem habeat. *Interiorem*, in qua Abbatiscella, & *exteriorem Rhodenam* appellant; illa Christum, hæc Zwinglium sequitur.

179.
Abbatiscellenses divisi.

Constantiensis Episcopus Andreas, Archiducis Ferdinandi filius, Cardinalis & Archiepiscopus Toletanus, tot millium animarum, miserè seductarum, sortem miseratus, atque in omnem partem Pastoralem curam exporrigens, si qua via ad ovile Christi reduci possent, anno 1598. Legatos Tigurum misit, atque disputationis de Religione instituendæ eis copiam fecit; quam cum detrectarent, eorum Confessionem fidei per Joannem Pistorium, virum excellentis doctrinæ, confutavit, plus quàm 2000. erroribus in ea detectis. Patres etiam Capucini tum Abbatiscellæ, tum Thunonii in Sabaudia disputationem obtulerunt A catholicis; at isti satius duxerunt, non condicere. Agrum autem Caballicam, à Bernensibus priùs perversum, insigni cum fructu excoluit S. Franciscus Salesius; Genevæ cultura nequicquam tentata.



CAPUT V.

Schema rerum Mediolanensium & Concilia à S. Carolo Borromæo celebrata sæculo XVI.

S U M M A R I U M.

ARTICULUS I.

De Statu rerum Mediolanensium.

- | | |
|---|---|
| <p>180. Antiqua Insubria, sub Romanis, sub Gothis, sub Hunnis, sub Longobardis, sub Carolingis Imperatoribus, sub Italiæ Principibus, varia fatorum vicissitudine.</p> <p>181. Otto M. Mediolanum ad Imperium reduxit. Fridericus I. evertit. Guelphicis ac Gibellinis Factionibus jactatum.</p> <p>182. Vice-Comites Gubernatores primùm dati ab Imperatoribus, paulatim Principatum ad se traxerunt.</p> <p>183. Hos inter potentissimus Joannes Galeacius, Dux primus Mediolani, Italiæ, imò & Imperatorum terror, qui dominationem in omnem partem protulit, sed filii rursus amiserunt, quod pater acquisiverat.</p> | <p>184. Defuncto ultimo Vice-Comite ingens quatuor intercomitatores de Mediolano contentio. Sed victoriam refert reliquis infirmior Franciscus Sfortia.</p> <p>185. Filius ejus minor Ducatum invasit. Sed à Gallis dejectus, in Gallicum carcerem abductus est. Ejus filii sæpius dejecti à Gallis: sæpius restituti. Donec Carolus V. Ducatum filio suo Philippo tradidit.</p> <p>186. Religionis status. Enumerantur Episcopatus ad Provinciam Mediolanensem spectantes, cum brevi descriptione tum urbis Archiepiscopalis, tum aliarum urbium Episcopali.</p> |
|---|---|

ARTICULUS II.

Concilia Provincialia Mediol. S. Caroli Borromæi.

§. 1.

Mediolanenſe. I.

- | | |
|--|--|
| 187. Oratio S. Caroli de fine Conciliorum. | 194. De miniſtris Eccleſiæ. |
| 188. <i>Pars I.</i> de fide Catholica: prædicatione verbi Divini: imaginibus &c. | 195. De Divinis Officiis. |
| 189. <i>Pars II.</i> De Adminiſtratione Sacramentorum. | 196. De exequiis & ſepulturis. |
| 190. De collatione Beneficiorum. | 197. De bonis & juribus Eccleſiaſticis. |
| 191. De Episcopis: de clericis. | 198. De Matrimonio. |
| 192. De parochiis, vicariis, viſitatione. | 199. De meretricibus, hiſtrionibus, aleatoribus &c. |
| 193. De Judiciis, cauſidicis, executoribus. | 200. De uſuris. |
| | 201. <i>Pars III.</i> de piorum locorum adminiſtratione. |
| | 202. De monialibus. |
| | 203. De Judæis. |
| | 204. De pœnis & executione. |

§. 2.

Mediolanenſe II.

Titulus I.

206. De fide, ſacramentis & paſſionalibus muneribus.

Titulus II.

207. De Miſſa, cultu Divino, & Eccleſiaſticis.

Titulus III.

208. De bonis & juribus Eccleſiarum.

§. 3.

Mediolanenſe III.

- | | |
|-------------------------|--|
| 209. De Feſtorum cultu. | 210. De concionatoribus & fide tuenda. |
|-------------------------|--|

211. De Sacramentis & Sacramentalibus.
 212. De Missa & Divinis Officiis.
 213. De Parochis
 214. De Capitulis.

215. De ornatu & cultu Ecclesiarum.
 216. De bonis Ecclesiasticis.
 217. De Matrimonio.
 218. De foro Ecclesiastico.
 219. De Regularibus.

§. 4.

Mediolanense IV.

220. *Pars I.* De professione fidei, sacris reliquiis, miraculis & imaginibus.
 221. De indulgentiis, jejuniis, festis, & peregrinationibus.
 222. De sacris locis, eorumque cultu.
 223. De Verbi Divini prædicatione.
 224. *Pars II.* De Sacramentalibus & Sacramentis.
 225. De baptismo & confirmatione.
 226. De Eucharistia.
 227. De poenitentia & extrema unctione.

228. De Sacramento Ordinis.
 229. De collatione beneficiorum.
 230. De Missa & Divinis Officiis.
 231. De distributionibus, capitulis &c.
 232. De parochiis & parochialibus juribus.
 233. De Episcopis
 234. De vita & honestate clericorum.
 235. De visitatione.
 236. De synodis.
 237. Admonitiones.
 238. De foro Ecclesiastico.
 239. De Regularibus.
 240. De locis piis.

§. 5.

Mediolanense V.

241. Oratio S. Caroli ad synodum.

Pars I.

242. De fide tuenda.
 243. De prædicatione Verbi DEI & doctrina Christiana.
 244. De festis & sacris temporibus.

245. De votis, oratione, indulgentiis, sacris Reliquiis.
 246. De Sacramentalibus & Sacramentis.

Pars II.

Pars II.

247. De cura tempore pestis. De Hospitalibus à S. Carolo exstructis.

Pars III.

248. De seminariis, & examinibus ordinandorum, curatorum confessoriorum, concionatorum.	251. De Episcopali jurisdictione & foro.
249. De Sacramento Ordinis.	252. De Matrimonio.
250. De Ecclesiis, Synodis, Visitatione.	253. De scholis, confraternitatibus, monialibus.

§. 6.

Mediolanense VI.

254. Oratio S. Caroli.	260. De juribus & jurisdictione Ecclesiastica.
255. De fide.	261. De synodis, & beneficiis.
256. De Reliquiis, festis, indulgentiis.	262. De foro Ecclesiastico.
257. De Sacramentis.	263. De Matrimonio.
258. De capitulis, clero, Divinis Officiis.	264. De disciplina militari.
259. De funeribus, processionibus, Ecclesiarum cultu.	265. De confraternitatibus, piis locis &c.

C A P U T V.

De statu & conciliis Mediolanensibus.

ARTICULUS I.

De statu rerum Mediolanensium.

QUAMVIS de rebus Mediolanensibus tum antiquis tum recentioribus multa pro temporum varietate in hoc apparatu sint AntiquaIndicta ; juvat nihilominus hic illa velut pugno constringere. subria, Circumsita Mediolano regio *Insabria* olim, ac *Gallia Cis-Alpina* fuit

Zz 3

fuit dicta, præcipua postea Longobardici regni provincia: si quæ alia terrarum pars, frequenti varietate fatorum jactata.

Nam postquam Insübres ab antiquissimis temporibus eundem incoluerant, anno 366. à Roma condita Senones Galli Brenno Duce Mediolanum & circumjectum regionum tractum occupasse dicuntur. Verùm crescente Romanæ Reipublicæ potentia, tandem etiam pugna- cissima hæc Natio eidem succubuit. Everfa Republica Imperatori- bus paruit ad sæculum usque Christianæ æræ quintum, quo primùm Alarico Gothorum Duci in prædam cessit, tum ab Attila Hunnorum Rege vastata Mediolano funditus everfa.

Attila ex Italia recessit; Gothos Longobardi expulerunt, qui Alboino duce novum regnum erexerunt, sede Regia Ticini consti- tuta (sæculo VI.) dictum ab ipsorum nomine Longobardicum: su- perstire hodieum nomenclatura *Lombardie*. 206. annis illud re- gnum steterat; cùm à Carolo M. eversum est, Desiderio Rege ad Ticinum victo captoque (sæculo VIII.)

Romani igitur rursus Imperii provincia, sub nomine regni Ita- liæ, facta est Gallia Cisalpina, seu Longobardia, varia tamen for- tunæ vicissitudine. Nam sub Carolingicis usque ad Caroli crassi mor- tem utcunque quæta paruit; tum verò sub finem sæculi noni & ini- tium decimi à Berengariis, Guidonibus, Lampertis, Adalbertis, Bosonibus, & Rudolphis distracta, Ottonis M. virtute in unum rur- sus corpus cum Imperio coaluit.

Sæculò verò XII. surgentibus Gibellinis illis & Guelphicis facti- onibus, sub Friderico præsertim Ænobarbo magnas calamitates Lon- gobardia est perpeffa. Quippe Mediolanum, cùm obsequio se sub- trahere niteretur, prima Friderici expeditione domitum, altera fun- ditus eversum est. Tertia verò expeditione devictus Cæsar, cum Pontifice Alexandro III. & Longobardiæ civitatibus transigere co- actus est.

Sæculo XIII. sub Friderico II. factio recrudit: nec vinci ita Insübres poterant, ut non multum, quoad viveret, negotii eidem facefferent. Tempore Interregni sui juris erant. Postea guberna- tores rursus ab Imperatoribus acceperunt; quos inter erat *Matthæus Vicecomes*, quem Henricus VII. Imperii per Italiam Vicarium dixit (sæculo XIV. anno videlicet 1310.) successit eadem potestate filius *Galeacius*, verùm is à *Marco* fratre suo ad Imperatorem Ludovicum Bavarum delatus agitatae defectionis, cum filio *Azone* in custodiam datus est. At innocentia patefacta liberatus, Marcus verò à nepote suo *Azone*, *Galcacii* filio interemptus est. Huic absque liberis de- functo

Lombar-
dia.

Distracta.

181.
Otto.

Mediola-
num ever-
sum.

182.
Vice-Co-
mites.

functo successerunt ejus patrui, primùm *Luchinus*, tum *Joannes*, qui simul erat Archiepiscopus Mediolanensis, sacra simul ac profana jura dispensans, omnique ferme potitus Longobardia.

Joannes, anno 1354. obiens hæredes scripsit *Stephani* fratris sui filios; quorum tres erant: primus *Matthæus II.* sed hoc brevi decedente, ejus fratres, *Galeacius II.* & *Barnabus*, qui simul Principatum gesserunt. Verùm *Joannes Galeacius* *Matthæi II.* filius se præteritum indignè ferens *Barnabam* in carcerem conjectum veneno sustulit.

Hic igitur *Joannes Galeacius*, ingentium spirituum Princeps, extincto *Barnaba* patruo, non tantum regimen occupavit, sed etiam ab Imperatore *Wenceslao* primus *Mediolani Dux* fuit renuntiatus, attributis ei multis Longobardiæ civitatibus, uti *Alexandria*, *Bobbio*, *Brixia*, *Cremona*, *Laudo*, *Novara*, *Tortona*, *Vercellis*, *Placentia*, *Parma*, *Reggio*, *Bassano*, *Feltrio*, aliisque pluribus. Præterea occupavit *Tarvisum*, *Paduam*, *Tridentum*; *Scaligeris* verò *Veronam* & *Vicentiam* eripuit.

183.
Joannes Galeacius.

Quamvis autem incrementem tantopere *Galeacii* potentiam æquis oculis aspicere non poterant reliqui Italiæ Status, nemo tamen se eidem audebat opponere. Quare *Rupertum* Imperatorem evocârunt; sed is cum exercitu ad lacum *Gardensem* à *Galeacio* victus, in Germaniam redire compulsus est.

Cum Pontifice dein & *Florentinis* commissus, eos pariter acie vicit, & *Bononiam* expugnavit. *Mantuanum* verò *Marchionem Franciscum Gonzagam* arma ponere coëgit.

Tandem post tot victorias morti in prædam cessit anno 1402. ætatis 55. relictis tribus liberis, *Valentina*, *Duci Aurelianensi* nupta (unde postea bellorum seges) & duobus filiis, *Joanne* & *Philippo*.

Igitur *Joannes Maria* alter *Mediolani Dux* regimen auspicatus, patris coëdavit victorias. *Verona* & *Vicentia* *Venetis* cessere, *Bononia* Pontifici, *Pisa* *Florentinis*. Obiit anno 1412. cumque nullam prolem relinqueret, successit *Philippus Maria* tertius *Mediolani Dux*, atque ultimus ex *Vicecomitum* familia. Conabatur is quidem amissas à fratre urbes reducere, sed non minùs infelix, *Bergomum* insuper & *Brixiam* *Venetis* cedere est coactus.

Mortuus *Philippus* anno 1447. vitæ 55. reg. 35. unica relicta prole *Blanca Maria*, ex concubina suscepta. Ingens mox orta de Ducatu *Mediolanensi* magnos inter candidatos contentio. Quatuor eorum erant. Primus *Fridericus Imperator*, qui *Insubriam*, tanquam
Im-
184.
Lis de Me-
diolano.

Imperii feudum, extincta Vicecomitum Ducali Familia, ad Imperium reversam, eidem vindicavit.

Competitores. Alter erat Carolus Dux Aurelianus, cujus mater fuit Valentina, Joannis Galeacii legitima filia, Philippi ultimi possessoris soror. Accedebant pacta dotalia, quibus cautum erat, ut Valentinae posterum in Ducatu Mediolanensi succedant, si Galeacii filii absque legitima prole decederent.

Tertius inter competitores fuit Alphonfus V. Rex Aragoniae, quem Philippus testamento heredem scripserat.

Sfortia. Quartus denique erat *Franciscus Sfortia*, Papiæ Comes, qui Blancam Mariam, ultimi possessoris filiam notham in uxorem duxerat. Et hic, licet omnium infirmissimus, opimam dotem in Dolum suam importavit. Nam Mediolanenses externorum regimen abhorrentes, Blanca declarata hærede, Sfortiam Ducem renuntiatum in possessionem miserunt, fulcientibus etiam ejusdem partes Pontifice & Venetis.

18f. Morus. Moriens anno 1466. Franciscus Sfortia Ducatum reliquit primogenito ex sex filiis *Galeacio Mariae*. Cui anno 1476. interempto succedere debebat filius *Joannes Galeacius*. Sed quia is tenera admodum erat ætate, & mente non satis firma, *Ludovicus Sfortia*, cognomento *Morus*, primum tutelæ nomine administrationem arripuit: dein verò eundem Galeacium nepotem suum anno 1494. veneno extinxisse fertur. Reliquit equidem Galeacius quadrimum filium Franciscum. Verum is anno 1499. à Gallis captus, in monasterio obiit anno 1511.

Ludovicus Morus igitur, Ducatu non satis ex fide parto, ut se tutum redderet, Gallos & Neapolitanos inter se commisit, primò Caroli VIII. focus, dein verò in eo Neapoli rursus depellendo, atque ex omni Italia eiiciendo hostis.

Ad Gallos. Non tulit perfidiam Ludovicus XII. successor Caroli: stimulatque Valentinae aviæ hæreditas. Cum igitur Ludovicus Morus cum Venetis bellum gereret, transmissis Alpibus viginti intra dies totum Ducatum occupavit, Ludovico Moro cum filiis in Germaniam expulso. Verum Mediolanenses Gallorum mox pertæsi, Ducem cum Helvetorum exercitu venientem receperunt; nihilque Gallis, præter arcem Mediolanensem & Novaram, reliquum fecerunt. At Gallus novis submissis subsidiis, cum Helvetii adve fus populares suos, in exercitu Gallico militantes, pugnare nollent, Morum alieno habitu fugere conantem interceptit, captumque in Galliam abduxit anno 1500. ubi post octo annorum carcerem obiit.

Filios reliquit duos, *Maximilianum & Franciscum*. Qui Gal-
lis Ducatum obtinentibus exulatum abiverant. Verum cum Gallo-Ejecti.
rum arma in Italia dominarentur, Pontifex Julius, & Ferdinandus
Catholicus, rupto fœdere, adversus Venetos inito, cum Anglis,
Helvetiis (quos, Ludovicus XII. à se alienaverat) ipsisque Vene-
tis, bellum in Gallos verterunt. Qua occasione *Maximilianus Sfor-*
tia, Helvetiorum maximè opera, Gallis expulsis, Ducatui est resti-
tutus, anno 1512.

Rex Ludovicus equidem novo exercitu misso, totam propemo-
dum Insubriam recuperavit, ipsūque Ducem Maximilianum Nova-
ræ obsedit. At Helvetii eruptione ex urbe facta, tanto impetu in
Gallos investi sunt, ut eos ad internecionem ferme cæderent,
cladisque reliquias tota Italia ejicerent. (anno 1513.)

Franciscus I. biennio post novam in Italiam expeditionem susce-
pit, victisque pertinaci ad *Marignanum* prælio Helvetiis, Maxim-
ilianum adegit, ut sibi provincias cederet, & 30000. aureorum an-
nua pensione deinceps in Gallia viveret: ubi cœlebs obiit anno
1530.

Carolus V. Cæsar & Italiæ Status haud ferentes tantam Gallo-Iterum pul-
rum in Italia potentiam, iis cæsis pulsisque, *Francisco Pfortiæ*, al-
teri Ludovici Mori filio Ducatum restituerunt (anno 1521.) Accepit
autem illum Franciscus à Carolo Cæsare ceu feudum Imperii, clien-
telari jure possidendum. Minimè tamen quieto esse licuit. Quippe
anno 1524. Rex Franciscus novum Boniveto duce immisit exercitum;
eoque magnam partem repulso, ipsemet anno 1525. novas adduxit
copias, firmatōque Mediolano milite præsiuario, Paviam obsedit;
ubi commisso cum Cæsareis Ducibus prælio, victus, captusque in
Hispaniam abductus est: Gallis denuo tota Italia depulsis.

Madritensi deinde pace, post 13. mensium captivitatem, Rex
Franciscus omni in Ducatum Mediolanensem jure se abdicavit. Sed
cum pactionem istam extortam diceret, anno 1528. misso cum exer-
citu in Italiam Odeto Lautrechio, illatis Insubriæ armis, in Regnum
usque Neapolitanum progressus est, urbemque principem obsidione
infestavit. Verum peste in exercitum sæviente, totam rursus Ita-
liam relinquere coactus est, tandèmq, ut Rex filios suos, in Hi-
spania pro se obsides, reciperet, anno 1529. in pace Cameracensi
omni denuo in Mediolanum jure, solenni abdicatione cessit.

Haud multò post, anno videlicet 1535 ubi improlis obiit *Fran-* Ad Austria-
ciscus Sfortia, vitæ 42. præterito illius fratre Joanne Paulo Sfortia cos.
(à quo Comites Carravacenses descendunt) Carolus V. Cæsar Du-

catum Mediolanensem feudali jure possidendum tradidit Philippo filio suo, à quo deinceps ad Philippum III. & IV. atque ad Carolum II. transit.

Carolo II. anno 1700. extincto Philippus Dux Andegavensis ejusdem possessionem cepit, retinuitque usque ad annum 1706. quopost cladem Taurinensem pactione iniita Galli Ducatum Augustissimæ Domui Austriacæ denuo consignarunt. Alexandria verò, Valentia, tractus Lumellinæ &c. Sabaudis accessere; quibus postea plures aliæ urbes ac regiones Ducatus Mediolanensis per alias pactiones relictæ sunt.

186.
Religionis
Status.

Religionem quod spectat, primus eam in Insubria S. Barnabas Apostolus propagasse traditur: plurimumque deinceps pressa fuit, primum à Gentilibus, sub Imperatoribus ethnicis, postea verò ab Arianis, præsertim tempore Constantii Cæsaris, à S. Ambrosio potissimum restituta. Tum etiam ab irruentibus peregrinis populis, Gothis, Hunnis, Longobardis multum perpeffa: denique tot inter revolutiones ac bella, quibus Mediolanum ultra 40. vices obsessum, & ultra 20. expugnatum est, morum disciplina miserè fuit afflicta.

Remedium quæsitum cum per synodos Diocesanas, tum verò maxime per Provinciales, quarum 18. diversis temporibus Mediolani sunt celebratæ: & ex illis sex à S. Carolo Borromæo, ex tota provincia Mediolanensi, quæ est amplissima, & 15. omnino Episcopatus numerat, convocatis Episcopis.

Archiepiscopi Sedes est *Mediolanum*, Insubiæ caput, quæ & Provinciæ & Ducatui nomen dedit: urbs amplissima, quam propterea *Grandem* appellant, 110. monasteria, ut fertur, complexa, 220. ecclesias, & inter has 96. parochiales. Cathedralis, eximie prorsus magnitudinis, media ferme in urbe prospectans, adhuc marmoreo opere in altum surgit, supra tecta ingenti & artificiosa turrium mole duobus jam lateribus in cælum exporrecta. Subtus pavimentum Ecclesiæ sacellum S. Caroli religione populorum celeberrimum visitur, multis ardentibus ad sacrum corpus lampadibus. Præsertim verò Ecclesia S. Ambrosii multis antiquis monumentis est conspicua; inter quæ eminent corpora sacra Ambrosii, Gervasii, & Protasii. Exhibetur ibi serpens æneus à Moïse erectus: porta, ad quam S. Ambrosius Theodosium Imperatorem, prius exclusum, dein poenitentem recepit; corona ferrea qua olim Imperatores ab Archiepiscopo Mediolanensi coronari consueverant. Solus circulus interior est ferreus, reliqua ex auro & gemmis constant.

Mediolani
descriptio.

Taceo templa alia plurima, antiquitate, aut venustate, aut amplitudine conspicua, sodalitatum & clericorum Collegia,

legia, Hospitalia (quorum unum in urbe, alterum extra moenia quadrato opere ac stupenda magnitudine) 22. portas : gemina palatia, alterum Archiepiscopi, Gubernatoris alterum : arcem extra urbem præmunitam forma polygona per modum stellæ ; Collegium Societatis Brerenſe, cum magnifica Academia : armamentarium in urbe instructiſſimum ; Bibliothecam Ambrosianam, Muſæum Settalanum ; liberales artes, commercia florentiſſima, fluvios ad illa opportunos, præſertim *Ticinum*, qui in monte S. Gothardi exortus, Bellinzonam præterveſtus, in lacum Majorem ſeu Verbanum ſe exonerat, indeque egreſſus haud procul Ticino in Padum influit : & *Adduam*, quæ ex Rhoeticis Alpibus exurgens, per vallem Tellinam & lacum Comenſem fluit, atque inde emergens, ac Pizzigitonam & Ghieram interſecans, pariter in Padum prope Cremonam ſe effundit. Ex his enim duobus fluminibus geminus canalis Mediolanum ductus, hinc cum Rhœtia, Germania & Helvetia, inde ope Padi & Adriatici cum reliqua Italia ac toto Oriente & Occidente commerciis opportunitatem aperit.

Secundus Provinciæ Mediolanenſis Episcopatus eſt *Dertonenſis*, Episcopatus à Dertona ſeu Tortona Episcopali ſede ſic appellatus. Hanc urbem, Romanorum tempore celebrem, Fridericus I. Imperator vaſtavit. Inde reparata ac ſæculo iſto munita, atque duabus arcibus editiore loco poſitis firmata, anno 1706. à Cæſareis, anno 1734. à Gallis & Sabaudis expugnata, anno 1738. Regi Sardinie cum diſtrictu Dertonenſi eſt tradita : qui eandem ultimo bello amiſſam recuperavit. In Cathedrali Eccleſia corpus S. Martiani Episcopi & Martyris colitur.

Tertius Provincialis Episcopatus eſt *Aquenſis* ab urbe cognomine dictus, ſita in Ducatu Montis Ferrati, qui olim proprios Marchiones habuit : dein extincta virili ſtirpe Carolus V. anno 1536. eundem Friderico II. Mantuæ Duci, qui ultimi marchionis ſororem habuit conjugem, feudali jure poſſidendum tradidit : anno deinde 1708. à Joſepho Imperatore ad Duces Sabaudie tranſlatum.

Quartus eſt *Brixienſis*, cujus ſedes Brixia, ampla ac venuſta civitas, quam S. Appollinaris ad fidem convertit. A Cenomanenſibus Gallis ædificata, ad Romanos pervenit. Inde ab Attila vaſtata, Longobardis ceſſit : quibus erepta à Carolo M. pars Regni Italie fuit. Libertatem poſtea aliquamdiu ſectabatur : tum ab Henrico VI. Imperatore ad Imperium reducta. Vice-Comitibus Mediolanenſibus deinde paruit. Denique Venetis ſe ſubjecit ; quibus eam Ludovicus XII. anno 1509. eripuit, ſed brevi rursus reſtituta fuit. Cæ-

terùm arce, rupi imposita, munita est, & officina armorum instructa : unde ab Italis *armata* dicitur. Episcopus illius Dux & Marchio appellatur. Circumsitus ager ab ea nomen habet.

Bergamum, à qua *Bergamensis Episcopatus* nomen, eadem ferme fata habuit, sub Romanis, Attila, Longobardis, Carolingis, Scaligeris, Vicecomitibus, Sfortiis, Venetis. Arce & ipsa est munita. Ejus ager ab Ortu Brixienſe territorium attingit, à Septentrione Vallem Tellinam, à Meridie & Occidente Mediolanenſe dominium. Bergamates lingua Italica omnium maximè abſona uti dicuntur.

Cremona, *Episcopi Cremonensis* ſedes ad Padum ſeu Erydanum ſita, urbs eſt ampla & perveſta. Antonius Triumvir illam directam miſerè vaſtavit : unde illud Virgilii : *Mantua heu miſera nimium vicina Cremonæ* Vespasianus reparavit. Sub Gothis, Longobardis, Guelphis & Gibellinis multa perpeſſa, ad Vicecomites Mediolanenſes & Sfortianos, translata, ſæpiùs à Gallis expugnata, iterùmque iisdem erepta ; hoc ſæculo, anno videlicet 1702. Eugenius Princeps ſuos per canalem immiſit, multisque Gallorum caſis Villa regium Ducem cum aliis captivum abduxit.

Cæterùm Cremonenſis ager à Pado Addua, & Ollio includitur, & hic quidem à Brixiano & Bergamenſi ditione eundem ſeparat, Padus verò à Parmenſi & Placentino Ducatu, in quos ex altiffima turri, quam Fridericus Barbaroſſa ædificaverat, longiffimus proſpectus, trans Padum, ad ipſam etiam Placentiam conſpiciendam patet. Ager ubique, ſicut Mediolanenſis, eſt admodum fertilis, maximè frumenti & orizæ ferax.

Septimo loco eſt Episcopatus *Aſtenſis*, cujus ſedes Aſta Pompeja, urbs ampla & munita ad Tanarum ſita in comitatu Aſtenſi, qui inſuper Verucam & Cevam complectitur. Olim ad Ducatum Mediolanenſem, hodie ad Pedemontanum pertinet. Arma hoc præſertim ſæculo magno ſtrepitu circumſonabant.

Octavus eſt *Alexandrinus* ; urbs tempore Friderici I. Imperatoris à Guelphis ædificata ad Tanarum, in honorem Alexandri III. Pontificis *Alexandria* dicta eſt ; operibus poſtea & arce munita. Spectabat ad Ducatum Mediolanenſem : verùm anno 1706. ab Eugenio expugnata, anno ſequenti Sabaudia Ducis relictæ eſt.

Conterminus Episcopatus eſt *Vercellenſis*. A Vercellis perveſta populosa ac munita Pedemontii urbe cognominatus.

Decimus *Albensis*, cujus sedes Alba Pompeja Montisferrati civitas ad Tanarum, post annum 1631. Sabauda parens, per pacem Chierascensem eidem addicta.

Undecimus *Vintimiliensis* in Genuensi ditione. Urbs Vintimilia portu & arce instructa ad Genuenses spectat, ager circumjectus verò ad Comites Vintimilienses.

Duodecimus *Savonenfis*, pariter ad Ligusticum mare expansus. Savona, post Genuam facilè, princeps Genuensium urbs, anno 1616. præclare munita, anno 1727. frustra à Sabauda est appetita. Ultimo bello occupata quidem, sed ad pristinos dominos rediit. Portum habet, sed, ne commercia à Genua abstrahantur, minùs excultus.

Decimus tertius *Casalenfis*, quem rogatu Wilhelmi Palæologi Montisferrati marchionis anno 1474. erexit Sixtus IV. à quo tempore Casale non tantùm Episcoporum sed etiam Marchionum facta est sedes, & caput totius Ducatus. Sita est ad Padum, à Mantuæ Duce Vincentio egregie munita anno 1590. at verò anno 1681. à Carolo IV. Mantuæ Duce Gallis vendita, novisque munimentis instructa; quibus tamen exuta est, postquam fœderati anno 1695. eandem occupârunt. Initio hujus sæculi Galli eam rursus munierunt; at anno 1706. Sabauda cecidit, cum toto Ducatu.

Decimus quartus *Viglevanensis*; sedes Viglevanum urbs, minuta quidem, sed tamen munita, cum Viglevanensi districtu, sæpiùs à Sabauda petita, ac tandem obtenta. Episcopatus primùm à Clemente VII. erectus est, rogante Francisco Sfortia Mediolanensi Duce.

Decimus quintus *Novariensis*, cujus urbs primaria Novara, Petri Lompardi patria, insigniter munita, cum agro vicino, anno 1738. in manus Regis Sardinia devenit.

Hos Episcopos obiter commemorare placuit, quia illi omnes ad provinciam Mediolanensem spectantes sex Concilia provincialia sub S. Carolo celebrârunt.

Sunt quidem alii insuper Episcopatus in Ducatu Mediolanensi, sed non pertinent ad provinciam hanc. Sic Papiensis est exemptus, & immediatè subiectus sedi Apostolicæ. Comensis ad Aquileiensem. Bobiensis ad Genuensem, Placentinus ad Bononiensem provinciam spectat, quamvis ad Concilia Mediolanensia fuerit evocatus.

ARTICULUS II.

Concilia Provincialia à S. Carolo Borromæo Mediolani celebrata sæculo XVI.

187.

Decretum Tridentini de celebrando quovis triennio Concilio provinciali nemo diligentius & curatius executus est, quàm S. Carolus Borromæus, S. R. E. Cardinalis & Archiepiscopus Mediolanensis. Quippe is undecim Synodos Diocesanas, sex omnino Provinciales habuit, atque Ecclesiasticam disciplinam sanctissimè restauravit. Ego illa, quæ magis videntur memorabilia pro instituto meo, in brevem summam contraham.

§. I.

Concilium Mediolanense I. anno 1565.

AD patres congregatos ipse sanctus Cardinalis Orationem ferventem habuit. In qua demonstravit, quàm salubriter mos Concilia celebrandi, jam diu intermissus, in usum revocetur; ex quo Christiana Respublica uberrimos salutis fructus sit perceptura. Et quidem ipsa natura & ratione nos duci, ut in gravioribus rebus deliberandis aliorum consilia inquiramus. Instituti hujus auctorem ipsum esse Christum Dominum, qui congregatis in suo nomine præsentiam suam promisit: Apostolos autem, etsi doctore Spiritu Sancto uberem omnium rerum cognitionem sint consecuti, tamen, si quid gravius incidisset, hac consultandi ratione usos; innumerabiles deinceps sanctiones fuisse constitutas ac decreta promulgata, & à summis Pontificibus, & à Conciliis, tum œcumenicis tum provincialibus, de retinenda aut certe repetenda hac synodorum consuetudine. Hujus autem intermissio, difficile dictu esse, quantas calamitates in Christianam rempublicam invexerit.

Inde enim miserè prolapsam Ecclesiasticam disciplinam, ipsosque, qui in officio continere alios debuissent, maximè ab officii semita deviâsse. Nota esse Ecclesiæ DEI vulnera, quæ sine acerbissimo doloris sensu commemorari nequeant. Convenit igitur hunc provincialem, quàm primùm licuerit, à seindictum, ut, quod periit, re-

requiratur, quod abjectum est, reducatur, quod confractum est, alligetur, quod infirmum est, consolidetur, quod pingue & forte, custodiatur. Hoc munus pastoris, hoc ducis officium, has partes gubernatoris, ut gregi, militi, navi prospiciatur.

Et quia tria præcipue sint, quæ ex Tridentini Concilii auctoritate in Conciliis provincialibus agi oporteat, ut delicta corrigantur, mores ad optimam disciplinam revocentur, dirimanturque controversæ, primum illud esse jaciendum totius ædificii fundamentum, ut omnia & singula, quæ à Tridentino definita ac statuta sunt, ex integro recipiantur. Memorat deinde, quomodo curandi delictorum morbi, disciplina restituenda &c. proponit sanctorum Patrum exempla, cum ferventi adhortatione ad synodum.

PARS I.

De Fide Catholica.

Prima Pastorum cura fides Catholica, ejusque professio secundum formulam ad mentem Tridentini à Pio IV. præscriptam, in prima synodo à Beneficiatis omnibus edenda: item ab omnibus præceptoribus intra mensem. Suspecti de hæresi mox ad Episcopum vel Inquisitorem deferantur. Hæreticorum terras litterarum aut mercaturæ causa ne adeunto, idque sæculares Principes & Magistratus prohibento. Sacræ Inquisitionis officio favento, regulas Indicis de libris vetitis servari Episcopi jubento.

188.

Prohibetur omnis abusus sacræ Scripturæ. Magistris idoneis & probatis juvenus instruenda committatur. Parochi singulis Dominicis & festis à prandio pueros instruant doctrina Christiana. Quæ Ecclesiæ Cathedrales vel collegiata stipendium pro Theologo necdum habent assignatum, Præbendam proximè vacaturam eidem attribuant.

Prædicatio Verbi Divini præcipuum munus Episcoporum, per se ipsos, si fieri possit, secus per alios idoneos obeundum, & quidem in parochiis singulis saltem Dominicis & festis præcipuis, & diebus jejuniorum, quadragesimæ & Adventus quotidie, vel iis saltem diebus, quibus Episcopus jusserit. Parochi quovis mense unam saltem concionem ad Episcopum mittant, ut dispiciat, quomodo Verbum DEI prædicent. Si autem munus concionandi obire non possint, peritos implorent. Extra urbem verò singulis mensibus saltem semel Verbum DEI prædicetur. Concionatoribus autem præter victum etiam eleemosyna præbeatur.

Tra-

Traduntur præcepta concionatoribus ; sacram scripturam juxta sensum Patrum interpretentur ; nihil leve aut futile proponant : sed præcipuè in Evangelii, symboli, orationis Dominicæ, salutationis Angelicæ, decem præceptorum, Sacramentorum Ecclesiæ, & sacrorum rituum dilucida explicatione versentur. In scelera, pravas consuetudines & periculosas, non autem in homines, vitæ statum aut ordinem ab Ecclesia receptum invehantur, neque in Episcopos, Magistratus sæculares, aut Prælatos, sed præpositis etiam discolis obedire doceant. Officia hominis Christiani erga DEum, proximum, & se ipsum inculcent. Non solum instruant, *cur* virtutes colendæ, & vitia fugienda, sed etiam *quomodo*. Qua ratione utendum talentis, animi dotibus, bonis fortunæ. Præsertim verò bono exemplo præluceant.

Neque pro se neque pro aliis in concione eleemosynam petant, sed in genere de officiis charitatis admoneant. Noctu nunquam habenda concio. Sub ea nec Missa nec horæ legantur. Episcopi ipsi studeant interesse ; uti etiam reliqui clerici. Loca virorum & mulierum sint distincta.

Circa imagines insolitas observentur decreta Tridentini. Nec aliæ proponantur, nisi quæ pietatem excitant. Quare pictores & sculptores nullam imaginem effingant, nisi Parocho approbante. Repæsentationes omnes vanæ tollantur. Reliquiæ Sanctorum religiosè asserventur, vasculis decorè conditæ : cùm populo ostenduntur, accendantur lumina &c.

Sortilegia quæcunque acriter coërceantur, in blasphemos poenæ statuantur. Dies festi religiosè colantur. Nulla officina sit aperta. Ne ludi equestres, spectacula ludicra, aut certamina, vel choreæ proponantur.

PARS II.

§. I.

De Administratione Sacramentorum.

189.

Ut omnibus Sacramenta ministrari possint, loca valde diffusa viciniore parochiæ uniantur, aut novus rector constituatur sumptibus matricis ecclesiæ, aut populi. Fines parochiarum dubii determinentur. Nihil exigatur pro administratione Sacramentorum.

Ri-

Ritus & ceremoniæ more Romanæ Ecclesiæ adhibeantur. Populus de virtute & usu instruat.

Baptismus in ecclesia ante nonum diem peragatur. Si in casu necessitatis domi infans sit baptizatus, ceremoniæ in templo suppleantur. Compadres eligantur, qui animæ sint profuturi. Chrisma solenniter consecretur, baptisterium & liber baptizatorum visitanda. Puerperæ, cum domo exierint, ad templum pergant, ad agendas DEO gratias, & benedictionem à paracho accipiendam.

Confirmatio septennio minori non conferatur. Parochi tempus populo denuntient. Susceptores nihil largiantur. Parochi confirmatos inscribant & compadres.

Eucharistiæ sumptionem tempore paschæ nemo differat. Negligentes ad Episcopum deferantur. Legitimè absentes paracho fidem faciant de peracta communione paschali. Publici peccatores graves, semel admissi, si relabantur, non admittantur, nisi emendatio fuerit perspecta. Si fieri possit, maribus seorsim ministretur. Statuuntur phura alia, jam aliàs nota & usitata.

Missam nemo legere permittatur, in aliena Ecclesia, nisi scriptam licentiam ab Episcopo habeat. Hic autem illam non det, nisi visis testimoniis proprii Episcopi, brevè antè datis. Notoriè criminosi non admittantur. Facultates eadem die plures Missas legendi posthac sint irritæ. Nemo Dominicis & festis in oratoriis Sodalitatum aut sæcularium Missam dicat ante finitam concionem, quæ inter Missam in parochia habetur.

Missæ nec ante auroram nec post meridiem dicantur, nisi ex causis jure expressis. Nec in oratoriis privatis, nisi ab Episcopo sint approbata. Paramenta sint munda: ac propterea, si fieri possit, vinum album adhibeatur. Ineptiæ in primitiis tollantur. Ceremoniæ Romanæ Ecclesiæ sint solæ in usu. Varii abusus in Missa legenda vetantur.

Sacramentum Penitentiae quivis saltem semel in anno à proprio paracho percipiat. Medicus curet, ut prius anima sanetur. In cathedrali sit proprius pœnitentiarius. Episcopi defectum habeant confessoriorum. Fœminæ ante ortum solis & post occasum non audiantur; nec in privatis ædibus absque necessitate fiat confessio. Qui superiori confessione jussi aliena restituere id neglexerunt, non absolvantur ante factam restitutionem. Publicis peccatoribus publica pœna imponenda.

Casus Episcopo reservati sunt: raptus Virginis. Violatio moralis. Abortus procuratio. Incestus in 1. & 2. gradu. Incendiarium.

Pollutio Ecclesiæ. Homicidium voluntarium. Percussio parentum. Expositio infantum in loco pio, si habeant, unde alant. Crimen Notarii, qui legata pia non denuntiat. Magia & supersticio. Stateræ, mensuræ, monetæ adulteratio.

Inter opera pœnitentiæ est *Jejunium*: quod observandum in quadragesima, quatuor anni temporibus, pervigilis, tri-duo rogationum. Quibus abstinentia à carne servanda, & omnibus, quæ à carne trahunt originem, ut ovis, lacte, caseo, butyro. In provincia initium quadragesimale jejunium sumat à die cinerum, exceta urbe Mediolanensi, iisque Diœcesis partibus, in quibus ex S. Ambrosii instituto Divina officia celebrantur. Illorum verò damnatur ingluvies, qui primis quinque diebus quadragesimæ Mediolanum se conferant, ut carnibus vesci possint.

Extrema unctio ægroto, dum integris adhuc est sensibus, à paracho ministretur. Qui illum consoletur, & hortetur, ut à curis terrenis ad cœlestem vitam cogitationes erigat, ut abjecto mortis metu, gaudeat, se à DEO in æternam requiem vocari. Præsentes verò moneantur, ut preces pro ægro fundant.

Sacramentum Ordinis conferendum cum iis cautelis, quas Tridentinum præscripsit. Neque Episcopus neque ejus ministri quidpiam accipiant, etiam sponte oblatum. Omnium Ordinatorum nomina inferantur libro: qui apud Archidiaconum, & Episcopum custodiatur.

§. 2.

De Collatione Beneficiorum.

190.

Clerici ad Beneficia adaptari debent in *feminariis*. Ad hæc autem fundanda omnes Beneficiati decimam partem fructuum contribuant. Pro electione, præsentatione, nominatione ad Beneficium nihil omnino, etiam sponte oblatum, accipiat. Neque ab Episcopo aut aliis ulla pars fructuum reservetur. Sed integrè & absque diminutione conferantur. Aliàs jure cadant. Episcopus autem neminem instituat, admittat, aut confirmet, nisi juraverit, neque se, neque alium se sciente aut consentiente quidquam largitum, promississe, aut compensasse. Notariis, aliisque ministris pro litteris non plus detur, quàm ad summum duo aurei.

Ne plaris vendatur res propter annexum jus patronatus. Ne quidem ad redimendam vexam, etiam in casibus à jure permissis, lice-

liceat aliquid dare absque consensu Episcopi. Qui Beneficium vacans multis, & ambitionis precibus per se vel alium petit, ad illud & cætera omnia per biennium sit inhabilis. Idem: si quis Beneficium necdum vacans postulet.

Vacante *Ecclesia parochiali* affixo edicto omnes invitentur ad concursum, & examen, instituendum juxta formam à Tridentino præscriptam.

Promovendus ad Episcopatum imprimis examinetur à quinque viris doctis de *fide, vita, & moribus*: an sit bonæ existimationis? an suspectus de hæresi? An hæreticorum libros legerit? An cum eis conversatus? An statò tempore confiteatur &c.? An sacris Ordinibus initiatus? An infamia notatus? An inimicitias graves gerat in loco Episcopatus? An filios habeat illegitimos, & quot? An familiam suam prudenter regat? An bigamus? Suspectus? Excommunicatus? Apostata? an ei publica pœnitentia imposita? An insanierit? An à dæmone vexatus?

De *natalibus* verò, *ætate, gradu, corporis habitu*, à duobus vel tribus testibus, vel ex instrumentis publicis cognoscatur. An ex legitimo matrimonio natus? An hæretici filius aut nepos? An trigessimum annum impleverit? An Doctor vel Licentiatus Theologiæ, aut SS. Canonum aut saltem publico alicujus academici testimonio ad alios docendos ostendatur idoneus? Si Regularis fuerit, an à suis Superioribus similem fidem habeat? An aliquo vitio vel insigni deformitate laboret? An comitali morbo tentetur?

De *Doctrina* autem sic periculum faciat. Adhibitis tribus Theologis, & tribus Canonistis interrogetur. Quid differant Sacramenta veteris & novæ legis? quot sint, & quænam eorum materia, forma, minister? quod officium Presbyteri, Diaconi, Subdiaconi, quodve minorum Ordinum? quæ præcepta Divina, quæ Evangelica consilia? Duos item locos ei proponat interpretandos, alterum novi testamenti, alterum veteris, à mane ad vespèram dato spatio. Dein experimentum fiat, an etiam jure Canonico sit imbutus. Quibus confectis professionem fidei ex consueta formula emittat. Denique hæc omnia ad summum Pontificem mittantur.

Clerici universim nihil præ se ferant, quod non simplex, castum, integrumque sit, ut modestiæ, frugalitatis, benignitatis, & quæ eos tantopere cum DEO conjungit, sanctæ humilitatis, ac virtutum omnium exemplo cæteris præluceant. Episcopi & reliqui sacerdotes Dominicis & festis Missam celebrent. Curati præterea ter in hebdomada, aut etiam sæpius, reliqui verò clerici sæpius communicent.

§. 3.

De Episcopis.

191.

Alienum est valde à dignitate Episcopi, si in consuetudine Principum se deprimat, & abiiciat. Ne igitur accumbentibus illis stent. Principes verò eos honore debito prosequantur. Ut igitur venerationem sibi concilient facilius, nunquam profano *vestitu* compareant, aut cum apparatu. Unde non utantur serico, pretiosis pellibus, unguentis, stragulo equi serico, ephippiis, calcaribus, aut frænis inauratis. Lineum rochetum gestet in ecclesia & in publico. Sine talari tunica neque ex cubiculo exeat. In itinere quoque vestitum gerat: ex quo Episcopus appareat.

In *supellectili* nihil auro argenteove ornatum: nihil sericum, aut colorum variete distinctum: non aulæ aut tapetia: nihil acupictum, aut variè textum, vel studiosius elaboratum. Simplici tantum corio vel panno mensæ sint strata. Nulla signa aut tabulæ profanæ. Equos ne alat, nisi necessarios. In domo ejus nihil appareat, quod simplex & modestum non sit. Omnem verò splendorem ad templorum cultum & ornamentum conferat.

Mensa sit frugalis, tribus ferculis contenta. Bellaria, placenta, omniâque saccharo artificiosè condita, cæterâque escarum lenocinia, & exquisita vinorum genera prohibentur, non obstante quocunque hospitum respectu. Mensa lectione sacra sit condita. Parasiti, sannoniones, scurriles joci, maledicta procul absunto.

Familia pariter ad omnem modestiam sit composita: modica; vestitus omnino simplex; cæterâque omnia ita ad ædificationem temperata, ut appareat illos esse ministros ministrorum DEI. (*Hæc erat aula S. Caroli, eamque omnium Episcoporum esse volebat*)

§. 4.

De Clericis.

Clericus, *Divinum officium* negligens, fructus Beneficii non faciat suos, sed eos tanquam injustè perceptos ad fabricam vel in pauperes erogare debet. Si Canonicè admonitus se non emendet, Beneficio privetur. Officium autem omittere, ut Beneficio privari possit, is jure dicatur, qui quindecim dierum spatio illud bis omiserit.

Libros habeant & legant delectos, S. *Scripturam*, Tridentinum Concilium, Catechismum Romanum, constitutiones istas synodales; Directorium Diocesenum. Parochi insuper *homiliarium*, summam Antoninam: atque in lectione Pastoralis S. Gregorii & S. Chrysostomi assidue versentur.

Habitum clericalem omnes sacris initiati, aut quodcunque Beneficium obtinentes, gestent, ordini suo & dignitati congruentem: secus privandi primo fructibus, dein Beneficiis, tonsura insuper decenti sint insigniti. Comam & barbam ne nutriant. In habitu color tantum sit niger: nisi fortè dignitas colorem alium requirat. Materia sit ex lana. Forma talaris. Pluræque alia circa vestitum, ad modestiam & decentiam pertinentia præscribuntur, à capite ad calcem.

Ædes pariter sint modestæ. Nullæ in eis sceminae, ne quidem consanguineæ; nisi necessitas iudicio Episcopi aliud exigat. Domum, in qua degunt, vel degere debent, ne locent laicis, præsertim in urbe. Canonici habitent in ædibus canonicalibus, parochi in parochialibus. Clerici post primam horam (*nempe post primam horam à solis occasu*) domo ne exeant, nisi ex iusta causa, & cum lumine.

Arma clericorum sunt orationes. Venatione abstineant, uti etiam choreis, spectaculis, larvis, follis ludo seu pila inflata, aleis, tesseriis, comestationibus, cauponis. Imò ne quidem ludorum, spectaculorum, chorearum sint spectatores.

Negotia secularia devitent. Coram Iudice seculari advocatos aut procuratores ne agant, nisi ab aliis in iudicium vocatus suam, vel suorum, vel Ecclesiæ, vel personarum miserabilium causam agat, facultate prius ab Episcopo scripto concessa. Abstineant officio tabellionis in profanis negotiis, arte medendi, mercaturis, negotiatione, conductione alieni prædii lucri causa, tutela & curatela, fideiussione, negotiorum procuratore, famulatu laicorum, etiam Principum, nisi ad officium sacerdote non indignum ab Episcopo scriptam facultatem habeat, singulis annis renovandam; præsertim verò omni famulatu & comitatu sceminarum. Transgressoribus statuuntur poenæ.

Residentiam curatè servant. Secus fructus non faciunt suos; sed hospitalibus tradant, aut fabricæ Ecclesiarum. Plura statuuntur circa horum executionem; uti etiam contra obtinentes plura Beneficia: & studiorum causa absentes per quinquennium.

§. 5.

De Parochiis, Vicariis, Visitatione.

192.

In singulis parochiis Episcopus constituat certos viros probatos, qui investigent, & referant, quæ medicina indigeant. Parochus omnes Parochianos suos descriptos habeat. Observet novos inquilinos, cujus fidei, vitæ &c. Inquirat in pauperes, agros &c.

Vicarii forenses constituantur per certas regiones Diœcesis, qui parochis & curatis, an officio satisfaciunt, invigilent. Singulis mensibus presbyteros suæ regionis convocent, modò ad hanc modò ad aliam ecclesiam. Pridie conventus omnes confiteantur. Die ipsa omnes in ecclesia illa celebrent; unus verò ex ipsis solenne officium cantabit, alter ad populum dicet. Habita dein processione circa cœmeterium in domo parochi prandebunt uno ferculo contenti. Tum verò conferant inter se de boni pastoris officio, de malorum remediis, casibus reservatis, constitutionibus synodalibus, casibus conscientiarum.

Præcipuè verò de presbyterorum vitâ, diligentia &c. an omnia debite observentur. Certior fiat Episcopus. Cùm in urbem venerint, primò Episcopum adeant, ac referant. Curati verò quicumque vicariis istis obtemperent. Alioquin ab Episcopo puniendi. Hi autem vicarii ab Episcopo amoveri semper possunt, puniendi & ipsi, si muneris suo desint.

Visitatio inter curas Episcopi præcipua. Verbi DEI prædicatione omnes ad cultum DEI, vitæ integritatem, pacem & concordiam, docendo, arguendo, obsecrando cohortetur. Confirmationis Sacramentum, ubi opus, ministrabit, à casibus sibi reservatis confitentes absolvat. De vitâ & moribus inquirat. Ecclesiæ omnes partes lustret. Altaria consecret. Ecclesias pollutas reconciliet. Paramenta exploret. Visitet instrumenta, libros, inventarium &c. Examine, an clerici ritè suis fungantur muneribus; quæ vitæ ratio, habitus, modestia domi forisque? An ecclesiæ jura defendant? Fructus rectè dispensent? Pacem colant? Qualis populus in cultu Divino, moribus &c.

An parochi *libros* debitos habeant, in quibus nomina baptizatorum, confirmatorum, matrimonio junctorum, mortuorum. An ritè Sacramenta præbeant? Quomodo Eucharistia, chrisma, oleum conferuntur, & suo tempore mutantur? Qua reverentia Eucharistia ad æ-

gros

gros deferatur? An matrimonia adhibitis denuntiationibus rite celebrentur? An & quomodo Verbum DEI prædicetur, pueri instruantur? An in populo sint hæretici vel alii facinorosi, aut inimici? An & quomodo ecclesiæ jejunia, dies festi, ritus sacri, confessio & communio annua, vigeant? quæ executio piorum legatorum? Quæ liberorum educatio?

An, & qui Regulares munere prædicandi, aut confessiones audiendi fungantur? Quomodo hospitalia se habeant, & alia pia loca, quoad vitam, administrationem &c. ? *De scholis*: quinam libri prælegantur? Quales magistri? Quomodo doceant? *De Bibliothecis*: an nulli in illis libri prohibiti?

Comitatum non habeant nisi necessarium; in quo non plures quam 15. personæ, & 12. jumenta. Si plures duxerint, alant suis sumptibus. Mensæ duo tantum fercula inferantur. Si visitator inferior sit Episcopo, in comitatu octo hominibus ad summum & sex jumentis contentus sit. Visitatio non solum quam diligentissime, sed etiam quam celerrime conficiatur.

§. 6.

De Judiciis.

A foro Ecclesiastico omnis avaritiæ species amoveatur, & cautæ quam minimis incommodis & sumptibus agantur. Quare Notariis & scribis certa taxa præscribenda, quam non possint excedere. *Notarii* probe examinandi, an sint idonei. Jurent, se munus suum diligenter & fideliter executuros: nihil accepturos ultra taxam, ab Episcopo præscriptam: se non intrusuros: nec procuratorem acturos. Omnia acta judicialia, & instrumenta in regestum seu protocollum fideliter relaturos: extractum inde daturos ex voluntate Judicis: secreta causarum, depositiones testium, ac sententias nemini patefacturos ante judicalem ac legitimam publicationem: jussis Episcopi in omnibus absque fraude & dolo obtemperatuuros.

Nullus Notarius Judicibus ordinariis, delegatis, arbitris, arbitratoribus processus judiciales originales tradat; sed copias duntaxat & exempla, ex regesto descripta: nisi Episcopus aliud jubeat. Hæc etiam à scribis & cancellistis observentur. Adduntur poenæ in transgressores.

Confidici & Advocati fiscales non admittantur ad causas in foro Episcopali, priusquam Episcopo jurejurando se obstrixerint, nullam causam suscepturos, quam à justitia & æquitate alienam existimaverint. Hortantur etiam Principes & Magistratus, ut idem in laicorum causis servandum curent.

Executoribus, ministris, & carceris custodibus certam taxam præscribant Episcopi, à captis solvendam. Captorum res tuto loco collocentur: absolutis integrè restituendæ. Si quis aliquid surripuerit, duplo mulctetur. Visitentur carceres. Constituatur Episcopus aliquos, qui personarum miserabilium causas gratis agant. Idem agant laici Magistratus.

§. 7.

De Ministris Ecclesiæ.

194

Initio cujusvis anni in cathedralibus & collegiatis tres deligantur Canonici, qui de eorum, qui creandi sunt Officiales & Ministri ecclesiæ, moribus & aptitudine inquirant, & ad Episcopum jurato referant. Ministri per se ipsos munus obeant. Quibus à Jure permissum est, ut aliquo tempore abesse possint, à chori Præsidente, si intra triduum reversuri sint, si diutius absuturi, ab Ordinario discedendi facultatem petant: ne nimis multi simul discedant, & ecclesiæ ministris evacuetur. Nemo autem tempore absentia distributiones quotidianas percipiat: non obstante quocunque statuto, consuetudine, pacto aut ultronea concessione: sed præsentibus accrescant. Excipiuntur tamen ii, qui propter infirmitatem, vel aliam necessitatem aut manifestam Ecclesiæ utilitatem, à SS. Canonibus aut Tridentino excusantur. Tertia pars fructuum ex omnibus Dignitatibus, Canonicatibus, & aliorum redditibus, in quotidianas distributiones convertantur.

Chori Præses invigilet diligenter, ne quid prætermittatur, neve indecore quidquam fiat. Si qui suo officio non satisfaciant, eos graviter & amanter objurget. Si non emendentur, ad Episcopum deferantur.

Dignitates aut Personatus obtinentes aliis exemplo præeant in Divinis officiis. Ex Canonicis ordine constituatur hebdomadarius, qui Missam & Vesperas canat. Canonici celebranti Episcopo assistant. Tempore Divini officii ne celebrent capitulum: neque diebus festis.

Ceremoniarum magister denuntiet ritum modumque, quo res Divina celebranda, omnesque sui officii admoneat. Adolescentes prius erudiat, vel erudiri curet. Tabellam in sacristia affigendam curet, in qua cujusque officia ac munera contineantur. Si magister deliquerit, à chori præside objurgetur.

Sacrista custodiat vasa sacra, totumque ecclesiæ thesaurum. Munditiam conservet. Necessaria ad Divina officia habeat præparata, uti cereos, oleum, vinum, hostias &c. Aquam benedictam singulis septimanis renovet. Altaria decenter ornet. Tempore congrua det signum campana. Tabellas, in quibus cujusque functio descripta sit, in sacristia habeat. In eadem silentium procuret. Laicos ibidem morari non patiat, ne permittat quenquam extra suum ordinem Missam dicere: sed ordinem tabulæ servandum curet.

Minorum Ordinum functiones ad usum revocentur. *Ostarius* suo tempore fores ecclesiæ aperiat & claudat. Excommunicatos & infideles arceat. Ne populum, ad sacrificantem propius accedere patiat. Campanas pulset. Quietem in ecclesia turbantes moneat, pertinaces expellat, aut deferat ad superiorem. Mendicare ne sinat. Ecclesiam verrendam curet. Canes expellat: & quidquid dedecet, amoveat.

Lector prophetias in Missa, & lectiones in matutino pronuntiet. Pueros prima fidei rudimenta doceat. *Exorcista* memoriæ mandet exorcismos ecclesiæ, ut, cum res postulaverit, eo munere fungi possit, quod tamen non faciat, nisi consentiente Episcopo. Hic autem nemini, ne sacerdoti quidem hoc munus committat, nisi ejus ætatem & mores probarit, nullus intercedat quæstus, nulla curiosa percunctatio, præsertim quæ ad divinationem pertinet. Nemo hoc munus invadat ejiciendi demones, nisi exorcistæ ordine sit initiatus. *Acolytus* diacono & subdiacono ad aram inserviat. Lumina accendat, & deferat. Urceolos vini & aquæ ad Missæ sacrificium parat.

§. 8.

De Divinis officiis.

In his ritus Romanæ Ecclesiæ observetur: nisi alius à sede Apostolica sit concessus. Calendarium seu Directorium singulis annis pro omnibus diebus conficiatur à chori magistro cathedralis Ecclesiæ. Ho-

ræ nunquam omittantur. Omnes compareant induti superpelliceo cum latis manicis, non angustis, instar rocheti. Cantus graves sint, pii ac distincti. Cantores, quantum fieri potest, sint clerici. Omnis lasciva musica, & mollis canendi ratio absit.

Tractat dein sacra synodus, quomodo ad Divina Officia in Ecclesia conveniendum: quomodo in choro versandum: atque inde recedendum, ut omnia cum decore, modestia, devotione, atque ad omnium ædificationem peragantur. Matutinum officium vel media nocte, vel eo saltem tempore instituendum decernit, ut sub ortum solis sit absolutum.

Missam diebus solennioribus Episcopus ipse solenniter cantet, cum Vesperis. Canonici eum ad Ecclesiam conducant, & reducant. Apponitur instructio, à quibus & quomodo Missa major sit cantanda.

In *Ecclesia*, dum Divina celebrantur, aut concio habetur, nemo audeat deambulare, nugari, colloqui, averfus ab Eucharistia sedere, aut quamcunque irreverentiam exhibere, in ecclesia, cœmeterio, porticu, atrio venale aliquid proponere; nec in ecclesia mendicare, nocturnas vigilas agere; confugientibus ad illam vim inferre contra SS. Canones. Summopere tamen cavendum, ne facinorosi, nisi necessariò, ad ea quasi asylum, in sacrarum constitutionum fraudem se recipiant. Consulendus igitur, antequam facinorosus admittatur, Ordinarius. Quod idem faciendum, antequam extradatur. Nihil ex sacra suppellectili ad profanos usus commodeatur. Neque campanarum sono populus ad spectanda reorum supplicia convocetur.

Processiones & supplicationes generales ex cathedrali, vel cujusque loci majori ecclesia proficiantur, & eodem revertantur, nisi aliud visum Episcopo. Eas Canonici & alii clerici, superpelliceis induti comitentur. Nemo Ordinem deferat. Facestant in iis spectacula indecentia, & omne profanum commercium.

§. 9.

De Funeribus, Exequiis & Sepulturis.

196.

Episcopo mortuo vel morti proximo vocetur vicinus Episcopus, qui cum omni clero eum ad sepulchrum prosequatur; & quidem gratis. Fiant à capitulo certiores provinciales Episcopi, ut preces fundant, Missam in cathedrali solenniter celebrent pro anima defuncti, & electione novi pastoris. In ejus exequiis non plures accen-

dan-

dantur cerei quàm 24. Anniversarium pro defuncto celebretur, quamdiu successor vivit, hujus & capituli sumptibus.

Ante solis ortum & post occasum nemo sepeliatur: non tamen sub Missa majore. Cerei omnes ad ecclesiam spectent, in qua mortuus sepelitur. Iis exceptis, qui clericis comitantibus in elemosynam dantur: salva etiam quarta funeralium parochiæ persolvenda. Statuenda taxa ab Episcopo in mercedem pro laborantibus in exequiis. Pauperes sumptibus ecclesiæ sepeliantur. Exequiarum, sepulturæ, & anniversariorum nomine nihil licet pacisci aut exigere: pia tamen consuetudo servari debet. Absque consensu Episcopi nemini funebris oratio habeatur ad ejus laudem. Potest tamen haberi concio, quæ tota referatur ad humanam miseriam proponendam, omnesque ad vigilandum cohortandos.

Non ferendus ille abusus, quo cadavera in templo collocantur in excelsò loco, tanquam sanctorum corporum reliquiæ, circumque arma, vexilla, trophæa & alia victoriæ monumenta suspenduntur; ut non jam Divina templa, sed castra bellica esse videantur. Tollerantur hæc, & sepeliantur ita, ut sepulchrum è solo non emineat.

§. 10.

De Bonis & Juribus Ecclesiasticis.

Quoniam Ecclesiæ multis rebus sunt privatæ, nec spes recuperandi superest, instrumentis perditis aut interceptis, ideo, ut in futurum saltem provideatur, omnes Ecclesiastici Ordinis homines omnium bonorum, possessionum, reddituum, ac jurium, ad Ecclesias vel loca pia pertinentium *Inventarium* conficiant, cujus unum exemplum, Notarii manu confectum, in Archivo, quod Episcopo & Capitulo est commune, asservetur: alterum ad Metropolitanum mitatur. In visitatione lustretur.

197.

Si quæ bona Ecclesiæ, laicis concessa, caduca facta sint, caveant Episcopi &c. ne caducitatis poenam ipsis remittant. Qui bona ecclesiæ in *feudum* obtinent, à successoribus investituram renovandam, tempore à jure præscripto, curent, eisque fidelitatis juramentum dabunt. Pari ratione hæredes investituram petant ab iis, qui ecclesiæ præfunt. Feudatarii in tali innovatione omnia bona singulatim publico instrumento describant. Nemini Beneficii bona propinquis suis usque ad tertium gradum in emphyteusim dare aut locare

liceat; nisi evidens & magna ecclesiæ utilitas iudicio Episcopi aliud exposcat. Recognoscantur omnes locationes ad longum tempus à 30. annis factæ: &, si non sint factæ secundum canonicas sanctiones, irritæ declarentur.

Successores in Beneficio ne fraudentur fructibus. Prima Dominica Adventus & quadragesimæ concionatores doceant populum, quid Tridentinum statuerit de solvendis integrè *decimis*; recitentque decretum ejusdem Concilii contra occupantes bona, fructus ac jura ecclesiarum & piorum locorum.

Immunitas Ecclesiastica, Dei ordinatione, summorum Pontificum decretis, & sacrorum Conciliorum autoritate tributa, nulla ratione violetur. Neque enim Principes & Magistratus res Ecclesiasticas attentare, neque sacros & religiosos homines ad suum iudicium aut potestatem evocare, neque DEO addictis bonis manum injicere, aut ullum onus imponere debent.

Commendatur Beneficiatis *hospitalitas*, maximè Episcopo, erga indigentes. Cum bona, quæ fidelium pietas DEO consecravit, alendis ecclesiæ ministris, reficiendis ecclesiis, earumque ornatui comparando ad Divinum cultum, vel pauperibus sustentandis addita sint, ubi primum bona Ecclesiæ esse cœperunt, eam naturam & conditionem induerunt, ut in alium, quàm in sacrum piùmque usum eorum fructus converti sit nefas. Quare omnes Beneficiati meminerint, ea bona sibi non esse credita ad luxum, neque ad augendos consanguineos, sed ad vitam honestè agendam; ex eo verò, quod supererit, si necessaria pauperibus alimenta negarint, intelligant, se, quos non paverint, occidisse; atque ob violatam charitatis legem peccatum mortale commisisse. Laici etiam rescisso luxu, vestium ac conviviorum prodigalitate, pauperum necessitatibus pro facultatibus succurrant.

§. II.

De Matrimonio.

193.

Curatè servanda, quæ Tridentinum de matrimonio statuit. Episcopus & parochus, si alteri cuidam sacerdoti facultatem assistendi concedant, scriptò id faciant, & libro inferatur. Denuntiationes festis diebus fiant, qui Ecclesiæ præcepto coluntur, cum frequentior in Ecclesia est populus. Parochus finita Missa, cui sponsi intersint, nuptias benedicat. Abusus autem ille in ecclesia tunc benedi,

beddi & cyathum frangendi penitus tollatur. Quæ Tridentinum de reformatione matrimonii statuit, in communem linguam conversa, omnibus parochis distribuuntur, qui tertio quovis mense ea populo recitent: nisi aliud visum Episcopo.

§. 12.

De meretricibus, lenonibus, histrionibus, cingaris, aleatoribus &c.

Ut meretrices ab honestis mulieribus discernantur, curent Episcopi, ut aliquem amictum palam indutæ sint, quo turpem earum vitæ conditionem omnes dignoscant. Non liceat illis in publicis cauponis pernoctare, etsi sint advenæ: sed in unaquaque civitate locus eis assignetur, ab hominum frequentia & ecclesiis remotus, ubi omnes habitent, ea lege, ut si extra ejus loci fines domum ejusve partem conduxerint, & ipsæ & locatores severius puniantur. Omnigemmarum, auri, argenti & serici usu eis à Magistratu sæculari interdicitur. Omnes, qui lenocinio quæstum faciunt, exterminentur: uti etiam histriones, mimi, & ejus generis perditii homines.

199.

Vagum & fallax cingarorum genus pariter arceatur, nisi certis sedibus collocati, vitam honestis artibus, & in omnibus, prout Christianos decet, agere velint. Ganæ, & tabernæ meritoria, omnis nequitia sentina, tollantur. Prohibeatur taxillis aut alea ludi, gravi poena in lusores & receptatores lata. Bonis artibus otia, quantum fieri potest, ex civitatibus eliminentur.

§. 13.

De Usuris.

Ex mutuo nihil præter sortem percipi potest: tametsi pecuniæ sint pupillorum aut viduarum, aut locorum piorum, vel dotales, nisi quatenus id jure nominatim permittatur. Si creditor oblatos sibi loco & tempore pecunias recipere nolit, neque ratione lucri cessantis, aut damni emergentis, vel alia ex causa, ultra sortem accipere aliquid possit.

200.

Ne fiant cambia, cum litteræ ad destinatum locum verè non mittuntur, & ibi non fit solutio, sed uno eodémque loco pecunia da-

tur & recipitur. Qui partim pecuniam partim nomina difficilia dat, non potest totum in pecunia exigere. Ne quis rem ob dilatam solutionem carius vendat justo pretio. Neque ob anticipatam solutionem res minoris ematur justo pretio. Ne res vendatur dilata solutione, ita, ut si pretium mercis interim crescat, plus solvatur, si decrescat, nihilominus nulla fiat solutionis diminutio. Ne frumentum, vinum, oleum aliudve detur, ut plus recipiatur. Ne quis mutuò det frumentum corruptum, ut integrum recipiat. Ne in societate, in quam alter pecuniam confert, alter operas, lucri distributio constituatur nisi per quotas partes: neque ultra eas certa summa solvatur. Ne fiat pactio, ut fors salva sit, fructus verò dividatur. Et quæ sunt alia ejusdem generis pacta usuraria.

PARS TERTIA.

§. I.

De piorum locorum administratione.

201.

Qui hospitalia aut alia pia loca in commendam vel administrationem accipit, aut ecclesiis suis unita, ædificia ruinosæ reficiat, injustè alienata recuperet; aliæque juxta canonicas sanctiones ad officium suum spectantia diligenter præstet: alias ipsemet ad restitutionem pio loco faciendam obligabitur. Debitores pii loci ejusdem administratores esse non possint. Antequam administrationem adeant, juramentum deponant. Immobilia vel mobilia pretiosa alienare non potest, absque justa causa & debita solennitate. Ne locentur debitoribus. Conductor det idoneum fidejussorem.

Collector eleemosynarum sit bonæ existimationis, ejusdem diocesis, in qua est hospitale. Ab Episcopo quot annis licentiam colligendi petat. De eleemosyna nihil participet, sed vel gratis vel pro certa mercede operas locet. Circulatoribus aliisque nebulonibus hospitalia ne pateant. Morbum simulantes artifici applicentur, renitentes ejiciantur. Notariis scribisque ultimarum voluntatum sub poena excommunicationis præcipitur, ut legata ad pias causas Episcopo significant. Retento eleemosynæ pio instituto tollantur omnes commestationes certis diebus institui solitæ. Episcopi omnem curam impendant, ut in civitatibus erigantur Montes pietatis, unde pauperes mutuas pecunias possint accipere: nec in

in eis ultra sortem quidquam accipiat, nisi pro ministris aliisque necessariis sumptibus, idque ex summi Pontificis autoritate.

§. 2.

De Monialibus.

S. Carolus, ut in omnes partes sollicitudinem suam pastorem exporrigeret, plures Constitutiones pro Monialibus etiam exemptis secundum datam sibi potestatem à Pio IV. summo Pontifice, avunculo suo edidit, quibus statuit, ut numerus sit pro facultatibus monasterii; non tamen minor, quam 12. Jura sua, ab Apostolica sede concessa, Episcopo exhibeant. Nulla ambiat præfecturam aut officium. Præfecta non sit minor 40. annis: quæ octo annis post professionem probè vixerit. Si talis non habeatur, ex alio monasterio ejusdem Ordinis postuletur. Præfecta duas tertias suffragiorum habeat. Vicaria, & Discretæ, seu matres consilii, absolutè majora, omnia occulta. Præfectæ germana soror nullum officium habeat. Officium non duret ultra duos vel tres annos.

202.

Commendatur pax, obedientia, diligens officiorum executio, capitulum, quot septimanis convocandum ad corrigendos defectus, clausura exacta, pluræque alia de capitulis, labore, susceptione, novitiis, ætate, professione, novitiarum separatione sub una magistra, Divino officio, oratione mentali, sacra lectione, votis, de puellis, quæ in monasterio educantur: de concionatoribus, confessariis, visitatoribus, & capellanis, regulis &c.

§. 3.

De Judæis.

Judæi, ut dignoscantur, pileum crocei coloris, fœminæ pannum ejusdem coloris capitis tegumento impositum gestent. Christiani non accedant eorum convivia, nuptias, dies festos, synagogas, neque cum eis ludant, multò minùs choreas agant: nec sint eorum famuli. Si in diem vel horam eis operas locarint, cibum apud eos non capiant. Christianæ mulieres ne sint apud eos nutrices. Ne sint Christianorum medici. Ne utantur eorum opera in contrahendis matrimoniis.

203.

Locare Judæis bona Ecclesiarum, vasa, vestes &c. nefas esto. Diebus festis cum illis nullum contractum ineant. Tribus ante pascha diebus Judæi in publicum ne prodeunto. Nec quidquam palam vel occultè in contemptum Christianæ religionis attentare audendo. Ne dignitatem vel publicum officium gerunto.

Rogat dein sacra synodus, Principes, ut in singulis civitatibus locum constituant, in quo separati à Christianis habitent: in contractibus annotandis lingua vulgari utantur: avaritiam, fraudes, ac dolos coërceant. Instituantur in fide. Conversi, à Judæis separentur, & à Christianis flagitiosis: legitimam patet dare compellatur, adhuc vivens, vel, si mulier sit, dotem: aut si conjugata sit, maritus illam restituere.

§. 4.

De pœnis, & executione.

204.

Pœna pecuniaria non perveniat ad Episcopum. Sed tertia pars ad delatorem, reliquæ duæ ad pia opera aut loca. Hoc intelligendum, si clericus puniatur: si verò laicus propter delicta fori Ecclesiastici aut mixti, tertia pars causæ piæ, tertia ad fiscum sæcularem, tertia accusatori detur.

Episcopi facultates, licentias, consensus, approbationes &c. dent gratis. Possint omnia, quæ pertinent ad potestatem jurisdictionis, agere per vicarios, nisi sint personalia privilegia, aut specialiter excepta. Si circa ea, quæ in his decretis continentur, ante alteram provincialem synodum aliqua difficultas oriretur, illa Metropolitano reservata esto: salva semper sedis Apostolicæ auctoritate.

Quidquid de sacramentorum administratione, Missæ celebratione, Divinorumque officiorum ratione dicta sunt, id neque ad Ecclesiam Mediolanensem, quæ S. Ambrosii præscripto & instituto proprios ritus & ceremonias habet, neque ad cœteras, quæ eosdem ritus ex antiquissima consuetudine retinent, in iis, quæ expressè his ritibus adversantur, pertinere vult synodus.

Hæc decreta post duos à publicatione menses obligent. Publicatio autem fiat per publicam affixionem in valvis cathedralium ecclesiarum, in Diocesana autem synodo prælegantur. Posteaque sæpius eadem lectio repetatur.

Hac synodo finita S. Carolus Romam revocatus est à Pio IV. sed eo brevi pòst mortuo Pius V. approbatis his constitutionibus Carolum ad gregem suum dimisit.

§. 2.

Concilium Mediolanense II. anno 1569.

Hanc iterum provincialem synodum tertio pòst anno ad præscriptum Tridentini convocavit S. Carolus Borromæus, atque ad Patres congregatos eloquentem ac Spiritu Divino plenam orationem habuit. In cujus exordio, *jam scitis, inquit, qua in perturbatione reipublicæ Christianæ Status versetur; quàm funestæ hæreseon facies in finitimis provinciis jam dudum excitatæ; quàm turbulenti inde in Gallia motus, quàm multæ strages, quot pugne editæ sint. Quid? Quot templa vel augustissima diruta, religiosissimis imaginibus & ornamentis spoliata, vasa sacra erepta, reliquiæ sanctorum dissipatæ, sacerdotes & religiosi viri interfecti, sacre Virgines injuriosius tractatæ, Divina polluta, omnia denique prostrata jacent.* Dein velut alter Jeremias sæculi sui mala deplorat, non modò ab hæreseos labe, sed à corruptis quoque Catholicorum moribus profecta. Imò ex depravatis moribus tot hæreses ortas lamentatur.

Tot malis à Conciliis quærendum esse remedium; & quamvis in prima synodo multæ salubres constitutiones sint conceptæ, tamen fundamentum duntaxat esse jactum. Jam verò superstruendum ædificium consummandumque: solo DEI honore, animarum cultu, & Ecclesiæ conservatione præ oculis habita, contemnendas illas populares mundi corrupti voces: *Non ferant hæc tempora veterum canonum severitatem: sic jam diu viximus, sic vixerunt, qui ætate antecesserunt; vitæ institutum nihil est, quòd mutemus.*

Contemnenda ista, proponendamque ob oculos illam libertatem Spiritus, qua armati Apostoli, muniti Martyres, atque instructi viri sanctissimi, Athanasius, Chrysostomus, Ambrosius, alique Patres, non terroribus, Apostolico quodam animorum ardore flagrant, non minis, non furoribus fracti, pro DEI gloria, pro gregis commissi salute forti constantique animo adhæbuerunt cenforiam illam virtutem, scelerum vindicem &c.

TITULUS I.

De Fide, Sacramentis, & Pastoralibus muneribus.

206.

Graviter præcipitur, ut omnes, quomodocunque de hæresi vel doctrina minùs sana suspecti, à quocunque conscio ad Episcopum aut Inquisitorem deferantur. Atque hoc decretum sæpiùs promulgetur. In oppidis instituatur Doctrinæ Christianæ sodalitas, quæ parochos adjuvet in imbuendis pueris fidei principiis. Problemata & axiomata de scientiis priùs non proponantur, donec ab Episcopo vel delegatis censoribus fuerint recognita.

Summorum Pontificum Bullas Episcopus, à Metropolitano sibi transmissas, promulgari curet duobus saltem mensibus post publicationem Romanam. Ad visitationis munus, si fieri potest, sacerdotes idonei adhibeantur. Episcopus non solum in administratione Sacramentorum, sed etiam in Sacramentalium explicet rationem mysteriorum. Sacrum oleum à sacro homine deferatur. Omnino rudes ne sint compadres. Commendatur iterum communio paschalis in propria parochia peragenda, ac frequentando cultu Divino.

Mandatum Pii V. ut medicus post triduum ægrotum deferat, si intra id spatium non confiteatur, executioni dandum. Usurarii, nisi re ipsa ante mortem restituerint, aut saltem cautionem idoneam præstiterint, Ecclesiastica careant sepultura.

Qui propter infirmitatem in quadragesima carne vescitur, in remotiori ædium loco id faciat.

Cùm Episcopus aliquem excommunicavit ac publicè denuntiavit, ejus nomen ad Cathedralis & propriæ parochialis ecclesiæ valvas affigi, atque ad parochos Diœcesis mitti curet, qui prima quavis mensis Dominica eum populo denuntient: neque hoc agere desistant, donec ab Episcopo reconciliationem cum ecclesia intelligant. Si tres menses in excommunicatione permanserit, eum Episcopus comprovincialibus & aliis finitimis Episcopis denuntiet. Quòd si per annum inforduerit, jure Canonum contra eum procedatur.

Omnes Ordinati alicui ecclesiæ adscribantur, in qua sacras functiones obeant, sequè ad ulteriores Ordines dignos reddant.

Matrimonium cum hæreticis ne contrahatur. Episcopus non det parochi facultatem jungendi peregrinos & vagos, nisi constet eos esse solutos, & verè catholicos. Denuntiationes tum demum fiant, cùm sponsi eorùmque parentes id postulârint. Si in diversis
ha-

habitent parochiis, in utraque fiant. Eas denuntiationes nulla ex parte licet remittere, nisi de consensu Episcopi, & causis jure permissis. Si ex diversis sint parochiis, non antè jungantur, quàm alter parochus testimonium miserit, quòd ternæ denuntiationes sint legitime factæ, nullumque impedimentum appareat.

Fornicationem inter sponfos casum esse reservatum Episcopo discernitur. Parochus in nullo alio loco, quàm in ecclesia sponfos matrimonio jungat, nisi Episcopus dispenset. Nulla autem cum musica eos ingredi patiatur. Si concubinariis moniti non dimiserint concubinas, excommunicatione aliisque pœnis severè puniantur.

TITULUS II.

De Missa, Cultu Divino & Ecclesiasticis.

Absque speciali facultate Episcopi nemo Missam celebret in ecclesiis monialium, sub pœna suspensionis. Qui Beneficium obtinet, vi cujus certis diebus Missas celebrare debet, singulis mensibus saltem semel offerat pro fundatoribus. Quando in Missa conventuali aut parochiali corpus Christi sustollitur, signo campanæ absentes moneantur, ut tanti mysterii memores mentem ad Deum elevent.

297.

Processionem in festo corporis Christi & octava eæ tantùm ecclesiæ instituant, quibus Episcopus permiserit. Cùm synodus indicta fuerit, in cathedralibus, & collegiatis singulis Dominicis processio, in parochialibus verò feria quinta Missa de Spiritu sancto celebretur, usque ad finem Concilii.

Sexta quaque feria paulò ante horam nonam signum campana detur, ut fideles passionis ac mortis Christi piè memores, ter orationem Dominicam & Salutationem Angelicam devotè pronuntient; concedantque Episcopi hoc facientibus 40. dierum Indulgentias.

In capitulo, quod singulis hebdomadis celebrandum à Canoniciis, quærat, an superioris Concilii decreta de Divinis officiis, ceremoniis &c. observentur. Legatur pars aliqua ex constitutionibus illis de vita & honestate clericorum, aut ex Catechismo Romano, vel alio pio libro.

Canonici exequiæ sumptu capituli fiant. Conventualis Missa pro eo celebretur: singuli item sacerdotes illius Ecclesiæ Missam applicent.

Parochum ægrotantem vicinior parochus frequentius inviset, sacris provideat. Ad funus totum capitulum rurale conveniat. Quis-

que mox sacrificium pro eo offerat. Missa etiam conventualis pro eo celebretur. Neque hoc nomine aliquid exigatur. Preces pariter fundantur, ut Deus orbatae Ecclesiae pastorem tribuat secundum cor suum.

Commendatur reverentia ecclesiis debita: visitatio seminarii, tertio quovis mense ab Episcopo facienda. Examinandi mores, diligentia, profectus in litteris. Mulctandi clerici, qui concioni non interfunt. Clerici inferioris Ordinis instituuntur moribus, litteris, ceremoniis, ritibus &c. Conventus menstruos instituunt, in quibus necessariae & utiles quaestiones decidendae proponantur. Quae indecisa manent, ad Episcopum referantur. Negligentes in hac re Vicarius foraneus Episcopo denuntiet. Ubi plures sunt Sacerdotes in eodem loco, frequentius ejus generis conventus & disputationes habeantur. Si in propinquo sit doctus aliquis Regularis, illius etiam opera utantur.

Clerici nullas foeminas, quavis etiam dignitate illustres doceant legere, scribere, cantare, instrumentis musicis ludere; nisi Episcopus in id consenserit.

Episcopus clericum alienum, qui in propria dioecesi deliquit, petenti Episcopo extradat, postquam de citatione, contumacia, aut condemnatione debite edoctus fuerit.

Qui impetrata facultate ab ecclesia discessit, redditum suum intra mensem Episcopo nuntiet; secus perinde habeatur, ac si non legitime abfuisset.

TITULUS III.

De Bonis & Juribus Ecclesiarum.

208.

Possessionem adeptus Beneficii titulum intra mensem Episcopo exhibeat. Caveant Episcopi, ne passim & indistincte omnes Beneficiorum cessiones admittant.

Omnes consuetudines, & statuta, etiam juramento firmata, quae si non Simoniam, avaritiam tamen, & sorditiem redolent, antiquantur: uti, quod receptus in numerum Canonicorum sex menses choro inservire debeat absque distributionibus, etiam quotidianis, illaeque reliquis accrescant. Statuit igitur synodus, ut quamprimum, distributionibus quotidianis potiatur, aliisque residentiae fructibus.

Bona Beneficialia non elocentur patronis neque illis, quorum cessio-
ne obtinentur, neque consanguineis in primo & secundo gradu, ne ad bre-
ve quidem tempus; nisi Episcopus ecclesiæ utilitate cognita scripto
concefferit. Qui secus fecerit, fructibus unius anni mulctetur.

Qui bona ecclesiastica illegitimè alienârunt, contra detentorem
agat, compellâtque, ut ea cum fructibus interea perceptis restituat;
quia alienatio prorsus irrita fuit. Detrectantes anathemate aliisque
pœnis plectantur. Si is, in quem alienata sunt, ante superioris
consensum in possessionem ingressus est, irrita ab Episcopo declare-
tur. Si alienata ad ecclesiam redierint, non amplius ad longum tem-
pus locentur; nisi manifesta ecclesiæ necessitas vel utilitas versetur.
Si locatio ad longum tempus ab Episcopo sit facta, ad viciniorem
Episcopum cognitio spectet.

* Ut bonorum Ecclesiasticorum, quæ in emphyteusim vel alio
quovis nomine ad longum tempus sunt data, memoria conservetur,
omni que præscriptioni locus præcludatur, clericus, cui quovis anno
eo nomine aliquis canon vel pensio solvitur, in prima solutione No-
tarium adhibeat, qui instrumento facto testetur, quid, quo titulo,
ex quo fuerit solutum.

Plura sæpe damna passa sunt ecclesiæ ex locatione, ea conditio-
ne facta, ut prædia meliorata conductor restituere possit, omnesque
sumptus in meliorationem factos ipsi à locatore solvantur. Ut igitur
præcidatur occasio magnas impensas in meliorationem faciendi, la-
cator clericus cum conductore pacto conveniat, ne hic majores sum-
ptus in melioramenta faciat, quàm sit canon annuus: ita quidem,
ut conductor tertiam hujus summæ partem quovis anno retinere
possit, quoad recuperet, quod erogavit.

Cùm Episcopus subsidium charitativum à clero petere cogitur,
ejusdem cleri procuratores prius convocet, eisque causas exponat.
Summam tamen à Benedicto XII. *extravag. I. de censib.* statutam,
non excedant.

Sub excommunicatione prohibetur, ne quis mortuo Beneficiato
bona, ad ecclesiam ejusve ministros pertinentia, invadat.

Si hæres aut executor ultimarum voluntatum pia legata intra
annum, aut tempus à testatore præscriptum non exsolverit, ab Epi-
scopo pœnis jure constitutis adigatur, Episcopus verò non facile
tempus illud proroget. Notarii autem sub pœna excommunicatio-
nis deinceps teneantur Episcopo intra tres menses à notitia mortis testa-
toris, indicare legata pia, in testamentis aut codicillis, quos ipsi scripse-
runt, relicta.

Administratores ecclesiarum piorumque locorum bona, census, proventus nulla ratione ad alios usus applicare possunt, quàm institutum est. Si administrator ex bonis illis aliquid emerit, aut conduxerit, statim officio moveatur. Idem, si mutuum dederit, vel acceperit peculium ecclesiæ.

Ne quisquam pecuniam apud Montes pietatis deponat, vel mutuo det, ut inde aliquid lucri, aut ejus, quod interest, nomine accipiat. Qui verò titulo depositi vel mutui aliquid perceperit, cum eo tanquam usurario agatur ad pœnas canonicas.

Episcopus pecuniæ summam præscribat, quam puella ingrediens monasterio det alimentorum nomine, nisi census aut alia bona immobilia, quorum annui fructus ejusdem judicio ad ea alimenta satis sint, monasterio attribuantur. Ea autem pecunia apud virum fidelem deponatur, qui professione peracta illam statim monasterio tradat.

Adduntur alia circa publicationem & executionem horum decretorum, quæ in superiori Concilio.

§. 3.

Concilium Medialonenſe III. anno 1573.

209.

Concilium hoc Provinciale, ob invaletudinem S. Caroli bis rogatum, rursus à facunda Oratione ejusdem sancti Archi-Præsulis initium sumpsit: in qua proponit, per priores duas synodos necdum omnibus provinciæ malis allatum fuisse remedium, neque eam fuisse ubique Decretorum executionem, ut ea contenti esse possint, perficiendum itaque DEO auspice, quod pro illius honore, & animarum proventu cœptum, habito ob oculos Christi exemplo, qui non destitit ab opere redemptionis nostræ, donec consummatum est. Editæ dein plures constitutiones, tum novæ, tum confirmantes, limitantes & explicantes antiquas.

§. 1. De Festorum cultu.

In Festis absit servilis labor, nundinæ ac mercatus, contractus, collectiones. Prope ecclesiam nihil venale proponatur. Officinæ sint clausæ. Tonsores, pistores &c. melius colant festos dies. Facessant choreæ, tripudia, hastiludia, vana ac ludicra spectacula, gestulationes agytarum.

Mſſam omnes audiant: neque viduis aut puellis exceptis. Con-
cioni interſint, uti etiam veſperis, doctrinæ Chriſtianæ, proceſſio-
nibus. Ægros viſitent, aliisque piis operibus, intendant: optima-
tes exemplo præluceant.

§. 2. De Concionatoribus, & fide tuenda.

Ut dies feſti religioſe agantur, & Chriſtiana doctrina frequen-
tetur, concionatores perſuadeant. Sermones ſuos feſtorum ac tem-
porum rationi accommodent, ut populus fidei myſteria, præcepta,
omniæque Chriſtiani hominis officia condiſcat, & in uſam ducat.

210.

Maximè verò ad Verbi Divini prædicatores pertinet tueri fidem,
Quæ ſtatuta à Tridentino de profeſſione fidei, exactè ſervanda. Ma-
giſtri integri, libri puri provideantur. Summopere cavendum, ne
peſtis cum libris hæreticis invehatur. Exacta proin ſit viſitatio ac
censura. Index eorum, qui importantur à Bibliopolis, aut venales
exponuntur, librorum viſitatoribus offeratur. Si quos inferant, aut
vendant, qui in indice illo non ſunt comprehenſi, ſeverè puniantur.
Exacta etiam censura adhibenda libris noviter edendis.

§. 3. De Sacramentis & Sacramentalibus.

Sacra crux frequentibus & honeſtis locis erigatur: ad excitan-
dam tanti myſterii gratam memoriam. Singulis Dominicis parochus
aquam ſale aſperſam benedicendo renovet. Fons baptiſmalis in ſo-
lis Eccleſiis parochialibus aſſervetur. Infans expoſitus, licèt appen-
ſum collo ſcriptum habeat, quo baptizatus ſignificetur, ſi tamen re
diligenter perquiſita dubium maneat, ſub conditione baptizetur.

211.

Ad frequentem SS. Eucharistiæ uſum parochi & concionatores
diligenter populum hortentur, naſcentis eccleſiæ exemplo propoſito.
Si concionator aliquid contra dixerit, munere deliciatur. SS. Sacra-
mentum parochus ad ægros deportet, ſi fieri poſſit, pluſiali indu-
tus, comitantibus etiam Clericis in ſuperpelliceis.

Qui confeſſus fuerit ſacerdoti cuicumque, non approbato ab Epi-
ſcopo, illi negetur communio tanquam non abſoluto. Vota ne com-
mutentur in minùs bonum. Regularibus non licet à caſibus Epiſco-
po reſervatis abſolvere, niſi ab hoc facultatem habeant.

Quamvis extrema unctio ſit miniſtranda integris adhuc ſenſibus;
ſi tamen æger omnem ſenſum amiſiſſet, ut nihil planè intelligat, ſa-
cramentum hoc ei nihilominus eſſet conferendum, modò adhuc vi-
vat,

vat, & dum usum rationis habebat, pii animi significationem dederit, ut inde judicari possit, eum sacramentum petiturum, si adhuc integra mente esset.

Sine Canonica dispensatione ordinati extra tempora, vel ante legitimam ætatem, vel absque dimissorii Ordinarii sui, ab executione Ordinum, sic susceptorum, jure ipso sunt suspensi. Sique durante suspensione functionem aliquam sui ordinis obierint, statim incurrunt irregularitatem: ob quam etiam Beneficiis privari possunt.

In dimissoriis Episcopus testetur de vitæ probitate, doctrina, examine habito, ordine, qui est conferendus, natalibus, aut dispensatione: si majori ordine initiandus, de ætate insuper, & sufficiente titulo Beneficii, pensionis, aut patrimonii. Si tales litteras non habeat, non ordinetur.

Sicut Beneficiatus non recitans horas, fructus non facit suos, ita nec pensionarius, si omittat Officium B. V. Mariæ.

Clerici, qui certo ecclesiæ ministerio non sunt addicti, diebus festis ad ecclesiam parochialem conveniant ad Divina officia, licet Sacerdotes sint; processiones comitentur &c. ante primam autem tonsuram nemo clericalem habitum gestet. Clerici verò, si debite moniti illum non gerant, Beneficiis priventur, aut privati declarentur.

Clericus extra ecclesiam cum superpelliceo ne incedat, nisi in processione, aut sacramentorum ministerio.

Picturæ omnes, imagines, statuæ, minùs pudicæ, non tantum ex locis sacris, sed etiam ex foro, hortis, plateis, compitis, domibus eliminantur: nec tales amplius effingantur. Adduntur plura de instructione, profectu, vita & honestate clericorum.

§. 4. De Missa & Divinis officiis.

312.

Missa conventualis in cathedralibus & collegiatis quotidie celebratur. Publicè ac notoriè criminosi sacris ne intersint. Missam flexis genibus omnes audiant, excepto Evangelio. Die cœnæ Domini omnes clerici, qui non sacrificant, Eucharistiam sumant à solenniter celebrante. Sabbatis sub crepusculum in parochiis Salve Regina vel alia Antiphona, tempori respondens, decantetur, in honorem B. V. Mariæ convocatis etiam signo campanæ fidelibus.

Restituatur mos diu intermissus anniversarium consecrationis Episcopalis diem ritu solenni celebrandi. Sacerdotes verò ordinationis

tionis suæ diem sacrificio & precibus recolant. Festum consecrationis Ecclesiæ solenniter agendum : tripudia verò tollantur.

§. 5. De Parochis.

Parochiali ecclesiæ præficiendus juret coram Episcopo, se Romano Pontifici & Episcopo obedientem fore, decreta Concilii Tridentini executurum circa residentiam, bona ecclesiæ non alienaturum, & malè alienata revocaturum, jurâque omnia pro viribus conservaturum.

213.

Canonicus, qui parochiam unitam habet canonicatui, in illa resideat. Post finitam rem Divinam Dominicis parochus populum moneat, ut ter orationem Dominicam & salutationem Angelicam præcando dicant pro fidei propagatione, pro summo Pontifice, Episcopo & reliquis pastoribus animarum, pro Principibus & magistratibus, pro peccatoribus & hæreticis, ac infidelibus, pro defunctis, ad avertenda mala & calamitates.

Parochus festis vespas cantet stata hora. Commendatur eidem diligentia concionandi, pueros in doctrina Christiana instruendi &c.

§. 6. De Capitulo.

Episcopus frequenter studeat, interesse capitulo, & explorare, an & quomodo cultus Divinus peragatur. An inter Canonicos diffidia. An leges servantur. An Canonici in Capitulo & aliis suis muneribus diligentes.

214.

Quando collegialiter incedunt, primi sint, qui dignitates obtinent, tum Canonici presbyteri, postea diaconi, denique subdiaconi. Hos inter autem in canonicatu seniores præcedant.

Canonici duo constituantur, qui Archivo præsent, ad quod uterque clavem habeat. Plura alia de Archivo, instrumentis, & documentis in eo custodiendis fanciuntur.

§. 7. De Ornatu & Cultu Ecclesiarum.

Locus Episcopi sit altior, ut conspici à populo possit. In ecclesia ab Episcopo consecrata absque hujus consensu ne fiat novum ædificium, sacellum, altare. Si quæ ædificia ecclesiæ nimis propinqua, aut aliàs præjudiciosa extruuntur etiam à laicis, Episcopi est causam cognoscere ac decernere. Sine jure constructa amoveantur, præfer-

215.

tim si minus sint decentia, ut stabula &c. in atrio verò Ecclesiæ ædificare nullatenus licet.

Fœminæ velato capite in Ecclesiis, & processionibus compareant.

Episcopus monasteria, in quibus non viget regularis disciplina ex decreto Tridentini visitet, aliâque Beneficia, licet sint commendata.

§. 8.

De bonis Ecclesiasticis.

216. Episcopus procuratorem & advocatum constituat, qui bona ecclesiarum tueatur, & ablata reducat. Graviter vetatur, ne quis clericus scripta aut documenta, ad ecclesiam pertinentia surripiat, aut occultet. Idem ad hæredes laicos aliósque extenditur.

Decimarum investituras, quæ laicis factæ sunt in perpetuum, Episcopus diligenter cognoscat. Si quis immunitatem à solvendis decimis prætendit, privilegium exhibeat: uti etiam si jus decimandi sibi vendicat, quia in hoc casu præscriptioni non est locus.

Quæ legati nomine relicta sunt pro certo pio usu, ea ne necessitatis quidem causa, nec hæredum ejus, qui reliquit, consensu, ad aliam causam æquè piam applicentur, absque Episcopi consensu.

§. 9.

De Matrimonio.

217. Episcopus perquirat, an in singulis parochiis decreta Tridentini de matrimonio sint promulgata. Denuntiationes ne fiant, nisi utroque sponso petente. Qui falsum aliquod impedimentum malitiosè attulerit, excommunicetur. Parochus non assistat matrimoniis occultè extra ecclesiam ineundis sine Episcopi licentia, celebrentur tempore matutino post sacrificium missæ.

Parentes liberos suos ad catechesin mittant, instrui curent fidei rudimentis, & ipsi etiam instruant. Illos Christianè educent, totâque familiam verbo & exemplo ad cultum DEI permoveant. Non tolerant blasphemias, execrationes, verba obscœna, aliâque scelera. Sed si quid vitiosum pullulare cœperit, maturè amputent. Parochus etiam, si quid scandali oriri audiverit, emendari illico curet. Ad orationem omnes domestici quotidie convocentur.

§. IO.

De foro Ecclesiastico.

Episcopus intra anni spatium fori sui judiciis, causis, iudiciis, procuratoribus, advocatis, notariis, & ministris, quibuscunque, certas constituat leges: illisque omnibus certam etiam taxam præscribat. Atque hæ leges & taxæ in cancellaria publicè prostent.

218.

Causæ, quæ decem aureorum summam non excedunt, summarè ac de plano cognoscantur. Iudices &c. nullum genus donorum, ne quidem esculenta aut poculenta à partibus accipiant. Pro dimissoriis, aut testantibus susceptos esse ordines cancellarius non plus accipiat, quàm decimam partem aurei. Si verò aliunde ei salario sit provisum, nihil omnino recipiat.

Acta omnia judicialia Notarius in codicem referat. Monumenta omnia in archivo custodiantur: ad quod clavem unam Episcopus, alteram Cancellarius habeat. Attestationes in causis civilibus, à Notario seu actuario scriptæ, pariter archivo importentur: idem de actis totius causæ. Si Notarius publicus non haberetur, duo viri probati acta conscribant.

Procurator, qui causam iniquam sciens defenderit, munere privetur. Episcopus sæpius tribunal fori sui visitet: item carceres, curætque, ut iustum patrocinium detentis in iis non desit, nec Christiana corporis animique subsidia. Viduarum, pupillorum &c. curam gerat, ne opprimantur.

§. II.

De Regularibus &c.

Sodalitas erigatur, quæ in fraternæ correctionis officium ex professo incumbat. Aut alteri sodalitati jam erectæ id muneris imponatur.

219.

Moniales servant ea, quæ Gregorius XIII. constituit, de earum numero, elemosynis, ostiolo obstruendo, quo aditus ad exteriorem ecclesiam pateat, de clausura &c. Confessarius nullum ab eis donum accipiat, ne quidem nomine monasterii, sed annua sustentatione sit contentus. Adduntur aliqua de executione decretorum huius synodi, ut in superioribus.

§. 4. ?

Concilium Mediolanense IV. anno 1576.

220.

Concilium hoc provinciale sanctus Cardinalis in oratione ad Patres habita aperuit his verbis: Quousque tandem concilia provincialia toties convocata? quorsum & tot constitutiones & Decretorum vincula? vulgaris vox, Patres sanctissimi, ac sicut nec tacita cogitatione religiosa mentis digna, longèque à sensu Episcopalis vestri animi aliena, ita hominum vel impiorum est, Ecclesiam DEI oppugnantium, vel Christianorum, Christianam disciplinam abhorrentium, vel imperitorum, planèque nescientium, quantas vires habeat frequens synodorum actio, atque usus, vel illorum sane, qui parvo angustoque animo omnia metiuntur.

Addit deinde, hominem naturæ imbecillitate sæpe labi, proinde plurimis opus esse conciliis atque decretis, quibus constrictus à recta semita non declinet, aut aliquando digressus, in viam salutis redeat. Proponit Christi Domini promissum, & Apostolorum exemplum, populorum expectationem, & pastorale Episcoporum, aliorumque Ecclesiæ ministrorum officium.

P A R S I.

§. 1. De Professione fidei, sacris Reliquiis, Miraculis, & Imaginibus.

Apponitur hîc in extenso consueta professio fidei, à Pio IV. ex mente Tridentini præscripta; quam ego *in part. 3. bujus appar. cap. 4.* in fine concilii Tridentini integram inserui.

Sanctorum corpora ac reliquiæ per viros eruditos recognoscantur, inspectis tabulis, litteris, annalium codicibus, aliisque antiquis monumentis, testimoniis, traditionibus &c. tum verò tota recognitio in librum inferatur. Deinceps verò nullæ novæ reliquiæ exponantur, nisi ab Episcopo recognitæ & approbatæ sint. Non afferuntur in privatis domibus, sed in ecclesiis. Rarò exponantur, aut ostendantur, neque velis nudæ, neque extra capsas. Martyrium & vitæ historia breviter exponatur.

Nihil novum atque in ecclesia hætenus inusitatum proponatur. S. Crux & imagines non sculphantur in pavimento, neque in loco sordido. Effigies animalium ne sint in ecclesia: nisi historia sacra exprimenda: nulla procax imago, aut minùs decens, sub pœna excom-

muni-

municationis. Vetustate oblitæ ac deformatæ renouentur aut deleantur, aut in ignem coniciantur, & cineres sub pavimento ecclesiæ collocentur.

Obstet Episcopus & clerus clamoribus vulgi, quæ facile aliquid pro miraculo enuntiat, donec rei veritas sit examinata. Theologi ac prædicatores exactè doceant fideles, quæ de cultu & invocatione Sanctorum, & sacris reliquiis & imaginibus Tridentinum sancivit. Omnis verò superstitio & abusus eliminetur.

§. 2. De Indulgentiis, Jejuniis, Festis, & Peregrinationibus.

Indulgentiæ, tanquam cœlestis thesaurus, magno in pretio habeantur. Recognoscantur tamen, an re vera concessæ, & an legitimæ. Conficiatur earum catalogus, in Archivo Episcopi asservandus: in illum etiam noviter concessæ referendæ. In ecclesiis particularibus pariter exstet earum catalogus.

221.

Quatuor temporum jejunia Dominica præcedente denuntientur: auditione missæ & concionis celebrentur. Nec eo tempore jus dicatur.

Curati diebus festis Divina semper in loco celebrent. Si ad aliquam celebritatem evocati, comparere necesse haberent, per vicarium rem Divinam peragant. Si talis haberi non posset, populum prius moneant de sua profectione, ut alio ad sacra se conferre possit. Festum S. Ambrosii per totam provinciam solenniter celebretur.

Nullus clericus peregrinetur sine dimissoriis & testimonialibus litteris Episcopi: his inserantur etiam viæ comites. Constituendus vicarius. Multas dein piè sanctæque peregrinandi regulas præscribit synodus; quomodo in itinere, in loco sacræ peregrinationis &c. se gerere debeant.

§. 3. De sacris locis eorumque cultu.

Nova ecclesia non ædificetur inconsulto Episcopo; cui dispiciendum, an locus decens, capax populi, disjunctus ab ædibus, an altare versus orientem &c. Crux figatur in arcu fornicato chori. Nulla in Ecclesia sit fenestra, per quam foris stans missam audire possit. Aliæque plura statuuntur, de vase aquæ benedictæ, sacratio, lampade, capellis, altaribus &c. quæ passim in nostris quoque templis videmus.

222.

Altare non sit prope suggestum, aut januam, aut organum, aut columnæ adhærens. Lapideum sit, vel saltem lateritium cum tabula

lapidea, si sit consecrandum. Septo ferreo aut lapideo cingatur. Petra sacra ita mensæ inferatur, ut digito dignosci possit. Adduntur plura de ornatu altarium &c.

Nulli detur sepultura in Ecclesia sine consensu Episcopi, in capella majore verò seu choro nullo modo: nec prope altaria. Supra Ecclesiæ solum ne emineant. Ne crux aut imago insculpatur. Cœmeteria muro cingantur. In medio crux sit erecta.

Parochialis ecclesia si tres campanas, majorem, mediam, & infimam habere non possit, duas saltem habeat, distincto soni concentu inter se rectè consentientes, pro varia officii Divini ratione. Simplex ecclesia, & oratorium unam tantum campanulam habeat. Campanis autem nihil profanum inscribatur: sed crux & sacra imago patroni ecclesiæ, piave inscriptio. Antequam in turrim sustollantur, precibus & benedictione ab Episcopo sint consecrata.

Altaria contegantur tela cerata, & mappis tribus mundis, quarum una oblonga ex lateribus in terram defluat. Arborea, hederæ, rubi, vites &c. ecclesiæ non adhæreant, neque in cœmeterio tolerentur. Nihil in eo feratur, nec fenum succidatur, neque herba animalibus in pabulum. Nulla in eo sit lignorum strues aut lapidum: nihil denique, quod decori ac nitori officiat, aut loci sanctitati repugnet.

Nullæ schedæ profanæ ecclesiæ affigantur. Nullæ officinæ aut tabernæ adhæreant. Tecta nullus frumenti acervus, cubiculum, aut alia res profana oneret. In cœmeterio nullæ fruges expandantur, neque telæ, aut panni ibi exsiccantur: nullus labor profanus exerceatur. Nullæ bestię adducantur. Neque per ecclesiam veluti plateam communem onera deportentur. Absint scholæ profanæ.

Mos intermissus, ut viri a foeminis sint separati in templis, restituendus. Ad loca illa, quæ sub gradibus aræ summæ sunt extructa, *Martyria & confessiones* olim appellata, viri aut foemina non ingrediantur. Nullum prorsus in templis toleretur profanum commercium; sed Divinis duntaxat laudibus resonent.

Ecclesiæ parochiales omnes cum ara majore consecrentur: sitque festus ille dies, anniversario cultu recolendus. Consecrationes ecclesiarum & altarium, atque cœmeteriorum, & campanarum benedictiones libro inferantur, ad perpetuam rei memoriam. Tabula insuper marmorea affigatur, in qua consecratio sit descripta.

Si templum diruendum, sacra prius, religiose à sacerdote asportentur, uti lapis altaris consecratus, reliquiæ, imagines, fidelium ossa.

Sacrificia habeat oratorium, si fieri potest, separatum, ubi sacerdos ante & post missam orare possit; tabellas item, vestiarium, aliæque ad rem Divinam necessaria.

Antiqui præsertim codices & manuscripta in Bibliotheca ecclesiæ sedulò asservanda, cum eorum indice. In hoc notetur, si sciri potest, tempus, quo quilibet liber scriptus est. Clericus doctus præficiatur. Visitetur ab Episcopo.

Oratoria, ubi missa non legitur, nullum habeant altare; qualia sunt, quæ in viis ad excitandam prætereuntium devotionem, exstruuntur. Valvis & clave, à parochia asservanda, muniantur, vel saltem cancellis à parte anteriore sepiantur. Intus sit imago sacra; quæ per fenestellas possit aspici. Pilæ quoque in viis publicis structæ, cum sacra effigie imposita, conserventur.

Parochus populum in Ecclesiam ad vespertinas preces convocet signo campanæ. In pagis & vicis, à parochia remotioribus, constituat Episcopus ecclesiam, vel capellam, aut oratorium, aut denique crucem, sacræque imaginem, quo etiam sub dio ad vespertinam orationem convenire liceat. Si denique propter domorum dispersarum distantiam neque hoc fieri possit, unusquisque paterfamilias domi suæ cum domesticis preces illas persolvat quotidie. Cum ad depellendas tempestates campanæ pulsantur, fideles preces fundant, & si fieri possit, in ecclesia ad orandum convenient.

§. 4. De verbi DEI Prædicatione.

Munus prædicationis sibi proprium Episcopus & parochus diligenter obeant, cujuscunque status homines instruendo, suique officii admonendo, jam parentes, jam liberos, nunc viros, nunc uxores, modò servos, modò dominos. A vitiis detereant, ad virtutes accendant, sacrarum litterarum, Patrûmque testimoniis, exemplis, traditionibus, similitudinibus, arguendo, obsecrando, increpando. Tantòque plus tractus se relatueros confidant, quo sinceriori oratione, ab omni vel artifice, vel hominis sua spectantis suspitione aliena, officium suum exequantur.

Præcipuè verò orationis nervos intendant ad rebellanda vitia magis dominantia, repetitis etiam frequentius vicibus, arborem annosam non primo ictu cadere persuasi.

Veteris Ecclesiæ instituto sacra concio inter Missarum solennia post decantatum Evangelium habeatur. Si Episcopus prædicet, mi-

tra, omniſque ſacro ornatu, quo miſſam celebrat, indutus ſit, ſep-
tem miniſtris, veſtibus ſacris ornatis, utrinque aſſiſtentibus.

Concionator in ſuggeſtu ſtet, aut ſedeat, prout maluerit, ca-
pite operto. Celebrans verò in loco, aliquantùm ab ara ſeparato,
cum miniſtris ſedens concionem audiat. Si Epiſcopus concionatur,
nullus alius ea hora in ea urbe concionetur. Populus adſtringatur,
ad præbendum victum aut eleemoſynam ſolitam. Sub concione nulla
miſſa in ea Eccleſia dicatur. Clerici ſuperpelliceis induti ſervato or-
dine concioni interſint.

Non ſolùm in parochiali eccleſia, ſed remotioribus etiam pagis
doctrina Chriſtiana explicetur. Præſténtque Clerici in hoc tam pio
ac neceſſario opere parochi auxilium.

P A R S II.

§. i. De Sacramentalibus.

224.

Parochus, ubi olea nova receperit, vetera ſtatim comburat in
lampade, quæ ante SS. Sacramentum lucet, bombyce in ſacrario pla-
nè exuſto. Librum Rituaſem omnes parochi habeant; neque à ritu
cathedralis eccleſiæ recedant. Oleo deficiente, ſi aliunde tunc ha-
beri non poſſit, conſecrato miſceatur non conſecratum, in minori
tamen ſemper quantitate, quàm ſit illud, quod priùs aderat.

Nullus clericus energumenos exorcizet, niſi ab Epiſcopo ſcrip-
tam facultatem habeat. Hac inſtructus examinet vitam morèſque
energumeni, conſulat medicum, an non vi morbi aut atræ bilis agi-
tetur. An non ſponte ſimulet. Si verò energumenus ſit per vexa-
tionem dæmonis, exorcifmus fiat in eccleſia: præſentibus paucis vi-
ris gravibus: de die: nunquam duos ſimul exorcizet: jejuniò & ora-
tione ſe præparet, peccata confeſſus. Si ſacerdos ſit, antea miſſam
faciat. Energumenos pariter moneat, ut priùs conſiteantur, orent.
Non aliis utatur ritibus aut precibus, quàm illis, qui ſunt in rituali.

§. 2. De Baptiſmo & Confirmatione.

225.

Baptiſterium ex marmore aut ſolido lapide conſtet. Sepiatur
cancellis, Sabbato Sancto & Pentecoſtes fontis baptiſmalis benedictio
fiat ſolenni ritu, frequenti ſacerdotum conventu, etiam exemptorum,
ſi non ſpeciale quoad hoc privilegium à Pontifice habeant.

Infantem peregrinum parochus extra caſum neceſſitatis non ba-
ptizet, ſed ad proprium parochum remittat: infantes à Sabbato ſan-
cto

cto usque ad sabbatum in albis, & à sabbato Pentecostes usque ad sabbatum sequentem nati in parochiis urbanis, ad conservandum aliquatenus usum veteris ecclesiæ, ad ecclesiam cathedralem deferantur ad baptismum, nisi mortis periculum urgeat, ut in propria parochia baptizentur antea.

Ritus accuratè observetur. Ad aquam infundendam non manus, sed vas ad id paratum adhibeatur. Non imponantur nomina gentilium, aut ridicula. Grave atque immane facinus est, infantes per imprudentiam illorum suffocari, qui eos, ne quidem annum natos, in cubili nulla cautione collocant. Si igitur mulier infantem anno ætatis nondum expleto, secum in lecto jacentem, non ea cautione tenuerit, quam ab Episcopo præscriptam ei parochus demonstrârit, excommunicationem ipso facto incurrat: nec absolvatur, nisi gravi, ad alios deterrendos, pœna imposita. Parochus verò sæpe moneat, ne infantes secum in lectum assumant, hocque decretum publicet.

Parochi, qui in urbe sunt, Dominica pentecosten præcedente doceant, quanto religionis studio suscipiendum sit *Confirmationis Sacramentum*, cujus conferendi solus Episcopus ordinariam habet potestatem. Curent etiam, ne quis illud negligat.

Addulti prius confiteantur, & jejuni suscipiant, si ante prandium ministretur. Explicet parochus ea, quæ ad hoc Sacramentum rectè suscipiendum pertinent. Idem præstent reliqui parochi per diocesan, Dominica antecedente hebdomadem, qua Episcopus illud est collaturus. Qui alienæ diocesis hominibus illud non conferet sine consensu proprii Episcopi: nisi in sua diocesi jam domicilium fixissent.

§. 3. De Sacramento Eucharistiæ.

Tabernaculum serico intus sit ornatum; conopeo decenti contentum; bene clausum, ab omni alia re vacuum. Hostiæ, jam ante 20. dies confectæ, non consecrentur. Quamvis Sacramenti hujus Divinissima dignitas, virtus, & efficacia frequenter explenda est, atque ad frequentem devotumque ejus usum populus commonendus, non tamen omnia, quæ sublimissimo hoc mysterio insunt, percipiendi atque intelligendi est capax.

Occasione communionis, etiam paschalis, nihil omnino petatur. Ægrotantibus etiam absque mortis periculo Eucharistia à parcho est ministranda, si petant. Dum palam in majori hierotheca proponitur, sex ad minimum cerei ardeant, non tamen ultra decem. Et duo clerici in superpelliceis semper assistant. Quadraginta hora-

rum comprecatio die ac nocte continuetur. Horæ inter certas hominum classes distribuuntur. Fœminæ autem noctu non compareant. Si noctu continuari non possit, suppleatur die. Hæc comprecatio jugiter per Ecclesias circum ambulet. In Cathedrali solenniùs agatur, convenientibus ibi Regularibus etiam, qui supplicationibus interesse solent, & sodalitatibus, more processionum prælata cruce.

§. 4. De Sacramento pœnitentiæ, & extremæ unctionis.

227.

In confessionali hæc sint affixa: sacra imago, Bulla cœnæ, tabella casuum, quos sibi Episcopus reservavit, forma absolutionis, cum precibus præparatoriis ad audiendas confessiones. Ne prope confessionale sit capsula eleemosynaria. Qui absque Episcopi approbatione audit confessiones, ipso facto est excommunicatus. Regularium nomina & peritiam Superior Episcopo significet. Medici juramento se adstringant ad servandam Pii V. constitutionem. Casus restitutionis bonorum incertorum ex delicto Episcopo reservatus esto. Eorum, qui in paschate confessi sunt, nomina libro inscribantur.

Extrema unctio ministranda adultis periculose ægrotantibus, senio confectis, licet nullo alio morbo laborent, quam spirituum defectu: non autem pueris rationis usu carentibus, mulieribus in partu laborantibus, ad bellum proficiscentibus, navigantibus, mox ultimo supplicio mulctandis.

Parochus die noctuque sit paratus. Plures, si fieri potest, presbyteros in superpelliceis comitantes habeat, ac ministrantes. Vas sacri olei serico inclusum collo pendens reverenter ferat, superpelliceo ac stola indutus. Pia adhortatione ægrum solatur. Sæpius visitet &c.

§. 5. De Sacramento Ordinis.

228.

Qui clericali vitæ se adscribere cogitant, sub Ecclesiasticorum disciplina instruantur; ut habeatur mutua probatio, ac velut novitiatus. Extra statuta tempora sacri ordines nemini conferantur absque dispensatione Pontificia. Adduntur plura de testimonialibus & dimissorialibus litteris, quas oportet esse recentes.

Impedimento Ordinum irretiti sunt, carentes ætate, Sacramento confirmationis, rudes, criminosi, solenniter pœnitentiam agentes, neophyti, ebrietati & gulæ dediti, luxuriosi, lapsi post ordinem, perjuri, usurarii manifesti, infames; ratiociniis obligati, servi, corpore vitiati, insigniter deformes, illegitimè nati, peregrini & ignoti,
bigami

bigami, irregulares, suspensi, aut alia censura innodati, amentes, morbo caduco laborantes, energumeni, non examinati & probati, titulo mensæ carentes.

Præmittantur sacra exercitia. Ordinandi nomen, cognomen, patria, parochia, parentes, domicilium, titulus, natales, ætas, vita, mores, doctrina, & cætera requisita testimonialibus litteris ad Episcopum mittantur. De initiando prima tonsura habeatur testimonium de confirmatione, de crebra in Ecclesia frequentia, de sp̃o permanendi in vita clericali, de crebra communione.

Sacrum ordinem suscepturus testes litteras afferat, denuntiationes prævias esse factas in Ecclesia inter missarum solennia: titulum esse sufficientem, ætatem præscriptam; exercitia sacra præmissa, habitum gestatum, in ordine ministratum, SS. Sacramenta percepta &c.

Episcopus ipse in examinibus præsens esse studeat. In interstitiis ne passim & absque delectu dispensetur. Parochus clericum ad aram ministrum habeat, si aliter fieri non possit, populi sumptu alendum.

§. 6. De Beneficiorum collatione.

Licet jus eligendi, præsentandi, instituendi aliis competat, tamen Episcopi etiam autoritas interveniat necesse est. Alioquin provisio irrita censenda est. Si præsentati non sint idonei, reiiciantur. Liber sit in archivo Episcopali, in quo omnia Beneficia, provisiones cujuscunque generis sint descripta. 229.

Si Beneficium simplex, ad congruam sufficiens, possidens aliud cujuscunque generis est adeptus, vacat ipso jure primum. Et si census ex priore adhuc colligat, duplum restituat. Ne Clericus quisp̃iam minore ætate Beneficii provisionem & administrationem bonorum alteri committat absque facultate ab Episcopo impetrata.

§. 7. De Missa & Divinis officiis.

Episcopo sacris operante, uti etiam sub solenni officio non facile aliæ missæ dicantur. Non facile concedat facultatem missam legendi in oratorio privato. Moneantur fideles, ut Dominicis festisque majoribus in parochia ad officia Divina conveniant. Etiam capellani Missas fundatas per se ipsos celebrent. Omnes Missæ Pii V. jussu edito utantur. 230.

Episcopus per se ipsum vel alios inspiciat, quo decore, reverentia, modestia, observatione rituum, ceremoniarum, ac rubricarum sacerdotes celebrent. Clericus ministret sacerdoti, superpelliceo mundo ac decenti indutus. Urceoli ex vitro sint confecti, ut facilius vinum ab aqua discernatur. Hostiæ pro Eucharistia non à laico, minùs à foemina conficiantur.

Præcipuis per annum festis Episcopus ipse pontificali ritu, solenniter celebret. De Sancto, cujus corpus, aut caput, brachium, crus, aut aliæ Episcopi judicio *insignes* asservantur in Ecclesia, Officium in ea fiat ritu duplici. De Beato, necdum in Sanctorum numerum relato, officium à nemine fiat, nisi cum facultate Sedis apostolicæ. Statuuntur plura alia de ritibus, de missæ sacrificio decenter peragendo, de processionibus, ac ordine in iis observando, de sacris exequiis, quæ in antecedentibus jam habentur, vel aliàs jam nota sunt.

§. 8. De Distributionibus, Capitulis &c.

231.

Si Canonicus in parochia residet, fructus annuos seu grossos sui canonicatus percipiat, non verò distributiones quotidianas. Constituuntur rursus *punctatores*, qui juramento se obligent, quòd officium suum diligenter ac fideliter obire velint, omnium videlicet tum Canoniorum tum aliorum clericorum *absentiam* & errata notare, ac significare.

Si qui in servandis decretis synodorum Mediolanensium negligens fuerit, ab Episcopo mulctetur: si verò ipse Episcopus sit futurus negligens, norit, se in proxima provinciali synodo rationem redditurum.

Cùm de rebus patrimonii Capitularis, de locationibus, de contractibus, de officiis conferendis, aut aliis rebus gravioribus in capitulo est deliberandum, in uno capitulo causa proponatur, in altero deliberetur: aut, si res moram longiorem non patiatur, saltem capitularibus ante notificetur causa, de qua danda suffragia, ut oð melius perpendi possit.

Cancellarius acta capitularia atque ordinationes in singulos dies in libro annotet, Notarius autem ad causas, lites, instrumenta publica conficienda adhibeatur.

Juramentum, quo jurant canonici, se nihil eorum, quæ in capitulo aguntur, evulgaturos, non stringit, quòd minùs Episcopo actiones susceptæ manifestentur.

Non

Non licet canonico bona capituli conducere, ne ad modicum quidem tempus.

§. 9. De Parochiis & Parochialibus Juribus.

Ecclesiis parochialibus, inopia laborantibus succurratur vel Beneficiorum unione, aut primitiis ac decimis, aut parochianorum contributione, aut alia via, prout videbitur Episcopo, commodiore. Adjutores parochi in eadem cum parocho domo habitent. Vetus oblationum institutum revocandum in usum diebus Dominicis & festis, ut primo maris, dein foeminae accedant; offerentium autem, prout consuetum, commemoratio fiat in missa post offertorium

232.

Parochi nullis aliis negotiis, ab officio suo alienis, se immisceant, ut animarum cura, ægrorum solatio, puerorum catechesi, verbi DEI prædicationi, Divinis officiis, Sacramentorum ministerio, & universum cultui Divino se totos possint impendere.

P A R S III.

§. 1. De Episcopis.

In oratione sanctisque meditationibus frequentes eos esse oportet: certam igitur horam Divinae contemplationi quotidie impendant. Ad vespertinas preces cum tota sua familia conveniant. Sacrum etiam faciant, antequam aliis negotiis se applicent. Preces horarias, pie, devotè, ac decorè persolvant; nec continenter, sed distinctis temporibus. Si obstet negotiorum moles, potius præveniant. Confessario utantur probo & docto, cujus consiliis juvari possint. Nec omittant Theologiæ, SS. Canonum, & Ecclesiasticæ doctrinæ studio, quotidie statis horis operam dare atque Scripturam sacram legere.

233.

Neque sint difficiles in audiendis iis, qui eos tanquam Judices, patres, adjutores, adeunt. Nec infimos etiam homines arceant. Quæ ad spiritualem curam, & gubernationem, Divinumque cultum pertinent, per se ipsos potissimum præstare studeant: cætera per Vicarios ac ministros potius exequantur.

Divinis manè rebus, ac dein auditorio absoluto, à prandio reliqua perficiat. Quidquid autem temporis animi relaxationi aliquando ob valetudinem dabitur, id omne vel in spiritualium librorum lectione studiove, vel in colloquio piorum & eruditorum hominum, spiritualisque vitæ amantium ponere studeant. A nimia au-

tem laicorum familiaritate abſtineat; eorum convivia fugiat. Lectio in menſa ſit potiſſimum ex S. Scriptura, ex paſtoralibus libris, & vitis SS. Epiſcoporum.

Sexta feria, ac diebus jejuniorum nigro veſtitu, aliàs viola-
ceo utatur. Familia, eccleſiæ ſumptibus ſuſtentata, vitæ & morum
exemplis aliis præluceat. Cubicularii ſint ætate graves moribúſque.
Omnes de familia ſervent Eccleſiæ jejunia: quot menſibus conſeſſi
ad S. menſam accedant; in adventu autem & quadrageſima ſingulis
Dominicis. In menſa & aliàs loco conſabulationis pius liber præle-
gatur. Nemo ſit otioſus, levis, loquax.

§. 2. De vita & honeſtate clericorum.

234.

Veſtes etiam domi ſint decentes clericum. In omni inceſſu, ſta-
tu, geſtu, vultu, clericalis animi ideam exprimat. Vox non niſi
Divinas laudes reſonet. Publica convivia vitet. Illud ſæpe repetat,
ſe non ad inertiam atque ignaviã, ſed ad ſpiritalis atque Eccleſia-
ſticæ vitæ labores vocatum eſſe. Si igitur tempus, ab officii nego-
tiis vacuum naſtus fuerit, Divinarum litterarum ſtudio, & cœleſtium
rerum contemplationi impendat. Quare Epiſcopi in viſitatione dili-
genter inquirent, quo modo clerici tempus traducant. Si otioſum
aut in ſæcularia diſſuſentem videant, rationem ineant, qua ad ſpiri-
tuales occupationes transferri poſſit.

Caveant clerici, ne dum ſcleratos conantur convertere, ipſi lue
aliqua aſſentur. Librum nullum periculolum aut minùs pudicum
legant. Ne ſint leves, ne rixoſi, ne rerum novarum curioſitates
ſectentur. Singulis menſibus juniores teſtimonium vitæ ſuæ Epiſco-
po afferant. Proveciores etiam ætate ſacris exercitiis ac meditatio-
nibus vacent.

§. 3. De Viſitatione.

235.

Epiſcopi non plures quàm decem homines, & ſeptem jumenta
ſecum ducant; alii verò viſitatores inferiores longè pauciores homi-
nes & jumenta adhibeant. Et eatenus derogatum ſit decreto, in
primo provinciali concilio edito. Frugali prorsus menſa contenti
ſunto, nec ſinant ſibi opipara convivia inſtrui.

Epiſcopus viſitationem à domo ſua & familia inchoet, ut exem-
plo permoti alii faciùs correctionem admittant: & juſſa ſtudioſius
exequantur. Cæterum appellatio nulla correctionis executionem im-
pedit aut moratur.

Vestium luxum, tot malorum incentivum omni modo temperare visitator studeat, præsertim in fœminis. Clausuram in monasteriis monialium, Hospitalia, loca pia, & sodalitates, Canonum & Tridentini jure sibi concessio visitet. Adventanti Episcopo fideles obviam procedant. Frequentes tum etiam compareant in Ecclesia, audituri sacra monita.

Præmittatur, qui visitationem indicet, aut alio modo significetur, aut adveniente Episcopo omnia sint parata. Visitationis tempore omnes confiteantur parochiani, & SS. Eucharistiam ab Episcopo accipiant. Omnia, quæ tunc benedicenda aut consecranda sunt, habeantur in promptu, uti etiam libri, instrumenta, monumenta, tabulæ, sacra supellex, volumen rituum & consuetudinum, si quas peculiare habet illa Ecclesia: item inventaria SS. reliquiarum, indulgentiarum, ornatuum, documentorum, quibus bona, jura, privilegia, Ecclesiæ, capellarum, altarium continentur. Index denique dignitatum, Canonicatum, Beneficiorum, scholarum, confraternitatum, locorum piorum, monasteriorum, prædiorum, parochianorum, librorum, hominum criminosorum &c.

§. 4. De Synodis.

Singulis trienniis provincialis synodus ex præscripto Tridentini habeatur. Illam indicat Metropolitanus: eo autem impedito senior coepiscopus, in feriam quintam post Dominicam tertiam à paschate, ut adeò non opus sit alia significatione vel convocatione. Sed tertio quovis anno omnes, ad quos de jure vel consuetudine pertinet, Mediolani ad eam diem compareant.

236.

Impediri causas exponant absentia, & procuratorem mittant. Omnes veniant parati ad exponenda, quæ synodi auctoritatem, sententiam, correctionem, executionem requirunt.

Die primæ sessionis fiat publica supplicatio per urbem, Officium solenne à Metropolitano, sermo latinus. Quod officium & sermo etiam posterioribus diebus continuetur. Nemini discedere liceat inconsulto præside. Illud maximè agatur, & Concilii Tridentini Decreta, & constitutiones synodorum Mediolanensium executioni dentur.

Finito concilio omnes Episcopi præsentis & absentium procuratores subscribant: tum factis solitis acclamationibus in osculo pacis discedent. Per hæc tamen non derogatur potestati Metropolitanæ, alio, si visum fuerit, tempore synodum convocandi.

Syno-

Synodus Diœcesana quovis anno celebranda est secundum Tridentini ordinationem. In ea Decreta concilii provincialis publicentur. Hoc synodi habendæ institutum nunquam negligatur.

In provinciali ex quavis diœcesi duo, in diœcesana septem *testes synodales* deligantur, viri ætate & moribus graves, qui jurent, se fideliter omnia, quæ correctione aut synodi cognitione indigent, delaturos.

Inquirant autem diligenter absque ulla jurisdictione, an clerici resideant: an curati invigilent: an in Sacramentis rectè ministrandis, verbi DEI prædicatione, puerorum institutione, & cæteris curæ pastoralis officiis muneri suo satisfaciant: an Ecclesiæ sartæ tectæ, suppellectili & ornatu instructæ, mundæ, ab omni re profana puræ. An populus in via Domini ambulet, frequens adsit in Divinis officiis & sacris concionibus, cum modestia & devotione: an & quomodo festa colat. An jejunia servet: an decimas solvat: an sint in populo criminosi, de hæresi aut magia suspecti: an aliæ morum corruptelæ malæ consuetudines: an servantur Pontificiæ constitutiones, & synodalia Decreta? Hæc omnia in provinciali ad Metropolitanum, in diœcesana synodo ad Episcopum referant, scripto annotata.

§. 5. Monitiones.

237-

S. Carolus Borromæus, synodorum istarum Præses more majorum clero suo certa monita dedit, ut sanctæ vocationis suæ semper sint memores, cœlestemque in terris vitam velut angeli DEI moribus exprimant, sæcularibus negotiis abstineant, totumque animum ad Divinum cultum, cœlestium meditationem, virtutis ac Christianæ pietatis decus transferant; quæcunque sunt vera, quæcunque pudica, quæcunque sancta ac religiøsa, ea cogitent, eaque agant, ut exempli vis ad cæteros etiam emanet, omnesque Christo lucrifaciant.

Deinde hortatur ad devotam missæ celebrationem, decoram Breviarii recitationem, frequentem confessionem & communionem, ad preces, meditationes, lectionem sacram Bibliorum, SS. Patrum, piorum ascetarum, librorum S. Ambrosii de officiis, & sacerdotali dignitate. Pergitque quosque officii sui graviter & paternè admonere. Ut videlicet habitus sit modestus, mensa si ugalis, familiaritas cum fœminis nulla: vitentur spectacula, ludi, cauponæ, comotationes, joci, fastus, luxus, ambitus, sæcularia negotia, contentiones, jurgia, discordiæ &c. Omnia denique illa ferme hic collectim memorantur rico-

ricorum officia , quæ per plures constitutiones Canonicales & synodales sunt dispersa.

§. 6. De foro Ecclesiastico.

Omnes omnino mulctæ pecuniariæ piis locis & operibus applicentur , nulla omnino parte ad alios usus unquam reservata. 238.

Constitutiones Pontificiæ , decreta synodalia , & edicta Episcopalia , in Ecclesia Cathedrali integrè populo frequenti prælegantur , in reliquis verò Ecclesiis per capita summam promulgentur : singulis autem mensibus aliqua ex iisdem , uti etiam ex Tridentinis decretis , & pastoralibus litteris evulgentur , ut ordine omnia diligenter promulgata , sæpiusque certis diebus repetita curatius in executionis usum deducantur. Concionatores etiam eadem cohortatione persuadeant.

Caveat parochus , ne dum sponсорum voluntatem , ut denuntiationes fiant , explorat , ea occasione in consensum matrimonialem coram testibus inquirat : uade separatim & cautè sponsum , & deinde sponsam interroget , an velint fieri denuntiationes.

§. 7. De Regularibus.

Si foemina cujuscunque dignitatis virorum monasterium per anteriorem portam intret , censuræ declaratione Episcopus severè contra illam agat. Intra clausuræ autem terminos etiam sunt horti , monasterio continenter adjacentes. Plura dein statuuntur de archifima monialium clausura. 239.

Moniali ne liceat iis , qui extra claustrum sunt , medicinas parare , aut præbere. Antiquus communis dormitorii usus , ubi fieri potest , restituatur. Communis vitæ ratio studiosè introducatur. Monialium prædia Episcopus locari curet ; idque sub hasta auctione facta. Puellæ ad professionem recipiantur occultis monialium suffragiis. Confessarii & capellani monialium præter annum ad sustentationem stipendium prorsus nihil accipiant.

§. 8. De locis piis.

Bonorum omnium , reddituum , juriumque , ad Ecclesiam aut loca pia pertinentium , inventarium accuratum perficiatur : ejusque triplex copia , publici notarii testimonio munita conficiatur : quarum prima sit apud administratores , altera apud Rectorem Ecclesiæ , tertia in archivo Episcopali custodiatur. 240.

Administratores muneris sui rationes sæpe ac diligenter reddant: quare diaria & codices rationum habeant ordine confectos; ut inde facile ducatur omnis ratio accepti & expensi. Episcopus autem quot annis rationes recognoscat.

In pauperum delectu non egestatis modò sed etiam morum habeatur ratio. Universim verò eleemosynæ verè pauperibus distribuuntur, præsertim etiam iis, qui pudore retenti domi inopia premuntur, & publicè mendicare erubescunt. Episcopus & parochus in id curam intendant, ut omnes eleemosynæ & hospitaliumventus rectè impendantur. Eleemosynariæ collectæ in dies certos indicantur.

Invigiletur autem præcipuè, ut mendici temporalium inopes animæ bonis sint divites. Quare attendatur, unde & quò migrant, quomodo vivant, quam fidem teneant, an missam audiant, confiteantur, communicent, tempore saltem paschali.

Subscripserunt huic concilio IV. S. Carolus Præses, Episcopus Laudæ, Brixienfis, Cremonensis, Bergomensis, Astensis, Casalensis, Alexandrinus, Vercellensis, Albenfis, Intimilienfis, Novariensis, procurator Episcopi Dertonensis, procurator Episcopi Aquensis, procurator Episcopi Savonensis, Archiepiscopus autem *definiens* subscripsit, Episcopi *consentientes*, Procuratores *recipientes*.

§. 5. Concilium Mediolanense V. anno 1579.

241.

In concilii hujus ingressu S. Carolus orationem ad Patres congregatos pro more habuit; in qua demonstrat, quàm misera fuerint superiora tempora, quibus tamdiu intermissa sunt concilia. Inde enim factum, ut multiplex malorum quasi sylva extiterit, basilicæ incultæ, ornamenta supellectilis Ecclesiasticæ pene nulla, ceremoniarum ritus & usus vix cognitus, Divinorum officiorum ratio perturbata, chori disciplina rescissa, functionum Ecclesiasticarum munera contempta, stationes clericales desertæ, omnia demum disciplinæ officia abjecta; populi præterea institutio depravata, morum corruptelæ undique obortæ, festorum dierum veneratio multis peccatis violata, sacrorum locorum cultus multis partibus læsus, sacerdotalis ordinis dignitas pro nihilo habita, & cuncta denique ad eum statum deducta, ut lachrymis, luctu, commiserationeque digna essent.

Visam provinciæ faciem deformatam, nec planè à collachrimabili illo templi Hierosolymitani aspectu dissimilem; cum videlicet vastatis ab Antiocho omnibus Judas Machabæus templi illius cultum eversum, altare violatum, januas exustas, & omnia prostrata aspexit.

Ora-

Gratias proin dicendas DEO, cujus Divino munere Tridentinum concilium, præter alia adjumenta Christianæ Reipublicæ subministrata, salutarem synodorum usum restituerit. Hinc enim firmissimum esse cujuscunque instituti præsidium, hinc rituum sanctarumque consuetudinum perennem conservationem, hinc disciplinæ omnis robur perpetuum, hinc rerum salutarium sanctissimum firmamentum, hinc prompta omnium ad obediendum voluntas, hinc præclara illa bene agendi recteque exequendi contentio ac pulchra æmulatio. Proponit denique ferventis vigilantisque Episcopi, qui in conciliis comparet, ejusque decreta exequitur, & remissi atque languentis, qui cuticulam curat, dissimilitudinem, insignemque diocesium in omnibus disparitatem.

P A R S I.

§. 1. De fide tuenda.

Nemo omnino concionatoris officio fungatur, nisi professionem fidei emisit. Hoc idem de medicis & chirurgis cautum sit, de advocatis item & procuratoribus in causis sacre Inquisitionis agendis. Curatum Beneficium, Canonicatum, aut dignitatem consecuto Episcopus nullo modo fructus, quos suos non fecit, remittat, si tempore præscripto fidem non fuerit debite professus.

242.

Speratur, Principes & magistratus Mediolanensis provinciæ nunquam passuros, ut acatholici milites transeant. Bullæ cœnæ sanctiones & censuræ quoad hæreticos non recipiendos &c. observentur.

Judæi non permittantur in una civitate plures quam unam synagogam habere, nec, quam habent, amplificare, vel dirutam restituere, aut novam alicubi erigere. Signo ubique sint distincti; separato à Christianis loco habitent. Dominicis & festis nullum opus fervile faciant. Nullus fidelis eorum ceremoniis intersit. Cingari penitus eliminentur. Congregatio, ex Theologis & JCtis constans, quot mensibus conveniat. Episcopo Inquisitores jurent, se arcana non evulgaturos, uti testes eorumque attestaciones, sententias &c. donec judex ipse publicet.

Librorum prohibitorum indicem omnes litterarum professores habeant. Libri omnes in lucem edendi, & jam editi, antequam venales prostant, accuratè censeantur.

§ 2. De prædicatione verbi DEI & doctrina
Christiana.

243. Episcopi est concionatores constituere; qui sint viri graves doctrina & moribus. Auditores velut DEum sibi loquentem excipiant: sibi non aliis dicta putent; animum ad proficiendum paratum afferant: attentè ac modestè audiant; absoluta concione ne statim ad profana dilabantur, sed orent, & audita altiùs in animum demittant. Domi cum domesticis & familiaribus spiritali colloquio audita repetant.

Christiana doctrina ubique diligenter in virtute sanctæ obedientiæ præcipitur rudibus tradi, præsertim verò in locis, quibus finitimi sunt hæretici, aut in quibus impune illis licet inter catholicos degere. In hoc tam necessario opere promovendo Episcopi, parochi, concionatores, ludimagistri, confessarii, magistratus sæculares, parentésque piè collaborent.

§. 3. De Festis & sacris temporibus.

244. Clerici die festo absque urgente causa iter ne ingrediantur. Tolendus abusus ipsis calendis Maii cum strepitu aliisque insolentis erigendi arbores. Contra verò diebus festis templa eximiè ornentur. Ille item gravis abusus procul faceat, quo primis quinque quadragesimæ diebus larvata hominum simulacra incenduntur, inanes nuptiæ fingantur, concursationes nocturnæ tumultusque fiant. Pueri etiam maximè coërceantur.

Omnes servant stata jejunia, cujuscunque sint dignitatis. Carnes pro ægrotis ne publicè tunc vendantur. Cessante morbo cessat dispensatio. Caupones & tabernarii vetitos cibos non vendant, aut apponant, ne quidem peregrinis, viatoribus &c. neque aliunde apportari permittant.

Quadragesimæ præsertim tempus omnes piè impendant ad poenitentiam, orationem, mortificationem, eleemosynam, carnis macerationem, singularemque DEI cultum, per confessionem, frequentem communionem, concionem atque in Divinis officiis devotam præsentiam, ac virtutum peculiare exercitium. Tempore, quo verbum DEI prædicatur, tabernæ & officinæ sint clausæ.

§. 4. De votis, oratione, indulgentiis, sacris reliquiis.

245. Ubi communitas de voto aliquo concipiendo deliberat, parochus Episcopum consulat, ejusque sententiæ omnes acquiescant. Pri-
die

die voti omnes adulti confiteantur & communicent : die ipſo proceſſio ad Eccleſiam inſtituatur : atque in ea ad aram votum nuncupetur inter miſſæ ſolennia ſub offertorio, præmiſſa concione de voto ejusque cauſis &c. Voti autem formulam delegati totius communis nominis flexis ante aram ſummam genibus diſtinctè pronuntient. Voti editi inſtrumentum authenticum ad Episcopum mittatur, in ejus archivo aſſervandum. Aliud voti inſtrumentum in Eccleſia cuſtodiat. Utque perpetua ſit voti obſervatio tabulæ lapideæ in Eccleſia inſcribatur.

Nullum opus inchoetur, niſi præmiſſa oratione, & bona intentione. Atque ad hoc parochi & concionatores populum frequenter hortentur, ut & neceſſarium DEI adjutorium imploretur, & operi meritum inde accreſcat.

Indulgentiæ non promulgentur absque conſenſu Episcopi. Ne indulgentiarum litteræ aut inſcriptiones eo loco ſint poſitæ, ubi eſt capſa ad colligendam eleemoſynam collocata : doceatque concinator, ad conſequendas indulgentias non eſſe neceſſariam eleemoſynæ largitionem ; ut cœleſtem eum Eccleſiæ theſaurum non ad quæſtum, ſed ad pietatis exercitationem, & pro peccatis ſatisfactionem exponi omnes intelligant.

Ne ſacræ Reliquiæ ex Eccleſia ad ægros exportentur, ne conſuetudinis quidem prætextu.

§. 5. De Sacramentalibus & Sacramentis.

Benedictiones cereorum, candelarum, palmarum, cinerum, ceræ in agnos DEI, ut appellantur, efformatæ, domuum ædiũque aſperſa aqua benediſta, ſecundum præſcriptas formulas, magna veneratione peraguntur, & in uſum deducuntur : cum ſint plenæ piis ſignificationibus, & utilitatibus corpori animæque per benedictionum preces conciliandis opportuna.

Non ſit compater, qui non eſt confirmatus chrifmate ; nec minor 14. annis. Parochus exquirat, an infans jam domi baptizatus ſit, & ſi ita, qua verborum forma, & materiæ applicatione. Singuli ſeoriſim baptizentur.

Episcopus ne ſit negligens in conferendo Sacramento confirmationis. Ægrotos petentes etiam extra ordinem confirmet, ſi ſit præſens in loco. Quamvis prioribus conciliis ſtatutum ſit, ut ante ſeptennium ætatis non facile conferatur, relinquitur tamen id arbitrio Episcopi. Cum autem dein ad rationis uſum pervenerint, inſtruantur de hoc Sacramento ſuſcepto. Ritus omnes curatè ſerventur.

Sacerdos S. synaxin distribuens extra Missam, superpelliceo sit indutus, & stola alba, ubi verò viget ritus Ambrosianus, rubra. Episcopus verò extra missam eandem ministrans pluviali sit indutus. In eodem omnino morbo ne sæpius præbeatur per modum viatici. Capitis damnatus, quo dñe SS. Sacramentum pro viatico sumpsit, ne morte plectatur.

Ante quadragesimam parochus accedat domos & examinet, quoniam ad Sacramentum poenitentiae & Eucharistiae obligentur, iique peculiari cura instruantur. Approbatio ad confessiones audiendas pertinet ad Episcopum. Quicumque à casu, Episcopo reservato, absque illius facultate absolvit, suspensionem ipso facto incurrat. Confessarii superpelliceo & stola sint induti, regulares verò eo habitu, quo in choro utuntur. Extra Ecclesiam aut oratorium absque urgente causa non audiant, neque stando, vel ambulando, sed sedendo pro tribunali.

Extrema unctio non detur pueris, necdum rationis usu præditis. Si alio oleo, uti Chrismate vel oleo catechumenorum per errorem usus sit, adhibeat oleum infirmorum, formamque iterum pronuntiet. Si æger inter ungendum moriatur, desistat alios sensus inungere. Si dubium sit, an adhuc vivat, conditionatè absolvat. Minister ordinarius est parochus; qui in eo conferendo sit valde diligens; alias ab Episcopo multandus. Diligenter etiam alios quotidie inviset ægrotos & spiritali, imo etiam pauperes temporali solatio recreet. In visitatione examinetur, quomodo parochus in istis officio suo fungatur.

P A R S II.

De cura tempore pestis.

247.

Superioribus annis funesta contagio primùm urbes aliquot Italiae celeberrimas, deinde sensim longè latèque serpens, Mediolanum ejusque dioccesin fere omnem corripuit. In hac publica calamitate diffugientibus pluribus aliis, nec malo obviàm ire, aut afflictis desertisque opem afferre curantibus. S. Carolus in statione constanter persistens, pastorem curam opemque in omnem partem exporrexerat, pestiferis ipse inserviens, omnique auxilio & solatio illis succurrens.

Igitur ut deinceps in repentino ejusmodi ac publico malo non amplius talis contingat perturbatio, utilissimas in hanc rem sanctiones in hoc concilio edidit. Atque imprimis ab omnibus attentè perpendi

pendi cupit, pestilentiam esse poenam scelerum; causam proin omni conatu amovendam, ut DEus misereatur, ac poenitentia placetur. Nisi enim Dominus custodierit civitatem, frustra vigilat, qui custodit eam.

Nullatenus autem tunc animarum pastoribus, neque Magistratibus fugiendum, sed in communem omnium animæ corporisque salutem vigilandum ac desudandum, perstandumque in charitatis officiis. Neque omittenda Divina officia, sed multiplicata industria tantò devotius peragenda: supplicationes, litanie, sacrificia, sacramentorum usus intendendus.

Episcopus curet, ut jejuniis, eleemosyna, aliisque virtutum exercitiis præparati fideles supplicationes publicas comitentur, sacco, cilicio, omnique mœsto & lugubri amictu, gemitu, lachrymis, capite aperto, pedibus nudis, omnique poenitentiae publicæ modo. Quadraginta horarum preces celebret per urbis Ecclesias. Reliqui quoque comprovinciales Episcopi, licet in eorum diœcesin lues necdum irruerit, insolitas etiam supplicationes, & preces instituant.

Imminente periculo pestilentiae Episcopus indaget, quæ vitia maxime grassentur, & iram DEI possint accersere: atque in ea convellenda totis viribus incumbat. Rationes etiam iudicii sui Ecclesiastici examinet, an non iniustitia aliqua indignationem Divinam provocet. Synodum Diœcesanam convocet, aut saltem vicarios foraneos evocet, ut cleri vulnera sanentur, & si quid Divinos oculos offendant, amoveatur. Vocet in partem sollicitudinis confessarios & concionatores, superiores item monasteriorum. Potestatem denique sæcularem quoque, si necesse, imploret, ut scandalis, corruptelis, malis consuetudinibus extirpandis auctoritatem suam & manum admoveat.

Præsertim verò omnes adhortetur, ut in eo vitæ discrimine disponat domui suæ per sinceram confessionem peccatorum, & sacram communionem, æris alieni expunctionem. Deligat ferventiores cleri sæcularis & Regularis viros, qui urbem perlustrant, pestiferis inserviant, & omnibus omnia fieri contendunt. Medicos quoque & chirurgos provideat, medicamenta item, & ministros infectorum, bajulos mortuorum & vespillones. Confessariis amplam potestatem concedat, & in multis, quæ alias ex ordine fieri deberent, quantum potest, dispenset.

Mendici non expellantur civitate, sed in unum locum colligantur: sintque constituti, qui eleemosynas pro illis colligant. Hospi-

spitalia publica apparentur, alia pro infectis, alia pro suspectis, alia pro convalescentibus, absque præjudicio tamen ecclesiarum.

Locus proin amplus extra urbem eligatur, qui sit sanus, siccus, prope aquam fluentem, loco editiore. Describit deinde totam fabricam; qualem ipse Mediolani extra mœnia exstrui curavit. Ubi hodieum visitur ingens ædificium pro pestiferis, ingenti prorsus amplitudine, spatiosam aream circumdans, cubiculis ultra 300. distinctum, unius tamen contignationis. In medio areæ interjecta est capella, januis undique & fenestris instructa, ut per eas pestiferi possint omnes è suis cubiculis audire Missam. Circum totum septum ædificii in extremitatibus areæ est cœmeterium lapidibus stratum, ad quod etiam mortui in Hospitali amplissimo, quod est in urbe pro ægrotis omnis generis amplissimo censu constructum (eum instructissimo Pharmacopolio, multisque officialibus & ministris) sepeliendi deferuntur. Cujus Nosocomii urbici magnitudinem, structuram, ordinem, apparatus, decorem, & mundiciem, ab omni fœtore puram, tot centenos inter ægrotos, per longas amplasque aulas, utroque ex latere longa serie in lectulis honestissimè dispositos, admirari non satis potui; dum præsens inspexi, cum magna æstimatione proluxæ charitatis, quam Italica natio tot sumptibus, tantæque cura ac studio perpetuò exhibet omnium nationum ægrotis hominibus.

Plurimas insuper S. Carolus instructiones in hoc concilio edidit, de officiis ipso pestilentia tempore ministrandis, constantique ministracione sacramentorum &c. de concionibus tunc habendis: de cautelis, quas adhibere debet sacerdos ministrans; de cautela adhibenda, cum ipse sacerdos de peste est suspectus, aut ea jam infectus: de cautelis in monasteriis adhibendis: de baptismo infanti pestifero conferendo: de officiis confratrum charitatis, collectione elemosynarum & distributione: de cura præstanda & exercenda pietate in hospitalibus, ac domibus oclusis: de cura disciplinæ morum in iisdem locis: de disciplina parochis & sacerdotibus in locis publicæ curationis tenenda: de speculatione in ministris publicæ curationis adhibenda: de visitatione locorum publicæ curationis seu hospitalium: de cura spirituali, singillatim unicuique peste infecto vel suspecto à sacerdote adhibenda: de cura à clerico homini peste infecto adhibenda: de cura adhibenda, dum quis convalescit à peste, aut ab ejus suspicione liberatur: de cura mortuorum: de præstandis peste restincta.

Addit denique sacerdotes, præsertim curatos, non debere mortis metu stationem deferere, cum in superiori pestilentia pauci ex iis, qui pestiferis inservierunt, sint mortui, plures verò ex iis, qui fugerunt.

PARS III.

§. 1. De Seminariis.

Urgetur erectio seminarii in singulis diocæsis; & annuus census, quantus esse debeat, taxatur pro singulis: videlicet Mediolanensis seminarii annuus proventus sint aurei 6000. Dertonensis 600. Aquensis 400. Brixienfis 2000. Cremonensis 2000. Bergomensis 1000. Astensis 600. Alexandrini 400. Vercellensis 1000. Albenfis 600. Vintimillienfis 200. Savonenfis 300. Casalensis 500. Viglevanensis 200. Novariensis 1200. Placentini 1500.

§. 2. De Examinibus.

248.

Constituantur Examinatores viri doctrina & moribus graves: qui nulla spe, nullo metu docti sincerè examinent, nent, judicentque. Atque imprimis fiat examen de vita, moribus, virtute: quomodo oret, quo fructu, an meditari nòrit. Qui *primam tonsuram* petunt, aut *minores Ordines*, interrogentur: quare ad Statum clericalem animum applicent, quo directore hoc consilium susceperint, an non laborent impedimento aut irregularitate, ex defectu ætatis, natalium, morum, scientiæ, lenitatis, famæ, integritatis corporalis.

An miles fuerit, an cædes patrata, an in judicio criminali laico capitis sententiam tulerit; an notarii, advocati, procuratoris, accusatoris partes in eo egerit. An per saltum promotus. An vim, naturam & rationem Ordinis, quem petit, nòrit: an ritus, & eorum significationem: an functionum notitiam habeat. An sæcularis judicii declinandi causa clericatum petat; quo vitæ genere hætenus versatus. Qualem spem præbeat; an legere & scribere nòrit. An doctrinæ Christianæ rudimenta calleat, an confirmatus. Si minores Ordines petat, an saltem primordia Grammaticæ & linguæ latinæ calleat.

Majoribus initiandi examinentur, an per omnes Ordinum gradus in vitæ spiritualis disciplina majorem progressum fecerint. An habeant Breviarium, Biblia, SS. Patrum volumina, Concilium Tridentinum, Catechismus Romanum, Rationale Divinorum officiorum, libros aliquos asceticos.

Quæ sit Ordinum minorum & majorum differentia. An in minoribus probati sint. De voto continentiae, subdiaconatus Ordini annexo : de Sacramentorum doctrina saltem generatim. Experimentum aliquod hauriatur de concionibus.

Ex illis, qui *sacerdotio* initiari petunt, quærat, quomodo in ministeriis prioribus se gesserint ; an piè, castè, ac integrè vixerint. Quid sit Missæ sacrificium, quis effectus, partes, mysteria, sacramentum vestium significatio : quæ requirantur ad illud ; ubi & quando celebrare non liceat. An sacræ confessionis peritiam habeant. An ad alia Sacramenta ministranda & conciones idonei ac populum instruere ac docere nòrint.

De præficiendis *parochiali curæ* exploretur, præter orandi, meditandi & vitæ spiritualis studium, an concionari nòrint. An ex tempore aliquid aptè possint dicere, capiatur hujus rei experimentum. An nòrint impedimenta, propter quæ Sacramenta ministrari aut suscipi non possint. Quæ cujusque Sacramenti materia, forma, causa efficiens principalis, instrumentalis, causa finalis, effectus, ritus. Fiat periculum, quomodo in casibus conscientiae sint versati, constitutionibus ecclesiasticis, quos libros legant. Quinam casus Papæ, & Episcopo reservati : quinam à Jure, ab homine. An SS. Canonum notitiam habeant, præsertim eorum, quæ Tridentinum statuit, de residentia, parochiis, Divino cultu, de clericorum honestate ac disciplina, de Sacramentis, sacris functionibus.

Speciatim *confessarii* examinentur de Sacramento poenitentiae, à quo, & quare institutum ; quæ illius materia, forma, effectus, minister, condiciones. Quæ regulæ ad dignoscendum mortale à veniali. Quæ partes poenitentiae. Quid *contritio* ; quomodo elicienda ; quæ utilitas ; quæ signa veræ contritionis. Quæ ipsius *confessionis* substantia : quæ circumstantiæ mutant speciem : quænam exponenda. Quæ radices restitutionis. An suspectos contractus nòrint. Quibus criminibus annexæ censuræ : quam vim illæ habeant. Quibus casibus incurratur irregularitas. Quæ condiciones ex parte poenitentis necessariae. Quando interanda confessio.

Circa

Circa satisfactionem, quis finis, fructus. Quanta imponi debeat. An nōrit agere iudicem, medicum, doctorem in sacro tribunali. Examinetur de forma absolutionis, de sigillo. Quæ Tridentinum & constitutiones synodales de hoc Sacramento.

Concionatores examinentur de dogmatibus à Tridentino propositis, de peccato originali, justificatione, Sacramentis, Missa, purgatorio, invocatione Sanctorum, indulgentiis, potestate Papæ, jejuniis, festis &c. qualis sit concionator in Theologicis: quos libros adhibeat. An Biblia cum commentario legat: an locos inde possit aptè depromere. An scripturam interpretari nōrit. An illam non detorqueat pro suo lubitu. An traditionum Apostolicarum & Ecclesiasticarum notitiam habeat. An & quomodo in SS. Patribus sit versatus: quem ex illis in prædicatione maximè sequatur. An Sacrorum temporum mysteria, rituūque significationem calleat. An Ecclesiasticæ historiæ conciliorūque cognitionem habeat. An Sanctorum vitas legat. An Canonum notitia imbutus; an synodorum decreta in promptu habeat. An casuum conscientiæ doctrina instructus, an theologia mystica, quæ in spiritualis vitæ doctrina, purgandis affectibus, & reformando interiori homine versatur. An orationis mentalis usum habeat. Quos locos teneat, ad excitandos auditores ad amorem DEI, desiderium cæli, virtutum studium, detestationem & fugam scelerum.

An similitudinibus aptis utatur, e. g. ex agricultura, vinea, femente &c. Christi exemplo depromptis. An recta intentione feratur. An ordinatè, distinctè dicat; clarè pronuntiet. An verba pondus habeant, ut non solum aures demulceant, sed cor tangant, & animi medullas penetrent. An pro ratione rei, de qua agit, aptam, decentem, & congruam actionem adhibeat.

Examinatores hæc aliæque diligenter explorent, & quinque classes conficiant, eorum, qui sunt optimi, supra mediocritatem, mediocres, infra mediocritatem, infimi.

§. 3. De Ordinis Sacramento.

Afferant testimonia de natalibus, ætate, Ordine proximè suscepto, progressu in ecclesiastica disciplina, denuntiatione in ecclesiâ facta, ministerio in ecclesiâ, exercitio Ordinis suscepti, frequentis

249.

sacræ communionis, observantia erga superiores, interstitiis servatis, litterarum studiis, titulo.

Abbates diœcesanis absque Episcopi facultate non conferant primam tonsuram, aut minores Ordines. Tonsuræ forma sit major aut minor pro ratione Ordinis suscepti. Beneficia curata per concursum conferantur. Nullus sacerdos plures Missas eadem die legat, neque necessitatis prætextu. Cùm aliquis ex Humiliatorum olim ordine obierit, in ejus locum sacerdos alius surrogetur.

Soli illi absentes propter infirmitatem, necessitatem, & manifestam ecclesiæ utilitatem distributiones quotidianas percipiant, qui antea non impediti personaliter in choro accessisse consueverant. Neque peregrinantes, aut studiorum causa absentes easdem percipiant, licet à sede Apostolica absentiae licentiam habeant. Inculcatur rursus personalis residentia.

§. 4. De Ecclesiis, Synodis, visitatione.

250.

Potest Episcopus, eum, qui in asyllum Ecclesiæ fugit, per suos satellites interim, donec statuatur, an asylo gaudeat, in carcerem abducere, atque in eo custodire: ubi verò decisum fuerit, quòd asylo gaudeat, statim illum rursus Ecclesiæ debet restituere. Quamdiu verò in custodia est, nulla quæstio aut examen de eo haberi debet.

Pulvinaria Missalium nullius unquam genibus substernantur. Lapidēs, & ligna ecclesiæ dirutæ ad profanos quoque usus applicari possunt, non tamen ad sorditos. Pecunia verò inde collecta ad ecclesiæ usum convertatur. Missæ verò ad ecclesiam matricem transferantur.

In synodo diœcesana adornanda Episcopo maximè auxilium ferant Canonici, & Decani foranei, ac Regionarii civitatum. Constituatur promotor synodalis juris peritus, addito uno vel altero Ecclesiastico, qui absentium excusationes, controversias, querelas, accusationes audiant, & ad Episcopum referant. Ipsa die omnes superpelliceis induti in Ecclesia cathedrali conveniant. Veteri instituto triduum est præstitutum, quod tamen Episcopus pro ratione materiarum, quæ tractandæ occurrunt, prorogare vel contrahere potest. A processione initium, dein Missarum sollennia, tum sermo lavicus, lectio variorum decretorum. His absoluti singuli nomina-
tim

tim vocentur. Professio fidei. Examinatores, punctatores, testes synodales renuntientur ab Episcopo. Tertio sessionis die decreta synodi ex suggesto prælegantur. Sequuntur monitiones, indictio anni sequentis synodi, processio solennis, preces, acclamationes, benedictio Episcopalis, & osculum pacis.

Qui dignitates aut canonicatus in cathedrali obtinent, aut præfecturam in collegiata, pluviali induti in sessionibus compareant; reliqui superpelliceo: Episcopus pontificali habitu. Concellarius omnia acta conscribat. Regulares etiam, qui curam animarum gerunt, conciliis diocesanis intersint.

Antequam à loco visitationis discedatur, scripta relinquantur decreta Ordinationum & reformationis susceptæ, eaque publicentur.

§. 5. De Episcopali Jurisdictione & Foro.

Si Episcopus aliunde veniat, apud comprovincialem Episcopum divertat. Archiepiscopo verò & legato Apostolico obviam procedat absque rochetto aperto. Coëpiscopi tempore calamitatis publicæ mutuò succurrunt precibus, consilio, solatio, elemosyna. Episcopus œconomum Ecclesiæ cathedralis constituat juxta concilii Chalcedonensis decretum.

251.

Nullus Prælatus inducat alienum Episcopum ad sacrum oleum aut chrisma conficiendum administrandumve, aut consecrandam Ecclesiam, aut exercenda pontificalia. Regulares, quibus ex privilegio jus competit conservatores eligendi, ad quos in judicium vocentur, quos semel delegerint, ne mutant.

Quando conciliorum provincialium aut Tridentini decretis statutum est, de capituli clerique consilio aliquid agendum, non tamen propterea Episcopo necessitas est imposita illud sequendi, nisi id nominatim cautum sit.

Quoties Episcopus etiam tanquam sedis Apostolicæ ex decretis Tridentini delegatus sententiam tulerit, iis in causis, in quibus ante concilium potestate ordinaria pronuntiare poterat, non propterea Metropolitanæ jurisdictioni in appellatione subterfugiatur.

Quod Tridentinum statuit, ne à sententia interlocutoria appelletur, servandum est; nisi gravamen tale sit, quod per definitivam reparari nequeat, quale esset indebita incarceratio. Attamen etiam

in hoc casu appellatio non habet effectum suspensivum, sed tantum devolutivum.

Non tantum in litis principio iuramentum calumniæ Judex potest exigere, sed in omni ejus parte, cum expedire censuerit. Censurarum vim & potestatem parochus aliquando pro concione explicet; uti etiam, quod excommunicatus, qui monitus, ut sacerdote celebrante ex ecclesia discedat, parere tamen detrectat, absolvi non possit, nisi à summo Pontifice. Interdicta Episcopalia etiam à Regularibus servantur.

Cum parochos aliquos interdictos aut excommunicatos pronuntiârit, eos quamprimum ad Episcopum deferat. In Episcopali foro omnibus jus gratis dicatur. Si quis aliquid acceperit, poenam repetundarum lege Julia sancitam ipso facto subeat.

Qui in familia aut famulatu sunt Episcopi, causis, quæ in Episcopali foro aguntur, se non immisceant, ne quidem ulla commendatione, nisi ex officio adstringatur. Imò expedit, ut alienæ potius diocesis Vicarii Episcopales adhibeantur, ne ullo humano respectu à via justitiæ declinetur.

Ne avocentur parochi ab Ecclesiæ suæ cura. Piarum voluntatum executio, & jurium Ecclesiasticorum defensio jure canonum Episcopi curæ commissa est. Causæ incarcerationum quam celerrimè finiantur.

Procurator fisci Episcopalis veritatem criminis inquirat; nulloatenus verò potestate sua abutatur ad innocentum vexationem. Vigilet etiam cum Vicario, ne apparitores aut satellites quidquam extorqueant. Testes pro informatione curiæ; aut Inquisitionis excipere potest. Quæstionibus quoque interesse potest, & Judici interrogationes ad causam pertinentes in memoriam revocare. Denuntiationum quoque, quæ de legatis piis fiunt, indicem, à Cancellario communicatum, apud se habeat.

Cancellarius curiæ Episcopalis nullum prorsus munus accipiat. Neque dispensationes ullas expediat, nisi in quantum ipsius officium & mandatum Episcopi concedunt.

Hebdomadæ dies non gentilium more planetarum, Lunæ, Martis &c, sed feriarum nomine appellentur.

Cancellarius & Notarius causarum acta, instrumenta originalia, ac processus nemini asportanda tradant, sed in Cancellaria aut Archivo illa inspicienda exhibeant. Et ne hoc quidem sine Vicarii consensu.

Quæ de taxa, ministris tribunalium determinanda, statuta sunt, cum necdum ubique executioni sint data, omnino impleantur; aliàs Metropolitanus id faciet, ad abscindendam omnem avaritiæ occasionem.

In cancellaria conficiantur acta visitationis, litteræ testimoniales, dimissoriæ, attestations de alicujus aptitudine ad Beneficium: cessio Beneficii coram Ordinario liberè facta. Processus de natalibus, ætate, aliisque conditionibus eorum, qui initiandi sunt, aut ad seminarium admittendi. Instrumentum jurisjurandi, præstandi ab iis, qui Beneficium obtinent, professionis fidei: facultatum, quæ monialibus sunt concessæ: facultatum erigendi confraternitates, scholas &c. absentiarum studiorum causa: eleemosynam colligendi, absolvendi à casibus reservatis: celebrandi ubique vel certo loco: prædicandi: audiendi confessiones.

Litteræ item indulgentiarum; consecrationis vel reconciliationis ecclesiæ, cœmeterii, altarium, campanarum. Constitutio coadjutoris. Reductio Missarum. Commutatio bonorum operum. Facultas peregrinandi extra dioccesin. Litteræ, quæ ad Vicarios foraneos, parochos, aut alios scribuntur. Processus & acta omnia circa miracula examinanda, vel Reliquiarum veritatem. Facultas asportandi cadaver de loco ad locum. Decreta, ordinationes, statuta ab Episcopo vel ejus Vicario confecta. Constitutio Vicarii in quavis ecclesia. Dispensationes, litteræ & expeditiones quæcunque spirituales.

§. 6. De Matrimonio.

Decernuntur irritæ omnes leges & statuta, quæ libertatem matrimonii contra SS. Canones impediunt. Denuntiationes remittendi non alia videtur esse causa sufficiens, quàm probabilis suspicio, ne matrimonium malitiosè impediatur. Ne Vicarius quidem generalis eas remittere possit. Si post denuntiationes, in ecclesia factas, intra duos menses matrimonium non ineatur, repetantur.

252.

Parochus ne jungat sponſos antè, quàm rudimenta Chriſtianæ fidei calleant. Qui teſtibus adhibitis, absque parochò (aut alio ſacerdote, cui is, vel Ordinarius facultatem dederit) matrimonium de factò contrahit, cum aliis liberè contrahere poteſt; cùm illud factum ne ſponſalium quidem vim habeat.

Moneat parochus contrahentes, pœnam excommunicationis eſſe propoſitam in gradibus conſanguinitatis & affinitatis ſcienter contrahere præſumentibus: nec ſpem fore obtinendi diſpenſationem, ne quidem fornicationis cauſa.

Irritum declarandum matrimonium, quod non à parochò proprio contrahentium, ſed à parochò loci, in quo initur, celebratur.

Excommunicationi latae ſententiæ ſint irretiti, qui ſaſinationibus & veneficiis matrimonia impedire nituntur.

Sufficiens cauſa diſpenſandi in gradibus cognationis, & affinitatis eſt loci anguſtia, in quo alium cum competente dote mulier habere non poteſt: licèt extra ſuum municipium tales habere poſſet.

Meretrices aut proſtituti pudoris fœminas in nulla caupona licitum eſt tolerare. Sed in unam ſentinam ea fœx compingatur.

Parochi ſpeciale ſtudium adhibeant, ut mulieres luxum, cincinnos, inares, ſucum, & veſtes caudatas deponant.

Parentes liberos totàmque familiam ad virtutis normam & vitam Chriſtianam componant. Et univerſim petulantis juventutis effrœnis licentia coërceatur, præſertim in locis DEO ſacris. Quare ratio aliqua cum ſtatu Eccleſiaſtico & politico ineatur, ut efficax in hac parte remedium adhibeatur.

§. 7. De Scholis, Confraternitatibus, Monialibus;

253. Nemo in ſcholas aut confraternitates admittatur Chriſtianæ doctrinæ omnino rudis, nec ſacिनorosi, nec turpis vitæ aut infamiæ labe notati: ſi verò jam admiſſi ſint, nec moniti reſipiſcant, excludantur.

Contra moniales absque facultate ſedis Apoſtolicæ clauſtro egredientes cenſuris aliisque juriſ remediis procedatur. Neque Religioſi
ſepta

septa monasterii, quamvis suæ curæ commissi, ingrediantur; ne quidem professionis admittendæ, vel confessionis audiendæ, vel Missæ dicendæ causâ, sed in ecclesia exteriori, ubi SS. Eucharistia ad fenestellam ministratur, hæc illis præstentur. Idem de Episcopo, confirmationis Sacramentum conferente.

Nulla monialis atramentum, calamum aut alia ad scribendum instrumenta in cubiculo habeat. Si aliquid necessariò scribendum, à Superiore arma scriptoria accipiat, moxque post ulum restituat: & quæ scripsit, eidem ostendat. Libros nullos habeant, nisi quos Episcopus approbavit. Ante professionem Episcopus Novitiæ voluntatem ad crates exploret.

Adduntur consuetæ clausulæ circa executionem horum Decretorum. Subscripserunt S. Carolus Metropolitanus, cum 16. Episcopis comprovincialibus personaliter præsentibus, omnibus nempe iis, quorum Diœceses supra, ubi de seminariorum censu actum est, expressim nominavi, excepto unico Placentino. Præter Episcopos autem nemo subscripsit. Indictum futurum concilium pro more.

§. 6.

Concilium Mediolanense VI. anno 1582.

Ultimum hoc concilium provinciale biennio ante mortem S. Carolus celebravit; eique ardentem facundamque orationem pro more præmisit; in qua repetita conciliorum necessitate & utilitate ait, plurimos languentes esse sanandos, provincialem Episcoporum conventum esse velut medicorum collegium, in quo de curatione consulendum in medium. Enarrat dein, ingemiscens cum propheta, varia morborum genera, quibus provincia ceu magnum quoddam nosocomium repleta sit, aspernata medicamenta, & in medicos frendens pestiferis febribus phrenetica.

Hic hydrope laborantes, dæmonum impetu agitados, lepra foeda affectos, paralyticos, gibbosos, mutos, surdos, plurimos; claudorum, aridorum, cæcorum infinitum jacere numerum, lamentabili languentium miserandoque spectaculo. Hic multos superbia turgidos, luxu distentos, avaritia sordidos, luxuriæ ardoribus æstu-

antes, ira furentes, otio torpentes, invidia lividos, gula ventrisque ingluvie propemodum fatiscentes: &, ut nihil ad calamitatem, miseriamque deesset, ipsos medicos languere: ipsos sacratos mystas, aut febrium intemperiiis correptos jactari, aut lethargo torpentes jacere prostratos.

Ubi Decretorum executio? ubi morum corruptelæ ereptæ? ubi peccatorum publicorum semina convulsa, vitiorum exempla sublata, disciplina introducta? ubi juvenum petulantia emendata, lenocinia proscripita, prostibula amota? Ubi popularis concursus ad lubrica spectacula eliminatus, scurriles ac fescennini joci sublati, bachantium Christianorum effusa licentia repressa? Quare autem non est obducta cicatrix populi? Nunquid, non est resina in Galaad? qui applicare deberent pharmacum, acedia lethargo hebescent & contabescunt.

Ita temporis sui morbos deplorabat, ceu alter Salvianns, sanctissimus Mediolanensium Præsul Carolus; & ob oculos proponi jubet probaticam illam piscinam, atque in ea multitudinem magnam languentium, cæcorum, claudorum, expectantium motum aquæ, agitandæ synodali consultatione & pastoralis officio.

§ 1. De Fide.

255.

Ne concedatur ingressus in provinciam ulli hæretico ex vicinis infectis regionibus venienti. Si omnino impediri non possit, in publica caupona diversetur, atque ad Episcopum deferatur. Non permittatur intrare ecclesiam, nisi tempore concionis.

Nemini licet bona sua vendere, ut in hæreticorum terras migret ibique domicilium figat. Bibliopolæ & typographi fidei professionem edant. Nullus liber, etiam alias jam editus, recudatur absque debita licentia. Nullus liber ficto aut alieno nomine edatur. Nemo prædicatoris officium assumat sine approbatione Episcopi.

§. 2. De Reliquiis, Festis, Indulgentiis.

256.

Sine Episcopi concessione sacræ Reliquiæ non transferantur ab una ecclesia ad aliam, multò minùs extra Diocesin. Sub excommunicatione etiam prohibetur, ne quis privatim particulam alteri donet, aut concedat.

Quia S. Barnabas Mediolanensem Ecclesiam primus erexit, & mysteriis fidei imbuat, ejus festum sub præcepto à clero populoque colatur. Licet festum in diem jejunii inciderit, nihilominus jejunium servandum.

Parochus indulgentias concessas diligenter promulget.

§. 3. De Sacramentis.

Fideles frequenter ad Ecclesiam parochialem conveniant, ad SS. Sacramenta percipienda, audiendum verbum DEI, & cultum DEO sub Divinis officiis exhibendum, Dominicis præsertim festisque diebus. 257.

Regulares etiam exempti olea sacra non aliunde quàm ab Ecclesia Cathedrali sumant.

Diem Baptismi celebrandiusus restituatur: dicente Ambrosio: *repete, quid interrogatus sis; recognosce, quid responderis. Remun-tiasti diabolo & operibus ejus, mundo & luxuriæ ejus, ac voluptati-bus: memor es sermonis tui, & nunquam tibi excidat tua series cau-tionis.* Parentes igitur diem illum notent. Non tamen celebretur dies ille natalis luxu, convivii &c. sed sanctis erga DEum gratitu-dinis & charitatis officiis.

Quivis paterfamilias audito campanæ signo cum cereo ad eccle-siam parochialem se conferat, ut inde SS. Eucharistiam ad ægrum comitetur. Si autem impeditus sit, alium ex familia cum cereo mittat.

Episcopus ab audiendis confessionibus suspendat eos, qui id munus non exercent sanctè, integrè, & cum edificatione.

Fideles confiteantur, quando præsens mortis periculum ade-undum: & SS. Eucharistiam sumant. Idemque faciant, quando pe-riculum evaserint. Reliqua, quæ hîc de extirpandis publicis scele-ribus, de communione pascuali, de approbatione confessorum afferuntur; jam sæpius repetita sunt; uti etiam, quæ de titulo mensæ dicuntur.

§. 4. De capitulis, clero, ac Divinis officiis.

Capitulum sede vacante aut veterem Vicarium confirmet, aut novum constituat, si fieri possit, Juris Canonici Doctorem. Ob 258.

causam semel electum mutare licebit. Capitulum sede adhuc vacante rationem ab eo exigere possit : uti etiam novus electus Prælatuſ.

Episcopi jurent manu ad pectus admota. Idem de reliquis prælatiſ : inferiores verò clerici tactiſ sacriſ litteriſ.

Sacerdotes à Miſſa ſuſpenſi frequentem ſacram communionem ſumant. Statuantur poenæ in clericos concubinarioſ , aut eo nomine ſuſpectoſ.

In quolibet altari, in quo Miſſa celebratur, crux adſit.

Quando ſummus Pontifex moritur, omneſ campanæ compulſentur. In cathedralibuſ verò & collegiatiſ ſolenniſ Miſſa & officium defunctorum pro eo celebretur. Reliqui ſacerdoteſ aut Miſſam, aut ſaltem ſtatam orationem pro eo faciant.

Cùm Epicoſopus graviter ægrotat, ſupplicationeſ & orationeſ pro eo inſtituantur.

Antiphonæ Brèviarii ad novi officii rationem emendentur.

§. 5. De funeribuſ, proceſſionibuſ, Eccleſiarum cultu,

259.

Clericuſ mortuſ veſtitu pro ordinis ſui gradu indutuſ efferatur. Laicuſ Eccleſiaſtici nunquam efferant : neque in altiori ordine conſtituti inferioreſ clericum. Niſi neceſſitaſ aliud exigat : Epicoſopum obtinenteſ dignitateſ & canonici ſacerdoteſ : laicuſ laici.

Dominiciſ & feſtiſ nulla celebrentur anniverſaria pro defunctiſ. Oratio pro defunctiſ quotidie ſub creſculum fiat à toto populo, campanæ ſigno admonito. Datæ in id Indulgentiæ.

Ne in poſterum corpus aliquod ſepeliatur, niſi duodecim ſaltem horiſ poſt mortem. Si verò quiſ repentina morte occumbit, 24. horiſ exſpectetur.

Statæ proceſſioneſ devotè obeantur, prælato vexillo.

Si in eccleſia crimen aliquod patretur, id ocuſ Epicoſopo ſignificetur. Muliereſ omneſ velato capite in eccleſia compareant. Prope baptiſterium nullum fiat ſepulchrum.

§. 6. De Juribus, & Jurisdictione Ecclesiastica.

Locationes ad longum tempum ac perpetuæ examinentur. Legata pia diligentius inquirantur & in tabulas referantur, ut ad præstitutum tempus solvantur. Idem de decimis & primitiis. 260.

Episcopus duos sacerdotes, pietatis zelo flagrantibus deligat, quorum officium sit, eum privatim admonere, quidquid in eo desiderari vel opus esse viderint, ad Tridentini aliorumque conciliorum executionem. Ipsi etiam Episcopi provinciales hac de re inter se conferant. Atque sanctæ etiam sedis quot annis Ecclesiæ suæ statum exponant. Plura insuper statuuntur pro casu, quo Metropolitanus aut alius Episcopus provincialis ægrotat.

In rei frumentariæ publica inopia clerici frumentum & annam ne abscondant, sed statim pretio vendant.

Quia sæpe accidit, de servitute aquæ, per alienos agros deducendæ, de oryxis intra certos fines non serendis, atque de aliis ejus generis causis & controversiis lites oriri ecclesiasticos inter & laicos, eas Episcopus ad SS. Canonum & æquitatis normam decimat.

Episcopus eas etiam capellas visitet, quæ ea conditione erectæ sunt, ut Ordinarius aliisque superior Ecclesiasticus eas non visitet. Nisi sedes Apostolica ejusmodi erectionem aut foundationem approbasset.

§. 7. De Synodis, & Beneficiis.

Præscribuntur regulæ, quomodo Episcopi venientes ad concilium debeant urbem, & Ecclesiam Metropolitanam intrare, quomodo excipi & salutari debeant. Quod durante concilio quotidie unus ex Episcopis debeat sollemniter celebrare, & sermonem ex fuggesto habere: quomodo orationes publicæ fieri; exercitationes, conciones, & disputationes sacræ institui; synodorum acta in unum volumen colligi. 261.

Beneficia, quæ per cessionem vacant, Episcopus nec suo, nec cedentis consanguineo, aut familiari conferat, prout Pius V. statuit.

§. 8. De Foro Ecclesiastico.

262.

Causæ Ecclesiasticæ celerius expediantur, quàm in foro laico fieri consuevit; & si res dubia & intricata, transactio tentetur, vel amicabile compositio. Judex coërceat advocatos, procuratores, aliosque litium ministros, ne quæstus causa lites protelent.

Abbates aliique inferiores Ecclesiastici causas matrimoniales, & criminales possunt cognoscere, quibus alias legitimè talis jurisdictio competit, aut de immemorabili consuetudine constet.

Antequam Episcopus clericis facultatem concedat, ut in foro laico interrogari possint, interrogationes, ipsis proponendas intelligat, ac perpendat.

§. 9. De Matrimonio.

263.

Antequam denuntiationes fiant in ecclesia, parochus ipse spon-
sos examinet, an non aliquo impedimento dirimente aut impedi-
eantur. Viderit itaque, an non alteri fidem dederint: an non ca-
stitatis aut religionis voto teneantur: an non subsit aliquod impedi-
mentum consanguinitatis, cognationis spiritualis, aut affinita-
tis.

Filios familias valde cohortetur, ut parentibus insciis aut invi-
tis rem tanti momenti non suscipiant: simulque per orationem ad
DEum prius confugiant.

Gravi pœna & censuris Episcopi sanciant, ut pessima illa con-
suetudo ante initum matrimonium coeundi extirpetur. Itaque
prius nulla familiaritate aut commercio utantur.

Episcopi summopere invigilent, ut grande concubinitus cri-
men radicitus extirpetur. Et contra reos absque forma judicii, so-
la rei veritate inspecta, severè procedant.

Pastores animarum graviter vetent, ne mas & fœmina, licet
puerili adhuc sint ætate, simul cubent, ut omnis flagitii præscinda-
tur occasio: nec facilè paupertatis & angustæ habitationis audienda
excusatio: cum humi aut sub dio jacere satius esset.

Tollenda pariter nocturna rusticanae plebis conventicula, tem-
pore præsertim hyemali in stabulis fieri solita. Caupones etiam sæ-
pe moneantur, ne domi suæ flagitia patrari patiantur, aut occasio-
nem eisdem præbeant. Quare nullos profligati aut etiam suspecti
pudoris homines in familia sua toleret. Amotis omnibus procaci-
bus

bus picturis ac sculpturis, sacra imago singulis in cubiculis ponatur.

Hæreticos apud se divertentes caupo illico denuntiet; nec feria sexta & sabbato eis carnes apponat. Nec sinat mulierem cum viro cubare, quos suspicatur non esse conjuges. Hospite peregrino in morbum incidente, parochum moneat. In omnibus denique ita versetur, ne alienorum peccatorum se reum faciat.

§. 10. De Disciplina Militum.

Ad milites etiam, quorum disciplina Christiana multum lapsa est, Episcopalis cura se exporrigat; ut nullus sit hominum status, quem pastoralis sollicitudo non complectatur.

264.

Ubi igitur milites sunt in præsidio, Episcopus cum eorum præfectis paternè agat, ut secundum Christianæ vitæ instituta vivant: Christianæ doctrinæ rudimentis imbuantur, frequenti confessionis & communionis usu se communiunt. Quotidie mane & vesperi stata hora preces ad DEum fundant: Rosario B. V. quotidie utantur, ac litanias collecti in statione recitent: sacram imaginem in loco stationis habeant: sacerdote ab Episcopo delecto sit eis provisum, qui in rebus spiritualibus, & animæ salutem concernentibus eos exerceat. Libros obscenos ne legant, sed in otio militari Martyrum, præsertim militum, vitas legant, in quibus Christiana pietas cum virtute militari enituit.

Illud verò quàm maximè Episcopus cum militum Ducibus agat, ut jejunia & ciborum delectum ex ecclesiæ præcepto servant, à blasphemiiis abstineant, uti etiam à furtis, rapinis &c. persuasumque habeant, ejus generis criminibus perpetuam inuri infamiam. Denique detractiones, mendacia, ingluviem, aleam, luxuriam abhorreant. Christianos contra mores induant, & consecrentur virtutum decus. Ad quæ consequenda Episcopus, piam inter eos confraternitatem, Christianæ velut vitæ palæstram, curet institui.

§. 11. De Confraternitatibus, piis locis, & Monialibus.

Quælibet confraternitas sacerdotem habeat, vitæ spiritualis præsidem ac moderatorem.

265.

Uc

Ut omnes diffensiones de loci in processionibus prærogativa tollantur, illæ deinceps sodalitates priores incedant, honoratiore nempe loco, quæ habitu confraternitatis antiquiores supplicationes solebant comitari: licet aliæ tempore sint antiquiores, majoribusque privilegiis vallatæ.

Noctu nullas amplius processiones agant, nisi de licentia Episcopi. Episcopus inter sit administrationis rationibus, & administratorum mutationi.

Cum ea, quæ toties de Monialium clausura gravissimè constituta sunt, necdum ubique in usum eant, acuuntur poenæ in omnes, tam ecclesiasticos, quàm laicos, qui earum Monasteria, quavis causa aut prætextu, accedunt. Multò minùs quisquam ipsa septa ingrediatur, nisi peculiarem facultatem, eamque scriptam ab Episcopo habeat. Neque Vicarius generalis eam licentiam dare potest, nisi speciale mandatum ab Episcopo habeat. Qui contra hæc commiserint, ipso facto sunt excommunicati, absolutione summo Pontifici reservata.

Subscripserunt huic sextæ synodo præter S. Carolum Præsidentem, novem Episcopi provinciales præsentés. Quia verò Episcopus *Vercellensis*, apud Rudolphum Imperatorem Nuntius Apostolicus, *Laudensis* apud Philippum Regem Catholicum, *Savonenſis* apud Avenionem Pontificius gubernator, *Aquensis* verò, & *Novariensis*, propter alia impedimenta per se ipsos interesse non poterant, per procuratores subscripserunt: Placentinus verò & Albingaunensis neque per se ipsos, neque per procuratorem subscripserunt.

Septimam synodum provincialem S. Carolus indixit ad annum 1585. Sed antequam is veniret, evocatus fuit à DEO ad cœleste præmium & æternam requiem.



LIBER III.

Status Ecclesiasticus & Politicus

Galliae saeculo XVI.

S U M M A R I U M.

ARTICULUS I.

Status Galliae sub Ludovico XII.

- | | |
|---|---|
| 1. Ludovicus solvit matrimonium, metu initum.
2. Ducatum Mediolanensem Ludovico Sfortiae eripit;
3. Neapolin Friderico Regi, eamque cum Hispanis dividit. Rex uterque investitur à Pontifice.
4. Galli à Gonfalso M. Neapoli eiiciuntur.
5. Genuæ fata, & Venetiarum. | 6. Discordia cum Julio Pontifice.
7. Galli Italia pulsi, & Navarrâ.
8. Initio cum Venetis foedere Insubria recuperata, rursusque amissa.
9. Clades Gallorum in ipsa Francia.
10. Pacta cum Helvetiis.
11. Ludovici mors. |
|---|---|

ARTICULUS II.

Status Galliae sub Francisco I.

- | | |
|--|---|
| 12. Expeditio Italica. Insubria denuo subacta. Pugna ad Marignanum. Maximilianus Sfortia ductus in Galliam. Concordatum cum Leone X.
13. Foedus cum Helvetiis, à Ludovico XII. abjectum, à Francisco instauratur. Pax universalis.
14. Semina discordiarum inter Carolum V. & Franciscum I. primum inter eos bellum Navarrense, & Insubricum. Ab Hi-
<i>Pars VII.</i> | spania & Italia depulsus Gallus. Ludovicæ matris & Boniveti factiones.
15. Carolus Borbonius ad Cæsarem transit. Bonivetus omnia perdit. Expeditio Cæsaris in Phocensem provinciam.
16. Rex in Italiam. Pugna Ticinensi victus captusque. Consilia de rege capto.
17. Pax Madritensis. A rege non servatur.
18. Fœ- |
|--|---|

- | | |
|--|--|
| <p>18. <i>Fœdus adversus Cæsarem.</i> Romæ direptio. Alterum bellum. Magni Gallorum initio progressus in Insubribus & Samnitibus.</p> <p>19. <i>Mox omnia rursus amissa:</i> Doria ad Cæsarem transeunte; & Genuam in libertatem asserente.</p> <p>20. <i>Pax Cameracensis;</i> indignantibus Venetis.</p> <p>21. <i>Nova Francisci fœdera cum</i> Anglo & Clemente. Contracta cum hoc affinitas.</p> <p>22. <i>Tertium bellum,</i> ejusque tres causæ.</p> <p>23. <i>Franciscus Insubriam rursus</i> præterdit & Pedemontium. Carolus III. Sabaudie Ducem provinciis spoliatur. Genevam re-</p> | <p>bellem in libertatem asserit. Cæsaris in Provinciam infelix expeditio.</p> <p>24. <i>Induciæ à Paulo III.</i> Niciæ impetratæ, ut Concilium celebrari possit. Cæsaris iter per Galliam.</p> <p>25. <i>Quantum bellum,</i> propter Clivensem & legatos cæsos. Belgium & Ruscino theatrum belli. Classis Turcica Gallicæ juncta.</p> <p>26. <i>Clivensis subactus.</i> Lucemburgum receptum. Bellum in Pedemontio. Pugna ad Cerisolum.</p> <p>27. <i>Pax Crespiaca.</i> Angli bellum continuant in Belgio. Pax. Mors Francisci.</p> |
|--|--|

ARTICULUS III.

Status Gallie sub Henrico II.

- | | |
|---|--|
| <p>28. <i>Aulæ mutatio.</i> Stamparum Ducissa cum Mommorantio ejecta. Diana Pictaviensis subintroducta. Nuptiæ Principum.</p> <p>29. <i>Stirpis Lotharingicæ</i> adumbratio.</p> <p>30. <i>Bellum Parmense,</i> Lotharingum, & Alsatum. Tres Episcopatus erepti Imperio.</p> <p>31. <i>Obsidio Metensis.</i> Sors melior Cæsaris in Picardia.</p> <p>32. <i>Bellum Belgicum.</i> Senense. Corsicum. Senæ à Cosmo expugnatæ.</p> | <p>33. <i>Induciæ.</i> Mox iterum ruptæ. Bellum Hispanorum cum Paulo IV. cui Galli se miscunt. Guisus in Italiam nullo successu.</p> <p>34. <i>Hispani in Picardiam.</i> Pugna ad Sanquintinum. Gallie consternatio. Guisus ex Italia accitus restituit rem. Calem &c. Anglis eripit.</p> <p>35. <i>Factiones in aula</i> inter Mommorantios & Guisios. Clades Gallorum ad Gravelingam. Res in Pedemontio.</p> <p>36. <i>Pax Cameracensis.</i> Henrici infelix mors.</p> |
|---|--|

ARTI-

ARTICULUS IV.

Status Galliæ sub Francisco II.

- | | |
|--|--|
| <p>37. Guisiorum in aula potentia. Adversa factio Borboniorum, Mommoranci, Colygniorum.</p> <p>38. Malorum causa hæresis, & ambitio. Lutheranorum in Galliam adventus. Regis soror eos fovet. Genevæ defectio.</p> <p>39. Calvinii juvenus. Institu-</p> | <p>tiones. Doctrina impia in Galliam illata & Brasiliam. Andelotii facinus.</p> <p>40. Post mortem Henrici II. hæresis insolefcit. Annæ Burgi supplicium. Guisiorum zelus pro religione. Ambrosiana conspiratio.</p> |
|--|--|

ARTICULUS V.

Status Galliæ sub Carolo IX.

- | | |
|---|---|
| <p>41. Catharinæ matris pseudopolitica. Synedrion seu colloquium Possiacense. Laynii oratio.</p> <p>42. Triumviratus. Mommorantii religio. Partes Catholicæ. Primum Hugonotorum bellum. Antonii Navarri conversio, & mors. Drocensis pugna. Condæus & Mommorantius capti. Guisus victor à Poltroto interemptus. Prima pax.</p> <p>43. Iniqua Catharina Tridentino Concilio. Sententia Pontificis in octo Episcopos, præsertim Cardinalem Castilionium, aperte hæreticum, & in Joannam Albretanam. Molinæus in carcerem. Proscriptus liber Casandri. Mors Calvinii.</p> <p>44. Alterum bellum Hugonot. Rex ereptus periculo. Pugna</p> | <p>Sandionysiana. Mommorantii gloriosa mors & laus. Casimirus in Galliam. Rupellæ defectio. Pax altera. Ab Hugonotis non servata.</p> <p>45. Tertium bellum. Pugna Jarnacensis. Condæi mors. Montcuriana clades. Soria pirata. Tertia pax indigna victoribus.</p> <p>46. Cædes Hugonotorum Parisina. Navarri & Condæi simulata conversio. Quartum bellum. Rupellæ obsidio frustrata. Sancerra expugnata. Quarta pax.</p> <p>47. Quintum bellum. Mongomerius captus & Parisiis damnatus. Factio tertia Politicorum, Alensonio duce. Conspiratio eorum detecta. Condæi fuga. Mors Caroli regis.</p> |
|---|---|

ARTICULUS VI.

Observatio in Parisiensem Hugonotorum cædem.

- | | |
|--|--|
| <p>48. Hugonotæ impii in Religionem. Sacrilegi in templa: Sacerdotes: Catholicos universim: in Sanctos eorumque, uti etiam regum, sepulchra.</p> | <p>49. Proditores & eversores patriæ, ac regni: in regem rebelles. Senatus supremus jure cæsos pronuntiavit.</p> |
|--|--|

ARTICULUS VII.

Status Galliæ sub Henrico III.

- | | |
|--|--|
| <p>50. Galliæ facies. Henrici è Polonia redeuntis torpor. Nuptiæ. Mombrunus captus ac condemnatus.</p> <p>51. Alenfonii fuga ad Hugonotos, uti etiam Politicorum Catholicorum, ac Navarri. Ingens belli apparatus: Pax iniquissima à Regina inita.</p> <p>52. Liga sacra Catholicorum, duce Guisio. Crisis de illa. Rex ipse Ligæ ducem se profitetur. Comitia Blesensia. Defensio religionis decernitur.</p> <p>53. Bellum sextum Catholicis gloriosum. Sed pax secuta probrosa. Ordo S. Spiritus.</p> <p>54. Bellum septimum, fortiter rursus à Catholicis gestum. Sed turpi pace ab Henrico conclusum.</p> <p>55. Mollis ac variabilis regis indoles. Expeditio in Azores infelix: uti etiam in Belgium ab Alenfonio iterum suscepta. Hujus morte augetur metus Ca-</p> | <p>tholicorum. Qui multas urbes occupant, regemque impellunt, ut hæresin prohibeat.</p> <p>56. Octavum Hugonottorum bellum; faustum initio Catholicis, Legati Protestantium ad regem. Bellum ei denuntiant.</p> <p>57. Rex tres conscribit exercitus. Primum tradit Valetæ, quem Ducem Epernonium creavit, magnisque dignitatibus auxit. Sed parum egit: alterum Arquino, quem Joiosæ Ducem fecerat, ac pariter ad summos honores ac Regiam affinitatem evexerat. Hic pugna Curtracensi ab Hugonotis victus, captus, & contra jus belli interceptus est.</p> <p>58. Tertium exercitum, multo minorem dedit Guisio, ob Ligam sibi infenso, ut Germanos & Helvetos transitu arceret. Quos ad Alnæum acie vicit, ac dissipavit.</p> |
|--|--|

59. Offensionibus præluditur tragœdiæ. Guisus Parisios ingreditur, velut tutelariorum Angelus à populo exceptus. Rex ejus mortem decernit. Civitas in regem. Fugit is Lutetia Carnutum. Per matrem cum Guisio transigit. Epernonius Guisii inimicus gratia regis excidit.

60. Comitiorum Blesensium. Postulata Ordinum. Infidiæ. Cædes Gui-

siorum. Conjunctorum & amicorum captivitas.

61. Multæ urbes & integræ provinciae deficiunt à Rege ad fœderatos. Is conventu habito cum Navarro fœdus init. Morinæ libellus de hoc fœdere oleum igni affundit. Maynius Parisiis ut Numen exceptus. Bellum per provincias sparsum.

62. Obsidio Lutetiæ. Regis cædes.

ARTICULUS VIII.

Status Galliae sub Henrico IV.

63. Spes metusque Galliam consumpserunt. Deliberatio Catholicorum, qui Henrico III. adhererant. Fœderati Catholici Cardinalem Borbonium sub nomine Caroli X. regem enuntiant.

64. Bellum per provincias. Maynius Rothomagum obsidione liberat, & Lutetiam. Sixtus V. & Philippus II. ad fœdus. Juriacensis victoria ab Henrico obtenta.

65. Obsidio Lutetiæ. A Farnesio soluta. Obitus Cardinalis Borbonii, quem regem dixerant. Maynius confirmatus Vicarius regni. Bellum in provinciis. Hispani consilia.

66. Gregorii XIV. interdictum, in Galliam missum. Ejusdem copiarum fœderatis datarum. Sabaudus accedit fœderi; & in Provincia ac Delphinatu præten-

siones suas persequitur. Vincitur à Lediguerio.

67. Caroli Guisii libertas. Tumultus Parisiensis in Maynium. Qui novem ex sexdecim viris trahi affigi jubet. Turrenius fit Dux Bullionii. Farnesius Rothomagum obsidione liberat. Ejus consiliis Maynius contrarius. Indicit comitia regni. Papa & Hispanus agunt de renuntiando rege. Philippus per feriam legatum proponit Isabelam filiam suam, nupturam Guisio. Receptum in Comitibus Concilium Trid.

68. Cur Rex conversionem suam distulerit. Dubitatio de potestate absolvendi. Conversionis sollemnitas. Inauguratio Carnuti facta.

69. Lutetia, multæque urbes regi se dedunt: uti etiam Guisus, donatus Prætura Provinciæ, ab-

dicato Epernonio, Elbovius &c. Rex bellum indicit Hispanis, varia fortuna gestum.

70. Viget Romæ persuasio & apud plures in Gallia, regem non esse ferio conversum. Hanc nutriunt Maynius & Hispani. Barrieræ impium consilium de necando rege. Castelli parricidale in regem flagitium.

71. Gueretus tortus. Guignardus suspensus. Societas expulsa. Laborat apud Pontificem pro impetranda regis absolutione.

72. Absolutio solennis Romana. Ejus conditiones. Maynius regi conciliatus; uti etiam Nemursius, & Joiosa, factus rursus Capucinus. Ac tandem etiam Dux Mercordius: Estreæ opera. Nannetenſe edictum.

73. Bellum Hispanicum adversus Gallos fortiter gestum. Cum Cameraco plures urbes captæ. Nivernensis obitus. Alberti Ar-

chiducis gloriosa initia. Cur Aumalius & Rosneus regi non sint conciliati, sed Hispanis adhaerint. Ambianum captum receptumque.

74. Quamvis Henricus rex cum Anglis & Batavis foedus injerit, illis tamen reclamantibus cum Hispano pacem Varvicensem iniit.

75. Causa Salutarum; quas Sabaudus Gallis eripuerat. Papa designatus arbiter. Arbitrium recusat. Dux ad regem. Omnia tentat, ne restituat. Rex bello eum aggreditur. Pax confecta datis Sebusianis pro Salustiiis.

76. Bellis succedunt variae Principum nuptiae, atque ipsius etiam regis. Nam Etræa pellice miserè mortua, matrimonium cum Margarita irritum declaratum à pontificis judicio delegato; initumque novum cum Maria Medicæa.

ARTICULUS IX.

Observatio,

Quibus viis hæresis in Galliam irruerit, & Ecclesiam perturbârint.

77. Evangelium Calvinianum illatum & propagatum, per arma & rebelliones: per foeminas, Margaritam, Renatam, Stampensem. Per Grammaticos, & Philologos.

78. Regis Francisci I. periculum: ac dein zelus pro religione.

Calvinistarum Martyrologium. Libelli famosi. Institutiones Calvinii.

79. Calvinus Genevæ Pontifex, quomodo illam reformarit. Prima ejus synodus in horto. Ejus Missionarii.

80. Reformatio & purgatio Calviniana describitur: quoad cœlibatum, jejunia, libertatem, templa, imagines, missam, Eucharistiam, S. Scripturam, Traditiones, Sacramenta.

81. Dulce Calvinistarum melos. Plures in synodis de reditu cogitant. Quomodo in scholas irrepperint, ut juventutem pervertant.

ARTICULUS X.

Status Ecclesiæ Gallicanæ reformatus per synodos provinciales.

82. Concilium Avenionense.
83. Conciliabulum Turonense I.
84. Concilium Rothomagense I.
85 - - - Lugdunense
86 - - - Bituricense I.
87 - - - Senonense seu Parisiense.
88 - - - Epistola encyclica, & præfatio de hæreticis.
89 - - §. 1. De unitate & infallibilitate Ecclesiæ.
90 - - §. 2. De Visibilitate Ecclesiæ.
91 - - §. 3. De auctoritate Conciliorum.
92 - - §. 4. De libris Canonicis.
93 - - §. 5. De Traditionibus.
94 - - §. 6. De Constitutionibus.
95 - - §. 7. De Jejuniiis.
96 - - §. 8. De cœlibatu.
97 - - §. 9. De votis.
98 - - §. 10. & 11. De Sacramentis & Missæ sacrificio.
99 - - §. 12. De satisfactione, purgatorio &c.

100 - - §. 13. De Invocatione sanctorum.
101 - - §. 14. De sacris Imaginibus.
102 - - §. 15. De libero arbitrio.
103 - - §. 16. De fide & operibus.
104 - - §. 17. Decreta morum.
105 - - §. 18. Exhortatio Concilii ad Christianos Principes pro extirpatione hæresum.
106. Concilium Narbonense.
107 - - - Viennense.
108 - - - Rhemense I.
109 - - - Rothomagense II.
110 - - - Melodunense.
111 - - - Burdigalense.
112 - - - Rhemense II.
113 - - - Turonense II.
114 - - - Bituricense II.
115 - - - Aquense.
116 - - - Tolosanum & Avenionense II.

ARTICULUS I.

Status Galliæ sub Ludovico XII.

1.
Divortium

Mortuo Carolo VIII. Ludovicus XII. Dux Aurelianensis, proximi sanguinis jure ad regnum evectus, Joannam Ludovici XI. filiam Pontificis auctoritate repudiat, ad eam ducendam vi se adactum causatus; atque Annam Caroli VIII. viduam, Britaniæ potiundæ cupiditate substituit.

2.
Mediolanum.

Tum verò in Italiam animum curasque convertit, in Mediolanensem Ducatum maximè, quem tanquam debitum Valentini aviæ suæ, & Familiæ Aurelianensi illatum, ceu patrimonium, & propriam hæreditatem sibi vindicabat.

Instaurata igitur cum Hispano & Anglo amicitia, adversus Maximilianum Cæsarem concitatis Helvetiis, cum Alexandro VI. (concesso ejus filio Cæsari Borgiæ Valentino Ducatu) & Venetis in Ludovicum Sfortiam (quem *Morum* cognominant) fœdus init, transmissisque Alpibus anno 1500. brevi tempore tota Insubria & Liguria potitur. Ludovicus verò Dux in Germaniam exulatum abiit. Cùmque frustra à Cæsare, in Mathiam Hungarum abstracto, auxilia petiisset, ad Helvetios conversus, eorum ope totum Ducatum, arce Mediolanensi & urbe Novariensi exceptis, recuperavit. Sed mox ab iisdem desertus, captusque à Gallis in Franciam abductus, cum fratre Ascanio Cardinale, in tetra carcere per decem annos contabuit; Insabria interim ad Gallos relabente,

3.
Neapolis.

Subacto Mediolanensi agro Gallus ad Regnum Neapolitanum, pristino jure ab Andegavensibus vendicatum, animum applicuit. Sed timebat Ferdinandi Catholici potentiam, qui Neapolin sibi asseverabat, quæsito jam inde ab obitu Conradini jure, per Constantiam Manfredi filiam ad Aragonios devoluto. Et quidem Alphonsus V. Ferdinandi Catholici patruus armis eandem Gallis eripuerat. Quoniam autem prole carebat, quæ justo thoro esset prognata, Ferdinando Notho suo reliquit. Cui filius Alphonsus successit, adversus quem Carolus VIII. Galliæ Rex expeditionem suscepit. Mortuo Alphonso ejusque filio Ferdinando, *Fridericus* alter Ferdinandi Nothi filius Regnum adeptus est, quo Ludovicus XII. Gallus, & Ferdinandus Catholicus, ejus propinquus, eundem privarunt.

Cùm enim, quod dixi, timeret Ludovicus, ne Ferdinandus consiliis suis se opponeret, mentem suam fœderisque condiciones eidem

dem proposuit : vetustas esse difficilésque Domum inter Andegavensem & Aragonicam de utraque Sicilia controversias, jam inde à Carolo Andegavensi, & Petro Aragonio enatas : gravissima propterea per tria jam sæcula bella gesta, totam Italiam non rarò in partes excitam, torrentes sanguinis Christiani fusos ; ad Fridericum, licèt in possessione esse videatur, Neapolin non pertinere, eò quòd ex patre, spuris natalibus infecto, sit natus ; qui proin nihil juris in eum potuerit transferre. Ad se duos, ceu familiæ utriusque capita regnum Neapolitanum esse devolutum, Cujus stirpis potiora sint jura, tot bellis hæcenus fuisse disceptatum. Quin igitur amica transactione litem annofam tandem dirimerent, & utrinque uno dato, altero retento finirent.

Haud multum Ferdinando, Regi sagacissimo, & futura animo conjicienti, ea oratio displicuit. Itum igitur in fœdus, & transactionem : cujus hæc pacta : Ferdinandus perpetuò maneat in possessione & dominio Siciliae, ejus regni titulo Ludovicus abstineat : se Regem Neapolitanum & Jerosolymitanum, Ferdinandus autem se diceret Ducem Calabriae, penes quem Calabria & Apulia Siciliae vicinæ essent. Franco cætera cum Neapoli cederent. Quisque suam portionem sine alterius auxilio compararet. Quisque à Pontifice tanquam domino directo partem suam clientelari jure obtineret.

Contracto hoc divisionis pacto uterque Regum instruebat exercitus, simulata in Turcam expeditione, qui dudum Venetos bello vexabat. Ludovicus cum viginti peditum millibus, & 1500. cataphractis equitibus Romam versus profectus, totius Italiae vota atque metum suspendit. Ubi Romam ventum est, Oratores utriusque Regis, larva deposita, traditionem possidendi Regni, quam vocant *Investituram*, à Pontifice postulant. Nec ille vota postulantium distulit, aliunde Friderico succensus, & duos potentissimos Europæ Principes pro regno uno, non admodum magno, habiturus clientes atque obnoxios.

Franci & classe è Phocensi provincia & terrestri itinere in Campaniam profecti, ultra arma victoriam promoverunt, atque metu undique sparsi intra mensis spatium portionem suam occuparunt rebus secundis primoque impetu ferocissimi. Consalvus autem Cordubensis, jam à Mauricis palmis clarus heros, Calabriam interim atque Apuliam in potestatem Hispanorum redegerat.

Fridericus autem tantis impar hostibus, primo in castella, deinde in Ischiam Insulam se abdens, tandem Gallis se dedere coactus, atque in Franciam abductus, triennio exacto captivitatē morte finiit. Ejus

verò filius Hispanis, Tarentina arce expugnata, est traditus, ut stirps miserrima utrique hosti & spoliū esset, & trophæum.

Sed regnum unum duos Reges & tantos non capiebat; nec confusi & incerti limites semovere poterant duas gentes, quas Pyrenæi montes vix satis dividunt. De finibus igitur utriusque portionis orta primū contentio, tum aperta vis atque bellum gravissimum. Et Consalvus quidem, Hispanorum ductor, rerum bellicarum multo peritissimus, castellis primū locisque munitis militem continebat, donec Gallorum æstus, qui vehemens initio esse solet, deferbesceret, atque ingenio usus per insidias & opportunas eruptiones victoriæ præludebat, capto etiam Albinio, Gallorum ductore celebri.

4. Tum verò in campum apertum eductis copiis, pugna copiam Galli pulsi. Gallis fecit. Conferta illa est anno 1503. ad Ciriniolam in Apulia. Cæsus cum flore exercitus Gallorum ductor Nemursus, Armaniacæ stirpis ultimus. Tantusque mox secutus est victoriæ fructus, ut Consalvus Neapoli totoque regno potiretur, arce duntaxat Neapolitana, Cajetana, & Venusina, cum aliquot in Samnitibus oppidis Gallorum præsidio adhuc retentis.

Ludovicus Rex dolore & indignatione percussus, quatuor simul terra marique conscribit exercitus, quibus Ferdinandum in Hispania & Italia aggredereetur. Sed magnis conatibus eventus non respondit. Salsulæ obsessæ conatu irritum. Classis, milésque, accisus, reductus in Franciam, præter ignominiam, & opum detrimentum nihil reportavit.

Sed nec melior in Italia armorum fors. Nam cæsis ad Cajetam Gallis, totum regnum Neapolitanum à Consalvo occupatum. Similisque ferme hæc Ludovici XII. Neapolitana expeditio fuit illi, quam Carolus VIII. susceperat. Gallis in quæstores & annonæ præfectos culpam conjicientibus.

Ludovicum certè gravis morbus corripuit, animo jam prius ægrum, & secum reputantem belli ignominiam; eò recidisse spes, conatus, & amplitudinem Franciæ, eò tot exercitus, tam immensam pecuniam, ut regnum tanta infamia sibi eriperetur, nec sibi aliud superesset, quàm pudor, & opprobrium victi.

Publicis autem totius regni supplicationibus sanitati redditus dissolvit sponsalia Claudię filiæ suæ, cum Carolo, Philippi Archiducis filio, inita, ne Britannia à Galliæ corpore rursus avellatur. Desponsa autem fuit Francisco Inculismensi Delphino. Quæ res licet vehementer displiceret Philippo Archiduci, nihilominus (quod mirum)

rum) hic ultima voluntate Carolo Ludovicum tutorem dedit, præterito avo paterno Maximiliano, & materno Ferdinando.

Obitus Philippi Archiducis Ludovico spatium dedit ordinandi Insubriam atque Liguriam. Nam Genua, ad Longobardicum olim Italia regnum, tum ad Imperium pertinens, sui dein juris facta, denique Mediolani Ducibus subiecta, atque cum eo ad Ludovici dominium devoluta, dudum in varias turbas domesticas fuit distracta, Fliscis, Doriis, Spinolis, Grimaldis aliisque Patritiis in plebejos, his in Nobiles familias surgentibus. Postremò plebejorum factione prævalente non seditionem modò sed apertam rebellionem res spectabat, dejectis Franciæ insignibus, & Cæsareis substitutis. Quare Ludovicus in Italiam profectus urbem expugnat, & supplicem in gratiam recipit; barbarum auctoribus supplicio affectis. (anno 1507.)

Interea Ferdinandus quoque Rex, ut regnum Neapolitanum, nuper acquisitum, præsens inspiceret, in Italiam navigavit. Atque Neapoli digressus Savonam movit. Ubi celebris ille cum Ludovico congressus fuit habitus; certantibus Regibus, quis alterum majore benevolentia & amicitia significatione vinceret.

Maximilianus quoque Imperator in Italiam moturus fuerat, Venetia; nisi obstitissent Veneti, contra quos dein quadruplex illud solenne foedus Cameraci est initum, conventumque, ut Pontifex Flaminia; urbes, Faventiam, Ariminum, Ravennam; Cæsar Patavium, Vicentiam, Veronam, Tarvisum, Forum Julii; Ludovicus Crémonam, Cremam, Brixiam, Bergamum; Ferdinandus Brundisium, Hydruntem, Tranium, Molam, Monopolin, à Venetis abstractas reciperent. Qui urbes suas reduxisset, focis opem ferat.

Primus, ut conventum, Ludovicus ad Adduam movet copias. Venetos Petilianus ducebat, & sub eo Alvianus, qui effervescente ad pugnam sanguine, invito & absente Petiliano in prælium ruit; quo & ipse captus, & exercitus cæsus, & potentissima Respublica in summum discrimen fuit adducta. Brevi siquidem temporis intervallo tot tantisque urbibus fuit spoliata, quas per ducentos annos magno labore, cura & sumptibus comparaverat. Quæ deinceps cum Venetis gesta lib. 1. hujus partis, recensui.

Postquam Julius Papa Flaminiam receperat, deserto foedere Cameracensi cum Venetis reconciliatus fuit, atque adversus Ludovicum, cujus in Italia potentiam ferre non poterat, bellum paravit. Occasionem dedit Comachium, urbs Flaminia; quam ab Alphonso Ferrariæ Duce, tanquam ad Ecclesiam pertinentem, reposcebat: Alphonsus Imperii urbem profitebatur. Ducis, foederati sui, causam apud Pontificem tractandam Ludovicus suscepit.

At is obfirmaverat animum; quin ut Genuam Ludovicus libertati restituat, postulavit.

6. **Discordia** Confidebat nempe foederi, cum Ferdinando rege clàm inito, **cum Papa.** atque Helvetiorum subsidii, quos Schinerus à Ludovico, plus stipendii negante, abstractos, Pontifici adjunxit. Jámque Mirandulam expugnaverat Julius, præsens ipse in castris, cùm Ludovicus Episcoporum totius Galliae concilium Turonibus celebrari voluit, atque proponi, regem nulla sua culpa à Pontifice impeti; ab eo vim Ferrariensi Duci inferri, una de causa, quòd Francis socius esset, simul statuisse Francos omnes ex Italia pellere. Regem adhibuisse omnem industriam, ut ab irato pacem exoraret; perstare iram Pontificis, bellumque iniquissimum palam indicare; regem flagitare, quid in eo rerum articulo sibi faciendum sit; an liceat vim iniquè illatam vi repellere?

Uno consensu responsum, licere illam repellere, nec metueudas diras, si adjungerentur; imò posse juxta concilii Basileensis decreta regi regnoque consuli more majorum. Postremò sancitum, ut hæc significarentur Pontifici, atque is rogaretur, ut ab inferendo bello absteret. Si recusaret, compelleretur indicare concilium Generale, ut à Patribus Basileensibus statutum fuisset. Quibus constitutis vetuit Rex, ne quid pecuniæ aut litterarum Romam deferretur.

Erepta subin Pontifici Bononia & restitutis Bentivoliis, conciliabulum Turonense Pisas transfert, ut propiorem eidem metum incuteret. Finem synodi Cardinales quidam præferunt, ut concordia Principum Christianorum concilietur, bellum contra infideles apparetur, disciplina Ecclesiæ reformetur, tam in capite, quàm in membris, idque juxta placitum concilii Constantiensis. Orta dein Pisis seditione Mediolanum transfertur synedrion, atque ibi etiam rerum facie mutata, Lugdunum; tenente scena ludicra, quoad vixit Julius.

7. **Galli Italia** Quamvis autem Galli ductore Gastone Comite Fuxiensi 23. annorum Juvene, brevi tempore in Italia res magnas agerent; Bononiam obsidione liberarent, Brixiam, ad Venetos relapsam, rursus expugnarent, eosdem Venetos sæpiùs caderent, atque insignem à Pontificiis, & Hispanis *ad Ravennam* victoriam reportarent, ipsamque hanc urbem diriperent, atque ad eum gloriæ atque potentiae apicem ascendisse viderentur, ut omnem Italiam possent subvertere; nihilominus fortuna inconstans, inversa mox felicitatis rota, ad ima depressit, quos tot victoriis elevaverat. Amissa Flaminia, Bononia, **Par**

Parma, Placentia, Genua, Mediolanum, ut adeo præter geminas arces nihil Gallis in Italia superesset.

Causa tantæ tamque subitæ cladis erat gemina: mors Galtonis, Gallorum ductoris post victoriam Ravennensem incautiùs hostem insequentis, & præcipuè Helvetiorum, quos Ludovicus avaritia & contemptu irritaverat, in Italiam adventus. Restitutus ab exilio vocatus Maximilianus Sfortia, cui Schinerus Cardinalis, qui Helvetios adduxerat, Mediolani claves obtulit.

Neque amissa Italia circumscripta calamitas; Navarræ quoque regnum Gallis ademptum. Ferdinandus etenim rex catholicus, sagaci mente in omnem partem exporrectus, cum Francos in Italia cum adversa fortuna luctari cerneret, isto cum Anglis eorùmque rege Henrico VIII. genero suo foedere, Joanni Albretano, Gallicæ stirpis Principi, & uxorio nomine regi, primo Pompeiopolim tum universum Navarræ regnum eripuit, Ferdinando Albano Duce juvenilem tunc ætatem imbuente ad victorias, & supremi Ducis ita fungente officio, ut omnes Gallorum conatus dissiparet, attrito ad Pompeiopolim eorum exercitu, & Francisco Delphino cum ignominia coacto recedere.

Ludovicus destituit deinceps affinem & foederatum regem exulem, tota cogitatione in Ducatum Mediolanensem intentus, quem velut patrimonium suum avitum, tot bellis partum, ac peculium suum velut castrense respiciebat. Sed quam spem conciperet, Pontifice, Imperatore, regibus Hispaniæ & Angliæ, Helvetiis, totaque Italia adversus se, tot cladibus attritum, conjuratis? Venetos percontat; quos, licet omnium calamitatum eis causa exstiterit, ad foedus promptos invenit, quippe, omnem rimam circumspicientes, per quam ex præsentī turbine se possint evolvere.

Capita autem foederis erant: Veneti ad recuperandam Insubriam regi commodarent decem millia peditum, equites mille & ducentos: Cremona quoque & Adduanus ager ad eum pertinerent. Cætera ipsorum essent, quæ Cameracensi foedere amisissent: & Rex ad ea subigenda arma adjungeret.

Trajecto igitur novo per Trivoltium in Italiam exercitu, Venetis junctus, quos Alvisius ducebat, mira celeritate Insubriam Liguariamque recuperat, præter Comum & Novariam, in quam Maximilianus Sfortia, Mediolano profugus, se abdiderat, patris tamen ea in urbe fata reformidans. At Helvetii, constantiori jam fide eidem adstricti, imprimis Gallos obsidionem solvere cogunt, digressosque insecuti intempesta nocte ingenti prælio profligant, octo millibus in acie

cæsis, castrisque omni opulentia instructis, in victorum manus venientibus. Trimollius, Gallici exercitus dux supremus, hac labe pristinam gloriam commaculans rebus desperatis in Galliam recessit, amissis in Italia omnibus, præter arcem Genuensem. Adedò nempe Longobardia æmulabatur æstum maris, per alternos fluxus, & refluxus undas suas cientis & resorbentis.

9.
Clades
Galliæ.

Insubriam, Liguriam, regnum Neapolitanum, regnùmque Navarræ, cum pluribus exercitibus & immensis bellorum sumptibus, Ludovicus amiserat hætenus. Jam verò translato in ipsam Franciam bello, ipsa illius viscera petebant Cæsar, Anglus, atque Helvetii. Et Henricus quidem soceri instinctu trajectis Caletum, atque inde Tervanam decem Anglorum millibus, pugnam conferuit, quæ *Calcaria* dicta est, quia Galli ferro vix tentato non nisi calcaria ad fugiendum attulisse sunt visi. Victoriæ præmium fuit Tervana capta, cum præcipuis Gallorum ducibus; quos inter Bajardus fortitudinis laude ea tempestate heros in paucis inclitus.

10.
Pacta cum
Helvetis

Jamque trepidatum Lutetiæ, omnium armis in Ludovicum, velut Ecclesiæ hostem, controversis. Et quidem Anglus imminabat Picardiæ, Helvetii iusto cum exercitu Burgundiæ infundebantur; socii, Scoti videlicet & Veneti cæsi, illi ab Anglis, hi ab Hispanis. Cum subito lux affluiset. Anglus reflexo à Gallia itinere Tornaco intercepto in patriam rediit. Helvetii, dum Divionem obsident, à Trimollio Burgundiæ Gubernatore emolliti blanditiis & promissis, roganti pacem concedunt, ea lege, ut Rex 400000. aureorum sibi pendat. Concilium Pisanum abdicet cum Ducatu Mediolanensi; nihilque in Pontificem & Arragonium Regem moliretur. Sex nobiles pacis obfides daret.

Hæc pacta Trimollius inscio Rege iniit, ut fortissimam gentem à jugulo Galliæ, in extremum discrimen adductæ, averteret. Ludovicus autem non attento obsidum periculo, illa post Helvetiorum discessum rata habere noluit; quin novam expeditionem in Italiam adornavit, postquam cum Anglo, ducta ejus sorore, fœdus pepigit, mutuam opem pactus, Tornaco apud Anglum persistente.

11.
Mors Lu-
dovici.

Postquam verò Ludovicus cum Leone X. reconciliatus, abdicato Pisano conciliabulo, Lateranensem synodum admisit, sublatum fuit, quod Julius promulgaverat, Galliæ interdictum, cum belli sacri pro Ecclesia titulo. Brevisque post obiit ventris profluvio, anno 1515. ætatis 55. regni 17.

Subditos impensè amavit, imminutis etiam tributis, vicere solitus, *gregem pinguisimum optimi pastoris esse indicium*; pater populi propterea appellatus. Bene etiam de Gallia meritus, quod Paulum Æmilium Veronâ adduxerit, (qui 38. annos impendit Francorum Historiæ) sed bellis, quibus ætatem implevit, fuit infelix; dum multa fortiter aggressus, nullum secundo exitu finiit; plectente Deo contumelias in Pontificem sparsas, & contemptum, quo Helveticos ex amicis hostes fecit gravissimos.

Ex Anna Britanniæ hærede duas filias reliquit, Claudiam, primò Carolo Archiduci desponsam, dein Francisco I. nuptam, ut Britannia maneat unita Galliæ; alteram Renatam, Herculi Estensi Ferrariæ Duci collocatam, celebrem Calvinistarum fautricem.

ARTICULUS II.

Status Galliæ sub Francisco I.

Franciscus lege Regni erectus, ac more Majorum Rhemis unctus, foedus instauravit cum Venetis, Anglis, atque dein etiam cum Carolo Archiduce, qui per Henricum Comitem Nassoviæ pro Artessia, Flandria, & Carolesio Regi clientelam præstitit, promissis Renatæ nuptiis. Nassovius verò duxit Claudiam Orangiam; unde in posteros Oraniæ principatus.

Compositis domi rebus Franciscus expeditionem Italicam suscepit, assumptis 43000. militum, sub præstantissimis ducibus Carolo Borbonio, quem comestabilem dixit, Alensonio, Palissa, Bajardo, Expeditio Trimollio, Guisio, Trivultio, Lautreco, & Petro Navarro Can-Infubrica-
tabro. Fauces montium infederant Helveti, cum Maximiliano Cæsare, Ferdinando Rege, Maximiliano Sfortia, & Leone Pontifice juncti foedere.

Igitur Franci per novas vias superatis montibus in Italia confluxerunt, antequam venientes conspecti sunt. Helveti, ubi se delusos videbant, ad defensionem Mediolani accurrerunt; & licet multò pauciores essent numero, non expectatis Hispanis & Florentinis sociis, accendente ad Martem Cardinale Sedunensi, prælio se paratos offerunt.

Pugna

Marignana

Et hæc est pertinacissima illa ad *Marignanum* pugna : quæ bi-
duo tenuit. Primo die anceps erat certamen, atque in densam no-
ctem excurrens modicam cessationem, quietem nullam indulxit,
stante in armis & collato veluti pede utroque exercitu. Primo di-
luculo tanta vi atque ferocia Helveti in Gallos invehuntur, ut mul-
tis eorum cæsis, multis in fugam compulsis, jam victoriam in mani-
bus habuisse sint visi, cum *Alvianus* cum validis Venetorum subsidiiis
subito Cremonâ adveſtus, atque Helvetos à tergo aggressus, Gal-
lorum spem erexit, Helvetorum verò, universum Venetorum exer-
citum adventare reputantium, infregit.

Quare fortunæ cedendum rati, recipiunt se, sed leonum instar,
ſtipatis in phalangem ordinibus, & verſus hostem, quoties laceſſeret,
frontem obvertentes. Qua occasione multi Venetorum cæſi ſunt,
qui ferreos illos erinaceos aggredi præſumpſerant. Galli autem libe-
rum illis diſceſſum libenter permiferunt, non tam victis, quàm non
vincentibus. Helveti verò ſe victos arbitrati ſunt, quòd non vice-
rint, ſuſtuli pudore, quòd primùm orbi hic documentum dederint,
ſe vinci poſſe. Quatuordecim eorum millia globis maximè tormento-
rum (quibus ipſi carebant) ſolo allifa dicuntur.

Mediola-
num cap-
tum.

Reliqui Mediolanum regreſſi, cum *Sfortia* ſtipendia pendere non
poſſet, in patriam abierunt, fruſtra dehortante *Sedunenſi*: qui aſſum-
pto *Franciſco Sfortia Ducis* fratre *Tridentum* receſſit ad *Cæſarem* no-
vi belli conſilia cum eo collaturus. *Maximilianus* verò *Sfortia* dedi-
tionem pactus eſt ea conditione, ut arcem *Mediolanenſem* & *Cremonenſem*
cum jure in univerſum Ducatum regi cedat: habitaret in
Francia, loco, quo ipſe vellet, in penſionem, quoad viveret, 60000.
Ducatorum in annos acciperet. Rex verò poſſeſſionem adiit, acce-
ptis à tota *Italia*, præterquam ab *Hiſpanis*, legatis, Venetis ad ex-
pugnandam *Brixiam*, aliàsque urbes copias miſit.

Concorda-
tum.

Leo Pontifex, metu percuſus, cum rege pacem iniit, institu-
to *Bonia* ſolenni colloquio, quo ſanctio *Gallia Pragmatica* abro-
gata, erectum verò fuit *concordatum*. Data regi poteſtas toto regno
deligendi *Episcopos* & *Abbat*es, eòsque Pontifici præſentandi. Da-
tum contra Pontifici, ut ad illas dignitates promovendi, ſacerdotii
fructus, quos primo anno colligerent, Pontifici penderent, quos *An-
natas* appellant; nova æſtimatione instituenda. Simùlque Rex *Medi-
cæ Domus* & *Florentinorum* protectionem promiſit. Pontifici *Bo-
nonia*, regi *Parma* & *Placentia* aſſerta.

Redux inde Mediolanum nihil antiquius habuit, quàm ut Helvetiorum, quos hostes porro habere nolebat, odium auro expugnet, ac fœdere sibi conjungeret iis conditionibus, quas Ludovicus cum Helvetiis abjecerat : ut promissa ad Divionem pecunia iis solvatur, darentur pensiones antiquæ, iusto stipendio Regi militarent, præterquam contra Pontificem, Imperatorem atque Imperium. Præfecto dein Insubriæ Carolo Borbonio in Galliam rediit

Tentaverat equidem Cæsar Mediolanum ; sed quia Helvetii in utroque exercitu militabant, adversus populares suos pugnare detrectantes, recessit ; initaque cum Venetis & Francis pace, Jani templum aliquamdiu claudi visum est, actumque de bello Turcis inferendo, quorum potentiam subacta Ægypto omnes formidabant.

Verùm statuta salubriter ambitio & æmulatio Christianorum Principum disjecit. Mortuo siquidem Ferdinando catholico, & paulò post Maximiliano Cæsare, in ipsa electione Imperatoris, dum Carolus Franciscus præponitur, dissidiorum jacta sunt semina, in summas Europæ calamitates, atque Religionis perniciem excretura. Carolus querebatur, aviæ suæ Mariæ abreptam à Ludovico XI. Burgundiam, Maximiliano avo subtractam à Carolo VIII. sponsam, remissamque Margaretham filiam : Philippum patrem delusum sæpius spe nuptiarum : sibi primum desponsam Claudiam, Ludovici filiam, tum Renatam, denique filiam Francisci in cunis vagientem, sponsione ubique illusa. Adhæc Insubriam, ad Imperium pertinentem, à Gallis insideri. Contrà verò Franciscus crescentem in dies Austriacæ domus potentiam ; illatum in eandem Belgium, hispaniamque, abrepta Neapolis & Navarræ regna, invidis atque ægris oculis aspiciebat.

Nec diu ferrum vagina reconditum latuit. Nam incentore præsertim Boniveto, primò in Navarram bellum traductum est, Henrici Albrextani exulantis Regis nomine ; quòd Noviodunensi cum Carolo fœdere statutum esset, ut lex intra menses Navarra Henrico restitueretur, secus Franciscus fas esset, Henrico ferre suppetias. Belli momentum una erat Pampelona (Pompejopolis) nam Ferdinandus occupato Regno arces omnes diruerat, servata duntaxat primaria, ne rebelandi voluntati facultas accederet. Civitas admittit illico Asparrum Ducem cum Gallo milite, præsidio Hispano in arcem recepto, quam propugnabat Ignatius Lojola Nobilis Cantaber. Hac expugnata tota Navarra in Gallorum potestatem venit. Verùm dum isti in reliquam etiam Hispaniam excurrunt, Velasques domitis Hispanis Carolo rebellibus, exercitum in eos ducit, confertoque prælio victor, Gallos ex toto Navarræ regno expellit (Anno 1521.)

& Insubri-
cum.

Translatum dein bellum in Belgium, à Cæsare & Rege præsentibus gestum, verum dum Rex Castilionii, Franciæ Marescalli consilio, opportunitatem prælii dimittit, & ne Fontarabiam, à Boniveto in Cantabria occupatam, restituere debeat, pacem ab Anglis propositam, repudiat, in extremam se Regnûmque calamitatem induit.

Gallorum
clades.

Nam Carolus Cæsar totum ferme Mediolanensem ducatum occupavit, opem strenuam jungente Prospero Columna, Pontificiarum copiarum Duce. Cladis Gallicæ causa Francisci Regis mater Aloysia seu Ludovica, avara & animi impotens foemina, Galliæ fax, quæ ut bellum accendit, ita restingui noluit, ut Boniveti amassii ambitioni serviret. Quare offensa Lautrechio Mediolanensi Proregi, ut eundem perderet, Insubriam filio perdidit, retenta perfidè pecunia, ad bellum sustentandum necessaria. Dum foemina igitur hæc regnum versat, & Rex voluptatibus torpet, magnis passibus publica res ad interitum properat. Cæsus *ad Bicoquam*, tertio à Mediolano lapide, à Cæsareanis & Pontificiis Lautrechii exercitus, Helvetis primò ferociter loco iniquo prælium deposcentibus, dein verò, multis suorum amissis, torpentibus & fugam circumspicientibus. Restitutus Mediolano, ita volente Pontifice, Franciscus Sfortia, Maximiliani in Galliam abducti frater. Parma & Placentia expugnata, ac Pontifici permissæ. Cremona & Genua, ultimæ ex naufragio Italiæ reliquiæ, amissæ. Rex denique ipse, ad majora ostentanda, quam gerenda natus, gloriam, opes, exercitus, provincias, atque ipsam denique libertatem perdidit.

Neque Insubria duntaxat atque Liguria, tanto molimine partæ, in hostiles manus relapsæ; Fontarabia quoque, propter quam pacem Rex improvidus excusserat, ad Hispanos rediit. Cæsareani Anglique in ipsa Galliæ viscera è Belgio infusi. Ipsi denique Veneti, Gallis nihil ex consilio, & constantia agentibus, ad Carolum Cæsarem transeunt.

Atque ut nihil ad ruinam deesset, ipsi etiam Galliæ Proceres, matre Aloysia, invidiam, ambitiones & intempestivas amulationes nutrente, in se ipsos conversi, & se ipsos & rem publicam præcipitabant.

15.
Borbonius

Hos inter eminebat Carolus Borbonius comestabilis Franciæ, Regii sanguinis Princeps, stirpis Borbonicæ in plures ramos divisæ primarius stolo, rerum bellicarum Dux peritissimus; quem licet ad primam comestabilis & Insubriæ Proregis dignitatem elevatum Rex tanquam æmulum suum velut à puero oculo iniquiore respi-
ciebat,

ciebat, ac propterea ejus consilia, quamvis optima, abiicere solebat. Animo jam aliàs ægrum exulceravit penitus mater Regis Aloysia, quacunque posset via, odium in eundem expromens, adeò quidem, ut lite mota fortunis, quas Susannæ Borboniæ uxoris nomine amplas habebat, eum evertere niteretur, quare obscuro habitu tectus ad Carolum Cæsarem profugit: qui probè gnarus, quantum heroëm acciperet, copiis suis illum præfecit: atque Mediolani Gubernatorem constituit, ostensurum mox Regi, quem virum alienaverit.

Franciscus ejus defectione, ut par erat, motus, cum propter magnas affinitates & clientelas ejusdem de plurium fide dubitaret, novos Provinciis gubernatores dedit, Picardiæ, hostibus magis obnoxia Trimollium, multarum palmarum Ducem; Burgundiæ Claudium Guisium, spectatæ virtutis Principem, pluriumque heroum parentem: Aquitaniæ Lautrechium, Campaniæ Orvallum. Copiis autem præfecit in Gallia Renatum Sabaudum, & Palissam. Bonivetum verò cum triginta millibus peditum & quatuor millibus equitum, in Italiam misit. Sed Bonivetus, homo arrogans, militaris autem rei imperitus, non alio fine in Longobardiam venisse visus est, nisi ut Regi suo & pecuniam & milites frustra perderet, Lanojo Neapolitano Prorege, & Borbonio, viris militari arte subactis, cum indurato bellis robore militis, Germani Hispanique ubique prævalentibus. Quin imò Borbonius in Phocensem usque Galliæ provinciam cum pedestri exercitu excurrit, Moncada classem admovente, expugnatum Tolonium, vetus Massiliensium colonia, cum Aquis Sextiis, primaria urbe Provinciæ.

Bonivetus,

Frustra tunc equidem obseffa Massilia, rejectusque in Italiam Borbonius, sed Regem cum robore Franciæ & flore Nobilitatis in ruinam traxit. Is etenim fugientes Cæsareanos infecutus, totam jam Italiam spebus magnis præoccupabat. Sed rejectis veteranorum Ducum consiliis, uni Boniveto, vano homini & bello rudi obsecutus, omnia pessundedit, nam adulationis susurrus ab eo demulsus, in plures turmas divisit exercitum, & alios ad expugnandam arcem Mediolanensem, alios ad Cremonam, alios ad Genuam, alios ad ipsam adeò Neapolim occupandam dimisit. Ipse verò cum exercitus reliquiis Ticinum, urbem & opere & præsidio munitissimam, obsedit.

Lanojus Prorex & Borbonius, in rei summam intenti, collectum servabant militem, prudenter arbitrati, fractis secundo prælio Rex cap- 16.
in Insubria hostium viribus, prona secutura cætera. Et ita sanè tus.
evenit. Conferta ad Ticinum ingenti pugna victi Galli, atque Rex ipse
Mmm 2 ipse

ipse, ne in Borbonii, quem ceu proditorem oderat, manus incideret, Lanojo se captivum dedit. (*Anno 1525.*) Cæsi ipso in conflictu Gallorum octies mille, capti plurimi, atque inter eos præclarissimi quique Duces. Trimollius, Palissa, Franciscus, Lotharingæ Ducis frater, Suffolcius Anglus, Henrici Regis æmulus, Renatus Sabaudus, Lescunus, & ipse Bonivetus, cladis auctor occisi. Henricus Navarræ Rex, Borbonius Sanpaulinus, Nivernensis, Mommorantius, Chabotus, Brio, aliique multi Duces cum Rege capti. Reliqui dispersi in Galliam fuga evaserunt. Sicque terror ille Italiæ uno velut momento evanuit ; omnibus victoris arbitrium prestantibus. Et hæc est illa clades Franciæ, à Piæta viensi sanè maxima, iisdem prope causis, temeritate & arrogantia.

Franciscus primùm in arcem Pisseonensem (Pizzigetonam vulgò appellant) abductus, dein in Madritensem (necdum enim Madritum in urbem surrexerat) à Carolo Cæsare aspectu prohibitus, donec in morbum lapsus invisit. Mirificè autem Cæsar gaudium in potestate habuit, supplicatione indicta, sumptaque Evcharistia, intra religionem lætitiâ continens, affirmânsque, victorias de christianis Principibus civiles esse, nec triumpho dignas.

Deliberatum interea, quo modo tanta victoria uti oporteat. Non deerant, qui in captivi gratiam dicerent : Tuream in Hungariam irrupisse, Lutheri hæresin disseminari tota Germania ; necessario in utrumque hostem bello insurgendum : pacem proin inter Imperatorem & Franciæ Regem constituendam : hujus autem vinculum firmissimum fore, si mansuetudine conciliaretur, tamque beneficio vinceretur Regis animus, quàm armis profligatus esset exercitus. Contrà verò Ferdinandus, Albæ Dux, rigidioris semper indolis Princeps, negabat, Regis animum clementia vinci posse : perstiturum semper sensum opprobrii : eripiendam proin facultatem vindictæ, sicque infrigendam, ut se porro non possit exerere. In hanc sententiam itum à cæteris.

17. Quum autem conditiones pacis duriores Francisco viderentur, PaxMadri- quàm ut acceptari queant, ad matrem & Proceres scripsit, ut nulla
tenis. sui ampliùs haberetur ratio ; Delphinum Regem coronarent. Precibus autem Gallorum motus, in conditiones tandem à Cæsare propositas Madriti juravit. Earum hæc summa : ut Franciscus Burgundiæ ducatum, Carolesium, Matisconem, aliâque oppida Carolo cedat : clientela Flandriæ nulla in posterum esset. Jus nullum Gallis in Italicas ditiones &c. Delphinus cum duodecim Proceribus obles-

obses esto, vel horum loco alter Regis filius. Si conditiones non implerentur, Rex in potestatem Cæsaris se restituat. Desponsa dein sibi Eleonora Caroli sorore, cum duobus filiis suis permutatus, an- ne vertente in Galliam rediit.

Interpellatus à Legatis Cæsaris de implendo foedere, querelas non serva- reposuit, indigne atque inhumanè in carcere Hispano se fuisse ha- tur. bitum: extortas à se per vim & metum conditiones foederis, quas implere nec posset nec vellet: prohiberi se juramento in unctione Rhemensi præstito, quòd nullam regni partem sit distracturus. Regnum esse Francorum, Regis usumfructum: se absque assensu Comitiorum nec Burgundiam, nec ullum oppidum potuisse promittere. Idem responderunt Comitibus: irritam fuisse conditionem, per metum, & contra primarias regni Leges extortam.

Anglus interea, vastam Cæsaris potentiam veritus, ad Fran- cum se applicuit. Pontifex quoque Clemens VII. soluto Rege ju- ramenti religione, cum Venetis, Francisco Sfortia, & Helvetiis, foedere Gallo junctus, ad externos ab Italia pellendos, asserendam ipsius Italiae libertatem, Sfortiam Mediolano restituendum, & reci- piendos regios Principes, in Hispania pro Pa-e obsides. Ve- rum dum foederati lentè se movent, tota tempestas in Pontificem, & Romam à Borbonio captam detonuit (Anno 1527.) quæ in ea direptione crudeliter atque inhumanè acta sunt, aliàs exposui.

18.

Fœdus in Cæsarem

alterum bellum

Foederati ea indignitate moti alacriùs bellum gerunt. Galli sub Lautreco Genuam recipiunt, Alexandriam, Vigevanum, Tici- num. Ferrariensis à Cæsaris partibus abstractus conciliatus foederi, Clemente promittente Mutinam, Francisco Rege Renatam in conjugem. Roma subin liberata, in Regnum Neapolitanum exercitum Lautrecus promovet, omniàque præter Cajetam & Neapolin subi- git. Victi à Doria navali prælio Hispani: cæsus ipse Moncada Neapo- litanus post Lanoji mortem Prorex. Obfessa Neapolis: visàque est fortuna instabilis atque infida, obverso Cæsareanis dorso, sereno Gallos, eorùmq; foederatos vultu respicere.

Insabria

Neapolis

At verò perpetua hæc erat Gallorum fors, ut initia essent for- tia ac gloriola, finis infaustus & luctuosus. Amissa rursus tota Ita- lia. Mali non una causa. Prima erat defectio Andreae Doriae Genu- ensis, rei maritimæ Ducis clarissimi, qui paulò antè prælio navali Hispanos vicerat. Is etenim Francisco Regi strenue militaverat, sed ab eo offensus, quòd à se captum Principem Orangium post Ma- dritense fœdus absque pretio dimiserit, Genuam patriam suam seve- riùs

19.

Gallorum clades.

Doria

Genua.

rius haberet, & Savonæ videretur subjicere. Igitur cum classe sua ad Carolum Cæsarem transiit, pactus Genuæ libertatem. Erat tunc illa in Gallorum potestate, sed pestis sævientis occasione usus Doria classem ad portum applicat, urbem occupat, arcemque, in quam Trivultius Præfectus se receperat, expugnat. Constituta Reipublicæ ratio, Adorniorum & Fregosiorum factionibus, quæ urbem tanto jam tempore turbaverant, extinctis. Penes Doriæ Patriæ liberatorem erat autoritas, titulo & honoribus ad senatum populumque traductis. Atque in posterum civitas illa, tot mutationibus antè obnoxia, anchoram fixit, stetitque procellas inter turbinisque incolumis, laude Andreæ Doriæ sanè eximia, qui regiam propemodum potentiam ad patriæ libertatem convertit.

Neque in hoc viro duntaxat damnum ingens est passa Franeia; sed morbi etiam exercitum, Neapolin obsidentem, acciderunt, Navarro Principe, Vademontio, præcipuisque tribunis, cum ipso Lautreco, supremo copiarum Duce, omne lue extinctis. Soluta proin obsidio, & abscedentes Gallorum reliquias Orangius, post Moncadam Prorex, toto regno ejecit. Ita enim tres continuò Reges, Carolus, Ludovicus, & Franciscus Neapolitanam expeditionem initiò fortunatam, sub finem infaustam atque fatalem sunt experti.

Nec melior apud Infubres Gallorum fors, incuria Regis, multa inchoantis, defectu autem constantiæ nihil perficientis. Victus à Leva Cæsareo Duce Borbonius Sanpaulinus, captusque, nec milite nec pecunia satis instructus. Reliquiæ in Galliam fugientes evacuârunt Italiam.

20.
Pax Ca-
meracen-
sis.

Atque hunc finem accepit alterum Francisci I. cum Carolo V. bellum; nam primum per illius captivitatem & pacem Madritensem finiri visum est. Martem tam iniquum expertus Rex, Pontifice cum Cæsare in novum fœdus eunte, aliisque fœderatis dilapsis, pacem petere coactus est. Contracta illa est *Cameraci* (Anno 1529.) & quidem, quod mirum, per duas fœminas, Margaritham videlicet Caroli V. amitam, Gubernatricem Belgii, & Aloysiam Francisci I. matrem; quæ eadem die Cameraci convenientes clam fœderatis in has condiciones pacem concluderunt.

Rex pro recipiendis liberis obsidibus duodecies centena aureorum millia pendat. Quadringenta millia Regi Angliæ Imperatoris nomine solvat: rursus eidem Regi quingenta millia, quæ sibi Carolus dixerat multam, nisi Mariam ejus filiam duceret conjugem. Li-
lij

hii florem ex auro puro pretiosissimis gemmis ornatum , à Philippo Archiduce oppignoratum Henrico , redimat , & Carolo restituat. Sponsalia cum Eleonora Cæsaris sorore inita , compleat. Invito Cæsare nullam in Germania societatem contrahat. Flandria , Artesia , Asta à feudali Galliæ nexu liberæ sunt. Jure omni in Mediolanensem Ducatum & Regnum Neapolitanum Rex cedat. Caroli Borbonii bona legitimis ejus hæredibus tradat. Naves Cæsari Italiam petenti commodet. Venetis bellum indicat , si arces Carolo restituere detrectarent &c. Adjuncta alia , quibus Victor Franciscum in arcum constringebat.

Diu fœderatos latuerunt hæc pacta. Ubi innotuerunt , Vene-Venetis ti præsertim vehementer conquesti sunt , se à Gallis perfidè prodi. invit. tos , & potestati Cæsaris objectos : sanctè Regem asseverasse ac promississe , se absque assensu sociorum cum Cæsare nunquam conventurum. Rex paternum in filios amorem & pacis necessitatem obtenebat. Veneti irritati fœdus postea cum Imperatore pepigerunt , à Francisco adeò in posterum aversi , ut nullis ipsius precibus minisve ad novam societatem flecti potuerint.

Pace conclusa necdum statim Francisco redditus liberi , quia Prætor cancellarius nummos ex auro impuro cufos Carolo miserat , deficientibus quadraginta aureorum millibus ; quam fraudem eluere prius oportuit. Tum verò restituti Principes , contractumque inter Regem & Eleonoram matrimonium. Quamvis Rex aliò suos amores verterit , præsertim in Annam Pisseleviam , puellam Aquitanam , quam Ducissam Stampensem dixerat.

Nulla etiam pacis fœdera amicitiam Carolum inter & Franciscum colligare poterant , cum enim res Cæsaris secundo cursu irent , Nova Fœ- 21. ussit Regem invidia , & cladium acceptarum sensus , ut nova bella dera- excoqueret. Nec desit novis fœderibus se armare. Et primò quidem Anglum , in quo plus momenti , conciliavit : misso ad eum Bellaio Langæo , qui gratus Henrico , quòd perfecisset , ut in Academia Parisiensi aliisque pluribus matrimonium cum Catharina irritum pronuntiaretur , quod volebat , impetravit. Nam quingenta aureorum millia , à Carolo ipsi promissa , & lilium gemmeum , Henrico Francisci filio , quem sacro de fonte levaverat , dono dedit , & fœdus iniiit ; quod uterque Rex deinde ad Smalcaldenses socios , id rogantes , extendit , pro defendendis Principum Germanorum juribus.

Pontificem etiam conciliandum ratus, nuptias inter Henricum filium, & Catharinam Medicæam celebrandas proponit. Clemens Regiæ affinitatis cupidus, & à Cæsare jam alienior, quòd is Ferrariam, Mutinam & Rhegium, quas Pontificiæ ditionis urbes Clemens contendebat, suscepto arbitrio Alphonsi Estensi adjudicâset, foedus cum Francisco iniit, Massiliam usque devexa ætate profectus, ut cum Rege præsentè illud pangeret. Ubi etiam, quòd dixi, conjugium celebratum fuit (*anno 1533.*) Quatuor Galli Cardinales creati. Inter quos Odetus Castilionius, undecennis puer, postea apertè hæreticus.

22.
Tertium
Bellum.

Causæ.

Cùm ita se muniisset Franciscus, tertio bello aggredi Cæsarem statuit; ejus causâ remotior atque perpetua, invidia & æmulatione, proxima ac nova triplex, à Sfortia Cæsaris clientè ad mortem damnatus Mervillius, propter tumultum excitatum, & homicidium patratum, primam dabat. Quippe Franciscus apud omnes Christianos Principes de atrocitate facinoris conquestus, violatum jus gentium in Mervillio Legato suo iniquè occiso. Jàmque in bellum pruriebat; cùm Carolus III. Dux Sabaudia & Pedemontii ejus avunculus, ad Cæsaris partes traductus, negat transitum in Italiam. En alteram belli causam. Denique mortuus anno 1535. Franciscus Sfortia absque liberis tertiam, eamque præcipuam occasionem dedit. Nam Pontifex & Veneti volebant, ut Ducatus Mediolanensis ad aliquem Italiæ Principem devolvatur. Gallus, licet in Madritensi & Cameracensi pace juri in illum renunciaverit, tamen eum modò liberis suis vendicavit, asserens, non potuisse horum juri derogari. Cæsar eundem sibi vindicavit, non eo tantum titulo, quòd à Francisco scriptus fuerit hæres, sed eo maxime, quòd cum clientum familia extincto feudali jure, dominium utile cum directo consolidetur, atque ad Imperatorem tanquam supremum dominum transeat, multa quoque ad Pontificem de Rege questus, quòd in aula illius versaretur Legatus Solimanni, pactumque cum eo foedus. Quod equidem, opprobrii pudore, negabant Galli, suspensionem tamen non inanem excutere non poterant. Verum, si illud foedus tunc confectum non est, postea absolutum fuit. Quod ne ipsi quidem scriptores Galli sinceriores negare audent.

23.
Sabaudus.

Gallus à Sabaudis belli initium fecit; quippe Ludovicæ matris hæreditate adita, deposcebat universam Ducis ditionem, eò quòd illa fratrem natu minorem Carolum excluderet. Præterea assererat Rex, Pedemontium, Nicæam, & Villafrancam appendices esse Phocensis Provinciæ. Cùm igitur Genevenses prava hæreseos lue

corru

corrupti, quâ vicinorum Bernensium, quâ Farelli Delphinatis afflati contagio, Episcopum suum cum sacerdotibus ejecissent, atque Sabaudus eum reducere conaretur, ac urbem, quam suam esse dicebat, obsedisset, Rex cum Bernensibus ad obsidionem solvendam accurrit. Quo pacto Geneva, hæresis propugnaculum, & deser-Geneva. torum asylum, in hodiernum diem potitur præmio sceleris.

Postquam his auspiciis prælusit Franciscus, Ducem primò Sabaudia, dein per Chabotum Admiralium Pedemontio spoliât, ipsa etiam Taurino capta Carolus Cæsar ab expeditione Tunetana red-ux, omisso Pedemontio, bellum in Phocensem Provinciam, toties jam infelicitè tentatam, transfert. Transmisso igitur Varo, qui Galliam Italiâque interfuit, Antipolim (*Antibe*) Forojulium (*Frejus*) Aquas Sextias subigit, atque Massiliam obsidet. Cùm autem Galli ductore supremo Anna Mommorantio, urbes & oppida muniissent, & omnem circa regionem, ut hosti inediâ facerent, vastassent, morbus exercitum Cæsaris vehementer afflixit, cadente etiam Antonio Leva, extenui milite ad summa belli munera præclaris meritis eluctato.

Cedendum igitur non tam hosti, qui in munitis castris se continuerat, quàm morborum malignitati, ratus Cæsar, exercitus reliquias in Italiam transtulit, non ausis insequi Gallis, dicente Mommorantio, aureum pontem sternendum hosti fugienti. Cæsar in Italiam delatus Montisferatensem Ducatum, liti obnoxium, Gonzagæ Mantuano Duci adjudicavit, exclusis Sabaudis Duce, & Salussii Marchione.

Tractum dein in Pedemontio bellum, alternante fortûna, Cæsare in Hispaniam digresso, & Vastio copiis præfecto. In Belgio pariter Mars tonabat ad urbes obsessas, majori aliquanto Nassovii & Roëssii, Cæsareorum Ducum felicitate.

Paulus III. Pontifex omni ope contendebat pacem conciliare, 24. ut arma adversus Turcam convertantur, & concilio celebrando de-Induciæ tur occasio; evicitque tandem, ut Cæsar & Rex Niceam irent: seperatim cum singulis ibi egit Pontifex; ut autem in mutuum conspectum venirent, exorare non potuit. Impetravit tamen, ut in decem annos sancirentur induciæ (*anno 1538.*) Sabaudis in exilio relicto. Convenerunt autem postea ad Aquas mortuas inter varias mutux humanitatis & benevolentix significationes. Sed nihil actum, quàm impositum humano generi, credenti, ex animo instauratam amicitiam.

Non tamen meram simulationem res ea habuit; nam cum pau-
 Cæsar per id post Gandavenſes Legatos ad Regem mitterent, qui orarent, ut
 Galliam, ſe iniquis tributis vexatos in clientelam & tutelam ſuam reciperet.
 Idem plurimum in Flandria civitatum eſſe votum: ſe Regi urbem
 ſuam offerre, Franciſcus negabat, quod petebant, eorumque litte-
 ras ad Imperatorem miſit. Cui ingenuitati is conſiſus per mediam
 Galliam in Belgium iter inſtituit, magnificè exceptus conductuſque
 à Rege. (*Anno 1539.*)

Mommo-
 rantius.

Cum autem poſt domitos Belgas caſtigatoſque, Galli Mediola-
 ni promiſſionem impleri peterent, negavit Cæſar, ſe id promiſiſſe.
 Quare Annas Mommorantius, ob excellentes dotes Regi à puero per-
 charus, atque ab eo ad ſummas dignitates, & ipſum adeo comeſtabilis
 ſeu Aulae Præfecti ſupremum munus evectus, ab aula ejectus exu-
 latum abiit, quod auctor antea Regi fuiſſet, ne à Cæſare tranſe-
 unte ſcriptam Mediolani promiſſionem peteret. Nec, dum Rex vi-
 xit, receptus ampliùs in gratiam. Eundem ferme aulae ludum ex-
 pertus eſt Chabotus Admiralius Franciæ, peculatus damnatus atque
 exauctoratus; Cardinale Turnonio & Annebaldò ad rerum clavum
 ſuffectis. (*Anno 1540.*) Chabotus poſtea famæ & bonis reſtitutus
 Duciffæ Stampenſis gratia, quæ Regis amorem & voluntatem in po-
 teſtate habuit; Poyetùs verò Cancellarius, qui Chabotum accuſa-
 verat, falſi convictus a tribus ſuis in carcere periit.

25.
 Quartum
 bellum.

Ortum ſubin anno 1541. quartum Cæſaris cum Rege bellum;
 nam tertium per inducias Nicænas ſuſpenſum fuerat in decennium,
 ſed neque in quartum annum illæ conſtare poterant. Cauſæ, præ-
 ter æmulationem antiquam, maximè fuerunt duæ. Primam obtu-
 lit Clivenſis patrociniùm, adverſus Cæſarem à Rege aſſumptum.
 Quippe Wilhelmus Cliviæ, Juliæ, & Montium Dux, à Carolo
 Egmondano Geldriæ hæres teſtamento inſtitutus, adverſus Carolum
 V. eandem ſibi vindicabat, iſto cum Gallo fœdere, qui, ut ne-
 xus eſſet arctior, Joannam Navarræ Regis filiam eidem deſpondit.
 Quam rem ad gravem ſuam offenſionem pertinere Imperator ar-
 bitrabatur.

Alterà cauſa Franciſcum impulit, duo videlicet Legati, Cæ-
 ſar Fregoſius Genuenſis, & Antonius Rinco Hiſpanus exul, ab eo ad
 Solimannum & Venetam Rempublicam miſſi, dum ſecundo Pado de-
 veherentur, à Guaſtio, Cæſareo Duce, intercepti atque necati.
 Exclamare Rex illico, appellare juſ gentium, publicæ pacis viola-
 tas ſanctiſſimas leges, minari bellum, niſi injuriam Imperator ſar-
 ciat.

ei. Ad ea Cæsar primò, injussu suo, dein jure cæsos respondit, ex Genua & Hispania exules, qui nautarum habitu induti, nihil minùs quàm legatorum speciem præferrent; imò speculatorum & proditorum instar sese occulerent.

Carolo igitur ex infelici altera expeditione Africana reverso Franciscus bellum indicit, Solimanno vastante Hungariam, & jam Austriæ imminente. In partes Europa tracta. Cæsar Anglum, & Germaniæ Principes Gallo eripuit; hic præter Solimannum, veterem fœderatum, Daniæ & Sueciæ Reges cum Helvetiis ad societatem pellexit. Quasi æmuli in odii supplementum universum orbem evocarent.

Francus in Belgio & Ruscinone bellum (*Anno 1542.*) orditur: missoque Aurelianensi minore filio, & adjuncto, qui regeret illius adolescentiam, Claudio Guisio (Francisci patre) excepta Thionvilla totum Ducatum Lucemburgensem cum urbe principe subigit, promotis etiam in Artesiam & Hannoniam armorum progressibus, captoque Landrecio; quod frustra dein Cæsareani obsederunt.

Non eadem fortuna Gallis in Ruscinonensibus. Obsessum duce Henrico Delphino numerofo exercitu Perpinianum, sed eruptionibus, Albani insidiis, morbis, discordiis, attritis copiis, re infecta discessum.

Spectatæ tunc sunt in mari Gallico ad opprobrium gentis classes geminæ, Francica, & Turcica, à Solimanno ex fœdere adversus Cæsarem Regi missa. Ducebat eam, 110. triremibus, & 40. biremibus constantem, Ænobarbus, famosus ille pirata. Calabria ora direpta, Massiliam eandem appulit. Ubi Gallicæ junctæ ad Niciam Arcem expugnandam ducitur. Sed eam Paulus Simon, Eques Militenfis, nomine Sabaudi tam strenuè defendit, ut ad solvendam obsidionem hostes coëgerit; frendente barbaro, & incusante negligentem Gallorum apparatus, ut globos pulveremque sulphureum è suo armamentario peterent, atque arma Turcica illam incurrissent ignominiam, ut nec unum scopulum expugnaverint. Hyeme dein Antipoli & Tolonii consumpta, appetente vere Constantinopolim rediit, stipato in naves ingenti Christianorum captivorum numero, quos in Calabria collegerat. Et hic fuit Barbarici fœderis fructus: sumptus plurimi, jactura famæ & gloriæ, ignominia Christiani nominis, & calamitosissima vincula tot innocentium Christianorum.

26.
Clivenſis

Imperator interea Clivenſem ad extrema adigit , proſtigátque. Qui amiſſa Dura , Julianco , Venlone , Ruremunda &c. uti Gallorum auxilio , ita animo deſtitutus , ad clementiam Cæſaris conſuſgere coactus eſt , ſéque ſuáque ejusdem arbitrio permittere. Receptus in gratiam ea lege , ut Ducatui Geldriæ , & Francico fœderi renuntiet. Et aliquantò poſt Ferdinandi filiam in uxorem duxit , matrimonio fœcundo equidem , ſed ingentes pariter lites in poſterum parituro.

Belgium

Clivenſi perdomito , atque ad obſequium revocato , victorem exercitum Cæſar in agrum Lucemburgicum ducit , omniáque ferme cum urbe primaria recuperat , caſſaque Briſſaci cohorte , Anglum interpellat , ut junctis armis , quod inter ſe ſtatuerant , ſimul Luteſtiam verſus ſe conferant. Sed ille , dum Imperator integras provincias expugnat , ad unam Bononiam obſeſſam hærente , Carolus ſolus , admoto propiùs ad Pariſios exercitu , trepidationem ingentem urbi immiſit , adeò quidem , ut cives de fuga una ſolliciti , urbem patrióſque lares turmatim relinquerent.

In Pedemontio.

In Pedemontio tamen Gallis fauſtius aliquid , aut minùs improſperum accidit. Suſtentabat eorum ibidem res conſilio manūque Bellajus Langæus , uti artium politicarum , ita rei militaris apprime gnarus ; de quo Carolum V. dixiſſe ferunt , eum lingua & calamo plures Regi ſuo peperiſſe victorias , quàm cæteros Duces armato milite. Huic vita functo Rex Buterium primò ſuffecit : ſed cum is bellum adverſus Guaſtium infelicitè gereret , munimentis pluribus amiſſis , Auſſuno capto , Engvienniò Principi cedere munus coactus eſt.

Hic impetrata à Rege pugnandi copia , ad *Cerifolam* in Subalpinis cum Guaſtio congregitur. Vehemens erat pugna. In cornu uno Cæſarei vincebant (Enguienniò ad deſperationem jam adacto) in altero , quod Helvetii compleverant , Galli , quorum tandem , Guaſtii fugientis culpa , victoria fuit , ſed carò emptà. Carinianum tamen cum aliis quibusdam Pedemontii urbibus præmium fortunæ fuit (*Anno 1544.*)

Quamvis autem ſpectata tota belli ratione Cæſar armis eſſet ſuperior , jamque Meldas uſque excurrerat , trepidante cum Lutetia univerſa Gallia ; quia tamen hinc Proteſtantes in Germania , inde Turcæ in Hungaria erant infeſti , ad pacem reſpiciebat. Hanc promovebant duæ in Gallica aula fœminæ , formæ æmulatione & ambitione

bitione certantes, Stampensis nempe ducissa, Regis Francisci dudum potens, & Diana Pictaviensis, quæ Henrici Delphini amores sibi mancipaverat.

Stampensis ad clavum sedebat hæctenus; lividis proin oculis aspectabat amulam, Delphini favore nixam, ad quem orientem veluti solem, respiciebant Franci. Quare, morbis jam languente & ætate Rege amasio, novum sibi paratura fulcrum, annorum robore duraturum, ad Aurelianensem, alterum Regis filium, se convertit, in vulgus Nobilitati percharum. Utque illum arctius firmiùsque sibi adstringeret, per Longavallium clam Cæsari nuntiat, quæ in dies consilium Regium statuerat, rogâtque, ut Aurelianensi filiam suam despondeat, Flandriam aut Insubriam in dotem allaturam. Id si faceret, pacem in ejus fore arbitrio.

Flagrans Aurelianensis id votum erat. Ut igitur vasra mulier telam, quam orsa fuerat, pertexeret, explorata Cæsaris mente Regis Pax Crespiaci. 27.¹ culter pacem persuadet. Hanc anno 1544. Crespiaci sanxerunt Gonzaga & Granvella legati Cæsaris, cum Annebaldo & Baiardo, missis à Rege. Leges autem istæ utrinque placuerunt. Intra biennium Imperator filiam suam Carolo Duci Aurelianensi det in conjugem, cum Belgio, aut neptem ex Ferdinando fratre cum Mediolanensi ducatu. Urbes post Nicenses inducias captæ restituantur. Rex in Turcam militem suo sumptu scriberet, alerétque. Ita pax conclusa, gaudente Francia, quòd jactura levi periculum ingens redemisset. At ingenti luctu afflicta est anno sequenti per mortem Aurelianensis, extincta cum præcellenti Principe præsentis spe amplissimi matrimonii. Petiit tunc equidem Rex, ut everso fulcro pacis Crespiacæ novum fœdus constituatur, sed aliud responsum legati non retulerunt à Cæsare; quòd, nisi provocetur, cum Rege illibatam pacem sit habiturus.

Crespiaca sancita pace Anglus, licèt invitatus, bellum in Picardia est profectus, ignominia plenus, quòd nec unam urbem possit expugnare, Cæsare tam multas occupante. Tandem Bononiam cepit. Pluræque leviora prælia sunt conferta. In quorum uno Franciscus Aumalius, Claudii Guisii filius, lancea in vultu graviter læsus est, ictu valido, intra nasum & oculum accepto, usque ad occiput penetrante. Lethalis erat plaga. Sed provida cœli cura servavit Principem, per quem in Gallia stabit religio.

Terrestribus velitationibus parùm proficientibus, mari placuit periculum facere. Instructa utrinque classis. Dum suam Franciscus

lustrat, ad ostentandam potentiae suae pompam in navi praetoria, totius oceani maxima, pulcherrima, atque validissima, aulicis foeminis epulum instruit: cum ecce! coquorum incuria flammam concipit, pilasque ejaculantibus tormentis (centum erant) in frustra discerpta, miserè conflagrat, sparso etiam in naves vicinas incendio & ruina. Sinistro omine navigans dein classis nullum operæ pretium tulit, Anglica certamen detrectante.

Tædio denique belli utrinque suborto, exhaustoque ærario, pax coaluit. Conventumque, ut Henricus Bononiam Francisco restituat. Hic vero illi, dum viveret, in pensionem annuam 95000. aureos solvat. Octavo verò post anno ipsi aut hæredi auri vicies centena millia penderentur, tum ob priora debita, necdum persoluta, tum ad refarciendos sumptus præsentis belli. Hoc pretio persoluto finitæ sunt nundinæ (*Anno 1546.*) Anno sequenti Rex uterque obiit.

Mortuus est itaque Franciscus I. ex ulcere maligno, octennio abhinc à medicis, dum mollius tractant, malè curato, Regno ad pacem composito, anno 1547. Regni 32. ætat. 53. relictis ex Claudia, Ludovici XII. filia (nam ex Eleonora Caroli V. sorore prolem nullam susceperat) duobus duntaxat liberis, Henrico, & Margaretha, Sabaudia Duci postea nupta (nam reliqui ante patrem decesserant.)

Mors.

Fuit haud dubiè præclaris animi corporisque dotibus ornatus Princeps, robore animi excelsò, inexhausta liberalitate, magnificèntia regia, clementia facili, religionis in suo regno cultu insigni, & verè magnus, nisi in Carolum V. incidisset. Scriptores Galli ad sydera usque laudibus eum extollunt; multi ex Germanis & Hispanis eum ad ima mergunt. Mei instituti non est, magnorum Principum maculas ostentare. Si quæ sunt, censendus est eas eluisse; dum in extremo morbo immuni doloris sensu excoctus, Rambulleti ad proximam mortem christiano ritu se comparavit, & noxis sacramento poenitentiae expiatis, fideique professione edita (ad quam omnes inconcussè servandam est adhortatus) sumptoque æternitatis viatico, pientissimè decessit.

Nec absòna videtur Historici cujusdam observatio, à nemine minùs quàm à litteratis obiiciendos naves Francisco, quorum fautor, æstimator, & cultor fuit eximius. Certè sub eo litteratura, satis antè inculta in Gallia, re floruit, viris undique doctissimis conquisitis, & liberaliter nutritis. Nec minimam ex eo laudem meretur, quòd sub finem vitæ, dum Protestantes Germaniæ opem ab eo ad-

ver-

versus Cæsarem flagitarent, eandem negârit ; indignissimum ratus, si Rex christianissimus pacem nuper juratam infringeret, ut rebelles Ecclesiae atque Imperatori suo propugnaret, ignominia Turcici foederis necdum absterfa.

ARTICULUS III.

Status Galliae sub Henrico II.

Henricus rerum clavo admotus : continuo magnas aulae mu-^{28.}
tationes suscepit. Cardinalis Turnonius & Annebaldus amo-^{Aulae mu-)}
ti, cum Taissio, Villaregio, Bajardo, Biezio, Vallio, & ante-^{tatio.}

omnes Stampensis ejecta, instigante Diana Pictaviensi, Bresæi con-
juge ; quæ, sicut illa Franciscum patrem, Henricum filium, con-
jugio pariter illigatum, amoris veluti fascino dementatum posside-
bat ; versabâque Regem & Regnum pro arbitrio. Quasi verò lex
Francorum Salica solas Regias Principes à regno excluderet, propu-
diosas verò pellices, humili loco natas, formæ privilegio admitteret.

Non malè tamen Diana Regno consuluit, quòd Principes eos,
quos Stampensis aula ejecerat, aut averso animo persecuta fuerat, re-
stituerit. Revocatus ad pristinam dignitatem Anna Mormorantius,
arque ad intimam Regis gratiam admissus, & cum eo Guisii, Fran-
ciscus, & Carolus, Rhemensis tunc Antistes, Cardinalis postea Lo-
tharingus dictus. Santandreas in Marefcalli munere Annebaldo
susceptus. Quatuor viros istos nomino, quia illis conservatam postea
religionem debet Gallia.

Rex Henricus lustrata Gallia, Subaudia, & Pedemontio, geminis
nuptiis posteritati providit. Antonio Borbonio Duci Vindocino juncta
Joanna Albretana, Regnum Navarrae, & Henricum IV. Franciae Re-
gem eidem paritura. Francisco Guisio Herculis Ferrariensis & Rena-
tae filia data, innexâ Guisiorum stirpe Regio sanguini, jam antè per
Renatum Andegavensem in Lotharingos transfuso. Hæc stirps Gui-
sia cum Historiæ Franciæ utramque impleat paginam, juvat de
illa aliqua annotare.

Per virilem stirpem, ordine non interrupto, multis sæculis de-^{29.}
currerat Lotharingiæ ducum series usque ad Carolum I. qui anno Domus
1430. decedens, filiam reliquit Isabellam, nuptam Renato, Duci An-^{Lotharin-}
degavensi, ad quem etiam Barrensis ducatus, Mussipontum & Gui-^{gica.}
sa spectabant. Sed grave bellum Isabellæ movit Antonius Isabellæ
patrue-

patruelis, cui Maria uxor Harcuriam, Aumaliam, & Mayennam attulit. Bellum igitur erat inter cognatas domos de Lotharingæ ducatu. Quod tandem extinctum est, cum Jolantha Renati & Isabella filia nupsit Friderico Valdemontii comiti, Antonii filio, nam hoc pacto utraque Domus rursus coaluit.

Ex matrimonio isto amplissimo natus est Renatus II. qui à patre Friderico accepit Valdemontium, Joanvillam, Meduanam, Aumaliam, & Elbovium: à matre verò Jolantha Lotharingiam, Barrensem ducatum, Mussipontum, Guisam, cum præensione in Neapolim, Siciliam, Jerusalemam, & Arragoniam. Postquam autem potentissimus hic Princeps Renatus à Carolo Audace tota ferme Lotharingia fuerat depulsus, eundem ad Nancejum ope Helvetiorum pugna vicit, & vita exiit. Decedens autem anno 1528. duos filios reliquit, *Antonium* & *Claudium*. Illi attribuit Lotharingiam, Valdemontium comitatum, Barrensem ducatum, & Mussipontanum Marchionatum; postea verò Mercordia in Arvernia per nuptias accessit. Atque is in hodiernam usque diem stemma Lotharagicum propagavit.

Claudius verò, de quo nobis potissimum hic sermo est, à patre Renato in hæreditatem accepit ditiones Gallicas, videlicet Guisam, Aumaliam, Meduanam, Joanvillam, Elbovium, Harcuriam, cum adhærentibus ditionibus. Secessit igitur Claudius in Galliam, atque Burgundiæ Gubernator constitutus, præclaram pace & bello Francisco Regi navavit operam.

Sed multò celebrior in suis fuit liberis, quorum anno 1550. defunctus sex reliquit superstites, nimirum Franciscum Guisæ Ducem; Carolum Rhemensem Præsulem, qui Cardinalis Lotharingus fuit appellatus; Claudium Aumaliæ Ducem, Ludovicum, quem Cardinalem Guisum dixere; Franciscum magnum Franciæ Priorem; Mariam, Jacobo V. Scotiæ Regi nuptam; & Renatum Elbovium Marchionem, qui Harcuriam nuptiis accepit, & Lilebonam.

30. Henricus Rex, postquam severis edictis hæresin coercuit, & Bellum duos pagos, in eandem lapsos, exussit, multis ad mortem damnatis, *Bellum Parmense* suscepit, adversus Julium III. Pontificem, & Parmense. Cæsarem, qui Octavio Farnesio Parmam & Placentiam auferre nitentur; ille tanquam feudum Ecclesiæ commissum, hic velut appendicem Ducatus Mediolanensis; paratus Julio jacturam in Regno Neapolitano refarcire. Oblatis amplioribus in eo ditionibus pro ejus nepotibus. Jamque per Gonzagam Mediolanensem Prætorem Cæsar Carolus genero suo Octavio Placentiam eripuerat, & Parmam obsidebat, Pontifex verò Mirandolam, Ludovico Pico cum nepo-

nepote suo lite colliso, Galliae Regi ceu sequestro commissam, Gallicoque praesidio occupatam.

Octavius igitur Henrici opem implorat. Quam ille continuo addicit; utque nexus cum Farnesii esset firmior, Horatius Octavii frater Dianam, Henrici ex Pictaviensi spuriam, accipit in sponsam. Brissacus igitur, Pedemontii pro Henrico Gubernator, bellum movet; quod tamen nullo majori facinore inclaruit, Gallo milite in arcibus se continente.

Sed ex hac veluti scintilla multo majus belli incendium erupit, Henricum inter & Caesarem, qui illum incusabat, quod Italiae se immiseret, Parmam & Mirandolam praesidio obtineret: Tridentinum Concilium inturbaret; amicitiam cum Turcis aleret: Protestantibus Germaniae foederatos haberet; triremes Caesareas invalisset. Henricus contra querebatur, Flandros naves Regias persecutos: Andelotum Mediolani captum teneri: Mercatores Gallos à Belgis spoliatos: Legatum Francicum à Maria Belgii Gubernatrice in custodiam datum: Mirandolam à Caesareis obsideri.

His querelis, odio veteri, æmulatione, & cupiditate accensis, primus Henricus in bellum ruit, jussis Picardiae, Campaniae atque Pedemontii Pratoribus illud inferre; percussoque cum Mauritio Saxone aliisque Protestantibus foedere, tres Imperii civitates, Tullum, Metas, & Viridunum, ductore Mombrantio, diripit. Simulque Rex in Lotharingiam penetrat, & intercepto Nancæio, totam provinciam ad partes suas traducit, administratione commissa Nicolao Comiti Valdemontio Caroli II. Ducis patruo: ipsum verò Ducem, novem annorum puerum, in Franciam abducit, cum Delphino instituendum, ceu futurum Regis generum. Matrem verò illius, Caesaris ex sorore neptem, in Fandriam jussit abscedere. (*Anno 1551.*)

Tum verò per Lotharingiam in Alsatiam cum exercitu abiit, & transitum ab Argentinenfibus petiit. At illi Metensium exemplo edocti, quanto periculo id genus hospitum admitteretur, nec minis nec polycitationibus se flecti sinunt. Quare Gallus Hagenoam & Viceburgum occupat; cum intelligit, transactione Passaviensi lancita foederatos Protestantibus à societate recedere, Imperii Principum oratores excipit, rogantes, ne ulterius pergat; jam enim nullum superesse Germanicae libertatis periculum; propter quod avertendum contractum sit foedus. Henricus, quamvis vehementer attonitus, politico responso dato, gaudere se, quòd libertate Germaniae reddita finem expeditionis suae sit assecutus, in Belgium recessit, plu-

ribus urbibus captis , & relictis ubique tristibus transitus sui vestigiis , Maria tamen Cæsaris sorore , Belgii Gubernatrice , quantum tunc poterat , resistente.

31.
Obsidio
Metensis.

Carolus Imperator collecto exercitu Metim obsidet , quam Franciscus Guisus propugnabat , præsentibus in urbe ejus fratribus , cum Condæo , Mommorantii comestabilis filiis , & Horatio Farnesio Duce Castrienti , Regis genero. Aumalius autem Guisii frater adversus Albertum Brandenburgicum temere in pugnam ruens , victus , captusque est.

Cæsar obsidionem inchoans centum millia peditum , & viginti equitum sub signis habuisse scribitur : inter quos Albanus Legatus Cæsaris , podagra laborantis , toti exercitui præfectus , Philibertus Emanuel Caroli Sabaudia Ducis filius , Brandenburgus , Holsatus , Avila Hispanorum ductor , Manriques rei tormentariae præfectus , cum 7000. fossorum , & 120. majoris molis tormentis. Sed iniquissimum erat anni tempus, November videlicet, quo cœpta oppugnatio, pluviis , nivibus , gelu horrescens , ut morbis , lue , & eruptionibus Gallorum ad 40000 imminuto exercitu , sub initium Januarii 1553. obsidionem solvere coactus sit , magna Guisii gloria.

Sorsmelior
in Belgio.

In Belgium delatus , ex quo jam antè Rofius excurrrens igne ferroque vastaverat Picardiam , meliore fortuna usus Cæsar , Tervanam , amplam munitamque in Artesia civitatem , sed Belgis maxime infestam expugnat , soloque æquat , ut vix rudera illius ampliùs appareant. Eadem felicitate Hesdinum , situ & opere munita urbs , in cæsaris potestatem redacta , cæsis multis è Gallia Nobilibus , & cum illis Horatio Farnesio Castrienti Duce Henrici Regis genero. Advenerat equidem cum ingenti exercitu Rex Henricus ; sed à Cæsare ita circumductus est , ut re nulla acta inglorius in hyberna recesserit , emendante fortuna Mentensem cladem.

32.
Bellum
Belgicum

Sequenti anno 1554. Galli quidem Dinantio aliquot arces expugnârunt , & prælio leviori Cæsareanos ad Rentiacum vicerunt ; sed ad rei summam parùm confectum. Et vices reddiderunt anno 1555. Belgæ in Artesia : exstructis etiam duabus arcibus Carolo-montio ad Mosam , & Philippopoli in Namurcensibus , ad retundendas Gallorum irruptiones.

Neque in Belgio solum decursus Martis campus ; maria etiam classibus pressa. Quin per Principem Salernitanum (qui ob Proregis Neapolitani vexationem ad Gallum defecerat) Dragutus (Solimanni Architalassus post Barbarossam) Constantinopoli cum classe exci-

excitus, Neapolin & Calabriam vastabat : simulque Franco Senas & Corsicam occupandi occasionem fecit.

Senenses, hactenus liber populus, sub tutela Imperatorum *Senense* suo ipsi regimine rempublicam administrabant. Nunc autem Cosmi Florentiae Ducis suspecta potentia militare praesidium à Caesare petierunt. Missus Mendoza arce exstructa civem acerbius habet, atque patritios armis exuit. Implorato proin clam Gallorum auxilio, cum Dragutus oram Italiae legeret, à Mendoza impetrant, ut sibi ad portus suos propugnandos scribendi militis copia fieret. At illi milite introducto, & arce expugnata ac diruta Mendozam cum Hispanis urbe pellunt Gallósque, à Termæo adductos, recipiunt.

Termæus urbe potitus, cum Hispani ad Dragutum Neapoli & *Corsicam* Calabria depellendum essent advocati, classem Gallicam Turcicae junctam ad Corsicam applicat, eamque insulam totam ferme Genuensibus eripit, ut navigantes in Thusciam Francos tuta statione excipiat. Verum postquam Dragutus ex Corsica discessit, Doria Caesarea & Genuensi classe appulsa, totum ferme regnum pulsus Gallis recuperat, atque Genuensibus restituit.

Bellum verò Senense tractum diutius. Cum enim Caesar Belgio atque Neapoli defendendae esset intentus, Cosmum Medicæum Florentiae Ducem in Senenses Gallósque incitavit. Victus praelio Strossius, nobilis Florentinus, Gallorum ductor, qui cum pluribus aliis Florentinis Medicæorum dominationem non ferentibus, exilium infra libertatem habebant. Obsidione dein à Cosmo cinctæ Senæ, atque fame ad deditionem compulsæ, strenuè licet propugnante Monlucio; qui cum Gallis suis, & Florentinis exulibus, & octingentis civibus, quibus libertas charior erat patria, urbe excessit. (Anno 1555.)

Miserant equidem ad Henricum Regem Legatos, qui auxilium peterent. Et urgebant illud Gaisii: agi de gloria Franciæ & utilitate. Admissam urbis oppressæ tutelam. Senenses ob unam Galliam miseros incurrisse odium Imperatoris & Florentini, nihil Regis consiliis opportunius, quam pedem in Thuscia figere, quæ mari adjecta classem exciperet, & media inter Neapolitanos & Insubres, gentem utramque dirimeret, à mutua ope ceu claustro objecto abscessam. Sed Momorantius, rapiente in Guisium æmulatione, ad quem Senenses perfugerant, ab eo consilio Regem avertit, & urbis & fidei jacturâ.

Meliori aliquantò sorte usi sunt Galli in Pedemontio (cui Brissacus Gubernator fuerat impositus) & Insubria; nam præter alias

urbes, ob Figueroæ (Gonzagæ suffecti) Gubernatoris imperitiam & incuriam, Brisfacus Casalim vino sepultam occupat astu, Valentiam verò armis: at Albanus Dux surrogatus Mediolani Prætor cursum stitit. Quamvis enim Rex ad famam Albani decem millia ductore Aumalio in subsidium mitteret, nihil tamen singulare gestum fuit.

33.
Induciæ

Tandem anno 1556. cum de pace integra conveniri non posset, quinquennales pactæ sunt induciæ. Quarum lex præcipua, ut quisque in quinquennium possideret, quod tunc obtinebat. Libera essent utrobique commercia, ac fœderati, quos invicem dicerent, pace fruerentur. Captivi mutuò restituerentur. Has inducias Bruxellis coram Cæsare juravit Gaspar Colinius, Blesis coram Rege Lalinius.

bellum
cum Pon-
tificæ

Verum non alio fine pax ista videtur jurata, quam ut è turpius mox iterum rumperetur, & in majus bellum exardesceret. Causam, vel saltem occasionem, dederunt, qui minimè debuerant, Pauli IV. Pontificis nepotes, inquieti, & ambitiosi homines, qui in aula Romana dominantes patrum capularem senem pro libidine versabant. In Columnenses maximè provectus impetus: quorum amplissimum patrimonium fisco Ecclesiastico addictum. His opem Hispanorum implorantibus, in Hispanos ipsos (Paulo alioquin ab Austriacis averso) versa sunt consilia, & impulsus à nepotibus Paulus in spem regni Neapolitani obtinendi. At cum cupiditas sine Francorum auxilio frustra foret, nepotes, ut eos in desiderii partem atque emolumentum vocarent, rem Henrico proponunt, atque Cardinalem Lotharingum, Guisii fratrem in mentem suam pertrahunt, ea spe ductum, ut hæc inter bella, Paulo brevi emorituro, Guisius ex Andegavensi Domo oriundus Neapolinavito jure sit obtenturus.

Induciæ
ruptæ

Licet igitur Mommorantius, Guisiorum crescentem potentiam veritus, Henrico persuadere niteretur, ne turbis Pontificem inter & Hispanos exortis se immisceat: juratas modò inducias: nec integrum esse à sanctissima re ista resilire. Obrutos esse calamitatibus populos; nisi respirandi spatium detur, deficientum esse sub onere. Si tamen bellum placeret: cur tam longinquum, incertum, & anceps? in extremam Italiam vires totas Franciæ ablegandas; at quo fulcro? depontano sene, qui spes cum vita statim sit extincturus; inexpertis & ambitiosis nepotibus, in sua solummodo cōnoda intentis, atque emolumentum ex Francorum prospera & adversa fortuna capturis.

Nihil-

Nihilominus tamen Cardinale perorante, bellum esse iustissimum: inducias primum à Cæsare violatas, qui summum Pontificem, communem omnium patrem, per Columnam clientem, & Albanum, Neapolis Proregem, vexari sineret: vim repelli. Nulla religione pacis aut sacramento vetari, quin tegendo capiti manum aut brachium quis opponat: Rex in hanc partem inclinatus, accedente præsertim Dianæ, in Guisios propensæ, pondere, bellum decrevit.

Missus igitur Guisius, supremus belli Imperator, post abdicationem Caroli V. anno 1557. rigente bruma per Alpes in Italiam, atque intercepta Valentia, ad Ferrariensem invensens, belli apparatus ab eo accepit, ad expeditionem Neapolitanam, quam animo destinaverat. Sed, postquam Romæ diutius moratus, hosti se colligendi spatium dedit, omnia adversa fuit expertus. Guisius in Italiam.

Ferdinandus Toletanus, Dux Albanus, Neapolis Prorex, à Flaminia, quam invaserat, redux, limites regni providè communivit. Octavius Farnesius recepta Placentia Hispanis adhæsit, uti etiam Cosmus Medicæus, postquam ipsi tandem Philippus Rex Senas cesserat. Evanuit etiam spes classis Turcicæ, offenso Solimanno voce superba oratoris Gallici. Baro Gardiæ autem, Archithalassus Gallia, nihil solus tentare est ausus. Quare, cum nihil supplementi veniret ex Francia, Guisium spe dejectum, animoque hærentem, quid consilii caperet, Henricus post Sanquintinam cladem revocavit, copias in Galliam, ad proprios lares defendendos, deportare iussu, velut unicam post naufragium Franciæ tabulam.

Gallis digressis Pontifex pacem obtinuit. Oppida mutuò restituta. Albano propter invasionem Flaminia data venia, sed tota ira Pauli in Marcum Antonium Columnam, & Ascanium Cornium, ab Hispanis jam desertos, incubuit: diris à Pontifice damnatos. Albano verò Romam ingressò ii honores sunt habiti, quibus Guisius antè receptus fuerat. Ferrariensis quoque pacem ab Hispanis impetravit. Atque hoc pacto pax Italiae rediit.

Sed vehementior multò belli procella Belgio atque Picardiae incubuit. Nam dum Guisius exercitum in Italiam traiecit, Henricus, nullo per fecialem indicto bello, Colygnium, post Annebaldum Franciæ admiralium, in Artesiam, Flandriamque jubet irruere. Is Duaco frustra tentato, direptione & incendiis in limites grassatus, in Picardiam se recipit, conquerentibus Hispanis, violatum jus naturæ & gentium; summa perfidia fractas inducias: prædonum instar Francos irruere, bellumque non indictum inferre innoxiiis, &

fide jurisjurandi securis. Sed Galli in Hispanos culpam rejecerunt: eos primos rupisse inducias: bellum Pontifici intulisse: Artesiæ præsidia impunè grassari, atque in Picardiam excurrere: & quæ sunt ejusmodi.

Pugna ad
Sanquinti-
num.

Philippus Rex, ut injuriam vindicaret, exercitum instruit, etque præficit Philibertum Sabaudia Ducem, adhucdum Sabaudia & præcipuis Pedemontii urbibus exclusum. Ille copias ad Sanquintinum, munitam admodum in Picardia urbem, obsidendam ducit. 35000. peditum, & 1200. equitum sub signis habebat, ductoribus præcipuis, Arscotio, Mansfeldio, Egmontano, Parlemontio, Hornio &c. quibus accesserunt haud multò post novem Anglorum milia, missa à Maria Regina, quæ hortatu Philippi conjugis pariter Henrico bellum indixerat.

Galli pauciores erant, quippe adhuc destituti Germanis & Helvetiis conductitiis copiis, quæ iis temporibus robur erant Gallici exercitus. Adhæc querelæ jactabantur in Colignium Admirallium, Picardiæ Gubernatorem, quod parùm solenter urbes, curæ suæ commissas, munierit. Quare à Mommorantio, supremo belli Imperatore, avunculo suo, missus in urbem obsessam, ut eam defendat cum Andeloto fratre.

Cùm autem Galli obsidionem niterentur solvere, festo S. Laurentii anno 1557. confertum est ingens prælium, & decumana Gallorum clades secuta, ultra mediam partem exercitu cæso. Ex principibus occubuerunt Enguiennius Condæi frater, Turennius, multique alii. Capti Mommorantius comestabilis, Dux Mompensferius, Dux Longavilla, Santandreanus Marefcallus, Ludovicus Gonzaga, Ducis Nivernensis gener, Ringravius Germanorum tribunus, comestabilis filius, cum aliis plerisque ducibus; ex Hispanis verò paucissimi desiderati sunt.

Galliæ
consternatio.

Certè tanta post eam cladem Galliæ erat consternatio, ut Lutetiam facilè occupandam fuisse scribatur, si Hispani, prout vincere, ita victoria uti novissent; referuntque, Carolum patrem, cùm ei in solitudine sua tanta victoria esset nuntiata, interrogasse, an filius jam sit Parisiis.

Philippus Rex lento motu Gallis se colligendi spatio dato, quarto à pugna die in castra ad Sanquintinum venit, spectatòque spoliolum, tormentorum, captivorum, & cæsoꝝ numero, haud satis dignum tanta victoria fructum tulit. Sanquintinum vi expugnatum, cæsi Duces, civi parcitum, Colignius captus, Andelotus per paludes elapsus. Capto dein Casteleto, Hamo, Novioduno, & Caunio, cursus

sus victoriæ sistitur, discedentibus Anglis & Germanis, de inæquali prædæ distributione adversus Hispanos quiritantibus.

Rex Henricus cladis magnitudine percepta, Termeum ex Pedemontio arcessitum Parisiis præficit, Guisium ex Italia exercitum jubet reducere. Per Germaniam & Helvetiam ad conducendum militem Duces mittit, numerosam ex tota Gallia, Ecclesiastico etiam ordine contribuyente, pecuniam colligit, atque reparatum exercitum Guisio ducendum tradit.

Ille, ut grandi facinore Galliam dejectam erigat, atque ex-Guisigē-
spectationem de se conceptam impleat, prima die anni 1558. dumsta.
hostis in hybernis esset, magna celeritate ad Caletum copias admo-
vet. Urbs ea munitissima ad extremam Picardiæ oram mari ap-
posita, jam ante 220. annos post pugnam Cressiacam ab Eduardo
Rege capta, ad hoc usque tempus in Anglorum potestate hæserat.
Tanta autem pericia & virtute Guisius urbi instabat, ut septimo
oppugnationis die Angli eandem dederent, ea quidem lege, ut ci-
vi atque militi libertatis esset copia, Dunfortius verò Præfectus cum
50. ducibus se captivum traderet: atque commeatus omnis cum
armis & tormentis victori cederetur. Guinæ dein oppidum muni-
tissimum unius diei spatio captum, atque, quòd supervacaneum
censeretur, penitus eversum est ac dirutum. Hamesium paulò
post occupatum, adventante Guisio, diffugiente Anglorum præsi-
dio. Angli per fretum Caletanum audito machinarum reboantium
fragore impulsis serò renavigarunt in patriam. Philippus verò subsidia
nulla miserat, insensus Anglis, quòd à se discessissent.

Immensam ea res nominis famam, populique benevolentiam
peperit Guisio, ceu Franciæ summa in calamitate conservatori, quin
etiam glorioso finium propagatori; eaque laude spes suas ad api-
cem gloriæ evecturo, maximè ubi ipsius ex sorore neptis Maria
Stuarta, Scotiæ Regina, Francisco Delphino fuit nupta, regni co-
rona à Proceribus Scotis sponso oblata, ut proin *Rex Delphinus*
diceretur. In ea pompa Guisius Magistri palatii munus obiit, ab-
sente in captivitate Mommorantio.

Molestissima acciderant ea Guisiorum incrementa, & apud Re-
gem Delphinumque gratia factioni adversæ, quam conflaverant Mom-
morantius comestabilis, ejusque filii, & ex sorore nepotes, Casti-
lionei fratres, Gaspar videlicet Colinius, Franciæ admiralus, An-
delotus peditatui Præfectus, & Cardinalis Castilionæus; qui Gui-
siorum crescentem in aula potentiam decrementum suum interpre-
tabantur. Auxit molestiam Andeloti casus; quem, ubi Regi interroga-
ti,

35.

factiones
aulæ.

ti, quid de Missa sentiret, abominabilem esse respondit, in carcerem duci iussit; mox dignitatem, nam Tribunus erat peditatus totius Franciæ, Monlucio, præclaro bellis viro, tradit.

Mommorantius ægerrimè ferens Guisianam in aula factionem crescere, suamque imminui per absentiam, impetrato à Philippo Rege commeatu, Henricum adiit; frigidè primùm ab eodem exceptus, propter rem ad Sanquintinum malè gestam, adductamque in magnum discrimen Galliam; sed brevi captata benevolentia veteri, se in Regis animum penitus immisit. Utque factionem suam potenti fulcro muniret, se etiam absente valituram, Dianam Picaviensem, sibi antea semper adversam, & Guisii faventem, conciliavit. Ambitiosa nempe illa, & potens Regis mulier, cùm adveniret, Guisios, Reginae Scotiæ in aula gratiosæ atque potentis favore confisos, non ampliùs illa, quæ soliti fuerant, deferre sibi obsequia, & aliàs experiretur, Regina eandem sibi infensam, ex integro Mommorantio, ejusque factioni se addixit, data nepte sua ad roborandam constantiam ejusdem filio in conjugem. Quibus domi confectis Mommorantius se Hispanis restituit; Philippo, perspicacissimo Principe, haud ægrè ferente, aulam Gallicam in partes scindi.

Hoc aulae æstu fervente continuatum est bellum; atque Thionvilla, præcellens ad Mosellam munimentum, Guisio & Nivernensi, æquali potestate ductoribus, est expugnata, magni ad Metim & Lotharingiam universim tuendam momenti. Sed cecidit in oppugnatione *Strossius*, nobilis Florentinus, Italicis palmis inclitus, vir fortissimus & bellicarum rerum peritissimus. Atlo paulò post se deditit.

Jamque Gallorum res, magnopere antè afflictæ, velut ad apicem rursus erigi videbantur, cùm subitus turbo, prout belli potentes inter hostes variabilis est indoles, spes magnas rursus prostravit. Termeus Strossio Marescallus subrogatus, ac jussus in Flandriam, quæ ad mare spectat, penetrare, Dunkercum, Bergam, & Mardicum expugnat, omni circum provincia rapinis & incendiis vastata.

Pugna ad
Gravelin-
gam.

Ad miseros subditorum ejulatus excitatus Philippus Rex, Egmondano mandat ulciscendi provinciam. Et ille vir impiger coactis 12000. hominum, præter immensam rusticorum turbam, qui ad vindictam decerpendam accurrerant, ad *Gravelingam* se redeuntibus obiicit, atque egregiam victoriam reportat, adjuvantibus Anglis, fortuito prætervectis. Plerique Gallorum cæsi aut capti, cum ducibus omnibus. Quos inter præcipui, Termeus, Annebalus, & Villebonus, insignis prædo & incendiarius, qui rusticos populan-

pulando agros & tecta in furorem egerat. Ex militibus captis ducenti in Angliam ducti, totidem rusticis ad ultionem dati. Clades hæc magnam Guisio invidiam peperit, incusantibus æmulis, quòd moras neçtens Termeo non succurrerit.

Nec melior Gallis belli alea in Pedemontio. Nam Brissacus In Pedeficientibus supplementis & stipendiis, amissisque eum ob defemontio. Etum Helvetiis, urbes complures perdidit, ab Hispanis captas. Nec quidquam profuit classis Turcica, Ligusticum mare oberrans. Nam Genuensibus pecunia redimentibus incurSIONem Gallorum spes prostrata jacuit. Vocatque rursus Guisii in invidiam, quasi ex æmulatione cum Brissaco subsidia impedissent.

Excurrit etiam classis Belgica juncta Anglicæ in minorem Britanniam, sed in Oceanum retrusa gens nautica à provinciali milite, à Francico littore recessit. Delectibus autem magnis solerter habitis ingens utrinque paratus ad ultteriores dimicationes stabat exercitus; cùm optatæ utrinque pacis nomen insonuit quam Christier-na, Caroli Lotharingiæ Ducis mater, omni industria procurabat. Promovebântque ejus studia Philibertus Sabaudix Dux, Mommorantius & Santandrianus; ille ut ditionem suam, ab utroque Rege occupatam, hi ut libertatem recuperent. Et aliunde comestabilem urebat Guisiorum in aula potentia, per suam absentiam firmata. Rémque totam urgebat Diana, rata extincto bello Guisios facillè redactum iri in ordinem.

Convenerunt igitur in Cameracensi tractu Legati, Cardinalis Lotharingus, Mommorantius, Santandrianus, ab Henrico designati; Albanus, Gomefius, Orangius, Granvellanus, à Philippo missi: præter Oratores Angliæ & Sabaudi. Gravissimum obicem Caletum posuit, quod restitutum volebant Angli, nolebant Galli. Dilata proin pactio; cùm magno bonorum luctu obiit ex hydrope Maria, Angliæ Regina, Philippi Regis conjux; quæ mors continuò novam rerum faciem induit, Elisæbetha in aversas ab Hispanis vias abeunte.

Conventum nihilominus de pace (*Anno 1559.*) postquam præcipuæ duæ controversiæ, de Caletto videlicet & Meti fuerant compositiæ. Sancitum nempe, ut Henricus intra octo annos Caletum cum Oyo comitatu Anglis restituat; sin minus, quingenta nummorum millia pendat. Tres Lotharingiæ urbes, Metis, Tullum, & Viridunum ab Imperio Gallis permissæ. Reliquæ conditiones erant: ut pacta priora sint rata. Exulibus parcatur, exceptis Siculis, Neapolitanis, & Mediolanensibus. Henricus Philippo restituat

Thionvillam , Marienburgum , Damvillerium , Mommedium , Valentiam in Infubribus omnesque arces ac urbes , quas is cis vel ultra Alpes possidebat ; Carolesium insuper comitatum , atque Hesdinditionem : Bovinas & Bullionem Leodiensi Antistiti : Monferratum Mantuano Duci : Corsicam Genuensibus. Philippus verò Henrico reddat Sanquentinum , Hamum , & Castelletum. In Subalpinis Taurinum , Pinarolium , Cherium , Civasum , & Villanovam , pignoris loco Henricus retineat , dum de avitæ successionis jure ab selectis arbitris pronuntietur. Henricus prior fœdus impleat , Isabella ejus filia tredecennis Philippo in conjugem detur : Margaritha Henrici soror Philiberto Sabaudia Duci. Illi 500000. numerum , huic 300000. in dotem numerentur.

Mors.

Displicuit ea pax Guisio , Brissaco & plerisque Gallis , indignantibus , trecentas propemodum arces pro paucis restituendas. Sed Henricus pacem omnino expetebat , à Diana sua & Mommorantio impulsus : atque à Martis apparatu conversus ad Hymenæi pompam nuptialem lætitiæ diem funestum habuit. Hastilium siquidem cùm indixisset certamen , atque in tertium jam diem decurrisset , à Mongomerio comite , ad cursum provocato , ad dextrum supercilium graviter vulneratur , nulla deinceps voce edita , undecima à vulnere die extinctus est , epithalamio in funereum lectum commutato : rerum humanarum magno ludibrio.

Obiit infelix 9. Julii 1559. ætatis 41. regni 12. dotibus corporis erat eximiis , animoque facili ac benigno , nisi ubi religionis cultus agebatur : sed aulicis obnoxius , quorum blandientibus sussurris fluctuum instar volvebatur ; atque supra omnem modum addictus Mommorantio , & quod deterius , Dianæ mulierculæ , tam cæco & obstinato obsequio , ut vulgò creditus sit ab impura fœmina fasciatus.

ARTICULUS IV.

Status Gallia præsertim Ecclesiasticus sub
Francisco II.

Henrici luctum consequentium temporum intestina calamitas auxit , quæ quadraginta continuos annos miseram Franciam discerpfit , atque in supremum exitii periculum impulit. Causa ruinæ gemina , hæresis & ambitio (regnorum Erinnyes haud info-

insolita) quæ sub tenera pupillorum ætate religionem & rem omnem publicam eversum ibat.

Reliquerat Henricus ex Catharina Medicæ conjuge, quatuor ^{37.} filios, Franciscum, Carolum, Henricum, omnes successu tempo- Guisiorum rum Franciæ Reges, & Franciscum, Ducem postea Alençonium. potentia. Et quidem Franciscus eo nomine secundus annum ætatis decurrebat decimum septimum, cum raptus est pater, adolescens infirma valetudine, & animo impar tantæ moli.

Guissi, Franciscus, Carolus, Ludovicus (uterque Cardinalis) Claudius Dux Aumaliæ, & Renatus Elbovii Marchio Reginæ avunculi, tanquam affines proximi, extemplo rerum clavum arripiunt. Et quidem Franciscus Guissius, rebus militia gestis clarissimus, Meti servata, Caletto capto, famam omnium gentium consecutus, dotibusque summis ornatus Princeps, quolibet dignus erat fastigio. Carolus Cardinalis consummatæ vir prudentiæ, & eloquentiæ, consiliis aulam regebat. Reliqui fratres, viri pariter præstantes ad duorum, natu majorum nutus accedebant.

Regis edicto Catharinæ matri, quæ Guissis se admoverat, supremum in totum regnum deferretur imperium, Duci Guissio belli administratio, Carolo Cardinali ærarii custodia; Cardinalis Turnonius, vir integerrimus, Mommorantio odiosus, in aulam arcessitus: Santandreas Marescallus, filiâ uni ex Guissi filiis desponsâ, arctius illigatus. Diana Piçtaviensis, regii cubiculi claves, gemmâsque jussa tradere, ex aula ejecta.

Gravissimè ferebat hanc Guisiorum in aula potentiam adversa adversa factio; quam constabant Borbonii Principes longa cognatione per factio. Robertum Clarimontanum, S. Ludovici filium, sanguini Regio innexi. Horum quinque tunc erant. Tres nempe ex familia Vindocinensi fratres, Antonius, Carolus, & Ludovicus. Et quidem Antonius, post mortem Henrici Albretani Navarræ Regis soceri sui, uxorio nomine titulum illius Regni gerebat, Princeps militarium magis quam aulicarum artium peritus erat. Carolus Cardinalis Rothomagensis Archi-Episcopus vir simplex & rectus. Ludovicus autem Condæus, tertius fratrum, uti pusillo corpore & infirmis viribus, ita generosi animi, altique spiritus, aptus videbatur, ut factionis caput constituatur. Duo præterea fratres, Ludovicus Dux Mompenseriensis, & Carolus Rocafurionis Princeps: miti uterque indole, orthodoxæ fidei studiosissimi proximum ab iis, stirpis regiæ gradum obtinebant.

Augebant factionem , aut potius inquietis consiliis magno ardore præibant , Anna Mommorantius , Comeſtabilis antè , ſeu ſupremus aulae Præfectus , magnæ authoritatis ſenex , qui Guiſiorum dominatum non ferens aula exceſſerat : ac præſertim tres ejus ex ſore nepotes , Caſtilionæi fratres , videlicet Gaſpar Colygnius , Admiralis Franciæ , Odetus Cardinalis , & Andelotus peditatui antea præfectus. Ex quibus Antonius Navarræ Rex , Condæus , & Caſtilionæi fratres Calviniana hæreſi erant infecti , magnæque pertinacia eandem protegebant. Omnes proin Hugonoti eorum factioni accedebant ; nec ceſſârunt , Navarrum ſtimulare , ut tanquam proximus regii ſanguinis Princeps , dejectis ab uſurpata adminiſtratione Guiſiis , Regios pupillos , Regnûmque moderetur. Cûmque moderatioris eum indolis cernerent , ad Condæum ejus fratrem , vehementioris & acrioris animi Principem converſi , eas flammas excitarunt , quibus Gallia ferme omnis deſlagavit.

Quoniam autem ab hæreſi , funeſta illa Regnorum face , tanta calamitatum procella fuerat profecta , vocata in auxilium ambitione , quæ ſola Borbonios Principes , ut Hugonotorum favore adverſus Guiſios potiantur , in præceps rapuit , operæ pretium fuerit , à prima origine mali cauſam arceſſere.

38. **Cauſa maligionis inauditæ chaos orbi obtruderet , non contentus infeciſſe Borborum hæreſis.** Lutherus , ut everſa Chriſti Eccleſia , novum indigeſtûmque realium plagas , magnamque partem Germaniæ ; in Gallias etiam lumen diffudit : miſſis eò viris aliquot , Grammatica , linguis , & profana litteratura eruditis : qui aureo velus poculo venenum porrigerent : Rege etiam Franciſco I. litteris , fucata pietate , officio , & obſequio plenis , pertentato.

Nec ſpes ſefellit decéptores. Complures enim exteri , hac politiſis doctrinæ larva recti tacitè ſe inſinuabant , & ſenſim virus inſtilabant , Meldenſi præſertim decepto antiſtite , Guilielmo Briſſoneto , ut adeò morbus antè in viſcera graſſaretur , quàm adverti poterat ; inductis haud paucis , quibus ſacerdotum mores offenſioni erant. Et verò iis temporibus Præſulum atque ſacerdotum tam vita ſcandalo , quàm ignorantia fuit contemptui , ut ſale inſipido , & luce extincta , cæteros caligo involveret , ac putredo corrumpet.

Nec parùm hoc malum promovit Margarita Valeſia , Regis Franciſci I. ſoror , Henrico Albretano Navarræ Regi nupta ; quæ à Jacobo Fabro & Gerardo Ruſſelio (*Rufum* alii appellant) ſeducta Novatoribus plurimùm favebat ; decima velut Muſa ab iis culta.

Lutherani. Unde apud regem fratrem effecit , ut Coquium , Zwinglianos de Sa-

cramento altaris errores prædicantem, audiret, & Melanchtonem ad restaurandam litteraturam, & Ecclesiæ disciplinam accerferet: verùm à Turnonio Cardinale, viro cordatissimo, de periculo atque insidiis monitus, illum ad retractionem adegit, hunc verò regno prohibuit, atque ut toti Galliae demonstraret suam in avita religione constantiam, insigni ad cultum celebritate SS. Evcharistiam per urbem Parisinam circumferri, Novatores verò igne exuri præcepit; reducta etiam ad veritatem catholicam sorore Navarræ Regina cum ejus conjuge Henrico. Nec deinceps persequi cessavit sectarios; quorum aliqui in Germaniam, alii Genevam aufugerunt: alii flammis absumpti: quos sectarii velut martyres prædicant. Verùm non tam mors quàm causa mortis facit martyres. Aliàs etiam Servetus & Gentilis, à Calvinistis propter religionem exusti, forent Martyres.

Genevæ eo tempore circa annum videlicet 1535. sacra & profana omnia miscebantur. Nam parte civium, rei catholicæ & Sabaudiae Duci tanquam Domino suo faventium, ope foederatorum Bernensium, urbe depulsâ, dominabatur pars altera; à Farello, Meldis profugo, & Vireto, atque ab ipsis Bernatibus in hæresin præcipitata, deserente tot inter turbas & vis armatas urbem Episcopo, ac Duci Sabaudiae se adjungente.

Catholicis urbe jam pulsis venerat Genevam Joannes Calvinus, Novioduni in Picardia natus anno 1509. ex Gerardo Chauvino Notario: studiisque primis eruditus, à quodam affine suo duo sacerdotia impetravit. Carolus ejus frater, cùm moriens SS. Evcharistia pasci recusasset, bestiae instar sub patibulo sepultus est. Joannes verò, juventute jam prima malis moribus corrupta, absoluta Parisiis Philosophia, Aureliæ & Biturigibus Jurisprudentiae studuit sub Andrea Alciato: ubi à Melchiore Volmaro (ad docendas græcas litteras à Regina Navarræ ex Germania accito) hæresi imbutus est. Theologiam nunquam didicit: unde tot illius in altissimis Religionis mysteriis errores absurdissimi, & rudissimi ignorantiae partus.

39.
Calvinus.

Ut verò etiam documentum daret, quâ virtute morumque probitate à juventute esset, duobus Beneficiis Ecclesiasticis Novioduni pro pecunia venditis, Parisios reversus est; per plures inde civitates vagus, ob infandum sodomiae crimen stigmatè notatus Gallia excessit, ac Basileæ suas *Institutiones*, opus immensæ impietatis & maledicentiae, in linguam Gallicam traduxit, ac Francisco Regi dedicare præsumpsit.

Inde excurrit Ferrariam ad *Renatam* Ludovici XII. filiam, Herculi Ferrariæ Duci nuptam; quæ ob paternas cum Julio II. collisiones

alioquin odio in sedem Apostolicam flagrans, hæresin altè imbibitam tota vita retinuit, refugium commune erronum, dum viveret in Italia; & dum post mortem mariti in Galliam rediisset, Hugonotorum.

institutio-
nes.

Calvinus coram illa aliquoties concionatus, metu *Inquisitionis* Genevæ profugit, ubi à Farello persuasus Theologiam docuit, quam, ut dixi, nunquam didicit. Verùm cùm Bernensium disciplinæ, Genevæ receptæ, se nollet subiicere, velut publicæ tranquillitatis perturbator cum Farrello proscriptus, Argentinam ad Bucero abiit. Cùmque ibidem *Institutionem* suam *Christianam*, sæpius mutatam, rursus ad incudem revocasset, ducta uxore cujusdam Anabaptistæ vidua, cum Bucero ad congressum Wormatiensem ac Ratisbonensem abiit. Ubi non dubitavit, se pro Lutherano gerere, licèt in præcipuis fidei articulis dissentiret.

Cùm autem anno 1541. amica Calvinismo factio Genevæ prævaleret, regressus illuc Calvinismus stabilivit, in plures deinceps provincias disseminatum: quamvis quælibet natio, imò quodvis fere caput suo illum genio adaptasset; ut fieri consuevit apud Philosophos, quolibet ferme ingenio pro sentiendi libidine novum sibi systema procudente.

doctrina
impia.

Hoc Calvinus pariter Novatorum more attentavit; licèt enim multà ex hæreticis à veteri Ecclesia jam damnatis, uti etiam ex recentioribus, ut Luthero, Zwinglio, Oecolampadio, Melanchtone, Bucero in congeriem suæ Institutionis intulisset, tamen, ut novæ sectæ dux haberetur, multos errores suo ingenio procusos adjecit: velut: Filium divinum non continuò generari à Patre; Christum in cruce de salute sua formidasse; majorem hominum partem à Deo creatam ea intentione ac fine, ut damnentur, ideoque damnari, quia eorum damnatio ante omnem prævisionem peccatorum decreta est; fidem & gratiam nunquam posse amitti; fidem semper debere commisceeri cum dubitatione & incredulitate; opera etiam sanctissima meras esse sordes; Christi corpus non tantùm in signo, sed verè esse præsens in sacramento, nihilominus tamen, quantum coelum à terra, distare à sacramento. In quo non tantùm Catholicis, Lutheranis, & Zwinglianis contradicit, sed etiam sibi ipsi.

Quamvis autem hæc aliæque Calvinianæ doctrinæ monstra horrore percellere quemvis christianum animum meritò debeant, multos tamen prurientes ad novitates amasios nacta sunt. Quo factum, ut Calvinus velut oraculum non tantùm Genevæ haberet ab obsequio

sequio, sed etiam ex pestilenti sua cathedra quaquà versum, præsertim per Gallias, tum scriptis tum emissariis circulatoribus luem exitialem spargeret.

Quapropter, licet Franciscus I. excisa Waldensium sæce, quæ in Galliam ex Pedemontio in Provinciæ fines proserperat, severissimis edictis, gravibusque suppliciis in hæreticos omnes animadverteret, & Henricus II. eadem edicta ac pœnas non tantum innovaret, sed etiam asperaret, impediri tamen non potuit, quò minus levis complurium Gallorum indoles in novitates prosiliens, psalmos, à Maroto Calvinista in linguam Gallicam perversè atque infideliter traductos, publicè decantaret, horrescentibus ad inconditum inauspicatumque melos auribus Catholicis.

Cùm tamen Calvinistæ in Gallia sub Henrico II. res suas minus florere cernerent, ad deducendam in Brasiliam coloniam animum intenderunt; ut, cùm in veteri orbe non satis possent, in novo felicius christianas mentes perverterent. Favit expeditioni Gaspar Colygnius, admiralius, ut vocant, jam tum Calvinianum stomachum catholico nomine obtegens. At votis eventus defuit. Nam Calvinistæ, Richero Genevensi ministro comitante, in Brasiliam appulsi adeò in doctrina & ritibus inter se discordes erant, ut Durando eorum duce ad Catholica sacra reverso, in Galliam reduces Catholicorum risu sint excepti. Brasiliam.

Sicut autem hoc pacto consilia Colygnii sunt frustrata, ita Andeloti ejus fratris, quem Rex peditatui præfecerat, insignis protervia est coercita. Cùm enim, quod memini, Rex Henricus ex eo quæreret, quid de Missa sentiat, impiè respondit, abominandum esse hominum inventum. At vocem abominandam luit carcere: periturus, nisi Mommorantius avunculus & Diana Pictaviensis eum servassent. Non tamen ante ex carcere fuit dimissus, quàm Missam coram se celebrari curaverat. Andelotus.

Confecto bello Hispanico, quo fervente hæresis aucta est, Henricus ad eam extirpandam mentem rursus convertit. At subito morte abreptus est, in nuptiali certamine ludicro, (quod dixi) hasta læsus à Mongomero comite.

Tum verò triumphabat impietas, despecta tenera pupillorum ætate, & sexu matris viduæ. Manuali sclopo trajectus in via publica Mynardus rei monetariæ præfectus, fidei studio eximius: Proceribus Catholicis, ipsique adeò aulæ intentatæ ab Hugonotis minæ, ni carceribus emitterentur ipsorum contribules, liberumque sectæ relinquerent spatium. Hæc tamen adeò non terruere Judices, ut An- 40. insolenscit.

Burgus. Annam Burgum, Parisinum senatorem, quem Henricus propter hæresin carceri addixerat, capitis condemnarent, atque ultimum de eo sumerent supplicium. Ipsa etiam aula edicta adversus hæreticos acuit, omnique severitate executioni dari voluit.

Guifiorum zelus. Tanta religionis cura debebatur Guisis fratribus, præsertim duci Francisco & Carolo Cardinali; qui, cum Regina, Mariæ Stuartæ, essent avunculi, omnia apud Franciscum II. Regem poterant. Sed hæc ipsa eorum in aula potentia, & asperitas in hæreticos, aulam omnemque Galliam in partes scidit. Cum enim, quod antea memoravi, Principes Regii sanguinis Borbonii, Antonius videlicet Rex Navarræ, & Ludovicus Condæus ejus frater, cum Colygniis, Gaspere classium Præfecto, & Aneloto, supremo peditatus tribunus, hæresi omnes imbuti, Guisios in aula dominantes ferre non possent, famosa illa *Ambosiana* in Guisios regemque conspiratio, à Renaudio suscepta, ut Guisios, Regemque ipsum caperent. At feliciter detecta atque elisa. Sumptum de reis supplicium: Condæus datus in carcerem: disjecta in præsens Hugonotorum cruenta consilia.

**Ambosiana
conspira-
tio.**

ARTICULUS V.

Status Galliæ sub Carolo IX.

41.
**Catharinæ
pseudopo-
litica.**

AT mox atrocius infremuit hæresis, altero regni anno immaturo fato abrepto Rege Francisco. Tam enim in Scotiam, hoc est, calamitatum abyssum, remissa Regina: à rerum clavo rejecti Guisii; Condæus libertati datus à Catharina. Borbonii Colygniique cumque iis hæresis in altum evecta. Catharina Medicæ tutelam equidem decennis filii Caroli IX. ad se traxerat: sed ambitioni suæ magis quam regno aut religioni regnare visa. Nam factiones aulae studiosè nutritiv; ut alteram alterius ope in officio contineret, & utriusque oculi ad se respicerent.

Verùm arte ista politica & regnum & religionem, quin & se ipsam in præsentissimum discrimen adduxit. Cum enim ita foveret Guisios, ut Hugonotorum principes haberet ab arcanis consiliis, eorumque arbitratu multa ageret, evecto etiam ad Cancellarii munus Hospitalio Calvinista, adeò viribus increvit hæresis, ut regnum totum subrutura videretur: regina apertè eidem favente, & ad cultum impium prope adducta. Gallia jam antè minitata convocare Natio.

Nationale Concilium, effecit equidem, ut Tridentina synodus reassumeretur. At cum esset congregata, neminem Regina, religionis studio torpente, ad illam misit; sed *colloquium Possiaccense* coram se & Rege filio haberi voluit. Acciti ad illud Religionis utriusque Doctores, ex Catholicis quidem Cardinales Galli Turnonius, Castilionius, Lotharingus, Armaniacus, Guisus, & Borbonius, cum Claudio Espenæo & Sanctesio: ex Calvinistis verò comparuerunt Beza, Marloratus, Petrus Martyr, Joannes Malo, Joannes Spina, singuli ex ovili Ecclesiæ transfugæ, facti rapaces lupi, suis quisque insignes flagitiis, atque factionis capita.

Collo-
quium.

Aderat etiam præsens Jacobus Laynius societatis Jesu Generalis Præpositus, ex voluntate Pontificis Hippolytum Estensem, Cardinalem Ferrariensem, ad colloquium illud comitatus. Gravi is oratione demonstravit, controversiam illam fidei ejusque judicium ad Episcopos sedemque Apostolicam pertinere. Incongruum & ab Ecclesiæ usu alienum esse, neglecto generali Concilio, quod etiam Gallia voluntate esset reassumptum Tridenti, & in quo omnia, quæ cum Lutheranis & Calvinistis essent controversa, ad usitatam Ecclesiæ normam eo tempore examinentur ac decidantur, ad particulares & privatos coetus dilabi: expectare & magnopere exoptare summum sacrorum Antistitem, ac synodum Tridentinam, ut Gallia abruptis privatis ejusmodi congressibus, Prælatos suos eò mittat, in publica illa orbis luce cum reliquis christianis Nationibus in commune consulturos, & Ecclesiæ etiam Gallicanæ provisos. Tum verò Petri Martyris argumenta de SS. Evcharistiæ Mysterio doctè ac solidè Laynius confutavit.

Laynii
oratio.

Displicuit Reginæ ejus oratio ea parte, qua colloquium illud improbavit, totamque de fide controversiam ad concilium Tridentinum remitti voluit. Eum tamen fructum tulit, ut nec Rex nec Regina illi amplius disceptationi interessent.

Pro Hugonotis dixerat Beza potissimum, de Ecclesia & Sacramento Cœnæ, cui ita responderunt Cardinales Turnonius & Lotharingus, cum Espenæo, ut catholica veritas, solidissimis sacræ scripturæ nixa oraculis, facilè ab omnibus potuisset perspicui, nisi hæretica pertinacia voluntatem penitus obdurasset, & glaucoma adeò crassum obduxisset oculis, ut pleno in meridie cæcutirent, atque ferociore omnia per vim agerent.

Cum igitur re catholica à Regina prodita, omnibusque in pe-
jus labentibus, Anna Mommorantius, vir prisca moris ac Religio-
Pars VII. Triumvi-
Q99 nis ratus.

nis Catholicæ amantissimus, cerneret, hæresin passim dominari, suffultam Reginæ conniventia, Borboniorum atque Coliniorum patrocinio, utrosque ut ut amicissimos deferendos putavit, ineundumque seposita domus utriusque æmulatione, cum Guisio, à quo semper antea sua eum consilia animusque sejunxerant, & Santandreano fœdus, ad vindicandam in Gallia avitam religionem. Acerbè Hugonotos, præsertim Colinios, admiralium & Andelotum, Mommorantii ex sorore nepotes, hoc fœdus habuit: quod per contemptum *Triumviratum* dixère. At hoc triumviratu religio stetit in Gallia.

Cùm enim Catharina abolitis edictis pristinis, postulante interminas Gaspere Colinio, omnem prope Hugonotis libertatem permitteret, iique jam publicè etiam in ipsis Lutetiæ suburbiis armata vi furerent ac cœnam Calvinianam instruerent, passimque templa profanarent, tres isti herôes aulâ excesserunt, iisque passim adhæsere Catholici, non tantum plebeji, sed præcipua nobilitate, rebûsque gestis clarissimi viri, Guisii fratres, Monpensierius, Nivernensis, Nemursius, Monlucius, Brissacus, ejusque frater Cossæus Marecalli, Martigujus, Jojosa, cum Mommorantii comestabilis filiis, Marecallo, ac Damvilla. Et quod honorum gaudium maximè auxit, Antonius Rex Navarræ, Henrici IV. parens, primus post Henricum Valesum & Alensonium regii sanguinis Princeps ad Catholica sacra rediit, ac deserto fratre Condæo Coliniisque triumviratui se conjunxit. Simulque Regem Carolum, invita licet Catharina, Condæo ereptum, Parisios secum abduxerunt, applaudente urbe Catholica.

Primum
bellum.

At fremens Condæus cum Coliniis, accitis ex Germania Angliæque copiis, cum Hugonotis ad arma convolat, ut regem, (sic agebat) à triumvirorum tyrannide liberet, re ipsa ut hæresin ac potentiam suam devictis Catholicæ fidei propugnatoribus stabiliant. Igitur Regem suum regnumque gravissimo bello adorti, Aureliam, Rothomagum, Lugdunum, Pictavium, Andegavum, Turones, Bituriges, aliasque urbes regni primarias occupant, eaque in templa, aras, sepulchra, sacerdotes, & Catholicos universim omnes edunt inaudita crudelitatis, nefandorum scelerum, furorisque exempla, ad quæ Turcæ omnisque barbaries inhorrescant. Sed quos alios ex novo illo sanguineo Evangelio fructus exspectes?

Navari
mors.

Catholici, ut Hugonotos ex urbibus, quas subito impetu ceperant, expellerent, collecto sub regiis auspiciis exercitu, primò Rothomagum obsident, expugnântque; at jacturâ Navarræ Regis, qui lethaliter vulneratus Helvetiorum humeris in urbem portatus

glo-

gloriosa morte defunctus est anno 1562. Litârunt victores funeri regio Marlorati apostatae suspendio, ignobili tantis manibus victima.

Commissa paulò post *Drocensis* pugna. In qua captus dux utriusque exercitus, hinc Condæus, inde Mommorantius. Cùmque hæretici jam triumphum canerent, invicta Helvetorum virtus & Franciscus Guisii ars militaris plenam reportârunt victoriam : capto tamen etiam Santandreano triumviro, & perfidè interempto. Majori fide & humanitate in Condæum captum usus Guisius, eadem mensa & lecto excipiente, quos contraria studia perpetuò disjunxerant.

At parùm apud Heterodoxos valuère tam insignia humanitatis officia Francisci Guisii, sequenti anno, dum Aureliam obsideret, à Poltroto sclopo manuali ex insidiis perfidè interempti. Interceptus parricida fassus est, inligantibus Gaspere Colinio & Theodoro Beza, qui ea in urbe tunc fuerat, patratum facinus. Dux accepto vulnere ex latrone ad se adducto quæsit, num aliquam in se offensam vindicare voluerit ; respondit, se nulla ab eo affectum injuria, sed religionis suæ zelo id consilii suscepisse. *Bene est, reposuit Dux, tua religio te docet illum ex insidiis occidere, qui te nunquam offendit : & mea religio juxta Evangelium tibi præcipit, veniam tibi tanquam inimico impertiri : vide, utra sit melior.* Obiit autem, ut vixerat, pientissimè, heros ævi sui incomparabilis ac verè christianus, defensis Metis, recepto Caletò, restituta post Sanquintinam pugnam, re Francica, Drocensi victoria aliisque palmis, &, quod omnia superat, sustentata in Gallia religione Catholica, toto orbe celeberrimus, atque ingens Lotharingicæ stirpis gloria ; quæ tot ferme invictos heroës, quot Principes numerat. Reliquit Franciscus tres filios, Henricum Guisii, Carolum Majennæ Ducem, & Ludovicum postmodum Cardinalem, famosa in Historia Franciæ nomina, atque defensâ Majorum exemplo Religione in paucis inclita.

Post cædem Guisii, quam præcones Calvinicolæ editis libellis ac laudibus celebrârunt, Regina Condæum, quem ex Drocensi pugna captivum detinebat, ad pacem ineundam sollicitat. Coaluit illa quidem, sed nec firma, nec digna victoribus : sanctior ineunda, si Guisius viveret. Urbes regi restitui jussæ : permissum nobilibus privatum religionis Calvinianæ in ædibus suis exercitium : in qualibet Provincia in suburbio unius civitatis (Parisina excepta) concessum templum Hugonotis. Exteri regno exesse jussi.

Displicuit ea pax Regibus per Europam Catholicis, ac præsertim summo Pontifici. Quem ut ad alias curas Regina Catharina Concilium

Trid. averteret, per legatum suum, quem cum Cardinale Lotharingo aliisque Galliae Prælatiſ ad Concilium Tridentinum dimiſerat, non tantum plures moleſtias circa ſedis prærogativam aliæque faceſſiverat, ſed etiam inſtitit, ut in alium aptiorem locum transferretur ſynodus, in quo etiam Proteſtantes Galliae commodius comparere poſſint. Pluræque circa privilegia & immunitates tum regni tum Eccleſiae Gallicanae jactaverat.

**Sententia
in Epiſco-
pos.**

Quæ ſanè cauſa fuit, ut Papa Pius IV. publicarit tandem ſententiam, quæ in tribunali Inquiſitionis Romano lata fuerat in octonos Epiſcopos Galliae, de hæreſi accuſatos, inter quos Joannes Monlucus Epiſcopus Valentiae, à quo proteſtationes illas ac tricas Regina inſpiratas eſſe crediderat, ac præſertim in Cardinalem Caſtilionium, qui à fratribus ſuis Colinijs Gaſpare, & Franciſco Aneloto ſeduc- tus, atque in hæreſin pertractus, tanquam hæreticus à Pontifice Cardinalatu reliquiſque dignitatibus privatus fuerat.

**Caſtilio-
nius.**

At ille his auditis, purpuram, quam jam antè depoſuerat, cum Epiſcopi titulo reſumpſit, locumque inter Cardinales occupavit in Rothomagenſi ſenatu (in quo Carolus IX. anno 14. ætatis necdum expleto, majorennis eſt declaratus) & ut Eccleſiam turpius ſperneret, palam ſe uxoratum profeſſus eſt.

Joanna.

Citata etiam eſt ad dicendam Romæ cauſam Joanna Albretana Navarræ Regina ac mater Henrici IV. propter hæreſin, quam magnopere protegebat. Propter quas cauſas Galli privilegia ſua & immunitates oggerebant : conqueſti etiam, per decreta Reformationis, à Concilio Tridentino lata, eaſdem læſas. At Rex Carolus, miſſo ad Pontificem legato profeſſus eſt, paratum ſe eſſe ad defendenda Eccleſiae jura. Ac Carolum Molinaum Jurisconſultum famoſum, hominem hæreticum, propter librum peſtiferum, quem *Conſilium de non recipiendo Concilio Tridentino* inſcripſit, per ſenatum Pariſinum in carcerem dari mandavit. Proſcriptus tunc etiam ab Eccleſia, & inter libros prohibitos primæ claſſis relatus, libellus

Molinaus.

Georgii Caſſandri Brugenſis Belgæ *de officio viri boni in hoc Eccleſia diſſidio* ; neque Catholicis neque A catholicis probatus, in indifferentiſſimum quendam declinans. In eundem atque in Jurisconſultum Balduinum, quem authorem illius eſſe primò putabat, acerbè invectus eſt Calvinus, anno 1564. Genevæ mortuus horrendos inter ejulatus, deſerationes ac invocationes dæmonis, cujus mox præda eſſet futurus : id elogium vel à Bucero amico promeritus, ut rabidum canem appellaret. Caliphum Genevæ ſucceſſorem habuit

Caſſander.

**Mors
Calvini.**

buit Theodorum Bezam, dignum didascolo discipulum, incendiorum per Galliam fomitem.

Interea Catharina Regina caeso jam Antonio Navarræo, Guisio, & Santandreano, nihil amplius gubernationi suæ timens à catholicis, iniquiore oculo respicere visa est Condæum, & Castilionios fratres, reliquosque universim Hugonotos. Cùmque filium regem per regni provincias circumduceret, miseranda busta, ruinas & calamitates, à sectariis illatas, oculis obiiceret, lachrymas juxta iramque regis prolucit.

Quare Condæus, ut malè sibi conscia est semper hæresis, cum Admiralio Colinio, malorum fonte, rebus suis diffidens, foedera, nescio quæ, cum Hispano contra se suosque affectas inita suspicatus, evocatis rursus exteris copiis, & Hugonotis suis ad arma concitatis, pacem frangit, bellumque alterum civile adversus patriam suam regemque instaurat, non sine insidiis dolo plenis, in Regem Meldis degentem, ut eum interciperet, adornatis; at feliciter superatis. Nam cùm rex media nocte Parisios properaret, invasus in via à Condæo, Mommorantii cura ac Helvetorum, qui Pfiffero duce in quadratum agmen distributi, regiam familiam in medium receperant, fidei fortique auxilio Hugonotis eripitur, agnus lupis.

Hunc cùm elapsus cernerent, ipsi Lutetiæ exercitum admovent, eamque cum rege obsident, Condæo rege salutato. Mommorantius igitur cum regis copiis urbe egressus, ad *S. Dionysium pugnam* confert, refertque victoriam, hostibus cruentam & sibi: nam lethali- ter vulneratus paulò post magnam animam Deo reddidit jam octogennarius.

Glorioso hoc facto occubuit alter velut Epaminondas inter decora vulnera, pro Deo, religione, rege, patria, magnus ille Anas Mommorantius, ex vetustissima Galliae stirpe, aulae ac rei militaris Praefectus supremus, sub quinque jam Regibus expeditionum prope omnium aut comes aut dux, triumvirorum ultimus, maximè rantii- que per Galliam pace belloque autoritatis (quamvis pacis artibus, mors. quàm belli fortuna felicior) Guisio is antè ob eorum in aula regnoque potentiam infensior, Borboniis Principibus Coliniisque nepotibus suis adhæserat. At cùm religionem avitam everti cerneret, sepositis humanis rationibus, Guisio meliorique causæ se applicuit, jurata in religionis defensionem fide, quam nunquam sefellit; erectaque hoc transitu suo catholicorum fiducia ac ipse, quam prolixè implevit; alter religionis conservator, & orthodoxorum pater. Fumus ejus regio honore elatum Parisiis.

Casimirus.

Hugonotti, licet ipsi etiam victoriam sibi vindicarent, post pugnam in Campaniam versi, recepturi octo equitum millia, tria peditum, quæ Casimirus Palatinus auxilio iis adduxerat. Tum vero direptis urbibus, vastatis provinciis, & ex sectæ indole contaminatis sacris, Rupellam in provincia Pictaviensi urbem munitissimam, proditione recipiunt, futuram deinceps perduellionis munimentum, hæresis asyllum, & scelerum caput.

Rupella.

secunda
Pax non
servata.

Exultans hac præda Hugonotorum exercitus Carnutum obsidet. Cùm Regina pacem obtulit, concessa rebellibus religionis ac pereundi libertate, restitutis regi urbibus, persolutis ab eo stipendiis Germano militi, eoque in patriam remisso.

Inierunt quidem conditiones istas hæretici, sed non servârunt: pluribus urbibus retentis. Rupella quoque Prætorem à Rege missum excluserat. Quin urbes passim quæ vi quæ proditione diripiebantur, eaque in catholicos præsertim sacerdotes, exercita infandæ crudelitatis flagitia: quæ gentilium tyrannorum mansuetudinem ac modestiam laudarent.

45.
tertium
bellum.

En tertii cum Hugonotis belli originem. Henricus Valesius Regis frater post Mommorantium dictus belli Præfectus; exautoratus Hospitalius cancellarius calvinista. Odetus Castilionæus, antea Cardinalis, Coliniorum frater, cum pellice in Angliam evadens, ut Elisabetham in Regem concitaret; Selymus etiam Turca sollicitatus ab hæreticis.

pugna Jar-
nacenensis.

Anno 1569. Henricus Valesius Dux Andegavensis, comitibus Henrico Guisio, Francisci perempti filio, & Brissaco, ad *Jarnacum* ingenti prælio vicit Hugonotos, cæso eorum capite Ludovico Condæo, bono milite, sed malo christiano. Dispersi exercitus reliquias collegit, duxitque sub juvenum Principum Navarri & Condæi auspiciis Gaspar Colinius. Frater verò ejus Anselotus paulo post impiam animam exspuit, sacrilegus templorum prædo & incendiarus, tortor immanis sacerdotum, ex quorum resectis auribus torquem collo appensam gestare consueverat.

Cæsi Hu-
gonotti.

Contur-
niana:

Advenère tunc Hugonotis cæsis auxilio Dux Bipontinus, Princeps Arausicanus & Comites Nassovii, Regiis verò Pontificii. Hi auctus copiis uterque exercitus congressus in Pictonibus, Hugonotico adeò cæso, ut sola nox intercederet, ne omnino deleretur. At quadruido tantum dilata ulterior cædes. Nam ad *Monconturium* de cretoria pugna hæretici ad internecionem ferme cæsi sunt: deletumque fuisset haud dubie perduelle Hugonotorum imperium, si Ca-

tho

lici, uti vincere, ita victoria uti novissent. Dum enim prosequi fugientes oportuisset, ne allo loco tuti potuissent consistere, lenta Angurii obsidione spatium respirandi, seque colligendi augendique hostibus dedere: ut adeo hi cum praedone exercitu varias provincias rapinis, caedibus ac furoribus suis implerent, trucidatis etiam barbara immanitate per Soriam piratam cum Azevedio quadraginta Societatis Je-Soria. su hominibus, cum in Brasiliam tenderent.

Pax tandem, ab Hugonotis toties jam rupta, rursus tentata: Tertia multaque per illam Hugonotis, quamvis toties victis concessa: ut li-Pax. bera esset religionis facultas, juxta edicta superiora. Hugonotti, perinde atque Catholici, ad omnia regni officia, & publica commoda admittantur. Orangius in omnia jura restituatur. Tolosanum senatus, contra Hugonotos erectus abrogetur. Quatuor urbes, Rupella, Montalbanum, Conacum, & Caritas obsidum loco in fidei pignus ipsis relinquuntur, dum ea pacta impleantur.

Dum autem nec bello attrita haeresis conquiesceret, nec pace 46. limitibus se contineret; sed feralis hydra semper succresceret, ul-CaedesHu- teriusque magna ferocia virus spargeret, fessus tandem Rex tantis gonoto- tot annorum calamitatibus, anno 1572. in nuptiis Margaritae sororis rum Pari- suae cum Henrico Navarrae Rege contractis, Gasparem Colygnium, fina- rebellionis ac turbarum facem, cum praecipuis Hugonotis, occidi praecipit; transeunte etiam in alias provincias severitatis exemplo, ut compressa tandem perduellium pertinacia optata regnum pace conquiesceret. Caedes Bartholomae dicebatur; quia festo S. Bartholomaei ad signum campanae ex condito fuit patrata.

Cum Admiralio occisi sunt Rupifocaldius, Tellinius, Renellus, Brionius, Lavardinus, Caumontius, aliique plures; Mongomerio, Rohanio, Vidamo, & caeteris, qui in S. Germani suburbio hospitabantur, fuga elapsis. Navarrum vero & Condæum in conclave accessit Rex alloquitur, ad bella civilia comprimenda eo opus fuisse remedio ad eos quod spectaret, justam sibi esse materiam odii & vindictae, quod se duces factionis deterrimae praebuissent. Attamen ea affinitati & sanguini dari, modo vitam & mores mutarent, atque catholicam Religionem amplecterentur. Viderent proin, ut ea in re sibi obsequerentur; alioqui ad ea ferenda, quae passi essent eorum familiares & domestici, se pararent.

Ad ea Navarrus, salva vita & conscientia, se fore obsequen-Nav. & tes. Condæus vero audacius: bona & vitam esse in potestate Re-Cond. gis, Religionis unum Deum esse Dominum. Quibus verbis Rex con-

concitatus, utrumque in custodia haberi iussit, atrociora minitans, nisi intra triduum à pertinacia deficerent. Neque Navarrus difficiliorem se præbebat. Actandem etiam Condæus simulatè saltem consensit; Carolo Borbonio Cardinale, eorum patruo, abjuratorem hæresis admittente. Mox lité in Admiralium instructa, læsa Majestatis reus decreto senatus dictus est, ac damnatus.

quartum
Bellum. Hugonoti primùm in urbes munitas Rupellam, Montalbanum, Sancerram, Nemausum profugerunt, alii in Angliam, Helvetiam, Germaniam, Genevam; tum verò collectis ex trepidatione animis, primo timore in vindictæ rabiem exurgente, atrocissimum bellum movent, odiisque majoribus ex sociorum cineribus exurgit factio. Invasione urbium, direptionibus, incendiis sævitum.

Maximè verò contumacem frontem Rupella ostentavit. Quare Rex Henricum fratrem cum exercitu ad expugnandam eandem misit. Fortiter ille obsidionem aggressus, omnia tentavit, ut hæresis nidum pertinacissimum destrueret, sed tot invenit obices, ut obsidionem solvere fuerit coactus; ab ea ad Thronum Poloniæ evocatus, licèt invitus (anno 1573.) In ea obsidione Dux Aumalius, Francisci Guisii, ad Aureliam à Poleroto cæsi, frater, præstanti pariter Princeps religione; ac fortitudine, tormento ictus occubuit.

quarta
pax.

Circumlato per provincias ferali bello, quartò itum in pacis conditiones. Permissa Hugonotis sua religio. Rupella, Nemausum, & Montalbanum, sancitæ immunes, atque à præsidio liberæ. Sancerram verò in Biturigibus urbem, jam quartò mense obsessam, Rex propter insignem pertinaciam beneficio pacis exclusit, extrema dein fame ad deditionem compulsam, atque munimentis murisque nudatam.

47.
Quintum
Bellum.

Verùm pacem hanc Rupellensem respuerunt Hugonoti in Occitania, sequentibus turbulentum perniciosumque exemplum Phocensibus & Delphinatibus (omnes etenim Galliæ provincias hæresis pervaserat; tracta in ruinam infinita hominum multitudine.) Quintum igitur bellum orsi, leges Salicas, à condito Regno stabilitas, ac Regia jura nituntur convellere. Calamis primò certatum, tum ferro. Monbrunus Delphinatum, Mongomerius Normanniam; Noya Pictones Santonésque invadunt, pluresque urbes occupant; Rupellani, portu amplissimo instructi, acta in oceanum classe, latè toto mari, direptis mercatorum navibus, prædas agunt. Reliquæ pariter sedibus suis in bellum emotæ provinciæ.

Contra rebelles Rex trinum emittit exercitum: primum Mompenserio duce in Pictones, alterum in Delphinates sub ejus filio: tertium in Normanniam duxit Matignonius. Sed parùm actum ad rei

rei summam, aula factionibus undique turbata. Captus tamen à Matignonio Mongomerius, qui Henricum II. in hastiludio occiderat, malignus calvinista, & multarum turbarum incensor. Ductus Parisios, damnatusque perduellionis reus, in publico foro capite plexus est: Lorgio ejus filio pariter capto, & patris fatum subituro, nisi catholici cujusdam ope fuga fuisset elapsus.

Mongomerius.

Bellum verò in provinciis trahebatur, modico Regionum progressu. Quippe aula, turbis domesticis agitata ad externa intendere animum minus poterat. Tertia namque exorta est factio, Catholicos inter & Hugonotos media *Politicorum* dicta: quæ seposita religionis cura, uni bono regni publico esset intenta, re ipsa, ut dejecta ab administratione Regina, ejectisque ex Francia exteris (Guissios sibi invisos, Italosque designabant) privatae suae ambitioni lenocinarentur. Ducem se praeiuit, qui minimè debuit Alenfonius Regis frater, natu minimus, non animo deformior, quam corpore. Is à matre & fratre se contemptum ratus, plures ex Proceribus dubiae fidei in partes suas attraxit, uti Annae Mommorantii filios, Marechallum, Damvillam, & Moræum, ac præterea Cossæum, Turrenium, atque ipsos etiam Principes Navarrum & Condæum, qui adhuc in aula versabantur; in turbido, quod ajunt, piscaturi.

factio politicorum.

Alenfon.

Hæc factio, jam antè conflata, post Henrici in Poloniam discessum in lucem prodiit. Quasi Franciæ in partes geminas scindi leve esset, nisi & tertia calamitas accederet, post aliarum turbidam messem ambitionis quæ spicas legeret. Hoc ut evinceret, Mommorantius à Rege postulat, ut Alenfonio fratri legataria in totum regnum præfectura, quam Henricus antè gesserat, tradatur. Obstitit Regina mater filii indolem, variam, levem, turbulentam, Hugonotis addictam, novarum rerum machinatricem, Regi exponens. Simulque ad eam dignitatem insinuat Carolum Lotharingiæ Ducem, generum suum, Guissæ gentis caput.

Quia igitur hoc negotium trahebatur, Alenfonius moræ impatiens, non tantum Politicæ factioni se ducem dedit, sed etiam, quod turpe magis, Hugonotis, eorum viribus extorturus, quod petebat; & fortassis quid ultra. Iique urgebant cupidissime, ut abjecta larva ad ipsos accederet, regiménque tandem susciperet. Accedunt suasores Navarrus, Torraeus, Turrenius &c. ut ab aula profugus se iis adjungeret: verum re tota ad Reginam delata, cum quæstione habita Alenfonius & Navarrus se conspirationis immunes

Conspiratio detecta.

dicerent, Mommorantius & Cossæus, Marefcalli, palàm in Bastillam, publicum Parisiis carcerem, abducuntur. Navarro & Alenfonio custodes adhibiti. Condæus, Ambiani capiendus, in Germaniam cum Torræo Mommorantii fratre profugit, nova ibidem ligna collecturus ad nutrienda Gallicana incendia.

Mors Caroli.

Et hic erat miserandus rerum status, cùm Carolus Rex morbo oppressus occubuit, anno 1574. ætatis 25. regni 14. Princeps meliore regni statu dignissimus. Quippe habebat insignes à natura ad regnandum dotes, sublimes spiritus, ingenium perspicax ac vividum, tenacem memoriam, eloquentiam firmam ac robustam, & quanquam iracundæ, & odiorum amorumque tenacis esset indolis, simulandi nihilominus & dissimulandi sagacitatem incredibilem. Primus Regum Franciæ Prætorianum militem ad corporis custodiam adhibuit, artes inter liberales amavit, coluitque Poësin & Musicam, litteris in pueritia institutus ab Amioto, Antisiodorensi tunc Episcopo, qui primus Franciam eleganter & eruditè loqui docuit.

Elisabetha conjux, Maximiliani II. Cæsaris filia, suavissimos & integerrimos mores in Germaniam retulit, anno ætatis vigesimo vidua, atque repudiatis secundis nuptiis, ultro cœnobio Clarissarum inclusa genuit Carolo Regi filiam, quinquennio post extinctam.

Quoniam autem Hugonoti præcoccem Regis mortem in horrorem cædis Parisiensis & conscientiæ laniam referebant & hodie dum passim Protestantes calamos suos in eadem illam & catholicos acuunt, non abs re fuerit, de illa hîc pauca differere.

ARTICULUS VI.

Observatio in Parisiensem Hugonotorum cædem.

Heterodoxi scriptores passim calamos acuunt in Carolum IX. Galliarum Regem, non aliam ob causam, nisi quòd Hugonotorum furoribus se opposuerit, atque præsertim, quòd eadem illam Bartholomæam adornârit. Hanc enim balneum sanguinarium, cruentas nuptias, immanem laniam, & tyrannidem plus quàm barbaram appellant.

Non equidem ego sum, qui facta magnorum Principum sub censuram vocem, aut cædem illam approbem. Cordatè nihilominus pronunciandum existimo, homines istos non considerare, quanta ipsi facinora consciverint in Religionem, in Regnum, & Regem ipsum, in illam impii, in istud hostili ferro & igne immanner grassantes, in hunc rebelles nefarii.

Atque ut à religione exordiar, quam Regnorum coetuúmque humanorum universim omnium animam esse oportet, quámque jam inde à S. Clodoveo tota Gallia sanctè coluit: eam novi isti homines penitus excindere omni ope sunt conati. Et quidem Francisci I. & Henrici II. tempore intra tectas fraudes & occultas machinationes poenarum metu consistebant. At verò iis sublati, ubi infirmam pupillorum ætatem, aulam factionibus scissam, Reginae matris ambitiosam, versatilem, muliebrémque tutelam conspexerunt, in apertam vim prorumpentes, incredibile dictu, quanto furore & atrocitate avitam majorum Religionem, ejusque cultores sint persecuti. -

48.

Calvinistæ
impii in
religionem

Factionis turbulentæ capita erant tres, quos dixi, fratres Castillionæi (à Castillione sua in Gallia urbe ita appellati) qui ipsos etiam Borbonios Principes, in Guisios incitatos, seduxerunt. Et Gaspar quidem Colygnius, Admiralius, (ut appellant) Franciæ, fratrum primus, post colloquium Possiacense factus audacior, 2150. templa pro Hugonotis inter minas à Regina postulavit.

Moxque ad Lutetiam ingenti tumultu excitato catholicum templum violentè invadunt; eunte per provincias impio crudelitatis & rapinæ nefariæ exemplo. Eaque deinceps acta sunt, ad quæ omnis barbaries cohorreat. Infinitus essem, si omnia luberet persequi. Ab uno vel altero facinore colligere licebit reliqua.

Sacrata Deo templa passim expilata, eversa, concremata. in templa. Aræ dejectæ, imagines contritæ; aurum & argentum in nummos cufum, campanæ, aræ statuae, in bellica tormenta fusæ; sacra omnia profanata, polluta, ac contaminata.

Major adhuc in sacerdotes & religiosos homines rabies. Sacerdotes Equorum caudis alligati passim lacerabantur. Effossi oculi, abscissæ aures ac nares. Cutis vivis detracta. In fervens oleum injecti, donec cutis & caro deflueret. In tonsos vertices aut clavus adactus, aut bulliens oleum affusum; aut cultris abrasa pellis. Lingua sub mento extracta, exsecti ventres, avena injecta ad pascendos equos; viscera arboribus suspensa; adipe imbutæ ocreæ. Pedum plantis soleæ ferreæ clavis impactæ; coacti aratrum trahere, in-

ter crepitantia flagellorum verbera , donec exanimis conciderent. Alii ex integro vivi sepulti , alii capite tenuis , & in capita globis lufum.

Sacerdotem facris vestibus indutum atque ad Miffam accinctum , eo habitu templo extrahunt , impositoque capiti ad ludibrium probroso pileo , humerisque hafta , per plateas inter fannas circumductum ad portam vigilias agere cogunt. Alium , jam octogenarium , morbo decumbentem , fune collo injecto propenudum per plateas trahunt , spineis virgis flagellant , glandéque trajectum ex arbore suspendunt. Multa alia patrata , quæ vel recensere pudor vetat.

in omnes
catholicos.

Neque in sacerdotes duntaxat sævitum ; in omnes etiam catholicos promiscuè effusa rabies. Aurelia , Incolisma , aliæque urbes , quas oppugnabant , deditionem fecerunt eo pacto , ut catholici indemnes seruentur. At vix urbes eas intraverant , cum furiarum instar in omnes passim orthodoxos immaniter grassantur , mactant , perdunt , atque prorsus inaudita crudelitatis , impietatis , libidinis , & impuditiæ patrant exempla. Hoc nempe est , egregiè reformare.

in sanctos
& sepulchra.

Sed neque tenellæ infantium ætati pepercit furor , quos ad experimentum , quàm acuta sit gladiatorum acies , & validi lacerti , à capite ad calcem uno ictu diffidunt medios. Imò in mortuos etiam exprompta vœsana rabies. Spoliata & eruta sepulchra , excussæ urnæ , cineres in profluentem sparsi. Corpora sanctorum Irenæi , Martini , Eutropii , Juliani , Benigni , Aufonii , Agnani , Hilarii , Francisci de Paula , aliorumque , quos tota Ecclesia , & præsertim Gallia antiquis à temporibus coluit , ex hypogeis suis extracta & combusta , inter infanda sectæ impiæ ludibria.

At minùs mirum est , à Calvinistis sacrorum omnium hostibus hæc fuisse patrata. Illud autem inauditum est , atque in nulla barbarie attentatum , Regum etiam , qui apud omnes gentes , eas quoque , quarum nulla est religio , sancti habentur mausolea diruta , spoliata , omnique contumeliæ genere conspurcata. Cor Francisci II. corpus Ludovici XI. aliorumque indignissimis modis habita , atque ignibus cremata. Et hæc quidem impiè ac sacrilegè in religionem sunt perpetrata , sed non minùs immania in Regnum universum.

Repetenti etenim memoria pristina illa bella, quibus Romani Galliam subegerunt, aut Franci, ant quibus Clodovei posteriores se decertarunt, ludus quodammodo videbuntur, si cum hac & everfo-Calvinistarum rebellione, bellisque Hugonoticis comparentur. res patriæ.

Circumspice te ipsam infelix eo sæculo Gallia, victrix olim in bellis, florens in pace: jam verò à filiis tuis ad intima usque viscera lacerata, discerpta, deformata. Corporis tui nervi incisi, solutæ compages, exhausta medulla, aspice conversas in se ipsas fraternas acies, consanguineos præliantes exercitus, cruore tuo tumētes amnes, fœdata flumina, Cadmeam veluti segetem demessam. Aspice, si potes, fumantia urbium busta, provincias incendiis depastas, plura centena civium tuorum millia, in sanguine natantia, aut ruinis sepulta, regnum universum exitialibus velut furiarum tædis ambustum, squalidum, ac propemodum extinctum. Fidem profectò negaret posteritas, tantum à Gallis in patriam suam consciri potuisse nefas, nisi tot testes tristem veritatem proderent.

Causam ne quæras; notior ac certior est, quàm ut de ea dubitari queat. Pulchræ Reformationi hæc debentur. Ad Calvinianos ministros, eorūque turbulentas ac seditiosas conciones pars prima pertinet. Hæresis est, quæ sanguineis flagris, tædisque flammantibus armata, ac discurrens lymphata, & faces ventilat, & flammæ subdit, & emotas sedibus suis provincias in bella accendit, & miserandam toti regno faciem induxit: & quasi non satis esset, cives discerpi à civibus, fratres à fratribus, ex Germania, Dania, Helvetia, Anglia, Hollandia evocat armatas acies, factionis suæ asseclas, ut sociam jungant operam, ac Galliam, jam undique falescentem, supremam in ruinam agant.

Atrox hoc equidem facinus, crudele, impium, civilem fundi sanguinem, hostem exterum acciri in perniciem patriæ, matris In Regem jugulum peti, communis patriæ discerpi viscera, rebelles. Sed plus dico. Quid? si insuper subditi in regem suum perduelles insurgant? si adversus eum conjurent? si exitium eidem machinentur? si arma, si bella, si vim apertam inferant? quo nomine hoc scelus compellabimus? aut qua pœna dignum judicabimus?

Sacrosancta apud omnes gentes Regum Majestas est, & esse debet. Communis omnium Rex pater est. In omnes partes sollicitudinem paternam exporrigens, suis curis, suis vigiliis, filiis providet, fovet sustentatque Rempublicam. Omnium proin subditorum

animis fides inflexibilis , & sincerus in Principem amor innatus esse debet. Tum verò Gallicæ præsertim Nationi ea laus datur , quòd præcipua quadam in Regem suum fide & amore ferantur.

At verò hæresis, Erinnyis illa malefaustra, sacratissima naturæ amorisque innati rumpit vincula, disiectisque fidei juratæ legumque repagulis, rebellem effrænemque frontem ostentat, non destituta, si vires suppetant, donec ipsi vel insanire & impunè grassari liceat, aut sacrata Regum capita in vincula coniciat.

Testis utinam non esset Gallia ! heu ! quæ non acta à Calvinistis, & præsertim à Colygniis in despectum Regum ! quid dico in despectum ? quæ non machinæ, insidiæ, substructiones in personam Regis adornatæ ; quoties arma in eum sumpta ? quot bellis, imò parricidiis, petitus ?

Notæ sunt Renaudianæ conspirationes, incentoribus ministris in familiam Regiam conceptæ. Fugit Rex Franciscus II. Blesis Ambosiam ; nec Ambosiæ tutus est ; cingitur urbs à conjuratis, ut Regem capiant. Regem suum Carolum IX. Meldis conantur intercipere : tendunt insidias, vim parant, imò adhibent. Fugit Rex Lutetiam, Helvetiorum fideli fortisque opera districtis eorum gladiis ereptus. Quid dicam ereptas Regi tot urbes, circumlata per regnum incendia & ruinas, excitas adversus Regem in Franciæ viscera hostiles copias ? Heu ! quot perfidiæ & proditionis, quot perduellionis, quot læsæ Majestatis crimina ? Et hæc impunè patrentur ? Rebellibus subditis omnia adversus Regem summo imperio gubernantem, liceant, Regi in perduelles toties subditos nihil ? an mirum, quòd tandem clementia fracta severitatem induerit ?

Cùm enim ad nuptias, quas Navarrus cum Regis sorore contrahebat, magna Hugonotorum multitudo conflueret, Gaspar Colygnius, Calvinistarum dux & antesignanus, turbarum, bellorumque auctor, Regi toties perduellis, jam antè à supremo senatu majestatis damnatus, innumerarum cædium reus, dum per plateam Parisiis incedens litteras legeret, duobus globis ex ædibus explosis vulneratus est. Mox ingens Hugonotorum tumultus : graves minæ à saucio Colygnio sparsæ. Monetur Rex à primoribus urbis de gravitate periculi tot inter Calvinistas, urbem implentes, & exacerbatos.

Jubet igitur Rex, ut cives arma capiant, & altera die, ubi ad S. Germanum campana signum dederit, Hugonotos invadant. Primus Colygnius multis ictibus conciditur. Corpus per fenestras eje-

ctum

Etum patibulo suspenditur. Sequitur aliorum cædes. Rex in senatu adversus Colygnium ejusque affeclas gravissimè questus demonstravit, supremam necessitatem extrema poposcisse remedia : nec alium superfuisse modum rebellionem compescendi.

Senatus jure cæsos pronuntiat ; actæque Regi gratiæ, quòd detecta prodicione tam providè regno, urbi, sibi que consuluerit. Rursùmque Colygnius, ceu hostis communis quietis, auctor perduellionis adversus Regem, ac Majestatis reus denuntiatur ; publicatis ejusdem bonis, & armis gentilitiis à lictore confRACTIS, liberisque nobilitate exutis. Redditæ etiam publicæ Deo grates, quòd Regem Regnùmque à conspiratione & malignis Hugonotorum consiliis præservârit. Exteri Principes plerique eam cædem approbârunt, probè gnari, quanti interlit, ut Princeps rebellionem extinguat, & seditiosis machinationibus necessaria remedia adhibeat.

Hugonoti autem in rabiem acti scriptis etiam libellis Regem vehementer sunt insectati ; quî tamen à doctissimis Jurisconsultis, Jacobo Cujacio, & Vito Fabro solidè sunt confutati, & quòd demum res evaderent, si Regibus non esset integrum, in rebelles subditos, quietisque publicæ turbatores animadvertere.

Nempe, ut volunt sectarii, licuit Calvinistis sacra omnia contaminare, Regnum evertere, conjurare, Regique insidias struere, exterum militem in patriam armare, multa mortalium millia iniquissimè interficere. At Regi sceleratos plectere non licuit, ut religionem & regnum servet. Quòd Poltrotus instigante Beza & Colygnio Franciscum Ducem Guisium, religionis vindicem ceu sicarius & latro occiderit, laude non caret. Sed quòd Rex eundem Colygnium, per duodecim jam annos toties perduellem, tot publicis criminibus reum sustulerit, ingens scelus est. Laudant Calvinistæ Henricum III. quòd Henricum Guisium ejusque fratrem Cardinalem, sacri fœderis capita, trucidari præceperit. Sed quòd Carolus IX. Gasparem Colygnium, Calvinistarum tunc caput, Galliæ incendiarium, ad pœnam vocârit, facinus ipsis est, omni dignum opprobrio. Proprium Regem, inaudito exemplo sententia velut judiciali condemnatum, carnificis manu obtruncant Calvinistæ in Anglia ; & hoc laudibus eorum celebratum fuit. Solus Carolus IX. Rex Franciæ, rebelles subditos, proditores & everfores patriæ, toties Majestatis reos, tollere è medio non potuit ; sed tolerare debuit, ut pergant conjurare, insidiari, mactare, perdere, totùmque regnum in extremas calamitates conjicere.

ARTICULUS VII.

Status Galliæ sub Henrico III.

50.
Rerum fa-
cies. **C**Atharina post mortem Caroli regimen rursus invasit, Galliám-
que jam undique fatiscentem in scopulum impegit. Bellum
Hugonoticum quintum adhuc furebat. Proceres ab ea erant
aversi. Quorum tamen præcipuos, factionumque duces habebat
constrictos. Alenonium & Navarrum luparæ regia Parisiis arce
custodiebat, solo ad enervandos Principes ad Gynæceum aditu per-
misso libero. Mommorantius & Cossæus Mareschalli erant in vin-
culis; exulabat Condæus in Germania; Colygnii cum Mongome-
rio perierant, Damvillam Præfecturâ Occitanie dejecerat.

Sed hæc ipsa Procerum, Hugonotis faventium fata, eosdem
in rabiem egerunt. Condæus ejurata rursus religione factionis dux
ab iis dictus, ad delectus habendos Palatinum Rheni convenit.
Damvilla, licet Catholicus, præfecturæ ereptæ sensu commotus,
iisdem accessit, & regia velut jura in Occitania usurpabat. Moya
& Mombrunus Calvinistæ per provincias prædonem circumferebant
exercitum. Mompenserius Princeps à Regina cum exercitu missus,
tot hostibus non sufficiebat; cum non tam cum hostili cordato
exercitu, quam cum multis circumvagantibus grassatorum turbis
ipsi res esset. Henricus III. Rex mollietie & socordia res inclina-
tas adhuc magis præcipitavit.

Henrici
torpor.

Is, cum Rupellam obsideret, à legatis ad Poloniæ coronam
evocatus, mulierum Gallicarum amoribus irretitus, ægerrimè ex
Francia discesserat, nec nisi fratre Carolo Rege, quocum non be-
ne ei convenerat, compellente. Cracoviæ coronatus, patriæ desi-
derio contabescens, cum paucis Gallis conclavi se abdidit lugens
atque incusans fortunam, quòd regnum amplissimum dedisset.

Audita autem Caroli fratris morte, nocte concubia aufugit,
magnòque honore Viennæ ab Imperatore exceptus, per Tyrolim,
Venetias, Ferrariam, Mantuam delatus, eosdem honores ubique
expertus est. Taurini ad Margaretham amitam diutius divertit,
atque ab ea & Philiberto Duce blanditiis captus Pinerolium, Sa-
villianum, & Perusiam vallem, quas à postrema pace cum Hispa-
nis inita, Galli adhuc retinuerant, restituit, magno ob locorum
situm in futurum detrimento.

Taurino per Allobroges & Delphinates Lugdunum progressus ingentem spem excitaverat, ob tot reportatas ab Hugonotis victorias, lustratas regiones, coronam jam gestatam, dotésque præclaras à natura concessas. At spes conceptas vehementer fefellit. Nam Sarmatico velut torpens frigore, extinctis, quibus antè flagraverat, martialibus ignibus, non nisi ad muliercularum & adolescentum amores calefcere videbatur. Quippe permiffa matri, cujus una dominandi cupiditas, regni administratione, conclavi cum juvenculis suis se abdēns nugis vacabat; Condæam præsertim, licet conjugio vinctam, insano amore deperiens: in flammās videlicet surgente libidine, cū scintilla contemnitur. Adhæc in res levissimas ingentes sumptus profudit. In solis emendis & alendis catellis Melitenfibus centum aureorum millia quot annis insumpsit, in psittacis simiisque non minorem pecuniam.

Trahebatur interea bellum, Hugonotis provincias diripientibus. **Mombrunus.** A copiis Regiis vix aliud collectum belli pretium, quàm Mombrunus, paulò antè prælio victor, captus, & Gratianopoli à senatu perduellionis damnatus, & capite truncatus, unus ex præcipuis Hugonotorum incendiariis. Subrogatus ab illis Lediguerius, nobilis Delphinus, bonus miles in causa mala.

Regi interim Rhemis inaugurato à Cardinale Guisio (cujus Nuptiæ frater Carolus Cardinalis Lotharingus, vir summus, nuper obierat) data conjux Ludovica, Nicolai Valdemontii Comitis & Mercurii Ducis filia, novum Domus Lotharingicæ & Guisiorum fulcrum. ¶1. Dum autem Lutetia nuptialibus gaudiis personat, Catharina aulam factionibus miscet, & Rex se ipso non melior, in languidum otium, Fuga Alen- sonii ad luxum, & molliem diffluit. Fuga elapsus Alenfonius, Buffiambo- Hugono- sii consilio & ope, rectè ad Hugonotos contendit, ingenti plausu tos, ab iis exceptus, haud ignaris, quantum Regius hic Princeps, co- ronæ proximus, in partes suas propenderet. Nec minù lætatur ea fuga Politicorum factio, ducem sibi potentem præbitum. Rex autem frustra ad eum retrahendum Monpenferium & Nivernensem misit cum exercitu.

Quæ lætitia tum maximè aucta est, quando plures Catholici Apparatus politicæ factionis, quibus invisa erat Regina administratio, & Gui-Hugoniorum favor restauratus, cum Ventadurio & Turrenio, qui fidem torum. necdum ejuraverant, ad Alenfonium & Hugonotos convolarunt, & Condæus cum Casimiro Palatino novum Germanorum exercitum in eorum castra adduxit. Erant tunc in exercitu, ex catholicis &

hæreticis conflato , triginta hominum millia. Supremum imperium auctore Condæo delatum Alenfonio.

Regium exercitum, qui haud paulò minor erat, duxerunt , Guisius Campaniæ Prætor, Maynus ejus frater, Bironius, Strossius. Prælio ab iis victus Torraus Mommorantii frater, qui ante Condæi reditum 2000. equites ex Germania adduxerat. Torraus pugna victus ad Alenfonium, Lavallius verò, Andeloti (qui misère perierat) filius, Argentinam fugâ evasit. Guisius eo prælio gemino vulnere faucius, crure & gena glande confossis, ob cicatricem orthodoxis acceptior, non tam ea deformatus, quam character religionis signatus.

Magnum tamen Catharinæ terrorem iniecit tantus Hugonotorum & Politicorum conspirantium belli apparatus, præsertim ubi etiam Henricus Navarræ Rex, fugâ Parisiis elapsus, se eis adjunxit, ejurata rursus religione, quam vi obtrusam simulato animo se coluisse dixit. Igitur vaferrima mulier, uni dominationi suæ retinendæ intenta, assumptis secum ex carcere Mommorantio & Cosæo, ad Hugonotos profecta, pacis condiciones proponit; quas viribus suis confisi hostes iniquissimas extorquent. (anno 1576.)

Pax quinta
iniquissi-
ma.

Alenfonio datæ urbes Biturigum, Turonum, & Andegavensium, cum pensione annua 100000. librarum in augmentum patrimonii : Condæo prætura Picardiæ cum usu libero, & Perona urbe munitissima, & centum librarum millibus. Contyo Principi, Condæi fratri, Noyæ, & Noclæ, singulis catephractorum equitum turmæ; Turrenio præfectura Turonum. Casimiro, omnium pertinacissimo, immensa pecunia cum ingenti spe. Judicia omnia in Admiralium, Mongomerium, Mombrunum, & cæteros Hugonotos irrita declarata, ac damnatorum memoria in integrum restituta. Hugonotis datæ urbes haud paucae, & eorum religioni plena per totum regnum libertas. En ! quo ambitio & dominandi libido unius sceminæ, factiones instruendis, & nutrientis, christianissimum regnum deduxerit.

Ægerrimè, prout par est, Catholicos habebat tam ampla atque effrænis, quâ luberet, vagandi grassandique hæresi data licentia, totque urbes in ejus sinum conjectæ. Nullum in Rege enervato præsidium : Mater Catharina, dum regnet, in ruinam Religionis laboriosa : res catholica semper in pejus lapsa : hæresis in dies magnis incrementis aucta.

Quare Catholici Religionis avitæ zelo accensi, in Henricum Guisium, Francisci à Poltroto interempti filium, oculos animos-^{52.} Liga-
que convertunt, tanquam unum superstitem fortissimum Religio-
nis proditæ vindicem, inito inter se arcto foedere, quod *sacram Li-*
gam appellârunt. Tres illius præcipui erant articuli. Primo sta-
tutum, communi studio defendendam Religionem Catholicam. Se-
cundo, Regem firmandum in throno. Tertio, restituendam Regni
& comitiorum libertatem : eligendûmque ducem foederis, cui om-
nes foederati obsequantur in rebus Ligam spectantibus. Atque in
hanc unionem vitam & sanguinem addicunt, polliciti, se hostium
loco habituros, qui eidem se opponerent.

Scriptores Galli vehementer in hanc Ligam, quam factionem
Gallie quartam dicunt, bilem commovent, etiam Catholici, &
religiosam vitam professi. Mirum sanè. Hugonoti igne & ferro
Religionem & Regnum per tot jam annos rebelles pessundant. Et
eorum pennis vix non in Cœlum levantur. Nihil illis fortius, nihil
prudenter. Sola aula solique Guisii peccârunt. Liga, cui summus
Pontifex, Rex Hispaniæ, Dux Sabaudia, aliisque Principes ad con-
servandam in Gallia Religionem avitam accefferunt, ipsis est lues ^{crisis de}
Gallie, per contagium sparsa, à facinorosis, delatoribus, prodigis, ^{illa.}
& quibus malum publicum pro deperditis facultatibus foret, pri-
mum admissa : cui omnia deinceps Gallie mala adscribenda.

Sed quid tandem in foedere illo continetur, tanta vituperatio-
ne dignum ? promittunt defensionem Religionis Catholice, in su-
preum discrimen adductæ. An hoc vituperium meretur scripto-
ris Catholici ? promittunt defensionem Regis, Regniq[ue], tot tan-
tisq[ue] procellis à rebellibus jactati. An hoc displiceat fidei sub-
dito ? Comitiorum ad publicum Regni bonum avitam libertatem
defendere promittunt. An hæc tanta lues cordato civi ? Si ab-
usus aliquorum irrepsit postea, is non Liga, sed quorundam pro-
terviæ, ac præcipiti atque indiscreto ardori est imputandus. Ea
rerum humanarum conditio est, ut usus etiam sanctissimi quorun-
dam abusibus sint obnoxii. Dicamus, quod res est. Adulatores isti
non tanguntur præsentè tunc regni statu & illius religionisque pe-
riculo, sed considerant eos, qui ex Hugonotorum partibus tunc
stabant. Superis grates ! quòd per Ligam conservata sit Religio,
& eidem conciliata Domus Borbonica, columen deinceps & fir-
mamentum veræ Religionis.

**Rex Ligæ
accedit.**

Rex ipse Henricus III. cùm fœderatos ad Religionis incolumitatem incaluisse cerneret, Ligæ se adscripsit, ejusque ducem & auctorem professus est; utque Religioni consuleret, & regni calamitatibus mederetur, comitia Blesiam indixit. Aderant præter ambas Reginas, matrem & conjugem Regis, Cardinalis Borbonius Condæi patruus, Contius, & Suesfionensis, Condæi fratres, Monpensierius, ejusque filius Delphinus, omnes ex stirpe Borbonica Regii sanguinis Principes; adhæc Dux Mercurii Ludovicæ Reginæ frater, Dux Maynius frater Henrici Guisii, Dux Uzatensis, cum Parribus Franciæ, & tribus Regni ordinibus, Ecclesiasticorum, Nobilium, & Civium.

**Comitia
Blesensia.**

Rex auditis suffragiis, ad Navarrum, Condæum, & Damvillam legatos mittit, qui eos ad comitia invitarent, docerentque, omnium Ordinum calculos ad unius Religionis cultum suffragari. Navarrus respondit, fieri non posse, ut una duntaxat Religio colatur in Francia; ad se quod spectaret, eam se amplecti, quam sanctiorem crederet; si Deus aliud in mentem induceret, paratum se divinis nutibus obsequi. Condæus legatos non admisit, causatus, se hostium cœtum non habere pro Comitii Regni. Moxque ad bellum delectum habet, ac vim intentat. Damvilla, Annæ Mommorantii filius, qui Occitaniam Hugonotorum ope perginax insedit, Catholicam Religionem se tueri, respondit; negavit, legitimum esse Comitiorum conventum: hæresin bello, quod appararetur, adaugendam potius quam tollendam.

**53.
Bellum
sextum.**

Rege obfirmato, ex comitiorum sententia nullam in regno publice religionem tolerare præter orthodoxam, Hugonoti ducibus Navarro & Condæo, Ministris verò instigantibus, in arma ruunt, bello jam sexto conflato. Rex duos instruxit exercitus, quorum alterum Alenfonius frater, legataria in Regnum potestate donatus, modò infensus Hugonotis, alterum Dux Maynius duceret. Noluit etenim Alenfonius, ut alter exercitus Guisio, quem oderat, traderetur. Legatum tamen eundem suum, cum Nivernensi & Aumalio admisit, Birone tormentorum præfecto, & Chastrio castrorum. Damvillam pariter Rex occultis consiliis eripuerat Hugonotis.

Pax sexta. Hac ratione instructis Regiis exercitibus, captis multis urbibus Hugonotorum, eorumque copiis attritis, haud operosum fuisset, factionem undique afflictam extinguere; cùm Rex, otii inertis cupidine, Alenfonio expeditionem Flandricam parturiente, probrosam pacem (anno 1577.) iniit, iisdem ferme conditionibus, quæ su-

perio-

periore pactione à Regina fuerant promissæ ; nisi quòd religionis exercitium arctioribus aliquantùm finibus fuerit circumscriptum. Pax ista in Occitaniam nuntiata diremit prælium, ad quod accinctæ stabant copix Danyillæ, & Castillonii, qui Gasparis Colygnii, admiralli, patris sui, furores strenuè prosequébatur.

Indignabantur Catholici fœdere colligati, rebus suis adedò florentibus, tam iniquam pacem esse initam, velut à victoribus Hugonotis, ubique profligatis, dictatam. Aucta est aversio animorum à Rege, propter gravia tributa, populo imposita, & in juvenes amassios profusa. Quorum tamen plures summo ejus dolore violentè trucidati sunt.

His igitur rebus quantò magis marcescebat subditorum amor, tantò majora incrementa sumpsit Liga, cui novum potènsque fulcrum substravit Rex Hispaniæ ; dum Alenfonius, aulæ pertæsus, atque à Belgis quibusdam invitatus, expeditionem Flandricam suscepit. Dum enim Francus Calvinistarum partes fovebat in Belgio, Hispanus Catholicos tueri cœpit in Gallia. Captæ ab Alenfonio aliquot urbes ; sed orta inter eum & Casimirum æmulatione aliquantò post in Galliam rediit ; tentaturus postea expeditionem alteram, sed eventu neutiquam meliore.

Eos inter aulæ variantis æstus Rex ordinem S. Spiritus Nobilitati instituit ; ordine S. Michaëlis, cujus auctor erat Ludovicus XI. jam vilesciente, ac traducto ad vilissima capita, ut adedò torquis equestris non ampliùs esset nobilitatis insigne, aut præstantium meritorum præmium, sed mercatorum ornamentum aut dedecus. Vilitatem nempe post Henrici II. tempora fecerat copia.

Tempus jam aderat, quo Hugonoti urbes, sibi obsidum loco datas, Regi debebant reddere. Ne id faceret Navarrus, persuaserunt (quod prorsus absònum) proximi Regis, Catharina mater, factionum bellorùmque nutrix, Alenfonius frater, pariter quietis osor, Margaretha soror, Navarri Conjux, infensa fratri Regi, quòd ab eo ad maritum ab aula Parisina remissa esset. Verè inimici hominis domestici ejus.

Septimum igitur cum Hugonotis bellum erupit, à Navarro illatum, & quinque in provinciis gestum, in Pictonibus, Picardis, Occitanis, Delphinatibus, & Aquitanis, Hugonotis, Ministrorum afflatu, dato signo ad arma convolantibus. Rex, ad belli fragorem tandem ab inertis otii sopore excitatus, tres conscribit exercitus : quorùm unum Biro in Aquitaniam, alterum in Picardiam

54.

Bellum
septimum

Matignonius Marescallus, tertium in Delphinates Maynius duceret; Ludio cura data Pictones compescendi, Occitanos Damvillæ, à fratris morte nunc Mommorantii Duci.

Faram in Picardia ubi Condæus ceperat, Picardi præ cæteris incensè Catholici, cum Maynio provinciæ Prætorè amarè conquiesci, in visceribus Provinciæ novam Genevam erigi, Ligæ fidem implorant. Matignonius igitur cum Guisio, Aumalio, Valeta, urbem expugnat, Condæo in Angliam ad El sabetham, in Belgium ad Orangium, in Germaniam ad Casimirum, Calvinianæ factionis homines, ad conquirenda belli subsidia excurrente. Maynius interea cum Mura expugnata totum Delphinatum recepit, Lediguerio Hugonotorum duce incassum obfistente.

Pax septima.

Et licèt Navarrus Cadurcum in Aquitania magna prudentiæ, fortitudinis, & constantiæ laude expugnarit artisque militaris tyrocinium ibidem posuisse dicatur, nihilominus, cùm à Bironio, aliisque Regiis ducibus ubique in arcum cogeretur, atque iterum Hugonoti in extremis agerent, levi impulsu agendi præcipientes, Rex, & suus & catholici fœderis hostis, Hugonotis rursus pacem obtulit, superioribus transactionibus renovatis, explicatione duntaxat levis momenti adjuncta, (anno 1580.) quasi verò catholici exercitus ideo solum vincerent, ut hæresin auctoritate Regia stabilirent, aut saltem eum tantum in finem tot bella, tot subditorum sumptibus gerantur, ut innumerabilium mortalium sanguis & vita prodigantur.

55.
Regis
indoles.

Rex bello gloriose confecto, & pace ignominiose composita, in veternum relapsus, fœminis & juvenibus imperitis, quos amabat, Regni habenas permisit; neglectis præstantibus viris, quos virtus, ætas, res gestæ, collectaque rerum usu experientia, dudum erudierant. Quin juvenes illi, Sanlucius, Dosus, Arquius, Valeta &c. præcipuis muneribus admoti, ac Regis gratia abuli, superbi in Proceres & avari in populos, & cunctis intolerabiles, comparabant in ipsum Principem immensum odium. Præcipuè ubi Arquium & Valetam, qui totum Regem possidebant, Pares Franciæ & Duces creavit, illum Joiosæ, hunc Epernonii, & in illius cum Reginæ sorore nuptias incredibiles sumptus, subditorum sudore partos, effudit. Alteram Reginæ sororem Epernonio despondit, sed illa Christum sponsum prætulit.

Et hæc quidem odium populi, contemptum verò accersebat variabilis semper genius, à choreis etenim & nugis revolutus ad

extre-

extremæ probitatis cultum cœnobitam induit ; accitis in luparam Monachis , canonicas inter eos horas concinere , cœtibus pœnitentium cucullo tectus candido interesse , cilicium induere , se flagellis cedere. Indole nempe cerea jam ad voluptates immodicas , jam ad pietatem extremam flexili. Quo fiebat , ut ficta crederetur religio , quæ fulguris instar evanesceret ; pravo semper ad deteriora credenda mortalium sensu.

Promovebant indignationem catholicorum susceptæ in exterarum Expeditionum provincias adversus Regem catholicum expeditiones bellicæ , dum in Belgium , proprii lares flagrant incendio. Nam Alenſonius alteram in Belgio tentavit alcam & classis Gallica in Azores pro Antonio Lusitano adversus Hispanum missa. Utraque expeditio malè suscepta , dignum se eventum habuit : hoc est , infelicem. Alenſonius , magnis spebus decoctis , inglorius rediit. Strossius , classis Gallicanæ Et Azores. præfectus , ab Hispanis ad Terzeram victus , captusque. Abreptæ Francis octo naves , cæsa bis mille hominum , capti trecenti , in quibus erant octoginta Nobiles ; quos Marchio Sanctacrucius , classis Hispanæ Præfectus , veluti piratas & prædones publicos , in publico foro suspendio necari jussit. Nèc tentata iterum expeditio feliciter cessit ; Chassio ductore classis à Sanctacrucio ad deditionem compulso , & remisso in Galliam. Ita nempe Franci domi victores victique , exterorum triumphum adornabant , longinquas expeditiones semper infaustas experti.

Ab expeditione Belgica Alenſonius Regis frater feliciter su- Alenſonii cepit in vitam alteram ; melius mortuus , quàm vixit. Tum verò mors. fœderati catholici adhuc magis sunt accensi , metuentes , ne Henrico Rege , quem impotentem credebant , etiam mortuo , Navarrus , primus è Regio sanguine Princeps ad solium evaderet , eaque ratione ad Hugonotos Regnum devolvatur. Quare Guisus Metus cum fœderatis varia in consilia abiit ; designatusque Henrico Catholico- successor Carolus Borbonius , qui linea quidem Henrico Regi erat rum. remotior , sed gradu sanguinis uno proximior. Accessitque ad hoc consilium etiam Philippus Rex Hispaniæ , fœdere inito cum Guisio Ligæ duce.

Editis igitur geminis scriptis , adversus rationem regiminis , Bellum pro tutela religionis , plures (anno 1581.) urbes quæ vi quæ dedi- fœderato- tione fœderati occupant ; & quidem Guisus Tullum & Virdunum , rum. in Lotharingia , Catalaunum & Meserias in Campania ; Maynius ejus frater Divionem totamque Burgundiam , cum omni ferme Delphinatu ; Aumalius , eorum patruelis , totam pene Picardiam : Entra- quius

quius Aureliam , Brissacus Andegavum : accessit Lugdunum arce diruta.

Pax.

Quamvis autem Epernonius , Jojosa , & Matignonius , Regii Duces , se opponerent , & aliquot fœderatorum cohortes caderent , nihilominus Rex metu percussus ad matrem , sacram velut ad anchoram confugit. Illa Guisium conveniens , pacem impetrat , ea lege , ut Rex Hugonotorum religionem prohibeat. Ad eam Regno pellendam fœderatis Principibus committantur exercitus. Iisdem Ducibus obsides urbes dentur , Catalaunum , Rhemi , Sandesfrum , Tullum , Virdunum , Divio , Belna &c. Cardinali Guisio , Ducibus Mercurio , Guisio , Maynio , Aumalio , Elbovio , Ducibus fœderis (qui omnes erant ex stirpe Lotharingica) simulque Cardinali Borbonio , designetur miles ad corporis custodiam. Tribuatur pecunia ad solvendum Germanis stipendium , & arcem Viroduni erigendam.

56.
Octavum
bellum

Ea pactione Navarrus , Condæus , cæteraque Hugonotica factionis capita , velut fulmine afflata , vim vi repellere statuunt , abductisque à fœdere Nivernensi Duce , & Damvilla seu Mommorantio , octavum , omniumque gravissimum bellum inchoant , petitis etiam ab Elisabetha & Germaniæ Protestantibus subsidiis. Et licet Lediguerius aliquas urbes ceperit , tamen Hugonoti sub Condæo , Turrenio , Trímollio , Castillonio Gasparis , & Lavallio Andeloti filio , in turpem fugam versi , atque à Regiis & fœderatis Ducibus , Jojosa , Guisio , Epernonio , Maynio , Aumalio , Brissaco , Birone , Chatrio , Matignonio , ferme penitus erant prostrati , exercitu eorum dissipato , Condæo in Angliam fugiente , Navarro in Benearnia sua se continente : Rege novis edictis , Pontifice sacris fulminibus in Hugonotica factionis capita tonante.

felix initio.

Legati
Protest.

Multi tunc ad Majorum Religionem reverti , quam patria extorres vivere maluerunt. Margaritha post Sixti diploma à Navarro conjuge , uti à Christianorum sacris abscisso , discessit. Sed Condæus ex Angliâ cum classe & pecunia rediens spem Hugonotorum rursus erexit ; quæ tunc maximè crevit , cum legati Protestantium Luteriam ad Regem pervenerunt ; postquam Navarrus per Bullionium , Fridericum Wirtembergicum , & Bezam , Genève ad Helveticos missum , rogaverat , ut religioni oppressæ opem ferant.

Erant autem Protestantes , qui legatos miserant , Rex Daniæ , Electores Palatinus , Saxo , & Brandeburgicus , Principes Imperii , Archi-Episcopus Magdeburgensis , Dux Brunsvicensis , Landgravius

Haf

Passæ, atque civitates liberæ, Argentina, Ulma, Norimberga, & Francofurtum, cum Cantonibus Helvetiæ acatholicis. Legati Germani scripto tradito acerbè conquerebantur, fidem subditis violatam. Rex ira excandescens, respondit, sui esse muneris edicta condere, abrogare, mutare, pro rerum temporumque varietate; mentiri eos, qui dicerent, se abrogando edictum fidem fefelisse. Qua voce offensi legati bellum minantur; ac Principes suos ad illud quantocius inferendum instigant.

Rex Germanorum atque Helvetiorum metu percussus, pacem Hugonotis offerre cogitat; obistente Guisio, qui telam cœptam pertexendam dicebat; atque fœderatos suos ad hoc animat. Quare, cùm Rex nōisset, matrem propter ariēlam affinitatem propensio-riorem in Lotharingos, Villaregium & Nivernensem in fœdus prop-niores suspicaretur, Epernonium à Guisiiis prorsus alienum sciret, nemini fudit, sed uno se ipso in consilium adhibito statuit, catho-licorum fœderatorum, & Hugonotorum factionem, utramque sibi invisam, alteram per alteram infringere.

Quam ob rem tres instruit exercitus. Primo præficit Eperno-nium, jam à puero sibi charum, Valetiam antea nuncupatum, usque dum eum Epernonii Ducem creavit, ea dignitatis prærogativa, ut omnes duces antecederet, exceptis Principibus Regiis, ac iis, qui orti essent ex familiis, Longavilla (quæ à Carolo sapiente Rege Franciæ, sed impare thoro, descendit) ex Lotharinga, ex Sabau-dica, uti Nemursius, seu Nemerofus, aut ex Nivernensi (ad Gon-zagas devoluta) utque Epernonio, jam ita sublimato, adhuc ma-jorem auctoritatem & potestatem adderet, eum Tribunal totius in Francia peditatus, atque Phocensis provinciæ Prætozem renun-tiavit, adjecta præfectura Caleti, Metis, Bononiæ &c. Valetæ ve-rò ejus fratri Salustios & urbes transalpinas regendas dedit.

Epernonio igitur, tanta dignitate atque potentia vallato exer-citum dedit, adversus Hugonotos in Delphinatum & Provinciam ducendum. Sed sortem adversarium ibidem nactus est Ledigue-rium; ut adeò præter urbes aliquot occupatas, & deperditum ad Caturigum exercitum, haud magnum operæ pretium retulerit.

Alter exercitus traditus fuit Jojosæ, alteri familiari Regis suavis-simo, Duci jam antè in gratiam creato, & per matrimonium cum sorore Reginæ affinitatem, atque innumeram pecuniam adeptæ. Nunc verò, ut omnibus facultatibus & dignitatibus orna-mentis splendidus appareat, dictus Normanniæ Prætor, præfecturis

arcium, magno pretio redemptis, & in eum congestis. Admirabili præterea præclarum officium resuscitatum, & in eum collatum: patérque ejus Franciæ Mareſcallus proclamatus, inundantis gratiæ exuberantia. Sed amplitudine illa poteſtatis mentem obruente, ut ferunt res humanæ, miſerrimè cecidit.

Nam exercitu in Avernos, Velaunos, ac Pictones, quas provincias Hugonoti incurſabant, à Rege inſtructus, Laverdino dicto copiarum legato, oppida aliquot capit; in quibus Peyra arx, rupi impoſita, inexpugnabilis viſa. Delibata deinde fortuna quibusdam cum Navarri copiis, levioribus velitationibus, victor victusque, ſupremam aleam tentandam exiſtimavit. Juſſus equidem fuerat Matignoniſ auxiliareſ jungere copias; & adfuturas designata die is ſcripſerat. At Joſoſa victoriæ animo præoccupans, nec illius Curtracenſiſ conſortem ſuſtinens, ad Curtracum in Aquitania pugnæ ſe offert ſis pugna. præcipiti conſilio.

Neque cunctatus Navarrus, in quatuor agmina diviſit equitatum. Primum duxit Sueſſionenſis Condæi frater, cum Contyo itidem fratre, qui nuper conciliati fuerant Navarro, cum hæcenus Regias partes eſſent ſecuti. Secundum agebat ipſe Navarrus, tertium Condæus, quartum Turrenius; peditatus tribunis commiſſus. Fauſtum erat Joſoſæ initium pugnæ, ſed triſtis exitus. Nam relictæ Navarro inſigni victoriæ, captus ipſe eſt, atque contra juſ gentium à duobus centurionibus necatus. Meliorem partem elegit Henricus Joſoſæ frater, qui, mortua conjuge, Epernonii ſore, generoſo pede calcans ſplendentem mundi vanitatem, Capucinatorum ordinem ingreſſus eſt.

Licet autem memorabilis illa Hugonotorum fuerit victoriæ, cæſis Regionum quinque millibus, quingentis captis; quos inter Laverdinus, Joſoſæ legatus, Sanlucius, multique alii nobiles. Nullus tamen alius victoriæ fructus fuit, Navarro, exercitu ſoluto in Benearniam, Condæo Rupellam regreſſo. (anno 1587.)

58.
Guifiſi
gloria.

Vices majori cum emolumento rependit Guifiſius, quem, ſibi propter ſœdus inſiſum, Germanis Helvetiſque, per Lotharingiam in Galliam irrupentibus, objecit, ut vel vita, vel militari laude populiſque amore excidat. Erant Germanorum atque Helvetiorum ultra triginta millia, ductoribus Donavio, quem Caſimirus ſibi ſubſtituit, Bullionio, ejusque fratre Marchio, quibus Contyus, Caſtillonius aliique Hugonotorum Duces adhuc plura millia adduxerant. Guifiſio, ut certiùs periret, modicas Rex copias dederat;

nam

nam licet Carolus Dux Lotharingiaë militem suam jungeret, & Parmensis ab Artesia suppetias mitteret, suosque amicos Guisus privato sumptu arcefferet, tamen non ultra duodecim millia sub signis habebat. Majorem multò exercitum, in quo Monpensierius, Nivernensis, Epernonius, Aumontius, Rhetius, Marefchalli, Oliverius Cancellarius, Villaregius, & Proceres magno numero, Rex ipse postea ad Ligerim ducebat, inter Navarrum & Guisum medius, ut Guisio cæso, Germanis se opponat, & cum Navarro conjunctionem impediat.

Guisus cum quatuor duntaxat millibus (nam reliquas copias in Burgundiam & Picardiam dimiserat, ne Rex quid in fœderatas urbes tentaret) Germanos equites ad *Alnaum* prælio aggressus, præclaram retulit victoriam, cæsis 3000. captis septem vexillis, 3000. equis, 800. plaustris, & præda ingenti. Post Guisii gloriam Sanpauli præsertim virtus ea in pugna enituit. Alios Epernonius cecidit: Helvetios pecunia persuasos Rex domum remittit. Reliqui conditiones, ab Epernonio oblatas admiserunt: ut domum redeuntibus esset securitas, vexilla complicata in arculis deferrent, Francis impunitas foret. Atque ita ingens illa & formidanda moles disjecta est, summa Guisii gloria, Hugonotorum dolore multò maximo. (anno 1587.)

Prostratæ tunc fuissent Hugonotorum vires, si in eos trepidatione attonitos ducere placuisset victrices copias, Contyo, Bullio-^{59.} Offensio-
nio, Castillonio &c. fuga dispersis, Condæo mortuo; nisi æmulatio, invidia, odium, eversis melioribus consiliis, tragediam adornassent multò tristissimam. Prælusum mutuis offensionibus. Rex odio Guisæ gentis Admiralii dignitatem cum Neimannia Prætura in Epernonium, Guisorum inimicum contulit, quam Guisus Brisfaco amico suo petiverat. Picardiae Præfectura Aumalio erepta, & in Nivernensem collata, ut totus abstraheretur à fœdere.

Verùm Aumalius eam dimittere noluit; & interim Guisus, Nanceii cum Duce Lotharingiaë, aliisque suæ stirpis, & fœderatorum Ducibus de rei summa consilio inito, postulata ad Regem misit, ut is se arctius ad fœdus applicet; eos à Iraturis amoveret, quos designaverat; Concilium Tridentinum admitrat; Inquisitionis tribunal inducat, urbes designandas in securitatem fœderatis committat. Simulque graviter queritur, se ac familiam suam haberi despectui, suis inimicis imperturi omnia, Catholicam Religionem premi.

Cùm Rex de istis deliberando cunctaretur, & in graves iras surgeret, Parisienses verò Guisum, eum Catholicæ fidei ac patriæ conservatorem, laudibus immensis celebrarent, in Regem autem, etiam ex publicis concionatorum cathedris, contumelias spargerent, atque in ejus perniciem consilia coquerent, alimenta urbi seditiosæ inferri vetuit. Parisienses per sexdecim, variis urbis regionibus præfectos, legatione missa Guisum rogant, ut urbi pressæ succurrat, illiusque tutelam suscipiat.

Guisus
Lutetiam.

Guisus, quamvis res in omnem partem plena esset periculi, nihilominus cum septem duntaxat Nobilibus Parisios inermis ingreditur, atque tutelariorum velut de cælo genius à populo excipitur. Ad ædes Catharinæ Regina primò divertit; quæ aspectu viri attonita, mittit ad Regem, qui adventum nuntiaret. Is improvisò nuntio percussus, atque cogitationum æstu jactatus; raptante hinc odio, illine metu, anceps animi per aulam discurrit, ac tandem conceptum pridem mentis decretum de eo necando, impellentibus juvenibus aulicis, exequi statuit.

Accitus proin ad Luparam, solo animo fretus cum Regina accedit; hæc sella gestabatur, ipse pedes nudo capite comitabatur, advolante amplissima civitate, & frequentes inter applausus acclamante: vivat Guisus, vivat Ecclesiæ columen: quin genibus nixi prætereuntem salutabant.

Periculum.

Ad Regem in Luparam perductus, percontanti, quid venisset, à quo vocatus, tanta modestia respondit, ut Rex pacatior ad Reginae ædes eum remiserit. At mox ira recrudescente, & fermento animi exæstuante, statuit extemplo vindictam exequi. Ad Reginae domum insequitur, ubi cum Catharina in horto deambulanti rursus aggreditur, cur contra suam prohibitionem, litteris significatam, Parisios venisset. Jurat ille, se nullas ea de re accepisse litteras. Incalescentibus animis Mater Regem abducit, & cum Guisio semotis arbitris colloquitur.

Interea Sanpaulus de Guisio sollicitus in hortum evaserat, & plurimi ex plebe circumstant Reginae ædes, nec pauci supra horti muros intraverant. Quorum præsentia Rex à consilio dimoveatur. Sequenti die nobiles ex Lotharingia & Picardia magno numero ad Guisum confluunt, cum 400. militibus, periclitanti opem qui ferant. Rex exteros urbe jubet faceffere; sex millia hominum ex legionibus Prætorianis, Francis atque Helvetiis, advocat, & in variis urbis regionibus collocat. Insurgit civis: conclamatur

ad

ad arma. Luparæ propius se admovent. Guisus absque custode, patentibus ædibus, solus obambulat ; Rex tumultu civis & peregrini militis territus, fugientis instar Lutetia se proripit. Dum Bi-Rex disce-ro & Aumontius Prætorianum militem urbe educunt, Helvetiorum dit. unus sclopetum explodit : mox cæteri saxorum grandine ex ædibus depluente mactantur. 70. quæ necati, quæ saucii furorem plebis expleverunt.

Guisus Regis fuga percussus, licet multæ civitates, imò inter- Pacta cum Guisio. græ provinciæ ad eum scdusque accederent, Lutetia ad quietem composita, pacem à Rege, qui Carnuti sublitterat, Catharina matre interveniente, impetravit, in has leges scriptam : Rex hæreticos Principes à spe Regni excluderet. Tridentinum reciperet. Præter probatos Catholicos nemini Præturas aut dignitates conferret. Privatis pactis Guisum *militiæ Francicæ summum Magistrum* dixit, abrogata *Comestabilis* voce, Regi invisa. Picardiæ Prætura Aumalio confirmata, Lugdunensis Nemursio, Guisii fratri uterino, Parisiensis Brissaco. Multæ urbes designatæ, quæ darentur fœderatis obsidum loco. Duos exercitus Rex instrueret ; quorum alterum in Delphinates duceret Maynius, alter in Pictones adversus Hugonotos mitteretur. Jurejurando se Rex obstrinxit, ad has condiciones servandas. Fœdus verò, abrogato Ligæ nomine, *Unionem* catholicorum voluit appellari. Subscripserunt paci post Regem Principes. (anno 1588.)

Legatis dein Parisiensibus, rogantibus, ut Lutetiam rediret, respondit, habenda prius Blesiae comitia. Mox Carnuti Guisum excepit, à Catharina adductum summa benevolentiae significatione, tecto videlicet animo, ut certiùs feram in casses agat. Simulque Eperonium, Guisii inimicum, aula abscedere jussum, Normanniæ Prætura spoliavit, suffecto Monpenserio, Guisii ex sorore nepote. Sic ingens illa in Eperonium gratiæ moles momento soluta, & potentiae Colossus vel auræ flatu excussus. Valeta frater parem ferme sortem passus. Eperonius Incolisnam abiit. Quamvis nec ibi quieto vivere licuit.

Rex interim Regni comitia Blesiam convocat. Sedebant ad dextram Regis stirpis Regiæ Cardinales, Borbonius Navarri & Con- 60. Comitia Blesensia. dæi defuncti patruus, Cardinalis Vindocinensis, Principes Contyus, & Sueffionensis, omnes tres Condæi fratres, Princeps Monpensierus ex eadem Borbonica familia, dein Duces, Nemursius ex Sabaudica stirpe, & Nivernensis ex Mantuana : Rhetius Marefcallus &c. ad

lævam Cardinales, Guisus, Lenoncurius, & Gondyus. Duci Guisio peculiaris locus datus. Juratum à singulis, Rege præeunte in Unionis, nuper sancitæ, edictum. Postulabatur à Rege, ut Magistratum infinitam turbam minuat, tributa ad eum modum reducat, quo tempore Ludovici XII. fuerunt exacta. Officia publica non vendantur. Navarrus propter hæresin à successionem Regni renuntietur dejectus : adjecta alia, ex quibus constaret, Guisum & foederatos in comitiis dominari.

Præterea duo alia magna contentione agebantur, causa nempe Salussiorum, & receptio Tridentini. Quippe Carolus Emanuel Sabaudia Dux, magnorum spirituum Princeps Philippi II. gener, cum res Franciæ adeo perturbatas spectaret, Marchionatum Salussiorum, qui solus in Italia post pacem Cameracensem Gallis remanserat, expugnata Caramaniola, eripuerat, urbibus reliquis, nullo præsidio munitis, facile se deditibus. Rex graviter questus evicit, ut in comitiis bellum Sabaudum denuntiaretur, Guisio suam operam ad id offerente. Sed intra verba bellum tunc hæsit.

Nec minùs molestiæ comitiis attulit deliberatio de admittendo Concilio Tridentino. Quod cum flagitarent Ecclesiastici ab annis pluribus, Rex comitiis permisit. Contra illius receptionem dixit Espeffius Advocatus Regius, de immunitatibus Ecclesiæ Gallicanæ multa prolocutus. Interpellabant hominis loquacitatem Cardinalis Guisus, aliique Præsules. Sed eam inter contentionem cœtus solutus est ; Rege alia consilia excoquente.

Insidiæ

Cum enim comitia urgerent tributorum remissionem, Navarri solennem abdicationem, comitiorum potestatem, qualis in Anglia, Suecia, & Polonia esset, ut Guisus cum summo in militiam imperio comestabilis appellaretur, aliaque, quæ Regiæ potestati officerent, Rex iræ impotens Guisiorum cædem decernit, præsertim ubi jam ardentem in flammam accenderunt eorum inimici. Et ne ultor necis exurgat, designatur Ornanus, qui Maynium Lugduni comprehendat, Aumalium Parisiis Harlæus senatus Princeps, Laverdinus Chastrium in exercitu, Nivernensis Mercurium Nannetis.

Cædes

Monitus de insidiis à familiaribus Guisus discedendi veniam à Rege petiit : at ille facinus patraturus, summa benevolentia cum retinet. Collocatisque in cubilibus suis sicariis virum incomparabilem jubet interimiri. At necdum lassata crudelitas, Ludovicum etiam Cardinalem Guisum, Henrici precepti fratrem, funus cruentum addidit. Mox variis in locis capiuntur Cardinalis Bor-

bo-

bonius, cum Archiepiscopo Lugdunensi, Nemursia caesi mater, Joinvilla filius, Nemursus, Elbovius, Brissacus, alique plurimi. (anno 1588.) Regi, ob Cardinalem caesum à Nuntio Apostolico denunciata censura. Catharina mater audita Guisiorum caede, extincta est, anno ætatis 72. postquam Galliam factionibus misenit, luxum peregrinum induxit, modestiam à foeminarum moribus ablegavit, Hugonotis crescendi occasionem dedit.

Nuntiata Guisiorum caede tota Gallia vehementer fuit commota, Hugonotica & Politica factione plaudentibus, foederatis Catholicis, gravissima, atque iustissima, ut putabant, ira in Regem fermentibus. Mox plures ac præcipuæ urbes à Rege (quem Henricum Valesium compellabant) defecerunt. Parisiis ingens tumultus. Concionatores ex cathedris tonant, civis in foro, plebs in compitis; in sacra etiam claustra pervadit indignatio. Sorbona decreto sancit, Francos sacramento fidei & obsequii in Regem solutos posse in eum bellum suscipere. Sexdecim viri Harlaum primum senatus Præsidentem, cum Christophoro Thuano, Brissonio, & Seguerio Præsidentibus in Bastillam abducunt, sequentibus in eundem carcerem reliquis senatoribus. Juratum ab omnibus ordinibus Unionis editum, ad conservandam Religionem Catholicam. Maynii occisum fratrem dictus urbis Gubernator. Tantæque erat exacerbatio, ut piaculum morte dignum haberetur, si quis Henricum Regem appellaret, aut tabulam ejus pictam domi haberet. Tota denique civitas sagum induit.

Lutetiæ exemplum secutæ aliæ urbes & provinciæ, fidem & obsequium Henrico renuntiârunt, uti Aurelia, arce ab Aumalio expugnata, pulsóque Aumontio, Ambianum & Abbavilla cum Lauduno in Picardia, tota Campania præter Catalaunum, in Normannia Rothomagus parlamento expulso, Bajocæ, Falasia, ceteraque urbes ad Sequanam; Cænomanum, Pictavium; cum Divione tota Burgundia, Lugdunum, & cum Massilia, Arelate, & Aquis Sextiis tota Phocensis provincia, Valeta & Epernonio pulsus; Bituricenses cum urbe primaria, impellente Chastrio Gubernatore; Arvernii inferior. In Delphinatu Ornanus Gratianopoli à foederatis pulsus. Britanniam Dux Mercurius (seu Mercordius) à Rege abducit. Tolosa denique, ab Hugonotorum fermento immunis servata, foederi accessit, Duranto senatus Præsidente necato & in furcam acto. Burdegallam adversus Brissacum Matignonius Regi servavit, & aliqua in Normannia Monpensierus.

61.
Defect o-
nes à Rege.

Conven-
tus.

Rex conventu indicto, in quo comparuerunt, Contius, Sæffionensis, Monpenserius, ejusque filius Dombensis, & Nivernensis, Principes: Biro, Aumontius, Marefcalli: admissio dein etiam Epernonio, adversus Maynium, Aumalium, Mercurium, Brissacum, Chastrium, Roissium, aliosque foederis Duces, & urbes foederatas, edicta promulgavit. Romamque ad Cardinalem Joiosam, & Pisanium Oratorem suum scripsit, ut ob Cardinalem Presbyterum casum absolutionem à Pontifice peterent. At Sixtus exorari non poterat, obfistentibus Maynii legatis. Spem tamen fecit, si Rex Cardinalem Borbonium, & Archiepiscopum Lugdunensem custodiâ dimitteret.

Petitio ab-
solutionis.

Verum ea spes brevi evanuit, ubi Rex cum Navarro pacem ac foedus iniit. Tum enim verò exandescens Pontifex Monitorium, ut vocabat, Romæ, & in ipsa Francia Carnuti & Meldis affigi curavit, quo jubebat, ut Rex Cardinalem & Archiepiscopum liberos dimittat; quod nisi decem intra dies faceret, declarabat, eum censuras gravissimas incurrisse. Cunctante Rege & foedus cum Navarro prosequente, Nuntius Apostolicus ex Gallia discessit, & Regis Orator Româ.

Regis fœ-
dus cum
Navarro.

Auxit aversionem foederatorum à Rege libellus, cujus auctor Mornæus, homo doctus, sed malignus Calvinista, per quem Navarrus cum Rege foedus inierat. Volebat hoc scripto Mornæus pacem & foedus initum à labe purgare; sed cum plura in defensionem Hugonotorum inspergeret, Regem in hæresis suspicionem, & adhuc majus foederatorum odium adduxit. Nam passim Regem hæreticum proclamârunt, noménque ejus è sacre liturgiæ precibus eraserunt, verbis substitutis: *pro Christianis Principibus nostris*. Mornæus nihilominus in præmium Salmurii Præfecturam accepit.

Mornæi li-
bellus.

Maynii.

Maynii, ad quem capiendum Ornanus missus fuerat, tanquam Numen quoddam Parisiis exceptus est, throno velut Regio à civibus apparato. At ille regis titulo repudiato, urbe composita, dictus est regni legatus atque Vicarius; fractoque Regis sigillo, substitutum est aliud, his verbis inscriptum: *sigillum Regni Franciæ*.

Lutetia digressus cum exercitu Maynii, capto Vindocino, ad Turones, ubi Rex morabatur, copias admovet; & propè aberat, quin eum egredientem caperet. Rege in urbem regresso, pugnaque cum Regiis feliciter conferta, suburbium Maynii occupat. Verum Castellonio cum parte Hugono ici exercitus adveniente, & deinde Navarro cum parte altera, incenso suburbio, ad Vindecinos se recipit.

Aumalius interea Sylvanectum, quod Toræus Mommorantii frater propugnabat, obsidione cinxit, & ad extrema jam redegerat; cum Longavilla & Noya adductis Regiis copiis, commissaque pugna Aumalium in fugam agunt, caelis foederatorum duobus milibus, castrisque eorum direptis.

Coniunctis dein Hugonoticis Navarri copiis cum Regiis, per Helvetiorum adventum auctis, Rex & Navarrus exercitum, quadraginta hominum millibus constantem, ad Lutetiam expugnandam ducunt. Jamque dies secunda Augusti (*anni 1589.*) designata erat ad impetenda suburbia, cum pridie ejus diei Rex occiditur. 62. Obsidio Lutetiae.

Perseverabant nempe Concionatores è pulpitis detonare in Regem; & inoleverat passim plurium animis tetra illa & in publicum noxia opinio, licere tyrannum occidere; cum è Patrum Dominicanorum familia ea opinione imbutus parricida exurgit Jacobus Clemens, nuper inauguratus sacerdotio. Is cum cultrum parasset, litterasque, urbe in castra egressus, atque introductus ad Regem, cui soli litteras à se tradendas dicebat, cultrum è manica eductum in ejus alvum abdit, visceribus cum sanguine prorumpentibus. Rex cultrum extrahit, eoque duo vulnera parricidae infligit. Accurrunt aulici & impium percussorem pluribus plagis confodiunt. Cædes Regis.

Rex, ubi, se obsequentem Ecclesiae filium professus, ob casum Cardinalem & victos Praesules veniam petiit, à censura absolutus est, confessione etiam sacramentali deposita, aliisque Ecclesiae munitus praesidiis, pie obiit, ætatis anno 39. regni 14. ultimus stirpis Valesiae. Dotibus erat præclaris; sed eas obscurabat aulae corruptela, & factionum confusio.

ARTICULUS VIII.

Status Galliae sub Henrico IV.

EXtincta per Henrici III. eadem Valesia familia, quæ per 260. annos solum tenuerat, luctus, gaudium, spes, metusque, pro cuiusque animo, totam Franciam habebat confusam, & Europam omnem expectatione suspensam, quo demum res sit evasura. Sola quippe supererat è Regio Hugonis Capeti, & , ut multi opinantur, Caroli M. sanguine stirps Borbonica, per Robertum Claremontanum, S. Ludovici filium nati minimum propagata.

Et quidem secundum legem Salicam jure repræsentationis ac primogenituræ corona debebatur Henrico Borbonio, Duci Vindocinensi, ac Navarræ Regi (quem Navarrum hæcenus appellavi) sed quia Calviniana labe erat infectus, Proceres Catholici, qui à fœdere alieni defuncti regis partes tuebantur, in cœtum collecti deliberant, atque in tres sententias abeunt.

63. Longavilla cum aliis sceptrum Henrico absque ulla conditione deferbat. Altera plurium sententia exigebat, ut illico Catholicam Religionem profiteatur: id si præstaret, res tota ad Regni comitia referatur. Tertia Mompenserii, & Pinzi, eaque media obsequium eidem statim addixit, ea tamen conditione, ut intra sex menses Catholicam Religionem se doceri curaret, interim verò Hugonoticam prohibeat, nullam illis Præturam aut Præfecturam concedat, liceretque Nobilibus ad Pontificem legatos mittere.

In tertiam hanc itum sententiam. Nec abnuit Henricus, eo solo excepto, quod de interdicenda Hugonotis religione petebatur. De cætero Catholicos in omnes urbes admittere, & Ecclesiasticis facultates restituere promisit, promulgato in hanc rem edito. Vitrius nolens subscribere fœderatis accessit. Epernonius fœderatis & Hugonotis æquè inimicus cum duobus peditum millibus & quingentis equitum discessit, Henrico frustra eum retinere conante.

Fœderati
Cardin.
Borb.

Contra verò fœderati, magno de Regis nece gaudio concepto, atque à Navarro hæresi infecto tota mente abhorrentes, duce Maynio Parisiis Borbonium Cardinalem, ab adversa parte adhuc in custodia detentum, tanquam uno gradu propiorem stirpi Valesiæ, Regem promulgant, sub nomine Caroli X. Maynio verò vicariatum generalem Franciæ confirmant.

Navarrus 36. tunc ætatis annum agens, postquam exercitum multorum secessione multum imminutum vidit, & Maynium de concordia frustra appellavit, deposita spe capiendæ Lutetiæ, in tres partes copias divisit; quarum unam Longavilla, Princeps Catholicus, in Picardiam duceret, alteram Aumontius pariter orthodoxus in Campaniam, tertiam non ultra septem millia constantem, ipse in Normanniam, opulentam provinciam, in qua Anglica auxilia expectaret.

64. Maynius
Rothoma-
gum libe-
at.

Erant cum eo Contyus, Damvilla, Castillonius, Rohanius, Fortia, Baquevilla. Accessitque Mompenserus Normanniæ Prætor, cum 200. Nobilibus, 1500. peditibus. Interceptis in itinere pluribus arcibus Rothomagum obsedit, quam Aumalius & Brissacus propug-

nabant. At Maynius cum exercitu accurrens eum depulit, & in tantas angustias coniecit, ut Parisios scriberet, se clausum habere Bernium, nec elabi posse, nisi in piscem versus insiliret in pelagus. Verum Henricus licet copiis inferior, pugna *Arcensi* conferta id effecit, ut Maynius in Picardiam recederet.

Instructus interea Rex ab Elisabetha 4000. militum, pecunia & largo ad bellum comite, recta ad occupandam Lutetiam progreditur, ac tribus in locis eam invasit. Ad primum suburbium Et Lutetiam occupandum designati Angli, duce Birone, cum filio & Guytrio : tiam. ad alterum Aumontius & Damville, Catholici : ad tertium Castillonius & Noya. Expugnata omnia tria suburbia. At veniente cum exercitu Maynio Henricus obsidionem solvit ; captisque pluribus oppidis, & urbibus in Normanniam rediit.

Sixtus interea Pontifex misso in Galliam Cardinale Cajetano cum decem episcopis, & Roberto Bellarmino, cujus jam tunc magna erat auctoritas, foederi accessit, una cum Hispano, qui Galliam in tutelam suam deponi cupiebat. At Maynius modicas tantum copias, plures tamen pecunias petiit, atque a Parmensi ex Belgio 2000. militum impetravit, ductore Philippo Egmontio, Egmontii viri fortis filio, cui Albanus vitam ademerat. Sixtus & Philippus ad foedus.

Secuta est mox *Juriacensis* pugna ; quam ab invito Maynio, duce peritissimo Egmontius, militesque extulerant. Utrunque per-Juriacensis tinacissimè dimicatum. Sed tandem Regis victoria fuit, foederatis pugna. magno numero caesis, atque inter eos Egmontio. (anno 1590.)

Tanta victoria dignum non aliud videbatur praeium quam Lutetia, quam Nemursini omni ad defensionem apparatu instruxerat. Noya afflictam recenti clade urbem vi expugnandam censuit, Biro fame ad deditionem compellendam. Hoc consilium placuit. Jamque urbem extrema fames vexabat, multis hominum millibus inedia occumbentibus ; cum jubente Hispano Alexander Farnesius Dux Parmensis ex Belgio exercitum duodecim millium adducit, cui copias suas junxerunt Maynius, Aumalius, Chastrius, Balagnius, Sam-à Farnesio paulus. Navarrus cum exercitu obviam procedit, pugnamque, cu- soluta. jus erat cupidissimus, offert Alexandro. At ille minore impendio Lutetiam liberaturus, ductis clam copiis Lagniacum, urbem ad Matronam munitam expugnat, perque flumen illud magnam cibarium copiam Parisiis invehit, urbis Salvator publicè acclamatus, Navarri contra exercitum inedia cepit infestare, atque inde coëgit recedere.

Tentavit tamen adhuc per Castellonium ex S. Jacobi suburbio
scalis applicitis clam in urbem evadere. Nec procul a successu co-
natus absuit, jam eluctante per scalas milite, nisi pauci Jesuitæ,
qui fortè eo loco dormientibus cæteris intendebant vigilias, ad ar-
ma conclamassent, excitique milites hostem abegissent. Hoc consi-
lio frustrato Henricus in Picardiam, Parmensis verò, expugnato Cor-
bolio, causatus Belgici belli necessitates, in Flandriam rediit, latera
ejus velut stipante Navarro, ad fines Gallia ventum ad arma, con-
sertaque pugna, victoria penes Farnesium stetit.

Obitus
Card.
Borb.

Sub ipsis Parisiensis obsidionis exordiis Fontenæi, ubi captivus
detinebatur, obiit Cardinalis Borbonius, quem foederati Regem re-
nuntiaverant. Confirmata Maynio vicaria in universum Regnum
Præfectura. Editum a Sorbona decretum, quo sanciebat, jure Di-
vino nefas esse, Regem hæreticum admittere. Instituta supplica-
tiones a cœnobitis, crucem læva, hastam, dextra gestantibus. In-
cedebant longis ordinibus, in diversas sacras familias distributis,
cincti gladiis, galeis, loriciisque supra religiosas vestes armati, at-
que diversa armorum genera ferentes; concinebant preces, cre-
bris sclopetorum explosionibus interpolatas. Nemursius verò, Au-
malius, Duces, Tribuni, Magistratus &c. juramento se adstrinxerant ad
Religionis defensionem, & Principis hæretici repulsam.

Bellum in
provinciis.

Dum hæc toto anno ad primariam urbem gerebantur, plerif-
que in provinciis Mars atrociter sæviit, varia fortuna, Henrico ta-
men magis favente. In Andegavis, Cenomanis & Pictonibus Prin-
ceps Contyus urbes expugnabat. Aquitaniam Matignonus com-
pescebat. Arvernæ, parta ad *Issorincum* victoria, Regi asserta.
Lediguerius expugnata Gratianopoli in Delphinatibus & Phocensi-
bus rem strenuè gerebat. Britanniam Princeps Dombensis, Monpensè-
rii filius, & Dux Mercordius lacerabant. At hanc provinciam
Hispanus Isabellæ filia suæ, ob matrem Henrici III. sororem, vin-
dicabat. Missis itaque cum classe copiis Mercordium juvabat. Rex
iterum Lutetiam astu tentavit, centurionibus rusticorum habitu equos
farina onustos ad urbem agentibus. Sed fraus patefacta & explo-
sa est. Captum tamen a Regiis Carnutum. Pluresque ex Catholi-
cis ad eum se applicuerunt, inter quos Ludovicus Gonzaga, Prin-
ceps Nivernensis magnæ in Gallia, licet esset exterus, existimatio-
nis, & Epernonius, qui post mortem Henrici III. se subduxerat.
Quo pacto non parum auctæ sunt illius copiae, tot pugnæ & ob-
sidionibus attritaæ.

Jamque foederatis superior erat viribus ; cum illi ad Philippum Hispaniarum Regem legatum mittunt, qui majora subsidia expeteret. Respondit ille, se inmensam jam foederatis in rem alienam expendisse pecuniam. Galliae coronam filiae suae, à sorore Henrici III. prognatae, esse debitam. Nupturam illam Alberto Archiduci, atque in dotem Belgii provincias allaturam ; qua ratione multum augendam Galliam, si illa in Reginam adscisceretur. Et quamvis orator legis Salicae normam, regnique consuetudines opponeret, tamen copias dedit atque pecuniam.

Perculit ea Hispani mens aequè foederatos, ac Regios. Sed nec minus summorum Pontificum animus varius. Sixtus sub vita Interdium alienior visus à foedere, Catholicis, qui Henricum sequebantur, aures dedit, inhibito legato suo, ne censura eos perstringat. At Gregorius XIV. Mediolanensis in Hispanum praeior, geminum diploma mittit in Galliam. Primo Ecclesiasticos interdicat sacris, nisi ab Henrico Borbonio, haeretico, & relapso recedant. Altero laicos cum minis hortatur, ut eundem deferant. Verum senatus Catalaunensis & Turonensis ausus est utramque Bullam abrogare. A Praefulis etiam, qui Henrico adhærebant, Carnuti declaratum, irrita esse illa diplomata : reclamante tamen Cardinale Borbonio (antea Vindocinensi) quem frater Suesionensis in spem regni adduxerat.

Sacrum fulmen cum non proficeret apud gentem, nescio quibus libertatibus sibi blandientem, profatum Gregorius adhibendum putavit. Indicit delectum : quo scribuntur Helvetiorum sex milia, Italarum duo, ac mille equites ; iisque ducem praeficit Herculem Sfondratum nepotem ex fratre, arario, quod Sixtus congesserat, huc impenso.

Cum Pontifice & Hispano foederatis accessit Carolus Emanuel Dux Sabaudiae ; cui satis non erat Salustios, vivente adhuc Henrico III. eripere, sed eo interempto in Galliam universam jus extendit, quod ex Francisco I. avo materno prognatus esset. Praesertim verò in Delphinatum & Provinciam Phocensem, sibi vicinas, spes suas intendit : suscitato etiam jure ad regnum Arelatense, ad quod provinciae illae quondam spectaverant. Conciliatis igitur senatoribus, Aquas Sextias ad Comitum properat ; à quibus Provinciae regimen cum titulo Proregis sub corona Franciae accipit. Mox Salonio capto Massiliae excipitur, uti etiam Arelate, ac Berrae ; receptisque à Philippo socero auxiliis, spes suas ulterius promoturus videbatur.

Victus,

Sed versa mox est fortunæ alea. Valeta & Lediguerius Regii Duces, nulla ope, nulla pecunia freti, sua industria, fortitudine, summâque in Regem fide, Sabaudum in Provincia fregerunt; tum maximè, ubi Lediguerius ad *Poncharam* in Delphinatu Amedeum ejus fratrem nothum, atque Hispanos memorabili prælio vicit, caesis eorum quatuor millibus, castrisque omni opulentia plenis direptis. Qua parva victoria in Phocensem Provinciam victor advolat, atque substitutus in demortui Valetæ locum, non tantum ex Provincia Sabaudum abigit, sed in Pedemontium quoque irrumpens, complures urbes arcésque expugnat, ac prædiis firmat.

67.
Guiffi libertas.

Prosperis his rerum eventibus Henricum recreatum duo perturbant, Guiffi libertas, & Noyæ mors. Carolus nempe Guiffius, Henrici ab Henrico III. Blesis cæsi filius, viginti tunc annorum juvenis, ex Turonensi arce, in qua captivus detinebatur, cytharædi opera sericum funem nactus, quem in ipsam cytharam indiderat, per fenestram demissus, atque à paratis equitibus exceptus, ad Chastrium evadit.

Turbæ Parisienses.

Tumultuatum interea Parisiis, dum Maynium inter & sexdecim viros serpebat discordia. Quippe Maynius impatienter ferebat, civium turbam ac propemodum faciem in auctoritatem summam assurgere. Quamobrem eam factionem suppressere satagebat. Illi autem, ut contra Maynii potentiam se tuerentur, ad Guiffium, custodia liberatum, verterunt animos, nova condita juramenti formula, ad pellendam urbe factionem Politicorum (nam ita Regi faventes appellabant) simulque omnes Regii sanguinis Principes à regno excludebantur. Tres senatus principes, qui in Henricum propensiores videbantur, suspendio necati. Maynius occasionem nactus, qua sexdecim virorum potestatem usurpatam circumscriberet, novem ex illis per lictorem trahi affigi jubet. Quo facto infinita illa tribunorum plebis potentia sic contrita est, ut deinceps vix amplius assurgeret; simulque senatum ad lubitum mutavit.

Henricus, cum Pontificem, Hispanum, Sabaudum, ac Galliæ foederatos Catholicos adversum se insurgere spectaret, ad externa quoque auxilia animum intendit, accepitque per comitem Essexium tria Anglorum millia, & ex Germania 11000. peditum, equitum 5050. à Palatino, Saxone, Brandeburgo, Hasso, & civitatibus Protestantibus, impensis Elisabethæ scripta; imperio penes Anhaltinum existente.

Conductæ sunt hæ copiae potissimum curâ Vicecomitis Henrici Turrenii ; cui Marescallo creato à Rege uxor data Catharina , hæres Bullionii Ducatus , à fratre instituta ea conditione , si Hugonoto sit nuptura. Quare rejectis nobilissimis , ex Mompenseria , Lotharinga , & Nivernensi familia , procis , Bullionium (quod ad Ecclesiam Leodiensem olim spectaverat) cum Sedano Turreniorum domui intulit. Ex hoc Turrenio natus est magnus ille Gallici exercitus , sub Ludovico XIV. Imperator , Henricus Turrenius.

Henricus Rex cum Germanis , Anglis , Batavis , Gallisque , sibi Farnesius adherentibus , Normanniam ex integro sibi asserturus , Rothomagus , provinciae caput , obsidet , strenuè illam , propugnante Villario. Cedere nihilominus hostium multitudini debuit , nisi Parmensis cum exercitu veniens obsidionem bis solvisset , sicut antea Lutetiam liberavit. Et fregisset omnino summus hic belli Imperator Henrici partes , nisi Maynius , nolens Hispanos crescere , omnibus ejus prudentissimis consiliis se opposuisset. Ita nempe hostis emolumento socius socium turbat , cum ad diversos fines tendunt. Et imprimis quidem Alexander cæsis ad Aumaliam Hugonotis , captæque urbe cum pluribus arcibus & oppidis , Henrici ad Rothomagus munita castra aggredi statuit , ut pugna decretoria pertinaci tandem bello finem imponat. Sed Maynio cum Gallis ducibus foederatis obsistente , cum Villarius faustis eruptionibus hostem fregisset , in hyberna concessit. At cum Henricus mox ad obsidionem rediisset , atque ad desperationem jam ferme redeisset , rogatus Farnesius eandem denuo liberavit. Debellari tunc potuisse existimabatur , si Dux Maynius persuaderi potuisset , ut prælium ineat. At ille potestatis suæ finem metuens , nolensque , ut Gallia ab Hispanis subacta leges acciperet , induci non potuit , ut in prælium consentiret. Dato igitur Navarro spatium , quo exercitum suum , ad Rothomagus valde accisum attritumque , novis undique affluentibus Heterodoxorum auxiliis repararet , Catholicus exercitus in magnam cibarium penuriam incurrit , & à Navarro velut conclusus tenebatur ; sed Farnesius , licet brachio pila tactus graviter saucius , trajectis singulari arte per Sequanam copiis , hostesque prope metante decepto , rem totam restituit , pluribusque propugnaculis aut expugnatis aut deditione acceptis , in Belgium rediit , ubi interea Batavi magnis fuerant incrementis aucti. Et quamquam tam classe nuper in Angliam destinata , quam intercepto ab Anglis auro Indico , aut retardato , atque tot bellis in Gallia , Belgio , Aragonia gestis , ærarium Hispanum erat exhaustum , tertiam nihilominus in Galliam expe-

expeditionem adornavit, ut & fœdus vacillans sustentaret, & regni comitiis, pro renuntiando novo Rege armatus interesset. Sed in ipso apparatu Atrebatii obiit.

Comitia.

Parmensi in Belgium regresso, cæsorque magno Regis dolore Bironio Marescallo, Regem inter & Maynium pax tentata est, conferentibus consilia hinc Villaregio, inde Mornæo. Sed Hispani quâ minis quâ spebus negotium evertunt, atque Maynium ad comitia Regni indicenda compellunt; à quibus is potestatis amittendæ aut minuendæ metu abhorrebat. Sed accedente Clementis VIII. summi Pontificis, ipsorumque fœderatorum voluntate, tandem consensit.

Consilia de Rege.

Finis erat, quem legatus Apostolicus proponebat, ut renuntiaretur Rex Catholicus. Orationem in eam rem ferventem habuit Genebrardus, uti probitate & religionis zelo, ita omnibus litterarum ornamentis vir clarissimus, ex Illustrissima S. Benedicti familia. Feria Hispanus Orator iis in comitiis, collaudatis Philippi in Galliam ac præsertim fœderatos beneficiis, Isabellam Claram Eugeniâ, ex Henrici II. primogenita natam, Reginam Franciæ enuntiandam proponit, nupturam Alberto Archiduci. Cùm hæc propositio comitiis displiceret, idem legatus nupturam Gallerum alicui, si vellent, asseruit. Magna tunc erat expectatio, quem ex Galliæ Principibus diadema illud involveret. Comitia autem, à senatu Parisiensi monita, eam etiam propositionem rejecerunt. Feria ulterius progressus, Carolum Ducein Guisium, nuper carcere liberatum, futurum Isabellæ conjugem nominavit, jamque ad Guisium, velut futurum Regem, frequens erat confluxus; cùm Maynius indignè ferens nepotem præponi patruo, tot jam laboribus curisque pro fœdere exercito, id consilium disturbat, ipso etiam Guisio assentiente.

Receptum concil. Trid.

Ne autem Maynius, inter odia Hispanorum & Henrici medius succumbat, trimestres ab hoc oblatas inducias acceptat. Sed mox rursus novam cum Hispanis unionem in tutelam fœderis paciscitur. Denique legato Pontificio urgente, admittit in comitiis Concilium Tridentinum. Idque saltem isthæ effecerunt comitia, ut conversionem Regis promoverent.

68. Cur dilata conversio.

Dudum ille veritatem Catholicæ Religionis agnoverat; sed Cur dilata quia in tanto prioris aulae fermento nihil certi sperare ab eadem poterat, apud Hugonotos verò, quorum plurimi erant, caput esse posset, eorumque potenti factione fulciri, differendam conversionem censebat. Post Henrici Regis cædem, averis ab eo fœderatorum animis, Hispanisque regnum sibi quærentibus, per Hugonotorum,

Eli-

Elisabethæ, Batavorum, Helvetiæ & Germaniæ Protestantium operam regnum sibi debitum comparandum putabat. Præterquam, quod minus decorum sibi duceret, si speciem præberet, quod aut regni terreni cupiditate, aut à subditis suis coactus religionem mutaret.

At verò ubi vidit per tot jam annos à Francis exterisque, à se ipso etiam suisque suum lacerari regnum, Philippum potentissimum Hispaniarum Regem omnes vires impensurum, ut filiam suam in his adversus se ipsam armatæ Franciæ turbis solio admoveat; faventem in hoc sibi habere Pontificem, atque Sabaudum generum; foederatos à se velut hæretico abhorrere; quin eos etiam catholicos, qui ex suis stant partibus, discessionem minitari, nisi ad sacra catholicorum redeat; novissimè Contyum & Dombensem, Duces suos, in Britannia prælio à Mercordio victos, præcipuas Regni urbes adhuc dum esse in foederatorum potestate; æternum fore bellum, in extremam perniciem Franciam daturum.

His, inquam, aliisque apud animum suum probè expensis, spretisque Hugonotorum, Anglorum, Batavorum, & Germaniæ Protestantium precibus ac minis, rejectis quoque Mornæi, à quo hætenus à catholica professione advocatus fuerat, hortationibus nihil amplius dissimulandum simulandumve ratus, Jacobi Perronii, ad Ebroicenses tunc Insulas destinati, eloquentis & eruditi in paucis viri industria, doctrina de invocatione sanctorum, de peccatis sacerdoti privatim aperiendis, & Pontificis potestate (in quibus adhuc hæsitare videbatur) uberiùs instructus, ipsis etiam Hugonotis fatentibus, in catholica Religione salutem æternam comparari posse, diem professioni publicè emittendæ designavit.

Disceptatum tunc equidem inter Catholicos, an Galliæ Præfules Regem absolvendi facultatem haberent, pernegante id Cardinale Borbonio, flamma ambitionis, quam Maynius & Hispani studiosè nutritiverant, necdum extincta; major nihilominus consultantium pars censuit, absolutionem in hoc rerum articulo impertiri posse, non appellato Pontifice.

Illuxit igitur tandem non solum Galliæ universæ, sed rei etiam Catholicæ optata dies 25. Julii (*anni 1593.*) qua Rex domo prodicens, candida veste, in Principum Procerumque magna frequentia, ad fores templi Sandionysiani progressus, occurrenti Bituricensi Archiepiscopo, astantibus Cardinale Borbonio, cæterisque Præfulis, interroganti, quis esset, quidve inquireret, respondet, se Regem

Conversio. esse, ac velle admitti in gremium sanctæ Ecclesiæ Catholicæ, Apostolicæ & Romanæ. Deinde procumbeas in genua, fidei professionem ex scripto legit, traditque Bituricensi. Mox in Ecclesiam ducitur; concinitur sacræ lætitiæ canticum; deponit peccatorum confessionem apud Bituricensem, ac solemnī sacro præsentem se sistit, à prandio vesp̄is & concioni interest, effuso omnium gaudio, maximæque Parisiensium frequentia, qui contra legati Pontificii & Maynii iussu advolaverant. Et verò illa conversione non tantum cælorum aditus patefactus est Regi, sed civitatum quoque & Provinciarum, quas hætenus Religionis studium occluserat.

Nam mox Vitrius, qui post Henrici III. mortem à Navarro propter religionem ad fœderatos defecerat, primus omnium ad Catholicum jam Regem se convertit, sequentibus exemplum Præfecti sui Meldis; dein Aquis Sextiis in Provincia, Genebrardo Archiepiscopo studio fœderis secedente Massiliam. Secutæ sunt Aurelia cum Biturigibus, quas Chastrius pro fœdere administratas ad Regem traduxit. Lugdunum pariter, Nemursio Prætore in custodiam dato, Regios admisit.

Inauguratio.

Suscepta mox Carnuti (nam Remos fœderati obtinebant) solennis Regis inauguratio à Nicolao Thuano, Carnutenſi Episcopo, præsentibus Principibus, qui Pares Franciæ referrent, Contyo, Suesſionensi, Mompenserio, ac Ducibus Pinæo, Rhetio, & Ventadurio, Matignonio Mareſcallo, Longavilla cubiculi Regii Præfecto, Cancellario, Episcopis & Optimatibus (anno 1594.) Secuta brevī Lutetiæ deditio per Brissacum, fortem eò usque fœderis socium, quem Rex extemplo Mareſcallum dixit. Legatus Pontificius cum Feria oratore Hispano & copiis incolumes excessere. Urbi mox parta quies, festivisque gaudiis Rex exceptus, amnestia ubique promulgata. Universitas etiam, abrogatis prioribus decretis, obsequium fidemque Regi juravit.

69.
Lutetia.

aliæ urbes.

Tum verò multæ urbes, æmulatæ exemplum Lutetiæ, Regi sunt deditæ, Monterolium & Abbavilla in Picardia; Trece & Senones in Campania; Rionum in Arvernia; Aginnum, Villanova, & Marmanda in Aquitania; & præsertim Rothomagum in Normannia, à Villarsio Præfecto, Admiraliū dignitatem, sacerdotia opulenta aliæque sibi pacto, tradita. Lauduno dein vi expugnato, ad Regem accesserunt, Perona, Roya, Mœndiderium, Ambianum, Bellovacum, Noviodunum, Suesſio, Hamum, Fara, Theodorici castrum.

Imò jam à Maynio deficiebat sua familia ; Elbovius cum Pieta-Principes.
vio Regi addictus : & ipse Guisus pro foederatis Campaniæ Gubernator, à Maynio dissidens, postquam cum rege contraxerat, Rhemos eidem tradit, interempto Sampaulo eorum Præfecto, fortissimo illo milite, qui ejus patrem tam sollicitè adversus Henricum III. Parisiis à nece vindicaverat Guisus donatus prætura Phocensis Provinciæ, amoto Epernonio. Similiter Lotharingiæ Dux opera Bassompetræ cum rege convenit, foedusque pangit.

Rex Henricus tantis incrementis auctus, recuperata tota ferme Burgundia, quæ hætenus Maynio fida in foedere perstiterat, Hispano bellum indicit, dissuadentibus multis, sananda potius Franciæ vulnera existimantibus ; magnoque aut libertatis aut etiam vitæ discrimini se exposuit. Nam Bullionio in agrum Luxemburgicum missa, Balagnio in Artesios, atque Hannonios, nihil præter rusticorum prædationes relatum : atque pugnae avidus Rex ad Fontem Francicum Maynium & Velascum Hispanorum Ducem aggreditur ; cumque Maynius jam delibasset victoriam (nam Velascus suo milite immotus stabat) Rex cum centum tantum cataphractis in aciem prorumpit, seque hosti irruenti obicit, stricto ense in densam turbam se abdens, prælium restaurat ; & si non integram victoriam reportavit, cladem saltem suorum audaci facinore evitavit.

Sed & duo alia gravissima sustinuit pericula à perditissimis duobus hominum monstris. Nam cum Rex à Pontifice necdum absolutus esset à censura, quia putabatur solummodo ad tempus, ut foedus dissolvat, & regnum acquirat, religionis catholicæ simulationem præferre, nutrientibus hanc Romæ persuasionem Maynio & Hispanis, & aliunde constaret, Elisabetham, conversione Regis irritatam, ejusdem excusatione fuisse placatam, atque Hugonotis sectæ suæ exercitum, cum facultate convocandi synodos, tum particulares tum nationales permisisse, non serio Regem conversum plures existimabant.

Hos inter mortalium impiissimus Petrus Barriera, primum Aureliæ navicularius, dein miles, de inferenda Regi nece nefandum suscepit consilium (ex perversissima illa persuasione, quam post Henrici III. cædem concionatores ex pulpitis detonabant) Varadeus Collegii Parisiensis Rector, cui consilium atrox Barriera aperuerat, gravissimis verbis hominem reprehendit, ac dehortatus est, nec confessionem ejus audire voluit, sed Regem de vesani hominis dementia monuit, prout Rex ipse postmodum publicè fuit testatus. Captus proin nebulo Meloduni, meritòque supplicio affectus est.

Gravius alterum propiusque fuit periculum. Cum enim Rex apparatus bellum Hispanicum Parisios venisset, in turba procerum, cum cubiculum ingressurus erat, parricidali ictu appetitur; lethalis erat futurus, quia in guttur directus, nisi se demisset Rex ad excipiendum Montignium, qui salutaturus accesserat. Cultro igitur in os impacto, labro inferiore scisso, & excusso dente sauciatur. Ingens in re subita terror & consternatio. Circumspicitur, quis tanti patratore flagitii (nam is cultrum in turba projecerat) apprehenditur à Sueshionensi Principe juvenis incognitus: negat facinus, sed ad supremam curiam ductus fatetur.

Castellus.

Joannes Chastellus is erat, mercatoris Parisiensis filius, Jurisprudentiæ tunc alumnus, annorum novendecim, sceleratissimus nebulosus, stygia illa ex priore bello persuasione imbutus, flagitiorum veniam se non obtenturum existimans, nisi cæde Regis, quam adhuc hæreticum plures nuncupabant. Quæstioni subiectus, ut complices nefandi facinoris prodatur, constanter etiam inter tormenta, asseruit, neminem fuisse conscium, suo unius consilio id esse patratum.

Interrogatus de vitæ genere, se prius in Jesuitarum scholis Philosophiæ fuisse inscriptum respondit, jam verò ultra medium annum Jurisprudentiæ, Marcilio Professore, dedisse operam. Quamvis autem propior cadere potuisset suspicio in scholas juris, quas à septem jam mensibus adiverat, tamen inimici, Societatis pellendæ se nactos causam arbitrati, Jesuitas sceleris auctores divulgant, absque ullo indicio, sine ullo teste; pernegante Chastello, ullum ex Societate fuisse conscium, aut cum ullo ea de re consilium se contulisse. Gueretus Chastelli quondam in Philosophia Professor in carcerem abreptus, torturæ subiectus, quamvis neque scripto nec voce aliquid docuerat, quod culpæ dari posset, datus nihilominus in vincula, quia Professor olim rei fuerat. Quasi verò Professores omnia crimina deberent luere, quæ à discipulis patrantur.

71.
Guignardus
occisus.

Excussa dein omnia collegii scrinia. Inventum in cubili P. Joannis Guignardi Theologiæ Professoris scriptum, anno 1589. confectum, cum de nece Henrici III. Parisiis inter Theologos multa esset disceptatio, passimque de hoc argumento, Parisiis præsertim, disputare aut scribere, piaculum nemo duceret. Ipsaque Sorbona multò acriora edidisset, quàm Guignardus privatim conceperat.

Is nihilominus tractus in carcerem & quæstioni admotus, factus est, se illa, quæ sibi obiicerentur, privatim scripsisse, sed tempore illo, cum eadem, & adhuc acriora, concionatores passim ex cathedra

cathedris declamarent, & plurimi Doctores, Præsules, Parochi, & ex aliis Religiosis familiis viri docti & pii, scribebant, & in vulgus etiam jactabant; idque totum, plena inducta præteritorum amnesia, clementissimè à Rege condonatum. Quòd verò ejusmodi scripta non combussisset, id oblivione factum & negligentia, non animo nocendi, aut iis unquam utendi. De cætero Chastelli facinus nulla ratione ad se pertinere. Nihilominus à senatu jussus est ex furca pendere; licèt ejusmodi scripta, etiam post edictum ea lacerandi aut comburendi, passim adhuc in Bibliothecis & manibus versarentur.

Sed illud iniquius, quòd Senatus ille Parisiensis (cujus caput **Harlæus**, vehementer tunc inimicus Societati) propter unius hominis noxam (etiamsi illa excusari non potuisset) toti in Gallia Societati exilium indixerit. Quid, quæso! humanis per orbem societatibus fieret, si unius culpam omnes oporteret luere? Num propter facinus Jacobi Clementis, qui Regem Henricum III. interfecit, totus ejusdem ordo, tot meritis inclitus, è Gallia proscribendus; sed invidiæ, quæ virtutis, laudis, bonique meriti solet esse comes, livori, atque odio quorundam, tristem id genus scenam adornantium condonandum fuit.

Obtemperarunt Patres; mox ab ipso rege maxima cum laude revocandi; quibus exilium non tam pœna fuit, quàm probatio; revocatio innocentiae præmium, non culpæ venia: Rege ipso postmodum potenter vindicante honorem Societatis, quam antea vix aliter, nisi ex ore Hugonotorum noverat. Attamen supremæ curiæ (seu parlamenta) Tolosana & Burdegalenis, decreto Parisiensis curiæ, cui non subsunt, rejecto, Jesuitas in collegiis ditionis suæ conservârunt.

Chastellus parricida nefarius pro merito punitus (si ulla tanto sceleri pœna par esse queat) membra candenti forcipe laniatus, discerptus trahentibus in diversum equis, atque igne consumptus. Domus ejus paterna funditus eversa, soloque æquata; & in area relicta pyramis erecta, cui insculptum legebatur senatus decretum, cum variis inscriptionibus, à Josepho Scaligero, homine hæretico, ut Societati probum inureret, compositis.

Gravissimè accepit Clemens VIII. Pontifex Societatis è Gallia proscriptionem; firmatusque in opinione, jam aliàs ab hostibus Regis ipsi impressa, Henricum tempore duntaxat in amplectenda religione serviisse, Ludovicum Gonzagam, Ducem Nivernensem, à Rege ad petendam absolutionem missum, non admisit, significans

per litteras, se ab Henrico Borbonio Oratorem nullum admissurum. Tacita tamen legati appellatione cum Pontifice locutus, re infecta rediit in Franciam.

Societas
laborat pro
absolutio-
ne Regis.

Non cessabat autem Societas pro causa Regis apud Clementem agere, ac rogare, ut absolutionis beneficium eidem impertiatur. Neque Galli solum in hoc negotio laborarunt, uti Sirmondus, Comolitus, Alexander Georgius, nuper Collegii Parisiensis Rector, cum Guereto, Castelli olim Professore, qui pedibus Pontificis advoluti, reconciliationis cum Ecclesia gratiam pro rege rogârunt; sed ipse etiam Claudius Aquaviva Societatis Generalis. Cui cum plerique auctores essent, ut inter conditiones, Regis in communionem Ecclesiæ recipiendi, hanc apponi curaret, ut Societas in Galliam restituatur, aut saltem Regis negotium retardaret, foveretque suspicionem, de parùm sincero in Ecclesiam animo: quippe qui ordinem religiosum, religioni propugnandæ ferventer addictum, regno exigeret, ipse neutrum fecit; sed per se suosque apud Pontificem laborare & rogare non destitit, ut causa Regis quantocius ad optatum exitum perducatur.

Accessit Toleti, è Societate ad purpuram assumpti, indefessa industria. Qui licet Hispanus esset, pro auctoritate & gratia, qua pollebat apud Pontificem, ipsum adhortari, impellere, & propemodum cogere ad impertiendam absolutionem Regi, non cessavit. Tandem igitur inflexus Clemens, Dossatum & Perronium, Regis oratores, admisit; iisque agentibus negotium confectum est.

72.
Conditio-
nes.

Quippe causa ad Cardinalium collegium relata, indictisque per omnia urbis templa solennibus precibus, post revulsos omnes obices, quos hostes objecerant, in sexdecim conditiones conventum est. Quarum erant præcipuæ; ut Rex in Bearnia instauraret Religionem: intra annum Condæum Principem ab Hugonotis reciperet, curaretque orthodoxa religione institui: Concilium Tridentinum admitteret, iis exceptis, quæ observari in Gallia non possent, quin tranquillitas regni turbaretur. Cætera ad pietatem Regis stabiliendam, & palàm omnibus contestandam pertinebant.

Absolutio.

His constitutis, anno 1595. 16. Septem. Pontifice præsentem in pegmate ante fores S. Petri erecto, & adstantibus Cardinalibus cum curia Pontificia, Perronius & Dossatus in ejus conspectum admissi, legunt primùm libellum Regis supplicem, exhibito in eam rem mandato; mox lecto decreto Pontificis, quo priorem Regis absolutionem, à Bituricensi in Gallia impertitam, abrogabat, Procuratores Regis

Regis nomine abjurant hæresin, ac catholicam fidem profitentur; tum prostrati ante Pontificem, ejus manu virga leviter percutiuntur humeros, dum psalmus *Miserere* concinitur. Tandémque Pontifex in folio censidens absolutionem pronuntiat, faustis populi acclamationibus, & tormentis Adrianæ molis gratulationem latè intonantibus. Mox apertæ S. Petri valvæ: inducti Procuratores ad sepulchrum SS. Apostolorum: finitæque sacra ceremonia. Perronius & Doffatus in numerum Cardinalium adlecti. Rex eorum negotium continuè ratum habuit, ac toto regno gratiarum actionem instituit.

Hac absolutione non tantùm Rex Ecclesiæ, sed etiam subditi Regi sunt restituti, foederis partibus abjectis prorsus, atque infractis. Nam Maynius, per septem jam annos foederatorum caput, extemplo ad clementiam Regis conversus, largis conditionibus ab eo inter tergeminos amplexus receptus est; præter veniam præteritorum cum asseculis plurima consecutus. Debita ipsius à Rege persoluta; tres urbes ad securitatem ei concessæ, Sueffio, Cabilo, & Bellegarda; certante deinceps utroque alio multò armorum genere, Rege gratiis, Maynio fide atque obsequio: æmulorum altero injuriæ, altero auctoritatis ponente memoriam.

Maynio se junxerunt Nemursius ejus frater uterinus, & Jojosa, amplis similiter conditionibus recepti. Et Jojosa quidem, quem post fratris mortem ex Capucinatorum ordine ad defendendam Religionem Catholicam Tolosates in Præfectum arcessiverant, Tolosam cum reliqua Occitania, à fœdere abjunctam in obsequium Regis adduxit; atque Marefchallus ab eodem dictus, impetrata à Pontifice votorum commutatione per Jojosam patrum Cardinalem, ut ea instar Melitenfium Equitum observaret. Lusitque per aliquot annos in ea mundi scena personam Ducis; donec aspirante Divina gratia, sponte abdicato potestatis & coruscantis vanitatis ludibrio, rursus se induit in Capucinatorum pauperiem; repetita humilitate illustrior, atque uni Deo serviendo, mente pacatior, & perennis gloriæ securior.

Phocensis Provinciæ Præturam Guisio Rex concesserat; verùm Epernonius vir magno animo, quem per multa jam utriusque fortunæ fata induraverat, eandem dimittere noluit, in pretium admiratus eandem sibi datam asserens, aditæque hæreditario quasi jure, quam Valeta frater gessisset, ærumnis hosti abreptam, partæque. Sed Rex Guisium immisit in possessionem, ferro aperiendam. Exceptus is primò Aquis sextiis, Epernonium aggreditur. Qui cernens se porta tueri non posse, in Regis tandem clementiam se con-

cit; donatus Prætura Lemovicensi, & centum aureorum millibus ad faciendas impensas. Massiliam dein, duorum consulum tyrannide nomine foederis pressam, Guisius Regi, sibi que Gubernatori, conciliat, illustri Præturae auspicio.

Mercurius.

Supererant ex foederatorum reliquiis duo adhuc Principes, Mercordius seu Mercurius, & Aumalius, cum Rege necdum conciliati. Et Mercordius quidem magna constantia, aut pertinacia Britanniae inhærebat: Aumontii Marschalli, viri fortissimi, in obsidione Comperii cæde, factus animosior, in plures adhuc annos dominationem porrexerat; usque dum Rex ipse cum exercitu in Britanniam niuens, urbium præfectos, qui Mercordio adhærebant, clementia ad obsequium flexit. Quare Dux Mercordius necessitate compulsus, Regis tandem gratiam per conjugem Mariam Luxemburgicam appellavit; exceptus proin à Rege plura impetravit, quam speraverat.

Estræ
opera.

Promovebat hanc concordiam Ludovica Henrici III. vidua, Mercordii soror; ac præcipue Gabrielis Estræa, Regis Henrici IV. omnino potens, qui eam Ducissam Betfortiam dixerat; postquam ex ea liberos susceperat. Estræa summopere favebat Principibus, ex Lotharingica stirpe ortis, quia sperabat, per eos liberos suos, quos ex Rege genuerat, exclusis Principibus aliis Borbonicis, ad regnum promotum iri. Quare etiam Guisio, & Maynio optimas pacis conditiones à Rege impetravit. Et in hac ipsa cum Mercordio transactione ejus opera sponsalia sunt nuncupata, inter Cæsarem ejusdem filium (quem dein Rex pater legitimis natalibus restituit, & Vindocinensem Ducem atque Britanniae Prætorem creavit) & Franciscam Mercordii Filiam. Sponsus quartum, sponsa sextum ætatis annum agebat.

Nanneten-
se edictum

Ab hac pactione Rex ultra progressus ad ordinandam Britanniam, tot annorum bellis conquassatam. Nanneris edictum sanxit in plura descriptum capita, quod *Nannetense* dictum. Quo Hugonotis plura concessit, permessa iis in Bearnia & aliis quibusdam locis, sectæ libertate, atque promisso Ministris stipendio, non quidem ex decimis, uti postulaverant, sed ex Regis ærario.

Hugonoti nempe jam à conversione averso à Rege animo, inter se conspiraverant, præsertim ubi viderunt foederatos, sibi invensissimos, in gratiam & amicitiam receptos. Negabant propterea adversus Hispanos auxilia, instigati, ut credebatur, à Duce Bullionio, Mornæo, Noya, & Trimollio, eorum ducibus.

Tantæ proterviæ occasionem fecit bellum Hispanicum ; quod interea acriter gestum est , non una Gallorum clade. Nam imprimis Parmensis , dein Mansfeldius & Velascus arma ex Belgio strenuè inferebant ; denique Comes Fontanus in Picardiam ruens, primò Castellum deditione obtinet ; dein reportata egregia victoria, casò-
que Villarsio, Darlanium capit. Tum verò factus animosior, sua-
dentibus Aumalio & Rosneo, Cameracum obsidet. 73.
Bellum
Hispan.

Eam urbem ad Imperium spectantem, amplam & validam, Balagnius pro foederatis tenuerat. Mox conventionem cum Rege inita, Marecallus ab eo dictus, obtinuit, ut summo jure illam possideret, sub protectione Regis. At cum impotentius regeret, Cameracenses se Regi subiiciunt. Sed ille impulsu Etræ (quæ Balagnio favebat) jubet, ut Balagnio pareant. Qua repulsa irritati, Balagnii imperium non ferentes, Hispanis se dedunt : exposculante cum Rege Bironio, quòd unius mulierculæ blanditiis urbem tantam amisisset.

Rex indignatione æstuans, statuit in consilio hostem victorem extemplo aggredi ; quod cum dissuaderet Nivernensis, ob summum periculum emolumento nullo subeundum, Rex vultu severo, *Nivernenti tibi sit, inquit, iste metus, qui ab hoste septima leuca semper absui-*
ssi. *sis obitus.* Qua voce Princeps percussus decubuit, & paulò post obiit. Hanc mercedem ab aula retulit Ludovicus Gonzaga, uxorio nomine Dux Nivernensis & Retelensis propter inconcussam in Franciam fidem, & impensam perpetuam in militia & aula pro Regno sollicitudinem.

Venerat interea in Hispanorum castra (anno 1596.) Albertus Albertus.
Archidux, suscepto Belgii regimine ; atque complures urbes, & inter eas Caletum per Rosneum capit, per palmas & adoras inaugurans principatus initia. Devictis Gallis, multatisque in Batavos promovit victoriam, Hulsto expugnato, sed Rosneo in obsidione Rosneus.
occiso. Gallus is fuit, vir belli peritissimus, foederis & Aumalii comes perpetuus. Tentaverat quidem conciliationem cum Rege, sed quia Marechalli dignitatem petierat, de cætero nihil præter se ipsum allaturus, repulsam passus, totum se Hispanis applicuit, ingenti Galliae detrimento.

Omnes jam foederatorum Duces aut mortui erant, aut cum Rege conciliati, solo excepto Duce Aumalio, Maynii patruele, cui Aumalius
senatus Parisiensis atroci atque indigna sententia redditum intercluserat ; dum eum læsæ majestatis reum damnaverat, exauctoratum Nobilitate, quadrijugis discerpendum ; pluraque addita cum ingen-

ti infamia, idque in ejus effigie executus fuerat carnifex. Quare rei indignitate commotus Princeps totum se Hispanis addixit; nec post pacem etiam confectam rediit, sed anno 1618. Bruxellis est mortuus.

74.
Henrici
fœdus cum
Anglis &
Batavis.
Ambia-
num.

Rex interim, magnificè Parisiis excepto Alexandro Mediceo Cardinale (postea Leone XI.) cui obviam miserat Henricum Condaum puerum, catholica fide institutum; cum Elisabetha & Batavis fœdus pepigit, ea conditione, ut neutra pars citra alterius consensum cum Hispano transigeret. Hoc tamen fœdus impedire non potuit, quò minus Hispani ductore Tellio Portocarrero Ambianum Gallis eriperent, ingenti Franciæ luctu; quem ut abstergeret Rex, cum præcipuis Ducibus, Maynio, Mompenferio, Carolo Nivernensi, Ludovici nuper defuncti filio, Montignio, Noya, Vico, atque selectis copiis, Ambianum rursus expugnat, & Vico administrandum tradit, Alberto frustra cum exercitu accurrente.

Dum hæc in Picardia agerentur, Guisus totam Provinciam cum adjectis insulis recepit; Lediguerius verò, ut Crequium generum, à Sabaudis in Morienna captum, vindicaret, Barausium castellum, quod in finibus Delphinatum maximo sumptu nuper Dux exstruxerat, occupavit.

Fessa tunc tot annorum immani bello utraque parte, (anno 1598.) pax tandem *Vervinenfis* coaluit, Gallorum provinciis miserè laceratis, Hispanis verò in Anglis & Batavis affatim hostium habentibus. Tria autem potissimum obicem ponebant, Cameracum, Angli, & Sabaudis. Urgebat Gallus, ut Cameracum arce everfa aut Imperio aut Balagnio restituatur. Paci Elisabetha intercedebat; quia cautum priore anno fuerat, ne Rex ipsa invita pacem cum Hispano contrahat. Idem Batavi oggerebant. A Sabaudis Salussios Henricus repetebat, quos ille negabat restituere; nec Philippus destituere poterat generum & belli socium.

Tandem placuit Cameracum filere; quandoquidem Hispanus idem de Metis exigere posset, conventumque, Elisabetha invitata, sed repugnante, in has condiciones.

Pax Var-
vicensis.

Pax Cameracensis anni 1559. observetur. Captæ urbes ultro citroque restituantur. Dimittantur mutuo captivi. Sabaudis Berram restituat. Quoad Salussios arbiter sit Clemens Pontifex; qui intra annum sententiam ferat.

Moxque ad executionem processum. Henricus Philippo comitatum Carolesium restituit. Philippus Henrico Caletum, Ardras, Mon-

Montulinum, Durlanium, Capellam, & Castelletum in Picardia, Blavetum in Britannia. Ex quibus sanè apparet, tam cruenti tot annorum Gallos inter & Hispanos belli non alium fuisse partum, quam disceptas urbes atque provincias, & exundantes rivos humani sanguinis. Mirum certè videri possit, Philippum victorem tam multas urbes munitissimas restituisse. Sed ille senio confectus, & mortis proximus, Alberto & Isabellæ Belgium, à Gallorum armis quietum, voluit relinquere.

Parta videbatur quies, cum mox bellum recrudit Gallum inter & Sabaudum, propter Marchionatum Salustiorum seu Salutiarum, quem Carolus Emanuel Dux Sabaudiae durante in Gallia bello civili Francis eripuerat; delato in pace nupera ad Pontificem arbitrio: Rex per legatum ante omnia petebat restitui atque in possessionem mitti, quippe per vim spoliatus; nihilominus tamen etiam in *petitorio*, ut loquimur, iudicio Papae sententiam subiturus, causam apud eundem instruit, instrumenta exhibet, *laudem* expectat. Verum Sabaudus tergiversatus, arbitrum promissis pertentat, se Pontificis fratri Salutias traditurum, si eas sibi sententia addicat. At Clemens indignatus se corruptela peti, totam à se causam removet, sua jura alibi disceptanda partibus relinquens.

Igitur Dux bellum veritus, anno 1599. magno cum comitatu ad Regem in Galliam abiit, amicè transacturus. Certatur honoris significatione maxima, & muneribus, copiosè in Proceres à Duce congestis. Causa Salutiarum committitur arbitris utrinque delectis. Dux petit à Rege, ut Genèvæ tutelam abiciat; suam esse urbem, rapram patri Philiberto per summam injuriam; tam æquum, ut ipse Genèvam repetat, quam Rex Salustios. At Rex imparem esse contendebat causam; quando jam plures Franciæ Reges protexissent Genèvam, Salutias autem nuper primum Dux per vim eripisset. (Quasi verò iniqua protectio per annos roboretur, ubi dominus continuò reclamat) Dux Mediolani & Neapolis spem ingerit. Sed nec ea esca placuit Regi, asserenti, se sua petere, non incerta aut aliena. Denique ad preces Dux versus, rogat, ut unum ex filiis suis marchionatus detur in clientelam. Sed Rex restitutionem arget; tunc visum iri, cui traderet.

Cum igitur Dux & artes, & preces, & dona consumpsisset, novum foedus compingit, ut in proximum Junium regi traderet vel Salutias, vel Sebusianos cum Pinerolio, atque optio penes Ducem esset. Veniente Junio variis excusationibus is moram necebat, atque in omnes partes se versabat, ne Salutias redderet, neque aliunde

75.
Causa Sa-
lutiarum.

Dux in
Galliam.

detrimentum pateretur. Quandoquidem gravissimum ei acciderat, quòd detracta spe Delphinatus, & Phocensis Provinciæ, in quam immensas jam pecunias insumperat, etiam Salutias amittere, aut alias suas ditiones deberet. Quid, quòd Salustiiis traditis, janua perpetuò aperta, admitteret Francos in intima sua viscera, excepto non tam hospite quàm hoste, clave Italiæ in Gallorum manibus hærente.

Bellum

Rex contra jus suum armis profecuturus copias trifariam dividit; quarum unam partem Biro in Sebusianos, alteram Ledigverius Mommelianum versus, tertiam ipse Camberium duceret. Biro Burgum expugnat, Lediguerius Moriennam & Tarentasiam, Rex Camberium, pluresque alias urbes, ac denique omnes conjuncti Mommelianum; eversa etiam ad Lediguerii, adhuc hæretici, intercessionem arce, quæ Genevæ erat infesta.

Pax.

Dux igitur, Hispano negante auxilia, ad pacem petendam compulsum, ablata recepit, & pro Salutis Sebusianos Regi tradidit; id in mœrore solatii consecutus, ut retento marchionatu Salutiarum cum Caromaniala, Francis Italiæ clavem eriperet; plaudente Hispano, Francos immensis alpium repagulis Mediolano secludi (anno 1599.)

76.
Nuptiæ.

Pace composita, ad connubia versi animi. Primum contraxit Henricus Caroli II. Lotharingæ Ducis filius cum Catharina, Regis Henrici IV. sorore, Calvinianæ adhuc sectæ addicta. Altero & tertio Familiæ Nivernensis, & Maynia arctius junctæ sunt; quarto Mompenseria & Jojosea. Quintum Rex ipse adjecit.

Etrææ
obitus.

Quippe jam diu Margaritam Valesiam, Henrici III. sororem, conjugis loco non habebat, sed Etræam, quam Belfortiam ducissam creaverat, ducere cogitabat. Hanc etenim scœminam insano amore deperibat, trësque jam liberos ex ea susceperat, quos per subsequens matrimonium legitimis natalibus donare statuerat. Verùm ea res turbatura erat Franciam; quòd Principes Regii sanguinis haud passuri essent throno destinari, quos plerique ex gemino adulterio natos accusabant.

Cùm ecce! Belfortia quartum prægnans ipso parasceves die apoplexia subita corruens, inter horrendas membrorum convulsiones exspiravit, ore retro in tergum retorto, mira formæ venustate in extremam deformitatem repente conversa; animi turpitudine in corpus redundante. (1599.) Rex ad nuntium morbi Parisios properans, morte audita, exclamasse fertur, Deo Franciam esse curæ.

Igitur

Igitur de futuro hærede sollicitus, atque de conjugio serio Matrimo-
 cogitans, Clementem Pontificem rogavit, ut matrimonium cum nium irri-
 Margarita irritum declaret. Cùmque ipsa etiam in hoc consensum tum decla-
 præbuisset, Pontifex Jojosam Cardinalem, cum Nuntio suo, & ratum.
 Arelatenſi Episcopo Judicem delegat. Hi causa in Gallia cognita
 matrimonium irritum consueverunt, ob quatuor potissimum causas:
 quòd sponsi tertio gradu affines essent; quòd sponsus fuerit hære-
 ticus, & sponsa nunquam in eas nuptias consenserit, quòdque in-
 ter eos verlaretur spiritualis affinitas. Ac licet Carolus IX. post
 cædem Hugonotorum Parisiis factam, à Gregorio XIII. dispen-
 sationem petierit, atque impetrârit, illam tamen fuisse invalidam,
 quòd obtenta esset Margarita inscia, imò repugnante.

Pontifex ubi sententiam Judicii delegati approbavit, Mariam
 Rex duxit, ex Francisco Florentiæ Duce, & Joanna Ferdinandi I. Maria Me-
 Cæsaris filia progeneratam, domo Borbonica novo nexu cum Austriaca dicæa.
 conjuncta. Matrimonium Rex contraxit primò Florentiæ per procura-
 torem, Ferdinandum Magnum Hetruriæ Ducem, sponsæ patrum, qui
 Francisco fratri successerat. Sponsa anno 1600. Massiliæ à Jojosa,
 Gondio, Giurio, & Sourdio, Cardinalibus, comestabili, Guisio, aliisque
 proceribus excepta, atque ad Regem conjugem deducta, sequenti
 anno Ludovicum XIII. peperit.

ARTICULUS IX.

Observatio,

Quibus viis hæresis in Galliam irruerit, & Eccle-
 siam perturbârit.

Quamvis ex iis, quæ dicta sunt hactenus, facilè sit perspi-
 cere, nova credendi vivendique dogmata non more Aposto-
 lico pacatè & quietè fuisse introducta in Galliam atque ^{77.} per arma.
 propagata, sed more, hæresi ubique consueto, per rebelliones, arma
 & cruenta bella. Quantum enim sanguinis quadraginta intra an-
 nos fusum ad Veras, Druidas, S. Dionysii sanum, Jarnacum, Mon-
 conturium, Courtracum, Sanlisium, Jurium, aliisque plùs quàm cen-
 tum præliis, infinita civium strage commissis? An ullus toto fer-
 me regno locus, qui non captus, receptus, rursumque captus, at-

que omni belli genere miserè fuerit vexatus, ultra decies centenis hominum millibus crudeliter absumptis ?

Nihilominus tamen hæresis, exitialis illa regnorum fax, non solis armis, cædibus, ruinis Galliam miscuit, verum suggerente maligno generis humani hoste aliis quoque machinis in ipsos incautos mortalium animos sibi viam aperuit ; & primò quidem per fœminas.

Velut enim feralis ille serpens per Evam olim primum nostrum parentem seduxit, totâque progignendæ sobolis, in stirpe vitiata, massam corruptit ; ita non desit postmodum naturam, Redemptoris sanguine reparatam, per fœminas, quâ sensuum illecebris, quâ hæresibus propagatis in exitium dare.

Novimus etenim, jam olim Montanam hæresin per Priscillam Per fœminas. & Maximillam, Samosatenam per Zenobiam, Priscillianam per Agapen, Pelagianam per Julianam & Demetriadem, aliâsque hæreses per alias mulierculas fuisse profeminatas. Et sicut Arianos magno studio protexit Constantia, Constantini M. soror, ita Calvinistas in Gallia Margarita Francisci I. soror, Henrico Albretano Regi Navarræ nupta. Quæ pro genio muliebri, & innata Gallis indole, novitatis avida, à Jacobo Fabro & Gerardo Rufo, sectæ lutheranæ Grammaticis perversa, non desit auxilio, patrocinio, pecuniis numerosis, etiam Genevam ad Calvinum missis, nascentis hæreseos tutelam gerere, commune velut ejusdem Asylon.

Renatam. Accessit Renata, Ludovici XII. filia, Duci Ferrariæ nupta, quæ in ipsam Italiam luem intulit, & redux in Galliam eandem propagantes magnis favoribus est prosecuta. Nec parum opis in Stampensi Regis pellice. Ut adeò non procul abfuerit, quin Franciscum Per Grammaticos. I. tres istæ fœminæ tabe sua inficerent. Is quippe literarum amans, cum Galliam densis ignorantiae tenebris sepultam cerneret, peregrinos didascalos, Catholicam Religionem præferentes, sed venenum inspergere omni studio laborantes, in aula sua jam fovebat, audiebat, eorum scripta legebat, ipsumque Melanchtonem, quem eruditum & in religionis negotio moderatum esse virum ex Bellajo Langæo, suo ad Protestantes Germaniæ Principes legato, intellexerat, scripta epistola jam accersiverat ; motus præsertim libello, quem is de moderandis religionis negotiis ediderat, in cujus initio Papæ auctoritatem Monarchicam in Ecclesia esse concedit, ut unitas fidei ac disciplinæ contineatur ; potestatem autem in Regna & Imperia nec ad Ecclesiam, nec ad Evangelium attinere. Neque parùm ad permittendam se-

ctam

Etiam Regem inclinabant Langæi fratres, Archiepiscopus alter Parisiensis, alter legatus, cum aliis politicis, regionem plùs quàm religionem curantibus : perverso prorsus consilio : quasi verò regio salva stare possit religione eversa.

At Cardinalis Turnonius Archiepiscopus Lugdunensis, magna virtute & doctrina Præsul, Regem cordatè monuit, ex S. Irenæo, Galliæ Apostolo, exhibens, quantum sint fugiendi hæretici. Et sanè Regem adhortatione sua ita immutavit, ut non modò invitationem Melanchtonis revocaret, sed severis etiam edictis, poenisque sancitis, ^{Regis zelus.} unam Religionem Catholicam in Gallia colendam gravissimè decreverit : Præfati, supremæ curiæ Præsidi, mandata strenuè exequente. Quin Rex eam, quam suprà dixi, solennem supplicationem omnium Ordinum instituit, quam cum liberis suis nudo capide cereum manu gestans est comitatus ; eaque finita orationem ad populum habuit, qua omnes ad conservandam perpetuò Religionem Catholicam, à majoribus acceptam, graviter est adhortatus, illud inter alia piè ac fortiter edisserens, si ex filiis suis aliquem, aut membrum aliquod suum, hæreseos peste infectum esset, illico abscissurum. Acclamavit voce elata populus, se in Catholica Religione vivere velle & mori. Et eadem adhuc die sex hæretici igne sunt cremati. Quos cum aliis deinceps heterodoxi martyrologio suo intulerunt. At Westphalus Lutheranus, contra Lascum Calvinistam scribens, abominandos diaboli martyres appellat. Certè non mors sed causa facit martyrem. Aliàs etiam Servetus & Gentilis &c. forent martyres.

Verum ea esse consuevit pertinacia hæresis, ut nullis Principum edictis morem gerat, sed obdurata cervice quà vi quà fraudibus ad quidquid audendum projecta obluctetur, jugumque omne ^{Per libellos.} excutiat. Quippe Hugoncti ad Protestantes Germaniæ Principes conversi, legationem ad Regem impetrant ; libellos pestiferos omni lingua conscriptos spargunt, in coenacula, & ipsum etiam Regis cubile iniiciunt ; cum libellis edicta portis affigunt, quibus interitum Regi rebelles minitantur, nisi novo Evangelio locum cederet.

Neque Benearniam duntaxat, Hispaniæ finibus imminentem, quæ ad Henricum Albretanum, Navarræ regem, tunc spectabat, Margaritæ, ejusdem conjugis opera, perverterant, sed omnem pene Aquitaniam, imò ipsas etiam Meldas, propinquam Lutetiæ urbem, Brissone Episcopo verborum lenocinio seducto ; qui tamen postea fassus ignorantiam, atque meliora edoctus, ad Ecclesiæ gremium cediit.

Per Calvi-
num,

Maximè verò mortiferum virus per provincias propagatum est, ubi Calvinus illud per emissarios suos Genève sparfit. Is patris pluribus in Gallia sceleribus infamis, ut pœnæ caput subtrahat, ex patria profugus, in Helvetiam atque Argentinam ad Bucerum de-
Ejusque In-latus, suas Institutiones conscribit, in quibus velut Pericles tonat,
Institutiones & livore, odio, maledicentia, animique impotentis intemperie plenus, quidquid quartana febris, calculi, hemicranîæ, hemorroidum dolor, & atra bilis ægro suggerebant, immani rabie expuit in Romanam Ecclesiam, Babylonem effrontem, prostitutam meretricem, idolis servientem, stygi devotam &c. compellans.

Virulentum hunc partum edidit anno 1534. Basileæ; alter velut Enceladus Ossam Olympo, & Pelion Ossæ superimponens, cœlum petiturus & everfurus, aut Horostrati instar ex incenso templo Ephesino sibi famam comparaturus. Accitus inde à Farello Genevam, jam prius ejus opera corruptam & legitimo domino abreptam, Catechismum ibidem conscribit, scatentem pariter furore & infandis erroribus.

At cum insolentiùs se gereret, Genève cum Farello proscriptus, Bernæ, ut gratiam iniret, Zwinglium laudavit. Verùm Zacharias Belga Theologiæ Doctor coram senatu schedam ei exhibuit, propria illius manu scriptam, qua Zwinglium execratur. Quare inde etiam fuga se proripiens, rursus Argentoratum ad Bucerum, illum in religione Portheum, & cum eo Ratisbonam concessit ad colloquium: diciturque aliam religionem in Gallia, aliam in Helvetia, aliam in Germania professus: in prima suam, in altera Zwinglianam, in tertia Lutheranam.

79. Reformat. Anno 1541. Genevam revocatus, per 23. deinceps annos ibi Pontificatum gessit; licet enim ipsa etiam Catholica nomina *Pontificis, Episcopi, Sacerdotis &c.* execraretur, re ipsa tamen summam in omnibus potestatem exercebat; ut adeò dici possit *Calvinus Pontifex Genevensis hujus nominis primus*. Qui vivente legitimo urbis Episcopo, nemini succedens, absque ulla legitima vocatione, missione, & ordinatione intrusus, à se ipso inchoavit, contra leges Evangelicas, & totius antiquitatis morem.

Imò ultra progressus, non solummodo Ecclesiastica omnia tanquam *Rex sacrorum* summo imperio moderabatur, ac pro libidine suæ deque vertebat; sed Reipublicæ etiam fasces arripiens, politicum statum, quò volebat, versabat (etiam in criminalibus sedens Iudex) illam sibi familiarem assumens tesseram: *cedo nulli*. Et quamvis

vis initio assumpto in societatem regiminis Farellio (qui jam ante ipsum possessionem quandam inchoaverat) & Petro Vireto Sabaud, Carmelitano Apostata, triumviratum constituisset, atque Sectarii prædicarent Calvini scientiam, Farelli vehementiam, Vireti eloquentiam; hic tamen triumviratus prout ille Romanus, hæud diu tenuit, Calvino instar Julii aut Octavii collegas profligante, omniæque ad se rapiente. Quare Farellus & Viretus, Calvini dominationem despoticam, asperos mores, & mordacem linguam non ferentes, Genève excesserunt: ille Neocomum, hic verò primò Laufannam, deinde in Bearniam.

Solus igitur Calvinus, velut Apollo Delphicus, Genève fundebat oracula, totique Hugonotorum genti, per Gallias sparæ, responsa dabat: quæ velut à Numine quodam profecta adorabantur. In ipsam verò Genève omnium profugorum, Apostatarum, & sceleratorum hominum colluvies confluit, ut apud Calvinum, sacram velut ad aram, asylum inveniat. Eos inter Onelphum Trecentem, & Spifanium, Nivernensem Episcopum, Genève fugientes rursus ordinavit homo sacrilegus, omni ordinandi potestate vacuus.

Primum autem conciliabulum Calvinus in horto quodam celebravit, æmulatus serpentem, qui in horto genus humanum corrumpit. In hoc conventiculo sacrosanctam Eucharistiam abrogavit, tam disertis verbis in sacris litteris assertam; & cœnam quandam profanam, quam stando aut ambulando sumerent, introduxit, panem & vinum, prout in caupona sumitur, definitam. Tum verò quasi remagna patrata *Ministros* (qua nomenclatione Præcones suos compellari voluit) per omnem Galliam, ceu totidem Joves ignem spirantes, distribuit, prius tamen ex disciplina sua probè excoctos.

Tonare isti debebant ac fulminare, ex Calvini præscripto contra vitia sacerdotum & abusus, & utinam eos sustulissent! sed dum putare debebant arborem, excindunt: dum barbam radere oportuit, & capillos scindere, caput abscindunt. An domus evertenda, ut evertatur? an ager totus vastandus, ut evellantur zizania? egregii erimverò abusu vindices! qui ædes proprias opplent sordibus, dum alienas expurgare profitentur. Genève cogitate; quàm bellè illam Calvinus purgavit! dum omnis facis cloacam fecit.

Et quos abusus dicitis purgatores nitidi, nidore vestro suaviter olidi! coelibatum sacerdotum inquit. Bene habet. Ergo puritatem purgare cogitatis. Enimvero purgastis egregiè: in cubilibus nempe & impudiciis vestris. Hic scopus purgationis ac fragrantis reformationis. Evocastis devotas Deo virgines ex claustris ad am-

plexus foetidos, induxistis procaces mulierculas in asceteria Monachorum. Bella purgatio? Sustulistis Ecclesiae jejunia, & carnis macerationes. Hæc enim ad vestram purgationem non faciebant. Negastis humani libertatem arbitrii, ut effraenem inducatis licentiam. Quis enim contra fatum? Deum (vah scelus!) fecistis auctorem scelerum. Sic enim purgastis mundum à scelere. Quam enim rem affricet facinus, cujus homini Deus est auctor?

Evertistis novi Donatistæ sacras aras, Divinis eloquiis totius commendatas; dejecistis, contrivistis, exterminastis sacras imagines, toti antiquitati venerabiles; sola intacta diaboli imagine, Judæ Iscariotæ. Sacrata Deo templa incendistis, diruistis, aut stabula commutastis. Hæc vestra purgatio. Idola vos exterminâ dicitis. Itane verò? quid est idolum? an idola fuerunt Cherubini templo Solymæo, Deo adeò grato, exhibiti? Docti vos estis homines; qui inter idolum & imaginem nescitis distinguere. Illud ad ipsum refertur, hæc ad aliud, quod repræsentatur. Sic est: *non facies tibi sculptile, ut adores illud.* Hoc sane observamus. Verò perfidè & sacrilegè hunc locum corrupistis, dum ita tradidistis: *non facies tibi imaginem.* Quid verò noxæ est, si Christus ipsum adorem, quem ejus imago mihi repræsentat? si sanctum hunc nore colam, quem imago mihi exhibet?

Imagines.

Missa.

Sed necdum purgationum satis eliminastis Missam. Idololatriæ vobis est sacrosanctum, Divinum atque unicum legis Evangelicæ sacrificium, quo summus Deo cultus deferretur; quo id agitur, quod Christus præcipit, *hoc facite in meam commemorationem.* Quid hoc quod Christus fecit. Quid fecit? se ipsum Patri Divino sacrificium obtulit pro mundi vita. Hoc quotidie in Missa facit sacerdos ministerio. Nec aliud hoc est sacrificium, quàm illud in cruce consummatum, sed idem omnino, sæpius repetitum in commemorationem passionis & mortis Christi. Hoc facite in meam commemorationem, quod ego feci. Num idololatriam dices, quod Christus fecit præcepit, quod tota Christiana fecit antiquitas? ita est: hoc fecit semel se ipsum offerendo in cruce cruento modo, sed incruento modo quotidie. Apage religionem, quæ omni caret sacrificio.

Cœna.

Et quomodo habeant sacrificium, qui nec Christum habent suam cœnam? Dicit quidem Christus verbis adeò clavis, ut plùs quam solaribus radiis scripta videantur: *Hoc est corpus meum: caro mea verè est cibus: sanguis meus verè est potus.* At evangelium novum dicit: hoc est fallum: hoc non est corpus Christi: caro Christi non

est verè cibus : sanguis Christi non est verè potus. Quæso ? quid hoc ? an hæc reverentia, quam Divinissimis Christi verbis mentes Christianæ debent ?

Ite somniantis Zwinglii & furentis Calvinii affectu ; jactate, *S. Scriptura* prædicate, clamate : Evangelium ! Evangelium ! Verbum DEI ! Verbum DEI ! vos estis, qui honorem ei dependitis. Ubi illud affirmat, vos negatis, aut ad sensus improprios detorquetis. Hoc, si licet, nihil ampliùs certi ex sacris litteris haurietur. Donatistæ, Ariani, Nestoriani, Eutychiani, Pelagiani, Anabaptistæ, Sociniani, & singuli hæretici ad suos errores privatos easdem torquebunt, sicut vos ad vestros. Et certè nulla unquam exorta est hæresis, quæ non ad sacras scripturas appellaret, prout vos facitis. Imò ultra progressi estis. Corruptistis, truncastis, plures libros abjecistis.

Dicite aliquando, unde vobis certò constat, quibus libris incorruptum verbum Dei contineatur : quo sensu textus scripturæ, varias inter religiones controversus, sit intelligendus ; in toto armentario vestro nihil invenitis, quod respondere possitis, nisi ad sacras traditiones & Ecclesiæ auctoritatem recurratis. Plus dico : ne quidem summum Trinitatis Mysterium probare potestis, uti nec plurimam alia, quæ in symbolo Apostolorum comprehenduntur, nisi sacras traditiones in subsidium vocetis ; uti in observationibus meis polemicis libro secundo de verbo Dei prolixius ostendi, atque ipsimet experti estis, quando cum Arianis in Transylvania de Trinitate disceptastis.

Quamvis autem homines isti sacra scriptura, turpissimè abutantur, nihilque in sectæ suæ novitatibus inveniant, nisi deceptæ mentis ludibria, plurimos nihilofecius, dum blandum melos occinunt, pyrenum instar incantant.

Quid enim in vulgum plausibilis, depravatæ mortalium indoli *81.* innatæ philautiæ suavius, atque ad fallendum universim aptius, Melos Calicis ex prætensi evangelii placitis denunciare : audite cives : nemo vinificum. princeps tenebitur Ecclesiæ Romanæ observare jejunia ; nemo Missam audire : nemo peccata sacerdoti exponere : nemo vota observare. Sacerdotibus & cœnobitis licet inire conjugium : monasteria primumque bona diripere, Ecclesiarum opes auferre : omnes corporis afflictiones, carnis macerationes, cordis contritiones, abrogatæ suntu. Crede : & res est salva.

Ad quid tantum auri in Ecclesiis, tam splendidus ornatus, tam pingues Ecclesiasticorum redditus, nisi ad saginandos pigros ventres ; quid perditio hæc ? ad quid dies festi, supplicationes, adgeniculationes.

lationes, peregrinationes, nisi ad turpe otium, & laboris fugam; ad quid tot orationes pro mortuis? jucundius est Maroti & Bezæ rhythmos suaviter cantillare. Quid tot Sacramenta? sufficiunt duo.

Sacramen-
ta.

Baptismus non est ad salutem necessarius. Nemo illum ex laicis unquam conferre potest. Moriatur infans: quid tum? salvatur in fide parentum & Ecclesiæ. Cœna tantum quater in anno instruat. Nemo genu flexo illam accipiat. An jejunos illam sumas, an jam antè pastus & potus, parum interest. Ægris verò nunquam apportetur. Ut Minister Ecclesiæ formetur, non opus tot testimoniis, examinibus, probationibus, manus impositionibus, ordinationibus, approbationibus, missionibus. Etiam cerdones, sartores, lanæ carminatores, rudésque menalcæ repente evaserunt prædicatores. Nempe sicut populus, sic & sacerdos. Qualis religio, tales ministri.

Matrimonium, sicut non est Sacramentum, sic non tam arctum est vinculum. Fornicatur uxor, duc aliam. Non vult te Genevam sequi, dic repudium. Si à te discedat, post annum liber es. Neque polygamia tam peregrinum nomen est, ut concedi non soleat. Ad quid tot matrimonii impedimenta; consanguinitas patrem à filia arcet, fratrem à sorore. Quid plura requiris?

Atque hæc sunt pulchra illa documenta, quæ teste Florimundo Ræmundo *in Hist. de ortu, progr. & ruina hæres. lib. 7. & 8.* Calvinistæ Genève & in Gallia docuerunt & exercuerunt. Quamvis non omnium eadem fuerit sententia: quis enim in tanta sentiendi, & loquendi licentia unitatem expectet?

Synodi.

Certè in synodo Pictaviensi secunda, anno 1559. complures, tum ministri, tum alii, spectantes abominationem desolationis inter Calvinistas, de reducta ad Ecclesiam Catholicam deliberarunt. Inter eos Veracus Abbas apertè ichisina detestatus est. Borderius verò celebris advocatus multis gravibus rationibus cœtui demonstravit, non ita temere suscipiendum ab Ecclesia divortium: turpissimi sacrilegii se reos factos, quòd sine legitima vocatione & missione ministerii auctoritatem usurpârint. Metuendum sanè, ne à Deo, ut olim Core, Dathan, & Abiron, qui munus alienum invaserant, gravissimè puniantur. Eadem in aliis quoque eorum synodis sunt agitata. Sed Calvinus Hugonotorum Papa silentium imposuit.

Juventu-
tem per-
vertunt.

Ex hujus igitur disciplina, quamvis meliora cernerent, pergebant ministri homines seducere, & proposita molli latæque via ad interitum trahere; pantheræ instar, quæ suavi odore & amœno colo-

re dicitur feras allicere, & devorare. Præcipuè verò in Academi-
as & litterarum Gymnasia se insinuabant, optimè gnari, nusquam
uberiorem sementem lolii exsurgere, quàm ubi teneram in ætatem
spargitur, eorum præsertim, qui aliquando aut Ecclesiasticam aut
politicam sunt gesturi rempublicam. Hinc id genus heterodoxi Gram-
matici præceptores se offerebant, & illoto pede etiam in Theologi-
am involabant, ne quidem Academia Parisiensi ab hac sæce purâ.
Utque securius laterent, nomina mutabant; quasi novo nomine in-
duto veterem hominem exuerent. Sic tectus Mossonus primus erat
Lutetiæ Minister, qui verbo Dei prætenso multos seduxit. O quàm
verè verus propheta: *falsò vaticinantur prophetae in nomine meo :
non misi eos, & non præcepi eis, neque locutus sum ad eos.* Jerem. 14

ARTICULUS X.

Status Ecclesiæ Gallicanæ per Concilia reformatus Sæculo XVI.

Nullo unquam tempore calamitosior erat status Ecclesiæ Gallica-
næ, quam sæculo XVI. quo hæreses, seditiones, bellæque
assidua, quæ descripsi hætenus, florentissimum Regnum con-
quassabant, & morum disciplinam Religionemque eversum ibant.
Invigilabant tamen quantum ferebat temporum iniquitas, atque pa-
storalem curam exercebant multi docti ferventisque pro domo Domi-
ni Galliæ Præsules, vocatis in subsidium conciliis provincialibus,
ut ordinario & opportuno pharmaco Ecclesiæ morbis medeantur.

Horum aliqua celebrata sunt ante Concilium Tridentinum ad
restaurandam disciplinam & arcendas irrumpentes hæreses: alia ve-
rò post illud, circa annum præcipuè 1583. quo plerique Archiepi-
scopi provinciæ suæ Episcopos, Suffraganeos suos convocarunt, plu-
rimaque sanctissima Decreta promulgârunt, simili ferme pleraque te-
nore, ad mentem videlicet Concilii Tridentini & sacrorum canonum,
atque antiquiorum synodorum sanctiones concepta; dignaque pro-
fus, ut in ipsis conciliorum actis legantur extensa, ego pro instituti
mei ratione synopsis duntaxat aliquam delibo, & quæ memoratu
magis digna sunt visa, recensebo: multa omissurus, ne eadem to-
ties repetantur.

Concilium Avenionense anno 1509.

32.

PROvinciale hoc fuit Concilium, Præsidente Antonio Flores, Archiepiscopo Avenionensi celebratum Avenione, urbe celebri ad Rhodanum in Provincia sita, quam cum adjecto comitatu Clemens VI. à Joanna Neapolis Regina, ex familia Andegavensi oriunda, anno 1348. emit, sex Pontificum sæculo XIV. sedem, hodièque à Pontifice per Legatum gubernatam. Editi autem sunt 35. synodales canones; quorum hæc est summa.

1. Revocantur concessionēs non residendi in Beneficiis Ecclesiarum.
2. Nemo duo Beneficia habeat aliās privandus utroque.
3. Residentia personalis præcipitur, ita ut nullus ultra 30. dies per annum absit; nisi ab Archiepiscopo aut ejus Vicario specialem habeat licentiam.
4. Foundationes, ac proventus capellaniarum scriptæ reponantur apud secretarium curiæ Episcopalis.
5. Singuli Parochiani diebus Dominicis festisque ad Parochiam accedant, Missam majorem, verbum DEI &c. audituri: sub pœna excommunicationis.
6. Omnes Clerici horas canonicas in Ecclesia persolventes, aut Sacramenta ministrantes, aut funus comitantes &c. superpellicem cum longis manicis gestent. Illis, quæ manicis carent, sub excommunicationis pœna rejectis.
7. Nemo urbe excedat, antequam solverit synodaticum, cathedratium, aliâque jura Episcopalia.
8. Intra sex dies omnes curati sistantur Episcopo.
9. Clerici hospitalitatem observent.
10. Fons Baptismalis mundus & clausus teneatur.
11. Curato mundus, tutus & honestus locus detur.
12. Paramenta sint honesta ac munda.
13. Excommunicati publicè denuntiandi, atque ad Ecclesiæ unitatem reducendi.
14. Omnium excommunicatorum nomina fiscali aut secretario tradenda.
15. Quilibet Parochus statuta synodalia habeat.
16. Nemo fructus beneficii elocet, aut hypothecæ subiiciat.
17. Nemo curam animarum exerceat, nisi legitimè fuerit præsentatus.
18. Nullus clericus ludat taxillis, aleis, aut chartis, sub pœna excommunicationis.

19. Ne-

19. Neque tabernam accedat, sub eadem pœna.
20. Parochus nomina decedentium, testatorum, hæredum synodo annuatim exhibeat.
21. Omnes concubinæ dimittantur, sub pœna excommunicationis.
22. Concubinatii & sortilegi à Parochis denuncientur fiscali curiæ Episcopalis.
23. Commendatur cura & conservatio Beneficiorum, Ecclesiarum, librorum, ornamentorum.
24. Alieni parochiani ad propriam parochiam remittendi ad Divina & verbum Dei audienda.
25. Etiam Sacramenta confessionis & communionis in eadem percipiant; nisi habeant licentiam.
26. Excommunicatus, si satisfecerit, absolvendus.
27. Rationes foundationum exhibendæ.
28. Prohibentur matrimonia clandestina, sub pœna excommunicationis.
29. Quam etiam incurrunt omnes, qui eadem promovent.
30. Uti etiam, qui Diœcesi aut parochia exiverint ad ea contrahenda.
31. Nullus Sacerdos secularis Missam celebret aut confessiones audiat, nisi licentia obtenta.
32. Præscribitur clericis decens habitus.
33. Rectores Ecclesiarum documenta ac monumenta foundationum &c. officiariis Episcopi exhibeant.
34. Statuta omnia synodalia observentur.
35. Clero supplicante adjunctæ sunt aliquot modificationes horum statutorum: e. g. dispositio can. 2. de pluralitate Beneficiorum reducitur ad Jus commune: uti etiam can. 3. de residentia. Canon 16. ita intelligendus, quòd liberè liceat *arendare*, seu locare fructus Beneficiorum illis, qui conditionem Ecclesiæ possunt facere meliorem: modò locatio in feudum aut alienationem non transeat. In 25. non derogatur privilegiis.

Conciliabulum Turonense Anno 1510.

Indictum hoc fuit à Ludovico XII. Galliarum Rege Turonibus, clarissima in Provincia Aurelianensi ad Ligerim urbe, contra Julium II. Pontificem, occasione bellorum Italicorum inter Pontificem & Abhonsum Ferrariæ Ducem, à quo Julius ducatum repetebat, quem ejus progenitores fiduciario jure à Pontificibus acceperant. Quum
etenim

etenim Pontifex Alphonsum fidelium communione movisset, omnesque eidem adhærentes, aut faventes, & peculiariter omnes in exercitu Gallico militantes, quem Ludovicus Duci auxilio miserat, Rex Episcopis ac Theologis Turonem convocatis, octo capita, quæ ad schisma confluendum vergerent, expendenda proposuit. Et quamvis Galliæ Præsules quæstiones eas odiosas in favorem Regis sui resolverent, visum tamen nomine Ecclesiæ Gallicanæ legatos ad Pontificem prius mittere, qui eum hortarentur ac modestè monerent, ut cœptis desistat, & pacem atque concordiam cum primogenito Ecclesiæ filio ineat. Si nolit, interpellandum de convocando concilio, juxta synodi Basileensis placita. Cùm autem ille in bellum rueret, secuta sunt dein illa, quæ tum part. 3. ad Concilium Pisanum & Lateranense V. tum in hac parte Art. I. recensui.

Porro invidiosa illa octo capita versabantur circa jura Pontificis & Regis adversum se invicem. Exstantque apud Ludovicum Baillium *tom. 2. pag. 456. & 629.* Ego illa vel recensere nolo. Melius Orthodoxi omnes eò studia sua intendunt, ut pax conservetur atque firma concordia Patrem inter & Filios, quam ut de supremis eorum juribus odiosæ quæstiones moveantur. Hoc certum, nulli Principum bene vertisse bellum, adversus sedem Apostolicam susceptum. Et ipse Rex Ludovicus, licet ingentes retulisset victorias, magnamque Italiæ partem jam occupasset, tota nihilominus excedere Italia debuit, amissis multis subditorum millibus & immensis pecuniis.

Secutum est anno sequente Conciliabulum Pisanum, veluti proles Turonensis, quod part. 3. descripsi. Ejus acta & apologia ab hæreticis & schismaticis fuerunt collecta, atque anno 1612. primum typis data, non adscripto auctoris neque typographi nomine, atque malignis futeis corrupta.

Concilium Rotomagense anno 1522.

24

Concilium hoc Provinciale celebratum est à Georgio Archiepiscopo & Suffraganeis Rothomagi, celeberrima ac primaria Neustriæ seu Normanniæ ad Sequanam urbe. Edita 6. Decreta, & resolutæ 11. quæstiones.

1. Pastores animarum morum integritate, vitæ sanctimonia, & boni nominis fama præluceant.

2. Ut

2. Ut ovibus sedulò invigiletur, curati personaliter resideant. Nec dispensetur, nisi causa legitima scriptò judicetur.
3. Pro Ordinatione, aliisque Ecclesiasticis ministeriis nulla pecunia recipiatur.
4. Episcopi executores testamentorum compellant ad implendas ultimas voluntates.
5. Multæ pecuniariæ pro sceleribus taxatæ in curiis Ecclesiasticis in pios usus & elemosynas convertantur, juxta illud : *facite vobis amicos de mammona iniquitatis.*
6. Ecclesiarum Prælati vestibus honestis induantur, sericis penitus eliminatis, & versicoloribus. Sequuntur undecim quæstiones propositæ.
1. An peccent Canonici confabulantes in choro, aut deambulantes sub Divino servitio, aut qui non interfunt ? Respondet Concilium, quod peccent ; nisi rationabilis causa, aut impedimentum excuset.
2. An Residentia Canonici in Cathedrali aut Collegiata excuset eum à residentia in suo Beneficio curato ? R. Eos à personali residentia excusari, debere tamen aliquibus diebus solennibus suos Parochianos visitare.
3. An valeat consuetudo, qua arctati ad residentiam in Cathedrali die paschæ, dimittunt oves proprias ? R. Supponi falsum, quòd ita arctentur.
4. An liceat eis aliquid recipere pro réceptione Canonicorum de novo venientium ? R. videri, quòd sic. *Verùm pro ipsa receptione in Canonicum aliquid petere, aut recipere est simonia, multis Canonibus damnata. Aliud esset, si ex gratitudine aut donatione post receptionem aliquid daretur : aut statutum vigeret, post receptionem consuetam aliquam taxam solvendi, sicut solvuntur annatæ.*
5. An Prælati teneantur includere Moniales, extirpare proprietatem Abbatum & Monachorum ? Responderunt affirmativè. *Videndum, an sint exempti, aut casus excepti.*
6. An valeat consuetudo, ut Monachi lautius vivant, quàm contingat eorum regula ? R. quòd debeant vivere secundum regulam, salvo tamen privilegiis. *Si universalis esset consuetudo legitime præscripta, possent secundum illam vivere. Cùm enim valeat consuetudo legitime præscripta contra leges, cur non etiam contra regulas ?*

7. An in quolibet monasterio teneantur habere præceptorem ad docendum religiosos juvenes, vel eos mittere ad studium ? R. quòd sic.
8. An Monachi possint esse compadres frequentare nuptias, & prætextu officii, à regulis absoluti, passim vagari ? R. quòd non.
9. An liceat Monasterio aliquid recipere ab ingrediente ? & an excuset consuetudo ? R. quòd possint gratis & sine pacto oblata recipere ; non autem exigere. *Pro ipsa receptione vel ingressu nihil possunt petere, bene verò ex aliis pluribus titulis.*
10. An Monachi sine consensu Episcopi possint nova ædificia extruere, vel antiqua sumptuosius reparare ? R. posse construere & reædificare, non tamen sumptuosiora & ad pompam.
11. An Monachi exempti delinquentes in territorio Episcoporum possint coërceri ab Episcopo vel laico : & an subditi Episcoporum teneantur exire Episcopatum ad agendum contra exemptum coram conservatore ? R. quòd possint ab Episcopis coarctari, donec requirantur à suis Prælatiis. Et quòd non debent exire provinciam pro justitia habenda. *Verùm actor sequi debet forum Rei.*

Actum dein de abolendo tertio Ordine S. Francisci, aut reducendo ad unicum conventum ; atque de non imprimendis libris, nisi prius à Doctoribus Theologiæ lecti, & ab Episcopo sint approbati, præcipuè si fidem aut mores contingunt.

Denique Archiepiscopus Rotomagensis in sua Diocesi sequentia festa jussit supprimi, non quidem quoad cultum Divinum, sed ita, ut dein mechanici suas operas exercere possint, videlicet festum Cathedræ S. Petri, Inventionis S. Crucis, S. Joan. ante portam Lat. SS. Gervasii & Protasii, S. Eligii, S. Martialis, translationis S. Martini, S. Petri ad Vincula, Inventionis S. Stephani, Fidelium Defunctorum, S. Clementis, S. Thomæ Martyris, Feria 4. post festum Pentecostes.

Concilium Lugdunense anno 1527.

31.

Postquam statuit, liberaliter Regi Francisco subvenire, ut possit filios, in Hispania pro se obsides datos, redimere, damnavit hæresin Lutheranam, atque sub gravibus pœnis prohibet, ne quis eandem regno inferre aut tenere præsumat, néve quispiam aliquid proferat, per quod Christianus populus amoveri possit à fide Catholi-

ca,

ca, à sacramentis sanctæ matris Ecclesiæ sincerè credendis, à veneratione intemeratæ Virginis Deiparæ, sanctorum & sanctarum, ab observantia & votis religiosæ disciplinæ, à jejuniis, ab orationibus, & intercessionibus pro defunctis, à præceptis Ecclesiæ. Prohibetur deinde omnes libri Lutheri & sequacium; quia sub dulci, fucato & affectato sermone mellita venena propinant. Denique prohibetur etiam lectio S. Scripturæ in linguam Gallicam à Lutheranis translata; quia ejusmodi lectio rudibus propter eorum imperitiā & temeritatem plus affert periculi ac etiam damni, quàm emolumenti: dum litteræ, quæ occidit, inhærentes, à veritate & puritate sensus aberrant facilè, atque sic temere proprios conceptus ac privatos spiritus SS. Patrum doctorumque sententiis & interpretationibus anteposunt: ut experientia non rarò demonstravit.

Prohibetur igitur graviter, ne librarii id genus libros habeant, aut publicè vel occultè venales exponant. Laicis verò, ne de fide, aut articulis damnatis disputent. Sed à pastribus animarum diligenter instruantur in doctrina Christiana. Si quos autem nòrunt erroribus implicatos, superiori denuntient, juridicè compescendos & corrigendos.

Adjuncta dein sunt duo decreta ad reformandos mores, ut cultus divinus fervente pietate floreat, vitæ clericalis munditia, honestas, & modestia palàm eluceat. Vicia autem, quibus Ecclesiasticus Ordo passim diffamatur, ac traducitur; prorsus reprimantur, illa præsertim, quæ scandali offendiculum figunt in oculis hominum. Itaque pœnis coërceantur negotiatores clerici, concubinari, omnesque indecorè viventes.

Onerosa illa Ecclesiis, laicis verò contemptibilis clericorum, sæpè rudium & egenorum multitudo minuatur. Quare nulli ad sacros ordines admittantur, nisi qui moribus, scientia, ætate, & competente titulo, se dignos probent, præcedente ad hoc diligenti scrutinio. Bona autem in titulum assignata nulla ratione valeant alienari. In concedendis verò litteris Dimissoriis cautela adhibenda, ne passim & indiscretè dentur.

Concilium Bituricense anno 1528.

86.

PROvinciale hoc Concilium celebratum fuit Biturigibus clara in Provincia Aurelianensi ad Ligerim urbe, Præsidente Francisco Turonio Archiepiscopo, Aquitanix Primate, adversus perversa Luth-

ri dogmata, atque ad morum reformationem. Promulgata 23. Decreta. Quorum hæc epitome.

1. Lutheri & sequacium dogma, jam pridem à sede Apostolica damnatum, ubi errores necdum sunt noti, generaliter tantum in concionibus reprobetur.
2. Curati infectos illis erroribus, & sortilegos denuntient Episcopo aut ejus Vicario.
3. Ne quis librarius libros infectos imprimat, vendat, aut retineat, sed Ordinario tradat.
4. Libri etiam sacri, in vernaculam translati, non vendantur, nisi ab Ordinario sint recogniti.
5. Quæstores Indulgentias non promulgent, absque facultate Ordinarii; nec quidquam proponant, nisi quod authenticis litteris continetur: nullus incognitus prædicator admittatur, nisi de licentia Ordinarii.
6. Rectores Ecclesiarum Dominicis prædicent præcepta Dei, Evangelium, epistolam illius diei, aut quod confert ad fugam peccatorum, & amorem virtutis. Tripartitum etiam Gersonis versum sermone vulgari declarent.
7. Statuta synodalia in linguam vernaculam vertantur, & populo exponantur.
8. Nemo vagetur per templa sub re Divina.
9. Decretum Concilii Constantiensis de celebrandis tertio quoque anno synodis observetur. Prælati quot annis visitent.
10. Acerrima inquisitio fiat in blasphemos &c.
11. Omnes genua flectant ad elevationem SS. Eucharistiæ.
12. In administratione sacramentorum nihil ridiculi admisceatur. Nec pœnitens nec confessarius pœnitentiam injunctam revelet. Sigillum sanctius custodiat.
13. Observetur statutum Concilii Constantiensis & sanctionis pragmaticæ de residentia Ministrorum Ecclesiæ & præsentia in cultu Divino. Psalmodia lentè & devotè peragatur.
14. Emendæ (*multæ*) non dentur ad firmam (*non elocentur*) nec jus sigilli Prælatorum.
15. Breviaria, Missalia, alique sacri libri non imprimantur, donec exemplaria ab Ordinario accipiant.
16. Confraternitates non erigantur inconsulto Ordinario. Nec fiant sumptus immoderati. Pecuniæ earum convertantur in pios usus. Contractus ficti & usurarii vitentur.

17. Numerus festorum coercendus. Standumque in his abrogandis Ordinarii arbitrio.
18. Studiosis non prælegantur libri, revocantes à sacris ceremoniis, & institutis ab Ecclesia approbatis.
19. Parochi visitent quandoque personaliter suas curatias.
20. Dimissoriæ non dentur promovendis, nisi debitè examinati fuerint, & inventi idonei, ac fidem fecerint de titulo mensæ. Promoti sine dimissoriis suspenduntur, quamdiu Ordinario visum fuerit.
21. Non dispensetur à Prælatiis, ut curati relictis ovibus propriis inserviant alienis.
22. Moniales clausuram monasterii servant. Ac per omnia observetur *cap. periculoso unic. de statu regul. in 6.*
23. Religiosi extra claustra sua vagantes ab Ordinariis cogantur redire ad rectam semitam; & claustrum suum.

Addita sunt deinde aliquot Decreta circa Immunitatem Ecclesiasticam ab Officialibus Regis & Judicibus laicis violatam. Statutumque, ut ea super re porrigatur Regi supplicatio. Moderamen etiam adhibitum censuris Ecclesiasticis, præsertim excommunicationi, ut ea non feratur propter rem levioris momenti, neque pro prima contumacia: & in litteris contra participantes datis eximantur uxor, liberi, servi & ancillæ. Potius per viam interdicti ab ingressu Ecclesiæ esse procedendum.

Curati resideant, nec dispensetur, nisi causa cognita, & Vicariis idoneis substitutis. Ne tam facile cœmeteria polluantur ac profanentur, claudantur muro aut pariete, aut sepe.

Decretum denique, ut intra biennium quatuor decimæ omnium fructuum ab omnibus Ecclesiasticis solvantur pro redemptione filiorum Regis, in Hispania pro patre obsidum; cum protestatione tamen, quod per hujusmodi concessionem Concilium nolit contra venire Conciliorum Canonibus, sacrisque constitutionibus de solutione decimarum: sed solum in casu, à Jure permissis, videlicet in redemptionem captivorum, citra præjudicium alicujus consequentiæ; non intendens libertati Ecclesiasticæ derogare.

Concilium Parisiense anno 1528.

Hoc Concilium dicitur etiam *Senonense*, quia Parisiis celebratum fuit ab Archiepiscopo Senonensi Antonio à Prato S. R. E. Car-

87.

dinale Franciæ Primate & Cancellario. Qui se etiam Germaniæ Primatem scripsit.

Dignissimum planè lectu est hoc Concilium, licèt admodum prolixum ; quia Novatorum & hæreticorum mores graphicè depingit, eorùmque errores solidissimè confutat. Quare cùm doctissimam Polemicæ synopsis contineat, rem non ingratam lectori me facturum credo, si prolixità aliquantò illud exponam.

Et in epistola quidem encyclica ait Cardinalis, frequentem Conciliorum celebrationem agri Dominici præcipuam esse culturam, quæ spinas hæreseos extirpet, atque deformata reformat. Generalia autem non faciliè posse adunari. Providè itaque à SS. Patribus constitutum, ut Metropolitanì Provincialis convocent, quibus unà cum suis suffraganeis irrepentibus animorum morbis digna cautione medeantur. Quod etsi semper non segniter fuerit observandum, maximè tamen nunc, ubi lethifer morbus corpus depascit, & exitialis quædam animorum pestis immaniter grassetur, tantam enim Lutheri & perditorum quorundam hominum auspiciis luem in Orthodoxam fidem esse profeminatam, ut serpenti contagio ocùs opportuno remedio sit occurrendum. Eò namque dementiæ prorupisse perduellès Ecclesiæ, atque in eam pervenisse perfrectæ frontis impudentiam, ut hæresiarchas à Christiana antiquitate damnatos, SS. Patribus & Conciliorum dectetis antepoñant, scripturam depravent, & corruptam atque adulteratam in suam sententiam detorqueant. Ne itaque latius hic cancer serpat, promulgata esse Concilii decreta, quibus exitiale Lutheri & cæterorum id genus hæreticorum virus detegatur.

88.
De hæreticis.

In præfatione ipsius Concilii dicitur, plurimos ab omni ætate insurrexisse hæresiarchas, at de omnibus victicem Christi Ecclesiam gloriose triumphasse. Resuscitari à Luthero istorum hæretes : cum Manichæo everti humani libertatem arbitrii, acsi decerpisset nos Veritas, dum ait, nostræ potestatis atque electionis esse, vias nostras bonas vel malas facere. Cum Aërio contemni Ecclesiæ jejunia, corporisque afflictationes, & pro libertate spiritus, carni dominantis, in qua sita sit libertas Christiana, induci carnis licentiam. Cum Vigilantio, altero Epicuro, sacerdotum cœlibatum explodi, quasi nihil sit, quo homines Divina adjuti gratia, distent à porcis. Cum Waldensibus idiotis perturbari hierarchiam Ecclesiæ ; tanquam liberum cuique esset publicè prædicare verbum DEI. Cum Marfilio Patavino omnem Ecclesiasticam jurisdictionem everti, & in laicos transfundi. Cum Wiclefo in plures damnatas hæreses irru.

Ex

Ex his aliorumque veterum hæreticorum virulentis fontibus haufse calumnias atque hæreses Lutherum, Melanctonem, Carolstadium, Zwinglium, Oecolampadium, & cæteros hujus execrandæ conjurationis complices. Quasi verò magis sit paucis temerariis errorum satoribus credendum, quàm omnibus Doctoribus, sanctis Martyribus, Academiis, Episcopis, summis Pontificibus, Generalibus Conciliis ; quò stultius dici nil possit, nec furiosius. Majorem nullam esse insaniam, quàm prædamnatas tot retro sæculis hæreses revocare, atque ex inferis denuo suscitare.

Sed quantumlibet tumultuentur, innumeras insipientium cætervas in perniciem, atque ad nefariam impietatem technis & fraudibus alliciant, libros sine fine ad firmandam execrabilem hanc sectam conscribant, nugas & calumnias suas composito fucatoque sermone satagant adumbrare, totisque viribus in Ecclesiæ Catholicæ conspirent exitium, inferorum tamen portas nunquam adversus eandem prævalituras.

Hoc eo jam tempore (*quo Lutheranismus vix decem annos numerabat*) spectari, dum Lutherani inter se valde dissideant : alii imagines retineant, alii deiciant : alii baptismum iteratum suscipiant, alii execrentur : alii corporis & sanguinis Christi in Eucharistia præsentiam profiteantur, alii signum tantum aliquod adesse velint. Alii scripturam claram, alii obscuram dicant. Has autem aliasque discrepantias planè indicare, quàm à veritate sint alieni. Veritatem siquidem ubique sibi constare, nusquam dissidere ; non enim spiritum Dei esse spiritum dissensionis. Lutheranam itaque doctrinam à spiritu mendacii prodire ; nempe usque adeò pudendos & execrandos in ea contineri errores, tamque malè sibi coherentes, ut facilè detestanda appareat.

Hac doctrina malefana scriptorum Catholicorum libros à Lutheranis corrumpi. Impiis præfationibus, annotationibus margini adjectis, scholiis, indicibus, serpentina malitia limpidissimos fontes infici.

In prima sessione editum fuit Decretum : quo dicitur, surrexisse nonnullos pseudo-Christos, & pseudo-Prophetas, quorum dux & vexillifer Lutherus, hæresiarchas, fastuosos, seditiosos, luciferiana superbia ac rabie lupina erectos, quales Apostolus 1. Tim. 4. ad amussim exprimat, affirmantes, laicos & mulierculas æquè ac presbyteros posse absolvere ac consecrare, omnesque Christianos esse sacerdotes ; coelibatum sacerdotum abiiciendum ; Monachis

chis & aliis voto obstrictis lasciviendi libertatem indulgendam. Qui sacros canones, Ecclesiæ ceremonias, receptasque laudabiles consuetudines impiè derideant; atque ut nihil ad impietatem desit, sacras scripturas corrumpere, & ad suos sensus torquere præsumant, conviciis semper & maledicentiis pleni, aceto ubique & veneno perfusi. Articulos insuper infinitos ab eis disseminari, aut scandalosos, aut temerarios, aut blasphemos, aut piarum aurium offensivos. Ac tandem super exitiali ac pestilenti veneno dogmatum, pleraque alia tam foeda ac malè olentia à nauseabundis evomi, ut quasi ex professo habeant, decorem sanctæ matris Ecclesiæ, foedare, spurcare ac contaminare.

Excommunicat deinde sacra synodus, omnes hæreticos, omnesque universim, qui aliter credunt, aut prædicant, quam Romana credit aut prædicat Ecclesia; quæ etsi diversa nonnunquam edidit decreta, nihil tamen est in tanta decretorum multitudine, quod fidei orthodoxæ adversetur: sed pro conditione temporum ea, quæ ad disciplinam spectant, statuit, quæ conducibilia sunt visa. Excommunicantur etiam omnes credentes, receptatores, defensores, & fautores hæreticorum: suspecti autem de hæresi, post unam vel alteram correptionem, decernuntur ab omnibus devitandi.

Damnati hæreseos, si eam abjurare noluerint; si laici sunt, statim judicio sæculari relinquendi sunt: si clerici, præsentè statu sæculari, à suis ordinibus sunt degradandi: & pronuntiandum est, ut eos sæcularis Judex in suum forum recipiat. Et quia Episcoporum numerus, per sacros Canones ad degradationem requisitus, non facile potest congregari, solus Episcopus, convocatis Abbatibus aliisque Prælatiis, possit tales degradare. Relapsi in hæresin statim judicio sæculari sunt relinquendi. Relapsi autem censentur, qui in Judicio hæresin prius abjuraverant; licèt crimen hæresis non plenè fuerit probatum.

Hæreticorum bona, si laici sint, fisco applicentur sæculari, si verò clerici, Ecclesiæ, à qua stipendium acceperunt. Confiscationis autem executio non fiat per Judicem sæcularem, nisi prius à Judice Ecclesiastico super crimine sententia sit lata.

Prohibentur deinde privata conventicula, libelli hæreticorum, prædicationes occultæ, aut faciendæ ab eis, qui non sunt legitime missi. *Quomodo enim prædicabunt, nisi mittantur?* Fit denique supplicatio ad Regem, & Pastores animarum atque Inquisitores, ut invigilent. Sequuntur Decreta fidei.

§. I.

De unitate & infallibilitate Ecclesiæ.

Ecclēsiā ait, esse sponsam Christi, non habentem maculam
(*quod fidei morūque doctrinam*) non esse proin separandam
à sponso per ullam infidelitatem, sed cum ea futuram usque consum-
mationem sæculi, esse domum DEI, quæ columna est & firmamen-
tum veritatis, benè fundatam supra firmam petram: in quam licet
descendat pluvia, irruant venti, inundent flumina, everti tamen
non posse, neque portas inferi prævalituras adversus eam. Non
enim dormitabit neque dormiet, qui custodit eam: qui dedit quos-
dam quidem apostolos, quosdam autem prophetas, alios verò Evan-
gelistas, alios pastores & Doctores, ad consummationem sanctorum,
in opus ministerii, ad ædificationem corporis Christi: donec occur-
ramus omnes in unitatem fidei, & agnitionis filii Dei, in virum
perfectum, in ætatem plenitudinis Christi: ut jam non simus parvu-
li fluctuantes, & circumferamur omni vento doctrinæ, in nequitia
hominum, in astutia, ad circumventionem erroris: sed maneat no-
biscum in æternum spiritus veritatis. Eam Ecclesiā esse taberna-
culum illud cum hominibus, in quo habitabit cum eis, & ipsi po-
pulus ejus erunt, & ipse Deus cum eis. Extra quam, sicut quon-
dam extra arcam Noë, nemo salvus esse possit, quin insurgentibus
hæresum procellis obruatur. Eam ipsam unam esse domum, in qua
agnus paschalis manducari est jussus, extra quam nulla participatio
mensæ Domini. Eandem unicam domum Rahab, qua conclusi eva-
dant exterminium urbis Jericho: unam igitur, sanctam & infallibi-
lem Ecclesiā, quæ à veritate & orthodoxa fide deviare non po-
test. *Unum corpus, unus spiritus, unus Dominus, una fides.* Ephes. 4.

89.

§. 2.

De visibilitate Ecclesiæ.

In 2. Canone synodus tractat de *visibilitate Ecclesiæ*. Nam quis,
inquit, contentionis modus, ubi provocatur ad Judicem, qui
nec inveniri, nec inventus internosci possit; si te corripientem fra-
ter tuus non audierit, dic Ecclesiæ, præceptum est Domini. Quid
autem crassius, aut quid inutilius fingi queat, si prorsus occulta sit

90.

& impervestigabilis Ecclesia, cujus antistites monet Apostolus, universo gregi, non utique invisibili, attendere, in quo eos Spiritus S. posuerat Episcopos ad regendam Ecclesiam Dei? An invisibilis illa, à qua pro Petro dum carcere tenebatur, assidua fiebat oratio, aut in qua Timotheum conversari docet Apostolus. Non igitur fide tantum interna, sed confessione etiam fidei, & visibili sacramentorum participatione constat, semperque constituit Ecclesia. Quisquis igitur invisibilem & incertis sedibus errantem dixerit Ecclesiam, non hæresin tantum dixisse, sed hæresum omnium puteum fodisse judicetur.

§. 3.

De authoritate Conciliorum.

21.

IN 3. ait, ad Synagogam olim delatum esse, si quid difficile in lege dubiumque occurrisset, non autem minus adesse Deum Ecclesiæ, in sacris conciliis generalibus congregatæ ac representatæ. His enim conciliis si ea decernendi, quæ ad fidem, extirpationem hæresum, Ecclesiæ reformationem & integritatem morum pertinent, potestas adimatur, nihil certum, nihil stabile futurum esse, nihil denique, quo hæreticus ab orthodoxo internosci possit, cum ille frequenter loquacior, & perviacior, pluribus (licet perperam intellectis) scripturarum testimoniis falso gloriatur. Nec fuisse, quo veterum quorundam hæreticorum insultus retunderentur, nisi Ecclesiastici proceres Apostolorum exemplo concilia celebrassent: quibus si sua non constet authoritatis, protinus velut ab inferis suscitari hæreses damnatæ, neque defuturos, qui hinc Ario, inde Nestorio, cæterisque id genus pestibus sint subscripturi. Id autem ab Apostolis (quibus Episcopi succedunt) observatum, ut, sive murmuri Græcorum occurrendum, seu pacanda super legalibus orta seditio, non centurionem, non promiscuam è plebe multitudinem accerserent, sed præsentem sibi Spiritum S. affirmarent, cujus instinctu, quod justum & æquum esset, sanciretur. Sanè si, ubi duo vel tres sunt congregati in nomine Domini, continuo in eorum medio est Dominus, quanto magis ubi summus Pontifex cæterique Primores Ecclesiastici conveniunt, ut hæresibus subinde pullulantibus occurrant, & Domini cum agrum subortis expurgent zizaniis. Sanctam igitur & inviolabilem esse sacrorum conciliorum universalium authoritatem, cui quisquis pertinacius refragatur, eum hostem fidei jure optimo censeri debere.

§. 4.

De Libris Canonicis.

IN quarto canone declaratur, ad Ecclesiam pertinere determinationem, *quinam sint libri canonici*: asseriturque, summam quidem esse S. Scripturæ auctoritatem, in qua nihil falsum, nihil otiosum esse possit, nullum tamen surrexisse hæreticum, qui non suum errorem scripturâ tueri conaretur: nullam tam impudentem & absurdam hæresin, quæ non sacris eloquiis se se jactitet, sed corruptis, & à genuino sensu depravatis. Imò verò si quis litteræ corticem tantùm suo fretus ingenio percurrat, si penitissimos sensus cum Ecclesiasticis interpretibus non penetret, vix unquam confutaturum hæreticorum versutias. Obortis igitur de fide dissidiis, frustra sæpè scripturam consuli, nisi litem dirimat certa & infallibilis auctoritas Ecclesiæ, quæ canonicum librum ab apocrypho, catholicum sensum ab hæretico, germanum ab adulterino discernat. Hac nempe velut internuntia, Patrum & conciliorum organis, à Spiritu sancto doceri nos omnia, & suggeri nobis omnia: sine quorum auspiciis eos, qui sacre scripturæ sensum habere se jactitent, non intelligere, quæ loquuntur, sed videntes non videre, & audientes non audire. In enumerandis igitur canonicæ scripturæ libris, qui præscriptum Ecclesiæ usum & auctoritatem non sequitur, sacrum Carthaginense Concilium tertium, Innocentii & Gelasii decreta, & denique definitum à SS. Patribus librorum catalogum respuit, spretisque orthodoxorum Patrum vestigiis, propriis spiritus judicium sequitur, eum velut schismaticum, & hæreseon omnium incentorem & fautorem à tanta temeritate reprimendum: ne porro fodiat sibi cisternas dissipatas, quæ continere non valent aquas.

92.

§. 5.

De Traditionibus.

IN quinto definit, aliqua firmiter esse credenda, quæ non continentur expressè in S. Scriptura, atque, pernicioso eos errore laborare, qui nihil admittendum putant, quod non è scriptura depromptum sit. Multa quippe à Christo ad posteros per manus Apostolorum ore ad os & familiari colloquio esse transmissa: quæ etsi in S. Scriptura expressè contineri non videantur, inconcussè tamen esse

93.

tenenda , ut ritum baptismi atque ceremonias , usum genua flectendi & orandi versus Orientem , signandi se sancta cruce , vinum in Sacrificio Missæ miscendi aqua &c. unctionem in Sacramento confirmationis , pluraque id genus , quæ quasi per manus ab Apostolis emanârunt. Ubi scriptum , quod à Christo dictum commemorat

Apostolus : *beatius est magis dare quam accipere* ? ubi scripta , quæ per dies à resurrectione quadraginta Dominus cum Discipulis , de regno Dei differuit ? quibus in libris S. Scripturæ continetur ipsum illud celeberrimum *Symbolum Apostolorum* ? atque alia id genus multa ; quæ si scribantur per singula , nec ipsum mundum (*juxta Joannem 21.*) arbitramur posse capere eos , qui scribendi sunt , libros. Hinc Paulum non eas tantum traditiones jussisse observari à Thessalonicensibus , quas per epistolam , sed etiam quas per omnem sermonem didicissent. Neque prætermisisse putandum cætera , quæ circa Eucharistiæ ritum Corinthiis se dispositurum , cum venisset , ultrò sponderat. Oportere itaque nos authoritati Patrum consuetudinique majorum , per tantam annorum seriem protelata , credere , eamque , ut antiquitus tradita est , jugi observantia & reverentia custodire. Quam si quis eo prætextu pertinaciùs rejiciat , quòd non legatur in scripturis sacris , ut hæreticum & schismaticum habendum.

§. 6.

De Constitutionibus.

94.

Sextus Canon agit de *Constitutionibus humanis & consuetudinibus* : aitque , cum tanta fuerit Synagogæ majestas , tanta Levitici ordinis auctoritas , ut nolens obedire sacerdotis imperio , qui eo tempore Domino ministrabat , decreto Judicis moreretur , ut hac animadversione tollatur malum de Israël , nullusque deinceps intumesceret superbia , qua fronte hæreticus in eam prorumpat audaciam , ut quidquid scriptura non expressum , sed à sacrosanctis Conciliis & summis Ecclesiæ Pontificibus , statutum sit , ausu temerario respuat , & subfannet ? An nescit verba Christi ? Qui , ne quispiam à præstanda scribis & Phariseis obedientia ob apertam etiam morum impuritatem avocaretur , *omnia* , inquit Matth. 23. *quæcunque dixerint vobis , servate & facite ; secundum autem opera illorum nolite facere*. Et ad suos conversus , quibus suam regendam committebat Ecclesiam : *qui vos audit* , inquit Luc. 10. *me audit : & qui vos spernit* ,

me spernit. Atque id optimo quidem jure: nam cum filios patribus, & subditos sublimioribus potestatibus oporteat esse subditos, non solum propter iram, sed etiam propter conscientiam, nec in iis tantum, quæ jure Divino cauta sunt, sed etiam quæ ad familiam aut rempublicam pertinent, quanto magis patribus spiritualibus, & præpositis oportet obedire & subjacere eis, qui pervigilant, tanquam rationem pro animabus nostris reddituri? Quæ omnia cum priscis olim patribus essent persuasissima, non inveniebatur, qui non ultrò jussa capefferet, cum Synagogæ primores jejunium aliquod aut dies festos indicerent, vel Apostoli à sanguine, suffocato, & idolothytis abstinendum esse. Quin Paulus hominem contentiosum, legem illam de velandis mulieribus, non probantem, fortè, quòd ea non initeretur scripturæ, Ecclesiastica consuetudine refellendum censuit, quæ contentiones hujusmodi non admittit. In omnibus igitur, in quibus nihil certi definivit scriptura, mos populi Dei, & instituta majorum pro lege habenda sunt: & sicut prævaricatores Divinarum legum, ita contemptores Ecclesiasticarum consuetudinum coercendi.

§. 7.

De Jejniis.

IN septimo de Jejniis Ecclesiasticis inquit; cum in omni Ecclesiastica lege honestas quædam & spiritualis profectus elucescat, in indicendis tamen jejniis insigniter emicare: quibus nihil aptius retundendæ carnis petulantia potuisset institui; cum id genus dæmoniorum jejunio tantum & oratione pellatur. Nec quidquam, exemplo Moïsis (*Exod. 34.*) promovendæ mentis puritati commodius: nec exemplo Ninivitarum, (*Jonæ 3.*) ad impetrandum, aut Deum placandum efficacius ab Ecclesiasticis quondam Præsidibus potuisse ordinari. Unde Apostolos quadragesimale jejunium sanctificasse, quo Christi fideles, non tam Moysen aut Eliam, quàm Christum imitati, totius anni decimam persolverent. Quæ verò à Callisto Papa & Martyre in quatuor anni partes discreta sunt jejunia (*distinct. 76. c. 1.*) quarti, quinti, septimi & decimi mensis legem referre ac figuram adimplere: & velut quasdam nostri temporis primitias sub illis quatuor anni partibus offerri (*de consecr. dist. 3. & 5. &c.*) ea quidem observantia, ut duodenarius dierum numerus duodecim mensibus respondeat. Nec dissimili religione statuta esse vigiliarum jejunia, quò puriores sacris solennitatibus accedamus.

95.

Nihil infuper sanctius , nihil utilius potuisse institui , quo puriens carnis lascivia frænaretur , quàm ut statutis jejuniorum diebus à carnis esu temperemus. Si quis igitur Aërianorum errorem , duodecim ante sæcula jam damnatum , & à Joviniano , Vigilantio , Valdensibus , Wicleffo , Hussitis , & Lutheranis fuscitatum , secutus , Ecclesiastica jejunia , & præscriptas à Patribus abstinentias non servaverit , aut non observanda duxerit , eum sacrorum conciliorum auctoritate esse anathema.

§. 8.

De Cœlibatu.

96.

Canon octavus Cœlibatum sacerdotum commendat , atque , non satis esse visum Lutheranæ factionis auctoribus , si quis in foribus est , sordescat adhuc , nisi quàm plurimos exleges sacerdotes & indisciplinatos Monachos , qui jam dudum impudiciæ fræna laxaverent , in sacrilegos incestus ac nefandas libidines secum præcipitassent. Ut enim , qui lascivia disfluebant , plures haberent sui similes , & coacervata multitudo suam utcumque turpitudinem obumbrarent , in eam prorupisse audaciam , ut sacerdotes Evangelicos nulla cœlibatus lege teneri velint : sed contra totius Ecclesiæ ritum , & præscriptam ab ejus incunabulis consuetudinem , liberas quibuscunque post adeptum sacerdotium affirmant nuptias. Leviticis quidem sacerdotibus licita fuisse conjugia , utpote qui paucis tantùm diebus sua vice ministrarent , & ex ea tantùm tribu jure successionis sacerdotio fungerentur. At sacerdotio Christi , utpote sublimiori & excellentiori , superinductas de jure fuisse nuptias , carere exemplo , & tanquam ab Apostolis interdictum secundo Carthaginensi Concilio prohiberi. Neque potuisse quidquam sanctius institui , quò ministri puriores sacris accedant altaribus , & jugi pene sacramentorum administrationi reddantur aptiores , quàm neminem nec ad subdiaconatum quidem admitti , nisi perpetuæ castitatis voto se se adstringeret. Si enim in lege veteri ii tantùm sacris panibus vescabantur , qui ab uxoribus mundi erant , si procul à suis domibus habitabant , quibus sua vice sacrificandum erat , ne conjugum fortè polluerentur amplexibus , si , quibus orandum , à conjugali commercio ad tempus sit abstinendum , si denique à viduis , quas suis sumptibus alendas Ecclesia quondam admittebat , continentiae votum exegerit , jure quidem optimo à summis Pontifici-

ficibus, & sanctis Ecclesiæ Conciliis inditum esse, ut qui sacris ultro se se ordinibus mancipient, perpetuo castitatis vinculo nece-
rentur. Nam *qui sine uxore est, sollicitus est, quæ Domini sunt, quomodo placeat Deo: qui autem cum uxore est, sollicitus est, quæ sunt mundi, quomodo placeat uxori, & divisus est.* 1. Cor. 7. de-
gravari animum & ad terrena deiici per usum matrimonii, amore
filiorum avarum & sollicitum reddi. Quisquis igitur contra SS.
Conciliorum & Patrum decreta, sacerdotes, Diaconos, aut subdia-
conos lege cœlibatus non teneri docuerit aut liberas illis concess-
rit nuptias, inter hæreticos esse numerandum.

§. 9.

De Votis.

IN nono, *de votis præsertim monasticis*, Concilium Lutheranos re-
prehendit, quòd ea non vanitatis tantum, sed & impietatis ac-
culent, quasi vota ejusmodi libertati Christianæ præjudicium affe-
rant, nec satis in nostra sit potestate jugis illa perpetuæque casti-
tas. Cùm tamen nulla sit major libertas, quàm cùm repressa car-
nis tyrannide corpus in obsequium Christi trahitur, & spiritus do-
minatur. Neque quidquam esse, quod non possimus in eo, qui
nos confortat: cùm non patitur nos tentari supra id, quod pos-
sumus, sed faciat cum tentatione proventum. Hinc commendari à
Domino eos, qui se ipsos castraverunt propter regnum Dei: atque Apo-
stolum Paulum sæpius ad perpetuæ Virginitatis observantiam instigasse.
Cùmque Christus apertè suaserit, ut qui vult perfectus esse, ab-
neget semet ipsum, vadat, vendat omnia, & det pauperibus, ad
perpetua tum obedientiæ tum paupertatis vota cohortari. Redden-
da igitur vota Domino. Si quis secus fecerit, aut hæretica pravitate
corruptus secus facere licitum esse docuerit, eum velut juris Divini
atque naturalis infractorem, & SS. Conciliis injurium condigna
animadversione plectendum.

97-

§. 10.

De Sacramentis.

IN 10. *de septem sacramentis* tractat, singulæque à Christo Domino
instituta, gratiam dignè sumentibus conferre probat, tum ex S.

98.

Scrip-

Scripturæ oraculis , tum ex antiquissima Ecclesiæ doctrina , usu ac consuetudine. Ac denique concludit, hæreticum esse habendum, qui septem Sacramenta non admittit.

§. 11.

De Missa.

IN 11. de *sacrificio Missæ*, quod esu agni paschalis, manna, cæterisque prope omnibus Mosaicæ legis ceremoniis figuratum sit. Neque enim legem esse posse, quæ careat sacrificio ac sacerdotio. Christum, sacerdotem in æternum secundum ordinem Melchisedech sacrificium obtulisse, quod exteriore panis & vini oblatione veteri illi responderet. Quam oblationem in ultima cœna factam fieri iussit ab Apostolis, eorumque successoribus, in sui commemorationem *Luc. 22.* Hoc esse holocaustum, hanc victimam pro peccato, hanc hostiam pacificam, hoc iuge sacrificium, hanc mundam illam oblationem, quam Malaehias prædixit, in omni loco offerendam. Nihil igitur in sacrificiis majus esse posse, quàm corpus & sanguinem Christi, nullam potiore oblationem. Qua in re cum universali Ecclesiæ ritu consentire tam apertè SS. Patres, Ignatium, Irenæum, Cyprianum, Athanasium, Chrysostomum, ac reliquos posteriores, & Concilia prope innumera; ut, qui contrarium sensisse præsumperit, manifestam hæreseos labem incurrat.

§. 12.

De Purgatorio &c.

99. **I**N 12. de *satisfactione, purgatorio, & commemoratione defunctorum* agitur, videlicet, illud imprimis fuisse hætenus observatum, eos, qui hæresibus procudendis animum intenderunt, ea sibi dicenda putare, quæ maximè placitura videantur; quo prurientes multitudinis aures demulceant, & à severioribus avertant. Hac ratione Mahometicam quondam pestem invaluisse: hoc aucupio Lutherum plures illaqueare, dum simul cum culpa semper omnem cujusvis pœnæ temporalis reatum aboleri contendat: purgatorium tollat, & quò laicos gravius in Clericorum odium exasperaret, sacrificia, oblationes, & omnes id genus pro defunctis orationes,

recens

recens esse sacerdotum commentum impudenter asseveret. Prævidisse etenim versutum artificem, nihil effræni plebeculæ fore jucundius, quàm si facillima in cælum prædicetur via. Ne igitur incautus fortè quispiam, vaftris hujusmodi blanditiis plectus, errorum scopulis illidatur, sacrum Provinciale Concilium decernit, firmiter tenendum, culpa per pœnitentiam abolita, frequenter superesse temporalis pœnæ reatum, velut superstites quasdam peccati reliquias, quæ per dignos pœnitentiæ fructus veniant expiandæ. Hinc iniquitate & culpa peccati Israëlitiæ plebi murmuranti, ac postea Davidi dimissa, pœnam adhuc temporalem fuisse irrogatam. Superabundantem quidem esse atque exuberantem Christi satisfactionem, per baptismum & pœnitentiam nobis applicatam, non eam tamen semper esse pœnitentiam, ut reatum etiam omnem pœnæ extinguat. Cùm autem residuæ ejusmodi pœnæ temporalis, aut venialis tantùm peccati reum repente nonnunquam interire contingat, de omni verbo etiam otioso rationem redditurum, nec illi pateat aditus in cœlestem illam Jerusalem, in quam nihil intrat coinquinatum, nec tamen gehennæ subiaceat, quippe qui gratiæ sit particeps, ac pœnæ tantùm temporalis debitor, purgari prius debet, de sua semper interim salute securus. Sancta igitur & salubris est cogitatio pro defunctis exorare, ut à peccatis solvantur. Nec abs re ab Apostolis traditum, ut in sanctis mysteriis agatur commemoratio defunctorum. Sciebant enim inde multam utilitatem contingere. Cùm igitur tam sanctum Apostolorum institutum ab initio Ecclesiæ ex S. Dionysio (*Eccles. hier. c. 7.*) legamus observatum, ac in Cabilonensi, pluribusque subin Conciliis promulgatum, quisquis Catharorum, Armenorum, Wicleffi, Bohemorum, Lutheri, aut Valdensium, exemplo, hos errores cum Concilio Constantiensi non damnârit, hæreticæ pravitatis pœnas incurrat.

§. 13.

De Invocatione sanctorum.

Canon 13. de *invocatione Sanctorum* differit : sicut abyssus abyssi sum invocatur, & scelus scelus trahit, in eam hæreticos incidisse insaniam, ut qui piis animabus, quæ purgatorio detinentur, suffragia vivorum adimunt, vicissim quoque vivos defraudent auxiliis sanctorum, qui in cœlis sunt : quasi vel preces nostras non audiant, vel nostris calamitatibus non tangantur ; aut quasi id Christo Divinæ

Pars VII.

Eccc

que

que clementiæ deroget. Sed quàm ista non modò veritati sed etiam scripturæ sint contraria, faciliè intelligere eum, qui novit, pervium esse beatis illud Divinitatis speculum, in quo, quidquid eorum inter sit, illucescat. Adeffe etiam nobis Angelos, ut olim Danieli ac Tobix, qui preces nostras offerant, quorum suffragium imploramus. Deinde qui fieri possit, ut nostris non afficiantur incommodis, quibus tantum gaudium in cœlo super uno peccatore pœnitentiam agente ? Abraham pro salute Sodomorum interpellavit apud Dominum : an nunc, immemor filiorum, non oret pro iis, qui in hoc procelloso mari adhuc constituti diris jactantur mundi fluctibus ? hinc illa, quam in symbolo credimus, *communio sanctorum*. Hinc Angelus ille Zachariæ, & Jeremias, jam dudum in sinum Abrahæ receptus, multùm orant pro populo & sancta civitate. Sed neque Divinæ benignitati aliquid decedit, quæ infima per media moderatur & regit. Neque minùs est unus mediator Dei & hominum JESUS CHRISTUS, si juxta sacram Aurelianensis Concilii aliorumque complurium institutionem litanis ad aliquos sanctorum convertamur, Christo tamen accepta ferantur omnia ; per quem omne id genus interveniendi munus, cæteraque in humanum genus beneficia derivantur. Absit igitur, ut apud aliquem tanti sint hæreticorum præstigiæ, ut cum Manichæis, Catharis, Bohemis & Valdensibus, beatis illis cœlestis aulae proceribus cultum exhiberi non sinat, dicata Martyribus templa subsannet, aut dies festos celebrari vetet.

§. 14.

De sacris Imaginibus.

101.

IN 14. propugnat *venerationem sacrarum Imaginum*, aitque : si tam candidè quàm curiosè hæreticus ea loca perlustrasset, quibus scriptura passim ab idolorum & simulacrorum cultu revocat, nequaquam certè tanto strepitu Christianos ab imaginum honore deterreret. Neque enim Catholicus quispiam, dum sanctam Christi veneratur imaginem aliquod Numen ei subesse putat, aut quasi Deum colit : sed ob recordationem filii Dei, ut in ejus amore incalcescat, illumque adoramus, quem imago nobis repræsentat : non majore quidem idololatriæ periculo, quàm cum in nomine JESU omne genu flectitur : quem enim vocola auribus insinuat, hunc eundem imago oculis repræsentat. Accedit insuper ex imaginibus idoneum indoctæ plebi rudimentum, ut uno sæpè intuitu plura sibi pro-

pro-

proponat ad imitationem virtutum exempla, quàm multa librorum lectione comprehenderet. Non abs re igitur Apostoli (Damasceno teste lib. 4.) vivificam crucem & sacras erexerunt imagines, quæ ab initio Ecclesiæ debita semper veneratione sunt cultæ. Quin & ab Augustino moribundis proponi jubentur (*lib. de visit. infirm.*) & a Gregorio M. tum ad Recaredum, tum ad Secundinum missæ leguntur. Et insurgentibus tandem imaginum everforibus Romani Pontifices, Constantinus, Gregorius II. & III. Paulus I. Stephanus III. & Hadrianus I. cum multis aliis sanctis viris, tanta animi constantia resisterunt, ut Iconomachi in septima dein apud Nicæam synodo unanimi Patrum sententia damnarentur. Quisquis igitur de Christi, vel sanctorum imaginibus aliter senserit, is Christo & sanctis injurius pestiferam hæreseos luem se noverit incurrisse.

§. 15.

De libero Arbitrio.

IN 15. *liberum arbitrium* asserit, inquit : et si nulla sit tam aperta Catholica veritas, nullus tam manifestus Scripturæ locus, quem non hæretici suis cavillis & tergiversationibus eludant, nulla tamen in re tam impudenter debachari, quàm in exterminando profligandoque libero arbitrio. Nihil Christi fidelibus perniciosius potuisse excogitari, quàm si vel seducti à Pelagio sine præsidio Divinæ gratiæ omnia sibi tumidiùs arrogent, vel cum Wicleffo fati committant omnia. Nihil hoc pacto reliquum fore tum Divinis legibus tum humanis : nullum consiliis aut electioni, nullum precibus aut oblationi, cæterisque id genus locum. Nullam denique futuram justiciam, qua aliis poenæ, aliis præmia sunt constituta, si inevitabili necessitate omnia eveniant. Prodiisse hunc errorem primitus apud gentiles, sed mox ab omnibus sapientibus explosum, evidenti experimento humanæ menti se manifestante libertate. Reliquit videlicet Deus hominem in manu sui consilii, apposuitque coram eo ignem & aquam, bonum & malum, ut, ad quodcumque voluerit, porrigat manum suam. Nec abs re beatus ille dicitur, qui potuit transgredi, & non est transgressus, facere mala, & non fecit : quòd sub eo sit appetitus ejus, & domine- tur illius. Et quid in sacris scripturis magis obvium, quàm liberum in utramvis partem hominis arbitrium ? neque tamen prop- terea Divina excluditur gratia : sed voluntas humana misericordiæ

102.

prævenientis auxilio suffulta, & interiori inspirationis afflatu contacta se se convertit ad Deum. Sed neque tanta gratiæ necessitas præjudicat libertati arbitrii, cum illa semper sit præstò, stante Domino ad ostium & pulsante: neque tale sit hujusmodi trahentis Dei auxilium, cui resisti non possit. Quoties enim Dominus voluit congregare filios Jerusalem, sicut gallina congregat pullos suos sub alas, & noluerunt? Frustra certè Sephanus Judæos duræ cervicis argueret, qui semper Spiritui S. resisterent. Frustra Paulus Thessalonicenses admoneret, spiritum ne extinguerent, si Divinis inspirationibus humanæ mentes inevitabiliter raperentur. Trahit quidem Deus, sed in ejus odorem currimus, non vi, non unco raptamur. Prædestinat, eligit, vocat, sed eos demum adultos glorificat, qui in fide & charitate radicati per bona opera certam suam vocationem & electionem fecerint. Et licèt attingat à fine usque ad finem fortiter, disponit tamen omnia suaviter. Hanc igitur hæresin, libertatem arbitrii abnegantem, sacra synodus non tam damnat, quippe jam olim ab Ecclesia & SS. Conciliis damnatam, quàm communi hominum sensui, & apertis scripturæ testimoniis declarat contrariam.

§. 16.

De Fide & operibus.

103.

Ultimus Concilii Senonensis Canon est de *fide & operibus*. Frequens illud est, inquit, apud imprudentes, & qui non tam animi moderatione quàm impetu feruntur, ut dum ab altero vitiorum incautè diffugiunt, in alterum prolabantur. cujus rei Lutherus fidem facit, qui dum operum fiduciam nimis insectatur, nihil tandem operibus reliquum facit, atque ita solius fidei patrocinium suscipit, ut solam agnoscat, opera reiiciat & condemnet. Verùm si rectè perpendantur, quæ pro fide producit è scripturis testimonia, reliquas virtutes non excludunt. Quæ verò contra opera citat, ea omnia vel ad nimiam in operibus fiduciam, vel ad legales ceremonias pertinent. Fide quidem vivimus, & sine hac est impossibile placere Deo. Si quis nihilominus habeat omnem fidem, ita ut montes transferat, charitatem autem non habuerit, nihil est. Fide justificamur: sed & spe salvi facti sumus. Et dimissa sunt Mariæ Magdalenæ peccata multa, quoniam dilexit multum. *Si quis enim diligit me*, ait Dominus Joan. 14. *sermonem meum servabit, & ad eum veniemus &c.* & Paulus 1. Cor. 13. *nunc igitur manent fides, spes, & charitas, tria hæc*

hæc, major autem horum est charitas, & in justificando potior : quandoquidem fides sine operibus mortua est. At charitas non est otiosa, sed per bona opera satagit, ut certam nostram vocationem & electionem faciat : non enim Auditores legis justî sunt apud Deum, sed factores legis justificabuntur : dum ille reddet unicuique secundum opera sua, & unusquisque mercedem accipiet secundum laborem suum : cum omnes nos manifestari oporteat ante tribunal Christi, ut referat unusquisque, prout gessit, sive bonum, sive malum. Ubi eos, qui à sinistris erunt, non solum increpabit Dominus, quia non crediderunt, sed quia operibus misericordiæ non vacârunt. Eos autem, qui à dextris erunt, commendabit non tam à fide, quàm à bonis operibus : opera enim illorum sequuntur illos. Talibus siquidem hostiis promeretur Deus : non quidem absoluta condignitate (*neque enim condignæ sunt passionēs hujus sæculi ad futuram gloriam, quæ revelabitur in nobis.* Rom. 8.) sed merito fundato in gratuita & liberali promissione, quâ facta conventionē de denario diurno, conduxit operarios in vineam suam : quâ, inquam, qui suffert tentationem, cum probatus fuerit, accipiet coronam vitæ, quam repromisit Deus diligentibus se, & ei, qui fidem servaverit, certaverit bonum certamen, cursum consummaverit, coronam justitiæ reddet in illa die justus judex, qui nos, etsi servos inutiles, sua misericordia dignos facit, ut veniamus in partem sortis sanctorum. Non justificat igitur sola fides, sed magis charitas, nec quævis opera peccata sunt ; sed eatenus adultis ad salutem necessaria, ut meriti quoque rationem non respuant.

His eruditissimis juxta atque fundatissimis 16. Canonibus dogmaticis, (quos utinam legerent, & pacato pauli per animo perpendere Novatores) addidit idem *Concilium Senonense* 40. decreta morum, ex variis Juris Canonici partibus deprompta.

§. 17.

Decreta Morum.

EAdem Parisiensis synodus Provincialis, Præsidente Reverendissimo in Christo Patre ac Domino Archiepiscopo Senonensi, præsentibus Reverendis in Christo Patribus Episcopis ejusdem suffraganeis, videlicet Carnotensi, Parisiensi, Meldensi, Antissiodorensi, Trecenti, Nivernensi, & Vicario Episcopi Aurelianensis, 40. Decreta ad mores ac disciplinam spectantia adjunxit : quorum hæc est summa.

CCCC 3. 1. Ora-

1. Orandum in Ecclesiis pro pace.
2. Pro sacra administratione nihil exigendum.
3. Ordinandus testimonium habeat à Parocho, in quo contineantur duo vel tres testes jurati de ætate ac moribus. Tum exploranda scientia.
4. Cùm in dedecus Clericalis Ordinis vergat mendicitas, nullus subdiaconus ordinetur, nisi sufficienti titulo Beneficiali aut patrimoniali provifus.
5. Quamvis Epifcopus originis, domicilii, aut Beneficii, ficut Ordinare, fic etiam Dimifforias dare poffit, prius tamen inquiret de ætate, moribus, litteratura, titulo ; deque iis in litteris fiat mentio.
6. Promoti ad facerdotium absque legitima ætate, moribus, scientia, fuspendantur.
7. Quia nonnulli fuæ incapacitatis conscii, examen fuorum Epifcoporum fugientes, absque litteris dimifforiis ad Romanam Curiam fe conferunt, ibique ordinantur, etiam extra tempora, & tribus fucceffive diebus, à quibusdam, qui fe dicunt Epifcopos, potestatem habentes à Papa : talibus Epifcopi non permittant executionem fuorum Ordinum, nisi vifis idoneis litteris de ordinandi potestate à Papa conceffa. Ac tum examinentur de ætate, moribus, scientia, titulo. Si deficiant, fufpenfi declarentur.
8. Ad Curam non admittantur, nisi prius ritè examinati, licèt inffituti aut provifi fuerint per sedem Apostolicam.
9. Indigni non admittantur ad Beneficia. Admiffi fuspendantur, donec fe dignos reddant.
10. Invaluit confuetudo irrationabilis in quibusdam Cathedralibus & Collegiatis, ut Canonici per interessentiam unius diei fructus grossos totius anni percipiant. Unde vagandi materia oritur, cultus Divinus minuitur, & officium, propter quod datur Beneficium, omittitur, Clericis ignaris tenui pretio conductis, qui Divinum officium, non servatis temporum interstitiis, uno contextu perfunctoriè percurrunt. Talis confuetudo tanquam Ecclesiis nociva cassatur & revocatur. Canonici fint ipsi præfentes ; & fructus grossi majori ex parte in distributiones quotidianas convertantur.
11. Rectores Ecclesiarum (quorum singularis electa est industria) compellantur personaliter residere ; nec dispensetur absque causa probabili. Singulis Dominicis in Parochiis annuntient præcepta Decalogi, & articulos fidei.

12. Moneant frequenter Parochianos, ut diebus Dominicis & Festis Missæ parochiali intersiat: atque ut frequenter confiteantur, & communicent, præsertim in festis solennibus, ac tempore periculi mortis. Nec peregrinentur sine litteris testimonialibus sui curati. Attendant diligenter curati, an saltem semel in anno communicent.
13. In Parochiis singulis diebus Divina Officia peragantur. Et universim sacræ fundationes impleantur, & earum litteræ Ordinario exhibeantur. Capellæ de novo non erigantur sine ejusdem licentia.
14. Non licet in Oratoriis privatis Missas celebrare prætextu dispensationis sedis Apostolicæ, nisi litteris dispensationis ab Ordinario recognitis. Neque in Capellis hospitiorum permittantur peregrini Missas audire.
15. Ne populus distrahatur à Missa Parochiali, & auditione mandatorum Dei & Ecclesiæ, in Capellis non legantur Missæ, præsertim die Dominica, nisi quæ à fundatore sunt præscriptæ, eaque post Missam Parochialem. Episcopi non faciliè consecrent altaria portatilia, præsertim pro domibus privatis.
16. Cessent in Ecclesiis omnes profanæ actiones, conversationes, & quæcunque Divinum cultum perturbare queant. Nec fiat deinceps festum fatuorum aut innocentium.
17. Musici cantus sint discreti, moventes cor ad devotionem & compunctionem, rejectis cantilenis publicis & lascivis. Sit igitur psalmodia modesta & devota. Instrumentis etiam musicis nil nisi pudicum & devotum resonet.
18. Psalmodia fiat horis debitis non cursim sed tractim, distinctè ac devotè. Psallentes talari tunica & superpelliceo sint decenter vestiti. Ad *Gloria Patri &c.* omnes surgant. Ad nomen Jesu caput inclinent. Nemo ibidem aliud agat.
19. Qui sub re Divina foris aut in Ecclesia deambulat, aut confabulatur, totius distributionis illius diei fructum amittat. Etiam privatim Officium recitantes, non intra dentes verba detineant, sed distinctè pronuntient.
20. Tabula Officiorum in choro ponenda, nec ante finem Officii discedant. Aliàs distributione illius diei careant.
21. Canonici admissi statim fructus grossos percipiant, nisi aliud habeat fundatio. Reprobatur autem consuetudo, qua seniores juniorum portionem per tempus aliquod capiunt.

22. Regularis disciplina restauranda, in victu, vestitu, moribus, juxta cujuslibet Religionis institutum.
23. Clerici per decentiam habitus externi internam morum honestatem ostendant.
24. Vestes Clericorum sint tales, honestæ absque sordibus, & vanitate. Nec comam nec barbam nutriant. Tonsuram gestent. Pannis rubeis & viridibus non utantur.
25. In incessu quoque honestatem exhibeant. In conversatione autem cum laici tales se exhibeant, ut neque ex nimia familiaritate incurrant contemptum, neque ex fastu judicentur elati. In publico non ludant cum laicis. Ab alearum lusu, aliisque, quæ à sorte pendent, omnino abstineant. Procul absint à choreis, histrionum spectaculis &c.
26. Incontinentes, concubinarij, venatores, & sæcularibus negotiis impliciti Clerici poenis coercantur.
27. Monasteria, quæ non habent sufficientes redditus ad plures sustentandos, uniantur.
28. Moniales tot suscipiantur, quot sustentari possunt. Sed pro ingressu nihil petatur. Clausura exactè servetur.
29. Visitanda diligenter hospitalia &c.
30. Nulla nova confraternitas erigatur absque consensu Ordinarii. Rationes reddant. Reprobantur juramenta servandi earum statuta; non tamen ea, quæ deponuntur à procuratoribus, confraternitatum & Ecclesiarum.
31. Excommunicationes non ferantur, nisi ex gravi causa, eaque cognita secundum formam Juris; neque pro injuriis verbalibus, nisi sint valde atroces.
32. Sæpius visitentur parochiæ, in quibus fama est habitare aliquos hæreticos, & ab incolis juramentum exigatur, an sciant aliquos hæreticos, aut celebrari conventicula. Contra nolentes jurare tanquam suspectos de hæresi canonicè agendum.
33. Quia hæreticorum inos est sacram scripturam convellere, ac relicto vero sensu ad suam phantasiam contorquere, doctorum item sacros libros scholiis, annotationibus marginalibus, ac depravatis sutelis inficere, sub pœna excommunicationis, ipso facto incurrendæ, prohibetur, ne libri etiam sacri edantur absque speciali Ordinarii permissione. Alibi impressi sub eadem pœna vetantur importari in Provinciam, vendi, aut distrahi.
34. Libri de fide aut moribus tractantes, à 20. annis editi ad Diœcesanum ferantur ad examen.

35. Cum falsi prædicatores & quæstores quandoque subintrent, prohibetur, ne ulli prædicationis officium permittatur, nisi ab Episcopo ejusve Vicario approbatus aut missus fuerit. Prædicetur sincerè Evangelium, cum decenti gravitate & modestia, absque vanis, profanis, poetiis, futilibus, ridiculis, aut subtilibus sermocinationibus.
36. Sint prædicatores discreti; innitantur interpretationi S. Patrum. Instruant in præceptis Dei & Ecclesiæ. Vitiis odium, virtutis amorem instillent, pro scopo habentes honorem Dei & salutem animarum, omni vanitate & ostentatione procul habita. Ne Auditores ad risum concitent. Ne sacerdotali Ordini aut Principibus detrahant.
37. Illi soli Mendicantes habent potestatem absolvendi, qui à suis superioribus electi fuerint idonei, probi, periti, discreti, modesti, atque Ordinario præsentati.
38. Quoniam Abbates quandoque attentant Confirmationis Sacramentum conferre, idque ex consuetudine præscripta ad se pertinere dicunt, consuetudo hujusmodi reprobatur; quia hæc impositio manuum à Christo primò instituta, & ab Apostolis recepta, solis Episcopis (qui Apostolorum sunt successores) reservata est. Si qui sint, qui contendunt, hanc potestatem sibi competere ex privilegio, illud exhibeant, cum fuerint requisiti. Idem statuitur de illis, qui calices consecrant.
39. Cum matrimonium, à Deo in paradiso iustitutum, in lege Evangelica teste Apostolo sit sacramentum, proin magna cum reverentia & devotione suscipiendum, utpote à quo, uti à reliquis sacramentis, gratia confertur, prohibetur in nuptiali benedictione omnis levitas, verba ridicula &c. Sponsi jejuni, contriti, & confessi, de die illud suscipiant. Clandestinè verò contrahentes ex communicationi ipso facto subjaceant.
40. Absint ab Ecclesia Dei omnes lascivæ imagines, aut minùs modestæ, aut quæ ad devotionem non incitent, aut veritati scripturæ non convenient. Ne quis posthac miraculum de novo factum prætendat, aut ejus prætextu capellam, aut altare erigat, nisi priùs loci Episcopus de negotio quid sentiendum tenendumque sit causa cognita decreverit.

Et quia parùm esset jura & statuta condere, nisi essent, qui ea tuerentur & executioni mandarent, ideo Archiepiscopus præcipit ac mandat, ut hæc Decreta synodalia à suffraganeis publicentur, & in observationem accuratam deducantur.

§. 18.

Exhortatio Concilii ad Christianos Principes pro
extirpatione hæresum.

105.

Non sufficere, inquit synodus, hæreses detexisse, sed opus esse Christianorum Principum auxilio, qui zelo zelantes pro domo Domini suppetias ferant. Laborasse olim strenuè adversus hæreticos Christianissimos Principes, Constantinum, Valentinianum, Theodosium, Clodoveum, Carolum M. Ludovicum S. Ludovici patrem, gratiam propterea apud Deum, & immortalem nominis famam apud homines consecutos. Principes contra, qui hæresi aut faverunt, aut minùs fortiter auctoritatem suam eidem objecerunt, iram Dei vindicem sensisse, in graves ærumnas prolapsos, & miserandum vitæ exitum sortitos. Cujus rei testes sint Licinius, Julianus, Valens, Philippicus, Constantinus V. ejusque filius Leo &c. qui detestandam impietatem conlectati digna suæ perfidiæ reportarint stipendia.

Rogat itaque sacra synodus christianos Principes & in Domino exhortatur, si suæ salutis consulere, si suæ ditionis jura illibata custodire, si in pace & tranquillitate subditas sibi Nationes continere exoptant, potenti brachio fidem Catholicam tueantur, ac ejus hostes viriliter satagant debellare. Id autem factu haud fore difficile, ubi antiqua Christianissimorum Principum in hæreticos eorùmque libros & fautores edicta instaurabuntur.

Quæ si maturè, antequam malum invaluerit, salutari judiciorum severitate executioni demandentur, libros pestiferos, scripta venenata, conciones malesanas, conventicula periculosa, in quibus peregrinus cultus à Christiana & avita pietate degenerans profeminatur, extirpando, atque Religionis sanctæ decus illibatum, horrens ac vegetum conservandum fore. Hoc synodi esse desiderium, hanc votorum summam, hanc conatus gloriam.

Et sanè, si Gallia hæc synodi vota exaudisset, si initiis fortiter & constanter restitisset, si scintillam extinxisset, nunquam in extremas illas calamitates, quas postea passa est misera, fuisset devoluta.

Concilium Narbonense Ann. 1551.

106.

Concilium hoc provinciale celebratum fuit Narbone, antiquissima & celeberrima in Occitania urbe, ab Alexandro Zerbinatis, Juris Professore, Vicario Reverendissimi in Christo Patris Domini Francisci S. R. E. Cardinalis à Pisanis, Narbonensis Archiepiscopi & Pri-

Primatis, unà cùm Vicariis Reverendorum in Christo Patrum Dominorum Suffraganeorum Narbonensis Provinciæ & Archiepiscopatus, videlicet Episcopi Biterrensis, Carcassonenſis, Montispeſſulani, Lodovenſis, Uticenſis, Agathenſis, Nemaufenſis, Electenſis, & S. Pontii, à quibus editi 66. Canones. Quorum hæc ſynopſis.

Praefatio finem conciliõrum indicat, videlicet aſſerendam fidei doctrinam, reſtituendámque Eccleſiaſticam diſciplinam, quam in clero collapſam ingemiſcit ſynodus, atque, fruſtra à populis emendationem morum exſpectari, ſi ii, qui vitæ inculpatæ exemplo præluceſcere deberent, ſceleribus ſuis & vitæ malæ exemplo ſubditis ſuis ſint ſcandalo. Subjunguntur canones.

1. Tractat de *Fide Catholica*, creditque unam, ſanctam, catholicam, & apoſtolicam Eccleſiam (cujus caput Chriſtus eſt) ſub imperio & authoritate Romani Pontificis, cui omnes parere debent. Subjunguntur reliqui articuli, quos novatores impugnant, uti de ſeptem ſacramentis, invocatione ſanctorum, purgatorio, libero arbitrio.
2. Paſtores exemplo præluceant.
3. Ante ordinationem inſtituendum ſcrutinium de ætate, genere, moribus, litteratura, titulo, legitimis natalibus, irregularitate.
4. Prima tonsura exigit ſeptem annos: quatuor Minores 12. Subdiaconatus 18. Diaconatus 20. preſbyteratus 25. (*Tridentinum aliter diſpoſuit.*)
5. Mores ſint probi ac integri.
6. Illegitimi non ordinandi.
7. Teſtimonia bona habeat.
8. Bona ad victum ſpeciatim habeat assignata.
9. Litteratura diligenter examinanda.
10. Corpore vitiati aut balbutientes non ordinandi.
11. Dimiſſoriæ non dentur niſi dignis.
12. Hæc dignitas exprimatur in litteris.
13. Clerici peregrini ad ſacra non admittantur facienda ſine commendatiis ſui Episcopi.
14. Sacerdotes ſint ſobrii, modeſti, caſti &c.
15. Tonsuram gerant, barbam radant ſaltem ſemel in menſe, talari veſte incedant.
16. Monachi non niſi proprio habitu prodeant.
17. Tabernacula Clerici ne frequentent.
18. Alea ne ludant.
19. Ne larvati incedant, nec ſalrent, hiſtriones vitent.

20. Arma ne gerant, nisi in itinere.
21. Non agant famulos, œconomos laicorum, negotiatores &c.
22. Mulierem domi non habeant &c.
23. Filios suos spurios secum non habeant.
24. Clerici à Judice sæculari capti, absque populi scandalo ad Judicem Ecclesiasticum remittantur.
25. Facinorosos in territorio suo ne patiantur.
26. Requisitum ad Beneficium ordinem recipiant. Plura incompatibilia ne habeant.
27. Personaliter resideant, nisi studiis vacent, aut officio apud Episcopum, aut in cathedrali vel collegiata.
28. Absentes cum licentia constituant idoneos vicarios.
29. Cui assignetur congrua.
30. Hospitalitatem erga egenos exerceant.
31. Vicarii Episcopo præsententur.
32. Domus Beneficiati necessariis sit instructa.
33. Baptizatos & mortuos diligenter in libro scribant.
34. Sacram scripturam &c. habeant.
35. Singulis Dominicis Evangelium exponant &c.
36. Diebus Dominicis parochiani Missam audiant.
37. Nullus prædicet, nisi ab Episcopo destinatus.
38. Eucharistia decenter custodiatur cum perpetuo lumine, singulis 15. diebus eam renovent. Chrysmata singulis annis.
39. Sacra vasa & vestimenta sint munda.
40. Parochum reliqui sacerdotes adjuvent.
41. Pro spiritualibus ministeriis nihil exigatur. Salva tamen laudabili consuetudine.
42. In synodo non comparentes puniantur.
43. Præbenda Theologo detur.
44. Beneficiorum rationes reddant.
45. Divino officio in choro diligenter, modestè & devotè intersint.
46. Absint ab Ecclesiis spectacula ludicra &c.
47. Uti etiam choreæ, omnisque levitas.
48. Ecclesia sit domus orationis &c.
49. Dies festi religiosè colantur. Absit servilis actio, ebrietas, lusus publicus. Officinæ sint clausæ.
50. Die paschæ sacramenta confessionis & communionis à proprio parochio percipiant, nisi ab eo facultatem acceperint. Parochus eos, qui non communicarunt, ad Diœcesanum aut ejus Vicarium deferat,

51. Qui alteri confitetur, parochio fidem faciat.
52. Corporis medicus infirmum moneat, ut animæ medicum advocet.
53. Matrimonio tres denuntiationes tribus diebus Dominicis aut festis præmittantur. Nec facile in hoc dispensetur. Peregrini non conjugantur. In Ecclesia contrahatur: confessione antè peracta.
54. Ne permittantur cohabitare, de quorum matrimonio non constat.
55. Nullus monachus sit solus in monasterio, nec extra illud vage-
tur, præsertim indecoro habitu. Moniales non sinantur mona-
sterio egredi.
56. Scholis præficiendi priùs offerendi Episcopo.
57. Hæretici, sortilegi à parochis denuntientur ordinario. Parochi-
ani de fide non disputent &c.
58. Quæstores non sinantur aliud prædicare, quàm in litteris conti-
netur. Eæque publicentur à parochis non à quæstoribus, qui
fabulas solent intermiscere. Litteræ diligenter examinandæ,
omnis abusus tollendus.
59. Diocesani diligenter visitent, errata corrigant &c.
60. Contemptores excommunicationis pœnis ac multis, hospitali
applicandis, coercendi.
61. Dispensationes non sint faciles aut frequentes.
62. Synodi celebrandæ ob causas Ecclesiasticas.
63. Cùm, qui servit altari, de altari vivere debeat, decimæ in-
tegræ & sine fraude solvendæ sunt parochis, à quibus Ecclesia-
stica sacramenta percipere debent.
64. Pecuniæ in templo collectæ bene applicentur.
65. In singulis Ecclesiis liber habeatur, in quo scribantur res mo-
biles & immobiles Ecclesiæ, jura item, actiones, redditus. Hic
liber catena ferrea affigatur; ejusque exemplar apud Episcopum
asservetur. Præterea de contractibus omnibus feudalibus & em-
phyteuticis duo instrumenta publica conficiantur, quorum al-
terum parochus habeat, alterum in superiore libro scribatur.
66. Concilium omnia hæc Decreta determinationi Ecclesiæ Romanæ
subjicit. Nihil autem derogatum vult generalibus aut pro-
vincialibus conciliis receptis & usu confirmatis, neque Regis
aut Ecclesiæ Gallicanæ juribus, aut prærogativis.

Concilium Viennense Anno 1557.

107.

Celebratum fuit hoc Concilium Provinciale Viennæ Allobrogum, celeberrima olim in Delphinatu civitate, & Romanorum sede primaria, Præsides illius Provinciæ Archiepiscopo. Edita 14. Decreta; quorum hæc epitome.

1. Omnes per provinciam diligentius in fide christiana instruantur. Nec præceptores suspectum quid doceant, neque libri periculosi tolerantur.
2. Curati singulis Dominicis populum doceant orationem Dominicam, salutationem angelicam, symbolum Apostolorum, præcepta legis & Ecclesiæ, ac sanctum Evangelium secundum Ecclesiasticas traditiones.
3. Ad prædicandi officium nemo admittatur, nisi nominatim approbatus ab ordinario, ne lupi pro pastoribus recipiantur.
4. Rectores Ecclesiarum singulis Dominicis populum moneant, ut si quos sciant religionis ambiguae ac suspectæ, ipsis denuntient.
5. Parochi diligenter annotent illos, qui non saltem in paschate confessionem auricularem peregerunt, & SS. Eucharistiam sumperunt, aliosque, qui in fide sunt suspecti, atque descriptos ad Vicarium Generalem deferant.
6. Diebus festis nullæ instituuntur choreæ, saltationes, ludi, ludicra, sed sanctè & piè celebrentur. Multò minùs Ecclesiastici ejusmodi vanitatibus intersint.
7. Viri Ecclesiastici tonsura insigniti & decenti habitu incedant.
8. Non indecoros pileos gestent, sed byreta.
9. Neque enses, pugiones, aut alia arma ferant.
10. Cum hominibus suspectis aut depravatis ne contrahant familiaritatem.
11. Monasteria mulierum ne accedant, nisi ex evidenti necessitate, atque cum licentia Vicarii Generalis reverendissimi Episcopi.
12. Moniales non egrediantur, nec alios recipiant.
13. Religiosi non agant patrilos.
14. Provincialia hæc statuta promulgentur, & transgressores corrigantur.

Concilium Rhemensè I. Anno 1564.

108.

Provinciale istud concilium celebratum fuit Rhemis, antiquissima ac celeberrima, præsertim à Regia unctione, urbe, ab Archiepiscopo

episcopo Carolo Cardinale Lotharingo, magno illo in Gallia Ecclesiæ Præsule, ac primo Pari Franciæ.

Præfatus est ille de causa convocandi Concilium, Dei videlicet honore augendo, & collapsa morum disciplina restauranda. Introducti deinde sunt Archiepiscopus Senonensis & Episcopus Verdunensis, licet non essent de provincia Archiepiscopatus Rhemensis. Diæti Actuarii concilii Nicolaus Brito, & Gentianus Hervetus, celebris ille Conciliorum ex linguis orientalibus versor, ambo Ecclesiæ Rhemensis canonici. Ad initium Concilii Cardinalis ad populum concionem per horam habuit. Erat etiam præsens in concilio Henricus Dux Guisus, Cardinalis nepos, Campaniæ Prorex, cum multis aliis illustribus laicis. Doctor Demochares cum aliis iussus concipere formulam fidei; quam novari sine injuria Tridentini non posse quidam existimabant. Edita dein 19. statuta.

1. Postquam variæ dictæ sunt sententiæ de obligatione residendi, statutum est tandem, ut curiones aut personaliter resideant, aut Beneficium resignent, aut idoneos Vicarios Episcopo præsentent.
2. Curati comparent sibi doctrinam Concilii Tridentini, eamque populo proponant. Singulis Dominicis festisque sermonem ad populum habeant per se, vel si legitime impediti fuerint, per alium idoneum, de Evangelio, Epistola, vel aliis S. Scripturæ doctrinis.
3. Parochi doceant præstantiam, vim, & usum Sacramentorum, atque ad eorum dignam susceptionem invitent suaviter.
4. Impedimentum cognationis spiritualis ultra baptizantem & baptizatum, hujusque patrem & matrem & patrilinos se non extendat. Unus autem sit, vel ad summum unus & una, juxta dispositionem Trid.
5. Ab adventu ad Epiphaniam, & in quadragesima ad octavam paschæ non celebrentur nuptiæ. Præmittatur confessio & communio. Absit omnis levitas.
6. Clericus scandalosus deponendus, aut saltem dandus ei coadjutor. Quia ejus doctrina facile despicitur, cujus vita improbat.
7. Curati à deputatis examinentur. Digniori conferatur Beneficium. Dignior præsentetur. Edat professionem fidei.
8. Non ordinentur, nisi diu multumque probati.
9. Prima tonsura non iniungatur, nisi Sacramentum Confirmationis susce-

fufceperint. Nec fori privilegio gaudeat, nifi habeat Beneficium, aut tonsuram & habitum gestet, fimulque Ecclesiæ alicui deferviat, aut in Seminario Clericorum vel in Univerfitate verfetur.

10. Ne minores Ordines otiofi dicantur ab hæreticis, eorum ufus & functiones reftituantur. Si cœlibes non habeantur, fuffici poterunt conjugati, vitæ probatæ, modò non bigami, qui tonsuram & habitum clericalem gestantes muneribus illis fint idonei.
11. Ordines minores fufcipientes faltem linguam latinam calleant. Servent interftitia. Suo fungantur munere. Altioribus ordinibus fe dignos exhibeant.
12. Nullus ordinetur, nifi alicujus Ecclesiæ ministerio adfcribatur. Si locum deferat inconfulto Ordinario, ab exercitio ordinum fufpendatur. Nullus clericus peregrinus fine commendatitiis fui ordinarii ad Divina celebranda admittatur.
13. Nullus ordinetur Subdiaconus ante 22. ætatis annum, Diaconus ante 23. Presbyter ante 25. neque ullus, nifi habeat Beneficium, quod resignare non poffit, nifi exprefserit, fe ad illius titulum fuiſſe ordinatum. Si ad titulum patrimonii, aut pensionis quis ordinetur, fit illud fufficiens, nec alienari poffit, donec Beneficium acquirat, aut aliunde poffit honeſtè vivere. Beneficia ſimplicia, quæ non fufficiunt ſuſtentando clerico, uniantur Parochiæ, ſalvis obſequiis fundatoribus præſtandis, & vocatis iis, quorum intereſt.
14. Promovendi ad majores ordines, menſe ante ordinationem examinentur de natalibus, ætate, moribus, ſcientia. Presbyteri faltem quater in anno celebrent.
15. Clerici Divinis officiis in Eccleſia, cui ſunt adſcripti, diligenter interſint.
16. Pro ordinatione nihil licet recipere, ne quidem ſponte oblatum. Notarii verò pro dimiſſoriis aut teſtimonialibus litteris non ultra decimam aurei partem poſſunt accipere.
17. Clerici habitu, geſtu, inceſſu, ſermone &c. nil niſi modeſtum, moderatum, grave ac religione plenum præferant. Et quæ in ſacris canonibus de vita & honeſtate clericorum, de luxu, comeſſationibus, choreis, luſibus &c. vitandis continentur, diligenter obſerventur.

18. Decani rurales diligenter invigilent, Archidiaconi visitent, clerici ac totius populi mores & fidem explorent, corrigant, & Episcopo rationem reddant, contenti solito viatico.
19. Sæpe moneant clericos piè vivere, & orationibus instare, horarique gregem suum ad pœnitentiam, ad decenter reparandas aëdes parochiales.

Interfuerunt huic concilio præter Archiepiscopum Rhemensem, Episcopus Sueffionensis, procuratores Capituli &c. ex Diœcesi Laudunensi sede vacante procuratores. Ex Diœcesi Noviodunensi Antonius de Mouchi, Demochares dictus, Doctor Theologus, Canonicus & Vicarius Episcopi, procuratores capitulorum &c. Ex diœcesi Bellovacensi procuratores. Ex Ambianensi pariter Procuratores. Episcopus Catalaunensis, & Sylvanectensis. Ex diœcesi Morinensi sede vacante procuratores. Præter abbates &c.

Additum fuit decretum; quo matrimonium clandestinum declaratur irritum. Præcipitur trina denuntiatio prævia. Inter raptorem & raptam nullum potest iniri matrimonium, quamdiu rapta est in potestate raptoris. Teneatur hic eam dotare, sive eam duxerit sive non. *Hoc tamen decretum non fuit publicatum.*

Illud adhuc notandum, non parum negotii in hoc concilio facessisse; quòd Cameracensis Episcopatus rogante Rege Catholico à Paulo IV. Pontifice in Archiepiscopatum fuerit mutatus, attributis illi suffraganeis Tornacensi, & Attrebatensi Episcopis. Cùm enim omnes tres isti Episcopatus ad provinciam Rhemensem spectassent, Archiepiscopo illius subjecti, pariter ad Concilium fuerunt invitati, sed exemptionis factæ allegatione se excusarunt.

Concilium Rothomagensè II. anno 1581.

PROVINCIALIS ista synodus celebrata fuit Præsidente Illustrissimo ac Reverendissimo Domino Carolo Borbonio S. R. E. Cardinale, Archiepiscopo Rothomagensi, Normanniæ Primate. Edita 12. Decreta.

109.

1. *De fide & Religione.* Ubi excommunicantur hæretici. Et præcipitur professio fidei promovendis ad sacros ordines, ad Beneficia, & officia Ecclesiastica, Magistris Scholarum, administratoribus piarum communitatum.
2. In extenso proponitur formula Professionis fidei, à Pio IV. præscripta ad mentem Tridentini.

3. *De Cultu Divino.* Examinandī libri sacri, an nihil inspersum a fide alienum. Sciant, Breviarium trium tantum lectionum, à Cardinali S. Crucis compositum, à sede Apostolica fuisse prohibitum. Qui recitare negligit, graviter peccat, & Beneficii fructus pro rata non facit suos: sed eos tanquam injustè perceptos in fabricam aut pauperes erogare tenetur. Per omnes Dominicas moneatur populus, nemini absque licentia Papæ fas esse legere libros hæreticos &c. Confessarii etiam pœnitentes de hoc interrogent. Inquirendum etiam in maleficos, libertinos, Atheistas. Nundinæ arceantur à diebus festis. Uti etiam comessationes, lites, lusus &c. Cesset in Ecclesia omnis strepitus &c.
4. *De Sacramentis.* Curati vim & usum eorum explicent. A Calvinistis baptizati non debent rebaptizari. Infantes quamprimum baptizandi. Non sinant eis imponi nomina paganorum.
5. *De Confirmatione.* Hoc in provincia vix scitur esse Sacramentum. Et pauci de illo suscipiendo sunt solliciti. Quare parochi illud commendent. Episcopi frequentius ad illud conferendum per diœcesin eant. Adulti prius confessi illud suscipiant. Inter confirmatum & patrinum, uti etiam inter hunc & confirmati patrem & matrem contrahitur cognatio spiritualis. Unde nomina libro inferenda.
6. *De Sacrificio Missæ.* Sancta sanctè tractanda. Absint sordes calicum, corporalium, mapparum &c. Celebraturus, peccati gravis conscius, prius confiteatur. Si desit copia, quamprimum fieri potest. In oratoriis privatis non sinantur celebrare.
7. *De Matrimonio.* Optat synodus, ut in Regno Galliæ promulgatum esset Tridentinum, ut matrimonia clandestina declarare posset irrita, moneantur in concionibus parochiani de hoc decreto. Interim tamen taliter contrahentes excommunicantur: & presbyteri sic conjungentes ipso facto sunt suspensi à Divinis. Banna præmittantur. Si probabilis sit suspicio, matrimonium malitiosè impeditum iri, una tantum vel altera fiat denuntiatio, aut saltem coram parcho & duobus vel tribus testibus contrahatur. Ante consummationem tamen in Ecclesia fiant consuetæ denuntiationes. Omnino tamen aut ex parte remitti à solo Ordinario possunt, non tamen absque legitima causa. Sponsi prius confiteantur & communicent. Temporibus vititis aut in aliena Ecclesia nuptiæ ne celebrentur. Licet matrimonia

libera

libera esse debeant, non tamen facilè parochi conjungant aliquos invitis parentibus. Concubinarij excommunicandi.

8. *De Episcopis & Capitulis.* Rogat synodus, electiones ad veterem morem Ecclesiasticis à Rege restitui. Rogandus Papa, ne ulli provisio expediatur, priusquam Metropolitanus rescripserit de qualitatibus requisitis. Si provisos Episcopus intra tres menses non consecratur, fructus non faciat suos, sed in pias causas expendat, sicut is, qui non residet. Non recipiatur à capitulo, nisi professionem fidei ediderit, ac decenti habitu appareat; exemplo præluceat, & fiat forma gregis. Omnibus saltem Dominicis festisque celebret; Rei Divinæ in cathedrali frequentissimè intersit. Absit luxus, & vanitas. De redditibus Ecclesiæ ne ditent consanguineos. Neminem in sua familia tolerant suspectum de hæresi. Canonici quoque moribus sint integris. Examinentur provisiones; an non simoniacæ &c. Habitum decentem gerant. A scæminis caveant. Luxum proscribant. Spurius non obtineat Beneficium in Ecclesia, in qua pater habet aut habuit. Ad personalem residentiam obligantur, citra justum impedimentum. Nemini cura animarum committatur, nisi 25. annum attigerit, Decani, Præpositi, Archidiaconi, Pœnitentarii sint Doctores Theologiæ aut Juris canonici, aut Licentiati. Archidiaconi quot annis visitent, & diarium visitationis ad Episcopum referant. Primæ partes in cathedrali sint Episcopi. Tempore Missæ majoris capitulum non habeatur. Ad majus altare nemo celebret, nisi Episcopus & canonici. Statuta, bona, privilegia, jura capitulorum Episcopo exhibeantur. Sicut non licet Episcopo res Ecclesiæ alienare sine consensu capituli, sic neque capitulo sine consensu Episcopi aut aliorum superiorum. Alienata restituantur in integrum. In collegiatis etiam una præbenda assignetur Theologo.

9. *De Episcopi officiis.* Ante ordinationem fiant tres denuntiationes sicut ante matrimonium. Præscribuntur varia circa ordinandos facienda, circa tempora, locum, cœlibatum, Breviarium, simoniam vitandam. Resignationes in favorem, cum reservatione, conditione, onere &c. non permittendæ absque consensu Papæ; quia de simonia sunt suspectæ.

Ingemiscit synodus simoniæ vitium in Beneficiis Ecclesiasticis valde grassari; privationem Beneficii & censuras decernit. Si Episcopus præsentatum instituere nolit, superior non instituat, nisi cog-

nita & judicata causa. Postquam fabricarum Ecclesiæ & hospitalium, in quæ portio pauperum ab Episcopis fuit divisa, regimen Episcopis fuit ablatum, & in laicos translatum, bona ista dilapidantur, & in alios usus distrahuntur. Adhibendum seriò remedium. Synodi convocentur Diocesanae singulis annis. Curati in illis compareant in superpelliceis, stola, ac toto habitu decente.

Controversias omnes de præcedenti Episcopus componat, appellatione remota. Calendarum antiquissimus est usus & abusus; nihilque aliud significant, quàm cleri vocationem ad censuram morum faciendam: tres in anno instituuntur in Ecclesia. Absi omnis abusus. Supplicandum Papæ, ut Indulgentiarum concessionem moderetur, quia frequentia vilescunt, & ad quæstum concedi multi sibi persuadent, easque ad enervandam disciplinam tendere.

10. *De Curatorum & aliorum presbyterorum & parochianorum officiis.* In curatis duo requiruntur, capacitas & potestas: ut scilicet sint digni, & canonicè instituti. Personaliter resideant. Alias fructus non faciunt suos. Concubinas dimittant. Absit fordities, luxus, negotiatio secularis, simonia, scandalum. Plurima alia hic providentissimè ac sanctissimè curatis, & parœcianis præscribuntur, quæ in jure canonico & Concilio Tridentino continentur. Quare optandum esset, ut omnes has sanctiones legerent, & observarent.
11. *De Monasteriis.* Supplicandum Regi, ut electiones secundum morem antiquum restituere aliquando dignetur; & interim intra sex menses juxta concordata, aut ad summum intra novem, teneantur nominati ad Monasteria & Prioratus provisiones à sede apostolica impetrare, aut omni jure excidant, & fructus pietatis operibus Episcopi applicent, donec à Romana sede provisum fuerit. Emittant autem professionem fidei. Plura alia saluberrima decreta de statu Regulari ad mentem Tridentini & SS. Canonum feruntur; præsertim verò adversus abusum, quo in Gallia passim commendatarii, sæculariter viventes, fuerant intrusi, qui Monasteriorum bona dilapidabant, & in usus profanos distrahebant.
12. *De Jurisdictione Ecclesiastica.* Cùm & Canonicis & Regiis constitutionibus jurisdictio Ecclesiastica semper sejuncta fuerit à sæculari, in personalibus civilibus, & criminalibus causis, ita, ut à secularibus Judicibus Ecclesiastici non debeant compelli ad solvenda debita, nec puniri, si quid animadversione dignum

commiserint, sed ad Judices Ecclesiasticos debeant remitti in casibus præscriptis à sacris canonibus, monentur Judices sæculares, ut dictis Canonibus pareant, nec falcem in messem alienam mittant, secus excommunicationis vinculo se noverint subiacere. Sub eadem pœna præcipitur omnibus Ecclesiasticis, ne coram Judicibus laicis litigent, nève voluntariè eorum jurisdictioni se subiiciant in casibus ad jurisdictionem Ecclesiasticam pertinentibus, sive actores sive rei sint.

Lites finiantur compendio præcisæ dilationibus. Publicatis testium elogiis non admittantur amplius recusationes testium. Promotores non debent ferre sententiam excommunicationis, cum sint actores, non Judices. In contumaces non statim post primam citationem ferenda excommunicatio. Non liceat Episcopis sigillum suum pro certo pretio locare. Actuarii curiæ Ecclesiasticæ sint clerici. Absente Officiali testes non examinent. Sportulæ sint moderatæ. Seminaria erigantur ad præscriptum Tridentini. Hæc omnia subiiciuntur iudicio sedis Apostolicæ.

Subscripserunt Cardinalis Borbonius, Archiepiscopus Rothomagensis. Episcopus Bajocensis, Sagienfis, Claudius de Sainctes Episcopus Ebroicensis, Episcopus Lexoviensis, Procuratores Episcopi Constantiensis, & Ecclesiæ Abrincensis vacantis: Deputati à Capitulis, Abbatibus &c.

Additum fuit de instaurandis scholis decretum, erigendis seminariis &c. Proposita etiam sunt Papæ plura dubia: e. g. quinam sedendi ordo in Conciliis Provincialibus sit observandus? Responsum fuit Româ, primum locum competere Archiepiscopo tanquam Præsidi, alterum Episcopis comprovincialibus secundum antiquitatem consecrationis, non verò dignitatis Ecclesiarum: Canonicos cathedrales præferendos abbatibus, quando capitulariter incedunt: commendatarios post Abbates mitratos locum habere, post hos Dignitates, ac demum Procuratores.

Quæsitum 2. fuit, an exempti teneantur comparere in concilio provinciali, ejusque statuta observare? Responsum fuit, non tene-ri, nisi qui de jure vel consuetudine interesse debent. Capitula cathedralia specialiter invitanda obligari statutis, qui Episcoporum jurisdictioni subduntur; exemptos etiam in casibus, in quibus à jure communi & Tridentino specialiter Episcopis aut Concilio Provinciali subiiciuntur.

Quæsitum 3. quam vocem habeant in Concilio Abbates, Commendatarii, & Capitulorum deputati? Responsum, eos tantum consultivam habere. Procuratoribus verò Episcoporum absentium posse decisivam concedi.

Quæsitum 4. an supplendæ ceremoniæ baptismi in iis, qui ab hæreticis baptizati ad Ecclesiam redeunt? Responsum, supplendas, præcedente in adultis abjurazione hæresis, & reconciliatione.

Quæsitum 5. cum plures fuerint ordinati ante tempus, à Tridentino definitum, an non liceat cum illis dispensare, & cum aliis, eò quòd multæ Ecclesiæ sint absque pastoribus? Responsum: indulgebatur facultas dispensandi cum hætenus promotis: de cætero intellecta necessitate Ecclesiarum aut utilitate, singillatim dispensabitur.

Quæsitum 6. an residentia in Ecclesia Parochiali sit de jure & præcepto Divino, & an ulla causa possit esse canonica, ut omnino quis excusetur à residentia, an tantum ad certum tempus ex causa aliqua particulari? Responsum, fuisse declaratum & amplissime provisum per Concilium Tridentinum: illius decreta observanda.

Quæsitum 7. quid agendum cum canonicis, qui non habent victum sufficientem, si carere debeant Beneficio parochiali; nam si ad hujus residentiam teneantur, cathedralem ministris privari; si verò cogantur parochialem dimittere, in majore parte Cathedralium & collegiatarum præbendam non suffecturam ad victum. Nulla autem esse Beneficia simplicia, quæ uniantur, neque tot præbendas, ut aliquæ possint supprimi, tótque sint gravamina & subventiones cleri in regno Galliæ, ut vix possit satisfieri? Responsum, quoad retentionem parœcialis cum cathedrali canonicatu pro necessitate & utilitate Ecclesiarum, & regionis, in casibus particularibus providendum fore.

Propositum 8. Cùm Tridentinum (S. 24. c. 6.) Episcopis dedit potestatem absolvendi ab hæresi pro foro conscientiæ, Bulla autem coenæ, & Pius IV. & V. eam absolutionem sedi Apostolicæ reservent, rogant Episcopi, ut dignetur sua sanctitas eis potestatem ex decreto Concilii Tridentini concedere; quia plures potius essent mansuri in hæresi, quàm propter eam mittant Romam, & interea dum mittitur & expectatur absolutio, varia pericula possint incidere. Responsum, pro necessitate provinciæ concedendam facultatem absolvendi juxta decretum Tridentini, cui magis visum fuerit.

Quæsitum 9. circa clausuram Monialium quid agendum, maxime ubi timetur, ne per eam deterius quid contingat, cum quædam

dam dicant , per fundationem liberum sibi relinqui exitum ; aliæ , se non emisisse votum clausuræ , nec ingressuras fuisse , si scivissent obligationem clausuræ ; aliæ minitentur , se potius reddituras ad sæculum , & parentes nobiles necem Episcopis intendent , si ausi fuerint ingressum prohibere ? Responsum , executioni mandanda decreta Concilii Tridentini & Bullas summorum Pontificum , quibus sublata sint omnia privilegia & fundationes.

Supplicatum 10. ut sedes Apostolica , sicut Archiepiscopo Rothomagensi concessit Bullam uniendi cum Archiepiscopatu Canonicatum , ita eandem facultatem ad reliquos etiam provinciæ Episcopatus extendat , ut sic vocem habere possint in capitulo Episcopi , eique præsidere , atque hac ratione reformare , quod aliàs fieri non posset. Responsum , habitum iri hujus rei rationem , & prout singulis Ecclesiis magis expedire visum fuerit , provisum iri.

Concilium Rhemense II. Anno 1583.

PRæfedit huic Concilio Provinciali Ludovicus Guisus S. R. E. Cardinalis , Archiepiscopus Rhemenfis , primus Par Franciæ , sedis Apostolicæ Legatus natus. Postquam ad congregatos Provinciæ suæ Episcopos finem Concilii exposuit , restitutionem videlicet Ecclesiasticæ disciplinæ , interim , dum amplior Concilii Tridentini promulgatio quotidie speratur & expectatur , plura capitula sunt sancita.

112.

1. Omnibus ad Ordines , Beneficia aut Officia promovendis injungitur professio fidei.
2. Ista exhibetur , prout à Pio IV. præscripta fuit.
3. Commendatur cultus Divinus , oratio devota in templo , reverentia , imaginum honestas.
4. Examinentur Missalia , Breviaria , Ritualia.
5. Dies festos soli Episcopo instituere liceat , eosque etiam exempti servant. Populus Missæ , Concioni , & Vesperis intersit. Diebus paschæ , pentecostes , & natalis Domini nemo absit à parochia , nisi ex justa causa cum licentia parochi. Absint à festis nundinæ , mercatus , auctiones , ludi theatrales.
6. Prohibetur omne genus sortilegiorum.
7. Doceatur populus piè suscipere sacramenta.
8. Commendatur Sacramentum confirmationis.

9. Confessarii medium teneant inter severitatem & lenitatem.
10. Hortatur ad frequentem & devotam Evcharistiæ sumptionem, Missæ celebrationem &c.
11. In matrimonio servantur, quæ Tridentinum statuit.
12. Commendatur usus extremæ unctionis, à Jacobo Apostolo promulgata.
13. Omnes Christiani, præsertim laici in communi cœmeterio sepeliuntur, non verò in Ecclesia, sine superiorum consensu, quam non concedant sine delectu. Tumuli humo altiores non excitentur. Publici Simoniaci, hæretici, Schismatici, excommunicati, venefici, sortilegi, usurarii, qui sibi manus violentas intulerunt, in duello mortui, qui in paschate Sacramenta non perceperunt, Ecclesiastica careant sepultura. Si tales in cœmeterio sepeliuntur, tantum cœmeterium polluitur, si autem in Ecclesia, tam cœmeterium quàm Ecclesia censentur polluta.
14. In qualibet Diœcesi erigantur seminaria pro juventute instituenda, ut pii doctique clerici formentur.
15. Clerici bono exemplo præluceant &c. non se addicant domesticæ curæ in domibus laicorum; neque negotiationi profanæ &c.
16. Monasteria reformentur.
17. Canonici sint Doctores aut Licentiati Theologiæ aut Juris canonici, aut saltem competentem scientiam habeant. Tertia pars fructuum in distributiones redigatur.
18. Exponitur munus Episcoporum.
19. Damnatur crimen Simonia, etiam confidentialis circa Beneficia.
20. De usura sic loquitur: cùm sacræ litteræ excludant eum à Divino tabernaculo, qui pecuniam dederit ad usuram, apertèque nuntient, ut mutuum demus, nihil inde sperantes; quisquis præter sortem præcipuam ex mutuo aliquid ampliùs exegerit, vel acceperit, cujuscunque generis illud sit, modò pecunia æstimari possit, usurarius esse censetur. Quæ autem per usuram parta sunt, vel accepta, usurarii restituere teneantur. Paroecus in pronao (seu suggestu) singulis diebus Dominicis annuntiet, usurarios esse excommunicationi obnoxios. Clericus usurarius juxta Nicæni Concilii sententiam deiciatur à clero.
21. Judices sæculares monentur, ne causas ad Ecclesiam pertinentes ad se trahant. Ecclesiastica judicia summarie, quantum fieri potest, tractentur. Nulla accipiantur à partibus munera.

qui per annum in censura inforduerit, suspectus fit de hæresi.

22. Episcopi quot annis vel per se vel per vicarium generalem, aut visitatorem diocesim visitent, ut saltem intra biennium totam absolvant.
23. Singulis annis celebretur synodus Diocesana, præside Episcopo aut ejus Vicario. Legantur statuta synodalia. Decani rurales rationem reddant. Curati sacro ac decenti habitu compareant. Controversiæ clericorum componantur.
24. Singulis trienniis habeatur Synodus Provincialis. Secluso legitimo impedimento Metropolitanus & Episcopi Suffraganei personaliter intersint.

Hanc synodum approbavit Gregorius XIII. dedit etiam facultatem Cardinali Guisio concilium celebrandi, licet pallium necdum acceperit.

Conventus Melodunensis & Parisiensis.

Sub hæc tempora Episcopi Galliae Meloduni congregati pro reformatanda collapsa disciplina, habitis ad Regem Henricum III. orationibus duo petebant pro sanandis Ecclesiæ Gallicanæ morbis, videlicet promulgationem Concilii Tridentini, quam jam ante in Comitibus Blesensibus Ecclesiasticus Ordo postulârat. Altera petitio erat, ut sacræ electiones restituantur.

110.

Respondit Rex, promulgationem Concilii Tridentini justis ex causis à Carolo fratre non fuisse concessam, nec à modò concedi posse. Jus nominationis ad Archiepiscopatus, Episcopatus, & Abbatias, per concordata à Pontifice Regibus concessum. Abdicari à se non posse, curaturum autem, ut digni Ecclesiis Pastores præficiantur, juxta edictum, jam in comitiis Blesensibus editum.

Quàm calamitosus autem eo tempore fuerit Ecclesiæ Gallicanæ status, ex Episcoporum orationibus in Conventu Melodunensi habitis constat. Multi Episcopatus Pastoribus erant destituti, plurima Cœnobია Abbatibus, nulla Divini cultus habita ratione, sacerdotia passim à profanis hominibus, quin & mulierculis atque hæreticis detinebantur. Siquidem Beneficia impunè vendebantur, Abbatiae

foeminis in dotem assignatæ, post earum obitum inter hæredes dividenda. Nobiliora & pinguiora Beneficia passim à Rege in commendas laicis data. Annatæ sacerdotum à Rege collectæ. Hæc aliæque Præfules eo in conventu Regi cordatè proponebant, & pro remedio supplicârunt.

In gemino dein conventu Parisiensi clerus Gallicanus urgebat executionem Decretorum circa reformationem disciplinæ; & præcipuè perorante Archiepiscopo Bituricensi rursus instabat, ut Rex promulgationem Concilii Tridentini permittat, & electionum Ecclesiasticarum libertatem Ecclesiis restituat, ceu duo ad disciplinam restaurandam maximè necessaria, Rex de Concilii promulgatione se deliberaturum respondit. Mentionem de electionibus commo-
tiori animo accepit, elusitque.

Concilium Burdigalense anno 1583.

111. **P**ROvinciale hoc Concilium celebratum fuit Burdigalæ, celebri ad Garonnam in Aquitania urbe (quam proprium Parlamentum & studiorum Universitas reddit conspicuam) Præside Reverendissimo Domino Antonio Lansaco, Archiepiscopo Burdigalensi. Decreta 36. lata: ad eum fere modum, qui in aliis provincialibus Conciliis fuit observatus.

Atque imprimis proposita professio fidei, à Pio IV. præscripta. Cultum dein divinum commendat, eumque precatione & sacrificio constare ait. De officio Divino ab omnibus Beneficiatis & sacris ordinibus inauguratis persolvendo, de Breviariis & Missalibus ordinandis, de Missa devotè celebranda; de reverentia templis debita, de festis religiosè colendis tracta. Sortilegia & magicas artes proscribit.

Ad sacramenta deinde exponenda progreditur, atque ad ea summa cum veneratione & animi puritate suscipienda hortatur. Baptismum seclusa necessitate in templo conferendum. Patrini admoneantur sui officii. Confirmationis Sacramentum prope intermissum revocetur, cum gratiam & robur suppediter. Deplorandam fo-cordiam plurimum Sacerdotum, qui vix semel in anno Missam celebrant. Ordinantur circa pœnitentiam, quæ Tridentinum docet, & præscribit. Parochi sint diligentes in conferenda infirmis extrema unctione. Nemo prima tonsura initietur, nisi confirmationis Sa-
cra-

cramentum perceperit, & fidei rudimenta teneat. Nullus ordinetur, nisi examinatus & probatus.

Matrimonia clandestina declarantur non tantum illicita, sed etiam invalida atque irrita. Benedictio nuptialis à proprio paracho fiat, nisi alteri licentiam dederit. Solennes nuptiæ non celebrentur tempore vetito. Cum hæreticis non contrahantur matrimonia. Impedimenta matrimonii recensentur aliqua.

Episcopi ne ditent consanguineos, nisi sint pauperes. Si intra tres menses consecrationem negligant, tenentur fructus perceptos restituere. Si per alios tres menses neglexerint, ipso jure Ecclesiis sunt privati. Vicarius Episcopi sit Sacerdos. Supplicat synodus Regi per viscera misericordiæ DEI ac per Christi sanguinem, ut facultatem eligendi idoneos pastores Ecclesiæ restituat.

Præciuntur deinde pluribus capitulis ea de Canonicis, Parochis, residentia pastorum, prædicatione verbi Divini, vita & moribus clericorum, examine promovendorum ad Beneficia curata, de Seminariis & Monasteriis, quæ Tridentinum ordinavit.

Ingemiscit, calamitosiis his temporibus Ecclesiæ facultates rapinis, direptionibus & injustis usurpationibus, non solum fuisse imminutas, sed omnes ferme absumptas, ac proin severè interdicit, ne modicum, quod superest, alienetur. Nulla prædia cum aliis commutentur, aut in emphyteusim dentur, nisi ab omni tempore fuerint inculta.

Mutuum ex Jure Divino debere esse gratuitum, ac proin titulo mutui nihil prorsus ultra sortem posse exigi. Ne quis frumentum &c. corruptum det, ut purum postea recipiat. Ne quis ob dilatam solutionem carius vendat, quam justii pretii ratio ferat. Neque ob anticipatam solutionem minoris ematur. Ne carius aliquid vendatur, ut vilis possit redimi. Ne in societate, in qua alter pecuniam confert, alter operam, lucrum aliter dividatur, quam ex æquis partibus. Non fiat pactio, ut sors sit semper salva. Prohibentur quoque annuorum censuum simulati & fictitii contractus: in quibus nulla certa res immobilis, quæ justo pretio ematur, designetur. Aliaque plura de usuris severè decernuntur.

Nulli post mortem communicetur, cui vivo communicare non licuit. Unde talis arceatur sacra sepultura &c.

Sacrarum litterarum monumentis constare, duplicem à Deo institutam esse potestatem, sæcularem nimirum & Ecclesiasticam. Nec Clerici igitur nec laici mittant falcem in alienam messem. Lites brevi finiantur. Si reus petitionem actoris negaverit, contestationem litis Judex statuatur, ac tempus determinet, intra quod actor suam intentionem, ac postea reus exceptionem formare possit. Si reus in jus vocatus non compareat, citetur secundò peremptoriè, si necdum pareat, contumax declaretur, & in pœnam actori solvendam condemnetur. Si actor non comparet, reum comparentem Judex absolvat, & actorem in expensas condemnet. Judex priùs omnia Juris remedia experiatur, antequam ad excommunicationem descendat.

Multa insuper valde salubriter statuuntur de visitatione, de synodis. In his tractetur primò de cultu DEI, tum de iis, quæ ad officia pastorum spectant.

Cùm sine coërcitione jurisdictio sit enervis, & leges vilescant, statuuntur pœnæ in transgressores statutorum. Judex tamen de multis pecuniariis nihil in usus suos convertat, sed causæ piæ applicet, parte tamen aliqua accusatoribus relicta.

Submittuntur omnia acta judicio sedis Apostolicæ, à qua omnia approbata sunt. Subscripserunt Archiepiscopus Burdigalensis, Episcopi, Agennensis, Engolismensis, Pictaviensis, Santonensis, Sarlatensis, Vasatensis, & procurator Ecclesiæ Candomiensis, sede vacante.

Additæ sunt leges Seminariorum, de ædibus, de admittendis, de Primario & Præfectis Seminarii, de œconomia, de disciplina, de pietate, obedientia, re litteraria, correctione, ratione promovendi clericos.

Concilium Turonense II. Anno 1583.

113.

Fuit pariter Provinciale, habitum partim Turoni partim Andegavi Præsidi Simone à Maillè Archiepiscopo Turonensi, 21. Decreta pro reformanda morum disciplina complectens.

Inchoatur synodus gratiis Deo agendis, quòd Rex in toto Regno Concilia provincialia celebrari voluerit, ut & hæreses extirpen-

pentur, & morum disciplina, tot seditionum bellorúmque incurſibus conquaſſata, reſtauretur. Vota deinde pro Regis conſervatione facit, atque ſub excommunicatione vetat, ne quis vivente Principe auſit de alio regni ſucceſſore conſilium inire, aut maledicta in eum coniicere. Additque hæc verba : *ſi quis poteſtati Regis, quæ non eſt niſi à Deo, contumaci ac inflato ſpiritu contra auctoritatem & rationem pertinaciter contradicere præſumpſerit, & ejus iuſtis imperiis obtemperare noluerit, anathematizetur.* Petit deinde ſynodus à Pontifice, ut Episcopis eorúmque Vicariis facultater concedat abſolvendi ab hæreſi : à Rege verò, ut Tridentinum promulgari, electiones verò Episcoporum & Abbatum liberas eſſi ſinat.

Omnes Beneficiati intra tres meſes à die adeptæ poſſeſſionis in præſentia Episcopi aut Vicarii profeſſionem fidei emittant ac proprio nomine ſubſcribant. Neque licet hoc per procuratorem facere. Laici non diſputent cum hæreticis. Humanitate iſti reducendi. Indulgentiæ nullæ promulgentur abſque conſenſu ordinarii, ſuperſtitio omnis tollatur.

Innovantur Bullæ Pii IV. & V. circa ſimoniam confidentialem : atque Eccleſiam ipſo jure vacare decernitur.

Tum verò de Sacramentis, reliquiis, imaginibus ea decernuntur, quæ tum in ſuperioribus Conciliis, tum præſertim in Tridentino continentur, cujus etiam decretum amplectitur de irritatione matrimonii clandestini. De diſciplina etiam Eccleſiaſtica, de Episcopis, Canonicis, Parochis, Monachis &c. eadem ferme ſtatuta.

Subſcripſerunt Archiepiſcopus Turonenſis, ejusque ſuffraganei Episcopi, Andegavenſis, Nannetenſis, Leonenſis, Briocenſis, Rhedonenſis, Coriſopitenſis, per procuratorem Dolenſis, Cénomannenſis, Maclovienſis, & Trecorenſis Eccleſiæ ſede vacante.

Concilium Bituricenſe II. Anno 1584.

Indixit hoc provinciale Concilium Rignaldus de Beaulne, Patriarcha & Archiepiſcopus Bituricenſis, Aquitanix Primas. 46.
G g g 2 titu-

titulis , quorum singuli complures continent canones , Ecclesiasticæ disciplinæ providetur , ex Tridentino potissimum aliisque synodis jam memoratis desumptos.

In titulo de abusu scripturarum tollendo Can. IV. dicitur : *Sit Index librorum prohibitorum apud actuarium cujuscunque Episcopatus , qui singulis annis exhibeatur Bibliopolis & Typographis , ne per errorem improbatos libros disseminent.*

Episcopi sint executores testamentorum in iis , quæ pertinent ad pias causas.

Qui nihil , nisi quod in scriptura expressè continetur , pro vero tenendum , & traditiones Ecclesiæ quasi inventa humana respiciendas esse dixerit , anathema sit.

Notabilis est canon III. titulo *de Eucharistia* , qui sic habet : *negantes accidentia panis & vini in Sacramento Eucharistia sine substantia panis & vini manere , anathemate feriantur , & hæretici censeantur.* Et canon III. tituli *de Missa* : *Missa vivis & defunctis prodest : quia æquæ sunt membra Christi. Quis secus crediderit , anathema sit.*

Item Canon I. tituli *de Beneficiis* , cujus hæc sunt verba : *Cum Beneficium Ecclesiasticum non otiosis , sed officium suum exercentibus sit constitutum , & propter Officium detur Beneficium , denuntiat hæc synodus omnibus cujuscunque gradus , & conditionis , qui Beneficia Ecclesiastica solius temporalis proventus gratia suscipiunt , eos non facere fructus suos : sed ad restitutionem teneri.* Can. 2. vetatur pluralitas. can. 4. ne curata in simplicia convertantur. Can. 6. ne quis consanguineo Beneficium cedat solius consanguinitatis ratione.

Subscripserunt Archiepiscopus Bituricensis , ejusque suffraganei Episcopi , S. Flori , Cadurcensis , Lemovicensis : Deputati Ecclesiæ Claromontensis , & Castrensis , sede vacante. Procurator Episcopi Ruthenensis , Tutellensis , Albienensis , Mimatenensis , Vabrensis. Confirmatum denique fuit hoc Concilium à Sixto V. sicut priora à Gregorio XIII.

Concilium Aquense anno 1585.

115.

Celebratum Aquis Sextiis nobili Provinciæ Phocensis civitate , Parlamento & studiorum Universitate inclita , Præside Alexandro Canigiano Archiepiscopo Aquensi , 43. Constitutionum capita ad reformationem pertinentia sancivit. Atque imprimis decrevit , ut à Rege humillimis precibus flagitetur , ut Tridentinum Concilium , quo labenti reipublicæ Christianæ accuratissimè subvenitur , promulgari juberet.

Interim verò , dum ea promulgatio expectatur , secundum ejusdem Concilii placita saluberrimæ sanctiones latæ sunt de fide ejusque professione , de institutione catechetica juventutis diebus Dominicis festisque diligenter habenda , de libris vetitis , de Sacramentis in genere & in specie , de cultu festorum , de vita & honestate clericorum ; de his , in quibus Episcopus juxta Tridentinum tanquam delegatus sedis Apostolicæ procedere potest aut debet : de visitatione , concione , & verbi Divini prædicatione , de Canonicis , Capitulis , Parochis , residentia , Ecclesiarum cultu , choro , altari , sacristia , cœmeterio , campanis , exequiis , processionibus , indulgentiis , reliquiis , censuris , Beneficiis , Seminariis , Synodis , Vicariis , Forancis , Monasteriis.

De Baptismo ait , eum ne quidem sub conditione esse conferendum illis , qui ab hæresi Calviniana redeunt , eò quòd Calvinistæ publico in cœtu baptizent , debitamque materiam & formam adhibeant : formam autem sub conditione baptizandi introductam esse propter baptismos occultos , de quorum valore dubitari potest.

Confirmationis Sacramentum non impertiendum ante septimum ætatis annum , nisi juxta ex causa aliter videatur. Juniores ne sint patrini senioribus. Præcipitur usus Breviarii & Missalis Romani. Renovantur ea , quæ Tridentinum de matrimonio statuit. &c.

Subscripserunt Archiepiscopus Aquensis , Episcopus Aptensis , Vapincensis , Regensis , Cistarcensis , & Vicarius Forojulien-
sis Episcopi.

Concilium Tolosanum & Avenionense.

16.

ANno 1590. celebratum est Concilium Provinciale Tolosanum Præsidente Francisco de Joyosa S. R. E. Cardinale & Archiepiscopo Tolosano, & anno 1594. Avenionense; in quibus multa decreta sunt condita, sed eadem fere, quæ à superioribus Conciliis, & præsertim à Tridentino sunt sancita. Ne igitur eadem identidem repetamus, lectorem ad Acta Conciliorum remittimus.

Illud notandum; licet Galliæ Reges non permiserint publico aliquo totius Nationis Galliæ decreto Concilium Tridentinum promulgare, per istas tamen Provinciales synodos, in omnibus ferme provinciis habitas, id esse publicatum, dum illius Decreta tanquam synodalia sua decreta asseruerunt.



LIBER IV.

De Statu Civili & Ecclesiastico Belgii.

Quoniam nulla majoris momenti Concilia in Belgio usque ad Sæculum XVI. sunt celebrata, vix ullam hætenus illius mentionem feci. Jam verò, ut Sæculi XVI. status luculentius pateat, juvat eundem in hoc Eruditio- nis apparatu ab altioribus principiis repetere.

CAPUT I.

De Statu Belgii.

SUMMARIUM.

ARTICULUS I.

Prenotanda de Regno Lotharico.

- | | |
|--|---|
| 1. Regnum Lotharicum: in Austrasiam & Burgundiam divisum. | atque Sabaudiam, ac magnam Helvetiæ partem. |
| 2. Regnum Burgundiæ in Provinciam, Delphinatum, Ducatum & Comitatum Burgundicum, | 3. Austrasiæ partes. Inter quas Lotharingia, & Belgium. |

ARTICULUS II.

De Belgio usque ad Burgundos.

- | | |
|---|--|
| 4. Brabantiae & Flandriæ vetustæ adumbratio. | rum uniones. |
| 5. Luxemburgi, Hollandiæ, & Selandiæ, variæque provincia- | 6. Namurcum, Frisia, Geldria, Ultrajectum. |

ARTICULUS III.

Sub Burgundis.

- | | |
|---|--|
| 7. Burgundiæ Ducum primalinea, Roberto Fundatore. | Joannis Galliæ Regis filius: Joannes Intrepidus: Philippus Bonus: Carolus Audax. |
| 8. Ex secunda Philippus Audax | |

ARTICULUS IV.

Sub Austriacis ad ann. 1559.

- | | |
|--|--|
| 6. Maria nubit Maximiliano. Burgundiæ Ducatus, & Artesia à Ludov. XI. abreptæ. Philippus Archidux. Margaretha & Maria Gubernatrices.
10. Carolus V. Gröningam, Ultrajectum, & Geldriam unit | cum reliquis provinciis. Abdicatio.
11. Philippus II. pace cum Gallis facta, Belgium ordinat, provincias distribuit; abit in Hispaniam. |
|--|--|

ARTICULUS V.

*Sub Margaritha Parmensi.**§. 1. De Causis tumultuum Belgicorum.*

- | | |
|--|--|
| 12. Causa prima, ambitio Procerum. 2. Hispani milites 3. auctus Episcoporum numerus, & | Abbatum querelæ. 4. Inquisitio. 5. Granvellanus. |
|--|--|

§. 2. Has non fuisse causas primarias.

13. Dissertatio de causis seditionum & bellorum.

- 14.
- §. 3. Principalis malorum causa fuit hæresis.*

§. 4. Relatio Historica Actorum sub Margaritha.

- | | |
|--|--|
| 15. Analogia status Belgici cum Gallico.
16. Granvellani advocatio, & elo-
gium.
17. Regis constantia, & zelus pro Religione. | 18. Nobilium conspiratio propter Inquisitionem: edicta, consultatio ea super re.
19. Geusiorum nomen, origo, & insolentia. <i>Compromissum.</i> |
|--|--|

§. 5. Continuatio ejusdem Historiæ.

- | | |
|--|---|
| 20. Geusiorum iconomachia, ac barbarus furor, per totum ferme Belgium, nec Margarithæ indulgentia mitigatur.
21. Procerum aliquorum conspiratio, ac Geusiorum in Regem conjuratio. Brederodii insolentia postulata. Gubernatricis responsio. Geusii arma expediunt. | Ter vincuntur. Valencenæ à Regiis captæ.
22. Orangius juramentum fidelitatis detrectans Belgio excedit. Brederodii interitus. Hæresis ubique profligatur. Belgium ad Religionem & obedientiam redit.
23. Legati Protestantium ex Germania ad Gubernatricem. |
|--|---|

ARTICULUS VI.

Belgium sub Albano.

- | | |
|--|--|
| <p>24. Rex de bello consultat. Illudque decernit; Margaritha, quæ pacem conciliaverat, invita. Albanus Italicas copias in Belgium ducit.</p> <p>25. Egmontius & Hornanus capti. Belgarum inæror. Missa Galliæ Regi subsidia. Margaritha Belgio excedit.</p> <p>26. Albanus novo erecto tribunali severa judicia exercet. Oran-gium aliósque contumaciæ & majestatis damnat. Bona fisco addicit.</p> <p>27. Orangius armatus in Belgium. Cæsus Arembergius.</p> | <p>28. Actio in Egmontium & Hornanum. Exceptio. Sententia. Executio. Elogium. Alii condemnati.</p> <p>29. Albanus in Frisiam. Geusios profligat. Ingentem novum Orangii exercitum cunctando vincit. Vitellii virtus. Hochstratanus occumbit. Alteræ Galliæ Regi missæ suppetiæ.</p> <p>30. Albanus novo tributo Belgas irritat. Sednuntiata ingenti eluvione, & Brila capta, executio suspenditur.</p> |
|--|--|

Continuatio Historiæ.

- | | |
|---|--|
| <p>31. Orangius occasione novi tributi multos Belgas in suas partes trahit. Brila capta Reipublicæ dat prima initia. Mutata mox rerum facies. Urbes aut deficiunt, aut expugnantur à Geusis. Albanus plures recipit: pari utrinque crudelitate.</p> | <p>32. Nardemi excidium. Harlemi cruenta expugnatio.</p> <p>33. Requesenius in Belgium. Albanus in Hispaniam, relinquens Belgium ubique turbatum, quod pacatum à Margaritha acceperat. Albani elogium.</p> |
|---|--|

ARTICULUS VII.

Belgium sub Requesenio.

- | | |
|--|---|
| <p>34. Middelburgum à Geusis cap-tum. Victoria Hispanorum. Seditio militaris. Lugduni obsidio irrita. Altera seditio.</p> <p>35. Expeditio Selandica. Vitellii mors, & effigies. Mors Requesenii, & elogium.</p> | <p>36. Senatus arripit regimen, ac omnia turbantur. Seditio tertia militaris. Alostum seditiosi intercipiunt. Conspiratio Belgarum in Hispanos. Antverpia direpta. Hispanorum apud Regem excusatio.</p> |
|--|---|

ARTICULUS VIII.

Belgium sub Joanne Austriaco.

37. De illo admittendo consultant ordines. Ipsemet deliberat. Tandem edictum ordinum Gandavense acceptat: atque Hispanos milites dimittit. Non tamen sine difficultate. Bruxellas ingreditur.
38. Artibus Orangii versa mox scena, & insidiis appetitus Namurcum fugit. Mutua exprobratio.
39. Orangius Brabantiae conservator dicitur. Miles Hispanus revocatur, cum Alexandro Farnesio. Orangius arces civitatum diruit,
40. Evocatur ab ordinibus Viena Mathias Archidux. Religiosi exules ob detrectatum juramentum adversus Joannem Austriacum.
41. Bellum toto Belgio. Duces utrinque. Victoria Gemblacensis, ejusque fructus. Limburgum praeter multas alias urbes expugnatum. Orangius ad mare Batavicum fundaturus imperium, Amstelodamum fraude capit. Pax frustra tentata.
42. Mors Joannis Austriaci, elogium ac vitae series. Obitus Barlamontii.

ARTICULUS IX.

Belgium sub Alexandro Farnesio.§. 1. *Septennium primum.*

43. Misera Belgii facies. Evocatus Alenfonius, & Casimirus. Uterque recedit. Farnesii copiae, & progressus.
44. Wallones à reliquis ordinibus deficiunt, ac tertiam classem constituunt: dicti *malecontenti*. Pellunt haereticos. Farnesii & ordinum contentio, eos ad partes suas reducendi. Reconciliantur Regi: praesertim audito
- furore haereticorum Antverpiæ. Fabula Parisina. Trajecticruenta expugnatio
45. Colonienfis Conventus Caesare arbitro. Reservata Regis. Ordinum enormia postulata. Terranova Legati responsio. Arbitrorum moderatio. Re infecta disceditur. Arschotti reconciliatio.

Continuatio Historica.

46. Frisia & Transiselania per Lalinum Rennebergium Regi conciliata. Occupata Mechlinia. Sed felicem armorum cursum stitit
- stipendiorum incipia. Exteri milites dimissi Revalescunt foederati. *Anglicana furia* Mechliniae. Rubasii victoria capto Lanua.

47. Mar-

47. Margaritha à Rege in Belgium missa, ut civilem Præfecturam administret, militari filio Alexandro relicta. Qui eam divisionem Gubernationis improbat: ac dimissionem petit.

48. Hornamus Comes ob conjurationem in Alexandrum capite plexus. Victoria Gröningensis, per Martinum Schenchium relata. Lalinus quoque in Frisia res magnas gerit. Plures urbes captæ.

49. Foederati Regem abdicant, & Alenfonium sibi Principem deligunt. Discedit Mathias. Orangius proscriptus. Ejus urbs Breda ab Altapennio capta.

50. Cum Alenfonius exercitum duceret, actum est de revocando extero milite, consentientibus Wallonibus. Captum Tor-

nacum. Alexandri periculum geminum. Verdugi in Frisia victoria. Aldenarda capta. Reditus exterimilitis. Captæ urbes.

51. Alenfonius Principatum firmaturus, foederatorum suorum urbes invadit, præsertim Antverpiam, inausulto eventu. Bironio casu fugit ex Belgio.

52. Mox captæ à Farnesio Dunquercha, Neoportum, Menina, Düxmunda, Stenberga, Zutphania, Axella, Ulstum, Alostum, Gandavum, Brugæ, Ipræ, aliæque urbes. Quibus accessit fausta expeditio Colonienfis adversus Gebhardum.

53. Obitus Alenfonii, & elogium. Orangii cædes per Girardum. Elogium. Mauritius a foederatis suffectus sub Holachio. Gallo deferunt Belgium.

§. 2. *Alexandri septennium alterum.*

54. Variæ urbes expugnata. Celebrissima omnium expugnatio Antverpiæ. Pons portentosus. Naves incendiariæ Clades in ponte misera. Conditiones deditionis. Accedunt Teneramunda, Bruxellæ, Neomagum, Mechlinia, restituto Archiepiscopo.

55. Taxii victoriæ, Frisia & Geldria per eum ad Regem reductæ. Ostenda frustra tentata, & Lilloum. Buscoducum recuperatum. Bomeliana expeditio in summum discrimen exercitum adducit. Per B. V. servatus.

56. Foederati post evocatos sæpius

Germanos & Gallos, Angliam armant. Comes Leicestriæ à Regina missus Gubernator dicitur. Farnesius Graviam & Venloham expugnat.

57. Colonienfis expeditio ab ipso Alexandro suscepta. Novesium denuo expugnatum & direptum. Sed dum Rhenobergam oppugnare cœpit, in Belgium redire cogitur: in quo Leicestrius Zutphaniæ imminabat, & Mauritius Nassovius Axelam astu ceperat. Leicestrius ordinibus invisus recedit in Angliam, Mathiæ, Casimiri, & Alenfonii exemplo.

58. Missi

58. Missio Castrensis. Daventria à Stanlæo Anglo Catholico Regi suo reddita Rolandus exemplum sequitur. Slusa expugnata. Geldria à Pattono Scoto tradi-

ta. Altapennii obitus. Simultas inter Leicestrium & Ordines. Ille Belgium omnino relinquit.

Continuatio Historica.

59. Ingens belli apparatus in Angliam. Prudens Alexandri consilium: sed neglectum. Copiæ Belgicæ pro ea expeditione. Navigia. Ob eventum infustum Alexander in invidiam vocatur. Se purgat.

60. Expeditio tertia Colonienfis, ad Bonnam, à Schenchio abreptam, recuperandam. Taxis obit. Ejus elogium. Bonna recepta.

61. Gertrudisberga occupata. Alexander in Balneum. Mansfeldius in Bomeliam, ubi Hedelam capit, Levianæ legionis perfidia & seditio. Dissolvitur.

Lis de spolio. Hostis liberalitas.

62. Martinus Schenchius Neomagum penetrat. Sed tandem repulsus, aquis haustus est. Ejus effigies. Rhenoberga in Ubiis expugnata. Cum bello Colonienfi finit historiam Strada: ne versam Belgii fortunam debeat serbere.

63. Farnesio in Gallia absente foederati respirant, Mauritius occupat Bredam, Zutphaniam, Neomagum, Daventriam, Hulstum, Steinvicum, Covordiam. Alexandri Farnesii obitus, & elogium.

ARTIC. X.

Belgium sub Mansfeldio, Ernesto, & Fontano.

64. Mansfeldius Gubernator. Nova expeditio in Galliam inutilis. Gertrudisberga ad foederatos.

65. Ernestus Archidux Gubernator. Pacem offert Batavis. Superbè rejicitur. Gröningam & Hoyum occupant. Res Hispanæ inclinata. Obitus Ernesti, & elogium.

66. Fontanus Gubernator. Archotus offensus Belgio excedit. Carolus Mansfeld Petri Ernesti filius à Rudolpho Cæsare expetitus adversus Turcas. Hoyum receptum per Motæum. Verdugi mors.

67. Batavorum conatus maritimus in Boreali Oceano. Eluviones. Pacem callidè petunt.

68. Fon-

68. Fontani militares leges. In Picardiam : Castelletum, Dorlanum, & Cameracum capit.

Mottæus obit. Rosnæus sufficitur. Galli victi. Villarii perfida cades.

ARTIC. XI.

Belgium sub Alberto.

69. Albertus Wilhelmum Oran-gii filium ex Hispania adducit. Quem Mauritius frater & Bata-vi patria excludunt. Albertus Gallis eripit Caletum, Guinam, Hamam, Ardeam, Bata-vis Hulstum. Rosnæi mors.

70. Mauritii ad Tornhutum victoria. Ambianum à Portocarero captum astu: ab Henrico receptum. Mauritius complures ad Rhenum urbes occupat.

71. Pax Vervina cum Gallis: quibus urbes restitutæ. Consultatio de connubio inter Albertum & Isabellam: statuitur cum dote Belgii sub certis con-

ditionibus. Batavorum obtre-ctationes.

72. Albertus in Hispaniam ad ducendam sponsam. Andreas Austriacus interea præfectus Belgio. Mendoza armis: qui Rhenobergam expugnat. Militem per Rhenanas provincias in hyberna distribuit, non sine querela Germanorum, præsertim Protestantium apud Cæsarem.

73. Archiducum adventus. Certamen singulare. Mauritii progressus, & victoria ad Neoportum, cruenta quidem: quæ tamen nullum fructum traxit.

CAPUT II.

De Statu Ecclesiastico Belgii in specie.

ARTIC. I.

De Statu Religionis.

74. Ortus Christianæ Religionis in Belgio. Primi Apostoli & Episcopi. Progressus. Normannica persecutio.

75. Tanchelini hæresis, à S. Norberto debellata. S. Bernardi

zelus. Sacrorum Ordinum propagatio. Schisma inter Urbanum VI. & Clementem VII. Belgium scindit. Sed omnia componuntur.

76. No-

76. Novæ hæreses florentem Religionis statum evertunt, atque omnia miscent. Earum initia. Lanoy Calvinistæ exorcismus.

77. Hæresum progressus, & furor barbarus. Gorcomienfes

Martyres. Multi alii sacerdotes crudeliter necati

78. Jesuitæ pulsi in exilium. Missionem Batavicam instituunt. Fabula de necando Mauritio, 60. mendaciis contexta, à Costero confutata.

ARTIC. II.

Status Ecclesiasticus per Concilia ordinatus.

79. *Concilium Ultrajectense* deliberavit Sæculo VII. sub S. Willibrordo Episcopo, quomodo per insignes Verbi Divini prædicatores finitimis populis annuntiandum sit sanctum Dei Evangelium, & Christiana fides propaganda. Præsens huic Concilio fuit S. Winfridus, Bonifacius postea dictus, Archiepiscopus Moguntinus ac Germaniæ ac Friesiæ Apostolus.

Sæculo XI. Concilium Dioce-

sanum *Attrebatense* utilissimam de sacramentis, aliisque mysteriis Religionis doctrinam tradidit.

Alterum *Attrebatense*, & sequentia de monasteriis potissimum, & eorum privilegiis tractârunt. Sæculo autem XVI. tria Concilia Provincialia sunt celebrata, admodum celebria, duo *Cameracensia* & *Mecbliniense*, quorum Doctrina & Canones specialem merentur memoriam.

ARTIC. III.

Concilium Cameracense I.

Edita 22. Capita de doctrina fidei & disciplina Ecclesiastica.

80. De libris vetitis. Lectione Theologica. Scholis. Seminariis. Doctrina & prædicatione verbi Divini. De cultu, ceremoniis, & officio Divino.

81. De Ministeriis Ecclesiasticis. De vita & honestate Clericorum. De Examine Episcopo-

rum, & Pastorum. De Residentia Episcoporum aliorumque Pastorum. De Visitatione.

82. De potestate & Jurisdictione Ecclesiastica. De Matrimonio. De Decimis, oblationibus, & portione Canonica. De Purgatorio,

83. De

- | | |
|---------------------------------|--------------------------------|
| 83. De Monasteriis. De Sanctis. | De Indulgentiis. Subscription- |
| De Imaginibus. De Reliquiis. | nes. |

ARTIC. IV.

Concilium Provinciale Mechliniense.

- | | |
|---|---|
| 84. Occasio Concilii &c. Tractatum de sacramentis. De ordinandis. De sponsalibus & matrimonio. De officio & cultu Divino. De Imaginibus & Indulgentiis. | rochis & eorum officiis. De vita & honestate Clericorum. De Scholis. |
| 85. De Episcopis & eorum officio. De Ministris Ecclesiæ & Residentia. De Decanis, Pa- | 86. De Unionibus & bonis Ecclesiasticis. De Regularibus. De litteris Apostolicis & Judicibus delegatis. De Usuris. De Visitationibus, Subscriptiones. |

ARTIC. V.

Concilium Cameracense II.

- | | |
|---|---|
| 87. Editi Canones de fide. Doctrina. Officio Divino. Festorum cultu. Sacramentorum administratione. | ca. De administratione bonorum Ecclesiasticorum. De Clericis in genere. De Episcopis, Capitulis & Canonicis. Parochis. |
| 88. De Baptismo. Confirmatione. Eucharistia. Pœnitentia. Ordine. Matrimonio. Extrema unctione. Observatio de matrimo clandestino in Belgio. | 90. De Regularibus. De Scholis & Seminariis. De foro, Jurisdictione, & Immunitate Ecclesiastica. De Usuris. De Synodis. Subscriptiones. |
| 89. De sepulturis, Oblationibus, Decimis, & portione Canonici- | |

ARTIC. VI.

Dissertatio Juridica de Usuris.

- | | |
|--|---|
| 91. Titulo solius mutui aliquid exigere est usura propriè dicta, contra Jus naturale, Divinum, & humanum. Alia est ratio | census Germanici, qui non ex titulo mutui exigitur: sed ex aliis titulis. |
|--|---|

92. Jus civile moderatum auctarium permittit. Uti etiam Constitutiones Imperii: non tantum post moram, aut pro tempore belli Suecici: prout consuetudo etiam in Germania declarat.

93. Explicatur: quid ejusmodi statutum Principis intendat: confirmaturque per varia Juris exempla.

94. P. Pichleri sententia vindicatur adversus censuras P. Danielis Concina. Cujus admirationibus & exclamationibus respondetur, per multa Juris utriusque exempla.


95. Explicatur uberius doctrina de Jure naturali & Divino: ex

cujus ignorantia videtur labi R. P. Concina. Afferuntur rursus plura Juris utriusque exempla.

96. Causæ ejusmodi statuti permittentis aliquid exigere occasione mutui, & transferentis ejusmodi auctarium.

97. Insinuantur aliquot contractus & tituli, quibus utiliter pecunia ad aliquod lucrum collocari potest. Et quid de rudibus in hac materia sentiendum.

98. Sanctissimi Domini nostri Benedicti XIV. sententia de casibus, quibus purum mutuum, absque auctario, est celebrandum.



C A P U T I.

De Statu Belgii.

A R T I C U L U S I.

Prænotanda de Regno Lotharico.

1. **L**udovicus Pius inter tres filios suos Regnum ita diviserat, ut Lothario Italia, Ludovico Germania, Carolo Calvo Gallia obtingeret. Sed quia Lothario Imperatori minor votis erat Italia, adjectus illi est prælongus terrarum tractus Germaniam inter & Galliam, à mari mediterraneo ad Germanicum usque excurrens, *Regnum Lotharicum* propterea appellatus. Complectebatur id terras, quas hodie Phoenensis Provincia, Delphinatus, Sabaudia, Helvetia, Alsatia, Burgundia, Lotharingia, Palatinatus, Ager Trevirensis, Colonienfis, Juliacenfis, Clivenfis, & Belgium occupant.

Lotha-

Lotharius moriens provincias suas pariter inter tres filios suos ita divisit, ut Ludovico Imperatori Italia obveniret, Lothario *Austrasia*, complectens Lotharingiam, Alsatiam, Treviros, Palatinatum, Coloniam, Juliacum, Cliviam, & Belgium: Carolo verò *Burgundia*, per Provinciam, Delphinatum, Sabaudiam, Helvetiam, Ducatum & Comitatum Burgundicum extensa.

Sed neque ista divisio diu tenuit; nam tribus istis fratribus absque legitima prole mascula defunctis, eorum patrum Ludovicus Germanicus, & Carolus Calvus Regnum Lotharicum inter se ita partiti sunt, ut illi Sabaudia, Helvetia, pars Belgii cum Germanicis provinciis accederent, Carolo verò Provincia, Delphinatus, Burgundia, cum parte Lotharingæ & Belgii.

Neque hæc divisio ætatem tulit. Siquidem Carolus Calvus Provinciam & Delphinatum clientelari jure possidendas dedit Bosoni, affini suo, qui eas sub nomine Regni Arelatensis occupavit: de quo plura disserui *part. 5. ad sæc. XI. art. 1.*

Paulò post Carolo Crasso regimine moto surrexit alterum regnum Burgundicum in Helvetia & Sabaudia, à *Rudolpho* Suevo inchoatum; quod *Transjurvanum* dictum est. Accessit tertium eo in tractu, quem Ducatus & Comitatus Burgundiæ occupat.

Sed & hæc divisio brevè concidit, toto Regno Burgundico ad Rudolphum II. devoluto; dum Hugo Comes Arelatensis, perfidus tutor, eidem Regnum Arelatense cessit pro Regno Italiæ. Postquam autem Rudolphus III. absque liberis anno 1031. obiit, Conradus II. Imperator Regnum Arelatense seu Burgundicum Imperio univit, & per vicarios gubernavit.

Hi autem Gubernatores provincias sibi commissas, turbatis maximè temporibus, proprias paulatim & hæreditarias fecerunt. Sic ^{2.} *Phocensis Provincia* sæculo XI. proprios Comites habuit. Ab his per nuptias ad Berengarios, Barcinonenses Comites sæc. XII. translata fuit: sæc. XIII. per Beatricem, ultimi Barcinonensis Comitis filiam, ad Carolum Comitem Andegavensem, S. Ludovici fratrem, qui simul utriusque Siciliæ Rex à Pontifice fuit renunciatus. Sæc. XV. Carolus, ultimus ex media Andegavensi Domo Ludovicum XI. Galliæ Regem Provinciæ hæredem testamento scripsit. Qua ratione Franciæ unita est.

Delphinatus pariter primò Regni Lotharici, dein Burgundici at- ^{Delphinatus.} que Arelatensis pars, sæc. XI. proprios Comites nactus est. Horum ultimus Humbertus sæc. XIV. Philippum VI. Valesium Regem Galliæ

Galliæ hæredem dixit, ea conditione, ut quilibet Regum primogenitus *Delphini* titulo insigniatur.

Burgundia.

Burgundia Regni olim Lotharici portio, in Ducatum deinde & Comitatum divisa est. Ducatum sæc. XI. occupârunt Hugonis Capeti posterî, atque possederunt usque ad medium sæculi XIV. quo Philippus ultimus hujus lineæ Burgundicæ improlis obiit. Devolutus tunc est Ducatus jure materno ad Joannem Galliæ Regem, qui eundem reliquit Philippo Audaci filio suo natu minimo, qui novam, eamque potentissimam Burgundiæ Ducum lineam est auspicatus, per 116. annos à quatuor Ducibus deinceps continuatam, donec anno 1477. cæso Carolo Audace, per Mariam ejus filiam Ducatus Burgundiæ Domui Austriacæ fuit illatus. Sed mox à Ludovico XI. abstractus, & in Galliæ provinciam est redactus. Præcipuæ in ea urbes sunt Divio, Augustodunum, Mutisco, Antissiodorum, Cluniacum, Trevoltium, cum Comitatu Carolesii, & Bressiæ, atque agro Cabillionensi.

Comitatus Burgundiæ pariter sæculo XI. cœptus, à decem Comitibus (inter quos Otto II. Dux Meranensis, per nuptias Comitatum illum affecutus) usque ad annum 1316. possessus. Quo Ducatus Burgundiæ cum Comitatu est unitus per conjugium. Post necem Caroli Audacis hic Comitatus ad Austriacos transiit, mansitque apud eos usque ad annum 1674. quo Ludovicus XIV. eundem occupavit, & pace Neomagensi Galliæ confirmavit. Appellatur vulgo *Franche Comte*, seu liber Comitatus, Ducatu Burgundiæ, Lotharingia, Campania, & Helvetia conclusus. Primariæ illius urbes sunt Dola, Academia à Philippo bono fundata celebris, & *Vesuntio* usque ad pacem Westphalicam libera Imperii civitas, Archiepiscopatu, Academia, & parlamento ornata.

Sabaudia.

Ad Regnum Lotharicum, & postea ad Burgundicum & Arelatense Regnum pertinebat etiam *Sabaudia*. Primus illius Comes sub initium sæculi XI. fuit Beraldus, cujus Genealogia ad Witekindum M. refertur. Stirps ista per tot jam sæcula propagata hodieum floret, ac præter Sabaudiam magnis in Italia accessionibus aucta est. Amadeus VIII. qui Genevensem Comitatum emit, factus est primus Sabaudiæ Dux anno 1416. à Sigismundo Imperatore, à Conciliabulo Basileenfi Papa, à Papa Nicolao V. Cardinalis: à se ipso Monachus. Sabaudiæ, quæ est feudum Imperii, urbes potiores sunt Camberium, Ducum olim sedes: Montmelianum insigne olim munimentum, sed à Gallis propugnaculis exutum: Annecium in tra-

ctu

Et Genevensi, nunc Episcopi sedes, postquam Geneva defecit. His accedunt ager Cabellicus, Comitatus Tarentasæ & Maurien-
næ &c. Ducatus iste sæpius à Gallis fuit occupatus, sed semper
iterum restitutus. Qua denique ratione Helvetia, quæ magnam Re-
gni Burgundici partem constituebat, primum ad Imperium, dein ve-
rò in liberam Rempublicam transierit, dictum est supra.

Austrasia, altera Lotharici Regni pars, sicut Burgundia post mortem Lotharii Junioris paulatim in varias minores provincias, eadem occasione, fuit divisa; quia scilicet Gubernatores, ab Imperatoribus præfecti certis ditionibus, eas hæreditarias ac proprias fecerunt. Et quidem Alsatia, Palatinatus, Treviri, Colonia, Juliacum, Clivia, Leodium ad diversos Germaniæ Principes transierunt.

Lotharingia verò, in qua tempore Merovingicorum Metis erat Regum Austrasæ sedes, primò ad Duces Mosellanos pervenit, quos inter memorabiles, Albero, qui jam quinto sæculo in eo ad Mosellam tractu confedisse traditur: S. Arnolphus sub Dagoberto I. Major Domus, dein Episcopus Metensis, denique eremita. S. Clodolphus primogenitus ejus filius lineam Ducum superioris Lotharingiæ, Ansegisus verò paternas ad Scaldim ditiones, & in dotem inferiorem Lotharingiam, seu Brabantiam adeptus, lineam alteram propagavit. Gisbertus, Henrici Aucupis gener, inferiorem Lotharingiam cum superiore conjunxit, ab ejus nepotibus rursus divisam.

Anno 1048. Godofredo II. avo Godofredi Bullionii, sola inferior Lotharingia relicta est, superiorem verò Henricus III. Imperator feudali jure concessit Gerhardo Alsatiæ Comiti; à quo virilis Ducum stirps in hodiernum usque diem feliciter est propagata. Et quidem ad annum usque 1430. quo obiit Carolus Audax, primogenita linea continua serie successit. Tum verò gravis agitata est quæstio, an Isabella fratris primogeniti filia, an secundogeniti filius Ducatum obtinere debeat. Nec ferro decidi potuit. Sed pactis nuptialibus tandem sopita est.

Nam Renatus Andegavenis Isabellæ conjugis suæ jura persecuturus Antonium Valdemontium bello primum vicit, verum à Philippo Bono Burgundiæ Duce, ad quem Antonius confugerat, dein victus, captusque Divionem abductus est. Tandem verò pax ita fuit composita, ut Jolantha Renati ex Isabella filia cum Friderico Antonii filio despondeatur, atque in liberis, ex eo matrimonio susceptis, omnes ditiones jungantur. Idque in Renato II. conti-

git, multarum etiam in Gallia ditionum Domino. Verùm eundem mox bello appetiit Carolus Audax, potens ille ac formidandus Dux Burgundiæ, totâmq; ferme Lotharingiam jam occupaverat; cùm ab Helvetis ter cæsus occubuit.

Mortuo ann. 1508. Renato in Lotharingia successit filius Antonius, Gallicis partibus magnopere addictus, de cætero acerrimus Religionis vindex. Mortuus anno 1544. Francisco seniori filio Lotharingiam, Nicolao Juniori Ducatum Mercordii reliquit, cujus filiam Henricus III. Galliæ Rex uxorem duxit. Franciscus mox defunctus Carolum II. duorum annorum pupillum hæredem dedit, sub tutela Christiæ matris & Nicolai Valdemontii patruis educandum; verùm Henricus II. Galliæ Rex direptis Meti, Tullo, & Vi duno puerum Parisios abduxit, ubi eum cum Delphino educavit, desponsumque cum Claudia filia sua in Lotharingiam remisit; ubi Academiam Mussipontanam fundavit (anno 1573) tumultibus Hugonoticis in Gallia exortis, Guisiorum suæ stirpis Principum partes strenuè promovit; donec post 63. annorum regimen pie obiit (anno 1608) Et hæc quidem de Lotharico & Austrasiæ regno prænotare placuit. Magnam verò utriusque partem constituebat Belgium; cujus modò status breviter adumbrandus.

ARTICULUS II.

De Statu Belgii antiquo usque ad Burgundiæ Duces.

Belgium, quod septendecim hodie provincias complectitur, sub Romanis olim in *Galliam Belgicam* & *Bataviam* divisum fuerat. Irrumpentibus autem sæculo V. Francis in Galliam, Belgium quoque Merovingicis Regibus parebat. Ad Carolingicos inde translatum, post divisionem Ludovici Pii ad Lotharicum regnum accessit, ac paulò post ad Austrasiam, quæ Lothario II. obvenerat. Gubernatoribus autem paulatim terras illas ut proprias possidentibus enata est tanta provinciarum divisio; cui Normannorum etiam incursiones non levem occasionem dederunt.

4.
Brabantia.

Et Brabantia quidem, quam ad distinctionem Lotharingiæ superioris seu Mosellaniæ (de qua paulò antè aliqua memoravimus) *Lotharingiam inferiorem* aut *Mosanam* dixerunt, *Ansegiso* S. Atnulphi Comitis Moselani filio (quod priùs insinuatum) uxorio nomine

nomine occupata traditur anno 658. inde ad *Pipinum Herissallum* ejus filium, *Carolum Martellum*, *Pipinum Breven*, *Carolus M.* *Ludovicum Pium*, *Lotharium I.* *Lotharium II.* *Carolus Calvus*, ejusque posteros, *Galliæ Reges*, devoluta, ad *Carolus Lotharii III.* fratrem pervenit: hic *Carolus* à Regno *Galliæ* exclusus fuit, quòd ab *Ottone III.* *Brabantiam* in feudum accepisset. Ejus verò filius *Otto* ultimus ex *Lotharingicis* erat Dux *Brantiæ* seu inferioris *Lotharingiæ*: anno 1005. mortuus.

Soror ejus *Gerberga* *Lovaniensi Comiti* nupta hæreditatem præ-tendit, quam tamen ei dubiam fecerunt Imperatores, & Duces superioris *Lotharingiæ*. Ex his postremus erat inclitus ille heros *Godofredus IV.* *Bullionius*, qui, postquam *Bullionem Ecclesiæ* *Leodienfi* vendidit, sacram in *Palæstinam* expeditionem suscepit, dictusque est *Rex Jerosolymæ*, quam expugnaverat. Post ejus mortem *Henricus IV.* Imperator *Brabantiam* (quæ ad id usque tempus Inferior *Lotharingia* fuit appellata) *Henrico Comiti Limburgensi* tradidit. At *Godofredus Barbatu* Comes *Lovaniensis* jus suum armis asseruit, ac *Brabantiam* familiæ suæ intulit: quæ eandem tenuit usque ad annum 1355.

Godofredus III. Infans in castra delatus, suspensis ex arbore cunis eum pugnantibus subditis suis ardorem inspiravit, ut victoriam reportarent. *Joannes I.* anno 1282. *Limburgum*, ab *Adolpho Comite* emptum, *Brantiæ* adjecit. Post mortem *Joannis III.* ejus filia *Antonium Burgundiæ Ducis* fratrem *Brantiæ* & *Limburgi* hæredem renuntiavit. (anno 1404.)

Flandriam & Artesiam *Carolus Calvus Balduino I.* genero suo propriam fecit anno 858. quindecim dein *Comites* ex *Balduino* descendentes utramque possederunt. Ex his memorabiles sunt *Robertus Hierosolymitanus*, ita appellatus propter expeditionem sacram, quam cum *Bullionio* 1099. suscepit. *Balduinus VI.* qui *Richildim Hannoniæ* hæredem duxit. *Philippus*, qui neptem suam *Philippo II.* *Galliæ Regi* despondit cum dote *Artesiæ*. Soror *Philippi* *Margaretha* *Balduino Hannoniæ Comiti* nupta, *Hannoniam* & *Namurcum* cum *Flandria* conjunxit.

Ex hoc matrimonio natus est *Balduinus IX.* qui voti religione se liberaturus anno 1201. expeditionem in *Palæstinam* adornavit, & ope *Venetorum Constantinopolin* expugnavit, dictus *Orientis Imperator*; at anno veniente à *Bulgaris* captus, manibus pedibusque abscissis atrocissimè trucidatus est. *Margaretha* ejus filia stemma pro-

pagavit. Sed cum nothi cum legitimis filiis vellent succedere, gravissimum inter eos ortum est bellum. Qua occasione Hannonia rursus à Flandria fuit separata. Guido ejus filius Flandriæ Comes bis à Philippo Pulchro captus est. Sed ejus filii in pugna Contracensi 24000. Gallorum ceciderunt.

Ludovicus Guidonis pronepos, Flandriæ, Niverni, & Retelii Comes; per nuptias cum Margaretha Philippi V. Gallæ Regis filia Comitatum Burgundiæ & Artesiæ in dotem accepit; Mechliniæ verò dominium ab Ecclesia Leodiensi emit. Cæsus est in pugna Cressiaca. Ejus ex filio neptis *Margareta*, collocata Philippo Audaci Burgundiæ Duci, Flandriam, Nivernum, Retelium, Antverpiam, Mechliniam, cum comitatu Burgundiæ & Artesiæ Domui Burgundiæ intulit. (1369).

5.
Luxemburg.

Luxemburgi Comitatus sæculo X. à Sigfrido cœptus dicitur. Ex ejus successoribus memoriam meretur Henricus III. qui in Imperatorem sub nomine *Henrici VII.* electus fuit: ejus verò filius Joannes Rex Bohemiæ. Is Luxemburgum, in Ducatum erectum, reliquit Wenceslao filio tertio genito: quo defuncto Wenceslaus Imperator illud nepti suæ tradidit; quæ Philippo Bono vendidit, frustra reclamantibus Sigismundi Cæsaris neptibus, quibus jus quæsitum videbatur. Atque hoc pacto etiam Luxemburgicus Ducatus ad familiam Burgundicam transiit.

Hollandia &
Selandia.

Hollandiæ & Selandiæ primus Comes fuisse traditur Theodoricus, à Carolo Calvo sæculo IX constitutus. Descendentes ex eo Comites 18. continua serie gubernarunt utramque provinciam ultra tria sæcula, ad annum nempe ferme 1300. Ex his Florentius III. cum Friderico Barbarossa in Palæstinam profectus cum eodem obiit. Florentii IV. filia, Hermanno Comiti Hennebergico nupta, dicitur eodem partu 365. proles effudisse. *Wilhelmus II.* anno 1248. electus Imperator adversus Fridericum II. & Conradum IV. à Frisonibus occisus est: quos filius ejus Florentius V. domuit. Sed tandem miserè peremptus est. Cum Joanne ejus filio comitum antiquorum Hollandiæ & Selandiæ familia extincta est.

Jure materno hæreditatem tunc adiit Joannes II. Comes Hannoniæ. Qua occasione tres provinciæ, Hannonia, Hollandia, & Selandia conjunctæ sunt (anno 1300.) quibus accessit Frisia. Has omnes ejusdem neptis *Margaretha* attulit conjugii suo Ludovico Bavaro Imperatori, nec defuit foecundus thalamus, quatuor filiis ex eo matrimonio ortis, nec longam tamen progeniem masculam habituris.

Nma

Nam Ludovicus Romanus, & Otto, elector uterque Brandenburgicus improles obierunt. Wilhelmus V. regimen Hollandiæ &c. adiit vivente adhuc patre. Sed eo mortuo Margaretha mater fasces rursus ad se trahere nitebatur. Ortum propterea grave bellum matrem inter & filium: quo victa illa in Angliam profugit.

Wilhelmus V. post sexennium mortuus successorem habuit Wilhelmum VI. filium, qui mente dejectus curatorem vivens habuit, & mortuus hæredem Albertum Bavarum, patruum suum, cui successit filius Wilhelmus VII. Defecit in eo mascula stirps Bavara. Filiam tamen reliquit Jacobæam. Quæ licet quartò fuerit desponsa, nullam tamen prolem genuit. Quare Philippum Bonum Burgundiæ Ducem Patrualem suum hæredem instituit. Qua ratione etiam Hollandia, Selandia, Hannonia & Frisia in Domum Burgundicam abiierunt.

Namurcum, usque ad annum 1191. proprios Comites habuit. Dein jure materno ad Flandriæ comites transit. Tum rursus separatum est. Denique sæculo XV. Philippus ultimus Comes illud eadem Philippo Bono vendidit.

6.
Namur.

Frisia jam ante Francorum in Galliam adventum Romanorum jugum excussit; & ante Carolum M. novem Reges habuit. Inter quos *Adgildus* sæculo VIII. primus christianam Religionem acceptasse traditur. Postquam autem Carolus M. *Radbodum* ultimum Regem throno deiecit, gens illa liberam veluti rempublicam coluit. Vicini Hollandiæ comites multa cum ea bella gesserunt. Tandem cum anno 1287. Frisia aquarum inundatione mergeretur, Florentius V. Hollandiæ Comes propiorem illius partem occupavit, remotiore sub Romano Imperio remanente. Unde divisio in Frisiam Occidentalem & Orientalem. Illius urbs primaria Leowardia, hodie Gubernatoris ex Domo Nassovia sedes, hujus verò Embda.

Frisia.

Geldria jam à sæculo IX. suos Gubernatores habuit, qui paulatim incrementum propriam sibi provinciam fecerunt. Primus verò illius Comes fuisse perhibetur Otto Comes Nassoviæ, ab Henrico IV. Imperatore anno 1079. creatus. Adjunxit per nuptias Zutphanæ Comitatum. Octo ex sanguine ipsius successores utramque provinciam ceu Comites possederunt. Nonus verò Reginaldus II. Geldriam tanquam Ducatum à Ludovico Bavaro obtinuit, Zutphania verò Comitatus nomen retinuit.

Geldria.

Anno 1372. mascula Nassoviorum Geldriæ Ducum stirpe extincta Wilhelmus Dux Juliacenſis uxorio nomine Geldriæ possessionem

tionem adiit; retinuitque in sua familia usque ad annum 1423. quo Reinaldus IV. improlis obiit. Tum verò materno jure Ducatum obtinuit Arnoldus Egmondanus. Hunc filius Adolphus in carcerem conjecit, & quinque annis in eo detinuit; donec Carolus Audax Dux Burgundiæ anno 1471. vices mutavit, & patre liberato impium filium captivum abduxit. Pater liberatus, filio exhæredato, Carolus liberatorem suum Geldriæ & Zutphaniæ hæredem instituit. Quæ ratione etiam hæ provinciæ devenerunt ad Burgundos; non tamen adhuc nexu quieto ac stabili. Nam licet Carolus Audax, & post eum Maximilianus Austriacus illius possessionem adierit, Carolus tamen Egmondanus, impii Adolphi filius, magnas eis molestias, quin etiam Carolo V. intulit; dicto etiam hærede Duce Clivenfi, ut postea dicitur.

Trajectum.

Ultrajectum circa finem sæculi VII. in Episcopatum erectum; cuius primus Antistes Wilibrordus fuit, qui Frisios convertit. Tantæque deinceps potentiæ fuit, ut vicinæ etiam provinciæ Gröninga & Transfalsania eidem parerent. Tandem sæc. XVI. omnes tres provinciæ Carolo V. ultro se dederunt.

A R T I C U L U S III.

Schema Belgii sub Burgundis.

DE Regno antiquo Burgundico, à Wandalis fundato, uti etiam de posterioribus regnis Burgundicis atque Ducatu gemino, antiquo & recentiore aliàs dixi. Hic verò de ipsis Ducibus, & Belgio ab ipsis gubernato aliqua juvat subungere.

7.
Prima Linea.

Lineam primam Ducum Burgundiæ auspicatus est *Robertus*, Hugonis Capeti ex filio nepos (anno 1032.) Roberti nepos Henricus Regnum Portugalliæ fundavit. Successerunt complures ex ea familia in Burgundia Duces. Ultimus autem ex ea improlis obiit anno 1361. quo Joannes Galliæ Rex materno jure Burgundiam coronæ univit.

Secunda.

At non diu tenuit ea unio; nam idem Joannes Rex eandem Ducatus nomine in patrimonium tradidit *Philippo Audaci*, filio suo nato minimo. Audacis cognomen accepisse dicitur, quod in pugna Pistiviensi cum patre ab Anglis captus, ultimus in acie perstitisse dicatur. Per nuptias cum Margareta Flandrica Burgundiæ adiecit Flandriam, Artesiam, Comitatum Burgundiæ, Antverpiam, Mechliniam, Nivernum, & Retelium. Obiit anno 1404. 44. regiminis.

Joan-

Joannes Intrepidus successit patri ad Nicopolim juvenis captus à Turcis, in Colchidem abductus est; sed à Bajazethe liber rursus dimissus. Quomodo verò propter administrationem regni Galliae tempore Caroli VI. mente capti, Ludovicum Ducem Aurelianensem Regis fratrem publica in platea occiderit, ac postea ipsemet à Delphino Carolo VII. interemptus fuerit, ad sæc. XV. narratum est in synopsi Historiæ Gallicæ. Fratrem habuit Antonium, quem Joanna Brabantina hæredem scripsit Brabantiae & Limburgi. Hujus filius Joannes academiam Lovaniensem fundavit.

Philippus Bonus anno 1419 successit patri Joanni Intrepido. In hunc fortuna visa est omnes suos thesauros effundere. A patre accepit utramque Burgundiam, Flandriam, Artesiam, Antverpiam, Mechliniam: à patrueli suo Joanne (quem Academiam Lovaniensem fundasse diximus) & Philippo ejus fratre, cum improles obirent, Brabantiam & Limburgum: à Jacobæa Hollandica cognata sua Hollandiam, Selandiam, Hannoniam, & Frisiam: ab Elisabetha Luxemburgica per emptionem Ducatum Luxemburgicum: à Philippo ultimo comite pariter emptione Namurcum.

Tantarum autem licet esset provinciarum dominus, ea tamen erat modestia, ut coronam Regiam, quam Fridericus III. Imperator ei obtulerat, constanter recusaret, ea in omnes gratia, ut *Boni* cognomen jure optimo sit meritus. Cum anno 1430. tertiam uxorem duceret Isabellam Lusitanæ Regis filiam, in nuptiarum solennitate instituit ordinem *Aurei Velleris*, hodiedum celeberrimum. Post auctam in immensum Domum Burgundicam obiit septuagenarius anno 1467. felicitis regiminis 48. Id unum ei culpæ datur, quòd complures genuerit liberos spurios, quorum duo ad Ultrajectensem Episcopatum erant assumpti.

Ex justo autem matrimonio prolem suscepit unicam, nempe *Carolum Audacem*, ingentium spirituum Principem, sed arrogantem, ferocem, præcipitem. Belgicis provinciis, à patre acquisitis, adjecit Geldriam & Zutphaniam, quæ hæreditate quæ emptione ab Arnoldo Egmondano acceptas: ut adeò solæ adhuc deessent Ultrajectum, Transisalaniam, & Gröninga; quas postea Carolus V. adjecit.

Quam pater recusavit coronam Regiam, prensavit filius, atque à Friderico III. Imperatore petiit, unà cum Vicariatu Imperii. Sed cum timeretur pro sua indole tanta potentia & dignitate abusus in præjudicium Imperii & Domus Austriacæ, Fridericus Imperator, interrupto negotio clam discessit.

Quam ob rem iratus Cæsari bellum meditabatur; cui occasio-
nem brevè dedit controversa electio Hermanni Hassi, & Ruperti
Palatini in Archiepiscopum Coloniensem. Illius partes tuebatur Cæ-
sar, hujus Dux Carolus. Qui anno 1475. Hermannum Novesii ob-
sedit. Et quamvis per annum ferme vehemens ac pertinax teneret
obsidio, deditione tamen desperata inglorius abscessit; atque arma in
Lotharingiam & Helvetiam vertit. Sed ter victus & vitam & omnia
perdidit; ut in Historia Helvetica prolixius fuit expositum. Quæ
verò eidem cum Ludovico XI. Galliæ Rege intercesserunt bella &
controversæ, in Historia Galliæ relata sunt.

Obiit anno 1477. ætat. 44. regiminis 10. tres conjuges habuit,
duas ex Gallia, videlicet Caroli VII. & Caroli I. Borbonii filias,
tertiam ex Anglia Ducis Eboracensis filiam. Prima & tertia erant
steriles, ex Borbonia verò suscepit prolem unicam, nempe *Mariam*;
in quam unam tota Domus Burgundica procubuit; sed ingenti Domus
Austriacæ incremento.

A R T I C U L U S IV.

Res Belgicæ sub Austriacis usque ad mutationem
Religionis.

9.
Maria.

Totius Europæ oculi animique erant intenti, quis Principum *Ma-
riam Burgundicam* tam opimam Sponsam cum tot provinciis in
domum suam esset ducturus. Et quamvis illa ex Francia esset
oriunda, quoad paternam & maternam stirpem, Germanus tamen
præ Gallo placuit; ingemisciente hodieum Francia, tam oportuam
in immensum crescendi occasionem sibi fuisse præreptam, nec sæcu-
lorum bellis obtineri potuisse, quod unica pactio nuptialis tunc pepe-
risset.

&
Maximilian.

Maximiliano Archiduci, Friderici III. Cæsaris filio, fors illa beata
obtigat; quem Maria paulò post patris mortem anno 1477. elegit con-
jugem; omniâque, quæ pater possederat, Augustissimæ Domui Austria-
cæ inseruit, excepto *Ducatu Burgundiæ*, quem ceu patrimonium Phi-
lippo Audaci, filio nati minime à Rege Joanne datam, ad coronam
retraxit Ludovicus XI. frustra reposcente Maximiliano.

Neque contentus Ludovicus Burgundiæ Ducatu, *Artesiam* etiam
occupavit. Et quamvis Maximilianus anno 1478. ad Teruannam Gal-
los ingenti prælio vicerit, hærebat nihilominus Artesia in eorum ma-
nibus

nibus, donec à Carolo VIII. Ludovici filio anno 1490. fuit restituta.

Quinto connubii anno mortua Maria conjuge Maximilianus tu- Philippus;
telam filii *Philippi*, Belgarum Domini, gerebat, indignantibus Belgis, qui magnas ei propterea molestias faceſſebant, eò usque, ut eum Brugis captivum detinerent, legesque præſcriberent, donec Fridericus Cæsar cum exercitu veniens eundem liberaret. Concedens inde in Germaniam Albertum Animosum, Saxonix Ducem (lineæ Albertinæ parentem) Belgis præfecit; qui strenuè eos in officio continuit. Ubi in compensationem Clivia ipsi promissa fertur in casum, quo Imperio tfeudum illud aperiretur, unà cum Vicariatu Frisix.

Philippo Austriaco anno 1506. mortuo Belgium nomine Caroli Margaretha.
ejus filii primò gubernabat Wilhelmus *Crojus*; dein verò ab anno 1513. *Margaretha* Maximiliani Imperatoris filia, quæ Carolo VIII. quondam erat desponsa, tunc verò Joannis Hispani Principis & Philiberti Sabaudix Ducis erat vidua. Atque illud gubernationis munus ad mortem usque continuavit, ad annum videlicet 1530.

Suffecit Carolus V *Mariam* sororem suam, postquam Ludovi- Maria,
cum Hungariæ Regem conjugem suum ad Mohazium amiserat. Nec ante gubernationem deposuit, quam frater ejus anno 1556. Belgicas provincias in Philippum filium transtulit, eamque secum in Hispaniam abduxit.

Quamvis autem Carolus nullam stabilem in Belgio sedem figeret, per orbem terrarum arma circumferens, Belgis nihilominus erat acceptissimus, tum quòd apud esset natus & in prima pueritia educatus, moderatoribus usus Crojo & Hadriano Belgis, tum quòd officia honorata incolis distribueret. Quomodo autem ad domandam rebellem civitatem Gandavum per mediam Galliam sit profectus, aliàs diximus.

Auxit insuper suam in Belgio dominationem quatuor provinciis. IO.
Nam anno 1521. Gröninga, eò usque libera eidem se subjecit. Carolus V.
Anno 1529. Henricus ex domo Boica Ultrajectinus Episcopus, cùm à Geldriis premeretur, temporalem jurisdictionem in eum transtulit, reservata sibi Ecclesiastica, & Ecclesiarum proventibus.

Difficiliùs multò adjuncta est Geldria; quæ equidem (quod supra memini) ab Arnolde Egmondano transcripta fuit Carolo Audaci, & hoc pacto ad hæreditatem Burgundicam pertinebat. Sed opposuit Unio;
se totis viribus tum Adolphus impius Arnoldi filius, tum verò maxi-

mè Adolphi filius Carolus Egmondanus; qui tum vi tum Geldriorum favore se ipsum in possessionem misit, eamque Gallorum ope 45. annos retinuit, ab anno nempe 1492. ad 1537. quo Wilhelmum Clivix Ducem hæredem instituit; qui in sextum usque annum possessionem retinuit, ad annum videlicet 1543. quo Carolus V. eum deiecit, ac Geldriam Belgio univit; ut adeò omnes septendecim Germaniæ Inferioris provincias sub imperium suum collectas cerneret.

Cogitabat equidem Carolus omnes istas provincias ita in unum corpus redigere, ut iisdem legibus regerentur; sed quia hoc propter diversas admodum provinciarum consuetudines, leges, & privilegia, arduum omnino atque difficillimum fore facillè videbat, id saltem sancivit, ut omnes 17 provinciæ perpetuò unitæ maneant; utque nexus is esset firmior, ac majori potentia fulciretur, sub nomine circuli Burgundici Romano Imperio eas univit.

Abdicatio.

Tandem Carolus V. anno 1555. convocatis Belgii ordinibus Bruxellas, præsentibusque Philippo filio, & Maximiliano nepote, Philiberto Sabaudix Duce, Eleonora Galliæ, Maria Hungariæ viduis, & Christierna Dani Regis filia Lotharingiæ Duce, primum Philippum filium Equestri ordini aurei velleris præficit; tum commemoratis expeditionibus & profectioibus, quas susceperat, novem in Germaniam, sex in Hispaniam, septem in Italiam, quatuor in Galliam, decem in Belgium, duas in Angliam, totidem in Africam, mari undecies remensò, ingravescente, inquit, in dies valetudine se fractum prostratumque seriò admoneri, ut suprema componat, & quam rerum molem sustinere diutius pro dignitate haud possit, maturè transferat in Philippum filium ætate ac sapientia tanto oneri parem.

II.

Philippus acceptis à patre cum Burgundiæ comitatu 17. Belgii provinciis, cum Gallis inducias pactus est. Quæ tamen brevi post ruptæ sunt, occasione litis, quæ in Italia inter familiam Carastarum, & Columnensium exarserat. His per Albanum auxilio fuit Philippus II. illis per Guisium Henricus II. At translato in Belgium graviori bello, Gallisque primum ad S. Quintinum, dein ad Gravelingam acie victis, anno 1559. pax coaluit, Gallis iniquior, qui 198 oppida urbisque cum Pedemontio, quod ab anno 1535. in Gallorum erat potestate, restituere coacti sunt.

Provinciæ
distribui.

Hac pace composita Philippus, antequam in Hispaniam abscderet, Belgium ordinavit, novosque provinciis Præfectos dedit:
Flan-

Flandriæ & Artesiæ Lamoralium Egmontii Comitem: Hollandiæ, Selandiæ & Trajectensi ad Rhenum agro Wilhelmum Orangii Principem: Luxemburgo Ernestum Mansfeldium, qui jam prius eandem gubernaverat; Namurco Carolum Barlamontium, Regiarum partium studiosissimum; Limburgo Ost-Frisiæ Comitem; Hannoniæ primò Lanoyum, dein Bergensem ad Zomam Comitem: Frisiæ occidentali & Transsylvaniæ Ligneum Comitem Arembergicum, præcipuæ in Regem fidei: Geldriæ & Zutaniæ postea Brimæum Comitem Meganum: Comitatus Burgundico primò Vergium, deinde Orangium. Brabantia soli Margarithæ Regis sorori Alexandri Farnesii matri, quam toti Belgio Gubernatricem præfecerat, parebat. Distributis provinciis rem militarem componere aggressus, equitatus in 14. signa divisio Duces præfecit plerosque, quos nominavi, provinciarum Præfectos, ac insuper Philippum Crojum Arescoti Ducem, Joannem Crojum Reuxii, Heninium Bossuvii, Lalinium Hochstratæ Comites, & Henricum Brederodium è Bataviæ Comitibus. Maris verò Belgici præfecturam cum Regiæ classis imperio commisit Philippo Momorantio Hornæ Comiti, Philippum verò Staveleum supremum rei tormentariæ Magistrum dixit. Erántque hi omnes, Brederodio excepto, torquati aurei velleris Equites, quorum 51. tunc fuerant. Privatis verò à consiliis Gubernatrici esse voluit Granvellanum Attrebatensem Episcopum, Comitem Barlamontium, ac Viglium Zvichemum.

Postquam autem hæc ita ordinavit, atque sorori Gubernatrici in proventum annuum triginta sex aureorum millia attribuit, Gandavi Comititia habuit, in quibus ordines rogarunt Regem, ut Hispanum militem ex Belgio abducat, nec nisi Belgas præsidii aut consiliis admoveret. Quorum spem cum Rex fecisset, in Selandiam discedens, è Flissingæ portu secunda navigatione solvit in Hispaniam, anno 1559. nunquam ampliùs visurus Belgium. Emanuel Philibertus verò, qui per triennium Belgium magna virtutis laude administraverat, in provincias suas nupera pace restitutus, cum Regia sua sponsa, Henrici II. sorore, in Italiam abiit.

ARTICULUS V.

De Statu Belgii sub Margaritha Parmensi ab anno 1559. ad 1565.

Florentissimus erat ea tempestate Belgii status. Prout enim ea regio fertilitate glebæ, provinciarum amœnitate, urbium frequentia & splendore, fluviorum varietate, commerciorum opima ubertate, ita ingeniorum acri perspicacia, liberalium artium scientiarumque disciplinis præstabat. Lovaniensis Academia omnium nationum erat emporium, ad quod insigni frequentia litterarum alumni confluebant. Bruxella ad regalem magnificentiam exulta Ducum, Procerum, Nobiliumque sedes. Antverpia, totius orbis mercatu celebris, ditissima Europæ civitas habebatur, ultra centum auri milliones uno anno ibidem commutatione distractis. Artificum autem omnis generis tanta copia, ut soli pictores ultra 300. & Aurifabri 124. numerarentur. Mechlinia Archiepiscopali sede, supremo Brabantiæ Senatu, Nobiliumque frequentia spectanda. Excel lens pariter Flandriæ, Hannoniæ aliarumque provinciarum quoad urbes, opes, nobilitatem decus ac præstantia, tranquillitatis internæ jucunditate, omnique rerum affluentia tantopere efflorescens, ut Belgium fortunæ atque felicitatis sedes appellaretur. At digresso in Hispaniam Philippo Rege fatalis nescio quæ Erinnyes felicem illum Belgii statum evertit, & primum tumultibus ac seditionibus, dein aperta rebellione ac bellis, magnitudine & diuturnitate atrocissimis conquassavit, atque in summas calamitates præcipitavit, omni ferme Europa eunte in partes. Juvat tantisper malorum fontes inquirere.

§. I. Dissertatio

De causis Belgicorum tumultuum.

12.
Ambitio.

Primam suppeditavit ipsa *munerum distributio*, à Philippo Rege ante discessum suscepta, dominante inter Proceres ambitione, dum alii se præteritos, alii minora meritis accepisse existimabant. Et quidem Wilhelmus Orangius, primus actor in turbulenta hac scena, altius reliquis invehctus, universi Belgii Præfecturam ambitiosa spe præoccupaverat. Claritudo generis, Nassoviæ Domus splendor, pares opes, Principatus Arausiensis nulli obnoxius, præter alios in Germaniâ & Belgio dominatus, poten-

potentia magnam Septentrionis partem affinitatibus complexa: ad hæc propriæ laudes, exsominis animi vigor, consilii supra ætatem maturitas, spectata legationibus æquè ac bello virtus, Caroli V. de illo magnis in rebus adhibito liberale iudicium, spes hominis amplas inflaverant.

Aliorum vota designaverant Belgii Gubernatorem Lamoralium Comitem Egmondanum Gavrax Principem, clarum militari scientia virum, rebus bello gestis celebrem, victoriæ ad S. Quintinum & Gravelingam ingens momentum, atque innata comitate populari provinciis gratum. Verùm Orangio suspecta religionis fides (quippe ab infantia Lutheri disciplina enutrito) Egmontio Caroli Egmondani, de Geldria cum Carolo V. contententis, Gallisque obnoxii memoria officere visa est. Cùm igitur Rex Margaritham sororem suam Octavii Parmensis conjugem prætulisset, utrique fixit aculeum, qui vehementer ulsit invidiam, infaustas deinceps aversi animi proles parituram. Sed neque reliquorum Procerum cupiditas satiari poterat; dum plura multo muneribus essent ora hiantia. En primam malorum causam, ambitionem, cupiditatem, invidiam.

Alteram dedit Hispani militis præsentia. Hunc etenim adversum Gallos adductum, finito bello reduci petiverant Belgæ. Audiit preces Philippus, relictis tamen ad fines tutandos tribus duntaxat millibus, quibus Orangium & Egmontium præfecit. Sed neque hunc manipulum Hispanæ militiæ ferebant Belgæ, atque ne ferrent, Dux ipse Orangius stimulabat, jam tum altius quid animo parturiens.

Tertium fontem adstruunt auctum Episcoporum numerum. Quippe Philippus Rex irrupenti hæresi firmum aggerem objecturus, quatuor Episcopatibus, qui soli hætenus erant in Belgio, 14. alios adjecit. Et quidem ex Pauli IV. decreto Episcopatum Cameracensem, hætenus Rhemenſi subditum, & Ultrajectensem Colonienſi, mutavit in Archiepiscopatus, quibus adjunxit Mechlinienſem, cui primum dedit locum. Eidem attribuit Episcopatus Antverpiensem, Brugenſem, Gandavenſem, Ipreſem, Ruremondanum, Buscoducensem: *Cameracensi* vero Attrebatensem, Tornacensem, Santaumarenſem, Namurcensem: denique Ultrajectensi Daventrienſem, Gröningenſem, Harlemenſem, Leovardienſem, Middelburgensem. Quibus omnibus civitatibus designati sunt Episcopi, pietate & doctrina conspicui.

Pius IV. erectionem illam Episcopatum rursus approbavit, cum ea tamen mutatione, ut dotis constituendæ causa in locum aliquo-

rum Abbatum, quos mori contingeret, sufficerentur Episcopi, noménque & proventus, aliósque Abbatum honores ita caperent, ut nihil interim de cœnobiorum cultu remitteretur. Hæc autem res, mirum est, quàm ingrata acciderit. Querebantur veteres Episcopi cum Belgici tum finitimi, terminos sibi & proventus accidi, iis, quorum intererat, Romæ non auditis. Nobilitas indignè ferebat, Episcopos Abbatum loco comitia frequentaturos, pro gradu suo potentiores, ideóque de Nobilium non solum auctoritate sed etiam libertate detractum iri. Neque hoc esse è re Principis, ut in Comitibus tantopere dominantur, qui summi Pontificis auctoritatem nutúmque sequuntur.

Abbatres.

Sed nullæ quàm Abbatum Monachorúmque acriores fuerunt querimoniæ, quia justiores videbantur: eripi sibi contra omnem vetustatis memoriam jus potestatemque Abbatis eligendi ex suo ordine: non debere hominibus religiosæ certum vitæ institutum secutis eos præfici, qui disciplinæ religiosæ sint ignari. Nimirum ad Episcopos transíturas Abbatum opes auctoritatemque, sollicitudinem verò molestiamque penes Monachorum aliquem futuram. Adhibitos tunc quidem ad ea munera viros doctrina & vita conspicuos, mox è comitatu Principis assentatoribus assæclisque tam ampla sacerdotia prædæ cessura.

Inquisitio.

Quartam, quæ Belgii populos maximè concitârît, originem ad *Inquisitionem* referunt, adversus hæreses instituendam. Illam jam Carolus V. ut medicinam furenti morbo faceret, petitis Roma fidei censoribus in Belgium introduxerat, additis severis interdictis, septies repetitis. Verùm nova illa iudicii facies plus terroris Belgio quàm observantiæ attulit. Nam licèt alicubi suscepta res est, Brabantini tamen, privilegia sua prætexentes, eandem excusserunt.

Philippus paternas leges novo edicto firmavit, útque servarentur exactè, discedens è Belgio sorori Gubernatrici diligenter commendavit. At illa, cùm Provinciarum Præfæctis executionem imperaret, mordicus obstitentes invenit. Evolutaque in vulgus Inquisitionis fama, passim exaudiebantur contumaciter obstrepentium voces; cur rex auxisset tot Episcopos, si propulsaturi religionis injuriam ipsi non erant? At profectò in Conciliis decretum fuisse, ut qui pastores animarum in expurganda inter suos mala hæresum fruge segniùs agerent, Episcopali munere exauctorarentur. Curarent igitur Episcopi res suas, aut personam malè impositam deponerent; quanquam futurum satius fuisset, si eam non induissent, neque

que tot insularum numero Belgium frustra territâssent. Floruisse jam multis sæculis apud Belgas religionem, sola urbanorum magistratuum opera, sine ea Pontificiæ severitatis pompa, sine ullis Caroli Cæsaris edictis. Quid nova ista quæstorum additamenta, & Hispanicos timores? Cœpisse jam intermitteri commercia regionum, sublata mercatorum libertate, magno utique in pendio Belgarum, ac præcipuè Antverpiensium, quorum opes ea negotiatione constent. Denique non posse Principem, quia in Brabantina privilegia juraverit, inducere novas judiciorum formas.

Cùm autem Gubernatrix his nihil mota edicta Regis urgeret, & rei ad supplicium ducerentur, Tridentinûmque præterea Concilium promulgaretur in Belgio jussu Regis, fremere alicubi palàm populus, damnatos è lictorum manibus abstrahere, clandestinos in urbe conventus celebrare, deinde in campis; quin & Nobilium plures capita conferre, foedus inter se icere, libellos partim in vulgus spargere, partim Gubernatrici magna caterva offerre, eo tumultu, ut mitigatis propterea edictis, intermitteri oportuerit conatum introducendi Inquisitionem, ubi antè non fuerat.

Quintam tumultuandi occasionem sumpserunt Belgæ ex *intimo* Granvella-
consilio, quod Rex discedens forori addidit, ad causas subitas, quâs nus.
que ad senatum integrum propter varias, quæ incidere possent, causas referri non expediat, concludendas. Constabat istud tribus capitibus, Cardinale Granvellano, Comite Barlamontio, & Ulrico Viglio. Ad hos præcipua rerum momenta deferri querebantur Nobiles, ac præcipuè per Granvellanum, hominem exterum, & Gubernatricem & Belgium totum impotenter gubernari.

Natus est Antonius Perenotus Granvellanus Vefuntione in Comitatu Burgundicæ, patre Nicolao Granvellæ Domino, magnis pro Carolo V. Cæsare muneribus sapienter perfuncto. Sub hujus parentis disciplina, cùm excellenti polleret ingenio, magnarûmque rerum capaci, faciliè affecutus est perfectissimam rerum agendarum solertiam, adeò, ut ad Rempublicam admotus illico se probaverit Carolo Cæsari, pro quo in Tridentino Concilio dixit præstanti facundia, qua nemini ea ætate concedebat.

Annos non plus 24. natus Attrebatensis Antistes delectus, atque inter supremos Imperii Belgicæ consiliarios cooptatus, variis legationibus rebûsque ex sententia confectis tantam apud Cæsarem æstimationem est adeptus, ut is cedens Philippo provincias feratur dixisse, unum esse Granvellanum, cujus opera uti filium in summis

quibusque rebus exoptet. Et verò usus est integro, quo in Belgio Philippus substitit, quadriennio, nihil transigens, nisi administro & interprete Granvellano. Quin etiam in Hispaniam abiens Gubernatrici eundem reliquit, præcipuum regiminis instrumentum, quo illa omnia agebat.

Quamvis autem ad declinandam invidiam in eadem urbe imò aula præsens pleraque per epistolas arcanas cum Margaritha conficeret, non ita tamen, uti oculos, ita suspicionem tallere poterat: maximè cum eam reuerent cum ipsa regiminis indeles, Granvellani ingenio conformata, tum Archiepiscopatus Mechliniensis, cum Belgii Primatis dignitate collatio, tum denique additus honor purpuræ, Regiæ in eum gratiæ locuples argumentum.

Urente igitur Nobilium mentes invidia, sensûque injuriæ, quam à Cardinale se passos arbitrabantur, apud Regem litteris, apud Gubernatricem querelis, ceu superbum infestumque Nobilitati, ac futurum aliquando Belgarum perniciem criminabantur. Populis inuisum jam effecerant, persuaserantque, Episcoporum numerum, edictorum Cæsaris restitutionem, Hispanicam inquirendi de religione severitatem, ab unius esse Granvellani ambitione, qui per eam Belgarum servitutem nescio quod imperium sibi meditaretur.

Et vulgus audiebat, quia oderat; & quidquid asperius Rex moliebatur, eidem administro acceptum ferebat. Optimates verò ceu popularium Patronos & Belgicæ libertatis vindices respiciebat, ad omnes eorum nutus intentus.

§. II.

Ostenditur, has non fuisse primarias tumultuum atque defectionis causas.

13.
Dissertatio
de causis.

Non equidem negaverim, has à multis recensitas tumultuum seu occasiones seu causas turbasse Belgarum provincias; id tamen fidenter asserendum existimo, nec unicas fuisse, neque primarias. Altior est fons & origo omnis mali; quæ Germaniam, Galliam, Helvetiam, aliasque per Europam Nationes infelici hoc sæculo XVI. in motus plùs quàm civiles, bella cruenta, perniciemque populorum concivit, sine qua reliqua haud ita difficulter fuissent composita; certè in tantas seditiones, bella, defectiones, ac provinciarum calamitates nunquam excrevisset. Est hæc rerum humanarum in-

doles:

doles: quæta semper omnia esse non possunt. Rixantur cum jugo suo subditi, & vias rimantur omnes, quibus aura liberior adspirer. Sed severitate clementia temperata reducuntur ad officium. At verò ubi certa quædam furia assurgit, ruptis repagulis furor in apertum prorumpit, non quieturus, si vires suppetant, donec ima summis & sacra omnia profanis misceat.

Nemo equidem ibit inficias, Catholicos etiam Belgas abalienato in Philippum Regem fuisse animo, sed nisi hæretici flammas ministrasset, scintillæ illæ extingui poterant; prout extinctæ sunt in Hispania initio regni Caroli Cæsaris. Juvat alienationem illam altius aliquantò repetere.

Cum Carolus V. sceptrum capefferet, in aula illius dominabantur Belgæ, non sine Hispanorum æmulatione & tumultu. Quo sedato, cum crescentem in dies fortunam ejusdem variæ nationes sequerentur, gratiam quoque & munera absque discrimine distribuit, aditu omnibus facilis, atque versatili ad omnia ingenio externos mores ita indutus, ut non minus cum Germanis Germanum ageret, cum Italis Italum, cum Hispanis Hispanum, quàm cum Belgis Belgam. Nec molestum id Belgis visum, qui contendere cum peregrina Nobilitate referebant ad patriæ decus.

At ubi advenit in Belgium Philippus, Hispanorum Procerum corona septus, ac domi forisque, ut dicebant, impenetrabilis, esse & videri omnibus Hispanus: parcè loqui, nec nisi Hispani: publico libenter abstinere: de cultu & vestitu Hispanico nihil immutare. Quem vivendi agendique modum Belgæ ad contemptum suum pertinere arbitrabantur. Confecto dein bello Gallico tantò magis recruduit aulæ pugna, quantò sibi majora deberi Belgarum Proceres existimabant, ob strenuam operam in armis collocatam.

Verum non infrequentes hi aularum fluctus facilè subsidissent, nisi vehemens aliunde turbo undas in æstum concitasset, hæreticis & de hæresi suspectis, etiam palam frementibus: Hispanos apud Regem esse omnia. Belgas Hispanorum umbras esse, quæ eos comitentur, & ad eorum nutum moveantur. Quippe gravissima quæque Regem transigere cum Ferdinando Toletano Albæ Duce, cum Roderico Gomezio, cum Comite Feriano, unica illa cohorte interioris admissionis, Belgas verò magnificè ad consilia adhiberi, ut acta jam agerent. Talem sui contemptum quousque Belgas patienter laturos? Præteritos plures Nobiles, qui corpora sua pro Rege

hosti strenuè objecissent. Præfecturam Belgii ad foeminam delatam, excluso Orangio & Egmontio, viris toti Hispanicæ monarchiæ regendæ natis.

Hoc nisi Aquilone afflatæ fuissent Belgarum mentes, persuadere mihi nullatenus possem, nationem tam cordatam prudentemque ciendam fuisse in motus adeò vehementes, quos experientia postea demonstravit. Sit enim, quòd Philippus Rex, nativitate & indole Hispanus, non illico omnibus Belgis arriserit, aut adblanditus fuerit, sed iis, quibus assueverat, quorumque dotes noverat, consiliis usus fuerit; tamen ubi discessit, omnium provinciarum atque militiæ præfectos Belgas constituit.

Quòd autem Margaritham Austriacam, Caroli V. Cæsaris, de Belgio tam bene meriti, filiam sororem suam, Ducem Parmensem, in Belgio natam, Belgio præfecerit, nescio, qua ratione Orangius aliquis, de hæresi, quam cum lacte hauserat, suspectus, aut Egmontius, insignis licèt, à cognati tamen sanguinis memoria fortassis ab aula timendus, ad injuriam suam referre potuerit: præsertim, cùm à quadraginta ferme annis non nisi Principes foeminæ Belgium summa omnium voluntate tranquilla pace gubernarint. Sed multos nobiles Rex præteriiit, nullis illos muneribus auxit. Quasi verò, ubi infinita est competitorum multitudo, & officia minore multo numero constricta, quiscunque sit ille Princeps, spes omnium implere possit. Conquesti sunt illi, quos inter provincias distribuerat, arctis nimium se constringi limitibus, quid facturos putemus, si plures adhuc in societatem munerum vocasset?

Sed neque, quòd militem Hispanum, ad tria duntaxat millia redactum, Rex reliquerit in Belgio, redargui potest. Reliquit ad defendendos fines dubiis illis temporibus. Hoc ægrè quis ferre possit, nisi qui patriæ tutelam oderit, & in effrænem quidvis audendi licentiam sit projectus? Cùm autem, ut apud milites fieri consuevit, ultra disciplinam militarem quidam essent progressi, & querelæ propterea ad regem essent perlatae, hunc etiam qualemcunque manipulum, ne Belgis umbram faceret, revocavit, & Gubernatricem, totumque Belgium solis Belgis reliquit. Quid autem ob hoc in seditiones & tumultus abeant prudentes Belgæ? militum missionem petierunt. Missi sunt. Quamvis Rex multas habuerit causas, quas eventus demonstravit, eosdem retinendi in Belgio.

At novos Episcopatus erexit Rex Catholicus. Hoc enim verò qui improbant, satis produnt, quo spiritu agantur. Pastores timent, ne lupos arceant. Sed hoc pacto antiquiorum Episcopatum, Colonien-

Colonienſis, Leodienſis, Rhemenſis &c. juridiſſio fuit reſtriſta, imminuti proventus, Abbatum ac Monafteriorum jura acciſa. Verum, ſicut utroſque id ægrè accepiſſe facilè credo, ita cùm petente Rege ſummi Pontificis auctoritate, qui Eccleſiarum & bonorum ad eas pertinentium ſupremus eſt adminiſtrator, id factum ſit, cur ex cauſa & neceſſitate publica, ad animarum ſalutem atque ad Religionis periclitantis tutelam, id fieri non potuerit, neſtquam video.

Neque verum eſt, rem hanc ad id uſque tempus caruiſſe exemplo. Nam prout Diœceſes olim erant raræ, atque per ampliſſimas provincias extenſæ, ita aucto ſacerdotum ac fidelium numero dividere illas frequenter oportuit, ut plures paſtores præſentes gregem poſſint paſcere, lupòſque ab ovili Chriſti depellere. Sic Bonifacius ille Germaniæ Apoſtolus auctoritate Gregorii III. & Zachariæ Pontificum tres novos Epiſcopatus ad reliquos addidit. Quot in Germania Epiſcopatus novos adjunxerunt Carolus M. Otto M. S. Henricus! Tolosanum in Gallia Epiſcopatum, quòd ampliſſimè pateret, nequirètque unus paſtor inſpicere ſingulorum vultus, ut habetur (*cap. Salvator ſ. extravag. de præb. & dign.*) in quinque Epiſcopales ſedes partitiſ eſt Joannes XXII. nulla habita ratione jaſturæ, quam Narbonenſis, Bituricenſis, Cadurcenſis, & ipſe Tololanus antiſtes incurrerent. Idem Pontifex Condomii, Vabrinci, & Lomberiæ in Gallia Abbatibus, Epiſcopos ſubſtituit.

Unde neque ab hac parte ſumi potuit tumultuandi principium, præſertim cùm ea ratio Epiſcopos in Abbatum, ſiqui fortè decederent, locum inducendi, uniendique cum illis eorum bona, ob aſſiduas ad Pontificem & Regem querimonias, pauciſſimis in urbibus ſit inſtituta. Certè in Brabantia, quæ maximè privilegia ſua obſciebat, tunc quidem nihil immutatum.

Sed neque *Inquiſitio* primaria erat cauſa, quæ belli fores in Belgio aperuerit. Juvat ea de re pauca diſſerere. Pertinet equidem ad Epiſcopos & ordinarios animarum paſtores Religionis tutelam gerere, eaque diu in Eccleſia ab illis ſolis fuit adminiſtrata, ut in vitam ac fidem ſubditorum inquirerent, ac ſeveros in hac parte cenſores agerent, ne infelix hæreſeos aut doctrinæ minùs ſanæ lolium in Eccleſiæ agro alicubi ſuccreſcat.

Poſtea, ſive pluribus curis ſacer'is Epiſcoporum magiſtratus implicetur, ſive quòd à grege ſuo abeſſe eos interdum contingat, ſive demum, quòd eorum aliqui incurioſè id muneris, aut etiam inſcitè
exer-

exerceant, optimum factu visum sedi Apostolicæ, si extra ordinem delegarentur Judices, doctrina ac pietate præstantes, quibus inquirendi animadvertendique in hæreticos potestas esset. Id ab Innocentio III. cœptum, missio adversus Albigeneses S. Dominico, qui primus munus Inquisitoris summa cum laude gessit.

Exceptus ille mos eodem atque sequentibus sæculis à pluribus Nationibus, creatique in provinciis aliquot fidei censores, qui de religionis injuria legitimè cognoscerent. Non tamen perinde ea res ubique valuit. Alio temporarii quæsitores missi ob hæresin repente natam, eaque extincta revocati. Certum alibi tribunal erectum, quò de fide quæstiones perpetuò referrentur. Alibi tota illa judicii forma rejecta; nec alii præter Episcopos permitti in hæreticos inquirere. Quin & Romæ variatum; nam modò per consuetos urbanosque magistratus administrata sunt omnia. Quæstor extra ordinem nullus: modò plures, sed sub unius pluriúmve regimine ex purpuratis Patribus; donec Paulus IV. instituto aliquorum ex iis Patribus Collegio rem istam Romæ stabilivit, multis ac pœnis in contumaces sancitis.

Acriores pœnas Imperatores statuerunt. Cùm enim facilè cernerent, præter Dei cultum, pacis interesse, cujus tutela in Principem est deposita, si religione contineantur populi, eaque periclitante non posse inter fœdas hæresum undas tranquillitati locum esse, quæ in perduellionis reos, eadem in hæreticos, seu religionis & pacis hostes, decreverunt, ita tamen, ut supplicia non antè sumerentur, quàm in Ecclesiastico foro, cujus est de hæresi cognoscere, disceptatum super ea re, noménque criminis pronuntiatum foret.

Quæ etsi per orthodoxas provincias semper fuerint exercita, nusquam tamen, quàm per Hispaniam accuratiùs acriùsque. Exorto autem Lutherano schismate Carolus V. non modò novos illos errores in Comitibus Wormatiensibus assensu omnium Imperii ordinum severè proscripsit, edictisque septies repetitis vetuit, sed insuper fidei censores pro Belgio suo à Pontifice petiit, obtinuitque.

Sed cùm plures provinciæ obstreperent, Cæsarque per varia bella distraheretur ad alias curas, eam provinciam Philippo filio demandavit: hic verò sorori Gubernatrici. Sed cùm hæreticorum ministri pluribus in locis populum commoverent, atque ad seditionem, sacrorúmque populationem impellerent, id perpetuo inclamantes, everti Belgarum libertatem, privilegia juráque pessundari, Hispani-

cam induci tyrannidem, mitigata sunt à Gubernatrice Cæsaris edicta, eaque in hæreticos animadvertendi ratio.

Propter eandem rationem non ubique publicatum est Tridentinum Concilium, aut ejus canones & decreta recusata. Hæc omnia, quamvis etiam Catholicis quibusdam essent ingrata, tamen scintillæ erant, facilè restinguendæ, nisi faces ab hæreticis, quorum multi erant in Belgio, ventilatæ excitassent incendium, nullo deinceps sanguine extinguendum.

Nec Granvellani invidia, & apud Belgas odium eò usque invaluisse, & tam cruentas tragœdias excitasset, nisi idem spiritus hæreticus animos orthodoxorum etiam in partes traxisset. Peregrina res minimè est, in aliis etiam provinciis ac regnis præfici ministros, populis ingratos, multasque propterea volitare per ora querimonias: an idcirco ad seditiones, bella, rebelliones insurgendum?

Id nempe in Belgio agebant hæretici, cùm aperta fronte necdum impunè liceret furere, conquisitis undeunde causis, aut confectis, aut certè in immensum amplificatis, catholicos in partes suas, tumultuandique voluntatem pertrahebant, ut per violentas populorum seditiones, ac bella cruenta jus civitatis obtinerent. Quod ubi à Philippo Rege Catholico obtinere non poterant, ejus in se potestate ac jure protritò privatam in Rempublicam discesserunt. Hæc nisi causa eos impulisset, cur Granvellano à Rege amoto, & ex toto Belgio ad armatas eorum preces revocato, non acquievisset, & pacem ceu fideles subditi religiosius servassent?

§. III.

Seditionum, bellorum, defectionumque in Belgio princeps causa fuit Hæresis.

Invexerant in Belgium hæresin partim externi mercatores, quorum cum mercibus hæc quoque pestis quandoque navigat, partim legiones Helvetiorum, Germanorumque, quorum opera prioribus bellis uti oportuit, partim exules profugi ex Gallia & Anglia, Lutheranis & Calvinistis accessere Anabaptistæ, ex Westphalia per Frisiam illapsi magno numero.

14.

Hac igitur contagione afflati non pauci Belgæ, ut eam vivendi credendique licentiam defenderent, audaciores in dominos facti, in omnem occasionem animum intendebant, qua turbas miscere, liberumque Reipublicæ statum possent inducere. Rarò etenim religionem civitates mutant, quin & civilem statum atque politicum invertant. Emotæque sacra hac anchora nutant reliqua.

Est nempe hæresis contumaciæ rudimentum; dùmque ex hominum mentibus sensim excutit Dei jugum, detrectare similiter docet humana imperia; atque sub specie Christianæ libertatis in mores vitæque Principum, non surdis ad hoc melos vulgi auribus, assidue atque acerbè declamat. Quo sanè fit, ut ejusdem præceptionibus, velut sacris imbuti multitudinis animi, tantum sibi addant de immunitate parendi, quantum Principi detrahunt de auctoritate imperandi.

Inscitum est à natura mortalium animis averfari jugum, & ægrè dominorum imperia pati: quid facient impulsì quotidianis declamationum flabris? tristi id experientia sentiunt complures per Europam regiones, quas paucorum hominum turbulentis concionibus excitas toties in dominos armavit hæresis, inexpiabili populorum & provinciarum clade. Ut sanè nimium quantum constet, non posse absque ingenti rerum publicarum motu religionis cultum antiquari.

Et quamvis ad id usque tempus Catholici multò majorem Belgii partem implerent; cùm tamen hi retineri Hispanum militem, augeri Episcoporum numerum, publicari cum Tridentini decretis edicta Cæsaris, imponi fidei quæsitores adverterent, occinentibus palam hæreticis, hæc omnia conspire in eversionem privilegiorum, atque in perniciem Belgicæ libertatis, facillè pertracti sunt ad eorum studia. Quare longa libertate, variis privilegiis accepta, atque sub fœminarum regimine, quadraginta annis continuato, diuturnis præsertim bellis accedentibus, securius usurpata, ferociores Belgæ, hæreticis immixti, iisque impulsoribus contumaces, obsequium Regi negare cœperunt.

Profectò nisi hæresis vexillum rotâisset, & tubam inflâisset, ad extorquendam sectarum licentiam, nunquam ad arma rebellionemque fuisset ventum, sed intra querimonias res stetitisset, quibus sedandis Rex multa mitigâisset: prout factò ipso mitigavit. Heterodoxi præsertim scriptores Philippum II. ceu Principem severum, trucem, fastuosum, imò & atrocem, impotenter dominantem nobis pro-

proponunt, non sine injuria magni Regis. Religionem securam volebat, proscriptam hæresin volebat Rex Catholicus, huc omnia referebantur: huc retentio Hispani militis: huc Episcopatum erectio, absque impendio Nobilitatis & populi facta: huc conatus inquisitionem inducendi; huc studium promulgandi Tridentini canones: huc Granvellani, Præsulis apprimè catholici, auctoritas: huc edicta adversus hæresin renovata. Tantum autem avitæ religionis conservandæ studium quomodo displicere tantopere poterat mentibus sincerè catholicis, ut in seditiones & bella propterea ruerent, abjecto, quod regi debebant, parendi obsequio?

Et quid postulabant Belgæ? avocari Hispanum militem? Avocavit. Removeri à rerum gubernaculo Granvellanum? Removit. Provinciarum præfecturas Belgis distribui? Distribuit. Inquisitionis inducendæ contentionem remitti? Remisit. Albanum à Belgii Præfectura amoveri? Amovit. Decimum nummum ab eo imperatum aboleri? Abolevit. Mitiores Gubernatores mitti? Misit. Cur ergo pergunt tumultuari? cur cessante tumultuandi causa non cessat tumultus? cur in dies crescit? cur in seditiones, in bella, in defectiones abit?

Quid ergo petunt ampliùs? hæresibus libertatem permitti? hoc unum Rex catholicus noluit. Nullum habere maluisset Belgium, quàm hæreticum. En! quò denique recidant tumultuum, bellorumque causæ. Sed quorum erat illa postulatio? Catholicorum? non credo. Cur enim hæresis patrociniū susciperent? Igitur hæreticorum; qui prætextu libertatis multos etiam Catholicos in turbarum societatem impulerunt, nutrita promotæque per concionales ministellos animorum ab Hispanis alienatione.

Et ex quo fonte profluxit primus ille violentus gravissimisque tumultus? illa Ecclesiarum direptio, altarium everso, imaginum sacrarum disturbatio, per multas urbes grassata? illa sacerdotum proscriptio, bonorum Ecclesiasticorum spoliū, sacrorum omnium profanatio? Nullus adhuc in Belgio fuerat Albanus, dum hæc acta sunt; sub Margaritha Belgii Gubernatrice, mitissima atque sapientissima Principe, ac Matre Belgii sui amantissima, feralis scena instructa est, auctore hæresi.

Cur postea Rex per singulas civitates rebelles bellum circumferre debuit? cur pertinaciter adeò negata deditio? hæresi ista deberi demonstrat historia. Et quò spectabat illa vox Antverpiæ Præfecti hæretici, cum urbem illam post obstinatissimam defensionem

Alexandro Parmensi dedere coactus esset, se totam Hollandiam & Selandiam ad Regem facile reducturum, modò religionum libertatem concederet? Ecce! cui ulmo adhæsit contumacia. Novimus denique quis actor præcipuus in tota hac scena fuerit, Orangius nempe, qui ut ipse in apologia sua anno 1581. testatur, se à puero reformatæ religionis perquam studiosum fuisse: mansissèque animo insita semper ejus semina, quæ grandiore cum ætate maturuerint, eoque pertinere omnia, quæ fecisset, nempe ut religionem, tot Hispanorum telis impetitam, pro veteri suo cultu tueretur. Verùm, quæ hic breviter attingi, ipsa Belgicorum tumultuum bellorumque ob oculos ponet historia, quam pro instituto in synopsis contraham.

§. IV.

Relatio Historica eorum, quæ sub Margaritha Gubernatrice contigerunt.

PROfecto in Hispaniam Philippo, cum quererentur apud Gubernatricem Belgæ, quòd Hispanus miles, quem ceu frænum suæ libertatis respiciebant, intra quadrimestre necdum, prout Rex promiserit, ex Belgio fuerit deductus, missionem illam imperare oportuit, ne ulla genti querimoniarum præbeatur occasio. Quam ob causam intermissa sunt etiam copiarum equestrium auxilia, quæ Philippus, frementibus in Gallia bellis civilibus, Reginae adversum Hugonotos ex Belgio promiserat, Orangio maximè, qui cum Condæo colluisse visus est, obistente.

Ubi non ineptè conferri possunt hæreticorum utrobique conatus, aulæque utriusque studia; Hugonottorum illic, hic Geusiorum nomina fortuitò nata inter hæreticorum turbas, Condæus cum Orangio, Colinius cum Brederodio, Cardinalis Lotharingus cum Cardinale Granvellano, Medicea cum Farnesia, consimiles Nobilium conspirationes in utrumque Regem, paria utriusque edicta, pares utrobique sacrarum ædium urbiumque direptiones, eandem utrobique barbarum videas causam, hæresin nempe & ambitionem: eo solo discrimine, quòd Belgica sit Gallicæ filia,

Nam primas in Belgio turbas excitarunt Calvinistæ Galli, per Tornacum, Insulas, Valencenas, aliásque finitimas Galliæ urbes sparsas, ubi primùm duo Calviniani ministri palàm ad populum de novo Evangelio dixerunt, tracto mox longo per urbes psalmos de

Ma-

15.
Analogia
cum Gallia.

Maroti & Bezæ rhythmos canentium syrmatē. Et quidem Tornacitumultum brevi compescebat Montinius urbis Præfectus, exustis hæreticorum libris, captoque Lanoya, concionatorum altero, qui tamen postea catholicè vixit, scripsitque. At verò Valencianæ ex cunctatione Marchionis Bergensis audaciores facti hæretici, duos ministellos, impetu in satellites facto, supplicio subtraxerunt, furentium instar magno numero per urbem discurrentes ac minas intentantes. At supplicio de aliquibus sumpto tantisper quieverunt. Eodem tempore ex vicinis Germaniæ provinciis Lutherani & Anabaptistæ in Frisiam luem sparsere, strenuè se opponente Arembergio. (anno 1562.)

Quæ res Margaritham permoverunt, instante præsertim Granvellano, ut designati pridem Episcopi in suam quisque sedem quamprimum inducerentur, exemploque ac verbo, qua maximè ratione religio procuratur, commissis sibi populis adjumento forent. At vehementer obstabant Brabantini, Abbatum causa apud Pontificem & Regem suscepta, & ne Antverpiæ Episcopus constitueretur, obnixè postulantes.

Accessit Procerum, Orangii, Egmontii, Hornani, Montinii, 16.
Bergensis, Hochstratani &c. in Granvellanum, ex invidia & æmu- Granvellani
latione concepta indignatio. Mirum, quot machinas conspiratio- avocatio.
nèsque adhibuerint, ut virum hunc, sibi infestum, non ab aula modo, sed toto Belgio amoverent. Annuit tandem Rex, ut omnem tumultuandi occasionem præcinderet; & Cardinalem primum in Burgundiam patriam suam, dein Romam ad eligendum Pontificem misit: jussus ibidem orator Regis Hispanas res procurare, & foedus cum Pontifice Pio V. aliisque Christianis Principibus adversus Turcam inire. Qua in re aliisque omnibus negotiis ita sapientiam, fidem, integritatem Regi probavit, ut multò adhuc profundius in ejus æstimationem sese gratiamque immiserit. Unde Neapolitanus Prorex creatus, Joanni Austriaco vexillum sceptrumque, insignia militaris imperii, à Pontifice submissa, tradidit.

Mortuo Pio V. ad Comitium Romana profectus, auctor fuit, ut Gregorius XIII. eligeretur. Cum quo tamen Pontifice mox gravi controversia de foro competente collisus est. Extraxerant nempe Granvellani Proregis lictores è custodia Archiepiscopi Neapolitani facinorosum hominem, cujus causam sui esse fori asseribat. Archiepiscopus sacris propterea Regiis ministris interdicat. Granvellanus offensus, jussis in carcerem conjici Archiepiscopi famulis, Præfules ipsi sacros redditus interfecit, ne quidquam minas intentante Nuntio

Apostolico. Admonitus Gregorius iratusque (præsertim quòd eodem tempore Castellæ ab ejus consilii Præsìde Didaco Covaruvia Segovienfi Episcopo similia attentarentur) Granvellano denunciât, nisi acta in Archiepiscopum ejusque famulos designatos rescindat, se eum Cardinalium numero expuncturum. Quâ improvîsa denuntiatione perculsus, Archiepiscopo ex integro satisfacit, Pontificia exinde jura majori cum reverentia complexus.

Porro cùm Regnum quodriennio insigni quidem prudentia, non maxima tamen pudicitia laude, administrasset, Romani iterum delatus, atque inde post triennium à Rege in Hispaniam evocatus, consilio rerum Italicarum summa cum auctoritate præficitur; sed nec ibi Regni primatibus gratus, quòd veteranæ sapientia tot annorum experientia solidatæ confisus, ab eorum sententia plerumque non sine crisi acerbiorè dissentiret. Et licèt ipsum etiam Regem non nunquam perfringeret, tam altas tamen æstimationis & benevolentia radices in corde Regis fixerat, ut proficiscens ad Lusitanum Regnum capeffendum, moderandæ Hispania curam eidem commisserit, rediensque è Lusitania Madritum triumphans ingressus, unum hunc purpuratum senem sinistro lateri adequitantem habuerit.

Denique tribus post hæc annis reversus Cæsaraugusta Granvellanus, ubi Regis filiam cum Carolo Emanuele Sabaudia Duce matrimonio junxerat, Madriti septuagenarius anno 1586. fato concessit: vir prudentia, usu, consilio, & in Principem fide magnus, invidia, aulaque factionibus superior. Sed redeundum, unde digressi sumus.

17.
Regis Con-
stantia.

Amoto Granvellano, gaudio gestiebat Belgium; Gubernatrix autem ad Religionem, quæ pluribus in locis nutabat, stabiliendam vires intendit, tum suapte propensione, tum Regis mandato, qui cætera omnia post eam habuit. Neque ad solos Belgas ea Religionis cura se extendit, sed Anglis etiam exulibus & in Belgio & Hispania collegia fundavit. In pluribus quoque Belgii urbibus, uti Antverpiæ, Brugis &c. exusti hæretici, quamvis non sine plebejo tumultu.

Qui magis auctus est, ubi Rex Tridentinum Concilium in Belgio promulgari jussit. Sed dum ea cura fervet, dissensio Pontificem inter & Regem orta est, quòd ille oratori Gallico priorem Romæ locum dederit; Hispano Legato Regis jussu discedente. Cum plausu id nuntium excepere non modò hæretici universim, sed insuper

Ca-

Catholici quidam in Belgio, ea spe freti, per illud dissidium studia Regis promulgandi Tridentini remissum iri.

At Philippus, scribens Gubernatrici, dignam Rege Catholico protulit sententiam, ideo revocasse se ab urbe oratorem suum, quod in ea comparere cum dignitate non posset; ceterum, quæ ad publicam Religionis procurationem, aut ad obsequium vel obedientiam summo Pontifici, sanctæque Romanæ sedi præstandam pertinent, à quibus ne latum quidem unguem res eum ulla dimoverit, se curam demandasse Cardinali Paceco, Hispaniarum apud Pontificem Patrono, cum quo transigere in posterum ea, quæ spectare videbuntur ad sacrorum Antistitum designationem, aliæque religionis firmitamenta; in qua strenuè propugnanda, sicut etiam in Concilio Tridentino Belgis accuratè proponendo, exigendoque, nihil ab ea remitti, quacunque de causa, par esse.

Et verò perspecto Regis animo, nihil illa erat remissura. Sed Senatores opponebant, in Concilii decretis contineri aliqua, quæ cum Regis juribus, & provinciarum privilegiis pugnent. Ac proin sine eorum capitum exceptione non publicandum in Belgio. At rex ea de re certior à sorore factus rescripsit; sibi non placere in Concilio populis promulgando quidquam excipi, ne reliquis Principibus præbeatur imitationis exemplum. Easdem in Hispania difficultates fuisse allatas in medium; quarum nulla ibidem sit ratio habita, sed concilium sine ulla exceptione promulgatum, adhibita tamen perlevi moderatione in ejus usu, ita se velle in Belgio idem fieri: eoque mitti Hispanicæ publicationis exemplum, ut populi sui omnes ad eandem normam revocentur. (*anno 1564.*) Hæc autem Margaritham exequi conantem, qui motus à sectariis potissimum concitati, exceperint, postea opportuniùs memorabitur.

Hoc autem anno, præter ea, quæ dixi, hæreticorum & politicorum animos concussit congressus solennis Caroli Galliæ Regis ac matris ejus cum Isabella Philippi conjuge & Albano Duce, Bajonæ in Aquitanix finibus celebratus. In hoc enim nescio quæ in se causa consilia suspicabantur Gallix & Belgii sectarii eorumque fautores.

Ut autem tumultibus præcaveatur missus post Montinium Comes Egmontius ad Regem in Hispaniam, ut de rebus Belgicis ad eum referat. Acceptus is perhumaniter Regem in eam inflectere partem conatus est, ut ad conciliandam tranquillitatem Belgii de edictis in hæreticos pronuntiatis aliquid remitteret. At is convoca-

to Theologorum concilio, eorum in hac re sententiam exquisivit. Responderunt illi, licitum esse Regi pro avertendo majore malo, quod provinciis Belgii immineret, in libero sacrorum cultu populis indulgere.

Ac religio-
nis zelus.

Negavit Rex, accitos à se fuisse, ut docerent, an permittere id posset, sed an sibi necessario permittendum scriberent. Illis necessitatem nullam videri asseverantibus, Rex in eorum conspectu provolutus in genua coram Christi crucifixi imagine, *ego verò, inquit, Divinam tuam Majestatem oro quæsoque, hanc ut mihi mentem perpetuam velis, ne illorum, qui te respuerint Dominum, uspiam esse me, aut dominum dici acquiescam.*

Atque in hanc sententiam firmatus, in litteris Egmontio tradendis ad sororem Gubernatricem scripsit, dolore se incredibili percussus, audito hæreticorum progressu: certumque ac fixum animo manere, nullam suis in regnis mutationem Religionis se esse passurum, licet propterea millies sibi occumbendum foret. Cum his litteris Egmontium in Belgium remisit, tradito simul ipsius fidei Alexandro Farnesio, ad Margaritham Gubernatricem ipsius matrem perducendo.

Privatis verò ad eandem litteris scripsit, ac præcepit, ut quæsitores causarum fidei (neque enim hoc novum tribunal esse, aut non summopere necessarium) ubique persanctè retineantur, omni-que ope à Gubernatrice, ac reliquis provinciarum Præfectis adjuventur. Et quoniam Concilium Tridentinum Belgis jam imperatum esset, superesse, ut ejus decretis, simulque edictis tam Imperatoriis, quam Regiis pareatur. (*anno 1565.*) Hæc litterarum summa, quibus omnes Belgii calamitates Orangius, aliique aut hæretici aut eorum fautores acceptas referre consueverunt; impellente videlicet hæresi supremus hic annus Belgicæ tranquillitatis fuit.

Nam sequentem sesqui millesimum sextum fœdârunt aperta Nobilium conspiratio, vulgi seditio, turbida Primorum consilia, furialis hæreticorum incursum, templorumque execranda violatio. Quippe Regium edictum publicârunt quidem Provinciarum Prætores, professi tamen aliqui se impares in tanta edicti severitate continendi populos; quin addiderunt, nolle se suam conferre operam in multis mortalium millibus exurendis.

Brabantiae civitates, Lovanium, Bruxellæ, Antverpia, & Bescoducum, provinciae capita, habito senatu postulant, ut suorum habeatur ratio privilegiorum, cum quibus ea quæstorum judicia atque

edicta

edicta pugnent; à se certè non admitti. Simúlque erupit agitata jam dudum conspiratio Nobilium, quibus nullum in Republica munus. Siquidam novem ex illis, distante Marnixio Aldegundio homine hæretico, Bredæ, Orangii urbe, in novum foedus conjurant adversus execrandam, ut aiebant, Inquisitionis tyrannidem. Atque hoc foedus *compromissum* vocitabant; eique plurimi deinceps nomina dederunt, quos aut furor hæreticus, aut bachandi licentia, aut res domi decocta in tumultus concivit.

18.
Nobilium
conspiratio.

Quadringentos fuisse Nobiles constat, præter mercatorum & plebeiorum turbam. Hi ducibus hæreticis, Henrico Brederodio, è præcipua Hollandiæ Nobilitate feroci juvene, Ludovico Nassovio Orangii fratre, Florentio Comite Culemburgio, & Guil. Bergenfi Comite, libellum componunt, in quo Inquisitionis abrogationem postulant; eúmque juncta omnium opera Gubernatrici Bruxellis offerre decernunt.

Illà hac de conjuratione admonita Provinciarum Præfectos, & Equites aurei velleris, cum privato concilio in senatum convocat, atque, an conjurati in urbem admittendi, quidque armatis eorum precibus respondendum, sententiam rogat. Crojus Armergius, Mansfeldius, & Barlamontius negabant eam multitudinem in urbem admittendam: quid enim opus esse 500. hominibus, ut libellus unus offeratur? non eam speciem esse supplicum. Mitterent aliquem omnium nomine. Alioquin portas occludendas. Orangius verò in graves contra Regem querelas effusus, & alii plerique admittendos censebant omnes, at sine armis.

Gubernatrix altera die rursus eundem senatum colligit, & cum pridie advertisset magnam in plerique à Regiis edictis, & præsertim ab Inquisitione aversionem, audivisse se, inquit, esse non paucos, qui Imperatoris Caroli parentis sui edicta carpere palàm audeant, uti barbara ac populis non ferenda: hos injuriam facere non modò sapientissimo Principi patriæ amantissimo, sed Equitum collegio, senatorum concilio, imò totius Belgii ordinibus, quorum omnium judicio consensuque eæ leges sint latæ. Cur ergo nunc severitatem Cæsaris accusent? Cur ea damnent, quæ omnium antè suffragiis sint probata? An quia se morbus nunc intenderit, idcirco remittenda sit cura? Neque Inquisitionis tribunal esse recens in Belgio erectum, cum jam sexdecim lapsi sint anni, ex quo illud Carolus Cæsar statuerit. Nihil severitatis habere Ecclesiasticam illam censuram, quod edicta non habeant; imò multò hæc quàm illam

Consultatio.

Severiora esse: ut adeò Rex mirari satis non possit, cur tantopere ab Hispanica Inquisitione sibi timerent Belgæ.

Rogatis inde sententiis aliqui censebant, nihil immutandum in edictis: leges, antequam ferantur, expendendas: ubi latæ fuerint, tolerandas: nec alia re magis labefactari statum civitatis, quam crebra legum mutatione. Adhæc famæ interesse, nihil cedere postulatis hæreticorum, qui, si prima obtinuerint, finem postulandi nullum sint facturi. At plerique contra differebant. Majus famæ periculum subire Principem, si manere velit legem, cui multitudo non pareat. Nec satis prudenter exigi, quod obtineri non possit. Sapientis esse, leges ad usus accommodare, & pro temporum varietate mitigare, aut abrogare, ut populi contineantur in obsequio. Quod verò ad Inquisitionem attinet, satis apparere, eam nulli hominum ordini acceptam esse. Imò & Episcopos non levi affici injuria, dum religionis causæ, quæ ad eorum forum pertinent, ad hoc peregrinum tribunal revocentur. Possesse igitur conjuratis responderi, non esse, quòd de Inquisitione laborent; cujus usus alioquin sit intermittendus: edicta verò salubri aliquo temperamento fore mitiganda, & præsentis rerum statui adaptanda. Et hæc sententia numero prævaluit. Certè Egmontius negavit, se contra ullum mortaliū pro inquisitione aut edictis pugnaturum.

Eadem adhuc die conjurati numero ducenti Bruxellas ingressi sunt, equis omnes insidentes, gestabantque singuli bina ante ephippium sclopeta. Præibat ductor Brederodius, juxtaque Nassovius, qui ad Orangii ædes diverterunt. Altero die in domum Culemborgii à Brederodio convocati conjurationem instaurant. Tum ordine bini & bini in curiam ad Gubernatricem procedunt, cui Brederodius libellum obtulit, in quo abrogatio Inquisitionis & edictorum postulabatur.

Margaritha consideraturam se eorum postulata respondit, & quando non nisi Regis dignitatem, ut præferrent, & patriæ salutem spectarent, haud dubie postulatis satisfacturam. Postero die libellum eis reddidit, adjecta in margine responsione, qua intermittendæ Inquisitionis, edictorumque moderandorum, sed Rege antè consulto, spem faciebat.

19.
Geusiorum
origo

Excepit eo die in ædibus Culemborgicis largo sanè convivio conjuratos circiter trecentos Brederodius. Qui cum narraret super mensam, attonita aliquantùm ad ingressum tot Nobilium Gubernatrice, Barlamontium adstantem ei dixisse, non esse timendos, quia tantum
sint

sint *Geusii*, hoc est mendici, illi exclamantes repetebant: *vivaunt Geusii*. Noménque hoc factioni deinceps adhæsit, ut, sicut in Gallia hæretici vocabantur *Hugonoti*, ita in Belgio *Geusii*.

Denique Brederodius sub finem convivii, mantica more mendicantium collo suspenſa, ligneoque poculo vini pleno, manu elato, simul omnibus propinat: respondente convivantium choro: *vivant Geusii*. Inde cyathum & manticam assidenti tradit: sicque per omnes circumlatis, singuli resalutato Brederodio, idem carmen inter compotandum repetunt, conjuratione magis firmata, clavo etiam in parietem à singulis adacto. Supervenientibus dein Orangio, Egmontio, & Hornano, atque bibentibus, eadem pro Geusiis vota, magnis acclamationibus renovata. Eadem vota pro Geusiis ad cœnam, quam in domo Orangii Hornanus ac Brederodius cum pluribus ex conjuratis sumpserant, resonante toto convivio repetita.

Sed necdum nugarum & insolentiarum finis. Sequentibus die- & insolentiarum bus, cinericio pauperum habitu induti variam mendicorum suppellectilem circumferunt per plateas, suspenſo ex collo nummo: in cuius parte altera cœlata erat Regis effigies, cum subscriptione: *fideles Regi*. In altera visebatur mantica, duarum complexu manuum intercepta: inscriptis circum his verbis: *usque ad manticam*. Taceo reliqua, viris nobilibus planè indigna. Discedentes deinde explosis extra urbem sclopetis, pars magna cum Brederodio Antverpiam abierunt: ubi ingenti plausu à populo excepti, inter compotandum patera prægrandi propinata in Belgii libertatem biberunt.

Dum *Geusii* nummo, quem dixi, abusi sunt, Croyus Areſchotus cœlitum Reginae simulacrum, Hallis in Hannonia devotione ac cultu celeberrimum, metallo imprimi curavit, atque nummis-ira ejusmodi gestavit, sequentibus exemplum multis catholicis. Cùmque Pius V. indulgentias gestantibus impertiisset, nummismatum sacrorum usus per reliquum etiam orbem Christianum aut originem, aut celebritatem accepit.

Geusii, Bruxellis digressi, atque per varias provincias dispersi victoriam & impunitatem religionis ubique prædicantes, ceu vindices libertatis excepti sunt; moxque Belgium hæreticis impletum est. Quare Gubernatrix Comitum Bergensem Hannoniæ Præfectum, & Momorantium Montinium, aliàs de integritate ac fide suspectos, in Hispaniam ablegavit, de statu Belgii & Nobilium postulatis Regem edocturos.

Sed donec inde responsum veniret, Geusii gravissimam in Belgio seditionem moverunt. Nam plurimum numero aucti, cum per provincias sparsissent, Inquisitionem cum edictis in hæreticos esse abrogatam, atque Equites aurei velleris eam abrogationem scriptò sibi tradidisse, mox ex Germania, Galliæque ministrorum catervæ in Belgium effusæ, concionibus seditiosis publicè habitis, in sacras ædes armârunt hæresim, de Hispanorum tyrannide, de corrupta per superstitiones, abusus, novasque humanas inventiones à Pontificiis Religione, de puro sinceròque Evangelio, etiam publicè ad populum differentes; atque per provincias, urbes, & oppida, tanquam emissæ orco furia discurrentes.

Atque hoc sanè tempus erat, quo miserandum magis nunquam vidit religio in Belgio. Etenim licèt Rex rescriberet, Ecclesiasticos quæsitores removeri posse, modò Episcopi in suas sedes antè inducerentur, edictis etiam in hæreticos imponi modum sineret, atque conjuratis veniam concederet; nihilominus hæretici, furiali æstro perciti, latè per Belgium vi aperta circumtulère sacrorum vastationes.

§. V.

Continuatio ejusdem Historiæ.

20.
Iconomachia.

NAM postquam Trudoropoli ad duo millia Brederodio duce conveniant, Nassovium cum 12. aliis (quos 12. Apostolos dixere ad Gubernatricem legârunt, postulatueros, ut Orangius, Egmontius, & Hornanus fœderatorum rebus cum summa auctoritate præficerentur, atque generalis Belgicorum ordinum conventus indiceretur; alioquin extrema denique remedia quærenda. Mox barbara hæreticorum cohors furores immanes per Flandriam circumtulit. Dictu horrendum fœdumque, qua rabie in templa, aras, sacras imagines multis in locis sint debachati.

Illo furiosæ iconomachia nuntio Bruxellas perlato, Gubernatrix ad Egmontium ibidem præsentem conversa, audis, inquit, Comes, quàm lata perferuntur è Flandria, provincia tua? an patieris tam immania in Deum scelera impunè patrari? ille, primam rationi status curam impendendam respondit. At Margaritha: humanis rebus præferendum Divinum cultum; ita sentire & jubere Regem, cui nihil religione prius. Ad quæ Egmontius ea repofuit, quæ pseudo-

poli-

politicum magis quàm Christianum decent. Nec parùm ei postea nocuit hæc loquendi cum Gubernatrice temeritas.

Neque Flandria continebatur hæreticorum furor, sed tanquam Furia Belgi^{ca} procella modò in hanc partem, modò in illam impetu delata stragem inauditam sacris intulit; Antverpiæ præsertim, ubi disturbata supplicatione publica in maximum templum irruunt, execrabili petulantia nefanda quæque patrant flagitia, SS. Evcharistiam ad pedes projiciunt, pyxidem vino implent, & inter blasphema ludibria epotant, Christi crucifixi imaginem deturbant, illæ sis utrinque latronibus. Denique paucas intra horas templum vastissimum, septuaginta altaribus, omni-que cultu ornatissimum, atque toto orbe celeberrimum ita devastârunt ac poliuerunt, ut nihil integrum inviolatùmque reliquerint,

Inde sacrilegi prædones, tanquam facinore egregio patrato, *vivant Geusii*, exclamantes, ad alia templa & monasteria versi, violentia, direptione, furoribus omnia complent, fugientibus è claustris Religiosis & sanctimonialibus, ut violentiæ corpora subtrahant. Noctu hæc patrata. Sed impunitate audaciores facti sacrilegi, per tres deinde dies infandam illam sacrorum stragem, ac direptionem continuant. Simulque ea labe ac turbo Brabantinos & Flandros, Hollandos & Selandos, Geldrios & Frisios invasit. Populationem autem istam, totum ferme Belgium pervadentem, attribuunt Geusiorum principibus, præsertim Ludovico Nassovio, Trudoropoli Geusios inter & Galliæ Hugonotos conclusam. Auditæque ferunt voces, eodem Nassovio instigante: Nisi Nobilium fœderatorum securitati caveatur, & liber cuique aditus ad conciones pateat, suæque nemini religio fraudi sit, Gubernatricem suismet oculis inspecturam, templorum, quotquot Bruxellis essent, incendia, sacerdotum cædes, suam ipsius captivitatem.

Tantis undique tumultibus concussa Gubernatrix, cùm Bruxellis non ampliùs securam se crederet (in qua 15000. hæreticorum numerabantur) statuit, clàm urbe egredi, & Montes Hannoniæ se transferre. At consilio evulgato, oclusis portis à civibus retenta est: relatæque ad illam ea Orangii vox: si Margaritha publicam hac ratione rem defereret, Flandria, Artesia, & Hannonia potituros Gallos, jam pridem earundem candidatos: reliquis autem provinciis dominos non defuturos.

Nec lenitate
mitigatur.

Tot terroribus mota tandem Margaritha, suo nomine securitatem foederatis asseruit, concionesque audiendi copiam Geusis fecit, ils tamen duntaxat in locis, in quibus ad eam diem fuissent habitæ, modò inermes nec infestis catholicis convenirent. Addiditque tamdiu permitti, quamdiu Rex assentientibus Belgii ordinibus voluerit permissa. At Orangius Antverpiæ, Hornanus Tornaci, Hochstratanus Mechliniæ, multò plùs hæreticis permittebant; reprehensi propterea à Gubernatrice. Trajectenses catholicos à templo, Buscoducenses ipsum Episcopum ab urbe arcebant. Pejora his Amstelodami patrata, instaurata sacrorum vastatione. Adeò nempe hæresis, sive severam ostentes frontem, sive indulgeas, indolis suæ tenax manet, pergitque furere.

Rex sororis litteris de effræni Geusiorum licentia, sacrorumque latrocinio, conjurationibusque Nobilium edoctus, faciliè advertit, eò jam ventum esse, ut nullus clementiæ locus sit reliquus, sed armis frangendam compescendamque contumacem petulantiam: statuitque, quod Gubernatrix sæpe rogaverat, ipsemet exercitum in Belgium ducere, & illud quà armis quà Regia auctoritate in ordinem reponere: datis etiam ea super re ad Cæsarem, Galliæ Regem, & Imperii Principes litteris. Cæsar & Gallus vetuerunt, ne quisquam ex suis subditis adversus Hispanos in Belgio militet.

Procerum
Conspiratio.

Qua re terrii Orangius, Egmontius, Hornanus, Hochstratanus &c. conscientia factorum lancinante, *Teneramunda* clam cœunt, capturi in periculo consilium, quomodo Regi, cum exercitu adventanti, Belgii aditus occludi possit. Sed cum vires deficerent, in id tandem conventum est, offerendum Belgium Maximiliano Cæsari. Minus id fore in publicum probrosum, magisque tutum in omnem eventum, quàm si apertis armis in Regem insurgerent.

Utque factionem suam augerent, Egmontius Ernestum Mansfeldium veterem suum amicum per litteras sollicitat conqueriturque, quod ab eorum societate modò se segreget. Respondit ille, non alia ratione à principio se cum illo aliisque se consensisse, nisi quod visum sibi fuerit, religionis & patriæ interesse, si & Granvellanus Belgio moveretur, & sublata Inquisitione, moderatio aliqua edicta temperet. Quæ cum à Rege tributa sint, nullam superesse causam querelarum.

At Geusii, sive Lutherani, sive Calvinistæ, sive Anabaptistæ, Geusii in Re-
sive alterius sectæ homines (prout translaticæ sunt eorum religiones, gem conjura-
atque temporibus accommodandæ) in unam modò Confessionem
Augustanam compacli, cum Principibus Acatholicis Germaniæ fœ-
dere inito, habitoque *Bredæ* conventu, Egmontium in commune
adversus Regem fœdus per litteras sollicitant, præsertim Orangius,
Hochstratanus, & Brederodius, veteres ejus amici. Verùm ille
negabat, se in fœdus illud contra Regem iturum. (Acta hæc sunt
anno 1566.)

Cùm dein Brederodius novum libellum querimoniis plenum ad
Gubernatricem misisset, quòd contra datam fidem Religionis exerci-
tium prohibeat, cùm tamen concionum nomine totum id veniat,
quod ad religionem pertinet; respondit illa, non assequi se, qui-
nam sint nobiles illi & Belgarum populi, quorum nomine hæc litte-
ræ mitterentur: cùm plerique satisfactum sibi contestentur. Con-
ciones à se tantummodo esse permissas, non autem potestatem,
Consistoria erigendi, creandi magistratus, tributa imperandi, cor-
rogandique supra vices centena florenorum millia, matrimonia ritu
hæretico celebrandi, quotidianos coetus, coenâsque Calvinianas fre-
quentandi.

Cur fileant, post conventionem initam tam multa perfidè ac sa-
cilegè patrata, templa direpta, ejectisque Religiosis inde familiis oc-
cupata, conciones in novis locis vi armata inductas, urbes atque
provincias ad seditionem, defectionemque sollicitatas, munitiones
Regis invasas, ejusdem ministros expulsos, ad tympanorum pulsum
populos in aciem excitos, cœnobîa, ædésque Nobilium igne ferrò-
que vastatas, catholicos omnes, ne quidem se Gubernatrice exce-
pta, ad cædem designatos, ingentemque Belgio cladem intentatam?

Brederodius hac accepta epistola exercitum Geusiorum Vianam
traduxit, oppidum suum in Hollandia, paulò antè munitum; atque
mutata veste à Geusiana factione Amstelodamum admissus, spem
Batavia potiundi confirmasse visus est. Antverpia etiam Buscodu-
cum, utrumque Trajectum, Gröninga, Tornacum, Valencena,
aliæque civitates, militibus auctæ, instigantibus hæreticis vim ad-
versus Regios parabant. Comes Meganus, fidus semper Regi à
Buscoduco per fraudem rejectus à Bombergio Brederodii satellite,
Ultrajectum occupat.

Prima pugna.

Marnixius verò, ex conjuratis unus, tentata frustra Selandia, ad Antverpiam cum Lanoyo Regio duce pralio congressus, victusque est. Prima hæc pugna fuit, cum rebellibus in Belgio commissa (*anno 1567.*) in qua periére Geusiorum 1500. capti 300. Fremebant Antverpiæ Calviniani, cum suos cædi viderent; & quia Orangius portas urbis claufas teneri præceperat (sive ne Calviniani auxilio accurrant suis, sive ne Regii victores urbem intrent) movebant tumultum, sed à Catholicis, quibus Lutherani se conjunxerunt, à vi prohibiti.

Valencena capta.

Valencena excluso Regio præsidio vim parat. Quare Norcarum, pro Marchione Bergensi, qui adhuc in Hispania cum Montinio detinebatur, Hannoniæ Præfectus, jussu Gubernatricis, Geusis gemino conflictu fufis, Insulis, Armenterio, Tornaco, præsidium imponit. Valencena, hæreticis referta, pertinaciùs resistens, vi expugnata, atque armis & privilegiis exuta est; tantæque rebelles consternatio corripuit, ut hac una in urbe urbium claves omnium repertæ esse dicerentur.

22.
Orangius fugit.

Gubernatrix secundis his progressibus animosior à Proceribus & Magistratibus novum fidelitatis Sacramentum exigit. Jurarunt illico Mansfeldius, Areschotus, Egmontius, Meganus, Barlamontius, Brederodius certuriam Equitum, quam à Rege habebat, dimittere maluit. Recusarunt pariter Hochstratanus, Hornanus, & præsertim Orangius; qui Albani adventantis metu percussus cum familia Belgio excessit, Dilemburgum gentilitiam Nassoviorum urbem profectus. Dicitur abiens monuisse Egmontium, ut caput procellæ subtrahat. At ille Regis partibus totus applicitus, se hostem est professus omnium, qui Religioni aut Regi se opponerent.

Orangii discessu, & Egmontii declaratione vehementer afflicta est foederatorum factio. Quippe Ludovicus Nassovius, Culembergensis, & Bergensis, ejusdem capita, cum Orangio abierant Belgio. Reliqui certatim rogata venia *Compromisso* renuntiant, novoque juramento se Regi obstringunt. Tandem etiam Hornanus, & Hochstratanus juramentum sunt polliciti. Unde querelæ mercatorum & hæreticorum, proditos se desertosque à Nobilitate. Auxit eorum consternationem, fugamque Præconum Trajecti ad Mosam, Buscoduci, Antverpiæ, aliarumque urbium deditio. Restitutus ubique Divinus cultus, ac res catholica. (*anno 1567.*)

Unus supererat foederatorum princeps Brederodius; qui jussus Amstelodamo abscedere, hæreticorum favore nixus recusavit. Cum autem

autem audisset circumvolitantes per totum Belgium victores Regis exercitus, cædi ubique fugarique Geusios, dilabi aut in gratiam redire fœderatos, dedique urbes, eorum denique, qui in Hollandia supererant, militum cladem, tentata frustra reconciliatione, fractus animo, patriam deseruit, ac primùm Embdam, Bremam, atque Schovemburgum delatus, mota furiis mente, periit ibidem anno sequenti.

Brederodii
interitus.

Brederodii fugam secuta est universæ Hollandiæ deditio. Via-
na, ipsius oppidum, mœnibus nudata. Amstelodamum, Lugdunum, Harlemum, Delphi, ac reliquæ civitates flagitantes præsidium acceperunt, partim à Megano, partim à Norcarmio ducibus. Idem Middelburgi, aliisque in Selandia urbibus. Idem Gröningæ ac Daventriæ, totaque Frisia factum ab Armbergio, provinciæ Præfecto: ut adeò nulla per Belgium urbs, oppidumve, nulla uspiam arx aut pagus fuerit, qui non certatim ejectis hæresum magistris, ac seditionum incentoribus, se Regis arbitrio clementiæque tradiderit.

Hæresis ubi-
que victa.

Gubernatrix igitur ad ruinas reparandas intenta, stipendium, quo miles alatur, multæ loco civibus imperat. Alicubi, Antverpiæ præsertim, comprimendæ in futurum licentiæ arces designat. Sacrarum Imaginum violatores, ac seditionum auctores, quotquot inveniri poterant, quæstionibus habitis convictos supplicio affici, templa refici ex reorum bonis, aut publica civitatum rebellium pecunia, hæreticorum fana destrui mandat, tanta populorum in id festinantium contentione, ut Gandavi unius horæ spatio Lutheranum templum, sanè peramplum, solo æquatum sit. Alias profectò civitates, homines alios dices, qui paucis antè mensibus tanto hæreticorum partes susceperant studio.

Atque in hunc modum incendium illud, populorum offensionibus conceptum, hæreticorum flabellis ventilatum, æmulatione Nobilium enutritum, Geusiorum demum fœdere per Belgium omne seditionibus ac populationibus grassatum, Gubernatrix adeò distraxit, ut religione & obedientia ubique restituta, hæreticis aut poena coercitis, aut solum vertere coactis, Geusis conjuratis partim in gratiam receptis, partim bonis ac patria exutis, atque ad manticam mendicitatēque redactis, universo demum Belgio pacem tranquillitatēque pristinam reddiderit.

Una res in tanta felicitate Gubernatricem angebat, quòd Belgarum plurimos videret, non impetrata præteritorum venia, ac venturi ab Hispania exercitus metu perculsos, aliò quotidie commigra-

re, ingentique damno civitatum ad finitimos populos opificia & mercaturas, atque adeò lucra transferre.

23.
Legati protestantium,

Venerant in Belgium hoc anno (1567.) Legati Saxonis & Brandenburgici Septemvirum, Wirtembergici Ducis, Hassiæ Landgravii & Marchionis Badensis, à quibus supremam opem imploraverat hæresis Belgica. Eorum ad Gubernatricem hæc fuit oratio: Professionem Augustanam, Evangelio consentaneam, in Inferiore Germania liberè complectendam esse: certè suppliciis non vexandam. Proinde à superioris Germaniæ Principibus rogari Gubernatricem, ne populos cæterà innoxios divexari hoc nomine, Hispanicæque censuræ minis ac pœnis plecti patiatur. Responsum; quæ legati de Religione præmiserint; responsione indigna esse. Quæ pro excusanda rebellionem, impiorumque contumacia differuerint, ostendere, Germaniæ Principes minùs fidei habuisse litteris Hispaniarum Regis, ac Belgii Gubernatricis, quàm seditiosorum hominum querimoniis, contra quos & expilata & everfa templa, & illata vis magistratibus, & excitati ad arma populi, magnam scilicet innocentiam contestentur. Proinde Gubernatricis nomine illos, à quibus missi essent, monerent, ut regnorum suorum curam Regi permitterent, nève per ea turbulentorum patrocinia turbas in alienis provinciis foverent.

A R T I C U L U S VI.

Status Belgii sub Duce Albano ab anno 1567.
ad 1573.

Restituta fuerat per Margaritham Gubernatricem Religio, totumque Belgium post fugatos aut subactos rebelles ad pacem compositum; cùm immissus à Rege novus Belgii Gubernator nimia severitate ingentes deinceps calamitates invexit. Quæ res qua ratione contigerit, nunc breviter expediendū.

Rex catholicus altè in animum admiserat non solummodo Belgarum rebellionem, sed vel maximè ea, quæ adversus Religionem, cultumque sacrorum sacrilegè patrarent. Unde, Margarithæ etiam hortatu, ipsiusque Pii V. Pontificis, statuit cum armato exercitu in Belgium proficisci, atque provinciarum statum ordinare (nisi, ut quidam volunt, tota hæc professionis scena ad simulationem fuerit composita.)

Habito ea super re senatu, Rodericus Gomeſius à Silva, Ebo-
 ſi Princeps, intimæ apud Regem admiſſionis, magnæque in aula
 potentia, iter diſſaſit; intempetiſtum, inquiens, eſſe, quietos
 jam obſequentesque Belgas armis laceſſere, ſimulque finitimos hæ-
 reticos ad opem ferendam irritare. Cavendum eo maximè loco
 belli civilis incendium, ubi prope adſint, qui illud alant. Quan-
 tumcunque ad eam diem peccatum à Belgis, à Regis ſorore abun-
 de fuiſſe correctum: & ſi quid ultra vincendum, animos eſſe non
 corpora. At illos non armis, ſed beneficiis expugnari. Id verò
 & clementia Principis accommodatius, & Belgarum indoli, de qua
 dictum à Carolo patre, nullos eſſe populos, (modò paternè habeantur)
 qui ſervitutis nomen magis execrentur, magis patiantur.

24.

Conſultatio
 de bello.

Contra verò Dux Albanus arma & ultionem unicum læſæ reli-
 gioni auctoritatique Regia remedium eſſe contendebat; cæteris ar-
 tibus ac diuturna facilitate nihil aliud effectum, quàm ut Regi obe-
 dientia, rebellibus timor adimeretur. Non tam rogâſſe quàm po-
 ſtulâſſe Belgas, ut Hiſpanus miles Belgio excedat; hunc unicum eſ-
 ſe obicem publicæ tranquillitatis. Hoc impetrato num quieviſſe?
 an potiùs poſtulâſſe audaciùs ut Granvellanus à Gubernatricis late-
 re & rei publicæ clavo amoveatur? an placatos ea indulgentia?
 quin imò contra auctas ſacrorum Antitiſtitum præſecturas, contra re-
 ſtituta Cæſaris edicta, Tridentinas ſanctiones, Pontificios quaſito-
 res, improbis carminibus precibusque ac minis armatis inſurrexiſſe.
 Hic etiam moderatione adhibita à Gubernatrice, quid obtentum,
 niſi ut votorum ubique compotes, obſequium parendi dediſſerent,
 atque conjurationes, conſœderationes, rebelliones, defectionesque
 ubique moliti Divina omnia humanaque confunderent? Præmonſtrâſ-
 ſe proſectò Carolum patrem, quid Belgarum ingenio eſſet accom-
 modatius, dum contumacem patriam armis reſtituit. Nunc verò
 non unius civitatis, ſed provinciarum conſenſu graviffimè peccatum
 in Deum & Regem. Nec quia rebelles in præſentia armorum metu
 conquieſcant, minùs ferocia animis inefſe, reſumpturos vires, ubi
 metum ultionis abjecerint: neque enim timorem diuturnum eſſe
 magiſtrum officii. Exploratum namque haberi, hæreſin nunquam
 bona fide manſueſcere. ſic ille pronus ſemper ad aſſeriora diſſere-
 bat. Atque in ejus ſententiam cum Cardinale Spinola plures ibant.

Rex audito ſenatu, deliberatum ſibi pridem, ait, ire in Bel- Decernitur.
 gium, ſe tamen haud antè proſecturum, quam præmiſſo cum dele-

At exercitu Duce, qui affuturi Principis securitati ac majestati consulat. Eúmque renunciat ipsum Albanum, veteranum Ducem, multarúmque palmarum heroem inclitum, designatis ex Italiæ præfidiis militibus veteranis, quos tyronibus Hispanis supplet.

Gubernatrix certior facta de exercitu, ab Albano in Belgium deportando, deducere ab eo armorum apparatu conata est Regem, quæ nulli jam ampliùs usui, nisi rebus iterum turbandis forent. Belgium magna nunc pace frui, religione & obedientia restitutis. Nec militem deesse, quo hic status, uti partus sit, conservari queat. Multas jam opificum & mercatorum familias, audito externi militis adventu, aliò migrâsse, migraturas plures, ubi propiùs accesserit. Accedere indignationem populorum atque Nobilium. Prospicere se animo civile cruentúmque bellum, in multas atates inexpiabili contumacia continuandum, eaque occasione hæresin rursus instaurandam; rogare proin, ut Rex omisso armorum strepitu pacatus in Belgium veniat, rebúsque feliciter compositis sapientia & autoritate perpetuitatem addat.

At Rex ad confirmandam non turbandam tranquillitatem venturum militem asserens, ex præfidiis Insubriæ, Neapolis, & Sardinia octo peditum, & duo equitum millia Albano attribuit, non magnum quidem exercitum, sed ex veterano belisque indurato milite compactum, cui præstantes bello Duces præfecit. Has copias Albanus per Pœninas Alpes in Allobroges, atque inde per Burgundiam comitatum, Helvetiam, & Lotharingiam in Belgium deduxit; easque Burgundiam transiens (incedente ad latera Gallo milite, ad fines tutandos misso) 400. equitibus Sequanicæ juventutis auxit.

Bruxellas ubi pervenit, Margarithæ Regis litteras obtulit, quibus Albano tribuebatur summa per Belgium armorum præfectura, integra rerum civilium administratione penes Gubernatricem. Remotis dein arbitris ampliorem sibi datam potestatem exhibuit, videlicet arces exstruendi, Magistratus ac Præfectos exauctorandi, præteritorum causas tumultuum cognoscendi, plectendique, atque alia agendi, pro re nata communicanda.

Margaritha laudavit Regis consilium, modò ita tractetur, ut pax adhuc recens, ceu tenera arbuscula non irriteretur violentiori cultu. Ad Regem autem scripsit: tantum auctoritatis Albano tributum, existimationi suæ, tantum militum composito provinciarum statu multum officere. Jam enim ex iis, qui aut hospitiorum onere, aut veniæ desperatione, aut calamitatum metu, in Angliam, aliás-

que

Margaritha
invita.

Copia.

que terras cum pecunia & supellectili migrârint, numerari centena circiter hominum millia. Una re sustentari adhuc à se populos, adventu Regis; quem, si differri contingeret, orare ex animo, ut se, nono jam anno Belgio moderantem, diuturna administratione absolvat. Id verò ut multò ardentius exposceret, Albani mox severitas effecit.

Is etenim præfecturam suam ab animadversione in suspectos aliquos Belgarum Proceres auspicaturus, eosdem Bruxellas ad ordinandam rem publicam evocat. Comparuerunt in ædibus Culemburgicis (nam palatium Gubernatrici Albanus reliquerat) Arschotus, Egmontius, Mansfeldius, Armbergius, Barlamontius, ac tandem etiam Hornanus, ab Egmontio inductus. Senatu finito, Egmontium seorsim vocat Albanus, quasi aliquid secretò locuturus. Tum *siste*, inquit, *Egmonti: custodiri te Rex jubet; ejusque nomine gladium pone*. Ille circumspiciens, cum armatos centuriones videret, gladium tradidit, addens: *Et tamen hoc ferro sæpe ego Regis causam non infelicitè defendi*. Nec plura fatus in conclave abductus est. Eodémque tempore Hornanus ab Albani filio, à quo velut honoris causa deducebatur, jussus est posito gladio in potestatem Albani, Rege ita imperante, sese committere. Statimque in aliam ædium partem à centurionibus traductus est: capto pariter Egmontii secretario, & Antverpiensi consule (anno 1567.)

25.
Egmontius
& Hornanus
capti.

Nuntium hoc Belgæ exceperunt tristi primùm silentio, tum Albani artibus nimiaque Egmontii fiduciæ irati, per eam Primorum captivitatem Belgium captum dixere, laudantes Orangii, Hochstratani, & aliorum fugam, quos Belgium liberaturos sperarent. Gravelianum verò, cum hæc Romæ audiret, sciscitatum ferunt ex nuntio, an captus quoque esset *Taciturnus* (sic Orangium nominabat) eoque negante, dixisse, uno illo rebus non concluso, nihil ab Albano captum. Excusavit per Barlamontium & Mansfeldium apud Gubernatricem hoc factum Albanus, clam eâ jussu Regis id esse susceptum, ne qua pars invidiæ in eam redundaret. At illa tristi nuntio perculsa, atque Belgio metuens, instantius dimissionem suam à Rege petiit.

Dum sic præludit Albanus, petiit ab eo Carolus Galliæ Rex auxiliares copias adversus Hugonotos, rursus sibi bellum moventes, Gnarus ille Bajonensis colloquii, duo millia peditum Hispanorum, & mille ducentos equites, pleròsque ex Artesiæ & Hannoniæ Nobilitate lectos Armbergio commisit, & Marchioni Villerio. Qui

Caroli copiis juncti, opera in pugnis aliquot egregiè posita, ac pace dein inita, ab Albano sunt revocati.

Margaritha
discedit.

Sub anni 1567. finem Rex sororem Belgii gubernatione libera-
vit, litteris contestatus, dare se id ejusdem precibus, non commo-
do provinciarum, quas in summis temporum difficultatibus pruden-
ter ac strenuè gubernasset. Dici non potest, quanto animi dolore id
Belgæ acceperint, matris amantissimæ jacturam lamentantes, ingen-
tes patriæ calamitates sub novo Gubernatore metuentes. At illa se
Belgium fratris clementiæ commendaturam pollicita, translata
in Albanum Belgii Præfectura, in Italiam ad Octavium maritum
abiit.

26.

Albanus ju-
dicia exer-
cet.

Ferdinandus Toletanus Albæ Dux, cum plena jam potestate
Gubernator Belgii, exstructa arce Antverpiensi, duodecim virorum
consilium instituit, criminibus præcedentium tumultuum sine pro-
vocatione cognoscendis, concilium sanguinis vulgò appellatum. Ci-
tantur ad istud Guilielmus Nassovius Orangii Princeps, Lalinus
Comes Hochstratanus, Florentius Pallantius Comes Culemburgi-
cus, Guilielmus Comes Bergensis, Henricus Brederodius, aliique è
Belgio profugi Dynastæ, ad Regii Procuratoris accusationes audien-
das séque de objectis criminibus purgandos. Sed illi misso ad Alba-
num libello negârunt, legitimum id esse tribunal Equitum aurei
velleris.

Cùm igitur præfixo die non comparerent, Albanus contumaciâ
& majestatis reos pronuntiat, adjudicatis fisco eorum bonis. Simul
Bredæ, Orangii urbi, præsidium Hispanum imponit, ejusque filium
Philippum Wilhelmum, tredecim annos natum è Lovaniensi Acade-
mia in Hispaniam mittit. Culemburgii ædes, Geusii nominis nata-
lem domum, funditus excindi jubet, atque columnæ ibidem erectæ
inscribi, ea in area Florentii Pallantii ædes solo æquatas esse ob exe-
crandam memoriam repetitæ in illa conjurationis adversus religio-
nem, Ecclesiam Catholicam Romanam, Regiam majestatem ac patrias
regiones. Concilium verò duodecim viris plurimos damnavit, quos
quæstiores, aut templa aut sacras imagines violasse, aut conciones,
consistoria, turbulentosve cœtus habuisse, aut in Regem, sive obscuris
Geusiorum nominibus, sive indutis palam armis conjurasse, aut demum
iis consilium, operam, aut vires præstitisse, comperant. (anno 1568.)

27.

Orangius
armatus in
Belgium.

Orangius hostem jam professus, ratusque Belgas ab Albano irri-
ratos armorum ducem expectare, obtentis à Protestantibus Imperii
Principibus, atque à Condæo Coliniôque copiis, rem ita composuit,
ut trinis simul in locis Belgium invaderet, & Hochstratano quidem

Gallorum

Gallorum Belgarumque exulum Ductori Artesiam designavit, Ludovico & Adolpho fratribus suis Frisiam. Ipse Brabantiam sibi delegit. At Hochstratani à Sanctio Avila acie cæsi sunt. Gallos Cossæus, à Carolo Rege Albani rogatu immissus, vicit: ducibus eorum Parisiis gladio percussis: quod contra Regis mandatum contra Belgii Gubernatorem militassent: reddita sic Albano gratia.

In Frisia AreMBERGIUS, ab Hispanis coactus configere, instaurato Bruti & Tarquinii Aruntis exemplo, mutuis cum Adolpho Nassovio vulneribus concidit, relicta Orangianis victoria. Deploratus summopere Joannes AreMBERGIUS. Erat is ex familia Lignia, Barbansonii Dominus antè appellatus, quàm in Comitibus AreMBERGIL nomen ex dote germanæ uxoris immigraret: belli, si quis alius, fideique præclarus: eoque donatus aurei velleris torque à Carolo V. atque à Philippo filio Frisæ, ac Transilvania præfectus: postremò à Maximiliano Imperatore inter Imperii Principes adlectus. Successit ei in Frisæ præfectura Carolus Brimæus Comes Meganus.

Succensus Albanus ira tanta jactura, expeditionem in Frisiam adversus Ludovicum Nassovium adornavit. Antequam tamen illam susciperet, ne quid interea propter nobiles captivos moveretur, lugendum Belgis spectaculum dedit. Novem jam mensibus Gandavensi in carcere custodiebantur Egmontius atque Hornanus: quo tempore Regius Procurator judicalem processum urgebat; quatuor mensibus sibi ad accusationem formandam probandamque expetitis, quinque reis ad defensionem relictis.

28.
Actio in Egmontium & Hornanum.

Objectum est illis, quod voluerint cum Orangio aliisque Nobilibus, excusso Rege à Belgii dominatu, provincias inter se parti-ri. Eò spectasse conatum ejiciendi Hispani militis ac Granvellani, qui eorum consilia inspexisset. Secretarium Egmontii, foederis Geusiani socium, ab eo retentum, & ad omnia negotia adhibitum. Geusii templorum populatoribus Egmontium in Flandria, sua provincia, non obstitisse. Hornanum, Tornaci Præfectum, adversus eos, quos Gubernatrix miserat, cum Geusii conspirasse. Sacrorum violatores è Tornacensi carcere abire permisisse.

Utrumque verò (præter militis Hispani & Granvellani ejectionem) foederatis, consistorialibus, mercatoribus, patronum se præstittisse, pollicitos iis operam vitamque. Teneramundæ cum Orangio, Ludovico ejus fratre, Hochstratano, & aliquot foederatis de aditu in Belgium Regi intercludendo agitasse, ac sæpe hujusmodi conventibus interfuisse: Magistratibus civitatum, quarum ipsi Gubernato-
res

res essent, opem in sacrorum violatores poscentibus, eos non tulisse: mandata Gubernatricis adversus hæreticos, contra ipsius Gubernatricis mentem hæreticis explicuisse: templa eisdem ad conciones concessisse, aliaque (quorum plurima adjiciebantur) contraria hominibus, qui provinciarum Praefecti, senatorum intimi, velleris aurei sodales, subditique Hispano Regi essent, admisisse.

Ob quæ legitimè objecta probatæque (uti conficiebat procurator) ut in majestatis reos pronuntiandam esse sententiam, eosque fortunis & capite plectendos.

Exceptio.

Illi, præfati, nolle sibi fraudi esse, quod, ceu aurei velleris Equites à solo Rege & sodalibus collegis judicandi, in foro sibi non competente judicium subeant, pleraque negârunt, multa interpretabantur, aliqua rectè facta asseriebant. Agitatum à se de mutando Principe constanter negârunt. De intercludendo Hispanis aditu in Belgium prolatum aliquid à Ludovico Nassovio in Teneramundano congressu, sed dissentientibus cæteris. Conjuratis, iconinachis, hæreticis à se aliqua permissa, sed necessitate & bono religionis, quam in Flandria 60000. qui armati ad conciones adibant, penitus extinxissent. In Granvellanum se jure commotos, uti provinciis perniciosum &c.

Sententia.

An verò hæc aliæque multa accusationis capita satis diluerint, non est in promptu definire. Populus Egmontium, sibi charissimum, innocentem habuit, Hornanum aliquantò magis gravatum. Hoc certum, eos non rarò Gubernatrici se opposuisse, & cum Orangio atque foederatis Geusis capita contulisse. Utcunque res fuerit, in utrumque, Gandavo Bruxellas advectum, Albanus, delegata sibi peculiari à Rege potestate, quam in torquatos equites exerceret, capitis sententiam Regis nomine tulit. Missusque Rithovius Iprensis Antistes ultimæ necessitatis adjutor.

Sabina, Egmontii conjux supplicem libellum ad Regem misit; in quo in memoriam revocat viri gesta fortia ac labores, quos ab anno ætatis 18. pro Carolo Cæsare, ipsoque Philippo Rege, in Algerianis, Geldricis, Gallicisque bellis, contempta toties morte per tulisset. Clementiam dein Regis obtestatur, ne velit infelicem matrem cum undecim innocentibus liberis, tanta cum jactura atque dedecore, miserum per gentes circumferri exemplum extremæ calamitatis.

Ipse etiam Egmontius Regi epistolam scripsit, in qua testatum facit, se nunquam alienum à Rege habuisse animum, sed potius vitam centies pro eo fuisse profuturum. Ad preces deinde ultimas descen-

descendit pro conjuge, & liberis undecim, quos gratiæ Regis & clementiæ commendat. Subscripsit; *Majestatis tuæ humillimus, fidelissimusque atque obsequentiissimus subditus ac famulus, mori paratus, Lamoralis Egmontius.*

Uterque vitæ noxis apud Ipreensem per confessionem depositis, Executio. atque ad mortem diligenter præparatus, ferali in pegmate fortiter ictum carnificis subiit. Utriusque capita geminis præfixa pili duas horas spectaculo fuere. Corpora statim aëcta in vicina templa, atque postridie cum capitibus ad eorum ditionem delata, catholico more terræ mandata sunt.

Ingens Belgarum odium sibi Albanus concivit, Egmontii præsertim, qui in omnium amoribus erat, cæde: erantque, qui dicerent, ea tunc primum stabili-as foederatorum partes, prælagirantque, omne brevi Belgium in majores temultus iturum. Fertur Gallicus legatus ad Regem suum scripsisse; *vidisse se in Bruxellensi foro decussum illum verticem, cujus virtute bis Gallia contremuerit*: clades indigitans illatas Galliæ ad S. Quintinum & Gravelingam: quarum Elogium. prior magna ex parte, posterior, quanta erat, Egmontio debebatur.

Decessit annos natus 46. relictis ex Sabina Bavarica, quam Spiræ præfente Carolo V. duxerat, fæminis octo, maribus tribus. Ex sorore ejus, Comiti Vadamontio nupta, nata est Aloysia, Henrici III. Franciæ Regis uxor. Nobilitas familiæ pervetusta; potentia major, cum Geldriam Egmondani Duces possidebant. Cognomen ab Egmontio, Bataviæ oppido: ex quo Comititis appellationem semper retinuit Lamoralis, licet Gavræ in Flandria esset Princeps, à Carolo V. creatus aurei velleris Eques, à Philippo Flandriæ & Artesiæ præfectus. Vir planè, militia præsertim, magnus. Relicta filiis paterna bona.

Philippus Hornanus, aurei velleris & ipse Eques, 50. æta is anno oblit. Nec minor ei Nobilitas, ex Gallica Momorantium stirpe oriundo; cui rebus gestis se parem exhibuit, Præfectura Belgici maris & Prætoriani militis decoratus. Militiæ rudimenta sub Carolo V. posuit; cui ab Hornam, Cæsarei juris in Geldria oppidum, subjectus erat. Inde Comititis Hornani titulus; quamvis aliorum in Regiis provinciis oppidorum, arciumque potiretur. Deseri haud modicè potuisset, si non Egmontius omnium lachrymas consumpsisset.

Damnati pariter majestatis cæsiq; 23. alii Nobiles, inter quos Alii damnati. Stralius Antverpiensis consul, & Egmontii secretarius. Capitis etiam damnati Montinius Hornani frater, & Bergensis ad Zomam Marchio, qui in Hispania (quò uterque à Gubernatrice legatus fuerat) jam antè nœcore obierat. Berga & Montinium fisco addicta,

29.
Albanus in
Frisiam.

His ita peractis cum 12000. peditum & 3000. equitum, Albanus in Frisiam toto impetu raptus, adversus Ludovicum Nassovium, qui victoria ab Arembergio reportata ferox, pari ferme militum numero, cum Hochstratano & Schovemburgio, pedem ibi firmum posuisse est visus. Ubi lepidum illud accidit. Exploratores ab Albino præmissi, audito tympanorum strepitu visisque procul vexillis, festinè recurrentes, hostem imminere nuntiant. Instruitur ad pugnam acies. Cùm ecce! occurrit nuptialis pompa, qua Nympha rustica, agresibus magno numero comitantibus in vicinum pagum ducebatur. Illico vertitur in risum pugna. Sponsa præteriens sclopetorum sono salutatur. Inde natum proverbium, ut procuratores, & exploratores, si reditum ad suos paulò meticolosius festinassent, interrogarentur, an sponsam viderint.

Geusios pro-
figat,

At magis seriò res mox agi coepta. Nassoviani castris, situ & opere ad Gemingam præmunitis, se continebant. Sed Albanus eos adortus, & castris exiit, & ingenti prælio fusos ad internecionem ferme delevit, vindicato abunde Arembergio. Præda copiosa, impedimenta omnia, Nassovii, Hochstratani, & Schovenburgii opima supellex, præter signa complura ac tormenta in Hispanorum manus devenerunt. Minuit tamen victoriæ tantæ lætitiâ legionis Sardiæ furor, quæ, ut vindicaret sociorum nuper iis in locis casorum cladem, multos circum circa pagos, igne supposito, concremârunt. Albanus revocata veterum disciplina Tribunum mutare militiam coëgit, ad gregarii militis conditionem redactum, sed paulò post gradui pristino restitutum. Redacti quoque in ordinem centuriones, subcenturiones, signiferi. Quorum plures militia abire malebant, quàm ea affici ignominia. Sed non ideo compensata jactura, quæ ad decies centena florenorum millia ascendisse æstimabatur. Gröningam inde Albanus victor delatus, designatum loci Episcopum, & Meganum pro Arembergio Præfectum provinciæ accipere iussit.

Novumque
Orangii
exercitum

Cæso fratris exercitu Orangius cum majori copiarum numero, in Germania à Protestantium Principibus collecto properabat. Erant eo in exercitu viginti octo millia: sexdecim peditum Germanorum millia, equitum octo: equitum Gallorum Belgarumque duo millia, totidem prope peditum. Et Germanis quidem legionibus quadrimestre stipendium sponponderant Septemvir Palatinus, Dux Wirtembergiæ, & Argentoratum. Belgis autem & Gallis tria talerorum millia in singulos menses promisit quidam Hispanus Antverpiæ mercator. Equitatum verò alendum in se susceperant, partim Orangius

gius ac frater, partim ipsi equitum Ductores, Casimirus Palatini filius, Comes Schwarzenburgicus, duo ex Ducibus Saxoniae, Hochstratanus, & Lumejus Comes à Marca, homo Catholico nomini infensissimus barbaro atque impio voto obstrictus ad eorum lanienam.

Cum his copiis & viginti campestribus tormentis Orangius opinione celerius transmissio Rheno ad Mosæ ripam haud procul Trajecto castra posuit, ingentique Belgium aut timore aut spe complevit. Albanus, numero licet minore multo instructus, dissimulato metu, augenti hostium vires, conspiracyem Principum, Daniae quoque & Angliæ auxilia, respondit cum Hispanica gravitate, quantumcunque sit illud foedus, non tamen magnopere esse extimescendum; eo quod contra illud Rex longè majus inierit; convenisse siquidem cum Hispaniarum Monarcha Reges Neapolis, Siciliae & Sardiniae, convenisse Insubriae Ducem, Burgundionum & Belgarum Principem: præter Peruvii, Mexici, & Philippinarum Reges.

Major illi à Belgis metus, quibus invisum se sciebant, ne cum Orangio arma conjungant. Movit nihilominus ad Trajectum transitu Mosæ hostem prohibitorus. At Orangius celeritate usus fluvium, vado invento, nocte trajecit, atque Albano pugnae copiam obtulit. Verum ille, expetentibus licet prælium Ducibus, providens animo, tanto hostium numero haud diu stipendia & alimenta suffectura, quàm minimo suorum periculo damnoque agendum ratus, suorum ardorem repressit. Quotidianæ tamen intercesserant velitationes. In una ex istis Vitellius castrorum Praefectus fugatus est, doluitque maximè, quod equa, quam perniciosissimam habebat, esset fauciata. Altera die congressus cum aliquot hostium turmis, 400. eorum interfecit, præter plaustra complura militari suppellectili instructa, 150. equis ad Albanum abactis, *en, inquit, quot equos una mihi equa peperit.* Cunctando.

Idem Vitellius, cum hostis Betam amnem transmitteret, residuas in citeriori ripa copias aggressus, justo ferme prælio vicit, caesis duobus eorum millibus, captisque non paucis Nobilibus. Sed Orangio maxime doluit jactura Antonii Lalini Hochstratani Comit. is, qui globo trajectus, paulò post catholicam fidem publicè professus, obiit. 150. Orangiani milites cum domo, in quam se constipaverant, igne injecto miserè exusti sunt. Ex Regiis 80. cecidere. Censebant Duces eo die debellari potuisse, si Albanus cum toto exercitu in hostem movisset.

Et licet ad Quercetum prælio plùs quàm velitari damnum ut-
cunque compensârit Orangius, Hispanis aliquot fugatis signis, mul-
tisque cæsis, & Hugonotorum etiam accessu auctus esset; quia ta-
men Albanus perpetuò illi ad latus incedebat, nec tamen ad pug-
nam decretoriam adigi poterat, annona deficiente, ac milite, ob
stipendia non persoluta, insurgente, statuit, Condæo bellum in Re-
gem reparanti se adjungere. Verùm à Cossæo Galliæ aditu prohi-
bitus, milite partim dimisso, partim in Germaniam reducto, Bel-
garum aliquos metu liberavit, alios spe destituit. Ita nempue Fa-
bius ille cunctando, modico suorum damno ferocientem fregit Han-
nibalem, licèt huic quoque Dictatori suus non deesset Magister
Equitum, qui cunctationem incusans prælium deposceret. (anno
1568.)

Missæ Gallis
suppetiæ.

Albanus hoste Belgio ejecto, duo millia equitum, tria peditum,
Ductore Ernesto Mansfeldio, in Galliam adversus Hugonotos mi-
sit, gratiam relaturus Regi Carolo, quòd Orangium pro hoste ha-
beret. Erântque suppetiæ istæ pars magna Montonturianæ victo-
riæ. Ipse verò Albanus Bruxellas triumphanti similis ingressus, à
Pio V. Pontifice galero & gladio, auro gemmisque distinctis dona-
tus est. Sed dum trophæum superbum ex ære conflatum sibi in
arce Anverpiensi erexit, Belgis indignationem, Hispanis risum
movit.

30.
Novum tri-
butum irri-
tat Belgas.

Sed nihil æquè odium ipsi, ac Hispano nomini universim cumu-
lavit ac novum tributum, ea lege Belgis impositum, ut rerum
mobiliùm, quoties venderentur, decima, immobiliùm vigesima,
omniùm verò centesima semel à Belgis penderetur. Sic enim ex-
hausto ærario & provinciarum securitati provideri posse. Ordines
eam ob causam Bruxellis coacti, quod ad decimam attinet, repu-
gnabant: interverti eo tributo commercia, præcipuum Belgii ali-
mentum. Pro eadem re sæpiùs decimam solvendam fore, pro la-
na, pro filo, pro textura, pro tinctura, pro pannis ac tapetibus
venditis; ideòque auctis in immensum rerum necessariarum pretiis,
absterrendos opifices, mercatores, emptorésque, aliò potiùs migra-
turos, cùmque extrema pernicië egestatem provinciis relicturos. Sed
nihil effectum apud armatum, victorémque militem meliorem, quàm
Gubernatorem. (anno 1569.)

Cùm igitur hinc excusationibus & libellis supplicibus, illinc
ediçtis & minis diu certatum esset, Albanus contumacioribus ali-
quot

quot civitatibus privilegia ademit, aliis præsidia imposuit, omnibus metum injecit. Quo factum, ut provinciarum pleræque centesimam consenserint. Utque promptiores faceret Belgas, recitato publicè in foro Antverpiæ maximo Regio diplomate præteritorum veniam & oblivionem promulgavit. Sed tot insertæ erant exceptiones, ut spes & expectationem populorum nullatenus impleret. (Anno 1570.)

Decimarum exactionem suspendit deinde nova calamitas. Nam intumescens Oceanus, atque aggeres aut demolitus, aut etiam aliquibi supergressus, inaudita eluvione contexit aliquot Selandiæ insulas, magnam littoralis Hollandiæ partem, totamque ferme Frisiam, strage non fortunarum solummodo lamentabili, sed hominum quoque vel in sola Frisia viginti millium, quos mare accessu recessuque juxta sævum hausit; non alia oculis oblata imagine, quam Noëtico diluvio naufragantis terrarum orbis. Suspecta igitur tantisper propter calamitatem istam decimalis tributi exactione, posteaque resumpta, nova edictum moderatione temperatum, molitumque Bruxellensibus promulgat Albanus, nihil ultra mutaturus. Sed illi conjunctis adeo studiis repugnarunt, ut clausis officinis insitiores, tabernarii, & opifices ab opere cessarent: quorum aliquot præ foribus tabernarum suspendi iussit. Jamque miles in armis, licet cum laqueo præstò erant; cum nuntius de Brila à Geusiis capta, tanquam Deus è machina, funestæ tragœdiæ nodum ac laqueum repente solvit. Nam percussus inopinata clade Albanus, omittit tandem odiosam quæstionem, duos ipsos annos non alio fructu agitatum, quam ut aucto Hispanorum odio, provinciarum defectionem traheret: prout modò narratum ibo.

Continuatio

Ejusdem Historia.

ORangius ambitiosæ atque hæresi infectæ mentis Princeps, jam tum, cum Philippus Rex, Belgio discessurus, Margaritam sororem Gubernatricem dixerat, spe Belgii Præfecturæ dejectus, imperium quoddam meditari visus est. Pacatis autem rebus id assequi non poterat. Concitavit proin fovitque, tractis in partem primoribus populisque, illas Hispani militis, Granvellani, Episcoporum, Inquisitionis, Concilii Tridentini turbas. Quibus tamen Regis indulgentia compositis, ultra progredi non est ausus, dissimulandi tacendique insignis artifex. Juramento dein fidelitatis à Margarita exacto,

auditóque Hispani militis adventu, haud dubiè non optimè sibi conscius in Germaniam secessit, occasionem expectaturus, qua consiliis suis eventum daret.

31.

Orangius
Geusios in
partes trahit.

Et invenit illam, Albano judicia in alienatam Nobilitatem exercente, ubi ipse in reorum numerum relatus, damnatusque, personam quam egerat, posuit, & communem, ut videri voluit, causam cum privata conjunxit, atque arma induit palam: provincias, ubi tanto exercitu armatum se ostenderet, ad se defecturas ratus. Verum, cum illæ quiescerent, victus Albani cunctatione, atque in Germaniam regressus, nihil optatius habuit, quam illam decimarum exactionem, haud ex vano sibi persuadens, licet paucorum Nobilium supplicia non tanti fuissent roboris, ut se civitates sibi conjungerent, tributorum tamen novitatem, tanquam causam omnibus communem plus roboris habituram: atque recenti hoc & communi odio ardesciente tempus adesse opportunum maturandæ rebellionis, fundandique, quem diu moliebatur, dominatum. Imminens igitur occasione, firmatusque occultis plurium civitatum consiliis, ad defectionem jam spectantium, lecto per otium milite, eas Belgio faces intulit, quæ deinceps nullo annorum spatio, nullis concidentium urbium ruinis opprimi, nullisque cruoris fluminibus extinguì possint.

Cœptum est à Batavico mari bellum, quasi jam tum vires suas præsenferint. Quum enim Orangius urbem aliquam munitam aut portum primò occupandum duceret, ex quo bellum circumferret, scirétque, Geusios, tam *Urbanos* (qui in urbibus degebant) quàm *Sylvestres*, atque *Aquatiles*, occasionem, qua deficerent, opperiri, cum his ultimis fortunam tentandam ratus, felici rem audacia confecit.

Horum Dux fuit Guilielmus Comes à *Marcha*, Lumæi dominus, juratus religionis hostis, odiúmque in Albanum professus, depictis decem in vexillo monetis, ad decimi nummi memoriam invidiamque militibus altiùs implantandam. Commilitones illius primí fuerunt *Lancelotus* Brederodii filius nothus, Guilielmus Treslongus &c. quibus mandaverat Orangius, prædatoriis navibus oram Hollandiæ ac Frisiæ infestam haberent. Illi Hispanorum odio & prædaram cupidine, quarum quintam partem Orangio pendebant, piraticam exercebant, donec vi tempestatis in Vornam Hollandiæ insulam appulsi, ac pro mercatoribus habiti, discrimine in audaciam verso, anno

1572. *Brilam* insulæ portum capiunt, eundemque, nulla in res sa- Brila capta:
cras & personas Ecclesiasticas crudelitate omiſſa, communire aggre-
diuntur.

Albanus re nuntiata, timore equidem percussus, sed eo dissimu-
lato, dixisse fertur: *nihil, nihil*: quasi diceret, id nihili esse ducen-
dum. Unde Batavi illum dein versiculum cecinere: *Crevit in im-
mensum, quod fuit ante nihil*. Accurrit equidem cum aliquot signis
comes Bossuvius Hollandiæ Præfectus, sed repulsus est strenuè, ali-
quot etiam ejus navibus incensis. Albani verò statuae ob Brilam
captam conspiciſſia ad ludibrium naso imposuerunt, ad Germanicam
vocem *Brillen* alludentes.

Ad captæ insulæ famam, mirum profectò, quanta per Belgium Mutata re.
subitò mutatio sit facta. Quippe civitatum complures foederatis rum facies
ultro favere, aliquæ etiam invitare, aliæ nec Albanum pati nec à
Rege deficere. Dordracum Hispanis portas occlusit, sparso rumore,
ad decimum nummum exigendum eos venire. Flisinga Hispanum Defectio.
præsidium vi ejecit, Alvaro Paceco Hispano Tribuno suspendio ne-
cato. Moxque, Amstelodamo excepto, omnis ferme Hollandia &
Selandia defecit, atque, Lumæio curante Orangio fidem juravit,
hæresi utrobique prædominante.

Tantæque mox hæreticorum multitudo spe prædæ ex Ecclesia-
rum bonis capiendæ confluit, ut quatuor intra menses in portu Flis- Initia Rei-
singano 150. navigiorum classis instructa staret, Hispanosque sæpius publica.
aggressa, superior plerumque evaderet; ut jam tum maritimæ per
Oceanum potentiæ prælusſisse videantur. Hæc etenim sunt cunabula
ex tenuibus initiis enatæ potentissimæ per orbem Reipublicæ. Mox
quippe eadem procella Zutphaniæ, Transiselaniæ, Frisiam, Gel-
driam, rapuit, urbibus partim vi à Comite Bergensi, Orangii affi-
ne captis, partim metu aut sponte deditis. Hæc nempe decimæ præ-
tio emptus est Orangio provinciarum Principatus.

Sed nihil Albanum æquè perculit, ac Montes Hannoniæ à Ludo-
vico Nassovio ope Gallorum capti, Colinio Carolum Regem urgente,
ut Nassoviis in Belgio succurrat. Simulavit id Rex, ut feras in cas-
ses agat & meditatam rebellium Hugonotorum cædem perficiat. Al- Urbes captæ.
banus Gallorum metu omiſſis maritimis provinciis, filium suum Fe-
dericum ad obsidendos Montes misit. Qui Hangeſtum, quem Coli-
nius ad solvendam obsidionem cum delecto milite submiserat, acie
profligavit, cæsis Gallorum mille ducentis, captis verò cum ipso
Duce

Duce sexcentis. Hispanorum triginta duntaxat desiderati scribuntur. Fugitivæ Gallorum reliquiæ à rusticis trucidatæ sunt.

Orangius, ut fratri Montibus obfesso, succurrat, 6000. equitum, 11000. peditum, transmissis Rheno & Mosa, Ruremundam expugnat. Teneramundam, Mechliniam, aliasque urbes aut deditio-
ne occupat, aut pecunia multat. Et profectò miserum, si unquam, ea tempestate Belgium fuit, quatuor hostilibus exercitibus, terra ma-
rìque pressum. Quum provinciarum maritima Lumeius, Gallis fini-
tima Nassovius, Germanis contermina Bergensis, media Orang'is ve-
xaret, urbes direptas cædibus complerent, nullius ætati pudorìque
parcerent, in sacra præsertim ac sacerdotes furerent, eosque quæ-
sitis ad ignominiam suppliciis barbarè trucidarent; Lumæio præser-
tim Geusiorum immanissimo sacerdotum carnificinam ubique instru-
ente, Belgisque se in plures ac truculentiores dominos incidisse la-
mentantibus.

Sed Orangius spreto interim civitatum odio, Brabantiam direp-
tionibus emensus, in Hannoniam properavit, obsessam urbem ilibe-
raturus; sed Albani castra ita munita invenit, ut ea perfringere nul-
latenus posset. Audita subin Parisiensi Hugonotorum cæde, animo
consternatus Delphos in Hollandiam, frater Ludovicus urbe dedita
Dillenburgum in Germaniam recessit. Albanus verò Montibus re-
ceptis, quidquid Orangius in Brabantia & Flandria occupaverat, re-
cuperat, majori celeritate quàm clementia: oppidorum aliis pecu-
nia multatis, aliis licentiæ militum permissis; quorum furorem Mech-
linia elegans & opima civitas tridui populatione pertulit: eo solo relicto
solatio, ut prædam, vili pretio à mercatoribus Antverpiensibus emp-
tam, à sacerdote Societatis Jesu ad id persuasis, eodam posset redi-
mere: viginti millibus recuperata suppellectili, quæ centum millibus
constaret. Cum autem hæc direptio magnum Albano constaret odi-
um, is causam contulit in Mechliniensem perfidiam, qua paulò an-
tè Regium præsidium recusârint, ut necessitatem se Orangio dedendi
possent obtendere.

Interea Federicus, patre adhuc severior, Zutphaniam captam
direptioni militum pariter permisit; tantumque reliquis circum pro-
vinciis terrorem incussit, ut, Bergensi fuga dilapso, mensis unius spa-
tio omnibus oppidis sit potitus. At verò crudele Nardemi excidium
adeò Hollandos irritavit, ut extrema maluerint pati, quàm in Al-
bani iussa concedere. Certè Harlemum, rejecta venia ab Federico
oblata, religione veteri palàm exuta, direptis templis, sacrisque omni-

omnibus contaminatis, octo mensium obsidionem pertulit, ea pertinacia, ut Federicus deditioe desperata recessisset, n si pater significasset, si locum defereret, se, lecto licet decumbentem, in castra venturum, aut certe accersiturum ab Hispania ipsius matrem, quæ filii partes impleret.

Quamvis autem eo convitio accensus juvenis omnes adberet machinas, oppidani tamen tanta pertinacia se obfirmabant, ut novis in dies contumeliis Hispanos irritarent. Cum enim isti caput in urbem projecissent cum elogio: *Caput Philippi Coninx, qui liberanda Harlema cum bis mille auxiliariis venit.* Iterumque aliud cum titulo: *Caput Antonii Pictoris, qui Montensem urbem Gallis prodidit:* illi captivis undecim Hispanis obruncatis, eorum capita dolio inclusa noctu in castra devolvunt, cum inscriptione: *Albano Harlempjeses, ne ob decimum nummum, adhuc non solutum, bellum persequatur, decem capita persolunt, ac pro usura dilata solutionis undecimum superaddunt.* Accesserunt impialudibria, dum sacris operantium vestibus induti aras, in mœnibus erectas, supplicantium more circumeunt, hymnos in despectum concinentes. Mox stramineas sacerdotum, monialium, & Hispanorum icones flagris cædunt, confodiunt, amputatisque capitibus in castra projiciunt.

Sed non impunè sacrilegis ludionibus illa fuerunt. Nam ex eo res eorum in pejus ruebant, donec fame consumpti, dedita tandem urbe arbitrio victoris, sensere ultorem Deum, variis suppliciis à Federeco necati, ut vindicaret quatuor Hispanorum millia, in ea obsidione amissa. Harlamenses in usum revocaverant columbarum ministerium, litteras ad Orangium deferentium. Foemina non minùs ac viri pugnabant. Eodem tempore Sancerra in Gallia expugnata, obsidione & pertinaria in omnibus persimili

Fatalis etiam hæc obsidio fuit primis sociis, qui Brilam ceperant; nam Lancelotus Brederodius interemptus est, Guilielmus à Marca, Lumai dominus, catholicorum tortor, in exilium actus ab ipso Orangio, quod culpam Harlemensis obsidionis non solutæ in ordines conjiceret, stipendia malignè suppeditantes, atque propterea arma illis minitaretur. Compertus etiam aliquid contra Orangium moliri, libertatis auctorem licentiùs se efferens. Post quatuor annos adversus Joannem Austriacum arma resumens, victus Gemblacensi pugna, Leodium fugit, ibique interiit, rabidi canis morsu, immanis sacerdotum carnifex.

Compensarunt utcunque jacturam foederati navali pralio, quo captus est Bossuvius, Hollandiæ, Selandiæ, & maritimæ Belgarum

oræ præfectus, prætoriam ejus navim à reliquis disjuncta post diuturnum certamen superata. Sed Hispani vices reddiderunt in Hollandia Australi; ubi expugnatis aliquot oppidis ad Hagam Comitum ceperunt *Marnixium Aldegundium*, primariæ apud fœderatos existimationis virum, Ducemque præclarum. (anno 1573)

33. Venerat interea in Belgium à Præfectura Infubriæ Requesenius, novus Belgii Gubernator, à Rege, severitatem Albani, atque ortas ab ea defectiones fortassis improbante, eidem substitutus. Albanus igitur cum filio, tradita Requesenio gubernatione & exercitu in Hispaniam rediit, Belgium totum turbatum relinquens, quod à Margaritha Parmensi pacatum invenerat. De ejus abitu varius apud Belgas sensus: afferentibus quibusdam (quod de Augusto dictum fertur, aut nasci eum non debuisse, aut non mori) aut advenire non debuisse Albanum in Belgium, aut eo tempore non advocari, quo nulla amplius lenitate Orangii & ordinum Hollandicorum cœpta emolliiri poterant: nec ab alio melius curari vulnera, quàm qui illa intulit; dato documento, dum Orangium bis vicit, bis à provinciis vel cunctando depulit.

Discessus Albani,

Elogium.]

Exceptus quidem in Hispania à Rege perhumaniter Albanus, sed postea Uzedom ab aula relegatus, eam tempestatem mira animi æqualitate excepit, major visus dum jaceret, quàm dum fortuna favente staret. Crediderim ego, nunquam excidisse eum Regis animo, viri merita æstimantis, sed datum aliquid Belgis, ut punitus videatur. Nam postea Henrico, Lusitanorum Rege mortuo, ad Regnum illud armis capeffendum Albanum elegit, mirantibus pluribus, quòd homini, ob sex annorum exilium irritato eam provinciam, quam summi momenti ducebat, demandâset. Imò Albanus ipse dicebat, non sine fastu, admirari se, quòd ad Regnum subigendum opus Regi fuerit catenato Duce.

Et implevit spes Regis. Quippe bellum summa fide administravit, Lusitania eidem parta. Sed brevè post (anno 1582.) Ulissipone, alloquio Regis sæpius recreatus, febris obiit, à Ludovico Granatensi, Illustrissimi Prædicatorum ordinis viro toto orbe celeberrimo, piè morientium sacramentis ritè munitus (anno ætatis 74.) Vir planè magnus, qui eam, quam à majoribus suis acceperat, militarem gloriam magnis incrementis auxit. Certè Ducum nullus ea tempestate tamdiu tamque variis in locis arma tractavit. Quippe Cæsaris Caroli ejusque filii auspiciis, in Germania, Hungaria, Africa, Italia, Belgio, Lusitania, maximis expeditionibus præfuit, victus nunquam, ubi præsens adfuit; cunctatione plerumque assuetus vincere. Nec minor

ei splendor generis, quippe cujus avus Federicus Ferdinandi catholici consobrinus fuerat: qui & Granatense bellum feliciter confecit, & Navarra Regnum Hispaniæ Regique suoadjecit.

ARTICULUS VII.

Status Belgii sub Præfectura Requesenii
ab anno 1574. ad 1576.

Ludovicus Requesenius, magnus Equitum S.ⁱ Jacobi in Castellæ Provinciâ commendator, à Mediolanensi ad Belgicam Præfecturam à Rege translatus, quum civili juxta ac militari prudentia esset instructus, mira insuper ingenii facilitate, emendatis Albani vitiis, reducturus Belgium ad pacem sperabatur. Nam & militum licentiam coercuit, &, quo magnam apud gentem gratiam iniit, geminam Albani statum sustulit.

Sed Orangium, maritimis provinciis incubantem, ambitionis vela altius jam provexerant, quam ut asperitate aut clementia ad obsequium reduci posset. Quin inspectante in littore Requesenio, navali prælio victor, *Middelburgum* Selandiæ caput, expugnavit. Verum Hispani duce Sanctio Avila vices reddiderunt campestri pugna, cum Ludovico Nassovio ad Mochemum pagum conferta. Adduxerat is è Germania septem millia peditum, quatuor equitum. Hunc exercitum aggressus Avila, totum ferme delevit: cæso etiam ipso ductore Ludovico Nassovio, homine feroci & ex præcipiti impetu bellare solito, ejusque fratre Henrico. Cum quibus cecidit Christophorus Palatini Septemviri filius. Signis, tormentis, castris, omnique præda, paucis desideratis ex suis, victores abundè sunt potiti: præcipuum victoriæ decus singulis nationibus, Hispanis, Italis, & Belgis sibi attribuentibus.

34.
Middelburgum amis-
sum.

Victoria Hispanorum.

Tam prospera victoriæ fructum atrox Hispanorum militum seditio planè perdidit. Stipendia pluribus diu non fuerant persoluta. Hæc implacabiles exposcebant. Cumque tunc solvi non possent, spreto Ducum imperio, quin arma in eos obvertentes, Ducem ex suis creant (quem *Electum* dixerunt) atque partiti inter se belli munia instructo agmine Antverpiam petunt. Requesenius mittit obviam, qui solutionem promitterent. Sed his spretis, P. Trigoso Hispano S. J. placare eos conanti respondit: *numeraret prius pecuniam; mox concioni attentos habiturum. Satis jam datum verborum. Ducum arbitrio eundem adversus ignea tormentorum ora, in vulnera & mortes: fossas, si desint*

Seditio militaris.

virgultorum fascēs, suorū aggestu corporū exaequandas. An licere Duci militum animas in horas exposcere, non licere autem militibus a Duce alimenta vitæ exposcere? Ita fremētes Antverpiam ad tria millia ingressi sunt; atque ante curiam collecti juramento spondent, Electo se obtemperaturos, nec quieturos, donec stipendia ad assem usque numerarentur, Requesenio verò denuntiant, nisi ab eo illico solvantur, se sibi arbitrato suo soluturos. Conquisita tandem pecunia placati, liberales se in pauperes, Religiosos, & cives exhibuerunt.

Lugduni ob-
sidio irrita.

Nec tamen fidendum ratus Gubernator, venia data, omnes ad obsidionem Lugduni, ab Albano superiore anno inchoatam, misit, Ductore Valdesio; qui expugnatis hostium munitionibus, & intercluso commeatu, extremam prope necessitatem urbi indixit. At præsidarii deditionem poscenti ferociter respondent: *Alimenta sibi non defutura, donec laevum brachium restaret: hoc esuros, dextero ad tuendam libertatem reservato.* Valdesius festinatis per iram accessibus eò devenerat, ut impetu haud dubiè capi urbs potuisset, nisi in gratiam Hagensis sceminæ amasiæ suæ rem distulisset, damno nunquam reparando. Nam finitimi populi, ubi Lugdunum propedem dedendum intellexerunt, perfossis fluminum marisque aggeribus, aquarum eluvione vicinos circum campos sepeliunt, & undique armatis navibus advecti cibaria urbi inferunt. Cùmque campestre hoc pelagus magis semper magisque intumesceret, Hispani subtracturi se hostili elemento, obsidionem quarto mense protractam deferere coacti sunt, culpa Valdesii Ductoris, amore sceminæ aggressionem differentis. Nec fuga ipsa sine clade fuit: insequente eos in navigiis hoste harpagonibus, uncisque armato, quibus fugientes sauciabat, & in naves suas trahebat. Ubi Ciaconii subcenturionis facinus memoria dignum est. Is uncis in navem pertractus, arrepta securi tres Geusios mactat, reliquisque in aqua desilientibus, navigium frumento onustum ad socios, quaecunque victis solatium, deducit.

Altera seditione.

Auxerunt calamitatem Hispani milites altera seditione. Quippe spe Lugdunensis prædæ frustrati, stipendiorum loco destinata, Valdesium, ceu dilatae oppugnationis reum capiunt, & substituto in ejus locum *Electo*, constrictum Ultrajectum deducunt, aggressique Regiam urbem non antè sedari poterant, quàm à Requesenio repræsentarentur stipendia. Sed amissum iterata seditione & Lugdunensi fuga decus repararunt, expugnatis pluribus in Hollandiæ & Geldriæ finibus oppidis & castellis. Auxitque animos Hannibal Comes Altempstus, Pii IV. ex socore nepos, factis sub Carolo & Ferdinando Cæsaribus, atque Philippo Rege

Rege stipendiis in Germania, Italia, Belgio, & Africa, Dux veteranus: qui legionem quatuor millium ex Germania adduxit.

Requesenius his auxiliis recreatus, in Selandiam, quam hostibus à continenti magnam partem exclusis, animadverterat esse per-
tugio, expeditionem decrevit, terrestri militia Sanctio Avilæ, mari-
tima Mandragon'o, universa verò præfectura Vitellio commissa. Re-
bus itaque impigrè curatis, milites Antverpia solventes secundo
Scaldi, Bergas ad Zomam, inde in Tolam insulam, ex hac in Du-
vellaniam hostili præsidio validam, mare vadosum pedibus tranando
pervenerunt, multis aqua haustis, multis hostium armis. Oforius
Ulloa cum sua cohorte, ubi terram attigit, videns necessitatem vin-
cedi aut pereundi, superato aggere, pugnâque conferta, victor in-
sula potitur: ac deinde etiam Scaldia, expugnata Zirizæa, insulæ
capite. (anno 1575.)

35.
Expediit
Selandica.

Obiit in ea obsidione Chiapinius Vitellius, Italus, militari do-
mo natus; quem bellis adversum Turcam jam exercitum Ducem stre-
nuum, Albanus ceu castrorum præfectum in Belgium secum abdu-
xit, magnasque sæpè res per illum gessit. Is, licet obesitate cor-
poris esset prætumidus, singulari tamen agilitate valebat. Cum au-
tem crescente abdomine adeò, ut fascia è collo suspensa sustinen-
dus venter esset, immodicè projectus, videret, se tardiorē reddi
ad belli munia, ad quæ omnia referebat, vinò sibi interdicto, ace-
tum bibere ad finem usque vitæ perseveravit, effecitque, ut de-
tumescente gravi saburra, laxatâque pelle, qua ceu thorace se in-
volvebat, octoginta septem librarum pondo decrevisse compertus
fuerit. Sed quantum militiæ Italicæ gloriam auxit, tantum pudici-
tiæ famam imminuit.

Vitellii
mors & clo-
gium.

At majorem Vitellio Belgium mox virum luxit, ipsum videli-
cet Gubernatorem Ludovicum Requesenium; in quo paterna Zunicæ
domus, & materna Requesenæ (unde dominatus & nomen) de-
cora collecta sunt. Is in maritimo adversus Ottomanum bello mo-
derator Joanni Austriaco à Philippo datus, Maurico dein bello ap-
plicitus, cum belli pacisque artibus præstaret, primùm Insubriæ,
mox Belgii Præfecturam iniit. Nec infeliciter eam provinciam gessit,
si ejus gesta, ad ea, quæ præibant in Belgio, & quæ subsequuta sunt,
referre placeat. Nam sapius victor, pluribus locis ab hoste recu-
peratis, contratiores multò debilioresque, quàm invenerat, ho-
stium vires reliquit; majora acturus, nisi milites, importuniùs
quàm iniquiùs stipendia deposcentes, intra biennium ter aut quater

Mors Re-
quesenii.

seditione renovata, victorias ipsi suas corrupissent, & Gubernatoris sui fatum accelerassent. (1574.)

Duo tamen ei vitio data; & quòd ad motus seditioforum militum compescendos Belgarum populis arma concefferit, ægrè in posterum adimenda: & quòd, dum Mediolani Gubernator esset, durius & iniquius, quàm decebat, & oportebat, sanctum Carolum Borromæum habuerit. Cæterum, antequam decederet, Barlamontium nominavit Belgii Gubernatorem, Mansfeldium verò armorum Præfectum, sed quia, antequam tabulæ signarentur, obiit, nulla eorum est ratio habita: mansitque pro gentis more penes primum senatum Belgicæ administrationis procuratio, quoad Regi videretur.

36.
Senatus ar-
ripit regi-
men.

Neque Rex abs re putavit fore, si dilata paulum missione novi Gubernatoris, Belgis interea Belgium gubernandum relinqueret, ea ductus ratione, Belgarum Proceres traditam sibi Rempublicam curaturos attentius, quàmque toties exquisierant à Rege, medicinam per se ipsos adhibituros: præsertim, quòd senatorum præcipuos, Arschotum, Mansfeldium, Barlamontium, Viglium, Religioni sibi-que addictos non ignoraret. Sed eam gubernationem plurimum obfuisse & Regi & Belgio, secuta inde provinciarum perniciēs luculentè ostendit.

Seditio mi-
litum.

Nam Orangii occultis artibus inter senatores orta dissensione, alii Hispanienses, Patriotæ alii dicebantur, plausibili patriæ libertatis titulo prævalente. Præsertim verò Brabantix & Artesiæ deputati ab Orangianis corrupti in abdicationem externi militis vehementer laborabant, ut iis dimissis, prout sub Margaritha factum, Belgium pro libidine miscere possent. Hispani milites, qui in Scaldia & Duvelandia ad præsidium relictī fuerant, his auditis, in quartam jam seditionem versi, relictis paucis duntaxat Zirizeæ Wallonibus, utramque insulam, tanto labore ac sanguine nuper occupatam, deserunt, & in Brabantiam effusi stipendia ferociter possulant.

Et annuebant plerique senatorum, ut solutis stipendiis quieti consulatur. At ubi Brabantix & Artesiæ deputati, dudum ab Orangio empti, intercesserunt, inopiam ærarii questī, Hispani Alostum intercipiunt (suspensio extra portas Regio Ministro) eam urbem pignoris loco retenturi, donec integra stipendia repræsententur. Quo nuntio audito Bruxellenses in furorem rapti Hispanos tota urbe ad necem conquirunt. Senatus verò decreto Hispani milites, qui

Alo-

Alostum invaserant, rebelles, hostésque patriæ ac Regis renunciuntur, Alostum capiunt.
& Bruxellensi populo ad urbis tutelam arma permittuntur. Quo exemplo complures Brabantix & Flandriæ civitates, quod eadem se timere dicerent à Wallonibus & Germanis præfidiatis suis, arma induerunt, pari senatus consensu & delegatorum instinctu.

Nihil optatius Orangio, in angustias jam redacto, accidere poterat iis provinciarum militumque turbis; quas ut nutriret, atque in apertum belli incendium inflammaret, crebris ab Hollandia litteris provincias ad libertatem vocat, dominatum sibi asserturus. Neque frustra adhibitæ machinæ. Nam Nobiles complures ac senatores in fœdus pertraxit, abalienato etiam ab Hispanis Areschoto senatus principe. Bruxellenses ad arma conclamant. Creatur novus Bruxellarum Gubernator Guil. Hornanus, Hispano nomini apprimè infensus. Hujus mandato Mansfeldius, Barlamontius, Viglius, Assonvillus, Delrius, alique senatores, qui Hispanicarum partium habebantur, ex curia in custodiam violentè abducuntur. Senatus consultum de Hispanis toto Belgio pellendis conditur. Imperata toti Belgio arma. Implorata Galliæ, Angliæ, Cliviæ auxilia, ac præsertim Orangii. Qui illico milites misit, ad expugnandam Gandavensem arcem, quam Hispani obtinebant, Neoportu inaritima Flandriæ urbe eidem in pignus data. Turbæ.

Rebus ita præparatis Procuratores Provinciarum, penes quos, contempto senatu, rerum summa erat, totius Belgii Comitia Gandavi cogunt, fœdusque generale *Gandavense* dictum, percutiunt, 25. capitibus comprehensum. Præcipuum ex iis erat: *ut milites Hispani externique omnes, conjunctis perpetua pace ac fœdere Hollandis Selandisque cum cæteris provinciis, quamprimum Belgio ejicerentur.* (anno 1576.)

His mira omnium conspiratione decretis, ventum ad arma. Glimæus ordinum Ductor acie victus ab Hispanis. Hi Trajecto ad Mosam ejecti, urbem recuperant, loci mulieribus captis, & ante se objectis ingredienti. Passa tum quidem ea urbs militarem prædandi licentiam: sed multò magis *Antverpia*. In hanc fœderati ordines ultra 20000. armatorum injiciunt. Verùm Hispani ad 6000. Antverpia direpta.
ab Avila in arcem recepti, inde in urbem tanto impetu procurrunt, ut victores ea sint potiti. Secuta est barbara sanè ditissimi Europæ emporii populatio. Nam quidquid ira & avaricia in summa armorum licentia suggerunt, per cædes ac rapinas patratum, in mercatores maximè prædivites, gemmarios, & opulentos cives. Triduo furiosa illa direptio tenuit, coactis miseris hominibus merces suas, nomi-

nomina, supellectilem, & domos ipsas præsentī pecunia redimere; ut adeo pauperes milites ingressi urbem divitem, pauperem divites reliquerint. Conflagravit præter multas alias ædes curia, præda inter victores & ignes divisa. Ex Hispanis pauci, ex fœderatis militibus 6000. cecidisse memorantur. Captus Egmontius Lámoralii filius, cui, velut futuro cædis paternæ vindici, majorem exercitus partem ordines tradiderant. (anno 1576.)

Ordines provinciarum Gandavi congregati, cùm tristem hanc populationem intellexerunt, in ultionem ardentes, festinè fœdus ab-solvunt, hoc uno lati, quod coacti fecisse viderentur, quod facturi erant: missoque ad Regem, qui exposita Hispanorum militum seditione atque immanitate, fœdus excusarent: quod cùm sacri profanique ordines unicum pacandi Belgii superesse remedium unanimi consensu censuerint, non dubitare se, id Majestati suæ pro temporum ratione probatum iri.

Hispanorum
excusatio.

Nec minùs de Regis animo solliciti Hispani Duces, ad eum alegant, qui callida Belgarum consilia, vim Regiis Gubernatoribus in senatu illatam, usurpatam à provinciarum procuratoribus administrationem, convocatos contra Regis præceptum ordines, imminentem totius Belgii defectionem ob oculos ponant. Peccasse quidem Hispanorum cohortes, stipendiorum loco Alosto intercepto; eam tamen occasionem induendi in Hispanos arma à nonnullis Belgarum primoribus nimis avidè arreptam, & solutis Germanicæ legioni, non autem Hispanis, stipendiis, astu quæstam. Se tamen non repugnasse, eos hostes judicari. At ubi auderint, ictum in Hispanos omnes furiale fœdus evocata in Belgium Gallia Angliæque arma; vim illatam senatoribus, Regi fidis; arma in Hispanos provincialibus imperata, Regis auctoritate abjecta cogi comitia ordinum, totumque Belgium; societate inita cum Orangio Regis, Religio-nis, ac patriæ hoste, sursum deorsum verti; tum enim verò partes suas existimasse, conjunctis viribus conniti, ne fœderati, ejecta Regis militiâ, imperium Principis prorsus excuterent.

Populationem Antverpiæ accidisse quidem lucuosam, sed meritam, admissis in eam contra juramenti religionem fœderatorum militibus, & arce ab iisdem jam oppugnari cœpta, quam pauci præ-sidiarii non potuissent tueri, nisi commilitonibus aliunde advocatis; imò injecta divinitus mente simul accurrentibus. Victoria autem parta, ac urbe capta, contineri non potuisse militem, victoria, ira, & prædæ cupiditate ferocem. Neque direptionem illam tantummodo fuisse Hispanorum facinus, sed Belgas quoque, Italos & Germanos, in partem venisse, quin ipsos etiam victos in prædam fuisse converfos.

ARTI-

ARTICULUS VIII.

Status Belgii sub Joanne Austriaco ab anno 1577.
usque 1578.

JOannes Austriacus Caroli V. filius per Galliam in Belgium venit eo die, quo direpta est Antverpia, tempore sanè minùs opportuno. Luxemburgi amica in urbe, incognitus antè, personam ^{37.} De admittendo consultant ordines. posuit, ac Gubernatorem, à Rege missum aperuit: datisque ad Senatum Bruxellensem, & Hispanorum Tribunos litteris, illos de adventu suo certiores facit, his pro imperio mandat, ut armis interm abstinent. Et hi quidem paruerunt: senatores autem delegatique ordinum de admittendo novo Gubernatore dubitârunt: præsertim Orangio, Delphico eorum oraculo, necdum consulto. Cujus audita sententia, Austriacum ne admitterent, néve redemptam sanguine libertatem novo rursus Domino venderent; aut certè Gubernatorem non antè susciperent, quàm ejectis Hispanis, in Gandavensem pacificationem juraret.

Senatores posteriorem hanc partem elegerunt. At Austriacus animi dubius ab Octavio Gonzaga, itineris Comite, primùm in eam partem inclinabatur, ut Hispanos milites non dimittat. Nam si Orangius (inquebat) in consilium adhiberetur, quid aliud suaserum, quàm ut Gubernator exarmatus fido præsidio hominum turbulentorum insidiis pateat, accepturus imperium nunc quidem precarium, sed ad quamvis motæ multitudinis auram omnino nullum. Si conditiones superbè præscribant armato, quid facturos inermi?

At Escovedius, alter viæ socius, suavit, ut Hispanos dimittat, & pacem Gandavensem amplectatur, in hanc sententiam; non passuros Belgas in hac temporum acerbitate quemquam gubernationem capessere, nisi emissio exrero milite, & Gandavensi conventionione, ab utroque ordine, sacro & profano, sacramento firmata, priùs acceptata. Desperandam in Belgium viam, nisi per hanc semitam. Nihil effectum hætenus cum hac gente armis. Albanum, tot victoriis tantâque severitate tremendum, amissis maritimis provinciis, Belgium, quod integrum accepisset, scissum reliquisse: & tamen cum Albano, ejusque successore (cujus non felicior eventus fuerit) plerasque tunc provincias arma gestasse: nunc magnam circum se Belgarum esse solitudinem, nec plures, quàm duas provincias, secum facere: reliquas, si vis intentetur, consociatis sacramento animis, condixisse bellum.

Atque hoc ipsum esse, quod Orangius quærat, ut multas & potentes provincias armorum socias habeat. Eludendam machinatoris astutiam. Primores ipsos festinatos in obsequium Gubernatoris, orti in Germania, Principe Belga nati, facilitate amabilis, & rerum gestarum fama incliti. Cedendum igitur tempori, & votis Belgarum tantisper indulgendum. Quod si fortè emissis Hispanis instinctu Orangii Belgas subeat clementiæ oblivio, per fidas provincias, & auxilia ex Burgundia & Germania advocata, succurri posse.

Fœdus Gandavense acceptat,

Austriacus, quanquam ægerrimè ferret Hispanorum se nudari militia, mitiorem nihilominus hanc amplexus sententiam, respondit ordinibus, se conventioni Gandavensi subscripturum, eò maxime, quòd illa nihil videatur habere, quod cum religione aut Regis auctoritate pugnet; inserta hac clausula: *Nos ordinum legati promittimus, hoc fœdus perpetuò retenturos, ad sacrosanctæ nostræ fidei, & Apostolicæ Romanæ Religionis conservationem, ad Gandavensis hujusce pacificationis perfectionem, ad Hispanorum eisque inhererentium ejectionem: obedientia Regiæ Majestati debita interim semper salva.* Rex ipse missam ad se hanc conventionem ubi probavit, subscripsit Austriacus, atque Gubernator Belgii Lovanii publicè est promulgatus.

Sed negotium ei non leve fuit cum milite Hispano; cui grave & Regi (ut eventus docuit) perniciosum videbatur, tot arces, urbiumque præsidia, quæ magnis ipsi diuturnisque præliis obtinuerant, Belgarum arbitrio repente permittere. Adhæc multi ex illis uxoribus impliciti liberis aucti, agris ditati, veluti patriam deferere sibi videbantur; amarè questi: sic ora cicatricibus intercisâ, trunca membrorum corpora, fractos ac fatiscentes artus pro quiete & fomento, tanto gentis dedecore compensari? Quasi miles Hispanus nuspiam tolerari queat. Ejici se à confœderatis tanquam perduelles, Regis ac Belgii hostes, cum indelebili nominis Hispani probro. Sed experturum Austria cum ipsumque Regem, quàm carò eis statura sit hæc missio fidi militis. Tradendas nunc tot arces munitasque urbes, tot belli laboribus ac sumptibus partas, in manus instabiles fluctuantium ordinum: Gubernatorem Regis fratrem nudum & inermem objici toties tumultuantium arbitrio. Seram subituram pœnitentiam inconsultè dimissi præsidii, quo uno Belgium Regi staret.

Hispanos dimittit.

Sed deliniti tandem à Ducibus exhibitis Regis litteris, cujus, ob frequentes seditiones exacerbati, gratiam promereri possint hoc parandi obsequio; ampliora, quam in Belgio relinquerent, ab eodem recepturi. Traditis igitur in manus ordinum muritionibus, communitatis captivis, acceptisque stipendiis, quæ Gubernator ex propriis supplevit,

plevit, Hispani, Itali, Burgundi, ductore Ernesto Mansfeldio, Belgio exceſſerunt (30000. capita cum mulieribus, liberis, & jumentis numerabantur) quàm tristi migrantibus, tam jucundo Belgis ſpectaculo. Per Lotharingiam, Burgundiam, & Sabaudiam in Italiam ingreſſi per Liguriæ montes ſunt diſtributi; ubi rerum inopia, & animi mœrore non pauci obierunt. (anno 1577.)

Exteris emiſſis Austriacus, medius inter Legatum Pontificis, & Ingreſſus. Leodienſem Antiftitem, inſtructo ſanè magnifico apparatu, & comitatu omnium ordinum, inter applauſus populorum Bruxellas ingreſſus eſt, incredibili in omnes comitate atque clementia Præſecturam auſpicatus. Sed brevi ludicra hæc verſa eſt ſcena. Doluitque, ſe præcarium Gubernatorem, ſpe deluſum, proditum, inermem inimicis tradiſtum.

Mali origo rurfus à Geuſiis, & præſertim ab Orangio eorum duce. Etenim is, ubi, miſſis ab Austriaco & ſenatu legatis, exigi à ſe vidit, ut ediſto Grandavenſi ipſe quoque, Hollândique & Selandi ſubſcriberent, reſpondit, religione impediri fœderatas ſecum provincias, ne de fide Romana retinenda cum aliis conſentirent. Urgente Arſchoto, ut commune provinciarum fœdus ratum velit, nudato capite ſubridens, *vides, inquit, hoc calvitium? ſcito, me non magis capite, quàm corde calvum eſſe.* Tum verò ad vulpinas ſuas artes reverſus, ſenatores, Delegatos provinciarum, veteresque amicos ſuos litteris ſollicitat, exprobratque, quòd Austriaco recepto, umbratili humanitatis ſpecie circumventi, libertate, quam in manibus jam habuiſſent, dimiſſa compedes ſibi injici ſint paſſi. An non adverterent, quò ſpectent ea blanditiarum officia, popularitas illa, illæ largitiones? an volupe adeò aureis catenis vinciri? an neſcirent, Hiſpanos, quos abiſſe tantopere geſtirent, partim in Luxemburgenſi provincia deliteſcere, partim in Burgundia ſubſiſſe, partim adverſus Hugonotos militare in Gallia, in iisque locis exſpectare nutum Austriaci in Belgium revolandi? interceptas eſſe ejusdem & Eſcovedi ad Regem litteras, in quibus querelæ adverſus ordines, belli gerendi neceſſitas, & pecuniæ ad eam rem poſtulatío contineatur.

Quibus ſanè hæreticorum artibus ingens mox in Belgio facta eſt Verſa mox animorum mutatio. Magna circa Gubernatorem ſolitudo. Quidquid ſcena. ageret, in malignam partem interpretari, beneficia pro aucupiis habere, clàm primùm, dein palàm obloqui, jacere convitia. Parùm fidentum juramento Austriaci, quo ediſtum perpetuum acceptaſſet. In Hiſpania illum ante juráſſe, nihil ſe in Belgio contra Regis commoda conſenſurum, reſponſurúmque pro re nata, poſterius ſacramentum

priori cedere. Non deesse, etiam inter Principes, iudificationis ejusmodi exempla.

Austriacus
Namurcum
fugit.

Quæ ubi ex animi sententia fluere vidit Orangius, negotium dedisse vertur Marnixio Aldegundio & Hornano, ut Austriacum seu vi seu dolo captum in Selandiam deportent, utpote armorum præsidio & populi benevolentia destitutum. Gubernator his insidiis per plura indicia ad se perlatis, ubi vidit auctoritatem suam quotidie imminui, odium augeri, conspirationes gliscere, atque adeo libertatem suam vitamque non amplius securam esse Bruxellis, clam inde fugiens Namurcum abiit, arcemque occupat, primum illum gubernationis suæ diem sibi gratulatus, prius enim vacuum titulum gessisse. Ociusque suscepti consilii causas per epistolam procuratoribus ordinum significavit, questus de illatis in se suosque contumeliis, insidiisque sibi structis, quas duarum litterarum testimonio confirmavit.

Illi, ut inanes metus ac suspiciones ponat, precantur, ac Bruxellas reverso pollicentur, se in reos insidiarum, si qui sint, diligenter inquisituros. Negat ille, se rediturum, donec Hornanus, multa adversum se impiè ingratèque molitus, arma cum Bruxellensi populo non deponeret, & Aldegundius, ad se circumveniendum missus ab Orangio, Bruxellis esset. Donec ipsi ordinum Delegati, renunciata Orangio, cum quo colludere videantur, amicitia, illum non cogerent edicto perpetuo stare. Incassum hæc omnia. Libellis minacibus ultro citroque certatum. Cum ordines Deum hominésque testarentur, concordiam à se optari: ab Austriaco belli causas ficto insidiarum metu quæri: ille contra fati se demonstrasse diceret, quo animo esset erga pacem, qui dimissis Hispanis ac reliqua militia, omnem sibi bellandi viam præclusisset: utrique à se belli, si quod sequeretur, amoliri causas & invidiam conabantur. Nec quidquam ad conciliandos animos valuit Nuntii Apostolici, Episcopi Leodiensis, & Ducis Juliacenensis labor, scilicet obseptis jam pridem multorum animis hæresi, refractario ac pertinaci semper malo.

32.
Orangius
conservator
Brabantiae
dictus.

Hac impellente ordines Orangium Bruxellas evocatum, *Ruwartem*, seu conservatorem Brabantiae renuntiant. Quod ubi Rex nuntiavit, Delegatos ordinum litteris monet, arma deponant, Orangium rejiciant, Edicto perpetuo obtemperent. Cum autem, cuncta moderante Orangio, non nisi querelæ ac minæ redderentur, recrudit bellum, nullo deinceps sanguine restinguendum.

Et mirum sanè visum, Austriacum non omnia prius, quàm bellum, pacis remedia tentasse, ac Belgis indulgisse eo tempore, quo ipse inermis

mis ex septemdecim provinciis duas duntaxat, Luxemburgensem & Namurcensem, obsequentes habebat. Sed ubi ille animadvertit, irritam esse indulgentiam ac beneficentiam, Magistratum auctoritatem in immensum excrecere, suam inani titulo definiri, imò injuriis, atque insidiis perditorum hominum caput suum quotidie patere, Princeps insolens contumeliæ, magnisque assuetus exercitiis imperare, apertum maluit bellum, quàm miseram pacem. Quare cum non nisi aliquot Germanorum signa in Belgio fida haberet, revocati ex Gallia aliquot Hispanorum manipuli, ac delectæ non nullæ Wallonum Burgundorumque centuriæ. Quæ tamen omnes copiæ vix quatuor armatorum millia conficiebant, quum tamen Ordines jam tum quindecim millia sub signis haberent. Verum illum redeuntium ex Italia veteranorum militum nuntius magnopere recreavit. Jussi etenim erant à Rege Hispani ex Liguriæ finibus, quò septem ante menses ex Belgio missi fuerant, Belgium quamprimum duce Alexandro Farnesio repetere, magna Ducum militumque alacritate, adjectis aliis in Italia conscriptis.

Revocati Hispani cum Farnesio.

Interea Orangius majori multò potestate dominabatur Belgis, quàm Gubernatores plerumque consueverant. Arces Antverpiæ, Gandavi, Ultrajecti, Insulis, Valencenis, tanto sumptu exstructas, dirui jussit, eoque processit, ut Proceres, quibus invisæ atque suspecta erat ejus potentia, de alio Gubernatore eligendo inirent consilium. Ab aliis Angliæ Regina, Dux Alençonius ab aliis nominabatur. Sed illam rejecere catholici. Hic verò plerisque displicuit ob assiduas inter Belgas & Gallos inimicitias. Unde vota in Archiducem *Matthiam* Rudolphi Cæsaris fratrem versa. Missi oratores, cum quibus juvenis noctu clam Cæsare fratre Vienna egressus in Brabantiam opinione celerius venit. Ubi variis conditionibus illigatus Gubernator supremus Belgii est renuntiatus, Orangius verò ejus Vicarius. Senatumoti, qui dubiæ in ordines fidei videbantur. Hostes patriæ declarati, quicumque Joannem Austriacum sequerentur. Ipse etiam Austriacus dictus hostis, niociùs Belgio excedat: composito in eam rem juramento, agendi cum eo ut hoste.

40.
Evocatus
Matthias.

Hoc juramentum cum emittere nollent Patres Societatis Jesu Antverpiæ, hæreticorum caterva in Collegium irruens obvia quæque confregit, Patresque domo exturbatos, atque Hollandorum cimbis impositos avehit: postquam unus ex illis per militares globos regressus, intrepidè SS. Sacramentum, ne indignè tractetur, è templo ad socios detulit. Idem Patres Trajecti, Tornaci, Brugis perpeffi sunt, ob eandem causam exulare jussi. Habueruntque exilii comites alibi Franciscanæ Familiæ Patres, alibi honestissimos sacerdotes & Pastores

Religiosi
exules.

animarum è clero sæculari. Quorum abscessu quantum catholica res cecidit, tantum grassari illico rursus cœpit præcipiti cursu ubique hæresis, coactis catholicis liberam eidem licentiam permittere. En præcipuum rebellionis fructum.

41.
Bellum.

Duces.

Jàmque eò processum erat, ut pedem retrahere pars neutra à bello vellet, aut facile posset. Prælusum urbium aliquarum arciumque occupatione, levibusque velitationibus, donec ad pugnam *Gemblacensem*, in paucis memorabilem ventum est. Austriacus sub signis habebat octodecim millia, ordines viginti: & quod difficile prælium reddidit, in his foederatorum partibus erant veterani duces ac milites Belgæ, jam sub Caroli V. Albani, aut Requesenii disciplina enutriti, arque Hispanorum prius socii artis eorum militaris apprime gnari, *Coignius* dux exercitus, *Lalinus*, *Montinius*, *Perenotus Granvellani frater*, *Hornanus*, *Villersus*, *Henninius Bossuvii comes*, *Egmontius Lamoralii filius*, *Lumæjus à Marche*, *Marchio Haviens Areschoti Ducis frater*.

In exercitu Regio eminebat Ductor ipse supremus Gubernator Joannes *Austriacus*, Alexander *Farnesius*, Ernestus *Mansfeldius*, Octavius *Gonzaga*, Christophorus *Mondragonius* Italus, *Olivera*, à *Costa*; Hispani. Quos duces semel memorasse suffecerit; nam per illos diuturnum deinceps bellum gestum est. Austriacus in Regio vexillo ad triumphalem Domini crucem hæc verba subjici jusserat: *In hoc signo vicit Turcas: in hoc hæreticos vincam.*

Pugna Gemblacensis.

Congressus igitur uterque exercitus ad *Gemblacum* (Sigeberti Gemblacensis patriam) Namurcum inter & Brabantiam, confertaque pugna prorsus memorabilis, eo eventu, ut rarè aliàs à paucioribus, minorique jactura plus sanguinis fufum celeriusque sit debellatum, Nam equitatus Hispanici præcipua opera exercitus ordinum ita fufus est, ut decem peditum millia partim cæsa, partim sint capta, desideratis ex Regiis tantummodo novem. Relata hostium signa 34. tormenta, currus, impedimenta fere omnia. Ipse belli dux *Coignius* in potestatem venit cum aliquot Nobilibus. Cæteri cum omni ferme equitatu initio dilapsi, pars *Gemblacum*; plerique *Bruxellas* fugerunt. *Gemblacum* mox captum, ubi ingens hostium præda inventa. *Bruxellis* ita trepidatum, ut *Mathias* Archidux cum *Orangio Antverpiam* fugeret. (anno 1578.)

Fructus
victoriæ.

Victoriæ tantæ fructus velociter decerptus; *Lovanium*, *Tillemontium*, *Bincium*, *Boviniacum*, *Sichemium*, *Diestemium*, *Levia*, *Nivella*, *Barlamontium*, *Malbodium*, *Bellomontium*, *Cimacum*, ac *Philippopolis* (in reverentiam Philippi Regis sic appellata, atque ante annos 23. in Hannonia adversus Gallorum incursiones ædificata, & egregiè munita) aliæque oppida quâ deditione quâ vi occupata. Accessit *Limburgi* ex-

pugna

pugnatio cum tota provincia, ad arcendas Germanicas hostium suppetias peropportuna. Præfidiarii mille dedita urbe ad Regia signa transire, 15. simul tormenta majora, magnusque belli & annonæ apparatus in manus victoris venit. *Dalbemium* deinde captum, & ob pertinaciam direptum.

Limburgum.

Cum sic prosperè irent omnia Austriaco, perculsi cum Mathia ordines Orangium inculabant. Sed ille futurorum providus, suum ad mare Batavicum fundabat imperium, inde in Brabantiam, Flandriamque illud explicaturus. Sola hæcenus obstabat *Amstelodamum*, fida Regi civitas, & Religioni addicta. Hanc obsidione cinxit Orangius, & quæ ad Religionem catholicam spectant, omnia pollicitus, deditam accepit. Sed pacto non stetit, inductis enim mox hæreseos ministris, eorumque opera everfis sacris, pulsis sacerdotibus, per hæresin eam sibi adversus Hispanos firmavit, irreparabili deinceps Regis damno.

Amstelodamum

Opima hac præda per fraudem potitus Orangius, excipiendis numerosis auxiliis Anglicis, Germanicis Gallicisque, à Casimiro Palatino, & duce Alenfonio adducendis intentus, ea donec advenirent, induciarum oblatione Hispanos ludere conatus est. At isti prælio decernere statuunt, antequam ordinum militia tantopere augeatur: præsertim cum & ipsi novas suppetias accepissent, quas *Petrus Toletanus* Proregis Siciliæ filius, *Lopius Figuevoa* Hispanicæ legionis tribunus, & *Alphonfus Leva* filius Navarræ Proregis, cum *Gabriele Serbellonio*, ex Tunetana captivitate à Gregorio XIII. in libertatem asserto, adduxerant: nova etiam pecunia recreati, quam Rex Austriaco, Parmensi, Gonzagæ Magistro equitum, Carolo Mansfeldio, Mondragenio & Verdugo Tribunis in stipendium misit.

Decreta igitur pugna Austriacus in hostem movet, qui haud procul Mechlinia castra posuerat, sub Bossuvio veterano & cauto duce, qui prælium detrectare videbatur. Igitur Regii levibus primùm velitationibus fœderatos laceßunt, qui paulatim recedentes velut fugitivi Levam & Toletanum, ultra, quàm imperatum fuerat, insequentes ad vera castra pelliciunt; actumque de eis fuisset, nisi Farnesius eos liberasset, atque ad exercitum reduxisset. Majus illatum dedecus, quòd duo isti duces cum suis cohortibus in locum insidiarum sint pertracti, quàm damnum, vix 400. utrinque desideratis, æquata propemodum jactura. Fœderati nihilominus victoriam sibi tribuerunt, quòd victi non essent.

Cum autem novæ indies copię ordinibus ab Angliâ, Germania, & Pax frustra Gallia venirent, ab Hispania autem parcè pecunia, belli nervus, subministraretur, ad pacem Regis voluntate respexit Austriacus. Sed ordines exercitibus suis, ac fœderatis confisi, difficiles admodum condiciones præ-

tentata.

præscripſere; ut videlicet Belgii Præſecturam Archiduci Mathiæ cedat, iis conditionibus, in quas jurati conſenſerant: ut paci conventisque dux Alenſonius & Caſimirus inferantur: ut Limburgi provinciam, & quidquid in Brabantia, Hannoniâque, vi aut deditioe Auſtriacus ceperat, ordinibus traderet.

Et ſanè Auſtriacus, eſſi conditionum inſolentia vehementer offeſus, temporum tamen acerbitate preſſus, etiam de conſilio Farneſii inclinabatur ad eas acceptandas, cum Rege per litteras vix non expoſtulans, ab Hiſpania ſoveri hanc rebellium audaciam, quòd promiſſam ſibi opem ſine ſinedifferret, & poſcenti pecuniam non niſi verba redderentur; quibus utique bella non gerantur. Aliud inſuper Principis animum vehementer afflixit: ſignificata videlicet ſibi ab Hiſpania Regis ſuſpicio, ne frater per has Belgii turbas, & inter tot ejusdem Candidatos, ſibi tandem illud paciſcatur. Quibus proſectò rebus Auſtriacus tantum animi mœrorem contraxit, æſtuumque intemperiem, ut morbo fatali correptus diem ſupremum obierit in caſtris, anno 1578. ætatis 33. Belgicæ gubernationis calamitoſæ altero: translata priùs in Alexandrum Farneſium Belgii Præſectura, donec alium ſufficere Regi placuerit.

Sic cecidit virente ætate magnus ille orbis Chriſtiani Heros *Joannes Auſtriacus*, Caroli V. filius, natus Ratiſbonæ, ex Barbara Blombergia, urbis illius cive, forma ac genere Nobili (quamvis aliqui multò iuſtiores illi matrem aſſignent) cujus cantu Carolus, tunc viduus, illeſtus eſſe ſcribitur: Infantem Aloyſio Quiſciadæ traditum, ut in Hiſpaniam delatus educetur, ne tamen cuiquam illius pater innotefcat. Morientem haud multò poſt Cæſarem Philippo filio aperuiſſe ſe pueri patrem: atque biennio poſt ab Aloyſio in venatione ad id adornata Regi traditum: qui eundem in aula cum Carolo filio, & Alexandro Farneſio nepote ſuo educârit, indole præcellenti, forma venuſta, ingenio vivaci, comitate, probitate, omnibùſque animi corporiſque dotibus præſtantiſſimam. Et licet inſcio Philippo fratre ad bellum Melitenſe proſecturus Barcinonem jam attigerit, revocatum tamen, illico Valliſoletum ad Regem reverſum, illo parendi obſequio ejusdem offenſionem leniſſe, nec multò poſt planè deleviſſe, cum nova Caroli, Principis Regii, conſilia ante alios eidem aperuiſſet.

Ob id præſectus expeditioni adverſum Mauros, bellòque feliciter conſectò, ac compoſito ſociali ſœdere, univerſæ claſſi, quæ chriſtianæ Reipublicæ vires ac ſpem vehebat, imperator impoſitus, commiſſo ad Echinadas prælio, victoriam poſt Ottomanni nominis memoriam longè maximam de communi hoſte reportavit. Tum converſis ab Oriente in Africam armis, Tunetum Libyci maris regiam,

Tur-

42.

Mors Au-
ſtriaciElogium
ac vitæ fe-
ries,

Turcis aufugientibus capit, Biserram vi expugnat, captivumque Amidam Regem cum duobus liberis secum trahens, victor in Italiam redit. Inde evocatum in Hispaniam Rex ad Belgii Præfecturam, tunc undique fatiscentem, misit, ea monitione instructum, ut omnis armis provincias quibuscunque conditionibus, salva Religione & obedientia pacaret. Ubi acciderunt ei, quæ antè memoravimus.

Addunt scriptorum plures, Philippum Regem, suspicaci indole Principem, æstimasse quidem summopere incomparabiles fratris dotes, tot rebus maximis gestis demonstratas, attamen jam tum ab expeditione Africana, cum Tunetum non solum moribus non nudasset, prout ab Hispania imperatum fuerat, sed nova insuper munitione firmasset, præfectoque Serbellonio præsidium reliquisset, visum Regi, nescio quod imperium affectare. Quæ suspicio aucta est, cum Gregorius XIII. instaret, ut Joanni Austriaco ob res præclare in Africa gestas appellatio Tunetani Regis tribuatur. Hac igitur suspicaci mente imbutus Rex eum misit in Belgium. Et quamvis tot sumptuum pertæsus pacem utique optaret, creditur tamen ex ea etiam ratione parce subministrata pecunia, ne Princeps victoriarum cursu elatus privatam ultra sortem ad spiret: maximè ubi plures Belgarum querelæ (Orangio machinante) in Hispaniam perlatae sunt, Austriacum bella quærere: hinc sub insidiarum prætextu Namurcum abiisse, ac maluisse tredecim fidas Regi provincias perdere, quàm Belgium in pace gubernare: nempe hominem per victorias meditari & Belgii potiri dominatu, & animo conceptis cum Angliæ Regina nuptiis.

Hæc aliæque Austriaco non erant ignota; qui novis quotidie argumentis notavit suspiciosum in se Regis animum, nullo placabilem obsequio. Atque hinc additum sibi Parmensem arguebat, qui in acta sua intenderet. Ubi verò audivit Escovedi, amicorum intimi, eadem, quem in Hispaniam missum ad belli subsidia conquirenda toties & tam anxie repoposcerat, majoribus in dies oppressus angustiis, ac desertus, ut palam querebatur, à Rege, traditusque hostium ludibrio, ingens animi speique Princeps, ac paterni generis nimium memor, ex mœrore contabuit. Quamvis alii venenum ipsi præbitum existiment.

Hæc ut ut se habeant, inficias nemo facile iverit, virum fuisse bellatorem ætate majorem. Nec desunt, qui cum Germanico, qui multa in Belgio bellageffit, aut etiam cum patre Carolo eundem comparent; certè ejusdem claritudinem assecuturum, si rerum arbitrium æquè apud ipsum fuisset repositum, patrisque annos æquasset. Nec minor ei pietas, quot mensibus bis animæ maculas assueto eluere. Quod tunc præcipuè solenne sibi esse voluit, cum expeditio suscipienda, aut præ-

lium conferendum esset, sapienter omnino ratus, constiturum sibi periculorum contemptorem animum, ubi nullâ culpâ pallesteret: neminemque animosius ire in hostem, quam sua fretum conscientia. Atque inde superna virtus, & præliorum felicitas, quibus, antequam miles esset, Imperator præfuit, victor semper, victus certè nunquam.

Exequiæ.

Altero post obitum die disceptatum de funeris pompa inter Tribunos variarum Nationum, quis corpori efferendo præferretur, quòd Hispanus Regem, Germanus defuncti patriam, Belga loci prærogativam obtenderet. Farnesius litem diremit, jussis singulis mutatis vicibus, corpus ex castris Namurcum deferre. Moriens Alexandrum nepotem rogavit, ut apud Regem commendet matrem Blombergam ac fratrem uterinum. De duabus filiabus, quas cœlebs nactus est, alteram Neapoli, Madriti alteram, ex nobilibus puellis, mentionem nullam intulit. Rex tamen omnibus providit.

Barlamontii obitus.

Ante Austriacum obiit Namurci *Carolus Barlamontius*, ejusdem provinciæ Præfectus, si quis in Belgio, Religionis ac Regis partes, domi æquè ac belli strenue constanterque secutus. Qui propterea quatuor filios suos magnis à Rege belli muneribus auctos vidit.

A R T I C U L U S IX.

Status Belgii sub Alexandro Farnesio ab anno 1578.
ad 1592.

§. I.

Septennium primum.

43.
Miseræ Belgii facies.

Alexander Farnesius, Octavii Parmæ & Placentiæ Ducis filius, à prima juventute bellis initiatus, dignum se Martis campum in Belgio invenit. Sub Joanne Austriaco eò missus, omnium expeditionum aut dux aut pars magna fuit. Duæ duntaxat provinciæ Regi Hispaniarum adhærebant, Luxemburgum & Namurcum. Limburgensem sub Austriaco ipse adjecit, parta illa ingenti Gemblacensi victoria. Renuntiatum ab Austriaco moriente Belgii Gubernatorem Rex confirmavit, adjecta etiam Burgundiæ Præfectura.

Et profectò difficilem oppido provinciam & discriminis plenam suscepit, cum quatuordecim provinciæ, adversus Hispanos cum Oran-gio consentientes, ingentem pro eo tempore exercitum haberent, ex maximis nationibus, Germanis, Gallis, Anglis, Belgisque conflatum; magnâque etiam Ducum nomina terrori essent, Mathias Archidux Cæsaris frater, Gubernator renunciatus, Joannes Casimirus Palatini

Septem-

Septemviri filius, validis Protestantium Germanorum subsidiiis stipatus, & Franciscus Hercules Dux Alenſonius, Galliarum Regis frater, paulò ante mortem Austriaci Belgium cum armato exercitu ingressus, glorioso cum titulo *Defensoris Belgarum*; cui viam in Belgium stravit Margaritha soror, Navarri conjux, quæ sub prætextu itineris ad Spadanas aquas, Hannoniæ maximè primores fratri conciliavit, Lalinio ejus Præfecto in Gallicas partes pertracto.

Alenſonius
evocatus

Spem Alenſonii auxit fœderatorum tot inter Duces & Gubernatores discordia. Nam Crojus Areschoti Dux, cùm à Rege ad fœderatos defecisset, Flandriæ Præfectura ab iis donatus est. Sed mox Gandavenſes ab eo privilegia repetunt, quibus ob rebellionis crimen à Carolo V. privati fuerant. Negantem in custodiam trahunt, Orangii consilio, dudum Areschoto infensi, eo maximè, quòd ejus potissimùm opera Mathias Archidux ad provinciarum regimen fuerit evocatus. Inde Gandavenſes hæretici templis spoliatis, & sacerdotibus urbe ejectis, Casimirum sibi Ducem Præfectumque asciscunt. Qui in partem Belgicæ distributionis venturus mox accurrit, & ex sacerdotiis direptis pecuniam sibi comparat.

& Casimirus.

At verò Wallones (ii nempe populi, quibus lingua Gallica in usu, uti Artesii, Hannonienses, Namurcenses, Luxemburgici, Limburgenses, ac pars Flandriæ atque Brabantiae) hac re, & aliunde Præfectis suis exauctoratis ab ordinibus reliquis, vehementer offensi, se ex integro ab iis separârunt. Atque Artesii ac Hannonii, uti etiam, qui Flandriam & Brabantiam Gallicam (ita à lingua appellatam) incolunt, quòd tertiam factionem conflarent, *Malecontenti* appellati (nam Luxemburgum, Namurcum, & Limburgum Regias partes sequebantur) Alenſonium ex Gallia evocabant: eumque venientem Montibus, primaria Hannoniæ urbe, Lalinus provinciæ Præfectus, & Areschotus, ex Gandavensi custodia elapsus, magna subjectionis significatione exceperunt.

Farnesius tot inter hostes, qui 42000. pedites, & 17000. equites numerabant, cùm ipse nec dimidium haberet, ad Namurcum velut in castris obsessus, se defendebat. Verùm ingens ille exercitus, quà discordiis, quà lue correptus, re nulla memorabili gesta, recessit, magna populorum querimonia adversus Orangium, qui tantum pecuniæ imperasset ad Hispanos Belgio ejiciendos, qui ne prælio quidem laceſſiti fuissent. Cùmque tot inter capita, privatum dominatum spectantia, dissidia crescerent, paulatim diffuebant copiae. Alenſonius, cùm *Malecontenti* Wallones nullam terræ partem ei propriam facerent, iisque suspectus esset, inglorius recessit in Galliam prætexto cum An-

Iterque re-
cedit,

glia Regina connubio. Venienti Lutetiam Rex, quo invito discefferat, eam gratiam habuit, ut suppellectilem ipsasque vestes Belgis oppignoras, pecunia numerata redimeret. Casimirus quoque Palatinus, alter Belgii candidatus, cum stipendia militi non posset pendere, è Belgio abiit, in Angliam profectus, cujus ære militem in Germania conscripserat.

Farnesii copia

& progressus.

Farnesius ab utroque hospite liber, auctusque Germanicis copiis, quas Altempsius & Polvillerius adduxerant, lustrato exercitu, numeravit 24000. peditum, 7000. equitum. Non igitur amplius hostem expectandum ratus, sed re memorabili Præfecturam auspicaturus, adhibito Ducum consilio, Trajectum ad Mosam, magni in omnem partem momenti urbem, oppugnare decrevit. Ut autem oppugnantes à tergo muniret, atque ex hostico viveret, educto ex angustiis Namurcensibus in Brabantiam exercitu, plura oppida arcésque capit, frequentioribus præliis levioribus partim arte & stratagematis, partim virtute hoste devicto: coactisque equitibus, quos Casimirus in Belgio reliquerat, in Germaniam recedere. (anno 1579.)

44. Wallones à reliquis ordinibus deficiunt.

Dicti malecontenti.

Hæreticos pellunt.

Studium eos in partes trahendi.

Tantus armorum progressus, bello usque ad Antverpiæ suburbia deportato, Wallonibus incitamento fuit, ut ad Regis obsequium redirent. Nam *Pardiaus Mottaus*, Gravelingæ Gubernator, perspectis Orangii consiliis, per speciem publicæ libertatis, privatæ ejusdem utilitati, firmandæque hæresi intentis, fœderatorum partes reliquit, plures secum ad Regis obedientiam, (prout auctoritate & gratia apud Wallonicam Nobilitatem, militiæ ac Religionis antiquæ perquam tenacem, pollebat) se reducturum Parmensi significavit. Certè, communicato cum Audomarensi Præfecto consilio, Wallones ab Orangio abduxit, quem patria sacra perditum ire, & Belgium hæreticis implere querebatur: effectitque, ut nationis Wallonicæ milites, quinque ferme millia, ab Orangii exercitu secessione facta, Menina aliisque Wallonum urbibus ordinum præsidia ejicerent. Dicti proin sunt Wallones (quod supra innui) *malecontenti*, eorumque legiones, quod catholicæ fidei defensionem sibi asserentes, coronam Marianam collo gestarent, milites *coronarii*, aut etiam *milites à pater noster*. Moxque Wallones, præeuntibus Præfectis catholicis, abdicato cum reliquis ordinibus fœdere, novum inter se condunt, ejectis ex Hannonia & Artesia hæreticis Religionem defendendi.

Incredibili studio Farnesius ordinésque certârunt, ut tertiam hanc classem ad se reducerent, militia, Nobilitate urbibusque validam. Quanquam enim Wallones majorum Religionem & Regis obsequium præferrent, nolebant tamen Farnesio accedere, nisi exteri milites Bel-

gio ejicerentur. Quod cùm eis negaturum Alexandrum Orangius crederet, in novas spes surrexit, eos cum reliquis ordinibus rursus uniendo, interpellans etiam Cæsarem, & Wallonum primores pertentans, præsertim Caprium Artesiæ Præfectum. Ordines etiam & Mathias ipse litteris eos monent, minanturque, ne soli publicam causam proderent, & Hispanorum fraudibus circumventos serò se ingemiscant. Suscepisse jam Cæsarem causæ arbitrium; pacem optatam obtenturos, si reliquo Belgarum corpori cohæreant.

Sed oppositos cuniculos egit Parmensis, ipsèque adeò Rex Philippus, scribens Artesiis, rem sibi pergratam fecisse, quòd publico edicto hæreticos, seditiososque provincia movissent: nec aliud sibi armato ad eam diem fuisse propositum, quàm ut hujusmodi pestem Belgio exigeret, populòsque ab Orangio in fraudem inductos Catholicæ Religioni, ac Principi suo, pristinæque tranquillitati restitueret. Gratiâ suam se polliceri, nihilque dempturum eorum privilegiis; exterram etiam militiam se educaturum ex provincia, dummodo in domestico milite tantum habeant virium, ut adversus Orangium & conjuratas provincias se tueri possint.

Qua Regis clementia inclinati Wallones, præsertim ubi Melunio Vicecomiti Gandavensi, non invito Caprio, Artesiæ Præfecturam, quam ordinum auxilio antè invaserat, confirmavit, & Montinium Wallonicæ militiæ præfectum conciliavit, de concordia firmanda serio egerunt. Indiçto igitur conventu, ad quem Regis nomine missus est Norcarmius Sellii dominus, cum Moularto Attrebatensi Antistite; frequenti in hac causa actore, pro Wallonibus verò Lalinius Montinius, malecontentorum Princeps, ac Dux militiæ; Melunius Artesiæ Præfectus, Mottæus Gravelingæ, & Caprius, Attrebatum Gubernator. Petierunt isti, ut reliqui etiam Belgii ordines, Antverpiæ congregati ab Alexandro invitarentur. Sed cum is non nisi responsum querimoniis plenum ab illis accepisset, Wallonum delegati optimo jure reconciliationem sibi assumendam putârunt, relictis pervicaciæ suæ ordinibus reliquis; cùm enim provinciæ aliquæ Boreales nuper *Ultrajecti fœdus* privatim inter se inierint, quo hæresi plena aperta sit porta, & quidem inconsultis provinciis reliquis, neminem vitio sibi posse vertere, si & ipsi religioni catholicæ consulturi, privatam cum Principe suo reconciliationem ineant, & in id consentiant, quod communi omnium ordinum voluntate per *Edictum perpetuum Gandavense* est constitutum.

Agitur de
reconcilia-
tione.

Sed quia in edicto illo sancitum fuerat, ut exteri milites dimittantur, res ista maximum reconciliationi obicem posuit. Nam id Wal-

lones obnixè postulabant, asserentes, se Wallonica militia patriam adversus quosunque defensores, imò etiam bellum, si necesse sit, illaturos. Verùm magnopere displicebat Farnesio ista conditio dimittendi militis exteri, quo præsente & gloriæ suæ & Regis potentiæ velificare posset. Quia tamen Wallones hoc præcisè exigebant, ex Regis tandem voluntate cessit; eò concessionem illam interpretatus, quòd tantummodo Wallonum provinciis militem exterum non possit immittere, relicta sibi potestate reliquas provincias adhuc rebelles per illum compescendi.

Eaque absol-
vitur.

Novo igitur conventu, ad Trajectum, quam obsidebat, instituto, res planè transacta est, delegatis, Alexandri popularitate captis, conditionum acerbiter non parùm moderantibus, præsertim, ubi Trajecti deditionem viderunt proximè imminere. Atque hoc pacto Parmensis, non modò bello Dux incomparabilis, sed politicis etiam pacis artibus præclare imbutus, absque sanguine tres Regi provincias, Artesiam, Hannoniam, & Flandriam Gallicanam (Fornaco excepto) adjecit; ex eo etiam summo opere æstimandas, quòd Galliæ, cui erant finitimæ, favere aliàs consuevissent.

Hæretico-
rum furor
Antverpiæ.

Nec parùm juvit ad maturandam transactionem tumultus Antverpiæ tempore illo ab hæreticis concitatus, occasione solennis supplicationis, comitante ipso Mathia Archiduce, à catholicis instructæ. Nam globati Calvinicolæ armis accincti incenditibus imprimis viam obstruunt: tum catholicos iter aperire coarctantes sclopi in pectus intentatis, atque etiam explosis, interfectis duobus ex catholicis, agmen dissipant, & plerosque cum Archiduce in templum compellunt, concluduntque, obsidentes armati fores; aliis interim per urbem grassantibus & conclamantibus, pellendos sacrificulos. Tandem Archiduce velut beneficii loco abire permissio, reliqui tandiu detenti sunt, donec sacerdotum exilium à Magistratu fuerit decretum: mirantibus bonis, tantam Calvinianis in urbe esse potentiam, exulmque clerum, & cum eo proscriptam pietatem lamentantibus: offenso imprimis Mathia, qui inane Gubernatoris nomen gerebat. Sed ex Principe, servilis quidem imperii impatiente, privatæ tamen apud Cæsarem vitæ intolerante, præter querelas nihil expressit injuria.

Egmontii &
Lalinii re-
conciliatio.

Valuit tamen indignum facinus tum ad invidiam ordinibus creandam, qui tanto consensu in Gandavenfi fœdere Religioni cavissent; tum ad Wallonum reconciliationem festinandam, ac promovendam. Certè & Comes *Philippus Egmontius*, Lamoralii filius, & Comes ipse *Lalinus*, Hannoniæ & Valencenæ Gubernator, aliique primores, relictis

lietis ordinum partibus, novo se cum legatis Regiis foedere, conciliant, inserta conditione, de exercitu pro Religione ac Rege, ex reconciliatis provinciis, post emissionem externorum conflando, ac Belgii Praefecto non alio, nisi ex Regio sanguine asciscendo. Hoc additum volebant, quia consilii, quid adversus Regem moliti fuerint, Hispanos ultores timebant; ne, sicut Albani tempore contigerat, ad poenam revocarentur. Sicque opus ingens perfectum est, catholicorum applausum laetitia, consternatis haereticis. (anno 1579.)

Parisiis ea super re ludicrum drama datum, fabula verum Belgii statum exhibente. Vacca pinguis in scenam immissa est; quam ducebat Rex Hispaniae tenui ac laxo filo: quod fractum illico necitebat Farnesius. Dorso infessam cornibus apprehendebant Belgii ordines, atque ad eam sistendam undique opem implorabant. Dux Alenfonius in auxilium vocatus, cauda impetu apprehensa, belluam abducere a Rege nitebatur, intentiore tamen cura, quam auxiliares solent. Inclinati ad ubera hinc Casimirus, inde Orangius, grandi uterque vase subiecto eam emulgebant. Cum ecce Parmensi nescio quid objiciente, excitata repente vacca, caudam ex Alenfonii manu retrahit. Infessores excutit. Calce uno abjicit Casimirum, altero repellit Orangium: atque huic saepe redeunti cornua obvertit, mulctram lactis plenam proruit, atque ad Regem saltu se proripit.

Fabula Parisina.

Haec provinciarum accessio dum facta est, armis interea nihil cessantibus melior causa promota expugnatione Traiecti ad Mosam, munitione admodum urbis, quae profecto multo constitit sanguine, etiam nobili. Defendit illam Tapinus Lotharingus, qui cum Lanua etiam Rupellam propugnauerat. Reiecti saepius magna cum clade aggressores; ortaque ab iis, ob non soluta stipendia, seditio, oppugnationem difficillimam reddidit, Alexandro in magnas angustias coniecto, & propriam suppellectilem oppignorante, ut numerata pecunia seditiones placaret.

Traiecti expugnatio.

Tum mutato oppugnationis genere, cum primum non processisset, tandem post superatas summas difficultates urbe potitur. Sed necdum se dedunt incolae foeminae, quae virorum instar in moenibus & propugnaculis ante pugnaverant, viris permixtae, per forum, vias & compita aciem instaurant. Unde Regii milites in rabiem acti, nulli aetati aut sexui parentes, obvios quosque trucidant. Caedem secuta urbis direptio ac populatio, quae plures dies tenuit: donec severo edicto Parmensis illam repressit: ac praesertim foeminis puerisque jam antea cautum voluit.

Cecidere in ea obsidione, quæ in quartum mensem protracta est, ex Regiis 2500. milites, 37. centuriones, ac præterea Fabius Farnesius, Alexandri propinquus, Ægidius Barlamontius, Caroli filius, sub quinque Belgii Præfectis legionum Ductor, patris exemplo Regias partes constanter secutus. Alexander res duas in hac obsidione se didicisse fassus est, ut sæpius uteretur fossore quàm milite, & nihil aggrediretur, nisi propriis oculis inspecto locorum situ. Capta urbe ipsemet periculose decubuit: unde minùs poterat furorem populationis coërcere.

45.
Colonienſis
conventus.

Interea, dum hæc Trajecti agebantur, non acri minùs sententiarum conflictu in *Colonienſi famoſo conventu* certatum est. Nam ordines cernentes, dilapſo Alenſonio & Caſimiro, Wallonibus abruptis, exercitum suum, quem tot sumptibus paraverant, magnopere imminui, Alexandrum autem Farnesium, arte, viribus, & fortuna prævalidum, civitatibus, provinciis & victoriis in diesteme augeri, atque ad pacem propterea respicientes, Rudolphum Cæsarem arbitrum implorârunt, contestati, sibi nunquam aliam fuisse sententiam, quàm ut in Belgio catholica Religio obtineat, & sua Regi constet auctoritas. Nec Regi displicuit, apud animum suum reputanti, ancipitis tardique moliminis fore, si tot provincias & opulentas civitates, populósque, & suoapte ingenio, & diuturno belli usu militares, adhæc finitimorum Principum auxiliis feroces, armorum vi ad officium cogi oporteat; neque ignorans, per ipsas adeò victorias, urbiumque captarum ruinas se ditiones suas ac patrimonium destruere, & brachio velut dextro sinistram præcindere, arbitrum Cæsarem voluit, misso Coloniam *Terranova* Duce, novennali Sicilia administratione sibi probato.

Regis re-
servata.

Tria autem sibi reservata Rex voluit, in quæ nulla Mediatori potestas esset: Religionem catholicam, Principis auctoritatem, dimissionem Mathiæ ex Belgio. In quatuor admittentis capitibus conventionis Gandavenſis, cujus confirmationem ordines postulabant, difficilem se exhibere legatus jussus est: nempe circa foedus à provinciis initum: generalem earum conventum: edictorum moderationem: & Orangii in Belgio commorationem. Privatis tamen litteris addidit, in quatuor his punctis, si aliter reconciliatio fieri non possit, temperamentum aliquod admitti posse.

Petierant ordines, ut Imperator interim, dum Colonia de pacificatione ageretur, armorum inducias decernat. At vehementer obstitit Farnesius: has esse machinationes Orangii, inquiens, qui nunquam pacem sit seriò initurus, sed ad lucrandum tempus has inducias peti. Regium exercitum in medio victoriarum cursu florentem metui; ordinum copias plurimùm attenuatas languescere. Hinc

inducias per Iudificationem postulari, ut exercitu reparato, bellum restaurare queant. Wallonicæ conciliationis negotium nunc seriò agi. Ad hoc impediendum, cùm alia frustra tentassent, illud ad conventum Coloniensem avocari, ut finem nullum inveniat. Denique delegatos ordinum necdum esse Coloniam, imò necdum delectos, nullo igitur jure armorum suspensionem peri.

Datum deinde Colonienſi conventui initium. Aderant Cæsaris nomine Electores Colonienſis & Trevirenſis, Antistes Herbipolenſis, Juliæ Ducis legati, cum Otione Schwarzenbergio. Regis nomine Terranova legatus, cum tribus conſiliariis, à Parmenſi ex Belgio ſubmiſſis. Ab undecim fœderatis provinciis totidem procuratores miſſi ſunt; quos inter eminebat Philipus Dux Areſchotus. Accessit Roſſanus Nuntius Apoſtolicus. Inſpectis dein fiduciariis legatorum literis, quibus poteſtatis ſibi commiſſæ fidem facerent, diſceptatio orta eſt, quænam pars prior tranſactionis capita debeat proponere: dicentibus ordinum legatis, audituros ſe, quid Rex à ſubditis poſcat; reſpondente Terranova, ordines interpeſſæ Cæſarem: dicerent proin, cur Principi ſuo tantopere obluſtentur, quidque petant. Cæſareis hoc æquius viſum.

Protulerunt igitur 18. capita, adeò ſuperbè compoſita, ut jam Poſtulata
ordinum. apparuerit, nihil ex eo congreſſu ſperandum. Inituros ſe, inquiebant, pacem cum Rege catholico, Principe ac Domino ſuo naturali, modò omnia Mathiæ Archiducis acta, penes quem gubernatio Belgii manſura ſit, rata habeantur: quæcunque urbes, arces, & loca à Joanne Aultriaco aut à Parmenſi Principe capta fuerint, in manus ordinum reſtituantur: reformata religio, ubique exerceri cœpta jam fuerit, ſine cujuſquam noxa exerceatur: decies centena coronatorum millia ſupplendæ pecuniæ in bellis à fœderatis provinciis inſumptæ, ab Rege ordinibus perſolvantur.

Enormia hæc poſtulata concepta ſunt Antverpiæ, cùm illic de inſanſta aggreſſione Trajeſtenſi & ſeditione militum nuntiatum fuit. Reſponſum
legati. Juſſi ſunt à Cæſare æquiora proponere. Terranova verò Regis nomine pollicebatur, Belgium externo milite liberandum, ſenatores & Præfectos non niſi Belgas conſtituendos. Orangii filium libertati reſtituendum, atque Hollandiæ, Selandiæ & Ultrajecti Præfecturis donandum. Religionem catholicam, excluſa omni alia, ubique ſervandam: indulgendum tamen iſ, qui ab ea diſſentirent quadriennium, alio cum fortunis ſiſ commigrandi. Regii ſanguinis Principem, qui Belgium gubernet, propediem à Rege ſtatuendum.

Ordines, ut palàm oſtenderent, quid unicè quærant, ad inducias rursus petendas converſi ſunt, multa de Parmenſi queſti, quòd

armorum pertinacia pacis commercia turbet. Sed respondit Terranova, Farnesium per arma non aliena petere; & armis subigi rebelles posse, & volentes conciliari. Non peti inducias ab ordinibus, ut pacem ineant, sed tractari de pace, ut inducias obtineant. Pene nudos cum bene vestitis de vestimentis velle ludere. Trajectum jactis ultra citraque Mosam pontibus, castellis, & aggeribus clausum undique teneri. Iniquè peti, tantum spei repente abjici.

Post multam disceputationem Cæsarei pacificatores mediam viam tentarunt. Mathiam Belgii Præfectum non quidem confirmandum, acta tamen illius rata habenda. Urbes aliæque loca Gubernatori tradenda, sed ab eo non nisi Belgis conferenda: qui fidem Regi & ordinibus obligent. Religionem catholicam unicè servandam, ut ordines ipsi sint polliciti. Hollandis tamen & Selandis, qui ab ea recesserint, pro temporum necessitate indulgendum, ut impunè possint degere, donec aliter super pœnarum moderatione à conventu ordinum, à Rege aut Gubernatore convocando, decretum fuerit.

Re infecta
disceditur.

Quum autem has conditiones provinciæ rejicerent, quin etiam minitarentur, se abdicatione Rege, Alenfonio Belgium potius tradituros, mediatores infra dignitatem suam & Cæsaris majestatem rati, nullo cum fructu Coloniae diutius hære, colloquio, tanto Procerum apparatu agitato, septimo postquam coëptum est mense, finem imposuerunt: culpa infectæ rei à partibus mutuò rejecta: sparsis etiam utrinque libellis. Cæsarei culpam ordinibus imputarunt, quòd nunquam legatis suis plenum mandatum dederint; quòd magnam temporis partem in induciis poscendis, aut Wallonum reconciliatione inturbanda consumpserint, concordiam verò languidè & ambigè tractarint; quòdque conciliationis capita à Cæsareis conciliatoribus proposita novis identidem tergiversationibus eluserint.

Non tamen nullus omnino fructus conventus fuit. Nam *Aveschotus* cum quatuor aliis legatis, sejunctus ab aliis collegis, Antverpiam regressis, Coloniae substituit, & conditionibus à Cæsareis propositis ceu æquis subscripsit: Valencenates etiam & Buscoducenses easdem amplexi, cum Rege sunt conciliati (anno 1579.)

Continuatio Historica.

Postquam autem Trajectum fuit expugnatum, plures aliæ civitates, imò integræ provinciæ, uti *Frisia* & *Transiselandia* ad Regem redierunt. Nam utriusque provinciæ Gubernator Georgius *Lalinus* Rennebergii comes, haud indecorum sibi ratus, si Wallonicæ Nobilitatis, ac præsertim Lalinii Hannoniæ Præfecti, & Lalinii Montinii, cognatorum exemplo provincias & Principi suo & Victori restitueret, retenta

Præ-

46.
Frisia &
Transiselandia
ad Regem.

Præfectura, cum annuo redditu 20000. florenorum, ex Regio harum provinciarum patrimonio, ac dignitate Marchionis, rem eo deduxit, ut utraque provincia Regi sacramentum diceret. Mechlinia pariter, victis ab Oli. era ordinum copiis, in easdem cum Wallonibus condiciones se dedit.

Et videbatur sanè totum Belgium vi aut sponte Regias partes secuturum, nisi necessaria pecunia ab Hispania defuisset. Sed Lusitana expeditio & animum Regis, & pecuniam à Belgio abstraxit; utpote ex qua occupata non unius Belgii, sed regnorum plurium pecunia hauriretur. Cum igitur belli nervus deficeret, Farnesius ex summa fortuna in summas difficultates & angustias redactus est. Nam Wallones ex pactis urgebant abitum externi militis: Rêxque id ipsum imperaverat. Copiæ exteræ, variis seditionibus motis, detrectabant discedere, nisi stipendiis numeratis. Alexander non habebat unde solveret: neque unde novum exercitum conduceret. Milites præsidarii, laborantes inopia, latè prædas agebant, atque urbium direptionem minabantur.

Difficultas
od stipendi-
orum inopi-
am.

Quæ sanè difficultates non tantùm victoriarum cursum abruperant, sed ingentem victoris animum ita dejecerant, ut amarè apud Regem questus, se ex Belgio dimitti rogaverit. Verùm Rex in statione jussit persistere; missoque pecuniarum subsidio aliquo, Farnesius stipendio- rum parte soluta veteranas legiones, Hispanos, Burgundos, Germanos, Italosque ingenti cum mœnore dimisit, abscisso gloriæ campo, paucis Wallonum copiis se coactus credere, & tyronum supplementa, ex eadem gente conscripta, militiæ initiatos imbuere.

Exteri mili-
tes dimissi.

Emisso veterano milite foederati per Lanuam, militum in Flandria Præfectum, capto Egmontio, Ninovam occupant, & per Norritium Anglorum tribunum Mechliniam, mense integro dein direptam, ea crudelitate, ut populatio illa *Anglicana furia* diceretur. Sed brevi in spes novas erectus Alexander vices rependit, conferta per Marchionem *Rubasium* memorabili pugna, in qua præter cæsos captosque quàm plurimos Gallos Hugonotos, Dux ipse *Lanuæ* captus ad Alexandrum Montes adductus est, atque in Limburgensem inde custodiam abductus: homo obnixè hæreticus, multorumque in Gallia & Belgio malorum incentor: hæsitque per quinque annos in ea captivitate, donec cum Egmontio commutatus est. Wallones autem, omnium Belgarum pugnacissimi, ea victoria animati, occupatâque Cortraco, erecti, spem de se optimam præbere Farnesio conati sunt, ut externi militis dimissi memoriam deponeret facilius. Sed nova rursus voluntas Regis curas ejus animûmque distraxit. Namque

Rubasii vi-
ctoria.

47.

Margaritha
in Belgium.

Advenerat interea in Belgium Margaritha, Alexandri mater, re-
sumptura Regis voluntate Belgii Gubernationem, relicta apud filium
sola armorum præfectura. At is, summa veneratione & verè filiali
matre excepta, in Hispaniam rescripsit, ea potestatis divisione nec ma-
tri, nec Regi, nec sibi, nec Belgicis rebus consultum: rogare proin se,
ut sibi, ex Belgio dimisso, Regias manus deosculari liceat. At Rex
ad ea non motus, insententia persistit; donec Alexander, certus,
eam dimidiatam Præfecturam publicæ rei noxiam fore, ad Gran-
vellanum, qui omnia in animum Regis poterat, scripsit; summam
quidem sibi venerationem esse in Margaritham, & summi Cæsaris
filiam, & maximi Regis sororem, & matrem suam amantissimam,
& Belgii jam antè Gubernatricem prudentissimam, Belgis omnino
gratissimam: sed ad præsentem Belgii statum planè non condu-
cere, ut potestas dividatur; licèt enim inter matrem & filium per se
ipso nulla sit futura discordia, Urbanos tamen inter militumque Præ-
fectos non defore varias contentiones. De cætero non videre se, cur
à Rege tali poena plectatur, ut Gubernatione deficiatur. Se cùm in Bel-
gium venisset, duas duntaxat provincias invenisse, Regi adhærentes,
tertiam suo ductu adjecisse, ac postea, mortuo Joanne Austriaco, tres
rursus, inita cum Wallonibus conciliatione Regi comparasse, hisque
Frisiam etiam & Transsylvaniam adjunxisse, ut adeò octo omnino pro-
vincias sub Regis imperio habeat, præter complures in Flandria, Bra-
bantia, aliisque provinciis urbes, vel occupatas, aut in fide retentas;
spemque fore præsentissimam, plures adhuc brevireducendas. Si ta-
men his intra biennium gestis adeò male de publica re sit meritis, ut
adimenda sibi videatur gubernatio, se nullatenus refragari, quò mi-
nùs alibi obsequi Regi possit, aut etiam sub matre gregarium in Belgio
militem agere.

Dimissio-
nem petit.

48.

Hornanus
plexus.

Quum dein rumore de Alexandri discessu percrebescente militia
vehementer quereretur, Rex tandem consilio mutato, integram eidem
administrationem persistere voluit, Margaritham nihilo fecius in Belgio
manere, ut revertentes ad obsequium Belgæ ad eam, sacram velut ad
aram, possint confugere. At illa triennium Namurci morata, cùm
omnia bellum respicerent, inpetrata venia in Italiam rediit.

Tumultuari dein rursus miles, ob vetus malum, pecuniæ ino-
piam: urbes aliquæ Nobilè-que ad ordines deficere, atque in ipsam etiam
Alexandri vitam conspirare. Hos inter erat Hornanus comes, cum
Chrecquo & Inchio. Sed Montinii & Rubasii fide detecta proditione
captus *Hornanus*, judicioque habito, capite plexus est: nulla Belga-
rum commiseratione, quorum ex primoribus multos, dum tumultua-
rius esset Bruxellis Gubernator, in senatu capi, & in custodiam trahi
jusse-

jusserat: superbo ingenio homo & variabili, qui semper alibi esse mallet, quàm ubi erat. Bona, fisco debita, ejus sorori capti Egmontii conjugii relicta sunt.

Nec minùs sollicitum habebant Parmensem res Frisæ, jam tertium mensem Gröningæ ab Orangianis obfesso *Lalinio* Rennebergio, desertumque se, postquam ad Regias partes transisset, conquerente: præsertim ubi inauduit, Comitem *Holachium* Orangii affinem, novis cum copiis imminere. Licet igitur pecuniæ inopia tot tristibus undique nuntiis occurrere non posset Alexander; ne tamen Rennebergium destituat, & Frisiam ac Transiselaniam rursus amittat, conquisto undecunque ære *Martino Schenckio* ductore copias misit. Quæ commissa ad Hardembergum in Transiselania cum Holachio pugna, egregiam victoriam reportârunt, cæsis 1500. Orangianis, tormentis & impedimentis omnibus in potestatem redactis, ex Regiis 52. tantummodo desideratis. Soluta mox Gröningensi obsidione Rennebergius victricia arma latè circumtulit, captis non paucis arcibus, fractoque compluribus secundis præliis Orangii & Holachii robore. (anno 1581.)

Victoria
Gröningensis.

Hæc, quanquam prospera, Wallonibus movebant invidiam, quasi Alexander misso in Frisiam milite posthaberet eorum provincias, hostium incursionibus, Cameraco, Tornaco, Condæo, & Bouchemio impune prodeuntium, expositas. Quare *Bouchemium*, cui Villerius præfectus erat, per Mansfeldium, Montinium, Mottæum, & Rubasium expugnavit, non sine insigni hostium perfidia, qui libertatem abeundi pacti, pulverem nitratum arci lentumque ignem supposuerant. Quo, Urbes cap-
arce salva, centum domus conflagrârunt. Cum postea inter Mansfeldium castrorum Præfectum & Rubasium Magistrum equitum magna dissensio ex æmulatione exardesceret, Alexander illi *Nivellam*, huic *Cameracum* expugnandum commisit. Ipse verò cum Montinio *Condaum* recuperavit.

Orangius fœderatorum ordinum potentiam virésque tantopere imminui cernens, ut redditum absunderet, eis tandem persuasit facinus execrandum, ut Antverpiæ congregati definirent, Philippum Regem, quod jurata Belgis privilegia non servârit, Principatu Belgii excidisse, ob eamque causam Belgarum populos (ipso Philippo in Belgii inauguratione id permittente) à fide obedientiâque jam liberos, novum sibi Principem, Franciscum Valesium *Alenfonii*. Ducem Galliarum Regis fratrem, volentes libentésque deligere. Ad quem invitandum Aldegundius cum aliquot Nobilibus ablegatus, haud difficulter persuasit Principem eligunt.
pi inquieto, & imperii avido, ut se cum instructo exercitu in Belgium venturum promitteret.

49.
Fœderati
Regem abdicant.

Alenfonium
sibi Principem eligunt.

Abit Mathias.

Mathias Archidux, in cuius oculis hæc agebantur, non expectaturus novum Principem, abdicata in eodem ordinum conventu personata quatuor annorum administratione, despectus & abjectus in Germaniam rediit: relicta Alenfonio persona, in eodem turbido Belgii theatro nec diutius nec felicius sustinenda. Edicto ordinum Hagæ comitis promulgato, illico Regia fracta sunt sigilla, dejectæ ejusdem imagines & insignia, erasa nomina; ordinibus Sacramentum dictum. Tum rursus in sacra catholica conversus furor, hæreticis pro effræni licentia omnia miscens. Rex verò Orangium ceu perdueilem hostemque publicum proscribit: occisoribus ejus 25000. aureorum decreto præmio. Ille verò edita apologia causam suam tueri est conatus. Sed dum Regem Belgio spoliare nitebatur, *Bredam* gentilitiam urbem suam amisit, quam *Altapennius* Barlamontii frater, immixtis noctu clam militibus in arcem, occupavit, ac militi diripiendam reliquit. Instauratus dein sacer cultus (anno 1581.)

Orangius proscribitur.

Breda capta.

Venit interea in Belgium iusto cum exercitu Alenfonius, & liberato ab obsidione Cameraco, variis locis potitus, Farnesio viribus impare prælium detrectante, timebatur majores progressus facturum. Unde, quia Provinciæ Regi addictæ faciliè videbant, solam Wallonum militiam Gallis & ordinum copiis non posse resistere, optabant jam exterum militem, cujus dimissionem tanto ardore antea postulaverant, revocari.

50.
Agitur de revocando extero milite.

Farnesio nihil erat optatius, quàm ea gentis persuasio, atque ferum, dum calebat, cudendum ratus, Nobilitatem, quæ sola dissentire videbatur, Egmontii & Hornani exemplum verita, in hanc sententiam perducere laborabat. Aggressus primùm Lalaïos, Hannoniæ Gubernatorem, & Montinium, dein verò Rubasium. Nec illi, securitate & munerum retentione sibi promissa, obstitērunt. Quin ipsi à Rege petierunt exterorum auxilia. Auctaque sunt hæc studia, ubi Alenfonius ab ordinibus publicè inauguratus est Antverpiæ Dux Brabantiae & Belgii Princeps, advenientibus identidem novis è Gallia & Anglia pro eodem suppetiis.

Tornacum captum.

Dum autem expectatur responsum Regis, & adventus externi militis, Alexander, ut *Cameracum*, Gallis relictum, compenfarer, *Tornacum* obsedit, præmunitam in Flandria urbem, in quam passim hæretici, ex Wallonum provinciis ejecti, tanquam sentinam colluvione confluxerunt. In ea obsidione præsentissimum vitæ discrimen Parmensis subiit, tormenti explosione inter ruinas sepultus, sed saucius rursus egressus, tanta vi oppugnationi institit, ut pertinacia tandem fracta deditam urbem receperit, libertate abeundi hosti concessa. Eodem ferme tempore *Verdugus*, Rennebergio defuncto susceptus Norritium & Nassavium in Frisia magna strage profligat, captis omnibus tormen-

Alexandri periculum.

Verdugi victoria.

tis ac reliquo belli apparatu. Altapennius verò *Eindoviam* occupavit. (anno 1581.)

Mox *Aldenardæ*, quam ob munitiones à Lanua adjectas Rupellam minorem dixere, atque inexpugnabilem putabant, oppugnatio suscep-
ta. At duo in ea pericula Farnesius subiit: primum à seditione Ger-
manæ legionis, quæ stipendia ferociter postulavit. Verùm Alexander
stricto gladio in medium strepentium & arma intentantium globum in-
vectus viginti illorum illico suspendi jubet, legione tanto Ducis ani-
mo attonita, nec hiscere ausa. Alterum subiit, cum grandior pila in
prædentis tentorium projecta mensam subvertit, & aliquot assidentes
prostravit. Nil ille motus eodem loco sterni rursus mensam iussit, re-
jecto securiore, ne hostes gloriarentur, Alexandrum aliquando fugisse. Alterum pe-
riculum.
Expugnata denique hæc Rupella, catholica sacra, quæ diu exulabant, Aldenarda
capta.
recepit. Parcitur civitati, Margarithæ matris patriæ; imperata ta-
men multa, inter milites distributa. (anno 1582.)

Advenerunt interim in Belgium 5000. Hispani & 4000. Italie. Illis Adventus
exteri mili-
tis.
in duas legiones divisus dati Tribuni *Pacius* & *Mondragonius*: his verò
Carduinus, & *Camillus* à Monte. Accesserunt multi ex Italia Nobiles,
milites honorarii, ut sub Alexandri disciplina bellandi artes addiscerent.
Et opportunè venerant eæ copiæ, Alenfonio cum novo exercitu in Bel-
gium moveante: Rege Henrico aut dissimulante, aut etiam matris im-
pulsu adjuvante. Alexander Gallos adortus, victosque Gandavum fu-
gat. Ubi Alenfonius Flandriæ comes est renunciatus. Oppidis inde
ultra citroque captis certatum. Et Regii quidem Liram astu occupâ-
runt, opera centurionis Scoti, ad Alexandrum transeuntis: Gavream Captæ urbes.
verò & Ninovam, Egmontii arces, cum Cameresio, Clusa, Stenovi-
co, vi expugnant & Lovanium obsidione liberant.

Hæc dum prosperè à Regiis geruntur, acta est res magna, quæ 51.
Alenfonii
invasio.
Gallorum ordinumque partes magnopere prostravit, Hispanas verò
mirè erexit. Nam *Alenfonius*, se præter inanes titulos, non aliter
ac olim Mathiam Archiducem, ab ordinibus haberi, impotenter ferens,
auctoritatem sibi armis asserturus, Tribunis, qui in Flandriæ urbibus
Gallicis cohortibus præerant, præcepit, ut uno omnes die (hæc erat
16. Januarii, anni 1583.) Flandriam armis occupent, eamque ceu jure
belli captam, Galliæ afferant. Ipse verò Alenfonius Antverpiam
subigendam deligens sibi Gallicas copias in urbem quæ astu, quæ
vi ducit, cæsisque custodibus, Antverpiam captam inclamant Gal-
li. Cives, ubi diripi urbem, omniæque per vim agispectârunt, cor-
reptis armis, Gallos ingenti clade prosternunt, 250. Nobilibus inte-
remptis, ex aliis verò 2000. Flandriæ urbes vario eventu attentatæ,
Ostenda, Brugis, Neoporto, prævalentibus adversum Gallos: sub-
actis contra à Gallis, Teneramunda, Dunquerca, & Dixmunda,

Clades.

&
uga
ex
Belgio.

Ex his turbis & Alenſonii cum ordinibus collisione quid commodi capere poſſit Farnesius deliberans, tentata fruſtra cum alterutra parte transactione, diſiſſo biſariam exercitu, ſimul Dunkerchæ Alenſonium, & Stenbergæ *Bironium* ejus Duceſ aggreſſi ſtatuit. Hanc expeditionem ipſe ſuſcepit, captiſque aliquot in Brabantia arcibus, *Bironium* Stenbergam ſe recipientem inſecutus, pugna aggreditur. Jamque Gallidelibabant victoriam, cum Alexander ſuos fugientes ſiſtens, victorque magna clade Gallos, Belgasque immiſtos proſtigat. *Bironii* fugam Hochſtratæ, aliorumque oppidorum deditio ſecuta eſt. Alenſonius audita hac clade, & Farnesii Dunquerchæ imminentis feſtinatione, veritus Alexandri fortunam opperiri, relicto ibidem Gallico præſidio, claſſe conſenſa in Galliam rediit, quaſi cum Rege deliberaturus de reconciliatione cum Belgis.

ſ2.
Urbes captæ.

Suſcepta mox à Mottæo, Montinio, & Montragonio *Dunquerchæ* oppugnatio: nec ultra ſex dies protracſa. Nam dederibus ſe Gallis liber conſeſſus abitus. Urbs ipſa clementer habita. Prolata dein victoria Alexander *Neoportum*, *Meninam*, *Düxmundam*, *Winocibergam*, *Wurnam* recipit. Per Altipennium *Stenbergam*, per Tribunal *Taxium* *Zutphaniam* occupat, caſis non rarò Orangianis.

Unum inter hæc ubique proſpera exedebat Alexandri mentem, quòd rei nummarie, cujus ſupra modum premebatur inopia, videret occaſiones præſentiſſimas ſibi eripi, & nobilium victoriarum palmas pene inter manus confringi. Quare Regi victorias gratulatus, ſerme abſque milite & ære partas, Divinæ planè clementiæ miracula, cum gemitu exhibuit, præter præſidia non ultra ſex armatorum millia ſibi ſuperèſſe; ſed ſi mitterentur auxilia, ſperare ſe, intra annum tota Brabantia potiturum. Rogat itaque Regem, ut liberalitatem ſuam prolixiùs exerat, ut bellum, aliàs ſine fine extrahendum, brevi conſectum ad vota videre queat. Et tamen, quod mirum, tanta laborans penuria, Flandriam victoriis excurrit, captis *Rupelmunda*, *Axella*, *Ulfſto*, *Aloſto*, *Middelburgo Flandriæ*, cum *Waſienſi* agro: reducta ubique Religione exule. (anno 1584.)

Quibus prælarè geſtis accepit à Rege litteras, quibus ei gratias agit ob tot victorias, atque ſignificat, peditatum omnem Hiſpanum, abſoluto jam Tertiis in inſulis bello, mitti à ſe in Belgium in tres legiones diſtributum, ductore Petro Taxio, qui Alexandro ſcripſit, conſtare eas legiones 5000. militibus. Juſſit etiam Rex ex auro claſſe Indica recens advecto, in arce Mediolanenſi decies centena aureorum millia deponi, per partes in Belgium mittenda. Addit denique, Colonienſes, & Bavarum eorum Anſtiſtam repetitis litteris opem adverſus Gebhardum Truchſeſum imploraſſe; curaret proin, ne tam juſto patrocini

Expedicio
Colonienſis.

nio

nio res catholica, & spe sua Bavarus frustretur. Et implevit vota Farnesius, misso ad Ernestum Carolo Lignyo Armbergii comite cum 3000. peditibus, & 500. equitibus, plerisque veteranis, quos novis postea subsidii auxit. Victi hæretici: Gebhardus in Hollandiam profugus: firmata Ernesto dignitas.

His lætus Alexander tres amplas Flandriæ civitates, *Gandavum*, Flandriæ urbem *Brugas*, & *Ipras*, abscisso commeatu fame edomare decrevit. Ac priores, *Ipræ* se dediderunt: dein *Brugæ*, quibus ordinum nomine præfectus fuerat Carolus, Croyus Chimaci Princeps, Ducis Areschoti filius, qui superiore anno Regis partes deseruerat. Sed Parmensis patrem dixit Gubernatorem urbis, cui nullum præsidium imposuit, sed *Dammæ* oppido proximo. Reductus Brugenſis Episcopus, qui majorum sacra instauraret. Pertinacius Gandavenſes resistebant, sed interclusis alimentis inedia fracti, Alexandro se permittunt, qui urbi, grandi ære multatæ, & sacra restituere jussæ, validum præsidium imponit, eique Præfectum dat Federicum Perenotum Campinii Dominum, Cardinalis Granvellani fratrem, quem prius Gandavenſes carcere concluderant. (anno 1584.)

Tot calamitatibus arctati residui foederati Belgæ, missis in Galliam legatis *Alenſonium* revocant, conditionibus multò amplioribus, adeò, ut eo absque liberis defuncto, Belgium Galliæ Regno se conjuncturos promitterent. Sed altior vis filum huic telæ texendæ præparatum incidit, subito è vivis raptò Alenſonio. Si quis unquam alius, hic certè Princeps variantes rerum humanarum vices expertus est: jam Calvinistarum Dux Catholicus: frater armatus adversus fratrem, subditus in Regem: jam captivus ac longa custodia detentus; nunc Angliam glorioſè ingressus ad Regalem thalamum: mox spe delusus. Modò Belgarum Princeps magnificè inauguratus: rursus magna cum ignominia toto Belgio bis ejectus. Jam potentissimi Regni hæres proximus, summo fastigio propediem admoendus, atque à populis adorandus: sed mœrore contabescens in flore ætatis vitam turbulentam finiit. Hæc rerum humanarum fides, præsertim ubi ambitio se ipsam torquet, & illud negligitur, quod solum vitam beatam figit.

At non unus Alenſonius ambitionis cupiditatisque triste documentum reliquit; inſecutus mox Orangius infelicius finiit, quam luserat, vitæ humanæ tragœdiam. Is jam antè Antverpiæ, ipſo Alenſonii natali die, post lætum convivium à *Joannello Faurengio* Cantabro juvene sclopo utramque maxillam sauciatus, tribus post annis Delphis in Hollandia à *Balthasare Girardo* Burgundo, surgens ab epulis fistula in cor explosa peremptus est. Percussor à fuga retractus, & quæſtioni subjectus, quo auctore id facinus patrasset, quum Divino tantum instinctu id factum

constanter asseverâisset, dirè multùmque tortus, atque in quatuor partes, lento supplicio dissectus est, mirantibus, qui laniens interfu- rant, juvenis (26. annorum erat) animum imperterritum, tormentis omnibus majorem. (anno 1584.)

Elogium.

Atque hunc finem inquietæ vitæ imposuit Wilhelmus Nassa- vius, Princeps Orangius (*Auriacum* aut *Arausicanum* alii appellant) anno ætatis 51. belli civilis 16. cujus classicum ipse Belgis cecinerat, ostentato libertatis signo, assumpto hæreticorum patrocinio, Divinæ ac humanæ Majestatis reus: quippe ausus contra Regem suum initio propriis auspiciis arma sumere; post occultis conjurationibus, publicis fœderibus, attractis ad partes magnis Principibus, Belgio ad speciem impositis, sed sibi re ipsa subjectis, scissas astu provincias contra quatuor Regios Belgii Præfectos, pertinaci bello in armis tenere: eo quidem successu, ut ante Farnesii adventum ad duas provincias contraxerit His- panam potentiam: donec eandem sub Alexandro resurgentem exti- mescens, sibi que cavens, gentis credulitatem ad eò circumegit, ut publi- co edicto Regem suo exuerent patrimonio, Gallumque sibi Dominum adoptarent: à quo Hollandiam & Selandiam clientelari jure possiden- dam, secundum Alentonii promissionem, habebat Orangius. Unde com- missis bello Galliæ Hispaniæque Regibus has provincias sibi firmandas sperabat; repertique feruntur apud eum nummi, adjectis circum lit- teris: *Nova moneta Comitum Hollandiæ & Selandiæ*, inaugurationis die publicandi. Certè illi sua debet initia nova, eaque potentissima per Europam Respublica, quætuosis per utrumque orbem commerciis in- immensum provecta.

Mauritius
suffectus

sub
Holachio.

Post ejus mortem legati provinciarum, Regi necdum parentium, Antverpiæ congregati, communi consilio Mauritium ejus filium, se- cundò natum (nam Guilielmus primogenitus in Hispania adhuc detine- batur) Hollandiæ, Selandiæ, & Ultrajecti, marisque Belgici Præfectum renuntiarunt, 19. tunc annos natum, atque in virum ingentem excre- turum: dato ei propter ætatem legato Comite *Holachio*; Nivernario Geldriæ administratione commissa, quam Comes Bergensis, Regias partes recens secutus, abdicaverat. Tum in Galliam Legatos ordines mittunt; qui Regi Belgium obtulerunt, eo jure, quo Carolus V. possiden- dum. Fluctuabat animo Rex, tum quòd spes tam vicinæ tamque opi- mæ prædæ invitaret, tum quòd metueret, ne Belgæ rejecti Angliæ Regi- næ se dederent. Ex altera parte, turbatis Galliæ rebus novo & an- cipi bello cum Hispano se implicandum videbat. Tandem legatis re- spondit. Gliscere in Gallia quotidie turbas, iis intentum prohiberi se, n: Regni vires aliò distrahat: iis expeditum curas inde suas in finitimos amicosque populos extensurum. Sic legati re infecta post tertium men- sem in Belgium reversi sunt.

§. II.

Alexandri Farnesii septennium alterum.

PArmenſis interea inaudita fortitudne ſuas proſequatur victorias, obſidione præſertim *Antverpienſi*, qua nulla unquam memorabilior. Jacta hîc rapidis in fluminibus caſtella, frænati amnes, aperti infra undas cuniculi, fluvii aggeribus ſuperfuſi, ruſſumque aggeres fluviis impoſiti: & quaſi modicus videretur unius Antverpiæ obſidendæ labor, eodem tempore urbes prævalidæ ſex ac potentiſſimæ ſimul omnes obſeſſæ, ſimul circumactæ vix anno in poteſtatem redactæ, *Antverpia, Gandavum, Neomagus, Bruxellæ, Teneramunda, Mechlinia*. Et quidem paucis admodum copiis res tantæ actæ ſunt. Nam partem præſidia urbium arciumque diſtrahebant. Legiones duas Arembergius & Manriquiſ in agro Colonienſi habebant, Pars in Friſia ſub Verdugo provinciæ Præfecto, & Taſſio ejus Legato, adverſus fœderatos militabat. Zutphaniam cum aliquot equitum turmis Appius de Comitibus & Capilucus percuſabant. Marchio Rubaſius cum ſua Wallonica Legione fines Arteſiæ & Hannoniæ adverſus excuſiones Gallorum tuebatur. Alexander in Flandria & Brabantia non plures habebat, quàm 10000. peditum, & 1700. equites: cum quibus reſtantas geſſit.

54.

Expugnatio urbium.

Præſertim Antverpiæ.

Obſidionem Antverpienſem tam paucis cum copiis ſuſcipi non poſſe cenſebant magni Duces, Manſfeldius, Mottæus, Goignius Licquius, Belgæ: Mondragonius, Billius, Olivera, Pacius, Hiſpani: Camillus à Monte, & Camillus Capifuccus Itali: cum Georgio Baſta, Epirota, qui poſtea in Hungaria & Tranſylvania Cæſaris ſupremus belli Præfectus inclaruit. Sed cedentes auctoritati Alexandri obſidionem inchoârunt; atque ut omnem urbi commeatum abſcinderent, ingentem Scaldi *pontem*, miro artificio operoſè conſectum, impoſuerunt, ex quo omnes naves arcerent. Ferturque *Aldegundius* urbis Conſul, cum prodigioſum eum pontem abſolutum cerneret, dixiſſe, non humani ingenii inventum tam ſtupendi operis, ſupràque fidem fuiſſe, flumen tam latum tamque profundum mortalibus manibus claudi potuiſſe, ac Brabantiam cum Flandria per pontem committi.

Pons.

Dici non poteſt, quanta Antverpienſes ſint machinati, ut hunc pontem, & inædificata eidem caſtella ſubruerent. Inter alia complura novo prorsus invento à *Lambello* homine Italo, qui in urbe degebat, navigia incendiaria, ſulphurea peſte & pulvere bellico facta atque flammæ ingentes eruçantia, fabricata ſunt, & ex urbe per Scaldin adverſus pontem emiſſa: eorum unum, poſtquam nautæ in ſcaphas deſilierunt, ad pontem diſiliit, horrendo uſque adeò fragore, ut ruere cœlum, ſupera inferis miſceri viderentur. Nam ejecto inter fulgura &

Naves incendiaria.

tonitrua, lapidum, catenarum, & globorum nimbo, horrenda strages edita. Castellum, cui tartarea navis incubuit, partem pontis, milites, duces, tormenta, uno omnia involuta impetu in suum raptum, dispersitque quasi ventus folia. Octingentos milites tygia illa pestis extinxit; plurimos miserandum in modum sauciavit.

Clades mi-
sera.

Inter Duces occisos fuit Marchio *Rubasius*, Gubernator Artesiæ, & equitum Magister, ob militares virtutes, adductas Wallonum provincias, detectas insidias, Alexandro gratissimus. Obijt pariter Gaspar Roblæus Billii Dominus, Germanorum legioni præfectus, militari & ipse laude clarissimus. Alexander ipse tartarei ignis vapore prostratus, inter mortuos est habitus. Ubi ex ruinis emerfit, atque strata ubique cadavera, pontem & castella disiecta, miserandamque rerum faciem vidit, indoluit equidem, sed mox animo erectus, ad reparandum pontem se accingit.

Longum foret recensere omnes machinationes Antverpiensium, eruptiones ex urbe, classes Selandicas & Hollandicas in auxilium sub Holachio accurrentes, frequentes conflictus, clades mutuas ingentes, aggeres superatos, rursumque amissos. Sed tandem difficultates omnes evicit Alexandri constantia. Nam Antverpienses legatos ad eum misere, atque inter eos ipsum consulem Aldegundium, qui deditio- nem offerrent, ea tamen lege, ut religioni libertas esset, ut arx nulla urbi imponatur, nec exterum præsidium immittatur. Addiditque Aldegundius, Calvinò apprimè addictus, se facile etiam Hollandiam & Selandiam ad obedientiam Regis adducturum, modò religionis libertas concedatur: manifesto argumento, quanam tot rebellonum bel- lorumque princeps causa exstiterit.

Conditiones.

Verum Rex jam antè Alexandro rescripserat, in omni conven- tione cum civitatibus hoc primum atque supremum esse debere, ut Religio catholica recipiatur, interdicta omni sectarum professione: re- licta duntaxat hæreticis mora, ut res suas domesticas possint compo- nere & emigrare. Satiùs esse, omnia pro Deo profunderè, quàm ab hac constantia vel minimum deflectere. Firmata igitur ab Alexandro, his mandatis instructo, prima de Religione conditio. Jussi Antver- pienses templa, quæ everterant, reponere, & ejectas Religiosorum ordinum familias in sua loca & bona recipere. Cùmque legati insta- rent, ut ii solùm Religiosi restituantur, qui tempore Caroli V. Ant- verpiæ habuissent domicilium, Farnesius, hæc ad excludendos Socie- tatis Jesu Patres tendere, animadvertens, quorum ipse militiam ad- versus hæreticos maximè adhibebat, conditionem omnino rejecit, comprehendique omnes voluit. Circa reliqua duo capita sic conven- tum est: ut Parmensis præsidium ex amicis nationibus secum in urbem addu-

adduceret; & siquidem Hollandi Selandique cum Rege suo reconciliarentur, urbs ab arce & præsidio libera foret.

In reliquis conditionibus ex Regis voluntate liberalis fuit. Data venia: restituta privilegia: hæreticis ad res suas componendas quadriennii mora permessa: urbi non nisi quater centena florenorum milia pro stipendiis militum imperata; quamvis infinitis sumptibus annalis ea obsidio steterit. Tum dejectis Alenfonii insignibus regia reposita; atque Alexander triumphantis in morem urbem ingressus est, comitantibus Belgis & Germanis. Hispani verò & Itali, Antverpiensibus minùs grati, in castris relictì, in ipso ponte, ab Alexandro constructo, triumphalem pompam victori adornârunt. Ad quos Alexander ac Duces egressi, eo ipso in ponte cœnam lautam militibus instruxerunt, iisque ad mensas ministrârunt. Postridie autem pons ille prorsus stupendus sublatus est. (*anno 1585.*)

Alexander ad ordinandum statum civitatis reversus, Campinium urbi, præsidio Werpium præfecit: Mechliniensem Archiepiscopum ad procuranda sacra, Societatis Jesu Patres ad instituendam litteris & Religione juventutem, clausis hæreticorum gymnasiis, evocavit. Stipendia tum militibus, quamvis defectu pecuniæ non integra, distribuit. Quæ res Wallonibus tumultuandi occasionem præbuit, existimantibus per errorem, se minora Hispanis obtenturos. Hoc tumultu aliquorum supplicio sedato arcem, à Margaritha matre designatam, ab Albano exstructam, ab Orangio dirutam, restauravit, Antverpiensibus non admodum invitis, hospitacionis militum pertæsis. Et tantæ tunc quidem molis erat expugnare Antverpiam, quam, licet arce munitam, nostris temporibus levi brachio paucos intra dies ad dedicionem compulsum vidimus: captis priùs vicinis circum munitionibus,

Interea dum Antverpiana fervet obsidio, complures alias præcellentes urbes in potestatem catholicæ redegerunt copiæ; atque imprimis *Teneramundam*, jactura tamen Pacii & Taxii Tribunorum: tum *Teneramunda* Gandavum, unde naves, quibus Alexander egebat, Antverpiam duxerat. Sed Tilinius Lanuæ filius Lilloo (cujus arcem frustra Farnesiani invaserant) egressus, excitato ad Scaldis ripam castello comitum Gandavum inter & Antverpiam interclusit. Verùm is, dum ad evocandum ad Antverpiæ defensionem Holachium properat, à Farnesianis captus est, & in custodiam Tornacensem abductus, magna fœderatorum jactura, & patris Lanuæ, Limburgi adhuc captivi mœrore.

Secuta est mox deditio *Bruxellarum*, fame extorta. Jussi cives *Bruxellæ* templa reficere, Regii sacelli ornamenta, & pretiosam supellectilem restituere, aut pretium solvere. Hæreticis biennii mora ad emigrandum

dum concessa. Præsidiarii (duo circiter erant millia) sacramento adacti, nunquam bellandi adversus Regem. Ordinatus status Ecclesiasticus & Civilis. Postea Alexander huc aulam suam, Belgii Principum & Gubernatorum antiquam sedem, transtulit; postquam eam primum Namurci, dein Montibus in Hannonia, tum Tornaci in Flandria fixerat. Nec mensis abierat, quum *Neomagum*, primaria Geldriæ civitas, Caroli M. olim sedes, in Regis potestatem venit. Catholici nempe à Meursio Comite Provinciæ Præfecto pressi, Altapennium cum copiis Regiis in urbem admiserunt, qui præsidiarios ad deditionem compulso exarmavit.

Neomagum

Accessit sub ipsum finem Antverpiensis obsidionis *Mechlinia*; quam occupatis vicinis munitionibus, obtinuerunt Renthiaius, Licquius, & Mottæus. Urbs arbitrio Parmensis permessa, qui clementer eandem habuit: restituto post longum exilium Archiepiscopo.

Mechlinia.

55. Neque civitates tantum arcésque à Regiis occupatæ; in campis etiam apertis victricia signa explicata, maximè in Geldria & Frisia. Nam imprimis Meursæ Comes recuperando Neomago imminens, à Verdugo Frisæ Præfecto & Tassio ejus legato victus est fugatusque. Sed major multò pugna ad Armerongam Geldriæ pagum commissa est. Nam Meursius, auctus *Schenckii* transfugio, & copiis à Villerio, Ultrajecti Præfecto, adductis, Taxium aggressus est. Sed ab eo magna clade affectus Ultrajectum fugit. Cæsi ex hostibus 1400. captus Villerius &c. Insigni gloria Tassianæ seu *Taxianæ* Familiæ. Sed plures victoriarum palmas *Taxius* messuit. Nam etiam Nassavii vicarium in Frisia tanta clade profligavit, ut ex duobus millibus vix decem superessent, qui non aut in acie, aut in fuga cæsi, captivæ fuerint. Quibus ex victoriis, uti Taxio claritudo nominis, ita permagnum Regi emolumentum accrevit, ex omni ferme Frisia submotis hostibus: ut adeò, præter Selandiam, Hollandiam & Ultrajectum, nullam amplius fœderati integram haberent provinciam.

Geldria &
Frisia redu-
cta per Ta-
xium.

Ostenda

Tot tantósque inter armorum progressus non defuerunt catholicis copiis sua infortunia. Nam Mottæus cum copiis *Ostendam* vi ingressus, quatuor horas locum tenuit. At cum miles ad prædam dilaberetur, & centuriones aliqui suo muneri deessent, non sine clade ab oppidanis ejecti sunt. Sed vices *Buscoduci* fœderatis redditæ. Eam urbem Holachius cum cohortibus aliquot per altum intraverat: at ejus copię ad prædam conversæ ab Altapennio ad internecionem deletæ sunt: urbsque munita Regi servata est. Ostendana cladi similem passæ sunt Regiæ copię ad *Lilloum*, a ce valida, quam Mondragonius olim posuerat, munitam ad Brabantia oram. Ut ex hac intercluderentur Antverpiæ obsessæ subsidia, missus est ipse Mondragonius, ut opus suum recuperet. Sed dum lentius agit,

immit-

immissa duo Scotorum millia ex arce erumpunt, Duce Tilinio arcis Præfecto, eumque fugant. Redire quidem parabant ad obsidionem, sed re desperata ab Alexandro revocatus est. Neque parum negotii eidem hæc arx facessivit in expugnatione Antverpiæ: ex qua alimenta urbi per Scaldim inferri poterant, donec pons ille portentosus commercium exclusit.

Verum nusquam majores in angustias præsentiuque discrimen adducti sunt Hispani, quam in *Bomelia Insula*, quam in Geldria efficiunt Bomeliana expeditio.
Mosa & Vahalis. Siquidem post expugnatam Antverpiam tres veteranae legiones, quæ quinque millibus constabant, duce *Bobadilla* in eam Insulam expeditionem susceperant; cum *Holachius* centum navibus per Mosam advectus pluribus in locis aggeres perfodit, ut fluvius excurrere Insulam inundaret. Hispani eluvionem fugitantes in aggeres & editiores colliculos evadunt. Calamitas. At crescentibus aquis nusquam tuti, & ab armatis hostilibus navibus cincti exitum nullum videbant. Nam Mansfeldius cum Buscoducensibus navibus accurrens rejectus fuerat. Jam & fame & frigore (nam hyems erat) plures enecabantur: illam tot annorum felicem militiam, adempto armorum usu, ignavè finiondam lamentantes. Cum ecce, ubi miles terram ad munimentum fodit, tabulam detegit, Dei Genitricis effigiem referentem. Accurrunt contubernales, ipseque concepta, supplices opem implorant, humanis omnibus præfidiis destituti. Nec defuit benigna Mater. Ipsa enim festa Per B. V. servati.
Immaculatæ ejus conceptionis die, undæ glacie congelari coeperunt. Unde Holachius cum suis navibus, ne glacie constingerentur, fugere compulsus est. Hispani verò, glacie rursus tepidiore aura dissoluta, Buscoducensibus navibus, prohibente jam nemine, excepti Buscoducum sunt reducti. Ubi omni charitate eis subventum. Institutæque in beneficii memoriam Immaculatæ conceptionis sodalitas, per Belgium deinde & Hispaniam celebris.

Foederati, quum in majores se in dies angustias compingi cerneant, & incassum auxilia à Gallia petiisse, ad Angliæ Reginam legatos mittunt, qui ordinum nomine Belgium eidem offerant, rogentque, ut Governatorem mittat. Principatum quidem illa non admisit, milites tamen & Ducem est pollicita; & quidem 5000 pedites, 1000. equites: quibus belli tempore stipendium ipsa solveret, pace composita rependendum. Interim in Selandia Flisingam & Rammecham, in Hollandia Brilam, præcipuos earum provinciarum portus pignoris loco traderent. 56. Angli acciti

Ducem nominavit *Robertum Dudlaum Leicestria Comitem*, intimæ apud Reginam admissionis virum. Is igitur anno 1586. præmissis Leicestrius Gubernator.
cum copiis Norritio & Sidnejo, Belgium magno Nobilium comitatu ingressus,

gressus, Hagæ, Hollandiæ olim comitum sede, pompa festiva supremus foederatarum provinciarum Gubernator inauguratus est: Regina se offensam propterea simulante; quod non Gubernatorem sed auxiliares duntaxat copias in Belgium misisset. Sed larva hæc erat, quæ consilii invidiam obtegeret.

Farnesius, qui jam ferme portum se attigisse crediderat, ubi vidit cum novis rursus fluctibus sibi luctandum, atque post Mathiam & Casimirum, tractasque è Germania copias, post Alensonium, & adductas è Gallia vires, jam etiam cum Anglia conflegendum, ut par erat, motus, animum tamen nequaquam despondit, sed ad universum Mosæ Rhenique Belgici tractum spem exporrigenis, *Graviæ* obsidionem Mansfeldio commisit. Sita est ea urbs ad lævam Mosæ, quæ Brabantiam circumvallat, per se munita, & trajicientibus in Geldriam opportuna. At minimè ex voto ibat obsidio. Nam Regii, frequentioribus ad Graviam dimicationibus, jam victores, jam victi, impedire non poterant, quò minùs militum & annonæ subsidia inferret Holachiùs, perforatis aggeribus campos inundans, perque eos cimbis advectus. Igitur Alexander, præsentiam suam videns necessariam, evocato ex Colonienfì agro Altapennio, Bruxellis profectus Graviam, urbem tribus locis aggredi statuit. Sed dum situm lustrat, equus ejus globo è mœnibus emisso prosternitur. Ipse verò in pedes exiliens, suos perculos recreavit. Jamque dispositis operibus aggressionem parabat, quum oppidani misso tubicine colloquium exorant, urbemque dedunt. Egressi ex urbe mille præsidarii. Inventa ingens vis armorum, annonæ, ac bellici apparatus. Gubernatorem ob properam deditionem capite plecti jussit Leiceftrius (anno 1586.) Eodem die Mansfeldii ductu capta est ad sinistram Mosæ ripam Mega, ad dexteram Batemburgum.

&
Venlona.

Farnesius victoriarum cursui insistens ad *Venlonam* deinde, præmunitam Geldriæ superioris urbem, exercitum admovit, eamque, strenuè licet resistentem, expugnavit: jussam templa restituere, & militi stipendia solvere, cui etiam prædam concessit, ex Schenckii transugæ, qui urbi præfectus fuerat, rebus collectam: gratulatus Regi, Mosam jam fluere Hispanicam, velut claustro Brabantiam ambientem.

57.
Colonienfis
expeditio.

Neque in Belgio duntaxat Alexander victricia signa explicaverat, sed in Ubios etiam protendit. Quippe non solum jam ante expulso Truchsesio Ernestum Bavarum in Archiepiscopatum Colonensem per Arembergium & Manriqueum introduxit, sed postmodum quoque laboranti catholicæ rei succurrit. Quippe Meursæ Comes in solennibus nundinis milites, mercatorum habitu tectos, *Novesium*, urbem præmunitam ac mercatura divitem ad Rhenum introduxerat, quam olim Carolus Audax cum 60000, frustra obsederat. Hæc urbs igitur ab hæ-

reti-

reticis possessa totum agrum Coloniensem infestabat: usque adeò, ut Ernestus Elector summa calamitate pressus, d. simulata persona, Bruxellas ad Parmensem sit profectus, ac supplex ab eo auxilium perierit.

Alexander, quamvis in Belgio magnum superesset bellum; quia tamen res catholica agebatur, neque Belgio expediebat, in Ubiis hæreticos dominari, addixit operam: atque redacta in potestatem Gravina & Venlona, ipsemet eam expeditionem cum selectis copiis suscepit. Ad duo millia hæreticorum urbem propugnabant, accedentibus duobus civium armatorum millibus; qui pertinaciter, & ad desperationem usque resistebant. Denique expugnata, & à furente milite, frustra inhibentibus Ducibus, direpta est; atque majori ex parte incendio combusta Electori Ernesto restituta: Cloëtto Governatore, perfido & à Cæsare proscripto, unà cum ministro Calviniano è fenestra suspeso. Ejus uxorem, quam ab eximia specie commendabant, ac puellas, in conspectum non admittas, novus Alexander honestè habere jussit. Præsidarii 2000. trucidati, & totidem armati cives. Atque ita Novesium castigatum est. Una dies vidit urbem florentem viribus & opulentia, hostibus insultantem, altera cædibus ruinisque sepultam. Farnesius verò, in castris Ernestum inter Septemvirum & Cliviæ Ducem medius, accepta è manu Nuntii Apostolici Divina dape, gemmis radiante gladio & galero margaritis distincto à Sixto V. est donatus, declaraturque Defensor fidei applaudente toto exercitu.

Novesium
expugnatum
& direptum.

Tum verò ad reliqua Truchsiesianæ factionis oppida progressus, *Meursam*, Alpense castrum, alique circum Rheinbergam seu *Rheinbergam* expugnat. Sola hæc urbs, & munitionibus, & præsidiis vallida (nam Schenckius eam cum 2500. militibus defendebat) in Agrippinensium provincia supererat expugnanda. Jámque Alexander eam obsidere coeperat, cum nuntium accipit, post captam in Flandria *Axelam* periclitari *Alostum*, ac præterea ingentes Anglorum copias admoveri obsidendæ *Zutphania*. Quare satius esse ratus propria defendere, quàm aliena lucrari, excitatis circum Rheinbergam arcibus, ne Coloniensem agrum infestare possit, obsidionem suspendit potius tantisper, quàm solvit; atque in Belgium ad extinguendum in propria domo incendium occurrit.

Nam Leicestrius absente in Ubiis Alexandro, occasione utendum ratus, Zutphania imminet. Mauritius verò Nassovius, tantus deinceps belli Imperator, *Axelam* noctu per astum capit, primo hîc militiæ rudimento inauguratus ad palmas. Hulstum verò frustra tentavit: accurrente ex Antverpiensi arce Mondragonio. Leicestrius interea ad Zutphaniam exercitum applicat. Vastius autem Marchio Alexandri Magister equitum, aureo Vellere nuper donatus, annonam

Axela.

urbi infert, conferto pertinaci prælio cum Comite *Effexio*, Leicestrii Magistro equitum. Angli vicinis Zutphaniae castellis potiuntur. Ubi duorum militum Hispani & Angli fortitudo inclauit. Ille dextera manu abscissa, hastam mutilato brachio alligat, atque complures sternit. Hic verò in propugnaculum ascensurus, objectam è muro hastam manibus prehendit, quam cum alter extorquere niteretur, Anglus elevari se cum hasta sinit, captoque impetu in murum assilit, eluctantibus post eum commilitonibus: sicque captum est ab Anglis propugnaculum.

Leicestrius
recedit.

Hæc dum geruntur ad Zutphaniam, ordines expectabant 4000. equitum peditumque ex Germania. Sed his obviàm progressus Alexander, conditionibus placatos in patriam remisit; atque nova rursus ci-baria Zutphaniae per Vastium intulit. His rebus irritati in Leicestrium ordines, suspectum eum habere coeperunt, præsertim, cum Præfecturas solis ferme Anglis committeret. Igitur ille foederatis se invisum cernens, in Angliam rediit, velut majoribus cum copiis rediturus. Republica interim ordinum senatui permissa.

Imò ipsum etiam Farnesium, cum, desperata cum Hollandis Se-landisque pace, tantum belli superesse cerneret, Belgicarum turbarum pertasum videri poterat. Nam in Italiam redeundi copiam à Rege petiit, ea allegata causa, quòd patre Octavio & Margarita matre nuper mortuis, provinciae propriae Ducis praesentiam requirant. Respondit Rex, Alexandrum Belgio magis, quàm Italiae pacatae, esse necessarium: Parmæ & Placentiae se faciliè cauturum, ne quid detrimenti patiantur. (anno 1586.)

§8.
Missio Ca-
strensis.

Igitur Dux Parmensis bellum Belgicum profecuturus, ad sacram etiam militiae disciplinam intentus, Castrensem Patrum societatis Jesu missionem instituit. Coepit illam P. Thomas Saillius, à Sigismundo Bathorio Poloniae Rege missus ad Alexandrum, qui eum deinceps ad finem usque vitae conscientiae moderatorem habuit, ejusque exemplo complures belliduces, ac Proceres aulae. Quin & per exercitum celebratus (namque ad gregarium quemque pari alacritate ejus charitas porrigebatur) expeti à multis ad hoc ministerium coeptus est. Complures itaque (Albani, Requesenii & Austriaci exemplo) ad hoc ministerium Patres evocavit, per legiones sparsos.

Daventria
recepta

Provisis hac sacra militia Christianae vitae subsidiis, Alexander annum 1587. initiavit victoriis, nam & arces ad Zutphaniam occupatas foederatis eripuit, &, quod ingens erat momentum, *Daventriam*, Transiselandiae urbem principem, ac post Antverpiam & Amstelodamum, emporium totius Belgii ea tempestate celeberrimum ad Melam. Præerat urbi cum praesidiariis 1400. Anglis ferme atque Hiber-

nis,

nis, Guilielmus Stanlæus, nobilis Anglus, apprime catholicus; qui per Stan-
advocato Taxio Zutphanix Gubernatori eandem tradidit, sola, ut ^{læum An-}
ajebat, conscientia ductus, ut Regi redderentur, quæ sunt Regis, re- ^{glum.}
jecto omni traditionis pretio, solam à Deo remunerationem exspectans.
Apologiam pro eo scripsit Guilielmus *Alanus*, edita ad populares suos
epistola, in qua docuit, Stanlæum id jure fecisse, nullius prodicionis
reum, quippe qui nulli magistratui fidem obligasset, & obsequii, quod
uni Leicestrio addixerit, obligatione ab eo solutus fuerit. Testes esse
litteras, ab eodem datas, & palam exhibitas. Nec ullis eum largitio-
nibus, aut promissis, proditorum pretiis, adductum fuisse, quin illa
rejecisse, sed conscientia impellente, quod jura omnia exigunt, rem
Domino suo restituisse: naturæ ipsius lege dictante, ut cuique suum
tribuat.

Exemplum Stanlæi secuti sunt ex præsidariis sexcenti, Angli &
Hiberni, ad Farnesii castra transeuntes. Uxor ejus & liberi ab Angliæ
Regina in carcerem conjecti, bona verò fisco addicta sunt. Haud mul- ^{Rolandus.}
tò post *Rolandus Eboracensis*, castello ad Zutphaniam à Leicestrio præ-
fectus, cum 900. præsidariis ad Alexandrum transit; castellum verò
Taxius ingressus est. Quantam autem hæ res catholicis læticiam, tan-
tum discordiarum fomitem Anglos inter & Hollandos attulerunt. Si-
cut enim Angli post præproperam, ut interpretabantur, Graviæ de-
ditionem Hollandis vecordiam dubiamque fidem objecerunt, adeò,
ut Leicestrius dicere auditus sit, nullius se arcis securum, cui Ang-
lus non præesset, ita nunc Hollandi paria referentes Anglos perfidiæ
arguerunt: querelis in Angliam & inderursus in Hollandiam revolanti-
bus; ut proinreditus Leicestrii suspensus fuerit, Reginæ voluntate; quæ
tunc tota erat occupata in necanda Maria Stuarta, Scotiæ Regina.

Alexander autem inter hæc *Slusas*, seu *Clausulas*, qui est quintus
Flandriæ portus, urbem & situ, & opere, & præsidio numerofo muni- ^{Slusa ex-}
tissimam, atque undis, paludibus, propugnaculisque circumvallatam, ^{pugnata,}
expugnare decrevit. Et certè vix ullam oppugnationem tam arduam
expertus est. Siquidem adversus omnia elementa depugnandum fuit,
adversus mare, amnes, paludes, limosam & instabilem humum, con-
tra igneos globos, & naves incendiarias: contra Ostendanas, & Selan-
dicas ex opposito portu Flissingano classes. Imponendus ad eas arcendas
latissimo canali pons: expugnandæ complures arces, castella, Insulæ,
præsertim Catlandia: Leicestrius ipse cum novo exercitu ex Anglia ac-
currens arcendus. Adhæc Buscoduco aliisque urbibus succurrendum,
quas foederati, ut Alexandrum à Slusa abstraherent, obsidebant.

Sed omnes istas summas difficultates vicit constantia, mirantibus
ipsis victoribus, potuisse à 5000. peditibus, & 700. equitibus ex-

pugnari urbem, tot castellis, insulis, mari septam, tot paludibus aggerumque obicibus, eorumque secturis atque alluvionibus inaccessam, tot auxiliis intra, & extra terra marique accurrentibus fretam. Capta nihilominus est mense altero à tam paucò milite, ad alias etiam urbes distracto; numerum videlicet supplente virtute, ac Ducis artibus. Egressi sunt ex urbe dedita præsidarii 1300. obsidio autem sustulit ex Slufanis 700. ex Farnesianis verò 250. faucibus aliquantò pluribus. Mottæo brachium pila trajectum; quod deinde abscindi oportuit.

Et Geldria.

Slusam virtuti, *Geldriam* verò, principem cognominis provinciæ urbem, felicitati Alexander debuit. Nam *Pattonus Scotus* tribunus pro Schenckio eam administrans, in Leicestrium & Schenckium concepto odio, eandem Altapennio evocato tradit. Angli præsidarii exarmati. Urbs innoxia servata. Schenchii supellex ampla (in hanc enim potissimum urbem prædas suas & rapinas congefserat) direpta. Wachtendonckæ autem Præfectus, ultionis libidine ob traditam Geldriam, omnes Scotos trucidari iussit. (anno 1587.)

Urbe tam clara absque sanguine auctus Altapennius, adversus Holachium, qui *Engelam*, proximam Buscoduco arcem, oppugnabat, progressus, conferto prælio, pila trajectus occubuit. Miles autem Regius continuata pugna, alimenta & præsidium Engela intulit: servatisque ordinibus innoxie recesserunt. Deploratus est *Altapennius* à toto exercitu, maximè ab Alexandro, qui tunc Slusam obsidebat, non tantum propter constantem patris ejus Barlamontii totiusque familiæ in Regem fidem, sed etiam ob præclaras Juvenis militares dotes, quem futurum aliquando summum belli Imperatorem animo designaverat; maximis jam rebus gestis clarum. Post Altapennii mortem Holachius, inundatis campis, navibus inductus, Engela potitus est. Farnesius verò, immissa in Buscoducum annona ac validiore præsidio, Florentio Barlamontio Comiti fratris Altapennii provinciam demandavit, Geldriam ac Rheni ripas curare iussit.

Simultas inter Leicestrium & ordines.

Post jacturam Geldriæ & Slusæ, atque sitarum circum arcium & oppidorum recruderunt mutua Leicestrium inter & ordines querelæ, altera parte alteri Reipublicæ malè gestæ vulnera imputante. Quare Leicestrius, quod Alenfonius olim Antverpiæ, Lugduni Batavorum tentavit, urbem illam invasurus, eo discrimine, quod Leicestrii conatus ante aggressionem fuerit proditus. Tum enim verò ita tumultus increverat, ut Regina Leicestrium in Angliam revocârit, fatum Casimiri, Mathiæ, & Alenfonii, apud ordines expertum. Quippe hi Hispanorum odio perlubenter externi cujusdam Principis potentia & auxiliis bellum gessissent, sed degustata semel liberæ gubernationis dulcedine, præter nudum Gubernatoris titulum nihil ferme illi relictum vole-

volebant. Unde mutua sese insectantium querimoniarum atque dissidia. Ad Germaniarum, Galliarum, & Angliarum hæc offensionem pertinebant. Nilominus tamen Hollandis auxilia mittere pergebant, siue Religionis odio, siue Hispanarum potentiarum invidia, siue vicini Belgii cupiditate. (anno 1587.)

Continuatio Historica.

Quævit has inter Anglorum ac Hollandorum discordias Alexander, mirantibus multis, quod occasionem otiosus, ut videbatur, sinat elabi. Verum imprimis pacis negotium cum Angliarum Regina agitabatur. Dein, cum videret, quantæ molis foret, si per Batavas palustres terras, & inundationi pro lubitu obnoxias, bellum oporteret circumducere, per ea dissidia hostium reconciliationem ordinum sperabat. Denique cum pacis consilia frustrarentur, totus erat Farnesius in apparanda classe, quam Philippus Rex in Angliam destinabat. (anno 1588.)

59.
Apparatus in
Angliam

Grandi huic expeditioni is Ducem designabat pro bello in Anglia gerendo Farnesium, rei verò maritimæ Marchionem Sanctacrucium. Uterque horum, velut præfagi futurorum, magnopere suadebant, ut ante omnia portus aliquis amplius occupetur. Cum enim Britannicum mare foedis horrendisque tempestatibus sit obnoxium, tutam stationem providendam, in quam classis, maris injuriis subtracta, possit recipi. Addebat Alexander, nullum esse in Belgio portum tantæ classis capacem præter Flissingam in Selandia. Huc ergo primum vertenda arma. Hoc enim portu capto, classem à tergo fore tectam, & adversus ventorum furores asylum inventuram. Sperabat enim, Flissinga occupata, se Regi persuasurum, ut ad reliquum Belgii pervincendum adhibeatur classis, unde Anglia Batavorum munimento nudata certius tutiusque adiri, & expugnari possit. Nempe quod sæpius petierat à Rege, ut conatum semel omnem perdomandis rebellibus provinciis adhiberet, eum nunc adhibitum, sed in Angliam destinatum, in Belgium retorquere satagebat.

Alexandri
consilium

Sed Rex moræ impatiens, lentum fore respondit, ejusmodi prius portum quærere, aut arma per ambages circumducere: Galliam nunc domestico flagrare incendio, silere Turcam, classem incomparabilem paratam; utendum occasione: rei summam petendam, appendices faciliè secuturas. Jussit proin, ut Alexander selectam in Belgio militiam paratam habeat, atque ut, Sanctacrucio in conspectu Angliarum classem continente, ipse milites ratibus impositos confestim transmittat: Sanctacrucii partes fore, trajicientes Belgas sua classe eò usque defendere, dum illos ab hostili classe tutos appulsosque conspiceret.

neglectum.

Conscriptus igitur ex Hispania, Italia, Germania, Belgio, Burgundia

Copiæ

gundia terrestris exercitus in Belgium missus, quadraginta circiter peditum, & tribus equitum millibus constabat. Pedites in legiones 21. distributi, sub lectissimis tribunis, equites in turmas 22. Ingens insuper Nobilium numerus ex omni natione affluxit, etiam Principum & Ducum, uti Carolus Austriacus Burgaviæ Marchio, Sabaudia, Hetruria, & Aumalia Ducum fratres, Dux Pastranæ, multique alii sub Alexandro Farnesio militaturi. Ex hac militia, pro eo tempore numerosa, triginta peditum millia, & mille equites pro expeditione Anglicana selegit. Reliquos pro tutando Belgio reliquit sub Ernesto Mansfeldio, suo interim Vicario, viro tam inter milites Belgas quàm Magnates Hispania, & Aurei Velleris Equites omnium antiquissimo, cui, si quid interim humanitus contingeret, substituit comitem Arembergium. (anno 1588.)

Eodem tempore navigia Antverpiæ, Neoporti, Duncherchæ magna celeritate parabantur, excisis in eam rem sylvis Wasiani tractus. Erant onerariæ fere omnes, quibus milites, equi, arma, tormenta, aliisque apparatus bellicus transveheretur. Jamque Neoporti & Dunquerchæ milites naves conscenderant, atque signum solvendi in Angliam expectabant; cum auditur tristis nuntius de classe Hispana, quæ in 130. magnis navibus 28000. hominum vehebat, tempestate potissimum disjecta. Qua de calamitate, sanè decumana, prolixius disseram, ubi de rebus Hispanicis occurret tractatio.

Causa ruinæ
in Alex.
conjicitur,

Variis rumoribus per Italiam & Hispaniam propter hanc cladem Alexander tractus in invidiam, quasi per retardatam navigationem dedisset causam: si enim exercitum suum maturè cum Hispana classe conjunxisset, victoriam in manu procul dubio futuram fuisse. In Hispana præsertim aula palam meabat murmur, Parmensis Ducis potentiam excedere ministri modum: cinctum illum magnis exercitibus veteranis, victoribus, obsequentibus. Hostibus ipsis nihil in eo displicere præter Hispani Gubernatoris nomen. Quod si isti accersendis sibi Dominis, nunc ex Germania, nunc ex Gallia, modò ex Anglia, jam pertæsi, oculos in Alexandrum conjiciant, eumque ob Belgam matrem, avum Belgam Belgici sanguinis Principem considerent, quanta eum moderatione futurum, ut oblatum sibi Principatum, quem pro amisso Lusitaniæ Regno computare possit, recusaturum fore? Maturè proin ac vivente adhuc Rege (qui tunc æger decubuit) Belgio subtrahendum, ac redigendum in ordinem. Nutrierunt suspicionem istam Angli Hollandique, ut, cum armis non possent, fraudibus eum Belgio depellerent: Parmensem ex composito nihil movisse contra Angliæ Reginam, nec moturum in posterum, ut cum qua tacitis consiliis colludat.

Alexander his rumoribus ad se perscriptis, nihil admodum motus, gnarúsque, aliqua à magnis mentibus contemptu meliùs refelli id so-

lum,

lūm, quòd diceretur non habuisse promptas expeditioni naves datis ad Regem litteris diluit. Nam & Neoporti & Dunquerchæ paratas stetisse cum exercitu naves: ad nuncium liberi ab hostibus maris quam primum soluturas. Sic enim divisas fuisse partes inter maritimum Hispanorum & terrestrem Belgarum exercitus, ut hic è portubus non antè solveret, quàm ille tutum ab hostibus mare ad ostium usque Thamisis præstitisset. Hoc factum nunquam, Anglorum atque Hollandorum classibus ad Dunquercam & Neoportum perstantibus, & in soluturos intentis. Nec debuisse se tantum selectissimorum militum, tot veteranas legiones non ad navalem sed terrestrem in Anglia pugnam accinctas, fragilibus adeò navibus, non ad pugnam, sed transmittendum, ut imperatum fuisset, præparatis imponere, & certum in discrimen dare. Qua excusatione plenè sibi satisfactum Rex Alexandro rescripsit. (anno 1588.)

se
purgat.

Florentissimum, Anglica expeditione incassum tentata, exercitum in Belgio Alexander habuit, sed nescio, quo pacto factum, ut majora cum paucioribus antea copiis gesta sint. Nam Bergam ad Zomam Renthiaicus frustra obsedit, proditione Anglorum & hyemis inclementia abstractus. Felicius cessit Colonienfis expeditio. Nam Martinus Schenchijs, famosus transfuga, Truchsesianum se militem ferens, & prædatorium exercitum circumferens, subitò Bonnam Electori dolo eripuit, diripuitque, atque inde Coloniensem tractum magnopere infestabat.

60.
Expediitio
tertia Colo-
nienfis.

Bonna.

Ernestus ad Alexandrum, à quo jam antè potenter adeò fuerat adjutus, totamque, Novesio expugnato, provinciam præter Rheinbergam receperat, rursus confugit, ut Bonnam sibi secundo assereret: alioquin se coactum ad vexam redimendam cum grassatore indecorè transigere. Farnesius Belgii catholici interesse ratus, ne provinciæ tam vicinæ Rhenoque hæresis dominetur, misit cum exercitu Croym Chimaicum Principem Ducis Areschoti filium.

Additus juveni Joannes Baptista Taxis, vetus multarum palmarum heros; qui, dum Bonnæ situm proprius explorat, plumbea ictus glante cecidit, ingenti totius exercitus ac Alexandri præsertim luctu. Qui bellicam viri virtutem, multis victoriis celebratam, æstimare optimè novérat. Certè & ipse Regis per Belgium partes summa fide, industria, fortitudine, constantia defenderat, & Illustrissima ejus Familia de Taxis Austriacæ Domui per Germaniam Hispaniamque operam suam perpetuo addixit. Quin omnis Europa Tassiorum genti non parùm debet, quòd dispositis certa per intervalla cursorum stationibus, litterarum commercium, ob trasmittendi difficultatem sumptusque rarum antea, publicum obviùmque reddiderit.

Taxis obit.

Elogium.

Tassio Alexander suffecit Verdugum Frisæ Præfectum, qui à Castellis trans Rhenum à Schenchio exstructis inceptandam oppugnationem arbi-

Bonna re-
cepta.

arbitratus (quod consilium jam antè Taxius dederat, dissentiente Chimmacio) iis in potestatem redactis urbi propius vim admovit, eamque expugnatam Electori reddidit. Præsidium incolumitatem pactum partim Rheinbergam partim Wachtendoncham abiit. Sed utraque hæc urbs pariter expugnata fuit; & Wachtendoncha quidem brevi per Ernestum Mansfeldium (anno 1588.) Rheinberga verò sequenti primum anno.

61.
Gertrudis-
berga.

Gertrudisbergam inde occupandi opportuna est oblata occasio. De oppido hoc præmunito vetus fervebat Batavos inter & Brabantinos controversia, utrisque ad suam provinciam illud spectare contendentibus: adeò quidem, ut Batavi ad possessionem retinendam, Brabantini verò ad recuperandam, Principes Belgii Sacramento adstringere fuerint soliti. Hanc urbem præsidio Anglico occupatam Mauritius atque ordines repetebant. Abnuentes Mauritius obsidet, & expugnare nititur. At Angli irritati ad Præfectum Bredam, & ad Alexandrum Bruxellas legatos mittunt, offerentes ei urbem, si opem ferat. Conditione accepta, copias Alexander eò adducit. Verùm Mauritius non ausus cum eo pedem conferre, soluta obsidione Dordracum recessit. Urbs verò Alexandro est dedita, qui Regi gratulatus est repertam Hollandiæ clavem. Qua haud dubie aperuisset ejusdem intima penetralia, nisi morbus, quo jam dudum ex aqua intercutelaborare cœperat, accedente tunc etiam febris, armisque à Philippo Rege in Galliam conversis, victoriarum cursum sufflaminasset.

Alex. in
balneum.

Hedela.

Mansfeld.

Legio solu-
ta.

Ad aquas igitur Spadanæ apud Tungros ex medicorum consilio profecturus, militiæ per Brabantiam hybernanti Carolum Mansfeldium præfecit, Heusdam & vicinas arces jussu impetere. Ille arcibus quibusdam captis copias in *Bomeliam* insulam transfert, ab Hispanis, inundatione olim obsessis, celebrem, ibique expugnata *Hedela*, præsidarios milites inermes dimittit. At Hispani indigno sanè facinore egredientes aggrediuntur, omnesque ferme mactant. Quin *Levæ* Tribuni legio palam in Mansfeldium insurgit, arma seditiosè concutit, obsequium & militiam detrectat. Re ad Alexandrum delata, veterana hæc legio, quam prius Mondragonius duxerat, rebus gestis, armorumque usu omnium celeberrima, ejus jussu dissoluta est, atque milites tum in præsidia, tum in alias legiones dispersi, erecta nova ex aliis centuriis legione. Nec quidquam apud Alexandrum valuere preces Principum & Ducum pro legionis, tam bene eò usque meriti, conservatione interpositæ. Tanti nempe apud eum fuit disciplinæ militaris vigor. (anno 1589.)

Et hoc quidem justæ animadversionis exemplum fuit; quod sequitur verò, & socordiæ & liberalitatis hostilis argumentum, Cohors Hol-
lan-

landica ex Bergenſi ad Somam præſidio Thenas oppidum malè cuſtoditum applicitis noctu ſcalis occupaverat; prædàmque inde divitem aſportavit, cæſis Hiſpanis, qui ſerò accurrebant. Sed prædatores iſti abeuntes in centuriam aliam Hiſpanorum incidentes præda ſua ſpoliati ſunt. Orta igitur lite, ad quem præda iſta pertineret, an ad Thenenſes Hiſpanos milites ſpoliatis, an verò ad alios Hiſpanos ſpoliantes ac prædæ poſſeſſores; qui aſſerebant, ſe non ab Hiſpanis Thenenſibus ſed ab Hollandis hoſtibus prædam iſtam extorſiſſe. Lis ad Alexandrum delata, & ab eo generali cauſarum militarium quæſitori delegata fuit. Hic autem, cùm pars utraque acriter inſtaret, utriusque indignationem evitandam exiſtimans, ſententiam diſtulit, tacita definitione poſſeſſoribus cauſam adjudicans, præſertim cùm ſpaciũ jam elapſum fuiſſet 24. horarum, intra quas ablata repetere jure belli domino liceat. Majorem liberalitatem Thenenſes ab hoſte experti ſunt. Nam cùm Hollandi ciſtam, cui aliquot complicata vexilla incluſa erant, aſportáſſent, Bergarum Præfectus ab Hiſpano, rogatus, illa remiſit cum cratere & concha argentea.

Lis de ſpolio.

Circumvolitabat eo tempore cum prædatoriis ſuis hæreticorum cohortibus Schenchius, modò in Belgicum, modò in Colonienſem agrum effuſus. Et in hoc quidem, dum Bliembechæ caſtro, quod Farnesia- ni occupaverant, auxiliaturus accurrit, à Neapolitana legione fugatus eſt: in illo verò Pattonum Chiliarcham Scotum, in Friſiam ab Alexandro miſſum, repente aggreſſus vincit fugatque, cæſis non paucis, & impeditimentis direptis.

Tum majus quid tentandum exiſtimans noctu cum cohortibus ſuis Neomagam penetrat. Quatuor horas fatum urbis pependerat, ter amiſſo, ter recuperatò foro. Remittente autem paulatim impetu, Schenchiani à præſidiariis & civibus (quin etiam à ſœminis puerisque, lapides, ſagittas, & quidquid in manus venerat, jacentibus) victi, conglobati- que ſe ex urbe evolvunt. Tum verò, cùm naves conſcendere contende- rent, maxima iis clades illata eſt, aliis cæſis, aliis ſubmerſis. Inter quos etiam fuit eorum Dux *Martinus Schenchius*, homo ferox & inconfans, ſæpius à Rege ad ordines & ab his ad Regia caſtra tranſgreſſus, prout pinguior fortuna ſuadebat, rapto ferme vivere aſſuetus. Hinc licèt truculentus eſſet in ſuos, plurimi tamen prædarum ſpe ad eum conſlue- bant. Laborum mirè patiens, equo affixus dies noctesque traducere, in equo cibum, in equo ſomnum capere, prorfus in equo habitare aſ- ſuetus: arma nunquam accuratius tractáſſe dicitur, quàm effuſè potus ac vino ebrius.

62.
Neomagi
periculum.

Schenchii
obitus
&
effigies.

Superstites ejus milites ad *Adolphum Meursæ* comitem transferunt; qui, ut è vicina *Rheinberga Geldriæ* urbes, quæ omnes ferme Regiarum erant partium, vexare possit, subsidia eidem inferre parabat, sed dum novum ignivomæ machinæ genus experiri voluit, scintilla in pulveris vasa desiliante, dirè ambustus & extinctus est; Hispanorum odio quàm damno clarior, majorque ausibus quàm felicitate. H's Ducibus amissis, altero aqua, igne altero, *Rheinbergenses* arcta jam diu obsidione & fame pressi se dedere cogitabant; cùm *Obersteinus Germanus*, & *Varius Anglus*, quos *Schenchio* & *Meursio* ordines subrogarant, *Varambonio Geldriæ Præfecto* acie victo, alimenta urbi inferunt.

Rheinberga
capta.

Verùm *Mansfeldius* accepto à *Varambono* exercitu novisque suppetiis aucto, fame tandem *Rheinbergam* ad deditionem coëgit, eamque *Ernesto Electori* restituit: qui missa ad *Farnesium* legatione, grates egit, quòd ejus beneficio *Bonna* bis capta, expugnato *Novesio*, domita ad extremum *Rheinberga*, reliquisque per *Coloniensem* tractum arcibus & oppidis *Farnesiani* militis virtute recuperatis, nunc tandem bello diuturno gloriosè finito, Antistitem se & *Septemvirum* agnoscat. (anno 1589.)

Strada.

Cum hoc bello *Colonienfi* *Historiam* suam de bello Belgico, gemina decade comprehensam, finit *Famianus Strada Romanus*; qui ex *Farnesianis* tabulariis abunde instructus documentis indubiis, non nitidiùs quàm veriùs multa palàm exhibuit, quæ priùs in *Philippi Regis*, *Margarithæ*, & *Alexandri Parmensis*, aliorumque litteris abdita latebant. Ex hoc proin elegantissimo scriptore plura desumpsi, ut velut succum ex eo haustum per synopsis lectori offerrem. Et utinam absolvisset opus præcellens, aut saltem ad mortem usque *Farnesii*, quæ tertio pòst anno est subsecuta, continuasset.

Verùm *Famianus Alexandrum* suum in apice gloriæ constituere voluit; cùm videret, victoriis suis jam *Mosam*, quanta esset, captis circum urbibus castrisque Regi suo fluere, *Rhenum* aut amicis adjunctum, aut hostibus abstractum, mare receptis in *Flandria* (præter *Ostendandum*) portubus omnibus navigationi apertum, *Belgium* ad extremos usque *Frisios* & *Gröningenses* aut domitum, aut Regiis armis securè percurri, solos adhuc *Hollandos Selandosque* bellum gerere. Sed utrisque frænum injectum, istis à *Slusa Flissingæ* potui obversa, illis à *Gertrudisberga Dordracò* cominus infesta: adeoque monstrata in *Selandiam* via, & *Hollandia* penetrari cœpta, sperari posse, has quoque *Provincias* Deo ac Regi suo restitutum iri.

Sed res *Hispanæ* in *Belgio* ab eo tempore retrolapsæ spes istas validè concussas everterunt. Causa non una: *Hollandia* atque *Selandia* hæreticis ex reliquo *Belgio* emigrantibus populosa: navigationibus opportuna: commercia *Antverpia Amstelodamum* translata: populi

exteri in armorum societatem asciti: Mauritius Nassovius Dux belli callidus, cautus, ac felix. Ex parte altera Philippus Rex Hispaniæ turbis Galliæ se immiscens Alexandrum copiasque meliores Belgio subtrahit, & quod aiunt, dum duos simul lepores insequitur, neutrum cepit. Nam & Henricus Borbonius Galliæ Regnum adeptus est: & ipse in Belgio multa amisit.

Versa fortuna.

Nam imprimis Mauritius Nassovius foederatarum provinciarum Gubernator, in omnem occasionem intentus, imminuto per varias Gallicas expeditiones exercitu Hispano, varia in *Gröningensi* provincia loca munita occupavit, ac dein etiam *Bredam* Nassoviorum urbem in Brabantia, armatis in navi occultatis, atque noctu in urbem immisiss (anno 1590.) anno verò sequenti *Zutphaniam*, *Neomagum*, *Daventriam*, & *Hulstum*, partim astu, partim vi cepit: uti etiam anno 1592. *Steinovicum* & *Covordiam*. Tantas nempe strages ediderant tum Hispanorum arma distracta, tum eorundem ob stipendiorum defectum crebrae seditiones.

53.
Mauritius
urbes capit.

Alexander autem Farnesius soluta obsidione Rothomagensi, haud modica passus in Gallia, ex quibus tamen feliciter se expedivit, dum in Belgium properat, ortum ibidem incendium restincturus, morbo contracto, Atrebatii pientissimè obiit, quietiorem, quàm in terris habuit, vitam auspicaturus. Summus hic belli Imperator, Alexandro cognomini comparandus, vel etiam præferendus, Pauli III. Pronepos, Caroli V. ex filia, Philippi II. ex sorore nepos, natus fuit Romæ anno 1544. ex Octavio Farnesio, & Margaritha Austriaca, quæ uno partu Alexandrum & Carolum enixa est.

Alexandri
obiitus.

Primam jam ætatem armis imbuat, tota indole in illa abreptus; priusque, cum Octavius pater exercitum pro Cæsare instrueret, tubarum cantum, quàm nutricum nœnias audit. Sexennis inde puer obsessus Parmæ inter muralium tormentorum fragores educatus est. Redintegrata Farnesiorum cum Austriacis gratia, Philippo II. avunculo traditus, octo ferme annos in Hispania cum Carolo Principe & Joanne Austriaco adolevit. Vigesimo ætatis anno nuptias Bruxellis iniit cum Maria Emmanuelis Lusitaniæ Regis ex filio nepte, ingenii & sanctimonie fama inclita. Ex qua plures deinceps liberos suscepit. Sacro subin bello sub Joanne Austriaco rebus magnis prælust, in Turcas confertos majori animo ac felicitate, quàm consilio irruens, conjugis suæ, ut aiebat, precibus tutus. Destinatus postea in Belgium ea gessit, quæ delibavimus. Obiit anno 1592. ætatis 48. gubernationis 14. Filios reliquit duos Rainutium Parmæ & Placentiæ Ducem, ex quo deinceps propagogeneris, & Odoardum Cardinalem. Cum vita Alexandri Guilielmus Dondinus Bononien-

Elogium.

sis S. J. finiit Historiam suam *de Rebus in Gallia gestis ab Alexandro Farnesio*, sermonis nitore, masculo spiritu, & nervis probè compactam. Continnavit eandem Gallucius, sed Stradæ & Dondino faciliè palmam cedens.

ARTICULUS X.

Status Belgii sub Mansfeldio, Ernesto, & Fontano.

64.
Mansfeld.
Gubern.

EXtingto haud opportuno sanè tempore Farnesio, gemino bello, & Gallico & Belgico perstrepen- te, Belgii Gubernator per Fontanum Comitem à Rege dictus est interim *Petrus Ernestus Mansfeldius*, Luxemburgi Præfectus, jam octogenarius, infractæ semper in Regem fidei, ac propterea ab ipso etiam Alexandro, quoties in Galliam abierat, in Belgio substitutus. *Carolus* ejus filius armorum Præfectus renuntiatus: *Philippus Croyus* Dux Areschotus Flandriæ; ejus filius *Carolus Chimacius* Princeps Hannoniæ, *Carolus Comes Artembergius* Geldriæ, *Varambonus* Marchio Artesiæ, *Barlamontius* Namurci &c.

Nova Expe-
ditio in Gal-
liam.

Suscepta mox jubente Rege nova in Galliam contra Henricum IV. expeditio à Carolo Mansfeldio, Gubernatoris filio. Verùm is, expugnata Novioduno, & quibusdam oppidis, cùm in Catholico diversarum nationum exercitu orirentur tumultus, plurésque ob non soluta stipendia dilaberentur, in Belgium recessit; ubi Fœderati non tantummodo Luxemburgensem & Brabantinum agrum sunt populati, sed etiam *Gertrudisbergam* duce Mauritio expugnarunt, frustra ad defensionem urbis accurrente Mansfeldio (*anno 1593.*) *Brugas* verò incassum *Hollandi* tentârunt, & à tempestatis intemperie ingentem navium, hominum & mercium jacturam passi sunt. Contra verò *Verdugus* complura in *Frisia* & *Gröningensi* agro oppida in potestatem Hispanorum redegit.

Gertrudis-
berga ad
Fœd.

65.
Ernestus
Gubern.
pacem
offert,

Inter hæc *Ernestus* Archidux *Rudolphi* Cæsaris frater, novus in Belgium Gubernator venit, magna festivæ latitiæ pompa *Bruxellis* exceptus: arque considerans, quàm pretiosum Regi bellum per tot jam annos sit gestum, inclinante ab eo tempore, quo arma in Galliam averfa sunt, ad hostes victoria, Belgasque Hispani juris, tot calamitatibus fessos, unicè ad pacem adspirare, fœderatis ordinibus per legatos pacem obtulit; quam illi superbe rejecerunt. Quin imò, dum de illa tractabatur, *Gröningam* obsidione cinxerunt, eam-

Gröninga
ad fœd.

eámque, cùm nulla obsessis venirent subsidia, tandem expugnârunt, ea conditione, ut urbs cum ditione adjecta fœderatorum ordinum jure utatur, sumptus pro communi causâ ad bellum conferat. Religio sit libera, sic tamen, ut publicè sola reformata exerceatur. Gubernatio penes Magistratum maneat, ut antea, ita tamen, ut ordinibus fidem juret, prout aliæ fœderatæ urbes consueverant. Atque his pactis urbs totius Frisiæ nobilissîma, quæ propriæ Provinciæ nomen dedit, fœderatis accessit magna Hispanorum jactura; qui ex septentrionalibus provinciis his cladibus ferme erant exclusi. (anno 1594.)

Et profectò undique ad casum inclinabant ea tempestate res Hispanæ; dum potiores eorum vires frustra per Galliam errabant. Fœderati Belgii ordines in dies ferme augebantur. Hispani milites, in Belgio residui, auctoribus Italis ob stipendiorum defectum magnam partem in apertam seditionem commoti, Hollandis atque etiam Galliæ Regi operam suam offerebant. Henricus Galliæ Rex, Ecclesiæ redditus, bellum Hispanis denunciavit. Hollandi Gallis juncti Luxemburgum, Artesiam, Hannoniam, aliâsque provincias infestarunt: *Hoyum* munitam Ernesti Leodiensis Antistitis urbem occupârunt.

&
Hoyum.

Quas inter ærumnas Ernestus Gubernator, morbo jam dudum attritus, diem supremum obiit (anno 1595.) ætat. 42. Princeps Austriacæ pietatis, Rudolphi II. Cæsaris frater, ac candore animi verè Germanus. Primam ætatem cum Rudolpho in aula Hispana apud avunculum Philippum Regem transegit. Hungariam inde Austrîamque pro eodem fratre, in Bohemia degente, magna clementiæ justitiæque commendatione gubernavit. Postremò ad Belgii Præfecturam translatus, meliori ejusdem statu dignissimus, laceros artus componere contendit, majori spe, quàm eventus felicitate.

Obitus Er-
nesti.
Elogium.

Regimen interim ad Belgii senatum, mox verò ex Regis voluntate ad Petrum Gusmarinum Comitem *Fontanum* delatum est. Qua re offensus Dux *Areschotus* Belgio excessit, ac paulò post Venetiis extinctus est. Carolus verò Mansfeldius, Ernesti post Farnesium Gubernatoris filius, à Rudolpho Cæsare expetitus, atque ab eo Prægræ S. R. I. Princeps creatus, Mathiæ Archiducis, Cæsarei contra Turcas Imperatoris, Vicarius est renunciatus: indeque in Hungariam ad expugnandum Strigonium delatus, memorabili prælio cæsis quinque Turcarum millibus, morte sua egregiam victoriam funestavit.

66.

Fontanus
Gub.

Carol. Mans-
feld.

Fontanus, ut sui specimen hostibus daret, *Hoyum* per Mottæum eisdem eripuit, sero advolantibus Hollandorum subsidiis. Cæsi etiam à ducentis Hispanis quingenti Hollandi equites, & excussa prædatoribus ampla præda. Disciplinam inde militarem, à Farnesii tempore

Hoyum re-
ceptum.

multum collapsam reformare aggressus Fontanus, magnam apud Belgas, militum licentia magnopere vexatos, gratiam iniit. Cumque hostes in agrum praesertim Luxemburgensem excurrerent, in eos misit *Verdugum*, veteranum Ducem, à Frisia non sua culpa dejectum; qui Philippum Nassavium, insigni clade multatum, in Selandiam via maritima fugere coegit: clade tamen & ipse affectus à Bullionio. Nec diu superstes in vivis fuit Verdugus, per omnes militiae gradus ad summam profectus à Farnesio, meritorum aestimatore æquissimo.

Verdugi
mors.

67.
Batavorum
conatus ma-
ritimus.

His temporibus Batavi, quæstuosis commerciis belli nervum comparaturi, eumque Hispanis & Lusitanis breviori via prærepturi, ausu inaudito per Borealem Oceanum novum sibi iter in insulas Japoniæ, & Indias Orientales quærebant, jamque, quatuor prægrandibus navibus, duabus Amstelodamo, tertia Flissinga, quarta Enchusa egressi, mare Batavicum, Germanicum, Danicum, Norvegicum emensi, Moscoviticum inde transmissuri. Sed, dum densa caligo ipsis cælum eriperet, & undæ inglaciem concretæ transitum negarent, extra naturæ terminos se profectos putabant. Et ne frigore penitus obrigerent, navium unam dissolutam in tugurium compegerunt. Hærebant navigia glacie undique obsessa, ut ea nec prorsum nec retro movere possent, donec mitiori anni tempestate glacies in aquas soluta reditum in patriam aperuit.

Eluvio.

Majora damna Batavis domi suæ intulit ingens aquarum eluvio, quæ tantam hominum, pecorumque, cum soli vastitate, edidit stragem, ut gens illa omnis ad rem domesticam reparandam à bellicis curis animum averteret, pacemque, quam superiore anno ab Ernesto oblatam rejecerant, ultro peterent, misso ad Fontanum Oratore. Nec abnuvit ille. Sed cum legati Regii cum Mauritio & ordinum delegatis Middelburgi in Selandia convenissent, audierunt, Ordines foederatos paratos esse ad ineundam cum reliquis Belgii provinciis concordiam, non autem cum Hispano Rege, quirerum potitus animum læsum ad ultionem esset intenturus, facillè perspexerunt legati Regii, non nisi ad faciendum temporis compendium hanc stropham fuisse contextam. Memoriae nihilominus proditur vel umbratili hac pacis tractatione Batavorum foederatos, Galliarum Regem, & Angliarum Reginam, quæ pecunia & milite perpetuè illos sustentabat, non leviter fuisse offensos.

Pacem pe-
runt cal-
lidè.

68.
Militares
leges.

Ad belli igitur studia reversus Fontanus, militares imprimis leges sanxit: ne quis in Deum sanctosque convitia jactet. Ne prosti- tuti pudoris foeminae tolerentur in castris. Ne sacra! templa aut cœnobia diripiantur. Ne viris virginibusque Deo sacratis vis fiat aut injuria. Ne quis privatas injurias singulari certamine ulciscatur. Ne quis

quis militum in castris aut pugna locum, stationem, aut ordinem deferat. Ne ad agendas prædas in hosticum excurratur, nisi facta prius à centurione, tribuno, aut militiæ præfecto potestate. Ne quemquam è sociis aut mercatoribus per castra commeantem deprædentur. Ne quis in expugnatis urbibus oppidisve in foeminas, impuberes, captivos, sacra, sacerdotes grassetur, nisi si qui armatis immisti pugnarent. Ne in hostes deditis urbibus emissos vim ullam exprobrant. Qui quampiam ex his legibus violaret, capite lueret.

Quibus probè constitutis, ut Artesia & Hannonia à Gallorum irruptionibus liberetur, expeditionem in Picardiam Fontanus decrevit, atque imprimis *Castellatum* cepit. Tum verò Dorlano copias admovit; ubi Valentinus *Pardius* Mottæ Dominus castrorum Præfectus, singulari in Regem fide, virtute militari, & collecta usu longo experientia Dux clarissimus, dum urbem recognosceret, sclopo ictus occubuit, atque in ejus locum successus *Rosnæus* Gallus, qui ad Hispanas partes transierat, Dux belli peritissimus. Ad obsidionem solvendam accurrerunt Galli Duce Villario, consertoque prælio magna cæde victi prostratique sunt, ipso *Villario*, contra gentium jura, postquam se jam captivum dedisset, barbarè interempto. Victoriæ Hispanorum secuta est *Dorlani* expugnatio, cæsis in ea tribus, ut fertur, Gallorum millibus. Nec minus in Zutphanix finibus *Mondragonius* Hollandos vicit, cæsis Philippo & Ernesto Nassaviis, cum Solmenfi Comite. Liram autem foederati jam interceperant, cum magna cum clade urbe ejecti sunt. (anno 1595.)

Sed multò major Fontano victoria est parta, ubi Cameracum expugnavit, ea conditione deditum, ut urbs in Episcopi, arx verò (quam Carolus V. imposuerat) in Hispanorum potestatem veniret. Gallis innoxius abitus permissus. Atque ita Fontanus Gubernator inter victorias memorabiles annum transegit, gemino hoste cum mediocri militum numero superior, & Gallo & Batavo. Vertente autem anno Gubernationem Alberto Austriaco cessit; prout mox referam.

A R T I C U L U S XI.

Status Belgii sub Alberto Austriaco ab anno 1596.
ad 1601.

Albertus, Rudolphi Cæsaris frater, S. R. E. Cardinalis, Archiepiscopus Toletanus, & Lusitanix Prorex, quam summa laude administraverat, à Rege avunculo Philippo II. dictus Gubernator Belgii, summis ubique exceptus honoribus, Bruxellas ingressus est,

In Picardiam.

Mottæus obit.

Rosnæus.

Galli victi.

Villarii cædes.

Dorlanum

Cameracum

est, adducto secum *Philippo Wilhelmi* Orangii filio primogenito, Mauritii fratre, quem ante triginta ferme annos Albanus in Hispaniam miserat. Ubi in libera custodia habitus, atque in libertatem filiorum Dei assertus Catholicam Religionem induit, Catholici Regis subditum professus, atque ab eo aurei Velleris torque donatus, liber remissus est. Verum à fratre juniore Mauritio paterna hæreditate, & ab ordinibus patria fuit exclusus, Hollandiam adire severo edicto vetitus. Quo etiam Societas Jesu è fœderatorum finibus proscripta est.

Albertus novus Gubernator, postquam Batavis frustra pacem obtulit, gemino gravissimo bello implicitus, adversus potiore hostem prius eundem putavit, atque Gallis *Caletum* urbem portumque, magni in omnem partem momenti, per Rôsnæum potissimum eripuit. Cujus appendix fuit *Guinæ & Hamæ* deditio, & quod majus erat, etiam Ardeæ, urbis præmunitæ: Rege Henrico, qui Faram interea expugnauerat, serò in auxilium urbis accurrente. Albertus ardore militum, tot victoriis accenso, utendum arbitratus, *Hulstum*, Flandriæ Borealis urbem admodum munitam, expugnare decrevit, atque pervictis difficultatibus haud sanè levibus, illa potitus est (anno 1596.) ut adeò duos inter potentes hostes intra anni spatium tribus magni momenti urbibus, Caletò, Ardea, & Hulstò, principatus sui initia inaugurârit. Amisit tamen in obsidione *Hulstana Rosnæum*, natione Gallum, qui fœderatorum in Gallia partes incenso studio foverat, iisque dissolutis ad Hispanos in Belgium transit, ubi supremi castrorum Præfecti munere perfunctus, res magnas consilio gessit & opera. Res altera, quæ gaudium tot captarum urbium temperavit, fuit clades, à Bironio in Artesiæ finibus Varambono illata.

Prospera inter & adversa variavit magis annus sequens (1597.) nam Mauritius egregiam ab Hispanis *victoriam ad Tornbutum* in Brabantia retulit, cæsis cum Duce Varassio bis mille, sexcentis captis. Dolorem lenivit tantisper *Ambianum* Picardiæ caput occupatum. Nam *Portocarrerus* Dorlani Præfectus, vir magnus in pusillo corpore, per exploratores certior factus, portas de die minùs solerter, & à civibus solummodo custodiri, stratagemate sæpius usurpato milites rustico habitu indutos immisit, levique opere urbe amplissima est potitus. Rex Henricus acerbè ferens tantum detrimenti, Hispanosque facilè adeò in Galliæ viscera penetrâsse, cum exercitu illico advolavit, urbemque obsidione cinctam, superatis multis magnisque difficultatibus tandem recuperavit.

Mauritius interea, dum Hispana arma in Galliam essent averfa, ut Rheni dominium usumque sibi firmaret, complures urbes, arces,

Patria ex-
cuius,

Alberti vi-
toriz.

Rosnæ
mors.

70.
Mauritii
victoriæ.

Ambianum.

Urbes Rheni
ad fœd.

&c

& oppida cepit, uti *Rheinbergam, Meursam, Grollam, Brefortium, Enschedam, Otmarfiam, Oldensaliam, Lingam*: tótque victoriis cummulatus immisso in hyberna milite, plausibus in cælum elatus Haggam Comititis ingressus est. Ne autem tantis progressibus porro augerentur Hollandi, de pace cum Gallis tractare cœperunt Hispani. Utrique Regno hæc erat necessaria. Gallia tot jam bellis tàmque diuturnis fessa, ad curanda rei publicæ vulnera quietem poscebat. Philippus II. devexa in senium ætate, morbisque confecto corpore, filio, quem unicum habebat, adhuc tenero, relinquere noluit Regnum, cum tribus potentissimis hostibus gravissimo bello implicitum.

Igitur Clemens VIII. explorato animo utriusque aulæ, omni ope sibi connitendum putavit, ut pacem componeret. Et composuit per legatum Medicæum feliciter, congressu *Vervini* habito. Restituit Hispanus, quæ occupaverat, Ardeam, Dorlanum, Capellam, Castellum, Blavetum, & tandem etiam, quamvis ægerrimè, Caletum, portum in omnem partem Belgio tam opportunum. Cameracum restitutum Archiepiscopo. (anno 1588.) Atque ita Hispanus ex toto illo cum Gallis bello nihil retulit, nisi jacturam ingentium sumptuum, innumerosum militum, tot in Belgio urbium; dum fœderati ordines occasionem nacti sunt, florentem ante bellum Gallicum statum Belgii evertendi, nec urbes duntaxat, sed integras provincias, Frisiam, Gröningam, Transiselandiam, Geldriam, Zutphaniam, Rhenique tractum abstrahendi. Verùm non ex eventu metienda sunt consilia. Spes Isabella Philippi filia propinqua videbatur. Dein, ut cætera sint frustrata: hæresis coercita, Religio in Gallia conservata, Rex ipse armorum catholicorum occasione conversus, fructus utique belli sunt multò amplissimi: Philippo præsertim Regi Catholico, cui nihil in terris Religione erat pretiosius.

71.

Pax Vervina.

Altera res, quæ annum 1598. memorabilem fecit, fuit decretum connubium *Alberti* Archiducis cum *Isabella Clara Eugenia* Philippi Regis filia, attributo in dotem Belgio. Quæ res in senatu à Philippo Rege proposita, magna contentione est disceptata. Comes Fontanus, qui Belgium antea feliciter gubernaverat, post adventum Alberti in Hispaniam revocatus, censebat, Belgium ab Hispanici Regni corpore nunquam separandum: ex illis siquidem provinciis campo velut Martio Martiam Hispaniæ pubem sobolescere; in omnem circa partem futuram usui. Quippe Belgium intra Germaniam, Galliam, & Angliam situm, magnam semper, sive ad Religionem defendendam, sive ad arma propulsanda opportunam Hispaniæ allaturum commoditatem. Adhæc multum cum Batavis restare belli, cui solæ provinciæ obse-

Consultatio de connubio.

quentes non sufficiant, Hispaniam autem promptius missurum auxilia, si rem propriam sibi vindicet, quam si alienam persequatur.

Alii verò omnino suadebant, Belgium Regiæ filæ in dotem tradendum. Vix ullam quippe esse nationem, quæ proprium magis expetat Principem, & flagrantius oderit exterorum dominatum. Id apertè docuisse lapsa retro tempora, tot tumultibus, defectionibus, cladibus cumulata. 40. jam annis ardere bellum, quod Indicum aurum, Regia æraria, Hispaniam, Italiam, Germaniam, & Europam prope omnem militaribus copiis exhausserit. Id verò incendium excitatum post discessum Principis, cujus in Belgium reditum tot precibus & legationibus exoptârint. Et quamvis præstantes Gubernatores fuerint impositi, quia tamen versatile gerebant imperium, res in dies ruisse in pejus, abalienatos populorum animos, atque subtractos obsequio. Malis remedium fore, si suus Belgis reddatur Princeps, qui stabilita successione Belgas Belgis Principes generet. Has autem spes in Alberto & Isabella, filia Regis, & sororis filio, esse repositas, ac proin maturandum conjugium, Belgiûmque suavissimæ filæ in dotem assignandum.

Conditiones.

Hæc Regi sententia placuit: his tamen conditionibus restricta: Isabellam collocandam Alberto: dotis nomine attribuendum Belgium, & Comitatum Burgundiæ. Filios ex eo conjugio nascituros, parentibus in utroque Principatu successuros, ita tamen, ut virilis proles præferatur scæminæ, & major natu minori. Matrimonium tamen non ineant sine consensu Hispani Regis. Si hæredes deficient, utraque ditio ad Hispanum revolvatur. Belgii Principes subditos suos à navigatione Indica avertant. Sacramento spondeant, se catholicam Religionem constanter professuros, eamque unam exerceri curaturos. Si qua harum conditionum non esset implenda, utraque ditio mox iterum cum Hispaniæ Regno coalescat. Adhæc Burgundiæ Ducis titulum aurelque Velleris ordinem Rex sibi suisque successoribus reservavit. Hanc cessionem denique etiam frater Isabellæ Philippus confirmavit.

Batavorum
obrectatio.

Igitur Albertus Cardinalis obtenta à summo Pontifice dispensatione in secundo consanguinitatis gradu matrimonium contrahendi, & purpuram deponendi, à Belgii ordinibus, postquam sua ipsis privilegia, & præsertim Brabantinis, confirmavit, juramentum subjectionis & fidelitatis accepit. Foederati autem ordines, obstinati degustatam semel libertatem nunquam dimittere, vehementer in has, ut ajebant, Hispanas artes investiti sunt: eum Principatum in speciem duntaxat futurum. Isabellam ætate provectam (34 annos agebat) nullam spem successionis facere; brevi igitur rursus Belgium, totum in-

in-

interea Hispanis obnoxium, ad eosdem revolvendum: se certè susceptum consilium nunquam mutaturos, aut libertatem arreptam cuiquam Principum prodituros. Nec parùm rursus molestiæ afferebant præsidarii arcis Antverpiensis, ob dilata nimium stipendia tumultuantes.

Albertus autem ad sponsam ducendam in Hispaniam profecturus, *Andream Austriacum* Cardinalem Episcopum Constantiensem suo ac Regis nomine ex Alfatia, quam pro Cæsare moderabatur, evocatum Belgio interea præfecit. Tum verò comitantibus eum Philippo Oran-
gio, Barlamontio, Egmontio, Crojo, & Aumalio Hispanicum iter suscepit. Verùm dum per Germaniam illud prosequitur, triste nuntium de Philippi II. Hispaniarum Regis morte accepit. (anno 1598.)

72.

Albertus in
Hispaniam
ad sponsam.

Mendoza interea, quem Albertus armis præfecerat, ut Rheno potiretur, *Rhenobergam* cum pluribus aliis munitis locis expugnat, atque copias suas, penuria laborantes, per Cliviam, Westphaliā, & Coloniensem agrum in hyberna distribuit. Quæ res magnam Hispanis apud Germaniæ Principes & ipsum etiam Cæsarem invidiam conflavit. Cardinalis quoque Gubernator vehementer improbavit. Sed stipendiorum defectus militem modò in seditiones commovebat, modò in amicorum etiam populorum injuriam effundebat. Irritus tamen fuit Lippiensis & Hoenloënsis, Comitum conatus, quo *Rhenobergam* & *Rhesam* oppugnare sunt aggressi. Cardinalis autem *Andreas* in Bommeliā expeditionem suscepit arcemque sancti *Andree*, à suo nomine dictam, adversus foederatorum irruptiones extruxit.

Andreas
Austr.

Mendoza
Rhenober-
gam capit.

Germanos
vexat.

Anno 1599. *Albertus & Isabella Archiduces* (sic enim appellari voluerunt) ex Hispania in Belgium venere, summa ubique gratulatione & honoris significatione excepti; à Justo Lipsio etiam eleganti oratione salutati. *Andreas* verò Cardinalis ad Episcopatum suum Constantiensem reversus est. Ludicra tunc inter spectacula, serium etiam actum ferunt, Belgas inter & Gallos, quorum complures Hugonoti Mauritio militabant. Nam *Breautaus* Normannus Belgas ad singulare certamen provocaverat. Belgæ 22. adversus 22. Gallos Ducum venia comparent, ac 16. Gallorum, quos inter ipse *Breautaus*, interemptis, victoriam reportant.

74.

Archiducum
adventus.

Certamen.

Dum autem Belgæ Principes suos excipiunt, *Mauritius Wachendoncham* munitum Geldriæ oppidum eisdem eripit, ac mox arcem *Crepicordii*, & *S. Andree*, quam nuper Cardinalis extruxerat; & ut nihil deesset ad ignominiam, præsidarii arcem hanc munitissimam Mauritio pro pecunia vendiderunt, ac deserto suo Principe ad foederatos transierunt. Maximam nempe toto hoc bello Hispanorum rebus moram & cladem intulit stipendiorum defectus. Qua re irritati

Mauritii
progressus,

milites modò civitates sunt deprædati, modò Duces suos captivos abduxerunt, modò cum hostibus ipsi colluserunt, modò secessione facta urbem aliquam occupatam pignoris veluti loco servabant. Profectò sub initium Principatus Alberti tanta ab eam tumultuantium, transfugientiumque frequentiam erat calamitas, ut pecuniæ defectu, quò consilia verteret, non haberet.

Et victoria.

Et quod luctuosissimum erat, Mauritius in Flandriam effusus, oppidis passim direptis, amplam de Alberto victoriam reportat, pluribus catholicorum millibus in acie cæsis, aut captis, quos inter Nobiles Ducésque plurimi. Ad *Neoportum* hæc pugna commissa est, inter maximè memorabiles habita (*anno 1600.*) Nec tamen victori incruenta fuit; quin parem aut etiam majorem fuisse cæsorum ex fœderatis numerum, aliqui scribunt. Neque præter laudem & famam utilitatis quidquam Mauritio ea victoria attulit. Nam imminuto militum numero Neoportanam obsidionem solvere coactus est, atque in Selandiam ac Hollandiam se recipere.

C A P U T II.

De Statu Ecclesiastico Belgii in specie.

A R T I C U L U S I.

De Statu Religionis in Belgio.

74. **Q**Uamvis ex iis, quæ dicta sunt hætenus, abunde pateat, quàm calamitosus fuerit status Belgii, non modò civilis, sed etiam Ecclesiasticus; juvat nihilominus de hoc peculiariter adhuc aliqua annotare.

Ortus Reli-
gionis:
primi Apo-
stoli.

Christiana Religio jam sæculo III. Belgio illata traditur ex vicina Gallia, atque in Cameracensi, Attrebatensi, ac Tornacensi agro pro-
seminata à viris Apostolicis *Piatio*, *Chrysolio*, & *Eugenio*. Sæculo IV. aut ineunte V. *Diogenes* Græcus, *Attrebatensis Episcopus*, à Vandalis, qui surgentem religionem excisum ibant, occisus scribitur. Mox quinque diversæ gentes, Romani, Vandali, Gothi, Hunni, & Galli regionem & religionem vastabant. Sæculo VI. S. *Eleutherius* à Felice III. summo Pontifice ordinatus *Tornacensis Episcopus*, rursus collegit dispersas reliquias. Sæculo VII. S. *Amandus* everso Mercurii & Martis idolo Gandavi & reliqua Flandria plura templa & monaste-

Progressus

ria

ria erexit. *S. Eligius* verò, cujus sermones catholici ad populum hodiernum exstant, Antverpiam majorémque Brabantiam partem convertit: uti etiam *S. Willebrordus*, cum aliis 12. sanctis viris ex Hibernia advectus, Hollandiam, Selandiam, & Ultrajectum, ac subin etiam Frisiam, accepta potestate à Pipino Brabantiam Duce, qui devicto Radbodo Rege eandem subegerat. Sæculo VIII. totum ferme à Normannia Belgium erat Christianum, opera præsertim *S. Rumoldi*. Verùm florentem Religionem Normanni, adhuc ethnici, in Belgium irrumpentes, sæculo IX. miserè devastârunt, donec ab Arnulpho Imperatore ingenti prælio victi, atque ejecti sunt.

Restauratam sæculo X. & XI. Belgicam Ecclesiam, jam non amplius gentiles sed hæretici infestârunt. Horum primus *Tanchelinus* circa annum 1115. Antverpiæ ac vicinis locis venenum effudit, in SS. Sacramenta potissimum grassatus, & quidem more minimè Apostolico, sed hæreticis communi, vi nempe armata. Verùm Divino Numine evocatus in Belgium *S. Norbertus* hunc Ecclesiæ hostem ita debellavit, ut ne vestigium quidem hærescos relinqueret. Ex quo tempore Illustrissimus Præmonstratensium ordo viris sanctissimis atque doctissimis mirè auctus, atque per Belgium propagatus pro Ecclesia Dei firmissimum adversus hæreses & vitia se murum opposuit. Advenit haud multò post in Belgium *S. Bernardus* cum sanctissimi ordinis sui sociis, ut juncta opera cultum Dei, morum probitatem, & salutem animarum ubique promoveat: ut adeò sæculo XII. & XIII. in toto Belgio ad omne decus floreret Religio, pietas, vitæque disciplina. Cùm postea sæculo XIV. perniciosum *Schisma* Ecclesiam scinderet, omnis pene Flandria in turbas commota est. Nam Philippus Audax, qui Galliam exemplo Clementi VII. adhæserat, omni ope conatus est Flandros ab Urbano VI. abstrahere. At multi ex illis exilium præferabant: & vel maxime Gandavensium constantia enituit. Interea autem *Urbaniani* & *Clementini* (ita enim appellabantur) mutua sacrorum communione abstinebant: donec anno 1398. pax reducta est.

Sæculo dein XV. & dimidio XVI. totum Belgium unius erat labii, unius Religionis, unius fidei, probitate, opulentia, & omni-gena felicitate efflorescens; cùm post discessum Philippi II. horrendi sanè motus, hæresi præsertim omnia miscente, Religionem miserè affligerunt; prout ex iis, quæ ex scriptoribus probatis memoravi, est perspicuum.

Cùm etenim jam Germania, Gallia, Anglia, Scotia pleno flagaret incendio, ex vicinis istis provinciis scintillæ in Belgium ventila-
Zzzz 3

75.
Tanchelinus

à S. Norbertus
to debellatus.

S. Bernardus
zelus.

Schisma.

76.
Hæresis
omnia
miscet.

Ejus initia

latæ

Lanoyus.

latæ immanes ubique flammæ excitârunt. Initium à mercatoribus, militibus, & profugis ex Gallia & Anglia hæreticis. Accitus ex Gallia Tornacus & Valencenas, quas primas flamma corripuit, Matthæus *Lanoyus*, à puero Genevæ Calvinî disciplina imbutus: qui publicè in campis & sylvis ad accurrentes turbas armatas verba faciebat, atque incitatus à novatoribus, ut duas personas, quas pretio induxerant, ut obsessas se simularent, à dæmonio liberet, eo nomine vir sanctus habebatur; donec fraus primùm à simulantibus, dein verò ab ipso etiam Lanoyo, postquam ad Ecclesiam rediit, in libro, quem de sua conversione in lucem edidit, toti orbi est patefacta: ut publicè manifestum fiat, quibus miraculis hæretici sectas suas propagant.

Concilium Tridentinum interea ex Regis voluntate publicabatur ab Archiepiscopo Cameracensi, quamvis non sine magno populorum motu, majore à Mechliniensi, ab Ultrajectensi verò multò maximo. Editum etiam ab aula decretum adversus sectarios: ut nemo aliam quàm Catholicam Religionem exerceat. Qui aliam doceat, aut scriptis asserat, domum commodet, populum commoveat, capite luat: uti etiam qui pertinaciter in hæresi persistat: aut frequentius ad alios pervertendos disputet.

77.
Progressus

Cùm autem hæ res etiam catholicos in tumultus concirent, hæretici passim irrumpebant, in tres potissimum sectas divisi. *Calvinistæ* Flandriam & proximiores Galliæ provincias invaserunt, *Lutherani* Germaniæ finitimas, *Anabaptistæ* Hollandiam & Selandiam. Complures civitates omnis colluvies infecit. Quanta autem audacia, quo furore, edictorum contemptu, sacris imaginibus, templis, altaribus, sacerdotibus manus sacrilegas Ipris, Antverpiæ, Bredæ, Buscoduci, Bergis, Gandavi, Aldenardæ, Valencenis, Amstelodami, aliisque in locis injecerint, longum fuerit recensere. Integræ cohortes furoris æstro perciti furiarum instar facibus ac ferro armati discurrebant, & sacra omnia infando sacrilegio contaminabant. Profectò ea fuit sceleris plùs quàm barbari atrocitas, ut calamus cohorreat scribere, & lectori humanitatis non omnis experti ingratum omnino foret legere. Certè ipsi etiam Protestantici scriptores, uti Petrus Bor, Petrus Hoffius, Emmanuel de Metere, & Gerardus Brand, facinus istud enorme detestantur. Quod tamen instigantibus Geusiorum ministris fuit patratum: quòdque miserrimum erat, sapiùs per provincias instauratum.

ac furor.

Gorcomien-
ses Martyres.

Cùm anno 1572. Geussi *Gorcomio* in Hollandia essent potiti, in homines Ecclesiastici præsertim ordinis truculenta eorum se exeruit rabies. Nam novemdecim illorum, ex quibus undecim Franciscani, carce-

carceris primum squalore verberibusque dire torti, dein in naviculam compacti, atque Gorcomio Brilam deVecti, postremo à Comite de *Marcha* ad suspendium damnati, barbaras inter lanienas crudelissimè sunt enecati: *Gorcomienses* propterea *Martyres* appellati, utpote unice in odium fidei occisi. Unus tamen ex 19. adhuc juvenis tormentis & promissis fractus defecit. Eodem furore immanis tyrannus *Schonboffii* in Canonicos Regulares S. Augustini grassatus, plures eorum interemit: uti etiam Cornelinum *Mussum* sacerdotem jam septuagenarium, virum virtute & doctrina præstantem, per inaudita tormentorum genera. Eadem laniena per totum ferme Belgium fuit circumlata.

Aliique multi.

Orangius initio mansuetudinem præferens, à Sacerdotibus abstinebat manus; sed rebus suis magis firmatis larvam posuit, & edictis atrocibus proscriptionibusque Antverpiæ præsertim sæviit, in Minores maximè, & Jesuitas: qui non modò Antverpia, sed insuper Trajecto, Gröninga, Tornaco, Brugis, Duaco expulsi sunt à Geusis: quòd juramentum, adversus Regem & Joannem Austriacum conceptum, nollent emittere. Auctaque est persecutio, ubi anno 1579. Hollandi, Selandi, Geldrii, Frisones *Ultrajectinum* inter se fædus inierunt.

78.

Jesuitæ pulsi.

Nulla tamen persecutione absterri sunt Societatis Patres à *Missionibus Batavica*. Sed prout jam antè Nicolaus Gaudanus Bergæ ad Zomam, Andreas Boccatus Leovardiæ, Godefridus Lummius Middelburgi, Petrus Canisius, Leonardus Kessellius, Franciscus Costerus, Henricus Dionysius, Joannes Astenfis, Daventriæ, Neomagi, aliisque Transiselandiæ & Geldriæ urbibus Religioni conservandæ, verbique Divini prædicationi institerant; ita anno 1592. ex voluntate Clementis VIII. *Guilielmus Leonius*, & *Cornelius Duystius*, uterque Hollandus, licet claustra omnia essent obsessa, in Hollandiam tandem, ferme penitus jam desolatam, penetrarunt. Et Leonius quidem Dordracum natalem sibi urbem pervenit: inde verò provinciam Ultrajectinam, Transiselandiam, Geldriam percurfabat: Duystius verò Amstelodamum, Delphos patriam suam, Rotterodamum, Lugdunum, Harlemum, aliasque Hollandiæ civitates zelo Apostolico excolebat.

Missio Batavica.

Cùm autem tam amplo agro, spinis & urticis undique horrenti, tam pauci operarii non sufficerent, annuerunt focis; missique attulerunt suppetias, Joannes *Barghius* Amstelodamensis, Adrianus *Arboreus*, pariter Hollandus, & Nicolaus *Romaus*, libris, quibus Calvinii effugiem ad vivum expressit, celebris. Atque his fundamentis erecta est Missio Hollandica, uberi postmodum fructu propagata. Nec abstertere poterant viros, pro majore Dei gloria & animarum salute zelantes, diurnæ nocturnæque insidiæ, persecutiones, vincula, carceres, necesse.

Fabula de
necando
Mauritio.

Ussit invidia generis humani hostem, ejusque ministros. Quare fabulam adornârunt, artibus suis, hoc est, mendaciis contextam, Petrus Banne, vilissimæ conditionis opifex, postquam sua decoxit, ære alieno pressus, Ipris profugus, atque in Hollandiam delatus, Lugduni asseruisse fertur, semissum ad evocandum Mauritium Comitem. Quæstioni subjectus, quis tanti sceleris sibi auctor fuerit, variato responso alios aliósque nominavit, tandem promissis illectus Oliverium, Manaræum Provinciale, virum integerrimum, cujus virtus, fides, & vitæ innocuæ commendatio toti Italiæ Belgióque erat perspecta, cum Rectore Collegii Duacensis inter alios reos egit. Geusii fabulæ successu læti, eam denuntiationem, variis linguis editam per Europam spargunt, atque Societatem ceu sectam sanguinariam malignè traducunt.

Franciscus *Costerus*, vir doctrina & probitate conspicuus, tantam calumniam non dissimulandam ratus, libro in publicum edito famam Societatis læsam egregiè vindicavit, ostensis ad oculum sexaginta apertis mendaciis, quæ Geusiorum accusationi erant inserta, itaque palàm convicit, ut ipsi Batavi falsam criminationem agnoscerent, nec Lugdunenses, rei veritate perspecta, adduci possent, ut processum suum judiciale, scriptúmque editum defenderent.

Mendaciis
contexta,

Et profecto adeo ineptè tota strophæ erat contexta, ut Costerus evolutam accusantium criminandi libidinem, accusatorum verò innocentiam perspicuè ob oculos poneret. Quid insulsius? Banneus in majori hebdomade confessionem pascalem apud Provinciale Duaci deposuit, ejusque Missæ interfuit, atque de Mauritiæ cæde egit; cum tamen Provincialis toto eo tempore diúque antea nec post Duaci fuerit, nec Banneum unquam viderit. Banneus butyrum in Collegium Duacense portare consueverat, eaque occasione à Rectore ad eandem fuit impulsus. Sed Costerus demonstravit, Banneum opificio virorem nunquam butyrum in Collegium detulisse, neque cum Rectore unquam locutum esse, sed eidem prorsus fuisse incognitum. Uxor, Jesuitis familiaris, marito scelus persuasit. Verùm uxor Bannei nunquam Jesuitis fuit familiaris, nec iis confessariis usa est, neque conaciones eorum aut Collegium accessit. Dein apertè illa est protestata, sibi nunquam eam rem in mentem venisse, nec unquam cum ullo Jesuita ea de re vel verbum contulisse: nec ullo teste aut indicio probari id poterat. Ejusdem farinæ erant reliqua 57. mendacia ac imposturæ Geusiorum.

ARTICULUS II.

Status Ecclesiasticus per Concilia ordinatus
in Belgio.

Quia ante Philippi II. tempora nulli in Belgio erant Archiepiscopatus, sed quatuor tantum Episcopi, qui ad Coloniensem, Leodiensem aut Rhemensem Archidioeceses spectabant, ideo etiam nulla in Belgio celebrata sunt olim Concilia Provincialia, sed Episcopi à Metropolitanis evocati Concilia Archidioecesis frequentabant. Invenio tamen pauca quædam Dioecesana habita.

Horum omnium primum est *Ultrajectense*, auctoritate *S. Willebrordi* Episcopi congregatum anno 697. Conclusum in eo, ut egregii verbi Dei Prædicatores, qui ex Anglia & Hibernia in eas Germaniæ Inferioris partes advenerant, in finitimas gentiles provincias distribuerentur, ad populos Christiana fide imbuendos. Hos inter fuit *S. Wulfriidus* sacerdos, qui postquam 13. annos in Ecclesia Trajectensi fuisset Canonicus, Archiepiscopus Moguntinus consecratus est, & *Bonifacius* appellatus. Inde post obitum *S. Willebrordi* rediens, secundus Trajectensis Episcopus fuit ordinatus: ac postquam 16. annos per Frisiam prædicaverat, martyrio cum suis coronatus.

79.
Concilium
Ultrajecten-
se.

Anno 1025. cum quidam contra SS. Sacramenta varios errores spargerent, *Gerardus* Cameracensis & Attrebatensis Episcopus dioecesanam synodum Abbatum, Canonicorum, & Parochorum convocavit; atque in ea 17. capita decrevit. In 1. Baptismi Sacramentum, à quibusdam negatum, asseruit. In 2. veram ac realem Christi præsentiam in SS. Altaris Sacramento ex sacra Scriptura, atque miraculis manifestis demonstravit. In 3. templum tanquam Domum Dei commendat. In 4. 5. & 6. de sacro Altari, thymiamate, & campanæ signo tractat. In 7. de sacris Ordinibus, ac clericorum officiis, In 8. de sacra Sepultura. In 9. & 10. de Pœnitentiæ Sacramento. In 10. de connubiis. In 11. de cultu Sanctorum. In 12. de psallendi officio. In 13. de veneratione Dominicæ crucis. In 15. de cultu Imaginum Christi & Sanctorum. In 15. De Ecclesiastico Regimine, In 16. de falsa hæreticorum justitia. In 17. fit brevis adhortatio priorumque repetitio.

Attrebatense I.

Atque hæc omnia ex sacra Scriptura & primævæ Ecclesiæ usu adeò luculentè ob oculos ponuntur, ut habeant profectò Batavi, à majorum fide devii, quo introspeciant, quænam jam ante tot sæcula fuerit Belgarum Religio, cum hodierna ad amissum consentanea.

Ubertius momenta præcipua Concilii recenserem, nisi ex aliis Conciliis pluries illa attulissem.

Attrebatensis II.

Anno dein 1097. in altera Attrebatensi Synodo varia Monasteriis privilegia confirmata sunt. Idem factum in tertia anno 1098. & quarta 1101. In quinta anno 1128. Monasterium Monialibus malè viventibus ademptum traditum est Monachis, assentiente Innocentio II. Summo Pontifice. Sæculo sequente edita sunt gemina statuta synodalia Ecclesiæ Ultrajectensis. In prioribus excommunicantur lædentes libertatem Ecclesiasticam. In posterioribus graviter prohibetur, ne laborantes defectu natalium ad sacros ordines promoveantur.

§. I.

Concilium Cameracense I. anno 1565.

Postquam Episcopatus Cameracensis, ad Rhemensem Archidioccesin spectans anno 1559. rogatu Philippi II. in Archiepiscopatum erectus est à Paulo IV. *Maximilianus à Bergis*, Archiepiscopus & Dux Cameracensis, S. R. I. Princeps, comes Cameracensis sexto post anno Concilium Provinciale indixit, ad reformandam disciplinam Ecclesiasticam, & stabiliendam doctrinam fidei adversus hæreticos, eo tempore undique circumfrementes. Editi sunt in hunc finem 22. tituli, in plura capita subdivisi.

In epistola encyclica, qua Archiepiscopus Synodum convocat, refert, quàm opportunum remedium morbis attulerint frequentiores synodi, quarum intermissione maxima Ecclesiæ immineant mala. In ipso dein Concilio laudata Tridentina Synodo, omniumque observationi commendata, emissæ est professio fidei. Tum verò

80.

In 1. Titulo *de liberis hæreticorum suspectis & vetitis*, statuitur, ut edictum Caroli V. de non edendis aut importandis libris, quorum catalogus non sit approbatus. Etiam typographi & librarii quot annis ex formula Tridentini emittant professionem fidei. Libri precatorii ab omni superstitione purgantur.

In 2. *De lectionibus Theologicis in capitulis & Monasteriis*, præcipit in docendo diligentiam, ut Auditores non tantum doctiores sed etiam probiores evadant.

In 3. *De Scholis*, ait, ex harum neglectu maxima mala fuisse suborta. In urbibus igitur, oppidis & pagis restaurandas scholas, docenda fidei rudimenta. Diebus Dominicis à clericis & ludimagistris gratis instituendam pauperem plebeculam credendi principiis. In scholis auctores probatos prælegendos.

In 4. *De Seminario*, commendatur erectio pro juventute piè & doctè instituenda.

In

In 5. *De Doctrina & prædicatione verbi Dei* mandatur, ut Rectores Ecclesiarum festis & dominicis populo verbum Dei purè & fideliter explicent, cum symbolo fidei, decalogo, præceptis Ecclesiæ, usu Sacramentorum, traditionum, ceremoniarum. Hæreticos refellant abque convitiis. Non sinant quem concionari sine mandato ordinarii. Libros habeant legantque probatos.

In 6. *De cultu, ceremoniis & Officio Divino* jubetur SS. Eucharistiæ Sacramentum summa veneratione & puritate tractari: esse enim valde præposterum, quod Sacerdotes velint somnem à laicis huic Sacramento reverentiam haberi, ipsi verò non exhibeant. In Missa solenni, quæ ad doctrinam pertinent, uti Epistola, Evangelium, Symbolum, absque organo canantur distinctè. Quæ verò ad laudes Divinas spectant, ut Hymni, Gloria in excelsis, Sanctus, cum organis & musica possunt cani. Absit à cantu omnis lascivia, ac levitas, choreis potius quàm choro conveniens. Sacræ ceremoniæ piè & sanctè observentur. Nullæ verò novæ introducantur abque Episcopi assensu. Omnis verò superstitio aboleatur. Canonici per se ipsos psallant, & sacris operentur piè & devotè: aliàs distributionibus careant. Festi dies religiosius transigantur. Festa aliqua abrogentur.

In 7. *De Ministeriis Ecclesiasticis* decernitur, ut nemo in Ecclesia ministerium accipiat, nisi quem ætas, vita, eruditio commender. Beneficium tituli non resignetur, nisi de alio sufficiente provisorio. Curati cooperatores non recipiant, nisi ab Episcopo approbatos, uti nec confessarios sæcularium.

81.

In 8. *De vita & honestate Clericorum* præcipitur sobrietas, frugalitas, pudicitia, modestia. Nullam fœminam suspectam domi habeant. Caupenis abstineant; ad æquales haustus non provocent, ebrietatem fugiant. In primitiis absint choreæ, ludicra &c.

In 9. *De Examine Episcoporum*, decernitur, ut post electionem Episcopi publicè denuntietur, omnibus patere aditum, qui sciant impedimentum aliquod electi, ut liberè ac tutò illud denuntient Archiepiscopo, aut vicino Episcopo comprovinciali, quorum est, præsentibus duobus Canonicis Ecclesiæ vacantis, electum examinare de natalium integritate, ætate 30. annorum, vita, moribus, exercitiis, gradu, statu, an Doctor, aut saltem doctus, virtutibus præditus, quas Apostolus in Episcopo requirit, an sex mensium spatio in sacro ordine fuerit constitutus. Quæ omnia fideliter descripta, ac ejusdem Episcopi aut Archiepiscopi manu ac sigillo firmata mittantur ad S. D. Papam, ut sufficienter instructus confirmare electum queat: missa simul Romanam professione fidei & obedientiæ.

In 10. *De Examine Pastorum*, Synodus se refert ad Decreta Concilii Tridentini, præsertim *Seff. 23. cap. 18.*

In 11. *De Residentia Episcoporum & curatorum* rursus districtè mandatur observatio eorum, quæ Tridentinum præcepit, ut videlicet Episcopi & curati personaliter resideant, ac per se ipsos ovibus invigilent. Ne igitur ultra trimestre Episcopus in anno sit absens à sua Diocesi, nisi causis legitimis excusetur, quas exponere Metropolitano debet. Præsertim non absint tempore Adventus, quadragesimæ, & festis solennioribus: quibus maximè convenit, Episcopos ministerium suum obire in suis Ecclesiis.

In 12. *De Pastorum residentia, & eorum officio*, rursus inculcatur observatio Tridentini, præcipiturque, ut Pastores, qui residere aut nolunt aut non possunt, monitis Patronis, Ecclesias resignent. Per se ipsos doceant, sacrificium offerant, sacramenta ministrent.

82.

In 13. *De Visitatione*, se rursus Synodus refert ad Decreta Tridentina. Inquiratur diligenter de fide ac moribus, de diligentia in Ministeriis, asservatione Eucharistiæ, sacro oleo, habitu, tonsura, vita clericorum, Ecclesiarum suppellectili, bonis, libris, foundationibus, elemosynis: publica castigentur publicè &c.

In 14. *De Potestate & Jurisdictione Ecclesiastica* asseritur duplex forum Ecclesiasticum, clavium nomine à Christo insinuatum; alterum Sacramenti poenitentiae: alterum Jurisdictionis & regiminis externi ad publica delicta corrigenda. Datum in hunc finem à Christo excommunicationis gladium, veluti nervum disciplinæ Ecclesiasticæ. Rogat proin synodus Regem Catholicum, aliósque Dominos temporales ac magistratus, ne illius usum prohibeant aut impedian. Si Judex Ecclesiasticus hac potestate abuteretur, ad superiorem Judicem Ecclesiasticum id deferant: sintque memores poenarum à sacris canonibus, super his inflictarum. Prohibetur autem Judicibus Ecclesiasticis, ne leviter hoc gladio feriant, sed aliis, quantumcunque fieri potest, utantur Juris remediis. Pecuniariæ autem multæ piis causis applicantur.

Ut dispendiosæ litium protractioni obvietur, in omnibus actionibus personalibus, ad forum Ecclesiasticum pertinentibus, Judex curet, reum comparere personaliter, atque ad factum suum proprium respondere, non admissio procuratore, nisi de legitimo ipsius Rei impedimento saltem summarie & verisimiliter constet. Si reus comparere fateatur debitum, judex illico solutionem imperet, faciendam intra tempus de stylo vel jure definitum. Si neget per litis contestationem, summarie procedatur. Si verò citatus comparere aut litem contestari nolit, citetur iterum, cum monitione, ut ad libellum actoris re-

responsurus compareat. Si tertio sub pœna confessati citatus non compareat, actor ad probandum admittatur, & reus contumax pro confesso habeatur.

Presbyteri & clerici non assumant officium Notarii, nisi prius ab ordinario examinati & probati fuerint. Episcopi in synodo Diœcesana designent personas idoneas, quibus causæ in partibus à S. Sede delegentur, juxta decretum 10. Tridentini Sess. 25. In cæteris etiam omnibus Synodus Tridentina plenè & integrè observetur, & auctoritatem inviolabilem habeat, ejusque Decreta omnia, statuta ac definita ab Episcopis publicentur, & in singulis Ecclesiis, & ab omnibus Presbyteris habeantur typis edita.

In 15. *De Matrimonio* ait, fuisse institutum à Deo, antequam peccatum intravit mundum, & à Christo elevatum ad rationem Sacramenti. Filii pietatis in parentes memores eorum consilio matrimonium ineant. Non tamen debent parentes liberos cogere ad hoc vel illud matrimonium. Unde declarent, an liberè aut coactè contrahant. Proclamationes præviæ non omittendæ: jurèntque contracturi, se nullo, quod sciant, impedimento prohiberi. Sponsalia non in tabernis potoriis aut post comotationem contrahantur, sed à sobriis in loco sacro: ac multò magis matrimonium. Ignoti ne temere jungantur. Qui falso allegato impedimento matrimonium impedit, aut verum sciens reticet, excommunicetur. Si Pastor de impedimento dubitat, ordinarium consulat. Claudeflina matrimonia sunt irrita. Reliqua etiam omnia decreta Tridentini circa matrimonia observentur.

In 16. *De Decimis, Oblationibus, & Portione Canonica* statuitur, ut decimæ diligenter solvantur. Oblationes in Ecclesiis factas soli Pastores recipiant, non verò patroni laici. Si patrono pars debeat, eidem à Pastore tradatur. Oblationes nullo pacto elocentur. Pastoribus sua congrua assignetur, vel augendo portionem decimalem, vel contributione, vel unione Beneficiorum, vel alia ratione. In eam rem autem, qui decimas percipiunt, contribuant. Si duæ Ecclesiæ propter inopiam uniantur, unus sit utriusque pastor: cui sacellani deligere liceat, admissum tamen ab ordinario. Pro restauratione contribuant decimatores pro rata, nisi instauratio ex antiqua consuetudine ad populum pertineat. Denique hortatur synodus monasteria, ad quæ spectant fere omnia prædia parochiæ, ut pastori inopi succurrant.

In 17. *De Purgatorio* docet, esse locum destinatum earum animarum purgationi, quæ ex hoc sæculo migrant, necdum plenè purgatæ, seu ab omnibus pœnis absolutæ, easque precibus, cleemosynis, Missæ sacrificiis, pro benignitate Divinæ clementiæ juvari. Absit

autem omnis superstitio, & turpis quaestus; ne plebi imperitiæ imponatur, aut hæreticis calumniæ ansa præbeatur.

83. In 18. *De Monasteriis virorum & mulierum* commendantur Decreta Tridentini. Servetur disciplina regularis, & collapsa restauretur. Superiores verbo & exemplo præluceant. Sacrae lectionis super mensam usus restituatur. Mensa sit frugalis. Omni familiaritate cum mulieribus abstineant. Clausuram observent. Vota custodiant. Nullus sibi pecunia cibos, potum, aut vestes comparet, sed à communitate omnibus necessaria suppeditentur. Pecunia &c. quocunque titulo acquisita tanquam communis superiori tradatur. Pro admissione ad professionem nihil recipiant. Moniales curent, ne puellæ earum convictrices, quas piè instituendas suscipiunt, non nimium curiosè, sed modestè sint vestitæ. Novitii bene instruantur, ad quid per professionem se obligaturi sint. Religiosi nunquam foris pernoctent, nisi de consensu superioris. Meminerint superiores, se non esse dominos bonorum monasterii, imò ne fructuum quidem, sed tantum dispensatores, & administratores: neque pro lubitu dispensare posse contra intentionem Ecclesiæ & fundatorum, ditando propinquos, superfluis sumptibus &c.

In 19. *De Sanctis* inquit, Sanctorum cultum & invocationem semper fuisse probatam ab Ecclesia: nec destitisse sanctos Patres ob hæreticorum & gentilium contumelias Martyribus debitum honorem impendere: sic neque debere pios homines à legitimo cultu & invocatione sanctorum abduci, quidquid adversus Ecclesiam latrent hæretici; sanctorum enim precibus nos juvari firmissimis argumentis comprobatum esse. Docendum tamen populum, alium esse cultum, quo Deum, Creatorem, Conservatorem, Largitorem bonorum omnium, Judicem futurum, cui uni reddere rationem debemus, qui solus perdere, solus servare potest, cui soli sacrificium offertur, solus cultu latriæ colitur. Alium verò ac multò inferiorem esse cultum, quem Sanctis piè deferimus. Et quamvis eos vocemus advocatos & intercessores, nullatenus tamen eo ordine ac loco, quo Christum Dominum nostrum, Advocatum ac Mediatorem, per quem omnia bona habemus, & in cujus meritis infinitis omnis fundatur Sanctorum intercessio, colimus, adoramus, & invocamus; Ecclesiam etiam in suis precibus omnia à Deo petere per Christum Dominum nostrum, Sanctum omnium Sanctorum. Patere etiam ex Litaniis nostris ingens discrimen, quo Deum & Christum, & quo Sanctos invocamus.

Docendum proin populum, preces quidem Sanctorum admodum utiles ad impetranda à Deo ex meritis Christi dona temporalia & spiritualia; sed tamen abominandam esse eorum vanitatem, ac superstitionem, qui certò pollicentur, non migraturos ex hac vita sine poenitentia &

& aliis morientium sacramentis eos, qui hunc illúmve ex Divis co-luerint, aut certas precatiunculas diligenter recitaverint, aut qui propterea securitatem, certum optatúmque eventum promittunt. Il-lud quoque reprobandum esse, si qui certo numero, præscriptáque Missarum forma aliqua, aut precum, affirmant, certas designatásque animas è purgatorio semper liberari.

In 20. *De Imaginibus* ait, Christi ac Divorum imagines secun-dum Synodi VII. traditionem, & Tridentini sanctiones in templis ha-bendas esse, eisque externa honoris cultúsque signa exhibenda, cùm in signis prototypa veneremur. Sed ne quid agatur præposterè, ima-gines nullas statuendas in templis, nisi Episcopi consensu & judicio; si quæ præferant quidquam, quod non deceat, aut prototypo non con-gruat, amovendas esse. Nullum cultum deferendum imagini propter materiam, aut formam, sed propter rem significatam, ad quam hic cul-tus & honos præcipuè refertur: & hinc animum orantis aut veneran-tis in rem signatam referendum, & non in signum, quod nec audit, nec videt, nec sentit. Imperitæ plebis causa maximè positas esse ima-gines, ut illarum aspectu docti & moniti patrocini Divorum & pie-tas in Christo conservetur, & eorum vitam imitemur. Miraculis nul-lam esse auctoritatem sine judicio Ecclesiæ, per Episcopum declarato.

In 21. *De Reliquiis* innovatur Decretum Tridentini de iisdem venerandis; cùm non tantùm sint monumenta, quibus Martyrum ac Divorum memoria renovatur, sed fuerint viva Corporis Christi mem-bra ac templa Spiritus Sancti, ad æternam gloriam excitanda. Verùm ut omnis tollatur abusus, ne quis novas, aut ignotas reliquias popu-lo venerandas offerat, nisi priùs ab ordinario probatæ fuerint.

In 22. *De Indulgentiis* ait, quia per indiscretas & nimias Indul-gentias claves Ecclesiæ contemnuntur, & pœnitentialis satisfactio enervatur, nemini licere novas aut ignotas indulgentias populo com-mendare, nisi priùs ab ordinario visitatæ fuerint & probatæ. Præci-pítque Parochis, ut populum suum diligenter admoneant, ne circum-foraneis quibusdam; aut etiam impressis libellis temere fidem adhi-beant, qui ex levibus, vanis & superstitionis causis exorbitantes in-dulgentias pollicentur, cùm non nisi ex piis & rationabilibus causis concedi debeant.

Interfuerunt & subscripserunt huic Concilio præter Archiepisco-pum Cameracensem, Richardotus SS. Theol. Doctor & Episcopus Attrebatensis, qui pulcherrimam in Synodo orationem habuit de ca-lamitoso temporum statu; Episcopus Audomarensis, Namurcensis, (Tornacensis Ecclesia vacabat) Præpositi, Decani, & Canonici Ca-thetra-

thedrales: multi Abbates, & Abbatissarum Procuratores, uti etiam Capitulorum Decani & Procuratores.

§. II.

Concilium Mechliniense anno 1570.

Belgicis turbis jam in apertum erumpentibus, & hæresi in dies magis invalescente, quæsitum fuit à Concilio Provinciali Mechliniensi remedium. Indictum illud fuit à Martino Rythovio Iprensi Episcopo, nomine Antonii Perrenotti Archiepiscopi Mechliniensis, ac Belgii Primatis, qui ob causas memoratas Belgio excefferat, & in Italia tunc versabatur. Et imprimis quidem Præside Rythovio Seniore comprovinciali recipitur à Synodo Concilium Tridentinum plenè ac integrè, atque omnia statuta, eidem contraria, decernit irrita. Deinde verò pro stabilienda fidei doctrina, & restauranda disciplina statuit canones. Quorum hæc est summa.

I. De Sacramentis.

84.

Ut Anabaptistis, quorum hæresis latè serpit, occurratur, ne infantes baptismi subtrahant, Synodus Magistratus locorum hortatur, ne quam obstetricem admittant, nisi à curato loci testimonium catholicæ fidei habeat, jurétque, singulis sabbatis se denuntiaturam Pastori puerperas, quibus adstiterant. Curati verò denuntient Episcopo matres, quæ proles suas non fecerint baptizari. Parentes verò curent, ut proles innox baptizentur in parochia. Patrini ad summum sint unus & una. In usum revocetur probatissimus ille mos, ut puerperæ ad purificationem post partum ad Ecclesiam veniant, & benedictionem à sacerdote suscipiant.

Confessarii, quorum confessiones in quadragesima audierunt, nomina annotent. Nec alii ad sacramenta & sepulturam admittantur. Confessarii citra necessitatem non absolvant à casibus Episcopo reservatis, nisi specialem commissionem habeant. Casus autem in provincia Mechliniensi Episcopis reservati sunt: raptus, homicidium, incendium voluntarium, simonia, sodomia, hæresis, incestus, sortilegium, adulterium notorium, injectio manuum in parentes cum læsione, & omnia delicta, quæ excommunicationem majorem à Canone vel ab homine latam habent annexam. Pro notoriis sceleribus pœnitentia publica in usum revocetur.

II. De Ordinandis.

Nullus ad minores admittatur absque testimonio parochi & magistri scholæ. Ad majores promovendus etiam testimonium habeat
de

de præmissis proclamationibus. Ordinandi maturè compareant ad examen super ætate, vita, doctrina, natalibus, titulo: qui sit sufficiens, certus, non alienabilis, nisi de novo sufficiente fuerit provi- sum. Possint tamen Episcopi ob Ecclesiæ necessitatem quosdam ido- neos sine titulo ordinare, ea tamen conditione, ut de titulo illis provideant.

III. De Sponsalibus & Matrimonio.

Parochi non jungant coactos vi aut metu. Proclamationes præ- mittantur in sponsi & sponsæ parochia. Pastores nullum alterius regni aut regionis, aut vagum & ignotum matrimonio jungant, sine licen- tia Episcopi sui in scriptis obtenta. Si aliqui ex legitima & urgente causa ab Episcopo ad contrahendum tempore interdicto admittantur, abstineant à nuptiali convivio, choreis, aliisque, quæ tempori non congruunt.

IV. De Officio & cultu Divino.

Hortatur Synodus ad Officium Divinum statis horis semper in- tegrè, distinctè ac devotè persolvendum. Pluræque ex Tridentino statuit de distributionibus quotidianis præsentibus dandis. Pro præ- sentibus autem haberi vult omnes in Ecclesiæ negotiis occupatos, ut eos, qui capituli aut fabricæ res tractant, aliósque, qui propria præ- bendarum aut dignitatum suarum munera obeunt, aut Episcopis, or- dines conferentibus, visitantibus, aut in aliis Episcopatus negotiis occupatis adfunt, vel aliquo ab eis missi operam impendunt: aut qui sub officio celebrare debent.

Episcopi expurgent, si quid in officiis dioecesanis propriis circa historias &c. extet minùs pium & decens. Absit ab Ecclesia tempore rei Divinæ omnis levitas, profanum commercium, musica lasciva, aut militaris, forensis proclamatio. Tabernæ sint clausæ, & præser- tim cauponæ. Extra Ecclesiam, & ad Divinum tantùm cultum dedi- cata oratoria, ab Episcopis designanda & visitanda, aut olim ita de- signata non celebretur Missa. Altaria portatilia, quantum fieri potest, abrogentur, consecratis altaribus fixis in locis sacris. Dies festi religio- sè transigendi, absque nundinis & mercatu. S. Rumoldus Martyr Patro- nus Ecclesiæ Mechliniensis per totam provinciam festivè celebrandus. Præter quadragesimale & quatuor temporum jejunium, etiam vigi- liæ eodem consecrentur.

V. De Imaginibus, Indulgentiis &c.

Tollantur è locis sacris omnes imagines procaces, gentilium fabulas referentes, & quæ ad populi devotionem non faciunt. Ex do- nibus pariter & hortis Ecclesiasticorum eliminandæ, præsertim la-

scivæ, & pudenda nuditate scandalosæ. Ne circumforaneis quibusdam, aut etiam impressis libellis, qui ex levibus & superstitiosis causis, incertisque revelationibus exorbitantes indulgentias pollicentur, fides temere habeatur. Absit procul omnis superstitio. Illud autem rerum usum superstitiosum esse declarat Synodus, qui sine verbo Dei & Ecclesiæ doctrina sit præscriptis aliquibus ritibus & observantiis, quarum rationabilis causa reddi non potest, & fiducia in eis collocatur certi alicujus eventus, qui sine illis ritibus ex sanctorum intercessione non speraretur.

VI. De Episcopis & eorum Officio.

85.

Qui sciunt canonicum impedimentum quodcumque, quare electus, postulatus, aut nominatus ad Ecclesiam vacantem assumi non debeat, id ipsum Metropolitano, vel eo absente seniori suffraganeo denuntient. Qui etiam ex officio inquirent, de vita, moribus, doctrina, ætate, gradu, aliisque præficiendorum qualitatibus de jure vel consuetudine requisitis. Quæ omnia in instrumentum relata unâ cum professione fidei ad Papam transmittant. Episcopi sæpius in suis Ecclesiis piè & religiosè celebrent, & quando per Episcopalia munera licet, Divinis officiis intersint. Et quoniam prædicationis officium Episcopis est proprium, illum tum per se ipsos, tum per alios idoneos exercent.

Quia autem Episcopi dispensationes, collationes, institutiones, relaxationes, aliâsque concessionem facere debent, occasione tamen sigilli varia soleant exigî, Synodus eam consuetudinem abrogat, relicto solum modico stipendio pro officialibus, qui instrumentum confecerunt, aut circa illud fuerunt occupati.

VII. De Ministris Ecclesiæ & Residentia.

Circa examen, delectum, & residentiam personalem Ministrorum Synodus se refert ad Decretum Tridentini, strictamque obligationem imponit, additque, si ultra tres menses, postquam ab ordinario moniti fuerint, personaliter residere neglexerint, aut distulerint, fructibus suarum dignitatum aut beneficiorum privandos. Si verò quis privilegium obtendat, intra tres menses illud Episcopo exhibeat, aut ejus Vicario, ut cognoscat, an ex legitima causa sit concessum. Secus effectum careat. Regulares ad processiones publicas vocati compareant, & digniorem Cathedrali Capitulo locum concedant. Post Decanum sequatur Archidiaconus, tum reliqui habentes dignitatem, aut personatum, denique reliqui canonici. Ecclesiarum Rectores non admittant vagum & ignotum sacerdotem, sine litteris sacerdoti, commendatitiis, & testimonialibus Episcopi vel Vicarii.

VIII. De Decanis, Pastoribus, & eorum officiis.

Episcopi Rectoribus Ecclesiarum provideant de congrua. Decani rurales, seu Christianitatum Archipresbyteri resideant intra limites sui Decanatus. Pro traditione novi Christmatis nihil accipiant. Sumptus tamen propterea factos possunt recipere. Christma, & reliqua sacramentalia reverenter ac religiosè deferant, ac distribuunt. Cum in quibusdam diœcesibus propter nimiam sacerdotum inopiam servari non possit ex integro dispositio Tridentini circa examen promovendorum, Episcopi se accommodent, quantum possunt. Parochis designentur certæ urbis regiones: habeantque determinatum populum, cui pastoralis cura diligenter invigilent. Catechismus Tridentini in epitomen contractus, & lingua vernacula edendus populo explicetur. Omnes ad aliam parochiam transferentes domicilium testimonium vitæ ac fidei secum ferant. Prohibetur sacerdotibus, ne stipulentur pro legenda Missa, sed sponte oblatum stipendium accipiant. Neque pro exequiis, septenariis, tricenariis, anniversariis, sed peractis officiis demum recipiant.

IX. De vita & honestate Clericorum.

Nullus Clericus barbam nutriat. Corona verticis sit pro gradu ordinis: vestis decora, & talaris in urbe, ruri ad talos promissa. Tabernis, comessatione, mulierum suspecta conversatione & cohabitatione, larvis, choreis &c. omnino abstineant. Per modum provisionis interim, donec à S. Sede declaratio obtenta fuerit, decernitur, ut capitula in suos Clericos jurisdictionem tam in criminalibus quàm civilibus concurrentem habeant, ita, ut Episcopum prævenire possint, iis tamen tantum in casibus, in quibus hactenus eandem habuerunt. Episcopi autem sine scitu deputatorum capituli per solam citationem possunt prævenire & jurisdictionem exercere.

X. De Scholis.

Ab Institutione inchoanda Christiana disciplina. Quare scholæ restituantur. Non tamen novæ instituendæ, nisi de consensu Episcopi. Præficiantur præceptores probati, qui fidei suæ integram professionem fecerint. Prælegatur in schola latina Despauterii Grammatica, in in compendium contracta. Habeantur etiam diligenter à Pastoribus scholæ Dominicales, seu catecheses de fidei christianæ principiis: curéntque Episcopi quosdam libellos in hanc rem imprimi. Parentes liberos diligenter ad has institutiones christianas mittant. Nec admittantur ad sacramenta, etiam matrimonii, nisi bene instructi. Magistratus pariter curam conferant, ut parentes liberos ad doctrinam

christianam mittant; cum hæc res maximi sit momenti, & ad restitutionem religionis proximum gradum faciat. Episcopi rationem ineant, qua in singulis diocæsisbus erigatur seminarium.

XL. De Unionibus, & bonis Ecclesiasticis.

86.

Beneficiorum uniones, & Missarum reductiones absque necessitate fieri non debent. Elocationes bonorum Ecclesiasticorum successores non ligant. Nullæ fiant ultra novem annos sine solennitatibus, quæ de jure requiruntur ad alienationes. Beneficiati redditus suos superiori specificent. Registrum autem unum proventuum in Archivio Ecclesiæ asservetur, alterum Episcopo tradatur. Litteræ originales & instrumenta, quæ vetustate consumuntur, in authenticam formam transsumantur, & tribus clavibus custodiantur in qualibet Ecclesia. Renovationes locationum diligenter & authenticè annotentur, ne temporum tractu conductores proprietatem prætendant.

XII. De Regularibus.

Religiosorum conventus id sunt in populo christiano, quod arces, militum præsidio bene instructæ in regione, hostium incursionibus exposita. Quare totius populi interest, eorum disciplinam regularem comprimis florere, per accuratam votorum observantiam. Pensiones vitales, aut redditus perpetui nulli permittantur. Hospites juxta regulam excipiantur. Clausura sit exacta. A professione absit omnis simonia. Habitus sit uniformis, quem etiam, dum foras prodeunt, retineant.

XIII. De Litteris Apostolicis & Judicibus Delegatis.

Dispensationes ad Beneficia incompatibilia Episcopis præsententur examinandæ. Nominat Synodus pro singulis Diocæsisbus aliquot idoneos viros, quibus, præter ordinarios locorum, causæ Ecclesiasticæ in partibus delegandæ à sua sanctitate committantur. Eorûmque nomina propterea Romam mittenda. Si quis ex istis ante proximam Synodum decedat, Episcopus cum consilio capituli alium usque ad Synodum substituatur, idque summo Pontifici significet.

XIV. De Usuris.

Quoniam usura Jure Divino & canonico omnibus christianis sub pœna peccati mortalis interdicitur, neque facienda sunt mala, ut eveniant bona, Synodus statuit, ne quis tutor aut curator sub prætextu augmentandi patrimonium pupillorum, pecunias illorum sub certo lucro, singulis annis ultra sortem recipiendo, mutuo dent, retenta facultate repetendæ sortis, quando ad majorem ætatem perverint, aut aliàs ad eorum arbitrium, declarando omnes hujusmodi

con-

contractus usurarios, & contra mutantes, tanquam usurarios ad pœnas juris procedendum.

XV. De Visitationibus.

Caveant Episcopi, ne occasione visitationis cuiquam sint onerosi, sed frugali victu contenti. Decani etiam christianitatis visitent ubique. Subsidia iudicio Episcopi constituentur.

Subscripserunt huic Concilio Martinus Rithovius Episcopus Iperensis Præfex; Franciscus Sonnius Episcopus Antverpiensis; Wilhelmus Lindanus Episcopus Ruremondanus; Cornelius Jansenius Episcopus Gandavenfis; Remigius Druitius Episcopus Brugenfis; Laurentius Methius Episcopus Buscoducensis; cum Vicario generali Cardinalis Granvelli Archiepiscopi Mechliniensis.

§. III.

Concilium Cameracense II. anno 1586.

PROVINCIAE Cameracensis Episcopi istud celebrârunt Montibus Hanoniarum Præsidibus Bonhomio Nuntio Apostolico & Berlaymontio Archiepiscopo Cameracensi, S. R. I. Principe. 24. titulis complures editi canones.

Tit. I. De Fide.

Juxta formulam, à Pio IV. præscriptam, fidei professionem faciant omnes Professores, Concionatores, Confessarii, Ludimagistri, Typographi, Bybliopolæ, redeuntes ad Ecclesiam, Ordinandi, Magistratum adeuntes. Libri censeantur, visitentur. Nullæ imagines insolitæ ponantur in templo: belli injuriis directæ restaurentur. Superstitio & abusus aboleatur.

87.

II. De Doctrina, &c.

Concionatores caveant à narrandis apocryphis historiis. Vitia non homines carpant. Novas indulgentias ne proponant sine decreto Episcopi. Decani christianitatis referant ad Episcopum negligentes. Clerici ipsi diligenter intersint concioni; & aliquoties inter se conveniant, tracturi de rebus pastoralibus &c.

III. De Officio Divino.

Ubi Cathedralis Ecclesia Romani officii usum suscepit, parochiales etiam Ecclesiæ eundem recipiant. Ubi verò cathedralis retinet usum antiquum, Breviaria repurgentur. Ordinatur deinde Synodus, quæ ad sacrificium Missæ cum decoro celebrandum spectant.

IV. De Fæstorum cultu.

Supplicandum Regi pro remedio, ne tempore rei sacræ, etiam post prandium sub vespèris fiant lusus, spectacula ludicra, potationes, piscationes, aliæque profana opera. Enumerantur plura alia, diebus festis prohibenda: uti choreæ, mercatus, subhastationes, auctiones, nundinæ.

V. De Sacramentorum Administratione.

Omnes certæ parochiæ sint adscripti, in qua Sacramenta percipiant; quæ administrentur juxta formam in Manuali Diœcesano præscriptam. Post sacramentorum administrationem id exigere possunt, quod secundum laudabilem consuetudinem solet pendi. Post acceptum novum oleum, vetus infundatur lampadi, quæ lucet ante venerabile Sacramentum. Tempore pestis aliquot capellani sint expositi.

VI. De Baptismo.

88. Fons baptismalis singulis annis Sabbato sancto & vigilia Pentecostes mundetur à Sacerdote. Pueri, hæretici, aut de hæresi suspecti, non sint patrini. Non imponantur nomina paganorum, nec eorum, qui ab Ecclesia pro sanctis non coluntur. Baptismus non conferatur conditionatè, nisi cùm re diligenter examinata dubium relinquitur de valore; secùs committitur sacrilegium, & incurritur irregularitas. Infantes verò expositi conditionatè sunt baptizandi, licèt testimonium baptismi collo appensum habeant. Obstetrices examinentur, & instruantur, quomodo in casu necessitatis baptismus sit conferendus.

VII. De Confirmatione.

Confirmandi instruantur de dignitate, vi & effectu hujus Sacramenti: præmittenda confessione, si annos discretionis attigerint: de non iterando ob characterem: patrino: qui sit jam confirmatus, mortalisque, qui velut patris spiritualis vice in instruendo facilè confirmendoque fungi possit. Ante septimum vel octavum annum non famandi.

VIII. De SS. Eucharistia.

Memorat synodus ea, quæ ad reverentem Eucharistiæ asservationem, & ad ægros deputationem spectant. Præcipit duas semper hostias ad ægrum deferri, ne populus in reditu inane vasculum adoret. Populus frequens comitetur. Quare priùs signo convocetur. Qui præcepto communionis paschalis non satisfecerunt, post Dominicam in albis Episcopo denuntientur. Stannei calices, quoad fieri potest, aboleantur, & saltem cuppa sit argentea.

IX. De Pœnitentia.

Sacerdotis duplex potestas, ordinis, & jurisdictionis, ab Episcopo specialiter conferenda cum approbatione ad audiendas confessiones sæcularium, etiam clericorum. Commutatio votorum, quando est concessa non fiat in minus bonum, nec in præjudicium tertii. Medici ad ægros vocati, antequam illorum curam suscipiant, eos moneant de advocando Confessario, juxta salutarem constitutionem Innocentii III. in Concilio generali Lateranensi editam. Si æger intra quatrimum non pareat, eum omnino deferant. Confessarii à filiabus confessionis votum castitatis non exigant aut admittant absque Episcopi consilio; & à nimia familiaritate absteineant.

X. De Ordine.

Ordinandi testimonia à Decanis ruralibus subscripta afferant; præmissis proclamationibus. Tituli sint ad minimum 40. florenorum: quos alienare non possint. Omnes, qui ordinantur, alicui Ecclesiæ adscribantur, suasque functiones obeant.

XI. De Matrimonio.

Matrimonium clandestinum in iis locis, in quibus Concilium Tridentinum est promulgatum, est irritum. Parochus autem proprius est, ubi contrahentes domicilium fixerunt. Unde studiosi non censeantur quoad hunc effectum esse parochiani illius loci, in quo tantum habent quasi-domicilium. Ne fideles cum hæreticis nuptias contrahant. Adjunguntur reliqua, in Concilio Tridentino comprehensa de proclamationibus, alienis parochianis, ignotis, sacramento, impedimentis, doctrina christiana, libro matrimoniorum &c.

Nota. *Sanctissimus Dominus noster Benedictus XIV declaravit pro Fœderato Belgio, matrimonia non esse irrita, pro more gentis ibidem inita coram Magistratu sæculari, vel Ministro Acatbolico; neque opus esse post conversionem novo consensu coram Parocho catholico: licet fortè Tridentinum ibidem sit promulgatum.*

XII. De Extrema unctione.

Parochus non expectet, ut rogetur de hoc Sacramento administrando, sed ipse sæpius visitans ægros, eos ad illud petendum cohortetur. Signo campanæ convocetur populus, ut oret pro ægroto: qui, quantum fieri potest, prius sit confessus, & Eucharistia munitus. Sic enim fiet, ut hoc Sacramentum vim suam & effectum melius operetur. Nec pueris, rationis usum necdum adeptis, nec amentibus & furiosis, qui lucidum circa mortem non habent intervallum, nec iis, qui bene valent, etiam si mortis periculo se brevi exponere debeant, conferendum. Nec sæpius in una ægritudine, etiam ad plures menses

ses perdurante. Si pars ungi solita desit, ungatur proxima. In sacerdotemanus in exteriori parte ungendæ.

XIII. De Sepulturis.

89.

Simoniaci publici, usurarii, religiosi proprietarii, hæretici, schismatici, venefici, fortilegi, suicidæ, in duello mortui, in paschate non confessi & communicati, ac postea subita morte præventi, Ecclesiastica careant sepultura. Et, si in templo sepeliantur, templum & cœmeterium, si verò in hoc, istud solummodo polluitur. Sepelientes autem excommunicantur. Aliis nullo jurium prætextu sepulturam pastores negent aut differant. Si quid offertur, fabricæ cedat. Ne fiant tumuli. Cœmeteria claudantur, nec animalia ibi pascantur. Honorarium aut stipendium clero funus comitanti pro more primùm post exequias distribuatur.

XIV. De Oblationibus, Decimis & portione Canonica.

Oblationes de altari non tollantur, nisi finito officio. Innovatum decretum de solvendis fideliter & integrè decimis. Renitentes ab Episcopo excommunicentur. Jubet synodus pauperibus parochis subveniri: statuitque taxam pro paroco in pago non minùs quam 100. florenos, nec plus quam 150. in urbibus non plus quàm 200. nec minus quàm 150. (*nempe pro ratione illius temporis, quo uno floreni plus emi poterat, quàm nunc duobus*) Ad hanc summam concurrant omnes, qui decimas colligunt, sive clerici, sive laici. Super executione autem requiratur Rex Catholicus proposita Ecclesiarum parochialium necessitate.

XV. De Administratione bonorum Ecclesiasticorum.

Cùm contingat non rarò, obtineri à sede Apostolica delegationem ad interponendum decretum alienandi res Ecclesiasticas, si in evidentem Ecclesiæ utilitatem cedereprehendatur, Judices delegati examinent diligenter, quæ in litteris Apostolicis præscribuntur, absque humano respectu. Alienationes autem illegitimè factæ declarentur irritæ: uti etiam locationes ad longius tempus factæ, quàm sacri canones permittant. Venditiones ob anticipatam solutionem viliori pretio, quàm par est, factæ, usuram sapiunt. Terminus locationis agrorum sint novem anni, pratorum sex, decimarum tres. Inventarium bonorum ad ordinarium mittatur. Decernuntur, relato decreto Tridentini S. 22. c. 11. graves poenæ in violatores jurium Ecclesiasticorum: fitque admonitio ad causarum piarum administratores, ut nihil alienent contra intentionem fundatorum.

XVI. De Clericis in genere.

Meminerint, se in fortem Domini vocatos, abstinentes à negotiationibus profanis, conductione alienorum agrorum quæstus facien-

di causa, famulatu dominorum. Privilegium fori observent. Tabernaculas, aleas, choreas etiam privatas evitent. Nec chirurgicam aut medicam artem ad quæstum exerceant. Barba à labio superiore sit præcisa. Tonfuram pro qualitate ordinis & gradus gestent, in sacris constituti, aut Beneficium obtinentes, etiam habitum clericalem decentem. Annulum aureum aut argenteum ne gestent, nisi gradu, dignitate, vel eximia nobilitate sint conspicui. Ne transeant ad aliam Diocesim absque commendatitiis. Horas canonicas negligentes fructus non faciunt suos.

XVII. De Episcopis.

Verbo & exemplo præluceant. Pauperum & infirmorum curam habeant. Prædicationis officium sibi proprium existiment. Impediti viros doctos deputeant. Singulis annis aut saltem bienn'is totam diocesim visitent. Episcopo de vita periclitante à capitulo advocetur vicinus Episcopus, qui vivo & mortuo assistat. Mors omnibus provincialibus Episcopis denuntiatur: qui in suis Cathedralibus solenni Missa eidem parentent: ac publicas preces pro novo promovendo indicant. Idem faciat capitulum Ecclesiæ vacantis per totam diocesim. Processus super doctrina & moribus noviter electi aut nominati Romam mittatur.

XVIII. De Capitulis & Canonicis.

Qui virtute cujuscunque provisionis admitti petunt, edant professionem fidei. Inquiratur, an Simonia aut alia illicita pactio intervenerit. Examinandæ qualitates. Distributiones inter præsentés attingant tertiam partem fructuum. Pro præsentibus autem habeantur infirmi, confessarii, concionatores, professores actu docentes, & qui in negotiis capituli, fabricæ, aut Episcopi ac diocesis occupantur. Canonici per vices ad majus altare celebrent. Lectio Theologica in cathedralibus & collegiatis, ubi clerus est numerosus, habeatur &c.

XIX. De Pastoribus.

Domus Parochiales injuriis collapsæ reparentur. Annotentur, qui dominicis & festis ad Missam parochialem non conveniunt, ac multo magis de hæresi suspecti. Decani rurales parochorum omniumque Sacerdotum mores observent, ut in prædicatione verbi Divini, Sacramentorum administratione ac cæteris omnibus suo muneri satisfaciant: districtum suum diligenter quot annis visitent; & si mederi non possunt ipsi, ad ordinarium referant. Parochorum capitula ad minimum bis in anno convocent. In his de morum & abusuum correctione, de Tridentini Concilii decretis reformationis, de statutis synodalibus, iisque, quæ ab ordinariis commissa fuerint, tractetur.

XX. De Regularibus.

90. Superiores severitatem mansuetudine temperent. Theologia doceatur. Clausura accuratè servetur. Religiosi ad curam expositi non revocentur sine causa. Foundationibus satisfaciant. Quæ contra votum paupertatis irreperunt, abrogent. Victu & vestitu utantur communi. Pluræque alia pro clausuræ & disciplinæ custodia sanciantur, etiam ad sedem Apostolicam deferenda.

XXI. De Scholis & Seminariis.

Nulli libri prælegantur, qui in Indice librorum continentur. Scholæ visitentur. Dominicales quoque pro pueritia in doctrina christiana instituenda frequententur. Quoties autem parochus hoc neglexerit, florenum pro fabrica pendat. Duaci instituatur seminarium clericorum pro tota provincia: cui Rector præficiatur. Exerceantur in Theologia, ceremoniis, cantu Gregoriano, computu Ecclesiastico, concionibus, disputationibus. Sumptus ex Beneficiis detrahantur.

XXII. De foro, jurisdictione & Immunitatione.

Causæ verbales summarie & de plano breviter expediantur absque scripto. Causæ item matrimoniales, Beneficiales, alimentorum, dotis, correctionis, & aliæ similes, quæ accelerationem requirunt, præcis dilutionibus concludantur. Causæ omnes intra biennium absolvantur. Si gravamen per appellationem à definitiva (uti indebitæ incarcerationis) reparari nequit, appellationi ab interlocutoria deferendum. Supplicandum Regi, ut provideat, ne forum Ecclesiasticum & civile se invicem turbent, aut impedian. Si citatus privilegium exemptionis obtendat, tenetur nihilominus comparere coram Judice, & privilegium exhibere, nisi illud sit notorium, aut in Corpore Juris clausum. Ne Judices laici præcipere audeant, ut Ecclesiastici censuras revocent; neque eo prætextu bona illorum arrestare præsumant. Requisite sententias Ecclesiasticorum exequantur per captionem pignorum &c. Neque impedian executionem ultimarum voluntatum clericorum. Magistratus sæculares clericorum bonis nullam contributionem aut taxam imponant sine consensu ordinum Ecclesiasticorum.

XXIII. De Usuris.

Eos, qui cum usurariis publicis communicant in Divinis, excommunicationem majorem incurrere, declarat synodus, qui verò in aliis, minorem. Repetit deinde totidem ferme Concilii Mechliniensis verbis, quoties ex mutuo aliquid præter sortem exigitur, aut accipitur, cujuscunque generis illud sit, modo pecunia æstimari possit, usuram committi &c.

XXIV. De Synodis.

Cùm Tridentinum exigit, ut singulis trienniis Concilium provinciale celebretur, quando Metropolitanus illud indixerit, Episcopi, capitula, aliique, quibus de jure vel consuetudine competit, compareant, & quidem per se ipsos, nisi procuratorem mitti necessitas exigit. In iis agatur de extirpandis hæresibus, abusibus, vitiis & excessibus, de reformatis moribus, componendis controversiis. Prima die fiat solennis processio, convocato toto clero civitatis: tum Missa à Metropolitana, ac sermo: prout etiam sequentibus diebus ab Episcopis. Nemo recedat. Omnes subscribant; & acclamationibus factis, in pacis osculo discedant. Diocesanae synodi singulis annis instituantur; & in prima promulgentur decreta concilii Provincialis.

Subscripserunt Nuntius Apostolicus, & Archiepiscopus Cameracensis, simul Concilii Præsides, Episcopus Attrebatensis, & Namurcensis. Procuratores Ecclesiarum Tornacensis, & Audomarensis, sede vacante. Denique Philippus Rex decretum edidit super executione horum statutorum synodaliū.

§. IV.

Dissertatio Juridica de Usuris.

Concilium Mechliniense & Cameracense, ut vidimus, titulo penultimo gravem declarationem edidit de usuris. Verum ea intelligenda videtur de casu, quo lucrum exigitur titulo ipsius mutui, aut tali, qui sit mutuo ininatus & intrinsecus. Nam certum omnino est, quòd Juri Divino & humano sit contrarium, titulo solius mutui exigere aliquid ultra sortem: cùm justitia contractus mutui in hoc versetur, ut tantundem restituatur, quantum fuit acceptum, & per se inordinatum sit, ex re aliena velle lucrari, atque res fructificet domino suo.

Alia longè est ratio census Germanici, qui non ex titulo mutui exigitur & solvitur, sed ex aliis à jure non reprobatis, uti titulo emptio-
nis census, reservationis partialis quasi ususfructus &c. vel ex titulo
lucris cessantis, damni emergentis aut etiam periculi sortis: propter
quas causas census nostros *Interesse* appellamus: denique etiam titulo
translati ob bonum publicum à Principe & Republica dominii. Non
enim tunc Princeps usuram propriè dictam seu merè lucratoriam ex ti-
tulo mutui provenientem, facit licitam, neque permittit titulo solius
mutui aliqui d' exigere ultra sortem, sed occasione mutui bona fide con-
tracti transfert dominium auctari moderati seu census in mutuantem
propter bonum publicum, ut hac ratione succurratur promptius multis
indigentibus parata pecunia, atque etiam variis causis piis; cùm in Ger-
mania non paucae sint Ecclesiae, Monasteria, hospitalia, quæ ferme ex

91.

Usura omni
jure vitia.

Qualis non
est census
Germanicus.

solis hujusmodi censibus vivunt, & aliàs ipsis sit prohibitum, ne sæculares negotiationes exerceant. Ac denique, ut consulatur commerciis pro ratione dudum in Germania recepta.

92.

Jus civile
moderatum
auctarium
permittit,

Igitur non tantum jus civile in Corpore Juris clausum permittit stipulationem ejusmodi auctarii moderati supra sortem, ut patet ex toto titulo de usuris in Pandectis & Codice; & quidem etiam pro casu, quo nulla culpabilis mora intervenit, *l. 1. ff. de usur.* sed etiam Imperator cum Statibus Imperii anno 1530. in *Reformat. Polit. tit. 26. §. ult.* recensitis pluribus contractibus usurariis, decrevit, ut deinceps non plus quam 5. pro 100. dentur & accipiantur: prout usitatum. Si quid ultra exigatur aut recipiatur, usurarium id esse censendum. Idem decretum per Recessum Imperii *tit. 8.* anno 1532. in Comitibus Ratisbonensibus renovatum fuit; & anno 1541. *§. 76.*

Et constitu-
tiones Im-
perii.

Rursus anno 1548. in Comitibus Augustanis *Reformat. Polit. tit. 17. §. 8.* statutum fuit, ut, cum census redimibiles ubique in provinciis sint usitati, capitali centum florenorum non plus quam quinque florenorum annui census, prout usitatum, emi possit. Additurque, penes solum venditorem census annui esse potestatem eundem redimendi, non autem penes emptorem. Quam sanctionem consuetudo deinceps in Germania mutavit. Anno 1570. in *R. I. Spirensi §. 83.* jussi sunt Judex & Assessores Camerae Imperialis circa usurarios contractus observare constitutiones Imperii. Cum autem dein Marquardus Episcopus Spirensis, Camerae tunc Judex, ejusque assessores, insimulati, quod mitius contra usurarios agerent, ad Imperii Deputatos Francofurti congregatos anno 1577. scripserunt, lucrum moderatum ex mutuo, quale esset pensio 5. pro 100. ubique usitata, legibus imperii non esse damnatum, responderunt Deputati, sibi non licere hic aliquid statuere, negotium ad Comitibus Imperii referendum, interea vero Camera in judicando inhæreat constitutionibus Imperii.

Anno 1600. in Recessu Deputatorum Imperii ab Imperatore confirmato, cum quaestio proponeretur, an non in contractu mutui certum aliquod auctarium, loco interesse à tempore moræ sit statuendum, §. 139. decretum fuit, ut, si debitor sit in mora restituendi pecuniam mutuam: ab eo tempore (ex præsumptione, quod creditor ab eo tempore ex pecunia sua 5. pro 100. licito modo habere potuisset) interesse præstare teneatur. Subjungiturque: *Ordinamus igitur ac volumus, ut tale interesse à tempore moræ præstetur, ac propterea creditori quinque floreni de centenis solvantur.* Si tamen creditor quinque florenis annuis nolle esse contentus, sed existimet, tam ex lucro cessante quam damno emergente sibi plus deberi, posse eum totum suum interesse deducere, ac desuper judicalem sententiam exspectare.

Denique anno 1654. in novissimo Imperii Recessu, postquam in tribus comitiorum Ratisbonensium Collegiis hac super re consultatum fuit, §. 174. decretum est, ut futuri census & interesse, sive ex contractu censuum redimibilium, sive ex contractu mutui oriantur, juxta tenorem constitutionum Imperii, solvantur deinceps infallibiliter singulis annis convento tempore, non tamen in majori quantitate, quam 5. pro 100. & in casu moræ ad solam exhibitionem obligationis per paratam executionem adversus debitorem procedatur.

Ex his Imperii constitutionibus Jurisconsulti Germania passim colligunt, etiam in contractu mutui licitum esse quinque pro centum stipulari. Neque verum videtur, quod isti Recessus Imperii solummodo loquantur de debitoribus, qui calamitate belli tricennalis fortunis lapsi sunt. Nam priores constitutiones nullam de hoc mentionem faciunt. Et quamvis in Instrumento Pacis Osnabrugensis, anno 1648. erecto *Art. 8. §. 5.* fuerit conventum de indaganda aliqua ratione, qua persecutiones actionum contra debitores, ob bellicas calamitates fortunis lapsos, aut nimio usurarum cursu aggravatos terminari possint, Sexto tamen post anno in Recessu Imperiali Ratisbonensi *§. 174. cit.* absolute & sine mentione belli calamitatum sancitum fuit, ut futuri census & interesse, etiam ex mutuo, solvantur. Imò in præcedente §. 173. actum fuit de censibus præteritis, necdum solutis; quod fortassis intelligi posset de censuum debitis, belli svecici tempore contractis (quamvis neque in eo fiat aliqua de hoc menti) in posteriore verò paragrapho 174. aperte Comitia loquuntur de censuum debitis, *in futurum* contrahendis. De debitis censuum autem, jam prius contractis, priore §. 173. longè alia facta est dispositio. Unde dici potest, dictam constitutionem solummodo loqui de debitoribus, qui calamitate belli tricennalis fortunis lapsi sunt.

Sed neque verum videtur, quod constitutiones Imperii tantum loquantur de casu, quo debitor est in mora solvendi tempore convento; nam licet Spirensis Deputatorum conventus anno 1600. statuerit, ut in contractu mutui, quando debitor in mora est restituendi pecuniam mutuam, adjudicentur creditori 5. pro 100. loco interesse, nullas tamen Recessus Imperii mentionem facit de mora, sed simpliciter censum annum ad 5. pro centum reducunt.

Additur equidem census quincunces solvendos juxta tenorem constitutionum Imperii; verum hoc ideo videtur addi, ne quis existimet, quincunces usuras propriè dictas, nempe ex solo titulo mutui, factas esse licitas. Ejusmodi enim usuras semper horruit Imperium. Unde cautè addidit, quincunces census tanquam *interesse* (hoc est, in quantum interest creditoris pecuniam non fuisse creditam) solven-

dos esse, *ex præsumptione* lucri cessantis aut damni emergentis. Propterea etiam novissimus Imperii Recessus anno 1654. adjunxit; solvendos quincunces *juxta tenorem constitutionum*, nempe ex præsumptione, quòd interea creditor per pecunias suas tantam quantitatem licitè potuisset lucrari.

Atque ita constitutiones Imperii ipse etiam usus & consuetudo Germaniæ declarat. Siquidem quincunces census annui exiguntur & solvuntur, sive dein culpabilis mora in restituendo mutuo sit commissa, sive non. Imò communiter nullum tempus ad restituendam sortem præfigitur, sed credito stipulatur censum, donec mutuum restituatur à debitore, vel etiam, donec creditor repetat creditum; ut adeò communiter, nullo certo præfixo tempore, census ex utraque parte pro lubitu sint redimibiles.

Igitur constitutiones Imperii, quas universalis quoque Germaniæ consuetudo declarat, firmatque, concedunt hos census quincunces annuos, detestantur verò puniuntque omnem usuram propriè dictam, hoc est omne auctarium supra sortem, ex solo titulo mutui, aut aliquo, qui per se sit mutuo intrinsecus, proveniens. Sed Imperator cum Ordinibus Imperii ex præsumptione generali lucri cessantis aut damni emergentis jubet solvi interesse, quod respectu centum florenorum creditorum æstimatur ab eodem quinque florenis annuis.

Ex præsumptione igitur generali tanti *interesse* statutam esse legem generalem existimant passim Jurisconsulti Germani de censibus Germanicis, ut videlicet etiam Ecclesiastici alique, qui pecuniis nullam exercent lucrosam negotiationem, sed pecuniam otiosam in ærario relinquerent, possint ad censum annum quinque florenorum pro centenis eandem exponere. Quia lex fundata in præsumptione generali non cessat pro casu particulari, licet pro eo non pugnet ratio particularis. Sic lex irritans matrimonia clandestina, & prohibens lectionem librorum hæreticorum fundata in præsumptione generali periculorum non cessat etiam pro casu particulari, in quo nullum subest periculum. Quia ratio legis non est præsumptio particularis periculi, sed generalis, seu communiter adesse soliti; quæ ratio legis generalis non cessat.

Et ex hac præsumptione etiam lucri cessantis & damni emergentis, atque æstimatione ejus, quod creditoris interest, Augustissima Imperatrix & Regina nostra Maria Theresia 26. Aprilis anni 1751. saluberrimam legem tulit, qua *num. 6.* decernit, annum interesse non ultra 5. vel ad summum 6. pro 100. æstimandum; & si quis plus stipuletur, usurarium contractum esse. Prohibet etiam sub gravibus pœnis omnes usurarios contractus, quorum multos enumerat, uti anatocisum, pactum antichreticum, contractum Mohatræ, plures-

que

que alios, quos omnes tanquam usurarios sapientissimè rejicit ac prohibet.

Ipse etiam sanctissimus Dominus noster Benedictus XIV. Romanus Pontifex in litteris encyclicis, anno 1745. ad Episcopos Italiæ datis, licèt decernat sapientissimè, omne lucrum, parvum magnūve sit, quod quis titulo ipsiusmet mutui exigat ultra sortem, esse usurarium, cū natura atque justitia contractus mutui in eo consistat, ut tantundem reddatur, quantum fuit acceptum; nihilominus tamen addit, per hoc nequaquam negari, posse quandoque unā cum mutui contractu quosdam alios titulos, naturæ mutui minimè innatos & intrinsecos, concurrere, ex quibus justa omnino legitimæque causa consurgat, quiddam ampliùs supra sortem, ex mutuo debitam, exigendi. Atque postea Ipsemet etiam Sanctissimus edicto publico reduxit usuras ad 4. pro 100. circa debita, tempore ultimi belli in statu Ecclesiastico contracta.

Hos autem inter titulos plures non tantum Jurisconsulti sed etiam Theologi in Germania existimant esse legem Principis, aut Reipublicæ, potestatem legislativam habentium, per quam non quidem usuram propriè talem licitam faciat (quod fieri non potest, cū jure naturali & Divino sit prohibita) sed propter bonum publicum auctarii moderati dominium occasione mutui, bona fide contracti, in creditorem transferat, vi domini alii, quod habet in bona subditorum: fere sicut (ut multa alia exempla præteream) per præscriptionem transfert dominium in possessorem.

Neque dici potest, vix posse concipi, quid intendatur per tales leges. Nam intenditur translatio domini propter bonum publicum, 93.
ex præsumptione lucri cessantis aut damni emergentis. Objeſtum
quid tendunt leges Digestorum & Codicis, quæ usuras moderatas ſtatui.
concedunt, ac solvi jubent, actione etiam data? quale hic medium aptum, per quod incurratur talis obligatio ex justitia commutativa? quale medium, quando ex contractu intrinsecè turpi, de jure invalido, aliquid solutum est, pro casu, quo dantis & accipientis turpitudinis versatur, e. g. quando de assassinio aut fornicatione pro mercede committenda paciscuntur? quis tunc transfert dominium pecuniæ in accipientem, & quo medio, inducente obligationem ex justitia commutativa? quod medium aptum transferendi dominium, quando solvitur indebitum? aut quando judex secundum allegata & probata adjudicat rem Titio, quando re ipsa est Caji? aut quando filiusfamilias interposita exceptione S. C. M. dominium irrevocabile mutui juxta multos acquirit? utique sola exceptio non est medium aptum acquirendi tale dominium, Quodnam medium, quando filiusfamilias post

post exceptionem nihilominus restituit creditori mutuum? quo medio inducente obligationem ex iustitia commutativa creditor tunc acquirit dominium irrevocabile restitutæ pecuniæ? quodnam medium in Montibus pietatis, præsertim Mixtis?

Denique in ipsa etiam præscriptione quale est medium aptum transferendi dominium? possessio, inquit quidam doctissimus Jurisconsultus Ingolstadtienſis. Verùm possessio etiam longa ac bona fide continuata planè non est medium translativum domini. Si propterea dicatur, quòd legislator effectum transferendi dominium possessioni tribuat: videtur imprimis possessio esse medium prorsus improporſionatum, cui tribuatur virtus transferendi dominium; præsertim tale medium, per quod, ut laudatus auctor exigit, incurratur obligatio ex iustitia commutativa.

Deinde, cur non possint alii eodem vel majori jure dicere, medium per quod Princeps potest transferre dominium census Germanici in creditorem, esse solutionem & traditionem pecuniæ, seu census, à debitore factam? certè solutio & traditio est medium multò aptius ad transferendum dominium, quàm possessio; ut patet in solutione indebiti, aliisque exemplis, paulò antè allatis.

Cur igitur dici nequeat, posse Principem ex alto, quod habet, dominio, atque ex causa publica, & præsumptione generali lucri cessantis & damni emergentis, occasione mutui transferre in creditorem dominium census quincuncis, immediatè quidem per statutum aut legem, mediatè verò per solutionem ac traditionem ejusmodi census, à debitore factam? Non enim hoc modo licitam facit usuram strictè acceptam; cum non faciat licitum, ut creditor ex ipsomet mutuo aliquid ultra sortem exigit, absque iusto titulo extrinseco; sed legem fert, per quam occasione mutui ex causa publica creditori jus tribuit, censum quincuncem exigendi, & debitori obligationem imponit, illum solvendi, simulque per solutionem in creditorem transfert ejusdem dominium. Unde creditor non ex mutuo, seu titulo mutui, sed occasione mutui ex lege, & consuetudine, quæ fundatur in consensu Principis, census Germanicum exigeret.

Et hoc solum est re ipsa (abstrahendo à modo loquendi) quod P. Pichler voluit. Non enim voluit, quòd Princeps possit condere legem, vi cujus creditor titulo solius mutui possit aliquid ultra sortem exigere; nam hæc esset usura strictè ac propriè dicta, quam jure Divino & naturali reprobata ipsemet Pichlerus asserit. Sed voluit, quòd Princeps ex causa publica possit legem ferre, per quam occasione mutui adjudicentur creditori quincunces census tanquam interesse, ita, ut per ipsam legem mediante solutione Princeps do-

minium

minium census transferat in creditorem. Quos census, ita per statum Principis creditori attributos, Pichlerus *usuram minus strictè dictam* appellat: quia non exiguntur titulo mutui, sed alio extrinseco, nempe statuto Principis. Sicut propterea auctarium supra sortem, ex titulo lucri cessantis & damni emergentis, appellatur usura minus strictè dicta, nempe *compensatoria*, passim admitti solita, aut ex mora in restituendo mutuo *moratoria* seu *punitoria*.

Quæ sanè Pichleri doctrina non merebatur tot acerbis exclamationibus, convitiis, & execrationibus proscindi à R. P. Daniele Concina; qui profectò in suis libris non charitati Christianæ, & zelo secundum scientiam, sed animo suo indulgisse videtur. Verùm adversus virulentum hunc scriptorem strenuè ac solidè propugnavit Pichlerum ejusque sententiam P. Franciscus Xaverius Zech Canonista Ingolstadiensis, Dissertatione secunda *de Rigore moderato*, à folio 90. ubi Discipulum quendam Pichleri cum P. Concina disputantem inducit. Juvat brevissimè aliqua annotare.

Principes, ait P. Concina, administratores esse bonorum Principatus, nec posse certa dominia transferre; casuistas & pseudopoliticos, ut aures Principum demulceant, altum eorum dominium exaggerare. Certè non posse ipsis concedi, ut usuras faciant licitas, utpote jure naturali & Divino prohibitas: cum non possit inferior leges superioris abrogare, aut debilitare. Quid ergo possit altum dominium adversus altissimum, adversus jus Divinum & naturæ? Ignoraverit Deus, quid bono publico Principatuum & Regnorum expediat? vel suam de usura naturalem & Divinam legem Principum sapientiæ & directioni subjecerit? an ex hominibus Dii efficiendi? an lex Divina necessaria ab hominibus pendeat? Permisit sanè Deus Judæis usuras exigere ab alienigenis: sed an omnia liceant Principibus, quæ Deus ut supremus Dominus operatur? Deus Egyptiorum bona Hebræis donavit: ergo & Princeps? Polygamiam Deus concessit: ergo concedet & Princeps? ne accessio ad mulierem sit fornicatio, potest Deus efficere: ergo & Princeps?

Neque esse paritatem cum homicidio, potestate publica, vel pro necessaria defensione patrato: illud lege licitum, imò justum: usuram prohibitam. Præscriptionem pariter nulla lege vetitam, bene verò usuram. Futilem proin esse paritatem cum præscriptione, jure gentium introducta: qua negligentia dominorum plectatur. Vanam pariter esse Pichleri distinctionem inter usuram strictè, & minus strictè acceptam: nam sequi, quòd Princeps sua lege usuram strictè acceptam faciat licitam. Adoptari à Pichlero damnatas hæreticorum sententias. Pecuniæ sterilitatem semper certam fuisse catholicis: & adversam sententiam hæreseos suspectam. Cur enim aliàs utroque jure vetita foret pecuniæ locatio?

Frustra obtendi utilitatem Reipublicæ: an propterea duas Princeps uxores habeat, ne absque liberis moriatur? vanas pariter esse, futes, absurdas, blasphemias Pichleri hominis mali rationes alias, evitationem litium, facilitatem obtinendi mutuum, subsidium ex usuris obveniens Ecclesiis, personis miserabilibus, tranquillitatem conscientiarum, præsumptionem generalem iusti tituli. Hæc enim Deum facere aut ignorantem, quasi istas rationes non præciverit; aut injustum, eò quòd eas non attenderit.

Neque Papam posse hic dispensare, aut declarare, usuram approbatam à Principe esse licitam. Pichlerum sentire contra Concilium Viennense, Patres, Pontifices, Canones: incurrere propositiones damnatas ab Alexandro VII. & Innocentio XI. Interpretationem legum Divinarum, Ecclesiæ ereptam, alto Principum dominio subicere: iniisse fœdus cum hæreticis &c.

Ita enim verò modestissimus, jurisque naturæ ac Divini semper tenacissimus hic scriptor prosciendi tP. Vitum Pichler, virum sanè probum; in quo dolus non erat, sincerique ac Germani pectoris, atque de Jurisprudencia non tantùm, sed etiam Ecclesiæ adversus hæreticos publicè defensa bene omnino meritum, & quidem post mortem, ubi se defendere non ampliùs potest.

Verùm dedit ille in libris suis tum Juridicis tum Polemicis, quæ sunt Cæsaris, Cæsari, & quæ sunt Dei, Deo. Verum est, asseruit altum Principum dominium, quod habent in res subditorum ad usum publicum, vi cuius urgente necessitate ad salutem publicam bona subditorum in usus publicos possunt convertere. Sed hanc à Deo & populo acceperunt potestatem, à quibus constituti sunt, ad gubernandam Rempublicam in communem civium felicitatem. Ipse P. Concina ait, ad altum Principis dominium pertinere, præcipere posse, ut subditus vel invitatus domum suam, si id requirat ornatus publicus viarum, aut reficiat aut demolitur. At vetat jus Divinum & naturale rem alienam contrectare. An propterea ipse dominium altissimum subicit alto? an aures Principum demulcet? an leges Divinas ita perditum? quid plus est, propter solum ornatum posse ædes civium evertere: an ob publicam utilitatem ac necessitatem modicam pensionem imponere, jam dudum usu introductam ab ipsis civibus? Ait, casuistas exaggerare altum Principum dominium, tyrannidis æmulum, ut auram popularem captent. Quis hæc combinet?

Ita est, usura propriè ac simpliciter accepta, hoc est, lucrum præcisè ratione mutui exactum, nulla potestas facere potest licitum. Sed hoc P. Pichler numquam asseruit. Ex alio titulo aliquod auctarium peti posse dixit, uti ex lucro cessante, damno emergente, periculo sortis,

statuto Principis, ob bonum publicum, volentibus ipsis subditis, concepto. An nihil exigitur ultra sortem à mutuataro in Montibus pietatis? & quid contingit in Mixtis? Ipse summus Pontifex, sanctissimè & sapientissimè gubernans Ecclesiam, asserit, posse alios titulos cum mutuo concurrere, à mutuo diversos, ex quibus justè aliquid ultra sortem possit exigì. Num & hoc damnabis? Nota bene; quod ex alio titulo exigitur, à mutuo extrinseco, non est usura, prout illa malignum quid, & legi Divinæ oppositum sonat. Neque propterea quidquam de jure naturæ mutatur, aut juri humano subiicitur. Ecce!

Votum, juramentum &c. jure naturali obligant. Et tamen summus Pontifex in his dispensare potest, imò etiam pater, & maritus illa quandoque irritare. Simonia jure naturali ac Divino est prohibita; & tamen dispensatus Romæ in Dataria aliquid solvit. Bona incerta ex delicto, quorum Dominus sciri non potest, jure naturæ distribui debent in causas pias; & tamen quibusdam in provinciis conceditur Bulla compositionis, vi cujus permittuntur possessores, data in usum belli aut alias pias causas modica quantitate, majorem quantitatem retinere. Mutuum jure naturali debet restitui, & tamen S. C. M. interposita exceptione filium familias juxta plurimorum sententiam ab hac obligatione absolvit. Indebitè solutum ex errore debet restitui; & tamen jura restitutionem remittunt, quando utriusque turpitudine versatur. Res fructificat domino suo, & tamen secundum multorum sententiam leges absolvunt possessorem bonæ fidei à restitutione fructuum rei evictæ virtualiter tantum ex tantum.

Contractus pupilli, minoris, prodigi, donatio inter conjuges, renuntiatio paternæ hæreditatis à filia facta, fidejussio mulieris, & quot alia, abstrahendo à jure positivo, valent, & quidem jure naturali; & tamen per leges humanas hæc omnia aut irritantur, aut rescinduntur. Rerum proprietates, supposita divisione, est juris naturalis, cui repugnat retentio rei alienæ; & tamen Princeps per leges præscriptionis agrum Titii transfert in dominium Caji. Pacta & contractus naturaliter obligant; & tamen non solum Princeps eos irritat, aut rescindi frequenter jubet, sed ipsi etiam contrahentes omnem obligationem sibi mutuo possunt remittere. Contractus matrimonii clandestinus ante Concilium Tridentinum valebat jure Divino, ab eo verò est irritatus.

An propterea exclamandum: hoc est, ex hominibus Deos efficere! hoc est, jus Divinum humano, altissimum alto subiicere! aures Principum demulcere! legem inferiorem superiori præferre! an Deus ignoravit causas, cur dispensandum in voto? cur relaxandum aut irritandum juramentum? cur pro dispensatione in Dataria aliquid solvendum? cur detinens bona incerta ex delicto partem ex concessione sum-

mi Pontificis retinere possit? An Deus ignoraverit causas, cur filius familias mutuum non teneatur restituere? cur indebitè solutum in certis circumstantiis non debeat reddi? an ignoravit causas, cur contractus pupilli, minoris, prodigi, consensus uxoris in alienationem fundi dotalis, donatio inter conjuges, renuntiatio filiae, fidejussio mulieris, matrimonium clandestinum, aliàque pacta, jure naturæ valida, valere non debeant? an ignoravit causas, cur res Titii in Cajum per præscriptionem sit transferendæ? an ignoravit, quid bono publico Principatuum & Regnorum expediat? vel suam quoad ista omnia Divinam legem humanæ sapientiæ & directioni supposuit? an lex Divina necessaria ab hominibus pendeat? quæ lege naturali prohibentur, natura sua sunt mala: quomodo ergo homunculi illa faciant licita? quomodo adversus jus Divinum & naturale altum dominium opponant? vah monstra & portenta doctrinæ!

Fateor candidè, quod sentio. Exclamationes istæ & admirationes, aut non sunt viri docti, aut non sinceri. Ecce! Reverende Pater! lex naturæ fertur in objectum suum sub certa ratione specifica; & quamdiu manet ea ratio objecti, nihil potest humana qualiscunque Jurisdictio. Non potest sacra potestas facere, ut votum aut juramentum non obliget, sed quia actus voluntatis humanæ eidem sunt subiecti, facere potest per dispensationem aut relaxationem, ut votum aut juramentum non amplius habitualiter perseveret. Unde per se cadit obligatio, radice sublata. Simonia est graviter omni jure prohibita, quatenus est æquiparatio rei temporalis cum spirituali. Si tamen temporale non habeat rationem pretii pro spirituali, sed ex alio titulo detur, potest Dataria ex eo titulo, occasione sacræ dispensationis, pecuniam accipere, & etiam exigere: quia non est simonia ex alio titulo aliquid dare & accipere. Hinc etiam simonia est vendere jura spiritualia; e.g. jus decimandi; si tamen auctoritate summi Pontificis fuerit abstractum & separatum à titulo spirituali, ut adeò evadat jus merè profanum, per contractus & præscriptionem transferri etiam potest in laicos, vendique pro pecunia; quia non amplius est simonia.

Licet bona incerta ex delicto debeant expendi in causas pias, potest tamen summus Pontifex, tanquam supremus earum administrator, ob justas causas possessori aliquid relinquere. Licet in his partibus Ecclesiastici, etiam Religiosi, Principi exactiones præstent ex bonis immobilibus, uti agris, pratis, vineis, sicut laici; tamen superiores Ecclesiastici eisdem imperant, ut insuper quinquennales præstationes eidem pendant, etiam ex pecunia mutuo data. Sicut autem in his casibus Pontifex dominium ex justis causis transfert, sic Princeps per S. C. M. in filium familias Dominium mutui irrevocabile transfert, eumque ab obligatione restituendi hoc ipso absolvit. Nam pro casu, quo Princeps ex alto do-

dominio transfert proprietatem irrevocabiliter, nulla datur obligatio naturalis restituendi. Idem contingit in casibus, quibus indebitè solutum nec potest repeti, nec debet restitui.

Jus naturæ præcipit, fidem per pacta & contractus validè datam servari. Neque facere potest humana potestas, ut fides validè data non sit servanda; an autem hic vel ille contractus debeat esse validus, an hæc vel illa fides sit validè data, nec ne, jus naturale absolutè & positivè non decernit, sed Mag. stratibus humanis decernendum relinquit: qui proin, pro potestate sibi à Deo concessa possunt contractus regulare, & decernere, quid ad valorem contractus requiratur. Sic Concilium Tridentinum ad matrimonii valorem requisivit præsentiam Parochi; ad valorem electionum, & alienationum rerum Ecclesiasticarum certas solennitates requirunt Canones.

Jus civile ad contractum pupilli, minoris & prodigi requirit auctoritatem tutoris & consensum curatorum, & aliquando etiam judicis: ad testamentum septem testes. Quasdam donationes aliòsque actus omnino irritat; quin propterea jus naturæ aut Divinum sibi subiciat, cum pro his casibus nunquam existerit. Sicut etiam pro casu, quo per leges in præscribentem transfert dominium: quamvis enim jus naturæ vetet, rem alienam retinere, tamen post translationem proprietatis non aliùs est aliena.

Homicidium injustum, furtum, usura &c. sunt jure naturali, necessario, immutabili, atque indispensabili prohibita, adeò quidem, ut neque Deus ea possit facere licita: potest tamen Deus dare potestatem in vitam hominis, & bona fortunæ; quo casu non est homicidium injustum, furtum, aut usura. Quando igitur Princeps vi alti, quod à Deo & populo accepit, dominii in bona subditorum, occasione mutui, aliquod moderatum auctarium transfert in creditorem, non est usura; quia creditor non exigit illud titulo mutui, sed titulo statuti aut legis, illud sibi attribuentis.

Sed neque ipsa lex usuram tunc facit licitam, ut manifestè patet in casu, quo Deus ipse per legem daret potestatem, ultra sortem aliquid exigendi, e.g. Judæis ab alienigenis. Certè usuram propriè ac strictè acceptam neque Deus potest facere licitam, cum sit intrinsecè mala, & consequenter jure naturali necessario & indispensabiliter prohibita. Igitur necesse est dicere, quòd Deus, quando Judæis dedit potestatem exigendi aliquid ultra sortem ab alienigenis, non fecerit eis licitam usuram strictè sumptam: sed quòd hæc ipsa lex Divina fuerit titulus, vi cujus Judæi poterant auctarium exigere, & proprium facere.

Idem omnino contingit, quando Princeps aut Respublica ob causas publicas subditis dat potestatem aliquod moderatum auctarium

exigendi; non enim facit per hoc licitam usuram, quia non facit, ut ex titulo mutui possit creditor aliquid exigere; sed facit, ut titulo hujus ipsius statuti possit exigere: quod non est usura, saltem propriè ac strictè dicta, nec unquam subjacuit juri naturali prohibitivo.

96.

Si igitur quæras, quamnam sint causæ ejusmodi statuti aut legis? respondetur, easdem esse, quæ sunt aliarum legum. Nam causa efficiens est ipse legislator, Princeps nempe aut Respublica, pol- lens suprema jurisdictione & alto Dominio in bona civium ac subditorum, vi cujus illa ob bonum publicum potest ab uno transferre in alterum, ut ex allatis exemplis patet, & ipse P. Concina concedit, quod possit ædes civium demoliri ad ornatum platearum. Causa finalis est bonum publicum civium ac subditorum, quod per censum quincuncem, pro ratione & consuetudine dudum introducta in Germania, hoc modo plurimum promovetur, ad multas necessitates sublevandas; quibus aliàs nullum vel difficillimum esset remedium. Sicut propter hunc finem instituti sunt Montes pietatis, & sua Sanctitas nuper ob calamitates bellicas census in Italia reduxit ad 4. pro 100.

97.

Causa materialis seu objectum materiale, in quod fertur tale statutum Principis, est præstatio census quincuncis, & translatio illius domini in collocantem pecuniam ad moderatum lucrum, quod per statutum ob bonum publicum ipsi adjudicatur; ita quidem, ut etiam actionem pro foro externo pariat, & Magistratus ac Judices illius præstationem urgeant.

Causa formalis seu forma hujus negotii vel est emptio census annui, vi cujus emptor dando centum florenos tanquam pretium emit jus ex venditoris bonis percipiendi annuatim censum quinque florenorum. Et, si census sunt redimibiles, prout ordinariè sunt, tunc, si venditor censum vult redimere, atque ab onere illum præstandi se liberare, ex venditore fit emptor. Nam restituendo pretium centum florenorum, reemit census annuos, seu magis propriè loquendo, emit immunitatem à præstando censu annuo. Nihil autem est novi, quod venditor adstringere possit emptorem ad retrovendendum.

Vel etiam est aliquando species quædam contractus societatis, in quo unus pecuniam, alter laborem & industriam confert, lucrum verò est commune utrique: licet fortè accipiens pecuniam periculum damni in se suscipiat, vel ex liberalitate, vel ex spe lucri, ex ea pecunia acquirendi, *l. si non 29. §. 1. ff. pro socio.*

Aliqui volunt, quandoque translata in alterum pecuniæ proprietate, reservari ejusdem quasi usumfructum, vel partem illius.

Quam-

Quamvis enim ususfructus propriè constituitur in rebus non fungibilibus, seu iis, quæ usu non consumuntur; cum sit jus utendi fruendi re, salva illius substantia. Verùm *Senatus censuit, ut omnium rerum, quas in patrimonio esse constaret, ususfructus legari possit, l. 1. ff. de usufr. ear. rer. quæ usu consum.* Unde etiam in fungibilibus, uti pecunia, ususfructus vel quasi ususfructus constitui potest; præstita tamen cautione, finito quasi usufructu res ejusdem quantitatis & qualitatis restituendi, *l. 2. eod.*

Vel si etiam contractus mutuï celebretur, obligatio aliquid ultra sortem præstandi creditori non oritur ex mutuo, sed vel ex titulo lucrï cessantis, aut damni, vel periculi sortis, aut ex statuto Principis, justum aliquem titulum præsumendis, aut, ut quidam volunt, moderatum auctarium propter bonum publicum, evitationem litium, & conscientiarum tranquillitatem absolutè decernentis.

Effectus denique ejusmodi legis, vel contractus ordinantis, vel ex ratione publica præstationem aliquam moderatam injungentis, est facultas, non ex mutuo, sed ex aliis justis titulis aliquid exigendi, & respondens obligatio illud præstandi, cum translatione domini.

Quamvis autem rudiores non satis discernant inter contractus aliòsque titulos, quibus justè ac licitè pecunia, quæ omnium ferme rerum, quæ in humano sunt commercio, vice fungitur, ad lucrum collocari possit; nihilominus tamen bona fide meliori, quo fieri potest modo, eandem intendunt collocare. Mirabar etiam, viros quosdam, in jure civili benè versatos, in eam sententiam propendere, quòd ex solo titulo mutuï, aut beneficii mutuo intrinseci, liceat moderatum aliquod lucrum, e. g. usuras quincunces exigere.

Usura hæc est propriè dicta, jure naturali, Divino, & humano prohibita: quam sacræ litteræ utriusque testamenti, SS. Patres, Concilia Generalia ac Provincialia, summi Pontifices non tantùm in sacris Canonibus, Corpori Juris Canonici insertis, sed etiam in variis aliis Rescriptis toties sunt detestati, uti Gregorius XIII. in rescripto ad Guilielmum Baviaræ Ducem dato; & nuper primùm sanctissimus Dominus noster Benedictus XIV. in litteris suis encyclicis, ubi inter alia sapientissimè declarat, ad labem usurariam purgandam nullum arcessiri posse subsidium, vel ex eo, quòd id lucrum non excedens & nimium, sed moderatum, non magnum, sed exiguum sit: vel ex eo, quòd is, à quo id lucrum solius causæ mutuï deponitur, non pauper sed dives existat, nec datam sibi mutuo summam otiosam, sed ad fortunas suas amplificandas, vel novis coëmendis

dis prædiis, vel quæstuosis agitandis negotiis utilissimè sit impensurus.

Contra mutui siquidem legem, quæ necessariò in dati atque rediti æqualitate versatur, illum agere, qui plus aliquid, vi mutui ipsius, cui per æquale jam est satisfactum, exigere adhuc non veretur; proindeque, si acceperit, restituendo obnoxium esse, ex ejus obligatione justitiæ, quam commutativam appellant, & cujus est in humanis contractibus æqualitatem cujusque propriam & sanctè servare, & non servatam exactè reparare.

98. Diligenter etiam notandum, quod idem sanctissimus Pontifex cautè monuit, falsò sibi quenquam & non nisi temere persuasurum, reperiri semper & præstò ubique esse, vel unà cum mutuo titulos alios legitimos, vel seclusò etiam mutuo contractus alios justos, quorum vel titulorum vel contractuum præsidio, quotiescunque pecunia, frumentum, aliudque id generis alteri cuicunque creditur, toties semper liceat auctarium inoderatum, ultra sortem integram salvàmque recipere.

Ita si quis senserit, non modò Divinis documentis, & catholicæ Ecclesiæ de usura judicio, sed ipsi etiam humano communi sensui, ac rationi naturali adversaturum. Neminem enim id saltem latere posse, quòd multis in casibus teneatur homo simplici ac nudo mutuo alteri succurrere, ipso præsertim Christo Domino edocente: *volenti mutuari à te ne avertaris*: & quòd similiter multis in circumstantiis, præter unum mutuum, alteri nulli justo contractui locus esse possit.

Ex quo sanè consequitur, quòd, ubi tanta est proximi necessitas atque indigentia, ut alium contractum excludat, nec donatione aut larga eleemosyna indigentia succurratur, gratis omnino & absque omni auctario supra sortem mutuum dari debeat, exigente id, quam proximo debemus, charitate. Neque ad ejusmodi calum tantæ indigentia & necessitatis statuta Principum de censu Germanico se extendunt: neque ego, quæ hætenus dixi, ad ejusmodi casus

ullatenus extensa volo, sed omnia sanctæ Ecclesiæ de Usuris
judicio subjecta.

LIBER V.

Status Ecclesiasticus & Civilis Hispaniæ, Lusitaniæ, Angliæ, Scotiæ & Hiberniæ, Sæculo XVI.

S U M M A R I U M.

C A P U T I.

Status Hispaniæ.

A R T I C U L U S I.

Ferdinandus Catholicus.

- | | |
|--|---|
| 1. Bellum Neapolitanum cum Gallis. Gonsalvi M. fortitudo. Galli pulsi. | atque in Aragoniam suam discedit, ac inde Neapolim. Philippi I. obitus. Elogium Liberi. |
| 2. Isabellæ mors. Testamentum. Joanna filia hæres. Ferdinandus pater administrator Castellæ. Hujus nuptiæ & foedus cum Gallis, indignante Philippo Austriaco. Dissensiones procerum. | 5. Motus ingentes & calamitates Hispaniæ. Procerum varia consilia. Tutela Caroli Regis inter Cæsarem & Ferdinandum litigiosa. |
| 3. Conciliata inter socerum & generum gratia. Articuli foederis. Nova à proceribus jacta discordiarum semina. Adventus Philippi Regis in Hispaniam. | 6. Post Savonenſe cum Gallo colloquium, Ferdinandus Castellæ administrationem refumit, indignante Cæsare. |
| 4. Ferdinandus pacis amore abdicat Castellæ gubernationem, | 7. Foedus in Venetos. Lis de tutela composita. Bellum Italicum à Venetis in Gallos averſum. |
| | 8. Obitus Ferdinandi. Testamentum. Elogium. Liberi. |

A R T I C U L U S II.

C A R O L U S V.

- | | |
|--|--|
| 9. Ximenius à Ferdinando designatus Hispaniæ administrator. Carolus Hadrianum Belgam ad- | jungit. Turbæ inter Hispanos & Belgas, |
|--|--|
- Pars VII.* Eeeee 10. Ca-

10. Carolus Hispaniam ingressus eas componit. Sed eo ad Coronam Cæsaream digresso recru-

descunt. Seditio adversus Belgas. Prælio inito sedata.

11. Adrianus fit Pontifex. Caroli V. abdicatio, mors, liberi.

ARTICULUS III. PHILIPPUS II.

12. Philippi II. effigies. Ducit Mariam Angliæ Reginam.

13. Bellum cum Pontifice & Gal-
lis, in Italia & Belgio. Escuria-
le ædificat.

14. Bellum Belgicum, Granatense,
Africanum cum Dragute pyrata.

15. Carolus Philippi Regis filius,
ferox in patrem, traditur custo-
diæ; in qua moritur. Causæ.

16. Classis in Angliam destinata
miseranda fata. Causæ. Marchio
S. Crucis. Farnesii consilium.
Stanlæi. Regis sententia.

17. Classis apparatus. Mors San-
ctacrucii. Sufficitur Sidonius in-
expertus. Classis ad Plimuthum.
Pugna. Naves incendiariæ.
Tempestates. Naufragium.

18. Reliquiarum reditus. Dam-
num immane. Regis forti-
tudo.

19. Seditio aragonica. Bellum Gal-
licum contra Henricum IV.

20. Obitus Philippi II. Elogium.
Vituperia Protestantium. Ejus
conjuges. Liberi.

ARTICULUS IV. De Regno Navarrae.

21. Origo Regni Suprariæ, & Na-
varræ.

22. Navarra ad Comites Campa-
niæ, Reges Galliæ, Eboricenses,
Aragonios, Foxenses, Albretan-
os, Borbonios, per septem fœ-
minas translatum.

23. Ferdinandi Catholici de Na-
varra consilia. Postulata. Bel-
lum Navarræum. Navarra ad
Ferdinandum. Gallorum cona-
tus irritus.

24. Navarra à Francisco I. occu-
pata: mox à Carolo V. recepta.

ARTICULUS V.

Status Ecclesiasticus ordinatus per Concilia in Hispania
Sæc. XVI.

25. Concilium Hispalense An. 1512.

26. Summa 64. Canonum.

27. Constitutiones Didaci de Men-
doza Archiepiscopi Hispalensis.

28. Concilium Toletanum 1565.

29. Decretorum series in tres
actiones divisa.

C A P U T II.

De Regno Lusitaniæ.

A R T I C U L U S I.

De Lusitania sub Regibus usque ad sæculum XVI.

- | | |
|---|--|
| <p>30. Henricus Burgundus ab Alphonso Castellæ Rege in dotem accipit Lusitaniam. Ejus filius Alphonfus I. post superatos quinque Saracenorum Reges primus Lusitaniæ Rex. Lisabonam & Eboram occupat. Insignia.</p> <p>31. Sanctius I. Ejus filius Algarbiam: Alphonfus II. Alcafariam in regno Fessæ expugnat. Hæc prima Christianorum urbs in Africa. Sanctius II. Regnum cum monasterio commutat. Flectii singularis in eum fides in propugnanda Conimbrica.</p> <p>32. Alphonfus III. conjugem repudiat. Interdictum 12. annorum. Dionysius S. Elisabethæ conjux Academiam Conimb. fundat. Aulici perfidia punita. Alphonfi IV. & Petri Crudelis regnum.</p> | <p>33. Ferdinandus Regnum pene evertit bello cum Castellanis, & adulterio. Joannis nothi regnum. Cædit Castellanos. Septa ac Madera capta. Expeditio in Africam infausta. Filius Regis captus.</p> <p>34. Alphonfus V. tutorem occidit. Cruciatam monetam primus cudit. Tingin capit. Nuptiæ inter Lusitanos & Castellanos frequentia bella pariunt. Joannæ & Isabellæ de regno contentio.</p> <p>35. Joannis II. Regnum severum. Conspiratio procerum detecta. Tragœdia. Navigationis Indicæ fundamentum jacit, usque ad promontorium Bonæ spei provectæ. Præterito filio notho Emmanuelem suum patruelem regni hæredem declarat.</p> |
|---|--|

A R T I C U L U S II.

De Rebus Lusitaniæ sæculo XVI.

- | | |
|--|--|
| <p>36. Emmanuelis regnum faustissimum. Res bene gesta in Africa. Vascus Gana usque ad Malabariam penetrat. Albuquerqueius Ormum condit. Goam capit: Venetis ægrè ferentibus novam navigationem. Alvarus Caprallis Brasiliam occupat. Lis Lusitanorum & Castellanorum de na</p> | <p>vigatione à Papa decisa. Judæi pulsi Magnæ spes Emanuelis Hispaniam cum Lusitania conjungendi frustratæ. Ejus elogium. Lib.</p> <p>37. Joannis III. Regnum. Religionem in India propagat, missis viris apostolicis. Regnum undique pacatum ac felicissimum. Ejus elogium. Liberī.</p> |
|--|--|

38. Sebastiani nepotis regnum. Ejus virtutes. Indoles. Africana expeditio ei dissuadetur. Tamen eam suscipit. Infelicitè pugnatur. Occiditur. Clades ingens Lusitaniae.
39. Henricus propatruus, Cardinalis, fit Rex. Regni competitorum res convocat. Jura septem competitorum.
40. Philippus II. Hispaniae Lusitaniam conjungit. Impetores quatuor Sebastianum Regem se fingentes, puniti. Antonius nothus debellatus in Lusitania & Azoribus. Status Ecclesiasticus Lusitan.

C A P U T III.

Schema rerum Anglicarum Sæc. XVI.

A R T I C U L U S I.

Status Angliæ Civilis.

41. §. 1. *Regnum Henrici VII.*
§. 2. *Regnum Henrici VIII.*
42. Sex Henrici uxores. Catharinæ repudium. Annæ Bolenæ effigies. Uxores cæsæ. Henrici bella, ad Europæ æquilibrium intenta.
43. Volsæi effigies. Homo ambitiosus & versatilis in odium Caroli V. tragœdiam orditur toti Angliæ fatalem, suadendo Henrico uxoris repudium. Sed sibi ipsi laqueum contexuit.
- Mors Henrici misera. Primus Hiberniæ se Regem creavit. Ejus testamentum. Liberi.
- §. 3. *Regnum Edvardi VI. & Mariæ.*
44. Edvardo 16. tutores à patre attributi. At Semeyrus ejus avunculus totam gubernationem ad se traxit, & hæresin invexit.
- Mox capite plexus, Dudlæi opera, qui ei surrogatus, Joannam Grayam, nurum suam throno imponere nititur. Obit Edvardus.
45. At major & sanior pars Mariam Reginam dicit. Dudlæus cum Graya plectitur. Ope Reginaldi Poli Anglia ad Catholicam fidem reducitur. Obitus Mariæ Reginæ.
- §. 3. *Regnum Elisabethæ.*
46. Cur nuptias cum Philippo II. Hispaniarum Rege abiecerit: tota vita in Religionem Catholicam, & in Hispanos grassatur, excitatis & protectis rebellionibus.
47. Plures & magnos procos eludit. Effexii amasii tremendus casus.

A R T I C U L U S II.

Status Ecclesiasticus Angliæ Sæculo XVI.

48. Origo christianæ fidei in Anglia. Singularis ejusdem cultus: perpetuo durans usque ad Henricum VIII. Ab eo tempore ingens & calamitosa mutatio.

§. 1. *Eccle-*

§. 1. *Ecclesiæ Anglicanæ status sub Henrico VIII.*

49. Initia Henrici bona, ad Religionis decus. Tum à se ipso descivit. Contraria illius ac Catharinæ conjugis indoles. Volsæi consiliis, & amoris insania præcipitatus. Accessit Crameri & Leii prævaricatio. Bona Ecclesiarum invadit. Caput Anglicanæ ecclesiæ se dicit.

50. Cromvelli, Crameri, & Audlæi impius triumviratus. Novum obedientiæ Sacramentum exigit. Fischerus primùm lapsus, mox fraude animadversa pœnitens. Thomas Morus deponit officium cancellarii. Uterque in carcerem. Polus in exilium. Exerta tyrannis in Religiosas familias, detrectantes impium juramentum.

51. Thomæ Mori, ac Joannis Fischeri invicta constantia, & gloriosa mors. Clemens VII. & Paulus III. Bullam excommunicationis concipiunt, executionem tamen suspendunt. At ille se ipso non melior leges impias fert in Religiosos. Eos spoliât. Paulus III. Bullam excommunicationis tandem publicat.

52. Synodum celebrat. Sex canones edit contra Lutheranos & Zwinglianos : illos æquè ac Catholicos persequens : nullius religionis. Provincias arma corripientes mendacio dissipat. Cromvelum Vicarium suum Generalem necat.

53. Impium dogma de matrimonio publicat, ut divortium suum à Clivenfi excuset. Immania indicit tributa. Spoliât omnia Sacra. Ærarium nihilominus vacuum relinquit. Miserè perit.

§. 2. *Status Anglicanæ Ecclesiæ sub Edvardo VI.*

54. Semeyrus tutor Zwinglianus plenam portam hæresi aperit. Fœda religionis imago. Novatores acciti. Conciliabulum impium collectum ex hæreticis. Ejus Canones.

55. Semeyri supplicium, & impiorum mutui in se furores exponuntur. Subita rerum mutatio.

§. 3. *Status Ecclesiæ Anglicanæ sub Maria.*

56. Restituta Religio. Northumbriæ Dux in morte conversus. Catholici Episcopi ex carceribus liberati. Constitutiones Ecclesiasticæ sancitæ. Supra 30000. hæreticorum expulsa. Ecclesia reconciliata.

57. Regina indicit Parlamentum. Hujus descriptio. Placita de matrimonio Reginæ cum Philippo. Aliquorum Procerum conspiratio.

58. Suffolcii Ducis mirum fatum, & supplicium : uti etiam Gilsfordi, & Grayæ ejus uxoris : denique etiam Viati, ac Thomæ Crameri.

59. Hæreticorum fraus probrosa. Nova conspiratio. Elisabetha accusata custodiæ mandatur, plectuntur plures proditores. Im-

- postor Edvardum VI. se fin-
gens.
60. Regina ad Elisabetham hortatio. Hujus juramentum de religione Catholica conservanda. Obitus Mariae.
- §. 4. *Status Ecclesiae Anglicanae sub Elisabetha.*
61. Elisabethae artes. Caput Anglicanae Ecclesiae se gerit. Papissa haec novos condit canones; annatas severè exigit. Catholicam Religionem evertit: novamque prorsus inducit. Impium juramentum praescribit.
62. Comitia convocat. Fraude pluralitatem suffragiorum obtinet. In dissentientes tyrannicam persecutionem exercet. Illam acuit Bulla excommunicationis, à Pio V. publicata, & à Greg. XIII. & Sixto V. innovata.
63. Nova ejus secta. Decreta in Catholicos impia, sanguinolenta. Suppliciorum forma ac modus, plus quam barbarus. Unicè propter fidem martyrio affecti plurimi.
64. Praestantes viri exulatum abeunt. Eriguntur seminaria. Sectae Anglicanae principales quatuor, Episcopali, Presbyteria-
- norum, Puritanorum, Enthusiatarum.
65. Societas JESU in Angliam. Primi Personius & Campianus. Hujus litterae ad senatum Regium; cui ad disputationem se offert. Proditus ab Elioto apostata Londinum abducitur, ubi tortus, publice cum ministellis disputavit, Arundelio converso. Examinatur de variis, suspendio necatur. Ejus libellus de decem rationibus.
66. Joannis Nicolai commenta de proditione. Multi, etiam nobilissimi propterea crudeliter necati. Reliqui in exilium ejiciuntur.
67. Personius in Gallia, Belgio, Hispania, plura pro Anglis erigi curat seminaria. Persecutio propterea in ipsum accenditur. Multi Sacerdotes perempti. Nihilominus Elisabetha arguebat alios Principes crudelitatis, quam prorsus immanem in se ipsa amavit: usa Walsinghamo, Cecilio, Topliso &c. saevissimis tortoribus.
68. Tanquam Angliae Papissa omnes fructus primi anni de omnibus Beneficiis exegit. Perit miserè. Deploranda Angliae mutatio.

A R T I C U L U S III.

Differtatio Juridica: an legitimum fuerit Henrici VIII. cum Catharina Matrimonium?

§. 1. *Species facti.*

69. Henricus obtenta dispensatione Pontificia init matrimonium, illudque consummat. Volsæi praevaricatio. Campegius in Angliam. Regina exceptio contra Judi.

Judices. Causa Romam advocatur. Henricus lite pendente ducit Boleniam. Queritur, an valide?

§. 2. *Rationes dubitandi Protestantium.*

70. Rationes petuntur ex Jure naturali, positivo, à paritate, & gentium horrore.

§. 3. *Rationes decidendi contra Protestantes.*

71. Nulla intercessit affinitas, & si intercessisset, potuit dispensari. Quia nec est impedimentum juris naturalis, nec Divini. Exem-

pla plura dispensationis. Accedit auctoritas, & ratio.

§. 4. *Solvuntur argumenta Protestantium.*

72. Indecentia non assurgit ad legem naturæ. Abominatio aliter intelligenda. Non obstat lex vetus. Disparitas cum consanguinitate. Neque ista dirimit jure naturæ in linea obliqua: imò probabilius neque in linea recta ultra primum gradum. Quid de hoc sentiendum? quid de affinitate in linea recta?

ARTICULUS IV.

De Statu Hiberniæ.

73. Brevis Hiberniæ delineatio. Initium Christianæ fidei. Henricus VIII. turbat. Missio. Constantia Hibernorum. Vim vi repellunt. Elisabetha hæreticis coloniis insulam replet.

74. Ne bona Ecclesiastica in manus hæreticorum venirent, Nobilibus sunt concessa cum onere alendi clerum. Ultoniensis provincia strenuè resistit plurisque

reportat victorias: aliisque provinciis pressis succurrit. Momonia pariter fortiter se defendit; & Connacia. Molossorum de hæreticis victoria.

75. Persecutio immanis. Multi gloriosi martyres. Edmundi Donati fortitudo.

76. Concilium Dublinense; ejusque Canones.

CAPUT IV.

Schema rerum Scotiæ Sæc. XVI.

§. 1. *Status politicus.*

77. Delineatio aliqua Scotiæ. Militaris natio. Picti à Scotis superati. Perpetua cum Anglis bella.

78. Baliolus Rex Scotiæ ab Anglis

captus. Brussius Anglos profligat. Baliolorum & Brussiorum familiaræ domesticis turbis inter se commissæ, Stuartorum Domui ad Regnum aditum aperiant.

79. Jaco-

79. Jacobus IV. Ducit Margaretham, sororem Henrici VIII. Angliæ postea Regis.
80. Jacobus V. Ejus filia Maria Stuarta, in cumulum omnium calamitatum genita.
81. Elisabethæ perfidæ artes. Murræo actore tragœdiam adornat. Darlæus Mariæ Reginæ despondetur. Victus Murræus in Angliam fugit.
82. Tragœdiæ *Protassis*. Cæsus in conspectu Reginæ Riccius ejus secretarius. Murræus Rex declaratur. Darlæus Reginæ conjugii conjurationem detegit, eique conciliatur. Fugit Regina.
83. *Epitbasis* tragœdiæ. Murræi fraude Darlæus Rex à Botwelo occisus.
84. *Catastasis*. Proditorum instinctu Regina nubit Botwelo. Mox occulantur cædis regię. Fugit Botwelus in Daniam. Regina in carcerem datur.
85. *Catastrophe*. Reginam throno dejiciunt. Jacobum ejus filium Regem declarant, sub tutela & gubernatione Murræi proditoris. Regina ex carcere elapsa in Angliam fugit, Elisabethæ fraudibus invitata.
86. Novæ tragœdiæ præludia. Stuarta in Anglia jussu Elisabethæ capitur, & in carcerem conjicitur. Novæ fraudes instruuntur. Murræus cæsus. Furores Elisabethæ. Stuarta accusatur proditoris & insidiarum in caput Elisabethæ. Damnatur ad mortem. A carnifice perimitur.
- §. 2. *Status Ecclesiasticus Scotiæ Sac. XVI.*
87. Postulata hæreticorum, Regina ex Gallia adventanti, porrecta, auctore Knoxio. Arma expediunt. Immaniter in Sacra grassantur: omnia sus deque vertunt.
88. Knoxii incentoris effigies, & Buchanani. Novam sectam condunt: hæc describitur. Multum ab Anglica differt.
89. Personii de Scotia & Anglia convertenda consilia. Quibus initio favebat Jacobus Rex. Sed à Calvinistis captus, & pro libidine versatus, efficere nil poterat.
- §. 3. *Dissertatio Juridica: an Maria Scotiæ Regina jure sit occisa?*
90. Duo accusationis capita, quòd Darlæum conjugem occiderit, & Elisabethæ insidias struxerit.
91. Vindicatur à prima accusatione, quæ meris assertis ac suspicionibus vanis nititur. Aversus ob cædem Riccii animus plenè conciliatus. Fictæ ad Botvelum litteræ. Darlæi, quantum poterat exequias celebravit.
- Cur Botwelo nupserit: adigentibus nempe accusatoribus & proditoribus. Servi non sunt idonei testes in hac causa.
- Inauditum judicium, Judex, Reus, actor, testis, causa.
- Nullas struxit insidias, dum versabatur in Gallia, Scotia, & Anglia, sed passa est.

CAPUT I.

Status Hispaniæ sæculo XVI.

ARTICULUS I.

Status Hispaniæ sub Ferdinando Catholico.

Ferdinandus devictis in Hispania Mauris, Regnóque eorum Granatenſi everſo, ad Neapolitanum Regnum, quod *Fridericus* ejus propinquus, Alphonſi V. nepos, ex patre ſpurio natus poſſidebat, animum adjecit. Sed quia Galliæ Rex antiqua Domus Arlegavenſis in Neapolin jura pariter perſequēbatur, ea inter utrumque Regem ratio eſt inita, ut Apulia & Aprutium Hiſpano, reliqua Gallo cederent: gratulante ſibi Alexandro Pontifice, quòd duos potentiffimos Europæ Reges clientelari jure ſibi obnoxioſos naſtus eſſet. I. Neapolitanum bellum.

Verùm non diu tenuit ea diviſio. Nam Friderico Rege in exilium ejeſto, incaluit mox æmulas inter gentes finium regundorum contentio: viſumque utrique, vicini pecus grandius uber habere. Neque inter verborum ac jurium dimicationes ſtetit æmulatio. Ventum ad arma ac cruenta bella; eo tandem eventu finita, ut Galli à *Gonſalvo Magno de Corduba* pluribus cladibus attriti toto Regno Neapolitano pellerentur; firmata Hiſpanis poſſeſſione. Vitare tamē per geſta fortia Gonſalvus non potuit, quò minùs in aula Hiſpana pateret invidiæ ac criminationi, atque ipſius adeò Regis ſuſpicionem & offenſionem incurreret: adempto in poſterum campo militaris gloriæ.

Ferdinandum Neapoli potitum domeſticus luſtus & dimicatio excepit: quippe anno 1504. deſuncta *Iſabella* ejus conjux (ætatis anno 53.) Regnorum hæredem ſcripſit *Joannam* filiam, unâque *Philippum* ejusdem virum, in Belgio tunc commorantes, ea adjecta clauſula, ut, ſi Joanna non poſſet aut nollet Regni curam ſuſcipere, ejus loco & nomine Ferdinandus Rex id procuraret, dum Carolus nepos 20. annos eſſet naſtus. Cavit præterea, ne exteri in ſenatum legantur, aut urbes vel arces iis crederentur. Dictum ab ordinibus Caſtellæ Sacramentum Joannæ, ceu Reginæ ſuæ, ac Philippo conjugi, Ferdinando verò tanquam Adminiſtratori.

Pars VII.

FFFF

Non

Discordiae

Non defuere tamen ex Castellanis Proceribus, quibus ea regni procuratio ad Ferdinandum delata vehementer displicuit, majorem in Philippo Principe & juvene & munifico spem reponentibus, quam in sene suspicaci, callido, & parco. Ipse quoque Philippus indignè tulit, nudum conjugii ac sibi majestatis nomen relinquere, auctoritate penes focerum remanente. De Regnis etiam Neapolitano & Granatensi, conjugii tempore communi sumptu & opera acquisitis disceptatum, an Castellæ, an verò Arragoniæ sint annumeranda. Quo minùs autem Joanna in Hispaniam veniret, & ex testamento matris Castellæ regimen susciperet, obstitit mentis debilitas & afflicta valetudo. Philippum verò absque uxore venire Ferdinandus Socer noluit. Qui acerbius tulit, Philippum ejusque patrem Cæsarem Hagenoæ cum Gallo pepigisse foedus, atque se in seio de nuptiis Caroli nepotis sui, de Ducatu Mediolanensi aliisque maximis rebus esse transactum.

Itaque Austriacis insensus Ferdinandus, nulla tam arctæ affinitatis ratione habita, ad Galliæ Regem se applicuit, ejusque neptem Germanam Fuxensem conjugem duxit, ea lege, ut, si Ferdinandus ex ea filios susciperet, Regnum Neapolitanum ad eos pertineret. Secus Gallo jus suum in Neapolin saluum maneret. Non modò Austriacis, sed etiam Castellanis res ea magnopere displicuit, in discrimen hoc pacto vocari Monarchiam Hispanicam, ne susceptis ex nova conjugis liberis non sola Neapolis, sed & Arragonia cum Regnis illi innexis avellatur.

Hoc cum Gallo foedus, ac præsertim cum juvene puella connubium, ceu liberis suis summopere periculosum tanto tædio Philippus averfabatur, ut datis in Hispaniam litteris Castellanos ad arma secum adversum Ferdinandum jungenda animaret. Nec deerant inter Proceres rerum novarum cupidi, qui eas discordias alerent, ac Philippum ad capeffendum Castellæ regimen è Belgio invitarent. Factionis caput Villenius Dux, Ferdinando alioquin insensus.

3.
Foedus.

Sed meliorum opera consilioque redintegrata focerum inter & generum gratia. Nam legati utriusque Salmanticæ in has societatis & concordiae leges conveniunt: Duo Reges & Regina rerum in Castellæ Regno pari potestate moderatores sunt. Eorum Sygraphis ac nomine Leges, edicta, diplomata, actaque omnia promulgantur. Cùm Philippus & uxor in provinciam venerint, populi eis Sacramentum dicunt tanquam Regibus, Ferdinando tanquam moderatori, Carolo ut Principi ac successori in Regno Castellæ, Legionis ac Granatæ. Regia vectigalia ex æquo utrumque inter Regem divi-

duna.

duntor : ne exceptis quidem Ordinum Militarium redditibus , quos Pontifex Ferdinando addixerat. Urbium arciumque præfatos uterque communi suffragio legunt. Foederis hujus defensores implorati Pontifex , Cæsar , Angliæ ac Lusitaniæ Reges.

Verùm minimè diuturnam eam conventionem sinebant Proceres , qui Philippi aulam versabant , maximè Joannes Emmanuel Tole-
 tanus , criminantes tripartitam illam regiminis divisionem : Jo-
 na ob mentis infirmitatem ad regnandum inepta , ad maritum devolvi-
 uxorio nomine rerum summam , vœcordiæ esse dotalis Regni consortem
 pati : nomen Regium commune fore , regimen Ferdinando proprium.

Displicet
 Philippo.

His flabellis eventilatæ faces grande Hispaniæ ominabantur incendium. Nam Philippus Salmanticensi transactione potestatem suam accisam ratus , certusque , solus Castellæ habenas capeffere , valida classe , armatis stipata , è Belgio solvens cum conjuge , ventorum vi in Angliam appulsus , magnis honoribus à Rege exceptus est. In Hispaniam inde delatus , armatusque militari velut more incedens vitabat congressum cum Ferdinando socero. Qui cum cerneret , Castellanos Proceres plerosque à se ad Philippum transire , ne bello civili atque domestico Hispania se ipsam laceraret , Castellæ procuratorem deponere statuit. Qua re nuntiata , habitoque gemino utriusque Regis colloquio , non tamen ea , qua personas tam propinquas deceret , familiaritate & amicitia , Ferdinandus , ne quidem visa Joanna filia , quam Philippus ceu mentis impotem , re ipsa zelotypia laborantem , custodiebat , relicta genero Castella in avitum suum Arragoniæ Regnum discessit , ac brevi post inde Neapolim , ubi Gonsalvi auctoritas ipsi non parum erat suspecta : eò maximè , quod revocatus in Hispaniam moras ex moris neceret.

4-
 Abdicatio.

In Castellano autem Regno mox variæ ortæ sunt turbæ , quòd Rex Philippus multos Germanos & Belgas adduxisset , eosque ad consilia , officia , ac præfecturas admoveret. Lividis etenim oculis aspiciabant Castellani hanc exterorum in aula gratiam , atque ad Ferdinandum , quem velut Arragonium deseruerant , jam velut prognatum ex Castellæ Regibus respicere cœperunt. Verùm Philippus Rex facilè huic malo parasset remedium , nisi mors nimium matura eundem eripuisset , anno 1506. possessi regni 1. ætatis 28. Corpus ejusdem Joanna conjux diu secum circumvexit , donec Granatæ sepultum est. Certè excellens indoles , eximia totius Corporis orisque dignitas , animus ingens ac verè Regius , dotisque præstantes summa omnia promittebant. Molliores illecebras aliqui accusant , ortamque inde Joannæ zelotypiam usque ad mentis infirmitatem

Obitus
 Philippi

quæ aucta est post mortem conjugis, quem efflictim amaverat adeo quidem, ut postea, obsoleta veste induta hominum conspectum fugiens, se ipsam vivam velut sepelierit.

Sex libros ex ea suscepit: Carolum & Ferdinandum, quantos Imperatores! Eleonoram, primum Emanueli Lusitanæ Regi, dein Francisco I. Galliarum Regi desponsatam: Isabellam, Christierno Daniarum Regi, Mariam Ludovico II. Hungariarum Regi, & Catharinam Joanni III. Lusitanæ Regi nuptas.

5. **Motus,** Dictu incredibile, quanti motus & procellæ post Philippi Regis obitum Castellam & inhærentia eidem regna exceperint. Regni quendam conventum indixerant optimates. Sed nihil in eo actum ex ordine. Privatæ quemque spes & postulationes in diversa rapiebant. Quidam ad Joannam Reginam rerum molem deferebant, sed faciliè apparebat, ob invaletudinem & mentis imbecillitatem eam fore imparem. Carolum ejus filium ex Belgio evocari aliqui volebant; sed quis sexennis Principis partes ageret, conveniri non poterat. Alii ad Maximilianum Cæsarem Caroli avum paternum, ad quem tutela jure pertineret, respexerunt. Sed nupero exemplo absteriti, exteros horrebant ad clavum rerum admittere. Ad volubile & fluctuans Magnatum arbitrium Rempublicam interim, dum Carolus adolesceret, devolvi, intentis in bonum publicum summo discrimini proximum videbatur. Nec deerant, qui in Ferdinandum, triennem puerum in Hispania natum, & tunc ibidem præsentem oculos reflecterent. Sed quo jure Carolo jus primogenituræ adimi possit, non videbant. Unus supererat Ferdinandus Catholicus, auctoritate, potentia, rerum usu, sagaci in omnes partes animo, ac regno jam feliciter communi cum Isabella conjuge opera per tot annos gesto præcellens. Sed moderatorem jurium regni tenacem multi usurpatores reformidabant, multi injuriarum vindicem, atque ultorem desertionis. Plures modestius ejus in Italia absentiam & incertum redditum excusabant.

Nihil in eo conventu præ turbis definiri poterat; quin eos in tumultus ciebatur Hispania, ut armatis undique cohortibus stipati optimates inutuis se se injuriis incursarent, raperetque quilibet pro potentia & viribus. Ingens profectò rerum confusio, tantæque in publicum calamitas, quantam per plura sæcula non viderat Hispania: quam in immensum auxit annonæ caritas & fames, atque subsecuta inde tetra pestis.

Tutela li- Inter ipsum etiam Cæsarem Maximilianum & Ferdinandum Re-
**giosa. gem non levis fervebat disceptatio, ad quem eorum spectaret Ca-
stellæ**

stellæ administratio. Præcipua fundamenta, quibus Ferdinandi causa nitebatur, ad tria capita revocantur. Patrem esse Reginae, ac proinde tutorem legum omnium præscripto. Id ipsum Reginae filiae placere. Ac insuper Isabellæ Reginae testamento id esse sancitum. Cæsar verò opponebat, Regina valetudine impedita, res in Carolum filium translatas, in cujus tutela nemo potior esset avo paterno. Initio posteriore conjugio Ferdinandum tutelæ jure excidisse, præsertim fide data Isabellæ conjugii cœlibatus perpetui: secus nunquam delegaturam Castellæ procuracionem. Denique non placere Proceribus eum Rectorem. Offerebant autem Cæsarei legati Neapoli præsentibus Ferdinando tertiam circiter administrationis & proventuum regionum partem: arces autem omnes Cæsaris nomine & Sacramento pro Carolo tenerentur. Transigi igitur nil poterat, quin Lusitaniæ etiam & Navarrae Reges, Ferdinandi potentiam veriti, Castellanos hortabantur, ne ad Ferdinandum administrationem deferrent.

At ille, compositis Regni Neapolitani rebus, abducto secum Gonsalvo M. quem & Julius Pontifex & Veneti armorum Ducem expetiverant, Savonam ad Ludovicum Galliarum Regem, qui Genuenses domuerat, navigavit. Ubi celebre illud colloquium fuit habitum. Gallus summis honoribus Hispanum excepit, atque arce eidem concessa, ipse in Episcopi ædes divertit. Prima die Regina, Ferdinandi conjux, apud Ludovicum avunculum cœnavit: altero die Gallus cum Rege Gonsalvum ad cœnam invitavit, etiam in hoste virtutem æstimans. Creditur eo in congressu decretum bellum Venetum.

6.
Congres-
sus.

Postquam amplis amicitiae signis Regem inter utrumque & Proceres utriusque nationis prolixè certatum est, Ferdinandus Catholicus resumpta navigatione in Hispaniam classem appulit. Reditu autem ejus nuntiato, Castellæ motus quieverunt. Cùmque Castellæ Regnum intrasset, toto itinere Episcopi & Proceres salutatum accedebant, quidam metu, alii per adulationem, plerique, ne aliis euntibus ipsi subsisterent, festinatione studentes priores offensas tegere. Miranda sanè rerum conversio; quem antè pene ejecerant, absentem respuerant, jam redeuntem obsequiis ac submissione prefare certabant: Toletano præsertim annitente Archi-præfule, Francisco Ximeno, qui Romanæ propterea purpuræ honorem reportavit. Invisit mox Ferdinandus Rex ad Joannam filiam, quæ paterno amplexu mirificè est recreata.

Ferdinandus Castellæ administrator receptus Anagari Duce, & Admini-
Lemosii Comite, qui clementiæ Regis contumaciam opponebant, strationem
calligatis, Joannem Emanuele, priorum turbarum tubam, Regno resumit.

exegit, bonis ejus, quæ ampla à Philippo Rege acceperat, fisco illatis. Tum verò ad curanda Regni vulnera conversus, severitati miscens clementiam, velut aceto oleum, publicam rem in ordinem suum, quoad fieri poterat, reposuit. Illud vitio datum, quòd Alphonsum Fonseca, juvenem prævidum, ac moribus non satis probatis, Compostellanæ Ecclesiæ præfecerit, & quidem, contra canonum placita, in patris locum susceptum.

Baticæ Proceres acerbè tulerant, nullam sui rationem à Fernando fuisse habitam, cum in Hispaniam rediit: & qui Castellæ Magnates magno redemisset, nihil ipsis, qui neque potentia neque opibus illis concederent, à se parco esse datum. Præ cæteris tumultum concitavit Ferdinandus Corduba marchio, Gonsalvi M. nepos. Expeditionem itaque militarem in Baticam Rex suscepit atque seditione pacata Cordubam supplicem, bonis privatum in exilium egit, indignante Gonsalvo, nullas preces, nulla Majorum agnatorumque merita habuisse locum. Verum ea severitate opus videbatur Regi, ne indulgentia aliorum confirmetur audacia.

Ferdinandus Rex Catholicus, quasi ex altissima specula in omnes partes prospiciens, universam Christianam rempublicam animo ac providentia complectebatur. Quare Dynastis Hispaniæ quæ severitate, quæ clementia, ne quid turbarent, constrictis, in Africam etiam adversus Mauros curas extendit, missaque classe jam proprio Marte maris oras eisdem eripuit, jam Lusitanis in eundem finem misit auxilia; utque post fata etiam sua Hispaniæ consuleret, Carolum nepotem ex Belgio evocavit, Hispanis moribus imbuendum, exhibendumque populis Principem, quem Regem deinceps suum adorarent. Verum Maximilianus Cæsar, in cujus potestate erat Carolus, insensus haud leviter Ferdinando, quòd lite necdum discussa Castellæ procurationem invaserit, negavit itineris copiam, nisi rerum administratione secum communicata, & regionum vectigalium parte concessa. Quin Gallum à Ferdinando ad se traducere omni ope contendebat, Mediolani confirmatione velut esca oblata.

7.
Foedus in
Venetos.

Jamque Cæsar cum Gallo in foedus ibat, excluso Ferdinando, cum Pontificis opera quadruplex foedus Cameraci in Venetos ictum est; quod in Germaniæ & Galliæ Historia uberius descripsi. Summa foederis hæc erat: quatuor sociis bellum commune adversus Venetos esto, donec singuli ereptas sibi urbes & oppida recipiant. Qui prior sua obtinuerit, alios nihilominus socios juvato, donec & ipsi suæ partis & voti sint facti compotes. Controversia inter Cæsarem & Regem Catholicum ne foedus disturbaret, cautum est, ut

Judi-

Judices designentur, qui ex æquo & bono eam litem dirimerent, cum primum bello Veneto finis esset impositus. Additum præterea, invitandos, ad commune fœdus Sabaudum, Cypri, à Venetis occupatæ, injecta spe, Ferrarientem, & Mantuanum, ut & ipsi erpta recipient.

Duo armatorum millia Ferdinandus ex Hispania misit, conjungenda cum tribus millibus Neapoli. Sed Proregis inertia lentè resibat. Territi tamen Veneti clade Geraddensi, à Gallis inflicta, Brundisium, Hydruntum, Trantum, Molam, Polignanum continuò dediderunt Ferdinando, ne defensione quidem tentata, ut scilicet Ferdinandum conciliarent. Et certè minùs ardentè Hispani sociale illud bellum gesserunt.

Quia autem Hispani aliqui Proceres, Ferdinandi administrationem Castellani Regni, velut nimidum severam & avaram accusantes, Cæsarem accersebant, instabat ille, ut lis de Castellæ procuratione *Lis de tu-* secundum fœderis Cameracensis placita per arbitros compromissariostela *com-* finiat. Delectiutriusque partis consensu Ludovicus Rex Galliæ & posita. Cardinalis Rothomagensis. Pronuntiârunt illi in hanc sententiam: Castellæ procuratio penes Ferdinandum, dum vixerit, propria esto. Si mascula fortè proles ex Germana Regina nascatur, de certa nihilominus in Castellæ Regno successione Carolo caveto. Populi juranto, Carolum ejus regni hæredem fore. Ferdinandus pariter rectam regni administrationem jurato, plura dein pecuniarum subsidia Cæsar pro se, & pro nepote Carolo pactus est. Aliqua Ferdinandus addixit. Atque hoc pacto tandem lis molesta fuit composita. Aliqui autem magnates à Ferdinando averfi in Belgium ad Caroli aulam concessere.

Bellum contra Venetos minori ardore ducebatur, quamvis Tarvisinum, Forojulium, & Aquileja ex fœdere Cameracensi expugnandæ supererant, Patavinum verò ad Venetos redierat. *Italicum bellum.* Julius apertè à fœdere defecit: Gallo offensus, quòd Ferrariensem protegeret. Ex quo fonte profluxit ingens illa discordiarum moles, ac magna in Italia mutatio, quam alias descripsi. Aucta est offensio Ludovici, cum Pontifex Neapolitanum Regnum integrum (contra ac Alexander VI. fecerat) Ferdinando ejusque successoribus (etiam in casum, quo ex Germana nullos liberos susciperet) in perpetuum confirmavit, beneficiario jure possidendum.

Majori se injuria affectum Ludovicus putabat, ubi ictum adversum se fœdus Pontificem inter, Ferdinandum, & Venetos intellexit,

lexit, ac bellum sibi inferri vidit, Cardonio Neapolis Prorege supremo Duce designato. Ingens initio Gallis belli fortuna, Ravenensi maximè victoria coronata. At brevi tergum iis vertit, cadente Foxio, victores haud aliter, acsi victi essent, ubique in angustias coniecti, omnia in Italia amiserunt. Quamvis inito deinceps cum Venetis foedere eorum rursus arma per Insubriam sint circumlata. Cæterum Rex Catholicus tempore belli Italici etiam Navarram subegit, plurisque, ut postea dicam, palmas per Africam messuit. Tandemque meritorum plenus obiit anno 1516. ætat. 63. regni 37. amatorio, ut fertur, poculo ab uxore Germana, ut liberos ex eo susceperet, præbito extinctus. Rex verè Catholicus, Religionis zelo, prudentiæ laude, animique præstantia excellentior omnibus, qui ante eum in Hispania existerunt, exhibens virtutis ideam, in quam posteri oculos figant.

8.
obitus
Ferdinandi

Testamen-
tum.

Testamento Joannam filiam hæredem, Carolum administratorem scripsit. Carolo absente rebus Aragoniis Cæsaraugustanum Præsulem præfecit, Castellæ verò Franciscum Ximenium, Archiepiscopum Toletanum, Hispaniæ Cardinalem. Ferdinando Archiduci nepoti suo in regno Neapolitano Tarentum aliisque urbes, ac præterea annua quinquaginta aureorum millia legavit, ex ejus provinciæ regiis vestigalibus, usque dum in eadem Principatum aliquem à Carolo fratre accipiat. Calabriæ Ducem Friderici expulsi filium, quem hætenus in Hispania custodiverat, libertati reddi voluit, & Principatu provideri.

Elogium.

Hac ultima voluntate concepta omnibus morientium præsidii ad ultimam expeditionem munitus decessit: felicissimus sanè Principum, qui Regnum suum per orbem terrarum latè extendit. In Europa quidem jure hæreditario solam Aragoniam, cum innexis eidem Regnis, Valentia, Catalaunia, Balearidum, Sicilia, & Sardinia possedit. Regnum Castellæ, & adhærentia eidem Regna, Leonis, Gallicia, Asturia, Biscaia, Extremadura, Andalusia, & Murcia Isabella conjux eidem attulit. Atque dein Ferdinandus & Isabella *Reges Catholici* sunt appellati.

Regnum Granatense, quod ultimum in Hispania habebant, Saracenis eripuit. Neapolitanum pariter Regnum armis sibi asseruit. Adjunxit Regnum Navarræ, & Ruscinonensem comitatum. Adhæc per Columbum & Americum Vesputium in Americam, novum orbem, Hispaniam protendit. Atque, ut à barbaris Mauris Iberia se-set secura, varia in Africa oris munimenta, totidem veluti claustra, expugnavit. Religioni verò ut consuleret, sacram Inquisitionem introdu-

troduxit, Judæorum & Mahometanorum multa millia expulit: *Catholicæ Regis* propterea titulo renovato.

Ex Germana Fuxia secunda conjuge nullos Ferdinandus liberos Liberi. suscepit: ex Isabella verò prima quinque: Joannem videlicet, cum Margaritha, Maximiliani Cæsaris filia desponsatum, sed matura nimis morte præreptum, nec nisi emortua in matris utero prole fœcundum: & quatuor filias. Quarum prima Isabella, Alphonso Lusitanæ Principi nupta; eoque præcoci morte defuncto, Emmanueli Regi: ex quo Michaëlem suscepit, Hispaniarum futurum hæredem, sed altero vitæ anno matris obitum sequentem. Altera Joanna Philippo Archiduci desponsa, Caroli V. & Ferdinandi I. Cæsaris mater. De qua hæctenus plura. Tertia Maria eidem Emmanueli, Lusitanæ Regi collocata: ex qua stemma Portugalliæ Regum propagatum. Quarta Catharina primùm Arturo, tum ejus fratri Henrico VIII. in calamitatum abyssum data.

ARTICULUS II.

Status Hispaniæ sub Carolo V.

Ferdinandus Catholicus propensiore animo ferebatur in nepotem Ferdinandum, quem eximia indole florentem in aula sua educabat. Quare testamento anno 1513 scripto eundem Hispaniarum hæredem designabat. Verùm perpendens animo, quantum inde turbarum bellorumque immineret, si juniorem fratrem seniori præferret, mutata voluntate testamentum, quod paulò antè meminimus, condidit.

Quamvis autem in isto Joannam filiam hæredem dixisset, Carolum verò administratorem Castellæ, regnorumque eidem inhærentium, quia tamen is in Belgio tunc erat absens, neque ætate tantis rebus matura, Franciscum *Ximenium* eidem Vicarium constituit. Is è Divi Francisci Familia, Isabellæ primùm conscientiam dirigebat, tum regio consilio adhibitus, mox Archiepiscopus Toletanus, subin Cardinalis, denique Prorex Hispaniæ: vir integritate, fide, religione, prudentia, virtute summus, à Bibliis etiam Complutensibus, magno opere & pretio editis, celeberrimus.

Ad clavum igitur rerum vir tantus admotus, auctoritate & industria sua effecit, ut Hispani, qui in Ferdinandum apud se natum & educatum, cujusque excellentes dotes in oculis habebant, proniores, Carolum post Joannam matrem Regem suum agnoscerent. Verùm

Adrianus. Carolus *Hadrianum Florentium* Belgam, suum olim Moderatorem, Ximenio adjunxit, multosque Belgas in Hispaniam misit. Turbas ea res haud modicas excitavit, dum Hispani Ximenio, Belgæ Hadriano adhærerent, & altera gens alteri esset invisa.

IO. Turbæ Sequenti igitur anno 1517. Carolus in Hispaniam profectus motus composuit, circumvectusque per provincias passim civitates & Dynastas in verba jurantes Sacramento adegit. Ximenium vero omni administrationis munere abdicavit. Qui paulò post octogenarius obiit, de religione & virtute optimè meritus. Altero post anno (1519.) mortuo Maximiliano Cæsare Carolus à Septemviris, suffectus, ad Imperii coronam capeßendam in Germaniam abcessit, relictis haud paucis Hispanis, in seditionem inclinat: tum quia Ximenio Hadrianus erat subrogatus, exterus indigenæ: tum quia aliis etiam Belgis officia & Præfecturæ erant distributa: tum denique, quia ad iter Germanicum adeò longinquum, sustinendamque pro decore dignitatem Cæsaream, in illis præsertim initiis necesse erat, permagna tributa imposita pecunias colligere. Has autem potissimum colligebant Belgæ, Ceurio maxime, qui civitates inulitatis avaritiæ commentis expilavit.

Seditio Egerrimè Hispanos ea res habuit, ipsūque etiam Hadrianum, virum moderatum rectique tenacem. Jamque civitates passim rebellionem spirabant, vim vi repellere armis accinctæ, atque conjuratione publica firmatæ, non quidem in ipsū Regem Carolum, sed tamen in Magistratus, præsertim Belgas ab ipso delectos: nolle se, protestatæ, servitutis turpissimæ compedes diutius perferre, quas avarissimi & iniquissimi homines adolescentis Regis Præsides, nihil tale expectantibus innexuissent. Nec mora: ipsi sibi judices delegerunt, quorum sententiæ etiam Nobiles ac Dynastæ starent.

composita. Cæsar cognita tredecim civitatum defectione, & Adriani fuga, salubri consilio duos summæ dignitatis ac virtutis viros regendæ Hispaniæ præficit, Velasum magistrum equitum, & Henricum maris præfectum. Hi coactis undique copiis, adversus populares armati procedunt: ventumque ad conflictum, quo provinciales, à Regiis victi, ac Duces eorum capti, mortis supplicio affecti sunt. Adjuverunt strenuè partes Regias confluentes undique Nobiles, quos plebei tribunali suo subicere conati fuerant. Inita pax, ac seditiosi adversus Gallos, qui Navarram invaserant, educti, culpam rebellionis insigni victoria, atque Navarra recuperata, expunxerunt.

Mortuo dein Leone X. Pontifice, cùm Cardinales in conclavi 11.
diu certassent, tandem Hadrianum, in Hispania absentem elegerunt, Adrianus
Cardinale potissimum Medicæo annitente. Carolus V. verò Cæsar Papa.
eo nuntio summopere lætus anno 1521. in Hispaniam rediit, eam-
que ita pacavit, ut deinceps sub ejus imperio penitus acquiesceret.
Quæ verò magnus hic Imperator gessit in Germania, Gallia, Italia,
Belgio, Africa, alibi jam memorata sunt (*in Germanicis, Galli-*
cis, Belgicis) Ejus auspiciis anno 1520. Cortesius Mexicum, &
Pizarrus Peruam occupavit.

Anno 1555. Joannam matrem, protracta eò usque misera vita, Abdicatio
amisit. Altero post anno Hispaniarum Monarchiam, cum Sardinia, Caroli,
Sicilia, Neapoli, Mediolano, Burgundia, septemdecim Belgii provin-
ciis, atque America in Philippum filium transtulit, Imperium
verò cum Austriacis in Germania provinciis Ferdinando fratri reli-
quit. Tum verò tanto onere levatus expeditior in Hispaniam profe-
ctus, in Monasterio S. Justi biennio pientissimè exacto anno 1558. mors,
postquam sibi ipsi exequias celebravit, obiit, ætatis anno 58. regni
Hispanici 40. ejus elogium vide *part. 3. c. 4. n. 134.*

Ex Isabella conjuge, Emmanuelis Lusitaniæ Regis filia, tres li-
beros genuit: Philippum, Joannam Lusitaniæ Principi nuptam, & liberi.
Mariam, Maximiliani II. Cæsaris conjugem. Margaretham verò,
primum Alexandro Medicæo, dein Octavio Franelio desponsam,
& Joannem Austriacum, coelebs suscepit: illam ex Vangestia, hunc
ex Blombergia.

A R T I C U L U S III.

Status Hispaniæ sub Philippo II.

Magnus hic Monarcha mundo natus est anno 1527. uti simi-
lis patri religione, magnanimitate, virtute, ita dissimilis
genio, vivendique usu. Carolus erat popularis, atque om-
nium velut nationum civis, orbem terrarum itineribus & expedi-
tionibus emensus. Philippus severo vultu, gravitate, indole, ac
moribus Hispanis, ex alta velut specula in orbem universum prospe-
ctabat, eumque eminens moderabatur. Paternis Regnis atque Provin-
ciis Lusitaniam adjecit, cum immensis in Oriente & Occidente provin-
ciis, atque in Europam, Asiam, Africam, & Americam expor-
rectus, orbem omnem sub unum collecturus imperium videbatur.
Id certe dictum verissimè, solem illi nunquam occidere.

12.

Maria.

Nec procul aberat, quin etiam Angliam, Scotiam, & Hiberniam, vastissimo corpori uniret, quintæ velut monarchiæ ideam præferenti. Nam postquam Maria Joannis III. Lusitaniæ Regis filia, prima ejus uxor, ex qua Carolum suscepit, anno 1545. defuncta est, alteris nuptiis sibi despondit Mariam Angliæ Reginam anno 1554. Verùm cum omnes boni prolem optarent, solita Austriacis regnorum parens fecunditas regalem thalamum destituit: Maria quarto post anno maturo, heu! nimium fato sublata.

13.
Bellum
Italicum

Philippus igitur in hispaniam reversus, bellum Gallicum est profecutus. Occasionem huic dederant geminæ florentissimæ in Regno Neapolitano familiæ, *Columnensium* & *Caraffarum*. Nam Paulus IV. ex domo Caraffa anno 1557. anathematis fulmen in Columnenses vibravit. Istorum causam tuebatur Philippus, Pontificis & Caraffarum Henricus II. Rex Galliæ: ille per Albanum, hic per Guisium, celeberrimos ea tempestate Duces. Initium belli in Italia Gallis favit, finis Hispanis. (*vide Gallica*)

& Galli-
cum.

At vehementior procella incubuit Belgio, majori pariter Hispanorum fortuna. Nam cæsi ad S. Quintinum & Gravelingam Galli ad pacem respexerunt. Quæ contracta est haud procul Cameraco anno 1559. Philippus pro tribus urbibus restitutis, 198. urbes, oppida aut castella accepit. Quæ omnia in Gallicis & Belgicis rebus uberius narravi. Cum Hispani S. Quintini munimentum oppugnant, Ecclesia & Monasterio S. Laurentii in suburbio pro suggestu tormentorum usi sunt. Quam ob causam Philippus haud procul Madrito Scoriaci magnificam S. Laurentio basilicam & monasterium pro 150. Monachis S. Hieronymi ædificavit, *Escuriale* appellatum. Stupendum hoc opus, 22. annis exstructum, viginti, ut fertur, millionum sumptu, 11000. fenestris splendidum, octavum orbis miraculum ab Hispanis censetur. Rex & Regina in eo sua habent conclavia, in Ecclesia verò Monasterii Regale mausolæum subterraneum in sacello, quod Pantheon appellant. Instructissima etiam Bibliotheca ibidem visitur. Verùm anno 1671. superbum hoc ædificium magnas ruinas incendio accepit: à Carolo II. reparatas.

Escuriale.

Facta cum Gallis pace, ordinatisque Belgii rebus, Philippus Rex in Hispaniam abiit. At ingentes mox turbæ Belgium exceperunt, bellumque 90. prope annorum, Hispanis, Germanis, Gallis, Anglis, Scotis, Hibernis, Italis, in partes venientibus. Anno 1579. septem provinciæ fœdus inter se percusserunt, atque ex eo enata est potentissima Batavorum Respublica: quæ tractis ad se

14)
Bellum
Belgicum

Ant-

Antverpianis commerciis velut Amphytriten sibi desponsasse videtur.
(Vide Belgica)

Prout autem Rex Philippus postpositis omnibus humanis rationibus Religionem Catholicam in Belgio conservatam voluit, ita etiam in Hispania. Unde cum in *Granatensi* Regno, quod Ferdinandus Catholicus Saracenis eripuerat, adhuc multi essent, qui lingua duntaxat Christum confitebantur, in corde autem Mahometem gerebant absconditum, severas eis leges ac pœnas posuit: quibus irritati anno 1568. à Marochii Rege auxilia petierunt, ac impetrarunt. Verùm intra biennium subacti, aut solum vertere, aut veram catholicam Religionem amplecti legesque Ecclesiasticas, pro iis latas, servare coacti sunt.

Nec minùs Religionis zelum adversus externos Mahometanos & Africanum Turcas explicuit. Ferdinandus Catholicus jam anno 1510. Regnum *Tripolitanum* iisdem eripuerat; Carolus V. verò illud Equitum Melitenensium tutelæ commisit. Sed anno 1551. Dragutes Turcicus pirata illud occupavit. Philippus II. anno 1560. validam classem misit, 42. navibus, & 18000. hominibus constantem. Verùm ea à Mahometanis ita est excepta, ut pauci incolumes redirent. Quum dein anno 1566. Turcæ Melitam obsiderent, Hispani eis vices reddiderunt, 20000. eorum cæsis, quos inter ipse Dragutes pirata, qui multo tempore omnia infesta reddiderat maria.

Has partim clades partim victorias domesticus dolor excepit. Carolus unicus, quem tunc Philippus habuit, filius ita se gessit, ut pater eum arctæ custodiæ tradiderit, in qua mortuus est. ^{15.} Carolus, quantò incertior obscuriorque, tantò avidius à scriptoribus investigata. Ferox ac violentum Principi ingenium: idque statim à pueritia observatum. Lenta ferarum palpitantium laniena recreari solitus. Cùm eum Carolus avus vidit, ingemuisse dicitur. Pater multis in ea cura nequidquam pertentatis, cum Joanne Austriaco & Alexandro Farnesio illum Compultum misit, ut in illa Academiæ luce, ut corpus cœli mutatione, sic animus nova hominum doctorum consuetudine illustretur. Sed Carolus alibi magis quàm alius fuit. Casus auxit intemperiem. Nam è scalis altè prolapsus, læso non leviter cerebro, à medicis prope deponitur: cùm allato in morientis cubiculum B. Didaci corpore, vovente Philippo, se apud Pontificem de ejusdem apotheosi enixè acturum, repente convaleuit. Sed non ideo mores mutavit. Quo fiebat, ut & pater prædurius illum acciperet, & filius nihil haberet patris aspectu molestius.

Ferox in
patrem,

Crevit cum ætate diffidium, cum offensus quotidie magis diffususque ejus moribus Rex conjugium filiae Maximiliani Cæsaris, Carolo destinata, sine fine differret, eumque ab rerum publicarum cura procul haberet, licet 22. annos jam esset natus. Hinc odium ejus in familiares & continuos patris, à quibus observari se, omniaque ad eum referri putabat: studium contra in eos, quos patri inoffensos sciret: in Belgas præcipue, quorum legatos, Marchionem Bergensem atque Montinium complexus sollicitè, clam evocare ad se, eorumque causam ardentius tueri forebatur, quam par erat: pollicitus iis, iturum se in Belgium ad componendos eorum motus. Certè, cum Albanus in Belgium discessurus, Caroli manum osculatum isset, attinuit illum minaci aspectu Princeps, negavitque, aliud præter se illuc abiturum: prompto pugione ictum intentans, quem Albanus declinavit. Ex eoque tempore decrevit, vel invito patre ire in Belgium, atque inde ad sponsam in Germaniam.

traditur
custodiæ.

Obitus.

Causæ.

Rem eam Joannes Austriacus sibi à Carolo communicatam ad Regem detulit: qui etiam admonitus à Raymundo de Taxis, regio tabellariorum cursorumque Præfeto, de fugæ consilio & petitis equis, per omnia urbis templa preces imperavit. Veritus igitur Rex exemplum fugæ, qua Ludovicus à patre Carolo VII. Galliarum Rege in Burgundiam se proripuit, non ultra deliberandum ratus, Epolitano Principe, & Feriano Duce, aliisque duobus comitantibus, profunda nocte conclave filii dormientis ingreditur: ereptoque, qui sub pulvino latebat, gladio, surgere illum confestim jubet: increpitumque quod patrem lenibus toties frustratum remediis ad asperiora compellat, certis hominibus custodiendum tradit. Qua in custodia extinctus est post sex menses, expiatis ante apud confessarium animæ noxis.

Scribunt aliqui exitum ab eo Maurorum tumultum; sollicitatum per Michesum Judæum Turcam, adjutam conjuratorum in Belgio factionem, eaque occasione transmissa ab hæreticis in Hispaniam plura libellorum millia: alii loquuntur amores & familiaritatem nimiam cum Isabella noverca: sponsa illi antea designata, & à patre prærepta: quæ brevi post Carolum obiit. Alii denique, agitatam ab eo de patre necando consilium: atque ob has causas à patre jussam interfici. Opmerum in Belgio in hanc rem illud Ovidianum tanquam choronofticon applicasse: *filius ante diem patrios inquit in annos.* Quo annus 1568. in quem Caroli obitus incidit, designatur. *

16.

Magnum hæc filii fata Regi totique Regno attulerant dolorem: Classis in- sed non minorem classis stupendæ, in Angliam destinata, quam invincibilis. *vincibilem* vocabant, miserranda calamitas. Multa nempe Regis catholi-

tholici indignationem stimulabant adversus Elisabetham Angliæ Regi-
nam, tanto quidem acriore sensu, quanto magis pro beneficiis,
próque ipsa vita, quam ei bis térque se dedisse Rex affirmabat, dum
conspirationum insinuatam, è carcere capitalique judicio liberave-
rat, alias super alias accepisse se indefinenter injurias recordabatur.
Viderat statim ab initio Orangium ac Belgarum populos, consilio, *Causæ.*
pecunia, milite, ad defectionem ab illa concitatos: Indiarum pro-
vincias à Draco, à Conditio, ab aliis ejus emissariis vexatas ac di-
reptas: regiam pecuniam interversam, ac naves in Anglia retentas:
Antonium pro Rege Lusitaniæ habitum, atque in Hispanos armatum:
Alenonium spe nuptiarum in Angliam allectum, atque inde in Belgium
ad capiendam Brabantiæ coronam instructum. Susceptum dein, cum
Parmensis plerasque provincias ad obsequium reducerat, ab Elisabetha
rebellium patrocinium, & tanquam denunciato palàm bello, immis-
sum magnis cum exercitibus Leicestrium, ac populos in defectione
contumaciâque firmatos.

Statuit proin Philippus fœminæ insolentiam compescere; acce-
dente præsertim adhortatione Sixti Pontificis, ut Rex Catholicus
publicas Religionis injurias ultum iret. Creato in Regis gratiam
Cardinale Guilielmo Alaño Anglo, decies centena aureorum millia
soluturum se promisit, quamprimum regius miles pedem in Anglia
posuisset. Rex igitur firmato in bellum animo, ante omnes *Parmen-*
si consilium aperit, eumque terrestris in Anglia belli Ducem su-
preum constituit, addito, qui rem maritimam cum imperio rege- *Marchio S.*
ret, Alvaro Bassano *sanctæ Crucis Marchione*, cujus in bello Lu- *Crucis.*
sitano res gestæ erant in oculis. Erat enim præfectus oceani, ac
nuper ad Tercias Insulas navali pugna adversus Antonium Lusitanum,
magnis Gallorum Anglorumque viribus bella reparantem, bis victor.
Huic Rex comparandæ per Hispaniam Lusitaniâque classis, Parmen-
si verò cogendi in Belgio exercitus, quem ope Hispanæ classis
in Angliam traiceret, partes attribuit: silentio, ne consilium ema-
naret, utrique imposito.

Laudavit *Alexander* apprimè consilium, circa modum tamen
tantæ expeditionis Regi expendendum rescripsit: Britannicum mare
fœdis horridisque tempestatibus obnoxium: cæcisque syrtibus insi-
diosum esse; atque adeò temere in hæc discrimina classem immitti, *Consilium*
si non prius receptus in portum aliquem statuatur: atqui nullum est *Farnesii,*
se in regiis provinciis tantæ classis capacem, præter *Flißingam*. Huc
igitur primùm vertenda arma: atque hoc portu in potestatem reda-
cto, adversus tempestatum ventorumque minas, prompto classi
per-

perfugio prudenter ac tutò navigandum. Cui deinde sententiæ tantò firmitus inhæsit, quantò post captam Slusam facilius Flissingam expugnatum iri credebat. Rogavit proin Regem, ut spatium ad hoc sibi permittratur, multò quàm Slusa celerius se portu illo potiturum. Sperabat nempe, Flissinga recepta se Regi persuasurum, ut ope Hispanæ classis Bataviam prius expugnet: unde Anglia Hollandiæ munimento nudata certiùs adiri posset. Nempe, quod sæpe incassum petierat à Rege, ut conatum semel omnem perdomando Belgio adhiberet: eum nunc adhibitum, sed in Angliam destinatum, detorquere in Belgium satagebat.

Stanlæi.

Hibernia.

In eandem ferme sententiam ibat Sanctacrucius classis præfectus, videlicet portum prius securum in Hollandia, aut Selandia providendum, ut classis, qua Hispaniæ vires veherentur, tecta à tergo foret. Stanlæus Anglus, qui tradita Regi Daventria in Hispaniam abierat, vetus miles consilio adhibitus, censebat, Hiberniam primò petendam. Quindecim annos se ibidem militasse, rerum omnium gnarum. Incolas plerosque Catholicæ Religionis perquam retinentes, Anglorumque imperii pertæsos, facile partibus adjungendos. Si veteranorum sex millia, arma, annona in tres menses sibi tribuantur, se in regias manus insulam adducturum. Habituras in ea Hispanas classes, portuum commoda, alimenta, equites, pedites nunquam sex millibus pauciores, egregiè omnes exercitos, atque adversus nationem Anglicam imprimis animatos. Indèque haud operosè ipsam Angliam petendam fore.

Scotia.

Regis sententia.

Platus verò Scotiam primò tentandam dixit. Fermento illam discordiarum agitari: gliscere conspirationes in Elisabetham: multos nobiles occasionem exspectare, qua iras suas & consilia in eandem expromant: Regem ipsum Jacobum facilè in ultionem matris peremptæ adductum iri: eo dein ex regno terra marique promptum in Angliam iter fore. At Rex moræ omnis impatiens lentum fore negotium duxit, si prius in Batavia, Hibernia, aut Scotia portus esset quærendus. Absque ambagibus rectà in Angliam tendendum. Gallos in se ipsos nunc esse armatos, Turcarum vires aliò averfas. Non indulgendum hosti spatium, auxilia ex Germania & Septentrione evocandi. Ideoque Farnesium & Sanctacrucium admonuit, ut omni mora abrupta instarent operi, ne nimia circumspèctione opportunitatem corrumpant.

Trajectionis autem modum ad Farnesium Rex perscribens, iussit, ut audito, solvi è Lusitania classem, instructum ipse succin-

ctum-

Atque in Belgio exercitum habeat, utque Sanctacrucio in conspectu Angliæ classem continente, ipse milites suos paratis jam ratibus impositos festinatò transmitteret. Interim Sanctacrucii partes fore, classe in omnem belli occasionem intenta, traicientes è Belgio eò usque defendere, dum illos ab hostili, quæ se opponeret, classe tutos appulsosque conficeret.

Tanti mox ubique delectus sunt, ut Farnesius 40000. peditum 17. 3000. equitum haberet in Belgio. Ex his 30000. peditum, & 1800. Classis. equitum selegit, secum navigaturos in Angliam. Tota quoque Hispania parandæ classi insudabat. Europa universa in expectationem tanti apparatus erecta. Et sanè nec Hispania operosius quidquam in maritimis expeditionibus elaborasse unquam, nec superbius Oceanus vidisse ferebatur. Constabat classis bellicis navibus magnis 135. his impositæ Hispanorum legiones quinque, quæ 18857. militum complectebantur. Adhæc nautæ 7449. Dynastæ Proceresque Hispani 220. milites voluntarii cum famulis ferme 1000. ex Religiosis familiis sacerdotes 669. qui omnes simul 28293. personas conficiebant.

Verùm dum undique opus fervet, tristi omine Sanctacrucius Mors Mar-
extinguitur. Dum enim longo usu edoctus, bellique navalis perichionis.
tissimus Dux, classem cautè & circumspèctè instrueret, minùs festinare visum Rex iratus alloquitur: *malè tu quidem pro benevolentia in te mea mihi gratiam rependis.* Quibus verbis animus, tot adversis hostium telis impenetrabilis, ictus, mœrore contracto concidit (alii classis præfecturam ab eo detrectatam scribunt, ac propterea Regis gratia excidisse.)

Jam parem orbæ classi gubernatorem nec promptum erat Regi invenire, nec diu per otium quærere permittebat necessitas festinandi. Igitur Alphonsum Peresum Gusmanum *Medinæ Sidoniæ Ducem* Sidonius.
cem, militiæ quidem haud ita peritum, sed clarum genere divitiisque præpollentem Rex substituit, classe non aspernante, ferreo Ducis aureum substitutum.

Vix ex portu Olissiponenensi classis solverat, cum horribili tempestate jactata, atque dispersa, agrè Corunnæ, Gallæciæ portu, se collegit. Inde meliori vento, sed majori spe inflata classis Armorica seu Britannia minoris cornu prætervecta, Anglorum speculatoribus videndam se præbuit. Speciem ingentis urbis oceano inambulantis objectam sibi retulère. Britannicum inde mare ingressa, in conspectum Anglicarum navium venit, quæ tunc se ad *Plimutbū*, *Plimuth.*
extremæ Angliæ portum, colligebant: ducibus *Hovardo*, & *Draco*.

Censuere plerique Hispani Duces, invadendam illico classem Anglicam: aspirare Austrum, sibi secundum, adversum Anglis. Tam optatam vix amplius occasionem fore. Verum Sidonius mandata Regis opposuit, quibus jubeatur, ut regia classis canalem inducta, ulterius in eas fauces tenderet, quibus inter Caletum & Doveronium in angustum fretum se coarctat oceanus: ibique munita contra vim hostium via, Farnesium cum exercitu Belgico exceptum, superato Thamesis ostio, ad Londinum exponat.

Pugna.

Cum igitur a Plimutho deflectere classem Hispanam, atque ulterius provehi viderunt Angli, Hovardus metu solutus, insequi abeuntes statuit; partitusque cum Draco classem (centum navium erat) Hispanos duabus a Plimutho leucis aggreditur. Sidonius, obversis illico in hostem prorsus, pugnam magno animo capeffit. Nec magnum damnum acceptum est ea die. Sed nocte insequenti ignis Cantabricam navim corripuit. Valdesii vero navigium a Draco captum in Angliam perductum est, delibatae victoriae argumentum. Vices redditae Anglis, uno eorum navigio demerso. Nihilominus, quia Angli multis celocibus erant instructi, quas remis instar equorum velociter movere & invertere poterant, plus damni Hispanis inferebant, qui grandes atque onustas naves aegre moliebantur, vento praesertim sibi praerepto. Nempe & militum numero ac robore ingentium machinarum, & tormentorum copia longè praestabat Hispana classis: a Ducis nautarumque experientia, a navium forma, è pugnae loco, sibi iniquo, destituebatur.

Naves incendiariae.

Nec tamen magnum admodum damnum adhuc erat acceptum, cum Sidonius Vecten insulam praetervectus ad Caleti conspectum stetit, jactisque ibidem anchoris, ad Farnesium mittit, qui nuntiaret, ut secum postridie ante Gravelingam futuro, conjungere Belgicas copias non ultra differat. Respondit ille, moram in se militumque suo, transmissionis ac praelii cupientissimo, nullam fore, modò submotis a Flandriae portibus Anglicis Hollandisque classibus sibi via patefiat. Dumque ille in apparanda expeditione adhuc occupatur, Dracus octo navigia, Hispanorum ictibus jam fatiscentia, nitro, bitumine, sulphureisque ramorum fascibus, aliisque ignis alimentis complet, impositisque nautarum audacissimis concubia nocte ad Hispanam classem propelluntur. Tum vero navibus accensis nautae in scaphas desiliunt: Hispanis verò terrorem ingentem incutiunt, existimantibus, naves esse incendiarias, quales in expugnatione Ant-

verpiana magna cum clade experti essent. Tollitur in cælum clamor. Sidonius attolli anchoras jubet : naves in apertum oceanum deduci ; satiùs habens cum hoste configere , quam sulphureæ pesti naves comburendas obicere.

Vix anchoras sustulerant , anchorariis aliquarum navium rudentibus præ festinatione præcis , cùm crebrescere furialem in modum tempestas cœpit : scindi conflictu nubium , diraque tractim luce conflagrare cœlum : sequi intumescens nunc pelagi nunc sub-tempestas. fidentis ferales minæ : navium pleræque longiùs , quàm ad declinandum inane illud formidati incendii terriculum opus erat , in altum abduci ventorum vi : nonnullæ mutuo allisu frangi , & vasto in præceps hiatu sorberi : aliæ in Flandricæ oræ vada syrtesque compelli.

Angli raram dissipatamque mari classem mane conspicati , levibus ipsi navibus eandem adoriuntur. Hispanorum aliqui tamdiu resistiterant , dum recrudescens ventorum vis iterum alios aliò destruxit. Sidonius , non ampliùs obluctaturus tempestatum furiis , redeundi , ne omnia perirent , in Hispaniam consilium cepit : collectisque , quantum poterat , dispersæ classis reliquiis , ne se in Cætanî freti angustias rursus indueret , directis in septentrionalem oceanum proris , Angliam , Scotiam , Orcades , Hebrides , Hiberniâque prætervectus cum innumeris difficultatibus est colluctatus. Ad reditus. Hiberniæ littora decem omnino naves solutis vi tempestatis compagibus periêre : aliis ad Norvegiæ usque littora propulsis.

Tandem Sidonius ad Castellam appulsus cum paucis navibus , iisque sauciis , mutilatisque , & velut in magno naufragio collectis malè cohærentibus tabulis : ut erat animo æger pariter & corpore , domum permissu Regis curationis causa concessit. Ducum præstantissimi perierunt. Navium hominûmque amissorum numerum mirè aliqui augent , imminuunt alii. Hispani scriptores fatentur , præter onerari-
as , 32. naves aut captas ab hoste , aut naufragio sepultas : homines ad 10000. partim in pugna casos , partim captos ab Anglis aut Hollandis , partim submersos , aut morbo consumptos. Angli verò Hollandique vix 10000. hominum superfuisset , 18000. desideratis : naves 80. amissas scribunt. Pernicies certè stragisque immanis fuit , in Divinorum judiciorum abyssum referenda.

Ingens tota Hispania luctus. Solus Philippi animus , rebus humanis superior , erectus stabat. Nuntianti decumanam cladem respondisse fertur : *Ego vero Divinæ Majestati ex animo gratias ago ,* Regis animus.
cujus liberali manu tantum potentia viriûmque mihi circumdatum vi-
Hhhhh 2
deo ,

deo, ut aliam rursus in mare classem educere non dubiè possim. Neque multum referre arbitror, quòd aqua decurrens aliquando interceptiatur, dummodo fons, ex quo fluxerit, sit salvus. His dictis calamum resumit, cœptamque epistolam eadem vultus tranquillitate, ac si nihil amississet, prosequitur: aliàs quasi joco dixisse memoratur, se non adversus tempestates emisisse classem: altior certè multò fortiórque, dum victus est, quàm si vicisset; longèque diffimilis Augusto Cæsari, qui ad nuntium Varianæ cladis, capite parieti impacto, altum ejulasse scribitur.

Felix sanè Chrilliana fortitudo atque magnanimitas; infelix contra Anglia atque Batavia, quòd vicerit (si tamen vicit) quòd victoria sint abusæ ad stabiliendam hæresin, ac perennem sui ruinam: haud aliter ac Saraceni & Turcæ ingentes adversus Christianos armorum progressus verterunt in æternam suam perniciem. Saginantur destinatae macello victimæ.

19. Expeditionem istam navalem haud multò post, anno videlicet
Seditio 1592. exceperunt tumultus Aragonici. Res ita se habet. Joannes
Aragonica. Escovedus Joannem Austriacum, cui à secretis erat, comitatus in Belgium, visus est eundem in ambitiosa & inquieta consilia concitare. Quare ab Austriaco missus in Hispaniam ad petendam pecuniam aliúmque belli apparatus, cum justo liberiùs loqueretur, à sicario peremptus est. Insimulatus cædis auctor *Antonius Perezius*, Regis Philippi secretarius, datur in custodiam, & quæstioni subiicitur. Verùm fuga in Aragoniam elapsus, atque Cæsaraugustæ à Regio Governatore per milites apprehensus, secundum regis mandatum Madritum remittendus, vi armata multis militum cæsis ac vulneratis, eidem eripitur ab Aragoniis, quiritantibus, sua in hac re privilegia & jurisdictionem lædi: causam ad supremum suum justitiæ tribunal pertinere. Perezius Aragoniorum ope in Galliam evasit. Rex verò misso Castellano exercitu, domitis Aragoniis, multos, inter quos magni Proceres, & supremus Magistratus, *Aragonum justitia* appellatus, ultimo supplicio affecit: gentisque privilegia circumcidit: sublato etiam tribunali, quod ipsis quoque Regibus jus dicebat. Scribunt plures, Escovedum Regis mandato à Perezio clàm esse cæsum: orta autem deinde eum inter & Regem ob Principem Ebolitanam æmulatione tragœdiam illam in Perezium esse instructam. Quod tamen à tanto Rege videtur valde alienum.

Bellum Ante vitæ finem tertium bellum Gallicum Vernina pace absol-
Gallicum. vit. Nam occiso anno 1589. Henrico III. Regnum Galliæ filiæ suæ Claræ Isabellæ Eugenæ (cujus mater erat Henrici soror) deberi existi-

existimans, Ligam catholicam pecunia ac milite sustentavit, adversus Henricum IV. qui anno 1593. catholica sacra amplexus, regno firmato, catholico Regi bellum indixit anno 1594. pace Vervina anno 1597. finitum. *Vide Gallica & Belgica.* Quæ porro bella Philippus adversus rebelles Belgas gesserit, dictum est suo loco. Quomodo Lusitaniam, Tunetum, & Philippinas occupavit, dicetur postea.

Anno 1598. ætat. 71. regni 42. obiit Philippus, Rex verè Magnus, nec nomine solummodo, sed re ipsa Catholicus: Religione Obitus. 20. siquidem nihil prius habuit: ab ipso etiam Clemente VIII. summo Pontifice *Defensor fidei* appellatus; dicere solitus, si proprius suus filius in hæresin inciderit, se ligna comportaturum ad eum comburendum: nunquam passus Divinum honorem, religionis decus, aut sacerdotium impunè lædi. Tridentinum Concilium, superatis magnis difficultatibus, toto regno promulgavit. Sacram Inquisitionem potenter coluit defenditque, ejusque ope irrupentes hæreses, sepositis omnibus humanis rationibus, nullo loco est passus consistere. Elogium. Justitiæ pariter cultor inflexibilis; nullo hominum respectu habito; injuriarum omnium, nisi sibi illatarum, vindex acerrimus: vasta prorsus mente, & magnanimitate incredibili, nullis rebus secundis elatus, nullis adversis dejectus, sui ipsius possessor immobilis. Hanc mentis infractæ constantiam, uti vita universa, ita ultimus præsertim morbus, vehementi dolore sævus, comprobavit, nullo unquam lanienæ sensu expresso suspirio.

Protestantici scriptores in Magnum hunc Regem, utpote ap- Vituperia primè Catholicum, calamum, felle amaro tinctum, vehementer Protestan- acuiunt: Hibænerus maximè, qui non tantum summis Pontificibus, tium. sed aliis etiam magnis Principibus Catholicis, etiam Regibus, etiam Imperatoribus, varia affingit scelera, eosque insulsis & scurrilibus fabellis deridendos conatur proponere. Quasi verò istis scriptoribus solis omnia liceant: aliis verò nec hiscere.

Quatuor conjuges habuit. Ex prima, Maria Joannis III. Lusitanæ Regis filia, genuit Carolum in carcere dein mortuum: ex Conjuges. secunda, Maria Henrici VIII. Angliæ Regis filia, nullam prolem suscepit. (Falsò Hibænerus scribit, fuisse patruales) Tertia, quam duxit, Isabella, Henrici II. Galliæ Regis filia, peperit ipsi Claram Liberi. Isabellam Eugeniam, Alberto Archiduci nuptam, cui Belgium in dotem attulit: & Catharinam, Carolo Emmanuели Sabaudia Ducis desponsam. Ex quarta denique, Maximiliani II. Cæsaris filia, suscepit Philippum III. suum in Regno successorem, paternarum virtutum insignem æmulatorem.

ARTICULUS. IV.

De Regno Navarræ.

21.
Origo.

Suprarbiæ.

Navarræ.

Quamvis in tractatione de rebus Hispaniæ superiorum temporum, etiam de Navarræ regno sæpius sit facta mentio; quia tamen sæculo XVI. magna in eo facta est mutatio, juvat hîc peculiariter aliqua de illo annotare. Cùm Christiani à Mauris pulsi latebras quærerent, ad Pyræneos montes in quadam Suprarbiæ sylva eremita quidam sacellum construxisse fertur, ad quod post ejus mortem multi Christiani religionis causa confluerant. Hi, auditis secundis in Asturia adversus Saracenos progressibus, & sibi aliquid tentandum rati, in unum populum collecti, *Ximenum Garfiam*, nobilem Gothum, sibi Regem eligunt. Quia autem hic Ainsæ in Suprarbia, Mauris erepta, sedem fixerat, *Regnum Suprarbiæ* initio dictum est. (anno 730.)

Sanctio Garfia, pronepote Ximenii, anno 832. à Saracenis interfecto, post decennale in Suprarbia interregnum, *Ennicus Arista*, Aragoniæ Comes, electus est. Quo pacto *Suprarbia & Aragonia* conjunctæ sunt. Ennici nepos *Sanctius Abarca* Saracenis Pampelonam in Navarra eripuit. Ex quo tempore non ampliùs Suprarbiæ, sed *Navarræ Regnum* aut *Vasconum* est appellatum. Idem Sanctius etiam *primus Aragoniæ Rex* est dictus, cùm priùs comitum duntaxat nomen præferrent.

Hujus Sanctii Abarca abnepos *Sanctius Major* uxorio nomine etiam Regnum Castiliæ cum Navarra & Aragonia conjunxit, anno 1000. filius ejus primogenitus Garfias in divisione Navarræ regnum accepit. Sed hujus filio à fratre peremto, Regni ordines Sanctium Regem Aragoniæ elegerunt. Quo rursus utrumque Regnum coailuit (anno 1067.) Verùm non ultra 60. annos hæc unio tenuit; nam Alphonso I. improli defuncto, Navarræi Regem elegerunt Garfiam IV. ex Sanctii Majoris progenie. Hujus nepos *Sanctius VII.* qui prælio ad Ubedam, in quo 200000 Maurorum cæsa dicuntur, interfuit: ultimus is fuit regum indigenarum. Cùm enim prolem nullam relinqueret, *Blanca* ejus soror dotale regnum attulit Theobaldo, Campaniæ in Gallia Comiti (anno 1234.)

Dignumque observatu est, septies omnino Navarrae Regnum 12.
 per foeminas Principes ad exterarum familias fuisse translatum: & Ad comi-
 primò quidem per hancipsam *Blancam ad Campaniam Comites*, quos *Campa-*
rum tres regnarunt, Theobaldus I. Blancae filius, Theobaldus II. *niae*.
 qui cum S. Ludovico socero suo in Palaestinam profectus in itinere
 improlis obiit. Successit frater Henricus. Cujus filia *Joanna*, Reges *Gal-*
Philippo Pulchro nupta, Navarrae ad Reges Galliae detulit (*anno* *liae*.
 1328.) Quatuor ex illis regnarunt, Philippus Pulcher, & tres ejus
 filii, Ludovicus Huttinus, Philippus Longus, & Carolus Pulcher,
 ultimus Capetingae stirpis.

Revolutum tunc est Regnum ad *Joannam* Ludovici Huttini fi-
 liam, quam prius duo patrum Philippus & Carolus excluderant. Hæc
 Philippo *Eboricensi* Regii in Gallia sanguinis Principi nupta, ter- Eboricen-
 tiam Regum exterorum stirpem est auspicata (*anno* 1328.) Co- ses.
 mitatum Campaniae verò Philippus Vallesius abstraxit. Tres ex Ebo-
 ricensibus regnum possederunt, Philippus Joannae maritus; qui ad
 Algeziram à Mauris occisus, hæredem sub tutela matris reliquit Ca-
 ralum Malum, hoc cognomen animi ferocia & libidinis foeditate pro-
 meritum. Dignam is vitam mortem subiit, linteo insutus, flammæ-
 que correptus, toto corpore ambrustus. Successit filius Carolus III.
 feliciter ac pie à patre degener.

Filia illius *Blanca* ad quartam Domum nempe *Aragonicam* anno *Aragonios*,
 1420. transtulit Regnum, nupta Joanni II. Aragoniae Regi. Qui ex
 ea duos liberos genuit, Carolum Vianae Principem, & Eleonoram.
 Carolus jam à Carolo III. avo suo materno successor erat declaratus,
 ea conditione, ut hæreditarius Navarrae deinceps semper appelletur
Vianae Princeps, sicut in Castilia paulò antè invaluit, ut primoge-
 nitus diceretur *Princeps Asturiae*. Mortua anno 1441. Blanca ma-
 tre, Carolus Vianae Princeps hæreditatem suam maternam, Re-
 gnum videlicet Navarrae petiit. Negavit Joannes pater, ad mortem
 usque suam illud reterenturus. Carolus moræ ac privatae fortis impa-
 tiens, bellum patri movit; verum anno 1451. captus, anno 1461.
 ante patrem obiit, nulla relicta prole, retinuitque pater Navarrae
 usque ad mortem, quæ contigit anno 1479.

Quamvis autem Joannes filium relinqueret Ferdinandum Catho-
 licum, quia tamen is ex Castiliensi matre natus erat, secunda Joan-
 nis conjuge, Navarrae eo rejecto *Franciscum Phæbum* Regem decla-
 rarunt. Descendit is ex avia paterna *Eleonora*, Joannis & Blancae Foxenses.
 Navarrae Reginae filia: atque inde jus hæreditarium. Hæc Eleono-

ra Gastoni Foxio Gallico Comiti nupta, eidem peperit filium, Francisci Phoebi patrem. Atque hac ratione Navarram quintæ externæ familiæ, nempe *Foxiorum*, Eleonora intulit. Verum Phœbus Eleonoræ nepos quarto Regni (quod per Cardinalem Foxium patrum suum administraverat) 16. ætatis anno decessit, 1483.

Albretanos.

Tum verò sexta jam vice Regnum Navarræ ad foeminam devolutum est, ad *Catharinam* nempe Francisci Phœbi sororem: quæ nupta *Joanni Albretano*, ad quem Albretum & Bearnia cis Pyrenæos in Gallia spectabat, in *Domum Albretanam* Navarram transtulit. Joannes igitur, uxorio nomine Rex Navarræ, minùs gratus erat subditis, quia plures Gallos induxerat, iisque præcipua Regni munera conferebat. Unde provinciales in factiones scissi multum negotii eidem faceiebant.

Ferdinandus Catholicus vigili oculo in eos tumultus erat intentus, atque Bellomontanæ factioni succumbenti bona in Aragonia attribuit, reservato sibi jure in bona, quæ exules in Navarra relinquere coacti fuerant, ut sic firmum in hoc regno pedem figat: ulterius animo prospiciens, occasionemque rei gerendæ opperiens. Hanc ei offerebat bellum Italicum, quod Julius II. cum Ludovico XII. gerebat: in quo Ferdinandus Pontificis partes tuebatur. Joanni verò Albretano Navarræ Regi amicitia cum Gallo exitialis fuit, id qua ratione contigerit, paulò pluribus explicandum venit, ex Joanne Mariana, Historico Hispano.

23.
Ferdinandi
consilia

Cognito Pontifex, Navarræ Regem Ecclesiæ hostibus favere, atque Pisani Conciliabuli Præsules, suos hostes, complecti ex animo, re cum Cardinalium senatu communicata, ad illud extremum atque ultimum decurrit, quod adversus rebelles Principes sanitate desperata remedium usurpari consuevit. Rex & Regina Navarræ anathemate fulminati ditione omni spoliuntur, ad communem prædam aliis Principibus invitatis. Suspecta Ferdinandi Regis fraus erat, & paulatim in plures cœpit manare, rumor eo annitente, severam adeò sententiam prodiisse. Conjectura probabilis: quoniam diu penes se id diploma Pontificium occultavit: dum variæ cogitationes ejus subierunt animum, quid fama locutura esset, sanandi Navarræ Regem rationem mitiorem instituere satagit.

Postulata.

Anno igitur 1512. Legatum ad eum mittit, qui officii admoneret, ne rationes suas cum Gallo misceat, neve suis & Ecclesiæ hostibus porro faveat, aut per Regnum suum transitum eis permittat. In securitatem rei utriusque Henricum filium in Castellam pignus

gnus mitteret. Postulata hæc Navarrus repulit, Gallico fretus auxilio, si quid incideret adversi. Quin Ferdinando studentibus molestus esse: novos in dies habere delectus: neque cessare, quamvis à Ribera limitis Præfecto monitus. Belli igitur causas quærere visus Ferdinandus, cum filium fidei obsidem dare Joannes recusasset, sex arces pignoris loco ab ea petiit. Durum id quoque Vasconi videbatur, pollicito, absque iis vinculis à Navarræ Regno tutos fore fines Hispaniæ. Denunciatum igitur illi: è duobus alterum eligeret: aut à neutra parte staret, sed medium se gereret inter disceptantes: aut si ex iis ditionibus, quæ in Gallia possideret, Regem Gallum juvaret, Navarræ opes in auxilium Hispani socialiſque exercitus conferret.

Navarro Ferdinandi felicitas erat suspecta, ne sublato in Italia Gastone Foxio, Germanæ conjugis fratre, regnum Navarræ quasi dotale occuparet. Adversus eas suspiciones Gallus orator, si id conringeret, Galliæ vires universas venturas auxilio polliceri: quin Henrico filio nupturam minorem Ludovici filiam. Inanes pollicitationes, rebus vacuæ, credulum Principem egere præcipitem, ut Hispano deserto se Gallo socium adjungeret.

Ferdinandus igitur delectu in Castella habito idoneum exercitum conflavit Albano summo ductore. Utque Aquitaniam, Anglo fœderato adjutore tutius invaderet, Navarram, in quam oculos maximè direxerat, primò impeti jussit, eo prætextu, ut in Gallia bellaturus, omnia à tergo tuta relinquat, majoremque commeatus opportunitatem habeat: indignante ob eas moras Anglo socio, qui in Aquitania Hispanum expectabat, ut communi ibidem opera adversus Gallum ex condicto bellum gereretur.

Ferdinandus, cui meta, ad quam collimabat, erat Navarra, Bellum Duci Albano dat in mandatis, ut ante omnia *Pampelonam* Regni Navar-caput invadat, ea capta, prona fore reliqua. Ille nihil cunctatus, ræum collecto exercitu, motisque continuo castris, ad Navarræ fines pervenit. Periculo cognito Joannes Rex Regina uxore cum filio in Berniam dimissis, Pampelonam tueri constituit. Verùm imbecillæ dum essent vires, opinione faciliora omnia Albano exstiterunt. Dedita Pampelona, reliqua protinus secutura sunt visa. Joannes consilii inops Albano nuntiat, facturum se, quæcunque essent imperata. Responsum, expectandum à Ferdinando Rege mandatum.

Missi Legati acerbis conditiones retulerunt: Regnum Navarræ traderet universum, in potestate Ferdinandi futurum,

Navarra ad
Ferdinandum.

dum bellum sociale esset adversus Gallum, & Ecclesiæ dissidia componerentur: ac deinde, quamdiu esset visum. Fidei piger esset Henricus filius in Castella educandus. Erat iniquum, Regnum & filium postulare: nec ullum tempus restitutionis præfigere. Ergo irritatus ea severitate Navarrus, rebusque in Hispania diffusus, in Galliam per Pyrenæos transcendit. Regis discessu nuntiato, faciliè totâ Navarra se Ferdinando dedit, una duntaxat vel altera arce vim experiri ausa.

Interim ex Gallia missæ copiæ auxiliares Bearniam pervenerunt. Major expectatio famæque, quam successus: Albano Pyrenæos insidente, atque aditum prohibente. Sollicitatus tunc Orfeti Marchio Anglorum ductor, ut, via nunc in Aquitaniam aperta, communibus viribus provincia illa invadatur. At ille, sive Gallico auro, ut quidam existimabant, corruptus, sive pertæsus tantæ Hispanorum in Navarra moræ, quam expugnari nolebat, præcisè negavit, jam tempus esse negotii perficiendi, autumno præcipiti, militæque suo agris insolentia acciso. Hispanos non communem sociorum, sed suam privatam agere, de Navarra regno adiiciendo sibi sollicitos, de Aquitania parum curare. Ex actionibus faciliè de mente cogitari posse. Destinatum sibi, in Angliam regredi, nullo moræ ulterioris pretio, præter ipsas sumptus & militum interitum.

Gallorum
conatus,

Interea Navarrus cum iusto Gallorum exercitu, superatis vallium faucibus montiumque jugis, in Navarram irrumpens, haud magnum operæ tantæ pretium cepit, cum & Hispanum militem, & montanos homines, frigore & laboribus duratos, obsistentes inveniret. Admotis nihilominus ad Pampelonam castris, eandem obsedit, in veteri incolarum fide spei fiduciæque summam constituens: sed irritò conatu in Galliam recedere coactus est, consumpto milite, pecunia, spe.

Is belli Navarræ finis tunc fuit, Ferdinando gloriosus & apprimè utilis, cum hac ratione universam Hispaniam in unum corpus colligeret: Joanni verò Albretano prorsus exitialis. Deditæ, quæ supererant arces. Pampelona castello munita, adversus externum internumque hostem. Equidem Lautrechius, Aquitanix præfectus, novam expeditionem adornabat. At interim annò 1513. Gallus & Hispanus inducias pacti sunt: ille de Mediolanensi Ducatu, hic de Navarra Regno retinendo sollicitus, nulla Joannis Albretani, aliorumque habita ratione. Atque ita regno extorris in Bearnia sua vixit usque ad annum 1516. quo & antiquus & novus Navarra Rex obiit, coram altiori tribunali causam acturi.

Joan-

Joanni in titulum Navarræ Regis successit *Henricus* filius ; cuius misertus Franciscus I. Rex Galliæ , alioquin Carolo V. ob præ-
reptam coronam Cæsaream infensus, cum is in Germaniam abscessisset, & Hispani, Belgarum dominationem non ferentes, varios tumultus cierent, Navarræ Regnum cum ejus capite Pompeiopoli seu Pampelona (cujus arcem Ignatius de Lojola defenderat) anno 1521. expugnavit, ac Henrico Albretano consignavit. Verum eodem adhuc anno Carolus V. Gallis ultra Pyrenæos ejectis totum Regnum recuperavit. Atque ab eo tempore Navarræ Regnum Hispanorum Regum provincia fuit.

Dictum autem hoc Navarræ regnum, de quo hætenus egimus, trans Pyrenæos in Hispania situm, deinceps fuit *Navarra superior*, de quo nihil nisi titulum retinuerunt Galli. Eæ autem ditiones, quas Albretani in Gallia possidebant, videlicet Albretum, Bearnia, & Eboricensis ditio, *Navarra Inferior* sunt appellatæ.

Henricus Albretanus eo, quem dixi modo, spoliatus Regno, anno 1555. defunctus, uxorem habuit Margaretham; Francisci I. Galliæ Regis sororem, magnam ac liberalem hæreticorum nutricem, quam illi decimam Musam, & quartam charitem appellârunt. Ex ea Henricus unicam filiam *Joannam* genuit; Antonio Borbonio nuptam. Quæ illi præter ditiones, à Domo Albretana in Gallia possessas, in dotem attulit titulum in Navarræ regnum. Et hinc Joanna ista *septima* erat foemina, quæ titulum saltem Navarræ Regni in alienam familiam intulit, nempe *Borbonicam*, in qua hodiedum perseverat.

Porro Joanna cum materno lacte hæreseos venenum suxerat, illoque etiam maritum suum *Antonium Borbonium* infecerat. Verum ille, sive perspecta Hugonotorum fucata labe, sive Regni Sardiniae, aut Navarræ recuperandæ spe, abjuratis Calvinii erroribus, Catholicorum adversus Hugonotos partes amplexus, in obsidione Aureliæ anno 1562. lethali vulnere prostratus, atque in urbem expugnatam Helvetiorum humeris portatus, obiit, fide dubia.

Suscepit ex Joanna Henricum IV. Galliæ postea & Navarræ Regem; quem mater, ex assè Calviniana, eadem hæresi imbuir: quam denique anno 1593. serio ejuravit, Regnumque Franciæ est adeptus, magnus deinceps Religionis defensor. Titulumque (uti etiam omnes ejus successores) *Franciæ & Navarræ Regis* gessit.

ARTICULUS V.

Status Ecclesiasticus ordinatus per Concilia in Hispania sæculo XVI.

Quamvis Ecclesia Hispana sæculo XVI. in communi illa calamitate, regum Catholicorum auctoritate, Episcoporum clerique zelo, atque sacræ inquisitionis vigilantia conservata sit integra, atque in novum etiam orbem in immensum provecta, celebrata nihilominus & hoc sæculo sunt aliqua concilia Provincialia, ad reformandos mores, & disciplinam Ecclesiasticam restaurandam.

§. I.

Concilium Hispalense anno 1512.

25.

Convocatum fuit concilium istud Provinciale à Didaco Deza Archiepiscopo Hispalensi Andalusæ Metropolitano. Is in prima sessione orationem ad Episcopos Suffraganeos, Gadicensem, Malacensem, Sylvensem, Canariensem, Marrvecensem, aliósque Prælatos, de synodorum præstantia, in illa maxime verba: *Ubi duo vel tres sunt congregati in nomine meo, ibi sum in medio eorum.* Publicati 64. canones: quorum hæc summa,

I. De Parochorum Officio.

26.

1. Parochi doceant diligenter mysteria fidei, doctrinam sacramentorum, orationes Ecclesiæ. Adsint hæc in templo descripta in tabula.
2. Cum in provincia Hispalensi plures adsint, à Judaismo & Mahometismo conversi, speciali catalogo illos Parochi annotent, & in visitatione de eorum instructione rationem reddant.
3. Commendatur Parochis diligentia in administrandis Sacramentis, reverentia in deferenda ad ægros Eucharistia &c.
4. Medicis sub excommunicatione præcipitur, ut observent Decretalem cum *infirmis de pœnit. & remiss.* atque ante omnia infirmos moneant de procuranda salute animæ per confessionem &c. aliàs non amplius accedant. Parochi ad ista invigilent.

II. De

II. De pœnis in criminosos latis.

5. Excommunicatio aliæque pœnæ statuuntur in eos, qui utuntur vaticiniis, magicis artibus, sortilegiis, & maleficiis.
6. Singulis annis publicentur censuræ aliæque pœnæ, peccatis publicis, clandestinè contrahentibus, aut in gradu prohibito, statutæ: item in polygamos, concubinarios, usurarios latæ.
7. Urgetur gravibus pœnis præceptum annuæ confessionis & communionis.
8. Statuuntur pœnæ in eos, qui ultra annum perstiterint in excommunicatione contumaces.
9. Executoribus præcipitur, ut diligenter exequantur ultimas voluntates.
10. Commendatur festorum observatio.
11. Statuuntur pœnæ in eos, qui non audiunt Missam majorem, aut non servant jejunia.

III. De Officiis Divinis.

12. In recitatione Divinorum officiorum, ceremoniis, ritibus, omnes Ecclesiæ se conforment Metropolitanæ.
13. Commendatur diligentia, devotio, modestia in choro sub horis canonicis. Tempore Missæ Majoris non celebretur alia Missa, nec colligatur eleemosyna.
14. Tempore Interdicti observetur *cap. alma mater de sent. excomm. in 6.* Missæ & Divina officia celebrentur januis clausis; exceptis diebus Nativitatis, Resurrect. Pentecost. Ascens. Corporis Christi cum sua octava. Baptismus omnibus conferatur, item pœnitentia: evcharistia tantum ægrotis. Extrema unctio nulli. Sponsalia permittuntur, non autem matrimonium. Sacra sepultura solis clericis non conjugatis, qui non fuerint violatores Interdicti.
15. Parochi possunt fungi suis officiis etiam sede vacante, & absolute à casibus reservatis sibi antea concessis, sine nova facultate.
16. In legendis Missis defunctorum voluntas impleatur.
17. Sacerdotes nullum pactum aut conventionem faciant de applicandis Missis, exequiis &c. sed iis peractis detur consueta eleemosyna, ex justitia debita.
18. Extra Ecclesiam Missa non facile celebranda.

19. Ac proin nullus Sacerdos celebret in portatili, nisi privilegium à Papa obtentum ordinarius examinaverit; an non sit ob-vel subreptitiè obtentum.
20. Matrimonia celebrentur in Ecclesia parochiali.
21. Abolentur repræsentationes myſteriorum, Nativitatis, Paſſionis, Reſurrectionis Domini, propter abuſum & ſcandalum infirmorum.
22. Puſus ad ſalutionem Angelicam fiat poſt occaſum ſolis in omnibus Eccleſiis ſimul, præeunte Eccleſia principali.

IV. De vita & honeſtate clericorum.

23. De vita & honeſtate clericorum, præſcribitur modeſtus veſtitus, pallium & collare amplum, corona, capillus brevis, barba rafa: Vetantur veſtes ſericæ, violaceæ, virides, ſaltus, cantiones profanæ, cauponæ. Nec accedant ad locum, in quo currunt tauri, ſub pœna 20. regalium.
24. Clerici in Sacris conſtituti ſaltem in Nativitate Domini, Paſchate, & Pentecoſte confiteantur & communicent. Poſſunt eligere confeſſarium, qui poteſt eos ab omnibus abſolvere caſibus Episcopaliſibus, exceptis per ſaltum ordinatis, aut ſine licentia Prælati, violatoribus Eccleſiæ, ſortilegis, perjuris &c.
25. A fortiori Sacerdotes poſſunt eligere confeſſarium.
26. Concubinas dimittant intra novem dies: aliàs incarcerentur, & tertiam partem fructuum amittant.
27. Clerici non ſint præſentes baptiſmo, matrimonio, aut exequiis ſuorum filiorum, filiarum, aut nepotum, nec illos ſecum ducant: nec legatum aut dominationem faciant ulli mulieri, quam pro concubina habuerant.
28. Clerici ſe non immiſceant negotiationi ſæculari aut mercimonio.
29. Parochi quolibet anno mittant ad ordinarium informationem de vita & moribus clericorum ſuæ Parochiæ.
30. Præcipitur Beneficiatis residentia.
31. Cùm plures Religioſi relictis monaſteriis habitum clericorum ſæcularium induiti involent in Beneficia Eccleſiaſtica, nulli eorum deinceps conferantur: nec admittantur ad celebrationem Miſſæ, niſi geſtent habitum ſui ordinis.
32. Quoniam per interceſſionem magnatum plures indigni ſunt ordinati, deinceps illi, qui interceſſionem ejusmodi procurant, ad ordines decernuntur inhabiles. Ordinandi diligenter exami-

nentur. Nulli dentur Dimissoriales, nisi præsens sit examinatus, nec nisi ad unum tantum ordinem sacrum.

33. Pro ordinibus nihil solvatur, nec pro charta, aut ratione sigilli, vel subscriptionis. Alias restituendum cum altero tanto.

V. De Matrimonio &c.

34. Graviter prohibentur matrimonia clandestina, sub poena excommunicationis & multa pecuniaria.
35. Peregrini ignoti ne jungantur matrimonio sine facultate ordinarii.
36. Præter censuras statuuntur aliæ poenæ in contrahentes cum impedimento,
37. Uti etiam in polygamos,
38. Et blasphemos. (*Statuta ab hoc concilio præter ordinarias poenas canonicas insuper variis criminibus graves multa pecuniaria, quia hæ sæpius magis absterrent terrenos homines, quam spirituales poenæ*)

VI. De Jurisdictione.

39. Qui ob delicta ad Ecclesias confugiunt, in iis modestè ac reverenter se gerant; cum uxoribus ibi nullam familiaritatem aut commercium exerçant. Nec ultra octiduum ibi moretur absque ordinarii licentia.
40. Nullus quæstor aut collector eleemosinarius permittatur ullas bullas, aut indulgentias promulgare, aut ad concionem dicere, nisi exhibitis litteris ipsius Metropolitanæ, quibus iis faciat licentiam. Qui verò pro pecunia certas indulgentias promittunt, incarcerationem, & collecta pecunia sequestro subiiciantur: fraudes etiam omnes & imposturæ quæstorum puniantur. (*Ecce! jam ante adventum Protestantium Hispanensis, uti etiam alia per orbem provinciæ, improbârunt, gravitèrque coërcere conata sunt abusus ejusmodi quæstorum eleemosynariorum.*)
41. Ad obviandum variis fraudibus, decernit S. Synodus, ut nulla mandata cujusvis, qui se dicunt Judices Apostolicos, aut à Pontifice Romano habere potestatem judicandi, aut Beneficia referendi, conferendi &c. executioni mandentur, nisi ab ordinario litteræ & mandata priùs fuerint visa, & examinata.
42. Nullus clericus mittatur in possessionem ullius Beneficii absque mandato ordinarii.

- 43. Nullus clericus extraneus admittatur ad celebrandum, nisi exhibitis litteris ordinarii.
- 44. Cum magna confusio oriatur ex nimia multitudine illorum, qui se dicunt Notarios apostolicos, nullus hoc munere fungatur, nisi prius coram ordinario ratione tituli, creationis, & aptitudinis se legitimaverit.

VII. De Visitatione.

- 45. Singulis annis Episcopi per se ipsos vel alios viros idoneos Diocesisin visitent. Servetur *cap. exigit de censibus*. Ultra procuraciones consuetas ne admittant munera. Ne hospitentur in domibus secularium. Personaliter Ecclesias adeant.
- 46. Nemo praefecturam Ecclesiae gerat ultra duos annos. Coram visitatore, clero, & populi primatibus rationes reddant.
- 47. Fabrica in Ecclesiis nulla suscipiatur absque mandato aut consensu Ordinarii.
- 48. Nihil solvatur Notario pro libro visitationis absque mandato & taxatione provisoris.
- 49. Conficiendus liber authenticus omnium bonorum, possessionum, jurium, ad Ecclesias spectantium. Quia saepius instrumenta contractuum, fundationum &c. perierunt.
- 50. Eucharistia, chrysa, oleum sacrum asserventur loco decenti, & benecustodito. Singulis octiduis renovetur SS. Sacramentum. Corporalia &c. quolibet mense laventur.
- 51. Ecclesiarum ornamenta ad alienos usus ne extrahantur.
- 52. Qui rem Ecclesiae alienaverit, eandem restituat, & insuper in quadruplum condemnetur.
- 53. Ecclesiae ne muniantur instar arcis, castelli, aut munimenti.

VIII. De Immunitate Ecclesiastica.

- 54. Qui Ecclesiasticum comprehenderit, occupaverit decimas aut alios redditus Ecclesiasticos, vel impediverit, sequestraverit vel aliquo modo violayerit eorum jura, sive ad hoc dederit consilium, auxilium &c. ultra poenas in jure statutas, privetur ingressu Ecclesiae, & si ante praestitam satisfactionem decesserit, privetur Ecclesiastica sepultura. Locus autem, in quem praedicta bona devenerint, Ecclesiastico subiiciantur Interdicto, donec integram praestiterint satisfactionem.
- 55. Canon ita habet: *Statuimus, ut in posterum nullus Dominus in temporalibus, nec alia persona, cujusvis status aut conditionis existat*

existat, - - - faciat statuta, aut ordinationes, nec ponat edicta, vel prohibitiones, contra libertatem & immunitatem Ecclesiasticam, directè vel indirectè, faciat contribuere, nec solvere impositiones, & vectigalia Ecclesias, & Monasteria, aut personas Ecclesiasticas; quòdque super hoc non committant, vel committi permittant fraudem aliquam, ut indirectè compellantur ad contribuendum; aliis personæ particulares, quæ fuerint culpabiles in aliquo ex præmissis, volumus & statuimus, ut ipso facto incurrant sententiam excommunicationis. Civitas vero, oppidum, & locus, qui fuerint culpabiles, & in quibus præfati, vel aliqui eorum resederint, subjiciantur Ecclesiastico Interdicto. Quas sententias minimè relaxari volumus, donec satisfecerint. Hæc statuta sunt in Hispania tempore Ferdinandi Catholici,

VIII. De Judiciis.

56. Judices Ecclesiastici causas celeriter expediant, manè & vespèri sedendo.
57. In causis levicis momenti non recipiantur scripturæ, sed expediantur breviter & summarè; in aliis verò causis non plures recipiantur à qualibet parte quàm duæ. Exceptiones fori declinatoriæ aut aliæ dilatoriæ intra octo dies probentur.
58. Cùm causæ matrimoniales sint magni momenti, tractari non debent nisi à peritis SS. Canonum; neque debent subdelegari, sed ab ipsis Judicibus delegatis decidi. Neque receptio & examen testium debet aliis committi.
59. Provisores & Officiales generales non concedant litteras excommunicatorias propter rem levis momenti.
60. Judices nulla recipiant munera, nec retributiones. Alioquin, ultra pœnas à jure statutas, duplo plus restituant, quàm acceperunt.
61. Notarii, & alii ministri tribunalium, non plus exigant, aut recipiant, quàm jure antiquo & consuetudine est taxatum. Hæc taxa in tabula descripta publicè in curia debeat.
62. Pœnæ in quatuor partes sunt dividendæ. Prima cedat Fabricæ Ecclesiæ Cathedralis, altera Fabricæ Ecclesiæ, in qua delinquens est Beneficiatus, aut Parochianus: tertia denuntianti, eique, qui causam prosecutus fuerit usque ad sententiam: quarta operibus piis pro judicio Episcopi.
63. Constitutiones istæ synodales in singulis Ecclesiis descriptæ custodiantur.

64. Approbantur & confirmantur Constitutiones, editæ à Cardinale Didaco Hurtado de Mendoza, Archiepiscopo Hispalensi, de celebratione Missarum, & Sacramentorum administratione.

§. 2.

27.

Constitutiones Didaci de Mendoza Archiepiscopi Hispalensis confirmatæ à Synodo.

1. **M**issa, ubi tres sunt Beneficiati, una dicatur ante solis ortum, ut artifices & mercatores possint accedere, altera circa horam nonam solemniter. 2. Cantentur horæ modestè ac devotè. 3. Aperiantur Ecclesiæ summo manè. 4. Ne pax porrigatur patenis consecratis. 5. Præcipitur nitor corporalium, linteorum, & ornamentorum altaris. 6. In sacrario asservandæ hostiæ rotundæ, singulis 15. diebus renovandæ. 7. Symbolum in Missa cantetur integrum. 8. Clerici intersint Horis & Officio cum superpelliceis, cantent devotè &c. 9. Pervigilia in Ecclesiis propter abusum tolluntur.

10. Cum plures clerici indecenti habitu incedunt, cum capillis effusis, barba proluxa, palliis brevibus & apertis, sine biretis, & aliquando cum vestibus sæcularibus, thoracibus sericis, cingulis aureis & argenteis, annulis, calceis rubris; hæc omnia prohibita sunt. 11. Baptismus ordinarie conferatur per immersionem, non verò per asperersionem.

12. Quia aliqui educantur absque patre, matre & consanguineis, & aliquando dubium est, an sint baptizati, cūque scire oporteat ætatem, & an legitimi sint, præcipuè verò, si ad ordines vel matrimonium adspirent, unde etiam impedimenta consanguinitatis, affinitatis, cognationis spiritualis, scire oportet &c. ideo præcipitur parochis sub poena excommunicationis, ut librum baptizatorum intra 30 dies conficiant, in quo scribat baptizans suum nomen, baptizati, parentum, patrinatorum. Patrini non plures admittantur quàm quatuor, sub poena excommunicationis.

13. In denuntiationibus matrimonii ne dispensetur. 14. Missa ante diluculum ne celebretur. 15. Ne assumantur capellani, nisi sint examinati, & approbati. 16. Pluralitas Beneficiorum vetatur. 17. Distributio fiat tantum præsentibus. 18. Unus sacerdos semper sit præsens in loco. 19. Sacrista omnes Missas, quæ leguntur, annotet. 20. Dum celebratur Missa solennis, sacrum viaticum non deferatur ad ægrotum, nisi in casu veræ & certæ necessitatis. 21. In singulis parochiis præstet tabella, in qua scripti sint excommunicati, ac singulis

lis Dominicis eos Parochus ex hac tabella populo publicè denuntiet. 22. Absolutus ad recidentiam si reincidat, rursus denuntietur. 23. Violantes clausuram Monialium excommunicantur. 24. Ne quis luctus causa deferat prolixam barbam ultra duos menses: quia hic mos est Mahometanorum, à quibus discerni non possent ejusmodi barbati.

§. 3.

Concilium Toletanum anno 1565.

28. **P**ost absolutam Tridentinam Synodum ex ejusdem præscripto hoc Provinciale Toletanum Concilium indixit Christophorus Rogius de Sandoval, Episcopus Cordubensis, senior inter Comprovinciales Episcopos, Concilii Præses: qui in prævia oratione ad Patres afflictum ob irruentes hæreses Ecclesiæ statum describit, ac Tridentinam Synodum laudat, omnesque ad eandem acceptandam servandamque hortatur. In tres autem *Actiones* tota Decretorum series dividitur.

Actio prima.

29. **R**ecitatur & recipitur Decretum Tridentini, quo præcipitur, ut Provinciale Concilium singulis trienniis, Diocesæ verò quovis anno celebretur. Præmittitur dein professio fidei secundum formulam, qua sancta Romana Ecclesia utitur. Indicuntur preces & jejunia pro felici progressu & exitu Concilii: atque ut sententiæ dicantur absque clamore, strepitu, & spiritu contentionis, fit adhortatio.

Actio secunda.

Episcopis præcipitur Residentia in loco Ecclesiæ Cathedralis. Diocæsin quot annis visitent. Mensa eorum sit frugalis, tria vel quatuor fercula non excedens, supellex modesta, conversatio cum piis & doctis. Domestici eorum compositi, sæpius SS. Sacramenta percipiant. Diocæsanam Synodum quovis anno celebrent. Visitantes, præter id, quod jure debetur, nihil accipiant, etiam sponte oblatum. Statuta Ecclesiarum in unum volumen colligi curent. Visitatores, fiscales, & provisores seu Vicarios non alios constituent, quàm sacerdotes. Quolibet mense visitent detentos in carcere.

Judicia Ecclesiastica legitimè instituantur. Promotor fiscalis neminem accuset, nisi quem gravat infamia. Poenæ pecuniariæ in pios usus applicentur. Officia eorum, qui jurisdictioni inserviunt, non vendantur. Officiales diligenter visitentur, & muneris gesti rationem reddant. Clericorum, qui ab intestato decedunt, bona piis usibus addicantur. Pervigilationes nocturnæ in ecclesiis tolluntur: uti etiam mos ille puerilis, festo SS. Innocentum in templo eligendi Episcopum, aliique ludi theatrales, atque spectacula.

Clerici in nullis ludis personam agant. Nunquam larvati incedant. Fœminas vitent. Mensa & supellex sit modesta. Ad Parochias promoveantur per concursum, juxta formam Tridentini. Examinatorum pars tertia sit ex capitulo cathedrali, altera tertia ex Regularibus, tertia ex aliis clericis. Residentia districtè parochis ac curatis præcipitur. Erigantur ex bonis matricis Ecclesiæ curatiæ, ut populus dispersus sacris interesse possit. Præbenda Canonialis primò vacatura conferatur Theologo, qui doceat. Dignitates omnes conferantur Doctoribus in theologia aut Jure Canonico, aut Licentiatibus: uti etiam media saltem pars Canonicatum. Qui post resignationem Beneficii partem fructuum retinet absque permissione Sanctæ Sedis Apostolicæ, vel etiam à sponte dantibus acceperit, eò ipso tam ipse, quàm is, qui post resignationem Beneficium consecutus fuerit, tanquam contra suspectos de Simoniaca pactione procedatur ad punitionem secundum canonicas sanctiones.

Actio tertia.

Episcope publicum archivium habeant, cum inventario omnium rerum, jurium, instrumentorum &c. Nec ulla scriptura originalis inde amoveatur. Episcopus quovis biennio hoc archivum visitet. Non ordinentur, nisi idonei, & quibus statim Beneficium conferri possit. Concionatores procul ab omni ostentatione verbum Dei prædicent, scelera increpent, non personas. Parochi per se ipsos vel alios singulis festis paulò post meridiem pueritiam instituunt Doctrina Christiana; omnes Ecclesiæ Ministri, qui Missam non celebrârunt, Festis Nativitatis, Cœnæ Domini, Pascatis, Pentecostes, S. Petri, Assumptionis B. V. Mariæ, Patrocinii Ecclesiæ, SS. Evcharistiam sumunt ab eo, qui Missam solennem celebrat. Commendatur silentium, modestia, devotio in choro. Tertia pars proventuum ex Beneficii separetur in distributiones quotidianas. His autem careant, qui seriùs veniunt, aut ante finem discedunt.

Capitulorum conventus bis tantùm in hebdomade habeantur, ne
Divina

Divina officia negligantur. Qui vocem non habent in capitulo, non admittantur. Quibus cura pastoralis commissa est, non avocentur officio Judicis ordinarii vel delegati universalis appellationum. Laici choro clericorum psallentium abesse jubentur. Ecclesiæ indigentes ex decimis reparantur: salva tamen consuetudine, si populus concurrere soleat.

Clerici ne sint laicorum oeconomi, aut in foro civili procuratores, sub pœna suspensionis à Beneficio & officio ad sex menses: nisi pietas aliud exigat. Decernuntur pœnæ in clericos concubinarios, usque ad privationem Beneficiorum. Nec domi liberos illegitimos habeant, ne præteritæ incontinentiæ memoriam excitent. Quando ordinarius aliquem ab officio vel Beneficio suspendit, non possunt Canonici vel alii ei negotia capituli demandare, vel de mensa capitulari ei subvenire.

Beneficiati, etiam simplices teneantur tempore quadragesimæ, & quando ob indulgentias est affluxus populi, parochum juvare in audiendis confessionibus. Alioquin ab ordinariis puniantur. Ludimagistri & alii præceptores diligenter instituant pueritiam doctrinâ Christiana.

Qui studiorum causa absentes fructus Beneficii volunt percipere, ab Episcopo prius examinentur, an sint idonei: nec ultra annum sint absentes, nisi Episcopus, visis testimoniis, eis tempus pro roget.

Quando ex præcepto sacra communio est sumenda, à parcho, aut ab alio ipsius parochi aut ordinarii licentia illam suscipiat. Commendatur majorem in modum clausura monialium.

Cùm spectacula, in quibus à plebe in foro vel in circo tauri agitari solent, nequaquam sub votum cadere possint, etiam totius populi consensu edita declarantur irrita, eaque deinceps fieri sub excommunicatione prohibetur. Nec ullus clericus id genus spectaculis interfit. Commendatur Seminarii erigendi cura.

Quia ad corrigendos excessus, reformandos mores, ac restaurandam, si callapsa fortasse alicubi sit, Ecclesiasticam disciplinam sacra synodi more majorum atque ex Tridentini præscripto sint instituendæ, designare oportet pro qualibet Diœcesi viros doctos, qui inquirent, quæ correctione indigeant, eaque ad concilium referant. Designati per singulas Diœceses tales inquisitores.

Denique subscripserunt Episcopus Cordubensis Senior, ac Concilii Præses, Episcopus Seguntinus, Segobienſis, Paletinus, Conchenſis,

sis, Oxomensis, Abbas de Alcala Regali, & Valdesius Cordubensis provisor, Concilii Secretarius.

Henricus Spondanus Apamiensis Episcopus in annalibus suis Ecclesiasticis ad annum 1565. memorat, præter Toletanum, quatuor alia Concilia Provincialia in Hispania fuisse celebrata, videlicet, Salamanticense, Bracarense, Cæsar-Augustanum, & Valentinum; quorum tamen acta juris publici necdum sunt facta. Hinc optandum foret, ut observat Philippus Labbeus, ut revivisceret aliquis Garcias Loaisa, qui Hispanica Concilia à tempore Pelagii Regis, ex Bibliothecis, & Bibliopoliis diligenter educta, publicaret.

CAPUT II.

De Regno Lusitaniæ.

30. **H**ispaniæ olim provincia fuit Lusitania; eadémque cum illa habuit fata, sub Celtis, Carthaginensibus, Romanis, Vandalis, Gothis, ac Mauris, qui ultimi 400. annis eandem possederunt, quamvis Christiani Legionis Reges sæculo VIII. IX. & X. magnopere sint conati, eandem servituti subtrahere. Felicioribus auspiciis res acta est sæculo XI. quippe Ferdinandus I. Castellæ & Legionis Rex anno 1040. Viseum ipsis & Conimbricam eripuit. Cúmque multi exteri, Galli præsertim, Christianis venirent auxilio, atque ad urbem Portum navibus exscenderent, tota provincia dici cœpit *Protugallia*.

Henricus Burgundus. Hos inter nobiles peregrinos erat *Henricus*, Burgundiæ Ducis frater, Roberti Galliæ Regis pronepos, ac Hugonis Capeti abnepos. Huic Alphonsus VI. Ferdinandi I. quem dixi, filius ob præclaram adversus Mauros navatam operam Theresiam filiam suam, impari quidem thoro natam, sed per subsequens matrimonium natalibus restitutam despondit, cum dote earum urbium, quas in Lusitania à Saracenis vindicaverat. Hispani fiduciario duntaxat jure concessas scribunt, directo dominio penes Legionis Reges remanente. Sed Lusitani id inficiantur, atque ab omni clientelæ nexu jam tum fuisse liberas contendunt.

Atque ex tenuibus istis initiis surrexit regnum in extrema ad occiduas plagas Europa, non quidem admodum spatio amplum, sed soli fertilitate, urbium frequentia, portubus, Tagi, Durii, Guadianæ, Mundæ, Minii, aliorúmque fluminum opportunitate, comprimis no-

bile.

bile. Prælongo tractu à Septentrione Gallæciam, ab Ortu Legionem, Castellam, Extremaduram, & Andalusiam attingit, ab Occidente verò & Meridie Oceanum allambit, auspicatis navigationibus in omnes quatuor orbis partes se diffusurum. Quamvis autem de hoc regno in superioribus sparsim sit facta mentio, placet tamen hic schemâ aliquod colligere.

ARTICULUS I.

De Lusitania sub Regibus usque ad sæculum XVI.

Henricus Burgundus, acceptis in dotem iis Lusitaniæ urbibus, quæ eo usque in Christianorum potestatem venerant, ^{31.} ^{Alphonfus} ^{I. Rex.} nimbrica videlicet, Viseo, Bracara, Portu, Lameca &c. expeditionem sacram post mortem Bullionii in Palæstinam suscepit. Indéque redux obiit anno 1112. Filius ejus *Alphonfus I.* comprimis memorabilis, usque ad annum 1139. Comitis titulo patris exemplo usus, vitricum suum matrémque, tumultum molientes, acie victos, carcere coërcuit: represso Castellano, qui illis auxilio venerat. Tum verò in Mauros conversus, qui pleraque Lusitaniæ adhuc tenebant, licet non plures, quàm 12000. sub signis haberet, quinque eorum Reges, exercitum 400000. militum adducentes, ingenti prælio profligavit (anno 1139.) Rex propterea acclamatus à victore exercitu, ^{Victoria.} à quinque devictis Regibus novi Regni insignia hausit, quinque scutis clypeo cæruleo impressis.

Anno 1147. ipsam *Olyssipponem*, urbem Lusitaniæ principem, ope classis in Palæstinam tendentis, Saracenis eripuit, futuram deinceps sedem regiam, ac florentissimum commerciorum emporium: Patriarchatu, Archiepiscopatu, & Academia hodie celebrem (anno 1166.) Accessit *Ebora*; quam per se ipsam conspicuam, Archiepiscopatus deinceps & Academia amplius nobilitavit. Cùm autem Pacem Augustam tentaret, à Legionis Rege captus, libérque dimissus sub conditione clientelari obsequii, anno 1181. Feliciter iterum in Mauros irruit, reportata insigni ab Hispalis Rege victoria. Pleniusque tandem uti annis ita adoleis obiit anno 1185. ætatis 91. regiminis 73.

Sanctius I. ejus filius anno 1188. rursus auxilio classis cruciatæ ^{Sanctius I.} in Palæstinam transeuntis *Sylvas* expugnavit, Algarbiæ Regni tunc temporis primariam urbem geminæ ejus filix, altera nupta ^{Alphon-} ^{so IX.}

Alphonfus
II.
Alcafaria.

fo IX. Legionis, altera Henrico I. Castellæ Regi, factò propter con-
fanguinitatis impedimentum Pontificis voluntate divortio, mona-
sterium ingressæ sunt. Obiit Sanctius anno 1212. æt. 58. regni 26.
Alphonfus II. Crassus, propter abdomen ita appellatus, anno 1217.
adjuvante Christiana classe, rursus è Belgio per fretum Gaditanum
in Orientem navigante *Alcafariam* in Regno Fessæ expugnavit. Est-
que hæc prima urbs, quam Lusitani occupârunt in Africa, semen ve-
lut palmarum, in ea orbis parte metendarum. Alphonfus ann. 1223.
defunctus ætat. 38. reg. 12. duos reliquit filios: primum *Sanctium II.*
qui turbarum pertæsus post vigesimum regni annum, abdicata coròna
terrestri, monasterium Toleti ingressus est, ut cœlestem securius in-
veniret: alterum *Alphonsum III.* quem Lusitani, regnante adhuc San-
ctio fratre, quem inertem judicabant, Regem declarari ab Innocen-
tio IV. Lugduni tunc commorante, missa legatione petierunt. Ve-
rùm ut Sanctio Regnum adimeretur, impetrari non potuit. Id so-
lummodo concessum est, ut Alphonfus ejus nomine, dum viveret,
Rempublicam administraret. Exstant de hac re ipsius Innocentii
litteræ ad Proceres Lusitaniæ: quæ est *capit. grandi 2. de supplend.*
neglig. Prælat. in 6.

Flectii fi-
des.

Verùm non omnium Lusitanorum eadem erat mens. Conimbrica
præsertim se opposuit; cujus Gubernator Martinus Flectius à multis
scriptoribus, celebratum edidit specimen invictæ fidei, nam urbem
ad extremam licèt inopiam redactam, dedere tamen Alphonso recu-
savit; morte etiam Sanctii, cui fidem juraverat, nunciata. Cogni-
turus enim veritatem Toletum eundi veniam ab Alphonso petiit.
Dat ille, suspensa interim oppugnatione. Flectius Toletum delatus,
aperto Regis defuncti sepulchro, Conimbricensis urbis claves manibus
ejus inserit his verbis: quamdiu Rex vivere te judicavi, extrema
omnia sum perpeffus. Coriis famem toleravi, sitim lotio. Alphon-
so fratri tuo ne amplius resistent cives, quos hætenus continui, te
concedente auctor ero. Rediit Conimbricam, eamque tradidit.

32.
Interdi-
ctum.

Alphonfus Matbildem conjugem suam repudiavit, duxitque Al-
phonfi X. Castellæ Regis filiam naturalem, cum dote *Algarbiæ*, eos
inter priùs controversæ. Monitus ab Alexandro IV. ut ad primum
conjugium redeat, sed parere recusans diris devovetur, totumque
Regnum Interdicto subjicitur: quo 12. annos permanfit illigatum.
Dum neque Rex mutat, neque Pontifices cedunt, innocente populo
Principis sui improbitatem & contumaciam luente. Scribitur, cum
ex priori uxore suscepisse filium Robertum: ex quo descendens Ca-
tharina Medicæ Regina Galliæ anno 1580. Lusitaniæ coronam præ-
tendit.

tendit. Obiit Alphonsus, Algarbia ex Maurorum manibus extracta, anno 1279. æt. 69. reg. 35.

Successit *Dionysius*, ex secunda conjugē susceptus; qui anno 1290. celeberrimam Conimbricæ Academiam fundavit: cives artibus, paganos agriculturæ, omnes laboribus ita assuefecit, ut toto regno nemo mendicaret. Conjugem habuit *S. Elisabetham*, Petri III. Aragoniæ Regis filiam, pecuniis in rosas, aqua in vinum conversa, sanatis agris, aliisque prodigiis claram. Aulicus alterum de nimia familiaritate cum ea apud Regem criminabatur. Rex jubet calcario primum ex aula ad se venturum in fornacem calcariam iniicere: accusatus missus in via Missam audit: accusator avidus accurrit, correptusque à calcario in fornacem ardentem iniicitur. Obiit *Dionysius* optimè de regno meritis anno 1325. æt. 64. reg. 46. ex concubina reliquit Sanctum Comitem *Albuquerqueum*: ex legitimo verò thoro ei natus est

Alphonfus IV. qui anno 1340. pars magna fuit ingentis prælii, ad Tariffam cum Saracenis commissi, quo 200000. Barbarorum cæsa dicuntur. Discordias eum inter & socerum Castellæ regem exortas *S. Elisabetha* mater pacavit. Obiit anno 1357. æt. 67. reg. 32. Multas ei molestias intulit filius *Petrus Crudelis*, qui patre infcio sibi nuptiali fœdere junxit Agnetem de Castro, è gynecæo puellam. Hac patris jussu à sicariis perempta, actus in furorem filius arma in patrem parabat. De cætero cum laude rexit, *Crudelis* cognominatus ob rigorem justitiæ. Ubi observatu dignum, tres eodem tempore *Petros* in Lusitania, Castella, & Aragonia regnasse, omnesque tres, ex diversis licet causis, *crudeles* cognominatos. Obiit 1367. æt. 47. reg. 10. Reliquit ex *Laurentia* concubina *Joannem* notum, magnam deinceps barbarum sementem:

Ex iusto verò matrimonio *Ferdinandum*, qui florentissimum Regnum pene evertit. Nam defuncto Petro Crudeli Castellæ Rege absque legitimis liberis, jure materno Regnum illud ad se pertinere arbitratus, gravissimum bellum gessit cum Castellanis, qui armis & fortuna superiores ipsam etiam Olyssiponem obsederunt. Adhæc *Tellesiam* Acunio marito rapuit, & ex eo adulterio genuit *Beatricem*, quæ *Joanni I.* Castellæ Regi ea conditione nuptui est data, ut liberi ex eo matrimonio nascituri Castellani & Lusitani Regni hæredes essent. Ex quo factum, ut dum *Ferdinandus* hætenus Castellam sibi vindicasset, deinceps Castellanus vice versa Lusitaniam sit vindicaturus.

Nam Ferdinando (anno 1383. *et. 44. reg. 16.*) mortuo absque legitimis liberis, Beatrix ejusque maritus Joannes I. Lusitaniam petebant, tum sanguini debitam, tum pactis dotalibus sibi promissam. At totis viribus se opposuerunt Lusitani: Beatricem ex adulterio esse conceptam, ac proin juris hæreditarii incapacem: pactis verò nuptialibus non aliud esse transactum, quàm ut liberi ex Beatrice & Joanne nascituri in Lusitania succederent: nullos verò ex eo matrimonio natos esse liberos (uti nec postea nati sunt) Elegerunt igitur Lusitani sibi Regem *Joannem* Ferdinandi fratrem nothum, ex *Laurentia* concubina à *Petro Crudeli* susceptum. Igitur Castellanus armis jus suum persecuturus, cum exercitu in Lusitaniam irrupit anno 1385. & *Olyssiponem*, at incassum obsedit. Anno verò sequenti memorabili prælio fusus, fugatusque est ex Lusitania. Imò anno 1387. Lusitani Anglis juncti in Castellani Regnum irruentes, eas in angustias Regem conjecerunt, ut anno 1388. abdicatis suis juribus Joannem nothum Lusitanix Regem agnosceret, pace ea conditione impetrata. Atque hac ratione mutux vices sunt redhibitæ. *Henricus* nothus Lusitanos à Castellæ throno, & *Joannes* nothus Castellanos à Lusitanix corona exclusit.

Bellum
cum Ca-
stellanis.

34
Septa

Madera.

Atque hoc pacto *Joannes I.* Lusitanix Regnum adeptus, strenuè illud gubernavit. Bello cum Castellanis recrudescente per inducias pacato, in *Matros* felicius arma vertit, eisque anno 1415. *Septam* (*Ceutam*) per filios suos eripuit. Ex his unus *Henricus*, mathematicis disciplinis probè imbutus, ac navigationibus assuetus anno 1420. *Maderam* Insulam in mari Atlantico detexit. Obiit *Joannes I.* an. 1433. *et. 76. reg. 48.* Reliquit sex filios, *Eduardum*, *Petrum*, *Henricum*, *Joannem*, *Ferdinandum*, ex justo thoro, ex sequiore *Alphonsum Bragantix Ducem*, cujus posterì thronum aliquando conscenderunt.

Expeditio
Africana
infausta.

Eduardus quinque tantum annos regnavit, calamitatibus uberes. Nam quinque ejus fratres, magno animo Principes, cum Lusitanix angustix eorum spes non implerent, prolaturi in Africam imperium, cum cruce signatis, quibus *Eugenius IV.* peccatorum veniam concesserat, anno 1437. expeditionem suscipiunt: sed plane infaustam. Nam 6000. militum navibus impositis *Septam* appulsi, *Tingim* (*Tanger*) ad fretum *Herculeum* urbem, à qua olim *Fessæ* & *Maroccii* regnum *Mauritania Tingitana* est appellatum, oppugnare decernunt. Verum *Phutensis* & *Maroccii* Reges alisque *Africani* Principes cum innumerabili Barbarorum multitudine auxilio accurrunt, confertoque prælio Lusitanos ad pacem flagitandam co-

gunt.

gunt. At illi pacem negant, nisi Septa reddita, tota Africa decedatur. Grave id erat, neque in eorum potestate: pollicentur tamen, modò incolumibus abire liceat. Dati obsides, ipse Ferdinandus Princeps, alique viri primarii. Dimissi reliqui in Lusitaniam redierunt. Rex Eduardus ratas habere eas conditiones noluit; lucrent obsides, quæ inconsultò tentassent, & temerariè promississent. Relicti igitur in carcere. In quo Ferdinandus illuvie contabuit anno 1443. sexto captivitatis. Sepulchrum ejus Fessæ loco sublimi monstratur; erectum de gente Christiana trophæum. Adhæc pestis atrox per Lusitaniam grassata ipsum etiam Eduardum corripuit *an. 1438. æt. 37. reg. 5.*

Filium reliquit unicum *Alphonsum V.* sexennem puerum (quem jam antea *Principem Portugalliæ* appellari voluit) sub tutela matris Eleonoræ. Verùm provinciales ea domum remissa, Petrum Alphonfi patrum tutorem constituunt. Qui decem annos eo munere gnæviter functus, Alphonso, sexdecim tunc annos nato, & Regnum, & filiam suam uxorem tradidit. Sed remotus à gubernaculo, atque Conimbricæ privata vitæ se dedens, malorum hominum suggestionibus à Rege, & cliente, & nepote, & genero, insidias passus, cùm Olyssiponem occupaturus militem duceret, certamine commisso interfectus est (*anno 1449.*) Negata diu mortuo sepultura. Anno sequente pariter Isabella Petri filia, Regis conjux in æore haud dubiè ob necem paternam extincta est. Jacobus Petri filius in prælio captus, Romamque missus, purpura donatus est.

Diuturna in Lusitania pax has turbas excepit; nam Alphon-
sus ætate confirmata sapienter rempublicam gessit: bello postea V.
Maurico felicior quàm Castellano. Nam cùm Calixtus V. ad expeditionem in Turcas adornandam eum esset cohortatus, huic operi immortalis est; malueruntque complures Christiani Principes adversum se ipsos, quàm Christianæ fidei hostes, bella gerere. Alphonso tamen milites, quos ad bellum sacrum conduxerat (cusa tunc etiam primùm inoneta *cruciata*) in Africam duxit, atque Tin-Tingis-
gim, frustra aliàs tentatam, Saracenis eripuit (*anno 1458.*)

Gravissimo dein ætate jam devexa bello implicitus cum Castellanis (quod *part. 6.* in Castellanis retuli) nam Joanna ejus soror nupta fuerat Henrico IV. Castellæ Regi. Hoc mortuo ingens de regno contentio. Pepererat Joanna filiam, quæ pariter *Joanna* est dicta: quam multi Henrico Regi, quem impotentem credebant, suppositam existimabant: atque *Isabellam*, ejusdem Henrici sororem

hæredem regni declarabant. Opposuit se pro nepte sua Alphonsus V. Rex Lusitaniæ, bellòque Castellanis illato victus recessit; frustra appellato de auxiliis Ludovico XI. Galliæ Rege anno 1480. pacem iniit: qua Castellam Isabellæ & Ferdinando Catholico liberam reliquit, desponsa tamen Isabella, eorum primogenita cum Alphonsi ex filio nepote. Qui tamen nono ætatis anno mortuus, spes Lusitaniæ destituit.

Obiit Alphonsus V. anno post pacem initam proximo 1481. æt. 49. reg. 43. præcipua animi pietate, captivis liberandis, qui vincti in Africa detinebantur, magnam vectigalium partem impendit: mansueta atque pacata præditus indole, aulicorum tamen fluctibus obnoxia.

35. Lusitaniæ regnum *Joannes II.* à morte patris suscepit, ab ani-
 Joannes II. mi præstantia & rerum gestarum gloria cognomento *Magnus*. Gra-
 ves simultates cum Castellæ Regibus per totam vitam, quas pater
 simplicius, ipse callidiùs eoque implacabiliùs, exercuit. Odium in
 Proceres vertit, quos Castellæ rebus favere suspicabatur. Judicio-
 rum severitas, in ditionibus etiam Regulorum per lictores insontes
 exercita, adeò multorum animos à Rege alienaverat, ut armis vin-
 dicanda privilegia, majorum meritis data, decernerent. Factio-
 nis istius seditiosæ capita erant Ferdinandus Dux Brigantinus, & Ja-
 cobus Visei Dominus, Regii sanguinis Principes: quos multi ex pri-
 Conspira- tio detecta. mariis familiis Proceres, Ecclesiastici etiam ordinis, sequebantur.

Atrocis conspiracy indicium hac occasione factum. Conven-
 tus Regni omnino frequentes Rex Eboræ celebrabat. Procerum in
 iis libertas constricta lege. Querebatur *Brigantinus*. Excutiuntur
 tabulæ, Regumque Diplomata, Brigantinis Ducibus data. Inve-
 niuntur in iis instrumenta ac consilia, cum Rege Castellæ inita, Rei-
 publicæ exitia: atque ad Regem deferuntur. Rex Brigantino
 amicè exprobrat, condonátque. Negat ille facinus. Si falleret,
 dira caput suum imprecatione execratur. Omnia ad simulationem
 composita. Animum Ducis non mutat Regis benevolentia; qui te-
 stes perfidiæ litteras clàm habebat. Novo indicio deteguntur vetera
 Tragedia. consilia cum Castellæ Rege repetita. Constringitur vinculis Briganti-
 nus, atque prolatis tabulis majestatis damnatus, capitis supplici-
 um subiit, (anno 1483.) cum sex aliis nobilibus Lusitanis, consor-
 tibus sceleris. Fratres ac filii Brigantini in Castellam fugiunt.

Sed necdum sedata perfidia. Licet enim Visei dux propter
 ætatem teneram sit donatus venia, animi tamen conjuratorum nec
 prio-

priori severitate, nec recenti clementia moventur. Sed clanculum cœtus agentes, temporum conditionem acerbè conqueruntur, servituti proximam: paucorum dominante potentia, reliquos vulgus esse sine auctoritate. Brigantinum, quoniam eam indignitatem ferendam non putasset, capitelluisse: ejus exemplum ad singulos posse recidere: eadem cæde expiandam. Rege autem sublato, Regnum Viseo decernunt. At dum tempus rei perficiendæ expectatur, Regi conjuratio detegitur. Impii Regem templo egressum perimere parabant. At ille vitato periculo, Viseum ad se accersitum pugione confodit; illud modò fatus: ito, Brigantino renuntia exitum conjurationis, ab ipso inchoatæ. Erat Vileus 20. annorum Juvenis, Emmanuelis, qui postea regnum est adeptus, frater senior: cui Rex omnia perempti fratris bona attribuit. Ex conjuratis aliis nonnulli capti. Eboræ Episcopus cum aliis in Castellam aufugit. Ea merces ac finis tetraë conspirationis. Exules postea ab Emmanuele Rege sunt patriæ & fortunis suis redditæ.

Joannes, supplicio de fontibus sumpto, magna cum laude Regnum gessit, ac fundamentum jecit quæstuosis in Indiam navigationibus, itinere usque ad *Promontorium Bonæ Spei* aperto, ut postea *Promontor* prolixius memorabitur. Ut tamen Italico bello adversus Franciam *rium Bonæ Spei* se implicaret, nulla Ferdinandi Catholici hortatione adduci poterat, *Spei*. amicitiam à multis annis cum Gallo stabilem excusans. Et erat Pontifici subiratus: à quo impetrare non potuerat, ut Georgium ejus ex impare thoro filium diceret legitimum. Deliberatum siquidem habebat, præteritis legitimis patruelibus, eundem ex asse hæredem scribere. Cùm autem facilè prospiceret animo, quantos ea res motus esset concitatura, mutata sententia, Emmanuelem patruelem suum, perempti Visei fratrem testamento designavit, substituto Georgio filio, si eum contingeret sine prole decedere. Interim verò eundem Emmanueli commendatum Conimbricæ Ducem nominavit.

His ultima voluntate dispositis obiit *anno 1495. æt. 40. reg. 14.* clementia, pietate, severitate in fontes, ingenio sublimi ac præstanti, tenaci ac fideli memoria, cæteros sua ætate Reges exæquavit, plures etiam superavit. Symbolum ejus erat Pelicanus, sanguine prolecto pullos nutriens, cum Lemmate: *Pro lege & grege.* Sacerdotii cultor erat eximius: manus eas veneratus, quæ & absolutionem à peccatis, & Christi corpus sibi impertirent.

ARTICULUS II.

De Rebus Lusitaniæ sæculo XVI.

36.

Joanne II. magno bonorum luctu extincto, aliqua de successione erat contentio. Alphonsus filius nono ætatis anno decesserat quadriennio ante patrem. Georgium superstitem excludabant natales. Maximilianus Cæsar Emmanuelis patruelis, regnum sibi deberi putabat. Natus siquidem erat ex Eleonora, Alphonsi V. sorore natu maxima, Joannis II. amita: Emmanuel verò ex Ferdinando, Alphonsi fratre juniore, Joannis II. patruo. Contendebat igitur Cæsar, in pari propinquitate priorem spectandam lineam, sive ex foeminea sive ex virili collateralis linea descendat. Se igitur Eleonoræ senioris filium præhabendum Ferdinandi junioris filio.

Emmanuelis
regnum.

Gama
Albuquerque
quius

Emmanuelis causam gentis studia evicerunt, præclaræque doctes corporis & animi, quibus nulli ea ætate Principi concedebat. Igitur Emmanuel proclamatus Rex Lusitaniæ more majorum regni ordines ad generalem conventum convocavit: ubi Georgium defuncti Regis nothum paterno amplexu excepit. Simulque per Legatos Europæ Principibus inaugurationem suam nuntiavit. Judæis ex Hispania pulsas amplior aliquantò permissa libertas. Decreta in Africam auxilia, ubi, ut aliàs memoratum, Joannes I. Septim, Alphonsus V. Tingim & Arcillam ad Oceani littora Mauris abstraxerant. Menesius Arcillæ Præfectus communicato cum Tingitano Præfecto consilio, insignem de barbaris victoriam reportavit. *Vas-*
scus Gama dein classi à Rege præfectus, Promotorum Bonæ Spei prætervectus, ipsamque adeò Africam, ad Malabares Calecutum usque penetravit. Quem postea secutus *Alphonsus Albuquerque*, qui extructa in Sinu Persico *Ormo*, anno 1510. *Goam* cepit: futuram sedem Lusitani Proregis: excitatis pluribus variis in locis munimentis: ut pluribus de rebus Indiæ Orientalis diceretur.

Ægerrimis equidem oculis hanc Lusitanorum per vastum Oceanum navigationem & cum Indis commercandi opportunitatem aspexerunt non tantum Veneti sed etiam Ægyptii: quorum quæstuosa commercia magnum hac novitate vulnus accipiebant. Quippe eò usque Ægyptii aromata aliàsque merces Indicas per mare rubrum Alexandriam deportare consueverant: inde verò Veneti per Medi-

ter.

terraneum & Adriaticum eas devexerunt Venetias : ab ea verò ur-Lis denayibe, quà mari quà terra, in omnes Europæ regiones fuerant propagatione. motæ, ingenti & Alexandrinorum & Venetorum proventu. At verò per Lusitanos commerciorum alveo mutato, faciliè videbant pristini mercatores, monopolium suum in Lusitaniam transferendum, suâque commercia in immensum minuenda. Quare Veneti, maximè rem suam agi cernentes, non tantum Ægyptios sunt hortati, aliòsque Africæ incolas, ut Lusitanis resisterent, sed ipsis quoque Indiâ metalla subministrârunt, in tormenta adversus Lusitanos, fundenda. Sed omni industria superior erat Lusitanorum constantia.

Qui vasta cogitatione, sub Emmanuele gloriosissimo Rege, omnes orbis partes complexi, non Orientales duntaxat Indias, magnam partem suis usibus servire coegerunt; sed ad Occiduas etiam solis plagas classe in Americam sub *Alvaro Caprali* emissa, Brasiliam ^{Capralis,} occuparunt (anno 1500.) Ex qua utraque, & Orientali & Occi-^{Brasilia.} dentali fodina, tantæ Portugalliæ sunt opes partæ, ut aurea Emmanuelis tempora dicerent. Ne autem Hispani ac Lusitani novos inventos orbis sibi præriperent, jam antè Alexandri VI. summi ^{Papæ deci-} Pontificis arbitrio cautum est, ut Hispani 180. graduum itinere ^{sio.} maritimo ad Occidentales plagas navigarent, Lusitani verò totidem in Orientales: nec alter in alterius tractum irrueret: ac proin pars utraque absque alterius obice intra terminos suos infideles subigeret, & ad Christi jugum suave adduceret. Qua de re Bellarminus *lib. 5. de Rom. Pont. cap. 2.* ait: *non eo consilio id factum (à Papa) ut Reges isti proficiscerentur ad debellandos Reges infideles novi orbis, & eorum regna occupanda, sed duntaxat, ut adducerentur eo prædicatores fidei Christianæ, ac protegerent ac defenderent, cum ipsos prædicatores, tum Christianos, ab eis conversos. Et simul ut impediret contentiones & bella Principum Christianorum, qui in illis novis regionibus negotiari volebant.*

Quod ut majori utriusque gentis amicitia nexûque propinquitatis eveniret, actum de conjugali fœdere. Emmanuel Rex primò sibi despondit Isabellam, Alphonsi Portugalliæ olim Principis Sponsam, ea tamen lege, ut Judæos ad exemplum Hispaniæ Lusitania Judæi pelleret. Impuberes igitur iis abrepti christiana fide sunt imbuti, pulsique reliquis aut religionem mutare, aut solum vertere jussis. Quo modò alii discesserunt, alii conversi, partim seriò: partim ex simulatione.

Ut autem hanc conditionem vectigalibus suis, ut rebatur inimicam, iniret, persuasit *Isabellæ*, Ferdinando Catholico prognatæ, felix tunc conditio. Nam Joanne ejusdem Regis Catholici filio unico, præmatura morte abrepto, *Isabella* primogenita totius Hispaniæ declarata fuerat hæres. Et fœcundum erat Emmanuelis cum *Isabella* matrimonium, nato *Michaële* in spes Hispaniæ & Lusitaniæ conjungendæ. Sed Princeps hic binus obiit, matrem in partu defunctam secutus. Uterque dolor maximè ad Emmanuelem Regem pertinuit, & maritum, & patrem. Hispaniæ jus ad alteram Ferdinandi Catholici filiam Joannam, Philippo Austriaco nuptam, est devolutum, quæ eodem anno (1500.) Carolum peperit, quo *Michaël* obiit. Necdum tamen Emmanuel Hispaniæ spem posuit: sed *Mariam* duxit anno 1500. ejusdem Ferdinandi Catholici tertiam filiam, prioris suæ uxoris, prius jam cognitæ, sororem, adeoque primo affinitatis gradu sibi conjunctam. Ex qua multa quidem eidem proles: sed multa pariter Philippo Austriaco ex Joanna seniore spes omnes præcidit Lusitanorum.

Spes fracta.

Obitus

Emmanuelis.

Obiit Rex Emmanuel anno 1521. æt. 52. reg. 26. postquam Regnum domi compositum atque eximie florens, in Africam, Asiam, & Americam, ingenti terrarum tractu, & opum accessione protendit, Princeps pace & bello summus, ulteriorique ætate multò dignissimus. Thori conjugalis, ferme contra morem illius ætatis Principum, custos erat integerrimus: atque ex primo matrimonio cum *Isabella*, Ferdinandi Catholici filia, in spem utriusque regni, quod dixi, *Michaëlem* suscepit: ex altera prioris sorore nati sunt ei octo liberi: Joannes III. qui ei successit: *Isabella* Carolo V. Cæsari nupta; (ex qua natus est Philippus II. Hispaniæ Rex, cum jure in Lusitaniam: quam propterea consecutus est postmodum) *Beatrix* Caroli III. Sabaudia Ducis conjux: *Ludovicus Dux Pacis Juliae (Bejæ)* qui ex concubina genuit Antonium, magnarum postea turbarum fomitem. *Ferdinandus* & *Alphonfus* cœlibes obierunt. *Henricus* Cardinalis Rex aliquando futurus. *Eduardus* Dux Vimarinus (*Guimaranes*) ex quo *Maria*, *Alexandro Farnesio* nupta, & *Catharina* Ducis *Brigantini* uxor. Unde utrique prætenso in Lusitaniam, uti postea videbimus.

37.
Joannes.
III.

Joannes III. dignus tanto parente filius: major etiam religione: quam per utramque Indiam summopere promovit, misso ad illas gentes barbaras convertendas *S. Francisco Xaverio* ejusque sociis, quorum ope innumerabilem hominum multitudinem christianè credendi vivendique principiis imbuit: quo pacto plurimas barbaras

gen-

gentes devictas in libertatem Filiorum Dei asseruit. Dúmque Carolus V. & Franciscus I. ejus coævi, aliique per Europam Principes Religio in cruentis inter se bellis, vel nullo vel modico sæpe tantarum concuss-
 fionum pretio, pertinaciter decertârunt, ipse 35. annis domi in florenti pace, foris gloriosus, Indiarum opibus, & solatio plenis animarum spoliis, quiete fruebatur, Lusitania ad felicitatis apicem provecta. Ejus auspiciis detecta Japonia, multarum deinceps palmarum messis.

Obiit pientissimè, uti vixit, anno 1557. æt. 55. reg. 35. Regum omnium faustissimus; modò numerosior ei proles stirpem in ævum propagaret. Nam ex Catharina Caroli V. sorore duas tantum proles suscepit, *Joannem*, & Mariam Philippo II. Hispaniarum Regi nuptam; ex qua Carolus, patris dolor. *Joannes* ante patrem obiit anno 1554. relicto tamen ex Joanna uxore, Caroli V. filia, Sebastiano, primùm post mortem patris, in lucem edito. *Sebastianus* igitur posthumus, tantas in spes natus, tertio jam vitæ anno Joanni III. Avo in Regno successit, sub tutela primùm Catharinæ aviæ paternæ, quam tamen Henrico Cardinali, defuncti Regis fratri, cedere debuit. At Princeps, animo præcellenti, ingenio vivaci, indole optima, jam decimo quarto ætatis anno Regni habenas ipse moderari cœpit. Eluxit in eo, sub Ecclesiasticorum ferme disciplina educato (informatore præcipuo Ludovico Gonsalvio, viro integerrimo) spiritus planè igneus, ex lectione expeditionum bellicarum avi sui Caroli V. magis accensus: ingens fidem Christianam apud gentiles propagandi ardor; diciturque cogitationem suscepisse eundi in Indias, ut præsens tam sanctum opus efficacius promoveret. Sed fatum, nescio quod, vernantem hunc florem summo omnium dolore, extinxit, totamque Lusitaniam, florentem adeo hætenus in extremum luctum, calamitatemque præcipitavit. Ita res habet.

38.
Sebastia-
nus.

Mahometes, à patruo suo Malucco Regno Fessæ & Marocci deturbatus, auxilia à Rege Sebastiano petiit. Qui ardore juventutis flagrans, optimam occasionem se nactum ratus, & Regem extorrem reponendi in solium, & Regnum Christi eas inter gentes proferendi, expeditionem suscipere decrevit. Multi, (præsertim Ecclesiastici) quos maturius judicium collectaque usu prudentia præ reliquis commendabat, omnibus rationum momentis dissuadebant: aleam discriminis plenam suscipi: instabilem ac fluxam esse Barbarorum ac præcipuè Maurorum fidem. Quid? si interim discordes Africæ Principes, dum externos venire cernunt, inter se transigant? si undique collecti insidias gens dolis assueta tendat, viarumque ac locorum ignaros caudinis veluti furcis concludant? si aperto etiam Marte con-

Dissuasio
expeditio-
nis.

fligendum, viarum itineribus lassatis depugnandum cum infinita undique accurrentium Mahometanorum multitudine. Timendum omnino, ne Ferdinandi Principis, à Barbaris circumsepti captique, exemplum innovetur.

Minimè autem ab ipso Rege suscipiendam hanc expeditionem, cujus vitâ vertatur salus Lusitaniæ. Prima eum florere ætate; necdum Regni hærede esse provisum. Quid si, quod Deus avertat! sinister incurreret fortunæ casus? quantæ Regnum florentissimum involuturæ forent ruinæ? Præter Henricum Cardinalem, ætate devexa senem, ipsûmque Regem, nullum superesse virilis stirpis; devolvendam Lusitaniam, cum India & Brasilia, ad Principes exteros; quanta orbæ gentis calamitate, facile quemvis æstimaturum. Si constitutum Regi, exulem restituere Maurum, mitteret Ducem cum milite, personam suam Regno debitam sacram habeat.

Pugna infelix.

Verùm Sebastianus Rex præservidæ indolis, ardorisque innati impetum secutus, spretis prudentiorum consiliis, in suum interitum raptus, cum 15000. armatorum, totius Lusitaniæ viribus, in Africam properat. Mahometes cum totidem ferme copiis ei conjungitur. Maluccus, quamvis æger corpore, aciem ex adverso instruit. 4. Augusti anno 1578. conseritur atrox pugna: secunda initio Lusitanis fortuna, tum verò maximè adversa. Cùm enim itinere fessi, & siti aridi adversus quiete resectos, & loci opportunitate munitos, & numero prævalidos, fortius quàm prudentius pugnarent Lusitani, fuso primùm dextro cornu, tum etiam, desperata victoria, sinistro perrupto, Rex in eo fortissimè dimicans, captus, & cùm duo milites de captivo certarent, à centurione superveniente acinace, ut fertur, percussus, miserè interiit, inspectante Nunnio Mascarenia, qui frustra ad eum defendendum accurrerat. (1578. æt. 24. reg. 21.) Mahometes fuga in paludem illapsus suffocatus est. Maluccus morbo tempore conflictus obiit, morte tamen ejus clam habita. Cum Rege Sebastiano tota nobilitas, quæ ex tota Lusitania aderat præcipua, totusque ferme exercitus, aut in acie cecidit, aut captus est, aut fuga periit.

Clades Regis.

39.
Henericus Rex.

Tantam certè cladem à sua origine passa nunquam est Lusitania: florens antè longa pace, divitiis affluens, nobili sanguine præfulgens, Regum indigenarum majestate superba: jam ubique lachrymæ, luctus, ejulatio. Solymæ desolata, mœrore confectæ, ac lamentantis prophetæ species præferri visa. *Henricus Cardinalis* Sebastiani propatruus, Emanuelis filius, Joannis III. frater, unus ex stirpe Regia, 66. annorum senex, supererat. Is in tam tristi rerum facie,

facie, languente licet atque morboſo eſſet corpore, regnum afflictum capeſſivit. Cernensque, tum ob ſtatum tum ob eſtoetam ætatem, omnem ſtemma propagandi ſpem ſibi ademptam, ne poſt mortem ſuam omnia miſcerentur, omnes Olyſſiponem evocavit, qui jus aliquod in Luſitaniam ſibi vindicarent. Septem omnino erant competitors. 1. Philippus II. Rex Hiſpaniæ, ob matrem ſuam Iſabellam Competi-Henrici ſororem primogenitam. 2. Emmanuel Philibertus Dux Sa-toræ. baudia, ob matrem ſuam Beatricem, Henrici ſororem ſecundò genitam. 3. Rainutius Dux Parmenſis Alexandri Farnеſii filius, ob matrem ſuam Mariam, ex Eduardo Duce Vimarino (*Guimaranes*) Henrici fratre natam. 4. Catharina Joanni Duci Brigantino nupta ob patrem ſuum Eduardum Henrici fratrem. 5. Antonius, ob patrem ſuum Ludovicum, Henrici fratrem; cujus haud dubie jus fuiſſet certum, niſi ex concubina fuiſſet natus. Et hi quidem omnes ex Rege Emanuele avo ſcendebant. Henrici Cardinalis, ultimi Regis nepotes aut neptes, excepto Rainutio, qui uno gradu erat remotior, jus tamen repræſentationis ſibi vindicabat.

Sexto loco competiit Catharina Medicæa Regina Galliæ, quæ aſſerebat, ſe ſolam ex Alphonſo III. per Robertum ejus primogenitum legitimis natalibus ſcendere. Cùm enim idem Alphonſus Mathildim primam uxorem legitimam repudiaret, Dionyſium ex concubina ortum eſſe, omnesque ejus poſteros Reges, excluſa Roberti legitima ſtirpe, per uſurpationem Regnum occupâſſe. Septimo denique Regni ordines, extincta masculina ſtirpe jus eligendi novum Regem ſibi arrogabant.

Si Regni hæreditas ex jure communi Romano judicio familiæ erciſcundæ fuiſſet dividenda, duo Henrici nepotes, Philippus II. & Lis de Suc-Philibertus Emmanuel, atque ejusdem Henrici neptis, Catharina ceſſione. Brigantina, tunc in vivis exiſtentes, ſucceſſiſſent in capita, & quidem ſoli, nullo ex Thiis ſuperſtite, tanquam gradu proximi ultimo poſſeſſori. *Novell. 118. cap. 3. in fin.* Ubi deciditur, quòd jus repræſentationis ultra fratrum aut ſorum filios & filias non porrigatur. *Et ſ. 4. Inſt. de legit. agnat. ſucceſſ.* ubi habetur, quòd, ſi frater aut ſoror defuncti non ſint ſuperſtites, hæreditatem non in ſtirpes, ſed in capita eſſe dividendam, ita, ut nepotes & neptes æquali jure patruo & avunculo ſuccedant. Hoc autem nuſquam invenitur correctum.

Sed quia alia in Regnis individuus eſt ſuccedendi ratio, excluſo Philiberto, utpote ex ſecunda Henrici ſore genito, & Rainutio, gradu uno remotiore, ad Philippum II. & Catharinam Brigantinam devoluta eſt præcipua controverſia, an videlicet Philippus Henrici

ex sorore seniore nepos, an verò Catharina ejusdem Henrici ex juniore fratre neptis, potius jus habeat. Philippus jure Senioratus Catharina jure repræsentationis, tanquam repræsentans patrem suum Eduardum Henrici fratrem, causam suam tuebatur. Petita à variis Europæ Academiis responsa, quæ tamen causam magis implicabant. Philippus II. Hispaniarum Rex, negans, juri repræsentationis locum esse, quando soli fratris, ac sororis liberi exstant, mortuo anno 1580. Henrico (ætatis 68. regni altero) avunculo suo successit, jure senioratus: non tamen omnino pacificè; nam Regni ordines, ex veteri à Castellanis, omnibusque exteris, aversione, *Antonium* nothum sibi Regem deposcebant: allegantes exemplum Joannis I. ante 100. annos ad coronam promoti, licèt pollutis ortus fuisset natalibus.

40.
Philippus Rex.
Verùm Philippus, & jure, ut existimabat, & armis omnibus competitoribus potentior, missò cum exercitu Duce Albano in Lusitaniam, altero mense totum Regnum occupavit, accepto à Proceribus ac Provincialibus homagio. Quamvis autem Philippus Rex sollicitè satagebat, gentis studia & amorem demereri, profectus propterea in Lusitaniam, atque integro triennio ibidem commoratus, eorum habitum ac mores indutus, monopolium Indici commercii illis relinqueret, atque judicia non nisi Olyssipone exerceret, simulque promitteret, non alium nisi Regi sanguinis Proregem se missurum; nihilominus tamen ad propriæ nationis regem adspirantes, composito duntaxat ad simulationem obsequio parebant: in omnem occasionem intenti, qua votis suis potirentur.

Impostores.
Quare haud pauci faciles aures dabant quatuor impostoribus, qui Regem Sebastianum fingeant; primus anno 1585. opificis filius, ad triremes ab Alberto Prorege propterea damnatus. Hunc alter brevi secutus eremitæ habitu, fune eliso gutture, mendacium luit. Tertius, vilis pariter conditionis homo, anno 1595. ob imposturam periit. Quartus anno 1598. Venetiis Sebastianum mentitus, vultu, voce, statura eidem similis, fatebatur, se in Africano infelici prælio ante annos 20. captum, sed tandem Divina ope liberatum: totque arcana prodidit, ut Lusitani, qui Venetiis versabantur, eum pro vero suo Rege haberent. Sed petente Oratore Hispano à senatu tanquam impostor relegatus, Florentiam abiit: ubi ab Hispanis captus, primum Neapolim, dein in Hispaniam abductus, ad perpetuum carcerem est condemnatus, in quo contabuit anno 1601.

Antonius.
Non parùm barbarum impostores isti, attractis ad se Lusitanorum pluribus, concitârunt. Sed multò plus negotii Philippo Regi facie-

faciebat Princeps *Antonius*, quem impari licet thoro natum Lusitani Regem declaraverant. Et armatum se ostentabat: sed ab Albano superatus, atque Lusitania ejectus, in Azores insulas profugit, easque Gallorum ope, quos Strozio Florentino ductore Catharina Regina miserat, propugnare constituit, sed navali prælio à Sanctacrucio Hispanæ classis præfecto victus, inde quoque aufugit (*anno 1583.*) atque in Angliam delatus, novam ab Elisabetha, Hispanis rebus ubique adversa, impetravit. Sed irritò conatu tentavit Lusitaniam (*anno 1589.*) Tandem in Galliam exulatum abiit: ibidemque obiit anno 1595.

Atque hac ratione Lusitania Philippo II. confirmata 60. annis ejus familiæ adhæsit, ad Philippum III. & IV. propagata, ad annum usque 1640. quo Lusitani, excusso Hispanorum Imperio, Regem sibi elegerunt Joannem Duem Bragantinum, ex Catharina Joannis III. & Henrici nepte legitimè descendentem: in cujus gloriosa stirpe hodie dum Lusitaniæ corona floret eximiè.

Quamvis autem in Lusitania nulla inveniam celebrata Concilia, Status Religio nihilominus in illa apprimè in hanc usque diem floret, Religio auctoritate, Episcoporum ac totius Cleri vigilantia, & sacræ Inquisitionis, ibidem, uti in Hispania, erectæ, severitate perpetuò conservata. Quomodo autem eadem per utramque Indiam sit propagata, ingenti prorsus Ecclesiæ incremento, ad Sæculum XVII. recensendum reservo; cum aliàs tractatio de rebus Sæculi XVI. in majorem, quàm voluerim, molem excreverit. De statu tamen Civili & Ecclesiastico Angliæ & Scotiæ per modum appendicis disserendum judicio, ne rerum schema ad Sæculum usque XVI. deductum, in ultimis Sæculis deficiat. Quamvis in Regnis illis ob perturbationem Reipublicæ, dominantésque hæreses nulla amplius legitima celebrari potuerint Concilia.

CAPUT III.

Schema Rerum Anglicarum sæculo XVI.

Sicut in reliquis Europæ Regnis ingentes Sæculum XVI. mutationes attulit, ita etiam in Anglia, non in civilibus duntaxat rebus, sed quàm maximè in Ecclesiasticis. Illas primo, has secundo Articulo persequemur.

ARTICULUS I.

Status Angliæ Civilis.

41.

Anglia nuptiali fœdere à Normannis ad Domum Andegavensem translata, ultra 300. annos in eadem gravissimos inter tumultus, quod prioribus sæculis memoratum, est jactata; maximè, postquam Eduardus III. anno 1377. inter tres filios suos hæreditatem ita divisit, ut primus Regnum consequeretur, alter Lancastriæ, tertius Eboraci Dux crearetur. Tres enim hæ familiæ, stirpis ejusdem rami, tam obstinato inter se odio decertârunt, ut altera alteram throno deiceret, & Anglia frequenti Regum, Regionumque Principum sanguine redundaret.

§. 1. *Henricus VII.*

Tandem verò *Henricus Richemondia Comes*, ex familia Tudoria, antea satis obscura, natus, exorsus & ipse Regnum à Principum sanguine, Domum Lancastriensem & Eboracensem, internecinis discordis jam diu laceratas, in se ipso coadunavit, dum ex matre Lancastrensi descendens, Elisabetham Eboracensem matrimonio sibi junxit. Neque tamen regni securum se credidit, donec anno 1499. Eduardum comitem Warvicensem, ultimum ex Eboracensi stirpe furculum succidit. Nec desuère duo impostores, quorum unus hunc comitem Warvicensem, alter Eduardum IV. Regem simularet, multoque milite in Scotia & Hibernia collecto in Angliam irruerent. Sed prælio victi, alter occisus, alter ad infimam conditionem redactus est.

Postea hic novus ex stirpe Tudoria Rex *Henricus VII.* (Richemontius antea Comes) tranquilla in pace, ac præcellenti sapientiæ commendatione regnavit, ut adeò Angliæ Salomon, & ipse atque Ludovicus XI. & Ferdinandus Catholicus, coævi, *tres Magi Occidentales* dicerentur. Extra Angliam bellum unicum, nec magnum nec diuturnum, gessit cum Carolo VIII. Galliæ Rege. Cum enim is Annam Britannam Maximiliani Cæsaris sponsam rapuisset, fœdere cum hoc inito Picardiam invasit, & Bononiam obsedit. Sed brevi pace composita in Angliam suam recessit. Ibique obiit anno 1509. æt. 52. reg. 24.

Avus ejus erat Oŵenus Tudor ex infima Walliæ nobilitate, iis tamen corporis & animi dotibus præditus, ut Catharina, Caroli VI. Galliæ Regis filia, Henrici V. Angliæ Regis vidua, secundis cum nuptiis conjugem adoptaret. Inde familiæ splendor. Nam Edmundus Tudor, his parentibus natus, dictus est Richemondia Comes, natus

Stus in conjugem Margaretham ex Lancastrensi Regia Domo, quæ ipsi peperit Henricum VII.

Is ex Elisabetha, Domus Regiæ Eboracensis hærede, quatuor liberos genuit, 1. Arthurum, cum Catharina Ferdinandi Catholici filia desponsum, sed jam 16. ætatis anno mortuum. 2. Henricum VIII. de quo mox plura. 3. Margaritham, Jacobo IV. Scotiæ Regi nuptam. Quo titulo postea Anglia Scotiæ juncta est. 4. Mariam Ludovici XII. Galliæ Regis conjugem.

§. 2. *Henricus VIII.*

Successit *Henricus VIII.* filius; qui brevi ingentes thesauros pecuniæ, quos pater cum indignatione populi collegerat, luxu perdidit. Sex uxores (si tamen omnes uxores) habuit. 1. *Catharinam* 42. *Sex ejus uxores.* Ferdinandi Catholici filiam natu minimam, Arthuri fratris primo conjugii anno viduam; quam duxit, quamprimum Regnum adeptus est, anno videlicet 1509. eam tamen post 20. conjugii annos, postquam quinque liberos, tres filios & duas filias, ex ea susceperat, repudiavit, flagranti in Annam Bolenam amore insaniens, id nefando consilio causæ prætexens, matrimonium cum Catharina fuisse invalidum, eò quòd prius Arthuro fuerit nupta, licet Pontifex Julius II. in eo impedimento dispensârit. Catharina anno 1531. repudiata, quinque annos extra aulam supervixit.

2. *Annam Bolenam*, propriam, àt plures, etiam Protestantes, scribunt, filiam, ex uxore Thomæ Boleni, quem in Galliam legatum miserat, susceptam. Ajuntque, Regi interroganti, quantum foret piaculum, si quis post matrem cognosceret filiam, quendam ex aula parasitis respondisse, non majus fore, ac si quis post gallinam pullum comederet. In Gallia educata corporis prostituti infamia laborabat. In Angliam redux saltando primùm Regem fascinauit. Dein matris suggestionem, quæ optimè Regem noverat, pudicitia simulatione omne extra matrimonium carnale commercium negans, nuptias tandem sacrilegas impetravit anno 1533. Vehementer se opposuerant Ecclesiastici & Politici ordinis homines nuptiis, tam adulterinis, & tam imparibus: nec cessabant fornicarios ejusdem scœminæ, & adulterinos concubitus proponere. Frustra omnia, corde Regis jam fascinato ac demendato. Neque contracto jam adulterino matrimonio exempla evagantis fidei conjugalis, in hac pellice decurant. Quæ tamen omnia Rex amore captus obtreccationes reputabat: donec Bolena Rege inspectante cuidam nobili, in quodam spectaculo sudanti, strophium projiceret. Tum enim verò Rex ira æstuans, severa quæstione habita, Bolenam de pluribus adulteriis,

CUM

cum Norrisio, Westono, Brereton, Smetono musico, ipsoque ejus fratre Georgio, commissis convictam, securi percuti jussit. Et quidem ipse pater Annæ Thomas Bollenus, quem Rex ad summas dignitates evexerat, feralem mortis sententiam in filiam ac filium eju*dem* iudicii præses ferre debuit. (anno 1536.)

3. *Joannam Semeriam*, sive *Semeyram*, quam altero mox die Reginam dixit. Sed vertente anno in partu obiit. (1537.) 4. *Annam Clivensem*, quam ex Germania adductam, cum ectypon pulchrius esset prototypo, mox repudiavit; Thoma Cromvelle Essexiæ Comite, qui has ei nuptias persuaserat, capite plexo (anno 1540.) 5. *Catharinam Howardam*; quam Rex eo prætextu, quod non invenerit virginem, altero anno publicè occidi jussit. 6. *Catharinam Parræam*, quæ duos jam antè maritos habuerat, & post Regis mortem quarto nupta est.

Quamvis autem voluptatibus, commensationibus, luxui, crudelitati, totus indulgeret, immani tyrannide sæviret, ac sacra omnia, se caput Ecclesiæ efferens, profanis, ut postea dicitur, misceret, Angliam tamen utcumque in pace continuit, quâ metu, quâ largitionibus, & Ecclesiasticis spoliis in canum rictus, ne latrarent, ingestis. Abdomen fasciis gestabat adeò enorme, ut pedibus incedere non amplius posset, forèsq*ue* cubilium ampliari oportuerit.

Bella cum externis inchoavit potiùs, quàm gessit. Ut Europæ stateram in æquilibrio conservaret, Carolum V. inter & Franciscum I. medius, id cavebat, ne alterutrius potentia nimium cresceret. Hinc plura adversus Gallos bella orsus, nullum perfecit. Sed ubi Austriacæ vires lancem alteram superabant, ipse, pondere suo subtracto, æquilibrio restituere satagebat; perpetuis interim eorum discordiis bellisque tutus; quin imò ab utraque parte summis officiis cultus, ut in armorum societatem pertrahatur.

Et quidem anno 1511. cum Ludovicus XII. potentiam suam per Italiam nimium extendere videretur, cum Julio II. Maximiliano Cæsare, & Ferdinando Catholico, socero suo, foedus adversus eundem iniit, & anno 1513. in Belgio Tervanam & Tornacum occupavit. Verùm cum lances ad æqualitatem erant reductæ, anno 1514. & pacem, & sororem suam Ludovico conjugem dedit. Carolo V. ad Imperium evecto socius accessit adversus Franciscum I. sub initiis Regni sui in Italia rursus dominantem; sed ubi eo victo, & capto, atque Gallis Italia ejectis maxima rei gerendæ erat opportunitas, se alteri iterum lanci injecit, ac pondus addidit, ne Caroli V. nimium excreverent vires.

Anno 1545. Carolo V. denuo junctus, Franciscum I. in Picardia aggressus est. Sed dum Angli lentam in obsidione Bononiæ moram trahunt, levis omnino expeditionis fructus fuit. Cum Scotiæ etiam Regibus collisus, victoriam retulit: uti suo loco dicitur.

Præcipuum rerum administrum habuit *Thomam Volsæum*, infinitæ ambitionis virum, qui & Regnum & Regem diu impotenter regibat, ac præcipitabat. Hic novus homo, Ianionis filius, absolutis literarum studiis, statum Ecclesiasticum complexus, sacellanus aulicum agebat: anno 1513. ad Episcopatum Tornacensem in Belgio promotus: sequenti ad Lincolniensem in Anglia: anno 1515. ad Archiepiscopatum Eboracensem. Mox Cardinalis dictus, & Cancellarius Angliæ, ad summum quoque Pontificatum vehementer adspirabat, ac propterea partes Caroli V. adversus Franciscum I. omnibus viribus promovebat: magnis vicissim honoribus ab eo veluti pater cultus.

Verùm cum anno 1522. mortuo Leoni X. Hadrianus VI. Caroli quondam Moderator ejusdem commendatione subrogaretur, Volsæus, concepto in Carolum odio, studium omne in Franciscum ejus æmulum convertit, Angliamque in ejus partes inclinavit, frater propterea à Francisco Rege appellatus: omnibusque honorum officiis demulsus, atque, ut odium in Cæsarem omnibus viis expromeret, tragœdiam orsus est toti Angliæ fatalem. Eam nempe Regi cogitationem ingessit, ut factò cum Catharina (Caroli V. matertera) divortio, Margaretham Francisci I. Galliæ Regis sororem ducat. Nam præterquam, quòd Catharina Volsæo ac Regi propter modestiam ac probitatem esset invisa, negabat impius Præsul, Henricum bona conscientia in eo conjugio posse persistere. Irritum quippe illud esse, quia in primò affinitatis gradu contractum: effecturum se, ut ipse Pontifex, declarato matrimonii vitio, divortium approbet.

Grata hæc erat Cardinalis oratio auribus Regis, cujus libido in Annam Bolenam jam ardebat. Simulans igitur, se Galliæ Regis sororem ducturum, Volsæo negotium cum Clemente VII. transigendum committit. At cum is negaret, rem tanti momenti tam faciliè concludi posse, mittique Romam à Rege & Regina Procuratores peteret, qui causam agerent ex juris ordine, Rex causæ diffusus, in Anglia judicium haberi voluit: cumque alii hac de re multum ubique disceptarent, ipse moræ pertæsus, Alexandri gladio nodum solvendum duxit: atque anno 1531. tanquam in hac causa competens esset Judex, sententiam divortii pronuntiavit.

Volsæo exedendum erat, quod intriverat. Nam quia promisso, approbationem Romanam se obtenturum, stare non poterat, Regis, quem totum antè possidebat, gratia excidit. Tunc enim verò cernere licuit fluxas rerum humanarum vices, qui 400. hominum, quos inter Comites & Barones, nobili famulatu stipatus incefferat; qui totum Regnum manu sua versaverat; cujus epistolæ hoc turgente typho superbiverant: *Ego & Rex meus*; is à summo dignitatis ac potentiae fastigio repente deturbatus, honoribus ac bonis exutus, atque ex aula ad Archiepiscopatum suum Eboracensem relegatus, cùm inde ad dicendam causam Londinum citaretur, metu ac mœrore in itinere extinctus est. (anno 1530.) Quem ridens fortuna ideo duntaxat altius videtur extulisse, ut lapsu graviore præcipitaret: verè expertum, malum consilium consultori pessimum: ferendum tamen, nisi & Regem & Regnum præcipitasset in ruinam animarum immortalium, nunquam satis deplorandam.

Mors Hen-
rici.

Obiit infelix Rex anno 1547. æt. 56. reg. 38. exclamans in morte: *Amici! omnia perdidimus, Regnum, vitam, animam.* Reliquit tres liberos: Mariam ex Catharina prima ac legitima conjuge, Elisabetham ex Anna Bolena, & Eduardum ex Semeria. His successionem in Regno ita testamento disposuit, ut primò succederet Eduardus, dein Maria, postremò Elisabetha. Cæterum Henricus VIII. primus se Angliæ & *Hiberniæ Regem* scripsit: cùm anteriores Reges tantum *Hiberniæ Domini* sint appellati, nempe sicut se ipsum caput Ecclesiæ Anglicanæ creavit, absque ullo totius antiquitatis exemplo, ita etiam Regem *Hiberniæ*,

§. 2.

Eduardus VI. & Maria.

44
Semeyrus.

Natus ex Joanna Semeria (alii *Semeyram* scribunt) decimo ætatis anno successit Patri, quamvis autem 16. tutores ei fuerant attributi à patre, nihilominus tamen *Eduardus Semeyrus, Dux Somersæti* ejus avunculus rerum summam Angliæ Protectoris nomine ad se traxit. Cogitabat is equidem Eduardum Regem nepotem suum cum Maria Scotiæ Regina connubio jungere. Sed illa à Gallis prærepta Francisco II. tunc Delphino nupsit. Nihil perniciosius Regno maligno hoc Protectore, qui & Regem & Regnum penitus in hæresin præcipitavit.

Opposui

Opposuit se Ducis hujus Somersetani arrogatæ potestati *Joannes Dudlæus*.
Dudlæus Dux Northumbriæ, eò usque, ut judicio condemnatus anno
 1552. capite minutus fuerit. Igitur Dudlæus in locum Somersetani
 surrogatus Eduardum Regem ita in potestate habuit, ut eidem per-
 suaderet, sorores suas ad Regnum esse inhabiles, utpote prima ex
 incestu, alteram ex adulterio natam: eoque adolescentem adduxit, ut
 fororibus testamento exclusis, *Joannam Grayam*, Henrici VII. ex
 filia proneptem, hæredem scriberet. Hanc verò, ut palàm appare-
 ret, quò ejus consilia collimarent, filio suo despondit, anno 1553. *Graya.*

Obiit paulò post Eduardus Rex eodem anno, æt. 16. reg. 6. *Dud-*
læus mox produxit ejus testamentum, & *Joannam* proclamavit Regi-
 nam. At major & sanior pars *Mariæ* adhærens, eandem in solio col-
 locavit. *Maria* igitur, quam matris fata maximè tangebant, ex
 ærumnosa vita, quam hætenus ducebat, & exilio ad regnum evecta,
Dudlæum, cum *Joanna Graya* ejusque patre *Suffolciæ Duce* à Senatu
 tanquam perduelles ad mortis supplicium condemnari permisit. Tum
 ad reparandas Religionis ruinas conversa, ope *Reginaldi Poli* Cardi-
 nalis, totum Regnum ad Catholicam Religionem reduxit: severitate
 etiam in pervicaces exprompta.

Erat autem *Polus* oriundus ex Regia Eboracensi familia; cujus
 avus maternus *Georgius* *Eduardi IV.* Regis frater exstitit. Propter
 hanc autem cognationem, quam *Domus Tudoria* extinctam volebat,
 in exilio usque ad *Mariæ* Regnum vitam agebat. Nec nullam omnino
 spem habuisse dicitur, ineundi matrimonium cum *Maria Regina*, ut
 omnia *Domus Eboracensis* & *Tudoriæ* jura consolidarentur. Sed *Phi-*
lippus II. *Caroli V.* filius has spes succidit, & *Mariam* *Reginam* conju-
 gem est fortitus. (anno 1554.) Verùm summo omnium bonorum do-
 lore thorus, tanta exspectatione orbem suspendens, remansit sterilis.

Quamvis autem pactis nuptialibus conditionem eam *Maria* appo-
 suerit, ne bellis mariti externis se miscere debeat, anno tamen 1557.
 eidem, in *Picardiam* irruenti opem tulit: haud exiguo Angliæ damno;
 nam anno sequenti *Caleti* portum, quem ultra 200. annos possederat,
 amisit, à *Francisco Guisio* post cladem *Sanquintinam* expugnatum.
 Dum autem Regiæ copiæ in *Galliam* erant averse, complures *Angli*,
Hispanæ nationis odio seditionem concitârunt, auctore *Thoma Staf-*
fordiæ Duce; qui culpam capite luit.

Verùm mox tristior multò turbo Angliam concussit per mortem
Mariæ *Reginæ*, anno 1558. summo Religionis, quam plenè restitue-
 rat, detrimento, extinctam, æt. 42. reg. 5. arcano Dei judicio ita
 ordinante, ut brevem sæpe bonis, longævam malis vitam indulgeat:
 Nannn 2 credo,

credo, ut illis cœlum, his terram largiatur: illorum præmium accelleret, horum poenam pro clementia sua retardet.

§. 3.

Elisabetha.

46.

POst luctuosam Mariæ mortem, mox *Elisabetha*, ejus soror, Henrici VIII. ex Anna Bolena filia, non attento natalium vitio, throno imponitur. Cui nuptias obtulit Philippus, qui pluries eam morti eripuerat; sed repulsam tulit, ea excusatione prætexta, non posse eam inter & sororis suæ maritum connubium subsistere, nec posse Pontificem ulla dispensatione legitimum reddere. Hac quippe ratione natales suos legitimare nitebatur, quod eam ob causam matrimonium Henrici cum Catharina irritum fuerit. At aliter judicavit non tantum Ecclesia, ejusque supremus Antistes, sed ipse etiam Rex Henricus ante mortem, imò tota Anglia, dum Mariam Elisabethæ prætulerunt in deferendo Regno. Quod nunquam fuissent facturi, si illam illegitimè, hanc legitimè natam credidissent. Nòrant quippe, judiciales veteris tabulæ leges christianam non ligare Ecclesiam.

Nuptias
repudiat.

In religio-
nem graf-
fatur

& Hispa-
nos.

Elisabetha autem odio Romanæ Ecclesiæ, cujus doctrinâ ipsa ex adulterio nata judicabatur, immani mox tyrannide in Religionem grassata, novum prorsus & ante eam diem inauditum systema invexit, retentis antiquis ritibus ac ceremoniis, in multis Calvinum sectabatur: unde ingens religionis confusio, & sectarum colluvies orta est. Verùm hæc postea uberiùs venient describenda; uti etiam, quàm iniquè ac barbarè Mariam Scotiæ Reginam, ad quam jure hæreditario Angliæ Regnum pertinebat, per carnificem publico in theatro occiderit, una cum Norfolciæ Duce, ac plurimis Sacerdotibus, immani prorsus laniena. Hispanæ classis historiam supra narravi. Hispaniæ Regem, cui toties vitam conservatam debuit, tota vita est persecuta. Hinc rebelles Belgas omni ope sustentabat: Alensonium, Casimirum, Leicesterium immisit. Antonium nothum Lusitanæ throno imponere omni virium contentione laborabat: missis in Americam classibus portus, insulas, provincias Hispanis rapuit, aurum & argentum Indicum intercepit; Francisco Draco sedulò invigilante, non ad custodiendos auriferos Hesperidum hortos, sed diripiendos: & ubi ubi se dabat occasio, Hispanos infestavit.

Vt autem ostenderet, se neminem rebellium prætermittere, 47.
quem non contra Principem suum adjuvaret, etiam Hugonotis inEludit pro-
Gallia valida misit auxilia, erepto anno 1562. Portu Gratia. Nu-cos.
bere nunquam serio voluit, ut amores suos haberet liberos: quamvis
magni proci eam ambirent, Rex Hispaniæ, Rex Sueciæ Ericus XIV.
Dux Alenfonius, Joannes Austriacus, Dux Andegavensis, Comes
Leiceftrius &c. Sed vaga foemina omnes delusit. Nemini tamen
amores infelicius verterunt, quàm Roberto *Comiti Effexio* intimæ
admissionis ministro, quo nullus Regina potentior, ussit Cecilium
aliósque aulicos gratiæ invidia. Vt ergo hunc amasium sternerent,
expeditionibus longinquis eum præfici curârunt. Ac primò quidem
anno 1595. cum classe missus Gades occupavit, sed mox majori cum
dedecore rursus amisit æmulum fraude. Tum verò Hibernia ei de-
creta provincia (anno 1599.) ut tumultus ibidem ortos, compone-
ret: redire vetitus, nisi Regina mandato. Rediit tamen: & cum ei-
dem in cubili superveniret necdum fucata & compta, tota gratia ex-
cidens, primò in carcerem conjectus est, dein capite plexus, idem
fatum plures ejus amasios excepit. Hinc negant aliqui, eam septen-
trionalis America provinciam, quam in Canada ad mare Boreale An-
gli anno 1585. Elisabethæ auspiciis occupârunt, in ejus honorem bene
appellatam esse *Virginiam*.

Obiit tandem Elisabetha, quam velut Deam immensis laudibus
in cœlum tollunt pennæ Protestantium anno 1603. æt. 70. reg. 44. de
re Angliæ politica non malè merita, de religione autem pessimè: uti
mox subjiciam.

ARTICVLVS II.

Status Angliæ Ecclesiasticus sæculo XVI.

Anglia tot olim Sanctos protulit, aliisque per orbem gentibus
dedit Apostolos, ut non tam ab Anglis, Saxoniarum populo,
quàm ab Angelorum patria nomen traxisse videatur. Plura
equidem de illius tam civili quàm politico statu in superioribus parti-
bus disserui. Aliqua nihilominus hîc velut in pugnum constringam,
ut ex antithesi luculentius patefcat, quantum à se ipsa, infelici reli-
gionis mutatione, sæculo XVI. degenerârît.

Velut obscuræ passim sunt primæ rerum origines, ita anceps ser-
vet disceptatio, quo tempore & à quibus primò in Angliam introducta 48.
Origo sit
dei.

fit christiana Religio. Alii *Josephum ab Arimathea* primum illius Apostolum faciunt. Alii primum sæculo II. inclinante illuxisse fidei lumen putant per *Fugatum & Damianum*, quos *Lucius* Rex ab *Eleutherio* Papa impetrarat. Cum autem Angli gentiles in Britanniam delati jacta feliciter semina in tenella illa Ecclesia magnam partem suffocassent, *Gregorius M.* sub finem sæculi VI. *Augustinum & Melitum* submitit, ab *Ethelberto* benignè susceptos, qui *Doroverniæ* (quæ postea *Cantuaria* dicta est, stabilem eis sedem assignavit, ubi Apostolicis laboribus intenti, multos christianæ vitæ principiis imbutos baptizârunt: atque inter hos ipsum etiam Regem *Ethelbertum*, accedente hortatione uxoris christianæ. Mox igitur delubra in Dei templa conversa, erecta altaria, cultusque sacer institutus: ad quem amplificandum ipse etiam *S. Gregorius* sacra altarium & sacris operantium ornamenta Româ transmisit, cum sanctorum Martyrum reliquiis, religiosè asservandis: prout ipse *Pakerus*, licet *Aatholicus*, in *Antiq. Britan. fol. 35.* fatetur. Sed redarguit *Gregorium & Augustinum* tanquam inventores hujus cultus. Verùm *Pakerum* nervosè refutat *Alfordus* in *Annal. Eccles. Anglo-Sax. pag. 121.* ubi eruditè ostendit, jam sub finem sæculi II. tempore *Lucii* Regis eos ritus in Anglia obtinuisse.

Singularis
cultus.

Ab eo deinceps tempore summo opere viguit cultus is atque Religio, quam hodie dum tenet ac proficitur Catholica Ecclesia, cum peculiari in sedem Apostolicam plerorumque Regum observantia; quam plures ad eandem datæ epistolæ hodie dum loquuntur, & quidem eò usque, ut Regnum suum eidem vectigale facerent, indicto per singulas domos nummo: continuato usque ad *Henricum VIII.* ut *Polydorus* observat, pio more.

Per plures igitur quàm mille annos Christiana Religio, Romano-Catholica, viridi in flore ad singulare Regni decus, & totius Ecclesiæ ornamentum, bonorumque omnium solatium, jugiter est conservata: ut adeò ad initium sæculi XVI. in Anglia tantum duo quidem essent Archiepiscopatus, *Cantuariensis*, & *Eboracensis*, ea tamen amplitudine, ut illi 23. Episcopatus comprovinciales essent inserti. In quibus 9284. Parochiales Ecclesiæ.

At verò, postquam *Henricus VIII.* sæculo XVI. libidinis indomitæ impetu sacrata matrimonii vincula perfregit, & ab Ecclesiæ unione se separavit, heu! quanta mutatio! sanguineis lachrymis nunquam satis deslenda, squalida, deserta, abjecta jacebat religio, cultoribus vacua; profanata templa, spoliata sacra asceteria, sacerdotes ejecti, cursitabant lictores, scatebant ergastula, gemebant catastræ, stridebant catenæ, furebant secures, enses, rotæ, patibula: dira, sæva,
bar-

barbara undique tyrannis circumfremuit; ea crudelitate, usque ad-
inventis novis atque inauditis tormentorum suppliciis, ut pristinae
gentilium persecutiones ludus videri potuerint. Juvat pressæ atque
depressæ Anglicanæ Ecclesiæ ruinas, atque calamitates tremante hor-
roribus penna breviter describere.

§. I.

Ecclesiæ Anglicanæ status sub Henrico VIII.

POSTquam Religio in Anglia millenos & ultra annos ad omnium bo-
norum solatium ac voluptatem quam spectatissimè floruit, unius Initia Hen-
Principis indomita libido eandem miserrimè devastavit. Henricus VIII. rici bona.
is erat, initio Regni non malus; imò etiam bene de Ecclesiâ meritis.
Nam Julii II. quem caput totius Ecclesiæ Christianæ venerabatur,
partes secutus, Conciliabulum Pisanum est execratus, & Regni sui
Episcopos ad Concilium Lateranense V. dimisit.

Addidit singulare Catholicæ pietatis decus, cum adversus Lu-
therum, in Germania tunc insanientem, librum de sacramentis scri-
psit, sacra doctrina & eruditione adeò conspicuum, ut à Leone X.
Defensor Fidei meritò sit appellatus. Verùm quantò melior erat,
tantò turpius à se ipso descendit, per omnes libidinum spurcicias volu-
tatus. Quippe amores ejus à Catharina conjuge lectissima averterant,
tum insatiabilis voluptatem cupiditas, tum morum dissimilitudo, quæ
fastidium in dies augebat. Illa ad omnem probitatem prona, humili
corporis cultu, modestia, diurnis nocturnisque precibus, jejniis,
frequenti peccatorum expiatione, aliisque virtutum exercitiis præ-
cellebat. Antithesis.

Henricus contra juvenili æstu abreptus, levis, saltator, in libidi-
nes effusus, frequens in gynæceo, rarus in templo, contempto con-
jugali thalamo, nobilium fœminarum pudori passim insidiatus: stupris,
lenociniis, adulteriis prostitutus. Volsæus cognito Regis averso à
Regina animo, ut Carolo Cæsari Catharinæ nepoti ægrè faciat, Hen-
rico placeat, Francisci I. res promoveat, Angliæ & Galliæ rationes
ac studia jungat, Regem interpellat, irritum esse matrimonium Volsæus.
cum Arthuri uxore initum: nefas esse in eo persistere: adesse Fran-
cisci I. Galliæ Regis sororem, forma præstantem. Eo conjugio fir-
mandam utriusque Regis amicitiam: Clementem VII. à Carolo Cæ-
sare prædominante in custodia detentum, & filios Francisci, Madriti
pro patre obsides, liberatum iri.

Decreta igitur in Gallias legatio, cujus ipse Volsæus princeps. At vix Caletum pervenerat, cum arcana à Rege mandata accipit, ut cætera quidem exequeretur, de matrimonio autem cum Regis forore ineundo aliam sileret. Jam enim Henricus impotenti amore tenebatur Annæ Bolenæ. Quæ matris, Regis indolem optimè pernoſcentis, inſtructione erudita, meretricium animum larva quadam pudoris obtegebat, negavitque, ſe corporis copiam ulli facturam, niſi conjugali fœdere ſecum ſociato. Repulſa non iram, ſed flammam in Henrico excitavit. Statuit proin ſecum, ut libidinem expleret, hanc mulierculam, perruptis omnibus legum Divinarum repagulis, uxorem ducere. En pulchram Anglicæ reformationis epocham!

Cramerus & Lejus. Obierat ſub id tempus Varanus Cantuarienſis Antifites, vir admodum probus; cujus in locum ut Henricus ſubrogaret hominem ſibi obnoxium, & in vota ſua verſatilem, designavit *Thomam Crammerum*; cujus religio & diſciplina ad mentem Regis erat compoſita. Similis farinæ adulator & aulæ paraſitus erat *Lejus* Eboracenſis Archi-Præſul. His Cleri in Anglia principibus in vota ſua iniqua flexis, cum Pontifex in d vortium nollet conſentire, Rex bona Eccleſiaſtica univerſa *cadere in commiſſum*, ac regio ærario inferenda decrevit; quòd Pontificis Romani auctoritatem contra regia mandata clerici propugnarent. Clerus omni deſtitutus patrocinio, cum uterque Archiepiſcopus in impiam petitionem conſentiret, 40000 aureorum obtulit, ad obtinendam, ut aſebat, culpæ veniam, ſupplicans, ut reliquam ſibi pœnam condonaret, pro ea, quam in Clerum æquè ac laicos ſummam haberet poteſtatem. Atque hæc Eccleſiaſtici ordinis prævaricatio primam Regi cogitationem iniecit, ut Eccleſiæ ſe Anglicanæ caput diceret.

Ex his iniquitatis principiis tetriorem tempeſtatem prævidens *Thomas Morus*, vir integerrimus, poſt Volsæi caſum ad cancellarii munus evectus, officium depoſuit. Suffectusque eſt Audlæus, vilis fortunæ homo, cui ad augendum ſplendorem monaſterium locuples Londini Rex attribuit, Canonicis Regularibus ad alia cœnobita dimiſſis. Clemens autem VII. ſub anathematis pœna vetuit, ne lite pendente novum iniret conjugium. Sed ille jam datus in ſenſum reprobum, ruptis vinculis Bolenam clam uxorem duxit, nuptiis aſſiſtente ante ſolis ortum Rolando præbytero quodam mœxque in gratiam pellicis *Thomam Cromvellum*, Lutheranæ factionis hominem ac clero inſenſum, una cum *Crammero* & *Audlæo* ad rerum clavum evexit, ut ex impii hujus triumviratus, ad omne neſas audendum projecti, ſententia res publica gubernetur.

Ab his Regi persuasum, ut in comitiis Regni ab omnibus Ecclesiasticis novum sacramentum exigat, quo eandem, quam alias Pontifici Romano, obedientiam sibi jurarent, in causis etiam Ecclesiasticis & spiritualibus. Impulsus omnium primus Joannes *Fischerus* Fischerus Episcopus Rossensis, summa apud omnes probitatis & eruditionis laude celebratus, deceptus juravit, ea tamen adjecta cautela (*quantum per Dei verbum liceret*) Hac columna concussa reliqui facile sequebantur. Ab eo igitur tempore Henricus caput Anglicanæ Ecclesiæ apertè se extulit, Cromvello homine laico, imò hæretico Vicario suo in spiritualibus generali dicto.

Qui verò hoc portentum probare detrectabant, aut conjugium cum Bolena refutabant, in carceres sunt detrusi. Quos inter *Fischerus* damnans nuperam suam juramenti facilitatem, & Thomas Morus, cum 200. fratribus Minoribus, duobus ex ordine S. Benedicti, & aliquibus ex clero sæculari. In Comitiis verò anni 1534 perduelles declarati sunt, qui Romani Pontificis primatum jurisdictionis Ecclesiasticæ assererent. Simulque Ecclesiæ Anglicanæ summum & unicum caput Rex declaratur. Cui eo nomine omnium Sacerdotiorum annatæ ac decimæ essent perfolvendæ. Nomen Papæ erasum & in lytaniis impia hæc verba substituta: *Ab Episcopi Romani tyrannide & detestandis enormitatibus libera nos Domine.* Iusti concionatores novam hanc Regis Ecclesiasticam auctoritatem publicè ad populum laudare, ac scriptis etiam libris tueri.

Reginaldum Polum, consanguineum suum, Richardi III. Regis ex fratre pronepotem, probum & eruditum in paucis Principem, incassum impulit, ut sacrilegis suis conatibus pennam commodaret. Quin imò animosè se opposuit, editis quatuor libris de unione Ecclesiastica Regi inscriptis. Quibus iram Regis ita in se concivit, ut patriæ proditor, reusque læsæ majestatis sit condemnatus; vita ipsius multis deinceps insidiis appetita: mater, frater, avunculus necati: bona fisco addicta: familia universa illius causa afflicta, ac propemodum deleta. Exertus etiam furor in plurimos Religiosæ vitæ cultores, ex sacris ordinibus, Carthusianorum, S. Brigittæ, S. Francisci. Quos sæva tyrannis martyres fecit, quòd impium juramentum reiicerent.

Peculiarem memoriam meretur *Thomas Morus*, Londini nobili genere natus, litterarum studiis, omnique virtutum ornatu præcellens. Per diversos munerum gradus ad officium cancellarii totius Regni evectus, singulari illud laude integritatis gessit. Generum suum causam minùs probabilem agentem cum à lite nollet desistere

sistere, ex integro condemnavit. Hostibus contra suis, qua potuit, ope adstitit. Accusatus apud Regem, quòd à vidua ob evictam causam aureum poculum acceperit, fassus est. At vidua à Rege interrogata respondit, acceptum quidem à Moro craterem, sed vino ex eo hausto, mox sibi fuisse restitutum. Missæ sacrificium nullo unquam die neglexit, etiam vocatus à Rege, respondens nuntio: majori prius Domino inserviendum. Etiam Cancellarii summa dignitate ornatus sacerdotibus ad aram sæpè ministrabat: atque superpelliceo indutus cum paracho in Ecclesia preces decantabat. In supplicationibus crucem præferre solitus. Monitus propterea, id indecorum muneri suo, Regi haud dubiè displiciturum, reposuit: obsequium Regi Regum impensum Regi displicere non posse.

Erga pauperes mirè erat beneficus, solitus eorum tuguria obire, & eleemosynam elargiri. Nec rarò mendicos mensæ adhibuit. Personarum miserabilium causas omnino gratis patronus agebat. Quam autem facilis aliis, tam durus sibi, ciliciis & flagellis in se ipsum sæviebat. Domus ipsius vitæ christianæ scholam referebat: omnibus domesticis ad modestiam & virtutem compositis: atque vel ipsam corporis refectionem spiritali lectione condientibus.

Tandem, ubi vidit exorbitantes Regis machinationes, cancellarii munus ultro abdicavit; atque haud multò pòst, cum non aliud, quàm Romanum Pontificem, Ecclesiæ caput assereret, & in divortium cum Regina nollet consentire, captus, & in turrim Londinensem abductus est; familia sua jam antè ad talem casum præparata, dum apparitorem aliquando ad domum suam improvisò venire jusserat. Ad carcerem nemini ex ejus familia accessus patuit, nisi Margarethæ, filiæ natu maximæ. Quæ pio astu ad patrem dederat litteras, in quibus eundem hortatur, ut Regi pareat: non ex animo, sed ut Senatus iis lectis aditum sibi concedat. Quod voluit, obtinuit: multo tempore accessu libero patrem juxit: non minorem ea pietate commendationem promerita, quàm scriptis libris latino & græco sermone doctissimis, celebritatem nominis adepta.

Incredibile dictu, quot admoti arietes ad columnam hanc convellendam. Fortissimus credebatur uxor Aloysia: quæ in carcerem admissa rogavit conjugem, ne uxorem, liberos, se ipsum perdat. Quærit ille, quot vitæ annos sibi spondeat, si in Regis postulata concedat; cumque viginti respondisset, næ tu mea Aloysia, infert Morus, insipida es negotiatrix, quæ viginti annos æternitati præhabendos putas. Ubi fœmina nihil profecit, vir, politicus melior quàm Christianus, assultum tentavit. Postquam is multa argu-

ment

menta attulerat, reposuit Morus, se omnibus bene perpensis mutasse consilium. Legatus victoriæ certus illico recedit ac refert ad Regem. Ille mirè lætus scriptam exigi à Moro deditionem voluit. Quod ubi legatus exposuit: profecto perperam tu me intellexisti, inquit Morus; constitueram mecum, barbam, quam in carcere prolixam nactus sum, ante mortem abscindere: sed mente mutata, decrevi, ut eundem cum capite ictum expectet. Ita nempe generosè jocabatur rerum humanarum mortisque contemptor animus.

Irritatus eo joco Rex omnes ei liberos, scripta, atramentum, calamos jussit adimi. Quo factò Morus valvas carceris fenestris obduxit, contemplatione rerum Divinarum in tenebris illustrior. Cur id faceret rogatus, cum merces, inquit, sunt elatæ, taberna clauditur. Cum integro jam anno in eo squalore jacuisset, missi ad eum quinque commissarii, ultimam ab eo resolutionem à Rege expectari nuntiant, quid sibi faciendum putet: quidve de Romani Episcopi potestate sentiat? se Regi dudum & voce & scripto respondisse ait. Jam se aliis intentum nolle amplius se liti de Pontificis & Regis potestate immiscere. De cætero, à communione sedis Apostolicæ se nunquam sejunctum iri. Audivisse à teneris, Romani Pontificis potestatem esse laudabilem atque legitimam, humano tamen jure introductam: postquam autem occasione harum controversiarum, in Anglia exortaram, eam causam septem annorum studio penitus inspexisset,prehendisse se, primatum summi Pontificis, ejusdemque supremam auctoritatem & Jurisdictionem Ecclesiasticam in totum orbem Christianum Divino planè jure niti.

Qua animi sui sententia pronuntiata, Judices eum, rebellem, patriæque proditorem proclamare, ad totam Angliam provocare, atque interrogare, an prudentiorem doctiorémque se crederet omnibus Angliæ Episcopis, Prælati, Sacerdotibus, toto cœtu Nobilium, Regni Senatu, Rege, totoque Regno? Morus opposuit omnes antiquitatis Episcopos, Præsules, totam Hispaniam, Lusitaniam, Italiam, Galliam, atque Catholicam Germaniam, atque super omnia Divini verbi oracula, Petrum ejusque successores constituentis Pastorem universalem omnium Christi ovium, cum summa potestate ligandi in terris atque solvendi.

Cum igitur nullis moveri posset machinis, à duodecimviris damnatus est ad mortis supplicium. Cum ex virium infirmitate ferele pegma non posset scandere, prope adstantem auxilium rogans, amice, inquit, juva: in descensu nemini amplius molestus ero. Sic etiam in morte jocabatur, rebus humanis ac sorte omni superior; atque

securi animo prorsus intrepido percussus est : ab orbe meliore magnis encomiis celebratus.

Fischerus.

Nec minori laude dignus *Joannes Fischerus*, de quo dubitabatur, sanctiōne an doctior esset. Matri Henrici VII. erat à sacris confessionibus, solis meritis ad Episcopatum Roffensem evectus, 30. annos eundem sanctissimè rexit, nunquam se adduci passus, ut, pinguiore licèt oblato, sponsam suam desereret: libri, qui de sacramentis adversus Lutherum editus, Henrici VIII. nomen præferbat, vel auctor, vel auctori, ut scriberet, auctor. Initiò ad evitandas Ecclesiæ Anglicanæ calamitates juramentum quoddam cum restrictione tamen edidit. Sed mox facti pœnitens, ubi vidit, aliò longè sensu accipi, quàm ipse cogitaverat, apertè iniquis Henrici conatibus se objecit. Captivus propterea in carcerem Londinum abductus, post 15. mensium squalorem ad mortem damnatus, grandævus senex hilari ac hiantè ore ad locum supplicii progressus caput securi subjecit: vel ipso etiam sanguine purpuram meritis, quam Paulus III. ei in carcere detento miserat.

52.

Bullæ Pont.

Clemens VII. jam anno 1533. Bullam conceperat, qua matrimonium cum Bolena irritum decernit, atque Catharinam in pristinam conjugii possessionem restitui mandat, addita declaratione, Regem ob inobedientiam & contemptum mandatorum sedis Apostolicæ censuram excommunicationis incurrisse. At cùm Henricus magis in Catholicos fureret, bona Ecclesiarum ac monasteriorum diriperet, viros innocuos crudelissima tyrannide necaret, quòd eum Ecclesiæ Anglicanæ caput venerari nollent, Paulus III. anno 1535. Carolo Cæsare, & Clero Anglicano urgente, asperiores Bullas edidit: cujus hæc erat inscriptio: *Bulla Pauli Divina providentia Papæ tertii, citatoria Regis Angliæ Henrici & sequacium sub pœna excommunicationis, & privationis Regni, ac omnium aliorum bonorum.* Comemorat in ea gravissimas causas, quibus impellatur ad ferendam censuram, nempe tot scelera patrata, tot cædes, adulteria, sacrilegia, hæreses, quòdque pro capite se gerat Anglicanæ Ecclesiæ. Rogat, & per omnia sacra obtestatur, ut revertatur ad gremium illius matris, quæ resipiscences ultro recipit. Nolentem citat cum complicibus. Parere recusantem regno exuit. Loca, in quibus Rex fuerit, subiicit Interdicto. Subditos eximit à juramento fidelitatis, quin eos insurgere in Regem jubet &c.

Uterque tamen Pontifex Bullæ executionem suspendit, ea spe ducti, fore: ut Rex, expleta saltē cum Bolena libidine, se ipsum respiciat. Sed magno impetu præceps ruebat infelix Princeps, in dies

dies se ipso deterior, ac truculentior. Ut autem Ecclesiæ caput Leges in se probaret, suscepta per Leum laicum hominem monasteriorum Religiosorum visitatione, legem tulit; minores 24. annis è monasteriis exire coguntur. Majoribus exire liberum esto. Exeuntibus habitus & pecunia ab Abbate tribuitur. Virgines sacræ exeuntes sæculari habitu utuntur. Pretiosa quæque Ecclesiarum ornamenta regiis quæstoribus traduntur. Nec alio consilio ea instituta est visitatio, nisi ut Spolia direptionis, & deprædationis occasionem capteret. Ex his enim spoliis innumeram collegit pecuniam. Religiosorum verò utriusque sexus decies milleni ad sæculum redierunt.

Mortua subin anno 1536. Catharina Regina, Bolena verò adulterii & incestus convicta, ductaque Semeyra, synodum gentis Anglicanæ indixit, in qua rescissis, quæ pro Elisabetha in Mariæ præjudicium decreverat, deliberandum proposuit, quam deinceps Religionis sacrorumque formam tenere oporteret in Anglia. Definivimque, ut Regis in Ecclesia primatus per omnia salvus maneat. Cromvelus ejus in spiritualibus Vicarius generalis omnibus conciliis & Episcoporum conventibus præsideat; quamvis laicus esset, & omnis sacræ doctrinæ ignarus. Editus in eodem Concilio *Libellus sex articulorum*.

In 1. Articulo contra Lutheranos & Zwinglianos decernitur transubstantiatio. In 2. Contra eosdem, communionem sub una specie sufficere. In 3. Cœlibatum sacerdotum retinendum. In 4. Vota castitatis & cœlibatus, non temere facta, necessario servanda. In 5. Missam non modò Juri Divino esse congruam; sed Missas etiam privatas necessariò celebrandas. In 6. Auricularem confessionem necessariò retinendam. Qui secus docuerit aut crediderit cœu hæreticum puniendum.

Quamvis autem hæc catholica erant dogmata: Henricus tamen non minùs catholicos quàm Lutheranos persequebatur. Quare Paulus III. audita ejus contumacia, & quòd corpus S. Thomæ Martyris comburi, & cineres in ventum spargi jussisset, suspensam hucusque excommunicationem publicari imperavit anno 1538. At ille non melior, direptionibus rerum Ecclesiasticarum, cædibus, tyrannide immaniter grassari perrexit. Quare populus arma adversus eum corripuit. Lincolnienfis primùm provincia, deinde Northumbria; Cumbria, Dunelmenses & Eboracenses, ultra 50000. in aciem eduxerunt, vita pro religione devota. Territus ea multitudo arma Rex, Norfolkæ & Suffolciæ Ducibus negotium dat, ut quibuscunque possent conditionibus tumultum dissipent: nam semel dispersi

fos non facile iterum coituros. Colloquio itaque habito nomine Regis promittunt, eum omnia, quæ cum Catholica fide pugnarent, sanctissimè emendaturum. Discessum quidem ab armis, sed Rex fide data non stetit, quin imò instaurata tyrannide ferociùs quàm antea unquam in sacerdotes, Religiosos, ac Nobiles, quos flagitiis suis adversos putabat, favire perrexit: constituto etiam magno pretio in caput Reginaldi Poli, qui, ut insidias vitaret, è Gallia, Belgio, Leodio Romam profugit, neque ibidem satis tutus.

Sed parùm ei videbatur in personas particulares omnis Ordinis furere, nisi in integras Religiosas familias grassatus: omnes quatuor fratrum Mendicantium ordines regno eiiceret, omnibus eorum facultatibus fisco illatis. His pulsus in Monasteria Abbatum reversus, nullum iniquitatis atque crudelitatis genus omisit, quo non in eos diripendo, torquendo, necando sit debachatus. Sed non tantùm in catholicos ferociebat, Lutheranos etiam & Zwinglianos permiscuit. Horum unus à Crammero Archiepiscopo Cantuariensi condemnatus, imprimis ad Cromvelum Vicarium generalem, & ab hoc ad Henricum ceu Papam Angliæ appellavit. Ipse etiam Cromvelus, immanis catholicorum tortor, qui tantorum Regi scelerum aut auctor aut adiutor fuit, ad poenam maturuit; cùm enim Regi, qui eum Essexiæ Comitem creaverat, persuasisset, ut Annam Clivensem duceret, Rex illum hæreseos, perduellionis, felonix, repetundarum à Regni Ordinibus damnatum, capite truncari iussit: & Clivensem repudiavit.

De divor-
tio

Quod divortium ut excusaret, legem tulit, à comitiis etiam probatam, ut matrimonium ratum dissolveretur per subsequentem cum altera copulam, conjugali affectu habitam: secùs ac aliàs Juris gnome pronuntiat: *nuptias non concubitus, sed consensus facit*. Legem alteram in Comitibus non rogavit, sed obtrusit, qua novum & inauditum tributi genus, decimam nempe & quindecimam omnium totius Angliæ proventuum exegit: de xenodochiis quoque, Seminariis, Collegiis, Ecclesiis, eorùmque censibus plena dispositione sibi attributa. Nihilominus tamen post tantas direptiones, prædas, spolia, rapinas, exactiones, & furta sacrilega, ærarium fuit inane & vacuum: prout passim contingit, quando sæculares ex bonis Ecclesiasticis, aut improbis tributis volunt ditescere.

Tributa.

Obit.

In morbum tandem fatalem delapsus de reconciliatione cum Romana Ecclesia cogitavit, satis agnoscens, quàm turpiter aberraverit. Eamque rem cum Episcopis nonnullis contulit. Sed prævaluit

luit adulantium turba, verita, ne spolia Ecclesiarum ac monasteriorum restituere cogatur. Ante mortem tamen Ecclesiam, quæ S. Francisci sodalium fuerat, iussit expiari, & in parochiam erigi, Missamque in ea celebrari. Divinissimum Evcharistiæ sacramentum maximo semper cultu est veneratus: illudque sub una specie, surgens è lecto, humisque abjectus, singulari cum reverentia suscepit. Litteris & ipse cultus fuit, & litteratos coluit. Episcopos (præter Crammerum, quem, ut libidini suæ inserviat & ambitioni, Cantuariensi sedi præfecit) nominavit neque indoctos neque omnino malos. Sed quorum plures postea sub Eduardo & Elisabetha vincula & carceres pro Religione sunt perpeffi. Sed præclaras aliquas dotes libidine, ambitione, avaritia, crudelitate, ac tetro schismate Princeps infelix penitus obscuravit.

§. 2.

Ecclesiæ Anglicanæ status sub Eduardo VI.

EXTincto in schismate Henrico, tempora meliora sperabat Anglicana Ecclesia, nam ex 16. tutoribus, quos pater filio testamento dederat, plerique erant Catholici. Verum in majores multò calamitates, imò totalem ferme ruinam est prolapsa. Causa exitii *Eduardus Semeyrus* (quidam Seimerum, aut Semerium scribunt) Herfordiæ primùm Comes, dein Somerseti Dux, Eduardi Regis avunculus, qui non modò hunc nepotem suum Regem Angliæ & Hiberniæ promulgavit, sed etiam *caput Ecclesiæ*, novennem nempe puerum, qui nec se ipsum per ætatem pupillarem regere poterat.

Semeyrus igitur, Zwinglianæ factionis homo, ut contutores everteret, solusque gubernandi potestate potiretur, quos hæresi infectos noverat, præcipuis regni provinciis ac dignitatibus auxit, eorumque favore se solum tutorem, ac Regni Protectorem dixit. Universum igitur Regnum ipse solus, & tutor, & Protector, & Prorex, & Propapa, quò volebat, versabat. Hujus igitur hominis potentia Zwingliani ac Lutherani, quos Henricus nunquam toleravit, plenis valvis in Angliam irruerunt, iisque administris hæresis ubique caput in altum extulit, juvante non parùm Crammero impio illo ac spurio Cantuariæ Præsule. Catholici verò Sacerdotes severo edicto sunt vetiti, ne ad populum dicerent, aut Catholicæ Ecclesiæ doctrinam proponerent, solis hæreticis permissa concionandi potestate.

54.

Semeyrus
hæreticus.

Ut autem hæresis citiùs dilatetur, ademptæ sunt Catholicis scholarum cathedræ, datæ hæreticis; proscripta Theologia Scholastica, exauctorati SS. Patres, sacrorum Bibliorum Codices sæde interpolati. Petri Lombardi, S. Thomæ, Scoti aliorumque libri ignibus exusti. Adempta Catholicis, quæ Henricus reliquerat, templa: ex omnibus suggestis auditus clamor hæreticus: oviculæ ad lupos accedere coactæ. Missa abrogata. Ecclesiarum thesauri, quibus furor & avaritia antè pepercerat, in fiscum importati. Communio sub utraque specie imperata. Novi Sacramentorum ritus constituti. Hæretici visitatores instituti, qui omnia catholicæ Religionis monumenta, cruces, imagines, aras everterent. Rex puer, ut insanire disceret, traditus præceptoribus hæreticis Richardo Coxo uxorato Sacerdoti apostatæ, & Joanni Checo laico. Et quasi hæ pestes non sufficerent, Cramerus jam palam scorto pro uxore utens, Catechismum, hæresibus scatentem, eidem Regi inscribit. O præclarum custodem ovium! dignum enim verò, qui primam in Anglia Episcopalem sedem occupet!

Sed necdum satis humani generis hostis provisum sibi putabat. Exciti ex Germania Martinus Bucerus, Petrus Martyr seu Vermilius, Bernardinus Ochinus, tres ex tribus Religiosis ordinibus uxorati apostatæ. Bucerus Cantabrigiensi academix præfectus, Vermilius Oxoniensi. Protector Zwinglium sectabatur, Crammerus Lutherum. Bucerus plus Judæi quàm Christiani habere visus, certè in fide protheus. Vermilius aliter verminabat in Anglia, aliter in Germania, aliter in Helvetia. Ochini adèò solida erat doctrina, ut tandem in Arianum evaserit.

Synodus
impia.

His Doctoribus Anglia ita profecit, ut anno 1547. in synodum collecta novam religionis formam conceperit, ex variis sectarum centonibus confarcatam. Summa canonum venerabilis hujus concilii, ex militaribus hominibus & ministrellis conflati, hæc erat: omnes res Ecclesiasticæ Regis propriæ sunt. Ordinationum & sacramentorum novus ritus esto, abolito veteri. Cruces & imagines, si quæ supersint, tolluntur. Regis insignia surrogantur. Missa abrogatur. Cœna sub utraque specie sumitur. Sacra vulgari lingua peraguntur. Atque, ut desertam etiam à pastoribus proditamque religionem intelligas, abominationes istas Episcopi, ne preventibus suis priventur, subscriptione sua firmarunt. Atque ut per provincias publicentur, imperatum. Versio Bibliorum, quam Henricus VIII. ad ignes damnaverat, à Protectore Semeyro tanquam authentica recepta, ac publicè proposita. Sacerdotibus, Episcopis, & Monachis non solum permissæ, sed obtrusæ meretrices.

Reni-

Renitentes in carceres abjecti: suffectique hæretici in eorum sedes. Arma quidem ad arcendam tyrannidem variis in provinciis sumptuerant Catholici, sed prævaluit furor hæreticus.

Et hætenus quidem Catholicorum corio lufum est. Verum, ut inquieta res est hæresis, iis sub jugum missis, in se ipsam conversa, proprio ære sanguineas tragœdias instruxit. Erat Eduardo Semeyro Protectori frater *Thomas Semeyrus*, cujus uxor Catharina Parræa Henrico VIII. nupta fuerat. Orta igitur inter utriusque fratris uxores ambitione ac lite de præcedendi jure, Protector fratrem suum Germanum, per ministrum quendam hæreticum perduellionis falsò accusatum, capitali supplicio confecit. 55. Pœna Se-

Sed & Protector Eduardus tot scelerum reus & furendi & vivendi finem facere brevi coactus est. Nam cum Galli Anglos in Picardia, in qua Bononiam habebant, vicissent, Joannes *Dudlæus* Varvicensis comes, ac Dux postea Northumbriæ, Protectorem perfidiæ accusavit. Fugit is assumpto secum Rege in arcem. Sed cum videret, se ab omnibus destitui, illòsque etiam, quos promoverat, pedem referre, se dedit, & deposita protectoris dignitate, per *Dudlæum* datus est in custodiam anno 1548. & post quatuor mensium squalorem securi percussus interiit, qui tot alios carceri & securi subjecit.

Sed prout in naturalibus corruptio unius dicitur esse generatio alterius, ita omnino in hac rerum Anglicarum vicissitudine evenisse dicendum est. Interitus Semeyri pluriùmque ejusdem factionis promotio fuit *Dudlæi* ad clavum rerum: alio turbine & ipse brevi deijciendus ac periturus. Vanæ profectò sunt artes falsæ politices. Evehunt in altum authorem suum, sed mox casu graviore ruiturum. Joannes *Dudlæus*, hæresi & ipse infectus, ubi Nobiles promissis & ostentatis novis Dynastiis in partes suas pertraxit, Catholicis fidem dedit, splendorem Ecclesiæ veteris à se restitutum iri, si adversus Protectorem sibi assisterent. Verum gubernaculo admotus fidem fefellerit: Semeyro vix melior.

Is advertens, Eduardum Regem morbofo corpore haud diu Regno fruiturum, familiæ illud suæ, præteritis Eduardi sororibus, stabili nexu inferre satagebat. Quare collato cum Henrico Grayo *Dudlæo* propinquo suo, *Dorcestræ* primùm marchione, dein *Suffolciæ* Duce consilio, filium suum *Gilfordum* cum ejusdem filia *Joanna* Graya (cujus avia paterna erat *Henrici VIII.* soror) despondit, ut ex hoc conjugio Angliæ corona propagaretur. Nec parùm huic consilio favebat *Noallius* Orator Gallicus, metuens, ne ad Mariam,

Henrici VIII. ex Catharina filiam, Caroli Cæsaris consobrinam, sceptrum devolvatur. Eoque conatus iniquus deductus est, ut Eduardus Rex hanc Joannam Grayam Regni hæredem testamento scriberet. Moritur Eduardus; Graya proclamatur Regina; magnificè Londini excipitur. Ministri hæretici eandem velut Palladem ex suggestibus in cælum laudibus extollunt. Magni Proceres hanc causam sequuntur, atque ipse etiam Rex Galliæ, quem reddita Bolonia sibi arctius Dudlæus adstrinxerat. In Carolo Cæsare parùm spei, gravissimo bello à Gallo & Mauritio Saxone tunc oppugnato. Maria deserta, ac ne vitæ quidem secura, celeri fuga se proripit. Jacent jura: triumphat iniquitas.

Verùm vacui sunt mortalium conatus adversus æternæ mentis consilia. Versa mox rerum vice Maria à Norfolkiciæ Duce & Sufflexiæ Comite proclamatur Regina. Fit ingens ad eam optimatum populorumque confluentibus, ea tamen conditione, ne extero nubat, aut præsentem Religionis statum mutet. Cum exercitu rectà Londinū pergit. Dudlæus copias suas opponere nititur. Sed ab iis, ad Mariam confluentibus, desertus, magna & ipse acclamatione, festivam lætitiā præferens, eandem Reginam salutat, decimo die, postquam Grayam Londini promulgaverat. Londinenses eandem Grayam throno dejectam unā cum patre Suffolcio carceri mandant.

§. 3.

Status Ecclesiæ Anglicanæ sub Maria.

56. **M**aria ad Angliæ solium, omni jure sibi debitum, elevata, Judices, Norfolcio Præsides, Dudlæum Northumbriæ Ducem per-duellionis reum capitis damnarunt. Cui ea in hac vitæ calamitate felicitas obtigit, ut abjectis Zwinglii Calvinique erroribus, Catholicam Religionem publicè profiteretur, quam sola stimulante ambitione se reliquissè fassus est, ut hæreticorum prævalentium ope ad Regni gubernationem evehatur. Ita nempe non rarò aperiuntur oculi, cum mors illos parat claudere. Damnati cum patre filii; quibus tamen Regina vitæ gratiam fecit. Episcopos, sacerdotes, ac nobiles, sub patre & fratre carceribus conclusos, libertate donavit.

Firmato Regno ad Religionem instaurandam curas convertit. Abdicatus, quem pater fratérque usurpaverant, *Primatus* titulus. Perduellionis sententia, in Cardinalem Polum lata iniquè ab Henrico, rescissa. Revocatus in Angliam, atque à Julio III. missus Legatus à latere,

latere, supplices Ordines, Regnùmque totum à Schismate absolvit, ac Sedi Apostolicæ reconciliavit anno 1554. Missi Romam Oratores, Regina ac Ordinum nomine Pontifici obedientiam exhibituri. Laboratum deinde à Polo legato strenuè, in cleri populique disciplina pristino nitori restituenda. Reformatæ Academiæ, ac reliquæ scholæ: Petro Soto loco Petri Martyris accito Theologo. Reducti antiqui ritus, instituta, consuetudines, synodi, Canones. Episcopi Catholici, tempore Schismatis creati, unà cum sex Episcopatibus, ab Henrico VII. erecti, sunt confirmati. Matrimonia, cum impedimento juris Ecclesiastici contracta, facta dispensatione, validata. Erecta ac restaurata templa, altaria, collegia, cœnobìa.

Quoniam verò haud modica difficultas reconciliationi obiciebatur ab iis, qui bona Ecclesiastica, ab Henrico VIII. abstracta, possidebant, legatus amore pacis & unitatis à pœna & censuris Canonicis in perpetuum eos absolvit. Decimas verò & primitias fructuum; ab Henrico & Eduardo fisco addictas, clero deinceps solvendas decretum. Gravissimum tributum, ab Eduardo impositum, populo remissum. Atque hæc omnia ut sapienter constituta Paulus IV. rata habuit. Denique omnes exteri, qui nec publicam personam gererent, nec civitate donati essent, ad certum diem pœna gravi proposita Anglia exire iussi. Quo edicto supra 30000. hæreticorum expulsa sunt. Bucerii & Fagii cadavera concremata.

Quibus omnino rebus factum, ut Anglia brevi tempore, à schismate diuturno & hæresibus purgata & pulchrè reflorescens, pristinum splendorem recuperârit: haud aliter, ac post tristem longamque hyemem amabili verni temporis jucunditate tellus, atque æther ipse permulcetur. Hymni & cantica ubique personabant, omniæque plausu ac publicis lætitiæ signis animabantur. Coronatio præsertim Regina inter festivas acclamationes ab Episcopo Vintoniensi (quem Regni Cancellarium dixit) & aliis sex Episcopis Catholico ritu suscepta, habita ab Episcopo oratione solenni de officio subditorum erga Principem. Diploma mox recitatum, quo præteritorum venia conceditur. Primusque Vintoniensis Episcoporum & Cleri Anglicani nomine ad deferendum obsequium thronum accessit: tum Norfolcius Ducum, Vintoniensis Marchio Marchionum, & Arundellius Comitum nomine: sequentibus reliquis Angliæ Regulis.

Peraçto dein Missæ sacrificio à Vintoniensi itum solenni pompa in palatium, ubi Regale convivium erat apparatus: in quo infra Reginam assederunt Elisabetha ejus soror, & Anna Clivenfis, ab Henrico VIII. repudiata: & paulò inferiùs Vintoniensis Episcopus. Sub

mensa eques armatus pro more ingressus, ad duellum provocavit, si quis Mariam non agnosceret Reginam. Nemine comparente, Regina ex poculo aureo haustum ipsi propinavit, ac poculum dono dedit.

57.
Comitia
Regni.

Post expletas coronationis solennitates Regina totius Regni Comitia indixit, *Parlamentum* vocant, in duas *Domos* divisum seu curias, *Superiorem & Inferiorem*. In illa sunt Episcopi, Principes, Duces, Marchiones, Comites, iique, qui antiquiore stemmate sunt illustres (quos *Lordos* aut *Milordos* appellant) Inferiorem Domum constituunt Barones, Equites Nobiles, civitatum & communitatum Syndici, Delegati, ac Procuratores (quam etiam *cameram communium* nuncupant) Absque hujus conventus assensu Rex in iis, quæ ad statum Regni pertinent, uti ad condendas leges, ad pacem aut bellum, nihil potest decernere. Indicitur tamen ab ipso, tertio ad minimum quovis anno. Locus consuetus est palatium Regium Westmonasteriense. Præsidet Rex ipse, vel per se, vel per eos, quos ad id deputat, & ea, de quibus consultandum, proponit. Inferior Domus Superiori sententiam suam communicat, ac communibus deinde votis, quod majori parti visum, statuitur. Nullum tamen conclusum fieri potest, nisi à Rege sit approbatum, eoque præsentem promulgatum. Conventus porro iste non modo est supremus Regni Senatus, in quo de legibus, foederibus, pace, bello, subsidiis Regi conferendis &c. decernitur: sed etiam supremum est Regni tribunal, ad quod ultimæ appellations deferuntur. Superior Domus his temporibus constat 187. membris: Inferior verò 558. si Domus una dissentit ab altera, deputantur utrinque aliquot, veluti compromissarii. Hæc semel obiter notare placuit ad intelligendam Angliæ historiam. Nam inter Reges & Parlamentum istud sæculo XVII. ingentes actæ sunt tragœdiæ. Nunc ad rem.

Placita de
matrimonio
Regi-
næ.

Maria Regina in his comitiis inter alia consuluit de eligendo conjugē. Plerisque assentientibus decretum, ut Philippus Hispaniæ Princeps Caroli V. filius ascisceretur. Pactis tamen dotilibus hæc conditiones à Parlamento sunt appositæ: ut Philippus & Maria omnes titulos & administrationes regni communes habeant, sic tamen, ut omnium officiorum distributio sit penes Reginam, eaque solis Anglis committantur. Ne Anglia bello, inter Cæsarem & Galliæ Regem tunc flagranti, implicetur. Ne exteri ad Reginæ aut Regni Senatum admittantur. Ut ex Hispaniis quot annis 30000. scutorum in Angliam inferantur. Ut primus ex hoc matrimonio natus filius Angliæ Regnum, alter Flandriæ Comitatum obtineat. Socialibus

armis Hispania & Anglia Aquitaniæ Principatum vindicent, qui occupatus in Anglorum deinde sit potestate. Multa etiam in his Comitibus de Religione sunt pertractata, atque brevi post executioni mandata.

Quamvis autem connubiales illæ leges, à Parlamento præscriptæ, duriores essent Philippo ac Cæsari parenti, nihilominus tamen ab ipsis & Regina sunt acceptatæ. Missi à Cæsare in Angliam Legati Lamoralis Comes Egmontius, (infelix postea sub Albano victima) Carolus Lalinius, & Joannes Momorantius: confectumque conjugium, ex quo ingentia bona sperabat Religio: obtinuissetque haud dubiè, nisi fuisset sterile.

Proceres aliqui indignati, quòd Regina extero Principi esset juncta, tantamque in hæreticos severitatem expromeret, conjurare cœperunt, libertatis prætextu, quam in exteri Principis manum depositam querebantur, tractis in partem multis in variis Regni provinciis, armatis etiam copiis Reginam aggressi. Principes rebellionis erant, Cortinæus Devonix Comes, cui regii connubii spes facta fuerat, Carreus, Viatus, & Suffolcius. Et Carreus quidem in Cornubia conducens clam milites, re detecta oppressus in Galliam profugit, se ipsum damnans exilio.

Henricus Dudlæus Suffolciæ Dux in turri Londinensi captivus, audita seditione, morbi curandi prætextu uxoris precibus ad proprias ædes fide data divertere permissus est. At ille perfidiæ dudum assuetus, cum militum manu in Varvicensem Comitatum fugiens, populos ad arma vocat, Joannam filiam Reginam proclamans. Verum à Regiis circumventus, & à suis desertus, unicum in fuga remedium quærit. Omnium igitur inops, dum incertus, quo fugeret, solus errat, in rusticum incidit, quem, ut latebras ad hostes fallendos sibi ostendat, magnis promissis rogat. Rusticus Ducem in arbore annosa & cava abscondit, exili sanè domicilio pro viro, cujus amplas spes vix regnum capiebat. Ad eum noctu rusticus cruda aliqua ex villa cibaria deferbat, quibus miser vitam sustentabat. Dum interea toto regno investigatur, & non pauci equites & pedites arborem illam præteribant. Cum inveniri non posset, edictum promulgatur, quo ei, qui Suffolcium Reginæ stitisset, magna merces promissa: in eos contra, qui illum celassent, gravis pœna constituta. Rusticus igitur sive spe sive metu impulsus, ad Regium præfectum abit & scire se indicat, ubi Suffolcius lateat: qui biduum à rustico desertus, fame cogente ad rustici mapale se interea contulerat. Adjecti rustico armatorum aliquot, cum arborem illam cautè, ne præ-

58.

Conspira-
tio.

Suffolci
fatum.

da elabatur, velut indagine cinxissent, vacuum reperiunt. Sed alii interim ad casam delati, captivum abducunt Londinum, ubi perduellionis damnatus capite plexus est. (anno 1554.)

Idem supplicium eandem ob causam subierunt *Gilfordus* Ducis Northumbriæ jam antè cæsi filius, & *Joanna Graya* Suffolci filia, *Gilfordi* uxor: quam bis Reginam proclamaverant. Hujus mortem mirè extollunt Protestantes, velut heroidis, quæ sortes humanas infra se haberet. Sed præter planctus, lamenta, & lachrymas, quibus *Gilfordum* maritum cæsum lugebat, & suspiria, quibus ei in altera etiam vita jungi optabat, nihil admodum invenies, quod probaret Heroidem. A solo ingenio & literatura apud veros æstimatores laudem tulit, græcè & latinè bene docta.

Plus negotii Reginæ faceſſebat, plûsque terroris incussit *Thomas Viatus* tertium conjuratorum caput. Is etenim in Cantio aliisque provinciis justo seditioſorum exercitu sub signa collecto Roſenſem urbem occupavit. Norſolcium Regium Ductorem in fugam avertit; acerbis etiam Reginæ pacis conditiones præſcripſit: ut indigenæ nubat: arcem Londinenſem (hoc eſt Reginam ipſam) ſuæ cuſtodix comittat; Prætorianorum præfecturam ſibi tradat. Neque hic ſtetit hominis inſolentia: cum copiis ſuis perduellibus ad ipſos Londini muros accedit. Sed cum portæ, quas illico ſibi aperiendas putabat, videret occluſas, adveniente Regio milite concluſus ſe dedit. Carceri primùm incluſus, in quatuor dein partes diſſectus eſt.

Acceſſit ſupplicium *Thomæ Crameri*, pseudo - Archiepiſcopi Cantuarienſis, hominis ex aſſe hæretici; qui ſententiã divortii inter Henricum VIII. & Catharinam Mariæ matrem tulit, & Anglicano ſchiſmati primus oſtium aperuit. Majeſtatis damnatus, atque carcerem Londinenſem abductus, hæreſin ejuravit. At ubi firmam mortis ſententiã vidit, ira exæſtuans, ne Catholicis converſionis ſuæ ſolatium relinqueret, rurfus à fide deſcivit; atque rogo injectus, inter execrationes & blaſphemias turpiſſimam vitam finiit. Dignus enim verò, quem hæretici Martyrologio ſuo veluti Sanctum inſcriberent.

59. Sed videamus hæreticorum in Anglia miracula, ac vaticinia, prophético eorum ſpiritu eruſtata. Zwingliani miniſtri *Elisabetham Croſam*, 18. annorum puellam, hæreſi ſimul & pretio corruptam, muro cuidam Londini includunt, ut per fiſtulam, ad id aptatam, carmen demurmuraret, quod improbi ſycophantæ ipſi ſuggeſſerant. Ad vocis peregrinæ ſonum accurrunt cives: urbi ac toti regno perniciem

niciem comminantem audiunt, si nuptias cum Hispano, aut communiorum cum Romano Pontifice admittant. Multa item contra Missam ac fidem Catholicam oracula fundebat. Ex consciscis verò plures data opera se turbæ ingerebant, & obscuriores spiritus hujus strophas ad seditionem concitandam & Religionem evertendam interpretabantur. Tandem Magistratus ad compescendam multitudinem accedit: audit voces. Fraus latet: donec muro effosso fabula evoluta est. Puella extracta, & examinata totam stropham detexit, ad perpetuam hæreticorum ignominiam. Nempetales & olim vates prodigiosas Montanus, Marcion, Pelagius, Priscillianus secum circumferebant.

Hæc dum ludicra ab hæreticis instruebantur in Anglia, *Elisabetha* Regina soror, à Viato inter conscios perduellionis nominata, curri Londinensi includitur: inde Richemundam, atque Nollstochium abducta: ne nuptiarum cum Philippo solennitas atque læticia turbaretur. Joannes Grayus verò Suffolcii frater idem scelus capite luit. Hopperus autem Episcopus Glocestrensis hæresis condemnatus, exustus est: Thomasonus ob captum Reges occidendi consilium strangulatus. Nova dein iterum conjuratio in Regis & Reginae, & omnium Hispanorum caput in lucem protracta, & punita est. Regina verò, cujusdam Hiberni Medici pharmaco usa, nullum deinceps foetus, quem gestare se putaverat, motum sensit. Multæ etiam cruces & Sanctorum imagines Londini dejectæ sunt, ignotis auctoribus.

Conspiratio.

Demonstrare nempe volebant seditionum & iconomachiae auctores, necdum omnes hæreticos ex Anglia fuisse propulso. Unde plures identidem conjurationes, Lernæa velut excetra renascentes, succreverunt, & juvenis quidam, Eduardo VI. Regi persimilis, in scenam ab iisdem productus, Regem se ferebat, eo fuce simplici plebeculae illito, Eduardum metu Mariæ, & Northumbrii, Joannam Grayam attollere in solium volentis, fugisse, alium verò mortuum pro ipso fuisse suppositum. Captus impostor, & primum carcere, dein verò, cum insanire pergeret, morte punitus.

Philippus Rex, tot inter turbas Anglia excedens in Belgium, à Obitus. patre Carolo abdicante Regna Hispaniarum accepit. Maria verò Regina morbo contracto, cum vitæ finem imminere adverteret, Elisabetham sororem, quam à patre successioni, à Regni ordinibus approbata, destinata esse norat, è custodia accitam, se è vivis sublata, jussit omne æs alienum è regio patrimonio dissolvere: in religione nihil mutare: nullam hæresin tolerare. Quæ Elisabetha (hactenus

Ætenuſ Catholicam ſe ſimulans) jurejurando coram ſenatu promiſit. Eadem die, qua tempore matutino obiit Maria, ſecutus eſt ſub veſperum Reginalduſ Poluſ Cardinaliſ, poſt Varamum, & Cramerum Archiepiſcopuſ Cantuarienſiſ, Religioniſ in Anglia cum Regina reſtaurator: quæ, Deo vindicante mortalium ſcelera, cum illiſ occidit.

§. 4.

Status Eccleſiæ Anglicanæ ſub Eliſabetha.

60.
Artes.

Poſt Mariæ obitum, præterita Maria Stuarta Scotiæ Regina, regnum Angliæ deſertur ad Eliſabetham, 25. tunc annos natam, litteriſ politioribuſ & linguarum Latinæ, Italicæ & Gallicæ peritiâ inſtructam, ingenii quoque, ac naturæ dotibuſ valentem, quas tamen perfidia, erudelitate, hæreſi ſœdè obſcuravit. Religionem Catholicam non alia ex ratione abjecit, niſi, ne ipſa à Regno abjiceretur. Quippe à Clémentè VII. & Paulo III. nuptiſ cum Anna Bolena, ac prole inde ſuſcepta declaratiſ illegitimiſ Regnum ad Scotiæ Reginam pertinebat. Id verita mulier, poteſtatem Romani Pontificiſ negandam judicavit, patriſ fratriſque exemplo: præſertim ubi à Paulo IV. rigidioriſ, quàm tempora ferebant, diſciplinæ Pontifici, cui regni aditionem ſignificari curaverat, reſponſum minùſ expectatum accepiſſet. Regnum Angliæ feudum eſſe Romanæ Eccleſiæ, clientelari obſequio agnitum à ſuperioribuſ Regibuſ, non debuifſe proin illam, maximè natalium vitio laborantem, abſque præſcitu Sedis Apoſtolicæ Regnum capeſſere. Diciturque Gallicuſ Orator Pontificem incitâſſe, ne mitiùſ reſponderet; quia Galli Mariam Stuartam, Delphino tunc nuptam, Angliæ Reginam proclamaverant, ac inſuper metuebant, ne Eliſabetha cum Philippo II. aut Ferdinandi Cæſariſ filio jungatur connubio, quod minùſ è ratione Status ſui fore cenſebant.

Eliſabetha igitur Romanæ Eccleſiæ jugum excutere certa, paulatim tamen agendum rata, Catholico ritu à Carleolenſi Epifcopo inaugurata (anno 1559.) ſolituſ juramentum præſtitit, defendendi Catholicam Religionem, & libertatem Eccleſiaſticam conſervandi. Tum verò uſa ſtudio *Roberti Cecilii*, qui Eduardo VI. fuerat à ſecretiſ, & Nicolai Baconi J. C. hæretici, pedetentim variiſ adulari Proceribuſ, Arundelio Comiti, & Roberto Dudlæo, Northumbriæ Ducis, ſub Maria cæſi, filio, ſpem matrimonii facere, reliquiſ ſpes magnas oſtentare, pleròſque arcaniſ artibuſ in retia trahere, permittere

tere primò religionem liberam, tum omnem Jurisdictionem Ecclesiasticam sibi arrogare, novam juramenti formam præscribere, edicta per regnum spargere.

His sibi attribuit summam potestatem visitationis, correctionis, Caput An-reformandi Clerum, cum omni jure Episcopos creandi, deponendi, glicanæ Ec-synodos convocandi, in iis præsidendi, leges & constitutiones Eccle-clesiæ. siasticas condendi, antiquandi, immutandi, cum omni cognitione, decisione, punitione, errorum, hæresum, abusu, ac qualium-cunque criminum; denique cum omni facultate substituendi ac delegandi alios, quoscunque vellet Judices, etiam laicos in Ecclesiasticis causis ac negotiis, nulla Episcoporum habita ratione, nisi quantum ipsa concederet: ita, ut jurisdictionem & potestatem Episcopalem nullam exercerent, nisi ad beneplacitum Reginæ, nec aliter nisi per ipsam, & à Regali Majestate derivatam auctoritatem.

Unde supremi Ecclesiæ capituli nomine attribuit sibi in perpetuum Annatæ. primi anni cujuscunque Beneficii integros fructus: omnesque cœnobiorum possessiones, à Maria Regina ad sacros usus restitutas, partim fisco addixit, partim Nobilibus distribuit, ad captandam eorum benevolentiam, eosque aureo hoc hamo, quocunque luberet, trahendos. Vicarios & commissarios pro causis spiritualibus constituit, cuso peculiari in eam rem sigillo.

Missæ sacrificium, cum omni sanctissimo ritu sacramenta admi- 61. nistrandi sustulit. Catholicis Evangelium prædicandi facultate inter-Religio dixit. Nova sacra, ceremonias, ritus præscripsit. Vetat, ne Clerus everla. ad synodum ullam aliorum quàm Reginæ litteris aut mandatis conveniat, néve ullum canonem, constitutionem synodalem faciat, vel exequatur, absque expresso ejusdem consensu, sub pœna carceris & mulctæ pro Reginæ arbitrio imponendæ. Ne quis regno exeat ad ullum concilium, aut conventum. Ne Episcopi ullius nominatione, aut electione, sed sola auctoritate regia creentur. Atque ut hæc omnia certiùs in praxin irent, juramentum omnibus nuncupandum imposuit. Cujus hæc erat forma:

Ego N. prorsus testificor & declaro in conscientia mea, Reginam Juramen-esse solam supremam Gubernatricem, & istius Regni Angliæ, & alio-tum. rum omnium suæ Majestatis dominiorum, & regionum, non minùs in omnibus spiritualibus atque Ecclesiasticis rebus vel causis, quàm temporalibus: & quòd nemo externus Princeps, persona, Prælatus, status, vel Potentatus, aut factò aut jure habet aliquam jurisdictionem, potestatem, superioritatem, præeminentiam vel auctoritatem Ecclesiasticam

*aut spirituales in hoc regno. Ideoque planè renuntio & repudio omnes
exterorum jurisdictiones, potestates, superioritates atque auctoritates.*

62.
Comitia.

Quum verò ne sic quidem satis omnia, quæ volebat, stabilivisse sibi videretur, Comitia convocanda, ordinumque Regni consensum, sine quo nihil, & cum quo omnia poterat, procurandum sibi censuit. Postquam igitur diligenter providerat, ut ex singulis provinciis & civitatibus, in alteram curiam, quæ Domus Inferior dicitur, ii cooptarentur, quos suis ipsa commodis maximè commodos existimabat, facile obtinuit, ut omnia, quæ proposuit, ab hac comprobarentur. In Superiore autem Domo plerique eam de primatu Ecclesiastico propositionem detestabantur: Episcopi comprimis.

Tyrannis.

At Regina ad solitas suas artes, dolos nempe & simulationes conversa, quum Norfolkio Duci, & Arundelio Comiti spem nuptiarum fecisset, facile eos ad suas partes pertraxit, ut causam ejus aliis etiam ardentè persuaderent, adeò quidem, ut pars schismatica numero suffragiorum vinceret. Regina voti compos utrumque procum destituit, & in præmium navatæ operæ Arundelium auctoritate, Norfolcium etiam vita privavit. Episcopi in parlamento dissentientes dignitate dejecti. Et qui sacrilegum juramentum detrectabant, exauctoritati, & relegati, aut in varios carceres conjecti sunt. Melior etiam pars Cleri, variorum ordinum cœnobitæ, Catholici Doctores, Nobiles laici utriusque sexus, in veteri religione constantes, in ergastula aut exilium acti. Cruenta deinde persecutio in sacerdotes, monachos, ac fidei defensores excitata martyrio plurimos cœlo transmisit.

Tyrannidem vehementiùs accendit Pii V. constitutio, qua post tentata incassum lenia remedia, sacro anathemate percussit Elisabetham (anno 1570) eamque regno privatam declaravit, omnesque ac singulos ejus subditos à juramento fidelitatis absolvit, lata in eos, qui mandatis ejus parerent, excommunicationis sententia. Quam constitutionem Gregorius XIII. & Sixtus V. innovârunt, & confirmârunt.

63.
Secta.

His auditis Elisabetha immanem in Catholicos lanienam acuit, instititque hæc Angliæ Papissa operi cœpto, in cudendo id genus religionis systemate: quod nec Hussiticum, nec Calvinianum, nec Zwinglianum, nec Lutheranum, nec Anabaptisticum, neque Catholicum esset: ex omnibus tamen aliquid conflaret. Ex Religione Catholica retinuit aliquas ceremonias ritusque externos, ut eò minùs offensionis incurrat apud populum, ex maxima parte adhuc Catholicum: qui, dum videbat antiquos ritus, Episcoporum aliorumque Ecclesiasticorum vetera nomina, vestitum à laicis discretum, Christi cruci-

crucifixi Sanctorumque imagines in templis & compitis, organa & cantus, cereos, orationes pro defunctis, more ferme antiquo retineri, die veneris & sabbati à carnibus abstineri, homines cruce signari, sepulturas ritu veteri fieri: vix sentiebat, se paulatim duci in hæresin, quam quoad interna ac doctrinam ex variis hæresiarchois centonis instar confarci navit. Et, ut facilius haurirent, pœna non levi proposita omnes ad conciones hæreticorum adire compulit. Quam in rem, prout etiam ad confirmandum suum primatum sævissimas leges tulit partim pecuniarias partim capitales.

Qui 16. annos natus Protestantium concionibus ac cultui Divino interesse recusaverit, quot mensibus viginti libras Anglicæ monetæ pro multa pendito. Qui non habet in ære, carcere luto, quoad perfolvere queat. Multò gravior pœna statuta in eos, qui Missam legerint, aut eidem interfuerint. Nulli scholarium in collegio aditus conceditur, nisi Papæ auctoritatem ejuraverit. Neque suffragii jus habeat, qui hoc non præstiterit. Nullus hæreditatem adeat, nisi juramentum deponat. Qui id recusarit, ad perpetuos carceres, omnibus bonis multatus condemnator. Eadem pœna statuitur in eos, qui negaverint, Reginam esse supremum Anglicanæ Ecclesiæ caput; aut consecrata munuscula, rosaria, lypsana &c. in Angliam importarit: qui Catholicos non detulerit: qui conciliationem cum Romana Ecclesia suaserit, aut obedientiam Papæ præstandam, aut tales non denuntiavit &c.

Leges capitales conceptæ erant in eos, qui dixerint, aut scripserint, Papam esse caput Anglicanæ Ecclesiæ, aut aliquam illi jurisdictionem asserat: ad eum provocat, aut Bullam in Angliam portat: qui tertio monitus, ejus potestatem ejurare, aut Reginæ primatum negare præsumserit: aut eam schismaticam vel hæreticam pronuntiet. Qui personam quamcunque ad Ecclesiæ Romanæ unionem reduxerit: vel ipse reconciliari se passus sit: aut qui alteri persuaserit, Papæ in rebus Ecclesiasticis esse obediendum, vel id sibi persuaderi passus fuerit. Quicunque sacerdos subditum Reginæ absolverit, aut eam potestatem se habere dicat, licet ea non utatur &c.

En leges Anglicanæ tyrannidis, non latas iniquius, quàm ex-
 cutioni das crudelius! Supplicii autem hæc erat forma. Damnatu
 erati supinus impositus ad supplicii locum perductus, & collo in la-
 queum inserto suspensus patibulo, inciso fune semivivus demittitur.
 Abscinduntur virilia, aperto ventre intestina extrahuntur, & in ignem
 projiciuntur. Tandem amputato capite, truncus in quatuor partes
 disseccatur, eaque celebrioribus urbis locis horribili spectaculo suspen-
 duntur:

duntur : bonis interim omnibus fisco addictis : & , si nobili sint familia , Nobilitatis insignibus detractis. Quæ barbaries sævire posset aut propudiosius , aut truculentiùs ? Hæresis hæc est indoles. Ex usu suo & more agit. Ingeniosa illa , stimulante industriam rabie , in novas & inauditas pœnas , ea tormenta , sæviendique modos invenit , quos nulla unquam ethnica tyrannis aut barbara crudelitas noverat. Hoc videlicet erat more Apostolico Evangelium prædicare.

Infinitus forem , si omnes lanienas , eorûmque , qui eas sustineant , carceres , tormenta , necesse , narratione singillatim vellem complecti. Neronis alicujus , Decii , aut Diocletiani tempora rediisse videri poterant , nisi nova tyrannis antiquam illam superâisset. Nec in viros duntaxat sævitum , sed in pueros etiam , puellas , matronasque honestissimas : manifesto argumento , non crimen aliquod læsæ majestatis eos luere (quod Elisabetha , martyrii invidens gloriam , per exterarum aulas spargebat) sed unice propter fidem Catholicam , & unionem cum sede Apostolica , tormentis fuisse subjectos. Quid enim ab innocua illa ætate , quid à sexu imbecilli timendum fuerat Reginæ , tot exercitibus stipatæ , tantæque potentia terra marisque obvallatæ , præsertim ubi Scotiæ Reginam jam unguibus tenebat. Sed nec ulla unquam conjuratio aut proditio Catholicorum deprehendi poterat. Sed tota persecutionis causa erat , quòd Catholici in fide Christi essent constantes , ac Romanum Pontificem tanquam caput Ecclesiæ in spiritualibus agnoscerent : uti ex eo etiam luculenter patuit , quòd carceribus conclusis , aut etiam ad mortem jam ductis libertas fuerit promissa , si fidem catholicam ejurarent , & re ipsa pluribus concessa , ubi tormentis victi ab illa desciverunt.

Propter
fidem.

64.
Exules.

Seminaria.

Sæviente autem hac persecutione complures viri pii & docti patriam , quam sanare non poterant , reliquerunt , ut eminens opera sua librisque eruditis eandem juvarent. Hos inter *Nicolaus Sanderus* , libro de schismate Anglicano celebris , *Thomas Stapletonus* Doctor Theologus , pluribus monumentis clarus , & *Guilielmus Alanus Copus* , qui propter insignia in Ecclesiam merita postea à Sixto V. purpura donatus est. Hic primò Duaci Anglorum seminarium instituit , sedis Apostolicæ ac piorum hominum , quos Anglorum exulum misericordia tangebatur , liberalitate. Ex quo plures prodierunt optimè instituti sacerdotes. Quum autem Geusii omnia in Belgio miserent , Rhemos translatum viros insignes produxit. Pontifex insuper Gregorius XIII. Collegium Anglicanum fundavit , pro alenda & instituenda juventute. Quibus in Hispania postea , Belgio , aliisque provinciis plura accesserunt , pro

pro natione illa pressa, id genus Collegia, magnorum virorum ac Martyrum seminaria.

Nam ex heroibus istis plures sacerdotio initiati, & sacra doctrina probè imbuti, in Angliam redibant; ac hæreses oppugnabant. Hæ tempore Elisabethæ in quatuor potissimùm classes, quarum quævis alteram damnabat, erant dissectæ. Prima erat Regiæ religio, seu *Sectæ Anglicanæ*, & quasi nationalis Angliæ, cujus fundamenta Henricus VIII. jecerat: & Elisabetha promovit. Atque hæc Regiam pro Ecclesiæ Anglicanæ capite habuit, retenta tamen Episcoporum dignitate, multisque externis ceremoniis ac ritibus: in reliquis ferme Calvinii dogmata sectabatur: eò quòd dicerent, Religionem Papistæ-Episcopalem nimis pinguem esse, Calvinianam verò nimis macram, se verò *les* mediam, & ex utraque mixtam tenere, atque hoc ipso optimam, quia ex utraque, vitatis extremis vitiosis, optima quæque essent selecta. Ubi tamen illud contigit memorabile, quòd, cum Henrico VIII. legem rogante Parlamentum statuisset, ut Episcopus more veteri à tribus Episcopis consecraretur, sollicitè indagàrint Episcopum Catholicum, qui eos consecraret, interpellato etiam Archiepiscopo Armachano Hiberniæ Metropolitano, qui eo tempore in carcere Londinensi detinebatur: probè gnari, consecrari non posse Episcopum nisi à vero Episcopo.

Altera Sectariorum classis erant *Presbyteriani*, Episcopalis oppositi, quòd eos non differre ab aliis dicerent, eò quòd in primitiva Ecclesia *Presbyteri* fuerint seniores, quo nomine absque discretione tam Episcopi, quàm alii Ministri Ecclesiæ fuerint comprehensi, atque æquales, absque hierarchia Ecclesiastica, qua alii sint majores, alii minores. Adhæc externos ritus Elisabethæ rejiciebant, uti organorum, altarium, certi habitus. Negabantque, posse Prælatum Ecclesiasticum in Comitibus Regni sessionem & votum habere. Dissidebant etiam in doctrina prædestinationis, redemptionis generis humani &c. In Scotia prævalent: in Anglia autem Episcopales.

Tertiam Sectam conficiunt *Puritani* aut *Consistoriales*, qui inhærentes Genevensi Calvinii & Bezae confessioni ad ejus normam omnia exigebant, rejectis ceremoniis ac ritibus Ecclesiæ Anglicanæ, quos superstitiosos, & Papismum olentes censebant. Et hinc Episcopales vocitabant *Calvinianos Papistas*, aut etiam *Parlamentarios*; quia scilicet Regina legem rogante Parlamentum Episcopalem sectam introduxerat. Tria maximè eorum in Anglia se hujus hæresis efferebant capita: Compingerus, qui pater misericordiæ dici voluit: Ardent-

nus justitiæ & ultionis præconem se ferebat: Harquelotus, qui Christi imaginem se jactabat.

**Enthusia-
stæ.**

Quartam constituebant Brownistæ aliique Enthusiastæ, qui familia amoris appellari volebant. Hi omnes mutuo odio & insectatione tanquam hæreticos se se insectabantur. Sectæ autem istæ in alias rursus sectas subdivisæ sunt; & ex iis nata postmodum numerosa novarum colluvies; quolibet videlicet luxuriante cerebro sacras scripturas pro libidine, & ad phantasticam suam ideam, in mente conceptam, interpretante, & abutente: documento ceretè dilucido, ad quam confusionem deveniatur, si neglecta Ecclesia ejusque interpretatione cujuslibet arbitrio permittantur Divina oracula.

67.

**Societas in
Angliam.**

Quamvis autem diversæ hæreses religioni, à Regina introductæ se opponerent, ejusque primatum & constitutos ab ea Episcopos, ritusque abicerent, attamen adversus solam Religionem Catholicam extirpandam tota incubuit. Jàmque dudum Martyrum sanguine decolor Thamesis rubore suffusus decurrerat; cum anno 1580. Societas Jesu suo instituto ad salutem animarum nata, postquam jam multos Anglos in seminariis educatos in patriæ commoda præmiserat, & ipsa in desolatum hoc regnum concedendum sibi putavit. Quamvis minime eam lateret, quanto Elisabethæ sit odio: dum & Turcam sollicitavit, ne ullum huic hominum generi in provinciis suis locum concedat (Gallico tamen oratore ejus conatibus obnitente) & 38. ejusdem professionis viros, in Brasiliam ad Evangelium prædicandum navigantes per suos piratas in mare præcipitavit.

Personius.

Primi ex hac Societate Angliæ Apostoli erant Robertus Personius, & Edmundus Campianus, Angli, à Gregorio XIII. & Præposito suo Generali Mercuriano missi, cum fratre coadjutore Rudolpho Emersono. In itinere Mediolanum delati octiduo detenti sunt à S. Carolo Borromæo. Genevâ transeuntes cum Beza congressi laborabant eum in viam reducere. Audomarum ubi attigerunt, intelligunt, eorum in Angliam trajiciendi consilium per exploratores jam constare in Anglia: portus omnes obsideri: ipsas eorum effigies jam haberi depictas, in certam eos mortem ruere. Cui autem bono Angliæ futurum, ex portu in carcerem, ex hoc ad furcam raptari?

Personius re perpensa, ne omnes in discrimen daret, ipse prior solus, ceu Missionis superior, trajectus aleam tentavit, Campiano Audomari certiora expectare jussu. Itaque militarem ducem toto corporis habitu præferens Caletum solvit, & cum Dubrim applicuisset, Gubernatorem ultro adit, ac velut diu antè domesticus rogat, ne mercatorem Patricium nomine (Campianum nempe) altera die mor-

retur,

retur, sua enim interesse, ut quamprimum Londini adsit præsens. Quod ipsum Campiano per navem reducem nuntiat. Londinum feliciter delatus mox custodiam adit, in qua Thomas Pondo, à biennio, dum esset in vinculis, Societati auctoratus, detinebatur: à quo Personius Gilberto commendabatur, viro nobili, à Puritanorum secta ad Religionem nostram transgresso.

Supervenit mox, cautiùs licèt Dubrensi portu custodito, Cam-Campianus cum fratre Emersono, ingenti Catholicorum lætitia: quibus nus contestati sunt, se unicè propter animarum salutem venisse in Angliam, politico regimini & rationi status se nullatenus immisturos. Inter alia decretum, non licere Catholicis conciones & mysteria hæreticorum frequentare. Postquam dein Campianus in privatis ædibus sæpiùs ad Catholicos dixisset, pluriùmq; nobiles conversiones essent factæ, notitia de eorum adventu in aulam est perlata. Statuunt proin ad vitandas, quæ ubique tendebantur, insidias Londino tantisper discedere. Quod antequam facerent, Campianus ad Regium Senatum litteras dedit, in quibus adventus sui causam exposuit, plurâque diluit, quæ contra Societatem & Anglica seminaria erant sparsa, simulq; se offert ad disputationem coram Regina instituendam; tandem rogat, ut sibi munere sacerdotis, ad quod missus esset, liceat fungi.

Multis interea Catholicis nobilibus ad eum confluentibus, vestibus, sæpiùs mutandis, ne agnosceretur, & equis instructus, aliquamdiu exploratores oculos fefellit: donec ab Elioto proditus in manus apparitorum incidit. Hic homo, priùs Catholicus, capitalis criminis reus, à Valsinghamo Reginae Secretario vitæ veniam impetraverat, ea conditione, ut Campianum sisteret. Igitur admissus in domum nobilem extra Londinum, in qua Campianus prædicando, confessionibus audiendis, & SS. Eucharistiæ sacramento conferendo occupabatur, hic Judas apparitoribus, qui in propinquo substitierant, indicium fecit. Qui in domum irrumpentes, excussis omnibus latebris Campianum tandem deprehenderunt, & captivum perduxerunt Londinum. Proditus.

Ubi immaniter tortus & dissentus, nihilominus cum hæreticis disputationem iniit, quatuor continenter diebus, horis ante- & pomeridianis, variis ministellis, dum priores lassarentur, recenti robore sibi succedentibus. Quibus omnibus par Campianus, Catholicæ Religionis veritatem tam dilucidè ac nervosè ob oculos posuit, ut victi recesserint, & Philippus Comes Arundelius, qui præsens aderat, mox fidem Catholicam sit professus. Disputat.

Cùm nec tormenta nec verborum contentiones Athletam vincerent, criminalem ei actionem intentarunt, quòd Rhemis ac Romæ de nece Reginæ inferenda conspirarit, ac propterea nunc in Angliam venerit, ut armis Papæ, Hispani, & Florentini viam paret. Negavit, id facinus sibi unquam in mentem venisse, nulla id ratione nec prudenti conjectura probari posse, non alio fine se missum in Angliam, quàm, ut absque omni proditione & tumultu fidem prædicet, & SS. Sacramenta fidelibus distribuat. Quòd exteri quidam Principes arma adversus Angliam parent, id sibi prorsus esse incognitum: nullam certò in eo partem ad se pertinere.

Examina-
tur.

At frequenter, inquit, vestes commutasti, jam nobilem, jam militem, jam mercatorem mentitus. Quid sacerdoti cum gladio, sericis vestibus, cristato pileo, phalerato equo? nunquid? proditorem tegere volebas? qui male agit, fugit lucem. Respondit Campianus, nullius proditionis id esse indicium, sed eo solo fine factum, ut saluti animarum vitam suam reservet, exemplo virorum Apostolicorum complurium.

Sed litteras scripsisti, replicant, Thomæ Pondo, quibus asseveras, te in equuleo tortum nihil secretorum, quæ à Papistis audieras, revelasse, nec revelaturum unquam. Quænam hæc alia secreta, nisi proditionis molitio? Respondit Campianus, hostes quosdam malevolos de se sparsisse, quòd in catasta tortus manifestarit secreta, quæ in sacra confessione audierit: scripsisse proin, ad tantum scelus à se amoliendum, nihil eorum à se manifestatum: cùm absque gravissima Divinæ ac naturalis legis prævaricatione id fieri non posset.

Instant rursus accusatores, quòd jurare noluerit, Reginam caput esse Anglicanæ Ecclesiæ, & interrogatus, quam vim habeat Bulla, à Papa Romano adversus Reginam edita, & utrum excommunicationis sententia sit legitima, nullum responsum dedit. Pauci dies sunt, reposuit Campianus, ex quo Regina ipsa ex me quæsit, an Regiam in se potestatem agnoscam? respondi, agnoscere me illam legitimam Reginam ac Dominam totius Regni. Cùmque ulterius quæreretur, an Papa à fidelium communione eam separare possit, respondi, me non esse idoneum arbitrum inter suam Majestatem & Pontificem, nec posse de eorum controversiis judicare.

Sed Judices Pharisæis comparasti, obijciunt, qui occasionem quærebant occidendi Christum, quærendo, an liceat tributum dare Cæsari. Interrogatus, iuquit, an Papa Reginam excommunicare possit, & an Bulla illius sit valida, respondi, has esse versutas & Pharisaicas interrogatio-

rogationes, me Reginam agnoscere, ejusque Regiam dignitatem ac potestatem; cæteras quæstiones me scholis ac Theologis relinquere.

Producunt testem Cradocum, qui deposuit, se præsentem in quodam cœtu audivisse sermonem misceri de quodam fœdere, inter Pontificem & ducentos Anglicanos sacerdotes inito pro reducenda in Angliam Religione Pontificia. Interrogavit Campianus, quisnam fuerit ille cœtus; otiosorum fortassis & loquacium hominum in caupona, qui faciliè effutiunt, quod temere suspicantur, aut garrimenti levitas suggerit, & quodnam piaculum, veram Christi fidem velle introducere? Sed quidquid sit de hoc fœdere, Cradocum probare non posse nec testari, se in eo fuisse comprehensum.

Denique introductus Eliotus proditor, qui testabatur, in ultima sua concione Campianum ingemuisset propter hæreses Angliæ, solatum tamen esse auditores suos Catholicos spe, venturum brevi diem, Catholicis optatum, hæreticis terribilem. Jurejurando asseveravit Campianus, se per eum diem non intellexisse alium, quàm ultimum Divini judicii diem. Tum ad Duodecimviros conversus, vestrum jam est, inquit, judicare, num vel suspicio prodicionis subesse possit. Sed cogitate, Divinum Judicem in illa die de vestro judicio districtè judicaturum. Suspiciones prodicionis vanæ sunt, præsumptiones prorsus levissimæ, nullo indicio fundatæ: testes, quamvis nullius fidei atque de jure inhabiles, de nulla prodicione, aut conspiratione deponunt.

Amore patriæ meæ ductus fidem Christi propagare volui, fateor, Missas legi, Sacramenta contuli, confitentes à peccatis absolvi, munere Sacerdotis functus sum. Hoc totum. Si propter Religionem condemnandus sum, en caput meum. Non aliam subesse causam, nollis ipsi Judices; cum toties mihi non vita solummodo, sed etiam libertas spēsque magnæ sint oblata, dummodo Catholicam Religionem deferam.

Quamvis autem Campianus se sociosque Sacerdotes strenuè defenderat, nullumque crimen probari poterat, nihilominus à Duode-Cimvirali Judicio mortis rei sunt pronuntiati. Dilato tamen alio-natur. rum martyrio, duos tantum pro ea vice Campiano adjunxerunt, Rudolphum Servinum, & Alexandrum Briantum, qui paulò antè in Societatem nostram suscepti fuerant: gaudentes & exultantes, quod digni sint habiti, pro nomine JESU non solum contumeliam sed etiam mortem pati.

Necatur.

Cum educerentur, innumera confluit multitudo, etiam Catholicorum, qui intrepidè accefferunt, & petita benedictione inter lachrymas valedixerunt. Campianus laqueo collo inserto, cum sub furca consistens ad populum inciperet dicere, interpellatus, ut potius scelus fateatur, & Reginam roget veniam, respondit, se nullum adversus Reginam designasse scelus, nisi Religio Catholica habeatur pro scelere. Hanc pro Sacerdotali suo munere ut propagaret, venisse in Angliam patriam suam. Pro hac se mortem animo lubenti cpperere. Hanc solam esse mortis causam, rogat, ut fides sibi habeatur eo in articulo, quo in procinctu stet, ut ad Divinum tribunal sistatur. Pro salute dein Regine precatum datæque Judicibus venia, furca suspensus est, postea in quatuor partes dissectus, diversis locis publicè affixas, (Anno 1581.)

Elogium.

Erat Campianus patria Londinensis; Oxonii litteris severioribus vacans, Diaconum à Ministris ordinari se passus est; ad quod scelus expiandum Anglia egressus, in Duacensi seminario aliquamdiu commoratus, Theologiam didicit. Romam dein profectus in Societatem admissus est anno 1573. In Bohemiam postea amandatus, Philosophiam Pragæ docuit, latinæque conciones habuit; donec anno 1580. in patriam missus, anno licet unico multa gessit tulitque pro religione & animarum cultu. Inter scripta ejus, quæ multa sunt, & varia, eminet libellus aureus, cujus titulus; *Decem rationes oblatis certaminis in causa fidei redditæ Academicis Angliæ*; mole parvus, sed eruditione, eloquentia, ingenii vi, argumentorum pondere, succincto rerum multarum nervo, sanè maximus.

Post eum Servinus, & Brianthus, adeò immaniter prius torti atque in equuleo distenti, ut Northonus Præses gloriaretur, se integro pede longiorem Brianthum fecisse, ad idem supplicium raptati, semivivi de furca dejecti, corde adhuc spirantibus evulso, pendendis abscissis, visceribus in ignem coniectis &c. martyrium consummarunt: nullius culpæ rei, nullius convicti aut confessi. Nihilominus hæretici illico ad constandam invidiam, & suam regendam tyrannidem athletisque detrahendam martyrii gloriam, per exterarum nationes rumorem sparserunt, Jesuitas non propter Religionem, sed propter prodicionem patriæ & perduellionem fuisse condemnatos.

66.
Nicolai
commenta

Quamvis autem hic merus esset prætextus ad minuendam crudelitatis ac diræ persecutionis invidiam, occasionem tamen dedit impostura Joannis Nicolai Apostatæ; qui Roma reversus multa de Catholicorum machinationibus, apud Cardinales fabricatis, confinxit,

finxit. Cùm autem vidisset, plurimos innocentes hoc suo mendacio acerbissima tormenta mortemque ignominiosam pati, conscientia stimulis impulsus *Cecilium* summum Regni quæstorem, & *Valfringum*, qui Reginae à secretis erat, immanes Catholicorum tortores accedit, faterique, falsa esse, quæ detulisset. A neutro auditus, arcis Præfecto, & Sacerdoti captivo fraudem suam aperit: atque ex Anglia profugus, Rothomagi in Gallia comprehensus; totam mendaciorum stropham retexuit: hæc præcipuè fassus: confitum à se fuisse:

Romæ in Anglorum Seminario consultari, quomodo Regina fit tollenda è medio: Papam, Cardinales, & universum Clerum Catholicum gravissimorum scelerum à se accusatos Londini. Catholicæ religionis studium simulatum, cùm Protestantium partibus ex animo esset addictus. En Argumentum hæreticæ perfidiæ! quo innumeri mortales, quos innocentia absolverat, ad carceres & furcas iniquissimè sunt condemnati: lato etiam à suprema Regni curia edicto sanguined.

Nam hac causa, nunquam legitime evicta, sed penitus conficta, præter Sacerdotes ac Religiosos innumeros, hac fraude perempti sunt Dux Northumbriæ, Arundeliæ comes, Ducis Norfolciæ filius, Laburnus, Feltonus, Storeus, aliique ex nobilissimis familiis, octo Comites, decem Barones, 26. Proceres, plus quam 350. Nobiles, 110. fœminæ, inter quas illustrissimæ matronæ. Florimundus Ræmundus persecutionibus istis cœvus ait, quòd si quis omnia, quæ in Anglia adversus Catholicos crudeliter acta sunt, recensere velit, vix finem (tantam esse multitudinem) vix fidem (tantam esse atrocitatem) reperturum. Enumerat deinde Londinenses carceres, catholicis congestos, carnificinas, lanienas, equuleos, catastas, instrumenta crudelitatis, immanitate barbara.

Propter
quod mul-
ti necati.

Quia verò Regni senatus animadvertit, etiàm hîc sanguinem Martyrum semen esse Christianorum, tantæque crudelitate multorum ex indigenis, & præsertim apud externos animos offendi, clementia quadam, licet ipsa morte acerbior uti statuit, multis ex carceribus extractis, missisque in exilium. Cùm autem navibus essent imponendi; intercessit sævo edicto *Gaspas Hayvodus*, è Socie-
tate Jesu, qui ipse etiam erat inter relegatos, omnium nomine palàm questus, sine causa, sine crimine, sine judicio, ac planè indemnatos, se non debere patria eiici: rogâtque, ut judicio sistantur, absolvendi, aut aliorum exemplo ad mortem condemnandi.

Exilium

Nihil profectum. Tanquam perduellionis rei in Galliam sunt deportati, ac plerique Rhemis ab Alano excepti: cui usque in Galliam Valsingamus insidias struxit per suos emissarios, fontes Seminarii Rhemenfis veneno conatus inficere.

67.
Personius
erigit Se-
minaria.

Iisdem insidiis homo impius, juratusque Catholicorum hostis, appetiit Robertum Personium, quem cum Campiano in Angliam trajecisse diximus. Is enim perduellionis reus cum publice à Regina fuisset proclamatus, & ubique in eum per exploratores & apparitores inquireretur, ne Catholicis, apud quos versabatur, calamitatem accerferet, Regno excessit, & fundandis pluribus in locis Anglorum Seminariis operam intendit, ut instituta in iis Catholica juventus, in patriam redux fidem profeminet, vel doctrina ac Sacerdotali obsequio, vel certè martyrio.

Et imprimis Augii in Normannia Guisii liberalitate Seminarium pro Anglis instituit: Rothomagensis, & Rhemensis auxit. Verùm his postea Hugonotorum furore disturbatis, Regem Catholicum permovit, ut Duaci & Audomari Gallicorum loco pro Anglis fundaret collegia, ad submittenda ex iis Angliæ desertæ Sacerdotum subsidia, atque hoc ea liberalitate, ut Audomarense ad centum juvenes aleret. Neque his contentus Personius, Philippum II. Regem & Hispaniæ Magnates eò insuper adduxit, ut in ipsa Hispania, Vallisoleti ac Hispali pro eadem gente seminaria construerent; in quibus alumni quot annis votum renovabant, rependendæ post susceptum sacerdotium patriæ, ejusque juvandæ, & si opus, pro fide fundendi sanguinis. Quapropter magna eos veneratione Hispani sunt profecti, velut Martyrii Candidatos.

Et profecto sapientum omnium sensu vel unis his Seminariis statuendis plùs Angliæ profuit Personius, quàm si ad mortem usque Apostolicis laboribus in eadem desudasset. Neque ignorabat Elisabetha, quantum antidoti adversus hæreses suæ venenum in his plantariis pararetur; quare non solum severissimis edictis vetuit, ne quis de suis subditis in ejusmodi collegiis viveret, sed per Cecilium & Valsingamum, consueta iniquitatis instrumenta, effecit, ut Personius ab aliquibus Catholicis Angliæ Nobilibus, & ipsis Seminariistis Romanis, conspiratione inita, ad Gregorium XIII. & postea Sixtum V. delatus, calamitatum in Anglia præcipuus incensor diceretur. Tamdiu gravius vexatum iri catholicos, quamdiu non ligarentur eidem manus, prohiberetur libros edere, Seminaria moliri, rebus Angliæ se immiscere. Quin rogârunt, ut Societatis hominibus omnis in Angliam aditus prohibeatur. Verùm sapientifimos

simos Pontifices faciliè advertit, quibus auctoribus à credula & improvida juventute ista spargerentur. Effecitque Personius, ut tantò plures ex sociis in Angliam, deinceps mitterentur: per quos magnam partem Ecclesia illa constitit, ne penitus subverteretur. Hos inter fuere Robertus Sothuellus, & Henricus Walpolus S. J. uterque illustri genere natus. Ille à puella, quam instituerat, proditus, captusque ac tortus est, atque ultra triennium squalidissimo carcere emaciatus anno 1595. majestatis iniquissime damnatus, martyrii lauream est consecutus. Neque enim aliam ob causam quàm propter religionem occisus est. Eodem adhuc anno secutus est Walpolus, cum multis aliis, per acerbissima tormentorum genera ad cælum evolantes. In his Thomas Cottamus S. J. in ipso Insulæ ingressu captus à Præfecto, clàm Catholico, liber dimissus est: sed cùm Præfectus propterea periclitaretur, Cottamus se ultro stitit Judicibus, à quibus atrocissimè tortus, ut prodicionem & insidias Reginæ structas detegeret, constanter negavit, se ullius prodicionis aut insidiarum conscium; & licèt nullum prorsus esset indicium, tamen, quia Elisabetham Ecclesiæ Anglicanæ caput nolebat agnoscere, perduellionis damnatus, in Viminea crate per urbem ad Tiburnum raptus: more jam consueto peremptus est. Dùmque ad lanienam nudatur, cilicium apparuit, intimo corpori appressum. Non enim crudelissimis equulei tormentis, extrema inedia, & perpetuis duorum annorum carceris ærumnis satiabatur ingens animus, nisi sancto sui ipsius odio seipsum quoque torqueret.

Hos secuti sunt Thomas Mettamus, 17. annorum carcerem, vivum veluti sepulchrum, passus. Joannes Cornelius, Rogerius Filcockius, Franciscus Pagius, cum aliis quàm plurimis sacerdotibus; qui gloriantes pro Christo pati, animo, supra res humanas erecto, plenique solatio in tormenta, & mortem ibant, sugentes mel de petra, oleumque de saxo durissimo. Tantùm verò aberat, ut Regina, tot Martyrum sanguine satiaretur, ut lassata tantisper Cecilii, Valsingami, Toplisi, & Jongi, qui præcipui erant crudelitatis administri, sæva tyrannide, exprobrare iis inertiam audita sit, & exclamare: quamdiu nullus sacrificulus ad furcam!

Cæterum Elisabetha, quod in se ipsa probabat, in aliis damnavit: conquesta de Rege Catholico, & Christianissimo, quòd ille Geusios in Belgio, hic Hugonotos in Gallia persequeretur: ac Cardinali Castillonio infami apostatæ, in Angliâ Condæi & Hugonotorum causam agentis plus honoris habuit, quàm Fenelonio, Regis Oratori. Et cùm eadem Parisiensem Calvinistarum intellexis-

set, graviter offensa crudelitatem Regis accusavit, festucam in oculo alieno redarguens, trabem in suo comprobans. Permisit tamen postea, ut, sacris Catholicis toto Regno severè prohibitis, Gallicus orator iisdem domi suæ interesset. Qua occasione plures sacerdotes Missæ sacrificium offerebat, multitudine Catholica quotidie eò confluyente.

68.
Angliæ
Papissa
Annatas
exegit.

Duo adhuc annotasse non fuerit supervacuum: primum est, Protestantes non rarò de Joanna quâdam Papissa, quamvis merè conficta, variè garrere, & nescio quod monstrum Romanæ Ecclesiæ inde affingere; cùm tamen ipsi *Elisabetham Angliæ Papissam* etiam juramento sint venerati. Alterum est, quòd iidem in Pontifices Romanos acerbè invehantur, quòd *annatas* exigant: cùm eorum Papissa easdem exegerit, & quidem multò majores, integros nempe de omnibus & singulis Beneficiis redditus primi anni, omnesque cœnobiorum possessiones. Arguunt porro Pontifices, quòd quorundam Beneficiorum collocationem sibi reservent. Eorum verò Papissa omnia omnino sibi ac supremæ suæ potestati reservavit: laudibus nihilominus super lydera efferranda. Sed aliud de hac Principe melioris est orbis iudicium. Aliud de se ipsa tulit, ubi sistendam se vidit tribunali vivi DEI. Nam mortem desperationis plenam fuisse Camdenus ipse, Historicus licèt hæreticus, satis indicat, narrans, illius clamores ultimos fuisse: *Væ misera!* se destitutam desertamque ab omnibus: gulam sibi elidi querentis.

Antithesis
Angliæ.

Et hic fuit lamentabilis Sæculo XVI. Ecclesiæ Anglicanæ status: heu! quantum mutatus ab illo, qui fuerat quondam! quid Anglia olim sanctius? duo intra sæcula 30. fuere Reges & Regina, qui abjecto regno in solitudines evasere: Reges 15. monachos professi: Regina 11. moniales: præter martyres, 10. in album sanctorum confessorum inscripti: reliquorum ex omni hominum conditione sanctorum infinitus propemodum numerus. Sed, O Anglia, Angelorum quondam patria! quò abiisti? quomodo obscuratum est aurum, mutatus est color optimus! dispersi sunt sacerdotes tui, lapides sanctuarii: ludibria & verbera experti, insuper & vincula & carceres: lapidati sunt, secti sunt, distenti sunt, tentati sunt, egentes, angustati, afflicti: in solitudinibus errantes, in montibus, & speluncis, & in cavernis terræ, testimonio fidei probati: quibus dignus non erat mundus.

Alii verò, qui nutriebantur in croceis, dum lamiæ nudaverunt mammam, amplexati sunt stercora. Candidiores erant nive; sed denigrata est super carbones facies eorum. Erraverunt cæci. Polluti sunt in sanguine. O Anglia! propheta tui viderunt: tibi falsa

falsa & stulta : aperuerunt super te os suum : sibilaverunt , & fremuerunt dentibus : & dixerunt : devorabimus : en ista est dies , quam expectabamus : invenimus : vidimus , O verè magna est contritio tua ! quis medebitur tui ?

ARTICULUS III.

*Dissertatio Juridica, an legitimum fuerit Henrici VIII.
cum Catharina Matrimonium.*

TAm lamentabili , quam hætenus vidimus , mutationi initium dedit Henrici VIII. cum Catharina divortium. Ex eo enim omnis secuta deinceps abominatio desolationis. Operæ igitur pretium fuerit , ea de re prolixius aliquantùm in hoc eruditio-
nis apparatu disserere,

69.

§. I. Species facti.

AArthurus Henrici VII. Angliæ Regis primò genitus filius anno 1501. conjugem sibi elegit Catharinam , Ferdinandi Catholici & Isabellæ Hispaniæ Regum filiam. At is morbo , quo dudum jam laboraverat , quinto conjugii mense extinctus obiit , anno ætatis 16. consummato necdum , ut fertur , matrimonio. Henricus VII. pater , virtute , dote , & tanta affinitate motus Catharinam alteri filio suo Henrico anno 1504. despondet , duodecim tunc annorum adolescenti , petenti ac volenti , postquam Julius II. Pontifex in impedimen-
to publicæ honestatis , & etiam , in casum secutæ copulæ carnalis
cum Arthuro , in impedimento affinitatis dispensavit. Mortuo sub-
bin patre , Henricus VIII. jam Rex , anno 1509. ipsum matrimo-
nium cum Catharina , fratris sui relicta vidua , iniit in facie Ec-
clesiæ , munitus dispensatione Pontificia , Regni optimatibus , Episco-
pis , totòque senatu ac populo approbantibus , contradicente prorsus nemine.

Dispensa-
tio.

Ex hoc matrimonio , quod summo omnium applausu celebra-
tum fuerat , nati nunt deinceps Henrico Regi quinque liberi , tres
filii & duæ filiæ. Sed reliquis matura morte abreptis , sola Maria ,
anno 1515. nata , superstes mansit , Walliæ Princeps à patre de-
clarata , ac tanquam legitima regni hæres à præcipuis Europæ Prin-
cipibus in sponsam expetita. Adeò nempe nemo per orbem de va-
lore illius matrimonii dubitabat : donec Henricus , in exerrantem
atque

atque indomitam libidinem defluens, conjugem fastidire, formarum venatores oculos alio circumferre, Bolenam, pudicitiae studium mentientem, perditè deperire, de divortio cogitare, ut eam possit ducere.

Volsæi

prævaricationis.

Volsæus Catharinæ odio ejusque nepotis Caroli Cæsaris matrimonium primus irritum declarat. Sequuntur plures, aulæ parasiti, qui non, quod verum, sed quod Principi placitum, loquuntur. Gardinerus J. C. Romam mittitur ad Clementem VII. qui magnis promissis tentatur, ut conjugium, à Julio II. temere approbatum, irritum declaret. Petuntur Judices hujus causæ Volsæus & Campegius; adjecto mendacio, quod Catharina ipsa, vitæ monasticæ studio, divortium expetat, à Pontifice impetrati. Mittitur igitur Laurentius Campegius Cardinalis in Angliam. Urget Rex cum Volsæo. Deterret Regina cum Cæsare. Pontifex jubet Campegium lentè procedere, nihil pronuntiare. Quo tamen ob collatum Episcopatum Sarisburiensem propensiore in vota Regis Catharina adversum Judices excipiens, ad summum Pontificem appellat, causam eam non in Anglia judicandam dictitans; sed Romæ. Disputatur, respondetur, replicatur: hinc Regis illinc Reginæ procuratoribus causam agentibus. Quin libris etiam ultro citroque in lucem sparsis certatum.

Campegius.

Exceptio Reginæ.

Cum igitur Campegius quascunque posset, dilationes Pontificis jussu negotio interponeret, ea usus excusatione, in re tanti ponderis, in quam oculi universæ Europæ essent conversi, præpropere æstu nihil præcipitandum, Pontifex verò Reginæ appellationi deferret, causamque cum Campegio Romam advocaret, Rex equidem indignatus, Theologos tamen suos, & jurisperitos cum Cramero Romam misit: interea tamen rentatis auro pluribus academiis, & per Langæum Gallum, vernalium quorundam theologorum sententiis emptis, cum Romæ lis penderet, libidinis impatientia Bolenæ se conjungit, Rolando presbytero, ut assistat sacrisque operetur, inducto per mendacium, causam Romæ secundum Regis voluntatem fuisse conclusam. Crammerus verò divortium cum Catharina, novasque cum Anna nuptias publicè postea promulgavit, tanquam necessarias, legitimas, & Regis conscientiae consentaneas.

Causa Romam advocata.

Regis attemptum.

Jam verò quæstio Catholicos inter & Protestantés oritur, an matrimonium cum Catharina fuerit validum, & consequenter divortium irritum, prout defendunt Catholici? an verò matrimonium fuerit irritum, & divortium validum, quod multi ex Protestantibus contendunt.

§. 2.

Rationes Dubitandi Protestantium.

1. **H**enricus Rex matrimonium iniit cum Catharina Arthuri fratris sui vidua, probabilius ab eo jam cognita. Atqui hoc illicitum est atque irritum ipso jure naturali: quod execratur contra nubia personas inter tam propinquas. Et hinc Deus conjugia in gradibus prohibitis, Levit. 18. recensitis, contracta (inter quæ etiam est conjugium cum uxore fratris) vocat abominationes & scelera, à gentibus commissa. Peccârunt igitur gentiles contra legem naturæ; nam leges Judiciales positivæ solos Hebræos stringebant, eorûmque profelytos. Rationem addit sacra pagina, *ne reveletur turpitudine personæ, gradu tam propinquo conjunctæ*. Quo naturalis indecentia, jure naturæ vetita, insinuat.

70.

Ex jure na-

turæ,

Quam ob causam Joannes Herodem increpuit: *non licet tibi habere uxorem fratris tui*; manifesto argumento, Herodem peccasse contra legem naturæ? quia Judicialibus Hebræorum legibus Mosais, cum esset gentilis, non tenebatur. Imò dici potest, leges matrimoniales, Levit. 18. comprehensas, non esse merè judiciales ac ceremoniales, sed verè morales, jure naturali obligantes; uti ipsi quoque Romani Pontifices censebant.

Nam Innocentius III *cap. litteras 13. de restit. spol.* ait, in gradibus lege Divina prohibitis dispensari non posse. Et *cap. gaudemus 8. de divort.* asserit, infideles, in secundo vel tertio gradu conjunctos, non esse separandos post conversionem. Ergo supponit, separandos esse, si in primo gradu fuerint conjuncti. Hoc autem non alia ex causa, nisi quòd tale conjugium jure naturali sit irritum: nam impedimentis, quæ sunt juris merè Ecclesiastici, infideles non ligantur. Idem Pontifex *c. de infidelibus 4. de consanguin. & affin.* rescribit, infideles *secundum veteris legis instituta* conjunctos, non esse separandos post conversionem, licet in gradibus à Jure Canonico prohibitis fuerint conjuncti. Ergo supponit, fore separandos, si in gradu veteri lege prohibito contraxissent: quia scilicet jure naturæ talia conjugia sunt irrita.

2. Henrici VIII. connubium cum uxore fratris sui, in primo affinitatis gradu sibi conjuncta, jure etiam positivo Divino erat irritum. Siquidem Levit. 18. v. 16. expressim dicitur: *turpitudinem uxoris fratris tui non revelabis; quia turpitudine fratris tui est*. Et Levit. 20. v. 21. *Qui duxerit uxorem fratris sui, rem facit illicitam*.
 Pars VII. S s s s s tam;

tam; turpitudinem fratris sui revelavit. Divino ergo ac naturali jure erat vetitum atque invalidum. Nulla proin ac irrita fuit Julii II. dispensatio; eûm adversùs jus Divinum ac naturale nulla humana potestas dispensare possit: imò neque Deus ipse in lege naturali. Cùm igitur matrimonium Henrici primùm fuerit irritum, salva conscientia persistere in eo non potuit, validùmque fuit alterum, cum Anna Bolena initum: consequenter illegitimis orta est Maria natalibus, Elisabetha legitimis.

à pari.

3. Impedimenta matrimonii dirimentia reliqua, Levit. 18. & 20. statuta, sunt Juris naturalis, uti matrimonium in primo gradu consanguinitatis lineæ rectæ, puta patris cum filia, aut matris cum filio: imò etiam in secundo & ulterioribus gradibus lineæ rectæ in infinitum, ut avi cum nepte &c. pariter jure naturali sunt irrita matrimonia in primo & secundo gradu consanguinitatis in linea collateralis, uti fratris cum sorore, patrui cum nepte. Ergo etiam eodem naturali irritum est matrimonium in gradu primo affinitatis lineæ transversæ, uti cum vidua fratris. Et confirmatur magis ex eo, quòd affinitas in primo gradu lineæ rectæ jure naturæ obstat matrimonio c. g. novercæ cum privigno. Ergo etiam in linea transversa.

Gentes.

4. Omnes gentes cultiores ob reverentiam sanguinis ipsa natura abhorrent ab ejusmodi matrimoniis cum personis adeò propinquis, eaque tanquam incestus detestantur. Quod argumento est, ea esse contra rectam rationem ac legem naturalem.

S. 3.

Rationes Decidendi contra Protestantes.

71.
Nulla affi-
nitas.

Certum imprimis est, inter Henricum & Catharinam nullum intercessisse impedimentum *consanguinitatis*, quod sit juris naturalis aut Divini; neque de hoc ullam motam fuisse controversiam. Certum est secundo, neque impedimentum *affinitatis* ullum adfuisse, si matrimonium cum Arthuro non fuit copula carnali consummatum. Atqui non fuit ita consummatum. Quum Arthurus quindecim vix annorum adolescens, corpore morbofo atque infirmo quinque illis mensibus, qui à contracto matrimonio superfuerant, cum morte jam sit colluctatus; & pater Henricus VII. eos interim separatos custodierit: quia in tam tenera & morbida ætate prolem sanam expectare non poterat. Adeoque inter Henricum & Catharinam

nam

nam præcisè intercessit impedimentum *publica honestatis*, ortum ex matrimonio rato: quod manifestè Jure duntaxat Canonico est introductum, ac proin per dispensationem Sedis Apostolicæ auferribile.

Sed demus, matrimonium fuisse consummatum. In qua hypothesi deinceps disputabimus. Nego, impedimentum affinitatis in linea collateralis juri naturali subiacere, etiam in primo gradu. Tum quia hoc evinci nulla solidaratione potest. Tum quia utriusque testamenti pagina contrarium demonstrat. Jacob Patriarcha sanctus irritum duas in uxores sorores, Liam & Rachelem, Labani filias accepit *Gen. renaturæ*, 29. Judas Thamarem viduam primogeniti sui mortui dedit alteri filio suo, & hoc pariter mortuo, tertio filio eam promisit. Neque propterea in scriptura reprehenduntur. Imò Lex Mosaica *Deuter.* 25. universim præcipit, ut frater ducat uxorem fratris sui, si hîc sine liberis decesserit, ut suscitet ei semen. Atqui hæc fieri nullatenus potuissent, si uxorem fratris sui defuncti ducere prohibitum foret jure naturali, quod est necessarium, immutabile, & indispensable, ut *part. 2.* est demonstratum.

Sed neque lege Evangelica ejusmodi matrimonium, in primo affinitatis gradu lineæ collateralis contractum, invenitur prohibitum aut irritatum. Et tum doctrina tum praxis Ecclesiæ ostendit oppositum. Nam imprimis Jus Ecclesiasticum *cap. fin. de divort.* statuit, non esse separandum potest conversionem, qui antea infidelis conjugium iniit cum sorore uxoris suæ defunctæ: *concedimus, ut matrimoniis contractis cum relictis fratrum utantur.* Atqui separandi omnino fuissent, si conjugia ejusmodi jure naturali aut Divino fuissent irrita: nec ullatenus concedi potuisset, ut talibus matrimoniis utantur, cum fuissent fornicarii aut incestuosi concubitus.

Et quoties etiam aliàs Ecclesia dispensavit in eodem gradu primo affinitatis lineæ transversæ! Emmanuel Rex Lusitanæ primam conjugem habuit Isabellam Ferdinandi Catholici filiam, atque ex ea suscepit Michaëlem filium: ea verò defuncta duxit ejus sororem Mariam, multarum prolium matrem, quæ & stemma Regum in Lusitania propagârunt, & summis per Europam Principibus sunt collocatæ. Ex *Isabella* Emmanuelis & Mariæ primogenita, Carolo V. Imperatori nupta, descendunt summi ex Domo Austriacæ Imperatores atque Archiduces, Hispaniæ ac Galliæ Reges, cum aliis præcipuiis Principum Familiis. Quis adèò impudens & effrons sit, ut dicere sustineat, proles ex eo matrimonio Emmanuelis cum secunda uxore, prioris sorore, esse spurias? aut tot Regales familias ex vitiata stir-

pe fuisse propagatas? Nemo, nemo prudens unquam dubitavit, matrimonium illud, ex dispensatione Alexandri VI. fuisse validum, licet in primo affinitatis gradu contractum, omnesque proles inde natas legitimas.

Similiter Clemens VIII. dispensavit cum Joanne Casimiro Poloniae Rege ad ducendam viduam fratris sui Uladislai. Atque ut alia Magnorum Principum exempla dissimulem, Rainutius II. Farnesius Parmæ & Placentiæ Dux duas sorores ex Familia Estensi uxores habuit, Isabellam & Mariam, Francisci Mutinæ Ducis filias, atque ex utraque liberos genuit. Exemplum patris secutus filius Franciscus, qui Dorotheam Sophiam Palatini Electoris filiam, Odoardi II. fratris sui relictam viduam duxit in uxorem, licet jam Elisabetham, Hispaniæ postea Reginam, Odoardo peperisset.

Auctoritas

De ipso etiam Henrici VIII. cum Catharina Hispana, fratris sui vidua, contracto matrimonio nemo dubitasset, nisi indomita lascivienſis Regis libido ſacrata conjugii vincula rumpere attentasset. Sed neque tunc pii ac docti viri dubitarunt. Non dubitarunt summi Pontifices Clemens VII. Paulus III. Pius V. Sixtus V. Clemens VIII. non dubitarunt Episcopi ac Clerus Anglicanus, non dubitavit magnus ille Angliæ Cancellarius Thomas Morus, non dubitarunt celeberrimæ orbis Academiæ, Theologi ac Jureconſulti meliores. Non dubitarunt denique magni Europæ Principes, qui Mariam, ex eo matrimonio natam in ſponſam expetebant. Pauci quidam aut pretio empti, aut promiſſis illecti, aut Principi ſuo turpiter adulantes, cum ſpurio illo Cramero, & ambitionis odiique æſtibus agitato Volfæo, corruptisque quibusdam Cantabrigienſis & Oxoniensis Academiæ Scholaribus, & quos Langæus conduxit, matrimonium improbârunt.

Sed nec ipſe Henricus Rex per viciſſos & ultra annos, quibus in eo conjugio perſtitit, & quinque ex eo liberos ſuſcepit, dubitaverat, donec vincente rationem libidine, ſcenninis Bolenæ amoribus amens, ruptis honeſtatis repagulis præceps raptus eſt. Tum enim non tam dubitavit, quàm dubitare videri volebat, ut quæſito aliquo colore adulterinos complexus obtegeret. Nam quamprimum furialis ille in ſcortum laſciviens æſtus deſerbuit, non ampliùs dubitavit, ſed Mariam ex Catharina filiam Eliſabethæ prætulit, ac teſtamento cavit, ut Maria cum tota ſua progenie ante Eliſabetham in Regno ſuccedat, haud obſcuro argumento, quamnam ex illis legitimam judicaret.

Sed neque Proceres, Senatus, populùſque Anglicanus dubita-

ban

bant, dum mortuo Henrico Mariam legitimam Regni hæredem, agnov-
erunt ac receperunt: rejecta Elisabetha, cujus natales adulterio
pollutos noverant. Quis enim credat, Nationem Anglicanam vo-
luisse, repulsa Henrici VIII. legitima sobole, spuriam, Regni legibus
exclusam, throno intrudere? Alterutram autem spuriam fuisse neces-
se est. Nam si matrimonium Henrici cum Catharina propter affi-
nitatem hujus jure naturæ fuit irritum, Maria ex incestu fuit pro-
gnata. Si autem matrimonium illud valuit, Elisabetha ex adulterio
concepta ac nata fuit, cum toto eo tempore adhuc Catharina vive-
ret: polygamia autem in lege Evangelica Divino ac naturali lege
sit prohibita ac irrita, negante Deo jus in plura corpora; ac proin-
concubitus cum Bolena fœdissimum fuit adulterium.

Et tale re ipsa fuisse probatum est hætenus, hoc ipso, quòd
evictum sit, matrimonium cum Catharina nec juri naturæ nec Di-
vino repugnasse, tum quòd ejusmodi lex ostendi ac probari nequeat;
tum quòd in utroque testamento exempla eluceant plurima, virum
unum cum duabus successivè sororibus, aut fœminam unam cum
duobus successivè fratribus fuisse conjunctam; imò in lege veteri
præceptum fuerit, ut frater fratris, absque liberis mortui, relictam
viduam ducat, ac genus propaget. Accedit judicium totius orbis
usque ad nuperum Protestantium adventum. Imò nec ipsi dicere
audebunt, propagatas per Emmanuelem Lusitaniæ Regem summas
per Europam familias ex spuria radice fuisse enatas.

Ratio autem magis intrinseca ac naturalis est: quia affines non
sunt consanguinei. Non descendunt ex eadem stirpe, saltem pro-
pinqua. Nulla proin obstat reverentia cognati aut agnati sanguinis.
Neuter alterius est superior. Nulla peculiaris alterutrius subjectio,
quæ natura sua repugnet tam arcto sociali fœderi. Nulla proin ra-
dix, ex qua impedimentum juris naturalis pullulet. Jure igitur so-
lùm Ecclesiastico, ex decentia aliqua, quæ tamen ad legem naturæ
non assurgit, introductum est impedimentum affinitatis in linea sal-
tem transversa. Hoc autem impedimentum, sicut Ecclesia statuit
ad quatuor usque gradus, si affinitas oriatur ex copula licita, ad duos
autem, si oriatur ex illicita, ita exigentibus rerum ac personarum cir-
cumstantiis potest illud rursus abrogare, aut in eo cum certis perso-
nis dispensare, sicut in nostro casu cum Henrico & Catharina dispensa-
vit Julius II. summus Ecclesiæ Antistes, cui in persona Petri Chri-
stus claves tradidit, cum potestate solvendi ac ligandi: prout nimi-
rum ex usu ovium fuerit, quibus pascendis est jure Divino consti-
tutus.

Ratio.

§. 4.

Solvuntur Argumenta Protestantium.

72.

AD 1. Indecentia, quæ ex matrimonio cum fratris vidua resultare censetur contra aliquam verecundiam, nequaquam est tanta, ut legem naturalem prohibentem fundet. Cur enim aliàs Deus præcepisset in lege veteri, ut frater fratris defuncti viduam ducat, si is sine prole decesserit? Profectò si ex omni decentia aut dedecentia lex naturalis confurgeret, nulla amplius daretur lex merè positiva. Cùm enim omnis universim lex debeat esse rationabilis, omnem in decentia aut indecentia aliqua radicari necesse est. Igitur etiam facilè concedo, eam esse decentiam, in primo affinitatis gradu conjugium non contrahendi, ut lex positiva rationabilis prohibens ob illam ferri possit, prout defacto factam novimus: constanter tamen nego, juris naturalis id scitum esse.

Contaminatæ sunt gentes idololatria, sodomia, bestialitate, molitie, fornicatione, incestu cum filio, & filia, adulteriis, e. g. dum fratris adhuc viventis habebant uxorem, uti Herodes Antipas, qui Philippo fratri uxorem rapuerat, increpitus propterea à Joanne. Et hæc scelera, contra jus naturæ patrata, scriptura appellat *abominationes gentium*, quas propterea Deus punivit, ut Chananæos &c. Hinc Levit. 18. v. 24. addit: *nec polluamini in omnibus his, quibus contaminatæ sunt universæ gentes, quas ego ejiciam ante conspectum vestrum.* Hoc certum, inter eas abominationes non comprehendendum conjugium, cum fratris, absque liberis defuncti, vidua initum; cùm lege id præceptum fuerit.

Non omnes autem gradus Levit. 18. & 20. expressos jure naturali esse prohibitos, habetur ex Tridentino, quod sess. 24. can. 3. ait: si quis dixerit, Ecclesiam non posse in nonnullis eorum, qui Levitico exprimuntur, dispensare, aut constituere, ut plures impediant, esse anathema. Unde quando Innocentius III. c. *litteras cit.* dixit, in gradibus lege Divina prohibitis dispensari non posse, id vel non est intelligendum de omnibus gradibus in Levitico expressis, sed tantum de prohibitis Jure Divino naturali; vel indicat difficultatem in dispensando, quòd scilicet non facilè, nec absque rationabili causa sit dispensandum. Atque hinc ipse Innocentius cap. fin. de *divort.* ait, non esse post conversionem ad fidem separandum, qui fratris viduam duxerit: imò lex Divina id olim præcepit pro casu, quo

quo frater defunctus nullos ex ea reliquit liberos. Ac proin jure naturæ ejusmodi connubium non potest esse prohibitum, nec abominatio gentium, nec absolutè indispensabile.

Quòd verò idem Pontifex cap. 8. cod. dicat, in secundo & tertio gradu conjunctos non esse separandos, de primo verò sileat, factum est ideò, quia tantum de illis fuerat interrogatus: *cap. fin.* verò etiam primum expressit. Similiter interrogatus, an infideles, qui contra sacros Canones, non tamen in gradibus lege veteri prohibitis, contraxerant, sint separandi post conversionem, respondit, non esse separandos, quia scilicet impedimentis, quæ jure merè Ecclesiastico sunt introducta, infideles non stringuntur, consequenter eorum matrimonia sunt valida. Ex quo tamen non sequitur, quòd si contra instituta veteris legis fuissent inita, hoc ipso fore invalida. Nam Pontifex de hoc casu non fuerat interrogatus, ideòque nihil de eo ibi respondit. Respondit autem, ut dictum cap. fin. ubi de eo fuerat interrogatus.

Ad 2. Si lege veteri standum, Henricus VIII. non tantum poterat, sed etiam debebat Catharinam, fratris sui, absque liberis defuncti, viduam ducere. Quia id Deut. 25. expressè fuit præceptum, & ab Hebræis observatum. Si autem dicat, legem eam in novo testamento esse abolitam, idem ego dico de legibus connubialibus, ceremonialibus & judicialibus, in Levitico contentis. Imò leges illæ Levit. 18. & 20. cit. non loquuntur de casu nostro, in quo frater defunctus nullos reliquit liberos, alias leges Divinæ sibi essent contrariæ, cum, ut toties dictum, pro hoc casu præceptum fuerit conjugium cum fratris defuncti vidua.

Ad summum dici potest, connubium cum fratris vidua in Levitico fuisse prohibitum lege judiciali pro casu, quo frater defunctus reliquit liberos. Dico, *ad summum*; nam dici posset, tantum fuisse prohibitum conjugium cum uxore fratris adhuc viventis. Sicut Levit. 18. v. 18. dicitur: *Sororem uxoris tuæ in pellicatum illius non accipies nec revelabis turpitudinem ejus, adhuc illa vivente.* Nulla igitur ratione Henricus VIII. fundare suam intentionem potuit in lege veteri. Nam certum est, nec jure naturali nec Divino fuisse prohibitum conjugium cum fratris vidua pro casu, quo ille absque liberis fuit defunctus (qui est casus noster) cum tunc positivè fuerit præceptum. Certum proin etiam est, tale conjugium non fuisse inter eas abominationes, quibus contra jus naturæ se contaminârunt gentes. Imò casus noster ne quidem in Levitico est comprehensus, ut demonstravi. Vanum igitur & prorsus enerve erat Henrici argu-

mentum contra valorem sui matrimonii cum Catharina, Arthuri sine liberis defuncti vidua.

Ad 3. Imprimis non est paritas cum matrimonio inter consanguineos inito. Nam reverentia cognati aut agnati sanguinis multò majorem verecundiam ingerit, quàm affinitas. Adeoque licet consanguinitas fundaret legem naturalem, prohibentem matrimonium, non tamen affinitas. Deinde etiam circa gradus consanguinitatis hæc res non est ita expedita, ut supponi possit.

Atque imprimis satis convenit inter DD. matrimonium inter consanguineos secundi, tertii, & ulteriorum graduum lineæ transversæ, spectato jure naturali, non esse irritum. Sic Abraham duxit Saram, suam ex fratre Arano neptim: adeoque in secundo gradu sibi consanguineam. Isaac Rebeccam, suam consobrinam. *Cap. gaudemus 8. de divort.* deciditur, infideles ad fidem conversos, qui in 2. aut 3. gradu consanguinitatis lineæ obliquæ contraxerant, non esse separandos, cum jure canonico non stringantur. Atqui separandi essent, si matrimonium in his gradibus contractum repugnaret juri naturæ, cui etiam infideles sunt subjecti. Quare Tridentinum *S. 24. c. 5. de ref. matr.* ait, in his gradibus dispensari posse. Et confirmat praxis, qua constat, Pontifices inter Principes passim dispensare in secundo & ulterioribus gradibus. Imò etiam Protestantes in secundo gradu contrahunt. Sic Georgius Ludovicus Rex Angliæ duxit Sophiam patrui sui filiam.

Quin imò probabilius matrimonium neque in primo gradu consanguinitatis in linea obliqua est invalidum spectato jure naturali. Ita enim sentiunt S. Thomas 2. 2. q. 154. a. 9. ad 3. S. Bonaventura in 4. dist. 40. art. un. q. 2. Scotus *ibid. q. un. art. 2.* Cajetanus in c. 18. *Levit.* Navarrus, Conink, Pontius, Palao, cum multis aliis, contra multos. Ratio est: quia lex naturæ irritans non satis probatur. Cum frater & soror ex se non descendant: neuter sit alteri subjectus; adeoque nihil videatur adesse, quod juri naturæ repugnet: instinctus autem ille & horror non videtur esse à jure naturali, sed positivo, & recepta consuetudine.

Certè per fratrum & sororum licita ac valida conjugia genus humanum primitus propagatum fuit per filios & filias Adami. Quod fieri non potuisset, si juri naturali repugnassent. Constat etiam, apud Ægyptios, à rerum naturalium cognitione celebratam gentem, non fuisse inusitata fratrum sororumque connubia; ut refert Diodorus lib. 1. c. 2. Ipse Rex Ptolomæus Philadelphus duxit Arsinoën sororem suam ejusque nuptias velut connubium Jovis cum sorore sua Junone

Junone celebrat Theocritus. Idem de Assyriis, Persis, & Atheniensibus memoriæ proditur. Et S. Gregorius ad interrogat. *August. c. 6.* testatur, terrena lege à Republica Romana fuisse permillum, ut etiam frater & soror connubio jungerentur. Non potest autem præsumi, naturalem legem apud has gentes, præsertim Græcos & Romanos, usque adeo fuisse incognitam; cum illa apud omnes populos, ratione præditas, luce sua se signet.

Imò ipse Dei populus videtur in hac fuisse persuasione; nam Thamar filia Davidis 2. *Reg. 13.* violentam oppressionem dissuadens Ammoni fratri suo, *quin potius, ajebat, loquere ad Regem, qui me non negabit tibi*, uxorem utiquè. Quæ sanè verba supponunt, matrimonium inter eos jure naturali potuisse subsistere. Taceo, quosdam cum S. Hieronymo in qq. Hebraic. in Genes. & Clemente Alexandr. l. 2. Stromat. c. 12. & Cajetano in c. 20. v. 12. Genes. colligere, Sararam verè fuisse & uxorem & sororem Abraham; nam l. c. dicit Abraham ad Achimelech Regem: *Aliàs autem & verè soror mea est, filia patris mei, & non filia matris meæ, & duxi eam in uxorem.*

Jus etiam civile Romanum satis clarè insinuat, matrimonium inter fratrem & sororem non natura, sed lege tantum positiva irritum esse. Nam l. *si stipulor 35. ff. de V. O.* Paulus J. C. assertionem suam, qua dixit, aliud per naturam, aliud per leges fieri non posse, exemplis declaraturus, ait, impossibile per naturam esse, *dare, quod dari non potest*: per leges autem: *Sororem suam nupturam sibi.* Denique Cajetanus *opusc. de matrim. Reg. Angl. & Sylvester V. Papa q. 17.* testantur, à Martino V. aliisque Pontificibus in ea re fuisse dispensatum.

Loquendo jam de Consanguinitate in linea recta, videtur probabilius, quod impedimentum matrimonii de jure naturali non extendatur ultra primum gradum. Ita enim cum multis aliis docet S. Thomas 2. 2. *q. 154. art. 9. ad 3. & in 4. disp. 40. q. un. a. 3. in corp.* contra alios, qui volunt impedimentum hoc in linea recta protendi in infinitum; & alios, qui docent, illud ad certos tantum gradus porrigi. Ratio autem est, quia neque ex reverentia debita aut verecundia, vel aliunde sufficienter probari potest, quod spectato solo jure naturali avus non posset ducere neptim.

Neque obflare videtur, quod dicitur l. *ult. ff. de ritu nupt.* his verbis: *Jure gentium incestum committit, qui ex gradu ascendentium vel descendantium uxorem duxerit.* Nam per jus gentium hic non intelligitur jus naturæ propriè ac strictè dictum, sed tale, quod gentes ex decencia sibi libere per leges constituunt. Quamvis non omnes

gentes ejusmodi jure utantur. Aliqui dicunt, tale matrimonium jure naturali esse illicitum, non tamen invalidum, sicut contractum cum voto simplici castitatis, aut stantibus sponsalibus de futuro cum alia. Verum hoc tantum est extrinsecè turpe, ratione voti aut sponsalium. Illud autem, si jure naturæ esset prohibitum, esset contractus intrinsecè turpis, adeoque probabilius etiam invalidus. Videtur igitur melius negari, tale matrimonium, spectando præcisè jus naturale, esse illicitum.

Sed quid dicendum de matrimonio in primo gradu consanguinitatis in linea recta contracto, e. g. inter patrem & filiam? *Resp.* Quamvis omnium DD. aut ferme omnium sit sententia, tale matrimonium etiam jure naturæ esse illicitum atque invalidum; multi tamen ex illis docent, quòd si deficientibus omnibus aliis in mundo hominibus solus superesset pater cum filia, aut mater cum filio, licitum fore inter eos matrimonium, ut conservetur genus humanum, eò quòd Deus in tali casu censendus esset dare eis jus in corpora. Quod an cohæreat, aliis judicandum relinquo.

Si tale matrimonium jure naturæ simpliciter prohibetur, tunc prohibetur tanquam intrinsecè malum, uti mendacium, odium Dei, furtum, simonia, fornicatio, adulterium &c. Sed quomodo tunc licitum fiet? aut quomodo censendus est Deus concedere id, quod ex se & intrinsecè malum est? Cum igitur Deo, qui non tantum rerum omnium, sed etiam personarum ac corporum plenissimus est Dominus, non sit neganda potestas, tradendi patri & filiae jus mutuum in corpora, saltem pro casu, quo soli in mundo existerent, sicut dedit Adamo & Evæ, licèt hæc ex illo fuerit producta ac formata.

Existimo, in hac providentia conjugium patris cum filia esse quidem contrarium juri naturali, non quidem secundum se, quatenus esset conjunctio de se & intrinsecè turpis (alias neque Deus posset illud concedere) sed quia Deus nunquam dat jus patri in corpus filiae, esset accessus ad non suam, consequenter fornicatio, jure naturæ prohibita, sicut omnis alius accessus ad non suam est fornicatio aut adulterium, intrinsecè malum, ac jure naturali gravissimè prohibitum. Si autem Deus daret patri potestatem in corpus filiae, sicut in veteri testamento dedit uni viro in plures mulieres, esset accessus ad suam conjugem; consequenter nec fornicatio, nec adulterium. Et eodem modo loquendum de omnibus personis, quibus Deus negavit jus mutuum in corpora.

Verbo : Conjunctio maris & foeminæ est quoddam genus , quod duas sub se species comprehendit , nempe accessum *ad suam* , & accessum *ad non suam*. Hæc species semper est jure naturæ prohibita , quia est fornicatio vel adulterium , intrinsecè mala : illa nunquam. Quia igitur Deus potest facere , ut sit sua , dando jus in corpus , talis conjunctio non subjaceret juri naturali. Fere sicut contrectatio rei alienæ , quando Deus non concedit dominium , est furtum , intrinsecè malum , adeoque jure naturali prohibitum : pro casu verò , quo Deus dat dominium , facitque , ut sit sua (ut circa vasa Ægyptiorum contigit) non est furtum , sed acceptatio & detentio licita rei , quæ sua facta est. Sic etiam occisio hominis est genus : continens duas species , justam & injustam. Si Deus , qui est dominus vitæ & necis , dat potestatem occidendi , erit semper justa : si negat , semper erit injusta , intrinsecè mala ac jure naturali prohibita. Vide hujus apparatus *part. 2. cap. 1. q. 5.* ubi jus naturæ ex instituto examinavi.

A fortiori posset Deus licitum facere matrimonium in primo gradu affinitatis in linea recta , uti inter socerum & nurum , socrum & generum , vitricum & privignam , novercam & privignum , dando illis jus in corpora. Quia probari non potest , ejusmodi conjunctionem esse ita intrinsecè malam , ut jure naturali necessariò & absolutè sit prohibita ac irrita. Et hinc multi DD. cum Cajetano , Sanchez , Pontio , Palao , Gonzalez , Schmier &c. apertè docent , id genus conjugia Jure tantùm Ecclesiastico esse irrita , in quo tamen dispensari non soleat.

Neque obstat , quod dicitur *1. Cor. 5. auditur inter vos fornicatio , qualis nec inter gentes , ut uxorem patris sui aliquis habeat*. Nam Corinthius iste pro uxore habuit conjugem patris sui adhuc viventis. Et propterea dicitur fornicatio , *qualis nec inter gentes*. Conjugium autem cum patris defuncti *relictæ* inter gentes , uti inter Persas , & ipsos Chananæos , non erat inusitatum. Imò etiam in populo Dei Adonias petiit sibi copulari Abisag Davidis patris sui relictam. *3. Reg. 2.*

Atque ex his , quæ propter objectionem tertiam Henricianorum fuerunt allata , confirmatur argumentum , quòd multò minùs matrimonium , in linea collateralis affinitatis contractum , quale erat Henrici VIII. cum Catharina , fuerit irritum.

Quod spectat ad quartam objectionem , ex hæcenus dictis satis constat , plures gentes id genus matrimonia palàm contraxisse : nec morem contrarium apud alias evincere aliud , quàm legem positivam prohibentem.

ARTICULUS. IV.

De Rebus Hiberniæ sæc. XVI.

73.
Descri-
ptio.

Hibernia, in ultimum Europæ Occidentem projecta Insula, ab Angliæ & Scotiæ continente sejuncta, atque in quatuor provincias divisa, *Ultoniam*, in qua Dunum, Dunghalia, Armachia, Malachia, olim ibidem Archiepiscopo celebris: *Lageniam*, in qua eminet Dublinum, Regni totius caput, Archiepiscopatu, & Academia (quam Eduardus I. anno 1320. inchoaverat) atque insuper Proregis ac Parlamenti sede nobilis. Kilkennia pariter habet Archiepiscopum: *Connaciam*, in qua Killalejum, sedes Episcopalis, Atlona, Gallovæum: & *Momoniam*, ubi Limmericum, post Dublinum præcipua civitas, Cassilia Archiepiscopatu ornata, Watterfordia sedes Episcopalis, uti etiam Corcavia, & Ardatum. Quælibet autem provincia, sicut Anglia & Scotia, in suos comitatus est subdivisa. An autem Hiberni sint Scotorum colonia, an verò hi illorum, utraque natio certat.

Hæc autem Insula, portubus frequens, pastu pecorum, & piscatu dives, ab antiquissimis temporibus suos Regulos seu Dynastas habuit, usque ad annum 1156. quo discordiis bellisque inter se commissi Henrico II. Angliæ Regi occasionem fecerunt invadendi occupandique Hiberniam. Hac igitur ratione juncta Angliæ, in hanc usque diem eosdem Rectores habuit, non quidem nomine Regum, sed *Hiberniæ Dominorum*, usque ad Henricum VIII. qui fastu elatus se ipsum creavit *Hiberniæ Regem*. A quo tempore per Proregem gubernatur: addito Senatu, quem Parlamentum appellant, ad Angliæ morem in superiorem & inferiorem Domum divisum.

Origo fi-
dei.

Christianam Religionem quinto jam sæculo in has terras introduxit S. Patritius Hiberniæ Apostolus, à Cælestino Papa missus. Qui labore & ærumnis tanto deinceps proventu terram illam, idolorum cultricem, in amplam messem fœcundavit, ut *Sanctorum Insula* diceretur. Populi ab eo sacro lavacro tincti, ordinati clerici, & Episcopi, Armachana sedes Romani Pontificis auctoritate constituta totius Insulæ Metropolis: sparsa ubique Divini verbi sementis: aspera gentis indoles mansuescens Christi sub jugum missa.

Hos inter coelestes satus excrevit, floruitque in Hibernia Religio ad sæculum usque XVI. quo Henricus VIII. non solum se primus Hiber-

Hiberniæ Regem dixit, sed etiam caput Anglicanæ & Hibernicæ Ecclesiæ, omnesque, qui novum hoc atque insolens in Ecclesia Dei portentum horrebant, ferro & igni persequeretur. Missi sunt equi-
dem à Paulo III. Pontifice anno 1541. duo ex Societate Jesu eam in Insulam Sacerdotes, Alphonsus Salmeron & Paschasius Broëtus, qui agrum illum, ab apro demolitum, per tempus aliquod magno labore excolebant. Sed quia Anglicana arma undique circumsonabant, redire compulsi sunt.

Eduardus VI. Henrici filius Calvinî hæresi gentem inficere satagebat, missis eò libris ea peste infectis, ac ministris, qui illam spargerent. Maria Eduardi soror Religionem puritati suæ atque nitori restituit. At Elisabetha, Britannicæ Erinnyes, omnem movebat lapidem, ut sicut Angliam præcipitavit, ita Hiberniam quoque animarum cultu spoliaret. Sed spe sua constantiores & catholici dogmatis tenaciores invenit. Quare ad vim conversa, atrocibus edictis tonuit, proscriptionibus ac concussionibus sævit, minas, arma, neces intentavit: nec tantum intentavit, sed etiam intulit.

Sed fracta non est Catholicorum constantia; vim vi repellebant, Constanti-
ductore Geraldo Comite, imprimis anno 1563. dein anno 1579. Hispanos in auxilium vocarunt: tenuitque bellum usque ad annum 1593. quo victis arma, sed non Religio evelli poterat. Mox iterum, ut à sæva tyrannide se liberarent, ad defensionem sui reversi, anno 1598. insignem, (uti sæpius aliàs) ab Anglis reportarunt victoriam. Anno sequenti verò cum Essexio Comite transfugerunt: permixtis antiquis sacris.

Cum igitur Elisabetha cerneret, pristina sacra incolis per vim apertam non posse eripi, ad artes conversa, multas Anglorum colonias misit in Hiberniam, quæ Calvinum implantarent, pulsisque ex Academia Dublinensi Catholicis, qui supererant, Doctoribus, Calvinianos substituit; orthodoxis verò publico Sacrorum cultu interdixit. Quibus sanè machinationibus id est consecuta, ut numerosa novorum colonorum, Præfectorum, militum, præconum, mercatorum, artificum, quos contagium habebat infectos, colluvies infunderetur in Insulam; nunquam tamen efficere potuit, ut non plerique ex antiquis indigenis antiqua sacra retinerent.

Porro, ne bona Ecclesiastica omnia aut Calvinianis Episcopis aliisque ministris in prædam cederent, aut regio ærario addiceretur, Nobilibus Catholicis, qui passim ruri ab officiis remoti in arcibus suis degunt, summi Pontificis auctoritate sunt attributa, ea conditione, ut partem ad alendos sacerdotes, qui latere coguntur, impendant.

Ultonia.

In *Ultonia* autem, regione ampla, paludibus ac sylvis referta, Scotiae proxima, toto saeculo XVI. Religio conservata est integra, eratque Catholicis aliarum provinciarum, cum persecutio ingrueret, velut asylum: ex quo non raro, Tirono comite & Odoneallo ductoribus, fusa sunt Anglorum copiae. Nec impedire poterat aut schisma Henrici VIII. aut Elisabethae haeresis, quò minus ibi vigeret publicus religionis cultus, aut Beneficia Ecclesiastica summi Pontificis auctoritate conferrentur.

Athletæ.

In ea autem provincia tres eminebant singulari pietate & doctrina Episcopi, Raymundus Archiepiscopus Armachanus, qui anno 1590. in praelio Connaciensi occubuit: Redmondus Episcopus Eriensis, qui dum in templo cum aliis Episcopis synodum celebraret, anno 1600, ab irruentibus sicariis est obruncatus: & Richardus Celmorienfis, Episcopus, ex sacra D. Francisci familia assumptus, carcere Londinensi nobilitatus. Hi cum aliis clericis murum se firmissimum haereticis opposuerunt, tanta constantia, ut Elisabetha toti huic provinciae immunitatem à tributis, & liberum Religionis exercitium obtulerit, ea conditione, ne quid Tironus ac focii in aliis regni provinciis molirentur, aut eis praeberent auxilium. Sed rejecta conditio. Unde

Victoria.

Angli anno 1595. totis viribus in Ultonienses incumbentes, ingenti praelio sunt profligati, caesis eorum 2000, reliquis per fugam dispersis, amissis omnibus impedimentis, machinis, & castrensi apparatu.

Anno 1597. in eadem Ultoniensi provincia Hiberni Catholici Anglos haereticos magna rursus clade multarunt, multis cum Noritio militiae praefecto caesis ducibus belli. Anglicani exercitus reliquiae ad templa confugientes, à victoribus vitae gratiam impetrarunt, ea lege, ut in Angliam reduces nunquam amplius adversus Hibernos arma ferant. Tanta suorum strage fremens Elisabetha, Proregem Brochum vastare provinciam, messimque agrorum jubet exurere. Verum Oneallus, collectis, qua poterat celeritate, copiis, rursus Anglos memorabili praelio fudit.

Memoria.

Neque in sua tantummodo provincia se suamque Religionem strenue defenderant Ultonienses, sed aliis etiam ab Anglis pressis succurrerunt, maxime in *Momonia*; quam provinciam magna fortitudine tuebatur *Gerardinus* Comes cum reliqua nobilitate: non una duntaxat ab Anglis relata victoria. Tandem captus, atque ad mortis supplicium damnatus est. Filius vero ejus Jacobus, ut cum propinquo suo, qui interim Principatum possederat, bello committeretur, ex Londinensi carcere callide dimissus est. Nec spes Anglos sua fecellit. Nam *Gerardinâ* familiâ in se ipsam versa, Jacobus in praelio captus

captus & Londinum in carcerem est abductus, Gerardini verò filius veneno periit. At Hiberni se proditos ab Anglis indignati, compluribus rursus cladibus eosdem afficiunt in eadem Momoniensi provincia, Jacobi captivi fratre ad Principatum evecto.

In *Connacia* majores hæresis vires nata est. Non desunt tamen *Connacia*. in hac etiam provincia strenuæ defensionis exempla. Illud singulare; quòd Nobilis quidam Catholicus, venationi assuetus, cum die quodam cum 50. circiter canibus molossis in sylvam egrederetur, ab hostili turma invasus, canum suorum, quos incitabat, fideli opera, confusus certamen iniit. Fugijunt hæretici: insequuntur molossi; homines equosque moribus impetitos laniant; tanta rabie, ut 200. milia hoc canno prælio cecidisse scribantur, præter eos, quos Nobilis ejusque famuli trucidarunt.

Idem hæretici in sacerdotes innocuos verterunt, uti in Anglia 75. & Scotia dira persecutione ac tyrannide in Hibernia quoque atrociter Persecu-
savientes. Millena præstò sunt exempla. Vnum vel alterum affe-
ramus. Traversius Hibernus Theologus, accusatus, quòd librum de Primatu Petri ejusque successorum scripserit, ultro fassus est, tres monstrans digitos, quibus in illo scribendo usus esset. Ignibus igitur injectus crematus est. Sed tres illi digiti (Sandro teste) comburi non poterant, sed inter flammam illæsi manserant. Hurlæus à Gregorio XIV. Cassiliensis Archiepiscopus creatus, reversus in patriam comprehensus est, atque immaniter tortus, suspensusque. Magis adhuc barbara crudelitas exprompta est in Ohelium, designatum à Gregorio XIII. Majonensem Episcopum, quòd Reginam Ecclesiæ caput nollet agnoscere. Ocreæ oleo, sale, butyro, & pulvere impletæ pedibus inductæ, ac bullienti aquæ impositæ, atque cum cute & carne detractæ nuda ossa reliquerunt. Tandémque post varia tormenta strangulatus est, atque martyrio coronatus.

Idem Pontifex Gregorius XIII. periclitantibus inter tot lupos oviculis, viros de Societate, prout in alias orbis partes, ita etiam Hiberniam & Angliam destinare, qui Missionem sanè arduam, & sævientis undique discriminis plenam maximis animis non tantum tunc subierunt, sed per omne deinceps tempus, in hodiernum usque diem continuarunt, licet atrocissimis tormentis torquerentur, lacerarentur, necarentur.

Dum igitur Personius & Campianus in Angliam, Edmundus Donati *Donatus*, Limerici in Hibernia natus, Societatis sacerdos remissus marty-
cum aliis est in patriam, ut populares suos dirè ab Anglis hæreticis *rum*.
vexatos erigeret, ac solaretur. Sed ab hostibus fidei, omnia saga-
cillum

ciffimè lustrantibus, continuè deprehensus, Limerici in patria sua carcerem invenit. Variè subinde tentata est ejus constantia, opima omnia pollicentibus verborum Ministris, si abjecta Romana fide eorum perfidiæ accederet.

Adversus quæ cùm immobilis persisteret Dei servus, eosque erroris coargueret, Corcagiam ad ulteriorem hæreticæ crudelitatis quæstionem pertractatus est, ibique variis tormentis & cruciatibus excarnificatus. Sed cùm infracta hæc omnia toleraret constantia, perduellionis arcessitus publico damnatur judicio: infamis supplicii hisce publicatis à sanguinario magistratu causis: quòd in fidei Romanæ confessione, sub perduellionis pœna à Regina ex Britannia proscripæ, pertinax constaret: quòd ad eandem concives suos quæ verbo quæ exemplo traducturus venisset in Hiberniam: quòd Reginæ Capitis Ecclesiæ Britannicæ titulum impiè abrogaret.

Quam nefariam, sibi tamen gloriosissimi triumphi decretoriam, sententiam, magna alacritate gaudiisque significatione excipiens, actis Judicibus gratiis, tanquam reus majestatis ad furcam raptatus, eum aliquamdiu pendisset, vivens adhuc resecto fune in solum præcipitatur, & ex discisso pectore evulsum cor manu carnificis populo ostentatur, mox in igne cum aliis intestinis concremandum: reliquum corpus in quatuor partes dissectum, totidem palis affixum est. (anno 1580.)

Concilium Dublinense anno 1518.

76.

Provinciale hoc concilium convocavit Guil. Rokeby Archiepiscopus Dublinensis; quo Præsides sanciti sunt 10. Canones.

1. Statuitur, ut Connacienfes & Ultonienfes Presbyteri non admittantur, nisi judicio ordinarii inveniantur idonei; atque ut ii, qui non solvunt decimas, excommunicentur.
2. Clericos Hiberniæ non solventes procuraciones, & cætera onera Ecclesiis imposita, excommunicatos esse denuntiandos per omnes curatos.
3. Calices stannei post annum sint abrogati; nec tales amodo consecrandi, nisi scyphus saltem sit argenteus.
4. Duo æstimatores constituentur ab Episcopo ad appretianda mortuorum bona. Alias æstimatio facta non valet.
5. Excommunicati sint ipso facto laici, qui non solvunt dimidiam partem obventionum ex domibus, quas habent in cæmeteriis.

6. Status

6. Statuta Synodalia executioni danda per ordinarios & curatos.
7. Locatio bonorum Ecclesiasticorum sine assistentia clericorum est ipso jure nulla.
8. Clericis ludentibus ad pilam pedalem multa pecuniaria injungitur.
9. Imponentes onera laicalia & exactiones plebis Ecclesiæ sint excommunicati, regia potestate excepta.
10. Definit Concilium, omnes procuraciones, inter Hibernos ratione visitationis debitas, persolvendas Episcopo, aliisque omnibus, quibus debentur; atque ad id per censuram Ecclesiasticam esse compellendos.

CAPUT IV.

Schema Rerum Scotiæ sæculo XVI.

§. I.

Status politicus,

Scotia, mari undique circumdata, ea duntaxat parte Australi excepta, qua Angliam contingit, Tavo flumine in duas partes dividitur, septentrionalem, quam olim *Scoti*, & meridionalem, Angliæ: obversam, quam *Picti* incolebant. In hac urbes inter eminent *Edemburgum*, sedes olim Regia, arce præmunita & Academia nobilis; & *Glascovia*, Archiepiscopatu, Academia, & amœnitate sua visenda. A præstantibus etiam Ducibus memorabilis, Hamiltonum & Duglassiorum. In Boreali primas tenent Brechinium, Perthum, Caledonia, à qua mari nomen. Albania ad fontes Tavi Scotorum montensium est patria; quorum in Historia Scotiæ est nomen celebre. Adhæc Aberdonia, Chanoricum, Dornocum &c. Eò pertinent 44. Hebrides Insulæ, versus Occidentem sitæ, quæ proprium habent Episcopum, Glascoviensi subjectum. Orcades Insulæ ad Septentrionem protensæ, plures quàm 20. non tamen omnes habitatæ. Suus etiam iis est Episcopus. Denique sex Insulæ Schetlandicæ, 16. Glesfariæ. Ulteriores ad Regem Daniæ pertinent.

77.
Delineatio
Scotiæ.

Militares.

Regnum hoc, portibus & urbibus frequens, parte Australi aquis stagnantibus & paludibus, boreali montibus horrens, quamvis glebæ fertilitate non sit comparandum Angliæ, ita pecorum paslu, &

Picti.

militum selectu præstat. Quamobrem ipsis Romanis tanto erant terro-
 rori, ut Adrianus Imperator ingentem eos inter & Britanniam mu-
 rum extrueret. Nam perpetuis cum Britonibus bellis erant impliciti:
 donec in se ipsos collisi, Scoti Pictos superarent, & toti regioni no-
 men imponerent. (*Sæculo IX.*) Sed non postea frequentia cum Anglis
 bella cessarunt, variante victoria, plerumque tamen magis ad istos in-
 clinante. Quare Scotiæ Reges ipsis sæpius facti sunt vectigales, quin
 aliqui eorum capti: libertatem tamen rursus adepti.

78.
 Balioli &
 Bruffii.

Cum anno 1295. *Baliolus* Scotiæ Rex promissum homagium
 negaret, Eduardus I. acie superatum captumque Londinensi carceri
 inclusit, Scotiamque subegit. Verum *Robertus Bruffius* Rex electus
 & Anglos ingenti prælio victos ex Scotia rursus profligavit; moriens-
 que Scotis suis id consilii dedisse fertur, ut frequentibus cum Anglis
 bellis se exercerent, nunquam tamen totius Regni vires discrimini
 offerrent. Orta subin inter Bruffios & Baliolos de Regno conten-
 tione Eduardus III. Rex Angliæ Scotiam rursus occupavit, Davide
 Rege Bruffii filio in carcerem detruso. (*anno 1346.*)

Stuarti.

Post *Baliolorum*, & *Bruffiorum* familias, materno sanguine an-
 tiquis Regibus innexas, succellit anno 1370. *Stuartorum* Domus: &
 quidem primus ex ea Robertus III. cujus mater erat Roberti Bruffii
 filia. Jacobus I. ejus filius, postquam diu in Londinensi carcere deli-
 tuit, Regnum tandem adeptus, à cognato suo aliisque conjuratis
 interemptus est. Jacobus II. & III. filius ejusdem & nepos, violenta
 pariter manu perierunt: ille in obsidione Rosburgi ab Anglis, hic
 à propriis subditis occisus. (*anno 1488.*)

79.
 Margare-
 tha.

Jacobus IV. Margaretham Henrici VII. Angliæ Regis filiam anno
 1503. sibi despondit. Quo titulo Jacobus VI. post centum annos
 thronum Angliæ scandet. Cum anno 1513. Henricus VIII. Angliæ
 Rex cum Gallis bello esset implicitus, Jacobus IV. in Angliam ir-
 ruptionem tentavit. Verum cum exercitu in prælio cecidit.

80.
 Jacobus V.

Jacobus V. biennio ante patris mortem natus, sub tutela matris
 Margarethæ educabatur, donec ad secundas illa cum Duglassio nu-
 ptias transiit. Anno 1542. cum Henrico VIII. Angliæ Rege bello
 commissus, cum res non succederent ex voto, eodem anno obiit, æt.
 30. reg. 28. Conjuges duas, quamvis Carolus V. ipsi alias offerret,
 ex Gallia habuit, primò Magdalenam Francisci I. filiam; postea Ma-
 riam Claudii Guisii filiam, Francisci Guisii & Caroli Cardinalis Lo-
 tharingi sororem.

Ex hac in humanarum calamitatum cumulum nata est *Maria*
Stuarta, de qua, utpote Scotiæ hærede, duo magni proci certabant,
 Eduar-

Eduardus VI. Rex Angliæ, & Franciscus II. Galliæ Delphinus: cui juncta est anno 1558. Defuncta eodem anno Maria Angliæ Regina, Maria Stuartæ, Regina Angliæ, propter aviam paternam, Henrici VIII. sororem, sibi debitum vindicabat. Quare, si ex Francisco II. filium suscepisset, is Galliæ, Angliæ, Hiberniæ, & Scotiæ futurus fuisset hæres. Sed Angli Elisabetham, licet ex adulterio natam, prætulērunt, & Franciscus II. altero conjugii anno mortuus improlis spes omnes abruptit.

Elisabetha probè gnara Mariæ jūrium, simulata amicitia, quam etiam legatione & litteris est contestata, re ipsa extremo eam odio persequēbatur: ac velut intra siparium latens omnium deinceps tragicædiarum princeps auctor fuit, emissis in theatrum variis actoribus, qui omnia involverent. Atque imprimis adversus Catholicos Principes, ne Mariæ possent assistere, subditos in rebellionem concitavit, in Gallia & Belgio, promota in iis, uti etiam in ipsa Scotia, quantum poterat, hæresi: quam satis noverat, ad regna & provincias in turbas & seditiones commovenda, machinam esse paratam. Quare id quoque sedulò per emissarios suos curabat, ut in Scotia Catholicis amotis, officia publica ac præfecturæ Calvinistis demandentur. Præcipuo verò actore & instrumento usa est Jacobo Murrao seu Moravia comite, Mariæ fratre spurio.

Cùm igitur Maria intelligeret, in Regno suo depressa religione, tumultibus omnia concuti, relicta Gallia in Scotiam abiit, frustra Elisabetha per classes suas, ut eam interciperet, tendente insidias. In Scotia à Catholicis omni officiorum obsequio excepta, Calvinistas dominantes invenit, & in excidium fidei conjuratos. Factionis caput Murraus; ejus & Elisabethæ opera in Regni spem elatus. Maria, ut insolentiam compesceret, potentem aliquem Principem in thori & regiminis communionem asciscendum putavit. Sed vetabant Regni ordines, ne extero nubat. Igitur Henricum Stuartum Darleum, Lenoxii Comitæ filium, longa agnatione stirpi regiæ innexum, maritum elegit; qui communi cum Regina consilio rem publicam gereret.

Ad offensionem id suam pertinere Murraus existimans, vitæ novi Regis insidiatus est clam primò, tum etiam correptis armis aperto bello. Sed acie victus in Angliam, rebellium Scotorum asylum profugit. Deliberatum ibidem, quonam potissimum modo Rex & Regina sint dandi in exitium. Placuitque per conjurationes Calvinistarum, & occultas insidias rem tentandam; atque imprimis inter ipsum Regem & Reginam seminandas discordias, & fidei violatæ

82. Tragediæ initium. suspiciones. Alii apud Regem criminabantur Reginam, ac si omnem gubernationem ad se esset tractura, ipso despecto & abjecto. Alii apud Reginam hoc de Rege enuntiabant.

Cæsus Riccius. Præsertim verò Reginam insimulabant nimis cum *Davide Riccio*, Pedemontano, familiaritatis, cujus, viri prudentis, consiliis sæpius usa est; atque eò usque falsis suggestionibus suspicacem Darlæi Regis animum occupârunt, ut post cœnam in aulam conjurati, ejus jussu, cum *Duglassio* Comite *Mortono* aliisque irrumpentes, in Reginæ conspectu *Riccium* interemerint. Ipsa verò Regina in arctam custodiam est data. Quibus auditis *Murræus* cum aliis proditori-

Murræus Rex declaratus. bus illico ex Anglia rediit: atque consilio & auxilio *Knoxii* apostatæ in conventu Calvinistarum Rex Scotiæ est declaratus. Reginam verò capitis condemnari petiit, adulterii cum *Riccio* commissi falsò accusatam. Cùm nulla criminis probatio fuerit allata, & ipsa tum dignitas Reginæ & vita integrè acta, tum *Riccii* senectus & corporis deformitas, eandem absolverent. Diplomata non amplius nomine Reginæ, aut utriusque, sed solius Regis *Darlæi* scribebantur.

Rex, præteritorum pudore suffusus, ad Reginam captam inivit, actorumque veniam rogavit. Illa inter lachrymas & gemitus eidem amicè tamen, exprobravit, quòd falsis suspicionibus & ambitione ductus, se deserta & abjecta, ad utriusque ac Regni totius conjuratos hostes se contulerit. Meminisset, quòd eum præ omnibus aliis à se libere electum, ad suum conjugium, & à privata fortuna ad Regalem dignitatem, rerumque omnium communionem extulerit. Perpenderet sanè immane facinus, in conspectu suo in *Riccio*, Secretario suo, viro innoxio, patratum. Non cessaturos Calvinistas aliòsque proditores, donec cum religione regiam etiam familiam excindant; nisi consilio & opera conjuncta impiis ac perfidis machinationibus eant obviam. Quid thori conjugalis & regni consortem, sui tam amantem, utrum gerentem, & partui proximam, tanto odio persequeretur? si Reginæ, si conjugii, animo & corpore ægræ, atque cum extremis calamitatibus luctanti, nollet parcere, parceret saltem proli suæ propriæ, propediem, si per ærumnas matris possit, nascituræ. Rex perfidiæ conscientia attonitus, rei que indignitate motus, rogata iterum culpæ venia, totam proditionis seriem Reginæ aperuit: promissa constantiore in futurum fide.

Darlæus proditorem aperit, & conciliatur Reginæ.

Fugit Reginæ.

Rex ea ratione conciliatus, à proditoribus, qui de ejus nece de- liberabant, tandem impetravit, ut, cùm Regina morbo periculoso laboret, proxima saltem nocte Regi permittatur; statuendum die altero, quid porro fieri oporteat. At Regina, custodia amota inter noctis

noctis tenēbras clām à conjuge educta, atque, ut furori conjuratorum subtrahatur, Dombarium munitam in arcem est deducta. Conjurati hoc nuntio accepto, primū indignari ac frendere ob prædam unguibus ereptam, tum audito, comites Huntleium, Bothwelum, & Atholum, qui, cūm Riccius occideretur, per fenestram evaserant, cum 9000. militum in auxilium Reginae imminere, percussi terrore in Angliam aufugerunt. Regina verò edito diplomate à crimine cæsi Riccii Regem absolvit.

83.

Murraus

in Darlæ-
um.

At verò, dūm aliorum rogatu Murraum, in gratiam receptum, bonisque suis & muneribus restitutum, regni arcanis adhibuit, consilium eam prudens destituit. Inde enim omnes deinceps calamitates sunt enatae. Nam Murraus jam sui securus, concepto in Regem odio, quòd, conjuratis desertis, conspiracy in Reginae, atque adhaerentium illi Procerum necem, eidem detexisset, in Regis jam exitum cum aliis proditoribus sua vertit consilia. Id ubi Darlæo suboluit, præveniendum ratus, Murraei necem decrevit. Verū is callidior multò testiōrque, licet id consilium Regis rescisset, omnia tamen familiaritatis obsequia, animo simulato, præstulit, viperamque in corde gerens absconditam morsum tandem lethalem & Regi & Reginae defixit.

84.

Nam imprimis evicit, ut fugitivi proditores, socii sui, gratia Epithasis conciliata, revocarentur in Scotiam. Quorum primus dein labortragœdiæ. fuit, novas cum Murraeo prodiciones excoquere: ut substructionibus suis cruentis optatum finem imponerent. Conveniunt *Bothwelum comitem*, quem consiliis suis hætenus adversum, ac Reginae fidum gratūque noverant. Multa de Rege Darlæo questi, Riccii cædis, omniumque, quas passa esset Regina, molestiarum illum, zelotypia furentem, auctorem faciunt. Si Regina hoc homine liberaretur, nemini nupturam, nisi ipsi Bothwelo. Id se effecturos sacramento spondent.

Darlæus

Bothwelus ea spe & ambitione in casses tractus, recipit, ea conditione Regem sua manu periturum. Certam igitur domum, in quam Regem elicerant, supposito jam antè sulphure & pulvere pyrus. Rex occidit, accendunt, eūque inter ruinas excussæ in altum domus sepeliunt. Bothwelus, tanquam facinoris auctor, à populo comprehenditur, & judicio sistitur. Sed parū erat proditoribus, qui erant judices, hunc condemnare. Ulterior erat meta, ad quam collimabant. Absolvunt igitur Bothwelum, & ad Reginam, mœrore luctūque ob amissum conjugem afflictam, ingressi, tristiciniam vultu gestūque præferentes, patriæ calamitates, turbas, dissensiones nobilium inter se ipsos, difficultates, quibus viduæ Reginae sint exposita, in tam turbi-

85.

Catastasis.

do præsertim statu Regni, & ærarii publici penuria, ex ordine proponunt; nihil Reginæ, nihil Regno conducibilis fore asserentes, quàm si nuberet viro toti Scoticæ nationi grato. Talem autem fore *Bothwelum*, præcipua nobilitate ornatum magnis clientelis succinctum, totius Scotici maris Præfectum: magnis insuper in Regnum & Reginam meritis, atque eximiis corporis animique dotibus præcellentem. Hoc connubiali fœdere Scotiæ turbas tandem finitum iri.

Botwelus.

Infelix Princeps capta, & quò se verteret, nescia, in eorum tandem, ut quietem regno reduceret, postulata, consensit, atque *Bothwelo* juncta est. Vix eam scenam proditores egerant; cum undique populum ad arma vocant in ultionem cædis Regiæ, à *Bothwelo* Reginæ jussu patratae. Immanis parricidii præmium esse matrimonium cum latrone initum. Regina capta, per summam ignominiam jumento imposita *Edenburgum* abducitur, prælato vexillo, in quo peremptus Rex *Darlæus*, ejusque filiolus *Jacobus*, quasi vindictam expetens, visebatur. *Edenburgi* conjurati palatium regium occupant, Reginam verò in domum liçtoris abducunt, erecto, quoddixi, præforibus vexillo. Inde in arcem quandam *Murræi* captiva abducta est.

*Catastro-
phe.*

Dubii sycophantæ, quam fabulæ catastrophien imponerent, consilio habito ex *Elisabethæ Anglicæ* sententia decernunt, Regina ab omni gubernaculo dejecta, *Jacobum* ejus filium Regem promulgandum sub tutela *Murræi* Proregis: ut hac ratione *Jacobus* in hæresi educatus votorum deinceps faceret compotes. *Elisabetha* perfida mulier, licet hæc omnia ex ejus consilio fluerent, dedit tamen ad *Mariam* captam litteras, humanitatis & officii plenas. Indoluit ejus acerbæ sorti: indignata ejus auctoribus. Obtulit auxilia: quin ipsam se ad eam liberandam cum valido exercitu in *Scotiam* ituram spondit. Adjecit, nuntium ad se perlatum, necem ei parari, nisi regno se abdicet.

Proditores interea, ut etiam *Bothwelum* caperent, atque interficerent, quaquaversum apparitores ac liçtores emisérant. At ille in *Daniam* fuga evaserat. Ubi à *Scotis* mercatoribus proditus, atque parricidii accusatus, in carcerem detrusus est, in quo post decem annos miseram vitam finiit: adhuc paulò ante mortem constanter contestatus coram testibus, necem *Darlæi* Regis ad se & conjuratos, nulla verò ratione ad Reginam pertinere, utpote totius conspirationis penitus ignaram.

Regina in arcta custodia detenta à *Murræo*, impio ac perfido fratre, tunc per violentiam Regni Gubernatore, ope duorum Cornitum

tum ex familia Duglassia die quodam, quo convivium in arce celebrabatur, virili habitu induta elapsa est. Multi ex Nobilibus, præsertim Catholici, cum tota familia Hamiltonia, quæ erat amplissima, ad Reginam confluunt. Murraus cum proditoribus pariter delectus habet. Instruitur utrinque exercitus. Vincitur Regina, & in Angliam ad Elisabetham, quam amicam putabat, fugit. At ubi Carlil. Angliam lam pervenit, jussu Elisabethæ capta, & in custodiam est data: atque inde Boltonam translata. (anno 1569.) Scotorum multi cum Huntleio,, Crasfurto, Argilio, Egiltonio, Comitibus, totaque Domo Hamiltonia, & Ogilbea, rei indignitate commoti, arma corripunt. Verum Elisabetha, à Murrao certior facta, Mariæ Reginæ præcipit, ut scriptis in Scotiam literis arma ponere jubeat, se propediem ad Regnum suum reversuram. Quid faceret columba unguibus accipitris comprehensa? paret. Catholici arma ponunt. Murraus proscriptionibus, direptionibus, cædibus in eos, velut majestatis damnatos, sæviit.

Mox capta.

Incredibile dictu, quot deinceps machinæ sint admotæ, ut innocentia damnaretur, ita tamen, ut ex usu & jure actum videretur. Comitibus in Scotia & Anglia coacta; Regina adulterii & parricidii accusata. Knoxius & Buchananus apostatæ libros integros adversus illam scripserunt, ut exteris quoque nationibus imponerent. Et quamvis Senatus Anglicanus, perspecta accusationis infirmitate, restituendam censeret, ea conditione, ut juri in Angliæ Regnum renuntiet; Scotos dissidentes in gratiam recipiat; Anglicano Principi nubeat. Verum non satis atrox Elisabethæ hæc erat sententia; cum certum haberet, hanc prædam non ampliùs dimittere. Quin redarguit Murraum & Mortonum, conjuratorum capita, quod causam minnùs aptè instruerent.

Igitur Murraus, cum fabula necdum satis videretur intricata, ad novos dolos conversus, novamque telam texendam arbitratus, Thomæ Hovarto, Duci Northfolciæ nuptias cum capta Regina proponit,, eo pacto omnes turbas iri compositum. In se nihil opis defuturum, quo id negotium conficiatur. Dux, nihil fraudis suspicatus, postquam condixit, Murraum veteratorem per epistolam interpellavit,, ut conjugii causam urgeat. At ille has litteras Elisabethæ transmisit. Quæ Ducem, quia Catholicus erat, sibi in visus, capitis publicè damnavit: prætextu attentati cum Maria capta conjugii; cum tamen manifestè constaret, ex ipsis etiam litteris, totam stropham à Murrao fuisse contextam.

86.

Novæ

fraudes,

pro nova

tragoedia.

Verum haud lento pede secuta est cœlestis ultio. Nam Murraus

Murræus
cæsus.

ræus præcipuus Elisabethæ in sanguineo hoc perfidiæ theatro actor, cum Edenburgum ad Anglicum legatum Regis instar magno cum Comitatu pergeret, ab Hamiltono Calvinista, in ædibus latitante, sclopo manuali petitus interiit, hæreticus, vel potius Atheista. Quem tamen Calvinistæ Martyrologio suo & Calendario inseruerunt. Hamiltonus, qui facinus patrârat in vindictam tot ex familia sua à Murræo peremptorum, aut proscriptorum, nusquam inveniri poterat.

Furores.

Ne autem Regina aut alii Catholici in Scotia ex morte hujus proditoris patriæ lætitiâ caperent, Elisabetha, misso cum exercitu in Scotiam Sufflexio Comite, obvia omnia devastavit, multis arcibus datis in cineres, iisque præsertim, qui Reginæ adhærebant, spoliatis. Tum verò Mariæ ad speciem oblata est aliqua reconciliatio, ea lege, ut Elisabethæ subjectam se fateatur, magnam Scotiæ partem cum filio suo Jacobo eidem tradat. Cautionem idoneam præstet, nullum externorum Principum imploratum iri: Catholicæ fidei renuntiet, & Anglicanam amplectatur.

Stuarta
accusata in-
fidiarum.

Ne autem Elisabetha his intolerabilibus licet conditionibus pacem concedat, & Mariam liberam dimittat, hæretici novo commento finxerunt, Scotiæ Reginam Angliæ Reginæ insidiari (nempe ovem lupæ) Licet autem in mulierem, arcta custodia undique circumseptam, nulla ejusmodi cadere potuerit suspicio, nec ullum haberetur indicium, Anglicus tamen Senatus decretum edidit: quo asserbat, domi forisque varia cusa esse consilia adversus Elisabetham, & Angliæ tranquillitatem: quicumque talia deinceps attentaverit, eum ad Judices deferendum. Varios etiam in exterâs regiones exploratores Walsinghamus Elisabethæ Secretarius misit. Hos inter erat Gilbertus Giffordus, in Romano & Rhemenfi Seminario educatus, ac sacerdos ordinatus: qui, postquam à Religione in Angliâ rursus defecit, per imposturas & mendacia varias epistolas impetravit, & ad Walsinghamum detulit.

Damnata
ad mor-
tem.

Cum autem nihil ex illis adversus Reginam, quæ omni ferme famulatu spoliata ab uno in alium carcerem abducta fuerat, evinci posset, Elisabetha 48. Judices delegavit, qui eam examinarent. Sed nulla afferri poterat probatio ullius criminis. Nihilominus, postquam infelix Regina 20. annos per varios carceres inter infinitas ærumnas erat traducta, Elisabetha mortis in eam sententiam tulit: eamque per Sarisburium eidem denuntiavit. Sed interventu Gallici legati per tres adhuc menses executionem distulit: quod tempus illa diligenti ad mortem præparatione transegit. Nullus tamen

ad

ad eam sacerdos admissus est. Sacram igitur Evcharistiam, quam secum retinere Romanus Pontifex peculiari privilegio illi concesserat, ex propria manu sumpsit.

Heroica dein fortitudine atque constantia sicut sententiam mortis accepit, ita mortem ipsam sustinuit; ac tertio ictu à carnifice securi percussa, furoris ac inhumanæ tyrannidis victima cecidit perimitur. Maria Stuarta, Regis Scotiæ filia, Regis Galliæ conjux, Regis Magnæ Britanniæ mater, Regina ipsa Scotiæ, nulli humanæ in politicis potestati subjecta. (anno 1587. æt. 45. reg. 45.)

Corpus defunctæ ignobiliter tractatum abjectumque, tempore Jacobi I. ejus filii, Angliæ Regis, Londinum translatum, & erecto mausolæo in capella Regia conditum est, cum hac inscriptione: *Incomparabili Heroidi, Mariæ Stuartæ, Scotorum Reginæ: quæ, qua constantia vicennalem carcerem tulit, eadem impiæ securi Regiam cervicem feriendam dedit.*

Mirum videri posset, Scotiam, & præsertim Jacobum Regem, Mariæ filium, tunc jam gubernationi admotum, nihil movisse, ut matrem liberet, aut iniquissimam ejus necem vindicet. Verum consideranti, quod is in minori ætate, plurimos inter Scotiæ tumultus, sub variis tutoribus & curatoribus cum toto Regno fuerit jactatus, & sub Buchanani impiissimi apostatæ disciplina hæresi imbutus, & in manibus hæreticorum, iis totus obnoxius, sit versatus, incredibile non videbitur, eum suggestionem eorum nihil admodum movisse. Intellecta tamen matris indigna morte, ultionem parabat, & cum anno sequente Philippus II. Hispaniarum Rex expeditionem in Angliam adornasset, socium eidem Jacobus se addixit. Sed ab Elisabetha, objecta Anglici Regni promissione, suaviter demulsus, omnes suas rationes deinceps cum Anglia conjunxit, donec Elisabetha extincta Magnæ Britanniæ Rex est renuntiatus, triplex Regnum, quod nemini ante eum obtigit, jure complexus.

§. 2.

Status Ecclesiasticus Scotiæ sæculo XVI.

Hic quidem tunc erat perturbatus Reipublicæ in Scotia status: 87.
Religionis multò deterior. Anno 1559. antequam Maria Regina à Galliis erat reversa, synodus Episcoporum erat habita, ut Postulata tot exortis in Religione turbis remedium quæreretur: cujus tamen hæreticacta non ampliùs exstant. Vix autem Regina in Scotiam venerat, rum.

Pars VII.

XXXXX

quum

quum Procerum quidam supplicem libellum, erroribus & calumniis in fidem catholicam plenum, eidem obtulerunt: primos reformationis articulos in eo comprehensos dixerunt: petebantque, ut cultus Divinus lingua vulgari peragatur, utque populo Episcopos & Pastores eligendi fieret potestas: multaque alia extorquere conabantur.

Knoxius infamis apostata turbarum erat auctor, hæresis Calvinianæ fecundus profeminator. Regina non modò negavit postulata, verum etiam *Knoxium*, & alios seditiosos concionales homines ad dicendam causam evocavit. Ac licet Magnatum nonnulli pro eis intercederent, Regina tamen aperte est contestata, effecturam se, ut horum exemplo territi alii à nefarijs consilijs & regno perturbando abstinerent.

Arma

Sed jam profundius malum invaluerat: quàm ut facili manu sanari posset. Hæretici, cum Regina non statim insolentibus eorum postulatis annueret, correptis armis tumultuari, vastare cœnobìa, spoliare templa, Ecclesiasticorum bona diripere, Carthusianorum, Franciscanorum, Carmelitarum monasteria solo æquare: Religiosi, qui barbarorum manus evaserant, ad Reginae pedes advolvi, justitiam implorare. Sed frustra: *Murræo* (seu *Moravio*) rebellibus se adjungente, & cum exercitu hæretico *Edenburgo* imminente. Qui mox in urbem à civibus, partim hæreticis, partim timore perterritis, admissus pro libidine grassabatur; Episcopi ædibus suis ejecti, bonisque omnibus exuti. Dejectæ contrafactaque sacræ imagines: hostia Evcharistica patibulo affixa, & scloporum glandibus petita. Catholicorum bona in stipendium militibus data, Sacerdotes immaniter vexati.

88.

Knoxius.

Regina, dum rebellium armis omnia perstreperent, celeriter *Edenburgo* Dombarum fugit. *Knoxius* verò omnia sursum deorsum volvebat. Hic homo (quem *Scotiæ* Apostolum Calvinistæ appellant) teste *Ræmundo*, abjecto cucullo *Genevæ* *Calvino* operam dederat, librūque ediderat, quo Anglos ad *Mariæ* Reginae suæ cædem stimulabat. Una uxore non contentus, thorum paternum polluit, incestu cum noverca commisso: eam ob causam in *Angliam* profugus. Inde reversus tres puellas secum duxit: quibus mox quartam addidit, veneficio incantatam. Dignus enim verò Apostolus tali quod prædicabat, Evangelio. Ejusdem furfuris erat *Buchananus*, monasterii pariter desertor, *Knoxii* in pervertenda *Scotia* impiger adjutor: litteratura politiore, & poetica maximè imbutus, primò *Murræo*, spurio Reginae fratri, tum *Jacobo VI.* ejus filio informa-

tor

tor datus, occasionem nactus est oportunitatem, venenum, quo turgēbat, exspuendi, & commissos sibi Principes inficiendi.

Hi autem novi Scotiæ Apostoli, adversus Mariam, legitimam Nova scēta Reginam, & Dominam suam rebelles, religionis systema, ab Anglico multum diversum, induxerunt. Dies festos non colunt: eoque ab Anglis videntur: Scotos continuò laborare, Anglis tamen multò esse pauperiores. Nullum integrum templum, aut imaginem ullam apud eos reperias. Episcopi nomen quidem & proventus aliquamdiu retinuerunt, donec cum aliis Ministris partiri eos coacti sunt, obistente licet Jacobo VI. Rege, ut umbram saltem pristini splendoris retineat. Quare Episcoporum quidam indignati, in Angliam secesserunt, ubi Episcopi non ita sunt circumscripti. In partem prædæ Episcopalis venit nobilitas, Ordinum (qui spoliis erant consortes) accedente consensu.

Psalmos Scotica lingua demurmurant. Infantes baptizandi ad ministrum in suggestum deferuntur. Matrimonia nullo ritu peragunt. Diebus Dominicis plerique usque ad vesperam cibis abstinent. Die etiam, quo cœnam celebrant, jejunare solent. Panis buccellam autem in illa cœna sibi mutuo porrigunt. Adulteris & Missam audientibus eadem ferme poena irrogatur. Adulterii autem convicti tribus Dominicis prope suggestum concionatoris in pegmate omnium conspectui expositi collocantur. Ibi nomine expresso à ministro publicè rogantur, quam ob causam in eo loco consistent. Tum illi culpam suam fatentur, & delictum narrant, veniamque à populo petunt: quæ ipsis conceditur. Ubi adulterium à ministris ita est vindicatum, civilis quoque magistratus in eos animadvertit.

Quamvis autem Elisabetha Regina Angliæ totum politicum Scotiæ regimen moderabatur, & quò volebat, volvebat, obtinere tamen à Scotis Calvinistis non potuit, ut Anglicam Religionis formam assumerent, Genevensi Calvini & Bezae ritui ac dogmatis potissimum inixi. Arque ita à Calvinianis Ministris nobile hoc regnum, ultra mille annos Catholica Religione florens, missisque ad exterarum Nationes convertendas Apostolis celebratum, totum ferme in hæresin fuit præcipitatum; Boreali ea parte excepta, quam Scoti Montenses incolunt; quorum multi Catholica sacra constanter in hanc usque diem retinent.

Equidem Robertus Personius agitare consilia cœpit, de Scotia 89. Catholicæ veritati vindicanda. Quod, si succederet, certa spes Personii affulgere videbatur, Angliam quoque ad eam reductum iri. Cum consilia.

Xxxxx

enim

enim Jacobus VI. Scotiæ Rex, Mariæ Stuartæ filius Elifabethæ cœlibi in Angliæ regno successurus esset (uti postea re ipsa contigit) Principe eo in parentum Majorumque fide conservato, ingens ostentabatur compendium, Anglos, qui Regis sui religionem eò usque sequi solebant (ut in acceptanda religione Henrici VIII. Eduardi VI. Mariæ, & Elifabethæ observatum) hæc Regna ad pristinam Ecclesiæ unitatem reducendi.

Jacobus se-
ductus, Augebat eam spem, quòd Jacobus Rex juvenis, qui cum la-
te materno Catholicam Religionem imbiberat, Calvinismo tinctus
potius, quàm imbutus crederetur, eoque haud operosè reconcilian-
dus avitis sacris. Igitur Personius his spebus plenus per secretissimos
internuntios agere cum Rege cœpit; atque ejusdem responsione cle-
mentissima mirè recreatus, re cum Pontifice, & Claudio Aquaviva
Præposito suo Generali communicat, iter in Scotiam apparavit.
Quippe jam liberum Patribus in Scotiam accessum, pressisque in An-
glia Sacerdotibus asylum apud se concesserat. Verùm Calvinistæ, ex-
ploratoribus ad omnia oculis intenti, spes istas amplissimas in semine
succiderunt, Rege per immane scelus capto, & in potestatem suam
redactò, regniq̃ue administratione pro libidine sibi asserta. Vigilat
nempe generis humani hostis, ne respublica sua detrimentum patia-
tur: effectumque, ut Maria Regina, Catholicæ Religioni impensè
addicta, per carnificem interempta, triumpharet potestas tenebra-
rum.

§. 3.

*Dissertatio Juridica; an Maria Stuarta Regina Scotiæ
jure sit occisa.*

90. **Q**Uoniam Protestantici scriptores passim, his etiam nostris tem-
Duo capi-
ta accusa-
tionis. poribus, Mariam Scotiæ Reginam, velut nefariam, gravium-
que criminum ream insectantur, ac jure causam pronuntiant, operæ
pretium duxi, brevi dissertatiore ejusdem innocentiam vindicare,
ut palàm appareat, quanta rabie hæresis non modò in privatorum
vitam, sed in coronata etiam Regum capita grassetur.

Ad duo autem capita totam accusationem pertinere video: quòd
& Darlaum conjugem suum occiderit, & Elifabethæ Angliæ Regi-
næ struxerit insidias. Magnum, fateor, utrumque crimen. Sed
qui-

quibus testibus, quibusve tabulis id comprobatur? Auspicemur disceptationem à primò. Quibus igitur argumentis accusatores evincunt, occisum à Regina fuisse conjugem?

Jam ab eo tempore, inquit, Regina alieno & hostili animo Quod ma-
fuit in Regem conjugem, quo hic Riccium ejus secretarium occiditum occi-
jussit: tum enim versis in Bothwelum adulterinis amoribus, necemderit,
mariti machinari cœpit. Testes in hanc rem habentur litteræ, pro-
pria Regina manu exarata atque in ejus cistula aurea reperta. Unde
patrata Regis cade nullum doloris sensum præsetulit, nec mortuum
luxit, imò nec decentibus exequiis ei justa persolvit. Imò luctus
debiti & consueti loco mox ad nuptias provolvit cum Bothwelo
proco Regis parricida. Additum, haberi testimonia, è servis Both-
weli, dum quæstioni subiicerentur, expressa, aliorumque, qui cæ-
dis fuissent participes. Ex quibus sanè confici, Darlæum Regem à
Bothwelo fuisse occisum, si non jussu Regina, conscia saltem illa
& comprobante.

Verum si fingere & asserere crimina sufficeret, nulla amplius
tuta foret in orbe innocentia. Hæc omnia inficiando eliduntur. Ve-
rum equidem est, vehementer doluisse Regina, cæsum in suo con-
spectu Riccium, consiliarium suum in paucis fidum (quem tamen
ipsa vita probè acta, ætas senilis, & deformis corporis habitudo
ab omni sceleris suspicione absolverant) At optimè perspectum erat
Regina, maritum suum, quem tenero & sincero affectu diligebat,
non sua voluntate, sed Murræi tectis consiliis aliorumque hæretico-
rum, qui nihil aliud quærebant, quàm Reginam Regemque perde-
re, in eorum partes fuisse abreptum, juvenili adhuc ætate confir-
mata necdum prudentia.

91.

Vindica-
tur inno-
centia.

Et hinc conjugem, veniam rogantem, amantissimè etiam inter
lachrymas, amoris testes, excepit, condonata omni, si quæ com-
missa esset, culpæ venia: quin publicè eum excusavit, & à sce-
re perempti Riccii innocentem pronuntiavit. Cùm dein Rex Glasce
æger decumberet, Maria illico veredis equis eò delata, omnia amo-
ris conjugalis officia eidem exhibuit. Inde verò Edenburgum eun-
dem comitata, amicissimè eidem convixit, facta invicem arcano-
rum omnium communicatione; nam & Rex aperuit ei omnem con-
spirationum seriem, magnam propterea incurrens offensionem apud
Murræum & complices: Regina verò cum eo communi studio con-
tulit omnes rationes gerendæ Reipublicæ, illamque adversus moli-
tiones seditiosorum defendendi. Ipse uterus, quem tunc gerebat, spiciones.

XXXXX

latis

fatis loquebatur, concepta ex marito prole, Jacobo, totius postea Britanniae Rege.

Si quis verò hæc omnia gratiæ mutuæ reconciliatæ officiameram simulationem fuisse diceret, is profectò nescit vitæ humanæ, personas inter tam arcto nexu adstrictas, vivendi regulas. Quasi verò dissensiones, quæ conjuges inter facile oriri solent, debeant esse perpetuæ; & ex discordia, aliquando orta, arguere liceat, omnem amicitiam amorémque reconciliatum esse mendacium. Malè profectò actum esset de humana republica, si hæc ethica & argutandi ratio vim aliquam obtineret. Dein si Regina maritum peremptum voluit, quid opus tanto strepitu illud perficere publicè? cur non secretò? an venenum defuit? an servi, aut famulæ? mille mortis viæ, si personæ tantopere connexæ obstinârint esse nefariæ. Sed quid hæc moror? non assertis, ab hominibus leviculis prolatis, non suspicionibus aut vanis præsumptionibus, nullo fundamento nixis, agenda est hæc causa, ubi de Regio capite decernendum.

Fictæ litteræ.

Sed fide conjugali fracta, inquiunt, Bothwelo se prostituit, eadem mariti pacta, ut novum hunc procum in thorum conjugalem possit substituere. Ingens profectò crimen, Regiæ impactum majestati? à quibus? à Murrao, Regnum ambiente, & Calvinianis ministellis, Knoxio maximè & Buchanano, ad omne nefas projectis: qui, ut matrem cum prole, quam sub corde gestabat, una opera extinguerent, seditiones movere & gravissima in eam scelera spargere non horrebant. Quo autem teste? nullo. At litteras in cista Regiæ inventas asseritis, ad Bothwelum scriptas. Nempe quas ipsimet cistæ immisistis (Regina capta) perduelles falsarii, sine inscriptione, sine nomine & subscriptione, sine die & consule, sine sigillo. Neque novum hoc erat, ut Murraus cum assclis Regiæ manum imitati litteras confingerent; prout in causa capti Huntlei comitis apertè est demonstratum. Et quid Regina ad Bothwelum scriberet litteras, quem in aula præsentem habebat; epistola est absentis cum absente colloquium. Et quàm malè undique cohæret fabula! litteræ, à Regina ad Bothwelum datæ, potiùs in Bothweli scriniis, quàm in Regiæ cista deprehendi debuissent. Et quid tandem in illis continebatur litteris? joci amatorii. De insidiis aut conspiratione in Darlæi mortem nec verbum. Denique Regina Deum in testem invocavit, litteras illas nunquam à se fuisse scriptas. Afferit spurius toties perfidiæ reus Murraus quidam; negat Regia Majestas, etiam Sacramento.

At

At viro occiso luctu nullo parentavit : negavit exequias. Hæc Regi¹ pa-
enimverò accusatio palàm exhibet , quanta sit accusantium proterrentavit.¹
via , ut ea etiam , quæ in solis luce sunt exposita , impudenter ne-
gare non perhorrescant. Vidit tota aula fusas Reginae lachrymas ,
ubi cædis nuntius ad eam est perlatus , audivit gemitus , Conditum
ejus jussu balsamo corpus , pollinctum odoribus : præsentem Nobilitate
illatum sepulchro Regio , in quo Majores Reginae & ipse parens
Jacobus V. erat repositus. Quid ultra poscitis ? an ut crines sibi evellat ?
ut unguibus faciem laceret ? ut furentis instar discurrat ? hæc si fecisset ,
diceret malignitas , ideo facta , ut parricidii suspicionem à se amoliatur.
Est hæc petulantis linguæ nefaria indoles. Agas hoc : rodit : agas aliud ,
carpit : agas quidcunque : maligna interpretatione proscindit : & si
factum non potest , facientis mentem accusat. Si verò non maxi-
ma fortasse pompa corpus est illatum tumulo , minorique , quam
decuisset , Nobilium frequentia , cui , quæso ! id imputandum ?
an Reginae ; an accusatoribus eorumque symmistis ; quid faceret in
urbe hæretica ? ritu Catholico conjugem Catholicum tumulari vo-
luit. Ridenti sibilo explosistis sacras ceremonias. Vix erant , qui
operam commodarent. Jam verò , quod vestra culpa solennitati
defuit , Reginae impingitis.

Veniamus modò ad criminationem omnium gravissimam , qua Cur Bot-
cædis patrata ream Reginam arguunt. Maritum non luxit , velo nup-
sed mox ad nuptiales lætities conversa , ad pollutum maritali sangui-
ne thalamum mariti latronem admisit. Verùm enim verò quinam
sunt illi , qui ita accusant ? illi ipsi sanè , qui totam hanc stropham
adornarunt. Post celebratas , quoad in loco hæretico fieri poterat ,
mariti exequias , pullata veste induta domi se conclusit , indulgens
luctui. De nuptiis nulla tunc illi cogitatio. Vos accusatores , vos
estis , qui perturbare omnia volentes , hanc scenam adornastis. Vos
Bothwelum spe Regii conjugii proposita ad cædem Darlæi incitastis.
Vos eum ad vestrum tunc judicium delatum absolvistis ; quia nec-
dum satis intricata vobis videbatur tragœdia. Parùm erat Bothwe-
lum , invisum licèt vobis hominem , quia Catholicum , perdere ; ni-
si etiam Reginam cum ipso perderetis.

Hinc instructa nuptiarum catastasis ; ut apud Elisabetham , non
tantùm in Anglia , sed in Scotia quoque suo nutu omnia moderantem ,
utrumque conjugem patrata cædis reum possitis agere. Convenistis
Reginam : proposuistis calamitosum Regni statum , in factiones &
urbas scissum : unicùm rei publicæ esse remedium , si Bothwelum
in

in thori & throni consortem admitteret : hac conditione negno pacando vestram addixistis operam ; minas intentastis , si secus faceret : suastis , impulistis , coegistis. Quid faceret Regina , quæ in vestram potestatem se videbat redactam ; vestris minis perterrita , spebus oblati impulsæ ? Annuït tandem postulatis vestris , reipublicæ quietandæ gratia. Exhibitæ sunt Anglis , quos Elisabetha in hac causa iudices in Scotiam miserat , Murraï , actoris primarii aliorumque proditorum litteræ , quibus constituiebant inter se , cogendam Reginam ad ineundum cum Bothwelo conjugium. Exhibitus contractus nuptialis , vestra manu subscriptus. Bothwelum infontem cædis iterum iterumque pronuntiastis. Ratum habuerunt , quod vos contexuistis matrimonium , Scotiæ Episcopi : quorum tamen maximè fuerat , criminis impedimentum , si quod subversatum fuisset , nuptiis obicere.

Contractæ sunt igitur vobis authoribus & impulsoribus nuptiæ. Attigistis votorum metam. Involuta satis videbatur , quam lulistis , tragœdia , ut diu præmeditatam catastrophem possentis imponere. Collulistis cum Elisabetha. Petistis ab ea iudices. Facti estis accusatores. Actionem criminalem intentastis Reginæ vestræ , proditores perfidi , iuriumque naturæ agentium prævaricatores improbi. Collusionis cum Bothwelo , & cædis regiæ dixistis ream. Actionis nefariæ basis esse debebat hoc ipsum , quod obtruseratis , cum Regis parricida , ut loquebamini , conjugium. Argumentum vestrum : de cæde constat : Bothwelus manum , Regina consilium præbuit : connubium quæsitum finis intentus & præmium sceleris. Ecce ! machinationum pulchram congeriem , à spiritu ambitionis & hæresis fœcundo parente progeneratam !

Servi non
sunt ido-
nei testes.

Sed videamus ultimum ad subruendam innocentiam arietem. Servi Bothweli , ad quæstionem vocati , in equuleo & catasta fassi sunt , Reginam cædis conjugalis fuisse participem. Jam non disputo de anticipiti veritatem exprimendi per tormenta remedio : ubi sæpè dolor extorquet , quod conscientia abhorret. Hoc quæro : quinam fuerint iudices , servorum carnificinæ moderatores ? jurati hostes Reginæ , illius exitio omni conatu intenti. Hi movebant quæstionis machinas. Hi servorum linguæ imponebant verba , quæ ignobile ac venale hominum genus loqueretur. Hi chartæ comiserunt , quæ perfidia & proditio suggerebant.

Sed unde norant servi Bothweli , Reginæ consilio cædem esse patrata ? an Regina ipsis manifestavit ? quis credat ? Non solent profectò magni Principes arcana sua , summi præsertim momenti , vilitatem

vilium servorum, maximè si alieni sint, loquacitati subiicere? Privatus paterfamilias id non facit, quid dicam Princeps, cujus ratio status magnam partem constat arcanorum silentio? An Bothwelus Reginae mandatum aut consilium cædis servis enuntiavit? Servi etiam in equuleo torti de hoc nihil. Neque credibile, Bothwelum, qui ob connubii spem Reginam volebat amicissimam, servulis manifestasse consilium Reginae in summum ejusdem præjudicium. Cur non dixisset potius, hanc esse voluntatem (sicut re ipsa erat) Murraei, Mortoni, aliorumque Procerum, qui pro libidine regnum ea tempestate versabant? Cur in quæstionis hujus negotio omissa sunt nomina ejusdem Murraei, Mortoni, & aliorum, quorum consilio & opera cædes Darlæi fuerat patrata? Denique Bothwelus ipse, qui in Dania exulabat, & decennali carcere erat detentus, constanter asseveravit etiam in ipso mortis articulo, Reginam in cæde Darlæi nullam habuisse partem, eaque prorsus inscia fuisse patrata. Quod testimonium viri, eo tempore depositum, quo nec timori nec spei supererat ampliùs locus, Rex Daniæ Principibus Europæ communicavit.

Velvite, revolvite annales mundi: tale judicium, quod in Scotia adversus Mariam Stuartam Reginam fuit habitum à Calvinistis, nulla unquam vidit ætas, nulla finxit mythologia. Produxit equidem omnibus sæculis mundi hujus, instabilis ac perfidi theatrum stupendas tragœdias. Sed huic tot prodictionibus, & iniquis machinationibus involutam invenietis nullam similem.

Taceo, in facie Reginae crudeliter obtruncatum fidissimum ejus Ministrum: Reginam adulterii insimulatam à subditis suis, argumento nullo: confictas in eam rem ab iisdem litteras, & in scrinias Reginae captæ depositas: captam eandem sæpiùs, & indignissimè habitam. Hoc novum atque inauditum, apud politiores præsertim nationes, Reginam, omnium virtutum splendore ornatam, in suo regno, à propriis subditis perduellibus ac perfidis criminaliter accusari de cæde, ab ipsis patrata, sumpto argumento ex connubio, ad quod ipsi coegerunt, productis in caput Reginae servulis alienis, homunculis vilissimis; & quidem inauditum hoc judicium exerceri in Scotia, à Judice prorsus incompetente, in foro alieno, ab Anglis, quibus tunc nulla in Scotiam jurisdictio, quid dicam in illius Reginam, suprema, absoluta,

luta, & independente omni potestate imperantem? aut quod tandem jus Angliæ Reginæ in Reginam Scotiæ? Illam huic subiectam novi, quia Stuartæ etiam Angliæ regnum debebatur, hereditatis titulo, sanguinis proximi impolluti jure: Scotia Elisabethæ nullo modo. Heu! quot insanabiles judicii nullitates! quot inauditæ in uno judicio injustitiæ! judicio? in uno parricidali latrocinio. In privatum civem sic nulla ratione agi poterat, etiam prædonem, etiam latronem. Quid dicam in Reginam? subditi actores; Regina rea! exterus judex! vah portentum! quid magis mirer? An accusatores? An ream? An judicem? An causam?

Sacra apud omnes gentes Regum Majestas est. Vel verbo eos violare immane scelus. Nulli in humanis terrenæ potestati subiecti, soli Deo sui rationem reddunt. Fingite (liberæ enim sunt cogitationes) fingite, Reginam Scotiæ Darlæum, quem ex privata vita extractum ad Regium thorum evexerat, ob Riccii cædem propria manu obruncasse: comperfas recenti cruore manus coram aspici, fatentem Reginam, commissam à se cædem. Quid hæc omnia ad Reginam Angliæ? Quis eam in hac causa judicem constituit? An se ipsam? Quo jure? Scoti evocarunt: Scoti judices delegatos ab Elisabetha petierunt: Scoti jurisdictionem ei prorogarunt in Reginam Scotiæ. Paradoxam sanè jurisprudentiæ synthesein, atque ad eam usque diem inauditam! itane verò? jurisdictionem prorogarunt in Reginam Scotiæ? Nec in se ipsos adversus Reginam suam rebelles prorogare poterant; quomodo adversus Reginam ac Dominam suam?

Malè profectò foret provisum humanis per orbem potestatibus, si subditis, qui facile cum jugo suo, etiam miti, rixari solent, illudque conantur excutere, integrum esset, externos in regnum evocare, qui de summi imperantis capite decernant. Armate hoc gladio subditi insolescentis tumultuantisque audaciam: quid jam aliud futurum putemus, nisi ut civis in Principem insurgat, exteris in regno tribunal erigat, pessundet inviolabile coronæ decus, summam imperantis potestatem precariam faciat, & libidini suæ subiciat, fortunas, caput, vitam Principis pro arbitrio in manu verset: ac denique evertantur penitus regna,

aut

aut nequissimus quisque per prostratum Principem sibi gradum ad solium sternat?

Ut igitur complectar paucis omnia; si ream spectem, Regina est, nullius terrenæ potestati subjecta: sanctum igitur, illibatum, inviolabile demisso obsequio colatur Majestatis decus. Si accusatores considerem, sunt subditi, sunt proditores, sunt rebelles, sanguinarii, perduelles, sunt læsæ Majestatis rei: caput Reginæ suæ petunt. Venerationis causa humanis etiam legibus cautum est, ne filius in patrem, libertus in patronum, servus aut vassallus in dominum, accusatorem aut testem agat: reclamante etiam ipsa natura: quantò indignius, quantò sceleratius subditus, fide, obsequio, homagio, sacramento subjectus, in Regem, Principem, Dominum, Patronum, imò Patrem omnium impia accusatione grassatur, eúmque ad necem deposcit! an Spartaci illius more agendum? an Lapitharum in Regno vivimus? quamvis nulla sit barbaries, quæ non humanius, & in Principes suos reverentiùs egerit.

Si in judices oculos conició, video illos externos, peregrinos homines, ex Anglia in Scotiam missos ad condemnandam Reginam, quibus nec in privatum Scotiæ civem ulla est jurisdictio, jus aut potestas; quantò minùs in Principem supremam, absolutam, independentem, Monarchicæ Majestatis supereminenti magnitudine in Regno suo fulgentem! Excepit Regina contra hoc forum, tribunal, judicem, iniquissima, sanguinaria, ac violenta usurpatione obtrusum, contra jura naturæ, gentium, ac humanas orbis universi sanctiones in alieno Regno adversus hujus Reginam nefariè erectum. Heu! quem mundum essemus habituri, quæ regna, quantam rerum omnium publicarum confusionem, invasiones, turbas, tumultus, si hæc agendi ratio locum obtineret!

Denique si causam ipsam inspiciamus. Quam actionem intentatis accusatores? Quam injuriam vestram persequimini? An aliquem vestrùm Regina læsit? Altum de hoc silentium. Optima Regina non intulit injurias, sed passa est, magnas, multas. Ex lege Cornelia de Sicariis agunt adversus Reginam mansueti & modesti homines. Cædis patratae arguunt; ad vindictam publicam agunt: sanguinem pro sanguine repetunt. Huc ergo reci-

dit tota accusatio. Jam demus tantisper, quod à veritate abhorrens, quod fictum, quod nulla ratione probatum: demus inquam, in vindictam publicam obtruncati crudeliter Riccii, viri innocentis, casum à Regina Darlæum, qui nullis, nisi à Regina mutuatis, splendebat radiis. Quid hoc pertinet ad Reginam Angliæ? quid aliorum interest, utrum Regina Scotiæ colum, an sceptrum, vel gladium tractet? Si scelera plectit publica; cur Elifabethæ, cur subditis rationem reddat?

Ecce! pater Elifabethæ duas uxores occidi jussit, inter quas erat mater Elifabethæ; duas repudiavit matrimonio jam consummato; occidit Episcopos, Principes. Duces, nobiles. An exterorum quispiam Principum, an subditi propterea Henricum in jus vocârunt. Elifabetha ipsa quantum sanguinis innocui fudit in Anglia! quis propterea illam actione pulsavit? Vos ipsi accusatores intensis nervis contenditis, ut Regina vestra ob Darlæi cædem vita ipsa spoliatur. Cur illa non potuisset Riccii interfectorem capitali poenæ subiicere,

Sed nolo argumentum hoc esse meum: quia, jure an injuria casus sit Darlæus, non disputo. Vestris duntaxat armis vos petere volui. Sed hoc dixi, dicamque semper, innocens à Darlæi sanguine Regina fuit. Reconciliata cum eo gratia: absolutus à nece Riccii; pignus amoris Jacobus, quem in utero gestabat, utriusque filius. Cum Bothwelo nulla sequior familiaritas: connubium cum eo postea initum, à Proceribus obtrusum. Servuli viles nequaquam adversus Reginam testes idonei, eo præsertim modo examini & quæstioni subiecti. Nec etiam quidquam edixerant, quod Reginam collusionis convinceret. Audivisse se ab hero, Parlamenti & Reginæ voluntate cædendum Darlæum. Vel probat hoc aliquid, vel nihil? si nihil: innocens Regina est. Si probat, vos ipsos accusatis cædis reos. Eodem enim sermone & de vobis & de Regina vestra testati sunt. Si dicatis, vos falsò esse adjectos, dicam ego meliori jure, aut Bothwelum id nunquam dixisse servis, prout constanter ad mortem usque Reginam innocentem pronuntiavit, vel id simulasse, ut animum servis faciat, vel servos tormentis victos falsò Reginæ nomen vestro, qui unà cum Bothwelo cædem patrâstis, adjunxisse.

Atque

Atque hoc est illud judicium, quod Elisabetha, cum Scotiæ Regina jam in Angliā teneretur captiva, missis delegatis in Scotiā haberi voluit, adeo hiulcum, distortumque, ut Delegati, patentibus accusatorum imposturis, ut maximè vellent, ausi non sint mortis sententiam pronuntiare: indignante propterea Elisabetha, & Judicibus ignaviam, Murræo & Mortono actionem malè tractatam exprobrante.

Quia tamen deliberatum habebat Mariam perdere, fucusque colorandæ sententiæ quærendus erat, omissa illa de Darlæi cæde *De insidiis.* actione, undique fatiscente, novum ei crimen impegit. Judices itaque datos 34. Fodringamum mittit, ubi Regina detinebatur captiva. Si stitit judicio. Accusationis caput, quod Reginæ Angliæ insidias struxerit, pluræque alia contra ejus regnum sit molita. Probatio inde desumpta, quod post Mariæ mortem Angliæ Reginæ titulum usurparit, Regina Angliæ per Gallias sit promulgata: ad ejus è captivitate liberationem tum intra tum extra Angliam varia sint cusa consilia. Babingtonum id esse confessum. Complures litteras in eam rem scriptas haberi interceptas, argumento non dubio, Elisabethæ vitam perfidè fuisse appetitam. Quatuor jam equites fuisse accinctos, ut Elisabethæ cædem ad Mariam perferrent. Hæc probationum summa.

Regina Scotiæ ad hoc judicium citata, imprimis contra forum excepit: se juris supremi Reginam non esse Elisabethæ subditam: judicari proin ab ea aut ejus delegatis non posse: nec Angliæ legibus stringi peregrinam. Repositum: eam jam in Angliā degere, Anglicano proin more vivendum. Adhæc delicto suo forum fortitam, hoc tribunal declinare non posse. Coacta igitur in judicium, ne diffidere causæ suæ videretur, præmissa contra forum protestatione, accusationem tam dilucidè diluit, ut facilè ejus pateret innocentia, si veritas, si justitia, si æquitas quæreretur.

Insidias Elisabethæ struxit, inquiunt. At ubi? quando? per quos? an, dum in Gallia vixit, Delphino nupta? Sed brevis ea fuerat commoratio, Indicium insidiarum nullum. Nulla hic accusatio; nisi quòd dicant, eo tempore Reginam Angliæ fuisse proclamatum. Verùm contestatur Regina, id per Henricum II. Regem Galliæ socerum suum fuisse factum. Si proin culpa in

eo sit aliqua, à se alienam esse: se certè nihil esse molitam. Verum permittamus, Mariam jussisse, Angliæ Reginam se promulgari. Fingamus insuper, eam exercitum comparasse, ad occupandum, post Mariæ Angliæ Reginæ mortem, Regnum Angliæ. Quæ in eo culpa? jure suo egisset. Elisabetha nataium vitio laborabat, nata ex pèllice, prout nuper est demonstratam. Maria Scotiæ Regina parentem habuit Jacobum V. Henrici VII. ex filia Henrici VIII. ex sorore nepotem. Impolluti sanguinis prærogativa erat proxima hæres Mariæ defunctæ. Si igitur regnum Angliæ petisset, quod sibi debebatur, petisset. Si rententi Angliæ arma intentasset, suum vindicasset. Quis propterea argueret, in caput Elisabethæ insidias structas. Frequens inter Principes de regnis ac provinciis est contentio, bellum frequens. An idcirco in vitam mutuas tendunt insidias? Regnum petunt nostri Principes, non caput æmuli. Sed quid ego hæc? nihil, nihil omnino molita est Maria Stuarta, aut in Elisabetham, aut Angliam, dum juvenili ætate vixit in Gallia.

Sed neque, dum reversa in Scotiam, eandem moderabatur. Toto enim eo tempore tot calamitatibus, tumultibus, seditio-nibus domesticis, erat pressa atque oppressa, à perfidis & impiis Calvinistis, ut Scotiæ Regnum retinere non posset. Quis credat, eam tunc in Angliæ Regnum quidquam machinatam? Et cur, si in caput Elisabethæ fecisset insidias, prodita ac deserta à suis Scotis, fugisset in Angliam? Num Elisabethæ tanta fiducia se credidisset, dum via patebat in affinem Galliam? Magna profectò vis est mentis sibi malè consciæ: fugit, quem læsum novit, maximè potentem. Non quæro igitur, quidnam molita sit? quasnam insidias fecerit? per quos? quia nullæ fuerunt. Non fecit in Scotia insidias, sed passa est: passa est multas, graves, iniquissimas, afflicta undique Princeps.

Igitur in Anglia insidias contigisse necesse sit. Ita est. Sed quis struxit? an illa, quæ toto tempore in arcto carcere latebat abdita, an verò illa, quæ carcerem imperavit, omnesque vias rimata est, quibus Reginam innocentem opprimeret? Rei seriem paucis percipite. Maria à Scotis suis dirè vexata, ab Elisabetha, quæ aspidem sinu abscondebat, amicissimis litteris, in quibus eam sororem appellavit, & liberalibus promissis illecta, fugit

in Angliam velut in asylum. At, nefas; vix fines cum modico famulorum comitatu ingressa, jussu Elisabethæ comprehenditur, in carcerem abducitur, spoliatur famulatu, pecunia, cymeliis, suppellectili. Per diversos carceres raptatur, arctissimè custoditur, ab Amia Pauleto carceris præfecto inhumanè tractatur: denique post 20. annorum carcerem immani scelere obtruncatur.

Deum immortalem! quis alteri struxit insidias? an columba accipitri, agnus lupo, musculus catæ? an illa, quæ nec, si voluisset, potuit, an verò illa, quæ potuit, & voluit? Res ipsa loquitur. Sed litteræ sunt interceptæ. Quis scripsit? an Maria? nequaquam. Quid ergo ad illam? amicus ad amicum scripsit litteras. Ergo inermis armatæ, captiva plena libertate lascivienti, omnium inops potentia, satellitio, opibus, omniumque rerum affluentia terra marique circumvallatæ, fecit insidias. Quæ hæc consecutio? Sed quid continebant eæ litteræ? an Mariam machinationis insidiosæ aut prodicionis alicujus arguunt? nullo modo. In rationem inquiri nuntiant, qua Maria Stuarta ex diuturno & ærumnoso carcere liberari queat. Principes externos de ea liberanda esse sollicitos. Hoc Babingtonus in equuleo fassus est. O nervosum argumentum! habemus scelus. Convicta est Regina. Insidiata est vitæ Elisabethæ.

Intellexit' pulchram argutandi viam? Solliciti fuerunt aliqui, ut Regina è carcere liberetur. Ergo fecit insidias. Ergo in vitam Elisabethæ machinata est. Ergo pereat. Novam profectò jurisprudentiam! inauditam dialecticem! Christiani erant solliciti, ut Petrus liberetur è carcere. Ergo Petrus Herodi struxit insidias. Paulus per fenestram sporta dimissus est. Ergo machinatus est in mortem Damasci Præsidis. Negat Regina, datas à se vel acceptas de sua liberatione litteras: ne ullo indicio id constat. Negat, Babingtonum sibi unquam cognitum, aut consilii quidquam cum illo collatum. Quid ergo ad illam pertinent datæ ad istum litteræ?

Sed liberales sumus. Permittamus, factum, quod nunquam factum est. Demus, Mariam, in carcerem iniquissimè conjectam, & diuturni squaloris pertasam, ad varios scripsisse litteras, rogasse auxilium, implorasse opem, ut tandem ex tot ærumnis liberetur.

Zzzzzz

beretur, vitamque servet. Concedamus, Catholicos ejusque amicos sollicitatos omni studio contendisse, ut captivam clama e carcere eripiant. Plus dico. Cedamus & illud, exteros Principes, ejus precibus motos, vi etiam armata ejus liberationem extorxisse. An propterea Elisabethae insidias fecisse dicenda foret? jure suo egisset. Necessariam sui defensionem adversus iniunquam aggressorem & leges humanæ, & Divinæ, & natura ipsa concedunt. Fugere licuisset, si potuisset; cur facere nequeant, ut possit? Vim injustam etiam vi licet repellere, servata inculpatae tutelae moderatione. Non facit insidias, qui se vitamque suam justè defendit. Etiam justè detentus in carcere, fugit, si possit, & ut possit, satagit. An idcirco Principi vel Juddici struit insidias? quanto minùs Maria, licet opem flagitasset, ut ex injusto carcere liberetur? Licitum sibi putavit Elisabetha, Reginam Scotiae, in quam jus nullum habebat, insidiarum praetextu occidere. Quid Reginae Scotiae licitum fuisset ad averteendas veras insidias, ut vitam servet, jam non est necesse dicere.

Id unum ego probandum assumpsi, nullas à Maria factas Elisabethae insidias: idque satis evictum existimo. Nihil est machinata, dum vixit in Gallia; nihil, dum in Scotia cum subditis suis luctabatur; nihil, dum contra fidem ab Elisabetha datam, contra jura hospitii, contra naturæ ac gentium jura perfidè fuit comprehensa, & in carcere detenta. Nullum indicium, nulla probatio. Litteræ, ab aliis scriptæ, ad eam non pertinent. Nec illarum insidiarum, sed liberationis duntaxat mentionem faciunt. Suspicionibus solummodo & præsumptionibus, iisque levissimis tota accusatio nititur. At scelera non præsumuntur, in tanta præfertiim Principe. Malè profectò ageretur cum humano genere, si Hevibus præsumptionibus vita staret. Et hinc leges etiam ad privatum civem capitis condemnandum probationes luce meridiana clariores exigunt.

Ut dicam, quod res est. Satis perspectum Elisabethae, & senatui Anglicano fuerat, nullas omnino factas insidias, imò naec fieri potuisse. Noverat tamen Mariæ in Regnum Anglicanum jura. Sciebat à Galliae Rege promulgatam. Hoc urebat. Non satis firmum diadema putavit, quamdiu in vivis esset Stuarta. Et fortasse hanc se ipsa metiens, cogitavit, quid esset factura, si

looco

loco, Mariæ foret. Hinc omnia perturbanda: Hispano in Belgio & America, Gallo in ipsa Francia quærendus hostis facessendumque negotium. Scoti adversus Reginam suam concitandi. Illa blanditiis, promissis, fraudibus in castes trahenda, carceri mancipanda, enecanda. Jura sua perdiderunt miseram Principem. Alienos animi malè sibi conscii timores luit. Secura fuisset, si minus juris habuisset.

Plus viginti annis ea lusa tragœdia. Involuta fraudibus ac perfidia turbata omnia: nec tamen exitus spectabatur: quia causa nullala sanguinariæ sententiæ inveniebatur. Fingendæ itaque insidiæ, molitiones, machinationes, ut fucus saltem injustitiam summamque iniquitatem obtegeret. Cadere igitur debuit infami carnificis manu Princeps innocua, alieni timoris & ambitionis victima. Decussus coronatus vertex, & purpura Regalis infecta sanguine.

Quantumcunque autem crudelis & sanguinaria fuerit Elisabetha, nunquam tamen ad extremum illud scelus prolapsuram fuisse existimo, nisi ab hæreticis in illud fuisset propulsa. Quum enim illi timerent, ne alterius Mariæ Angliæ Reginæ redirent tempora, & suos & Elisabethæ timores in immensum auxerunt; atque ut sectas suas firma ac stabili sede communirent, bene se mereritos putabant, si nescio quas Stuartæ adversus Reginam machinationes confingerent. Qua de causa etiam tot aliæ cædes innumerae patratae, perduellionis titulo: omnes enim Christi Martyres per prodicionis & insidiarum rei esse debebant. Quæ tamen omnia non in Anglicæ Nationis vitio, utpote nobilis & erectæ, sed hæresis spiritu, optimam etiam gentem depravantis, confecta sunt.

Detestatus est olim orbis Neapolitana theatra, Regio sanguine & horrentia. Et tamen Conradinus cum armato exercitu accessit Italiam: hostis erat, dejecturus Carolum Regni ab ipso Pontifice confirmati possessione. Maria Stuarta Regina Scotiæ accessit Angliam non cum armatis copiis, non hostis, non privatura Elisabetham Regno, sed auxiliorum promissis illecta, in locum refugii, fidei Elisabethæ se committens, agnoscens ipsam Reginam, nec jus aliquod in Angliam sibi tribuens, ipsa aut ejus posteritate vivente. Tamanta nihilominus excitata tragœdia, auctore potissimum hæresi.

Illud sanè mirandum, Protestanticos scriptores totis in id i viribus incumbere, ut Mariam Stuartam Scotiae Reginam velut adulteram, parricidam, & Elisabethæ insidiatricem, aliisque sceleribus contaminatam, ac carnificis manu dignam proponant, Elisabetham verò velut heroidem incomparabilem, omnique virtutum genere ornatam orbi proponant; cùm tamen ex Elisabetha nullus mortalium, ex Maria verò Stuarta multi ex præcipuis Europæ familiis, inter quos ipse etiam est modernus Augustissimus Imperator, descendant. Neque alio jure hæreditario ii, qui hoc sæculo, quo vivimus, Angliæ clavum tenent, nisi ex Maria Stuarta ad se derivato, initi possint. Si igitur rei veritas & innocentia illius nullo apud Protestantium pennas est loco, respectus tamen tot Principum Catholicorum & A Catholicorum eos coëcere deberet, ne stirpem tam vitiosam & abominandam eis obtrudant. Verùm istis solis omnia licent. Catholica fuit Maria, Elisabetha nullius fidei, certè A catholica. Hoc sufficit.

BIBLIOPOLÆ LECTORI.

Index generalis in totum hunc Apparatum Eruditionis: sat locuples Parti VIII. Statum Regnorum ecclesiasticum & politicum Sæc. XVII. & XVIII. exponenti, in fine adjungetur.





93-B74-292



